


Costa Rica

Suffolk Institute of Archæology
and Natural History.

LIBRARY.

MOYSES HALL, 1903.



Postala Sögur

WpöE MotzoE

POSTOLA SÖGUR.

LEGENDARISKE FORTÆLLINGER

OM

APOSTLERNES LIV

DERES KAMP FOR KRISTENDOMMENS UDBREDELSE
SAMT DERES MARTYRDØD.

EFTER GAMLE HAANDSKRIFTER

UDGIVNE AF

C. R. UNGER.

UDGIVEN SOM UNIVERSITETSPROGRAM FOR ANDET SEMESTER 1873.

CHRISTIANIA.

TRYKT HOS B. M. BENTZEN.

1874.

POSTOLA SÖGUR.


LEGENDARISKE FORTÆLLINGER

OM

APOSTLENS LIV

DEES KAMP FOR KRISTENDOMMENS UDBREDELSE
SAMT DEES MARTYRDOM.

PETER GAML



23366

ENDIGEN FOR UNIVERSITETSPROGRAM FOR VANDY SEPTEMBER 1973

CHRISTIANITY

TRYKT HOS R. M. BENNETT

1874

SAGAS DES APÔTRES.

RESUMÉ DE LA PRÉFACE.

Entre nos sagas légendaires celles des apôtres occupent une place considérable. Elles dérivent sans doute des sources latines et plusieurs d'entre elles ayant survécu dans des manuscrits qui datent environ de l'an 1200, on a sujet de supposer que la plupart en ait déjà vu le jour dans la dernière moitié du douzième siècle. Dans le siècle suivant (le treizième) beaucoup en ont subi des remaniements et ont été considérablement élargies par des extraits tirés des commentaires du nouveau testament et des ouvrages encyclopédiques du moyen âge, tels que l'Histoire Scholastique de Pierre Comestor, le Miroir Historique de Vincent de Beauvais etc. Il a été le but de l'éditeur du présent ouvrage de réunir toutes les rédactions différentes de ces sagas, et à cet effet il a exploité plus de vingt manuscrits, dont il a donné la description dans la préface en tâchant de déterminer leur âge et d'éclaircir leur rapport mutuel.

PT
7300
45

F O R O R D.

De her udgivne Apostelsagaer grunde sig paa latinske Kilder. Da flere af dem, dels nogenlunde fuldstændigt, dels i Fragmenter, ere os levnede i Haandskrifter, der ikke kunne være fra en senere Tid end Aar 1200, har man god Grund til at slutte, at de allerede i det 12te Aarhundredes sidste Halvdel, hvad deres væsentligste Indhold angaar, have været til. Siden ere de i nye Bearbejdelser blevne forøgede med nyt tilkommet Stof, og disse senere Recensioner ere da tilblevne i Løbet af det 13de Aarhundrede, og flere af dem vel i dette Aarhundredes sidste Halvdel.

Et nøiere Kjendskab til Apostlernes senere Skjebne maa have ligget den tidlige Kristenhed stærkt paa Hjerte, og da det Lidet, det ny Testamente herom meddeler, ikke har været tilstrækkeligt, har Traditionen traadt til og søgt at raade Bod paa dette Savn, saaledes at der tidligt i Folkemunde maa have dannet sig Sagn om dem, om deres Bestræbelser for Kristendommens Udbredelse i de forskjellige Lande, og om deres Martyrdød. Disse Sagn ere da senere blevne optegnede og stadig forøgede, indtil de have antaget den Form, hvori de nu foreligge i græske Bearbejdelser. Allerede i det 6te Aarhundrede synes disse at være overførte paa Latin, og fingeres i Fortalen til den latinske Text at skyldes en hebraisk Original af Abdias, første Biskop i Babylon (om ham i Saga Simonis ok Jude S. 787), og at være oversat paa Græsk af dennes Discipel Eutropius, samt igjen fra Græsk paa Latin af Fortalens Forfatter Julius Africanus. Denne Bog er flere Gange trykt i det 16de Aarhundrede, saaledes i Paris 1571 in 8^{vo} under

følgende Titel: „Abdiæ Babylonix primi episcopi ab apostolis constituti, de historia certaminis apostolici, libri X, Julio Africano interprete, og blev optagen i „Fabricii Codex Apocryphus Novi Testamenti, Hamburgi 1703.“ Denne Bog har naturligvis udgjort et vigtigt Grundlag for disse Postola Sögur, men som Hjælpekilder have da ogsaa de sædvanlige middelalderiske encyclopædiske Haandbøger været benyttede, Peter Comestors Historia Scholastica, Speculum Historiale af Vincentius Bellovacensis, Speculum Ecclesie o. lign. foruden flere af Kirkefædrenes Skrifter og Commentarer til den Hellige Skrift. Nøiagtig overalt at paavise disse Kilder, vilde overskride baade Udgiverens Evner og Hjælpekilder, og da Bogen i og for sig er bleven temmelig stor, maa disse Forord indskrænke sig til at omfatte, hvad der nødvendigst vedkommer Udgaven selv og de Haandskrifter, der ligge til Grund for samme.

Før de enkelte her trykte Sagaer og de ved hver af dem benyttede Haandskrifter omtales, vil det være hensigtsmæssigt foreløbig at give en Beskrivelse af de 7 Codices, der have indeholdt mere eller mindre fuldstændige Samlinger af Apostelsagaerne. Det bemærkes, at Haandskrifterne, hvor ikke andet anføres, findes i den Arna-Magnæanske Samling i Kjøbenhavns Universitetsbibliothek.

1.

Codex Scardensis har indeholdt den fuldstændigste Samling, og den har tillige havt flere af Sagaerne i den vidtløftigste Recension. Originalen eksisterer desværre ikke mere, men Arne Magnusson har i sin Tid under sit eget Tilsyn ladet tage en særdeles god Afskrift af den og fordelt den i 3 Bind (No. 631, 636 og 628 qv.), saa at Tabet for saa vidt ikke er meget stort. Den har efter Arnes Antydning været en tospaltet Pergamentsbog, i Folio, og, at slutte fra Indholdet af det i Jons og Jacobs Sagatabte Blad (S. 639¹⁴—643¹¹), har hver Spalte næsten indeholdt saa

meget som en Side i nærværende Udgave, den har saaledes været omtrent af samme Størrelse, og, hvad den største Del af Bogen angaar, sandsynligvis af samme Alder som Membr. 234 Folio (jvf. Guðbr. Vigfusson Biskupa Sögur I S. XXXV), omtrent fra Aar 1325. Navnet har den af Skard paa Skardstrand ved Bredefjorden paa Island. Den Orden, hvori Sagaerne have fulgt paa hinanden i denne Codex, er tagen til Følge i denne Udgave.

Bogens Indhold har da været: 1) Peters Saga (her trykt som den første Bearbejdelse af denne Saga S. 1—126); 2) Paulus Saga (S. 236—279); 3) Andreas Saga S. 389—404); 4) Johannes og Jacobs Saga (S. 536—711); 5) Thomas Saga (712—727); 6) Philippus og Jacobs Saga (S. 740—743), 7) Bartholomæus Saga (S. 744—752), 8) Mathias Saga (S. 775—778), 9) Simons og Judas (S. 779—789) og 10) Mathæus (797—807). No. 1 og 2 indeholdes i Cd. 631 qv., No. 3 i Cd. 628 qv., No. 4 i Cd. 636 qv., No. 5—10 samtlige i Cd. 628 qv.

Den ældste og største Del af Codex (1—4) har havt en jævn og god Orthographi, har adskilt d og ð, for den sidste ofte þ, har havt nogle Eiendommeligheder tilfælles med adskillige i Norge skrevne Bøger, saasom mið (vi to) = við, det samme Forkortningstegn for r finale som for er, hvor islandske Haandskrifter fra en senere Tid gjerne bruge Forkortningstegnet for ur, dog har den ikke adskilt æ og œ, men betegnet begge Lyd med æ. De under 5—10 anførte Partier af Bogen have været med en anden og yngre Haand; denne bruger sjelden ð, betjener sig hyppig af en eiendommelig Snirkel over Vokalerne e, æ, a og o; dette har dog af typographiske Hensyn ikke kunnet gjengives i Udgaven, undtagen ved o, hvor det er opfattet som ð, rigtigst havde det vel været ogsaa her at lade den ubetegnet, thi det har vistnok ikke været Afskriverens Mening, at stöd og iökt skulde betegne stöd og iökt. Til denne Egenhed er intet Hensyn taget i Varianterne, hvor et andet Haandskrift ligger til Grund.

2.

Membr. 652 qv. er kun levnet i Fragmenter, den har nemlig nu ikke mere tilbage end 14 Blade. Det er dog saa heldigt, at

Bogen er bleven afskreven, medens den endnu var hel, ved Midten af det 17de Aarhundrede, og denne Afskrift er Cd. 630 qv. Den Orden, hvori Originalen har havt Sagaerne, kan man ikke med Bestemthed vide, da Afskriveren i dette Punkt ikke ganske har fulgt sin Original. Af de levnede Blade kan man imidlertid see, at Bogen har havt Mathæus Saga sidst og umiddelbart foran denne Simon og Judas, ligesom Scardensis, og at Bartholomæus Saga har fulgt efter Jacobs. Peters Saga, hvoraf intet Brudstykke er levnet, har efter al Sandsynlighed staaet først, ligesom i Scardensis; havde den staaet midt inde i Bogen, hvilken Plads Afskriveren af 630 qv. har tildelt den, vilde der utvivlsomt have været nogle Blade tilovers af den som den længste, thi af de øvrige, med Undtagelse af Philippus og Jacobs samt Mathias Saga, som dog forholdsvis kun have optaget liden Plads, findes der Blade tilbage, hvilke af Bogbinderen vilkaarlig ere indheftede. Denne Bearbejdelse af Apostelsagaerne har ikke medtaget Paulus's Saga, og, naar man undtager Thomas, Bartholomæus, Simon og Judas, og Mathæus Sagaer, har den de øvrige i en fra Scardensis meget forskjellig Form.

Denne Membrans Alder maa man vel henhøre til Slutningen af det 13de Aarhundrede. Den skjelner temmelig nøiagtigt mellem æ og ø, betegner det sidste ved ø, hvilket Tegn undertiden bruges = ö, der dog sædvanlig skrives ö; gjør en overdreven Brug af æ = e, navnlig i Diphthongerne æi og æy, omvendt anvender den, skjønt sjeldnere e = æ, f. Ex. litilleti o. lign. Præpositionen fyrir skrives dels saa, og dels fyr; v bruges oftest baade for u og v (disse to Bogstaver ere i denne Udgave adskilte, uanseet Haandskrifternes vaklende Brug); Diphtongen au skrives dels saaledes, dels a v, dels sammendraget av. Af og til ere Bogstaver udeglemte, og disse ere ofte i senere Tider blevne tilføiede, saaledes er sialfur S. 437¹⁰ fremkommen derved, at der oprindeligt har staaet feilagtig sialf, og dette har en senere Haand rettet ved at skrive Forkortningstegnet for ur over.

De af Membranen tiloversblevne Blade ere trykte umiddelbart efter den fuldstændige Text, hvortil de høre. De første

4 Blade af Johannes Saga ere meddelte som Fragment *A* (S. 436—443); de ere parvis sammenhængende, dog ere de to første, 1, af Bogbinderen satte sidst og derfor paginerede 5—6, 7—8, derimod de sidste, 2, stillede først og derfor paginerede 1—2, 3—4. Det 5te Blad (pagineret 9—10) af Jacobs Saga, er trykt S. 521²⁹—523¹², det 6te Bl. (pagineret 11—12) indeholdende Slutningen af Jacobs Saga, S. 524—¹⁵—³⁸, samt Begyndelsen af Bartholomæus, S. 754¹¹—755¹⁵, det 7de Bl. (pag. 13—14) af Andreas Saga, Fragn. I S. 343¹⁶—345¹⁶, det 8de (pagin. 15—16) Fortsættelsen af Bartholomæus Saga S. 755¹⁷—757², 9de Bl. (pag. 17—18) af Thomas Saga, S. 727⁸—728³³, 10de Bl. (pag. 19—20) af Simon og Judas Saga, S. 789²⁰—791²⁸, 11te Bl. (pag. 21—22) Slutningen af Simon og Judas 791⁶—791²⁸ og Begyndelsen af Mathæus S. 807⁷—808¹³, 12te Bl. (pag. 23—24) og 13de Bl. (pag. 25—26) Fortsættelse af Mathæus (S. 808¹⁵—811²⁹), 14de Bl. (pag. 27—28) indeholder Slutningen af denne Saga 811³¹—813⁵.

Den fuldstændige Text er meddelt efter 630 qv., der paa sine Steder er jevnført med 659 qv., der indeholder enkelte Fragmenter paa Pergament af en Afskrift af 652 qv. omtrent fra Aar 1600. Man maa sige om Afskriveren af 630 qv., at han temmelig samvittighedsfuldt har fulgt sin Original, han har jo rigtignok som alle den Tids islandske Afskrivere sædvanlig moderniseret Orthographi og Sprogform, men har dog undertiden ogsaa bestræbt sig for at beholde de gamle Former, af og til brugt ø (d. e. œ) undertiden skrevet o, sommetider synes han endog at ville overbyde sin Original ved Former, som efter hans Mening skulde give Spro-

- 1 Denne Afskrift er, efter en foran i Bogen indheftet Seddel med Arnes Haand, tagen af Steindor Ormsson, og gik i Arv til dennes Søn Jon Steindorson, af hvis Kone Jorunn i „Ytra Hiardardal i Önundarfirde“ Arne købte Bogen 1710. Halldor Bjarnarson i Breidadal, der selv eiede en Afskrift af 630 qv., fortalte Arne, at Steindor Ormsson havde skrevet denne Bog efter en Membran, der eiedes af Sigmund Gudmundsson „á Selialandi í Skutilsfirði“, og at denne Pergamentsbog senere var bleven sønderlemmet og brugt til Skolæder, en Skjebne der har rammet saa meget gammelt Haandskrift paa Island; heldigvis er dog her 14 Blade blevene reddede fra Ødelæggelsen.

get et rigtigt antikt Præg (f. Ex. kvameþ = komit, framask (!) = framast, Superlativ af fram), men som dog aldrig have været brugelige i det gamle Sprog. Endnu et Skridt videre gaa Afskrifter af 630 qv., som ligge til Grund for den paa Island trykte Udgave af Postola Sögur¹, hvor man endog finder þauk, en pseudo-antik Form for det ny-islandske þaug (det gamle þau), der er dannet i Analogi med mik, mjök = det senere mig, mjög o. lign. Man vilde gjøre Afskriveren af 630 qv. storligen Uret, hvis man vilde skrive paa hans Regning de mange Feil, der fra Afskrift til Afskrift er gaaet over i den islandske Udgave. Interessant er det i saa Henseende at sammenligne 629 qv., der er en Afskrift paa anden eller tredie Haand af 630 qv. Blandt Beviserne for at 630 ligger til Grund for de Afskrifter den islandske Udgiver har betjent sig af, kan anføres et temmelig slaaende. I Johannes Saga I, S. 418²⁸ forekommer Ordene kvamu Johannis; her har Originalen 652 qv. kvamo (S. 437¹²), og Afskriften 630 qv. kuamu; men noget fedtagtigt ved Papiret paa dette Sted i 630 qv. har bevirket, at Blækket har flydt ud, saa at man ved en flygtig Betragtning af Ordet kuamu kunde tage a for æ og m for nt, og saaledes læse qvænto, og dette forunderlige Ord staar virkelig i den islandske Udgave S. 72²⁹ og i 629 qv. Hvad man med Grund kan anke over hos Afskriveren af 630 qv. er, at han, som vel de fleste den Tid gjorde, undertiden naar Skriften i hans Original var dunkel eller vanskelig at læse, har udfyldt Meningen efter eget Hoved, selv hvor Membranen med nogen Anstrængelse godt havde ladet sig læse. Nærværende Udgiver har søgt at føre Haandskriftets nyislandske Form tilbage til den gamle, han har saaledes adskilt æ og ø, men dog ikke fulgt Membranen i Brugen af æ = e.

¹ Denne Udgaves Titel er: Hér hefst Tíu Sögur af þeim heilögu Guds Postulum og þínslar vottum. Samanskriðadar af sannferðugum historíu skrifurum, þeim til fróðleiks og nytsemdar er þvílíkt yðka vilja. Videyar Klausari, 1836. Prentadar á Forlag Studiosi P. Jónssonar, af Bók-þryckjara Helga Helgasyni.

For at levere en Prøve paa Orthographi og Sprogform i 630 qv. meddeles her nedenfor efter dette Haandskrift Brevet fra Jarlen i Ephesus til Keiser Domitian af Johannes Saga (S 417³⁸—418¹⁹). Her har man tillige Anledning til at sammenligne Afskriften med Fragmentet af Originalen 652 qv. (S. 436¹⁶—437³).

Hinum mylldasta keisara og synum drottni domiciano sender jarll Effesio¹ kuediu. Vier vilium kinna ydar hinne hæstu dijrd, ad hingad æ Asia er komenn eirnn madr af kine ebreskra manna, [og kenner² folkinu ad trua ä Jesum Christum hinn krossfesta, og þad sannar hann [med mörgum jarteiknum.³ Allann atrunad goda vorra þeirra er vier higgium [almattk og osigrud⁴ onyter hann, og þau enn göfuglegu hóf [vor ers alla æfi hafa stadid þa brytur hann nidr. Er þessi fiolkunnugi galldra madr gagnstadlegr ydru bodordi og hefur nu af sinne fiolkyngi og viel bóðum snuid mestum hlut borgar lydsinz j Effeso til dyrkunar vid hinn krossfesta mann hinn dauda. Nu firer þa sauk ad vier hófum mikid æstryki ä odaudlegum godum og berum þar firer mikla vmvandan, þa budum vier ad leida hann firer vora domstola, og logdum stund ä med blydum ordum og strydum ad minna hann a ad neita drottne gudi synum Jesu Christo epter ydru bodordi, og lietí af ad boda nafn hans, en færði þuilykar

¹ Afskriveren har her overseet Forkortningstegnet for rum, der er knyttet til o; isl. Udg. har rettet til i Epheso.

² [saaledes efter Gisning 630 qv., den isl. Udg. retter til sem kennir; Membranen har, lidt utydeligt men aldeles sikkert: sa er Johannes heitir, hann boðar.

³ [Efter Gisning 630 qv.; samme Læsemaade isl. Udg.; Membranen har: at Jesus [er sannr guðs] son lifanda, hvor kun de indklamrede Ord ere usikre.

⁴ [saaledes efter Gisning 630 qv.; isl. Udg. har forandret osigrud til osigrandi; Membranen har, noget utydeligt men aldeles sikkert: at alldrege mætti sigroð verða, þa.

⁵ [Gisning for er naliga, der er aldeles sikkert i Membranen.

förner almattkum godum vorum, enn er vier máttum med önguum hætti þessu til leidar koma vid hann þa lietum vier rita bref þessi, og sendum sydan ydru konglegu velldi ad huerke er ydari mikilmennsku lijkar ad giera af þessum hinum ohlydna manne er fir var nefndr, þa lætid ydr soma ad giora oss það i kunnleika, þoo ad vier syeum laagier hiä ydr, lifid heiler.

Det samme lyder i den islandske Udgave, hvormed Cd. 629 qv. for det meste stemmer, saaledes:

Hinum vildasta keisara og drottni sínum Dómitianó sendir jall i Ephesó kvedju. Vér viljum kynna ydur hina hædstu dýrd, ad hín gadi i Asía er kominn einn madur af kyni ebreskra manna, sem kénir fólkinu ad trúa á Jesúm Kristum hinn krossfesta, og það sannar hann med mörgum jarteiknum. Allan átrúnad goda vorra, þeirra er vér hyggjum almáttk og ósigrandi, þa ónýtir hann; og þau gøfuglegu hof vor er alla æfi stadid hafa, þa brýtur hann nidur; er þessi fjølkunnugur galdramadur gagnstædilegur ydru bodi, og hefur nú af fjølkyngi sinni og vélbodum¹ snuid mestum hluta borgarlýdsins í Ephesó til dýrkunar vid hinn krossfesta dauda mann. Nú fyrir þa sök ad vér höfum mikid ástríki á ódaudlegum godum, og berum þar fyrir mikla umvöndun, þa budum vér ad leida hann fyrir vora dómstóla, og lögðum stund á med blíðum ordum og stríðum ad minna hann á ad neita drottni Gudi sínum Jesú Kristó eptir ydar bodi, og léti af ad boda nafn hans, en færði þvílíkar fórnir almáttkum gudum vorum. En er vér máttum med öngvum hætti þessu til leidar koma til (*Trykfeil for vid*) hann, þa létum vér rita bréf þessi, og sendum ydru konúnglegu veldi, til ad vita, hvad ydar mikilmennsku líkar ad gjöra þessum hinum óhlýdna manni, er fyrr var nefndur. Nú látid ydur

¹ Andre Afskrifter, der have foreligget den isl. Udgiver, have vélabrøgdum.

sóma að gjöra oss það í kunnugleika, þó að vér séum lágir hjá yður. Lifid heilir!

3.

Membr. 645 qv. Denne gamle Skindbog maa være skreven ved Aar 1200 (Jvf. Guðbr. Vigfusson, Fortale til Biskupa Sögur XLVIII, Konr. Gislason: Um Frumparta ísl. tungu LXII—LXVI). De af denne Bog her meddelte Sagaer findes der i følgende Orden: Clemens Saga (S. 126—151), Petrus Saga (S. 201—211), Jacobs Saga S. 524—529), Bartholomæus Saga (S. 757—762), Mathæus Saga (S. 813—823), Andreas Saga (S. 349—353), Paulus Saga (S. 216—236).

Denne Membran har mange Forkortninger og sammenslynger ofte to Bogstaver i én Figur, dette er især Tilfælde med af, an, ar, av, nd, ng, ns, de, dr. For Bogstaven f findes to Tegn, det ene har den latinske Form og staar paa Linien, det andet den angelsaxiske (det almindeligste i norske og islandske Haandskrifter), der drager sig under Linien. V brug s oftest for u og v, dog forekommer ogsaa u af og til; Vokalen u er overalt her i Udgaven adskilt fra Consonanten v. I enkelte Lydbetegnelser findes i dette Haandskrift en stor Vaklen, saaledes kan Ordet för skrives paa 6 forskjellige Maader: før, fôr, faur, favr, fæv, fa∞.

Et Særkjende for dette Haandskrift er følgende latinske Forkortningstegn: \bar{n} (d. e. non) = eigi, \bar{n} (d. e. nisi) = nema, s; (d. e. sed) = heldr, sic' (d. e. sicut) = sva sem, p' (d. e. post) = efter, l' (d. e. vel) = eða. At Skriveren her ikke ved Tegnet har tænkt paa den latinske Opløsning af Forkortningen antydes derved, at \bar{n} ogsaa kan betegne Verbet nema (at lære), s; ogsaa heldr Præsens af halda, og \bar{n} ogsaa eigi, Præsens Coniunctiv af eiga. Disse Forkortningstegn forekomme langt hyppigere end deres Opløsninger: Eigi findes saaledes helt ud skrevet kun tre Gange, to Gange alene, i Originalen 54¹¹, 91¹, og den tredie Gang Eigi \bar{n} (d. e. Eigi eigi) i Originalen 30²⁰, her i Udg. S. 134⁹, eige én Gang (Originalen 78¹), æig' én Gang (Orig. 11²⁶), eg' to Gange (57²⁵, 63), ellers overalt \bar{n} ; eða findes, saa vidt bemærket, kun én Gang, ellers l'; efter én Gang, ellers p'; sva sem to Gange

ellers sic'. Disse Forkortninger ere derfor overalt i Udgaven opløst'e, uden at der under Texten er gjort nogen Bemærkning derved. Hvor derimod andre latinske Ordformer forekomme, ere disse henviste til Noterne med et tilføjet *Cd.* (d. e. Codex), og deres Overssættelse sat op i Texten, dog ere i de sidst trykte Bartholomæus og Mathæus de latinske Ord beholdte i Texten. De saaledes hyppigst forekommende latinske Ord ere: dominus = drottenn, ipse = sialfr, sanctus = heilagr, discipulus = lærisveinn, pater noster = faþer várr, frater = broþer, mia (d. e. misericordia) = miskunn, opo (d. e. omnipotens) = almattegr; én Gang forekommer: nisi relinquat áþr alla gøfgon við idola S. 202²²⁻²³, af orþa ratione S. 202²⁴, verbis eius 202³⁶.

Bogen er med to forskjellige Hænder; den ene har skrevet de første 42 Blade, den anden begynder med 43de Blad (eller Side 85, hvor Andreas Saga efter en Lacune slutter og Paulus' Saga begynder) og gaar til Bogens Ende. De to Hænder afvige lidt fra hinanden i Retskrivningen. Den første Haand betegner stadig den reflexive Form af Verberne ved *sc* (*sk*), og anden Person Pluralis ligesom den neutrale Form af Perf. Partic. skrives i dette Tilfælde altid *zc*, f. Ex. *it finnezc* (S. 138³⁷), *ér mæltocz firer* (S. 136²⁴), *gleþezk ér* (S. 211¹¹), *hugþesc eki hafa scipazc* (S. 139¹¹). Den anden Haand bruger afvexlende *sc* og *z* i den reflexive Form. Lyden *æ* udtrykker den første Haand meget sjelden ved dette Tegn (f. Ex. *vénliga* S. 131¹), undtagen naar det sættes over Linien som Forkortninger: *v^æ* = *være*, *h^æþasc* = *hræþasc*, og bruger det da ogsaa gjerne for *rø*, f. Ex. *g^æþa* d. e. *græþa* = *grøþa*, *h^æa* d. e. *hræra* = *hrøra*; ellers betjener den sig af *ę* eller *e*; den anden Haand bruger afvexlende *æ*, *ę* og *e*, dog oftest det sidste. Den første Haand anvender altid *þ* baade i Begyndelsen af Ord og i Enden = *ð*; den anden Haand benytter *ð* paa en mindre sædvanlig Maade ogsaa i Begyndelsen af Ord: *ðvi*, *ðegar* o. lign. Ordet *byscop* findes saaledes helt ud skrevet én Gang (i Origin. S. 38²⁹) og er derfor overalt opløst saaledes, da dette synes at have været den i vort gamle Sprog hyppigst forekommende Form,

ihvorvel biscop staar i den sidste Linie af Thorlaks Jertegn umiddelbart foran Clemens Saga. Med Hensyn til Formen for Ordet Gud maa mærkes, at overalt hvor en hedensk Guddom betegnes, skrives goþ, altsaa solar goþ, skurþgoþ, goþa varra; ligesaa ved afledede Ord: godomr (d e. goþdomr), goþligr (divinus), goþlauston; menes derimod den sande Gud, skrives Ordet forkortet med et stort G og for at betegne Genitiv og Dativ sættes s eller e over G, og det er kun paa to Steder at Ordet skrives helt ud og da med Formen guþ, nemlig een Gang af anden Haand sidst i Paulus' Saga (her i Udg. S. 236¹⁶), og een Gang af første Haand i Clemens Saga (her i Udg. S. 142¹⁰); for den anden Haands Vedkommende (altsaa i Paulus' Saga og Slutningen af Andreas efter Lacunen S. 352) er der overalt opløst guþ, i det øvrige derimod, som er skrevet af første Haand, er Formen goþ bleven foretrukken.

Dette Haandskrift stemmer i de Sagaer, som det har tilfælles med 652 (630) qv., temmelig nøie med dette, og er derfor mestendels trykt som Tillæg dertil.

4.

Membr. 656 qv. Denne Pergamentsbog, der indeholder Fragmenter af Mariú Saga og Postola Sögur, er i senere Tid bleven sønderlemmet i fire Parter, hvilke, den Gang Bogen udgjorde et Helt, have været forbundne paa følgende Maade: 656 A¹ (Fragmenter af Mariú Saga), 656 C (Slutningen af Mariú Saga og betydelige Fragmenter af Peters og Paals Saga, trykt S. 283—318, og Begyndelsen af Jóns Saga), 656 A² (Fortsættelsen af Jóns Saga, trykt S. 445—454, og Mathæus Saga, trykt S. 825—834), 656 B (Fragmenter af Andreas Saga, 2 Blade, trykt som Fragm. II S. 345—348, Fragm. af Jacobs Saga 1 Blad, trykt S. 534—535, Fragm. af Thomas Saga, 3 Blade, trykt S. 729—734). Med Hensyn til Sagaernes Følgerække i denne Codex veed man altsaa, at Peters og Paals Saga har staaet først, derefter Jons, og umiddelbart efter denne Mathæus, men hvorledes de øvrige have fulgt paa hinanden, er usikkert, da de sidste 6 Blade have været løse og vilkaarligen ere sammenheftede. Bogen er vel skreven i Begyndelsen af det

14de Aarhundrede. Som særeget ved dette Haandskrift kan mærkes den hyppig forekommende Form *senir* = *synir*, Flertal af *sonr*, ligesaa at dette er det eneste af alle Haandskrifterne, der bruger Formen *postuli* = *postoli*¹.

5.

Codex 239 Folio. Denne Membran er skreven af to meget forskellige Hænder. Indholdet er:

1) Johannes og Jacobs Saga, samme Recension som Codex Scardensis og meget nøie stemmende med denne, og her i Udgaven (S. 536—699) betegnet *A*². Haanden synes at være den samme, som har skrevet Codex 226 Folio (Stjórn), adskiller som oftest æ fra ø, hvilken sidste Lyd den betegner ø, vakler i Enden af Stavelser mellem Brugen af ð og d. Sagaen begynder paa første Blads Bagside, har mange Defecter og udgjør nu 35 Blade.

2) Fragmenter af Jóns Saga baptista (her i Udgaven betegnet *C*). Begyndelsen mangler, og mellem de 17 tilbageblevne Blade er der mange Lacuner; der synes at mangle 2 Blade i Begyndelsen, og 12 paa forskjellige andre Steder; Sagaen ender paa Bagsiden af 17de Blad. Med denne Saga begynder den anden Haand i Codex.

3) Peters Saga; begynder paa samme Side som den foregaaende ender; samme Recension som Scardensis, og her i Udgaven betegnet *A*³. Sagaen udgjør 33 Blade og er defekt i Slutningen, hvilken er bleven udfyldt paa vedheftede Papirplade efter Membr 639 qv.

4) Andreas Saga, 6 Blade; Begyndelsen mangler; den er i Udgaven betegnet *B*, se S. 324²⁷.

5) Pave Gregors Dialoger; 8 Blade, indeholdende Begyndelsen af disse.

6.

Fasc. 655 qv. XII, XIII A, XIII B; 6 store Pergamentsblade. Fragm. XIII A bestaar af 2 Blade, der have dannet det første og

¹ Syv Blade indheftede sidst i 656 C, skrevne i det 17de Aarhundrede, ere den oprindelige Codex uvedkommende; de synes at hidrøre fra slette Afskrifter af 645 qv. og 652 qv.; Indholdet er Fragm. af Jacobs, Bartholomæus og Simon og Judas; de ere ikke benyttede her i Udgaven.

sidste af et Læg eller Ark; det første Blad indeholder Slutningen af Peters Saga, det sidste Blad er Begyndelsen af Jacobs Saga. De indre tabte Blade have maaske indeholdt Johannes' og Andreas' Sagaer. Fragm. XIII B og XII ere 4 Blade af et Læg eller Ark, hvori XIII B¹ og ² have udgjort de ydre og XII¹ og ² de indre til dem stødende Blade; XIII B¹ indeholder Slutningen af Bartholomæus og Begyndelsen af Mathæus's Saga; XII¹ slutter sig umiddelbart til det foregaaende og indeholder altsaa Fortsættelsen af Mathæus' Saga, hvorefter det inderste af Lægget mangler, rimeligvis 2 Blade; XII² indeholder Slutningen af Mathæus og Begyndelsen af Simon og Judas, XIII B fortsætter den sidste. Denne Codex kan vistnok ikke være yngre end den sidste Halvdel af det 13de Aarhundrede; den skjelner nøiagtig mellem æ og ø og nærmer sig, hvad Retskrivning angaar, meget til den i Norge paa den Tid brugelige; den er dog uden Tvivl islandsk (jvf. især nærv. Udgave S. 215¹⁵), og beklageligt er det, at den kun er os levnet i Brudstykker. Skriften er paa sine Steder saa slidt, at den er aldeles ulæselig. Fragmenterne af Peters Saga ere trykte som IIB S. 211—216, Jacobs Saga som II S. 529—533, Bartholomæus Saga som II S. 762—766, Mathæus Saga som IV S. 834—841, Simon og Judas som II S. 791—797.

7.

Codex 236 Folio; en temmelig ung Pergamentscodex, skreven omkring Aar 1500. Den indeholder: 1) Johannes og Jacobs Saga, 536—673) her i Udgaven betegnet *C*. Den for dette Haandskrift særegne Afslutning af Sagaen er meddelt S. 672—673, hvorved man faar et Begreb om Afskriverens særegne Retskrivning; med Hensyn paa Sproget maa man lægge Mærke til, at han ved Enden af Sagaen ganske er falden ud af den gamle Sprogtone, og der er Grund til at antage, at han ikke blot er Afskriver men ogsaa Forfatter til denne Slutning. 2) Peters Saga = *B* Recensionen af Scardensis, er ikke benyttet i Udgaven. 3) Paulus' Saga (236—279), betegnet *D* her i Udgaven. Slutningen mangler, S. 263²⁷. 4) Saga Johannes baptista, i Udgaven betegnet *D*; med denne Saga slutter Codex.

Vi skulle nu gaa over til at omtale de enkelte Sagaer, hvoraf denne Samling bestaar, efter den Orden, hvori de her i Udgaven ere meddelte, samt de Haandskrifter, der ligge til Grund for hver enkelt. Foreløbig bemærkes, at alle Overskrifter i nærværende Udgave med store Bogstaver ere tilsatte af Udgiveren, de med liggende Skrift findes i Haandskrifterne.

PETRS SAGA POSTOLA.

I.

Til den her først trykte Recension af Peters Saga ere 6 Haandskrifter benyttede, hvilke efter deres indbyrdes Slægtskab falde i to Klasser *A* og *B*, hvoraf hver tæller 3 Codices, der i Noterne under Texten betegnes A^1 , A^2 , A^3 ; B^1 , B^2 , B^3 . For Kortheds Skyld har man brugt $A^{12} = A^1$ og A^2 , $B^{23} = B^2$ og B^3 o. s. v. Naar *A* eller *B* anføres uden tilføiede Tal, tilkjendegives, at alle til Klassen henhørende Haandskrifter ere enige om den anførte Læsemaade, og Forkortningen *övr.* (d. e. de øvrige) modsættes gjerne Læsemaaden i A^1 .

A^1 , Codex Scardensis (se ovenfor II, III), er lagt til Grund, som den, der har den bedste og constanteste Retskrivning og uden Tvivl ogsaa har været den ældste (den er, tilligemed Fragm. 658 *E* qv. det eneste af Haandskrifterne, der skjelner mellem *d* og *ð*); den er ogsaa fuldstændig og uden Lacuner. Dog har det været nødvendigt paa mange Steder, hvor alle de øvriges Samstemmighed er den imod, at henvise dens Læsemaader til Noterne, og paa enkelte Steder har den endog rene Skrivfeil, som Udgiveren ikke har kunnet indlade sig paa at angive. Som et Exempel herpaa kan anføres, at i første Linie paa første Side, hvor alle de andre Haandskrifter have rettlætis solin drottinn, har A^1 rettlætis solin skein, hvilket her er aldeles meningsløst. Som en Egenhed ved A^1 maa fremhæves de af og til forekommende latinske Ord, saaledes: benedictionem 65³⁸, carcer 69³⁸, 72^{38.39}, 73³⁶, in carcerem ductus 72³⁶, custodes 72⁴⁰, discipuli 79³⁶, magistri 81³⁸, veritatis 99³⁵.

A^2 , Membr. 639 qv.; den indeholder kun Peters Saga, er fuld-

stændig og sandsynligvis skreven i første Halvdel af det 15de Aarhundrede.

*A*³, Membr. 239 Folio (jvf. ovenfor XII), den ender med Ordene: Eptir þat villdi Flaccus (S. 106²⁷).

*B*¹ Membr. No. 19 qv. i det kongelige Bibliothek i Stockholm, indeholder kun Peters Saga og er sandsynligvis fra den sidste Halvdel af 14de Aarhundrede; den har en Lacune af 2 Blade (S. 51¹¹-54¹²) og er defekt i Slutningen, hvor den ender med Ordene þo at timinn (S. 125²⁵).

*B*², Membr. 621 qv., rimeligvis fra første Halvdel af det 15de Aarhundrede. Bogen har Lacuner paa følgende 6 Steder: S. 15²⁹-18³, 30³⁰-33², 50²⁰-52²², 85¹⁷-89⁹, 95³²-98²⁹, 106¹⁷-108¹⁵. De sidste Blade i Bogen optages af Peters Drápa, hvoraf en Prøve er meddelt i Gislasons „Fire og Fyrretyve Prøver af oldnordisk Sprog og Litteratur,“ Kjøbenhavn 1860, S. 557.

*B*³, Membr. 660 qv. fra Midten af det 15de Aarhundrede, er meget feilagtigt indbunden, har større eller mindre Lacuner paa 9 forskellige Steder og afslutter Sagaen med Cap. 123 (S. 110²⁰). Paa samme Side, hvor Peters Saga ender, meddeles følgende korte Beretning om Apostlernes Endeligt: Petrus ok Paulus voru pindir i Romaborg, var Petrus krossfestr en Paulus hoggvinn. Andreas broder Petri var ok krossfestr i borg þeiri er Patras heitir a Achialandi. Johannes ewangelista var uppnuminn a Asialandi i Effesoborg. Jacobus brodir Johannis var hoggvinn i Galilea i riki Herodes hins þridia. Jacobus annar brodir drottins vars hann var lostinn med vífl i Jorsolum a kirkiu, þa er hann taldi tru fyrir folki. Philippus a Tidia-landi(!) var grioti bardr a krossi ok uppnuminn. Bartholomeus var pindr, flegin hudin med hnifi ok hoggvinnsidan a enu yzsta Indialandi. Thomas var hoggvinn

1 Jvf. Arwidsons Catalog S. 27, hvor den kaldes „*Saga Krists ok kristninnar fram á daga Nerós keisara*, og hvor den uden Tvivl er gjort for ung ved at henføres til Aar 1450.

a audru Indialandi med sverdi. Matheus a Ethiopia-landi i borg Nadaber hann var pindr ok hoggvinn. Simon ok Judas voru bardir med kylfum a Kaldealandi, en færdir sidan i Babilonem.

Med Hensyn til Capitelinddelingen stemme alle Haandskrifterne, paa meget faa Undtagelser nær, og den samme Inddeling er tagen til Følge her i Udgaven. Capitlernes Overskrifter, der ere afvigende i de forskjellige Codices, ere, som af liden Betydning, ikke medtagne. Det første Capitel har Overskriften „Prologus“ i *A*³, *B*² og *B*³; de samme Haandskrifter sætte foran det næste Capitel: Her byriar (hefr) sogu Petrs postola, de andre have dels ingen Overskrift her, dels kan den ikke læses.

Foruden disse ovenfor anførte Haandskrifter findes ogsaa adskillige Membranfragmenter af denne samme Recension af Petrs Saga i Fasc. 653 qv, hvilke ogsaa ere jævnførte, og hvoraf nogle ere benyttede til Varianter; de fleste stemme med *B*-Klassen, kun et med Signaturen *E* slutter sig nærmere til *A*-Klassen, og dette havde maaske, paa Grund af adskillige Eiendommeligheder i Ret-skrivningen, fortjent at meddeles særskilt.

Som Tillæg til denne vidtløftigere Recension af Petrs Saga er meddelt den om Clemens Romanus efter 645 qv. (s. ovenfor IX-XI), dens Plads synes nemlig rettest at være her, da den for en Del i Sammenhæng fortæller Begivenheder, der i Petrs Saga omtales mere spredt, derved at de handlende Personer selv, Clemens, hans Fader, Moder og to Brødre, hver for sig, eftersom de optræde, fortælle sine Oplevelser. Fortællingen grunder sig dels paa de saakaldte Recognitiones, der tillægges Clemens selv, eller, som de ogsaa kaldes Clementis Romani de Actis Petri (her i Bogen, S. 142², kaldet Iterarium d. e. Itinerarium Petri), dels paa Martyrologium Sancti Clementis. Som Exempel paa hvor frit den latinske Original er behandlet, anføres her af denne hvad der svarer til Stedet S. 146³⁰-147⁶, hvor alle de Ukvemsord opregnes, der tillægges Clemens ligeoverfor de hedenske Guder: Dicunt ab ipso affici contumeliis et lacerari patrios deos, ut qui Jovem, omnium deorum maximum, ne deum quidem nomina-

ret; Herculem Alcmenæ filium (quem illi suum conservatorem aiunt) impurum quendam dæmonem et scelestum vocaret; carissimam et suavissimam Venerem meretricem induceret; atque optimam iaculatricem Dianam, sapientem Mercurium deum sermonis, bellicosum Martem, Saturnumque ipsum, ex æquo omnes infamaret atque criminaret. Summa hæc fuit orationis: aut diis sacra faciat et immolet, aut vita quam primum privetur.

Den som andet Tillæg trykte Fortælling om Pilatus er meddelt efter Mmbr. 226 Folio, Spalte 632-638 (betegnet *A*), jevnført med Membr. 225 Folio (betegnet *B*) og Membr. Fragm. i 229 Folio (betegnet *C*).

II. *A*.

Til Grund for denne Recension af Petrs Saga ligger Codex 630 qv. (jvf. ovenfor V), der i Noterne er betegnet *A*, hvor andre Haandskrifter ere benyttede til Sammenligning, men hvor Texten derimod kun beror paa dette Haandskrift og Rettelser ere foretagne i samme, er Haandskriftets Læsemaader i Noten betegnede med *Cd*. Fragmenter af en anden Afskrift af Originalen til 630 qv. (652 qv.) findes i Membr. 659 qv. fra Begyndelsen af det 17de Aarhundrede, der paa sine Steder er bleven jevnført; herfra skriver sig Læsemaaden formæli S. 199¹², hvor 630 qv. har formæle ndr. To gamle Pergamentsblade i Fasc. 655 qv. XVI A, ere benyttede S. 167—169 og S. 172—173. Fra Cap. 21 S. 181 er Varianter tagne af Membr. 235 Folio 1, betegnet *C*, hvori Slutningen af Petrs Saga findes. Den sidste Del af Sagaen fra Cap. 22 S. 182 er tildels en Oversættelse af den saakaldte Marcelli de mirificis rebus et actibus beatorum Petri et Pauli et de magicis artibus Simonis magi², der be-

1 Om denne Codex s. Vigfusson Biskupa Sögur XXXVII. Bemærkes maa, at Stykke 13), der i Catalogen benævnes Pals saga apostoli stutt, ikke er Paals Saga, men Sagaen om den hellige Dionysius (St. Denis).

2 Trykt hos Fabricius: *Codicis Apocryphi Novi Testamenti tertia Pars P. 632—653*.

gynder saaledes: Cum venisset Paulus Romam, convenerunt ad eum omnes Judæi, dicentes: Nostram fidem, in qua natus es, ipsam defende; non est enim iustum, ut tu, cum sis Hebræus ex Hebræis veniens, gentium te magistrum iudices, et incircumcisorum defensor factus, tu cum sis circumcisis, fidem circumcisionis evacues. Cum ergo Petrum videris, suscipe contra eum contendere, quia omnem observationem nostræ legis evacuavit: exclusit Sabbatismum et Neomenias, et legitimas ferias inanivit.

Som Tillæg S. 201—211 er meddelt Fragmenter af Petrs Saga efter den gamle Membran 645 qv. (jvf. ovenfor IX). Ingen Capitelaftdeling findes her i Codex, den er tilføjet for at lette Jævnførelsen med den fuldstændige Saga.

II B.

Dette Fragment af Petrs Saga (S. 211—216) findes i Fasc. 655 qv. XIII A, (jvf. ovenfor XII, XIII).

PALS SAGA POSTOLA.

I.

Denne første Bearbejdelse af Paulus Saga (S. 216—236) findes i Membr. 645 qv. (jvf. ovenfor IX, XI). Dens væsentligste Grundlag er Apostlernes Gjerninger. Da Paulus efter Legenden led Martyrdøden sammen med Petrus i Rom, er den sidste Del af hans Saga indflettet i dennes; herhen peger Slutningsordene S. 236¹⁶ svá sem sagt er í annarri sögu, hvorved menes Petrs Saga, som staar længere foran i Cd. 645 qv. To gamle Pergamentsblade i Fasc. 655 qv. XVI B, Fragmenter af samme Codex, hvortil de paa foregaaende Side anførte Blade af Petrs Saga have hørt, ere S. 223—230 benyttede til Varianter og betegnede *Fr.*

II.

Til Grund for den S. 236—279 trykte vidtløftigere Paulus' Saga er lagt Membr. 234 Folio¹, betegnet *A*, jævnført med Scardensis (ovenfor II, III) betegnet *B*, samt Membr. 84 octavo (fra Midten af 15de Aarhundrede) betegnet *C*, og Membr. 236 Folio (jvf. ovenfor XIII) betegnet *D*. Et manglende Blad i *A* (S. 267¹²—271¹⁸) er udfyldt efter *C*. Tillige er jævnført 2 Pergamentsblade og Fragmenter af et 3die i Fasc. 655 qv. XVII; det første Blad indfalder S. 260²⁵—263², det andet S. 271²⁷—274⁴, det tredie S. 276¹⁷—278³⁰; de to sidste ere Levninger af en gammel Codex, der synes at være skreven i Norge, den skjelner nøie mellem æ og œ, og den sidste Bogstav har den i norske Haandskrifter sædvanlige Form.

De som Anhang S. 279—283 meddelte Membran-Fragmenter findes i det norske Rigsarkiv.

TVEGGIA POSTOLA SAGA PETRS OK PALS.

Den her S. 283—318 meddelte Sammenstøbning af Petrs og Paulus' Saga findes i Mmb. 656 *C* qv. (jvf. ovenfor S. XI). Fortællingen er defekt, da der paa mange Steder mangler Blade. De i Klammer tilsatte Capiteltal er tilføiede overensstemmende med den ovenfor trykte Paulus' Saga I og Petrs Saga II A, for at lette Sammenligningen med disse.

ANDREAS SAGA POSTOLA.

I.

Til Grund for den her først trykte Bearbejdelse af Andreas Saga, S. 318—343, ligger Codex 630 qv. (jvf. ovenfor V). Enkelte Partier af Originalmembranen 652 qv. maa her have været vanskelige at læse, og Skriveren af 630 qv. har været mindre heldig med sine Gissninger. Det træffer sig dog her saa, at vor Saga paa dette Sted temmelig nøie stemmer med Acta Apostolorum Apocrypha, Fabricius I de S. Andrea, Cap. VI, hvorefter Texten nogenlunde

¹ Om denne Codex s. *Maríu Saga XI*, og fornemmelig Guðbr. Vigfusson, *Biskupa Sögur I*, XXXV.

lader sig forbedre. Stedet hvor disse Rettelser ere foretagne indfalder i Cap. 5 (S. 322 her i Udgaven), hvor Sostratus beklager sig for Andreas over sin Moder og (efter 630 qv.) siger, at hun er gaaet hen at ophidse Jarlen hans Fader imod ham. Jarlen omtales ellers ikke som hans Fader, og Latinen kalder ham *proconsulem provinciae*, og efter dette er her i Texten *iarl þessa heraðs* (S. 322⁵) sat isteden for *iarl foður minn*; for En ek veit, ef ek em asakaðr indtil at þu virðiz at biðia S. 322⁵⁻⁸, der er en Tillempning til den latinske Original, der lyder saaledes: *Et scio, cum accusatus fuero, quia nihil habeo quod ad hæc respondeam; satius autem duco vitam amittere, quam matris detegere crimen. Nunc autem hæc tibi confiteor, ut digneris pro me dominum exorare, ne innocens præsentī vita priver, har 630 qv. følgende: En eg veit ef hann truir ordum hennar, þa mun eg ei fa mig ad forsvara um þetta, því mier lijst hun ekki iarlinn miog, því hun fieck mig ei ad drygia þennan löst. En af því segi eg þier þetta, ad eg bið þig ad biðia o. s. v.; for menn iarlsins 322¹⁰ (lat. *ministri proconsulis*) har 630 qv.: *vinir sveinsins*; for rögði móðir son sinn 322¹³ (lat. *mater accusabat eum instanter*) har 630 qv.: *reiddiz modir sveinsins*; for gleymir astuð móðurligrar milldi 322¹⁴, støttet til Recension II S. 358¹⁷ (lat. *oblitus maternæ pietatis*) har 630 qv.: *gleymir þock sælld og þinnar milldi*; for let sveininn setja i myrkvafiotra ok bauð kasta a á nokkura S. 322²⁷ (lat. *puerum jussit in culleum parricidii recludi, et in flumen projici*) har 630 qv.: *let sveininn setja i mirkvafiotra² og**

¹ Saaledes har ogs. 629 qv.; den islandske Udg. retter: *gleymir farsældar þinnar og mildi*.

² For *myrkvafiotra* (lat. *culleum*, jvf. *huðkeipr* Recension II S. 358³⁷, *bikaðr seckr* Rec. III S. 393³³) har 629 qv. *myrkvastofu*; dette sidste har ogsaa den islandske Udg. S. 179, og Udgiveren har der for at undgaa Gjentakelsen af dette Udtryk, hvor Talen er om Andreas, omformet det hele saaledes: *lét setja sveininn i myrkvastofu*; og *Andream baud hann þar og inn ad setja, hafdi hann hugad honum hefnd nockra til bana*.

kasta æ d. nokkra. Da Jarlens Befaling at kaste Ynglingen i Elven ikke kom til Udførelse, er bauð indsat foran kasta rettest havde det egentlig været at sætte bauð isteden for let foran sveininn. I det foregaaende Capitel 4 S. 321³³ er følgende Læsemaade optagen efter et Pergamentfragment af Andreas Saga i Fasc. 238 Folio: þu byðr þeim er þer fylgia, at þei fai mer nogliga fe, sva at ek mega famer mat ok klæði, sem ek þarf (lat. ut jubeas his qui tecum sunt, tantum conferre pecuniæ, unde vestitum et victum comparem), hvor 630 qv. kun har: þer fait mer fenockut, þeir er þer fylgia, og klæði sem eg þarf.

Fra S. 324²⁷ hvor Andreas Saga begynder i Membr. 239 Folio (jvf ovenfor XII), er Varianter af dette Haandskrift, betegnet *B*, anførte under Texten.

Som Fragm. I S. 343—345 er trykt det eneste af denne Saga tiloversblevne Blad i Mmbr. 652 qv., og som Fragm. II S. 345—348 er meddelt to Blade i Mmb. 656 B. qv. (ovenfor XI).

Som Tillæg S. 349—353 ere Sagaen trykt efter Mmbr. 645 qv. (jvf ovenfor IX), hvor efter Lacunen (S. 352³⁶) den anden Haand i dette Haandskrift begynder.

II.

Den anden Bearbejdelse af Sagaen, S. 354—385, er trykt efter Mmbr. 646 qv. betegnet *A*, formodentlig fra første Halvdel af 14de Aarhundrede, jævnført med Mmbr. 647 qv. betegnet *B*, fra 15de Aarhundrede. To manglende Blade i *A*, S. 370, have tildels men ikke ganske kunnet udfyldes efter *B*, da denne ogsaa har en Lacune paa dette Sted, hvorfor et andet i *A* manglende Blad, S. 375, ikke har kunnet udfyldes. *B* har Lacuner paa 3 Steder. Den ved Slutningen af *A* ufuldendte Fortælling om Biskopen og Djævelen, der er defekt, er aftrykt som Tillæg S. 385—389, efter Mmbr. 657 B qv., en Bog der synes at indeholde Æventyr og Fortællinger fortalte af Biskop Jon Haldorsson, død 1339; se Keyser, Nordmændenes Videnskabelighed og Litteratur S. 468, 469.

III.

Den tredie Recension af denne Saga, S. 389—404, findes i Codex Scardensis (jvf. ovenfor S. II, III).

IV.

Den fjerde Redaction, S. 404—412, er tagen fra Memb. 625 qv.; om dette Haandskrift se Um Frumparta islenzkrar tungu (LVII) af Konr. Gislason, der henfører det til Slutningen af det 13de Aarhundrede.

JONS SAGA POSTOLA.

I.

Til Grund for denne Johannes Saga, S. 412—436, ligger 630 qv. og som Tillæg Fragment A, S. 436—443, ere de fire tiloversværende Blade af Mmbr. 652 qv. (Originalen til 630 qv., se ovenfor III—IV) trykte. Fragm. B, S. 443—445, er nogle Pergamentbladstumper i det norske Rigsarkiv, der have hørt til samme Haandskrift som Fragmenterne sammesteds af Thomas Erkebiskops Saga (trykte under Signaturen F S. 528—534 i Udgaven af denne Saga, Christiania 1869). Ved Hjælp af disse Bladstumper er en Mangel udfyldt i 630 qv., hvor paa Grund af Gjentakelsen af Ordet astgiof S. 414²⁹ og 414³¹ efterfølgende 3 Linier: heilags anda við postola indtil send astgiof ere oversprungne.

II.

Den anden Recension af Johannes Saga, 445—454, er meddelt efter Mmbr. 656 qv. (s. ovenfor S. XI).

III.

Den tredie Bearbejdelse af Sagaen, S. 455—465, findes i Mmbr. 623 qv., sandsynlig fra anden Halvdel af det 13de Aarhundrede. Om dette Haandskrift s. Gislason: Um Frumparta L—LVII. Mærkelig er den ikke saa sjældne Forvexling af *i* og *y* i denne Oldbog; dog synes Skriveren selv at have erkjendt dette som en Feil, da han flere Steder, hvor han først har skrevet *i*, senere har rettet dette til *y*. Disse Rettelser ere bemærkede i Noterne. I dette Haandskrift findes stadig den latinske Form for Bogstaven *f*, ikke den angelsaxiske.

IV.

Den fjerde Recension, S. 466—513, eller som den i Overskriften kaldes Litla Jóns Saga, er meddelt efter Mmbr. 649 qv. Denne Codex er sandsynligvis skreven ved Midten af det 14de Aarhundrede, naar undtages det femte Blad, der maa være fra det 16de Aarhundrede og senere er indskudt S. 469—70. Efter Bogens 2det Blad mangle fire S. 467. Paa sidste (48de) Blads Bagside findes nogle paa barbarisk Latin skrevne Vers til Johannes' Ære, der begynde saaledes:

Terrigene promant et olimphi turma Johann(i)

Dogmata mellifluo virginitate vir(o)

Nederst paa samme Side staar: Þenna bekling aa kirkia sels Johannis ewangelista er stendr at Hof[i] j Vatnz dal.

Som en orthographisk Særegenhed kan mærkes, at m foran n gjerne bliver til f, saaledes hifni Dativ af himinn, hifneskr = himneskr.

JACOBS SAGA POSTOLA.

I.

Den først trykte Recension, S. 513—521, er meddelt efter Cd. 630 qv., og dertil slutter sig Fragment, S. 521—523, af dennes Original Mmbr. 652 qv. (s. ovenfor III-VI). Som Anhang, S. 524—529, er Sagaen meddelt efter Mmb. 645 qv. (s. ovenfor IX-XI).

II.

Den anden Bearbejdelse S. 529—533 findes i Fasc. 655 qv. XIII B (s. ovenfor XII, XIII).

III.

Fragmentet af den tredie, S. 534—535, findes i Mmbr. 556 qv. (s. ovenfor XI).

TVEGGIA POSTOLA SAGA JONS OK JACOBS.

Til Grund for denne Sammenstøbning af de to Sagaer om Johannes og Jacob S. 536—711, ligger Codex Scardensis (s. ovenfor II, III) betegnet i Udgaven *A* (et Blad mangler S. 639¹⁴ 643¹¹), jævnført med Mmbr. 239 Folio (ovenfor XII) betegnet *A*², Mmbr. 236 iolio (s. ovenfor XIII) betegnet *C*, og Mmbr. 651 qv. betegnet *B*. Denne sidste er en liden Quart, der slutter midt i Ordet knappinn, S. 694²⁴, men forøvrigt er fuldstændig. Bag i denne Bog, hvor nærværende Saga afbrydes, ere indheftede 2 Blade af Johannes den Døbers Saga, der ere skrevne med en anden Haand, og muligens kun ved et Tilfælde her ere blevne indsatte. Som Eiendommeligheder for dette Haandskrift kunne mærkes skilldi = skyldi Imperf af skulu, midil = millim, firir, sjeldnere fyrir, altid hon ikke hun, de vexlende Former eda og edr, overalt v = u, Irael = Israel. Denne Codex er benyttet til at udfylde den sidste Del af Lacunen i *A* S. 642⁵ fra þann frida til ofagnadi, þar S. 643¹¹, hvor man altsaa har en Prøve paa dens Orthographi. Desuden er ogsaa benyttet Membramfragmenterne 653^b qv., to Blade af hver sin Codex henhørende til Sagaens Begyndelse, betegnede *Fr. I* og *II*, samt 9 levnede Blade af en anden Membran 653^a qv., betegnede *Fr. III*, og endelig to Blade 650^a qv., betegnet *Fr. IV*, hvoraf det ene har tjent til at udfylde den første Del af Lacunen i *A*, S. 639¹⁴—642⁵.

Efter Udtrykket S. 647¹⁵, sá er þessa sögu diktaði í latínu (den som forfattede denne Fortælling paa Latin), maa man tro, at en latinsk Original har dannet Grundlaget for nærværende Saga. Fragmenter af en saadan findes udgivet i Vetustius Martyrologium Romanum Lucæ 1668 S. 130, gjenoptrykt hos Fabricius, Codex Apocryphus Novi Testamenti III 604—623. Til Sammenligning med Fortalen her i Sagaen 536¹³ hidsættes Begyndelsen af den latinske:

Mellitus servus Christi episcopus Laodiceæ universis episcopis et ecclesiis Catholicorum in Domino æternam salutem. Volo sollicitam esse fraternitatem vestram de Leucio quodam, qui scripsit Apostolorum

Acta, Johannis evangelistæ et Sancti Andreæ vel Thomæ apostoli. Quædam de virtutibus quidem, quæ per eos Dominus fecit, vera dixit; de doctrina vero multa mentitus est. Dixit enim docuisse eos duo principia, quod execratur Ecclesia Christi, cum ipse S. Johannes apostolus in capite evangelii sui unum testetur principium, in quo semper fuerit verbum, a quo universa creata sunt visibilia et invisibilia. Leucius autem dicit eos docuisse duo principia boni et mali, et bona a bono, mala vero a malo principe substituisse.

Stoffet i Slutningen af Jacobs Saga er tildels hentet fra Karlamagnus Saga, man sammenligne saaledes Capp. 84—88 her med Agulandus þáttr Capp. 1—5, Karlam. Saga S. 264—268; Capp. 92 og 93 svare næsten ordlydende til Slutningscapitlerne i Karlam. Saga S. 553—555. Det S. 709 omnævnte Jertegn, hvor Klerkens Sjæl frelses af Jomfru Maria ved Johannes's Mellemkomst, findes i Maríu Saga S. 1060.

THOMAS SAGA POSTOLA.

I.

Thomas Saga, S. 712—727, er trykt efter 630 qv. (se ovenfor V) betegnet *A*, jævnført med Scardensis (s. ovenfor II) betegnet *B*. Det levnedede Blad af Membranen 652 qv. er meddelt 727—728.

II.

Af Sagaens anden Recension, S. 729—734, er der kun tilbage 3 Blade i Membr. 656 B qv. (s. ovenfor XI). Den mærkelige Angivelse af de forskjellige Dele, hvoraf det kongelige Palads skulde bestaa, S. 730²⁹, som mangler i I. S. 715, er hentet fra Ordericus Vitalis (s. Orderici Vitalis, *Historiæ Ecclesiasticæ libri tredecim*, ed. Augustus le Prevost, Parisiis 1838, I, P. 310), efter hvilken nedenfor meddeles, hvad der svarer til Stykket her i Udgaven S. 730 med Overskriften *Fra Thomasi*:

Cum venissent Hierapolim in India civitatem, ingressus Abbanes ad Gundaforum regem, nuntiavit Thomam adesse peritissimum artificem. Rex autem de fabricandō palatio cum eo tractavit, et ædificii locum illi ostendit. Thomas autem arundinem apprehendit, et metiendo dixit: Ecce januas hic disponam, et ad ortum solis ingressum: primo¹ proaulam, secundo salutatorium, in tertio consistorium, in quarto tricorium, in quinto zetas hyemales, in sexto zetas æstivales, in septimo epicaustorium et triclinia accubitalia², in octavo thermas, in novo gymnasia, in decimo coquinam, in undecimo colymbos et aquarum lacus influentes, in duodecimo hypodromum et per gyrum arcus deambulatorios. Rex autem considerans ait: Vere artifex es, et decet te regibus ministrare. Deinde infinitas illi pecunias relinquens, abiit.

TVEGGIA POSTOLA SAGA JONS OK JACOBS.

Den første Recension, S. 735—740, af disse Sagaer findes i 630 qv., den anden, S. 740—743, i Scardensis, med hvilken sidste er jævnført et Membr. Fragment i 238 Folio.

BARTHOLOMEUS SAGA POSTOLA.

Recension I, S. 743—754, er meddelt efter 630 qv. betegnet *A*, jævnført med Scardensis, betegnet *B*; dernæst er Fragmentet af Membr. 652 qv. trykt S. 754—757; derpaa er Sagaen som Tillæg, S. 757—762, meddelt efter Membr. 645 qv. (s. ovenfor IX). Recension II, S. 762—766, findes i Fasc. 655 qv. XIII. B (s. ovenfor XII-XIII).

MATHIAS SAGA POSTOLA.

Den første Recension, I, S. 767—775, er meddelt efter 630 qv.; det maa bemærkes, at Apostelens Navn skrives afvejlende

¹ i hus S. 730²⁹ bør skrives .i. hus d. e. fyrsta hus, han betegnede som det første Husrum, aulam, som det andet Salutatorium o. s. v.

² Her er i Udtrykket triclinia accubitalia (Løibænke) først triclinia stillet paa uret Sted foran .vii. epikastorium, og derpaa er for accubitalia læst .viii. (*d. e. atta*) capitalia, hvorved Oversætteren har faaet 13 Rum i Paladset istedenfor 12.

i Codex Matheas, Matheus og Mathias. Den anden Recension, II, S. 775—778 er trykt efter Scardensis, betegnet *A*, jævnført med Membr. Fragment i 238 Folio.

TVEGGIA POSTOLA SAGA SIMONIS OK JUDE.

Recension I, S. 779—789, er efter 630 qv. betegnet *A*, jævnført med Scardensis, betegnet *B*; Fragment S. 789—791 er Brudstykkerne af Mmbr. 652 qv. (Originalen til 630 qv.) Recension II S. 791—797 findes i Fasc. 655 qv. XII B og XIII B (se ovenfor XII, XIII).

MATHEUS SAGA POSTOLA.

I, S. 797—807, er trykt efter 630 qv., betegnet *A*, jævnført med Scardensis, betegnet *B*; dernæst er som Fragment S. 807—813, meddelt Brudstykkerne af denne Saga i Mmbr. 652 qv.; de S. 809 og 811 bemærkede senere gjorte Rettelser i denne Membran synes at hidrøre fra den samme, der har skrevet 630 qv., idet han nemlig under Afskrivningen af denne Bog efter 652 qv., tillige har indsat det efter hans Skjøn manglende i Membranen; paa det første Sted S. 809³⁵, har han truffet det rette ved efter helldr at supplere skulu þier, paa det andet S. 811² har hans Rettelse været meget uheldig, i det han efter Guð varr i steden for helgaði (i Latinen: Deus benedixit nuptias) har [indsat] getinn i, saa at han har opfattet Stedet som „Gud blev avlet i Ægteskab.“ Denne Læsemaade er gaaet over i hans Afskrift 630 qv., og saaledes ogsaa kommen ind i den islandske Udgave af Postola Sögur S. 220¹².

Den anden, II, Recension, S. 813—823, er [trykt efter den gamle Membran 645 qv. (s. ovenfor IX), og adskiller sig væsentligst fra den første ved Afsnittet om Paradiset, S. 815³¹—816²³. Dernæst meddeles S. 823—825 et mærkeligt Pergamentsblad i Fasc. 655 qv. IX C, der tilligemed to andre Blade A og B synes at være Levninger af en i Norge skreven Codex, som, hvad Haandskriften angaar, har haft noget tilfælles med Codex B af Fagrskinna (s. Facsimile i Udgaven af denne), saaledes angelsaxisk Form

af r og y og opretstaaende d, men har været ældre, da den har s - r i vas og lign. Dette Fragment er aftrykt med Originalens Interpunktion og eiendommelige Brug af de store Begyndelsesbogstaver.

No. III, S. 825—834, findes i Mmbr. 656 qv. (s. ovenfor XI). Ved Beskrivelsen af Paradis er Varianterne tagne af Scardensis, *B*. Slutningen mangler.

No. IV, S. 834—841, er trykt efter Fasc. 655 qv. XII, XIII (s. ovenfor XII, XIII); den er den eneste, som har indeholdt Apostelens Jertegn.

JONS SAGA BAPTISTA.

Uagtet Johannes den Døber ikke hører til Apostlerne, har dog hans Saga været optagen mellem disses i adskillige af de gamle Samlinger, den er derfor ogsaa medtagen her og stillet sidst, skjønt den vel strengt taget snarere burde have havt sin Plads foran Apostelsagaerne. Den første kortere Saga, S. 842—849, er trykt efter Mmbr. 625 qv., hvorefter den fjerde Bearbejdelse af Andreas S. 404—412 er meddelt, og følger i Haandskriftet umiddelbart efter denne; den er defekt i Slutningen.

Den vidtløftigere Recension af denne Saga S. 849—931, har en særegen Interesse derved, at Forfatteren navngiver sig som Præsten Grim i et Tilegnelsesbrev til Runolf Abbed i Ver, paa hvis Opfordring han har skrevet Bogen, idet han, efter eget Sigende, foruden Evangelierne benyttede Augustinus, Ambrosius, Hieronymus og andre Kirkefædre. Da Runolf Sigmundsson var Abbed i Ver fra Aar 1264 til 1306, og Præsten Grim Holmsteins-son efter Annalerne døde 1298, maa Sagaen altsaa være bleven til i anden Halvdel af 13de Aarhundrede mellem 1264 og 1298.

De hertil benyttede Haandskrifter ere:

1. Membr. 232 Folio, hvis Indhold er: 1) Barlaam og Josaphats Saga; s. Udgaven af denne Saga, Christiania 1851 S. XIX; 2) Mariú Saga; s. Udgaven af denne, Christiania 1871 S. XII; 3) Jons Saga Baptista; 4) Vitæ Patrum. Disse Sagaer ere alle skrevne af forskellige Hænder, og formodentlig paa Grund

af det overensstemmende Format, tospaltet Folio, blevne bundne i een Bog. No. 1 er uden Tvivl ældst og sandsynligvis skreven i Slutningen af det 13de Aarhundrede, de øvrige ere vel alle fra det 14de Aarhundredes første Halvdel.

No. 3, med en Haand ikke saa ulig den i No. 1 og smukkere end No. 2 og 4, udgjør 22 Blade med 35 Linier paa Siden, og er her betegnet *A* og lagt til Grund for Udgaven som det eneste Haandskrift, der indeholder Sagaen fuldstændig. Med Hensyn til Retskrivningen mærke man, at Skriveren i Steden for at fordoble Consonanterne *k*, *n* og *t* oftest betegner Fordoblingen ved en over Bogstaverne sat Punkt. Med Hensyn til *k* har han begyndt med at skrive *kk*, derpaa senere betegnet det *k'*, men endelig bleven kjed af denne Betegningsmaade, og tilsidst i Almindelighed kun skrevet enkelt *k* uden Punkt. Her i Udgaven er denne Bogstav altid bleven fordoblet uden Hensyn til den vaklende Brug i Haandskriftet. Ligesaa maa bemærkes, at i Endelsen ur findes Vokalen kun paa to Steder tilføiet nemlig i Ordet *gilldrur* (S. 912²⁴) og *pipur* (S. 914¹⁵), ellers skrives blot *r* f. Ex. *konr* = *konur*, *fauðr* = *fauður* o. lign. Dette er en Egenhed, som ogsaa er eiendommelig for den Uppsalske Codex af Snorra Edda. I Udgaven har man anseet det for rigtigst heri at følge de øvrige Haaadskrifers Sprogbrug.

2. Membr. 233 Folio betegnet *B*. Vor Saga begynder paa første Blads Bagside med Præsten Grims Tilegnelsesbrev; dette mangler i *A*, da det første Blad i Bogen synes at være udrevet, paa hvis Bagside sandsynlig dette Brev har staaet. *B* indeholder kun Fragmenter af denne Saga, nemlig 4 Blade og en halv Spalte af det femte, hvor Johannes Saga ender og Maríu Saga (s. Udgaven af denne S. XXII) begynder.

3. Membr. 239 Folio (s. ovenfor XII) betegnet *C*. Dette Haandskrift begynder med Ordene Af hveriu marki S. 853¹⁶.

4. Membr. 236 Folio (s. ovenfor XIII) betegnet *D*. Den begynder S. 903¹ var þo sialfr.

5. To Blade indheftede ved Slutningen af Membr. 651 qv. (s. ovenfor XXIV) betegnede *E*, S. 924¹⁴—925²⁸ og 928¹⁸—929³⁰.

Naar de øvrige Haandskrifter svigte, saa at *A* er det eneste Grundlag for Texten, har det oftere været nødvendigt at foretage Rettelser i denne; i dette Tilfælde er *A*'s Læsemaade anført nedenunder ved Signaturen *Cd.* (d. e. Codex), for strax at gjøre Læseren opmærksom paa, at man her kun har eet Haandskrift, og at den i Texten optagne Læsemaade her er en Conjectur. For Ex. S. 885²⁴ er *sealfkrafa* en Rettelse af Udgiveren for *sealfa* *krapta*, som er Haandskriftets Læsemaade; samme Side Linie 21 staar i Haandskriftet efter *lata* i et *p'*, hvilket er den sædvanlige Forkortning for *pat*, da dette ligesaa lidt her som Linie 24 efter Johannes synes at give nogen Mening, maa det ansees for en Feil af Afskriveren, og er derfor bleven henvist til Noten med et *tilf.* *Cd.* (d. e. tilføier Codex eller tilføies i Codex). Paa det første af disse Steder er det muligt, at *p'* kunde være en Skrivfeil for *p'na*, d. e. *penna*, og at man altsaa burde læse i *penna heim*.

Ved Slutningen af disse Forord maa Udgiveren med Taknæmmelighed erindre alle Funktionærer ved Universitetsbibliotheket i Kjøbenhavn for den udmærkede Velvillie, hvormed de imødekom ham under hans Ophold der Vinteren 1870—1871, da han samlede Materialet til dette Arbeide, og særskilt maa han nævne Bibliothekaren for den Arna-Magnæanske Samling, Hr. Gundorph, som paa enhver Maade søgte at lette ham Benyttelsen af de litterære Skatte, der ere stillede under hans Varetægt.

Christiania, Marts 1874.

C. R. U n g e r.

P O S T O L A S Ö G U R.

POSTOLA SÖGUR.

PETRS SAGA POSTOLA.

I.

Prologus.

I þann tíma sem sialf rettlætis solin drottinn Jesus Krístr hafði huldán sinn haleita guðdom með því skyi¹ mannlígs líkama, sem hann tók af hinni alskíru mey² Maríu, til þess at hinn usynlígi guð mætti monnum synlíga birtaz ok gera allt mannkyn, þat
5 sem hans kenning villdi hafa³, luttakara eilífs lífs fyrir sinn stundlígan dauða, at ríkianda í hinni hæstu höfuðborg heimsins⁴ Tiberíó cesare⁵, en æ Jorsalalandi Herode tetrarcha ok bróður hans Philíppo, ok þar með Poncíó Pilato, sva ok Lisanía, þeim⁶ er í guþspíallínu ero nefndir, fædduz⁷ bræðr .ii. Símon ok Andreas í
10 þeiri borg er Capharnaum heitir. Faðir þeíra het Jóhannes, [fatækr at femunum en frægr at goðum verkum. Þeir voru⁸ fiskimenn at iðn ok fylgðu um stund⁹ sælum Jóhanne baptista heyrandi hans haleita kenning. Símon feck sva sem sannr vín laganna en uín saurlífs eiginkonu¹⁰, hana nefnir su bok, er heitir Eccle-
15 siastica Historia, Perpetuam. Hun var ættborin af þeiri borg, er

1 fatæka holldi B¹. 2 iungfru A¹. 3 hallda B. 4 sialfri Roma tilf. B
5 keisara A² B¹. 6 höfðingjum tilf. B. 7 upp tilf. B. 8 [þeir voru
fatækir at femunum en auðgir at goðum verkum B. 9 hrið B. 10 saal.
A¹; eiginnar konu øvr.

Bethsaida heitir, ok þaðan af er hun kollut borg Andree ok Petri, því at þeir höfðu þar stundum heimili. Þat finnz ok ritat, at su mæ, sem Petronilla er nefnd, hafi verit dottir Simonis þessa sama, sem nu skal fra segia.

1. Hinn sæli Johannes ewangelista hefir þat upphaf at segia 5 fra þessum bræðrum 2, at æ einum degi, þa er sæll Johannes baptista stoð i þeim stað, er hann veitti monnum skirn i Jordan, sa hann varn herra Jesum Kristum koma til sin, ok mællti sva til hans: „See her lamb guðs, þat er tekr syndir af heiminum“, birtandi 3 þenna sama Jesum mundu sinu signaða bloði ut hella til hialpar 10 ollum heimi. Þessi orð hins signaða Johannis heyrðo .ii. hans lærisveinar, ok var annarr þeira fyrr nefndr Andreas 4 broðir Simonar, en annarr er eigi nefndr. Þeir sneru æ veg 5 með varum herra, [þa er þeir skildu við Johannem 6. Sem varr herra sa þat, mællti hann: „Hvern leitit þit?“ Þeir svoruðu: „Þik, meistari, 15 eða hvar byggvir 7 þu?“ Hann mællti: „Komit 8 ok siait.“ Þeir foru þa með honum at kennaz 9 við hann ok at sia bygð hans ok at heyra kenning hans, en foru heim at kvelldi til sinnar iðnar. Þessi sami Andreas for síðan at finna 10 broður sinn Simonem ok mællti við hann: „Við 11 höfum fundit Messiam 12 er Kristus er kallaðr.“ Ok eptir þat for Simon með honum til Jesum. Sem 13 20 Jesus sa hann, [tok hann sva til orða 14: „Þu ert Simon Johannis 15 son, þu kallaz Cephas, þat þyðiz Petrus.“ Eigi greina þat ritningar, hvart Simon atti aðr þau nofn eða gaf varr herra honum þau nu þessu sinni. [En þat er kunnigt 16, at Simon þyðiz 25 hlyðinn, en Petrus ok Cephas [þyðiz steinn 17; Cephas þyðiz ok höfuð at sögn Ysidori byskups, ok heyra þessar allar merkingar 18 storliga 19 vel sælum Petro. En þat 20 truiz, at þa hafi varr herra honum fastliga Petrs nafn gefit, er hann skipaði [hann fyrstan 21 i tolu .xii. postola. Eptir þat foru þeir bræðr til sinnar iðnar. [Um 30 morginninn 22 fann Jesus Philippum ok kallaði hann til sin, en Philippus kallaði með ser Nathanaelem 23 broður sinn. Gerðuz þeir bápir [eptir litinn tíma 24 vars herra lærisveinar.

1 atsetu *A*¹. 2 guðs vin Petro *B*. 3 birti Johannes *B*. 4 *Her indfalder en Lacune i B*³ 5 gótu *B*. 6 [at skilnaði þeira Johannis *B*. 7 *saal A*¹ 35 *A*³; byggir *A*² *B*. 8 komi þit *B*. 9 kannaz *B* 10 hitta *A*¹. 11 ver *B*. 12 meistara þann *A*¹ 13 Ok er *B*. 14 [sagði hann *B*. 15 Jons *B*. 16 [Hitt er vitað *B*. 17 [þyðaz steinar *B*. 18 þyðingar *B*. 19 haðla *B*¹. 20 hitt *B*. 21 [honum fyrstum *B*¹. 22 [Einn morginn snimma *A*¹. 23 *saal. B*; Matheam *A*. 24 [litlu síðar *B*¹; er litið leið *B*². 40

2. Nockuru síðarr for [varr herra¹ i Galileam. Ok eptir þau² brúðkaup³, er varr herra sneri vatni i vin, hof hann sina predikan opinberliga. [Einn tíma kendi hann⁴ kenningar við Galilee sio, þat er stöðuvatn, er Jordan fellr i, ok stundum tekr
5 nafn af nalægu heraði⁵, en stundum kallaz þat sior Tiberiadis⁶ af borginni Tiberias, er stendr við vatnit, stundum kallaz þat Genesareth af þeiri sinni natturu, er þat fellr með storum bylgjum af eiginni hræring utan⁷ nöckurn vinda⁸ hvassleik. Sem hann predikaði, þa þröngðiz folkit⁹ at honum. Þæ sa hann bata .ii. við
10 vatnit, ok steig hann æ [þann batinn¹⁰, er fyrr nefndr Simon atti, ok let fliota við landit. Þaðan predikaði hann, sva at eigi naði¹¹ folkit¹² at þröngva honum. [Sem hann lyktaði predikan sinni, þa¹³ bauð hann Simoni at roa ut æ diup skipinu ok verpa netium til fiskveiðar. Ok er þat var gort, luktum¹⁴ þeir inni sva mikla
15 gnott fiska, at netin slitnuðu. Þeir báðu þa Johannem ok Jacobum sonu Zebedei at hialpa ser, þvíat þeir voru þar a öðru skipi. Þessir menn komu til þeira skyndiliga ok hloðu bæði skipin, sva at driugum voru sockin. Simon fell þa til knia¹⁵ Jesu sva mælendi: „Herra, [far fra¹⁶ mer, þvíat ek em syndugr maðr.“ Jesus
20 mælti þa: „Hirð eigi þu at ottaz¹⁷, þvíat heðan af muntu mennina¹⁸ veiða.“ [Ok þegar i stað fengu¹⁹ þeir land tekit ok settu upp skip sin, ok fylgðu varum herra fra ströndu at eins, hverfandi aptr til sinnar iðnar ok atferðar. I þessum atburð ero miok lokkut hiortu syndugra manna til truar, iðranar ok hugar-
25 styrktar. Petr, sa er enn var eigi vorþinn Kristz lærisveinn ok Krist villdi fra ser reka, [berr liking þeira manna, er formenn vilja fra ser reka²⁰, at þeir þarniz þeira umvandan, ok [þvi helldr hafi þeir naðuligan frið²¹ i sinum syndum. En formenninir²² letta²³ þo eigi af at gefa þess hattar monnum hirtingar ok gera þa opt
o varnarmenn rettlætis, er aðr ero²⁴ motstöðumenn sanninda²⁵.

3. Nöckurum²⁶ dögum síðarr geck [guðs son²⁷ Jesus með fyrr nefndri siovarstraundu ok sa þa brædr Simonem Petrum ok An-

1 [Jesus B. 2 þat B. 3 brúðlaup B¹; brullaup A². 4 [Þa bar sva til at hann kendi B. 5 Galilee tilf. B. 6 dragandi þat heiti tilf. B. 7 fyrir utan B. 8 vindz A³. 9 mikit margmenni B. 10 [annan þann B. 11 naði B¹. 12 mugrið B. 13 [At lyktaðri predikan B. 14 luku A¹. 15 fota A¹. 16 [hialp A¹². 17 hræðaz B. 18 menn B. 19 [Jafnskiott gatu þeir B. 20 [synir þa menn, er forðazt vilja formenn kristninnar B. 21 [megi naðuligan frið hafa B. 22 þoat þeir se hataðir tilf. B. 23 lata A³; letu B. 24 voru B. 25 rettlætissins B¹, mgl. B². 26 Fam B. 27 [hinn sami B.

dream draga not¹ æ skipi til fiskveiðar. Hann kallaði þá sva mælandi: „Komit til min, ok mun ek lata yckr heðan af [verða fiskimenn manna.“ Þat er sva skilianda, at varr herra sagði sva, at „heðan af munut þit² mennina veiða helldr en fiska.“ Þeir fyrirletu þegar netin ok batinn fylgiandi honum [með öllu þaðan 5 af³. A þeim sama degi kallaði hann til sin fyrr nefnda bræðr Johannem ok Jacobum ok litlu síðarr Matheum, er Levi er kallaðr son Alphei, or tollaheimtu. Eigi er ritat, hversu aðrir postolar komu til hans. Eptir þat skipaði hann .xii. lærisveina iafnan með ser at vera, þa er hann kallaði postola sina. Setti hann fyrstan 10 af þeim Simonem, er hann kallaði Petrum, ok Andream bróður hans, þar næst Jacobum Zebedei ok Johannem bróður hans, þa Philippum ok Bartholomeum, eptir þat Thomam ok Matheum publicanum, þeim næst⁴ Jacobum Alphei ok Taddeum bróður hans, er Judas var kallaðr, síðarst kallaði hann Simonem Chananeum ok 15 Judam Scariothem.

4. A nöckurum tima kom Jesus i hus Petri. þat sem hann hafði i Capharnaum. En husfreyia hans var af Bethsaida, hennar [moðir var miok þrongd⁵ af riðusott, hana græddi Jesus sva skiott, at hon feck þegar⁶ fullkomna⁷ heilsu, [at biðjandum postolum 20 sinum⁸, ok þjonaði hun þeim síðan með fullkomnum fagnaði.

5. [Einn tima skyllaði Jesus⁹ lærisveina sina at fara fyrir ser¹⁰ hafleiði til Bethsaida, er fyrr var nefnd, ok biða sin¹¹, þar til er hann skildi fra ser [mugann, þvíat folkit villdi taka hann til konungs. En hann flyði¹² einn saman i fiall eitt at biðiaz 25 fyrir. Hann sa þaðan, at lærisveinar hans voru i miklum haska sakir [siofar ok storms ofrgangs¹³; því for hann til þeira, sva at hann geck æ sionum a [hinni fiórðu stund¹⁴ nærtr. Við þessa syn slo sva mikilli hræzlu æ þa, at þeir kaulluðuz æ fyrir otta sakir. Jesus talaði þa til þeira, [til þess¹⁵ at þeir mætti heyra ok kenna 30 mal hans, þvíat sakir myrkrz mattu þeir eigi kenna hann at syn. Hann mællti sva: „Verit hugrackir¹⁶, ek em¹⁷.“ Þat er sva at skilia: „ek em Cristr¹⁸ yðvarr meistari, þat sem þer siait, en eigi sionhverfing.“ Elligar mællti hann þessi orð sva sem minnandi

1 logn B. 2 [mgl. B. 3 [síðan B. 4 síðar B. 5 [moður var miok þrongt 35 A¹. 6 i stað B. 7 fullkomliga A¹. 8 [af þan postola sinna A¹. 9 [Sva bar til a nöckorum tima, at Jesus sendi B. 10 um tilf. B. 11 hans A¹. 12 [mug ok margmenn. En þvíat hann var viss vordinn, at folkit villdi taka hann til konungs, flyði hann B. 13 [storms ok siofar ofrgangs A² 3; stormviðris B²; storviðris B¹. 14 [hinum fiórða lut B. 15 [sva 40 B. 16 hugvaskir A¹. 17 her tilf. A¹. 18 Jesus B.

æ þat lærisveina sina, at þeir tryði hann hinn sanna¹ guð, þann sem forðum sagði sonum Israelis: Ego sum qui sum. Petrus mællti þa sakir heittrar truar, er hann hafði til vars herra: „Ef þu ert – [sem hann mællti þetta, ef þu ert? Jesus þat er ek se –
5 þa bioð þu, at ek ganga til þin yfir vötnin“. Ok þegar steig³ hann utbyrðis [ok geck⁴ yfir bylgiurnar. Ok er hann sa hvassan vind komanda⁵ i mot ser, þa ottaðiz hann ok tok at signa⁶ i sioinn. Jesus retti þa sina signaðu hond i mot honum ok reisti hann upp sva mælandi: „Þetta bar vitni um litilleik truar þinnar
10 ok efa hiarta þins, er⁷ þik dro i kaf.“ Jesus steig þa i skipit, letti þa ok þegar af⁸ storminum ok gerði [bliðan sio⁹. Komu þeir ok skiotliga til þess landz, er þeir villdu. En þeir menn, er þar voru fyrir, undruðu mikilliga, hvi¹⁰ Jesus kom æ því skipi þannig¹¹, sem þa [var ytt¹², er þeir sa hann æ landi.

5 I þessum atburð skinn biartliga postolig trua, en herfiliga hneykiz villa Mar(c)ionis ok Manes, er fyrir þat¹³ sögðu Krist sion-hverfing vera¹⁴ ok falsliga fæddan, er hann geck um sio sem æ landi, þar sem Petr, [sa er¹⁵ engi grunar einfalldan mann verit hafa, gekk ottalaust um barur¹⁶, meþan truan dugði.

20 6. Einn¹⁷ tima for Jesus i [þær halfur Gyðingalandz¹⁸, sem liggia i nand¹⁹ við borgina Cesaream Philippi. Þessa borg setti Philippus broðir Herodis tetrarche i norþanverðu ríki Judee ok kallaði²⁰ at nafni cesaris, þess er hann hellt ríki af, ok sva af sinu nafni. I þenna tima ætluðu Judei²¹ Jesum vera einnhvern af
25 fornum spámonnum af dauða risinn, ok sakir þessar²² villu spurði hann lærisveina sina, hvern af spámonnum almugrinn²³ segði mannz son vera. Þeir svoruðu: „Sumir segia þik vera Johannem baptistam [eða Heliam, aðrir²⁴ Jeremiam eða einn af spámonnum, [at skilia²⁵ Heliseum, fyrir ymissar sakir. Adam er iarþar son, en ver
30 erum manna synir, Jesus er mannz son, þvíat hann er son hinnar signaðu iungfru Marie, getinn [utan karlmannz navistu. Sem hann heyrði almugans²⁶ villu, spurði hann enn postolana, hvern þeir segði hann vera. En sæll Petrus svaraði einn fyrir alla: „Þu ert

35 1 sama B. 2 [at skilia B. 3 ste B. 4 [gangandi B. 5 standa B. 6 saal. A¹³; siga A² B. 7 at A². 8 mgl. B. 9 [siobliðu B. 10 at B. 11 þangat B. 12 saal. B; ytti A²³; var uti A¹. 13 því A¹. 14 verit hafa B. 15 [at B¹; er B². 16 baruna A². 17 Nockurn B. 18 [þa parta Judarikis B. 19 namunda A³. 20 let nafn taka B. 21 Judar B. 22 þessarrar B. 23 alþýða B. 24 [sumir Heliam, sumir B. 25 [þat er at skilia B¹; mgl. B². 40 26 [án mannlugu eðli eða fræi. Ok at heyrðri almenning B.

Kristr son guðs lifanda.“ Þvi kallaði Petrus Jesum Kristum, at þessu hinu hæsta tignarnafni hetu æ ebresku konungar ok byskupar, þeir sem smurðir [ero með helgu oleo¹, en son lifanda guðs, þess er Judar² dyrkuðu, greindi hann fra falsguðum³, þeim sem heiðnir menn völdu ser til atrunaþar annathvart af dauðum monnum eða uskynsamligri skepnu. [Varr herra⁴ mælti þa: „Sæll ertu, Simon Jonsson, þviat eigi gaf þer þenna⁵ skilning mannlig [nattura eða⁶ vitzka, su er [formeraz ok fullgeriz⁷ af samtempran holldz ok blóðs, helldr faðir minn, sa er æ hinnum er. Ok ek segi þer, at þu ert steinn, ok yfir þann stein mun ek smiða⁸ mina kristni, [sem ek (em)⁹ ok þu hefir nu iatat ok einn er rettskilinn grundvollr. Ok þer mun ek gefa himinrikis lukla¹⁰, ok ek segi þer, þat er þu [hefir bundit¹¹ æ iorðo, þat mun bundit æ himni, en þat er þu [hefir leyst¹² æ iorðo, þat mun leyst æ himni.“ Eptir þat bauð Jesus lærisveinum sinum at segia aungum manni, at hann væri Kristr, [fyr en¹³ hann væri af dauða risinn Þvi næst sagði hann þeim, at honum byriaði¹⁴ at fara til Jorsala ok þola þar vanvirður¹⁵ af raðsmonnum ok ritorum ok hofþingium kennimanna, vera drepinn ok risa af dauða æ þriðia degi. [Þa mælti Petrus leyniliga við varn herra¹⁶ þessi orð sakir einkannligrar likams astar, er hann hafði við sinn meistara: „Likna þu þer framarr en þetta verði!“ [Varr herra¹⁷ mælti þa: „Far þu eptir mer ok fylg minu atkvæði, þviat þu ert gagnstaðligr minum vilia ok skilr eigi þa luti, sem guðs ero, helldr þa sem mannligir ero.“ Þvi kallaði Jesus Petrum ser gagnstaðligan, at hann skildi eigi, at dauði guðs sonar væri stormerki mannligrar lausnar, ok reð honum¹⁸ fauðurligt rað; þvi raði heyrði honum at fylgia. Petrus villdi firra Jesum likamligum¹⁹ dauða eptir skilning²⁰ mannligrar ástar.

7. Eptir .vi. daga, ef eigi er greindr²¹ sa dagr, er [þessi ny²² típindi gerðuz æ, ok eigi sa sem æ bar²³ eptirkomanda atburð, leiddi Jesus lærisveina sina æ hátt fiall, Petrum ok Jacobum ok Johannem broður hans. [Jesus guðs son²⁴ syndiz þa með

¹ [voru með heilögu viðsmiörvi B. ² þeir A¹. ³ falsligum guðum A¹.

⁴ [Drottinn B. ⁵ þessa B. ⁶ [mgl. B. ⁷ [getz B. ⁸ uppsmiða B. ³⁵

⁹ [þat er at skilia sem ek er B; her *begynder atter* B³. ¹⁰ lykla B².

¹¹ [bindr A¹³ B². ¹² [leysir A¹. ¹³ [þat er at skilia at B. ¹⁴ hæfði B.

¹⁵ vandræði A¹. ¹⁶ [Petrus heimti hann þa a tal einsliga ok mælti B.

¹⁷ [Drottinn B. ¹⁸ rað sem var *úlf*. A² B²³. ¹⁹ likams B. ²⁰ skilningi B¹.

²¹ taldr B. ²² [nu greind B. ²³ bak er B. ²⁴ [Drottinn B. ⁴⁰

annarri mynd en fyrr¹, halldandi at hvaru sinni² undirstauðu, æsiona [andlitz hans³ skein sem sol æ lönd⁴ ukominnar upprisu, klæði hans voru hvít sem sníor, [biartari var hann en með nœckurri mannligri natturu væri líkt⁵. Þá birtiz⁶ postolum Cristz
5 Moyses [ok Helias⁷ talandi með Jesu af hans haleita dauða, þeim er hann þolði⁸ í Jerusalem, þviat varr herra villdi vitni lata bera [sinum guðdomi⁹ af öllum heimum: af himni með fagrligri¹⁰ raudð, sem sagt mun verða; or paradiso, þaðan kom Helias; af þessum heimi með sögn lærisveina hans; or helviti, þaðan¹¹ kom Moyses.
10 Villdi hann af Moyse ok Helia lata vitni bera sva sem af umliðnum¹², af postolum sinum sva sem af viðverandum¹³, at dauðir ok kvikir, lögmál ok spamanna bækr, fyrirfarendr ok eptirkomendr bæri vitni sannleikinum í munni tveggja eða þriggja vatta. Petrus gladdr¹⁴ af dyrð synarinnar mællti þá: „Minn herra, gott er oss
15 her, at vera, ok ef þu vill, munu ver giora her .iii. tialldbuðir, þer eina, Moyse [eina, Helie eina¹⁵. Jeronimus segir, at tialldbuðir þessar villdi postolinn¹⁶ gera af vel ilmanda viði eða laufi, þvi er þar var nogt. En þvi at Petrus villtiz iafnandi Moysen ok Heliam við Jesum í tialldbuðagerðinni, kom liost sky yfir þá, þat sem
20 Moysen ok Heliam firði syn postolanna, [at þeir hygði föðurliga rödd þæ, er¹⁷ af þvi skyi kom, auðrum hvarum þeira vitni [bera eigi siðr en Jesu¹⁸, ok sva mællti: Þessi¹⁹ [en engi annarr er²⁰ minn son, en eigi þræll, elskaðr en eigi hataðr, [í þeim þoknuðumz ek²¹ mer vel, heyrit þenna sama ok varðveitit hans kenning. Sem
25 postolarnir heyrðo þessi orð, þá kendo þeir sik villz hafa ok fellu fram a andlit sin [sva sem²² í umegin sakir mannligs ustyrrleiks ok urðu miok óttafullir²³. Jesus geck at þeim ok reisti þá upp²⁴ sinni signaðu²⁵ hendi, af þvi at þeir mattu eigi fyrir sialfra sinna krapt [a fætr standa²⁶. Hann mællti þá: „Risit upp ok hirðit
30 eigi at ottaz.“ Sva segir ritningin, at fyrir þæ sauk var Petrus

1 ok þo tilf. B. 2 saal. A¹; sannri A²³; samri B²³; sömu B¹. 3 [hans ok andlit B²³. 4 hatt B. 5 [hvitari en með nœckurri mannligri kunnostu eða grasalitan mætti þvilik verða A²³; frammar biort en með mannligri kunnastu (kunnattu B³) eða grasalitum mætti þann veg vera B. 6 birtuz A³. 7 [tilf. B. 8 mundi þola B. 9 [um sinn guðdom B. 10 föðurligri B.
35 11 tilf. B. 12 framliðnum B. 13 lifandum B. 14 skemtaðr B²³. 15 [aðra, Helia hina þriðiu B. 16 lata tilf. B. 17 [saal. A²³; þat hugðu þeir fauðurliga raudð A¹; [sem B. 18 [mgl. B. 19 þat er at skilia Jesus tilf. B. 20 saal. B; er engi annarr en A¹³; er en engi annarr A². 21 [þessi þockaz A¹. 22 [mgl. B. 23 hræddir B. 24 með tilf. A²³. 25 signaðri B.
40 26 [upp risa A¹.

osakaðr¹ [um sina² villu, at hann skaut sinum vilia raungum undir rettan guðs vilia. Ok er postolarnir brugðu augum i sundr, sa þeir einn saman Jesum með slikri mynd, sem hann var vanr at hafa. Hann bauð þeim, þa er þeir stigu affiallinu, at segia þessa syn öngum mauni, fyrr en hann³ væri af dauða risinn.

8. Einn tima er Jesus var⁴ i Capharnaum, gengu sendibor⁵ Tiberii cesaris⁶ at Petro, þeir sem skatt heimtu, sva sem [bioðandi otta⁷ hans meistara sakir takna hans ok frægþar, elligar sakir undirhyggju sva sem bunir at hropa⁸ hann, ef hann giorði eigi þeira vilia. Þeir mælltu sva við postolann: „Meistari þinn gelldr¹⁰ eigi skatt.“ Þann sama dag spurði Jesus Petrum i herbergi, hvart konungar heimti skatt af sonum sinum eða af otiginbornum monnum. Petrus svaraði, at þeir heimti skatt af otiginbornum monnum. I þessum orðum syndi [varr herra⁹ sik lausan fra skattgialldi¹⁰, þviat hann var af konungligri Daviðs ætt, ok enn¹⁵ helldr þvi at hann var orð hins hæsta föður himnakonungs. En þo [allt at einu¹¹ mællti hann við Petrum: „Farðu til siofar, at eigi [styggim ver¹² þessa menn, ok renn veiþarfæri þínu, ok i munni þess fisks, er þu dregr fyrstan, muntu finna sva mikit silfr sem [stater heitir¹³; luk þat i skatt fyrir mik ok þik.“ Petrus²⁰ for ok dro fiskinn ok fann sva mikit silfr, sem nu var greint¹⁴, i hans munni, ok lauk þat skattheimtandum¹⁵ fyrir varn herra ok sik. En uvist er at vita, hvart aðr var silfr i munni fisksins ok vissi Jesus þat, eða let hann þa verða [þetta silfr, þar sem hann kvað æ, við þau orð er hann sagði, hversu vera skyldi¹⁶.

Her ma sia mikit litillæti vars herra. Guðs son gallt skatt ok þoldi kross fyrir varar sakir, en ver, [sem pryddir erum Kristz nafni¹⁷, giorum ecki þat, er makligt [se þviliku valldi, giolldum eigi skatt, sem konungasynir lausir fra leiðangri ok veralldligum skattgiöfum¹⁸.

9. Þa er [varr herra¹⁹ hafði kent lærisveinum sinum at gefa þeim monnum hit fyrsta sinn einsliga æminning, er við þa mis-

1 eigi asakaðr B. 2 [af sinni A¹. 3 mannz son (þat er hann sialfr tilf. B). A³ B. 4 staddr tilf. B. 5 sendimenn B. 6 keisara A² B¹. 7 [ottandi B. 8 hrepa A³. 9 [drottinn B. 10 skattgiolldum B. 11 [at liku B. 35 12 [saal. B; styggviz þeir við A. 13 [saal. B; skattrinn aa at vera A¹; skattr heitir A²³. 14 sagt B. 15 skattheimtumaþni A²³; skattheimtumonnum B. 16 mundi B; [er hann var dreginn, þar sem hanu kvað aa, hversu mikit var A¹. 17 [mgl. A¹. 18 [er hans valldi ok byriar hans konungligri tign, en ver giolldum skatta iarðligum konungum A¹. 19 [drott- 40 inn B.

giorði, en annat sinn með vattum, hit þriðja sinn [með samvitand¹
kennimanna, ok þaðan af leiðaz þa sem heiðingia, þa spurði Petrus,
hvert naunginum væri fyrirlatanda .vii. sinnum þat sem hann
misgerði. En guðs son sagði fyrirlatanda .vii. tigum sinna .vii.
5 sinnum, þat er florum hundruðum ok niu tigum sinna. A einum degi
eptir sögn Jeronimi verðum ver þa sva opt at fyrirgefa² naunginum,
sem hann ma æ einum degi misgiora. [Ella merkir onnur .vii. folld
tala³ .vii. hófutlostu, þa sem uppras ero allra synda, en onnur allan
tima, þann sem fram gengr með .vii. vikum ok iafnmörgum heims-
10 ölldrum, ok verðum ver þa skylldir at fyrirlata naunginum [alla
misgiorninga⁴.

10. A nökurum tima sem Jesus [hafði predikat⁵ fyrir einum
ungum manni, at auðigr maðr mætti [eigi elligar⁶ komaz i himin-
riki, ok sa sem algiorr villdi vera, skyllði selia allar eigur sínar
15 ok gefa fataekum monnum ok fylgia honum, þa fystiz Petrus at
vita, hvat hann ok hans felagar skylldo af guði þiggia umfram⁷
aðra menn fyrir einkannligan [skilnat við fauður ok móður ok
frændr ok auðæfi⁸. En Jesus sagði, at [þeir sem honum fylgia
sva sem postolarnir, skylldu þa ombun⁹ hafa umfram aðra menn,
20 at¹⁰ þa er mannz son sitr¹¹ i valldzsæti at dæma um allt mann-
kyn i þeiri endrgetning, sem öndum ok líkómum veitiz i enda
veralldar, skylldu postolarnir dæma .xii. ættir Israels, en aðrir
heimshafnanarmenn aðra [luti veralldarinnar¹² með sialfum guði,
þar sem þeir er eigi hefði alla luti fyrirlatit ok [lifat þo undir¹³
25 guðspialligri kenning, skylldu dæmaz af þeim með sialfum guði til
eilífra fagnaða. Ok hverr sa er fyrir guðs sakir fyrirlætr eignir ok oðul,
frændr eða tengdamenn eða nökurn veralldigan lut, skyllði hund-
ratfallt i moti taka¹⁴, þat er at skilia andliga luti, þa sem því
framarr ero en líkamligir lutir, sem þa er hundratfaulld tala er
30 sett æ¹⁵ einfallda¹⁶ tölu, ok æ þat ofan endalaust líf með guði
ok hans helgum monnum.

11. A einum tima talaði Jesus i Capharnaum fyrir Gyðingum
ok lærisveinum sinum ok mællti sva: „Ek em lífs brauð, þat sem
af himni kom, ok sa sem þetta brauð bergir¹⁷ mun at eilífu lífa.“

35 1 [saal. B; með samvitandi A²³; við samvistu A¹. 2 fyrirlata B. 3 [saal.
B; þessi .vii. folld tala merkir A. 4 [allan misverka B. 5 [predikaði A¹³.
6 [torvelliga B. 7 fram um A²³. 8 [viðskilnað frænda ok hafnan auð-
eða B. 9 amban B¹. 10 [líf. B. 11 sæti A²³ B¹. 12 [parta heimsins
B²³. 13 [lifði þo eptir B²³. 14 i eilífu lífi tilf. B. 15 fyrir A¹.
40 16 einsliga B. 17 neytir B.

Ok [nðckuru eptir þessi¹ orð mællti hann: „Holld mitt er sannliga vist ok bloð mitt er sannliga drykkir, ok ef þer bergit² eigi holldi mannz sonar eða dreckit hans bloð, munu þer eigi hafa lif með yðr.“ Við þessi orð stygðuz Gyðingar³, þviat þeir skildu þessi orð likamliga, ok margir af [hinni fleiri lærisveina tölu Kristz mælltu⁴: „Harðr mals-
háttir er þetta, ok hverr ma þetta⁵ þola?“ Ok þegar i stað hurfu þeir fra Jesu, sva at þeir foru ecki fra þeim degi með honum, ok truðu hans likama mundu með bitum upp neytaz⁶. Jesus skilði möglað þeira ok mællti: „Þetta styggvir⁷ yðr. En ef þer siait mannz son þannig⁸ upp stiga, sem fyrr var hann, þa er andi sa er lifgar, en holld vinnr ecki;“ þat skal sva skilia: „þa er þer siait mik til himins stiga með⁹ alheilum likama en eigi með bitum uppneyttan, munut þer við kennaz [um helgan likama mins, at¹⁰ andligr skilningr er einn halldandi, en likamligr¹¹ skilningr er unytr.“ Ok þa er þessir lærisveinar foru i brott, mællti Jesus við Petrum ok hans kompana¹², þat er at skilia við .xii. postola sina: „Vilit þer ok eigi i brott fara?“ Petrus svaraði: „Hvern munum ver þa heim sækia, ef ver skilium¹³ við þik? Þu hefir i þer orð hins eilifa lifs, ok ver truum ok kennum, at þu ert Kristr guðs son.“ Heilagr Augustinus segir, at drottinn tapaði lærisveinum fyrir sanna predikan til hugganar [við kennimanninn¹⁴, þa er hann segir satt, en folkit styggviz við. Ok af orðum Petri ma taka rettan skilning um Kristz stormerki, at trua fyrst ok kenna sípan, at guðs likami taknsamligr vex ecki, þo at margar oblatur¹⁵ fullgeriz [holld hans ok bloð¹⁶ i stormerki messunnar, [eckir þverr hann ok¹⁷, þo at margar oblatur¹⁵ se uppneyttar af folkinu, ok postolig iatning er kristninnar styrking.

12. At síðarsta matmali þvi sem Jesus hellt paska, eptir því sem lögmál Moyses bauð¹⁸, með lærisveinum sinum, reis Jesus upp, ok [at aflögðum sinum¹⁹ klæðum gyrði hann²⁰ sik með linduki ok steypiti vatni i munnlaug, til þess at þva fætr lærisveina sinna, viliandi²¹ þessa þionostu fyrst veita sælum Petro foringia²² postol-

1 [eptir nockur milli sett *øvr.* 2 neytit *B.* 3 Judar *B.* 4. [lærisveinum hinum smærum tauluðu sva til Kristz *A*¹. 5 hann *B.* honum *A*². 6 eyþaz *A*¹. 7 styggir *B.* 8 þangat *B.* 9 *Her mgl. 2 Blade i B*³. 10 [at um likam minn er *B.* 11 holldligr *B.* 12 lagsmenn *B.* 13 skiliumz *A*²³ *B*². 14 [kennimanninn *B*¹. 15 oblætr *A*²³; oflætr *B.* 16 [til holldz hans ok blóðs *A*¹. 17 [ok þverr ecki *B.* 18 ok hann sat upp *tilf. B.* 19 [af sér lögðum *A*²³. 20 [lagði af sér klæðin en gyrði *B.* 21 ok villdi *B.* 22 formanni *B.*

anna. En hann storliga hræddr, ef guð drottinn væri lægðr¹ honum til fota, mælti sva: „Ho², minn herra, þvær þu fætr a mer?“ Drottinn mælti þa: „Þat sem ek giori nu, veitz þu eigi til hvers kemr, en vita muntu síðarr.“ Petrus mælti: „Alldri muntu
5 þva mina fætr [um alldr³.“ Drottinn mælti: „Óngvan lut⁴ muntu hafa með mer, ef ek hreinsa eigi fętr æ þer.“ En Petr skelför bæði með ast ok otta hræddiz framarr Krist ser neitaðan en til fota lægðan, ok mælti: „Eigi [veiti⁵ ek at eins undir þinn þvatt⁶ fætr mina⁷ helldr þar með hendr ok höfuð.“ Drottinn mælti þa: „Sa sem⁸
10 þveginn er þarf eigi framarr, en fætrnir se þvegnir, þviat þa er hann allr hreinn. En þer erot hreinir, minir postolar, ok eigi allir.“ Þvi mælti hann sva, at hann vissi, hverr hann mundi selia. Eptir þvegna fætr postolanna tok Jesus klæði sin ok geck undir matborð. Eptir þat mælti hann til þeira: „Þer vitit, hvat ek
15 hefi giort yðr; þer kallit mik herra ok meistara, þat talit þer vel, þviat ek em sva at saunnu⁹, ok ef ek yðvarr meistari þo fætr yðra, eigit þer at minu dæmi hverr oðrum þessa þionostu at veita.“

13. Eptir þat giorði Jesus langan sermonem fyrir lærisveinum sinum. En heilagr Johannes hafði sofnat yfir briosti hans. [Bendi
20 þessi fyrirburðr fyrir þat helga guðspiall, sem sialfr guðs son dikt- aði¹⁰ um holldgan hins hæsta guðs. At lyktum sagði drottinn postolum sinum, at einn af þeim mundi hann við verði selia. Petrus vissi, at hinn sæli Johannes spurði varn herra með mestu trausti þeira luta, er þa forvitnaði, [þvi gerði hann honum bending¹¹, at
25 hann spyrði varn herra, hverr sa mundi vera. Ok eptir hljóðliga spurning Johannis svaraði drottinn, sva at faer heyrðu: „Sa mun mik selia, er ek fæ¹² þat brauð i hendr¹³, sem ek hefir i ker drepit.“ Eptir þat selldi hann [i hönd¹⁴ Jude Scarioth. Ok þa geck fiandinn inn i hann, sa er hann eggjaði at fullgera þau svik, er aðr voro
30 diktut i hans hiarta. Geck hann þa þegar ut. Nær þessum tima aptansins hof drottinn messusaungs embętti, snuandi brauði ok vini i holld sitt ok bloð, ok gaf lærisveinum sinum bioðandi, at þeir giorði [þetta embętti i hans minning ok eptirdæmi¹⁵.

14. Jesus hóf þa af nyiu predikan ok fagrlicar dæmisógur,
35 ok standa þar þessi orð i: „Litlir¹⁶ synir minir! litla stund

1 lagðr A²³. 2 mgl. øvr. 3 [at eilifu B. 4 part B. 5 retti B¹. 6 saal. B; fotapvatt A. 7 [at eins iatumz ek undir þinn fotapvatt A¹. 8 er B. 9 visu B. 10 [Stendr þessi motburðr fyrir þat haleita guðspiall, sem sa hinn blez- aði guðs vin gerði B. 11 [saal. B; þa teiknaði hann honum A. 12 sel B.
40 13 hond A²³. 14 [brauði B. 15 [þessa minning at hans dæmi B². 16 Heyrit A.

[mun ek með yðr vera¹, leita munut þer min, sem ek sagða Gyðingum, ok munut þer eigi koma mega þangat, sem ek fer.“ Petrus mællti: „Minn herra, hvert ferr þu?“ Jesus mællti: „Þangat sem ek fer, máttu nu eigi fara, en mega muntu siðarr.“ Petrus mællti: „Hvi ma ek nu eigi fara? [þviat mitt lif gef ek² 5 fyrir þitt lif“ Drottinn mællti: „Fyrir hvi dirfiz þu at setia þitt lif fyrir mik³? þviat aðr en hani gali æ þessi mott, muntu .iii.⁴ sinnum neita mik⁵“ Ok enn mællti drottinn til lærisveina sinna: „Allir munut þer rasa fra rettri tru sakir þeira luta, er um mik geraz æ þessi nott.“ Petrus mællti þa: „Þo at ollum auðrum 10 verði þat, þa skal mik þat alldri henda.“ Þa mællti drottinn: „Þvi siðr mun sva verða, sem þu heitr⁶, at þu munt mik þryssvar⁷ neita æ þessi nott, sem ek hefi sagt þer.“ Petrus mællti: „Eigi mun ek neita⁸ þer, ef mer [verðr auðit⁹ at deyia með þer.“ Augustinus segir, at Petrus laug¹⁰ eigi, ok het þvi sem hann truði 15 at fram mundi koma sva sem maðr, en Jesus sagði fyrir ukomna luti sva sem guð. Petrus efndi ok heit sitt, eigi þa er hann villdi, helldr þa er guð villdi. Allir Kristz lærisveinar vurðo storliga hryggvir at heyrðum þessum ræðum¹¹ sins meistara, en þessa sômu hrygð þerði drottinn af með mörgum fögrum dæmisögum ok 20 vattaði, at hann for¹² at bua þeim stað æ himni, ok þeir mundi at honum þiggia sva haleita miskunn at gera slik takn, sem hann gerði her i heimi, eða meiri, ok segir Augustinus, at þat skal eigi skilia af ollum Kristz¹³ verkum.

15. At loknum¹⁴ sinum sæta sermone, þeim er hann gerði 25 fyrir sinum postolum, mællti hann við Petrum: „Simon, heyr mik! Nu beiðiz andskotinn at skaka yðr lærisveina mina sem hveitikorn i salldi, en ek bað fyrir þer, at eigi þrotni trua þin. Fyrir þvi [styrk þu bræðr þina þer ostyrkri, þann tima sem þu verðr fra ostyrkleik snuinn¹⁵.“ Petrus mællti: „Minn herra, með 30 þer em ek buinn at fara i myrkvastofu ok i dauða.“ Eigi laug Petrus, hvat [vilinn hafði¹⁶, en drottinn vattaði¹⁷, hvat [framkvæmdin hafði¹⁸. Eptir þat gengu þeir allir saman æ fiallit Oliveti. Jesus

1 [em ek með yðr *A*²³. 2 [ek vil giarna gefa mitt lif *A*¹. 3 mitt *B*. 4 þryssvar *B*. 5 þik vera minn mann *A*¹. 6 segir *B*. 7 þrim sinnum *A*²³ *B*¹; 35 þryssvar sinnum *B*². 8 nita *B*¹. 9 [saal. *B*; er auðit *A*², auðnar *A*³, endiz *A*¹. 10 lo *B*¹. 11 orðum *B*. 12 mundi fara *A*¹. 13 saal. *B*; guðs *A*. 14 lyktum *A*³; lyktaðum *A*² *B*. 15 [saal. *B*; styrktz þu þann tima, er þu verðr fra ustyrkt snuinn þinna bræðra *A*. 16 [hann villdi *B*. 17 varð at raða *A*¹. 18 [fram mundi koma *B*.

mællti þa við lærisveina sina: „Vakit þer ok biðiz fyrir, at eigi fyrirleggiz¹ þer i freistni.“ Hann kallaði þa með ser Petrum ok sonu Zebedei, ok [gerðiz hryggr um rasan postolanna, elligar² hrygðiz hann til þess, at hann leysti sina menn með sinum eigin-
 5 ligum dauða ok leiddi postolana aptr til sinnar³ truar [sva mæl-
 andi⁴: „Hrygg er ónd min allt til dauða.“ Eptir þat geck hann fra postolonum sva sem steinkastz lengð ok baðz fyrir. At lyktaðri bæninni kom hann til postola sinna ok fann þa sofnaða⁵. Hann mællti þa við Simonem, hversu mikit hann vantaði æ at sigra
 10 dauðann, er hann feck eigi svefninn sigrat: „Heyr þu, Simon, sagði hann, eigi mattir þu eina stund vaka með mer. Vakit þer enn ok biðiz fyrir, at eigi fyrirleggiz⁶ þer i freistni. Andi yðvarr er buinn at pinaz fyrir mer, en nu birtiz ustyrkleikr⁷ likama yðvars.“ I annat sinn geck hann fra þeim ok fann þa enn sofn-
 15 aða⁸, þviat augu þeira voru þung⁹ af vöku, sva at þeir vissu eigi, hveriu þeir skyldo svara honum. Hit þriðia sinn for hann fra þeim ok baðz fyrir lengi, ok at lyktaðri bæninni fann hann þa enn sofn-
 aða¹⁰. Hann mællti þa: „Sofit ok hviliz.“ Ok er þeir höfðu skamma stund¹¹ sofit, þa mællti hann: „Nu er fullsofit.“ I þeiri
 20 stundo kom Judas með miklum mannfiolda sendum af höfðingium kennimanna, ok þeir toku Jesum hondum ok bundo hann. Petrus mællti þa við Jesum¹²: „Er þat yðvart lof, at ver verimz¹³ með sverðum¹⁴.“ Hann hio þegar hit hægra eyra af þeim þræli kenni-
 manna höfðingia, er Malchus het, með brugðnu sverði. Jesus
 25 mællti þa: „Petre¹⁵, sliðra þu sverð þitt, fullgort er nu, þviat hverr sa er [með sverði höggr¹⁶ fyrir utan retta sauk, mun fyrir sverði tapaz. Ok þu vill eigi at ek drecka þann pinslardryck¹⁷, er faðir minn gaf mer, eða truir þu eigi, ef ek villða veriaz lata, at ek mætta biðia fauður minn til þess, at hann sendi mer framarr
 30 en .xii. engla fylkingar¹⁸? eða hversu mætti þa fram koma spæsögur, þær sem i ritningum standa.“ Jesus tok þa afsniðit eyra þrælsins ok giorði þegar heillt.

16. Eptir þat leiddu Gyðingar¹⁹ Jesum bundinn i garð höfð-

1 fariz A¹. 2 [geriz nu hryggr, fyrir þat at hann vissi postolana ostyrka i trunni, ella B. 3 rettrar B. 4 [ok sagði sva B. 5 sofandi A²³ B²; sofa B¹. 6 fyrirfariz A¹. 7 ostyrkt B. 8 sofendr A²; sofandi A³ B²; sofa B¹. 9 þyngd B. 10 sofendr A² B; sofandi A³. 11 hrið B. 12 Hvert tilf. A²³. 13 saal. A¹ B¹; veriumz A²³ B². 14 vapnum B. 15 Petrus A¹. 16 [sverð tekr A²³; slær annan með sverði B. 17 banadryck B¹; dryck B². 18 saal. B; fylki A²³; filkimenn A¹. 19 Judar B.

ingia kennimanna Johannes kunnr byskupi leiddi inn Petrum. Ok þá er ambatt, su er dura geymdi, sa hann¹, mællti hun: „Ert þu [eigi lærisveinn² þessa mannz³ Jesu?“ Hann svarar: „Eigi em ek.“ A þeim tíma stóðu margir þionostumenn⁴ kennimanna við þann elld, sem i garðinum var giorr⁵, sakir þess at veðr var kallt, ok vermdu sik. Petrus stóð ok þar hia⁶ þeim vermandi⁷ sik. Þeir mælltu þá við hann: „Ert þu eigi⁸ af lærisveinum Jesu?“ Hann svaraði: „Eigi kann ek hann.“ Litlu síðarr talaði til Petrus⁹ sveinn einn frændi Malchi, þess er eyrat var af höggvit¹⁰: „Sa ek þik i grasgarði með Jesu.“ Hann svaraði: ¹⁰ „Eigi veit ek, hvat þu segir.“ Enn heilagi Augustinus segir, at sumir meistarar vilja afsaka Petrum, sva sem hann hefði¹¹ rettliga talat, at hann kunni¹² eigi Jesum, þar sem hann sialfr talar, at engi kann algjörliga guðs son nema faðir. Sva ok þá er hann mællti: „Eigi em ek,“ sik neitaði hann en eigi Krist. [Sömu leið¹³ ¹⁵ ok, þá er hann mællti: Eigi veit ok, hvat þer segit, sagþiz hann eigi vita [svikræði þeira ok vælar¹⁴, en heimskligt¹⁵ er at afsaka þann, sem guð æsakar ok sialfr syndi sik sekian¹⁶ með tarum. Eptir orðum Augustini neitar eigi sa einn guði, er eigi kallaz kristinn, helldr ok hinn er eigi kallaz lærisveinn, þvíat fyrrmeirr ²⁰ hetu [þvi nafni¹⁷ allir rettruðir menn, aðr en hitt nafn kom upp i Antiochia¹⁸. At lyktaðri neiting Petri gol hani, ok æ þeiri stundo leit Jesus Petrum. Hann mintiz þá fyrr sagðra orða drottins um¹⁹ sina neiting ok gret beiskliga. Sva segir Leo pavi: Milli lygða²⁰ kennimanna ok falsvatta, i milli spotz²¹ ok spytinga, ²⁵ brigzla ok bardaga leit drottinn Petrum ok rendi sinum helgum augum yfir [hræddan lærisveininn, ok varð syn sannleiksins²² at hirting hiartans. Ok i auðrum stað sagði hann: Sæl ero þin tar, hinn heilagi Petr, þau er auðlaz²³ afl skirnarinnar ok²⁴ þva af glæp þrennarar neitingar. Nær var þer guðs hönd, su er þik tok skriðnanda²⁵, ³⁰ aðr þu værir brott vorpinn or hans augliti, ok gaf þer styrkliga²⁶ at standa i sialfum haska fallzins²⁷. Drottinn sa i þer truna eigi

1 *saal. B*¹; þat *B*²; til *A*²³; til hans *A*¹. 2 [einn af lærisveinum *B*. 3 þat er at skilia *tilf. B* 4 sveinar *B*. 5 kyndr *B*. 6 *Hier beg. atter B*³. 7 ok vermdi *B*. 8 einn *B*. 9 Petrum *B*²; Petri *B*¹. 10 sniðit ok mællti ³⁵ *A*²³. 11 hafi *B*. 12 kynni *A*²³. 13 [Sva *B*. 14 [svik þeira ne velar *B*. 15 *saal. A*² *B*¹³; heimsligt *A*¹³ *B*². 16 *saal. A*¹³; sekan *orr.* 17 [sva *A*¹. 18 aennan tíma *A*¹. 19 fyrirsegjandi *B*. 20 lyginna *B*¹. 21 spiozt *A*²³. 22 [*saal. B*; hann (hræddan *A*²³) ok varð syn lærisveinsins *A*. 23 oðluduz *B*. 24 at *B*. 25 *saal. B*; skirnanda *A*. 26 styrkleika *A*¹. 40 27 *saal. B*; fiallzins *A*.

sigraða ok eigi astina fra ser snuna helldr staðfestina skelfða. Nægðiz gratrinn, þar sem eigi þrotnaði goðvilinn, ok brunnr astarinnar þo af sekt hræzlunnar. Eigi var sein lækning hreins-
 5 anarinnar, þar sem eigi fannz ¹ vili til ² syndarinnar. Skiott hvarf steinn aptr i sinn stauðugleik ok tok sva mikinn styrkleik, at þar sem hann ottaðiz i Kristz pinu, ottaðiz ³ hann eigi i sinni pinu. Eptir þat flyði Petrus i þann stað er Cananea er kallaðr⁴, ok þorði eigi at lata sia sik milli Kristz lærisveina.

17. At lyktaðri pisl vars herra ok [hrygð graptar ⁵ hans ok
 10 þar með dyrð upprisu hans, kom Maria Magdalena til Kristz lærisveina, æ sialfum upprisu⁶ morninum ok sagði drottinligan likama brott tekinn or leiðinu. Johannes ok Petrus foru⁷ þa til leiðissins; Johannes kom fyrr ok geck eigi inn, en Petrus kom síðarr ok geck þegar inn ok fann eigi likama Kristz, ok truði því sem Maria
 15 hafði sagt. Hvarf hann þegar með sinum förunaut til herbergis, þar sem þeir hofðu aðr þa nott verit, en Maria stoð eptir við leiðit ok gret. Varð hon því maklig at sia Jesum upprisinn [fyrr en aðrir⁸, er hun var staðfastari i eptirleit sinni⁹ en aðrir guðs astvinir. Sem hun hafði litla stund ¹⁰ hia leiðinu ¹¹ staðit ¹², vitr-
 20 aðiz henni [sialfr drottinn fyrr en oðrum konum ¹³, ok bauð þeim at segia lærisveinum sinum, at þeir færi i Galileam, ok þeir mætti ¹⁴ hann þar sia. Konurnar foru ok sögðu þessa vitran .xi Kristz lærisveinum syrgiandi ¹⁵ hans dauða. Þeir hugðu sögn þeira spott ok hegoma. Petrus einn saman for ¹⁶ þa til leiðis sins
 25 meistara, ok truir heilug kristni, at þa hafi hann seð Jesum, [þo greinir eigi guðspiallabok ¹⁷, með hverium hætti sia vitran varð. En hverr mun ætla kunna, hvilikr fagnaðr þa mun [birtz hafa hans briosti ¹⁸, þar sem aðr sakir þrennrar neitingar þorði hann varla at koma milli annarra Kristz lærisveina, fyrr en ¹⁹ guðs engill birti
 30 konunum, at Petrus skyldi fara [fyrir Jesum ²⁰ i Galileam. En nu vissi hann sik fyrstan af karlmonnum, [eptir því sem guðspiallit vatt-
 ar ²¹, set hafa sialfan guð af dauða risinn, ok truði sik i sætt tekinn

1 var B²³. 2 mgl. B. 3 hræddiz B. 4 [þa staði er Cananea ero nefndir B. 5 [saal. A¹³; hrygð graptrar A² B¹; hrygðargreptri B²³. 6 deginum eða tilf. B¹. 7 runnu B. 8 [tilf. B. 9 helldr tilf. A¹³. 10 hrið B. 11 leginu B²³. 12 með auðrum konum tilf A¹. 13 [saal. B¹; sialfr drottinn henni einni fyrr en síðar oðrum konum með henni B²³; hann henni (henni sialfr guð A³) fyrr en síðar með oðrum konum A²³; henni Jesus sialfr A¹. 14 mundi B²³; mundu B¹. 15 sytandi B²³; sytandum B¹. 16 rann B. 17 [þo at guðspiallabok greini eigi B²³. 18 [birt hafa briost hans B. 19 Her mgl. 1 Blad i B². 20 [til drottins B. 21 [at guðspialligu vitni B.

við sialfan hann¹, þar sem aðr var hann atkominn órvilnan, ef
eigi hefði honum guðs mildi² liknat. Sva visa bækr æ, at því
villdi Jesus konum [fyrir birtaz en öðrum monnum³, at sva sem
fyrir konuna kom dauðinn i heiminn, bæri konan fyrst þau tíðindi
i heiminn⁴, at guðs son væri til lifs af dauða risinn; en því fyrir
Petro en auðrum lærisveinum, at hans hagr⁵ stoð með meiri hættu
en annarra guðs vina, [ok var giarnari skiott at vita upprisu sins
haleita meistara sakir einkannligrar elsku⁶ en nökurr annarr
karlmaðr⁷. A þeim sama degi vitraðiz drottinn .ii. lærisveinum
farandi⁸ i þann kastala, er Emaus het at fornu en síþarr Nico-
pol⁹, um kvelldit ollum lærisveinum sinum nema Thome, en eptir
.viii. daga Thome með auðrum lærisveinum, þa þreifaði hann um
sár drottins.

18. Þar eptir syndiz Jesus .vii. lærisveinum Simone Petro
ok Thome ok sonum Zebedei, Nathanaeli, er fyrir var nefndr, ok
auðrum .ii. eigi nefndum, rónum¹⁰ æ Galilee sio til matfiska æ
einnihverri nótt, sva at þeir fisktu¹¹ ecki¹². Um morgininn sa
þeir Jesum æ siovarströndu ok vissu eigi, at hann væri. En með
hans boði vörpu þeir notinni¹³ til hægri handar fra skipi ok
luktu¹⁴ þar i .c. ok .l. ok þria mikla fiska, en þo [var oslitin notin¹⁵.
Johannes sagði þeim, at Jesus var sa maðr er æ ströndunni stoð.
Sem Petrus heyrði þat, gyrði hann sik með kyrtli, þvíat hann var
aðr berr, ok dro nót þeira með nytaldum¹⁶ fiskum, gangandi yfir
sioinn til þess er hann kom æ þurt land. En aðrir lærisveinar
foru æ skipi til strandar. Þeir fundu glæðr æ ströndunni ok
fisk æ [þær lagðan, en brauð niðr lagt skamt þaðan. Eptir þat
steiktu þeir¹⁷ af þeim fiskum, er þeir hófðu veidda, ok snæddu þa
með Jesu. Hann snæddi ok at þessu sinni brauð, en i öðru
guðspialli [er lesit¹⁸, at hann neytti¹⁹ hunangsseim²⁰. Eigi er getit²¹,
hversu langt þessi vitran hefir verit fra hins atta dags vitran.
Eptir snæðing mællti Jesus við Petrum: „Simon Jons son, hvart
elskar þu mik framarr þessum minum lærisveinum?“ Petr [þagði
eptir sið ebreskra manna²² yfir því er drottinn spurði²³, hvart

1 *saal. B*; guð *A*. 2 *miskunn B*. 3 [*saal. B*; birtaz *A*. 4 *Her mgl.* 35
2 *Blade i B*³. 5 *hugr B*. 6 *framarr tilf. A*¹. 7 [*mgl. B*. 8 þeim er
foru *B*. 9 *saal. A*³; *intrapol A*¹; *intopolis A*²; *tricolis B*. 10 þeir hófðu
roit *B*. 11 *veiddu B*. 12 *nafn tilf. A*². 13 *netium B*. 14 *luku A*¹.
15 [*voru oslitin netin B*. 16 *nu töldum B*. 17 [ok brauð. Þeir steiktu aa
þessum gloðum *A*¹. 18 [*lesum ver B*. 19 *at B*. 20 *hunangs A*². 40
21 *greint B*. 22 [*s. a ebreskra manna hátt, þagði B*. 23 *vitandi tilf. B*.

hann elskaði hann auðrum framarr, þviat guði en eigi Petro ero¹
kunnig allra hiðrtu, en birti með merkiligri iatning sitt hiarta
sva mælandi: „Þik tek ek til vitnis, at ek elska þik, drottinn.“
Jesus mællti þa: „Fæð þu lömb min.“ Tilskipan starfsins er
5 provan astarinnar. Drottinn spurði i annat sinn: „Simon Jons
son, elskar þu mik?“ Hann svaraði hinu sama sem² fyrr.
Drottinn mællti þa: „Fæð þu lömb min,“ þat er³ at skilia
[einfallda menn ok unga⁴ i guðs tru. Drottinn spurði hit þriðia
sinn: „Simon Jons son, hvart elskar þu mik?“ Petr varð hryggr
10 við, er hann spurði [hit þriðia sinn⁵, ok andsvaraði: „Þu drottinn,
veitz alla luti, fyrir því veitz þu, at ek elska þik.“ Drottinn
mællti þa: „Fæð þu sauði mina,“ þat er at skilia algiörva menn
mina með hialpsamligri kenning ok með dæmum dyrðligra verka
ok með eiginligum dauða. Augustinus segir, at því spurði varr
15 herra Petrum þrysvar⁶, hvart hann elskaði hann, at þrenn iatning
væri golldin fyrir þrenna neiting, ok eigi þionaði tungan minnr
astinni en ottanum, [ok eigi krafði⁷ hæri raustar yfirgnæfandi
dauði en hiaveranda lif; ok svá sem fyrrmeirr⁸ birtiz ottinn i
neiting hirðissins, birtiz nu eigi minnr provan astarinnar i geymslu
20 hiarðarinnar. Eptir þat mællti Jesus til Petrus⁹: „Ek segi þer, at¹⁰
þa er þu vart yngri, gyrðir þu þik ok gekkt þangat er þu villdir,
en þa er þu elldiz, mantu rétta hendr þinar, mun þa annarr en
eigi þu gyrða þik ok leiða þik þannig¹¹ sem þu villt eigi.“ Þetta
mællti guðs son til þess at birta, með hverium dauða Petr mundi
25 pinaz [guði til dyrðar¹². Þvi sagði drottinn hann mundu ovilianda
til dauðans leiddan, at þat er mannz nattura at vilia eigi pinaz
[at likams fyst¹³, þo at maðrinn leggi sakir guðs astar þann vilia
undir hans vilia. Ok enn mællti drottinn: „Petrus! fylg mer,“
þat er at skilia i kyni dauðans. Jesus stoð þa upp af snæðingi
30 ok [for i brott¹⁴. Petrus fylgði honum svá sem fyrir nygefitt
boðorð, ok sa¹⁵, at Johannes fylgði þeim, Petrus mællti þa:
„Herra minn! hvat skal [sia herna¹⁶?“ Þat er [svá at skilia
„hvat skal hann þola¹⁷ til dauðans.“ Drottinn svaraði: „Svá vil ek
hann vera lata til þess er ek kem.“ Þat skal svá skilia, at hann

35 1 voru B. 2 ok A¹. 3 sva tilf. A²³. 4 [saal. B; einfallda mer unga A²³; einfalldr
skalltu vera A¹. 5 [svá opt hins sama B. 6 .iii. sinnum hins sama B.
7 [at eigi krefði B. 8 fyrrum B. 9 saal. A³ B; Petrum A²; Petrs A¹.
10 satt, B. 11 þangat A² B. 12 [fyrir guðs sakir B. 13 [eptir likams vilia
B. 14 [tok þa i brott at fara B. 15 leit B. 16 [þessi B. 17 [at
40 skilia B.

mundi biða i friði kristninnar guðs kallanar. Eptir þat hvarf Jesus fra þeim at syn.

En su grein, hvi varr herra elskaði minnr¹ Petrum sik meirr elskanda, en Johannem framarr sik minnr elskanda, skal sva skiliaz, at Johannes merkir upplitningarlif, þat sem frialst er fra ollum 5 heimsins faulskyldum, einum saman guði skuldbundit ok heilugu bænahalldi, studeran ok predikan, en Petrus verkligt² lif, þat sem birtir³ misgeranda, fæðir hungraða⁴, vitiar siukra ok vinnr veralldlig þarfindi. Ero þessi lif merkt fyrir .ii. systr, veralldligt⁵ fyrir Martham, en upplitningarlif fyrir Mariam, þa er drottinn mællti 10 þetta: Maria valdi ser hinn bezta lut. Elskaði Jesus því framarr Johannem [sik minnr elskanda⁶, at guð elskar framarr þa⁷, sem [i engu angra hann⁸, þott þeir vinni smæri luti fyrir astsemð, sem i engi misfelli⁹ hitta; en hann elskar minnr Petrum sik meirr elskanda, þvíat hann elskar oss minnr vesala¹⁰ en sæla, þo at 15 þeir, sem með ser hafa syndsamliga samvizku, vinni stærri luti sakir guðligrar¹¹ astar, þvíat þeir vitu eigi, hvart þeira syndir ero¹² fyrirgefna. Finnaz ok þeir menn, at¹³ fyrir sakir einkannligs¹⁴ skirlifis segia Johannem framarr elskaðan. [Þat er¹⁵ hugsanda, at engi maðr misiafni með þessum hinum ægiætum guðs postolum, 20 þo at annarr se merktr fyrir upplitningarlif, þat sem æ ser berr liking himnesks lifs, en annarr beri liking þessa heims lifs, sa sem¹⁶ merktr er fyrir verkligt lif. Þviat i því lifi¹⁷ sem Petrus merkir voru þa bapir, en i því sem Johannes merkir voru okomnir¹⁸ baðir, þvíat baðir þoldu þeir krankleika heimsins, bapir biðu þeir 25 ukominna fagnaða. Petrus tok ok eigi sgr einum til stiornar ok nytsempar at leysa ok binda allt æ himni ok iorðu valld af sialfum guði, helldr ollum guðs helgum monnum, þeim sem uskilianliga¹⁹ heyra til guðs²⁰ likama, þess sem heilug kristni er, sva at eigi hann einn, helldr oll kristnin bindr ok leysir [syndir 30 folksins²¹. Sva [drack ok eigi hinn sæli Johannes²² sakir sins reinazta lifs, þa er hann sofnaði yfir briosti Jesu²³, sannleik þess

1 Her beg. atter B². 2 veralligt B¹. 3 hirtir B; bætir A¹. 4 hungr-
anda B². 5 verkligt B²; lif tilf. A² B². 6 [þann sem hann elskaði minnr
B¹. 7 menn tilf. B¹. 8 [saal. B; i eingu angrar hann A², öngu 35
angrar hann A³; hann angrar öngu A¹. 9 ofelli B. 10 vesæla
A² B. 11 guðs B. 12 þeim tilf. A² B. 13 er A¹. 14 eiginligs B.
15 [Þvi er þo B¹. 16 at B¹. 17 tilf. B. 18 þa tilf. B. 19 uviðskilianliga
A²³. 20 Kristz B. 21 [mgl. B. 22 [bar til hinum sæla Johanni B¹.
23 hann fann tilf. B¹.

haleita guðspiallz in principio, sem hann bar fram af guðdomi¹ Kristz drottins, eigi ser einum til nytsemþar ok framburþar, helldr allri guðs kristni, eptir því sem sialfr guð gefr hverium at skilia ok² varðveita i sinu briosti, sva við sem verolldin er. 5 Þvi er guðs eins at meta, hvert himintungl annat sigrar með³ biart-leik, þat er at dēma verðleik sinna heilagra manna.

19. Sva vattar guðspiall, at .x. sinnum æ fiorum tigung daga hafi drottinn syndan sik eptir upprisu sina: fimm sinnum æ sialfum upprisudeginum, fyrst Marie Magdalene, annat sinn fleirum 10 konum, þriðia sinn Petro, [hinn fiórða tima⁴ lærisveinum sinum, sem i Emaus foru, fimta sinn .x. postolum at fraveranda Thoma, setta tima⁵ hinn .viii. dag fra paskadegi þeim sòmum postolum⁶ hiaveranda Thoma, hit siaunda sinn .vii. lærisveinum a [fiski ronum æ Galilee sio⁷, [attanda tima⁸ æ Thabor fialli Galilee, 15 hit niunda sinn i snæðingshusi æ sialfum uppstigningardeg, ok bauð þeim at fara i fiallit Oliveti, hit tiunda sinn i fiallinu, þa er hann bauð þeim at kenna kenningar um allan heim. Ok eptir þat steig hann til himins. Kom þegar Petrus litillatr lærisveinn i stað hins milldazta meistara at vera leytismaðr um stiorn 20 kristninnar ok predikan, sem sialfr guð hafði honum boðit at koma i hans stað at fiskia menn⁹ með Kristz veiðigögnum¹⁰ til retrrar truar¹¹.

20. A¹² miðmunda þess tima, sem var eptir uppstigning vars drottins til himna ok astgiafir heilags anda, villdi Petrus 25 fullgera taulu postolanna, at þrir mætti fara i hveria haufuðætt heimsins at boða guðliga þrenning, með því at kiosa mann i stað Jude, ok at samankölluðum bræðrum stoð hann upp ok tok sva til mals: „Heyrit þer bræðr! oss hæfir at láta framkoma ritning, þa sem heilagr andi birti forðum fyrir munn Davids konungs¹³, 30 þa er hann sagði fyrir af Juda þeim [hinum sama, sem¹⁴ leiðtogi var þeira manna, er Jesum toku, i þann grasgarð sem hann var¹⁵ gripinn. Þessi Judas var aðr at taulu með oss en eigi at mannkostum, ok laut hann þann lut at fylgia Gyðingum¹⁶ til þessa uverkans, ok þa þionostu at selia Jesum til bana með 35 klækiligum¹⁷ kossi. Þessi sami maðr eignaðiz akr þann, sem

1 holldgan B¹. 2 at tilf. A²³. 3 i B. 4 [hit fiórða sinn B. 5 sinn B. 6 at tilf. B. 7 [fiski ronum B²; fiskiveiðum B¹. 8 [viii sinn B. 9 tilf. B. 10 veiðivelum B¹, veiðifærum B². 11 af allskyns villum tilf. B¹. 12 saal. A¹³; At A²; Um B. 13 spamannz sins A². 14, [er B. 15 i tilf. B. 16 Judum B. 17 mgl. B.

keyptr var með .xxx.^{um} penninga, sem voru andvirði¹ þeirar illzku, er hann selldi drottin. En hann fyrir sialfs síns örvilnan² upphengdr sprack i sundr i miþiu, ok³ ut af hans kviði steyptuz aull hans iðr. Ok þetta er kunnigt⁴ ollum, þeim er Hierusalem byggia, at þessi akr eða leirteigr⁵ er æ þeira tungu kallaðr Acheldemach, þat er [blöðsteigr rekr⁶, allt til þessa dags. Sumir meistarar segia Petrum þetta undir figuru talat hafa, at hann hafi helviti eignaz [i verkkaup⁷ sölunnar, er sannliga⁸ kallaz iorð deyandi manna, sva sem paradis kallaz iorð lifandi manna. Augustinus segir, at makligan dauða feck svikarinn, ok þat var¹⁰ tilheyriligt, at þau iðrin, sem diktat höfðu drottinliga sölu, steyptuz ut or bukinum⁹, en barkann, þann sem raudd sölunnar for af, þrongdi knutr snörunnar; ok at sa, sem selldi drottin himins ok iarðar, [sva sem hataðr af himni ok iorðu samtengiandi at eins uhreinum öndum hrundnum i þokufull lopt, færiz¹⁰ i loptinu¹⁵ sva¹¹ sem Achitofel ok Absalon, er sviku David konung. Eptir þat syndi Petrus spasögur, þær sem þenna atburð boðuðu fyrir, ok tok sva til mals: „[Sva er ritat i psalmabok¹²: Verði bygd hans auð, ok engi se af hans maukum¹³, sa er þar byggvi¹⁴, ok annarr¹⁵ honum ulikr taki hans byskupsdæmi. Ok [at fram komi¹⁶ 20 þessi spæ, hæfir oss at kiosa einn af þeim monnum, sem i varum samnaði hafa¹⁷ verit fra þeim degi, sem Johannes baptista hof skirnarembætti¹⁸, ok meþan Jesus var með oss, allt til þessa dags, er hann steig til himins, þann sem bera megí vitni með oss um hans upprisú.“ Eptir þat skipaðu þeir menn undir lutfall, Joseph,²⁵ þann sem Barnabas¹⁹ var kallaðr, en at kenningarnafni Justus, ok þann mann sem Mathias er nefndr. Þessi Joseph var broþir þriggia postola sona Alphei or hinni lægri lærisveinatölu Kristz en eigi postoli. Eptir þat tauluðu postolarnir með bænarorðum: „Þu drottinn, er veitz hiörtu allra, syn þu, hvarn þu vill²⁰ hafa valit af³⁰ þessum .ii. til [þess at taka²¹ þionostu ok postoladæmi, sem Judas tapaðiz fra, [at hann færi i sinn stað, þat er²² i helviti.

¹ verðkaup *B*¹; verkkaup *B*². ² vilia *B*. ³ sva at *B*. ⁴ *Her beg. atter B*³. ⁵ leirligr reitr *B*. ⁶ [blöðreitr eða: teigr *B*. ⁷ [at verkkaupi *B*. ⁸ iafnsamliga með rettu *B*. ⁹ bolnum *A*¹. ¹⁰ *saal. B*²³, fæðiz *A*. ³⁵ ¹¹ [semtéingdiz at eins ohreinum öndum hrundinn (hrundnum *B*²³) i þokufullt lopt (færiz i loptinu *tilf. B*²³) sva sem hataðr af himni ok iorðu, eptir því *B*. ¹² [*tilf. B*. ¹³ iafningium *B*. ¹⁴ *saal. A*¹³; byggí *övr.* ¹⁵ þat er annarligr af hans illzku *tilf. B*. ¹⁶ [af framkominni *B*¹. ¹⁷ hefir *B*. ¹⁸ vatzskirn *B*. ¹⁹ Barsabas *B*. ²⁰ *saal. A*¹ *B*¹; villt *övr.* ⁴⁰ ²¹ [at taka þessa *B*. ²² [ok for i stað sinn *B*.

Ok þa gafu postolarnir fyrr nefndum monnum luti, ok fell lutr yfir Mathiam, ok var hann taliðr¹ þaðan af með .xii.² postolum. I þessum stað segir Jeronimus, at [fára manna³ frumtignir megu eigi gera sameiginligt lögmál. Má ok því til svara, at enn [hafði
5 eigi með ollu af latiz⁴ figurur logmáls Moysi, ok því var leyft lutum at neyta⁵, meðan eigi var gefinn heilagr andi, en þaðan af var um fiarskipti ein saman lofat lutum at neyta⁶.

21. Sem⁷ liðnir voru .v. tígir daga fra upprisudegi drottins, [ok sva sem til tekr su hatið, er um .vii. daga stendr yfir ok
10 pentecostes⁸ heitir, voru allir Kristz lærisveinar i einu herbergi luktir, sakir þess otta er þeir hrædduz Gyðinga⁹. Kom sva mikill gnyr, sem [þa er¹⁰ hvassviðri, þat er flest hefir¹¹ or stað þat sem fyrir verðr, hliðar¹² i loptinu, yfir¹³ þat hus, sem Kristz lærisveinar voru inni, .c. ok .xx. at taulu bæði karla ok kvenna. Þa
15 synduz þeim¹⁴ geislar vaxnir sem tungur [standa yfir höfði hvers¹⁵ mannz, ok vurðu þeir þa allir fullir af helgum anda talandi með ymsum¹⁶ tungum, eptir því sem [guðlig milldi villdi hverium veita til styrktar ok vitzku¹⁷. Þeir Gyðingar¹⁸, sem nær voru, heyrðu hliominn¹⁹ i loptinu²⁰, en vissu eigi hveriu gegndi. Dreif
20 þangat skiott mikit folk²¹ at forvitnaz, [hvat nyiung þar var vorðit; komu þar naliga þeir menn, sem²³ hveria tungu kunnu, þviat undir Antiocho Epiphane voru Gyðingar herteknir ok skiptir²⁴ til allra þioða²⁵ ok fyrir skömmu aptr komnir; heyrðiz²⁶ ollum tilkomnum fiolða postolarnir sina tungu tala um Kristz
25 stormerki. Við þetta urðu allir [þeir sem heyrðu²⁷ ottafullir ok vissu eigi, hvat volldi. Sumir Judar sögðu þa vindrukna²⁸ ok tala fyrir því sva mart. Hinn sæli Petrus geck þa með .xi. postolum [opinberliga talandi, at þessi margmæli var eigi af²⁹ ofdryckiu, þar er þa voru dagmal, en þeir voru ecki vanir at eta³⁰ ne drecka
30 fyrir miðian dag, helldr ero nu³¹ framkomnar spæasögur Johelis,

1 *saal. A²³*; taldr *B*; talinn *A¹*. 2 *saal. A² B²³*, .ix. *A¹³*; .xi. *B¹*.

3 [fleiri glosa(!) *B*. 4 [uófsðu menn eigi með ollu af latit *B*. 5 *saal. B*;

skipta *A*. 6 *saal. B A³*; skipta *A¹²*. 7 Þa er *B*. 8 [at tiltakandi .vii.

daga hatið sem pentecosten *B*. 9 Juda *B*. 10 [*nigl. B*. 11 hefr *A²³*.

35 12 *saal. B*; hliðar *A*. 13 þeim ok tilf. *B*. 14 elldingar tilf. *B²³*. 15 [sitiandi

yfir höfðum serhvers *B*. 16 ymisligum *B²³*; morgum *B¹*. 17 [guð villdi

hverium manni styrk til gefa *B¹*. 18 Judar *B*. 19 hvin *B¹*, hliom *B²³*.

20 loptit *B²³*. 21 sem tilf. *B*. 22 [hver nyiung þar var vorðin *B*. 23

at *B*. 24 dreifðir nær *B*. 25 landa *A²*. 26 heyrðuz *B*. 27 heyrendr *B¹²*;

40 heyrandi *B³*. 28 vinæra *B*. 29 [a berhögg vattandi, at þessi margmælg

var eigi af sök *B*. 30 snæða *B*. 31 Her *nigl. 2 Blade i B³*.

þær er sva mæla: Ek mun, segir drottinn, veita minn anda [sva
nogliga¹ konum ok körlum, sem þa er vatni er steyppt yfir iorð,
ungir menn yðrir munu synir sia, en hinum ellrum monnum
yðrum munu draumar birtaz, synir yðrir ok ðætr munu spár spæ.
Ek mun gefa teikn² af himni ok [iartegnir æ³ iorðo, man bloð⁵
ok elldr ok reykiareimr taknsamliga synaz. Sol mun svört⁴ verða,
en tungl mun hafa bloðligan⁵ lit, aðr en komi dagr drottins
mikill ok auðsyniligr⁶, ok hvern, sa er með [sannri ast⁷ kallar æ
nafn drottins, mun hialpaðr⁸ verða. Sva segia doctores, at hinar
fyrri spár Johelis birta tilkvamu⁹ heilags anda, en þat sem hann¹⁰
sagði sol mundu [svarta verða¹⁰, kom fram, þa er Kristr var
pindr. En þat er uvist, hvern lit tunglit hafði undir iorðu æ þeim
tima. Þat [var teikn¹¹, er Jesus sveittiz bloði sinu, því sem æ
iorðina fell, fyrir pisl sina, ok sva þat er bloð fell af siðu hans æ
krossinum, þa er hann var andaðr¹². Elldr veittiz ok taknsamliga¹⁵
postolonum i astgiöf heilags anda, en reykiareimr, þat er beiskr
hiti viðkomningar, veitiz af nalægð [heilags anda¹³ iafnan, þa er
maðrinn iðraz hiartaliga sinna synda, en þat, sem [okomit er
fram¹⁴ i þessi spæ, man fram koma, aðr [domadagr komi¹⁵.

22. Eptir þat sneriz Petrus til Gyðinga [ok mællti sva¹⁶:²⁰
„Heyrit þer, synir Israëls, þessi¹⁷ orð. [Þat er at þer kanniz viðr¹⁸,
at nu ero framkomnar spasögur Johelis ok fylldar, er¹⁹ gefinn er
heilagr andi fyrir Jesum, þann er þer veittut bana, en þo með
diupu raði fauðurligrar skipanar [selldr i yðrar²⁰ hendr. Þann
sama Jesum reisti guð af dauða, at leystum²¹ mörgum öðrum or²⁵
helvitis kvölum, þvíat þat var umattuligt, at [þat mætti²² honum
hallda. Þessa hans upprisu birtir David sva mælandi undir skilning
Kristz til talanda föður²³ sins: Eigi mantu þola, faðir, at önd
min til helvitis niðrstigandi se þar halldin, ok eigi muntu minn
helgaðan likama lata funa eða at dusti²⁴ verða. Ok því, bræðr,³⁰
er lofat diarfliga at segia, at David patriarcha er dauðr ok grafinn,
ok [hans grof, þat er sa dusti sem eptir er af hans funuðum

1 [saal. B; naliga A. 2 bendingar B. 3 [takn af B. 4 dóck B.
5 bloðgan B. 6 auðsær B. 7 [alvoro B. 8 holpinn B. 9 tilkomu A²³.
10 [dauckva B. 11 [varð takn B. 12 liðinn B. 13 [guðs miskunnar B. 35
14 [eptir stendr B. 15 [en komi domsdagr B. 16 [sva mælandi B.
17 þessor A¹. 18 [saal. B; Ek kennumz A. 19 tilf. B. 20 [fyrirætlaðr
helldr en fyrir yðrar B. 21 saal. A¹ B²; lausum A²³ B¹. 22 [saal.
B; þær mætti A²; þer mættit A¹³. 23 feðr A¹³ B². 24 dufti B¹;
duppi B².

likama, er með oss¹. Fyrir þá skynsemi hæfir eigi at trúa David þetta af ser sagt hafa, helldr fyrir því at hann var spámaðr þess² vitandi, at drottinn [sor honum³, at af hans lendum mundi sa koma, er hinn sami guð mundi skipa yfir hans sæti. Spæði hann fyrir Kristz upprisú með þessum orðum, þvíat hann var eigi fyrirlatinn i helviti, ok hans likami þolði óngva funan, þar sem guð reisti hann upp, ok þess lutar ero ver vattar hans lærisveinar. Ok þessi sami Jesus er nu yfir himna⁴ stiginn, ok þaðan, sem nu sitr hann æ hægra veg guði feðr, sendi hann oss hinn helga anda, þann sem vinnr þá luti, sem þer síait ok heyrit at geraz fyrir oss. Hinn sami David spæði ok fyrir hans uppstigning sva mælandi: Drottinn sagði drottni minum, sit þu til hægri handar mer. Þat er af óngum auðrum mattuligt at skilia en Jesu. Því hæfir at allt Jacobs afkvæmi viti sem visligaz⁶, at þessi sami Jesus, sem þer krossfestut, er yfir himna hafðr⁷ ok hefir nu sendan oss hinn helga anda.“

Við þessi orð Petri komuz⁸ margir Gyðingar miok við ok mællto við hann ok aðra postola: „Heyrit, bræðr, ok segit oss, hvat ver skulum gera.“ Petrus svaraði: „Giðrit iðran fyrir afbrot yður ok takit skirn i nafni Jesu Kristz til fyrirgefningar synda, ok munu þer⁹ taka astgiðf hins helga anda, ok [munu þer¹⁰ mæla ollum tungum, þvíat yðru kyni hefir guð þessu fyrir heitit ok ollum þeim, þo at langt se heðan, sem guð drottinn hefir til sinnar truar kallat.“ Mörgum auðrum orðum eggiaði Petrus þá til truar, ok voru æ þeim degi skirð nær [iii. þushundrað¹¹ manna. En allir þeir sem tru toku helldo staðfastliga kenning postolanna ok bænahalldi briotandi brauð ok skiptandi hversdagligri¹² fæðu eptir hvers þörf. Ecki höfðu þeir eiginligt, þvíat þeir sem eignir eða garða attu, selldu ok kaustuðu verðinu fyrir þætr postolum Kristz, ok höfðu alla luti sameiginliga, veitandi hverium eptir því sem þörf stoð til. [Þeir neyttu vista með gleði ok hiartaligu einfelldi með guðs lofi¹³. Hvern dag gengu þeir snemma i guðs musteri til [bænahalldz, ok aptr hurfu þeir til fæðuskiptis¹⁴, höfðu þeir goðan þocka almennings, en guð iok hvern dag tólu þeira.

1 [i hans grof er sa dufti, sem eptir er af hans funuðum likama B.

2 þat A². 3 birti hann sva B¹; bendi honum sva B². 4 upp tilf. B.

5 saal. B; þat A. 6 skilvisligaz B. 7 hafu A² B². 8 kvamuz A¹.

9 þa tilf. B. 10 [mgl. B. 11 [saal. B²; þusundir B¹; .ccc. A. 12 hversdagliga A².

13 [mgl. B. 14 [bænar, ok at henni lyktaðri gengu þeir heim i herbergi sitt til fæzluskiptis B.

23. A nauckurum degi bar sva til, at þeir Petrus ok Johannes gengu til musteris at noni dags¹ eptir vana ebreskra manna. Sa þeir við þat musterisport, er Aurea er kallat sakir [einkannligrar frægðar², er Alexander Hirchanus hafði þar æ lagt, einn halltan mann, þann sem glosa segir [meirr lama verit³ hafa; hann sat ok bað olmosu³ af þeim sem inn gengu i musterit. Petrus mællti þa við hann: „Lit þu æ, at ver⁴ höfum [eckki fe við hönd⁵ þer at veita, en þat sem ek hefi til, gef ek þer. I nafni Jesu Nazareni ris upp ok gack!“ Hann tok þa i hönd honum ok hof⁶ hann upp. Styrktuz þa þegar auklu⁷ hans ok iliar, ok geck¹⁰ sa, sem þangat var i hvilu borinn⁸, æ sialfs sins fotum i musterit, ok tok at hlaupa lofandi guð. Sa allr lyðr þann ganga með guðs lofi, sem aðr vissu þeir halltan. Slo þa otta miklum æ allan hiaveranda lyð, þann sem vissi, at þessi maðr var halltr fra moður kviði⁹. Ok þa er Petrus sa folkít saman [renna undranda¹⁰ þetta¹⁵ takn, mællti hann: „Heyrit þer, synir Israelis! fyrir hvi litit þer æ ockr Johannem, sva sem við hafim þetta gert af ockrum krapti¹¹? eigi er þetta ockarr mattr¹², helldr dyrkaði guð Abraham ok guð Ysaach ok guð Jacob i þessu verki son sinn Jesum, þann sem þer selldut til dauða fyrir¹² Pilato iarli [ok neituðut¹⁴, þa²⁰ er þessi sami iarl dæmdi hann lausan at láta, en þer dæmdut Barraban manndraparann¹⁵ helldr uppgefanda; upphefiara lifsins drapu¹⁶ þer¹⁷, en guð reisti hann af dauða, þess erom ver vattar. Þvi skulu þer vita, at ækall hans nafns ok su trua, sem ver höfum af honum, vann þessum manni alheilsu¹⁸ at allra yðvarra¹⁹ vitni. Ok nu veit ek, bræðr, at þer hafit fyrir uvizku²⁰ sakir giort sem höfðingiar yðrir, þviat þat varð fram at koma, sem allir spamenn höfðu fyrir sagt um Jesum. Giorit fyrir þvi iðran ok snuiz til hans truar, at þa er hvilldartimar ero gefnir rettlátum monnum, fyrirgefiz yðrar syndir, þa er guð hefir yðr sendan þann sama Jesum, sem yðr³⁰ predikaði ok þat heyrir til at sitia æ hægra veg guði feðr allt til upprisutima allra manna, þa er fram munu koma allir þeir lutir, er helgir spámenn hafa fyrir sagt. Sva segir Moyses af honum: Spamann²¹ mun guð upp vekia af feðrum yðrum, sva munu þer

¹ mgl. B. ² [einkannligs skrautz B. ³ [saal. B; olmosu hafa beðit A. ³⁵
⁴ við A² B². ⁵ [enga peninga B. ⁶ reisti B. ⁷ oklu A²³; leggir B.
⁸ ok for tilf. B. ⁹ borinn tilf. A. ¹⁰ [rennanda undrazt B. ¹¹ mætti
A³. ¹² kraptr A¹. ¹³ undir B. ¹⁴ [tilf. B. ¹⁵ maundrapamann B.
¹⁶ saal. B²; vagu B¹; dæmdut A. ¹⁷ i pisl tilf. A². ¹⁸ heilsu B. ¹⁹ yðar
A² B²; yðra B¹. ²⁰ saal. B; urækslu A¹³; uræktar A². ²¹ mikinn tilf. B. ⁴⁰

hann heyra sem mik, ok hver su önd, sem eigi heyrir þenna spamann, man utlaga verða fra sinu folki. Allir spamenn fra Samuele ok fyrrum sögðu¹ fyrir þessa daga. En þer erut synir spamanna ok þess lögmals, sem sa guð skipaði feðrum yðrum,
 5 er² Abrahe sagði, at i hans kyni mundo allar þioþir blezan taka. Sa hinn sami guð vakti upp yðr til hialpar Jesum son sinn ok sendi hann yðr at bleza, sva at hverr yðvarr snuiz fra [yðvarri illzku³.

24. Ok þa er þeir höfðu eigi lyktat sinni viðræðu, komu til
 10 kennimenn ok meistara⁴ musterissins. Þeir upockuðuz allir við kenning postolanna, þar sem þeir mikluðu þann, sem⁵ þeir höfðu dæmðan⁶ sem sekian. Saducei komu ok til ok afvirðu⁷ einkannliga, er postolarnir predikuðu upprisú dauðra manna, þa sem þeir neituðu. Þessir allir saman gripu guðs postola ok raku i myrk-
 15 vastofu, þviat aptantimi var, sva at eigi vannz dagr til at dæma þa. Margir, þeir sem heyrðu þessa kenning, sem postolarnir höfðu fram borit, sneruz til guðs æ þeim degi, nær .v. þushundrað⁸ manna, en [.iii. þushundrat⁹ æ sialfum hvitasunnudegi.

25. A næsta degi komu saman höfðingar kennimanna ok
 20 stefndu þing, þangat drogu þeir postola Kristz ok spurðu, undir hveriu nafni eða hverium krapti þeir hefði þetta giort. En Petrus fullr af helgum anda syndi¹⁰ i fyrstu, at framferð þeira var hegómlig¹¹, sva mælandi: „Hvart ero ver fyrir velgiörning, þann sem hinum hallta var giörr, til dóms dregnur? Nemi þer ok skilit,
 25 at þer [gefit oss rangar sakir¹². En þat vil ek öllum kunnigt gera, at i nafni Jesu Kristz, þess sem þer krossfestut, er þessi maðr, [sem nu er¹³ heill fyrir yðr, græddr. Ok þann hinn sama Jesum reisti guð af dauða; hann er sa steinn, sem af husgiorþarmonnum var ræktr¹⁴, þat er af yðr krossfestr, eptir þat af guði uppreistr
 30 ok settr yfir haufuð hyrningar, þat er yfir samkvamu tveggia mura, [sem merkia tvennir lyðir Juþar ok heiþingar¹⁵, ok fyrir hann ero samtengdir, þviat i honum einum er hialpar ván, ok ecki nafn er annat undir himni, þat er mönnum er¹⁶ gefit at hialpaz fyrir nema¹⁷ Kristz Jesu.“ Sem höfðingar Gyðinga¹⁸ sa staðfesti Petri

35 1 boða B². 2 saal. B; ok A. 3 [illzku B²; illu B¹. 4 meistaramenn B. 5 er A².
 6 dæmt B. 7 syttu B. 8 saal. B²; þusundir B¹, .m. A. 9 .ccc. B.
 10 Her beg. atter B³. 11 heimsklig B. 12 [asakit oss rangliga B.
 13 [er nu stendr (her tilf. B³) B. 14 rækr A²³; onyttir B. 15 [þeira sem merkia tvenna lyði Juda ok heiðingia B. 16 se B. 17 þetta eitt nafn
 40 drottins tilf. B²³. 18 Juda B.

ok Johannis, ok vissu, at þeir kunnu eigi meiri¹ boklistir en sina tungu at eins, buðu þeir þeim at fara af þinginu. En þá er þat var gört, mællto þeir þessi orð sin i milli: „Hvat skulum ver gera monnum þessum, þviat ver megum eigi neita takn þat, sem opinberliga var gert. En til þess at eigi viðfrægiz þeira kenning, 5 megu ver ógna þeim, at eigi prediki þeir i þessu nafni [fyrir nockurum manni.“ Ok at aptrkölluðum postolum lögðu þeir bann fyrir, at þeir predikaði i nafni Jesu². En Petrus ok Johannes svöruðu: „Dæmit þer sialfir, hvart helldr samir [hlyðni at veita³ guði bioðanda eða yðr [ef þer fyrirbioðit⁴.“ Sem þeir segði 10 þetta: „[Villiz þer bannandi⁵ þat sem guð byðr, ok þvi erut þer [með öngum hætti⁶ heyrandi, [þviat þat sem hinn hærri byðr, en hinn lægri mælr i moti, þá er hinn lægri eigi heyrandi⁷, þviat eigi megum ver þegia yfir þeim lutum, sem ver höfum heyrtr.“ Gyðingar⁸ letu þá [sleppa hendir af þeim með ognanarorðum⁹, þviat 15 þeir þorðu eigi at handtaka þá sakir lyðsins¹⁰. Petrus ok Johannes foru þá [til Syon ok fundu sina kompana¹¹ ok sögðu þeim, hversu¹² höfðingiar kennimanna höfðu kiært¹³ þá, ok hversu¹⁴ þeir höfðu til svarat. Þeir vörðu við þetta geysi glaðir ok sneruz til guþs sva mælandi: „Heyrðu guð, er skapaþir himin ok iorð, 20 sio ok alla luti, er i þeim ero, þu talaðir¹⁵ með helgum anda fyrir munn fauður vars Davids þins þionostumannz; fyrir hvi töluðu þiöþir með reiðiraust ok fyrir hvi hugsuðu lyðir hegomliga luti? Saman samnaðuz konungar iarþarinnar ok höfðingiar i einn stað 30 moti drottni ok i moti Kristi hans. Saman komu þeir Herodes ok Poncius Pilatus með heiðingium ok Israels folki i þessarri borg i moti helgum sveini þinum Jesu, þeim sem þu sendir at vinna þat, sem þin hönd ok þitt rað dæmði at verða skyllði. [En nu lit þu a ognir þeira ok gef þrælum þinum með trausti at tala þin orð.“ Þat er hugsanda¹⁶, at þessu orði er opt motkast veitt, saman 30 komu þeir Herodes ok Poncius Pilatus at gera þat, er þin hönd ok guðligt rað lögto at verða skyllði¹⁷, þviat þeir komu saman at fremia rangt verk, en guð dæmði, at pinslin skyllði fram koma; þo var at hvaru verk Herodis ok Pilati rangligt, en pinslin var goð.

26. Þá er postolar drottins höfðu lyktat bæn sinni, tok 35

1 fleiri B²³; fremri B¹. 2 [tilf. B. 3 [hlyða B. 4 [bannondum B. 5 [saal. B; vilit þer fyrirbioða A. 6 [at engum kosti B. 7 [mgl. B. 8 Judar B. 9 [lausa eptir þetta, en ognuðu þeim með orðum B. 10 folksins B. 11 [i Syon til annarra lærisveina B. 12 hvat A². 13 kært við A²; asakat B. 14 hveriu B. 15 saal. B; talar A. 16 vitanda B²³. 17 [tilf. B. 40

iorðin at skialfa i þeim stað, er þeir höfðu beðiz fyrir. Ok i þeim landskialpta¹ var þeim annat sinn sendr heilagr andi, sva at þeir tóluðu guðs orð með fullu trausti. Sva mikit var þa samþycki² guðs kristni, sem þeir hefði eina önd ok eitt hiarta; engi þeira
5 hafði nœkut sva sem sitt, helldr var þeim allt sameiginligt, engi var þurfandi millim þeira, en þeir, sem aðr attu hus eða akra, selldu³ við lausafe⁴ ok [køstuðu verðinu⁵ fyrir fætr postolum. Skiptu þeir þa hverium til handa, eptir því sem hvers stoð þörf til.

27. [Maðr er nefndr Barnabas, þat þyðiz hugganar son, hann
10 var kominn af ætt Levi, en sakir herleiðingar fæðingi i ey þeiri, er Ciprus heitir. Hann atti einn akr, sakir þess at hann var milli heiðinna manna fæddr, þvíat öðrum Levitis en slikum var ecki lofat eiginligt at hafa, hann kastaði verði þessa akrs fyrir fætr Petri ok annarra postola⁶. Þessi Barnabas var síðan af helgum anda
15 valdr til predikanar ok postoladóms⁷ með sælum Paulo. En þat er hugsanda, at sinn er hvarr, þessi Barnabas, er auðru nafni het Joseph, ok hinn Joseph, er Barnabas⁸ het auðru nafni, þat er hvíldar son, en Justus at kenningarnafni, ok með Mathia var undir lutfall skipaðr, þo at nœkurir hafi i þessu villz.

28. Nær þessum tima kom sa maðr, er Annanias het, með Saphira husfréyu sinni til postolanna at vera i samlagi með þeim, til þess at hafa þar [fæðu ok klæði utan erfíði eða starf sva sem⁹ undir girnd¹⁰ nœkurs [klokligs afla¹¹. Þau höfðu selldan akr sinn ok kaustuð¹² verðinu, [eigi öllu helldr sumu¹²,
25 fyrir fætr Kristz lærisveinum¹³ [ætlandi ser þann lut, sem eigi var fram¹⁴ latinn, sva sem til nœkurs eiginligs ævinnings¹⁵.

1 iarðskialfta *B.* 2 i tilf. *A² B²³*; meðr tilf. *B¹*. 3 þa tilf. *B¹*, þat *B²³*.

4 saal. *A¹*; lausum aurum *B¹*; lausa aurum *övr.* 5 [lögðu verðit *B.*

6 [saal. *B.*; I þann tima kastaði sa maðr sem het Barnabas, þat þyðiz

30 hugganar son, kominn af ætt Levi, en sakir herleiðingar var hann fæddr i ey þeiri, er Ciprus heitir, verði akrs þess, er hann atti, sakir þess at hann var milli heiðingia fæddr, fyrir fætr Petri ok annarra postola, þvíat öðrum Levitis en slikum var ecki lofat eiginligt at hafa *A²³*; I þann tima kastaði

35 sa maðr, er Barnabas het, verði akrs þess, er aðr atti hann, fyrir fætr guðs postolum, sakir þess er hann var i milli heiðingia fæddr, þvíat auðrum Levitis en slikum var ecki lofat eiginlight at hafa. Barnabas þyðiz huggunar son. Hann var kominn af ætt Levi, en sakir herleiðingar var hann fæddr i ey þeiri, er Ciprus heitir *A¹*. 7 postoladæmis *B.* 8 Barsabas

B.; her efter mgl. 8 Blade i *B³*. 9 [atvinnu án erfíði ok starfi *B.*

40 10 grein *A²*. 11 [klokleiks *A³*. 12 [sumu en eigi öllu *B.* 13 lærisveina *B.*

14 frammi *A²³*. 15 [ok ætluðu þann hlut, sem eigi var fram latinn, ser til eiginligs framdrattar *B.*

Petrus sa þegar [með heilags anda vitran¹ þessa flærð ok mællti sva: „Annanias, hvi freistaði Satanás hiarta þitt til þess at liuga at hinum helga anda, eða fyrir hveria sauð falsapir þu af akr-verðinu? Eigi hefir þu þenna lut at monnum logit helldr at guði, þeim er hiðrtun rannsakar ok tapar [alla þa², sem lygi mæla?“ 5 Viðr þessi orð Petri fell Annanias dauðr niðr. Um þat ma tala, hvi sa hinn sami guð hegndi sva skíott þenna prett, er sagði þau orð, er i guðspialli standa: Ef nðckurr slər³ þik æ hegri kinn, [gef honum orlof at sla⁴ hina vinstri. En því er til svaranda, at i nyri kristni hefndis hann suma luti með skiotri refsing, sva 10 sem lofat er at leggja stærri pinur æ niðrbrotzmenn laganna i fyrstu, þa er þau ero lögleidd ok framborin, eptir því sem lesit er, at i upphafi Moyses laga var sa maðr gryttr, er æ hvíldar-deginum⁶ las saman tre til ellda. Sva voru ok i upphafi kenni-manna kosnings undir hinu sama lögmali Moysi tveir synir Aaron 7 15 Nabaioth ok Abiuth i elldi brendir, þvíat þeir hófðu guði [fært annarskyns⁸ elld. Fyrir þessa sömu sök do Annanias braðliga⁹, [til þess¹⁰ at aðrir óttaðiz þvílikan falsaradom at gera¹¹. Þeir ungir¹² menn, er hia stoðu, toku likama hans ok grofu. Ok [at liðnum þrim stundum dags¹³ geck Saphira inn, þar sem Petrus 20 sat fyrir i herbergi, ovitandi¹⁴ dauða bonda sins. Petrus mællti þa við hana: „Hvart selldut þit bondi þinn fyrir sva mikit akrinn, sem til var kom?“ Hun svaraði: „Fyrir sva mikit.“ Petrus mællti þa: „Fyrir hvi hafit þit þat saman bundit með yckr at freista guðs anda? Se nu, at þeir menn, sem bonda þinn 25 grofu, standa hia durum¹⁵ herbergis, ok vit [fyrir vist¹⁶, at þeir munu þik ut bera.“ Þessi kona fell þegar dauð [at fotum Petro¹⁷, þvíat hun var samvitandi flærþarinnar. Þeir menn, er fyrir durum¹⁸ stoðu, gengu inn ok sa hana dauða, baru ut lik hennar ok grofu þat hia liki bonda hennar, þvíat þat er siðr¹⁹ ebreskra manna at 30 grafa husfreyiur hia bondum²⁰ sinum, fyrir þat at Eva var formerut af rífi Adams, at eptir samtenging bloðsins fylgði ok samtenging dustsins²¹. Allir þeir, sem [heyrðu þenna atburð²², ottaduz storliga miðk fyrir sva braða hefnd.

1 [fyrir af heilags anda gípt *B.* 2 [ollum þeim *A*¹. 3 lyster *B.* 4 [leyf 35 honum at liosta a *B.* 5 hegndi *B.* 6 hvíldardaginn *B.* 7 Arons *A*². 8 [færðan annarlígan *B.* 9 braðkomliða *B*². 10 [*mgl.* *B.* 11 fremia *B.* 12 *saal. alle* 13 [þrim dagstundum liðnum *B.* 14 ok vissi hon eigi *B.* 15 durum *övr.*; þessa *tílf.* *B.* 16 [til viss *B.* 17 [viðr *B.* 18 durum *övr.* 19 siðvani *B.* 20 bændum *A*² *B*². 21 duftzins *B*¹, dupzins *B*². 22 [sa 40 þenna atburð (þessa atburði *B*¹) eða heyrðu *B.*

29 Mörg takn ok stormerki gerðuzt¹ fyrir hendr postola drottins, ok voru þeir iafnliga i þeim lut² guðs musteris, sem Salomon³ var vanr at biðiaz fyrir. En engi otruaðra⁴ manna þorði at samtengia sik þeim [þaðan af⁵ með nöckurum falsaradomi
5 fyrir eptirdæmi Annanie. Þo [at hvaru aukaðiz tala þeira, sem⁶ Kristi truðu, sva framarliga, at þeir [fluttu siuka menn eptir ser i þeim sængum, er þeir mattu bera með ser⁷, ok lögðu niðr æ strætum, þar sem hinn sæli Petrus var vanr at ganga, til þess at skugga hans þeri yfir hina siuku, sva at þeir yrði þar fyrir heilir
10 af sinum krankleikum. Þviat þessi sami Petrus var um þenna lut sva framarliga tignaðr, at hann græddi siuka menn með skugga sinum, en Kristr græddi með klæðatrófum⁸ sinum, sva sem siukir menn komu [til hans eða við hans trefr⁹. Kom þat þa fram, sem drottinn [talaði til lærisveina sinna¹⁰, at þeir mundo¹¹ meiri
15 takn gera en hann gerði, ok skal þat þo eigi skilia til allra hans verka.

30. Eptir þat reis upp Caiphas kennimanna höfþingi, ok með honum Saducei, þeir sem sik sögðu komna af kyni Sadoch kennimannz, þess er Salomon setti i stað Abiathar, elligar¹² kalla þeir
20 sik Saduceos af Sedech, þat þyðiz rettleði, ok þo með falsaradomi, þviat þeir truðu eigi upprisu dauðra manna, ok voru [þar af reiðir postolum drottins, er þeir sönnuðu þa sömu upprisu, er sialfir þeir neituðu¹³. Þessir allir samt raku Kristz lærisveina i myrkvastofu. En guðs engill leiddi þa ut. [um miðnætti¹⁴ at luktum durum
25 biððandi¹⁵ þeim at fara i guðs musteri ok predika folki guðs orð. Varð þetta til styrkingar guðligri tru¹⁶, en til hneykingar Gyðingum, þeim sem æ [þa leið¹⁷ efuðu sem Thomas [Kristz upprisu¹⁸ með sö. umum likama, fyrir þat er hann for af luktu leiði ok um¹⁹ luktar dyr. Matti Thomas nu kenna sialfan sik eigi því siðr hafa sannan
30 likam a, þo at hann færi um luktar dyr myrkvastofunnar. Voru nu ok Gyðingar hneyktir i sinni lygi, þeiri er þeir sögðu Kristz likama stólinn af grofinni, [ok urðu þeir skylldir²⁰ at trua Kristz upprisu

1 þenna¹ tima tilf. B. 2 part B. 3 saal. B; Samson A. 4 otruandi B.
5 [siðan B. 6 [vox tala þeira er B. 7 [baru i reckium siuka menn B.
35 8 klæðatro fíum A³; klæðatrefum A². 9 [við þau A²⁸; fra græddi með klæðatr. hertil har B: at snertum traufum klæða sinna (hans B¹). 10 [mællti við lærisveina sina B. 11 mundi A³ B. 12 ella B. 13 [fyrir þat reiðir postolum, er þeir predikuðu upprisuna B. 14 [af myrkvastofunni B.
15 ok bauð þeim B. 16 tólu A². 17 [þann hatt B. 18 [Krist upprisinu
40 19 saal. B; i A. 20 [saal. B; sem skylldir voru A.

eða elligar¹ prova lærisveina hans með þeim sama stuld leidda af myrkvastofu læstri. Postolar drottins foru eptir boði engilsins fra myrkvastofunni ok komu² snemma i guðs musteri ok predikuðu þar fyrir folki, sem [hinn sami engill hafði þeim boðið³ i þeim [hafum stað⁴, sem kennimenn [voru vanir at kenna⁵ lögmal⁵ Moysi.

Snemma þann sama dag kom kennimanna höfðingi ok þeir sem með honum voru, ok at heyrðum þessum tíðindum stefndu þeir þing [at dæma⁶, hvat við postolana skyldi gera, þvíat þeir voru settir i myrkvastofu til rannsaks. Þeir sendu þá menn til myrkva-¹⁰ stofunnar[, at þeir Petrus ok hans felagar væri æ þingit kallaðir⁷. En varðmenn komu² aptr segiandi⁸: „Læsta fundo ver myrkvastofuna, en at henni upplökinni fundo ver öngvan mann.“ [Sem meistari⁹ musterissins ok höfðingiar ok spekingar efuðu, hversu þetta mundi hafa farit, kom einn maðr laupandi ok sagði sva: ¹⁵ „Þeir menn, sem þer settut i myrkvastofu, kenna nu folkinu kenningar i guðs musteri.“ Höfðingi kennimanna ok þionostumenn ok aull þeira sveit gengu þá til musterissins ok leiddu guðs postola fyrir utan alla nauðung ok ofrefli upp¹⁰ æ sitt þing, þvíat þeir óttaðuz folkit, þat er þeim sinnaði. Þá stoð upp höfþingi kenni-²⁰ menna ok mællti: „Þviat þer hafit fyllda Hierusalem af yðvarri kenning, bioðum ver yðr með byskupligri¹¹ röksemd, at þer predikit alldri heðan af i nafni Jesu. [En fyrir hvi ofregit¹² þer oss i því, er þer predikit¹³ þann saklausan, sem ver dæmdum til dauða.“ En postolar drottins heitir af vandlæti¹⁴ truar þoldu²⁵ eigi, at einn talaði fyrir þá alla, ok svöruðu allir [i senn¹⁵ ok með einum hug, at þeim samði¹⁶ framar guði at hlyða helldr¹⁷ en mönnum: „En vitit þat [til viss¹⁸, at guð vakti upp Jesum, þann sem þer draput [ok hengdut¹⁹ æ kross, ok hinn sami guð hof hann²⁰ upp æ himna²¹ ser til hægri handar. Ok ver erum ³⁰ vattar allra þessarra luta ok sva tilkvamu heilags anda, þess er Jesus gaf eigi at eins oss helldr ok öllum þeim sem honum hlyða.“ Þessi hin siðarstu orð mællto postolarnir [til lockanar

¹ ella *B.* ² kvamu *A*¹. ³ [þeim var boðið af sama engli *B.* ⁴ [sama stað *A*²; stöðum *B.* ⁵ [*saal. B.*; höfðu þeim kent *A.* ⁶ [til umraða *B.* ⁷ [eptir ³⁵ postolum *B.* ⁸ ok sögðu *B.* ⁹ [Ok er meistaramenn *B.* ¹⁰ *mgl. B.* ¹¹ tign ok *tilf. B.* ¹² vanfrægit *A*³. ¹³ [Eðr nvi asaki þer oss sem seka predikandi *B.* ¹⁴ rettrar *tilf. B*¹; heilagrar *B*². ¹⁵ [senn *B.* ¹⁶ semdi *B*¹, sæmdi *B*². ¹⁷ *mgl. B.* ¹⁸ [fyrir vist *B*². ¹⁹ hann *tilf. A*²³. ²⁰ [hengiandi aa krosstre ok hof *B.* ²¹ *Her mgl. 1 Blad i B*². 40

höfðingium Gyðinga ok þeim¹ til iðranar ok rettsnuningar, sem þeir mællti þetta: „Eigi at eins oss helldr ok yðr mun guð gefa hinn helga anda, ef þer vilit æ Jesum trúa.“ Við þessi orð sturluðuz² Júpár miok³ i hiðrtum sinum.

5 31. Þá stoð upp einn af Phariseis. Þeir ero því Pharisei kallaðir, at þeir skipta sik sumstaþar⁴ fra almenniligri tru Gyðinga, af pharor er skipti þyðiz. Þessi maðr het Gamaliel, hann var mikill lögspekingr ok harðla mikils virðr af ollu folki. Hann [mællti, at postolarnir færi litla stund brott⁵ af þinginu. Af
10 þessum Gamaliel segir Clemens i sinum pistli⁶, at hann var lærisveinn postolanna sem Nichodemus, ok með raði postolanna var hann i milli Gyðinga ok mykti optliga þeira reiði i moti Kristz lærisveinum. Hann [hóf upp mal sitt æ þessa lund⁷: „At er hyggianda ok biðanda en eigi braðliga⁸ dæmanda, hvat ver
15 skulum gera at mali⁹ þessarra manna, þviat ef þessi predikan, er þeir fara með, er af mönnum at eins upptekin, mun hon skiott fyrir sialfa sik niðr briotaz, en ef hun er guðs verk, mun hun standa ok öngum manni mattulig¹⁰ niðr at briota. Ok til styrkingar þessum minum orðum segi ek [.ii. almennilig dæmi ok
20 nykomin¹¹. Sa galldramaðr sem Theodas het, sagði sik spamann vera, hann sagðiz mundo leiða Gyðinga yfir Jordan með þurru fæti¹² til þeira staða, sem hann kunni¹³ þeim til segia, æ [þa lund¹⁴ sem Josve gerði forðum daga¹⁵. Af þessarri hans æggian selldo margir menn eignir sinar ok foru með penningum sinum æ
25 Jordanar backa til motz við [fyrr nefndan mann¹⁶. Ok æ því þriggia daga rumi, sem hann bað þa biða þessa takns, kom til sendimaðr iarls af Syria¹⁷ með miklu riddaraliði ok drap margan¹⁸ af þessum mönnum, en rak suma æ flótta, en höfuð Theode magi flutti hann til synis sins verks i Hierusalem. Nöckuru síðarr
30 i þann tima, sem menn iátuðuz undir manntalsskatt ok at lyða Romveria valldi undir Augusto cesare¹⁹, taldi Judas galileus, sa er einn var af þrætu Esseorum²⁰, þat fyrir miklum fiolða Gyðinga, at þar sem þeir gylldi frumfornir ok tiundir guði, etti þeir ecki

35 1 [lockandi höfðingia Juda B. 2 útuz B. 3 innan tilf. B. 4 sumskostar B. 5 [bauð, at postolarnir væri litla stund a brottu leiddir B. 6 pistola A¹. 7 [Hann sagði sva B. 8 saal. B; þraliga A¹³; þrasamliga A². 9 raði A². 10 saal. A¹²; ok er þat öngum manni mattuligt A³; engum manni mattuligt B. 11 [fram alkunnig dæmi ok nyliga til borin B. 12 fotum B. 13 kynni A². 14 saal. A³; þann hatt B; þau lönd A¹². 15 ngl A³ B. 16 [hann B. 17 saal. B; Siria A. 18 marga B. 19 keisara A²
40 B. 20 saal. B; ebreorum A¹, esdorum A², meistorum A³.

skatta at giallda Romverium eða öðrum höfþingium. Ok sva mikit vann hans¹ fortala, at Pharisei ok mart annat folk let fretta Jesum, hvart lofat væri at giallda cesari² skatt. Judas ok hans kompanar taka nafn af því, at þeir ero villtir af Juda tru sva framarliga, at þeir kalla sik eina æ rettri tru standa, ok af 5 þessi dul taka þeir nafn. Eigi myklu síðarr tapaðiz þessi Judas ok þeir sem honum samþyktu með yðr kunnigu dæmi.“ Ok er hann lauk [sinni ræðu³, höfðu höfþingiar kennimanna þat af hans raðum at veita eigi bana postolum guðs, sem þeir höfðu aðr etlat, þo [at hvaru⁴ letu þeir æ þessu sama þingi veita þeim harða 10 huðstroku, ognandi þeim undir dauðans pinu, ef þeir predikaði þaðan af i nafni Jesu. En postolarnir foru fagnandi af þessu þingi, fyrir þat er þeir voru makligir fundnir⁵ at þola pinu fyrir öngva⁶ sauk fyrir guðs⁷ nafni. Ok sva mikill var styrkr truar almattigs guðs með þeim, at eigi viknaðu þeir við harða hotan⁸ 15 Gyðinga ok eigi blotnaðu þeir, [helldr styrktuz þeir⁹ við beiskan¹⁰ bardaga þeira.

32. A þessum dögum tok at vaxa lērisveinatale Kristz. Þa [mögluðu kristnir menn af Grecia, er¹¹ þaðan voru ettaðir, at¹² æckiur, þær sem með þeim voru, foru umhyggiulausar. Sem¹³ 20 postolar heyrðu [þessa möglan¹⁴, sa þeir sik eigi mega til þess vinnaz at skipta likamligum þarfundum með ollu sinu folki ok hallda þo upp guðs predikan. Þa leituðu þeir ser raðs sva mēlandi: „Eigi er rettligt, [at ver fyrirlatim¹⁵ guðs predikan ok [þionim yðr¹⁶. Þvi byriar¹⁷, at ver velim þa menn, er gott vitni 25 se borit um lifnat ok mannkosti, ok fullir se af [helgum anda¹⁸, til þess at letta oss i þessu starfi.“ Þetta rað þoknaðiz¹⁹ ollum Kristz lērisveinum vel [ok ollum öðrum truandi monnum²⁰.

33. I þenna tima voxu²¹ upp með Gamalieli lōgspekingi .ii. ungir menn, baþir tignir ok vandvirkliga²² lærðir at skilia lōgmál 30 Moysi. Het annarr Stephanus, ok var sa innlendzkr, en annarr Saulus, ok var sa utlendzkr. Hann skilþi [lōgmál ok spamanna²³ þekr likamliga, en Stephanus andliga. Spurði Saulus opt þess

1 saal. B; þeira A. 2 keisara A² B. 3 [sinu dæmi A²³; sinu mali B.

4 [mgl. B. 5 mgl. B. 6 logna B. 7 Kristz B. 8 heitan A³. 9 [mgl. 35

B. 10 beiskleik B. 11 saal. A²; ok A¹³. 12 [kæru kristnir menn, þeir

sem af Grecia voru komnir, um þat er B. 13 Ok er B. 14 [þetta B.

15 [ef ver fyrirlatum A¹². 16 [þionan B. 17 dugir B. 18 [saal. B;

saðning A. 19 þockaðiz A¹. 20 [tilf. B. 21 oxu A²; uxu A³ B.

22 saal. B; vandvirkliga A. 23 [lōgmanna B.

þriotliga, er Stephanus leysti tiguliga. A þessum dögum¹ var Tiberius keisari² pindr með [daligum siukdomi³, sva at lēknar máttu⁴ honum eigi bot vinna. Hann fretti þa, at i Judea var lēknir, sa er Jesus het, sa er með orðum sinum⁵ græddi allar
5 sottir. Keisarinn sendi þa eptir fyrr nefndum [Jesu legata eða mikils hattar sendiboða með mikilli sæmd⁶ at flytia hann til sin af Judea. Sendiboðinn kom til Pilatum i Judea ok [bar fram⁷ sitt eyrendi. Pilatus sagði [honum þann sama⁸ lækni dauðan. [Sendiboðinn varð skiottt viss, at þessi Jesus var eigi at eins
10 lēknir nema⁹ helldr guð, þvíat hann gaf lif dauðum mönnum. Fyrir þetta snöriz hann æ Gyðinga ok Pilatum, er Jesum hafði til dauða dæmðan, ok gaf þeim landraðasauk, fyrir þat er þeir höfðu dæmðan hann utan¹⁰ samþycki Romveria, er svá var nauðsynligr ollu folki. Pilatus sneri þessi sauð af ser ok upp æ
15 Gyþinga, sagðiz þetta nauðigr gert hafa¹¹. Fyrir þenna flutning sneriz sendiboðinn æ Gyðinga ok sagði þa vera dræpa ok deyrandi með ymsum¹² pinslum, en penninga þeira upptæka¹³ keisarans valldi. Þeir urðu miok hræddir við þetta, en fengu þo fyrst frest til andsvara. Eptir þat baðu¹⁴ þeir Stephanum fyrr nefndan veita
20 ser afsakan fyrir [keisarans sendiboða¹⁵, með því efni⁶ at þeir hefði þann pindan, sem lög þeira onytti¹⁷ rangliga, en guð mætti eigi deyja. Stephanus lagði þat rað æ með þeim at kalla Gyðinga saman af ollum löndum ok taka af þeim rað, hveriu¹⁸ Romverium skyllði svara. En þessa afsakan, sem þeir baðu hann fram bera¹⁹,
25 sagði hann með ollu onyta, þar sem takn þau, sem Jesus vann, váttaðu²⁰ hann guð vera, ok ollum hans verkum ok þeim lutum, sem fyrir hann gerðuz, báru²¹ vitni lögmál Moysi ok spámanna bækr²². Þeir höfðu rað Stephani um [samankall Gyðinga²³, þo at þeir reiddiz röksemd hans [vaskligr ok einarðligr andsvara²⁴.

30 1 tímum A²; tima B. 2 Her beg. atter B². 3 [dagligum siukleika (siuknaði B¹) B. 4 mætti B³. 5 einum A². 6 [lækni sinn legata, þat er volldugan sendiboða, með miklu stimani B. 7 [let uppi B. 8 [þenna B. 9 mgl. A³. 10 [Legatinn varð skiotliga viss, at Pilatus hafði hann til dauða dæmðan; fyrir því gaf hann Pilato landraðasök, er hann hafði þenna mann til
35 dauða dæmðan án B. 11 Her tilf B: Legatinn varð þess skiotliga viss (varr B²) at þessi Jesus var eigi at eins lēknir helldr guð, fyrir því at hann gaf lif dauðum mönnum. 12 ymisum A²; ymisligum B. 13 uppnæma (ok i tilf. B) B. 14 beiddu A². 15 [legatanum B. 16 mgl. B. 17 saal. B; onyttu A. 18 hversu B. 19 koma B². 20 saunnudu A³; vattaði B. 21 bæri B.
40 22 bækrnar A¹². 23 [samankallan spekinganna B. 24 [vaskligri (meðr skiotum tilf. B¹) ok einarðligum andsvorum B².

34. Hinn heilagi¹ Petrus hafði skiotliga frett af því, hvilik andsvör Stephanus hafði gefit Gyðingum, ok let kalla hann leyniliga til sín. Eptir þat predikaði hann fyrir honum eggjandi hann² at taka helga skirn. En Stephanus let þat eigi torvellt af sinni hendi, [sagði ok at vitni ritninganna vissu³, at Jesus var guð. 5 Eptir tekna skirn lögðu postolarnir [æ hann⁴ predikanar embætti, ok at tekinni heilags anda gipt gerði hann mörg takn ok stormerki fyrir folkinu i Kristz nafni. En þvíat postolar sa fyrir nauðsyn þat til liggja at skipa ser lettismann⁵ at veita þeira folki forsia ok ętla kost [þeim, er⁶ fyrr var greint, volðu þeir Stephanum sva 10 sem fullkominn formann, ok með honum Philippum, Prochorum, Nicanorem, Timotheum, Parmenam ok Nicholaum advenam⁷ antiochenum til þessa starfs, ok settu þa fyrir fætr ser ok lögðu hendr yfir þa⁸ með bænarorðum [at bera þeira leyti sem erchidiakn, þau sem⁹ byskupum letta, at þeir verði talmanarlausir ok frialsir 15 til bænar ok predikanar. Ero af þessu dæmi bænir settar til hverrar¹⁰ vigslu, þvíat postolarnir lögðu hendr yfir höfuð þessum mönnum gefandi þeim diakns vigslu með bænarorðum. Beda segir, at [þa væri þeir¹¹ til presta vigþir, ok því væri hendr lagðar yfir höfud þeim, sva sém nu er alsíða¹² at gera, þa er prestar ero 20 vigþir. Ok er Gyðingar komu saman til fyrr nefndrar stefnu [i Hierusalem¹³, disputeraðu¹⁴ hinir visuztu af þeim moti¹⁵ Stephano¹⁶, ok sigraði hann þa alla með heilags anda krapti ok röksemdum guðligr¹⁷ ritninga. Þeir reidduz því storliga miok, [ok toku hann ok leiddu a þing sitt¹⁸ ok [saukuðu hann um þat¹⁹, 25 at hann hefði lastat guð ok Moysen. Ok er honum var [orlof gefit af höfþingium til andsvara,²⁰ hof hann sitt eyrendi af²¹ lofan guðs ok Moysi. [Ok er hann hafði ollum sökum af ser hrundit, þeim sem þa voru æ hann bornar,²² hof hann predikan af Kristi ok vattaði, at allir þeir, sem eigi vilja æ hann trua, vanvirði lög- 30 malit ok spamanna þekr, þær sem Jesum²³ vatta guð vera, ok stæði i moti helgum anda. En þeir allir, sem æ þinginu voru, [sa

1 sæli B. 2 aa *tilf.* A²³. 3 [sagðiz at vitni ritninganna viss a B. 4 [*tilf.* B. 5 lettismenn B. 6 [sem B. 7 *saal* B; advena A. 8 höfuð þeim monnum A³. 9 [ok bera þeira hleyti erkidiakn, þau er B. 10 35 serhverrar B. 11 [þeir væri síðan B. 12 síðr til A³. 13 [*saal.* B; guðligr ritninga A. 14 disputaðu B², dispuðu B¹. 15 *saal.* B; við A¹³, með A². 16 Stephanum A¹. 17 heilagra B. 18 [*tilf.* B. 19 [gafu honum þa sök B. 20 [lof gefit at tala af höfþingia (höfþingium B²) kennimanna B. 21 *saal.* B; at A. 22 [Síðan B. 23 hann B. 40

æ Stephanum¹ sem æ guðs engil. Eptir þat sagðiz hann sia himininn opinn ok Jesum standanda² til hægri handar guði. Við þessi orð byrgðu Gyþingar eyru sin ok börðu Stephanum grioti til bana. Þeir köstuðu klæðum sinum fyrir fętr Saulo fostbroður³ þessa mannz Stephani. Bað Stephanus æ þa leið fyrir sinum banamönnum sem Jesus æ krossinum fyrir þeim, er hann krossfestu³. Juðar kaustuðu [likama Stephani umylldum⁴ fyrir dyr ok fugla. En Gamaliel grof hann vegsamliga, sem verðugt var.

Sendiboði Romveria feck eitt likneski vars herra með duki¹⁰ Veronice ok færði Tiberio, ok varð hann þegar⁵ heill, er hann sa þat. Þaðan af villdi hann ser ecki annat lata lika, utan⁶ senatores legði samþykki til, at sa væri guþ, er græddi sialfan cesarem⁷ af sinni sott. En þviat þeir samþyktu eigi, drap hann marga af þeim, en rak suma i utlegð. En þo toku Romveriar ecki tru at þvi sinni,¹⁵ ok eigi meðan Tiberius lifði.

35. Eptir þetta giorðu [Gyðingar styriolld mikla⁸ i moti Kristz lærisveinum, sva at nær allr utan hans postolar stucku⁹ i Samariam, en sumir i Judeam, eptir þvi guðs boðorði sem hann segir: Ef uvinir yðrir striða¹⁰ yðr i annarri borg, flyit þa i aðra.²⁰ At lyktum urðu eigi fleiri eptir [at Jorsolum postolar¹¹ en Petrus ok Johannes ok hvartveggi Jacobus. Ok af þvi at þeir sa fyrir, at þeir mundo allir [til ymissa landa flyia ok skiptaz¹², logðu þeir Petrus ok Johannes ok Jacobus broþir hans hendr yfir höfud Jacobo Alphei vigiandi¹³ hann sakir sins einkannligs heilagleiks²⁵ til byskups i Hierusalem. Þvi skulu eigi færi en .iii. byskupar byskup vigia.

Saulus, sa er fyrr var nefndr, dro þa konur ok karla i myrkvastofu¹⁴, en öngvan drap hann sialfr, þviat allzvalldandi guð varðveitti hans hendr fra uthelling saklauss blóðs. En þeir, sem¹⁵ flyðu,³⁰ predikuðu staðfastliga guþþialliga tru, hvar sem þeir komu fram.

36. Philippus, næstr Stephano i taulu .viii. diakna, predikaði i Samaria ok rak með stórum flokkum diöfla fra oðum mönnum, ok gerði margs kyns iartegnir¹⁶. Þar¹⁷ sneriz mikit folk til Kristz truar ok voru skirðir.

35 1 [litu a hann B. 2 saal. A¹ B¹; standa A²³ B². 3 pindu B. 4 [hræum hans omyllidum B¹, hræi hans umilldu (!) B². 5 i stað B¹. 6 en A³ B. 7 keisarann A² B¹. 8 [Judar otridarstorm mikinn B. 9 undan tilf. B². 10 a tilf. B¹. 11 [af þeim at Jorsolum B. 12 [dreifaz til ymissra (ymsra B²) landa B. 13 ok vigðu B. 14. myrkvastofur B². 15 er B¹. 16 takn B. 17 af tilf. B.

37. Maðr er nefndr Simon magus at kenningarnafni, honum hlyddi¹ allt folk i Samaria fra minnzta manni til hins mesta sakir hans [galldra ok faheydrar² folkyngi. Hann sagði sik vera guðs krapt eða spamann eða guðs engil, ok truðu þeir því, sem³ villtuz [i hiðrtum sinum. Sem⁴ hann sa Philippum gera þau takn, 5 sem hann mátti eigi gera sialfr, hugði hann, at hann giorði þat af list eða mannligrí framkvæmð. Þvi tok hann skirn [sem undir æsionu⁵ rettrar truar, at hann mætti heimolligarr fylgia Philippo, til þess at nema [at gera þvilika luti, sem⁶ hann gerði, með hinni sömu list sem⁷ hann, sva sem með auðvelldligrí ok fremri kunnastu⁸, 10 en hann kynni⁹ aðr.

38. Sem¹⁰ postolar guðs, þeir sem¹¹ at¹² Jorsolum voru, heyrðo, at Samaria hafði tekit við guðs orði, sendo þeir þagat Petrum ok Johannem. Ok er þeir komu þar, baðu þeir fyrir þeim, er Kristz skirn höfðu tekit, at guð leti koma yfir þa helgan anda 15 með syniligum hætti. En þat hafði Philippus ecki gert; syndiz¹³ hann fyrir þetta diakn en eigi postoli verit hafa, er hann skirði at eins truandi menn i Jesu nafni en fermdi eigi, ok voru postolarnir til þess embættis sendir. Þeir lögðu þa hendr yfir [höfuf rettttruandi monnum¹⁴, ok toku þeir þa¹⁵ helgan anda ok mællto 20 með mörgum tungum. Af þessum siðvana er byskupum sparat at at gefa nyskirðum mönnum hinn helga anda með fermingarembætti, þat er með smurning i enni, þa er guðs andi er veittr til styrktar þeim, er [smurðir ero¹⁶ af byskupi¹⁷, rettum vicario eða leytismanni postolanna. 25

39. Fyrr nefndr Simon heyrði, at þeir mællto með mörgum tungum, sem¹⁸ postolarnir lögðu hendr yfir¹⁹ höfuð, því truandi sem um iartegnagerðina, at þeir giorði þetta með list eða kunnastu. Þvi gekk hann at þeim ok villdi með penningum kaupa, at þeir kendi honum til feplogs at gera²⁰ slikt, sem þeir giorðo, sva 30 mælandi at framköstuðu fe fyrir fætr þeim²¹: „Taki þer fe þetta til eiginorðs²², en gefit mer þat valld, at þeir menn, sem ek legg hendr yfir²³, taki hinn helga anda. Petrus [sa, at Simon villdi

1 aðr tilf. B. 2 [mgl. B. 3 er B. 4 [sakir hans galldra. Ok er B. 35
5 [mgl. B. 6 [þa luti, er B. 7 ok B. 8 list B². 9 kunni A³ B.
10 En þa er B. 11 er A². 12 i B. 13 syniz B. 14 [öllum rettru-
andi manna höfðum B². 15 þegar B. 16 saal. A¹ B²; smurðr er
A²³ B¹. 17 saal. B², byskupum øvr. 18 er B². 19 um B¹. 20 vinna B.
21 þeira B¹; postolanna B². 22 eignar B. 23 höfuð tilf. B. 40

hafa til veralldligs vinnings¹ þess hattar valld², ef hann kynni fá, ok mælti³: „Fe þitt se með þer i tapan⁴.“ Þat ma sva skilia: „fee þitt, þat sem⁵ þik leiðir i tapan, se með þer, haf þu þat, en eigi Kristz lærisveinar, ok syt⁶ fyrir þat [i eilifri⁷ pinu, er þu villdir guþs giðf með [fekaupi auðlaz⁸.“ Ok enn [talaði Petrus til Simonem⁹: „Engan [lut mantu¹⁰ hafa af guðs giðfum, þat er¹¹ gipt heilags anda, þviat hiarta þitt er eigi rett i guðs tru. Þvi gior þu iðran fyrir illzku þina, ok bið guð, at hann fyrirlati þer hugsan hiarta þins, þviat ek se þik hafa með þer gall
10 beiskrar samvitzku, þeirar sem ecki blotnar til sætrar¹² iðranar, ok ek se¹³ þik bundinn i stauddu fyrirheiti illzku þinnar ok at lata eigi af uppteknum odaðum.“ Sva segia doctores, at Petrus, vitandi Simonem eigi mundo sveigiaz til¹⁴ iðranar, giorði [sitt eyrendi eða¹⁵ embætti gefandi dæmi öðrum kennimonnum at biðia
15 synduga menn til yfirbota¹⁶. At heyrðum þessum orðum Petri, mælti Simon til¹⁷ guðs postola: „Biðit fyrir mer, at ecki þessarra luta komi¹⁸ yfir mik.“ Commestor segir, at i því gerði Simon bera sina samvitzku, at hann kendi sik omakligan, at guð heyrði hann, er hann villdi eigi sialfr fyrir ser biðia, en það til
20 þess postolana. Þviat hinn syndugi æ [fyrst¹⁹ sialfr²⁰, en þar næst fyrir aðra at æsta ser Krist²¹ miskunnar. Feck hann þar fyrir eigi sina bæn af þeim. [Petrus fyrirmælti Simonem eigi fyrir eiginliga meingerð, sem Florencius munkum, er²² biörn hans drapu, ok do þeir²³ með likþra lostnir af guði, sem Gregorius
25 vattar²⁴ i fiorðu bok Dialogorum, at su bôlván er storþung²⁵ synd ok bônnut af guði, helldr [fyrirmælti Petrus honum²⁶ af mannkosti rettlætis sem þeir kennarar²⁷, er ottaz skaða kristninnar [ok umsnuning hennar sacramentorum²⁸, veitandi strið líkômunum til umbotar ôndunum, ef þeir kunnu meta, er fyrir verða, sem
30 Ambrosius gerði við þann, er hann það²⁹, at selldiz uhreinum anda, til þess at andirnar þylði því siðr fyrirdæming i enda veralldar,

1 aavinnings A²³. 2 [skildi, at Simon villdi til hversdagligs vinnings (avinnings B²) neyta þess hattar valldz (valldi B²) B. 3 svaraði B. 4 eilifri glatan B². 5 er B. 6 sit A². 7 [eilifa B. 8 [fekaupum eignaz B. 9 [sagði Petrus B. 10 [part muntu taka eða B. 11 af tilf. B. 12 saal. B; setrar A²³; settrar A¹. 13 saal. B; ser A. 14 sannrar tilf. A³. 15 [þo sitt B. 16 iðranar B. 17 við B. 18 komiz B. 19 fyrr A¹³ B². 20 [sialfr firir ser at biðia B¹. 21 saal. A¹²; Kristz A³; guðs B. 22 þeim sem B³. 23 mgl. B². 24 [Sva segir Gregorius B. 25 storliga þung B. 26 [mgl. A²³; gerði hann þat B. 27 kenni-
40 fedr B. 28 [mgl. B. 29 fyrir tilf. B.

sem þeir gera, er stormæli leggja æ þa menn, er staðfestaz i illum lutum. Rann bōlvan Petri upp af ast við alla guðs kristni, er hann sa ægirni, þa er rót er allz hins illa, uppreнна, þat er su villa at selia eða kaupa giptir¹ heilags anda við penningum. Tok hon nafn at heita simonia af Simone sinum formerara², en hun³ er iðinn vili at selia eða kaupa nōkut andagt. En þat er gezia at heimta fe fyrir framða iartegn, ok tok hon nafn af Giezi³ sveini Helisei spamannz, þeim er tok fe fyrir heilsugiðf Næmann syri, er likþrar haði verit. Heitir einkannliga simoniacus kauparinn en giecita seliarinn, þo at eptir vana kalliz hvartveggi⁴ simoniacus.¹⁰ En fyrr nefnd simonia er með þrennum greinum, hin fyrsta er giðf mot andligum lut af hendi tekinn, annur af tungu sem⁵ eptirmæli, hin þriðia er oskyld þionosta. En þeir postolarnir predik- uðu viðá um Samaria ok hurfu siþan aptr i Hierusalem.

40. [I þenna tima⁶ eptir pisl Stephani eyddi fyrr nefndr¹⁵ Saulus guðs kristni sva sem einkannligr atblastrarmaðr ógna ok alldrtila Kristz lærisveina, ok hóf feið sina með teknu valldi af hōfðingium kennimanna, þeim sem i Hierusalem voru⁷, til þess at draga þannig⁸ bundna alla⁹ þa sem æ Jesum trua¹⁰. Sem¹¹ hann var nær kominn þeiri borg, sem¹² Damascus heitir, þa varð²⁰ hann með guðs raudd af himni komandi til rettrar truar kallaðr, af hesti felldr, baðum augum blindaðr, affelögum sinum uppreistr, i fyrr nefnda borg leiddr, af guði lærðr, en fyrir Annaniam skirðr ok af blindleik græddr, æ auðru æri eptir pisl Kristz at alþyðu tali, þar¹³ sem árit hefr .iii^{ia} kalendas Januarii ok endir i þeim²⁵ sama stað. Ok hefir þat ár .ccc. tiræð .lx. ok .v. daga, ok heitir usualis annus¹⁴. Annat heitir annus emergens, þat er telz¹⁵ fra þeim degi, sem æ gioraz þau tiðindi, sem¹⁶ maðr vill merkia eða notera til iafnlengþardags annat ær; kalla þeir, er sva telia, Saulum snuiz hafa æ næsta ári eptir [pinsl vars³⁰ herra¹⁷, ok er með þessu efni¹⁸ hvartveggia satt. Eptir þetta hof Saulus kenningar predikandi þar i Damasko Jesum Kristum, [til þess¹⁹ er borgarmenn villdo drepa hann. Þvi flyði hann sva, at hann var latinn siga ofan fyrir borgarmurinn²⁰ i vandlaup²¹,

1 gipt B². 2 finnara A³ B. 3 saal. B; Gezi A. 4 hvart(v)eggia B¹. 35
5 sem er B¹; moti B². 6 mgl. B. 7 byggva A¹. 8 þangat A² B; þannin
A³. 9 mgl. B. 10 saal. A¹³; truðu B¹; truði A² B². 11 En er B.
12 er B. 13 því A³ B². 14 þat er vana ar tilf. B. 15 talit A². 16
er B. 17 [pining Kristz B. 18 moti B. 19 [þar til B. 20 mur
borgarinnar B¹. 21 vandlaupi A³.

ok for þaðan i Syriam ok Ciliciam. En eptir þat for¹ hann aptr. Ok er hann kom i Hierusalem ok villdi vera með Kristz læri-
sveinum, mistruðu þeir, at hann mundi Kristz lærisveinn vorðinn. En fyrr nefndr Barnabas ciprius² leiddi hann til postolanna ok
5 birti þeim vitran hans ok staðfasta predikan i Damasko. En þo
at ritat se, at hann væri til postolanna leiddr, þa segir hann sialfr
i þeim pistli, er hann sendi til Galathas, at þrimr ærum eptir
snuning sina kom hann i Hierusalem at sia Petrum, ok at hann
sa öngvan af hinum fremstum xi. postolum utan hann ok Jacobum
10 broður drottins. Af þessum fundi Petri ok Pauli er lesit æ þenna
hátt i einum sermone: Sau'us var skirðr af mæðr³ en birtr⁴ af
feðr. Petrus varð viss, at Saulus villdi finna⁵ hann, fyrir þat tok
hann at ottaz hann⁶, ok af þessum otta hirti⁷ hann hugrenning af
guði send. su er þetta kendi honum at skilia: [Ottaz ecki⁸, Petre,
15 þviat eigi leitar þik at sia Saulus, helldr einvalit⁹ ker Kristz
Paulus. Heyr þu, hinn sæli Petre, ok bleza fauður, en tak við
broður þeim, er með þer skal veria almenniliga móður. Þu undraz,
er¹⁰ Saulus er til guðs snuinn, slikan sem hann let þik vera,
þvilikan mun hann¹¹ hann gora. Ok sa sem þik gerði af Simone
20 Petrum, gerði hann nu af Saulo Paulum. Einn veitti yckr vegsemð
ok¹² koronu, ok sa sem at postola gerði fiskimann, skipti
[hermanninn i postola¹³. En þoat hann [kiðri þik fyrr en hann¹⁴
siðarr, giorði hann yckr baða iafnrika ok at virþingu lika. Petrus
ok Paulus voru baðir samt .xv. daga ok bundu með ser broðurliga
25 elsku, þa er alldri þraut þaðan af. Ok þo at þeir skildiz at
likama, til þess at viðara nyti þeira kenninga, helldu þeir þo
hiartaliga ast, þa er alldri þrotnaði, meþan þeir lifðu her i heimi,
ok at lyktaðu erfiði auðluðuz þeir i einum stað, undir einum her-
manni ok æ einum degi fyrir uthelling ágiætz dreyra eilifa dyrð ok
30 fagnapar¹⁵ fullan felagskap æ himni.

41. At¹⁶ samtengdu andligu broþerni millum hinna æztu
riddara¹⁷ Jesu Kristi for Paulus i þa staði, sem greinir saga¹⁸
hans, at [heyia guðligar orrostur, ok hinn sæli Petrus rak
fyrir¹⁹ andliga uvini með sverði guðligra orða, vitiaði²⁰ Samaria
35 1 hvarf A¹. 2 saal. B; quiprius A. 3 móður A² B. 4 hirtr A².
5 bitta B². 6 mgl. B. 7 hirði A¹, herti A². 8 [Hirð eigi at ottaz B. 9
einvala A³ B. 10 at B. 11 guð B. 12 einn B; einn veitti yckr A²;
mgl. A². 13 [ok i verianda hermanninn B. 14 [keyri annan fyrr en
annan B¹. 15 mgl. B. 16 mgl. A¹³. 17 vigmanna B. 18 i sögu B.
40 19 íra A³. 20 veriandi A³; [kenna monnum retta tru. En Petrus predik-
aði guðs orð i B.

ok nalæg herut, ok¹ fyrirlet þó eigi með ollu Judeam, þar til er postolar skiptuz eptir guðs birting² til landa. A einum tima kom hann i borg þa er Lidda heitir, þar fann hann siukan mann kaurleginn³ um .viii. vetr, þann⁴ er Eneas het. Sem⁵ postolinn sá þenna mann, mælti hann til hans: „Græði þik drottinn Jesus Krístr, ok⁶ ris upp, Enea!“ Þegar i stað tok sa at ganga, er aðr matti eigi standa, [takandi upp þat sem hann læ i⁶. En þeir allir, sem voru i Lidda ok Sarone ok þenna mann höfðu set, sneruz til guðs takandi⁷ helga skírn með fullkominni tru.

42. I þeiri borg, sem Joppen heitir, var ein kristin kona, su¹⁰ er Tabita het æ ebreska, en dorcás æ girzku, caprea eða damula æ latinu. Þessi kona var full af öllum goðum verkum ok olmosum, ok einkannliga [er hun hafði⁸ [mikit starf æ⁹ at sauma [fatækra manna¹⁰ klæði. En i þann tima sem Petrus kom i Liddam, tok hun sott ok andaðiz. [Sem likinu var þvegitt¹¹, var þat borit i¹⁵ eitt [hus, þat sem lopt var yfir¹². En Lidda er nær Joppen. Þa¹³ sendo lærisveinar þangat .ii. menn, er þeir vissu þar vera Petrum, [biðandi at hann komi skyndiliga til þeira, en eigi upp-latandi¹⁴ saukina. Hann fór þegar i Joppen ok geck i þat lopt-hus, sem likit var inni. [Yfir því stoð¹⁵ mikill fioldi¹⁶ eckna, ²⁰ [ok gretu miok¹⁷ synandi Petro kyrtla ok önnur klæði, þau er Dorcas hafði þeim gert, til þess at syna þessa konu miok hafa verit gefna fyrir miskunnarverkum, at þaðan af hrærðiz¹⁸ hugr hans til samþiningar með þeim. Hann sá skiott þeira fysi ok skildi þeira missu, ok bað alþýðuna¹⁹ ut ganga; eigi sakir þess at ²⁵ at hann [hugðiz galldra at gera²⁰ eða uhreina anda at krefia til at kenna [ser vælar²¹, sem þeir fiolkunnigir menn, er binda ritat blað með galldralist undir baðar hendr hins dauða, ok ma hann þa mæla ok ganga, en eigi eta²², meðan su umbuð er ubrugðin²³. En þat er truligt²⁴, at því hafi Petrus alþýðu²⁵ ut rekit, at guð²⁶ ³⁰ giorði sva, þa er hann reisti upp höfðingiadottur i husi lukta

1 en B. 2 tilvisan B. 3 korlægan A¹; i kaur liggia A³; þann sem i kaur hafði legit B. 4 mgl. B. 5 Ok er B. 6 [mgl. B. 7 ok toku B. 8 [at hon lagði B²; lagði hon B¹. 9 [mikinn starfa A³. 10 [fatækum 35 mōnnum B². 11 [At þvegnu likinu B. 12 [lopthus B. 13 því B. 14 [ok baðu, at hann kæmi skiotliga til þeira, en letu eigi uppi B. 15 [Þar stoð yfir B². 16 fatækra manna ok tilf. B². 17 [með grati B. 18 saal. A² B; reðiz A¹³. 19 almenning B. 20 [fremdi fiolkynzi B. 21 [styrktarrað B. 22 snæða B. 23 mgl. A². 24 truanligt B². 25 almenning B. 26 Jesus B.

[öngum hiaveranda nema¹ fauður² ok moður. Mæ ok vera, at nökkurir af þeim, sem³ hann lukti uti, væri [omakligir til⁴ at sia taknit. At utgenginni alþýðu sneriz hann til baranna ok [fell æ bæði kne sva mælandi⁵: „Ris upp, Tabita!“ Hun bra þegar i
 5 sundr augum, ok at senum Petro settiz hun upp. Hann tok þa i hönd henni [ok setti⁶ hana æ fætr. Ok at aprkølluðum þeim, sem⁷ ut höfðu gengit, fal hann hana æ hendi helgum mönnum ok eckium, er þar voru við staddir. En hann var þar um stund með Simone, er kallaðr var coriarius, sva sem af curia, þat er konungs
 10 hirð, elligar [var hann skinnari, af corio⁸.

43. A þessum tímum⁹ var sa maðr i Cesarea borg, er Cornelius het, [hann var skipaðr yfir hundrað riddara komna¹⁰ af Italialandi til þess at geyma fyrr nefnda borg af halfu¹¹ Romveria. Þessi maðr Cornelius ok allt hans hyski elskaði siðlæti með guðligum
 15 ótta, hann veitti ok [miklar olmosur ok dæmdi retta dóma¹². Aa einum degi, sem¹³ hann flutti fram bæn sina æ hinni niundu stundo¹⁴ dags, sa hann, eigi i svefni helldr in extasi, þat er eptir alþýðu tali þa er maðrinn er millum svefns ok vöku, [ok rettligar¹⁵ þa er maðrinn er birtr með þeiri syn, sem [yfir fram gengr¹⁶
 20 hátt mannligrar synar, guðs engil til sin ganganda ok sva mælanda: „Heyr þu, Corneli!“ En hann gripinn af guðligum¹⁷ ótta, svaraði honum: „Herra, hvern ert þu?“ Engillinn svaraði: „Vit þu, at bænir þinar [ok olmosur¹⁸ hafa upp stigit i guðs augliti til minningar. En nu send þu menn i Joppen ok bið¹⁹ Simonem,
 25 er Petrus er kallaðr, koma hingat i Cesaream, hann mun þer kunnigt gera, hvat þer hæfir at gera. Er hann nu i husi Simonis coriarii, en þat stendr við sio i borginni²⁰.“ Eptir þat hvarf engillinn fra honum. Af þessu ma marka, at Cornelius truði fastliga²¹ æ guð, er engillinn sagði heyrþar bænir hans, þvíat
 30 fyrir verðleik truarinnar ma koma til [verka miskunnarinnar, en eigi fyrir verðleika verkanna til truarinnar²². Commestor greinir²³

1 [at eins hiaveranda B. 2 hennar tilf. B. 3 at B. 4 [eigi makligir B. 5 [mælti fallandi a kne (knebeð B²) B. 6 [setiandi B. 7 er B. 8 [er þat af corio sva sem skinnari B. 9 dogum B. 10 [saal. B; skipaðr yfir .c. riddara kominn A. 11 hendi B. 12 [margar olmosur ok mat eigi personur i domum B. 13 þa er B. 14 tið B. 15 [en þo rettligar (at segia tilf. B²) B. 16 [fram gengr um B. 17 guðs B. 18 [ero heyrðar firir (af B²) guði ok olmusugerðir þinar B. 19 beið B. 20 Joppen tilf. B. 21 fastuðliga A²³; falslausliga B. 22 [saal. B; goðra verka ok lykta en eigi fyrir verðleik truarinnar A¹; verka skirnarinnar A²; verka miskunnarinnar en eigi fyrir verðleika truarinnar A³. 23 segir A² B²

ok, at Cornelius truði guð holldgaz mundo, en vissi eigi, hvart holldgan hans var framkomin, ok matti hann þat með heilli tru efa, meðan honum var eigi predikat eða af guði birt, at hann væri fæddr i þessa verolld. Eptir þat kallar Cornelius til sin .ii. heimamenn sina ok einn þann riddara, er ottadiz guð, ok eptir 5 sagða þessa syn sendi hann þa i Joppen; en hun stendr æ fyrirheitziord við haf þat er Cirrenum¹ heitir. En hus Simonis coriarii var við sioinn æ þeiri strond, er [til austrs² horfir. Þessir menn gerðu³ hans vilia ok flyttu sinni ferð.

44. Annan dag þa er þeir voru æ veginum ok droguz nær 10 borginni Joppen, sva at þeir mattu senir veiða⁴ af husi Simonis coriarii, því sem Petrus var inni, geck hann inn i lopthus eitt við hina settu tíð dags at biðiaz fyrir leyniliga, ok buinn at snæða eptir þat er hann hafði lyktat bæninni, en [sveinar matbioggu⁵. Ok er su stund kom, er hann var vanr at snæða, fell æ hann 15 hungr æ bæninni, ok segir Augustinus, at hann hungraði eigi til matar⁶, helldr at afla guði salur⁷. Við þetta fell æ hann extasis, sva sem fyrr var sagt af Cornelio, þat er sva mikil firring⁸ natturligrar hugsanar, at [hann neytti eigi meðan mannligum skilningi⁹. Þa sa hann himininn opnaz, þat er i þessum stað loptit rett skilit, 20 ok því næst sæ hann at¹⁰ opnu loptinu ker nöckut eða duk siga niðr til iarþar. Þat var i forum sinum hornum bundit með forum lindum eða dreglum, voru þeira hinir efri endar i loptinu samfastir¹¹. I því kerí sæ hann allzkyns kvikvendi¹², ferfætt dyr ok fugla, ok sva skriðkvikvendi iarþar. Þa kom raudd yfir hann sva 25 mælandi: „Ris upp, Petre! Sæf þetta ok et eptir þat.“ Hinn sami Augustinus segir, at synin ok rauddin andsvaraði þeiri hugsan hans, er hann hungraði salunum¹³ at hialpa¹⁴, ok hana ætti sva at skilia: Þu, Petre! hungrar eða girniz at hialpa [einum saman Gyðingum¹⁵, snuz nu til heiðinna manna¹⁶, er merkia þau kvik- 30 vendi, er þu sér, ok drep með þeim laustu ok lyti, ok leið inn i likama guðs kristni. En Petrus skiliandi i fyrstu likamliga synina svaraði: „Verði eigi þat, drottinn, þvíat alldri æt ek þat sem uhreint var¹⁷ eða samfengit.“ En því ottaðiz¹⁸ hann at snæða þau

1 Tyrennum *B.* 2 [i aýstr *B*¹. 3 þegar tilf. *B.* 4 vera *B.* 5 [en 35 þionostumenn bioggo snæðing *B.* 6 vista *B.* 7 salna *B*¹. 8 saal. *B.*; birting *A.* 9 [saal. *B.*; mannligri skilning gleymði hann meðan *A.* 10 af *B.* 11 sem fastir væri *B.* 12 saal. *A*¹³; kvikendi *A*²; kykvindi *B*¹, kykendi *B*². 13 salurnar *B.* 14 Her beg. atter *B*³. 15 [eina saman *Juda B.* 16 þioða *B.* 17 er *B.* 18 hræddiz *B.* 40

kvikvendi, sem i lögmalí Moysi voru uhrein köllut, en at ebreskum
 malshætti samfengit, at hann villdi eigi briota [lögmal Moysi¹, en
 ottaðiz þó framarr brizgli Gyðinga, ef hann æti² vistir heiðingia.
 Ok til þess at þenna ótta tæki af honum, kom annat sinn rauddin
 5 ok sagði: „Eigi skaltu þat uhreint kalla, er Krístr³ hreinsaði.“
 Þessi raudd ok syn kom þrim sinnum yfir⁴ Petrum. Eptir þat
 syndiz honum kerit til himins hverfa. Endrnyjung⁵ synarinnar var
 styrking vitranarinnar, at hann forðapiz eigi at fara til mótz við
 Cornelium ok hans menn af guði hreinsaða ok aðra heiðingia, þa
 10 [sem æ guð⁶ villdo trúa. En þat er kerit hvarf til himins kendi
 Petro, at þeir, sem af hans orði væri fra heiðnum domi snunir⁷,
 væri til himins⁸ stigandi. Ok þa er Petrus hugsaði, hvat synin
 mundi merkia, komu sendimenn Cornelii [spyriandi at husi Simonis
 coriarii, ok at því fundnu stoðu þeir við hurð⁹ spyriandi, ef¹⁰
 15 nöckurr væri sa maðr þar, er Simon heti ok væri kallaðr Petrus.
 Jafnfram þessu vitraðiz guðs andi enn Petro, [sva sem hann
 skoðaði¹¹, hvat synin mundi merkia¹², sva mælandi: „Her fyrir
 durum¹³ standa .iii. menn, er þik leita.“ En eigi sagði hann
 honum saukina, hvi þeir leituðu hann¹⁴, þvíat spæleiksandinn
 20 birtir iafnan¹⁵ huginn um suma luti, þa sem verða skulu, en
 helldr sumum osaugðum, til þess at þeir, sem slika luti þiggja¹⁶,
 kenni sik skyllða at varðveita með ser [litillæti ok kenni¹⁷ sik
 slíkar giptir af guði hafa en eigi af sialfum ser. Þa mællti enn
 andinn við Petrum: „Ris upp ok stig niðr með þeim, [ok efaz
 25 ecki¹⁸, at ek senda¹⁹ þa.“ Hann gekk þa skyndiliga af herberginu
 til motz við sendimennina sva mælandi: „Ek em sa sem þer
 leitit; eða fyrir hveria sauk komut þer?“ Þeir sögðu, at Cornelius
 hundraðshólfingi hafði²⁰ þa senda, sa er allt Juðafolk bar [vitni
 um siðlæti ok at hann var²¹ guðhræddr maðr. Þeir sögðu ok²²,
 30 at þessi maðr hafði þau rað þegit af helgum anda, at [hann
 skyllði sækia þik ok leiða i hus sitt²³ ok heyra af þer, hvat honum
 byriadi²⁴ at gera. Ok at heyrðum [þeira eyrendum²⁵ leiddi
 postolinn þa i sitt herbergi, ok voru þeir með honum þa nótt.

1 [lögmalit B. 2 neytti B. 3 guð B. 4 fyrir B. 5 Endrnyian A².
 35 6 [er guði B. 7 snuandi B. 8 himinrikis B. 9 [mgl. B. 10 hvart B.
 11 [skoðanda B. 12 fyrir benda B. 13 dyrum øvr. 14 hans A².
 15 optliga B. 16 af guði tilf. B. 17 [satt litillæti kennandi B. 18
 [eckí efandi B. 19 sendi B²³, hefi senda B¹. 20 hefði B. 21 [þat
 vitni um siðlæti, at hann væri B¹. 22 tilf. B. 23 [hitta þik B¹. 24
 40 byriar B. 25 [þessum tíðendum B¹.

45. Annan dag eptir for Petrus [með þeim¹, ok nðckurir bræðr með honum, þeir sem til þess hófðu fylgt honum at vera hans vattar i Cesarea. Ok annan dag fra því er þeir foru af Joppen, [komu þeir¹ i nu nefnda borg. Aa þessi stundu² hafði Cornelius saman kallat kunningia³ sina ok nauðsyniavini; þeir vinir⁵ heita sva, er manninn fyrirlata eigi [a tima⁴ nauðsynianna⁵. Ok er Petrus geck i borgina, rann Cornelius með þar komnum monnum [i mot honum⁶ ok fell til fota honum vegsamandi⁷ hann. Petrus mællti: „Ris upp þu, þvíat ek em maðr sem þu ert.“ Ok því at margir frændr ok kunningiar⁸ Cornelli voru þar komnir, talaði¹⁰ Petrus fyrir þeim æ þessa lund⁹: „Þer vitut, hversu rangligt er, at Gyðingar¹⁰ fari at finna heiðingia, en guð syndi mer, at engi maðr er uhreinn, því giorða ek af yðr beðinn [utan ef¹¹ ferð mina til yðvar. En nu spyr ek, fyrir hveria sauk þer baðut mik her koma?“ Cornelius svaraði: „Fyrir fiorum¹² dögum æ niundu¹⁵ tið dags [bað ek fyrir mer¹³ i minu husi, þa sa ek mann standa fyrir¹⁴ mer i biörtu klæði til min talandi: „Heyr þu, Corneli! ok vit þat, at heyrðar ero bænir þinar af guði ok þegnar olmosur þinar. Þvi send¹⁵ þu i Joppen ok bið Simon, er Petrus er kallaðr, til þin koma. Ok því¹⁶ senda ek eptir þer. En þu gerðir vel,²⁰ er þu komt, þvíat ver allir, sem¹⁷ her stöndum, erum bunir at hlyða þer i ollum lutum, þeim sem þer ero af guði¹⁸ boðnir.“

46. Petrus [lauk þa upp munn sinn sva mælandi¹⁹: „Nu hefi ek [sannliga heyr²⁰, at guð greinir eigi millum Gyþinga²¹ ok heiðingia, helldr [elskar hann þann, sem²² hann ottaz ok rettlæti vinnr,²⁵ af²³ hverri þioð sem hann er. Þer vitut ok, at sæll Johannes baptista predikaði Jesum af Nazareth, ok þessi predikan for um allt²⁴ Judeam [, er hófz eptir skirn Johannis, þa er Jesus tok hana af honum. Sagði sa sami Johannes, hversu guð gaf honum sinn krapt ok smurði hann með helgum anda. Þessi Jesus for síþan³⁰ um Judeam²⁵ ok aunnur nalæg riki veitandi velgernainga ok heilsugiafir ollum þeim, er af diðfli voru þrongþir. En ver erum vattar allra hans verka, þeira er hann giorði i [riki Juda²⁶, ok sva þess er²⁷

1 [tilf. B. 2 biðstund B¹. 3 kunnmenn A¹. 4 tið B²³. 5 [i nauðsyn- 35
ium B¹. 6 [tilf. B. 7 ok vegsamaði A¹. 8 vinir B¹. 9 leið B.
10 Judi B¹; Judei B²³. 11 [án efa B. 12 þrimr B. 13 [baðumz ek
fyrir B. 14 hia B. 15 sent B¹. 16 þa B¹. 17 er B. 18 birtir
eða tilf. B. 19 [mællti þa B. 20 [senniliga reynt B. 21 Juda B.
22 [er sa honum þeckr, er B. 23 i B. 24 alla B. 25 [mgl. B. 26 40
[heraði Judea B. 27 at B.

þeir hengdu hann æ tre krossins. Hann var æ þriðia degi af dauða reistr af guði. Erum ver þess vattar, þviat ver átum¹ ok druckum með honum, síðan hann reis af dauða. Hann bauð oss at predika ok bera vitni um þat fyrir folki, at hann er af guði
5 feðr skipaðr dómandi lifandi manna ok dauðra, ok at faðir gaf honum allan dóm. En eigi ver einir, helldr ok allir spæmenn, bera honum vitni, at allir þeir, sem æ hann trua², munu fyrir hann fa aflausn synda.“

En er Petrus hafði eigi³ til enda fært sitt mal, kom hinn helgi andi yfir Cornelium ok yfir alla hans felaga, þa sem heyrðu orð Petri. En þeir retttruaðir menn, sem við staddir voru ok skurþarskirn höfðu⁴, urðu óttafullir⁵, þa er þeir sa heilags anda gipt veitta heiðnum þjóðum, þviat þeir heyrðu þa tala með mörgum tungum ok mikla guð. Petrus mællti þa: „Hverr mun nu vatnit
15 [mega fyrirbioða⁶, at eigi taki þeir skirn, er [sva hafa þegit⁷ hinn helga anda sem ver.“ Doctores segia, at meira en skirn se⁸ at taka helgan anda. Petrus bauð þa, at þeir væri skirðir i nafni Kristz undir þeiri mynd, sem af guði var skiput⁹, til þess at viðfrægia Kristz nafn, þat er nafn Jesu guðs sonar; þviat i þessu
20 nafni merkiz oll þrenning, fyrst son, sa er smurðr er, ok sva faðir, sa er veitir smurningina, ok hinn helgi andi, sa sem er sialf smurningin. Eptir þat baðu þeir Petrum dveliaz þar nökkura stund¹⁰, ok var hann þar [nökkura daga¹¹. A þessum dögum er fyrst truat, at Petrus hafi neytt vista¹² heiðinna manna; fyrir
25 þat var hann síðan sakaðr¹³. Ok var þessi hin fyrsta ferð postolanna til þess at predika fyrir¹⁴ heiðnum mönnum, er Cornelius truði æ Krist drottin með sinum felögum¹⁵.

47. Eptir þetta for Petrus til Hierusalem, ok disputeraðu¹⁶ þeir rettruaðir menn, sem skurþarskirn höfðu, við hann, fyrir¹⁷ hvi hann hafði¹⁸ þannig¹⁹ leidda þa menn, er hana höfðu eigi, þviat þat var frægt²⁰ með Kristz lærisveinum, er heiðnir menn höfðu tekit við guðs tru. Þessir menn mælltu við Petrum: „I þeim tveim lutum hefir þu brotit lögmal Moysi, i því auðru er þu sottir til heiðinna manna, en hinu auðru, er þu átz ok drackt

35 1 snæddum B. 2 ok hann elska tilf. A¹. 3 varla B. 4 tekit tilf. A². 5 Her mgl. 2 Bl. i B³. 6 [hanna mega B. 7 [saal. B; aðr hafa sva A. 8 er B. 9 skipat B; sköput A²³. 10 hrið B. 11 [sva at dögum skipti B. 12 vistum B². 13 asakaðr B. 14 mgl. A³ B. 15 lagsmönnum B. 16 disputuðu B², dispuðu B¹. 17 mgl. B. 18 hefði B².
40 19 þangat B. 20 viðfrægt B.

með þeim neytandi vistar¹ þeira.“ Petrus skyrði þeim þa [fyrir greindrar sinnar synar alla skipan², ok hversu guðs engill hafði birtz Cornelio. Ok i allri sôgunni lagði hann eigi eitt orð við, utan i þeim stað, sem³ engillinn bað Cornelium kalla til sin Simon⁴, er Petrus er kallaðr, þvíat hann man segia þer þau orð, þat er at 5 kenna þer þa kenning, at fyrir hana mantu hialpaz ok allt hyski⁵ þitt. Ok i auðrum stað [þa er hann sagði⁶, hinn helgi andi kom æ þa leið yfir þa sem yfir oss i upphafi, því truíz i liking elldligr tungna heilagr andi hafa komit yfir Cornelium ok allt hans hyski. Þar eptir minti Petrus þa æ þessi orð, sem Jesus mællti: Jo- 10 hannes skirði menn i vatni, en þer munut eigi eptir marga daga skiraz i helgum anda, ok váttaði, at honum þotti þessi spæ framkomin yfir Cornelium ok hans hyski, at þeir væri⁷ af guði hrēinsaðir ok vitnit⁸ beranda helgum anda. Ok enn mællti hann til sinna lastmælismanna⁹: „Nu af því at guð gaf þessum mönnum, 15 er ek samneytta¹⁰, hina sömu miskunn sem oss, er truum æ drottin Jesum Krist, litit æ, at ek var eigi maðr til at talma¹¹ þat, er guð villdi vera¹² lata.“ Eptir þessa margföldu afsakan Petri letu menn af at æsaka hann, ok lofuðu allir guð gerandi honum mikilligar þackir fyrir þat, er hann let ser sóma at kalla 20 heiðna menn til sinnar truar.

48. Þat er vitanda, at nu hverfr sagan aptr til sinnar skipanar. En þat er sagt var fra Philipppo, Petro ok Johanne ok¹³ Paulo, síðan þeir dreifðuz af Judea til þess at kenna kenningar, var sem ilag. Greint var, at þeir voru dreifðir i þeim aungleika¹⁴, 25 sem æ kom i drápi Stephani, foru þeir allt i herað vestanverðrar Syrie, er þeir kalla Phenicem, ok i Ciprum ok Antiochiam. ok predikuðu [öngum nema¹⁵ Gyþingum einum. Meðr þeim hófðu farit nöckurir menn af Cipro ok af Cirene. Ok er þeir komu i Antiochiam, predikuðu þeir Grecis, ok var með þeim guðs hond, 30 su er þa styrkti til þess at gera storar iartegnir fyrir folkinu, ok truði þar¹⁶ mikill mannfioldi æ Jesum Krist. Segir ok Beda, at eptir þat er Petrus sa kersynina, tok kristnin at vaxa.

49. I þenna tima frettiz i Hierusalem, at i Antiochia [i

1 vistir B. 2 [alla skipan sinnar fyrr greindrar vitranar B. 3 er B².
4 Simonem B. 5 hus B. 6 saal. B²; [at B¹; þa sagði hann A. 7 voru B.
8 vitni B. 9 lastmalandi manna A³; lausmælismanna B¹. 10 samsædda B.
11 banna B. 12 verða B. 13 sva tilf. B. 14 [saal. A² B; ognleika A¹³. 15 [mgl. B². 16 fyrir tilf. B.

Siria¹ sneriz mikit folk til guðs. Þá var þangat sendr Barnabas. Ok er hann kom þar, sa hann mikla guðs miskunn með þeim, er truna [kendu, ok sva með þeim er heyrðu². Varð hann því feginn, þar sem hann var goðr maðr ok fullr af tru ok helgum anda. En þessi sami Barnabas var kosinn til postola fyrir vitran heilags anda með hinum sæla Paulo. En þá er hann sa sik eigi til vinnaz at predika sva mörgum lyð, sótti hann Paulum i Tharsum, ok foru þeir eptir þat i Antiochiam. Hofz þá i fyrstu, at þeir sem Kristi tryði væri Kristiani kallaþir af Kristz nafni, en aðr¹⁰ hetu þeir discipuli.

50. A þriðia æri eptir pisl Jesu Kristz for þessi sami Barnabas æ skipi til Romam, ok for um nott i borgina eptir einum stiga, ok predikaði þegar um daginn eptir Kristz tru opinberliga fyrir folkinu, en þat var æ tuttugta³ æri rikis⁴ Tiberii cesariss⁵. Menn lögðu litla virðing æ kenning hans. Þat sa ungr maðr harðla tiguliga⁶ buinn, sa er þar var kominn með mikla sveit riddara. Sa kvaddi ser hlioðs ok mællti sva: „Hvi verðr yðr Romverium þat fyrir at taka eigi betr við þeim sendiboða, er oss boþar hialp ok miskunn ok heilsu⁷ ollum heimi, at því²⁰ er ek hygg.“ Þá gafz hlioð gott af alþýðu. Þar eptir laut⁸ þessi maðr Barnabe postola ok kvaddi hann æ þessa lund: „Heill ser þu⁹, heilagr postoli guðs drottins Jesu Kristz, ok vel kominn¹⁰ til várrar borgar. Seg þu oss fra hingatburð Kristz i heim¹¹, fra dyrð hans ok iartegnagerð, fra predikan hans, fra pisl hans ok²⁵ uppris, fra uppstigning til himna, ok fra því er hann gaf postolum sinum hinn helga anda, ok fra hingatkvamu hans i enda varalldar, þá er hann kemr at dæma um¹² allt mannkyn.“ Barnabas tok þá at leysa þat mal allt, er hann var beiddr, ok hlyddi öll alþýða vel til þess, er hann færði þetta mal til enda, sem hann³⁰ villdi. Þessi hinn ungi maðr leiddi eptir þat Barnabam postola til herbergis sins ok hellt honum allan kost, meðan hann var i Romaborg ok boðaði þangat ollum þeim monnum, er guðs orð villdo heyra. Fæm dögum síðarr geck þessi hinn ungi maðr husbondi¹³ til tals¹⁴ við postolann ok sagði¹⁵ sva: „Ek vil segia³⁵ þer [skil æ¹⁶ mer. Ek heiti Clemens, faðir minn er Faustinianus

¹ [saal. B²; Ysidie övr. ² [heyrðu ok kendu B. ³ .xx. B¹; tvitianda B². ⁴ velldis B²; valldi (!) B¹. ⁵ keisara B. ⁶ tigurliga A³ B².
⁷ ok tilf. A¹³ ⁸ luktí (d. e. luttí) A³. ⁹ ok sæll tilf. B. ¹⁰ komtu A²³. ¹¹ þenna tilf. A³. ¹² mgl. B². ¹³ husbondinn A², mgl. B.
¹⁴ mals B. ¹⁵ mællti B. ¹⁶ [deili a (af B²) B.

systrungr Augusti cesaris¹. Ek varðveiti at forræði² [fauður mins³ fauðurleifð minna, ok em ek nu halfþritögr⁴ at alldri. Nu af því at þu ser, at menn leggja her [litinn þokka ok⁵ virðing æ kenning þína, ræð⁶ ek, at þu farir i nafni drottins ut um hafit i Syriam⁷ at finna hinn heilaga Petrum, ok ber honum kveðiu minna rækiliga,⁵ ok seg honum, at ek mun æ auðru ári koma til hans, ef ek lifi, ok biðia hann koma hingat i Romam, þvíat mer þickir líkligt, at guð muni ætlat hafa hinn æzta sinn sendiboða i hina æztu⁸ höfuðborg heimsins, at snúa þeim [lýð til sín, er hana byggvir⁹. Er þat ok min ætlan, at þer mun annars staðar en her i Romaborg¹⁰ ætlat at¹⁰ taka ævöxt af þinum kenningum.“ Eptir þat let Clemens skip bua hinum sæla Barnabe ok feck til alla nauðsynliga luti. Þar eptir leiddi hann postolann til skips ok bað honum vel faraz, felandi sik undir hans bænir¹¹ með tárur, þa er þeir skilduz. Síðan letu þeir Barnabas postoli ok hans forneyti i¹⁵ haf ok [fengu goða¹² byri. Þeir toku land fyrir utan haf i sioborg¹³ þeiri, er heitir Cesarea Stracionis¹⁴. En þar var fyrir Petrus postoli i husum þess mannz, er Zacheus het ok þa hafði tekit byskupsdóm af honum yfir þessarri borg. Sa hinn sami Zacheus er nefndr i guðspialli til þess, at [hann veitti¹⁵ snæðing²⁰ varum herra i þeiri borg æ Jorsalalandi, er Jericho heitir. Sagði Barnabas þa Petro postola alla atburði ok endalykt sinnar ferðar.

51. A auðru ári kom skip af Roma við¹⁶ Cesaream, var þar æ Clemens, sem¹⁷ fyrr var nefndr. Toku allir borgarmenn vel við honum, ok þeir bezt, er kristnir voru. Minntiz þa Barnabas, hversu hann tok hans malum i Romaborg, ok fylgði honum æ fund Petri postola, en hann tok feginsamliga við honum. Skilþiz hann ok alldri [fra honum¹⁸ þaðan af.

52. Fæm dögum síðarr var stefnt fiolment þing æ stræti nær¹⁹ husum Zachei byskups. I þessi borg var einn turn storliga³⁰ hár. I þeim²⁰ atti herbergi Simon magus, sa er skirðr hafði verit af Philipppo diakn i Samaria, sem fyrr segir, ok bannsettr var af Petro ok Johanne, þvíat hann villdi með [fe kaup²¹ at mega gefa hinn helga anda. Þessi sami Simon var þa vorðinn

1 keisara A² B¹. 2 forræði B¹, ræði B². 3 [tilf. B. 4 halfþritugr övr. 55
5 [enga B. 6 bið B. 7 Liciam B. 8 hæstu B². 9 [til sín, er hana byggja B.
10 vera ok (at B²) tilf. B. 11 bænum B¹. 12 [gaf þeim vel B².
13 sæborg B. 14 Stratonis B. 15 [saal. A² B; veita A¹³. 16 til B².
17 er A² B. 18 [viðr hann B¹. 19 hia B¹. 20 turni tilf. A². 21
[fe kaupum fa B.

smiðr sinnar vandrar¹ villu [treystir ok talðr² af fiandans fyrir-
heitum ok falsligum iþrottum, er³ hann þorði at fara til dis-
puteranar⁴ við hinn sæla Petrum, ok sva höfuðærr, at hann truði
sik guð vera eða þorði at auðrum kosti sik guð at kalla með
5 falsi ok lygi, heitandi þeim er æ hann tryði, at þeir mundi eilífir
verða. Hafði hann ok i þessarri borg svikit [mikinn þora mannanna⁵.

53. At morni [tilskipaðs þrætudags⁶ kom Zacheus byskup i
lysing þangat, sem Petrus postoli hafði herbergi, sva mælandi:
„Tími er, heilagr faðir, at ganga til disputeranar⁷ við Simonem,
10 þviat mikit folk er samankomit uti i garðinum biðanda⁸ yðvarrar
tilkvamu⁹. En Simon stendr i miðium þessum flokki¹⁰ örugg-
um sik ok sinar iþrottir ok fullting fiandans.“ Ok er postolinn
heyrði þetta, skildi hann fra ser þa menn, sem eigi¹¹ voru hreins-
aðir af syndum fyrir helga skirn, ok þa höfðu til hans komit.
15 Eptir þat talaði hann til þeira, sem eptir voru: „Biðium allir
samt drottin varn Jesum Krist, at i þessarri utgöngu ok þreðu,
er ver skulum hallda i moti Simone¹², láti hann ser sóma oss
at fulltingia með sinni ousræðiligri milldi, er krossins dauða þolði
til [lifs mönnunum¹³, þeim sem hann skapaði¹⁴.“ Ok er bæninni
20 var lokit, gengu menn ut i garð, þar sem mugrinn var saman-
kominn, ok allir helldo með einni¹⁵ vandvirkt hina hæstu þögn,
biðandi hvat Simon magus, er i miðium flokki stoð sem merkis-
maðr¹⁶, tæki¹⁷ tala.

54. Petrus postoli kallaði, iafnskiott sem hann kom þangat¹⁸,
25 æ þar kominn lyð sva mælandi: „Friðr se yðr¹⁹ ollum, sem²⁰ bunir
erut at trua sannleiknum²¹. En þeir, sem honum trua, eigu þackar
van af guði, sem auðsynt er, ok þeir munu²² þiggja af²³ honum
ömbun hinnar hæstu gíafar, ef þeir ganga rettlætis stiga²⁴. En
þat rettlæti skulu ver æ [þann hatt²⁵ nema, at lia eyrun til at
30 heyra, hversu rettliga skal²⁶ lifa, þviat fyrst samir oss at leita
rettlætis guðs ok rikis hans. Þviat²⁷ ríki hans er ömbun²⁸

1 folkyngi ok tilf. B. 2 [saal. A¹²; treystr B¹, traustr B²; treystiz hann A³. 3 at B. 4 disputanar B. 5 [saal. A¹; mikinn þora (fiolda B²) manna B; mikinn þora A²; marga meun A³. 6 [þess dags A³.
35 7 disputanar B. 8 biðandi A³ B². 9 komu B. 10 fiolda A²³ B².
11 saal. B; þa A. 12 Simonem B. 13 [hialpar monnum (ollum B¹) B. 14 saal. rettet; skipaði alle Haandskrifter. 15 mestu A²; hinni mestu B.
16 merkismenn B¹; merkismann B². 17 at tilf. B. 18 þannig A³; a þingit B. 19 ok tilf. B. 20 er B. 21 sannleikinum A² B. 22 at skyru tilf. B.
40 23 Her beg. atter B³. 24 götu A³. 25 [þa leið B. 26 ma A² B. 27 i tilf. B³. 28 ok tilf. A¹² B³.

þolinmæði¹ ok² annarra dygðarverka³; i því ríki er goðum
 mönnum fyrirbuin eilíf sæla, su er kaupiz með andvirði goðra
 verka; þar skulu vandir menn, þeir sem moti gera guðs vilja,
 taka eilífan ufagnat uprotnandi þisla fyrir andvirði⁴ illra verka.
 Þvi skulu ver i þessu lífi settir með rettri tru kenna guðs vilja⁵
 ok forvitnaz⁵, hvat satt er, þvíat sa sem [eigi hefir⁶ retta tru ok
 aðr vill⁷ eigi enda⁸ sin vánd verk, en hann gangi til profanar,
 hvat sannleikrinn er, mun hans eptirleitan heimslig⁹ ok [lítills
 hattar verða¹⁰ til nytsemdar, þvíat sa leitar þess, er [hann ma
 eigi finna¹¹. En þvíat ver lífum lítinn tíma i þessi verolld, ok¹⁰
 skulum allir þola i enda veralldar guðs dóm, ættim ver sva við
 at buaz, at hann sneriz oss til nytsemdar en eigi til vanda.
 Fyrir því ættim ver um alla luti fram eptir því at leita, hversu
 ver hagaðim sva¹² varum verkum, at ver mættim fá hit eilífa líf.
 Þvi er þat mitt atkvæði ok sva spamannzins, at af þeim aullum,¹⁵
 er sik iata guði trua, se eptir rettlætinu leitat. En sa, er þat
 hefir með ser, er hann¹³ truir sannara¹⁴, leggi þat fram eptir
 minu boði, ok þo með þolinmæði ok hóglyndi. Ok fyrir þessa
 sauk hof ek með því min heilsanarorð til yðvar at æsta¹⁵ yðr
 ollum fullkomins¹⁶ friðar.“

20

55. Simon magus andsvaraði þa: „Eigi þurfum ver friðar
 þins, þvíat [ver megum ecki vætta at vinna¹⁷ sannleikinn at finna,
 ef [friðr ok¹⁸ samþycki er halldit¹⁹ var i millum, þvíat [ribballdar
 ok saurlífismenn²⁰ hafa frið sin i milli, ok hver illzka er annarri
 samþyck. Vinnr þa ok þetta þing enga gagnsemd þeim, sem vár²⁵
 orð heyra, ef ver giolldum her til samþycki, at friðr se með ollum,
 þvíat þar fyrir svikium ver þeira eyru ok munum þo með ovinattu
 skiliaz. Þvi vil ek eigi, at þu biðir friðarins, bið helldr bardagans,
 leita eigi vinattunnar, þeirar sem buin er at samþyckia rettum²¹
 þrætum. En þat vil ek, at þu vitir fyrir alla luti fram. þar sem³⁰
 þu girniz friðinn, at hann ma alldri fæaz, [þar sem²² .ii. deila,
 nema annarrhvarr se yfirstiginn ok falli fyrir öðrum.“

56. Hinn sæli Petrus mælti þa: „Hvi óttaz þu, Simon, at

1 þolinmæðis A³. 2 óprotnanlig nægð tilf. B³. 3 rettlætisverka B²³;
 fra ríki hans hertil mgl. B¹. 4 andvirki A². 5 forvitna A², vita A³. 35
 6 [hann hefir eigi A¹. 7 hann tilf. A¹. 8 emendera B. 9 heimsklig
 A². 10 [ostorvirk vera B. 11 [eigi ma finnaz B. 12 þess A² B;
 þessum A³. 13 saal. B; annat A¹; hitt A², hinn A³. 14 annat B²³.
 15 æskia B²³. 16 Her mgl. 1 Blad i B². 17 [oss vantar ecki vætta A¹.
 18 [mgl. B¹. 19 [friðr er halldinn ok samþycki B³. 20 [ladrunar ok 40
 portlífismenn B. 21 raungum A¹. 22 [ef B³.

heyra opt friðinn¹ boðaðan, eða veitz þu eigi, at friðr er fylling² lögmals ok algiorleikr³? Orrostur verða af syndum. En þar sem eigi er [syndin, þar er⁴ friðr varðveittr i disputeranum⁵, er þa auðvellt at finna, hvat sannleikrinn kennir oss at vinna.“

5 57. Simon mællti: „Aull þin orð hafa ecki at segia. En nu mun ek syna mátt ok megin guðdoms mins, sva at þer mun þess hugar lia at falla til fota mer ok vegsama mik. Ek em enn fyrsti kraptræn upphafi ok enda. En því geck ek i kvið konu þeirar, er Rachel het, ok var ek fra henni fæddr með mannligum likama⁶,
10 at ek mætta mönnunum synaz. Einn⁷ tima feck [möfir min⁸ mer sigð i hönd ok bað mik skera korn. Ok er ek kom⁹ til akrsins, þa mællta ek: „Þu sigð, sker nu upp akr þenna.“ Hun skar þa sem [x. menn¹⁰. Mer er oll skepna hlyðin. Ek flyg i lopti ok blanda ek minn likama við elld, sva at allt saman
15 syniz einn likami. Ek em sannr guð af himni fluttr fyrir hendr engla minna. Ok eigi at eins hefi ek þetta gert, helldr ma ek með ollum tilraunum¹¹ profa mik vera guðs son, þann sem stendr at eilifu, ok ek mun alla þa, er æ mik trua, láta með því¹² moti eilifa vera. En [þin orð¹³, Petre, ero tóm, ok ecki sannleiks-
20 verk mattu syna, sva sem sa galldramaðr, er þik sendi, mátti eigi sialfan sik leysa af pisl¹⁴ krossins. En ek ma sva gera, at þeir sem mik vilia með hondum taka, sia¹⁵ mik með öngu moti. Ef ek vil flyia, ma ek fara i gegnum fioll ok hamra sem um blautt¹⁶ leir; þo at ek stiga fyrir fiöll ofan, kem ek heill til
25 iarðar. Ef ek verð bundinn, leysi ek sialfan mik, en¹⁷ læt þa bundna vera¹⁸, sem mik binda¹⁹; þo at ek se i myrkvastofu settr, lukaz þær²⁰ upp sialfar fyrir mer. Ek ma²¹ lifga likneskiur, at þeir, sem þær sia, hyggi menn vera. Ek læt þar ny²² alldintre upp renna, sem mer likar, ok [skoga vera²³, þar sem aðr voru²⁴
30 eigi. Ek skipti likium æ hveria leið, er mer likar, [sva at ek verða eigi kendr²⁵. Ek ma synaz með þrennum æsionum, stundum sauðr, en stundum geit, eða með annarra kvikvenda likium. [Ek synumz stundum barn eða ungmenni, stundum gransprettingr,

35 1 nefndan eðr tilf. B³. 2 saal. B³; fullting A B¹. 3 algerligleikr A³. 4 [tilf. B. 5 disputanum B. 6 likam B. 7 A einum B. 8 [hun B³. 9 Her mgl. 2 Blade i B¹. 10 [maðr B. 11 raunum A². 12 þvíliku B. 13 [mal þin B. 14 pinu B. 15 siae B. 16 blautan A³ B. 17 ek tilf. B. 18 mgl. B. 19 bundu B. 20 saal. A¹³ B; dyrnar A² 21
40 sva tilf. B. 22 nytt B. 23 [skogar vaxa B. 24 eru B. 25 [at ek mega eigi kendr vera B. 26 tilf. B.

stundum gamall ok hæruskotinn¹. Þó at ek fliuga í lopt upp, ber ek þaðan gull, ef ek vil. Konunga ma ek lata tigna mik, opinberliga [mun ek vegsamaðr vera² með guðligum sæmðum, sva at mer mun skurðgoð smiðat, ok því munu fornir færþar vera. Hvat þarf [þetta mal orðum at lengia³, ek ma gera, hvat er ek vil, ok 5 margra þessarra luta ero raunir allzkonar⁴, en hinar munu allar fram koma, sem ek hefi fyrir sagt.“

58. Þá er Simon hafði enda gert æ⁵ sinni taulu, tok hinn sæli Petrus sva til mals: „Þat er auðsynt, Simon, at nu hefir þu með sialfs þins munni iatat æ þik flærð ok fiolkyngi en eigi¹⁰ guðdómi.“ Allr lyðr romaði⁶ vel þessi orð Petri. Hann mællti þá til Simonem: „Hvilikir munu þeir⁷ verða, er eptir þer⁸ hverfa?“ Simon svaraði: „Eilífir ok odauðligir sem ek em⁹ sialfr.“ Petrus mællti: „Hvart truir þu upprisú dauðra manna?“ Simon svaraði: „Með ollu eigi.“ Petrus mællti: „Hvi villtu liuga, þar sem þu¹⁵ kallaz¹⁰ guðs son, en þu ert at sönnu svikari ok galldramaðr? En varr meistari, er bæði er guðs son ok mannz son, er opinberliga goðr; er þat ok kunnigt gert ok predikat [þeim, sem viðkvæmíligt er ok þat mun predikat¹¹, at hann er sannliga guðs son. En þu ert því siðr guð, at þu hefir at minni vitand í [þinni geymslu¹² 20 lík barns, þess er þu hefir myrt, veitir fiandinn¹³ þer frettanda at þeim lutum, er þik forvitnar, andsvör or þeim¹⁴ litla¹⁵ buk. En ef þu villt nu eigi í stað [við gænga¹⁶, at þu ser galldramaðr, munum ver, er æ Krist truum, fara ok rannsaka herbergi þitt, ok man þat¹⁷ ollum auðsynt vera, at þu ert galldramaðr.“ Þá er²⁵ Petrus hafði þetta mællt, tok Simon at guðlasta ok [bannaz um¹⁸, ok giorði mikit hark um sik, sva at [öngvir þottuz¹⁹ æ mega heyra. Hinn sæli Petrus stoð uhræriligr²⁰ ok tok at æsaka Simonem, at eigi syndiz hann stöckva²¹ fyrir²² illyrðum²³ hans. Þá tok allr lyðr at reiðaz Simone ok hrinda²⁴ honum ut um³⁰ þann mur, sem settr var um motfialar²⁵ þær, sem þingit²⁶ var æ. Ok at aptrlæstum durum²⁷ var Simon einn uti. Hinn sæli Petrus

1 [tilf. B. 2 [er ek vegsamaðr B. 3 [lengra B. 4 alkunnar A² B. 5 at A². 6 saal. B; romani þyðiz (þyddiz A², þydduz A³) A. 35 7 menn tilf. B. 8 líkia eða tilf. B. 9 mgl. B. 10 segir þik B. 11 [mgl. B. 12 [þinum vitum B. 13 diofull B. 14 hinum tilf. A². 15 Hér beg. atter B². 16 [veita viðgöngu B. 17 þa B. 18 [blota B. 19 [engi þottiz A³ B. 20 saal. B; uhræðiligr A. 21 stockinn vera A³. 40 22 honum ok tilf. B³. 23 saal. B; illvirkium A. 24 hrundu B. 25 saal. A¹³; motfialir øvr. 26 þingat B. 27 dyrum øvr.

[stauðvandi háreysti folksins¹ mællti þa at fengnu hlioði: „Bræðr
 minir! Þolinmoðliga byriar oss at þola illa menn, vitandi at guð
 þolir[, at þeir lifi² til ækveðins tíma, þess er hans³ diuphugut forsia
 hefir þeim settan, þo at hann megí iafnan svipta þa lifi, at þeira
 5 illzka hegniz í⁴ almenniligum domi. Eða fyrir hvi skulu ver eigi
 þola þat, er guð þolir⁵?“ Ok er þeir ætluðu at rannsaka Simonem,
 sa þeir hann fliuga [í lopt upp⁶ hia turni sinum, var hann þa í
 brottu með allt sitt. Petrus mællti þa: „Nu megit⁷ þer sia, at
 Simon vill eigi lata rannsaka sik. En þer⁸ allir, sem nu vilit⁹
 10 til Kristz snuaz [ok iðraz andmarka¹⁰, þa veitit honum nu veg-
 semð með knefalli.“ Ok þa er mikill fiolði [allra þeira manna,
 sem¹¹ æ þinginu voru, knefellu, leit Petrus til himins ok bað
 með tárur, at guð leti ser sóma at þiggja þa alla meðr sinni
 giætzku, er til hans kriupa¹² flyiandi undan diöfuls valldi. At
 15 lyktaðri bæninni reis Petrus upp ok bað alla með guðs friði fara
 í sitt herbergi, en koma þar ærdegis at heyra hans formæli, ok
 mun þa, sagði hann, lysaz fyrir yðr sannr kraptr almáttigs guðs
 til hialpar öndum yðrum ok líkómum¹³. En her mun eyþaz
 atrunaðr við Simonem fra þessi stundo.

20 59. Um morgininn¹⁴ í lysing kom einn af lærisveinum Sim-
 onis, [sa er Marcellus het¹⁵, kallandi¹⁶ Petrum [ok mællti¹⁷:
 „Bið ek þik, heilagr postoli guðs, [at þu takir¹⁸ við mer syndugum¹⁹
 manni aðr blektum af flærð Simonis, þviat ek hefi her til truat
 honum sem himneskum guði, þviat ek sa [hann gera²⁰ marga
 25 undarlíga luti. En þa er ek heyrða [af þer²¹ sannleikinn, syndiz
 mer hann maðr ok illr maðr. En þa er hann flyði heþan, skilða
 ek ecki til fullz illzkur hans, ok fylgða ek honum einnsaman.
 Sem hann sa mik ser fylgianda, bað hann mik sælan kominn ok
 leiddi mik²² í þat hus, sem katel hans voru²³ inni. En þa er
 30 miðnætti var, vakti hann mik sva mælandi: Ek mun gera þik
 ollum monnum betra, ef þu vill²⁴ með mer staðfestaz. Ek mællta
 þa: Allt til enda skal ek þik alldri²⁵ fyrirlata.“ Simon mællti

1 [stöðvaði h. f. ok A²; stöðvaði akafa lyðsins ok hareysti ok B. 2 [þa
 B. 3 tilf. B. 4 a B. 5 vill þola B. 6 [mgl. B. 7 megu A².
 35 8 þeir A¹. 9 saal. A²³; vilja A¹ B. 10 [saal. B²; ok iðraz synda
 sinna A; mgl. B³. 11 [manna, er þar B³. 12 Her beg. Fragn. 13
 líkamum Frg. 14 myrgininn Frg. 15 [tilf. B, Frg. 16 til tilf. B,
 Fr. 17 [mgl. øvr. 18 [tak þu B, Frg. 19 veslum B. 20 [at hann
 gerði B. 21 [tilf. B, Fr. 22 eftir ser Frg. 23 varu Frg. 24 saal.
 40 A¹, Frg.; villt øvr.; allan tíma tilf. B, Frg. 25 eigi B.

þa: Sver mer nu i stað at hallda þessi¹ fyrirheit². Ok ek giorða, sem hann bað. Þar eptir lagði hann æ herðar mer nöckur uhreinindi ok sina rækiliga leynda luti. Bar ek þa at hans boði til siovar. Við komum skiott til skips, tok hann þa af minum herðum byrðina ok bar sialfr³ æ skip, ok kom⁴ braðliga til min⁵ [ok hafði⁵ þa ecki með at fara⁶, þviat hann hafði þvi⁷ i siovar diup sôckt. Hann bað mik með ser fara, ok kveðz i brott ætla þaðan⁸ ok⁹ koma um siðir i Romam ok fæ þar sva mikinn metnat, at hann mundi [þar fyrir¹⁰ guð truaðr vera ok vegsamaðr með guðligum sæmdum, þa mun ek auðga¹¹ þik með allri gnótt penn-¹⁰ inga, [ok at¹² þer liki¹³ aptr at fara, man ek marga þionostu-menn fa þer til¹⁴ fylgdar. En ek festa þa öngvan¹⁵ trunat æ sôgnum hans, siþan ek var með ollu viss vorðinn illzku hans, ok at hann var galldramaðr ok svikari. Þvi andvaraða ek honum æ þessa lund: [Varkynn mer, þott¹⁶ ek fara eigi heðan i brott¹⁵ með þer af Cesarea, þviat ek em krankr i fotum. Her er ok husfreyia min með börnum ockrum litt vöxnum, ok ma ek eigi skiliaz við þau. Hann svaraði mer æ þessa lund: Mikil heimska er þat¹⁷ ok leti at briotaz æ þa leið, sem þu gerir nu, við giptu þinni, ok sannliga muntu iðraz þann tima, er ek kem i Romam²⁰ ok þu frettir mina sæmð. Eptir þat let hann fra landi, en ek for aptr hingat biðiandi, at þu takir mik blektan með svikum Simonis til sannrar iðranar.“ Hinn sæli Petrus tok þenna mann feginsam-liga¹⁸ ok bauð honum at sitia uti æ [motinu milli annarra manna¹⁹, til þess er hann segði honum, hvat hann skyldi gera. En postolinn²⁵ gekk [fram æ þingit²⁰ ok sa þar kominn myklu meira mug en [hina fyrri daga²¹.

60. Hann gekk þa i hinn hæsta stað ok leiddi fram²² þenna mann, er Marcellus het ok til hans hafði komit fra Simone. Birti hann þa alla nu greinda frasôgn um leynda luti sins meistara ok³⁰ brottferð ok um alla folkyngi, ok²³ sagði ser [afhenda alla villu Simonis²⁴ ok villdi skirn taka. Hinn sæli Petrus talaði þa til

1 þessor *A*¹. 2 orð *A*³. 3 *saal. B, Frg.*; mik *A*. 4 ek *tilf. A*¹². 5 hafða ek *A*¹². 6 [ok hafði þa ecki meðferðar *A*³; ecki berandi *B, Frg.* 7 henni *B, Frg.* 8 heðan *Frg.* 9 mundi *tilf. B, Frg.* 10 [mgl. *R, Frg.* 11 auka *A*³. 35 12 þo at *B, Frg.* 13 [ef þer likar *A*². 14 Her beg. atter *B*¹. 15 engan *B. Frg.* 16 *saal. A*² *B, Frg.*; várkunn er mer þat, at *A*¹; varkynn mer þat, at *A*³. 17 þer *B*¹. 18 með fegins hendi *A*² *B, Frg.* 19 [mot-fiolum hia öðrum monnum *B, Frg.* 20 [þa a mot *B, Frg.* 21 [hinn fyrra dag *A*³, *Frg.* 22 með ser *Frg.* 23 at hann *tilf. B*. 24 Simonar⁴⁰ *B*³; [af hendi alla simonia *A*³.

folksins: „Nu hafit þer set ok heyrt, með hverium atburð sia maðr hefir til min komit, er yör gorir¹ kunnigar flærðir Simonis, sva ok hversu hann hefir sinni galldrasmiðiu saukt i siovardiup, eigi sakir iðranar, helldr til þess at eigi mætti hans aurskemð² opinber verða, sva at hann yrði at þola lögliga pinu fyrir sin vánd verk.“ En eptir þetta sagði allt folk ser afhendis³ [allan ætrunat við Simonem⁴. En Petrus postoli predikaði lengi fyrir þeim⁵ ok gaf heilsu siukum monnum ok skirði þar mikinn fiolða folksins i nafni Kristz. Tok þa skirn Clemens, er fyrr var nefndr, með ollu sinu fòruneyti, ok lagði alla sina peninga i valld Petri postola ok bað hann fara með ser i Romam at predika þeim monnum guðs orð, sem heyra villdo⁶. En postolinn⁷ letz fyrst mundo reka guðs eyrendi⁸ um Judeam eptir hans boði, en vitia Rómam æ fyrirætlaðri tið af⁹ guði ok enda þar lif sitt at hans vilia.

61. I þann tima predikaði hinn sæli Petrus um Judeam ok Syriam ok eyiar, þær er liggia i¹⁰ Gricklandzhafi, ok um önnur lönd nælæg. Clemens, er fyrr var nefndr, gerðiz lærisveinn postolans¹¹ ok fylgði honum iafnan. Þeir menn voru ok með honum, er annarr het Niceta en annarr Aqvila. Sva bar til [eitt sinn¹², at skip, þat er Petrus var æ, kom við ey þa, er Korpo er köllut, ok dvölduz þeir þar nöckura daga i einni höfn. En Niceta ok Aqvila gengu æ land ok komu þar, sem fiolmenn stefna¹³ var, ok boðoðu¹⁴ þeim monnum ollum, sem heilir villdo verða sinna sotta, ok sva ollum þeim, er guðs orð villdo heyra, til skips at finna postolann Petrum. Þa geck at þeim kona ein ok mællti við þa: „Mun mer at nöckurri hialp verða, ef ek fer at finna yðvarn meistara?“ Þeir Niceta ok Aqvila svara: „Ef þu ert sannr olmosumaðr¹⁵ ok vilir þu trua æ Krist, mantu sem allir þeir aðrir, sem at falslausu vilia hans kenning hafa, miskunn fæ af hans fundi.“ Annan dag eptir kom hin sama kona æ fund Petri ok fell til fota honum biðandi ser olmusu. Petrus mællti: „Fyrir hvi þarft þu olmosu at þiggja, eigi uheilleg¹⁶ kona, at því er [mer syniz¹⁷?“ Hun svaraði: „Husfru min er líkþræ, ok vinn ek til matar ockr, af því bið ek olmosugiafa.“ Petrus mællti:

33 1 *Her ender Frg.* 2 *saal. A¹³, órskemd A², órskemd B.* 3 *saal. A¹², af hendi A³, afhendan B.* 4 [alla villu Simonis ok allan trunat við hann A¹. 5 folki B. 6 villdi B. 7 Petrus B. 8 orð B¹. 9 hinum sama (sanna A¹) tilf. A. 10 miðiu tilf. B. 11 Petri B. 12 [einn tima B. 13 leikstefna B. 14 buðu B²³. 15 þurfamaðr B. 16 *saal. A²³; uheil'ig B²³; oheillegri A¹ B¹* 17 [ek hygg B²³.

„Hvat skylldar¹ þik til at vinna fyrir konu þessi?“ Ok þa er hun skyllði þat inna, komz hon við miok ok matti lengi² engu orði upp koma. Þa mællti Petrus: „Þat er ætlan min, at þu munir verit hafa göfug kona at metorðum ok kynferð³ ok auðig at femunum, en nu komi þer i hug hin fyrri efi þin ok skammiz þu nu feeleysis þins ok aumleiks þess, er nu er yfir þik kominn.“ Hun svaraði: „Rett hyggr þu þetta, herra minn.“ Petrus mællti þa: „Komi hingat husfru þin til min, ok siam, hvað i geriz.“ Eptir þat var hin siuka kona þangat flutt ok lögð fyrir fætr Petro. Hann mællti þa: „Vilit þit trua æ guð fauður almatkan ok Jesum Krist son hans ok æ helgan anda?“ Þær svara: „Trua vilium við, sem þu kennir.“ Petrus signdi⁴ þa hina likþræ konu, ok varð hun þegar heil [af likþræ sinni⁵. [Eptir þat⁶ voru þær skirþar i nafni heilagrar þrenningar. For su kona, er heilsu hafði fengit⁷, til frænda sinna með orlofi Petri postola. En su kona, er henni hafði þionat, beiddi at fylgia Petro postola ok heyra kenningar hans optliga. Var henni ok þat veitt. Reðz hon i fylgð⁸ með þeim helgum konum, sem i ferð⁹ voru með Petro postola, en eigi vissu menn um stund, hver hon var.

62. Nöckuru siðarr komu þeir Petrus skipi sinu við ey, þa er Ciprus heitir, þar voru þeir i höfn nöckurri eigi [allskamma stund¹⁰. Þar geck Petrus postoli æ land upp hvern dag ok baðz fyrir lögum æ bergi¹¹ nöckuru, því sem¹² nær var höfninni. Þar fell¹³ einum megin hia þessu bergi vatnfall¹⁴ mikit. Sva bar til, at æ einum¹⁵ degi kom karl gamall ofan¹⁶ af landi, sa [var miok hárr i skeggi¹⁷; hann stoð þar .iii. daga miok sva¹⁸ naliga i sðmum sporum ok heyrði¹⁹ til bænahalldz postolans ok formælis, þess er hann veitti monnum, predikandi helga tru þeim sem til hans komu²⁰. Þessi karl mællti ecki orð æ þessum .iii. dogum. Hinn þriðia dag at aptni²¹ þa [bioz hann i brott at ganga. Hann mællti þa²² þessi orð til Petrum²³ ok hans forunauta: „Þessir menn litaz mer goðir i skapsmunum sinum ok staðfastir en eigi vitrir.“ Postolinn heyrði þessi orð hans ok bað sina

1 saal. A¹ B²; skylldir øvr. 2 tilf. B. 3 kynferði A² B²³. 4 signaði A²³ B¹. 5 [mgl. B²³. 6 [Siðan B. 7 tekit A³ B. 8 ferð B. 35 9 fór B. 10 [allskamt fra A³. 11 biargi B. 12 er B. 13 var B¹. 14 vatn A³. 15 einhverium A²³. 16 at þeim tilf. A² 17 [var miog hárr B¹; hafði miok hærur A³. 18 alla tilf. B. 19 hlyddi B. 20 kvamu A¹. 21 apni A² B². 22 [er hann bioz burt at ganga, mællti hann B²³. 23 Petrs postola B.

menn færa ser¹ karl þenna. Þeir toku karl ok leiddu fyrir [Petrus. Postolinn² mællti [þa: „Hverr ertu?“ Hann svaraði: „Ek em varðkarl einn fatækr, en ættaðr af Róma.“ Petrus mællti³: „Fyrir hvi kallaðir þu oss goða menn ok staðfasta i skapi ok þo
5 ovitra?“ Karl svaraði: „Þvi kallaða ek yðr goða menn ok stað-
fasta i skapi, at ek heyrða, hversu ohrapalliga⁴ þer mælltuz⁵
fyrir við guð yðvarn, þat ma ek skilia i orðum yðrum, at þer
elskit giætzku en hatit uðaðir ok illifi⁶. En þvi kallaða ek yðr
uvitra, at mer [skildiz sem þer kallapit⁷ mann dauðan vera guð
10 yðvarn ok truit æ hann. En þat ma hverr vitr maðr skilia, at
einn er guð eilifr ok almattigr⁸ ok óumræðiligr.“ Petrus mællti:
„Þu kallar oss uvitra, fyrir þat er var truum⁹ æ mann dauðan.
En ek kann¹⁰ þer segia, at hvarki þu ne nökkurr annarr ma
allvitr¹¹ vera, nema hann skili þat, at sa hinn sami, er, þu
15 kallaðir¹² dauðan vera ok ver truum⁹ æ, er bæði¹³ maðr dauðligr
ok guð lifandi, almattigr ok oumræðiligr.“ Karl mællti: „Hversu
megit þer slíkt syna satt vera, ufroþir menn ok iþrottalausir?“
Petrus mællti: „Kannt þu iþrottir margar¹⁴?“ Karl mællti:
„Var þat at ek kunna iþrottir.“ Petrus mællti: „Þat vil ek, at
20 þu dveliz með oss nökkura daga, ok mun ek lata til reyna um
iþrottir þinar.“ Karl mællti: „Giðrum¹⁵ sva.“

63. Annan dag eptir let Petrus postoli Clemens¹⁶ koma til
mals¹⁷ við karl þenna, þviat hann þotti algíðr at ollum .vii.
iþrottum, þeim sem¹⁸ Romverium voru i þann tíma kíærar. Toku
25 þeir þa at kannaz við um iþrottir sínar, ok reyndiz sva, at hvar-
tveggi þeira kunni allar iþrottir, þær sem spekingar voru vanir at
kunna i þann tíma. Eptir þat lögðu þeir fram hinn fyrsta dag at
disputera¹⁹ sin i milli af þeiri iþrott, er gramatica heitir; hun
segir²⁰, hversu rettliga skal [hvert orð fram segia²¹, ok hversu
30 [aull orð skal hneigia²² æ latinu tungu. Annan dag lögðu þeir
fram fyrir sik þa iþrott²³, er retorica heitir; hun kennir malsnilld
alla. Þriðia dag geck fram dialectica, er þrætur kann skilia.
Fíorða dag foru þeir yfir musicam, er sǫngiþrott²⁴ er. Hinn

35 .1 honum *øvr.* 2 [hann. Petrus B. 3 [mgl. B. 4 uhraparliga A³ B.
5 baðuz B¹. 6 illifi A¹. 7 [skilz sem þer kallit B. 8 ok obrigðiligr
tilf. B. 9 trum B¹. 10 vil A¹. 11 vitr A²; alvitr B. 12 kallar B.
13 guð ok maðr *tilf.* B. 14 nockorar B¹. 15 gior B. 16 Clementem
B. 17 *saal.* A³ B¹; tals A² B²³; motz A¹. 18 er B. 19 disputa B.
40 20 kennir B. 21 [at hveriu orði kveða B. 22 [rettliga hneigiaz skal B.
23 list B²³. 24 *saal.* A¹ B¹; sǫngsiþrott *øvr.*

fimta dag var kónnut arithmetica¹, er taulvisi alla greiðir. Hinn setta dag geck fram geometria, [en hun² kennir, hversu mæla skal hæð eða dypt, lengð eða breidd vel hvers lutar. Sva kannaðiz til, at allar þessar íþrottir kunni þessi hinn gamli maðr nòckuru framarr en Clemens, ok kunnu þo baðir vel. Síðarst toku þeir at 5 tala um stíornurims íþrott, er astronomia heitir. Þar villdi hinn gamli maðr ser ecki lata um finnaz ok [eckí um³ tala. Clemens mællti þa: „Hvart er, at þu kannt þessa íþrott verr en aðrar, eða fyrir hvi lætr þu þer her sva fátt um finnaz?“ Karl mællti: „Þessa íþrott þottumz ek einna⁴ bezt kunna, en þat⁵ hefir mer 10 sva miok brugðiz, at ek þickiumz nu óngu mega treysta um íþrottir minar.“ Clemens mællti: „I hveriu hefir þer þat mest brugðiz?“ Karl svaraði: „Þat tregar mik miok at segia þer.“ Clemens tok þa at grafa⁶ þat mal miok. Var þa ok hinn sæli Petrus við malstefnu þeira ok bað hinn gamla mann inna⁷, hvat 15 yfir hann hafði⁸ gengit. Karl mællti þa: „Ek átta goða konu raðvanda, at því er ek ætlaða. Ek átta við henni .iii. sonu. Hun villtízt oll fra mer ok lagði illt⁹ fyrir sik. En broðir minn sannaði þat fyrir mer með stíornugang, at su kona matti¹⁰ með óngum kosti raðvönd vera til elli, er þa væri fædd, er sa hafði¹¹ verit 20 stíornugangr, sem hann sagði [verit hafa¹² æ hennar burðartíð. Síðan hefi ek allr [fyrirvorþit mik¹³, ok fyrir því trui ek ecki æ stíornuíþrott mina.“ Petrus mællti: „Þat er¹⁴ villa mikil, at þu ætlaðir, at stíornugangr mundi raða mega raðvendi konu þinnar. Hygg ek, at þu munir¹⁵ átt hafa goða konu ok raðvanda. En nu 25 [byð ek þer¹⁶, at þu segir mer athófn þína ok nafn þitt ok konu þinnar ok sona þinna, ok ma vera, at þer verði at¹⁷ því nòckur huggan.“ Karl tok þa til mals ok sagði sva.

64. Ek heiti Faustinianus, ek átta .ii. bræðr, het annarr Flavius Clemens, er gaufgaztr var Romveria undir Augusto keisara¹⁸, 30 en annarr het Bassus. Ver erum allir systrungar [fyrir nefndz cesaris¹⁹ Augusti. Systir var heitir Plautilla. Ek hafða heimili i Róma ok sva mikinn framgang, at ek var skipaðr²⁰ höfðingi allra senatorum i borginni af [Augusto cesare²¹. Ek hafða ok

1 *saal. B*; *arismetica A*. 2 [*er B*. 3 [*eyfid til B*. 4 *mgl. B*. 5 *hon 35 B*. 6 *saal. B*; *gruna A*. 7 *segia B*. 8 *hefði A³*. 9 *rað tilf. A²*. 10 *mætti A¹*. 11 *hefði B¹*. 12 [*vera B*. 13 [*saal. A¹ B*; *vorðit mik fyrir A²*, *fyrirvorðin mik A³*. 14 *var B*. 15 *munt B²*. 16 [*bið ek A³*. 17 i *B²³*. 18 *cesari A³*. 19 [*keisarans B²³*; *nu nefndz höfðingia B¹*. 20 *settr B*. 21 [*hinum sama keisara B*.

rað¹ yfir þeim heruðum, er liggia við Antiochiam höfuborg Syrie. Ek atta mer eiginkonu² romverska at kyni, hun het Mathidia. Þessi kona var harðla væn at æliti, raðvönd ok vitr, en iðin at dyrka heiðinna manna [sið ok þeira skurðgoð³, en ek færða fornir
5 skurðgoðum at sið Romveria en eigi afalhuga. Var þat mal manna, at ek væra miok algjör at veralldar speki⁴. Ek truða einn vera almatkan guð, þann er ollu stiornaði. Við husfreyia min áttum þria sonu⁵, het einn Faustinus, annarr Faustus, hinn þriði Clemens kallaðr með nafni fauðurbroður sins lifanda. En er þeir voru
10 baðir or bernsku⁶ komnir, lagði Bassus broðir minn hug æ Mathidiam eiginkonu mina ok villdi bleckia hana með folkyngi at mer ovitanda. En er hun fann illvilia hans, leitaði hun ser raðs at styra⁷ undan illzku hans, þvíat hun var raðvönd. Einn dag kom hun fyrir mik buin æ þann hatt, sem hon var þa vön, er
15 hun færði fornir goðunum, ok mællti: „Mer hefir lengi verit æhyggia um þat, hvat leggiaz mundi fyrir sonu ockra; en nu hefi ek gengit i hof solarguðs⁸, þess er Apollo heitir ok alldri maliuga, ok fært honum fornir ok frett hann eptir, hvat leggiaz mundi fyrir sonu ockra, en hann gaf mer þessi andsvör: „Tak þu
20 sonu þina .ii. Faustum ok Faustinum, ok far með þa i Syriam [ok sel⁹ þa til læringar hinum visuztum spekingum; þeir munu verða gófgir kennimenn. En Clemens son þinn skal heima vera með feðr sinum honum til hugganar, mun at honum verða vegr frændum hans ok ollum romverskum lyð at eilifu.“ Við þessi orð varð ek
25 dapr miok, ok eptir langa þögn mællta ek: „Ef þat er guðs fyrirætlan¹⁰, at sva skuli verða, sem þu segir, þa man því engi hneckia.“ Síþan bio ek skip gott, ok geck þar æ kona min ok .ii. hinir ellri synir ockrir með miklum fiarlutum ok vegligu¹¹ föruneysi. Þeim forst vel, [þar til er þau komu i¹² Sikiley.
30 Sem¹³ þau foru¹⁴ i nánd við borg, þa er Patera¹⁵ heitir, en hun stendr æ Gricklandi, tok þau utsynningr steinoðr¹⁶ ok keyrði um nött at ey þeiri, er Korpo¹⁷ heitir, þar leysti¹⁸ skipit [undir þeim¹⁹. Feck ek þa frett af, at þar hefði fariz menn allir ok allir penningar. Ek kunna því sva illa, at ek lögðumz i reckiu²⁰
35 ok hellt varla vitinu sakir þessa mins harms.

1 forrað B. 2 eignarkonu A²³; husfru B²³; huspreyiu B². 3 [guð B. 4 spekt B. 5 syni A²³. 6 barnæsku A² B. 7 fara A³. 8 solar-guðs B. 9 [seliandi B. 10 vili ok fyrirhyggia B. 11 vegsamligu A²³; vegsæmiligu B. 12 [til þess er liðr (þau liðu um B²³) B. 13 En er B. 14 voru B¹. 15 Patra B¹. 16 mikill A³. 17 Corpu A³. 18 lesti A³. 19 [i sundr B². 20 af tilf. A³.

Þá for Bassus broðir minn til fundar við mik ok let allgoð-
vættliga¹ ok mællti: „See ek, broðir, at þu ert harðla dapr af
mannnamissi þeim, er þu hyggz fengit hafa. En ek ræð þat þu
kastir af þer harmi þinum ok gðriz stauðugr við², þott þer þicki
eigi allt at þinum vilia ganga, þviat ek kann segia þer, at kona³
þin er æ land komin með miklum fiarlutum, ok er nu i austrhalfru
heimsins langt or Rómveria velldi, gefin einum sinum þræli, þeim
er lengi hefir verit virktamaðr⁴ hennar.“ Við þessi orð⁵ varð ek
miok styggr⁶, sva at ek matta eigi lengi orði upp koma. Þá
settumz ek upp ok mællta ek: „Broþir, hvat hygg þu, hver stiarna⁷
þvi mun⁸ valldit⁹ hafa með sköpum, er sva illa hefir skipaz lyndi
konu minnar?“ Hann mællti: „Gðngum við i virktahus ockart,
þar sem allr stionugangr er¹⁰ i.“ Ok er við vórum þar komnir,
mællti hann við mik: „Ser þu nu, broðir minn, hversu stionurnar
ganga.“ Ek svaraða[: „Ek se¹¹ at visu.“ Hann mællti þa: ¹⁵
„Þickiz þu skilia, hvar Venus mun staþit hafa æ burðartið eða
æ getnaþartið konu þinnar?“ Ek svaraða, at ecki mætta ek
etlan æ þat koma fyrir harmi minum. Bassus mællti þa: „Þess
minnir mik, at Venus muni staþit hafa i þeim stað, sem sol rennr¹²
upp, þa er dagr er sem skemmztr, æ burþartima konu þinnar. ²⁰
En þef þa er¹³ fædd kona¹⁴, ma hun¹⁵ eigi raðvönd vera, ef hon
verðr fulltiða.“ Viðr þessi orð hans varð ek ukveða, ok villda ek
upp fra þvi ecki [við hann¹⁶ tala. Eptir þat tok ek at heita a
[hinn hæsta¹⁷ guð, at hann kendi mer þat rað, er bezt gegndi,
hvat ek skyllða fyrir mik leggja þaðan ifra. Kom mer þa i hug, ³⁰
at ek hafða¹⁸ valld yfir þeim heruðum, sem¹⁹ voru nær Antiochia,
þotti mer þat likaz²⁰, at ek munda þar nðkut spyria til konu
minnar ok sona. Eptir þat bio ek skip mitt, geck ek þar æ
með miklu foruneyti ok hellt i Gricklandz haf. Forst oss greitt i
fyrstu, en um siðir keyrði skip vart at þessi ey, sem nu erut þer ³⁰
við komnir, braut þat allt i spán²¹, ok tynduz penningar allir;
komz ok engi maðr lifandi æ land nema²² ek einn, varð mer þo
nær farit. En er ek tok hvild i lysing, sa ek, þa er liost var
vorþit, hvar ek var kominn. Gekk ek þa i borg þa²³, er skamt

¹ allguðrettliga *A*³ ² [þer at kasta harmi þinum ok geraz staðrammr ³⁵
B. ³ virktavinr *A*¹. ⁴ hans *tílf. B*. ⁵ hryggr *A*³. ⁶ muni *B*¹.
⁷ volldit *B*¹. ⁸ markaðr *tílf. B*. ⁹ [at ek sæi *B*²³. ¹⁰ renn *A*¹.
¹¹ [þa *A*³ *B*¹. ¹² þin *tílf. A*²³ *B*¹. ¹³ *mgl. A*³ *B*¹. ¹⁴ [til hans
*A*²³; um *B*. ¹⁵ [himna *B*³. ¹⁶ hefða *A*²³. ¹⁷ er *B*²³. ¹⁸ til vera
tílf. B. ¹⁹ spon *B*. ²⁰ utan *B*. ²¹ eina *B*²³. 40

var þaðan, ok var ek þar um stund. Eptir þat geck ek i syslu mikla, ok gerðumz ek varðmaðr i borginni. Hefi ek þat starf haft [hina næstu¹ .xviii. vetr, [þar til² er ek kom til yðvars fundar.

65. Þa er Faustinianus hafði [til enda fært sitt mal², tok
5 Clemens at heilsa feðr sinum, ok varð þar mikill fagnafundr með þeim. Þvi næst kom þat upp, at þar var Mathidia i föruneysi Petri⁴. Bauð þa postolinn, at hun skyldi segia, hvat yfir hana hafði⁵ gengit, síðan hun for af Róma. Hon mællti þa:

66. Su er saunn frett af farlengd⁶ varri, síðan ver sigldum
10 af Italia, at oss tok utsynnings stormr⁷ hia Patera⁸ borg Grechie ok keyrði skip vart um nött at eyinni Corpo⁹, braut þat i spán¹⁰, en penningar foruz allir; menn druknuðu utan¹¹ [ek, fylgda ek¹² einu skipborði¹³ til landz, en synir minir fylgdu skipflaki¹⁴. Ek geck æ land um miðnætti, ok kom ek til huss einnar auðigs mannz
15 konu, ok tok hun vel við mer. Hafða ek af henni gopar virðingar sakir dyrs bunapar, þess er ek hafða or skipsbroti, ok þaðan af hugðu menn mik vera¹⁵ tiginborna. Ok einn dag mællti husfru min við mik: „Se ek, at þu munt vera gófug kona, þu ert for-
kunnliga væn at aliti, latgoð ok vitrmal harðla, [ok hannyrð¹⁶
20 æ ollum giorðum þinum; þvi vil ek, at þu gorir mer husbunat ok¹⁷ þeim mönnum klæði, sem at [hendi þer¹⁸ bera, mun þer þa¹⁹ verða gott til fiar.“ Ek giorða sem hun bað, at ek saumaða klæðin, sva at naliga gatz hverium vel at. Af þvi toku ungir menn, þeir sem sa handaverk min ok heyrðu orðalag mitt, at
25 leggja astarþokka²⁰ til min. En þviat ek villda [eigi bliðlæti við þa hafa²¹, lögðu þeir [eigi at minni²² stund æ at fa ast af mer. Sem²³ ek hugðumz varla [mundo undan þeim komaz²⁴, gekk ek einn dag i fiðru ok barða ek hvóssum steinum i andlit mer, [sva at ek var aull bloðug. Þa tok ek þunna hinna af fiski ok limda
30 ek við andlit mer²⁵, til þess at ek væra sem ferliguz²⁶ at sia. Hendr minar lamða ek með grioti, sva at ek var til óngrar vanda-
syslu²⁷ fær. En þa er ek kom heim til husfru minnar, sögðumz

1 [um A³. 2 [er liðit hafa til þess B. 3 [enda gert a sinni frasogn (sinu mali B²³) B. 4 með þeim Petro B²³. 5 hefði B²³. 6 ferð B¹.
7 þa er ver sigldum tilf. A¹. 8 Patra A³. 9 Corpu A³ B. 10 spon
35 A². 11 nema B¹. 12 [saal. A¹; ek fylgda øvr. 13 skipbroti B²³. 14
skipsflaki B¹. 15 mundu vera gófga kono ok B. 16 [er ok mikil
hannyrð B²³; hefir ok hannyrð mikla B¹. 17 gerir tilf. øvr. 18 [þer
kann B¹. 19 þat B. 20 girndarhug B. 21 [engan þýðleik við þa eiga
B. 22 [at meiri B²³. 23 En þa er B. 24 [geta undan þeim styrt B,
40 25 [mgl. B. 26 endimliguz B. 27 syslu A¹.

ek vorðin fyrir vanheilsu. Hun harmaði þat i fyrstu ok giorði vel til min um stundar sakir. En þa er skamt leið þaðan, lagði hun æ mik urækt ok gaf at mer ðngvan gaum. Þvi næst sa¹ ek mik eigi lengr mega þar vera sakir handameins mins. For ek brott or því þorpi, sem ek var aðr i, ok geck ek til siovar. Þar sa ek⁵ litit hus riuka, þat² lauk ek upp, ok sa ek þar eina fatæka³ konu sitia við glæðr⁴. Hun mællti við mik: „Velkomin husfru hin romverska, er ein komt æ land, þa er allt forst foruneyti þitt. Mikill harmr er þat, er þu skallt sva aum vorðin vera. Ver með mer sva lengi sem þu vill⁵, ok skalltu ein ollu raða, því er ek æ.“¹⁰ Þessum hennar orðum varð ek gratfegin. Eptir þat spurði hun mik: „Hvi komt þu her?“ Ek svaraða: „Husfru min lagði æ mik vanrækt⁶ sakir krankleika⁷ mins, af því ma ek eigi þar vera.“ Ek mællta þa: „Fyrir hvi ert þu her komin i hreysi þetta, eða hvat hefir þu til atvinnu þer?“ Hun svaraði: „Fyrir fæm⁸ vetrum¹⁵ mista ek bonda mins, sva at við attum [ðngvan erfingia⁹. En því at ek villda vera ein fyrir mer eptir hans dag, for ek i brott or borginni, ok [biðggumz her fyrir¹⁰ siþan. Nu æ ek akr nðckurn ok fa sauði til atvinnu mer. Hefi ek nu fengit likþrá, sva at ek ma ecki at hafaz.“ Þa mællta ek til hennar: „Ek mun²⁰ þiona þer, þar til er yfir ockr koma¹¹ betri dagar.“ Hun tok þat með þöckum. For ek þaðan ifra um borgir¹² ok þorp, ok bað ek ockr matar nær [um .xx. vetr¹³, allt til þess er ek kom til yðvar, heilagr faþir.

67. Faustinianus varð nu oætlanliga¹⁴ feginn, er hann sa heila²⁵ eiginkonu¹⁵ sina, þa sem¹⁶ hann þottiz mist hafa. Hun fagnaði ok miok, er hun sa heilan bonda sinn ok hinn elskuliga son Clemens¹⁷. Hann varð ok feginn [eiginni] moður¹⁸. Þvi næst kom [þat upp, at þeir Faustus ok Faustinus voru¹⁹ þar, er þa nefnduz Niceta ok Aqvila. Voru þeir þa beðnir at segia sina³⁰ sögu, hvat yfir þa hafði²⁰ gengit. En þeir sögðu sva.

68. Þa er skip vart braut við Corpo, satum við æ skipflaki²¹ ok hugðum alla [vara skipara tynda²². I lysing sam við vikinga-

1 fann B. 2 því A³. 3 siuka B¹. 4 elld A³. 5 saal. A¹ B²; villt øvr. 6 orækt B. 7 siuknaðar B. 8 nockorum B. 9 [ekki barn A². 35
10 [hefi ek her verit B. 11 komi B²³. 12 saal. A³ B²³; borg B¹; borgina A¹². 13 [.xx. vetr B¹; .xx. vetrum B²³. 14 harðla B²³. 15 husfru B¹. 16 er B. 17 [sinn kærastu bonda ok hinn elskuligsta son Clementem B. 18 [moður sinni A²; eigenmoður sinni B. 19 [þar at þeim upp Faustus ok Faustinus. Voru þeir A¹³. 20 hefði A³. 21 skips- 40
flaki B¹. 22 [skipveria öckra (aðra B²) dauða B.

skip nær¹ ok tauluðumz² við æ þessa lund: „Vikingar þessir munu taka ockr ok selia mansali, því skulum við gefa ockr onnur nōtn, skal annarr ockarr heita³ Niceta, en annarr Aqvila. Eptir þat toku vikingar ockr ok fluttu [i Cesaream borg æ Jorsalalandi⁴.
 5 Þar selldu þeir ockr einni auðigri [husfreyiu af Gyðinga⁵ kyni, en hun het Justa. Hun lagði ast við ockr [ok gerði ockr ser at oskbörnum⁶. Þvi næst selldi hun ockr til læringar Simone mago. Námu við skiott allar hans iþrottir. Við fundum þa, at hann loddi [flærð einni⁷ saman ok svikum, því skiptum við hagliga
 10 meistarum⁸ fyrirlatandi fyrr nefndan Simonem hinn galldrafullazta, en heim sækiandi hinn heilaga Petrum, [ok tokum⁹ af honum sanna tru, at sva sem aðr voru við fylgiarar falsleiksins¹⁰, værim við þaðan ifra fylgendr¹¹ sannleiksins. Höfum við síþan¹² honum fylgt.

At lyktaðri þessi sögu¹³ rann þar upp i milli þeira feðgina
 15 sameiginligr¹⁴ fagnaðr; voru þau öll i fylgð með sælum Petro postola. Var Faustus kallaðr Niceta, en Faustinus Aqvila, eptir því sem i skirn sinni voru þeir nefndir. For Faustinianus iafnan með Petro postola, ok var [sva honum¹⁵ hlyðinn, sem hann væri honum [i bernsku¹⁶ til læringar selldr, var hann mikils virðr af öllum, þvíat¹⁷
 20 hann varðveitti¹⁸ með ser satt litillæti.

69. A þessu ære spurði hinn sæli Petrus postoli, at Simon magus villti alla þioð i Antiochia, sva at þeir truðu hann at sōnnu guþ¹⁹ vera, en kōstuðu niðr allri²⁰ þeiri tru, sem guðs postolar höfðo kent þeim. At heyrðri hörmung þessi allra dugandi²¹ manna
 25 hóf hinn sæli Petrus þangat æ leið²² sina farlengd, til þess er hann kom i borg Cesaream, sem fyrr nefndr Cornelius var fyrir²³. Hann tok vel²⁴ við sælum Petro ok feck honum mikit riddaralið til Antiochiam. Ok er þeir komu nær borginni, spurðu²⁵ þeir, at borgarmenn ætluðu at veria þeim inngöngu²⁶, þeir sem eggjaðir
 30 voru þess oraðs af hinum illa Simone. Faustinianus mælti þa við Petrum: „Theophilus heitir einn gōfugr maðr i Antiochia, hann

1 ockr *tílf. B.* 2 toluðum *B.* 3 nefnaz *B²³.* 4 [aa Jorsalaland i Cesaream borg *B²³.* 5 [husfru af Juda *B.* 6 æskingarsonum *B³*; til-æskingarsonum *B²*; [mgl. *B¹.* 7 [flærðum einum *B¹.* 8 meistarunum *B¹*, meistararunum *B²³.* 9 [takandi *B.* 10 falsarans *B¹.* 11 lærisevinar *B.* 12 fra þessu *övr.* 13 sögn *B.* 14 *saal B*; sanuleiks *A.* 15 [honum sva *B.* 16 [tílf. *B.* 17 þoat *B.* 18 sialfr *tílf. A.* 19 guðs son *B.* 20 mgl. *A³ B²³.* 21 dugandis *A¹².* 22 veg *B²³.* 23 i *B.* 24 for-kunnliga *B.* 25 fragu *B.* 26 fyrr nefndrar borgar *tílf. A²³*; i borgina *tílf. B²³.*

hefvir opt verit gestr minn i Romaborg, en ek hans gestr i Antiochia, þa er ek hafða valld yfir heruðum þessum, ok var ockur vinatta allgoð, því¹ mun ek fara til fundar við hann ok taka þar herbergi. Vænti ek, at sva munim² við um annaz, at þu nair inngongu i borgina³ með þinu foruneyti.“ Petrus mællti: „Far þu, ef þer likar, en þess fysi ek þik⁴, at aðr takir þu skirn, vænti ek at þa muni⁵ Simon ecki mein⁶ gera þer, þott þit finnis, en elligar⁷ er mer ván, at hann geri þer nökkut angr.“ Faustinianus mællti: „Ecki mein mun Simon mer gera; en þa vil ek skirn taka, er ek kem aptr⁸ öðru sinni.“ Petrus mællti: „Verði sem guð vill!“ Eptir þat for Faustinianus i Antiochiam, ok tok Theophilus vel við honum. Hafði hann þar fæ daga verit, aðr hann gat snuit Theophilo fra ollum trunaði við Simonem ok til retrrar truar, þeirar sem hinn sæli Petrus kendi.

70. Sva bar til einn dag, at þeir Simon magus ok Faustinianus genguz i moti æ strēti, ok sa hvarr þeira⁹ annan, en ecki mælltuz þeir við. Faustinianus þottiz kenna blæ¹⁰ nökkurn æ¹¹ andliti ser, er þeir genguz hia¹², sem bleytu nökkurri væri vorpit¹³ [i andlit honum¹⁴. Litlu síðarr kom hann i herbergi sitt ok hugðiz ecki hafa skipaz at¹⁵ æsionu¹⁶, en hann var þa sva likr vorðinn Simoni¹⁷, at engi mátti kenna, hvarn þeira sa. Ok þegar sem¹⁸ Theophilus sa hann, mællti hann¹⁹ hærri röddu: „Dragz þu ut diðfuls maðr²⁰, öngva dvöl muntu her hafa²¹.“ Faustinianus svaraði: „Fyrir hvi kveðr þu mik sva hermiliga, husbondi?“ Theophilus mællti: „Ætlar þu, at ek vita eigi, hverr þu ert, Simon hinn illi ok hinn fiolkunnigi?“ Hann svaraði: „Faustinianus em ek, eigi Simon.“ Theophilus mællti: „Annan mantu sva bleckia en eigi mik, þvíat ek kenni þik fullgerla, hverr þu ert.“ Faustinianus mællti: „Hygg þu at klæðum minum, ok kenn mik þaðan af, ef þu matt mik eigi at æsionu kenna²².“ Sem traudaz mátti hann því til leiðar²³ koma, [at hinn ætlaði hann eigi Simon vera²⁴. En þa er þeir þottuz baðir kenna²⁵, hvaðan af hann hafði²⁶ mein fengit, reðu þeir þat af, at hann for or borginni

1 þar fyrir övr. 2 munum B²³. 3 Antiochiam A² B. 4 tilf. B.
5 mun A²³. 6 grand B³; mgl. B¹². 7 ella B. 8 til þin A² B. 35
9 a tilf. A² B. 10 hlæ A³. 11 i B²³. 12 a moti B. 13 framan
tilf. A¹. 14 [yfir hann A³. 15 i A² B²³. 16 aliti B¹. 17 illa tilf.
B²; i annliti tilf. B¹. 18 mgl. B. 19 með tilf. B. 20 limr B³.
21 eiga B. 22 þeckia B. 23 sannz B. 24 [(við Theophilum tilf. B)
at eigi væri hann Simon A²³ B. 25 sia B. 26 þetta tilf. B³. 40

sem skiotaz¹ ok sotti æ fund Petri apostoli². Ok er hann kom þar, fell hann til fota honum ok mællti: „Veit þu mer miskunn, herra, ok lat mik hafa yfirlit min, þau er ek hafða, aðr en Simon spillti þeim³.“ Petrus mællti: „Ecki syniz mer⁴ brugðit vera æsionu þinni. En þo at auðrum syniz⁵ [brugðit vera⁶, þa er þer þat ecki mein, ok skal sva giort vera um stundar sakir.“ Faustinianus mællti: „Hvi mun mer þat eigi mikit mein, at hverr maðr ætli mik hinn versta mann, er mik ser?“ Petrus mællti: „Þat⁷ skal Simoni verða at [mikilli skömm⁸, er hann þickiz⁹ þer 10 hafa til meins gert. Fylg þu minum¹⁰ raðum. Tak nu blezan af mer ok far sípan i Antiochiam i hus Theophilus¹¹ vinar þins, ok lát þar ecki verða vart við þik, fyrr¹² en þu gengr þar æ stræti einnhvern¹³ dag, þa er fiolmenni er mikit; þa skalltu kallaz¹⁴ Simon magus ok segiaz¹⁵ skylldr at lysa yfir íþrottum þinum, 15 siðum ok atgiörvi um sinn æ hveriu ære fyrir allri alþýðu. Eptir þat skalltu segia æ þik fiólkyngi ok þær allar flærðir, sem ek kann segia þer, at Simon er sannr at. Þess [væntir mik¹⁶, at Simon muni¹⁷ koma ok heyra orð þin. En þess er mer ván, at hann standiz eigi¹⁸ tölu þina ok skipi menn til at skiota at þer 20 eða gera þer nöckurn geig, ef þeir mega¹⁹. Þvi skal rað raði mæta, sva at þu ætlir .ii. menn til²⁰ at hallda skiöldum fyrir þik²¹ ok hlifa þer²², ef menn veita þer tilræði. En ef þer [verða tilræði veitt eða aaverkar²³, skunda þu or borginni, ok kom sípan til min.“

25 Eptir þessa tilskipan [tok Faustinianus²⁴ blezan²⁵ af Petro postola, ok for sípan i Antiochiam ok [háttaði sva öllu²⁶, sem Petrus bauð honum. Ok þa er hann stoð æ stræti ok letz Simon vera lysandi yfir udaðum sinum ok endimum, þa [matti Simon eigi þola²⁷ ok let skiota at honum .ii. aurum. En þeir hlifðu 30 Faustiniano, er til þess voru ætlaðir²⁸, ok brugðu²⁹ skiöldum við skotunum, sva at hann sakaði ecki. Þa mællti Faustinianus: „Nu man ek hætta þessu tali³⁰, en litlu síparr man ek synaz

1 flíotazt *B*¹. 2 *saal. A*¹; postola *A*²³; *mgl. B*. 3 mer *B*¹. 4 spillt eða tilf. *B*³. 5 henni tilf. *B*¹. 6 [þat *B*³. 7 sama tilf. *B*. 8 [miklu hlægi *B*. 9 þottiz *B*. 10 orðum ok tilf. *B*²³. 11 Theophili *B*. 12 Her *mangle flere Blade i B*³. 13 nockorn *B*. 14 segiaz vera *B*. 15 teliaz vera *B*. 16 [vænti ek *B*. 17 *saal. A*¹ *B*¹; mun övr. 18 þessa tilf. *B*. 19 megu *B*. 20 þess tilf. *B*. 21 þer *B*. 22 sva tilf. *B*. 23 aakvamur *A*¹; [verðr tilræði veitt eða aaverkan *B*². 24 [*saal. B*; for Faust. ok tok *A*. 25 benedictionem *A*¹. 26 [breytti *B*. 27 [stoðz Simon eigi *A*³. 28 *saal. A*¹ 40 *B*¹; settir *A*²³, skipaðir *B*². 29 upp tilf. *B*. 30 malí^o *A*² *B*.

milli yðvar æ stræti.“ Við þessi orð hvarf hann¹ i brott orð borginni, sva at hann varð hvergi litinn [i henni þaðan frá³. En þat folk, sem aðr þottiz horft hafa æ Simon, leit um sik ok sa hann standa meðal manna æ stræti. Þeir toku þa at hrinda honum ok hrækia⁴ fra ser sva mælandi: „Nu vitum ver, hverr svikari þu ert, hefir þu nu sagt fra þer þau undr [ok odæmi⁵, er engi megu⁶ við iafnaz.“ Ok er hann villdi⁷ svara fyrir sik, æstiz oll alþýða æ hendr honum ok kóstuðu at honum grioti ok [lurkum ok öllu⁸ því, er þeir mattu til fæ. Stauck⁹ Simon þa¹⁰ brott or borginni Antiochia, sva at hann efldiz þar ecki síðan¹¹. 10

71. Faustinianus kom skiott¹² æ fund Petri postola ok sagði honum, hvat [um leið¹³ i Antiochia, ok let þess van, at þeir¹⁴ mundi fa þar goþar viðtaukur. Petrus sendi þa fyrir ser i borgina Nicetam ok Aquilam at gera vart við, at hann var þangat æ ferð¹⁵. En þegar er borgarmenn vissu Petrum nær vera, foru¹⁵ allir hinir göfguztu menn langt ut af staþnum i moti honum berfættir ok i hárlæðum, ok syndu sva iðran sina fyrir [þa glæpsku, er þeir höfðu truat Simone ok fylgt villu hans¹⁶. Sem¹⁷ Petrus kom i borgina, dreif at honum alþýða, ok voru bornir [at honum¹⁸ siukir menn ollum megin, þeir sem¹⁹ ser væntu heilsu af²⁰ honum. Sumir af þeim voru diöfulðir, sumir kararmenn, sumir með ymisum²⁰ sottum, sva at eigi mátti taulu æ koma [hina siuku menn²¹. Margir storburðugir²² menn iosu molldu i höfuð ser ok baðu ser miskunnar. Hinn heilagi Petrus sa þa eigi at eins fyrir þat iðran gera, er þeir höfðu blotat [Simonem magum²³,²⁵ helldr sa hann þar með algerva tru almattigs guðs birta briost²⁴ þeira, sva at þeir truðu allzkyns sottir mega græþaz fyrir hans bæn. Hann hof þa upp til himins sinar helgu hendr með tárur guði þackandi sina velgerninga, ok baðz fyrir æ þessa leið: „Heyr þu, hinn heilagi faðir, þik bleza ek, þik predika ek, þvíat þu lez³⁰ þer soma at fylla hvert orð þins sonar ok fyrirheit yfir oss, at oll skepna kenni²⁵, at þu ert einn guð æ himni ok iorðo.“ Ok er

1 Faustinianus B. 2 af B¹ A². 3 [mgl. B¹. 4 saal. A²³; hrækia A¹ B²; reka hann B¹. 5 [mgl. A²³; ok endimi B. 6 ma B¹, megi B². 7 sialfr tilf. B. 8 [triam ok hvivitna B. 9 Hrock B. 10 i þessi hrið A²; i þessi rennu B. 11 þaðan af tilf. B¹. 12 bratt A³. 13 [yfir hefði liðit A³. 14 hann A². 15 faur B. 16 [glæpi sina A³. 17 En þa er B. 18 [til hans B². 19 er B². 20 ymsum B². 21 [mgl. A³ B¹. 22 mikils hattar A³. 23 [Simone mago A². 24 biortu B². 25 viti B. 40

hann hafði þessa luti ok þessum lika með ser talat, steig hann i háfan stað bioðandi fyrir sik at setia þann [enn mikla¹ siukra manna fiolþa, sem þar var kominn. En er þat var gert, talaði hann æ þessa lund til þeira allra²:

5 72. „[Hirðit eigi at³ ætla mik, þann sem þer siait at⁴ sönnu vera dauðligan mann yðr likan, mega yðr heilsu gefa, helldr skulut þer trua þann, sem af [himni steig⁵, mega gefa þeim monnum, sem æ hann trua, bæði andar heilsu ok likama. Þvi skal yður raudd iata fyrir ollum⁶ lyð, at þer truit af öllu hiarta æ drottin
10 Jesum Krist, at þeir sem siukir ero, viti sialfa sik eigi fyrir oss helldr fyrir hann sialfan⁷ mega heila verða.“ Ok þa er allr fiöldi⁸ siukra manna kallaði með einni raudd þann guð vera at sönnu, sem Petrus boðaði, þa skein mikit lios guðligrar mildi yfir lyðinn, kararmenn runnu⁹ heilir at fotum Petri postola, blindir menn
15 vattuðu¹⁰ sik syn hafa tekit, halltir menn giorðu guði þackir fyrir endrbætta gongu. Sumir þar komnir siukir menn lifðu án rodd ok skilning með einum saman andardrætti, fengu þar fullkomna heilsu. Sva segir ok su bok, er heitir Speculum Ecclesie, þat er spegill kirkiunnar, at þar hafi ok [þann tima dags¹¹ dauðir menn
20 til lifs risit. Ok sva mikinn krapt sinnar miskunnar syndi hinn helgi andi æ þeim degi, at allir fra hinum [mesta manni til hins minnzta mannz¹² iatuðu guði. Fylgði sva mikil miskunn predikan¹³ postolans, at æ .vii. dögum hinum næstum toku tiu þusundir manna skirn meðr fullkominni tru til guðs.

25 73. Eptir þetta beiddi Theophilus hinn rikazti maðr Petrum postola at vigia til kirkiu vegliga höll, er hann atti. For þat ok fram. Var þar¹⁴ settir stoll Petrus¹⁵ postola i þeiri kirkiu, ok þa saung hann þar messu fyrst¹⁶ allra manna, at þvi er þekr váttu ok flestir doctores samþyckia. Eptir þat er varr herra hof þat emb-
30 ætti æ skirdags aptan, er i þa minning halldin Petrusmessa æ vár¹⁷. A þessum degi fell Faustinianus til fota Petro fyrir allri alþyðu ok mællti: „Minn herra! Nu þickia¹⁸ mer guðs orð, þau sem þu hefir sæð¹⁹ i briosti²⁰ mer, vera buin með goðum vilia at gefa af ser goðan ævðxt. Vil ek nu fusliga skirn taka af þer ok
35 verða luttakari heilagrar þionostu.“ Hinn sæli Petrus skirði hann

1 [odemiliga B¹. 2 mgl. B. 3 [Ætli þer eigi at ek B². 4 með B².
5 [himnum ste B². 6 hiaveranda tilf. B. 7 mgl. B². 8 lyðr B. 9
urðu B². 10 reiknuðu B². 11 [þenna dag A³ B. 12 [minzta til hins mesta
B. 13 orðum B¹. 14 þa ok tilf. B. 15 Petri B. 16 fyrstr B.
40 17 varit A³. 18 saal. A³ B; þickir A¹, þicki A². 19 saið B 20 briost B.

þa, ok tok hann i skirninni æsionu sina, þa sem hann hafði, aðr Simon spillti henni¹. A þeim degi taldi² Petrus postoli fyrir folki ok hof þar mal sitt, sem Faustinianus var, gefandi af honum dæmi auðrum monnum, hversu hann var snuinn fra [heiðnum domi³ til algiðrrar truar ok dyrligs lifs. Þaðan af virði alþýðan Faustinianum⁵ sem engil guðs, ok margir veittu honum eigi minni þionostu en Petro postola sialfum. Ælvi Faustini⁴ ok konu hans ok sona lykz⁴ með dyrligri tru ok goðri atferð með guðs vilia.

74. A auðru áre eptir stolsetning Petri andaðiz Tiberius cesar⁵ i Roma⁶ ok kaus til ríkis eptir sik Gaium son Germanici⁷ 10 broður sins. Rikti hann nær .iiii. ár. Sa maðr hafði verit með Tiberio i þionostu [Gaii, þess sem⁸ nu var nefndr, en fyrrum með Druso syni Tiberii, sem Herodes het en Agrippa at kenningarnafni, son Aristoboli sonar hins mikla Herodis en broðir Herodiadis horkonu Herodis tetrarche fauðurbroður sins. Þessi syskin⁹ Her- 15 oðem Agrippam ok Herodiaden let gamli Herodes fæða upp tiguliga, þoat hann dræpi fauður þeira grimmliga. Þessi Herodes Agrippa var storhugaðr¹⁰ ok bardagamaðr mikill, ok for i fyrstu¹¹ af Judea til Tiberium at liðnum Philippo, er sumstaþar er nefndr Herodes, syni gamla Herodis. Þessi Philippus var tetrarcha Jturie²⁰ ok Traconitidis, ok at liðnum Lisania, þeim er sumir kalla son hins gamla Herodis, en sumir son Tholomei. Þessi Lisantias var tetrarcha Abiline. Villdi þessi Herodes Agrippa fá annanhvarn þenna fiorþung eða baða. Tiberius hellt hann i Roma sakir röskleika¹² ok riddaraskapar i þionostu Drusi sonar sins, er fyrr var²⁵ nefndr, en dro undan ríki.

At dauðum Druso rak Tiberius fra ser alla menn, þa er honum höfðu fylgt. Varð þa Agrippa at fara aptr i Judeam, þviat Tiberius villdi óngvan sia hans manna, at eigi kallaði [þeira syn¹³ aptr i hans minning sonar dauða¹⁴. Þæ slo órvilnan æ Agrippam, 30 sva at hann byrgði sik i turni nöckurum [ok villdi þar svellta sik¹⁵ til bana. En kona¹⁶ hans sagði Herodiade systur hans til þessa. Hun bað Herodem tetrarcham, er Antipas var kallaðr, veita broður

1 honum B¹. 2 talaði A²³. 3 [heiðni B. 4 laukz B. 5 keisari A² B¹. 6 er Nero het öðru nafni tilf. B. 7 rettet; Germaturo A, Germaniel B. 8 [þess mannz er B. 9 systkin A. 10 maðr tilf. B. 11 för tilf. B. 12 vaskleiks A² B. 13 [saal. B²; þeira son A¹³; mgl. A². 14 [hann aptr þeira syni i minning harms eptir hans son dauðan B¹; hann aptr þeira syn i minning harms hans sonar dauða B². 15 [viliandi svellta þar B. 16 husfru B.

sinum lífs biörg. Hann tok nafna sinn or turninum nauðgan ok
 setti i Tiberiade gefandi honum hus¹ til forraða [ok² fe, sem hann
 þurfti³. Ok einn dag drukku þeir nafnar i þessum sama stað⁴
 Tiberiade, þa brigzlaði⁵ Herodes Antipas Herode Agrippa⁶ því, er
 5 hann leysti hann undan sulltinum. Agrippa reiddiz miok ok for
 i Romam [ok ætlaði þa hug Tiberii mundu skiptan við sik⁷. I
 þessi ferð⁸ hitti Petrus Agrippam, ok tok hann honum vel, ok foru
 þeir baðir saman⁹ i Romam. Agrippa feck því¹⁰ siðr ríki af
 Tiberio, at hann hellt hann lengi i myrkvastofu, sakir þess at
 10 kerrugiætir hans, sa er i brott hafði laupit með penningum herra
 sins, bar þau orð æ Agrippam, at hann hefði sagt: Makara
 væri, at ek sæa¹¹ leonem dauðan en Gaium herra allz heims.
 Þótti Tiberio Agrippa hafa æskt¹² ser dauða i þessum orðum.
 A nöckurum degi, þa er Agrippa var i myrkvastofu, sa hann einn
 15 uf¹³ i limum¹⁴ eins nalægs tres. Þa mællti við hann einn augur,
 þat er sa maðr, er [af fuglheillum kunni¹⁵ fyrir segia uvorðna luti:
 „Þu munt skíott leystur verða af myrkvastofunni¹⁶ ok sva miok
 tignaðr, at allir þínir vinir ok kunningiar munu þik ófunda. I
 þeiri farsælu muntu deyja ok leifa goða luti eptir þik þínum
 20 sonum. En þa er þu ser yfir þer þess kyns fugl, sem¹⁷ nu siam
 við¹⁸, muntu deyja æ .v.ta degi.“

Litlu eptir þetta andaðiz Tiberius, en Gaius tok ríki. Hann
 gaf Agrippa¹⁹ vin sinum fyrr nefnda .ii. ríkisfiorþunga ok með
 konungs koronu. For hann þa til Jorsalalandz. Ófunduðu þeir
 25 hann þa sælan, er fyrrum eymtu²⁰ hann vesalan²¹, einkannliga
 Herodias systir hans harmaði Agrippam bera koronu, þa sem
 hennar bondi feck alldri. Hun eggjaði nu bonda sinn at fara i
 Rómam ok fa ser konungsnafn. En hann villdi helldr vera [i
 naðum²², þvíat hann var miok penningaríkr. Hun varð reið miok
 30 ok mællti þa til hans: „Fariz penningar þínir, þeir er þu elskar
 meirr²³ en sæmd þína.“ Af þessarri æggian foru þau i Romam
 ok fundu Gaium i Baiss²⁴.

75. Agrippa þóttiz vita, at þau mundo eigi [fyrir goðu²⁵

1 tilf. B. 2 mgl. A². 3 [mgl. A³. 4 kastala eða borg B. 5 bra B.
 35 6 Agrippe B, Agrippu A³. 7 [ætlandi þa mundu skiptan til hans hug
 keisarans B. 8 for B. 9 samt B. 10 at B. 11 saal. A¹; sæi övr.
 12 æst A¹ B¹. 13 fugl A¹. 14 limi B¹. 15 [foglheillum kann B¹.
 16 carcere A¹. 17 er B¹. 18 baðir tilf. B². 19 Agrippe B, Agrippu
 A³. 20 saal. B¹; ermtu B²; æsktu A. 21 veslan B¹, veilan B². 22
 40 [kyrr A³. 23 framarr B. 24 Bariss B¹, Paris B². 25 [til goðs A¹.

gera þessa ferð. Þvi sendi hann mann með brefi¹ til Gaium iafnfram nafna sinum, ok var þetta æ ritat², at Herodes tetrarcha hafði at lifanda Tiberio fest samband við Tyrkiakonung til þess at [striða æ Romveria valld³, ok til sannanar um þenna lut sagði Herodes Agrippa, at Herodes nafni hans mundi eiga sva mikla 5 vápnagnott i borgum sinum, at vinnaz mundi .lxx. þusunda manna. Gaius las [þetta bref allt⁴. At [þvi lesnu⁵ spurði hann Herodem tetrarcham, hversu mikit traust Rómverium væri at honum, eða hversu hann hefði⁶ murat⁷ boigir sinar, eða hversu mikla vapnagnott hann ætti⁸, ok greindi hvat fra var sagt. Herodes kunni 10 þvi eigi moti at mæla, er hann hugði ser mundu til sæmþar snuaz. Gaius trúði fyrir þessa grein [satt vera bref⁹ Agrippe. Þvi rak hann Herodem i utlegð i Lugdunum Gallie, en gaf frelsi Herodiade sakir Agrippe broþur hennar ok allar eignir¹⁰ hennar¹¹. Hun letz eigi vilia¹² skilia við Herodem i gagnstaðligum lutum, 15 þar sem hun fylgði honum i farsælligum¹³ lutum. Af þvi voru¹⁴ þau bæði i utlegð, meðan þau lifðu, ok do þar vesalliga¹⁵.

76. Gaius gaf þat riki Agrippe, sem Herodes hafði halldit, ok hafði hann þa .iii. fiorðunga, en einn stoð undan. A þriðia áre ríkis Gaii sendi hann likneski sitt um allt Romveria valld¹⁶, 20 en lagði lif við þeim, sem eigi villdo blóta þat. Gyðingar¹⁷ villdo helldr deyia en samþyckia þessu uraði¹⁸, ok þeir sömu, sem fyrr sögðu „ðngvan höfum ver konung yfir oss nema cesarem¹⁹“ villdo nu helldr deyia en veita guðliga sæmd likneski²⁰ cesaris²¹. Herodes Agrippa for þa i Romam ok veitti Gaio veitzlu með [yfirvættligum 25 kosti²². Gaius bað hann þar fyrir²³ kiosa ser bæn ok letz mundo veita honum, þat²⁴ er hann villdi. Agrippa kaus at eigi væri [likneski Gaius dyrkat²⁵ i Hierusalem. Gaius varð reiðr i fyrstu, en þa er hann minntiz velgerninga Agrippe við sik ok [kvala þeirá²⁶, sem Agrippa þoldi af Tiberio fyrir hans sakir, 30 ok sva hugrecki hans, er hann bað þess, er lifit la við þeim er neitaði, ok at eigi beiddi hann ser meira ríkis, en aðr hafði hann,

1 sendipistil B. 2 ritið B¹. 3 [standa a moti Romverium B. 4 [þenna pistil allan B. 5 saal. A²; þeim (honum B) lesnum A¹³ B. 6 hafði B². 7 muraðar B². 8 hafði B². 9 [mundu sannan vera pistil B. 10 eigur 35 A² B. 11 sinar B. 12 villdu A²³ B². 13 þarfsælligum A². 14 saal. B; foru A. 15 vesælliga A² B². 16 velldi A² B¹. 17 Judar B. 18 raði A²³; ohæfu B. 19 keisara A². 20 likneskiu A³. 21 keisarans A² B¹. 22 [otðulugum kosti ok stimani B. 23 i moti B. 24 hvat B. 25 [likneskia Gaii göfguð B¹; likneskian dyrkuð B². 26 [kvalir þær B. 40

því mællti hann¹: „Ef aðr er eigi likneskian sett i musterit, er eigi nauðsyn, at hun se sett, en seg Petronio, þeim sem eigi gerði þenna minn boðskap, at hann kiosi² dauða, þvíat hann braut mitt boð.“ En sva bar til, at Gaius var drepinn af sinum monnum,
 5 er hann for heim fra leikum, þeim er Circenses heita, æ fiorða ære rikis sins, ok heyrði Petronius fyrri³ dauða Gaii en boðskap um dauða sinn.

77. Af þessum atburð horfði til orrostu i sialfri Róma, consules ok senatores vildu hafa óngvan einvalldzhóðingia ok setia
 10 allt i forna⁴ stett, en riddarar kiöru⁵ Claudium vitran manna ok hófsaman at vera cesar⁶. Agrippa let líkliga við hvarutveggia⁷, en fylgði undir niðri Claudio, sva at fyrir hans framkvæmð varð hann um siðir cesar⁶, en þeir allir drepnir, sem voru at vigi Gaii. Eptir þat beiddiz Agrippa, at Claudius kallaði aptr pistilinn Gaii
 15 um likneskisdyrkan hans um allt⁸ Judeam, en hann veitti þat, at [aptrkall pistilsins⁹ skyllði upp hengiaz i öllum borgum Juða, skiliandi at honum væri¹⁰ meiri vinnigr, at Juðar lifði ok gylldi honum skatta, helldr en þeir dæi af sullti, sem þeir hófðu¹¹ ser ætlat. Agrippa beiddiz þa heimleyfis¹², ok þat veitti Claudius
 20 honum ok þar með Judeam, þann fiorþung rikis sem Pilatus hafði [fyrir raðit¹³, þvíat hann var þa dauðr; segia sumir hann sakir margra uhæfuverka rekinn¹⁴ af Tiberio i Lugdunum Gallie, þar sem hann var ættaðr, til skemþar¹⁵ sinum kynsmonnum. En Eusebius¹⁶ cesariensis segir, at þessi Pilatus sem dauðadom
 25 diktaði um varn herra, var sva mörgum ok illum harmkvælum pindr af Gaio, at með sialfs sins hendi rænti hann sik sinu lastafullu¹⁷ lifi, þvíat þionn hinnar grimmuztu glæpzku mátti með [öngum kosti¹⁸ komaz undan striðri¹⁹ pinu. En sa hóðingi, sem var þeira i millum, setti Cayphan af byskupsdæmi²⁰ fyrir bæn
 30 Juða ok skipaði i stað hans son Anne, er þa var dauðr. Hann gaf ok aptr þat byskupsklæði, sem Pilatus hellt i sinu husi, utan með fe væri leyst sva miklu, sem hann kvað æ iafnan at hátíðum. Eptir tekit orlof af Claudio ok þegit af honum allt

1 Gaius B. 2 ser tilf. A² B. 3 fyrr A³ B². 4 eina B¹, einum B².

5 saal. A¹ B²; kusu A²³, keyru B¹. 6 keisari B¹ A². 7 hvaratveggio B. 8 alla B. 9 [saal. A²; aptr skyllði kallaz (kallaðiz B²) pistillinn ok A¹ B; mgl. A³. 10 var B. 11 hefði A³. 12 heimferþar leyfis A¹.

13 [raðit B; haft A². 14 tekinn B. 15 sæmdar B. 16 byskup tilf. B². 17 lastafulla A²³; hneisiligu B¹, hneisuliga B². 18 [öngu moti

B². 19 stirðri B². 20 byskupsdomi A³ B¹.

riki¹ gamla Herodis með konungsnafni, for hann heim i Jorsala-land ok bar fram pistil Claudii, þann sem² aptr tok pistil Gaii, ok let upp hengia i þollum borgum³ sins ríkis. Tok folkit honum með oætlanligum⁴ fagnaði, þa er hann kom til sinna eigna ok vina, þviat hann hafði i mörgum⁵ sinnat þeim. Ok sem⁶ nær dro⁵ dögum Azimorum, þeir ero næstir paskadegi ok hafa þetta nafn⁷ þvi, at þa skal eta osurt⁸ brauð, er azima þyðiz án sur, ok er hvartveggia nafn azima ok paska sett fyrir auðru, þa villdi Herodes til þess fyrr⁹ koma i Hierusalem, at hann mætti þar hreinsan fa eptir lögum ok biða hreinn hatiðarinnar. 10

78. Fyrir aðr nefnda daga Azimorum let hann halshöggva Jacobum postola broður Johannis¹⁰ ewangeliste¹¹, fyrir þær sakir sem hans pislarsaga vattar. Ok er hann sa, at Gyðingum¹² líkaði vel hans tiltekia¹³, let hann gripa sælan Petrum, þviat hann var þenna tima i Hierusalem. En þviat eigi var lofat at drepa menn¹⁵ at hatiðum, var postolinn [leiddr i myrkvastofu ok¹⁴ læstr, fyrir þa sök at hann villdi eptir paskana leiða hann af varðhalldinu ok fa i hendr [folkinu, at þat¹⁵ veitti honum bana, en eigi konungsins þionostumenn sem Jacobo, at þat¹⁶ hefði metnat af þvi at taka af lifi hófþingia postolanna. Herodes setti umfram þa²⁰ varðmenn, sem hversdagliga geymdu¹⁷ myrkvastofunnar¹⁸, flora quaterniones, þat ero .xvi. riddarar, at varðveita postolann; þviat sva sem centurio hefir .c. riddara undir ser, hefir quaternio flora undir sir eða með ser. A þeiri nott sem¹⁹ konungrinn ætlaði um morgininn eptir at leiða Petrum fram ok fá i valld²⁰ folksins, ²⁵svaf hann i milli tveggia riddara bundinn með tveim fiðtrum²¹, er sagt er, at Eudoxia drottning þægi²² at Jorsolum af einum Gyþingi²³ framarr en gull eða²⁴ topazion, ok flutti i Romam. En þo vóktu²⁵ sialfir myrkvastofu²⁶ verðir²⁷ yfir hennar durum²⁸ vandliga læstum. Þa stoð engill guðs yfir Petro, sa er með liosi³⁰ kom i myrkvastofuna, þvi er cinn Petrus sa, þa er hann vaknaði, en eigi varðmenninir²⁹. Þessi engill laust³⁰ æ síðu Petri ok

1 hins tilf. B. 2 er B. 3 [hverri borg B². 4 agætligum B. 5 miðg tilf. A² B¹. 6 er B. 7 af tilf. A². 8 saal. B; einmællt A¹; usneitt A²³. 9 fyrrum A¹ B¹. 10 Jons B¹. 11 guðspiallamannz ovr. 12 35 Judum B. 13 tiltæki B. 14 [saal. A²; i myrkvastofu settr ok A³; in carcerem ductus ok A¹; i myrkvastofu B. 15 [hofðingium folksins, at þeir B¹. 16 þeir B. 17 gættu A². 18 carcerem A¹. 19 er B. 20 hendr B². 21 þeim tilf. B. 22 þa B¹. 23 Juda B. 24 ok B. 25 vaukðu A¹. 26 carceris A¹. 27 verðirnir B. 28 dyrum ovr. 29 custodes A¹. 30 hogg tilf. B². 40

vakti hann sva mælandi: „Ris upp skiott!“ Við þessi [orð engils-
 ins¹ fellu fiótrarnir af honum. Þa mællti engillinn: „Lat um þik
 gyrðil þinn ok bitt² æ þik skua þina.“ Hann gerði sva. Þat er
 alkunnigt, at spamenn ok postolar hafa [lagðan³ at ser harðan⁴
 5 linda til pinu⁵ við [likama sinn⁵. Ma æ⁶ sliku sia, at Petrus
 hefir til þess af ser leyst [þesskyns gyrðil⁷ at lina striðu⁸ myrkva-
 stofunnar. Slikt sama dæmi syniz ok i því, at⁹ hann hefir
 kyrtilinn siga latit um fætr ser at¹⁰ tempru frost nætrinnar.
 Megu af sliku saukum¹¹ helgir menn upp gefa i nauðum nòckura
 10 luti eptir atvikum ok nauðsynium, þa sem regla þeira byðr, utan
 ast ok goðvili er iafnan halldandi, en predikan ok bænahalld, sva
 ok faustur sem handaverk, ero eptir tima skipan ok staða ok
 tilfella fram¹² hafandi eptir [hinna beztu¹³ manna dæmum.
 Engillinn mællti enn við Petrum: „Far i klæði þitt¹⁴ ok fylg
 15 mer.“ Hann giorði, sem honum var boðit, en vissi eigi til fullz,
 hvart þat var syn eða sannleikr, sem¹⁵ fyrir hann bar. Eptir þat
 foro þeir¹⁶ um hit fyrsta ok annat varðhalld, þat er hia myrk-
 vastofuvörðunum ok riddaronum¹⁷; komu þeir til iarnhliðs; þat
 hlið leiðir til borgarinnar ok truiz hafa verit æ þeim garði, sem
 20 var umhverfis¹⁸ myrkvastofuna¹⁹, en hun var annathvart²⁰ utan
 borgar eða i utanverðri borginni. Þat port laukz²¹ upp sialft
 fyrir þeim. Ok er þeir höfðu farit um einn bæ²², hvarf engillinn
 fra Petro, til þess at hann vissi sik með sannleik or myrkvastofu
 leiddan en eigi i draumi eða annarri syn. Þa hvarf hann aptr
 25 til eiginligs²³ skilnings, þvíat aðr hafði hann verit með²⁴ hinum
 mesta ótta ok [eigi með sialfum ser. Hann mællti²⁵ þæ: „Nu
 veit ek með²⁶ sonnu, at guð sendi engil sinn²⁷, þann sem²⁸ mik
 greip or valldi Herodis ok undan kallzi²⁹ Gyðinga.“ Þa hit
 fyrsta kendi hann, hvar hann var kominn.

30 Eptir þat kom hann at husi³⁰ Marie moður³¹ Johannis Marci,
 sa var einn lærisveinn³² en eigi guþspiallamaðr. I þessum husum

1 [engillig orð *A*²³ *B* 2 bind *A*¹. 3 lagt *A*³. 4 [lagða at ser harða *B*.
 5 [likami sina *B*². 6 af *B*². 7 [gyrðilinn *A*¹. 8 striðleika *B*². 9 er *B*.
 10 hann mætti tilf. *A*¹. 11 saal. *B*; lutum *A*. 12 frammi *B*. 13
 35 [beztra *A*¹. 14 þin *B*. 15 er *B*. 16 *Her beg. atter B*³. 17 riddara-
 vörðunum *A*¹. 18 um *A*³. 19 carcerem *A*¹. 20 annattueggia *B*. 21
 þegar tilf. *B*. 22 by *B*. 23 sannligs (sameiginligs *B*², sannleigs *B*³)
 vitz ok *B*. 24 i *B*²³. 25 [er hann vissi með sialfum ser, mællti hann
*B*¹. 26 at *A*²³. 27 til min tilf. *A*². 28 er *B*. 29 klandi *B*; valldi
 40 *A*². 30 husum *B*. 31 su var moðir *B*²³. 32 af lærisveinum *B*²³.

höfðu saman komit margir lærisveinar at biðia fyrir l'etro. En er hann knuði dyrr, geck til hurðar mér ein Rode at nafni, hun kendi mal Petri ok varð sva fegin, at hun gáði eigi hurðina upp at láta¹, helldr hliop hun inn kallandi, at Petrus var² fyrir durum³. En þeir, sem inni voru, svöruðu henni: „Villiz þu,“⁵ þviat þeir vissu Petrum i myrkvastofu byrgðan. Mærin sannaði⁴ hit sama⁵. Þeir er inni voru svöruðu⁶: „Eigi er þat Petrus, helldr geymsluengill⁷ hans.“ Yfir þenna stað segir Jeronimus, at sva mikil er tign andanna, at fra [þvi er maðrinn er fæddr⁸, hefir hvers mannz sala ser skipaðan giætzluengil⁹. Petrus let þa¹⁰ eigi af at knyia dyrrnar¹⁰. Um siðir luku þeir upp. Ok er menn sa Petrum, urðu þeir óttafullir. En hann bað þa eigi hátt tala ok heyra með hliðsemd¹¹ iartegnina, [ella villdi hann, at þeir kallaði eigi fyrir þvi ok¹² gerði hareysti, at [þess¹³ yrði vist¹⁴, at hann var¹⁵ lauss vorðinn. Þar næst sagði Petrus, hversu eng-¹⁵ illinn hafði leystan hann. or myrkvastofunni, ok bað þa segia Jacobo Alpei Jorsala byskupi, hvat um hann leið, til þess at hann segði þeim rettruadum¹⁶ monnum, sem voru i Hierusalem. Þa nott for Petrus¹⁷ i annan stað sakir ótta Herodis ok Gyþinga¹⁸.

79. Um morgininn eptir varð eigi litit rugl milli riddara ok²⁰ myrkvastofuvarðmanna¹⁹ ok²⁰ eptirleitan, hvat af Petro væri vorþit. Fyrir þvi er eigi efanligt, at hann hefir af luktri myrkvastofunni ut farit. En ef hun hefði opin verit, þa mætti þeim auðsynt vera, at hann mundi i brottu vera²¹. Ok²² Herodes fretti þa eptir ok varð eigi viss af riddarum. Leitaði hann þa²⁵ frekliga eptir við myrkvastofuvörðuna²³, hversu við vissi. En er hann feck ecki af þeim, let hann leiða þa fyrir sik til refsingar. En með guðs²⁴ tilskipan let hann hefndina eigi fram koma, til þess at lausn Petri yrði öngum til meins.

80. Litlu siðarr for Herodes fyrir nauðsyn rikissins²⁵ af³⁰ Judea i Cesaream Palestine, ok kom skamt fra Tyro ok Sidone at striða við þa menn, sem²⁶ i þeim bygðu, þviat hann var þeim reiðr. Þeir sottu at malum Blastum höfutvörð hans²⁷ ok fehirði,

1 luka A²³. 2 væri B. 3 dyrum øvr. 4 sagði A¹. 5 at hvaru tilf. B²³. 6 sögðu B²³. 7 gæzluengill B. 8 [burðartíð mannzins B. 35
9 varðhalldzengil A³ B²³. 10 hurðirnar A³. 11 hliðsemi A¹. 12 [ok eigi villdi hann, at þeir B¹. 13 þat A¹. 14 [þeir yrði visir B³.
15 væri B¹. 16 retttuandum A¹. 17 i (or A²) Hierusalem tilf. A.
18 Juda B. 19 myrkvastofuvarðanna B¹. 20 höfðu i tilf. A³. 21 mgl. B¹³. 22 En A³. 23 myrkvastofumennina B². 24 miskunn ok tilf. B. 40
25 rikis B. 26 er A². 27 Herodis B.

þviat hann var vin þeira ok formælandi, ok fyrir hans bænir
 settuz þeir við konung, þviat þeir mattu eigi þola reiði sva
 nalægs höfðingia sem Herodes var. Annán dag eptir sat Herodes
 a domstoli i konungligu skruði¹ ok talaði til þeira bliðliga. Lyðrinn
 5 kallaði, at þetta væri guðs raudd en eigi mannz, er talaði. Þat
 skal sva skilia, at þeir veittu guði lof, en eigi manni. Sem² Her-
 odes heyrði þessi orð, þa lastaði hann eigi³, er honum voru
 guðligar sæmpir veittar. Þa segir Lucas, at hann sa guðs engil
 gnæfanda⁴ yfir ser með reiði. En Josephus segir, at hann sa
 10 yfir ser uf þann, er fuglheillamaðr sagði⁵ honum [vera mundu
 fyrirsegjara⁶ dauða sins⁷ innan .v. daga. Herodes sneriz þa til
 þeira, sem hann lofuðu, ok mællti: „Nu dey ek guð yðvarr.“
 Þvi mællti hann sva, at hann vissi sögu fuglheillamannzins mundo
 eptir hans atkvæði fram koma. En Actus Apostolorum segir, at
 15 engillinn laust hann með⁸ reiði i hefnd postolanna. Þat er sva at
 skilia, at guðlig⁹ hefnd kom yfir hann, sva at um .v. daga virkti¹⁰
 hann sva snarpliga i¹¹ innri luti likamans, at maðkar átu hann
 innan, ok litlu síðarr do hann af þeim uppneyttr með hinni mestu
 sut¹².

20 81. Herodes Agrippa hafði átt .ii. börn við sinni eiginkonu,
 son, þann er Agrippa het at eins, ok dottur, þa er Sabina het ok
 gipt var hinum ágiætazta manni, þeim sem Valentinus het, ok
 voru þau bæði i Roma. Ok er Claudius spurði dauða Herodis
 vinar sins, ætlaði hann Agrippe syni hans sva mikinn lut af ríki
 25 fauður sins fyrir handan Jordan, sem áttu [ættir tveggja¹³ Jacobs
 sona, ok halfan lut hinnar þriðiu. Þo¹⁴ for hann nockuru¹⁵
 eptir dauða fauður sins at hallda sialfr ríkinu, þviat Claudius
 truði illa Gyðingum¹⁶. I ríki þessa Agrippe foru rettruaðir menn
 fyrir engiliga vitran¹⁷, þa er [niðrbrot Jorsalaborgar¹⁸ [gnæfaði
 30 yfir¹⁹. Sabina varð síþan kristin fyrir predikan ok var pind
 undir Adriano fyrir Kristz nafni²⁰.

82. At liðnum þeim .vii. ærum, sem hinn virðuligi Petrus
 hellt sinn byskupsdom i Antiochia, segia heilagar bækr, at hann

1 klæði B. 2 Ok er B. 3 þat tilf. B. 4 gnæfa B. 5 hafði sagt B.
 6 fyrirsegjanda B². 7 [fra, at vera mundi fyrirsegjari dauða hans A¹.
 8 i B. 9 guðs B. 10 urækti A¹. 11 tilf. B¹; um tilf. A²; mgl. övr.
 12 ok margskyns aumum sarleik tilf. B¹. 13 [tvennar ættir B¹. 14 saal.
 B; þa A. 15 síðarr tilf. B. 16 Judum B. 17 aminning B. 18 [saal.
 B; niðrbraut Hierusalem A. 19 [saal. B¹; gnæfði yfir B²; gnæfanda
 40 yfir A¹; gnæfandi yfir A³; mgl. A². 20 Cap. 80 og 81 ere udeladte i B³

hafi .ii. ár predikat um Asiam ok aunnur austríki, en vítiat þó Judeam ok Hierusalem, sem Scolastica Historia greinir. Ok æ enu .xiii. da áre eptir písl Kristz voru þeir Petrus ok Johannes í Hierusalem, ok þá komu þeir Saulus¹ ok Barnabas þangat til þeira, sva at heilagr andi hafði þá kosit² til predikanar ok postoligrar³ tignar⁵ með [fullkominni frægð⁴. En þeir Petrus ok Johannes lögðu fastandi hendr yfir höfuð Saulo⁵, er nafn Paulo⁶ tok með postola tigu, ok Barnabe⁷, er aðr er nefndr, ok með þeim Jacobus Alpheí með helgum bænum. Ok af þessu dæmi ero settar bænir til hverrar vigslu, [ok sva⁸ at erchibyskup skal hinn þriði vera at¹⁰ byskupsvigslu. Sva er ok í þeiri bok greint, en eigi árit ækvepit, at þessir sömu postolar Paulus ok Barnabas deilldo við Gyðinga⁹, er þeim veittu lastmæli fyrir þat, er þeir skyllduðu eigi þá menn, sem fra heiðnum domi sneruz¹⁰ til guðs, at hallda meira af lögmali Moysi en þau .x. laga boðorð, er guð gaf þeim [æ tveim¹⁵ steinspiöldum¹¹, en þeir lögðu orskurðinn undir Petrum ok sottu hann heim í Hierusalem. Var þá þing sett til umtals. Ok eptir mörg motkaust hvarratveggju reis Petrus upp ok syndi með fullri skynsemi, at lögmál Moysi atti eigi at leggiaz æ þá menn, sem fra heiðnum domi sneruz¹² til guðs af dæmi Cornelii ok hans²⁰ felaga ok [at dæmum¹³ þeira manna, sem Philippus diakn veitti skirn, þar sem heilagr andi kom yfir þá Cornelium, aðr en þeir væri skirþir með syniligum hætti, ok¹⁴ lagði eigi lögmals ok¹⁵ æ þá. At lyktum lagði Jacobus domsorð æ malit fylgiande tillögu Petri eptir innleidd¹⁶ vitni af lögum ok spamanna bokum. Eptir²⁵ þessum orskurð¹⁷ gerþo þeir pistil til heiðinna manna sva mælanda¹⁸ [eptir önnur orð¹⁹: Hinum helga anda ok oss syniz eigi at leggja þunga²⁰ lögmals Moysi æ yðr, helldr at þer varnit²¹ við skurðgoða fornan ok fornaðum lutum, við bloði, við því sem²² kafnar, við saurlífi, ok ef þer varnit við þessum lutum, gerit þer³⁰ vel. En su er skynsemi til, hvi postolarnir fyrirbuðu²³ skurðgoða dyrkan, at sa lutr hafði mest afskeiðis gengit með heiðnum monnum. En þvíat þeir voru vanir at drecka bloð, þá²⁴ er þeir fornuðu

1 Paulus B. 2 kiðrit (kieyrið B¹) B. 3 postola B. 4 [fagætum forpris B. 5 Sauli B²³. 6 saal. A²³ B¹; Pauli B²³; Paulus A¹. 7 35 Barnabas A¹. 8 [sva ok B. 9 Juda B. 10 sneriz B¹. 11 steintabulum A²; [rituð a steinblöðum tveimr B. 12 sneriz B¹. 13 [af dæmi B. 14 en B. 15 sök B. 16 innleiddu B. 17 Her indfalder en Lacune i B³. 18 mælandi B. 19 [milli annarra hluta B². 20 saal. 2 Fragn.; þungan A¹²; þyngan A³ B²; þvingan B¹. 21 variz B. 22 er 40 B. 23 baunnudu B. 24 þat B.

[skurðgoðum sinum¹, ok slikt hit sama voru þeir framlutir til bloðsuthellingar, bönnuðu þeir þeim bloð ok bloðsuthelling. En um þat sem kafnar eða svidda verðr, vitum ver eigi rauksemd þeira, utan þat var bannat² i lögmalí Moysi. Saurlifi syndiz með heiðnum
 5 monnum sem nátturligr³ lutr ok óngrar pinu verðr, því var þeim þat bannat. At lögteknum pistlinum foru þeir Paulus ok Barnabas apr i Antiochiam Ysidie, ok urðu heiðnar þíofir fegnar þessum orskurð. En Antiochia Syrie er ónnur en þessi⁴, er Petrus hafði með predikan sinni til Kristz snuna, hun het forðum Rebiata⁵.
 10 Þat vátta helgar bækr, at æ .xiii.^{da} áre eptir pisl Jesu Kristz toku postularnir at firraz Judeam, en æ hinu .xiii.^{da} skiptuz þeir til landa. Þa for Petrus af Hierusalem til Antiochiam ok setti Evodium i sinn stað.

83. Egisippus hygginn maðr ok heilagr samtiða postolonum
 15 hefr⁶ æ þessa lund at segia þa luti, sem⁷ giorðuz um sælan Petrum i Rómaborg. Þa er trua vars drottins Jesu Kristz hialpara heimsins tok at vaxa i hiørtum kristinna manna ok at dreifaz víða um verolldina með margfólldu siðlæti, eigi at eins i Judea helldr ok fyrir norðan haf ok i sialfri Roma, er hófuðborg er
 20 heimsins, ófundaði hinn forni fiandi uvin allz mannkyns þat, er hann sa utalligar salur⁸ dragaz undan sinu svivirðiliga⁹ valldi, þær sem endrgetnar voru¹⁰ fyrir vatn ok helgan anda, ok hann sa sitt hit niðingliga ríki verða fyrir mörgum skóðum¹¹, þa er postolar drottins aukuðu¹² hans¹³ ríki fyrir helga predikan með
 25 mörgum ok miklum iartegnum. Hann kallaði þa til sin einn af sinum órendrekum Simonem magum ok sendi i þessa hófutborg at [striða þar við¹⁴ guðs kapp, þa sem helgir postolar hófðu þangat senda at reka þar guðs órendi með góflugligum kenningum. Þessi Simon var ættaðr af þeim bæ¹⁵ Samarie, sem¹⁶ Githo heitir,
 30 ok hafði þaðan flyit fyrir Petro postola bannsettr fyrir bólvaða¹⁷ glæpi fyrst [i Antiochia¹⁸, en síþan um hafit naliga af austri til vestrs, ætlandi¹⁹ ser i óngum lutum feng²⁰ utan flotta. Hann kom i Romam at ríkianda Claudio cesare²¹ neytandi fiandans forstauðu ok²² falsligum íþrottum, takandi þar sva mikinn fram-

35 1 [goðunum B. 2 tilf. B. 3 natturuligr B¹. 4 su tilf. A³ B 5 Reblata A²³ B²; Teblata B¹. 6 saal. B; hefir A. 7 er B². 8 andir B. 9 svivirðuliga A² B¹; svivirðliga A³ B². 10 urðu B. 11 saal. A² B; slæðum A¹³. 12 iuku B. 13 guðs B². 14 [talma þar B. 15 by B¹. 16 er B². 17 gerva A¹. 18 [um Antiochiam B¹. 19 saal. B; ætlaði
 40 A. 20 fang B. 21 keisara A². 22 með A².

gang af¹ aukning illra verka, at i millum tveggja Tifrar² brua, þeirar mikillar ár sem um borgina rennr³, settu sialfr Romveriar þat skurðgoð, er þeir smiðaðu þeim⁴ svikara til sæmþar ok yfir var ritat æ latinu Simone heilugum guði, veitande honum guðliga sæmð. Honum fylgdi Silene⁵ ein uraðakona, er puta hafði verit i in Tyro⁶. Hana tignuðu þeir sem hit hæsta hugvit. Hana kallaði Simon Luna⁷, en ambattir hennar .v. villistiornur⁸, sik⁹ kallaði hann sialfa¹⁰ solina. En eigi varð sa guðdomr eilifr, er með falsi var fenginn.

84. Þegar stund¹¹ leið, sendi sialfr guð með sinni fagrligri¹⁰ forsia¹² æ fiorða ári rikis Claudii cesaris¹³ i þessa borg¹⁴ Romam hinn hæsta eyrindreka af mikilleik¹⁵ heilagrar truar ok af haleitri iartegnagerð, hinn [sæla Petrum postola¹⁶, þann er hann skipaði forðum mannligan¹⁷ meistara himneskrar herferðar ok vitran¹⁸ at heyia sannar orrostur ok at reisa herbuðir heilagra mannkosta¹⁵ sva sem buinn at striða i moti einkannligum alldrtila allz mannkyns. Þessi kom þangat af austrriki með sælligum¹⁹ kaupskap²⁰ hins sanna lioss, sva sem himneskr kaupmaðr buinn at selia felaust endalaust lif við andvirði almenniligrar²¹ truar, ok lauk fyrstr upp i Roma himinrikis durum²² með lukli²³ guðspialligrar²⁰ predikanar. Ok at upprunnu þessu biarta liosi i fyrr nefndri borg tok at firraz villumyrkr Simonis með sinum upphefiara, þviat sannleiks gata, su er Petrus [syndi, birti²⁴ hverium manni, er heyra villdi, hversu hann skyllði koma til sannrar truar fyrir helga skirn. 25

85. En til þess at geislar guðligs lioma lysti eigi [i einni²⁵ Roma helldr um alla norðrhalfu heimsins, fylgðu fyrr nefndum Petro gaufgir vinnumenn²⁶ guðligrar sæðgiorþar, kiænir at kasta korni Kristz i ekru²⁷ andanna, margrar²⁸ ok mikillar²⁹ virðingar Clemens fyrr nefndr, Marcus ægiætr lærisveinn Petri ok margir³⁰ 30 af ebreskum monnum. Voru þeir sumir af .lxx. ok tveim læri-

1 ok B. 2 Tibar A¹. 3 renn A¹. 4 þessum B. 5 saal. B¹; Silea B²; Silent A¹³; sífleytt A². 6 [i Tyroborg B. 7 Lunam B. 8 villustiornur B². 9 sialfan sik B. 10 mgl. B². 11 skamt B. 12 forsio B. 13 keisara A² B¹. 14 hofuðborg B. 15 mikilmenzku B. 16 35 [helgazta postola Petrum B. 17 makligan B. 18 kænan B. 19 saal. B²; sælligan B¹; sæmiligum A², sækiligum A³; sannligum A¹. 20 kaupskatt A²³. 21 heilagrar B¹. 22 dyrum øvr. 23 saal. A¹ B¹; lykli øvr. 24 [birti, syndi B. 25 [at eins i B. 26 saal. B; vinviðir A. 27 ekrur B². 28 saal. A¹; margir B; margar A²³. 29 miklar A²³. 30 Her beg. atter B³. 40

sveinum Kristz¹, sumir voru lærisveinar² Petri ok annarra postola. Ero þessir fair nefndir af morgum: Marcialis, Savinianus, Potencianus, Altinus³, Fronto; þessir voru af Kristz lærisveinum. Þa voru enn aðrir ægiætir menn, sem fyrr nefndr Marcellus, er
5 verit hafði lærisveinn hins sviksama Simonis, ok margir þeir, sem eigi greina bækr, nær⁴ komu til rettrar truar. Þat finnz ok i helgum bokum, at Perpetua, er Eusebius segir verit hafa eiginkonu Petri, hafi með honum komit i Romam. Pistill Marcelli segir ok Petronillam hans dottur þangat komit hafa, sem siðarr mun getits
10 verða.

86. At eigi syndiz hinn sæli Petrus til litillar nytsempar fram bera Kristz predikan eða i vind sæ sinum orðum, tendraði hinn helgi andi sva mikinn elld guðligrar astar i hiörtum þeira manna, sem hunangsæta kenning kristiligrar truar heyrðu af hans
15 munni, at þeir urðu með öllu eigi saddir, þo at þeir heyrði hann⁶ hversdagliga, helldr lögðu þeir bæn at Marco hans lærisveini, er aðr var nefndr, at þa luti, sem hans meistari Petrus predikaði með orði, styrkti hann til [eilifrar minningar⁷ fyrir þeira beiðzlur með stauðugligu letri, at hverr sæ, sem⁸ þat fengi, mætti bæði
20 uti ok inni staðfestaz i þess hattar hugsunum, ok eigi letu þeir fyrri⁹ af, en þeir fengu sina fysi. Bar hann sina bok¹⁰ æ dögum Claudii cesaris¹¹ i þeim¹² luta rikis, er Aquilegia heitir, þar sem hann predikaði at bœði sins meistara, ok af þessum saukum sem nu voru¹³ birtar. Sem¹⁴ hinn helgi Petrus vissi sik flettan þessu
25 starfi fyrir hinn helga anda með [sönnum siðlætisstuld¹⁵, varð hann geysi glaðr kennandi þeira goðfysi ok sanna tru. Eptir þat leit hann æ ok skoðaði verkit, staðfesti ok lögleiddi, bioðandi at lesa ok eptir at rita sva viðá, sem guðs nafn gófgaz æ iarðriki i heilagri kristni. Ok þo at Marcus hefði eigi varn herra seð¹⁶,
30 bar hann fram þessa haleitu kenning af munni sins meistara Petri. Nöckuru siðarr sendi [hinn sami¹⁷ Petrus þenna Marcum guðspiall- amann til Egiptalandz, kendi hann kenningar i Alexandria höfuðborg þessa sama landz, ok hellt þar sinn stol snuandi utalligum¹⁸ lyð til guðs með predikan ok postoligum taknum, at
35 fulltingianda hinum helga anda. En i enda sins lofliga lifnaþar

1 *mgl. B.* 2 *discipuli A¹.* 3 *ok tilf. A²* 4 *þeir tilf. B².* 5 *sagt B.*
6 *þat B.* 7 *[eilifra fagnaða A³.* 8 *er B.* 9 *fyrir A²³, fyrrum B.*
10 *fram tilf. A².* 11 *keisara A² B¹.* 12 *þann A¹.* 13 *ero B.* 14 *En þa er B.*
15 *[saunnu litillæti B¹, saunnum litillætis stríðum B²³.*
40 16 *senan B.* 17 *[mgl. B.* 18 *mörgum B²³.*

for hann til guðs sannr pislarváttr ok dictator¹ heilags guðspiallz i sinu postolasæti Alexandria æ² atta áre rikis³ hins niðingliga Neronis. Var þar síðan settr patriarchastoll |eptir forsia⁴ heilagra byskupa⁵, ok er sigrfarardagr hans siaunda⁶ kalendas Maii.

87. Heilagr Marcialis frændi hins sæla Stephani kom með⁵ frændum⁷ sinum til Jesum .xv. vetra gamall, þa er hann predikaði ættmonnum Beniamin Jacobs sonar, ok var skirðr af sælum Petro at guðs domis. En þa er frændr hans foru heimleiðis, var þessi Marcialis með drottni fylgiandi honum iafnan ok skipaðr i hina lægri lærisveina tolu Kristz. Hyggia menn þenna Marcialem hafa¹⁰ verit settan i millum postolanna, þa er þeir foru i iafnat sin [i millum⁹. En eptir uppstigning Kristz¹⁰ fylgði hann Petro, þviat hann var honum skylldr¹¹ at frændsemi. En þa er Petrus hafði lengi predikat i Roma, vitraðiz honum drottinn Jesus Kristr bioðandi honum at senda Marcialem til Galliam, þat heitir nu Francia.¹⁵ Hann kallaði þa Marcialem til sin ok sagði honum synina. Eptir þat sendi hann Marcialem [hinn sama¹² vel lærðan með .ii. prestum [æ sinn veg¹³. Ok er þeir komu langt æleiðis¹⁴ fra borginni, andaðiz annarr [hans förunautr¹⁵ ok var i iorð laginn¹⁶. En Marcialis varð hryggr við þetta ok hvarf aptr i borgina Romam²⁰ ok sagði sælum Petro postola þenna atburð. Hann svaraði honum æ þa¹⁷ leið: „Hverf aptr skiotliga ok ber¹⁸ með þer staf minn [i þinni hendi¹⁹ ok legg æ likit, ok mun hann²⁰ lifna.“ Hann for [ok gerði²¹, sem honum var boðit, ok reis upp þegar sa, er aðr var grafinn. Marcialis bar þenna staf með ser ok sneri i annat²⁵ sinn til guðs .xii. þushundruðum²² manna, en i annat sinn .xv. þushundraðum, sva at þeir toku fulla skirn, fyrir þat er þeir sa hann reisa upp dauða menn með þessum staf. Nöckurn diöfuloðan²³ mann, þann sem Hildibertus het, leysti hann af helviti ok vigði til munks. Ein fru lagði ok staf Petri yfir bonda sinn kórlægan²⁴,³⁰ ok varð hann þegar heill. Meðr þeim sama staf slóckti hann elldzbruna Byrdigalisborgar. Riddara nöckurn ok husfru hans diöfuloð leysti hann ok. En at liðnum .xl. vetra fra pisl Jesu

1 doctor B. 2 hinu tilf. B. 3 mgl. B. 4 [ok at forraði B. 5 postola B¹. 6 saal. A¹; .vii. A³ B; septima A². 7 saal. B; frænda A. 8 boði B. 35
9 [a miðil B¹. 10 vars herra A¹. 11 tengdr B. 12 [i Galliam B.
13 [mgl. B. 14 a leið B. 15 [af hans förunautum B. 16 lagdr A²; grafinn B. 17 þessa B. 18 haf B¹. 19 [mgl. B. 20 þat A³. 21 [saal. B; þegar A. 22 þusundum B². 23 af diofli kyrktan B. 24 kaurleginn A¹; mgl. B.

Kristz vitraðiz hann honum sialfr ok sagði honum fyrir enda lifs sins ok inngöngu hins eilífa lifs. Ok at samansömnunum kristnum monnum, þeim sem hann hafði guði aflat, predikaði hann lengi fyrir þeim, ok [eptir þat¹ tok hann harða riðusótt. Ok at sialfum drottni
5 honum moti komanda leið [hann or likama til himins fluttr af hans englum samtengiandi hans háleitum helgum monnum² at eilífu.

88. Helgir menn guðs Savinianus, Potencianus ok Altinus foru i Romam með Petro postola; fyrir þeira bænir veittuz³ monnum heilsugiafir. Þessa alla sendi Petrus postoli norðr um fíall til
10 þess at afla guði Galliam, er aðr var miok gefin fyrir skurðgoða [villu ok⁴ dyrkan bæði með orðum ok eptirdæmum⁵ virðuligra verka ok ágíætra⁶ iartegna. Hann skipaði Savinianum primatem yfir alla Galliam ok sendi hann i Sennonisborg, er þa var hin frægazta, hun er nu kollut Sainz. Ok er hann kom þar, predikaði hann
15 guðs orð alla tíma án afláti ok sneri mörgu folki [fra blotum⁷. En illr diófull ok ófundsamr um alla goða luti harmaði sinn skaða ok eggjaði sina einkannliga⁸ vini æa hendr byskupi. Þeir fullgerðu skiott vilia vandz⁹ meistara¹⁰ slöckvandi Savinianum byskup með ollum skunda [pridie kalendas Januarii¹¹. Honum fylgði skiott
20 vel vingaðr frændabalkr, heilagr Potencianus, ok Eodardus¹², Altinus ok Serotinus, ok voru allir grafnir undir borginni Sennonis.

89. Claudius cesar¹³ hafðiz við i hernaði þann tíma, er Petrus postoli kom i Romaborg, ok æa því æari lagði hann undir sik Bretland ok Orkneyiar. Hann sendi Agrippam son Herodis
25 Agrippe til Jorsalalandz með konungstign, reð hann ríki þar sem¹⁴ landit var heriat. Claudius feck ok þann domanda eða rettara¹⁵ yfir allt ríkit, er Felix het.

90. Flavius Clemens consul Romveria ok foðurbroðir¹⁶ Clementis¹⁷ pafa var ok lærisveinn Petri postola ok af honum
30 sendr i Galliam Belgicam með byskupstign til þeirar borgar, er Mectis¹⁸ heitir, með oðrum¹⁹ guðs vinum, at kenna þar kenningar. Hann steig²⁰ yfir marga dreka, ok hinn²¹ mesta af þeim steypiti hann með sinum hondum stolu bundinn, þeiri sem hann var vanr

1 [þar eptir övr. 2 [hans ond or likam til himinríkis flutt af guðs englum samtengdr (samtengiandi B²³) hans vinum B. 3 mörgum siukum tilf. B.
4 [mgl. B. 5 dæmum A¹ B². 6 dasamligra B. 7 [til guðs A³. 8 einhugaðliga B¹; einhvatliga B². 9 saal. B; vöndzligs A², sins A³, valiðs A¹.
10 magistri A¹. 11 [predikanda iatnan B. 12 Edvardus B. 13 keisari A² B¹. 14 til er (a tilf. B¹) B. 15 soknarmann B. 16 fostbroðir A¹³.
40 17 saal. B; Clemens A. 18 Mettis B. 19 saal. B; ollum A. 20 ste A³ B². 21 hinum A².

æ halsi at hafa, i æ þæ er Falia¹ heitir, sva at hann sæz alldregi síðan.

91. Hinn heilagi Fronto var ættaðr fyrir norþan fiall ok fra unga alldri guði kiærr. Hann var af Petro postola til byskups vigðr ok sendr i Petragoricas, þangat sem hann var fæddr. Hann reisti upp Gregorium prest, þann sem andaðiz i hans ferð, at æ hann² lögðum staf Petri postola, eptir³ því sem Speculum Ecclesie⁴ segir. Hann aflaði guði .lxx. munka i sinum stað honum til þionostu. Fyrir hann gerði varr herra þat takn, at camelar baru [utan mannliga leiðzlu at munkum möglandum fyrir matleysi þær⁵ 10 vistir⁵, sem iarl sa sendi þeim, er Spirius het, þa er sialfr guð vitraði [honum þeira⁶ hungr.

92. Heilagr Memmius byskup romverskr⁷ ok storburðugr var af sælum Petro til byskups vigðr ok sendr síþan i Galliam með Dionisio, er síðan var af hinum sæla Clemente skipaðr [byskup i¹⁵ Parisborg⁸, ok Eucherio byskupi Triverisborgar ok Saviniano fyrr nefndum, er til Sennonis for, ok Synicio byskupi Suessionum ok auðrum .vi. byskupum ok Domiciano diakn. Þeir voru þa sva samþyckir i drottnei Jesu, sem þeir væri af einum kviði bornir. Ok er þeir voru komnir .xviii. milur af Roma⁹, toku þeir ser²⁰ náttstað. Þar andaðiz Domicianus ok var i iorð grafinn. En hinn sæli Memmius byskup hvarf aptr i Romam ok kom fyrir hinn heilaga Petrum sva mælandi með¹⁰ mikilli hrygð: „Heyr þu, minn haleiti meistari! Viti þat yðvarr heilagleikr, at diakninn, sa er þer skipaðut með mer til þess at predika guðs orð, er nu²⁵ dauðr i¹¹ veginum.“ Postolinn mællti¹²: „Tak¹³ trefr af klæði minu ok far þangat, sem hann var grafinn, ok legg æ likit segiandi þessi orð: Drottinn Iesus ok varr meistari Petrus byðr þer, at sva sem hann bauð¹⁴ þer með sinum munni hiaverandi¹⁵, statt þu¹⁶ upp ok seinka ecki [með mer at ganga¹⁷ ok predika heiðnum³⁰ þioðum guðs orð, at¹⁸ þat lios guþspialligrar kenningar, er falslaust er ok faam kunnigt, verði ollum opinbert.“ Hann gerði sem honum var boðit, ok for til þess stapar, sem diakninn la dauðr, ok lagði klæðatrefr þær [æ likit¹⁹, sem hann bar eptir ser,

1 Falia A¹. 2 mgl. B. 3 at A²³ B¹. 4 Historiale A³. 5 [saal. B; 35 mannliga fæðu utan mannliga l. at m m. fyrir matleysi, þa A. 6 [saal. A² B; þeim þetta A¹³. 7 at kyni tilf. A². 8 [Parisar byskup A³ B. 9 Romariki A¹³. 10 af A². 11 a B. 12 svaraði honum sva mælandi B. 13 þu tilf. B. 14 bioði A³. 15 hiaveranda A² B². 16 nu tilf. B. 17 [mer at fylgia A¹. 18 saal. B; ok A. 19 [yfir hann B. 40

með fyrr nefndri skipan, ok reis sa upp heill, er aðr lá dauðr [i dusti¹. En Memmius styrði cathalensem kristni .lxxx. ára ok andaðiz at gervum² mörgum iartegnum.

93. Sva segir Speculum Ecclesie, at .ii. byskupar Eucherius ok Valerius foru norðr um fiall sendir af sælum Petro með auðrum monnum [i Galliam til predikanar³. Ok er þeir voru storliga langt æ leið komnir, andaðiz sa maðr af liði þeira þeim nauðsynligr, er Maternus het. Þeir hurfu þa aptr i Romam ok sögðu sælum Petro dauðan⁴ Maternum þeira forunaut, þann sem þeim var nauðsynligr⁵ til pionostu ok predikanar. Sæll Petrus svaraði þeim: „Farit aptr, bræðr, ok berit með yðr⁶ staf minn ok leggit æ hinn dauða, ok mun hann⁷ lifna.“ Þeir foru sem hann bauð ok komu fram⁸ i þann stað, er Maternus var grafinn, [sva at⁹ .xl. daga voru liðnir fra hans grepti¹⁰; þo at hvaru lögðu þeir staf Petri æ¹¹ hinn fulnaða, ok reis hann lifs¹² upp. Ok til styrkingar þessa takns var sia hinn sami Maternus til byskups vigðr i þeiri borg, er Treveris heitir. Predikaði hann þar guðs tru¹³ fyrir heiðnum monnum .xl. vetra ok gerði margar iartegnir. Kom þat þar fram, sem¹⁴ drottian mællti við lærisveina sina: Ok þer munut meiri luti gera i iartegnum en ek hefi gert. Þat skal sva skilia: Eigi mun sa er æ mik truir meiri luti gera en ek, en meiri luti mun ek gera með honum en æn honum.

94. Linus ok Cletus voru iafnan með sælum Petro, eigi sem hinir hæstu kennimenn helldr sem hins hæsta kennimannz fulltingiarar, þvíat Petrus fal þeim æ hendi stiorn kristninnar ok at letta af ser veralldligum fiðlskyllidum, at hann mætti sik¹⁵ varðveita talmanarlausan hinum hæstum lutum, þat er bænahalld¹⁶ studeran ok predikan, ok fyrir þessa dyggiliga¹⁷ pionostu, er þeir voru i settir með postoligri tign, urðu þeir makligir at teliaz i catalogo með byskupum, sem siþarr mun sagt verþa.

95. Hermagoram lærisvein Marci ewangeliste skipaði Petrus i stað sins meistara byskup yfir Aquilegiam, dyrligan mann ok fullan af helgum anda. Gerði hann allzkyns takn til birtingar kristninni en til niðranar heiðnum dómi. Heilagan Apollinarem sendi ok hinn sæli Petrus i Ravennaborg, sneri hann þar mörgum

1 [i dupli *B*²; *mgl.* *B*¹. 2 *saal.* *B*; *gefnun.* *A*. 3 [at predika i Gallia *B*²³ 4 vera *tilf.* *B*. 5 nauðsynligaztr *A*². 6 yckr *A*² *B*²³. 7 skiott *tilf.* *B*²³. 8 sva fremi *B*²³, *mgl.* *B*¹. 9 [at *A*³; er *B*²³, en *B*¹. 10 greptri *B*. 11 yfir *B*²³. 12 heill *A*². 13 orð *B*²³. 14 er *B*²³. 15 sialir 40 *tilf.* *A*²³. 16 bænahalldi *B*²³. 17 dyggiliga *A*² *B*.

lyð til guðs, gaf syn¹ blindum, hölltum göngu, heilsu líkþráam, en líf dauðum, ok var pindr undir² Vespasiano cesare³ fyrir vörn rettrar truar ok auðlaðiz eilífa dyrd.

96. Langt væri⁴ varri usnilld at telia lærisveina þessa⁵ guðs vinar, er vel flestar borgir Italie ok annarra nalegra landa auðgaði⁵ með agiætum formælandum, eptir því sem hann gat framaz við komit⁶. Sva er ok umattuligt at segia, hversu marga menn hann hefir af dauða reist, ok ovist dauðligum manni, þar sem eigi at eins gerði hann sialfr iarteinir, helldr ok margir aðrir undir⁷ hans nafni, þar sem skuggi hans yfirborinn⁸, [stafr hans, trefr klæða¹⁰ hans, burgu siukum ok veittu⁹ líf dauðum. Hann geck ok um sio¹⁰ sem um land, stauðvaði allzkyns vaða, en letti¹¹ alldri af goðu verki. Hverr mun ok þat greina mega, hversu mörgum vitranum guð let ser sóma at birta hans briost, þar sem naliga oll hans verk ok framferðir, rað ok rauksempir, styrkti hinn helgi¹⁵ andi, ok þat ma rettliga segiaz af hans iartegnagerð, at hans hinir minnztu lutir [se margra¹² heilagra manna hinir mestu lutir. Þvi [leggium ver niðr¹³ fleira af honum at segia fyrir¹⁴ leti ok fáfræði, skundandi¹⁵ til þess at segia¹⁶, hvilikum dauða drottinn leiddi hann til himneskra fagnaða. 20

97. Fyrr nefndr cesar Claudius hafði nær .x. vetr ríki, sva at Petrus var i Roma, en .xvi.¹⁷ ár allz. Hann kaus til þess valldz, er hann hafði styrt, Neronem, er atti Octoviam dottur hans. Þessi Nero var hin fyrstu .v. ar sins ríkis miok¹⁸ hogværr. Hann setti Festum yfir Jorsalaland, þar sem eigi reð Agrippa, er fyrr²⁵ var nefndr. I hans stað kom Albinus, en eptir hann kom Florus, sa er síðarr skal fra segia. En Agrippa broðir Herodis, sa sem prefectus var at tign, reð mestu með Nerone heima i Róma. Þessi Nero var mikill kvennamaðr, um alla fram¹⁹ fullr af [flestum mannlöstum²⁰. Ok fyrir²¹ því at sækiaz ser um glikir, [saman³⁰ þinga niðingar²², var fullkomit flærðafelag með þeim²³ Simone mago ok þessum Nerone, er hans villa var þeck ok fanginn²⁴ var skiott af hans flærðum. Þviat Simon het honum, ef hann tryði

1 sion A²³ B. 2 veslum tilf. B¹. 3 keisara B¹. 4 er A³ B. 5 Petri B. 6 komiz A² B. 7 i A³, með B. 8 mgl. A³. 9 [eðr trefr 35 klæða hans burgu siukum, ok stafr hans veitti B. 10 þurru fotum tilf. A¹. 11 let A¹. 12 [margir se annarra A¹. 13 [leggiumz ver fyrir A² B. 14 sakir B. 15 [fysir oss at skunda A³. 16 með tilf. B. 17 .xiii. B. 18 yfrit A² B¹. 19 fullifr tilf. B². 20 [öllum löstum A¹; illzku A³. 21 með A², i A³, mgl. B. 22 [tilf. B. 23 fyrr nefndum 40 B. 24 fengiinn A¹.

honum¹, at gera hann mestan² af konungum, sigrsælan i orrostum, heilan at likama, langælígan at lífstundum ok sér sameilífan. En sá trúði, er eigi kunni slíka luti³ sannri raun at reyna ok hann trúði hinn hæsta hialpara sinnar andar, [ok fleckaði sva⁴
5 goð upphauf með glæpíligum⁵ enda⁶. En fyrirbending fylgianda æfellis var su⁷, at æ setta áre hans ríkis fell ellding yfir hans borð með mikilli ógn. Var þessi Nero þaðan af sva miok fylldr af illzku, at hann fleckaði skirleikinn með allzkyns oheyrlígu⁸ saurlífi, horanum ok frændsemisspellum ok alla vega moti natt-
10 uru. Hann fleckaði milldina með grímmleiknum, þvíat hann saurgaði sínar hendr með allzkyns manndrápum, útsteypandi banabloði eiginna vína ok felaga, frænda ok tengðamanna, bræðra ok móður⁹. Hann var ok fleckandi sialfs síns hendr¹⁰ með fílkyngi ok fordæðuskap, hann fleckaði ok hugreckina með allzkyns bleyði,
15 leti ok eptirlífi, hann fleckaði truna með allzkyns udygð, ok hellt hana við óngvan en rauf við alla, óngum betri en öllum verri, þeim er fyrir honum voru cesares¹¹ kallaðir¹², þvíat fyrstr af þeim syndi hann sík uvin guðdomsins lyptandi vapnum i moti kristnum monnum æ .xii.ta ære ríkis síns, sem sagt mun verða¹³.

20 98. I þenna tíma stoð hinn sæli Petrus með öllum krapti i moti villu Simónis, stundum sér¹⁴ fylgianda¹⁵ sælum Paulo en stundum fraveranda, eptir því sem hans saga greinir. Var hann af Festo formanni Gyþinga¹⁶ fluttr¹⁷ i Romam, þa er Nero hafði .ii. vetr ríkt. Var hann þar um .ii. ár i¹⁸ fríalsu varðhalldi ok leigði
25 sér kornlauðu¹⁹ til predíkanar, sva²⁰ at honum var ecki lofat or borginni at fara, en um .x. ár var hann nöckuru²¹ fríalsari, for hann þa til predíkanar æ Vestrlönd i orlofi²², þvíat Nero var þa eigi fullkominn i sinni illzku. Áa .xii.ta ære ríkis Neronis²³ kom hann aptr, sem sagt mun verða, en var píndr æ hinu .xiii.da ari.

30 99. Nu af því at þessir Kristz postolar²⁴ Petrus ok Paulus voro kennarar kristinna manna, [mikíls hattar meistarar²⁵, haleitir i goðum verkum, elskarar mannkosta ok hærri hugarkrapta, höfðu þeir Neronem höfuðæran af [heiðnum domi²⁶ Simónis vakit upp til

1 a hann B. 2 meistaramann A¹. 3 at skíliá eðr tilf. B. 4 sín B¹.
35 5 glaumsamlígu B¹. 6 [mgl. B²³. 7 sva A²³. 8 saal. B; uhreinu A², mgl. A¹³. 9 mæðra A³. 10 heiðr B. 11 keísarar A² B. 12 Her mgl. 2 Blade i B². 13 síðarr tilf. B. 14 at B³. 15 fulltingianda B. 16 Juda B. 17 bundinn tilf. B. 18 at B³. 19 saal. B; i hus A²; koronu A¹³. 20 þó tilf. B. 21 nockorum mun B¹. 22 leyfi B. 23 Nero A.
40 24 riddarar B. 25 [mikílfengir at meistaradomi B. 26 [saal. A²; fíolkyngi B³; heiþingium A¹; höfðingium B¹.

hins mesta fiandskapar moti ser, þvíat liossins verk eru sur i augum sonum myrkranna. En þó at fraveranda Paulo væri Petrus einn i moti hinum illa Simone, gerði hann ollum bert fals hans ok fiðlkyngi, galldra ok [glæpi ok sionhverfingar¹, þær sem hann villti heimskra manna hugi með, ok hann stoð hvarki² æ 5 rettu ne æ sönnu, þar til er Simon var af ollum dugandi monnum giðrr at skömm ok at skaupi, sva at hann laut³ þa skömm at hylia⁴ með þögn ok þungri sut, ok [at hann hafði⁵ annars stápar reyndan mátt ok megn⁶ Petri, dirfðiz hann þó enn⁷ i Romam kominn því at hrosa, at hann reisti upp [menn af dauða⁸. 10

100. [A þessum⁹ tímum¹⁰ andaðiz einn ungr maðr frændi cesaris¹¹, storburðugr ok miok harmdauði¹². Margir þeir er hia¹³ voru staddir minntu æ, at profa skyldi, hvart hann mætti upp reisaz. Petrus var hinn frægazti i þesskyns verkum, en heiðnir menn lögðu þar ongván trunat æ, at dauðir menn mætti upp risa. 15 En krankr harmr krafði lækningar, sva at farit var til Petrum. Voru þeir ok sumir, er Simonem [sögðu tilkallanda¹⁴, en báðir komu. Petrus mælti þa við Simonem: „Þvi at þu hrosar um þenna lut þinum mætti, gef ek þer orlof¹⁵ til, at þu gangir fyrr til hins dauða ok reynir þína framkvæmð, en ef þu mátt eigi 20 þetta gera, man ek til ganga ok biðia Jesum Krist, at hann reisi upp hinn dauða.“ En því at Simon vissi sínar¹⁶ flærðir mikinn framgang fengit hafa með heiðnum monnum, setti hann þann skildaga, at ef hann reisti upp af¹⁷ dauða, skyldi folkit drepa Petrum¹⁸, er hann hafði angrat sitt hit mikla valld i¹⁹ mein- 25 gerðum. Folkit svaraði: „Lifanda [skulum ver brenna hann²⁰.“ Simon mælti þa: „At þviliku skapi [skulut þer²¹ mer hegna²², ef Petrus ma²³ framarr.“ Petrus samþykkti skildaganum²⁴. En Simon geck at sænginni²⁵ möglandi mikla galldra, sva at hinn dauði tok at hrista höfuðit ok hræraz. Heiðingiar [sögðu þegar 30 kallandi²⁶, at hinn dauði lifði ok mælti²⁷ við Simonem, en sloguz með fiandskap æ Petrum, er hann dirfðizt at keppa við [þvilikan

1 [gerninga, glæpi ok figurur B. 2 hvergi B. 3 varð B. 4 þola A¹.
5 [þó at hann hefði B. 6 magn B¹, megin B³. 7 mgl. B. 8 [dauða menn B. 9 [I þann B³. 10 tíma B³. 11 keisarans A² B. 12 harm- 35 dauðr A¹. 13 við B. 14 [kölluðu at A². 15 leyfi B. 16 framferð sína ok B. 17 hinn B. 18 fyrir þa dirfð tilf. B. 19 með B. 20 [skal hann i elldi brenna B³. 21 [skal B³. 22 hefna A¹ B³. 23 vinnr B. 24 skildagann A². 25 reckiunni B. 26 [kölluðu þegar A³ B³. 27 talaði A²³.

mann¹. Petrus krafði þa hlioðs, ok at því fengnu mællti hann:
 „Ef hinn dauði lifir ok er með² sönnu af dauða reistr³, tali hann,
 gangi hann, snæði⁴ hann. Sionhverfing er þetta en eigi sannleikr,
 er hinn dauði⁵ syniz hrista höfupit. [Dragit nu Simonem⁶ fra
 5 hvilunni, ok mun þa synaz, hvat satt er.“ Iafnskiott sem þat var
 gert, læ hinn dauði með ollu uhræriligr. En Petrus stoð langt
 fra hvilunni ok flutti fram hlioðliga sina⁷ bæn. Eptir þat kallaði
 hann hátt: „Ris upp þu, hinn ungi maðr, græði þik drottinn
 Jesus Kristr!“ Iafnskiott reis hinn dauði⁸ upp, geck ok talaði ok
 10 snæddi⁹. Eptir þat fal Petrus hann æ hendi moður sinni. Menn
 baðu þa postolann, at sia maðr fylgði honum. Hann svaraði:
 „Ecki skaðar¹⁰ hann, þo at við skilim, þvíat hann er¹¹ eigi skildr
 við þann, er hann let upp risa, þess þrælar erom ver.“ Hann
 sneriz þa til moður hins unga mannz ok mællti: „Ottaz þu eigi,
 15 kona! Ver uhrygg¹² um son þinn, hefir hann sinn hirði nu.“
 Folkit villdi nu¹³ drepa Simonem. Petrus mællti: „Hölddzt¹⁴
 þunga pinu hefir Simon, þott hann¹⁵ kanniz við, at hans iþrottir
 vinna ecki. Lifi hann nu ok siai¹⁶ Kristz riki vaxa þo at oviliandi.“
 Simon varð þa i brottu¹⁷ með fullkominni skömm. En i hefnd
 20 þessar vanvirðingar¹⁸ batt Simon olman hund æ veg [fyrir Petrum¹⁹,
 at hann rífi²⁰ hann i sundr. Petrus kom þar skiott ok leysti hann,
 ok hliop hann þegar eptir Simone mago ok rak hann undir sik.
 Petrus mællti: „I nafni drottins Jesu Kristz byð ek þer, hundr,
 at eigi bitir þu holld Simonis, helldr rifir²¹ þu klæði hans.“
 25 Hundrinn las þa i munn ser klæði Simonis²² gaulandi ok slóngdi
 honum ut af mur borgarinnar. Kom Simon ecki fyrr aprt i
 Romam en [einu ari síðarr²³. Þa gat hann sva hagat sinum
 orðum, at Nero truði honum.

101. A nöckurum tima þa er Simon var fyrir Nerone ok
 30 taldiz guðs son, mællti hann: „Hvi tortryggir þu minn guðdom,
 þann er ek profa með verkum?“ Nero mællti: „I hveriu matt
 þu²⁴ profa, at þu ser guð²⁵?“ Simon mællti: „Bioð þu at höfut
 se af mer höggvit i myrkum²⁶ stað, ok [lati þar²⁷ liggia bukinn

1 [Simonem (þvilikan mátt tilf. B¹) B. 2 at B¹. 3 risinn B. 4 eti A³.
 35 5 liðni B¹. 6 [Dragiz nu Simon A¹. 7 stutta B¹, skamma B³. 8 liðni
 B¹. 9 neytti vista B. 10 sákar B³. 11 mun B. 12 orugg B. 13
 þa B. 14 hellzti A²³; yfrit B. 15 lifi ok tilf. B⁹. 16 seae A¹. 17 at
 fara tilf. B³. 18 þessarrar hueisu B. 19 [Petri A² B¹. 20 skyllði
 rífa B³. 21 rif A². 22 miog tilf. B. 23 [eitt aar síþan A²³; eitt ar
 40 var liðit B. 24 þat tilf. B. 25 guðs son B³. 26 döckum B. 27
 [latið þar eptir B³.

ok höfupit, sem af er höggvit, ok ef ek ris eigi upp æ þriðia degi, vit þat til viss, at ek em gulldramaðr, en guþ, ef ek ris upp.“ Nero let nu þetta gera, sem Simon¹ bauð. En því bauð² Simon [þetta at gera i myrkum stað³, at hann bra með fiolkyngi sinu liki i⁴ hrut einn ok let hann⁵ halshöggva. Syndiz þeim⁶, sem 5 þetta [vann, hrutrinn⁷ Simon, til þess er af var höfuðit. Þetta höfut bar hann til lioss, ok sa, at þetta⁸ var hrutz höfut en eigi höfuð Simonis, en [þo þorði hann⁹ eigi at segia þetta Nerone, at eigi birti hann sialfr þat, er¹⁰ hann hafði eigi sva gört, sem honum var bopit. Simon kom nu ok tok i braut [haufuð ok bol hrutz- 10 ins¹¹, ok æ þriðia degi syndi hann sik Neroni sva mælandi: „Lat þurka¹² bloð mitt [þat er saman er runnit i¹³ þeim stað, sem ek var halshöggvinn¹⁴, þviat nu hefi ek upp risit af dauða, sem ek het þer.“ Nero truði nu þessi lygi ok dyrkaði Simonem með hinni mestu virðingu. 15

102. Hinn sæli Petrus varð viss þessa tíðinda ok reis i moti með ollum krapti, birtandi guðs tru sanna vera en flærð Simonis hegomliga¹⁵. Þvi varð hann fyrir fiandskap¹⁶ Neronis ok mörgum vandræðum. Aa þeim tíma vitraðiz honum Jesus Kristr sva mælandi: „Simon ok Nero ero fullir af diðflum ok hugsa þer i moti 20 at standa; hirð eigi þu¹⁷ at ottaz, þviat ek mun vera með þer, ok nu man ek gefa þer huggan af tilkvamu þions mins Pauli. I morgin man hann ganga i Romam. Siau manaði munut þit beriaz við Simonem, ok þa er þit hafvit steypt honum til helvitis, munu þit með sigri¹⁸ til min koma.“ Petrus varð feginn þessu 25 fyrirheiti ok giorði guði þackir.

103. A næsta degi eptir vitranina kom hinn sæli Paulus i borgina¹⁹, ok iafnskiott runnu Gyðingar²⁰ i moti honum sva mælandi: „I varri tru ert þu fæddr, hana átt þu at veria, ok eigi er þat rett, þar sem þu ert ebreskr [ok af ebreskum monnum kominn²¹, 30 at þu kallar²² þik meistara heiðinna þioða ok verndarmann²³ þeira, sem eigi hafa umskurþarskirn²⁴, ok þar sem þu hefir hana, er orett at þu eyðir hana. En þess biðium ver, at þa er þu ser

1 hann B. 2 bað B. 3 [þetta gera i dökku stað B¹; i dauku stað at vera höggvinn B³. 4 a B. 5 tilf. B. 6 honum A². 7 [saal. B³; 35 væri øvr. 8 þat B. 9 [þorði B³. 10 at A². 11 [hræ hrutzins höfuð ok bol (ok fal tilf. B³) B. 12 þerra upp B. 13 [or B³. 14 högginn (i tilf. B³) B. 15 ok diöfulliga tilf. B³. 16 Simonis ok tilf. B¹. 17 mgl. B. 18 piningsigri B. 19 Romam B. 20 Judar B. 21 [at kyni A². 22 saal. A¹ B¹; kallir A²³ B³. 23 varnarmann B. 24 um- 40 sniðning B.

Petrum, eyðir þu hans kenning, þviat hann tekr af þváttdagahalld¹,
 eyfir hann neomenias at nyiu tungli, ok oll vár hatiparhólld
 unytir hann.“ Paulus svaraði: „[Þat verðr² auðvelt at profa
 mik sannan Juða, þviat ek helld þváttdag ok skurþarskirn, þviat
 5 guð hvilldiz æ þeim degi af verkum sinum. Ver höfum ok lögmal
 Moysi ok verk höfþingia³ [varra æ bokum skrifat⁴, þaðan af megum
 ver vita, hvat Petrus predikar þessu likt i riki heiþinna manna.
 En ef hann vill innleiða nðckura nyiung, þa byriar, at við finnimz
 fyrir [utan alla⁵ sturlan [ok oroa⁶ ok utan⁷ ófund, at ek mega⁸
 10 at allra yðvarra⁹ vitni syna hann yfirkominn. En ef ek ok þer
 megit þat [vitni bera honum¹⁰, at hann veri kenning sina með
 vitnum ebreskra boka, samir oss öllum at hlyða honum.“ Ok þa
 er Paulus hafði þetta talat ok annat þessu likt, foru þeir at finna
 Petrum ok sögðu honum: „Paulus heitir einn ebreskr maðr, sem¹¹
 15 þik vill finna, ok verðr þu [hann at finna¹², þviat þeir er hann
 fluttu hingat, [gefa honum eigi orlof¹³ at fara sva¹⁴ sem hann
 vill, fyrr en þat er lof Neronis cesaris¹⁵.“ Petrus varð storliga
 feginn¹⁶ þessi sögn, stoð þegar upp ok for at finna Paulum.
 Sem¹⁷ þeir sæaz, gretu þeir fyrir fagnaði ok faðmaðuz lengi, sva
 20 at hvarr döggaði annars yfirklaði með tårum. Eptir þat settuz
 þeir niðr, ok greindi Paulus [allar tilstauður¹⁸ sinnar ferðar með
 siovarvalki ok margskyns mæðu¹⁹. Petrus sagði i moti, hvilikar
 umsátir ok vandræði hann hafði þolat af Simone mago. Eptir
 þat for Petrus heim, þviat daginn kvelldaði²⁰.

25 104. [Um morgininn eptirkomanda²¹ iafnskiott sem dags-
 brunin syndi endalykt nętrinnar, kom Petrus at þeim durum²²,
 sem Paulus var fyrir innan. Var þar²³ fioldi ebreskra manna ok
 heiðingia, var mikil deilld²⁴ milli þeira. Gyþingar mælltu: Ver
 erum valit kyn²⁵ konunga ok kennimanna ok ægiætra guðs vina
 30 Abrahe, Ysaach ok Jacob ok allra spamanna, þeira sem guð syndi
 sina leynda luti ok stormerki. En þer heiþingiar ok allir yðrir
 kynsmenn²⁶ eigut ecki i yðru ætterni, þat er mikit se, utan þat

1 þvattdagshalld B. 2 [saal. B; þvi byðr ek A. 3 hofuðfedra B.
 4 [a varum bokum B³. 5 [an allri B. 6 [orða B¹. 7 mgl. B. 8
 35 Her beg. atter B². 9 saal. A³ B; yðvar A¹; yðra A². 10 [sia A³.
 11 er B. 12 hitta A²; [hans at vitia B. 13 [leyfa honum eigi B
 14 þangat A² B. 15 keisara B¹. 16 [storfeginn B²³. 17 En þa er
 B. 18 [alla tilstöðu B. 19 mæðingum B¹; meiðingum B²³. 20 en um
 40 morgininn (war hann tilf. A²) aptirkomandi tilf. A¹². 21 [tilf. B. 22
 dyrum øvr. 23 uti fyrir mikill tilf. B. 24 deila B. 25 ker A¹. 26
 ættmenn B²³.

sem saurgat er af skurðgoðum ok blotum [ok auðrum rækilígum lutum¹.“ Sem² Juðar höfðu slikt talat, andsvöruðu þeir sem frá heiðni voru snunir til Kristz³: „Ver fyrirletum þegar villur várar, er ver vissum hit sanna, ok fylgðum því síðan, en þer vissut, hveriar iartegnir yðrir feðr gerðu, tokut við lögum ok sæð takn 5 spamanna, hversu þeir gengu þurru fótum [yfir haf⁴, en drektu uvinum sinum i því sama hafi með guðs trausti⁵. Þer sæð ok skyligan stolpa fara fyrir yðr um daga en elldligan um nætr. Guð gaf yðr atvinnu⁶ af himni, en vatn af steini. Eptir sena þessa alla luti, smiðaðut þer yðr kalf ok færðut honum fornir. 10 En ver, er engi takn sam, truðum⁷ þann guð, sem þer hafnaðut ok fyrirletut.“ Ok er Paulus heyrði [þessa þrætu⁸, mællti hann: „Eigi hæfir yðr at keppaz æ þessa lund, helldr byriar yðr at hugleiða, hversu guþ let fram koma þat, er hann het feðr⁹ yðrum Abrahe, at i hans kyni mundo blezan taka allar þioðir. Eigi gerir 15 hann grein i milli manna, þvíat þeir sem undir lögum hafa misgert, skulu eptir lögum dæmaz, en þeir sem undir öngum lögum syndgaz, munu fyrir utan lög tapaz, þvíat sva mikil vitzka er skiput¹⁰ i briost mannanna, at hann¹¹ ma natturliga¹² lofa goða luti en fyrirdæma illa luti, ok þat með ser hugsu, at asakandi ero 20 pinandi¹³ en afsakandi ero ömbunandi.“ En þa er Paulus hafði talat þessa luti ok þessum lika, myktuz margir af hvarumtveggjum. En höfðingiar Gyþinga stoðu miok i moti kenning postolanna, þvíat þeir bönnuðu þeim þinghus sin. Petrus hof þa upp sinn hinn heilaga munn ok svaraði þeim æ þessa lund um þenna lut: 25

105. „Heyrit nu, hinir kærustu bræðr, helgan anda Abrahe fyrirheitanda, at hann mundi af ævexti kviðar hans setia mann yfir velldissæti hans, þenna sama mann sem himneskr faðir mællti þessi¹⁴ orð til: Son minn ert þu, i dag gat ek þik. Hengdu höfþingiar kennimanna Juða hann æ krossins tre sakir sinnar 30 öfundar, at hann leti fram koma lausn mannkyns, er nauðsynlig var þessum heimi, sva¹⁵ sem hann hafði fyrir sagt, þa er hann sagðiz þessa luti alla þola mundo, at sva sem Eva var sköput af rífi Adams, sva væri heilug kristni formerut af Kristz síðu æ krossinum deyianda sva fögr, at hun væri án fleck ok rucku¹⁶. 35 Þessa götu syndi guð Abrahe, Ysaach ok Jacob, ok synir enn

1 [mgl. B. 2 Ok þa er B. 3 guðs B. 4 [um sio B¹. 5 fulltingi B²³. 6 fæðzlu A³. 7 þegar a tilf. B. 8 [þessar kappautur B. 9 saal. A²³ B²³; feðrum A¹ B¹. 10 skopuð B. 11 hon B. 12 natturliga B¹. 13 saal. B; vinnandi A. 14 þessor A¹. 15 þa B. 16 hrucku A² B. 40

ollum þeira sonum, at þeir gangi¹ rettan veg² kristiligrar truar, en
 standi eigi i otru sinagoge. Snuiz nu til guðs, kíærir³ bræðr, ok
 gangit i fagnat fauþur yðvars Abrahe, þviat [guþ efndi⁴ þat sem
 hann het honum. Af þessum sama Jesu saung David propheta
 5 sva mælandi: Sór drottinn ok [iðraz eigi⁵, þu ert kennimaðr at
 eilifu eptir skipan Melchisedech. En þessi spá kom þa fram, er
 Jesus hinn æðzti kennimaðr æ krossinum hangandi færði forn sins
 likama ok dreyra fyrir allri verolld.

106. Eptir þessar tortólur postolanna ok aðrar þessum likar
 10 sneriz til rettrar truar mikill fioldi hiaveranda⁶ folks, en þeir
 voru ok þo harðla fair, sem til þess iatuðu sik trua með falsara-
 domi, at eigi syndiz þeir opinberliga vanrækia guðs boðorð eða
 æminningar postolanna. Ok þa er þinghusshöfþingiar Juða ok
 blotbyskupar heiðinna manna sa, at fyrir predikan Petri⁷ mundo
 15 þeir af dæmpir sinum sæmðum ok fíaraffa, vóktu þeir upp hurr⁸
 með folkinu, at þeir skyllði⁹ lofa Simonem magum fyrir sialfum
 Nerone¹⁰ en lasta postolana.

107. A þessum tímum sneriz utalligt¹¹ folk til Kristz truar
 fyrir predikan¹² Petri. Sva bar ok til, at hinar tignuztu husfrur¹³
 20 Libia kona Neronis ok Agrippina kona¹⁴ Agrippe prefecti¹⁵ sneruz
 til guðs ok villdo ecki þaðan ifra¹⁶ samreckia við bæendr sina.
 Fyrir predikan¹⁷ Pauli fyrirletu margir menn riddarasyslu af her-
 liði Neronis ok fylgðu guðs tru; sva ok nöckurir af sialfs hans
 herbergissveinum komu til Paulum ok gerðuz kristnir sva fram-
 25 arliga, at þeir komu ecki [fra því¹⁸ til hallarinnar. Simon magus
 verðr nu miok heitr¹⁹ við þetta ok lygr nu mörgum lutum²⁰ æ.
 Petrum fyrir folkinu, segiandi hann vera galldramann ok svikara.
 En þeir sem sa þa undarliga luti, er hann²¹ gerði, hugðu vera
 sannar jartegnir ok truðu hans falsaradómi. Hann let synaz, sem
 30 eirormar²² hrærði sik, ok hundar af steinum skornir giæi, en
 eirligar likneskiur hrærðiz²³ eða hlægi. Hann let ok synaz, sem
 hann flygi i loptit upp ok hyrfi eptir þat. Þar i mot græddi
 Petrus siuka menn með guðs orði, gaf syn blindum, hölltum göngu,
 heilsu líkþrá, lif dauðum. Hann bauð ok folkinu eigi at eins

35 1 saal. B; geri A. 2 stig B. 3 kíæru A²³. 4 [hann endi B. 5 [mun eigi iðraz
 B. 6 heyrenda B. 7 ok Pauli tilf. B. 8 saal. A¹² B; kurr A³. 9 skylldu
 B. 10 saal. A³ B; ser A², ser ok Nerone A¹. 11 otaululigt B. 12
 kenning A¹. 13 frur A². 14 husfreyia A³. 15 greifa A². 16 af B.
 17 Petri ok tilf. B. 18 [siðan B². 19 reiðr B¹. 20 lytum B¹. 21
 40 Simon B. 22 saal. kun A¹; eitormar øvr. 23 reiddiz A².

at forðaz Simonem, helldr þar með at birta hans uhæfur, at eigi syndiz þeir diöfulsins vælum¹ samþykia. Af þessu tilbragði var Simon hataðr ok rekin² af ollum skynsömum monnum ok siðlatum, [at þeir³ kolluðu hann⁴ gallDRAMANN ok glæPAfullan, en predikuðu Petrum með guðs lofi, en vinir Simonis sögðu Petrum vera galldra- 5 mann, veitandi honum ælygi fyrir flutnings⁵ sins meistara.

108. Þessi orðsvif komu um siðir fyrir Neronem. Hann kallaði þá Simonem magum i sitt herbergi. Sem hann var inn-genginn⁶, tok hann at skipta likium, syndiz stundum ungr, stundum miðalldri⁷, breytandi ser með fiandans [fiolkyngi i ymsar asionur⁸. 10 Sem⁹ Nero sa þat, hugði¹⁰ hann, at Simon væri guðs son. Petrus var þá nær ok sagði, at Simon var þiofr, lygiinn, galldra-maðr, heriansson¹¹, glæPAfullr, guþniðingr, [ok sa sem fyrirdiarfaði¹² oll guðs boðorð ok gagnstaðligr ollum sannleik, ok ecki stæði eptir, nema þat at hans illzka væri¹³ ollum opinber[liga uppklokin¹⁴. 15 Simon geck þá fyrir Neronem sva mælandi: „Heyr mik, hinn goði cesar¹⁵! Ek em guðs son af himni stiginn. Allt til þessa hefir Petrus einn saman staðit mer i mot, en nu er tvinnuð¹⁶ þessi motstaða¹⁷, þvíat Paulus, sa er slikt hit sama kennir sem Petrus mer gagnstaðliga luti, er nu sagðr predika með honum. 20 Þvi er auðsynt, herra, at ríki yðvart mun eigi standa mega, nema þu latir þeim bana vinna¹⁸.“ Við þessi orð Simonis¹⁹ varð Nero miok angrfullr²⁰, ok bað²¹ um morgininn eptir þessa menn fyrir sik leiða með miklum skunda.

109. Annan dag komu þeir Petrus ok Paulus Kristz postolar²⁵ ok Simon magus i domhus Neronis cesaris²², ok þá mællti þessi sami Simon: „Ek vil yðr kunnigt gera, goði herra, at þessir menn ero lærisveinar eins nazareni, sem mer standa i moti; en eigi ero þeir sva vel tilkomnir²³, at þeir hafi slika tru sem Judar, helldr er þvers fra því.“ Nero mællti: „Hvat er nazarenius?“ Simon 30 mællti: „Ein borg er æ Judea iafnan mer gagnstaðlig, su er Nazareth heitir, af henni tok nafn meistari þeira, þvíat hann var þar.“ Nero mællti: „Ver vitum, at guð elskar hvern mann, því

1 velum B 2 rekr B¹. 3 [ok A³ B². 4 sem var, daðlausan tilf. B².
5 saal. B; fullting A. 6 kominn i herbergit B². 7 miðalldra A³. 8 35
[fulltingi i margar figurur B. 9 Ok þá er B. 10 hugsaði B. 11
trúðr B¹; mgl. B². 12 [svivirðandi B 13 eigi tilf. A¹. 14 [mgl. A³
B². 15 keisari B¹. 16 saal. B¹; tvinnuð A³, tvinnat A¹, tviföllld A²,
tveföllldut B². 17 motstefna A¹. 18 mgl. B¹. 19 Simonar B. 20
reiðr A³. 21 bauð B. 22 mgl. B¹. 23 at skoti komnir B. 40

seg¹ mer, hvi þu vill² illa þessum monnum.“ Simon mælti:
„Þviat þessir menn rangsneru alla Judeam, til þess at engi maðr
[tryði mer³.“ Nero mælti þa við Petrum: „Fyrir hvi erut þer⁴
sva rangsnunir ok⁵ yðrir kynsmenn?“ Petrus sneri þa sinum
5 orðum til Simonem⁶ sva mælandi: „Veitz þu, at þu mattir marga
svikia en mik alldri, ok þa sem þu sveikt kallaði Kristr til sin or
þinni villu fyrir mina predikan. Af því undrumz ek, með hveriu
trausti þu dirfiz at hrosa þer i konungs⁷ augliti, ætlandi þik munu
sigr Kristz lærisveina [fyrir folkyngi þina⁸.“ Nero mælti: „Hvat
10 er Kristr?“ Petrus svaraði: „Sa er Kristr, sem Simon kallar
sik vera, en er [þo með öngu moti⁹, þviat verk Simonis ero hin
verstu ok diðfullig, ok sialfr hann er hinn versti. En ef þu,
Nero, vill vita þaa luti af Kristi¹⁰, sem um hann gerðuz i Judea,
tak þu pistil Poncii Pilati ritaðan [til Tiberium¹¹, ok nem þar af
15 þessa luti.“ Nero let þa færa ser þenna pistil, en hann sagði sva:

Poncius Pilatus sendir kveði¹² Tiberio. Nyliga bar þat til,
at ek profaða Gyðinga¹³ hafa sakir eiginnaðar ófundar skipat ser
ok sinum kynsmonum pinu með grimmri fyrirdæming. Þviat þar
sem þeira feðrum¹⁴ var því fyrirheitit[, at guð¹⁵ mundi senda
20 þeim sinn hinn helga son af himni, þann er [eptir rettindum¹⁶
mundi kallaz konungr þeira, ok því með heitit, at hann mundi fra
mey¹⁷ beraz lata æ iarðriki, ok hann mundi vera guð ebreskra
manna; þenna kominn¹⁸ vissu Jupar hafa gefit sion¹⁹ blindum
monnum²⁰, reinsan likþram, [græðing kararmonnum, eiginligt²¹
25 vit diðfuloðum monnum, en lif dauðum, gengit þurru fotum yfir
sio, boþit vindum at kyrraz ok gert mörg önnur takn²², ok þo at
allir Gyðingar segði hann guðs son, slóguz höfðingiar kennimanna
með ófund æ hann, ok hondum tekinn selldu þeir hann i minar
hendr, liugandi æ hann auðru eptir²³ annat, sögðu hann vera galldra-
30 mann ok gera i moti lögum þeira. En ek truandi þeira lygum²⁴
sellda ek²⁵ hann barðan [i þeira hendr ok dóm²⁶. Eptir þat
krossfestu þeir hann, ok at²⁷ honum grofnum settu þeir varðhalldz-
menn. En hann reis upp æ þriðia degi at minum riddarum

1 þu tilf. B. 2 villt A²³ B². 3 [skyldi mer trua B. 4 þit B. 5 Her
35 beg. atter B³. 6 Simonar B. 7 höll ok tilf. B. 8 [með folkyngi þinni
B²³. 9 [allz ecki A³. 10 Kristo A¹. 11 [til Tiberij B²; at Tibe-
rium B¹. 12 vin sinum tilf. B². 13 Juda B. 14 feðgum A¹. 15 [af
guði, at hann B. 16 [at verðugu B. 17 meyio B. 18 mgl. A³ B.
19 syn A²³. 20 hölltum gongu A³. 21 [mgl. A³. 22 daindi B.
23 aa A¹. 24 lygðum B. 25 mgl. A². 26 [undir þeira dom ok valld
40 B. 27 mgl. B.

geymandum. Ok sva miok hitnaði illzka Juða, at þeir gafu þessum sðmum riddarum fe til at segia lærisveina hans hafa¹ gripit likama hans. En þa er þeir hófðu tekit penninga, mattu þeir eigi þegia, vattandi² sik hafa sena hans upprisu, ok sva þat at þeir hófðu³ fe tekit af Juðum. Ritaða ek því þessa luti, at eigi dirfiz nöck-⁵ urr liugari yðr annat at flytia, sva at [þar fyrir truit þer⁴ lygðum Juða.

At lesnum pistlinum mællti Nero: „Seg mer, Petre, hvart allir lutir hafa æ þann veg giðrz um hann?“ Petrus mællti: „Eigi blecki ek yðr, agiðtr⁵ herra, at sva er. En Simon þessi er fullr af lygi, umkringdr af flærðum, sva at hann hyggr⁶ sik þat¹⁰ vera, sem eigi er hann. [I Kristi er hinn hæsti sigr⁷, ok fyrir þann manndom, sem⁸ hann tok a⁹ eiginligan¹⁰ guðdom, let hans yfirbæriligt¹¹ valld ser soma at hialpa mönnunum. En i Simone [ero tvennir¹² mættir¹³, mannz ok diðfuls, þess er fyrir manninn leitar mönnum talman at vinna.“ Simon mællti: „Undrumz ek,¹⁵ hinn goði cesar, þat, er þer ætlit ufroðan¹⁴ mann¹⁵, fiskimann hinn lygnazta, nöckurs tillitz¹⁶ verðan, sem eigi ma metaz af orðsnilld ne ætt¹⁷, ok eigi er pryddr með nöckurs kyns valldi. Ok at eigi synumz¹⁸ ek lengi þola þenna minn uvin, man ek biðða englum minum at hefna min æ honum.“ Petrus mællti: „Eigi ottumz²⁰ ek engla þina, en þeir munu mik ottaz verða¹⁹, fyrir þat traust ok þann krapt er ek hefi²⁰ af drotni minum Jesu Kristo, þeim er þu, Simon, lygr þik vera.“ Nero mællti: „Hvi ottaz þu eigi, Petre, Simon²¹, þann er guðdom profar með²² mörgum tilraunum?“ Petrus mællti: „Ef guðdomr er með Simone, rannsaki hann leynda²⁵ luti hiartans ok segi mer²³, hvat ek hugsæ eða²⁴ geri; en til þess at eigi megí hann liuga, mun ek fyrrum²⁵, herra, yðr kunnigt gera, hvat ek hugsæ.“ Nero mællti: „Gack hingat fyrst ok seg mer, hvat þu hugsar.“

Petrus mællti: „Biðit at mer se færðr einn bygghleifr, ok se³⁰ leyniliga með farit.“ Ok þa er þat var gert, sem ækvepit var, mællti Petrus: „Segi Simon nu, hvat ek hefi hugsat ok hvat ek

1 brott tilf. B. 2 saal. B; vitandi A. 3 hefði B. 4 [þer truit A¹.
5 hinn agæti øvr. 6 lygr A². 7 [Jesus Kristur er hinn hæsti konungr A¹. 8 er B²³. 9 saal. B; ok A. 10 sinn B²³. 11 saal. A¹; 35
yfirvættligt A²³; agættligt B¹³; agripligt B². 12 tveir A³. 13 [er tvennr mattir B. 14 okænan B. 15 ok tilf. A² B. 16 mgl. B. 17 ætterni B. 18 syniz B. 19 mgl. B. 20 haft tilf. A¹³. 21 Simonem B. 22 taknum ok iarteignum ok tilf. B. 23 nu tilf. B. 24 hvat ek tilf. B. 25 fyrri A²; fyrr A³.

hefi mællt, ok sva hvat ek hefi gort.“ Nero mællti: „Villt þu, at ek trua Simonem, þann er [dauðan mann reisti upp¹ ok sialfan sik let halshöggva ok syndi sik sialfum mer upprisinn æ þriðia degi, eigi vita² hvat gert er³, þar sem hann giorði þat⁴ er ek bauð honum?“ Petrus mællti: „Eigi gerði hann [þessa luti⁵ fyrir mer.“ Nero mællti: „Mer hiaveranda⁶ gerði hann þessa luti⁷, ok hann bauð englum sinum af himni til sin at koma, ok komu þeir.“ Petrus mællti: „Ef hann giorði hit meira, hvi gerir hann þa eigi hit minna? Segi hann nu, hvat ek hefi hugsat eða gert.“ Nero mællti: „Hvat segir þu⁸, Simon? Eigi fæ ek skilt⁹, hvat liðr [i millum yðvar¹⁰.“ Simon [mællti: „Segi Petrus hvat ek hefi hugsat.“ Petrus mællti: „Þa er ek geri þat, er ek hefi hugsat, mun ek syna mik vita, hvat þu hefir hugsat.“ Simon¹¹ mællti: „Vit þat, hinn goði cesar, at engi veit hugsan mina¹² nema guð einn, ok at visu lygr Petrus, ef hann segiz vita.“ Petrus mællti: „Hvi leynir þu, hvat ek hefi gort eða hugsat i leynd, ef þu veitz, þar sem þu segir þik guðs son vera?“

En Petrus hafði blezat hleifinn¹³, þann sem honum var fenginn, ok brotit, ok latit brotin i baðar ermar ser. Þa reiddiz Simon, er hann matti eigi birta hugsan Petri ok kallaði hátt: „Laupi nu fram [miklir hundar¹⁴ ok rifi Petrum i sundr at æsiánda Nerone cesare.“ Jafnskiott sa menn hunda undarliga mikla¹⁵ laupa at Petro ok vilia rifa hann i sundr. En hann retti baðar hendr sinar, sem þa er hann var vanr at biðiaz fyrir, ok syndi þannig hundunum braupit, er hann hafði blezat¹⁶. En þeir hurfu, þegar er þeir sa þat. Petrus mællti þa við Neronem: „Nu synda ek mik vita, hvat Simon hafði hugsat, eigi með orðum helldr með verkum. En i því er hann ognaði¹⁷ mer englunum, en hundarnir komu, syndi hann sina engla eigi vera guðliga helldr hundliga¹⁸.“ Nero mællti þa við Simonem: „Sigráða hyggek ockr nu vera.“ Simon mællti: „Slikt lek hann mer i Judea ok allri Palestina ok i Cesarea. Ok af því at hann þreytti opt við mik, nam hann þetta af mer, því at þetta er englum gagnstaðligt, en til þess at hann mætti forþaz¹⁹, nam hann þetta af mer; en þat er auðsynt²⁰,

35 1 [dauðum gaf lif B. 2 munu tilf. A². 3 eða mællt tilf. B. 4 hvat A²³ B²³. 5 [þetta B. 6 hiastandanda B. 7 alla tilf. B. 8 nu tilf. B. 9 skilt B. 10 [yðar a meðal A², yðvar a milli B. 11 [tilf. B. 12 tilf. B. 13 bygghleifinn B. 14 [hundar olmir ok miklir B. 15 stóra A¹. 16 signat B. 17 hotaði B. 18 fiandliga B². 19 þa tilf. B. 20 auðvist B¹³.

at engi veit hugrenningar manna nema guð einn.“ Petrus mællti: „Þvi at þu birtir eigi [hugsanir manna sérhverra¹, synir þu þat² lygi vera, er þu kallar þik guð.“

110. Nero [mællti þa til Paulum³: „Hvi talar þu ecki, Paule?“ Hann svaraði: „Þat vil ek þer kunnigt gera, at mikit⁴ illt man vaxa i ríki þínu, ef þu lætr Simonem sliku fram koma⁵, sem nu stundar hann æ, ok [hann mun því⁶ skíott steypa⁶ or [sinni stöðu⁷.“ Nero mællti þa við Simonem: „Hvat segir þu nu, Simon?“ Hann svaraði: „Veiti engi mer skyllða virðing⁸, ef eigi syni ek mik [guð vera⁹.“ Nero mællti: „Fyrir hvi¹⁰ dvelr þu at¹⁰ birta þinn guðdom, at¹¹ Petrus ok Paulus se þindir?“ „Simon mællti: „Lát þu háfan turn af viðum¹² gera, ok mun ek i hann stiga. Þa mun ek biðða englum mínum, at þeir beri mik [at ollum asiandum¹³ æ himna til feðr míns. Ok ef þeir Petrus ok Paulus megu eigi þetta gera, muntu prófa þa vera fákunniga¹⁴ 15 menn.“ Nero mællti þa: „Hvart heyrir þu, Petre, hvat Simon segir? Af þessu ma¹⁵ birtaz, hvart hann hefir meira krappt en¹⁶ guð þinn.“ Petrus mællti: „Heyr mik, cesar! Nu muntu hit bezta skilia mega, ef þu vill, at Simon þessi er fullr af diöfli.“ Nero mællti: „[Til hvers samni þer orða¹⁷ undanfærslu¹⁸ at²⁰ mer?¹⁹ sa dagr er eptir þenna kemr mun yðr²⁰ prófa.“ Simon mællti: „Truir þu, hinn goði cesar, at ek se galldramaðr, þar sem ek var dauðr ok reis²¹ upp?“ [Simon hafði brugðit líki sínu æ hrut einn ok latit hann halshoggva, en la sialfr i leynum til ens þriðja dags, ok at brott teknum hrutzins bol ok hauðði²⁵ kom hann fyrir Neronem ok sagðiz af dauða risinn, sem fyrr segir. Ok af þessu mællti Nero: Hinn næsti dagr mun yðr prófa²².

23 Nero sneriz þa til Paulum ok mællti: „Heyr mik, Paule, ok seg mer, fyrir hveria sauk þu talar ecki, ok hverr var þinn lærifaðir, ok hvilika kenning bauðt²⁴ þu fram i borgum eða³⁰ kastalum, eða hvilikir urðu þeir²⁵, sem þik heyrðu, fyrir þína kenning? Ok fullkomliga hygg ek þik vera fyrir²⁶ utan alla speki, ok eigi trui ek þik nóckurn krappt mega vinna.“

1 [hugsan sérhverra manna *B.* 2 sialfr *B.* 3 [sneriz þa til Paulum ok mællti *B.* 4 fara *B.* 5 þer *A*¹. 6 [mun þat skíott steypaz *B.* 35 7 [sinu (!) ríki *A*¹. 8 vegsemð *A*¹. 9 [guðs son *B*¹. 10 hveria sök *B.* 11 þeir tilf. *B.* 12 triam *B.* 13 [tilf. *B.* 14 okæna *B.* 15 mun *B.* 16 eða *B.* 17 fullting ok tilf. *A*¹. 18 undanfærlum *B*²; undirfellum *B*³. 19 [mgl. *A*³ *B*¹. 20 ek *A*¹. 21 ek tilf. *B.* 22 [mgl. *A*³ og *B*³. 23 Hinn sami tilf. *B.* 24 bart *B.* 25 Her mgl. 1 Blad 40 i *B*². 26 mgl. *B.*

III. Paulus hof upp sinn signaða¹ munn sva til orðz tak-
andi: Hyggr þu, at ek virða makligt eða viðrkvæmiligt at tala
skynsemð við otrufullan mann ok vitstolinn², illan ok galldrafullan,
þann sem sialfs sins önd hefir dæmða³ til eilífs ufagnaðar⁴, þess
5 er honum mun skiott at hendi koma, ok liugandi segir sik þann
vera, sem eigi er hann, ok með sinni fiolkyngi lockar andir manna
i eilífa⁶ tapan. En ef þu vill⁷ heyra hann eða veria hans mal,
mant þu tyna önd þina⁸ ok tapa ríki þínu, þvíat þessi Simon
er hinn versti maðr. Ok sva sem Jamnes ok Mambres leiddu
10 Pharaonem ok annan egiptzkan lyð i villu, til þess at þeir
drektuz⁹ i enum rauða sio, kennir þessi maðr með fiandans
prettum¹⁰ fauður sins marga illa luti, ok gerir fyrir¹¹ fiolkyngi
ok með auðrum¹² illum vælum¹³, þeim sem með monnum nemaz¹⁴,
svikiandi marga uvara menn til fyrirdæmingar þins¹⁵ ríkis. En
15 ek bið [með sorgfullu hiarta hinn¹⁶ helga anda, at þat diöfulsins
sendiboð, sem¹⁷ ek se fyrir þenna mann steyp¹⁸ vera ok dreift
um alla verolldina, megí skiott [birt verða¹⁹, hvilíkt er. Því at
sva sem hann heitr sik með engla hondum munu upp hefiaz til
himinríkis, mun hann steypaz²⁰ til hins neðra²¹ helvitis, þar sem
20 gratr er ok gnisting²² tañna. En þar sem þu spurðir mik at
kenningu mins meistara, vil ek þer kunnígt gera, at hana taka þeir
einir, er²³ hana heyra með hreinu briosti. Þa luti kenda ek
folkinu, at allir helldi frið sin i milli ok ast, ok fra Hierusalem
kenda ek þessa kenning allt til borgar þeirar, er Iliricum heitir.
25 Ek kenda alþýðu at elskaz sin i milli; ek kenda yfirmonnum²⁴ ok
auðgum monnum at elska eigi yfirgirnd eða ofmetnat, ok at
setia eigi ván sina i ovisum auðæfum, helldr undir guði; ek kenda
meðalmonnum at una við einfallda [atvinnu matar²⁵ ok klæðnaðar;
ek kenda fataekum²⁶ monnum at fagna sinni fataekt; ek kenda
30 feðrum at kenna sonum sinum sannan guðs ótta; ek kenda
sonum at hlyða heilræðum feðra sinna; ek kenda [eignaðum
monnum²⁷ at luka skatta²⁸ með skynsemi; ek kenda kaupmonnum

1 blezaða *B*³, *mgl.* *B*¹. 2 orventan *B*. 3 fyrirdæmda *B*. 4 ofarna-
aðar *B*¹. 5 þat *B*. 6 endalausar *B*. 7 villt *A*²³ *B*⁵. 8 saal *A*¹³ *B*¹;
35 þinni *A*² *B*³. 9 i eilífum dauða *tilf.* *B*. 10 hreckvise *B*. 11 fyrir
folkinu meðr *tilf.* *B*¹. 12 ollum *B*. 13 velum *B*. 14 veniaz *A*². 15
sins *B*¹. 16 [sutfullr i hiarta með hinum *B*. 17 er *B*. 18 verða *B*.
19 [birtaz *A*³. 20 með svortum dioflum *tilf.* *B*³. 21 neðsta diups *B*.
22 gnistingar *B*. 23 sem *B*. 24 fyrirmonnum *B*. 25 eignar *A*²;
40 [eign atvinnu *B*. 26 eiginlausum *B*¹; þurfa *B*³. 27 [saal *B*¹; eignar-
monnum *B*³. 28 [boudum at luka (lífa *A*²) *A*.

at luka vel skulldir¹ ok skipleigur; ek kenda öllum þessum at luka vel leiðangra ok landzskylldir þionum valldzins; ek kenda husfreyium² at elska eiginbændr³ sina ok ottaz þa sem herra⁴; ok kenda bondum⁵ at hallda æ þa leið tru við eiginkonur⁶ sinar, sem þeir vilja⁷, at þær halldi⁸ við þa; ek kenda þeim, at þat⁹ sem eiginbondinn pinir með konunni, ef hun horaz liggiandi með auðrum manni en sinum, pinir guð með bondanum, ef hann horaz liggiandi⁹ með annarri konu en sinni; ek kenda herrum¹⁰ at vera miukum við þræla sina; ek kenda þrælum at þiona truliga¹¹ herrum sinum ok ottaz þa sem guð; ek kenda kristnum monn-¹⁰ um at göfga einn guþ almatkan ok usyniligan. En þessi¹² kenning var mer eigi af monnum kend helldr fyrir Jesum Krist ok fauður dyrþar, þann sem mik kallaði af himnum, ok sa hinn sami drottinn minn Jesus Kristr mællti við mik, þa er hann sendi mik at predika: Ek mun vera i þer lifs andi öllum æ mik tru-¹⁵ andum, ok ek mun oll þin orð ok verk rettlata gera.⁶

112. Nero sneriz þa til Petrum ok mællti: „Hvat segir þu, Petre?“ Hann svaraði: „Allir lutir ero sannir, þeir sem Paulus hefir sagt, þviat mörg ær ero liðin, siðan ek heyrða fra honum¹³ sagt af minum byskupum, þeim sem¹⁴ ero i ollu Romariki¹⁵, ok²⁰ þeir skrifuðu til min af orðum hans ok verkum, þviat hann hafði verit i fyrstu ofsoknarmaðr¹⁶ Kristz truar ok rettz lögmals. Eptir þat kallaði hann raudð af himni, su er honum kendi allan sannleik, fyrir þa sauk at hann hafði eigi fyrir ófund helldr fyrir ovitzku verit uvin varrar truar. Ok því at fyrir oss voru falskristar slikir²⁵ sem Simon ok falspostolar ok falsspæmenn, þeir sem onyta villdo helgar bækr ok eyða sannleikinum, af því var nauðsyn, at þvilikr maðr sem Paulus er, væri sendr at þreyta við þessa menn, þar sem hann hafði ecki annat giort fra¹⁷ barnæsku¹⁸ sinni en at skoða vandvirkliga stormerki guðligs lögmals, þau er hann lærðu¹⁹ til³⁰ þess at vera varnarmaðr sannleiksins, sva sem aðr var hann framflytiari²⁰ falsleiksins, en nu niðrbrotzmaðr þess sama falsleiks. [Ok því at hans hernaðr æ Kristz vini var eigi fyrir ófund²¹ helldr fyrir vernd lögmals, talaði sialfr sannleikrinn til hans af

1 Her falder en Lacune i B³. 2 husfrum B. 3 bændr B. 4 drottina 35 B. 5 eiginbondum B. 6 husfrur B. 7 villdi B. 8 helldi B. 9 mgl. B. 10 herramönnum B. 11 saal. B; miukliga A. 12 þessor A¹. 13 tilf. B. 14 er B. 15 Romavellði A²³, Romveriað allði B. 16 ofsekiari B. 17 Her beg. atter B². 18 bernsku B. 19 lærði A¹ B³. 20 framflytiandi B¹. 21 aufundar sakir B.

himni með þessum orðum: Ek er sannleikrinn, sa er þu verr at þinni þyckiu. Lat¹ af at stríða æ mik, því at ek em sa er þu stríðir æ, þa er þer syniz sem þu stríðir i² moti uvinum sannleiksins³. Ok þa er hann kendi hvat rett var, fyrirlet hann þat sem
5 hann [hafði aðr varit⁴, fylgiandi⁵ [þeim sem aðr hafði hann a barit⁶, ok geck guðs götu, þvíat hann er lifs gata ollum fyrir sik gangandum, sannleikr ecki liugandum ok eilíft líf öllum rett truandum.

113. Simon mælti þa: „Heyr mik, hinn goði cesar⁷, ok
10 skil, hvilikan⁸ motblastr þeir veita⁹ mer með einu samþycki. Ek em sannleikrinn, en þessir menn skilia at moti mer.“ Petrus mælti: „Engi er sannleikr i þer, ok af einni saman lygi talar þu allt ok giorir.“ Nero mælti þa: „Hvat segir þu, Paule?“ Hann svaraði: „Þat sem þu heyrir af Petro, tru þu min orð vera,
15 við höfum einn skilning, þvíat við höfum einn drottin Jesum Krist.“ Simon mælti: „Hyggi þer, herra, at ek mega disputeran¹⁰ fram koma i moti þessum monnum, er samband hafa gort [at fyrirkoma¹¹ mer?“ Eptir þat sneriz hann til postolanna sva mælandi: „Heyrit mik, Petre ok Paule! Vitit þat til viss, at
20 [ver .iii. munum¹² þar koma, sem ek mun yckr dæma, þo at nu mega ek yckr ecki¹³ gera.“ Paulus mælti: Heyr nu¹⁴, hinn ægiæti cesar⁷, hvilikum ógnum hann heitr ockr fyrir.“ Petrus mælti: „Fyrir hvi gabbar¹⁵ þu eigi at vitstolnum manni, þeim er sva hafa diöflar leikit¹⁶, at hann hyggz eigi munu opinberr
25 verða?“ Simon mælti: „Giðrit¹⁷ mer þackir fyrir þat er ek þyrmi yckr, þar til er ek syni minn mátt.“ Paulus mælti: „Sva talar þu um¹⁸, sem þu munir usakaðr undan komaz.“ Petrus mælti: „Eigi mun Simon trua, at hann se eigi Krist¹⁹, nema hann siai krapt drottins Jesu Kristz.“ Simon mælti þa: „Heyr
30 mik, hinn hæsti cesar⁷, ok hirð eigi at trua þessum monnum, þvíat þeir gera bæði, hafa skurðarskirn en neita²⁰ hana þo auðrum²¹.“ Paulus mælti þa: „Aðr en við kendum sannleikinn, toku við likamliga skurðarskirn, en síðan hann birtizt, hölldum við ok veitum auðrum hiartaliga skurparskirn.“ Petrus mælti: „Hvi hefir

35 1 Lett B. 2 at B¹; aa B². 3 veritatis A¹; [mgl. A³. 4 rettet; verit A²³ B¹, gert B². 5 [var fylgiandi aðr A¹. 6 [mgl. A¹². 7 keisari B¹. 8 hve mikinn A¹. 9 hafa i moti A¹. 10 disputan B. 11 [i moti A². 12 [nær .iii. manudum mun B¹. 13 mein tilf. A¹. 14 mik B. 15 skulkar B. 16 at tilf. B. 17 Gefit B. 18 Simon tilf. B. 19 guð B¹. 20 veita B¹. 21 mgl. A³.

Simon tekit skurðarskirn, ef hun er ill? Nero mællti þa: „Ok hefir Simon skurðarskirn? Petrus mællti: „Til þess tok Simon skurðarskirn, at hann mætti framarr bleckia andir ebreskra manna, ef hann syndi sik vera gyðing² ok leti sem hann kendi guðs lögmal.“ Nero mællti: „See ek, Simon, at reiði ok ófund 5 hiarta þins leiðir þik æð at stríða upp æ menn þessa, þvíat ek see, at mikil ófund er milli þin ok Kristz þeira, ok því ottumz ek, at þu verðir yfirkominn af þeim ok uppgiðrr sakir margra illra luta.“ Simon mællti: „Sviknir erut þer nu, herra.“ Nero mællti: „Hvat er þat er þu mælir, sviknir ero þer, nema fyrir 10 þat er ek talaða⁴ þat frialsliga, sem ek se opinberliga⁵, at þu ert fiandmaðr Petri ok Pauli ok sva meistara þeira?“ Simon mællti: „Eigi var Krístr meistari Pauli.“ Paulus svaraði: „Sa sem Petrum lærði hiaverandi⁶, lærði mik fyrir vitran sina. En fyrir hvi æsakar þu ockr, Simon, um skurðarskirn, þar sem þu 15 hefir hana? Seg þat fyrst, af hverri sok þu tokt hana?“ Simon mællti: „Hvar fyrir [spyr þu⁷ mik þessa?“ Paulus mællti: „Þvi at skynsemd er til, at þu ser þessa spurðr.“ Nero mællti: „Hvi roðnar þer kinn at segia þetta?“ Simon mællti: „Þvi tok ek skurðarskirn, at hun var i þann tíma af guði boðin, er ek tok 20 hana.“ Petrus ok Paulus mællto: „Heyrit, herra, hvat Simon⁸ segir! Ok ef skurðarskirn er goð, hvi letz þu, Simon, hrinda þeim af bergi⁹ til bana, er hana höfðu tekit?“ Nero mællti: „Eigi kem ek enn¹⁰ goðri þyckiu æ yckart¹¹ mal.“ Petrus ok Paulus svöruðu: „Þat er engis¹² vert, hvern þokka¹³ þu leggr 25 æ ockart mal, en þat er nauðsyn, at fyrirheit meistara ockars komi fram.“ Nero mællti: „En ef ek vil þat eigi?“ Petrus mællti: „Þinn vili mun eigi fram koma, helldr fyrirheit hans.“ Simon mællti: „Heyrit mik, goði herra! Þessir menn sitia um yðra milldi ok hafa bundit sik i sinum svikum¹⁴.“ Nero mællti: 30 „Eigi hefir þu staddan utveg gert fyrir [þínu mali¹⁵.“ Simon mællti: „Undrumz ek, sva marga¹⁶ luti, sem ek hefi þer synda, ok stormörg takn fyrir þer giort, ef¹⁷ þer syniz enn at efa¹⁸ um minn guðdóm.“ Nero svaraði: „Eigi efa¹⁸ ek ok óngum yðrum trui ek, en þu svara mer því framarr um þat, sem ek spyr þik.“ 55

1 mgl. A³ B. 2 Juda B; guðniðing A¹. 3 mgl. B. 4 tala B. 5 berliga B. 6 saal. A¹ B¹; hiaveranda A²³ B². 7 [spyr þit B. 8 hann B. 9 mur B. 10 mgl. B¹. 11 yðvart A¹. 12 lutar tilf. B. 13 þotta B. 14 við yðr tilf. B¹. 15 [þer B¹. 16 goða tilf. B. 17 at B. 18 ifa B.



Simon mællti: „Óngu mun ek andsvara þer.“ Nero mællti: „Þvi villtu ecki segja, at þu veitz þik liuga. En þo at ek mega þer ecki gera, þa giðri guð þer¹, þviat hann ma.“ Simon mællti: „Engi svör² muntu at sinni af mer fá.“ Nero mællti: „Þa mun
5 ek ok³ ætla þik engis⁴ verðan, þviat mer skilz, sem þu ser lyginn um alla luti. En hvat þarf her [langt tal⁵, þer allir hafit ustöð-
ugan⁶ syndan yðvarn hug. Slikt sama hafit þer gert⁷ minn hug efanligan i öllum lutum ok uvitanda, hveriu ek skal um⁸ trua.“
Petrus mællti: „Aa einn guð fauður skapara allra luta ok æ
10 Jesum Krist heimsins hialpara⁹ ok hinn helga anda, þann er smiðaði himin ok iorð, sio ok alla þa luti, sem i þeim ero, predika ek truanda, af þvi at hann er sannr konungr¹⁰, ok eigi mun endir verða æ hans riki.“ Nero mællti: „Hverr konungr er drottinn?“
Paulus svaraði: „Hialpari allra þioða.“ Simon mællti: „Ek em
15 sa sem¹¹ þu talar af. En þat vil ek segja yckr, Petre ok Paule, at þit skulut þat alldri fa, sem þit girniz, at ek gera yckr pislavátta.“
Postolarnir svöruðu: „Alldri se þer gott, hinn illi Simon, þviat þu ert fullr af gölldrum ok beiskleik illrar samvitzku.“
Simon mællti: „At þu vitir, hinn goði herra, þessa menn vera
20 falsara en mik af himni sendan, mun ek æ morgin til himins stiga, at ek gera þa sæla, sem mer¹² trua. En þessum, er þoran hafa til mer at neita, mun ek syna reiði mina.“ Petrus ok Paulus svöruðu: „Laungu vissum við, at guð kallar ockr til sinnar dyrþar, en þu ert af diöfli kallaðr ok skundar¹³ til pinslar.“
Simon
25 mællti: „Herra, latit þessa menn skilia fra yðr, sem höfutærir ero, at þa er ek kem til fauður mins, mega ek þer liknsamr¹⁴ vera.“ Nero mællti: „Hversu megu ver þat profa, at þu farir til himins?“
Simon mællti þa: „Lat þu turn gera harðla háfan af viðum storum, ok mun ek stiga upp i hann, en þangat munu
30 englar minir til min koma af¹⁵ loptinu, þviat þeir megu eigi syna sinn mátt æ iorðonni milli syndugra manna.“ Nero mællti: „Giarna villda ek sia þik fylla þetta¹⁶ fyrirheit.“ Hann let þa gera háfan turn æ velli þeim, er Marcius er kallaðr, ok bauð ollu folki ok ollum valldzmonnum, [at þeir kæmi¹⁷ at sia [þa atburði ok
35 æfintyr, sem þar giörðiz¹⁸.

1 *mgl. B.* 2 andsvor *B.* 3 *mgl. B.* 4 *saal. A³; einskis A²; einkis B; litils A¹.* 5 [*saal. A¹²; langt um A³; tal at lengia B.* 6 *ustaðuligan A¹.* 7 (*við tilf. B¹*) mik gert ok *B.* 8 *mgl. B.* 9 *græðara B².* 10 *saal. B; guð A.* 11 *er B.* 12 *aa mik B².* 13 *stundar A²³.* 14 *liðsinnaðr B.*
40 15 *or A¹.* 16 *þitt tilf. B².* 17 [*tilf. B.* 18 [*a þetta (hit fakunnliga tiltæki ok syni tilf. B²) B.*

114. A tilskipaðum degi kom uteliandi¹ fioldi folks eptir boðskap² Neronis at sia uppstigning Simonis. Nero let ok þangat kalla Kristz postola Petrum ok Paulum. Ok³ þeim þangat⁴ komnum mællti Nero: „Nu mun sannleikrinn birtaz fyrir Simone.“ Petrus ok Paulus svara: „Eigi munu við Simonem beran gera, helldr drottinn⁵ Jesus Kristr guðs son, sa sem Simon letz vera, en er [með öngu moti⁵.“ Paulus mællti þa við Petrum: „Mitt er at biðia guð með beygðum⁶ kníám, en þitt er valldz at neyta, ef þu ser Simonem kosta sitt fyrirheit at fullgera, þviat þu vart fyrri kosinn af guði.“ [Paulus gerði þat⁷ sem hann hafði talat, en Petrus leit við Simoni sva mælandi: „Lat fram koma þitt fyrirheit, þviat nu nalgaz þin skemð ok kallan ockur Pauli, ok nu se ek drottin Jesum Krist kallanda ockr.“ Nero mællti: „Ok hvert hyggiz⁸ þit⁹ fara i moti minum vilia?“ Petrus svaraði: „Þangat¹⁰ sem drottinn [Jesus Kristr¹¹ hefir kallat ockr.“ Nero mællti: ¹⁵ „Hverr er drottinn yckarr?“ Petrus svaraði: „Drottinn [varr er¹² Jesus Kristr, hann se ek nu kalla [mik ok¹³ Paulum.“ Nero mællti: „Ætlit þit ok til himins at fara?“ Petrus svaraði: „Við förum þangat, sem sa vill, er ockr kallar.“ Simon mællti: „At þu vitir þessa menn vera lygna en mik sannorðan¹⁴, man ek, ²⁰ iafnskiott sem ek hefi til himins stigit, lata koma engla mina til þin ok flytia¹⁵ þik til min.“ Nero mællti: „Giör sem þu heitr¹⁶.“

Simon steig¹⁷ þa upp i [turn sinn¹⁸ berandi a höfði koronu beygða af þeim viði, er Laurus heitir, æ sigrvegara hátt i skinanda klæði, ok með tilsömdum¹⁹ vængium tok hann flug at beina ²⁵ með baðum hondum at fulltingiandum diöfulsins englum²⁰, þeim sem hann fluttu i háleik²¹ loptzins. Folkit tok nu²² miok at undraz, sva at margir mælltu²³: „Guðs mátt²⁴ er þetta en eigi mannz at fluga [i lopt upp með likama²⁵, ok ecki gerði Kristr þessu likt.“ Nero mællti þa: „Sannorðr maðr er Simon þessi, ³⁰ en Petrus ok Paulus ero [sviksamir við mannfolkit²⁶.“ Petrus mællti þa til hans: „Utan²⁷ dvöl muntu sia, at við Paulus erum

1 otölulígr B². 2 boði B. 3 At B¹; Ok at A². 4 þar B. 5 [eigi A²; allz ecki A³. 6 likama ok tilf. A². 7 [Eptir þat gerði Paulus B. 8 ætlit A¹. 9 at tilf. B¹; munu tilf. B². 10 þannig A¹². 11 [minn B. 35 12 [tilf. B. 13 [ockr A¹. 14 sannsöglan A³ B. 15 flyti þeir A¹. 16 mælir B. 17 ste B. 18 [turninn B. 19 saal. B; sömum A. 20 arum B. 21 hæð A³. 22 þa B. 23 þessum orðum tilf. B². 24 kraptr B. 25 [i lopti A³; með likama A² B. 26 [svikarar mannfolksins B. 27 An B.

[sannorðir Kristz¹ lærisveinar, en Simon er eigi Kristr, helldr galldramaðr ok fiolkunnigr.“ Nero mællti: „Ok enn halldit þit æ yckarri lygi, ok siait þit hann nu til himins stiga.“ Petrus mællti ok leit til Paulum: „Paule broþir, lit nu upp ok se², hvat nu geriz.“ Ok er hann [leit upp með társtocknum augum, sa hann Simonem³ hátt fliuganda, ok mællti sva: „Hvi lettir⁴ þu af, Petre? Gior þat sem þu tokt upp, þviat nu kallar ockr drottinn Jesus Kristr.“ En Nero skelkiandi mællti sva við postolana: „Nu sia þessir menn sik yfirkomna ok gabbaz þo um at hvaru.“

10 Petrus mællti: „Nu muntu skiott sia, at ockur orð ero eigi gabb.“ Paulus mællti þa við Petrum: „Giör nu þat sem þu hefir ætlat.“ Petrus stoð þa upp ok mællti at heyranda folkinu: „Heyrit þer diðfuls englar⁵, er Simonem berit i loptinu til þess at bleckia hiörtu otrufullra⁶ manna, ek særi yör fyrir þann guð, er alla luti

15 skapaði, ok fyrir son hans Jesum Kristum, þann sem hinn sami guð reisti upp⁷ æ þriðia degi, at þer berit hann eigi lengr, helldr látit þer hann lausan æ þessarri stundo. Ok nu heyr mik, drottinn Jesus Kristus, ok syn Simoni, at hans iþrottir ero hegomligar, at eigi bleckiz sa lyör æ þetta litandi, er þina tru mun taka, falli

20 hann, [sva at lifandi kenni hann⁸ sik [öngvan mátt hafa⁹.“

Við þessi orð Petri vöfðuz vængir Simonis, þeir sem hann hafði ser samða¹⁰, fell hann af loptinu ok kom niðr æ flora steina æ þeiri götu, sem¹¹ heitir Via Sacra, allr lamör en eigi dauör i fyrstu. Ma enn sia þessa steina, segir sa er söguna ritaði, til

25 vitnisburðar postolligs sigrs. En Simon var fluttr þangat sem Aricium¹² heitir ok do þar. Þettar sannar Augustinus sva mælandi: „Petrus setti sigraðan Simonem af loptzins hæleik¹³ ok lamði leggi hans æ steinum honum til brigzla, at hann tyndi fótunum, þviat hann tok vængina en misti gongunnar, siþan hann

30 freistaði flugarins¹⁴. Polinmæði Petri [fyrirbauð honum eigi¹⁵ hátt at fliuga, at hann mætti hættliga falla ok ollum hiaverandum at augnabragði¹⁶ verða. Nero let þa¹⁷ varðveita likama Simonis með hinni mestu vandvirktr truandi hann mundu upp risa æ

1 [sannsóglir guðs *B*. 2 *saal*. *A*¹ *B*¹; sia *A*²³ *B*². 3 [leit upp, saa hann Simonem með taarstocknum augum *A*²; leit upp, sa hann Simonem *A*³; hof upp hófuðit, leit hann Simonem með tarstocknum augum *B*. 4 lætr *B*. 5 ærir *B*¹; arar *B*². 6 otruaðra *B*. 7 af dauða *B*. 8 [*saal*. *B*; at hann kenni *A*¹; sva at hann kenni *A*²; sva hatt at hann kenni *A*³. 9 [eck mega *B*². 10 samit *B*. 11 er *B*. 12 Arietum *B*¹. 13 hæð *B*. 14 flugsins *B*¹. 15 [leyfði honum *B*. 16 augabragði *B*. 17 *mgl*. *B*.

þriðia degi. En Petrus mællti: „Eigi mun Simon upp risa, þviat nu er hann sannliga¹ dauðr ok fyrirdæmðr til eilifra kvala.“ Nero mællti: „Hver sauk var² til þess, er þu framðir sva mikiun glæp?“ Petrus svaraði: „Kapp³ hans. Ok ef þu skilr rett, matt þu lita, at honum var mikit veitt i þvi, at hann dæi, at eigi⁵ aukaði⁴ hann guðlastan yfir guðlastan til margfallðanar sinna pislá.“ Nero mællti: „Grun saman hafit þer⁵ gervan minn hug, ok þvi skal ek ykk með illu dæmi fyrir fara⁶.“ Petrus mællti: „Engis⁷ er verðr þinn vili, en þat verðr fyrir nauðsyn fram at koma, er⁸ ockr er fyrir heitit.“

10

115. I þenna tíma var sa hofþingi yfir Judea, er Florus het. Hann kvaldi Gyþinga⁹ æ marga vega, ok at hiaverandi Veronice¹⁰ drottning systur Agrippe konungs, er til Jorsala hafði komit at [vegsama guðs mustari¹¹ æ hatiðligum¹² degi, til þess at hann mygði allri mekt¹³ Gyðinga ok fyrirkvæmi þeira þriotzku, ¹⁵ let hann taka marga virðuliga menn ok huðstrykia suma opinberliga en hengia suma æ krossa. Þessa vanvirðu þoldu Gyðingar eigi ok villdo helldr falla i orrostum en liggia undir allzkyns vanvirþing ok kvolum. Fyrir þessa sauk lettú þeir vapnum i mot Romverium ok unnu sigr i fyrstum orrostum. Sem¹⁴ þessi¹⁵ típindi ²⁰ komu i Romam, fiandskapaðiz Nero æ allt kyn ebreskra manna bæði af sauk Simonis, sem nu var greint, ok af nu sagþri uhlyðni Gyðinga¹⁶. Lypti¹⁷ hann fyrst vópnum i moti kristnum monnum æ .xiii.^{ta} ære rikis sins, ok þa drap hann Senecam fostra sinn ok meistara, hinn ægiætazta mann ok höfutvin Pals¹⁸ postola, fyrir ²⁵ þat er hann villdi eigi hallda [dom um¹⁹ Evellium²⁰ raðunaut sinn, þann er at senni staðfesti Torpetis pislarvatiz truði Kristi. En þvi at þessi sami Nero fullr saurlifvis²¹, leti ok lostasemi þorði eigi i orrostur at ganga, þott [hann veri²² vanr nípingsverkum hversdagligum²³, var Vespasianus sendr, sa er þa var formaðr ³⁰ herliðs Romveria, at leggja²⁴ ofdramb Gyðinga²⁵, ok Titus son hans. En sialfr Nero saddiz eigi [æ illvirkium sinum²⁶, helldr

1 senniliga B. 2 er B. 3 Kepping B. 4 yki B. 5 þit B. 6 fara A²; tapa B. 7 Einskis A²; enkis B. 8 sem B. 9 Juda B. 10 saal. A¹² B¹; Veronika B²; Beronice A³. 11 [saal. B; templum domini A. 35 12 hatiðar A². 13 slekt A². 14 En þa er B. 15 þessor A¹. 16 Juda B. 17 Letti B. 18 Pauli B. 19 [saal. B²; domum (dettium A¹) ok øvr. 20 Avellium B¹, Ovellium B². 21 fullifis A²³ B¹. 22 [mgl. B. 23 hversdagliga A¹. 24 legia A³ B. 25 Juda B. 26 [af illvirkium A³.

let hann með eitri drepa alla senatores, sva at ulyfiani var kastat i mat þeira at veitzlum. Hann let ok leypa dyrum æ mug mannz [at þeim uvörum ¹, hann let ok leggja elld i borgina, [hann letti ok eigi af því sakir iðranar helldr fyrir sakir framkvæmpar-
5 leysis ². Ok þvílikan höfðingia þoldi heimrinn um .xiii. ær[, en letti af ser um siðir; gerðu Galli odd æ liði um þat ³, þeir heita nu Franzeisar. Ok til þess at eigi at eins væri hann uvin mann- kynsins helldr ok þar æ ofan ⁴ guðdómsins, let hann [i bønd setia ok siðarr ⁵ af lifi taka Petrum ok Paulum höfþingia postol-
10 anna, merkismenn ok oddvita himneskrar herferðar, sem nu skal segia.

116. En af því at eigi fær allt sagt i senn, verðr þa luti at segia i þessum stað, er iafnfram gerðuz, ok sumir fyrr, en sumir siðarr. Ok af því at ver höfum eigi staðhaugg æ, nær [þessi atburðr
15 gerðiz ⁶, ritum ver her orð eptir orð, sem sannligt ⁷ er at vorþit hafi.

117. A einum tima kallaði sæll Petrus saman mikit folk ok hóf sva sina tölu at tilkölluðum ⁸ sælum Clemente: „Heyrit mik, bræðr ok samþrælar minir, þvíat ek vil yðr þat kunnigt gera, at drottinn Jesus Kristr, sa er mik sendi at predika sanna tru, hefir
20 birt mer [dauðadag minn ⁹. Ok af því skipa ek [þenna mann ¹⁰ Clementem byskup i minn stað at hallda upp minni ¹¹ predikan ok kenningum, þvíat hann hefir verit með ¹² mer fra upphafi til enda i ollum lutum trur ok tryggr forunautr, ok veit ¹³ þar fyrir alla mina röksemð. Hann hefir i öllum minum mannaunum fyrir
25 aðra menn mer truliga fylgt, ok hann reynda ek rettliga [guð gofganda ¹⁴, skirlifan, giarnan gott at nema, hófsaman, goðgiarnan, rettlatan, þolinmoðan, [visan ok vitran ¹⁵ at bera meingiorðir af þeim, sem hann lærir með guðs orði. Fyrir því fæ ¹⁶ ek honum [valld til ¹⁷ at binda ok at leysa, þat sem mer var af guði gefit ¹⁸,
30 at allir lutir, þeir sem hann dæmir æ iorðo ok lögtekr, se staddir æ himni, þvíat hann mun [þat eitt i lög taka eða binda, sem bindaz ¹⁹ æ, ok þat leysa, sem leysaz æ.“ Eptir þetta leiddi

1 [a einu moti at ovörum B². 2 [aflettandi eigi fyrir iðran helldr fyrir framkvæmdarleysi B. 3 [þar til er Galli risu i moti A². 4 ovin tilf. B².
35 5 [mgl. A³. 6 [þessir atburðir gerðuz B. 7 sönnu likt A². 8 hia- veranda A¹. 9 [dauðadægr mitt A¹; at nalgiz dauðadagr minn B. 10 [tilf. B. 11 eptir mik B. 12 mgl. A²³. 13 hann tilf. B². 14 [saal. B; guðs (giafar tilf. A¹) gefanda A. 15 [kiænan at B²; mgl. A³ B¹. 16 sel B. 17 [þat valld A² B; valld A³. 18 fengit B¹. 19 [binda
40 þat, er binda B.

Petrus hann i sinn stol ok kendi honum innvirðuliga¹, hversu hann skyldi [stiorna viðteknu valldi².

118. Einn tíma sem³ margir lærisveinar voru með hinum sæla Petro [yfir borði⁴, bar sva til, at sa lærisveinn, er Titus het, talaði til hans: „Þar sem allir siukir menn [til þín⁵ færðir verða heilir 5 fyrir þínar bænir, hvi lætr þú Petronillam dottur þína i kór liggja?“ Hann svaraði: „Sva byriaði henni at væri.“ En til þess at guðs kraptr birtiz fyrir sælan Petrum, þa mællti hann: „Ris upp, Petronilla, ok þíona oss?“ Hun reis þegar upp heil. Ok at lokinni þíonostu bauð hann henni at hverfa aptr til reckiunnar⁶. 10 En þa er hon gerðiz algjör i guðs ótta, varð hun heil eigi ein saman, helldr veitti guðlig⁷ milldi morgum heilsuþætr⁸ fyrir hennar bæn. Ok af því at hun var storliga frið synum, villdi [einn valldzmaðr⁹ comes at tign, sa er Flaccus er nefndr, fa hana til eiginkonu ser, ok kom [með því eyrendi¹⁰ til hennar með mikla 15 sveit riddara at flytia hana til sins heimilis. En hun sagði: „Ef¹¹ þu vill mik til eiginkonu hafa, lat æ þriðia degi koma i moti mer hæverskar husfreyiur ok somasamligar meyar, at með þeim mega ek koma i þitt herbergi.“ Flaccus let ser þetta vel lika. Um þessa biðstund var hin sæla Petronilla með sinni fostr- 20 systur Felicula, þeiri sem algjör var i guðs ótta, iðin at heilugu bænahaldi ok föstum. A þriðia degi kom til hennar prestr, sa er Nicomedes het, ok saung þar messu. [At þeiri somu messu¹² tok Kristz mætr Petronilla sacramentum guðligs likama. Eptir þat hneigði hun sik i reckiu ok salaðiz. Fylgðu þær frur ok 25 meyar eptir¹³ guðligri tilskipan, sem Flaccus sendi¹⁴ i moti henni, liki¹⁵ hennar til graptar¹⁶. Eptir þat villdi Flaccus¹⁷ eiga ganga fyrr nefnda Feliculam ok mællti sva [við hana¹⁸: „Vel einn kost af tveim, ver husfru min eða fær fornir goðum várum.“ Hun svaraði: „Þvi mun ek þik eigi eiga, at ek em Kristi helgut, 30 en því eigi blota, at ek em kristin.“ Hann feck¹⁹ hana þa i hendr einum sinum vicario, sa steypiti henni eptir margar pislir i [eina mikla veisu²⁰. En Nicomedes prestr grof likama hennar. Fyrir þat villdi Flaccus neyða hann til blota. Hann neitaði æ

1 einvirðuliga A²³. 2 [styra viðteknu valld (!) ok stiorn B¹; styra sinu 35 valldi B². 3 þa er B. 4 [at snæðingi B. 5 [er til þín ero B. 6 reckiu sinnar B². 7 guðs B. 8 heilsu B². 9 saal. A² B; einvalldz maðr A¹³. 10 [þess eyrendis B. 11 Her mangler 1 Blad i B². 12 [tilf. B. 13 at B. 14 hafði sent A¹. 15 likama B. 16 graptar B. 17 Her ender A³. 18 [til hennar B. 19 selldi B. 20 [hina mestu keytu B. 40

Þessa lund: „Himnaguði færi ek fornir, en eigi skurðgoðum byrgðum i hofum sem¹ i myrkvastofum.“ Fyrir því var hann barðr með blysvipum til bana ok for sva til guðs.

119. Nu af því at ufriðr sa, sem² Nero vakti upp ok aðr er ritat, hitnaði miok i moti kristnum monnum, var hinn sæli Petrus beðinn at fara brott af borginni ok flyia i aðra staði, sakir þess at Nero sviptr sinum kumpan Simonem³ ok hiartaligum astvin leitaði sakagipta moti postolonum Petro ok Paulo kallandi Simonem nauðsynligan mann riki sinu drepinn með fiólkyngi Petri. En Petrus uskelfr⁴ við otta pinslar ok dauða stoð i moti með þessum orðum: „Gott er fyrir guðs sakir at deyia, þess er fyrir allra manna sauk villdi deyia. Þvi mun ek eigi flyia þenna dauða, er inn leiðir ukominn udauðleik, ok liott er, at sæ renni undan pisl sinni⁵, er mörgum predikaði guði at [offra forn eiginligs⁶ likama. Byriar mer fullkomliga at veita varum herra sæmð ok dyrð i sialfs mins pinu.“ Folkit tok með hinni mestu tárauthelling at biðia Petrum fyrirlata sik eigi sva sem æ brotnu skipi at eins uppi maranda millum bylgna ok þiotandi storma ofripar heiðinna manna. Hann sampindiz⁷ þa þeira sorg ok het, at æ næstu nott mundi⁸ hann gera þeira fysi. Ok æn dvöl at lokinni bæn ok heilsaðum bræðrum, tok hann einn saman af borginni at ganga, ok er hann kom til hennar portz, sa hann Jesum Krist renna moti ser. Hann fell þegar til kniæ honum ok mællti: „Minn herra, hvert ferr þu?“ Hann svaraði: „Ek fer i Romam at krossfestaz i annat sinn; fylg mer ok hirð eigi at ottaz, þvíat ek em með þer, allt þar til er ek leiði þik inn i riki fauður mins.“ Petrus tok þa at fylgia [varum herra⁹ fyrirfaranda, ok þa hvarf hann honum at syn. Petrus undirstoð¹⁰ synina, sem drottinn hafði¹¹ fyrirsagt hans pinu, sva sem [guðs son¹² mundi i honum pinaz, [sva sem¹³ hann piniz iafnan i sinum limum, eigi með sárleik pislarinnar, helldr með sampining¹⁴ miskunnarinnar eða haleitleik¹⁵ dyrðarinnar. Eptir þat hvarf hann aptr i borgina.

120. Litlu siðarr let Nero i varðhalld setia Petrum ok Paulum guðs postola. Var þa mikill agi ok ufriðr gerr¹⁶ kristnum monnum, þvíat þeir voru pindir, er fundnir urðu, en flestir leitudu leynd.

1 menn tilf. A¹. 2 er B. 3 mgl. B. 4 oskelför A¹. 5 sins likama B.

6 [forna ok offra eiginligum A¹. 7 sampinadiz B. 8 Her beg. atter B³.

9 [drottni varum B. 10 þyddi sva B. 11 hefði B. 12 [hann B. 13

40 [þviat B³. 14 samtenging A¹. 15 biartleik A¹. 16 ollum tilf. B.

I varðhalldinu toku margir menn tru af orðum postolanna. Voru af þeim Processus ok Martinianus, er síðarr voru pindir, ok aðrir .vii. ok .xl., er pindir voru .xvi.ða kalendas Junii. Margir voru ok aðrir pindir undir Nerone helgir menn í ymsum stöðum, sem Vitalis ok Valeria husfreyia¹ hans, Gervasius ok Prothasius, Nazarius ok Celsus, Timotheus ok Apollinaris, Felix ok Constancia. Hin sæla Perpetua var ok leidd til pislar at æsianda sælum Petro, ok segir Eusebius, at Petrus varð storliga feginn ok kallaði eptir henni merkiandi hana, með eiginligu nafni sva mælandi: „Heyr mik, Perpetua min eiginkona, minnz þu drottins.“ Ok segir¹⁰ Eusebius, at Petrus varð því feginn, er hun var til dauða leidd, at hann virði, sem hun væri af guðligri miskunn til himinrikis kosin ok æ ferð komin til eiginligrs herbergis. Ok þvílíkir voru hiu-skapir heilagra manna ok sva algior [ast guðs valdra vina².

121. Þá³ er faðir allra miskunnsemda ok gíafari goðra¹⁵ ómbuna⁴ vissi kominn þann tíma, er hann villdi leiða sina kærustu vini Petrum ok Paulum or myrkvastofu [þessar veralldar hinnar vólltu⁵ til eilífs ríkis ok óætlanligrar sælu, kallaði fiandinn til sin sinn æskingarson⁶ hinn níðingliga Neronem ok eggjaði hann at slóckva hina liosustu lampa heilagrar kristni⁷ Petrum ok Paulum²⁰ með svivirðligum dauða. Hann samþykkiandi vilia valiðs⁸ meistara kallar til sin Agrippam broður Herodis, þann sem eigi villdi ill verk lata or ætt ganga, ok hefir tal við hann, hvilikan dauða postolonum skal⁹ velia, sva mælandi: „Otrufulla menn er nauðsyn at drepa með illum dauða, því lat þu beria þa til bana með²⁵ [iarnsvipum ok¹⁰ hagþyrni, ok alla þeira eptirlikiara lat þu hafa hefíligar helfarar.“ Agrippa mællti sva: „Eigi litz mer þessi domr skynsamligr.“ Nero mællti: „Hvar fyrir?“ Agrippa svaraði: „Þvi at Paulus syniz usekr, en Petrus syniz bæði otrufullr ok manndrapari.“ Nero mællti: „Seg þu þa, hversu þeim³⁰ skal tapa.“ Agrippa svaraði: „Þat syniz mer rett, at Paulus se halshöggvinn fyrir eina saman otru, en Petrus, er bæði er [otrufullr ok manndrapari¹¹, se krossfestr.“ Þá mællti Nero: „Hit bezta dæmir þu.“ Eptir þat voru postolarnir leiddir fra augliti Neronis. En er Petrus kom fagnandi til krossins, bundo kveliarar¹²³⁵ hann með reipum æ pislartre¹³, at sannadiz Kristz atkvæði[

1 husfru B. 2 [astuð sælla manna B³. 3 Her be. atter B². 4 ambana B¹. 5 [þessarrar veslu veralldar B. 6 tilæskingarson B. 7 kirkiu A. 8 wondz A². 9 ætla eða tilf. A¹. 10 [hórðum B. 11 [fullr otru ok manndraps B. 12 kvalarar B¹. 13 pinslartreit B. 40

þa er hann mælti sva¹: „Retta muntu hendr þinar, ok annarr en² þu mun þik gyrða.“ Ok er þat var giort, mælti Petrus: „Ek bið yðr sendiboða minnar heilsu, snuit krossi minum, þviat drottinn minn Jesus Kristr, sa er af himni steig til iarðar, var hafinn æ rettsnuinn kross; em ek eigi verðr sva at krossfestaz sem minn herra, þviat hann let ser soma at kalla mik af iorðo til himins³, þar fyrir snuit niðr minu höfði til iarþar, en upp fotum til himins.“ Þeir gerðu þa, sem hann bað, annathvart því at guði þotti sva vera eiga, ella fyrir þat at kveliarinn⁴ veitir giarna aukning 10 pislanna⁵. Eptir þat dreif mikill fioldi folks⁶ af borginni i þann stað, sem Petrus var krossfestr, ok toku at bølva Neronem með mikilli reiði, sva at þeir villdo hann inni brenna, en þeir hörmuðu⁷ pining postolans. Petrus fyrirbauð⁸ þeim at gera nöckura⁹ styr-iolld ok sagði þeim, hversu drottinn Jesus Kristr undir figuru 15 sinnar pinu hafði fyrirsagt¹⁰ hans pinu ok inngöngu eilífs lífs. Ok eptir þat mælti hann: „Hirðit eigi þer, bræðr minir, at syta mina pisl, þviat i dag mun ek taka ævðxt minna verka. Talmit eigi kvöl mina, þviat nu ganga fætr minir lífs götu. Þetta er lífs tre, er ek em æ festr, fyrir þetta var niðr brotit dauðans¹¹ 20 veldi. En þu, drottinn Jesus Kristr, er æ þetta tre steig¹² fyrir mer, luk upp augu her standandi manna, at þeir sái huggan eilífs lífs.“ Við þessi orð lauk guþ upp augu þeira manna, sem syttu¹³ pinsl postolans, sva at þeir sa guðs engla standa¹⁴ með koronum samantempraðum af hinum biörtuðum blomum [rosa ok 25 lilio¹⁵, en þeir sa Petrum standa æ hinum hæsta lut rettsnuins krossins takandi þa bok af Kristi, sem hann las af þessi orð, er hann talaði. [Af þessi¹⁶ syn gladduz allir i guðs dyrð rettruaðir menn, en otruaðir menn ok kveliarar¹⁷ flyðu skiotliga ok hurfu sem reyrkr.

30 122. Petrus sa nu, at mörgum þeim, er aðr voru sorgfullir af pinsl hans, var nu birt dyrð hans. Af því mælti hann: „Heyr þu, drottinn minn Jesus Kristr, hinn goði hirðir! Þackir geri ek þer biðandi, at sva sem saupir þeir, er þu selldir mer, samharma i kvöl¹⁸ minni, taki þeir lut með mer af miskunn þinni. Þer 35 fel ek æ hendi sauði, þa er þu selldir¹⁹ mer, en þu, drottinn,

1 [segianda B. 2 eigi tilf. B. 3 himinrikis B. 4 kvalarinn B¹. 5 pislar hans A¹. 6 karla ok kvenna B²³. 7 syttu miok B. 8 bannaði B. 9 neina B¹. 10 fyrirsagða B. 11 diquils B. 12 stett B²³. 13 syrgðu A². 14 tilf. B. 15 [rosarum ok liliorum B. 16 [Við þessa B 17 kvalarar B¹. 18 pisl B. 19 fekt B²³.

veit þeim þat, at eigi kenni þeir sik vera án mer, er æ þik trúa, [þann sem mer veitti¹ fullting, at ek mætta þessi hiðrð styra. Samna þu hana i þitt sauðahus ok varðveit, þvíat þu ert saðning hins eilifa lifs, þer se dyrð um alldir² verallda.“ En er allr sa lyðr er við var staddr sagði Amen, skildiz hinn sæli Petrus við þetta lif, ok var hans ónd til himins flutt af helgum englum, þeim sem aðr birtuz til samlags allra Kristz heilagra, honum til dyrþar lifanda með feðr ok syni [ok helgum anda³ um eilifar alldir allda. Amen.

123. Eptir framför postolans birtuz þeir menn, sem engi hafði [þar sena⁴ ne síæ mátt, ok sögðuz fra Jorsölum komnir. Þeir toku likama Petri [af krossinum⁵ með Marcello, þeim sem Simonem fyrirlet ok sælliga keypti um sína meistara [takandi við hinn sæla⁶ Petrum, ok grofu leyniliga undir því tre, er Therebintus het, i þeim stað, er Vaticanus het, þat er hofsgarðr Apollinis vestr fra Romaborg nær þeiri götu, er sigrvegara gata heitir. En þeir menn, sem sik sögðu fra Jorsölum komna, tóluðu til folksins: „Gleðiz þer ok fagnit, þvíat þer óðluðuz mikla formælendr [ok vini⁷ drottins vars Jesu Kristz, ok vitit [þat, at hinn versti konungr⁸ Nero man eigi⁹ heðan af hallda ríki sinu¹⁰.

124. Nu er fra Paulo¹¹ at segia þa luti, sem aðr ero eigi greindir, at æ .xii.^{ta} ári ríkis Neronis kom hann i Romam, sem fyrr er greint, þangat kallaðr fyrir guðliga vitran. Fann hann fyrir ser i borginni Lucam kominn af Galathia i Grecia, en Titum af Dalmatia. Vurðu þeir honum fegnir, ok hafði hann þa með ser i einni kornlauðu utan borgar, er¹² hann hafði til þess leigða at mega þar kenna kenningar ok tala orð hins eilifa lifs með sinum bræðrum. Hann tok þa til sín at lesa mikinn mannfiolða, ok lögðuz fyrir hann margar andir við tölu rettlatra manna at samverandi¹³ guðligri milldi, sva at frægð hans for um alla landz- bygð, ok hliomr hans predikanar ok heilagleiks um allan hring veralldarinnar. Fyrrum var hann kunnr i Romaborg¹⁴ af taknum ok iartegnum, dasamligri kenning ok miklum heilagleik. Margr lyðr sneriz fyrir hann til Kristz truar af höll Neronis. Vox af því hvern dag rettruaðum monnum gleði ok andligr fagnaðr. En

1 [sva sem þu veittir mer A². 2 veralldir B. 3 [tilf. A². 4 [saal. B; seð A. 5 [tilf. B. 6 [viðr takandi B. 7 [or munni B¹; i augliti B³; mgl. B². 8 niþingr A². 9 [hinn versta konung Neronem eigi mega B. 10 Her ender Saguén i B³. 11 Pali A¹. 12 þeiri sem øvr. 13 samvinnandi B. 14 Romveria valldi B; Romavellid A¹.

drottseti¹ Neronis festi sva framarliga² vinskap við hann, þviat hann sa guðliga vitzku með honum vera, at hann feck varla bundiz at eiga tal við hann; en [þviat hann matti³ eigi viðmælliliga⁴ tala við hann, sendi hann þo Paulo optliga bref⁵, ok Paulus honum teikn⁶ með hans⁷ sendiboðum, ok neytti hans kjerligu tali ok raðagerð i sinum kenningum; ok með þessa mannz röksemð ok kenning Pauli at samveranda⁸ helgum anda varð margfalldat rettttruat folk. En Paulus predikaði i orlofi⁹ ok var heyrðr¹⁰ af mörgum, sva at nœckur rit Pauli las einn meistari Neronis fyrir
 10 honum, ok þar fyrir gerði hann Paulum dasamligan ollum¹¹. Paulus disputeraði¹² ok við spekinga heiðinna manna ok sigraði þa, þvi lögðu margir vitrir menn mikinn hug æ hans kenning. Senatores helldu ok Paulum framarliga i sinum skilningi. En at drepnum þessum manni ok allri sveit senatorum ok uppvöktum
 15 ofriði i moti Gyþingum¹³ ok kristnum monnum ok staðteknum¹⁴ heimolleik hins sviksama¹⁵ Simonis fyrir sauk eiginligrar illzku æ .xii.ta æri rikis sins, tok Nero at magnaz i allri illzku ok at ovirða Paulum ok alla¹⁶ goða menn.

125. A nœckurum degi þa er Paulus predikaði at æliðnum¹⁷
 20 degi fyrir folkinu i einu hæfu lopti¹⁸, bar sva til, at einn ungr maðr skutilsveinn Neronis, Patroclus at nafni, geck heiman fra höllinni til þeirar kornhlauðu af fortólum sinna kumpana, sem Paulus var vanr at predika, [ok girntiz¹⁹ at heyra af honum orð hins eilifa lifs, en fyrir mannfjölda matti hann eigi inn komaz.
 25 Þa steig hann upp æ herbergit ok settiz við einn glugga²⁰ langt fra iorðu skorinn æ herberginu, hugar hans var miok heitr at heyra orð Pauli²¹. En þa er Paulus hafði lengi predikat, seig svefn æ hinn²² unga mann, þviat hann hafði aðr [vel etit²³; ok af þvi at illgiarn diðfull ofundaði þat, er hann villdi giarna guðs
 30 orð heyra, af þeiri sök slo hann²⁴ svefni æ hann; fell hann þa or glugginum ok do þegar. Liopu menn at segia Neroni þenna atburð i þann²⁵ stað, er hann hafði²⁶ laugazt, mest af þvi at

1 meistari B. 2 trunað a ok tilf. B. 3 [þoat hann mætti B. 4 makliga A¹. 5 pistla B. 6 saal. A²; tekinn A¹ B. 7 sættum ok A¹; hans sætum B.
 35 8 samvinnanda B. 9 leyfi B. 10 giarnliga tilf. B. 11 tilf. B²; pullum tilf. B¹. 12 disputaði B. 13 Judum B. 14 i stað teknum B. 15 svikfulla A²; fjölkunniga B. 16 aðra B. 17 liðnum B. 18 snæðingslopti B. 19 [girnandiz B. 20 glugg B. 21 postolans B¹. 22 þenna B. 23 [diarfuga snætt B. 24 tilf. B. 25 þeim B. 26 þann dag
 40 tilf. B.

þessa mannz hafði hann leita látit. Ok at heyrðum dauða Patrocli syrgði¹ hann storliga miok [ok skipaði² annan mann i hans þionostu.

Paulus uvitandi þenna atburð kendi fyrir gipt heilags anda, hvat titt var, ok mællti við folkit: „Nu fann illgiarn andi stað³ til at freista var³, en guð mun eptir sinni veniu snua hans illzku i sina dyrð. Farit þer nu, bræðr minir, ok munut þer finna einn ungan mann þion Neronis cesaris⁴ hátt fallinn dauðan liggia; því leitt þer at flytia hann til min.“ Þeir foru þegar ok fundu hinn dauða ok færðu⁵ Paulo, undrandi hvi hann vissi þenna lut, þar sem⁶ engi sagði honum⁶. Paulus mællti þá: „Nu mun birtaz trua yður við drottin Jesum Krist, þvíat timi er til, at sáðkorn hins eilifa lifs falli i goða iorð ok beri hundratfalldan ævöxt. Gangit nu til, synir minir, með fullri tru at biðia drottin Jesum Krist, at ónd þessa hins unga mannz hverfi aptr i likama hans, sva at⁷ hann lifi hepan af betr en fyrr.“ Ok er allir hófðu um stund æ bænum legit⁷, mællti Paulus: „Hinn ungi maðr Patrocle! ris upp ok seg, hversu mikla luti guð hefir þer gert⁸.“ Hann reis þegar upp ok lofaði guð, þann er þvilikt valld gefr [sinum monnum⁹, Paulus sendi þenna mann ok aðra, þa sem voru af höll Neronis,¹⁰ fra ser til sins heimilis¹⁰. Foru þeir sinn veg lofandi guð ok fagnandi i hans milldi, þvíat hann gorir þeira vilia, sem hann ottaz, ok heyrir þeira bænir.

En þa er þeir stoðu fyrir durum heim komnir¹¹, sa menn Neronem [miok syrgianda¹² um þenna hinn unga mann. Af því¹² mællto þeir við hann, er hia stoðu: „Hirði eigi yður mikilmennzka at bera þunga¹³ af dauða Patrocli, þvíat hann lifir ok er nu fyrir herbergisdurum.“ Sem¹⁴ Nero heyrði lif Patrocli, þess er hann vissi¹⁵ aðr dauðan, slo æ hann hræðzlu, ok bannaði honum inn at koma fyrir sitt auglit. Um sípir þa er vinir hans aftöldu¹⁵ þetta fyrir honum, var hann inn latinn. En þa er Nero sa hann heilan ok með óngum dauðamorkum, mællti hann með miklum otta: „Hvart lifir þu, Patrocle?“ Hann svaraði: „Minn herra, lifi ek.“ Nero mællti: „Hverr let þik lifa?“ En Patroclus tendraðr með hita rettrar truar mællti með hiartaligri gleði:¹⁵

1 sytti B. 2 [en setti (feck B²) B. 3 oss B. 4 keisara B¹. 5 þeir hann þegar tilf. B². 6 [þetta at engum tilsegianda B. 7 með tarum tilf. B. 8 gerfva A², veitt B. 9 [manninum A², mönnunum B. 10 heima B. 11 komandi B. 12 [or lagi sytanda B. 13 þungan harm A²; þvingan B¹, þyngan B². 14 Ok er B. 15 heyrði B¹.

„Drottinn Jesus Krístr, konungr allra verallda.“ Neroni varð illt við, er hann heyrði guðs nafn, ok mællti við hinn unga mann: „Mun hann ríkja um veralldir ok fyrirkoma ollum heimsins völdum ok ríkium?“ Patroclus svaraði: „At helldr mun hann niðr briota oll heimsins ríki, þau sem undir himni ero, at allir þeir lútir, sem undir¹ himni ero, munu honum þiona, þvíat hann sialfr er konungr konunga ok drottinn drottna.“ Nero varð reiðr við þessi orð ok [slo hann mikinn pustr² ok mællti: „Hvart þionar þu þessum konungi?“ Patroclus svaraði fagnandi: „Visliga³ þiona ek honum, ok hann reisti mik af dauða.“ Barnabas, Justus, Paulus ok Arion af Capadocia ok Festus af Galathia, þeir sem voru þionostumenn hans, mællto þa við hann: „Hvar fyrir slær⁴ þu þenna hinn unga mann spakliga skilianda ok vitrliga ok sannliga andsvaranda því, sem þu spurðir? Vit ok, at ver þionum osigruðum konungi, varum herra Jesu Krísto.“ Þa er Nero heyrði, at þeir kölluðu allir Jesum Kríst usigraðan konung, let hann þa alla reka i myrkvastofu ok æ marga vega kvelia, er aðr hafði hann allmiðk elskat. Hann bauð ok at leita eptir öllum þionostumönnum þessa hins mikla konungs ok bauð, at hvar sem þeir væri⁵ fundnir, skyldi pina þa fyrir utan alla vægð⁶. Voru þæ guðs þionar með einkannligri⁷ [eptirleitán rannsakaðir⁸ af ríkisins þionostumönnum ok tænaðarmonnum⁹ illgirninnar¹⁰, ok margir fundnir ok fyrir Nero-nem leiddir.

[I millum¹¹ þeira var ok Paulus leiddr bundinn berandi fiðtur¹² fyrir Krístz nafni. Horsðu allir bandingiar æ Paulum, sva at utan¹³ alla tilsögn¹⁴ matti Nero marka, at hann mundi vera forstiori riddara hins mikla konungs. Nero mællti þa við Paulum at [tilskildri raun¹⁵: „Heyr nu, maðr hins mikla konungs en minn fangi! hvar fyrir dirfiz þu at fara i Romaríki ok raða þegna ok þionostumenn undan mer, en kalla undir þik riddara or herferð [vars höfðingskapar¹⁶.“ En Paulus fullr af helgum anda svaraði diarfliga, sva at allir mattu heyra, er hia voru¹⁷: „Eigi lesum¹⁸ var riddara or einni saman ríkishyrning

35 1 hinum sama tilf. B. 2 [laust hann mikinn kinnslag B. 3 At visu (skyru B²) B. 4 lyster B. 5 yrði B¹ 6 frest B. 7 innvirðuligri B. 8 [skoðan eptirleitaðir B². 9 saal. B; reiknanar (reiknaðar A¹) monnum A. 10 illgirnindarinnar B. 11 [A meðal B. 12 vana fiotra B. 13 saal. B; um A², mgl. A¹. 14 saal. B; tillögu A. 15 [skildri þessi tilraun B. 16 [minni B. 17 Nerone voru, sva mælandi A² B. 18 leidum A¹.

þinni, helldr or öllum heimi, þviat þat er mer boþit, at öngvan skal ek fra mer reka, þann sem þiona vill eilífum konungi mínum, af hverju kyni sem hann er. Ok þó at þú, Nero, vilir honum þiona ok æ hann rettliga trúa, [muntu eigi¹ iðraz. En i annan stað hirð eigi at trúa því, at auðæfi ok veralldartign þín muni⁵ hialpa þer ok dyrð rikis þíns, helldr Kristz trúa, ef þú vill honum æfinliga hlyðinn vera. Ok þá er þann kemr at dæma lífendr ok dauða, mun hann með elldi eyða allri figuru þessa heims ok veita riddarum sínum þær gíafir, sem alldri munu² þrotna ok fra upphafi heimsins voru bunar um veralldir verallda,¹⁰ ok þó með fara manna vitand skipaþar, ok uti byrgia allan skort.“

Nero varð reiðr við þat, er Paulus sagði heim þenna með elldi mundu eyddan, ok bauð at alla þessa Kristz riddara skyllði i³ elldi brenna, en Paulum dæmdi hann⁴ með raði senatorum, at halshöggva⁵ skyllði sem landraðamenn eptir romverskum⁶ lögum.¹⁵ Hann bauð þá .ii. monnum prefectis⁷ at tign Longino ok Megisto ok með þeim Acesto hundraðshöfþingia, at þeir leti leiða Paulum ut af Roma ok [kalla til mart folk at sia dauða hans, ok leti⁸ halshöggva hann. Ok er Paulus var leiddr fra augliti Neronis, predikaði hann íafnan fyrir þeim, er hannn leiddu.²⁰

126. I annan stað voru sendir speiarar ok þionostumenn Neronis konungs um alla borgina fyrst, ok þar næst um bygbir með [undarligum⁹ skunda¹⁰, at¹¹ skoða með allri vandvirkt eptir kristnum monnum, gripa ok geyma, drepa ok deyða með diöfulsins æggian [hveria, sem fundnir yrði¹². Fell i þessu herlaupi²⁵ mikill fiöldi [Kristz riddara¹³, sva at romverskr lýðr þoldi eigi¹⁴ þessa uhæfu, ok til þess at bleyta illgirnd Neronis gerðu þeir herlaup i hofgarðinn¹⁵ ok villdo briota haull hans, kallandi til hans æ þenna hatt: „Gerit enda, herra, æ hinu urettazta boði, tempru¹⁶ með hætti uskynsamliga æði, vinni¹⁷ þörf olmleiknum,³⁰ at þenia eigi meirr ut mork¹⁸ grimþarinnar¹⁹; vara landzmenn²⁰ tapar þú, þá sem veria Rómveria ríki. Heyrðu, cesar²¹, afla Rome eyðir þú, þeirar er fyrir fiöld²² riddaraliðs var ogurlig öllum

1 [mundir þú eigi þess *B*². 2 megu *B*. 3 með *B*. 4 til dauða *tilf.* 35 *A*¹. 5 höggva *A*¹. 6 hætti ok *tilf.* *A*¹. 7 greifum *A*². 8 [at tilkollundu morgu folki at sia dauða hans leti þeir *B*. 9 öllum *B*². 10 [undarligri skundan *A*¹. 11 ok *A*² *B*². 12 [hverir sem fundnir urðu *A*¹. 13 [kristinna manna *B*¹. 14 lengr *tilf.* *A*¹. 15 hofgarðinum *B*²; hofuðborgina *B*¹. 16 temprit *A*¹. 17 vinnit *A*¹. 18 verk *A*¹. 19 grim- 40 leiksins *B*. 20 landa *B*. 21 keisari *A*² *B*¹. 22 fiolda *B*.

þioðum.“ Nero varð ræddr við kall folksins ok gerði nu annan boðskap, at engi skyllði sva diarfr, at drepi nòckurn kristinn mann eða gerði þeim nòckut mein¹ fyrir utan vitand eða dom sialfs Neronis.

5 127. At veittum ok viðfrægum² þessum orskurði var Paulus leiddr or varðhalldi ok i annat sinn settr fyrir Neronem. Ok er hann sa Paulum, kallaði hann hatt æ menn sina sva segiandi: „Gripit þer, gripit þer hinn versta [mann galldrafullan³, höggvit höfuð⁴ af fordæðu, látit eigi lifa fiolkunnigan mann, tynit⁴ þeim,
10 er mennina gerir vitstolna⁵, takit af iorðunni þann, er umsnýr hiørtum ok hugsan mannanna!“ En Paulus andsvaraði: „Nero, sagði hann, pisl min er um litla stund; eptir hana kemr eilíft lif, þat sem⁶ mer mun gefa hinn eilífi konungr drottinn Jesus Kristus, sa er koma mun at dæma lifendr ok dauða⁷ ok eyða
15 heiminn með elldzbruna.“ Nero mællti þa við fyrr nefnda herramenn Longinum ok Megistum ok Acestum: „Höggvit [þer skiott⁸ höfut af Paulo, at hann næi at skemtaz við hit eilífa⁹ lif, ok viti mik vera usigraðan konung, þann sem hann hefir bundit, sigrat¹⁰ ok af lífi tekit¹¹.“ Paulus mællti þa: „At¹² þu, Nero, eptir minn
20 dauða vitir mik eilífliga þiona usigraðum¹³ konungi, en þik sigraðan, þa er þu þickiz sigra, mun ek lífs synaz þer, síþan höfuð er af mer höggvit, at þu megir skilia, at lif ok dauði þionar drottni minum Jesu Kristo, ok hans er allt ríki, ok hann gefr hverium þat er hann vill, ok hans er allr sigr, ok þann sem hann
25 dyrkar lætr hann [sæmilíga sigraz¹⁴, en hann er einn usigraðr¹⁵ at eilífu.“ Ok eptir þetta var Paulus leiddr til pislar. Þeir Longinus ok Megistus spurðu hann þa: „Seg oss, Paule, hvar konungr sia er, eða hvar vitraðiz hann yðr, eða hversu kendu þer hann, eða hvat goðs veitti hann yðr, til þess at þer elskit hann
30 með sva miklum astarhita, at þer vilit með [öngum kosti¹⁶ láta af yðrum sið til þess at hallda nytsemð þessa lífs, helldr virðit þer hverri skemtan skemtilígra ok hverium sætleik sætara at þola sárar pinslir ok dauða fyrir hans skyll, en þat syniz oss mikil villa at hafna skemtan ok lífi en faðma¹⁷ með allri girnd
35 pisl ok dauða.“

1 til meins B. 2 saal. A; viðfrægum B¹, viðfrægdum B². 3 [galldra-mann B. 4 tapit B. 5 vitstola A². 6 er B. 7 líðna B. 8 [sem skiotaz B. 9 saal. B; elfta A. 10 sigraðan A¹. 11 tekinn A¹. 12 Til þess at B. 13 udraðligum A². 14 [mikilvegliga sigra B. 15 kon-ungr tilf. B. 16 [öngu moti B¹. 17 fagna A¹.

128. Paulus lauk þáa upp sinn signaða munn ok mælti: „Heyrit þer hiartagoðir menn ok auflgaðir með skilrikri skynsemi! Fyrirlatit myrkr uvitzku ok villu þeira¹, sem dóckvan² gera skilning yðvarrar tignar, at eigi megit þer sia þa sanna luti, sem nu ero fyrir yðr folgnir! Snuit augum yðrum til hins eilifva ok hins sanna lioss, at þer megit fyrst kenna sialfa yðr ok koma sva til kynningar þessa konungs með fagnaðarsamligri gleði³, ok vera þar fyrir heilir ok usakaþir af þeim elldi, sem ganga mun um allan heim. En eigi veitum ver þionostu nöckurum konungi æ iarðriki helldr lifanda guði konungi⁴ himna ok allra verallda,¹⁰ þeim er fyrir illzkur manna, þær sem verða i þessum heimi, mun koma at dæma hann með elldzbruna. Sæll er sa maðr, er æ hann truir, þviat hann mun hafa⁵ eilift lif ok lifa um [allar veralldir⁶; en sa er hinn aumazti ok vesælsti⁷, er hafnar auðæfum hans giætzku ok langrar elsku, er hann veitir mönnunum, ok¹⁵ sa mun faraz⁸ at eilifu. Fyrir því steig hann af himni til iarþar, er gerði himin ok iorð, ok sa varð maðr, er manninn gerði, at⁹ maðrinn sneriz¹⁰ fra sinu ranglæti ok fyrirleti hegomlig skurðgoð ok mallaus, þau sem hann hafði fyrir guð haft með hinum rækiligazta¹¹ hætti, ok þionaði þeim, sem hann skapaði¹²,²⁰ ok vegsamaði þann, sem englarnir vegsama með ótta, ok tignaði þann, sem oll völd himinrikis tigna ok þiona. Ok þa er þetta verðr gert, mun guþ gera manninn sinn göfgara ok faganarmann¹³ ok sinn luttakara ok samlaga¹⁴ sinna engla, þat er at skilia heilagra anda ok sælla. En þviat guð er andi, er eigi uverðugt,²⁵ at hann geri þa samlaga¹⁴ sinna anda¹⁵, er hann göfga ok vegsama i sannleik ok i anda. En þann hvern, sem [eigi geymir¹⁶ æ hann at trua, mun hann lata verða felaga ok samlaga¹⁴ ranglatra diöfla i eilifri kvöl ok endalausum bruna. I þann elld¹⁷ mun hann senda sinn hafnanarmann, þann sem fra honum flyr,³⁰ er þa man heiminn brenna, er guð kemr hann at dæma. Þar fyrir dæmit þer samvitzkugoðir menn með yðvarri vitro, hverr heiminn gerði, þviat eigi varð¹⁸ hann, sva at engi gerði hann. Hugsit¹⁹ ok, hverr manninn gerði, þviat [guþligar ritningar vátta,

1 þa B. 2 dóckva villia A². 3 [gleði ok eilifum fagnaði B². 4 tilf. B. 35
5 saal. B; lifa A. 6 [alldir verallda B 7 vesalsti A¹. 8 fyrirfaraz
B. 9 saal. B; ok A. 10 sneri B. 11 rækiligsta B. 12 saal. B;
skipaði A. 13 saal. B; fagnaðarmann A. 14 samlagara B². 15 þat
er engla tilf. B. 16 [rækir B¹; hafnar B². 17 bruna A¹. 18 saal. B; var
A. 19 Virðit B.

at eigi gerði hann sialfr sik¹. Litit ok æ, at hegomlig likneski
 ero eigi guðar helldr manna giörpir, ok i þeim gerðum² leynaz
 diöflar. Ok at þeir samþyckiz allir, at því sem syniz, ok einhug-
 aðliga³ girniz glatan mannlígs kyns, þa ero þeir þo með ymsum
 5 háttum sundrþyckir sin i milli, þvíat, sva sem drottinn segir, er
 eigi friðr með umilldum. En su er sök til, at⁴ þeir skunda
 mennina at glata, at þeir afli ser i pinslum samlaga⁵, þvíat þeir
 vitu mennina munu i himin stiga fyrir guðliga miskunn, [þaðan
 sem þeir fellu fyrir sitt ofdramb⁶. Fyrir því hyggit at, romver-
 10 skir hofmenn⁷, ok kanniz⁸ við, at guðdoms nafn parteraz eigi i
 fleiri staði, þvíat einn er guð, af honum ero allir lutir⁹, ok einn
 er drottinn Jesus Kristus, fyrir hann ero allir lutir, ok einn er
 heilagr andi, i honum standa saman allir lutir ok honum lyða¹⁰
 allir lutir, ok eigi er sundrskorning i guðdominum, þvíat hann
 15 þarnaz margfalldaninni¹¹. Hugsit ok, Romveriar, hvaðan sundr-
 þyckit rann upp, ok með¹² hverri skynsemi þat vóð, ok hversu
 víða ok lengi þat öflgaðiz, ok fyrir hvi upp sprungu¹³ sva marg-
 fólld eigi kyn guðdomanna, helldr vesallig¹⁴ skripi¹⁵ ætrunaðanna.
 [Ek segi yðr satt¹⁶, því at margir villdo heita¹⁷ höfðingiar, vikingar
 20 ok drotnar eigi rettlatra manna, helldr sinnar¹⁸ natturu samlaga¹⁹,
 ok þeir sem drektir voru i²⁰ æfellum²¹ uvitzkunnar ok i helviti
 drambvisinnar, villdi hverr sem einn ser lata smíða²² sins valldz
 guð, þat er eptir þeim, sem hann ottaðiz, ok undir bio likneski
 eða önnur gyzki²³ til ætrunaþar; [þviat sva er²⁴ ritat, at ottinn
 25 gerði fyrst guðin. Ok i sva mikit vitleysi vulltu²⁵ veslir menn,
 at þeir helldu hina verstu menn fyrir guð, þa er sva höfðu illir
 verit, at þeira eptirlikiarar mundo eigi missa eptir lögum hins
 versta dauða. En því at nöckurir af þeim kunnu eigi skyn æ²⁶
 guði, voru þeir selldir²⁷ munhugðum²⁸ sinum til þess at fremia
 30 þa luti, sem lög Romveria leggja²⁹ bann fyrir³⁰. Kom þa þat
 fram, er fyrir var spæð³¹ með hinum helguztum orðum: Verði

1 [eigi var hann, sva at eingi gerði hann, eftir því sem guðligar rit-
 ningar wotta A². 2 munu tilf. A¹. 3 einkannliga A¹. 4 þess hvi
 (þviat B²) B. 5 samlagara B². 6 [tilf. B. 7 hermenn B. 8 kenniz
 35 B. 9 giorfir tilf. B². 10 truliga tilf. B. 11 pluralinum B. 12 af B².
 13 flotnuðu B. 14 vesallig A² B¹; vegsamlig B². 15 saal. B; skipti A²,
 skript A¹. 16 [At skyru B¹, mgl. B². 17 vera B. 18 sinna A². 19 sam-
 lagara B². 20 af ollum B. 21 afaullum B¹, atrunaði B². 22 gera B.
 23 skripi B. 24 [þvi er sva B. 25 ulltu B. 26 sönnum tilf. A¹.
 40 27 sendir B². 28 munugðum B²; or bygðum A¹. 29 setia B¹. 30
 aa ok rækia B². 31 sagt B.

þeir[, sem skurðgoð gera, þeim¹ likir. Gerðu þeir ser þa herfilig likneski ok helldu fyrir guð, volltnir i sva mikla heimsku, at þeir tóluðu við treit: Þu ert guþ varr, ok við steininn, Veit oss hialp, ok lutu stofninum² ok vegsömuðu malminn, þann sem þeim til handa höfðu aðr heimskir menn smípat ok i elldi haft³.“ 5

129. Við þessa taulu Pauli hófu margir hiaverandi flokkar ok heyrandi upp sina raust ok mælltu sva með grati: „Misgert höfum ver, rangt höfum ver unnit⁴. Miskunna þu oss, kennari varrar heilsu ok synari hins eilifa⁵ sannleiks⁶, at ver verðim heriaðir or synda snörum ok megim⁷ forþaz þann elld, er [heim- 10 inn mun brenna⁸ otruaðan ok hinn versta.“ Paulus mællti þa: „Heyrit þer, bræðr, sem guþ hefir hiörtun tekit með sinum anda, standit karlmannliga i trunni, þviat þionostumenn sannrar heilsu munu til yðvar koma, af þeim munut þer skirn taka ok vel staðfestaz i ast drottins vars Jesu Kristz ok vera hialpaðir⁹ at eilifu.“ 15 Longinus, Megistus ok Acestus tóluðu þa þessi orð við Paulum leyniliga: „Biðium ver þik, herra, lat¹⁰ oss verða ritaða¹¹ i herliði¹² himnakonungs, at ver megim forþaz eptirkomanda elld ok verða luttakarar eilifs rikis, ok munu ver lata þik lausan, sva at þu megir fara, hvert er [þer likar¹³, ok munu ver þa¹⁴ þinir foru- 20 nautar ok þer hlyðnir allt til dauða.“ Paulus svaraði: „Bræðr minir! Eigi fly¹⁵ ek or orrostu, helldr em ek lögligr riddari konungs mins. En ef ek vissu dauða fyrir hendi, en eigi¹⁶ vissu ek mik fyrir þenna dauða koma bæði til lifs ok dyrþar, munda ek eigi at eins þiggja þat, sem þer biðit, helldr biðia þess, sem þer biopit. 25 En nu hefi ek til óngrar ómbunar¹⁷ unnit¹⁸ um margar pinslir, ok eigi pinumz ek utan¹⁹ sauk, þviat nu stendr þat eptir, at mer gefiz korona fyrir rettlæti af þeim, sem ek truða, ok ek em viss af því, at til hans fer ek, ok með honum mun ek vera ok koma i hans biartleik ok i biartleik fauþur hans ok heilagra hans engla 30 at dæma alla verolld. Fyrir því virði ek litils þenna dauða ok yðra bæn, ok eigi mun ek flyia ne fyrir hröckva, ok eigi gera yðvarn vilia.“ Þeir mælltu þa við hann með grati: „Hvat skulu

1 [skurðgoðum sinum B². 2 stofnunum B. 3 brent B. 4 gert B; A² 35 har i Margen truat, men i Texten unnit = A¹. 5 lifs ok tilf. B. 6 götu tilf. A². 7 tilf. B². 8 [heimska menn brennir ok hvern A¹. 9 holpnir B. 10 lattu B. 11 riddara A¹. 12 saal. A¹ B²; herlið A², herleið B¹. 13 [þu vill B. 14 verða tilf. A². 15 renn B². 16 því helldr tilf. B. 17 ambanar B¹. 18 runnit A². 19 án B.

ver gera, eða hversu megu þeir, er þik pina, rettliga lifa, eða hversu megu ver til þess koma, er þu eggjar oss at trúa æ?“

Ok er þeir töluðu þessa luti sin i milli ok folkit kallaði haliga, komu .ii. riddarar Partenus ok Ferita, til þess af Nerone sendir
5 at vita, hvart Paulus væri af lifi tekinn, ok sa þeir hann lifanda ok talanda¹ við lyðinn. Þegar sem Paulus sa þa, kallaði hann þa til sin ok mælti: „Heyrit mik, menn, ok truit æ einn guð, þann sem mik ok alla þa, sem æ hann² trúa, mun af dauða reisa.“ En þeir svöruðu: „Fyrrum³ munu við þau eyrendislok aptr bera,
10 sem við vórum til sendir, at þu ser dauðr, ok megir þu þa lifa með þinum konungi. En þu gor grein fyrir, hvi þu [dvaldir at fylla⁴ boðskap [Neronis cesaris⁵. En nu bioðum ver⁶, at þu farir til fyrirætlaðs stapar ok takir æ þer⁷ dóm af honum diktaðan.“ Paulus svaraði: „Dvöl mina i likama þurfi þer framarr en ek, ef
15 þer vilit rett trúa, þviat ek fer um dauðann til lifs. Af því fórum nu fagnandi i nafni drottins Jesu Kristz.“

Ok er þeir foru til pinslarstaðarins, fylgði þeim utalligt⁸ folk. En við hlið borgarinnar geck i moti þeim hin tignazta fru ok hin kjarazta⁹ vinkona postolanna Plautilla at nafni vel truut. Hun
20 tok at biðia¹⁰ sik undir bænir Pauli¹¹ með tárur. Paulus¹² mælti til hennar: „Ver heil¹³ Plautilla, dottir sannrar heilsu, ok le¹⁴ mer duk þann, er þu hylr með höfut þitt, ok gakk nœkut sva af vegnum sakir talmanar folksins, [ok ver¹⁵ min her biðandi, [þar til er ek færi þer hann aptr ok ömbuna¹⁶ þer lánit. Vil ek
25 binda dukinum¹⁷ [fyrir augu¹⁸ mer i stað sveitaduks, ok leifa þer eptir æ honum mark¹⁹ minnar astar, þa er ek fer til Kristz²⁰.“ Hun tok skíott af ser höfutdukinn, ok gerði sem hann bað. En²¹ Partenus ok Ferita [gaubbuðu hana²² sva mælandi: „Fyrir hvi truir þu fordæðu ok galldramanni? Fyrir hvi tapar þu hinum
30 bezta duk, sva at þu munt hann alldri um alldr fæ?“ Paulus mælti þa við hana: „Bið her, dottir, minnar tilkvamu, ok mun ek þa færa þer mörk mins dauða æ þessum duki með Kristi um alldr lifandi²³.

Eptir þat spurðu þeir Longinus ok Megistus ok Acestus

35 1 tala B¹. 2 Krist B¹. 3 Fyrri A²; fyrr B¹. 4 [dvelr A¹. 5 [keis-
arans B¹. 6 við A². 7 þeim B¹. 8 otöluligt B. 9 heitazta B 10
fela B. 11 Pals B¹. 12 Pall B¹. 13 ok sæl tilf. B¹. 14 saal. A¹
B¹; lia A² B². 15 [mgl B. 16 [til þess at ek kem aptr at færa þer ok
ambana B¹. 17 dukinn B. 18 [um höfut B¹. 19 mörk B. 20 guðs
40 B. 21 þeir tilf. B. 22 [skulkuðu hana B²; logu at B¹. 23 lifanda B¹

hugsuikir um sinn hag, [með hverium hætti¹ þeir mundu mega hliota hit sanna lif. En sæll Paulus svaraði þeim ok mælti: „Bræðr minir [ok synir², vitit þat, at síðan ek em halshöggvinn ok þer ok aðrir þionostumenn³ mins dauða erut allir i brottu af þeim stað, sem drottinn [let ser soma at kalla mik⁴ til sin, munu 5 rettruaðir menn koma ok grafa [likama minns⁵. En þer hyggit at, hvar ek em grafinn, ok [i morgin snemma komit þannig⁶, ok munut þer finna .ii. menn æ bæn sinni, Titum ok Lucam, ok segit þeim, fyrir hveria sauk ek hefi yðr þangat sent, ok munu þeir gefa yðr mark⁷, sannrar heilsu i drottui. Hirðit eigi at efa⁸ þat 10 at vinna, sem yðr er boðit, þvíat iafnskiott sem þer stigit i skirn-arbrunninn með rettri tru ok verðit luttakarar heilagrar skirnar ok helgaðir með lifgan guðligra stormerkia, munut þer eigi at eins verða ægiætliga⁹ hreinir af þessum glæp, er þer ottiz ok verðr i minu drapi, helldr ok munu þer verða hreinsaðir ok sniofi¹⁰ 15 hvitari, ruddir¹¹ af ollum syndum ok ritaðir i skipan Kristz riddara, [ok fullgeraz¹² samerfingiar eilifs lifs¹³.

130. Eptir þat¹⁴ var Paulus¹⁵ leiddr til pislarstaðarins. Hann sneriz þa i austr ok hellt hondum til himins ok [bað fyrir ser¹⁶ lengi æ ebresku ok gerði guði þackir. Sem¹⁷ hann hafði lyktat 20 bæn sinni með fagrligum orðzhætti, heilsaði hann bræðrum ok blezaði þeim. Eptir þat batt hann um [höfuð ser duk¹⁸ Plautille, ok æ bæði kne fallandi retti hann halsinn. En banamaðr hans hóf hátt¹⁹ sinn armlegg ok hio sva mikit högg, at af flaug²⁰ höfupit. En síðan þat var af bolnum snipit, nefndi þat nafn 25 drottins Jesu Kristz æ ebreska tungu. Af svira Pauli flaut fyrst miolk æ klæði riddarans, ok eptir þat bloð. Duk þann, er Paulus hafði [knytt um haufuð²¹ ser, villdo taka nöckurir, þeir sem nær²² stoðu, en hann hvarf²³ or hondum þeim. Sva mikit lios himneskrar birti²⁴ skein æ dauðastund Pauli, ok sva mikill ilmr himneskrar 30 sætu saddi ilming manna, at augu dauðligra manna máttu eigi bera, ok engi tunga matti telia. En allir hiaverendr²⁵ undruðuz sva mikla guðs miskunn veitta Paulo ok lofuðu²⁶ um margar

1 [hversu A¹. 2 [mgl. B¹. 3 þionar B. 4 [lætr mik kalla A¹. 5 [lik mitt A². 6 [komit þar (þangat B²) a morgin B. 7 mork B. 8 ifa 35 B². 9 algerliga B. 10 sniafi B¹. 11 roðnir A²; vorðnir B. 12 geraz B². 13 rikis B²; [mgl. B¹. 14 þetta B². 15 Pall B¹. 16 [baðz fyrir B. 17 Ok er B. 18 [augu ser (hofut ser tilf. B¹) hofuðduki B. 19 upp tilf. B¹. 20 fauk A¹. 21 [knyttan um augu B. 22 nærri A¹. 23 þegar tilf. B. 24 dyrðar B¹; dyrðar birti A². 25 hiaverandi menn B. 26 iatuðu A²; 40 lofuðu ok iattuðu B.

stundir drottin Jesum Kristum eilífan ok usígraðan konung, þann sem hinn [mikli kennari¹ Paulus hafði predíkat, meistari heiðinna þjóða.

En þá er þeir sneru heimleiðis, er sendir voru at flyta² dauða
 5 Pauli, fundu þeir Plautillam í sama porti lofandi ok dyrkandi guð í öllum þeim lutum, sem henni voru sagðir af sælum Paulo. Þeir spurðu hana þá með hlatri, hvi hun hyldi eigi hófuð sitt með þeim duki, er hun leði Paulo³. En hun tendrut⁴ með astarhita⁵ ok hugrekki svaraði þeim: „Heyrit þer, hegomafullir menn ok
 10 veslir, er eigi kunnit því⁶ trúa, er þer siait ok þreifit um! senniliga hefi ek þann duk⁷, sem ek sellda⁸ í hond Pauli, helgaðan af steypingu⁹ hans dyra¹⁰ dreyra, ok hann kom til mín af himni með miklum fiólða biartrar fylgþar sem hinn sannorðazti¹¹ trunaþarmaðr ok færði mer minn duk ok þakkaði mer minn velgerning,
 15 þann sem ek veitta honum, sva mælandi: „Þú, Plautilla, veittir mer [vegsamliga velgerninga¹² her æ íarðriki, en ek mun þer skíott til himinríkis farandi veita mína [fylgð ok¹³ goðfysi; skíotliga mun ek aptr hverfa fyrir þína sök ok syna þer dyrð hins usígraða konungs.“ Eptir þat dro hun dukinn með rosaligum¹⁴
 20 dreyra runninn or faðmi ser ok syndi þeim. Jafnskiott slo mikilli hræðzlu ok ótta æ þá, ok skunda¹⁵ aptr segiandi¹⁶ Neroni, þat sem þeir hófðu set ok heyrð. Sem Nero [hafði heyrð¹⁷ þessi tíðindi, slo æ hann ótta miklum, ok [sturlaðiz í huginum¹⁸, tok hann þá at hafa samtal með spekingum sínum ok vinum ok
 25 [ríkissins þionostumonnum¹⁹ ok með þeim, sem hann matti ná af senatoribus²⁰, með ótta ok aga ok mikilli skelfing ok sialfs sins hneyking. Sem²¹ þeir töluðu þetta sín í millum, kom Paulus um hina .ix.ðu tíð dags ok stoð fyrir Nerone sva mælandi: „Nu em ek Paulus her kominn, riddari hins eilífva²² konungs ok hins
 30 usígraða; tru mer nu, at eigi em ek dauðr, helldr lífi ek í²³ guði mínum. En þer, vesall maðr, mun nu eptir lítinn tíma ousmræðiligir illir lutir at hendi koma, ok hin mesta kvöl [ok eilíf tapan²⁴,

1 [agæti kennari *B*¹; blezaði *B*²; mikli *A*². 2 *saal. B*; fylla *A*. 3 Pali *B*¹. 4 tendrat *A*¹. 5 miklum truarhita *B*. 6 at *tílf. B*. 7 hinn sama *tílf. B*. 8 retta *B*. 9 utsteypingu *B*¹. 10 dyrmæta *B*¹; dyrliga *B*². 11 sannsöglazti *B*¹. 12 [velgerning *B*. 13 [mgl. *B*. 14 rosuligum *B*. 15 skunduðu *B*. 16 ok segia *A*¹. 17 [heyrði *A*² *B*². 18 [sem hann yrði hlarsi (hleysi *B*²) *B*. 19 [ríkisþionum *B*. 20 olldungum *B*¹. 21 Ok er *B*. 22 hæsta *A*². 23 með *A*². 24 [með eilífri glatan *B*².

fyrir þat er þu hefir mörgu saklausu bloði rangliga¹ ut hellt².“ Eptir þat hvarf þeim Paulus³ at syn. En Nero lostinn slikri ógn varð hræddari, en truaz megi, ok sva [sem vitstolinn kunni hann⁴ eigi sitt rað, ok at eggjandum sinum vinum let hann leysa Patroclum ok Barnabam ok aðra, þa sem bundnir höfðu verit, ok 5 let hvern þangat fara, sem villdi.

En Longinus ok Megistus ok Acestus komu eptir atkvæði Pauli til grafar hans ok sá þar tva menn [biðiaz fyrir⁵ ok Paulum standa i millum þeira. Þeir óttaðuz [sva hræðiliga⁶ syn ok þorðo eigi nær at ganga⁷. En þeir Titus ok Lucas standandi æ bæn 10 sinni sa þa riddarahöfþingia, sem verit höfðu at banorði Pauli, skunda til sin, fyrir þat [voru þeir gripnir með mannlígum otta ok flyðu⁸. Við þetta hvarf Paulus riddarahöfþingium, ok þa⁹ kolluða þeir eptir þeim Tito ok Luca sva mælandi: „Eigi skulut þit ætla, guðs menn, at við¹⁰ sækim [til þess¹¹ eptir yckr at veita yckr 15 dauða, helldr til þess at [kenna ockr retta tru ok flytia ockr¹² um skirnarvatn¹³ til eilífs lífs, sem hinn mikli kennifaðir Paulus het oss, sa sem ver¹⁴ sáam skömmu¹⁵ standa i milli yckar“ Ok þa er Titus ok Lucas heyrðu þetta, námu þeir staþar, ok með mikilli gleði ok andlígum fagnaði lögðu þeir hendr yfir þa, gefandi 20 þeim mark eilífrar helganar, ok fastandi með þeim til aptans veittu þeir þeim stormerki heilagrar skirnar i nafni drottins Jesu Kristz.

131. Eptir nygreinda¹⁶ sigrför¹⁷ guðs postola Petri ok Pauli fiandskapaðiz allr romverskr¹⁸ lyðr æ Neronem, ok gerðu Galli 25 fyrstir herlaup [i moti¹⁹ honum, en um síþir allt Romveria valld, þviat hann gerði sik uvin allz rikissins. Var hann dæmðr af öllum senatoribus²⁰ ok þar með öllum lyð, fyrir þat²¹ er hann saurgaði truna með guþlastan²², milldina með grimmleik, skirleikinn með fullífi, ok [hellit við öngvan truna eða þat er hann 30 iataði²³. Hafði hann þar fyrir alla grunsama, ok um síþir truði hann öngum utan²⁴ .ii. hinum verstum monnum Nemphidio ok

1 iafnliga *A*². 2 steypit *B*. 3 Pall *B*¹. 4 [vitlauss (vitstolinn *B*²), at hann vissi *B*. 5 [a þenum *B*. 6 [þessa *B*¹. 7 koma *B*¹. 8 [flyðu þeir gripnir mannlígum otta *B*. 9 þegar *A*²; þa þegar *B*²; *mgl.* *B*¹. 10 35 ver *B*¹. 11 [fyrir þvi *B*². 12 [kennandi retta tru flyti þit oss (ockr *B*²) *B*. 13 skirnarbrunn *A*¹. 14 vit *A*¹. 15 fyrir litlu *B*¹. 16 nu greinda *B*. 17 dyrligra *tilf.* *B*. 18 Romaborgar *A*¹. 19 [a hendr *B*; aa *A*¹. 20 qlldungum *B*¹. 21 þvi *B*². 22 guðreskiu *B*. 23 [endi við engan 40 nockorn trunað *B*. 24 nema *B*¹.

Gemellio. En þeir ottaðuz [hans grimmleiks dēmi¹ ok fyrirletu hann gangandi i samband með auðrum monnum. Var þa dæmt, at hann skyldi með því moti leiða² um borgina noktan³ æ motfialar, at snara væri sett⁴ æ hals honum, eptir þat skyldi binda hann [æ horni⁵ af iarni gervu⁶ ok beria þyrni⁷, til þess at⁸ hann væri steyptr fyrir borgina til dauða. At visum þessum dómi flyði hinn verstí niðingr⁹ með fiorða mann af borginni með þeiri sögn, at hann mundi tapa ser i Tífr¹⁰, riðandi æ skog með dulargrimu ok hestinn eptir látandi i hinum þyckuztum þyrnum i milli
 10 [gatna þeira, sem¹¹ aunnur heitir Numentana, en aunnur Salaria, a fiorðu milu af borginni; leitandi leyna hitti hann litit hreysi, i því lagðiz hann niðr i reckiu huldr¹² leiðiligum¹³ leppum. Eptir þat let hann ser gróf gera¹⁴ eptir [sialfs sins vexti ok¹⁵ mæling sins likama ok bað¹⁶ gratandi sitt hræ þar grafa. Þvi
 15 næst bað sa¹⁷, sem aðr hafði verit [einkannligr meistari svivirðligra svika ok glæpiligs¹⁸ grimmleiks, at nökurr næverandi¹⁹ manna skyldi fulltingia hans [huglaussi²⁰ hendi til þess at²¹ svipta hann sinu liota²² lifi. Opt æsakaði hann sina bleyði með beiskum tárur alla luti talandi. Ok um siðir þa er riddarar
 20 sendir af senatoribus²³ voru nær, þeir sem hann villdu til písla draga, lagði hann [vápnum i gegnum sik²⁴ at fulltingianda hans²⁵ hræddri hendi þeim uskíra spadoni þrælbornum²⁶, er hann hafði gelldan látit²⁷ formera eptir konu, kallandi með aumligu²⁸ hryggleiks²⁹ yfirbragði: „Svivirðliga hefi ek lifat, en liotliga³⁰ skal ek
 25 deyia³¹.“ Do hann þar með sva greindri svivirðing ok oætlanligum otta allra hiaverandi manna. Ok því se lof guði ok sæmð heilagri kristni, at allir viti þvilikan verit hafa hinn fyrsta hennar niðrbrotzmann ok fyrirdæmara, ok skili, at [engi lutr var af Nerone fyrirdæmr nema goðr ok sómasamligr³². [Hygg ek³³ her, at

30 1 [eptirdēmi hans grimleiks *B.* 2 um morgininn *tílf. B*¹ 3 neyktan *A*¹. 4 lögð *B*¹. 5 hr[amm?] *A*². 6 gervan *A*²; [mgl. *B.* 7 eða uviðani *tílf. A*². 8 er *B*². 9 vikingr *A*². 10 Tífr *B*². 11 [þeira gatna, er *B.* 12 *saal. A*¹ *B*¹; hulda *A*² *B*². 13 herfiligum *B.* 14 grafa *A*¹. 15 [*tílf. B.* 16 bað *B.* 17 hann *B.* 18 [einkanliga meistari svikanna ok glæpsamligs *B.* 19 nærverandi *B.* 20 huglausu *B.* 21 [hugleysi ok *A*¹. 22 svivirðliga *B.* 23 öldlungum *B*¹. 24 [sik vapni i gegnum *B.* 25 sinni *A*². 26 *saal. B.* hiaveranda *A.* 27 ok latit freista at *A*². 28 ogurligu *B.* 29 *saal. B*²; aumleiks *övr.* 30 liotligar *B.* 31 tapaz *B.* 32 [eckí vætta var af Nerone fyrirdæmt nema nockot (storliga *tílf. B*²) gott ok somasamligt *B.* 33 [*saal. A*²; hyggit ok *A*¹; hyggi *B.*

þeir, sem fyrirkoma vilja frelsi kirkiunnar, [hafi sik i brott af¹ slikri uhæfu, at eigi hafi þeir sialfan guð ok [alla verolldina² i moti ser með dæmi Neronis, er æ ser berr merking³ Antikristi, ok segiz i hans sveit latandi dygd ok drengskap, [sæmd ok sigrsæli⁴ ok þar með sialfra sinna salur, helldr [firriz þeir misgerninga⁵ bætandi falslausliga við guð, sem brotligir verða⁵, styði ok styrki kirkiunnar valld⁶, ok fai þar fyrir heill ok hamingiu, sigr⁷ ok sæmd, fe ok friðsamligt⁸ riki, hylli guðs ok goðra manna i þessum heimi en endalausn fagnat i auðrum heimi.

132. Allr lyðr Italie ok einkannliga Romani vurðu sva fegnir¹⁰ dauða Neronis, at þeir helldo hatið með allri⁹ gleði, æ [þann hátt¹⁰ sem þeir voru vanir, þa er höfðingiar komu heim at sigraðum hinum grimmuztum rikissins uvinum. At lifanda Nerone var sa maðr, er Galba het, gerr cesar¹¹ æ Spania, hann kom i Romam eptir dauða Neronis. En¹² því at hann var miok gefnu¹⁵ fyrir ægirnir ok leti, gerði hann sinn fostrson¹³ ungan mann Pisonem¹⁴ at nafni, tiginn at ætt, fræknan ok framkvæmparmikinn. Ok er Galba hafði rikt .vi. manaði ok .vi. daga, drap Otto þa baða æ torgi i Roma. Eptir þria manaði drap [Ottonem Vitellius, sa er þrim sinnum hafði verit giðrr consul, með þeim hætti¹⁵ at, þa er Otto²⁰ sa sik yfirkomin¹⁶, drap hann sik sialfr. Vitellius rikti .iiii. manaði, ok tok þa riki Vespasianus aptrkominn af Judea¹⁷ at settum syni sinum Tito yfir sitt lið. Hann braut niðr Hierusalem. Vespasianus rikti .ix. ár ok [.xi. manaði ok .xxii.¹⁸ daga.

133. Nöckuru eptir pisl guðs postola Petri ok Pauli stalu²⁵ Greci¹⁹ likömum þeira²⁰ ok fluttu [æ veg²¹ til sins landz, ok þa talmaði þa mikill landskialfti. Tok romverskr lyðr þa i þeim stað er Catacumbas²² heitir æ gautu þeiri, er Appia heitir, æ hinni þriðiu milu fra Romaborg. Voru þa likamirnir þar geympir um .vii. mánaði, til þess er [smiði voru uppreist²³ i þeim stöðum, er þeir³⁰ voru fyrri grafnir. Var þa aptr færðr likami Petri i fyrr nefndan

1 [at hepta sik at B 2 [allan heiminn B. 3 figuru B. 4 [tilf. B.

5 [ðriz þeir annmarka með oroggri yfirbot B. 6 frelsi B. 7 sigrsælld B. 8 friðsamt B. 9 mikilli A¹. 10 [a þa lund B. 11 keisari A².

12 fyrir tilf. A¹. 13 tilæskingarson B. 14 saal. rettet; Fisonem B²; 35 Fison B¹; Pilum A¹, Pibiem A². 15 [Vitellius Ottonem þrim sinnum

consul með því moti B. 16 i orrostu tilf. B. 17 Gyðingalandi B¹.

18 [saal. B; tvau ok .xx. A. 19 Grickir B¹. 20 postolanna B. 21 aleiðis B. 22 saal. B²; katatubas B¹; kappakunbus A¹, cabacumbus A².

23 [þeim voru musteri reist A².

hæ¹ Vaticanum við Naumachiam. En likami Pauli var grafinnæ götu þeiri er Ostensis heitir a annarri milu af borginni, en hann var höggvinn við vötn þau, er [Salve heita eða Silve² ero köllut. En þessir hinir helgu³ postolar Petrus ok Paulus voru pindir, þa er liðnir voru fra holldgan Kristz .lxx. vetra, æ .xiii. da æri rikis Neronis, er æ ser berr eptirliking⁴ Antikristi, þess sem⁵ höfut er allra illra manna, a þritögunda⁶ ok auðru æri hans alldrs. Hyggium ver Petrum ok Paulum at dauðum Seneka⁷ en innleiddum Simoni við hann hafa deilt um .vii. manaði, ok eptir hans fall⁸ inni setit um .ix. manaði, sem martirilogium segir, ok eptir þat pinda.

134. Eptir sælan Petrum sat i hans sæti⁹ hinn sæli Linus um .xii. ár. Eptir hann Cletus önnur .xii. ár. En fyrr [nefndum Clementi er fyrir þa sauk eigi pavadóm¹⁰ skrifadr¹¹ adr en at liðnum þessum nu nefndum byskupum, at þeir voru ellri at byskupstign, en þo var hann i stað Petri alla stund um kenningar ok predikan, sem hans [hinn sanni¹² meistari skipaði honum.

135. Biðium nu einkannliga eptirkomara¹³ almattigs guþs Petrum höfþingia þeira postola, sem lausnarinn¹⁴ valði af öllum verallldligum monnum ser til mótunauta ok heimsins domara, at sva sem guðs son leiddi hann or þoku þrennrar neitingar [til þrennrar iatningar¹⁵, leiði hann oss fra liotum syndum til margra mannkosta ok astrikis við almatkan guð. Ok sva sem Petr þoldi pinsl krossins i Kristz eptirliking til likams dauða, arni hann oss, þo at timinn¹⁶ ok breyskleikrinn banni oss at bera likamligan kross, at ver berim hinn sama kross andliga halldandi undirstauðu retrrar truar, alitning¹⁷ himinrikis fagnaðar, algiorleik tvennrar astar [guðs ok manna¹⁸, staðfesti¹⁹ i goðum verkum allt til enda, at þa er Kristr kemr at dæma um allan heim, verðum ver undir þessum krossi senir guði til hægri handar.

136. Biðium²⁰ ok sælan Paulum [mikils hattar²¹ meistara allrar kristni, þann er sia kunni, hver kenning heyrði hvers mannz briosti, at hann leiði oss æ þau goð verk, sem oss ero ævaxt-

1 by B. 2 [Saline heita ok Silive A²; Salive ok Silvie B 3 hæstu guðs B. 4 liking B. 5 er B. 6 .xxx ta A², .xxx. B. 7 senato A². 8 hafa tilf. B. 9 stað B. 10 [nefndr Clemens er fyrir þa sauk eigi i pavadóm A¹. 11 taliðr (eðr skrifadr tilf. B²) B. 12 [hinn sami A²; mgl. B. 13 eptirlikiara B². 14 varr lausnari B. 15 [tilf. B. 16 Her ender B¹. 17 saal. B; aalitinn A. 18 [tilf. B. 19 saal. B; staðfesting A. 20 ver tilf. B. 21 [mikilvægian B.

samlig¹ i guðs augliti. Ok sva sem hann retti þann svira, sem aðr bar hann með yfirgirnd uppreistan i moti guði, litillatliga undir sverð Neronis fyrir guðs nafni, veiti hann oss at leggja² varn ofmetnað, þann sem guði er gagnstaðligr i hans augliti. Ok þo at ver þolim eigi með honum sverð vikingsins, standim ver 5 þo 3 undir sverði guðs orðz, þess er oss kenni⁴, hversu hinn sanna guþ skal ottaz. Ok sva sem Paulus villdi stundliga þola sakir broðurligrar astar purgatorium með sinum pinslum, þiggi hann þat af guði, at ver vilim sampinaz náunginum i hans nauðsynium, ok fyrir ævðxt broðurligrar astar tendriz hiðrtu vár af geislum 10 guðs astar, at þa er Paulus hefir hiðrtum varum uppkokit með lukli 5 vitzkunnar, leysi oss hinn heilagi Petrus með lukli 5 valldzins af ðllum misgerningum ok syndum, ok laði oss i eilifan fagnat með ollum guðs helgum monnum. Þat lati ser sóma at veita oss almattigr guð upphefiari allra goðra luta, sa er með feðr ok helgum 15 anda lifir ok rikir einn guð um allar veralldir verallda⁶. Amen.

Tillæg 1.

C L E M E N S S A G A .

Julius hét inn fyrste keisere yfer ðllom heime, oc af honom hafa aller Rumaborgar konongar þat nafn teket síþan. Julius hét 20 øþro namni Gaius, hann var .v. vetr einvaldi Rumaborgar veldes. Hann vógo þeir Brutus oc Cassius i Þors hofi i Rumaborg, oc marger aþrer rikismenn með þeim veitto avere honom, svát hann hafði alz halvan þriþia tög sara á sér. Syster Julij hét Activa, en hennar dóttur het Octovia. Sonr Octóv(i)e hét Octov(i)anus, 25 es øþro namni var callaþr Augustus, hann hafði velde ifer ðllom heime nestr efter Julium, oc af honom er síþan Augustus callaþr hverr i verkonongr Rumaveldis. Augustus reþ firer Rumaborgar riki .vi. vetr ens setta tegar. Hann setti friþ of allan heim, oc a

1 avaxtarsamliguz B. 2 lægia B. 3 tilf. B. 4 kennir B. 5 lykli 30 B. 6 saal. B; rettlatra A.

hans dogom var [Cistr borenn¹ i þenna heim. Af þessom keiserom tveim hafa namn tekit bókmanar .ii. Julius oc Augustus.

Systrungar Augusti voro brøðr² .iii. Flavius, es Clemens var
5 callar oc gøfgastr var alra Rumveria vnder Avgusto keisera, en annarr Faustinianus, es fra mun verða sagt, þriði var Bassus, es verstr var þeira brøðra. Syster þeira brøðra var Plautilla, es lepe Poli postola haufodux síns, þa er hann var leidr til haugs. Hennar geldingar voro þeir Nereus oc Achilleus, es tru retta tóco
10 af kenningo Petrs postola, þa [fec] Plautilla til at þiona dottor sinne, er het Flavia Domitilla, oc af þeira orðom varþ Flavia³ cristen. En þeir voro þar pinder firer goðs sacar, oc es mессo-dagr þeira vico [efter cross⁴ mессo a varet.

2. 5Faustinianus hafði velde miket under Augustus keisera,
15 oc hann var settr höfðingi öldunga i Rumaborg oc hafði forraþ heraða, es liggia i nónd við Antioch(i)o Sýrlandz haufotborg. Kona hans hét Mathidia rumverse at kyne, hon var forevndliga væn at iferlite oc raþvönd harpla oc vel vite borin, oc var iþen at blóta heipen goð. Maðr hennar var algerr at sér at alre veraldar specþ,
20 hann blótapi scurgoð at siþ Rumveria en eige af alhuga, firer því at hann truþe raúnar .i. vera almatcan goð. Þau Faustinianus oc Mathidia otto .iii. sono. Einn het Faustus, annarr Faustinus, enn þriði var heitenn efter fopurbroðor sinom oc hét Clemens. En er þeir voro comner ór barnesco, þa tóe Bassus foporbroðer
25 þeira at legia girndar⁶ hvg a Mathidiam mopor þeira oc broðor-kono sina, oc leitaþe hann til þess með fiølcynge sinne, ef hann mætte blekia hana. En er hon fann vilia hans ohøfan við sic, alz hon var raþvönd kona, þa leitaþe hon sér raþs, hvé hon mætte styra bazt undan ilzco hans. Hon bio sic at þeim hette
30 sem hon var vøn at buasc, þa er hon hafþesc at blótom, oc gec siþan a malstefno við buanda sinn oc mælte við hann: „Mer hever lengi verit ahyggia at, hvat leggiase muni firer sono occra. Ec gek of dag, svá buen sem nu em ec, i musteri solar goðs, es Apollo heiter oc aldregi mun liúga. Ec forþa þar forner solar
35 goði oc frettag at siþan, hvat leggiase munde firer sono mina. En ec fec þar þvilic svor: Tacþu sono þina tvá Faustum oc Faustinum oc bu þá til farar, oc far með þa til Sýrlandz, oc sel

1 [Cristus natus *Cd.* 2 fratres *Cd.* 3 flavio *Cd.* 4 [post crucis *Cd.*

40 5 *Jvf. ovenfor Peters Saga Cap. 64.* 6 Først girnþar men rettet til girndar,

þa til fóst(r)s enom frópostum spekingom. Þeir muno verða gæfger kennimenn. En Clemens sonr þinn skal vera heima með feðr sinom til huggonar honom, oc mun at honom vegr vera frendom hans oc ollom Rumaborgar lýð at eilífo.“ Við þessi orð varð Faustinianus dapr harþla oc svaraþe af móþe miclom oc 5 mælti: „Ef þat er goðs firerhyggia, at sva scyli verða, sem þu segir, þa má engi því hnekia.“ Síðan bio hann scip gott, oc gek þar á kona hans oc syner hans .ii. ener ellri með fiarhlutom miclom oc fœrvneyti vegligo.

3. Þeim forsc vel unz þeir líþo umb Sikiley. Þau foro i 10 nónd við borg þa er Patera heiter oc Nicholaus byscop var síðan fœddr² í. Þar tók þau útsýnningr steínóþr oc keyrði of nott at eyio þeire, es Corpho heiter. Þar leysti scip alt i sundr under þeim, oc fiarhluter aller oc menn, nema Mathidia oc syner hennar þau ein höfþo líf. Hon fylgði scipsborþe næcgerio til landz, oc 15 gek síðan a land up. Hon com of miþnætti til hus einnar auþegs mannz kono, oc var þar teket vel við henne. Þeir Faustus oc Faustinus sóto a scipsflaki, oc er lysa tók, þa so þeir fara i nond sér vikinga. scip. Þeir letþo sér raþs sín a milli, hvat tiltækiligast være. Þa melte Faustus við Faustinum broþor sinn: „Þesser 20 menn muno taca ocr oc selia mansali; gefom við ocr nomn^a aunnor en við eigom aþr. Ec mun nemnasc Niceta, en þu scalt heita Aquila.“ Síðan gripo vikingar sveina þessa baþa oc höfþo þa ut of haf til Jorsalalandz, þeir seldo þa i siaborg þeire, es Cesarea heiter, husfreyio auþegre, oc hét sú Justa oc var Gyþinga kyns. En 25 husfreyia su lagði ast micla a sveinana oc gerþe þa sér at óscbœrnom. Hon selde þa til leringar Simone enom fio(l)kunga af Samaria, es craþtr goðs almattegs lezc vera. Enn er þeir höfþo numet allar iþrotter hans, þa fundo þeir, at hann lodde flœrþ einne saman oc ilzco. Þeir hlióþosc a braut fra Simone illa oc sotto 30 fund Petrs postola. Hann tók við þeim vel oc kende þeim cristinn dóm, oc gerþosc þeir þa hans lerisveinar.

Mathidia hafþe virþingar goþar af husfreyio þeire, es við henne hafði teket. Hon var buen itarlíga fyrst, þa er hon com ór scipsbrote til hus hennar, oc þottesc husfre(y)ia þaþan af vita, 35 at hon mynde gæfugmenne vera. Hon melte of dag við hana: „Þat þykiome ec sia a þér, at þu munt kynstór kona vera, þu ert alven iferlíz, latóþ vel oc vitrmál harþla, enda er hannœrþ a hvi-vetna því, es þu tekr þinum hondom til at gera. Nu vil ec, at

1 *Jvf. ovenfor Peters Saga Cap 66. 68.* 2 *natus Cd.*

þu gerer mér husbunof oc buer cleþi, ef menn muno bera at hønd-
om þer, oc mun þér þat alt saman verþa gott til fiar.“ Mathidia
gerþi, sem hon var beþin. Þá þan fra boro menn at henne cleþi
morg til gerþar. En hon gerþi sva, at hveriom var vel at¹ scapi,
5 þeim es atti. Þat varþ of unga menn, es sa hana oc asiono
hennar oc handnørþer a hverian veg vel gervar oc hörþo orþalag
hennar vitrligt, at þeir lögþo a hana astarhug mikinn. En hon
veic undan at hafa þypleíc ne einn við þá. En þeir costgøfþo
eigi at miþr at geta ost af henne. En þat varþ henne firer of
10 dag, at hon fór i fiøro oc toc steina hvassa oc barþi þeim i
andlit sér, svat hon varþ øll blá oc bloþog of andlit. Síþan tóc
hon hinnu þunna eþa roþ af fiske oc þanþi of andlit sér oc gerþi
sic sem enndimligsta a at sia. Hon meidde oc hendr sinar
meþ griote, at hon var til engrar syslo før þeirar es vanda scylde.
15 Síþan tór hon til herbergis sins oc létzc vera orþen firer vanheilso.
En þat harmæþe husfreyia hennar fyrst acafliga oc gerþi við hana
vel oc miscunnsamlega of stundar sacar, en þá þan fra leiþ eigi
langt, unz hon lagþi á við hana orøcþ micla oc gaf at henne
engi gaum.

20 Mathidia fann þat bratt, at þa matte eki þar lengr vera við
vanheilso þá es hon hafþe, þa for hon braut ór þorpe því oc gec
til sevar. Þa sa hon hus litíþ þat riuca, þat lauc hon up oc hitte
þar kono eina fatøkia, er sat við gløþr, oc qvade hon þa fyrre.
Hon svaræþe oc melte: „Vel þu comen, drotning min! Alt mitt
25 scal þitt vera. Ertu husfreyia en rumverska, su er comt ein a
land, þa er alt forunayti þitt forse. Micill harmr es þat, er þu
ert sva aum orþen. Vestu meþ mér, sva lengi sem þu vill, oc
scaldu ein aullo raþa því es ec á.“ Þeim orþom varþ Mathidia
sva tegin, at hon feldi tór. Síþan melte hon við þa es firer bio:
30 „Fir hvi es þu comen i cot þetta?“ Hon svaræþe: „Fir nøc-
qeriom vetrom mista ec buanda mins, svat við ottom engi erfingia.
En ec vilda ein vera firer mér efter dag hans, fór ec af því a
braut or borg oc baurluþumc her firer. Nu a ec akr necqern oc
fá þá sauþe til atvinno mér. Ec hefi nu fengit licþra, oc ma ec
35 nu eki at hafasc.“ Þa melte Mathidia: „Ec mun vera her oc
hugga þic oc þiona þér, unz enn coma betri dagar ifer okr.“ En
fra þeim dege fór Mathidia of þorp oc borger oc baþ firer þer
matar, oc burgosc þer þa við þat. I þeim staþ høfþosc þer við

¹ Først skrevet i, men dette er underprikket af Afskriveren og at skrevet
over.

litils vant .xx. vetr, unz þær fingo miscunn af fundi ens helga Petrs postola, sem siþar mun fra verþa sagt nacqvát.

4. Nu skal þar til mals at taca, es Faustinianus (er) faþer þeira brøþra Faustus oc Faustinus, þa er hann spyrir tipende þessi, at scip þat hafþe faritzc við Corpho, es kona hans var á oc søner. Hann hugði, at þau mundo øll þar tapazc hafa. Hann cunni því sva illa, at hann lagþesc i rekio af, oc þótte nér sem hann være af viti ginginn i harmi sinom. Þa fór Bassus brøþer hans til fundar við hann oc lét megingóþvætliga, en ilt bió vnder. Hann qvadde brøþor sinn bliþliga oc mælte: „Sé ec, brøþer, at þu ert dapr harþla af mannamisse þeim, es þu hyggsc fengen hafa. En hit er raþ at huggasc oc gerasc staþramr við, þót þér þyki eigi alt at vilia þinom sialfs ganga. Kona þin hefer comet a land með miclom fiarhlutom, oc es nú i austrholfo heims langt a braut ýr Rumveria velde. Hon es nu gefen einom þrele þinom, þeim es lengi hefer virþamaþr hennar verit.“ Við þessi tipende varþ Faustinianus styggr mioc oc mátti lengi eigi orþi up coma. Hann settesc up oc melte: „Hvat etlar þu, brøþer, hver stiarna því mun valda með scaupum, er sva illa hever snuezc scap kono minnar?“ Bassus melte: „Gøngom við i virþahus þat, es við eigom oc alr stiornogangr es marcaþr i.“ En er þeir voro þingat comner, þa melte Bassus: „Sér þu nu her, brøþer, hverso stiornornar ganga?“ Hann svaraþe: „Vist se ec.“ Bassus melte: „Þikistu scilia mega, hvar Friggjar stiarna mun staþit hafa a getnaþartíþ eþa burþartíþ kono þinnar.“ Faustinianus melte: „Eki ma ec otlon a slict coma firer harmi þeim, es ec hefic beþet.“ Þa melte Bassus: „Þat þykiomc ec vita, at a burþartíþ kono þinnar mun Friggjar stiarna staþet hafa i þeim staþ, sem sol kòm up, þa er dagr es scemstr. En su kona es sva verþr boren má at øngom coste raþvønd vera, ef hon verþr fultíþa.“ Við þessi orþ varþ Faustinianus oqveþi með øllo, oc við þat es hann sagþe slict, oc vildi hann eki lengr røþa við brøþor sinn. Hann tóc at heita a enn eina goþ, at hann scylde því sciota i hug honom, es honom gegnde hellzt, hvat hann legði firer sic þaþan fra. Þa mintesc hann a þat, at hann hafþe velde ifer herøþom, þeim es liggia við Anthekio, honom þotte oc þaþra glícligast til, at hann møynde nacqvát mega spyria til kono sinnar eþa sona. Siþan bio hann scip miket oc scrautligt harþla oc gek þar a scip sialfr með føyruneyti miclo. Hann helt sciþi því

1 *Jef. ovenfor Peters Saga Capp. 64—68 (S. 59³⁴—61³).* 2 *dixit Cd.* 3 *ipse Cd.* 40

i Griclandz haf, oc horðesc fyrst miðc vánliga á a farlengþ hans, en hinn veg laúc þó, at of nott cayrþi scip þat i óþaveþre at biorgom nœqeriom i ey þeire es Ciprus heiter, oc Norðmenn calla Kipr. Þa brotnaþe scip þat alt i sundr, oc tyndusc fiarhluter
 5 aller, þeir es a scipino voro, oc engi maþr comsc a land nema Faustinianus einn, oc varþ honom við bana sialfan. En er hann tók hvild a lande oc lysa tók, þa kende hann, hvar hann var comenn, hann gek i borg nœqera litla, oc fek hann goþar viðtøkur. En engi maþr kende hann þar. Hann gek þar i syslo micla, oc
 10 gerðesc hann þar varþmaþr i borg þeire. Þa syslo haþfi hann .xviii. vetr eþa htlo miþr, unz þingat com Petrus postole oc kende honom tru retta.

5. 1 A are eno þriþia efter pining drottens oc a eno .x. áre veldis Tiberij keisera, þa com Barnabas postole af Jorsalalande a
 15 scipi til Rumaborgar, oc fór of nótt i stiga up i borgena. Oc tók hann þegar enn sama dag at biðþa tru rétta oc sanna, es hann com i borgena. En menn lögþo eigi miclar virþingar a tölur hans, þeir es til hlydo. Þar com fram maþr ungr oc buenn itarliga með ríperasvéit micla oc qvadde sér hliðs. En hann
 20 hóf sva mál sitt: „Hvi verþr yþr þat firer Rumveriom at gera i gegn borgarsíþ oc lögom orom, oc taca eigi betr við qrendreca goþs, þeim es boþar hiolp oc heilso øllom heime, at þvi er ek hygg.“ Þa gatse hlið gótt af alþýþo. Síþan laut sá inn unge maþr Barnabe postola oc qvadde hann a þessa lund: „Heildu
 25 oc vel comenn, heilagr² postole goþs [drottens vars Jesu Cristz³! Segþu oss fra hingatcomo Cristz i þenna heim oc fra burþ hans oc tócnom, þeim es hann gerþe, oc fra kenningom, fra piningo hans oc upriso af dauþa, fra upstigning til himna oc fra tilcomo [heilags anda⁴, es hann gaf postolom sinom. Oc sva viliom ver,
 30 at þu seger oss fra annarre hingatcomo hans, þa er hann scal coma i enda veraldar at dœma of manncyn oc lata hvern hafa þat es til gører með goþs miscunn.“ Þa tók Barnabas postoli at greiþa þat mál alt, sem hann var beidr, oc hlyde þá øll alþýþa vel, unz hann lauc kenningo sinni, sem hann vilde. Síþan tók sá
 35 inn ungi maþr við honom í herbergi sino oc fec honom alla reiþo gnogliga oc boþaþe þingat þeim mönnom øllom, es heyra vildo orþ goþs.

Fóm dogom síþar melte sá inn ungi husbuande við Barnaban

1 *Jvf. ovenfor Peters Saga Capp. 50–73.* 2 sanctus Cd. 3 [domini nostri Jesu Cristi Cd. 4 [sancti spiritus Cd.

postola: „Ec vil segia þer deili a mér oc a cyni mino. Ec heiti Clemens, en faþer minn Faustinianus systrungr Augustus keisera. Ec varpveite at forraþe sþor mins alla sþorleifþ mína, oc emk nu halfþritøgr maþr at aldri. Nu vilia menn, sem þu sér sialfr¹, eigi miøc scipasc við kenningar þinar, oc má vera at sé af því, 5 at þér se heldr annar staþar avøxtr at taca af kenningom þinom. Nu farþu í nafni drottens til Syrlandz, oc er þú fiþr inn helga Petr høfþingia postola, þa berþo honom qveþio mína røkiliga, oc seg sva, at á øþro áre mun ec coma til hans, ef ec life, oc mun ec biþia, at hann come hingat i borg þessa. Þat þyki mer arøpilect, 10 at goþ mun hafa øtlat at senda sinn inn hesta postola oc ørendreka í ena øzto høfoþborg heimsens at snua þeim lyþ til goþs, es þessa borg byggver.

Efter þat let Clemens bua farscost goþan til handa Barnabe postola oc fec alla reiþo a scip þat, þa er hann þurfti at hafa. 15 Siþan leide Clemens Barnaban til scips oc baþ honom vel farasc, oc fal sic meþ tarom under bønner hans, es þeir scilþosc. En scip, þat er barnabas postole var á, fór greit unz þat² nam staþar firer utan haf i borg þeire, es Cesarea heiter. Þar var Petrus postoli firer oc i husom þess manz, es Zacheus heiter oc þa hafþi 20 byscopdóm teket ifer þeire borg af Petro postola. Sa enn same Zacheus es nefndr in evangelio til þess, at hann gerþi fognøþ [drotne orom³ i husom sinom i borg þeire, es Jericho heiter.

En a øþro are com til þeirar borgar ennar sømo af Ruma- borg Clemens frende Augusto(!) k(e)isera oc sønr Faustinianus oc 25 Mathidie. Viþ honom tóco aller borgarmenn vel, oc alra balt þeir es cristner voro. Þa minntesc Barnabas postole a þat, hversø vel Clemens hafþi hans mólom teket i Rumaborg. Hann fylgþi honom a fund Petrs postola, en hann toc við honom feginsamliga vel. En fóm døgom siþar var þing fiølment a strøti nær husom 30 þeim es Zacheus byscop atte. I borgenne var støpull hór miøc. Þar hafþe herberge i støple þeim Simon enn ille oc enn fiolcunge, oc vera lezc crafr goþs. Hann talþesc vera solen siolf⁴, en kono sina callaþe hann tungl vera, es qvenkendo namni heiter luna a latino tungo. Stiørnor þer .v. er løsar fara i lofte oc planete 35 heita at bócmále, talþe hann þer ambatter vera kono sinnar. Simon inn ille hafþe fyrst scirn teket af Philipppo, es .i. var af diacnom .vii. enom fyrstom. Siþan var hann bannzetr af postolom drottens Petro oc Johanne, firer þat at hann hugþesc at fecaupom

1 ipse *Cd.* 2 com *tilf. Cd.* 3 [domino nostro *Cd.* 4 ipsa *Cd.*

myndo gera helgan anda, vilde hann hans gifter fé caupa oc víð fe selia i gegn því es drottenn melte víð postola sína of helgan anda: At vingiöf¹ oc óst heilagre þogot ér helgan anda, enda scolot ér felaust veita.

5 En a nemndom dege com Pētrus postole goþs til þings oc gec at þingstöþenne neþan fra sio. Þingat com oc Clemens með micla sveit, þa er under Romveria voro haller. Þar com oc Simon inn ille með sveit sina, oc sat hann á ofanverþo strēti i nónd víð stöpul sinn. A þingi því reis up Petr postole fyrstr
10 allra manna oc qvadde allan lýð a þessa lund: „Friþr se yþr øllom, es af øllo hiarta oc af øllom crafte elscit drotten goþ yþvarn.“ Þa svaraþe Simon magus: „Eigi þurvom vér friþ af þer at þiggia.“ Þa melte Petrus: „Fir hvi mattu eigi heyra friþ boþaþan? Af synþom oc af laustom hlyzc iamnan sundrþyke²
15 oc bardage, en friþe fylgia aller coster oc øll friþende.“ Þa melte Simon: „Hitt es nu raþ, at þu ger onýtt mál mitt, ef þu mátt nœcgeria flørþ finna í orþom minom. Ec mun oc costa at onýta kenningar þinar, es loclayso einne loþa saman, oc mun ec sýna, hvat et sanna er, (at) til þurftar oc til hialpar sé allre
20 alþýþo.“ Þá melte Petrus: „Førom víð fram oc þa mól okor með hófseme oc scapgøþe.“ Simon svaraþe: „Enscēs ero verþ mal þín øll.“

Þá callaþe sá enn illi carl Simon hótt með øllo oc melte: „Hlyþet mér aller menn, þeir es her eroþ comner. Ec emc crafr
25 almattex scapera. Ec comk af himnom ofan oc vasc getenn i qviþi kono þeirre, es Rakel het. Hon føde mic .x. vetr vandliga. En .i. hvern dag selde hon i hønd mer sigþ, oc sende hon mic til cornscurþar. Ec com til acrsens oc melta ec víð sigþenn: Scerþu nu cornet. Hann scar acrenn eigi seinna en .x. menn. Mér es
30 hlyþen øll scepna til þess es ec vil. Ec ma fliúga i lofte i ellz like. Ec gere sva, at aldentre eþa acr rennr þar up sem ec vil. Ec ma fara i gegnom fioll, hvars ec vil. At boþorþe mino hlēia licnesce, þau es ger ero ór tre eþa ór malme, oc hrørasc þau oc mēla, ef ec byþ þat. Ec scipte iferlitom minom, ef ec vil, svat
35 ec synomc stundom gamall maþr oc scegiapr miøc oc hárr, en stundom fultiþe maþr oc nacqvāt scegiapr, en stundom synomc ec gransprettingr eþa yngre, oc sva ungr oc stundom ungmenne. Stundom bregþ ec a mic kycqvenda like ymissa, fogla eþa orma, fiska eþa dýra, nauta eþa hrossa, hruta eþa hafra.“

40 1 vinbgiöf (opr. vmbgiöf) Cd. 2 syndrþyke Cd.

Þá er Simon talþe sliet firer lýðnom, þa andsvaraþe Petrus postole: „Synesc yþr eigi sem sia sialfr diøfols maþr lyse ifer fiolcyngre sinne oc flerþ i sinom orþom, en eigi of godome þeim es hann lezc hafa oc hann hefer þo at øngom coste.“ Lýþrenn svaraþe: „At viso sýnesc oss svá.“ Þa melte Petrus við Simon: 5 „Hviliker muno þeir menn verþa, es hverfa efter þér?“ Simon svaraþe: „Sva sem ec em siálfr eilifr oc odauplegr, sva muno oc aller miner menn aldregi deýia.“ Petrus melte: „Hvárt truer þu upriso dauþra manna?“ Simon svaraþe: „Eigi, eigi.“ Petrus melte: „Hvi vildo liuga? Þat veit ec, at þu hefer i vitom þinom 10 lic barns, þess es þu sialfr¹ banaþer, oc gengr þu við þat til frettar. En ór þeim enom litla búc veiter diøfull þér andsvor of þa hluti, es þu spýrr at. Førom vér nu, es a Cristum truum, oc rannsøcom vit Simonar, oc vitom hvat vér finnom þar.“

Þa er Petrus melte þessi orþ, þa syndesc mønnonom sva sem 15 Simon flygi i lopt up, enda hvarf hann allr hia støpli sinom. Þa var oc comet at nött, oc tóc þa at myrqva miøc, es Simon hvarf. Þa melti Petrus við allan lýð: „Nu mego þer siá, at Simon vill eigi lata randzaca vit sín. Faret ér nu i goþs friþe, hverr i hus sitt, oc comit til mín at morne ardegess, þa scolot ér heýra for- 20 mæli mit, oc þa mun lysasc firer yþr saþr goþs crafr til hialpar øndom yþrom oc licømom, oc heþan af mun eyþasc atrunorþ við Simon, af því at menn mego aller vita, með hve micil svic hann ferr.“

Annan dag efter com fiolþe manna a fund Petrs postola ardegess. En þa var Simon horfenn ór borgenne með alt sit, oc 25 lengi siþan visso menn eki til hans i þeim herorþom. Þann dag talþe Petrus lengi firer lýðnom oc gerþe cunna² alre alþýþo flerþ Simonar. Þa gaf hann oc heilso morgom siúcom monnom, þeir es þar como til hans. Þaþan cristnaþesc fiøþe manna oc tóc scirn i namne drottens. Oc þa var Clemens scirþr oc alt førur- 30 neyti hans, oc rezc hann til fylgio við Petr postola (oc baþ hann Petr postola), at hann scylde fara til Rumaborgar at boþa þar goþs ørende þeim monnom, es þar vilde heyra. En hann lezc fyrst mundo reca goþs ørende a Gyþinga lande, sva sem honom var boþet af goþe, en lox lét hann vón, at hann mynde vitia 35 Rumaborgar a firerætlaþ(r)i tiþ af goþe, oc callaþesc hann þar mendo enda lif sit at goþs vilia.

Siþan boþaþe Petr postole goþs namn of Gyþinga land alt oc of Syrland, oc of Griclandz eyiar oc þau herorþ, es þar ero inond.

¹ ipse *Cd.* ² flerþ *tilf. Cd.*

En Clemens fylgþe honom, hvar sem hann fór. Þeir Niceta oc Aqvila brøðr Clementis voro þa iamnan i fylgio með Petro, oc cønnoþosc¹ þeir þó eki við Clementem i þann tíð, at þeir være brøðr hans.

5 Sva bar at, at scip, þat es Petrus postole var á, com við ey þá es Corpho heiter. Þa er þeir dvolþosc þar i einni hverre höfn, þa gengo þeir Niceta oc Aqvila of dag a land up. Þeir como þar es leicstefna nœcqrer var fiølmenn, oc toco þeir at boþa þeim monnom a fund Petrs postola, es heyra vildo goþs orð eþa kenning
10 helga, eþa fa bót meina sinna, þeir es þar være vanheiler. Þar com Mathidia at gangande oc nemndesc oþro na(m)ne en hon átte. Hon melte við þá Nicetam oc Aqvilam: „Hvers vette þit, hvart mér món at nœcqrri hialp verþa, ef ec cømc a fund Petrs postola.“ Þeir svoroþo: „Ef þu ert saþr þurvamaþr, enda vildo
15 trua a Jesum Cristum son goþs, þa mundo vist miscunn fá af funde hans, sem aller þeir es at flærþauso vilia hans kenningar heýra oc hafa.“

Annars dags com Mathidia af tilvison þeira a fund Petrs postola oc fell til fóta honom oc baþ hann olmosogiafar. Petrus melte: „Af hvi þarftu at þiggia olmosogiafar eigi oheileg kona nu, at þvi es mer synesc.“ Hon svarape: „Freyia min es vanheil oc licþro, oc vinn ec til reiþo oer boþom. Af þvi biþ ec þic olmosogiafa.“ Petrus melte: „Hvat scylder þic til at vinna firer kono þeire?“ Þa er Mathidia scylde þat segia, þa comsc hon
25 við acaflaga miøc oc mátte øngo orþe up coma. Þa melte Petrus postole: „Þat er etlon mín, at þu munt verit hafa kona gøfug at metorþom oc auþeg, en nu comr þér i hug efi þin en fyrre, oc scamasc þu nu valaþs þins oc vesalþar, er nu es ifer þic comen.“ Mathidia melte: „Rétt etlar þu nu, herre minn,“ qvat hon Mathidia við postolann. Petrus melte: „Come hingat husfreyia þin, oc sióm vér, hvat siþan geresc af.“ Þa var sýst til þess, at husfreyio hennar var fylgt þingat til fundar við Petr postola, oc var hon laugþ firer fœtr postolans. Þa melte hann við þær baþar: „Vilit
30 it trua a goþ fœþor almatcan oc a son hans Jesum Cristum [drotten varn² oc a helgan anda?“ Þær svoroþo: „Vist monom við trua, sem þu kenner.“ Siþan signde Petrus ena siúco kono, oc varþ hon þegar heil af licþró sinne. En þvi næst voro þær scirþar baþar i namni þrenningar. Þa fór su kona, es heilsona hafþe fengit, til frendliþs sins með leyvi Petrs³ postola. Mathidia tóc

1 cønnoþesc *Cd.* 2 [dominum nostrum *Cd.* 3 Petres *Cd.*

at biþia, at hon scylde ná at fylgia Petro postola, oc girndesc hon at heyra kenningar hans of daga, enda var henne þat veitt. Hon rezk þa i sveit með konom þeim helgom, es vóro i færonauti Petrs postola, en þeygi visso menn of stundarsacar, hver hon var.

En stundo síðar como þeir Petrus oc Clemens scipi sino við 5 Kípr, þar voro þeir i hæfn nœqerri eigi allscamma stund. En þar gec Petr postole up a land hvern dag oc baþsc þar firer lœngom a biarge nœqero, es nœr var hœfnenne. Þar var oc vatnfall mikit einom megin hia biarge því. Þar com af lande ofan at gangande carl gamall oc hœroscegge. En hann stoþ .iii. daga 10 alla miœc sva i sœmom sporom oc hlyde til bœnahaldz postolans oc til formelis þess es hann veitte þeim monnom, es til hans como. Karl sa melte eki orþ a þeim .iii.^m dogom. En at aptne ens .iii.^{ia} dags, þa er hann biosc braut at ganga, þa melte hann þessi orþ of Petr¹ postola oc of fauroneyti hans: „Þesser ero menn 15 gœfer oc staþfaster i scaphœfnom sinom oc muno vera eigi vitrer, at því [es mer] virþesc.“ Þau orþ hœrþe Petrus oc melte við sina menn: „Taket ér carl þann oc fœrit mer.“ Þeir toco carl þann síðan oc fœrþo honom. Þa melte Petrus: „Hverr er þu firer þer, fostre?“ Hann svaraþe: „Ec emc varþcarl einn fatœcr oc rumverscr 20 at cyne.“ Petrus melte: „Hvaþan af callar (þu) œss menn gœfa oc gefasta oc þo ovitra?“ Karl svaraþe: „Þvi calla ec yþr gœfa oc gefasta, at ec heyrþa hve litellatliga oc hvé ohrapallega ér mœltozc firer við gœþ yþvarn, ma ec oc scilia af malsendom yþrom, at ér elscit raþvende oc gœzco, en ér hatit odaþer oc 25 ilzco. En af því calla ec yþr ovitra menn, at mer virþesc sva sem ér callit mann i. dauþan vera gœþ yþvarn, oc truiþ ér a hann sem a gœþ. En þat ma hverr maþr vitr scilia, at i. es gœþ almattegr² oc obrigþlegr.“ Petrus mœlte: „Þu callar œss ovitra menn, firer því at vér truum a mann dauþan. En ec cann þer 30 þat segia, at hvartke þu ne annarr maþr ma alvitr vera nema hann scili þat, at sa enn same maþr, er þu callar dauþan oc vér truum á, es bœþe maþr dauþlegr oc gœþ lifande almattegr² oc obrigþlegr.“ Karl melte: „Hverso meget ér slict satt vinna, ofroþer menn oc iþrottalauser?“ Petrus mœlte: „Þat vil ec, at 35 þu dvelisc með œss nœqeria stund of daga, oc mon ec fa mann til af liþe mino oc fauroneyti at reýna iþrotter þinar.“ Karl melte: „Gœrþu sva, ef þu vill.“

Annan dag efter lét Petrus Clementem coma til máls við

carl þann, firer því at hann þótte algerr at ser of allar íprotter, þer er Rumveriom voro típar at kunna. Þá toco þeir Clemens oc carl sa enn gamle at cannasc við of íprotter. En sva reyndesc, at hvartvegge kunni allar íprotter þér er spekingar voro vaner at
5 cunna i þann típ. Síðan lögðu þeir fram firer sic enn fyrsta dag íprott þa er gramatica heiter, oc kenner hon hve retliga scal at hverio orði qveða, oc hve öll orð hneigiase a latino tungu. Þa íprótt foru þeir alla ifer enn fyrsta dag. Annan dag tóco þeir þá íprótt at rannsaca er rethorica heiter, hon kenner malsnild
10 alla. En þriðja dag gec fram dialectica, es þrøtor cann scilia. En fiorða dag foru þeir ifer musicam, es saungsíprótt er. Enn fimta dag var caunnot arithmetica, es tölvisse alla greiðer. Enn setta dag gek fram geometria, er kenner hvé mæla scal heð eða dýpt, lengð eða breidd vel hvers hlutar. Sva cannþesc til, at
15 allar íprotter þer kunni sa inn gamli carl necqve framarr en Clemens, oc cunno þeir þo baðer vel. En si[þarst] toco þeir at tala¹ of stiørnoiþrott, es astronomia² heiter. E[n þo] vilde inn gamle carl eyfit lata af leiðasc at røða of þa íprottena. Þat fann Clemens oc mælte við hann: „Hvart er, at þu³ cant verr þessa
20 íprott en aþrar, eða hvi lætr þu þér her sva fátt um finnasc?“ Karl svaraðe: „Þa íprott þottomc ec bazt cunna, en þat hever mér miðc brugþesc, oc þykiomc ec nú mega ongo treystasc of íprotter minar.“ Clemens melte: „I hvi hever þér þat mest brugþesc?“ Karl svaraðe: „Þat tregar mic miðc at segia.“ Þa tók Clemens miðc
25 at grava þat mal við hann. Ennda var þa Petrus postole hiá malstefno þeira, oc crafþe hann, at sá inn gamle maðr scylde segia, hvat ifer hann hafþe gengit. En honom þótte sva miket firer at rífa up harm sinn allan, þann es hann þottesc beþet⁴ hafa, oc com hann traut orþe up. En þa mælte hann of síðer:
30 „Ec átta mér kono gøða oc raþvanda, at því es ec etlaða, oc óttom við ocr iii. sono. En hon viltesc öll fra mér, oc lagþe hon ilt firer sic. En broðer minn sannaðe þat firer mér af stiørno íprott, at stiørnogangr hafði sá verit a burþartíð hennar, at eigi være vón, at hon mætte raþvønd vera til elli sinnar. Síðan hefi
35 ec allr firerorþet mic, enda trui ec nu eki a stiørnoiþrottina síðan.“ Petrus mælte: „Þat er villa micil, es þu etlaðer at stiørnogangr mynde raða raþvende kono þinnar; þat hygg ec, at þu munt þat rett hafa etlat, es þu hugðer kono þina gøða kono

1 taða Cd. 2 astronona Cd. 3 þav Cd. 4 bøpet Cd.

vera oc raðvanda. Segðu nu mér sannlega alla athöfn þína, oc ma vera at þat verði þér at necqverð huggon.“

Þa melte hann sá inn gamli carl: „Ec heite Faustinianus, en kona mín hét Mathidia, sonr minn es Clemens.“ Þa tók Clemens við at vacna oc at heilsa fæðbor sinom, oc varð þar fagnafundr 5 mikill með þeim fæðgom. En því næst com þat up, at þar var Mathidia i fauroneyti þeira Petrs postola, oc þar voro syðer þeira Faustus oc Faustinus, es þa cölloþosc Niceta oc Aquila. Þa verðr hvert þeira fæðgina¹ auþro fegit, oc søgðosc sin a mille alt þat, es iver þau hafðe gengit, síðan er þau hauffðo scilize. En efter 10 þat talðe Petrus postole tru firer Faustiniano oc beide, at hann mynde scirn taca.“ En hann svaraðe: „Ec vil trua sva sem þu kenner, en sva fremme vil ec scirn taca, es ec emc necqvi frøfare at helgom ritningom, en ec sia enn.“ Þa reðsc Faustinianus til fauroneytis með Petro postola oc gerðisc honom sva hlyðinn oc 15 sva hendelangr, sem hann vøre honom i barnðsco til leringar seldr. Hann hafði þa virðing micla af øllom monnom, þeim es Petro fylgðo, þót hann beresc sialfr² litíð á.

I þann tíð spurðe Petrus, at Simon inn ille, es magus var callaðr, vildi þioð alla i Antiochia, svát þeir truðu hann at sönno 20 goð vera. En þeir cøstoðo niðr tru þeire allre, es Petrus hafðe kent þeim. Þa fystesc Petrus at fara þingat, enda fór hann, unz hann com i borg þa á Jorsalalande, es Cesarea heiter. Þar hafði Cornelius .c. høfðingi vald miket, sa er Petrus hafðe scirðan. Hann veitti þar viðtekio(r) goðar Petro postola, oc hann fec honom 25 riðerasveit micla til fòronautis i Anthekio. En er þeir nolgoðosc þingat, þa spurðo þeir, at borgarmennener etløðo at banna Petro inngøngo í borgena Anþekio af firertølom Simonar ens illa. Þa mælte Faustinianus við Petar postola: „Theophilus heiter maðr gøfugr i Anþekio, hann hever oft verit gestr minn i Rumaborg, 30 ec hefi oc iamnan³ verit at herbergi i husom hans, þa er ec hafðac velde of herøðom þessom, oc var vinátta okor einca goð. Nu vil ec fara til fundar við hann, oc mun ec taca herbergi at hans. En þaðan af vetti ec, at við munom sva umb sysla, at þu munt ná inngaungo i borgena oc fauroneyti þitt.“ Petrus mælte: „Farðu 35 ef þu vill. En þo fysi ec þic, at þu taker aþr scirn, þa vetti ec, at Simon myni eki mega þér til meins gera, þót it finnez. En ella es mer von, at hann gere þér necqvæt ogagn eða geig.“ Faustinianus melte: „Eki meín mon hann of gera. Þa vil ec

1 friðgena Cd. 2 ipse Cd. 3 iamnat Cd.

scirn taca, er ec com aftr til þín.“ Petrus mælte: „Verði sem goð vill.“ Síðan fór Faustinianus til Anþekio, oc tók Theophilus vel við honom. Hann hafði fa daga þar verit, áðr hann gat snuit Theophilo fra øllum trunæfi við Simon, oc tók hann up tru
5 retta, sva sem Petrus postole hafði kent honom fyrr meirr.

Sva barsc at .i. hvern dag, at þeir Faustinianus oc Simon gengosc at mote a stræti, oc sa hvárr þeira annan, en eki mæltosc þeir við. Faustinianus þottesc kenna bló necqern a andliti sér, es þeir gingosc at mote, sva¹ sem orpit være bleyto næcquerri i
10 andlit honom. En litlo síðar com hann i herbergi sitt oc hugþesc eki hafa scipazc at iverlitom sinom. En hann var þo orþenn sva glier Simone at asia, at engi matte maðr øþrom glicare vera en Faustinianus var Simoni, oc eigi kendo menn hvarn þeira só. En þegar es hann com í herbergi, þa callaðe Theophilus oc mælte:
15 „Dragstu út heðan, diofuls maðr! Engva dvol scaltu her hafa.“ Faustinianus mælte: „Hvi qveðr þu mic sva hermiliga, husbuande?“ Theophilus mælte: „Etlar þu at ec vita eigi, hvern þu ert firer þér, Simon inn ille oc enn fiolcunnge?“ Faustinianus mælte: „Faustinianus em ec, en eigi Simon inn ille.“ Theophilus mælte: „Annan
20 mattu sva blekia, en eigi mic, ec kenni þic fulgerla, hvern þu ert.“ Faustinianus mælte: „Hyggðu at fatabuningi minom oc cleðom, oc kenn mic þáðan af, ef þu matt mic eigi at iverlitom kenna eða asiono minne.“ Sem traupast matti hann því til sannz coma firer Theophilo, at hann være eigi Simon magus. En er þeir þottosc
25 sia báper, hvaðan af hann hafði mein fingit, þa reðu þeir þat, at hann fór a braut or borgenne sem sciotast oc a fund Petrs postola.

En er hann com þar, þa fell hann til fota postolanom oc mælte: „Veittu mér miscunn, herri minn, qvat Faustinianus, oc lát mic hafa iferlit min, þau sem ec hafða áðr Simon spillte
30 asiono minne.“ Petrus postole svaraði: „Eke synesc mér brugþet vera iferlitom þínom. En þót øþrom monnom synesc brugþit vera asiono þínne, þa er þér þat eki mein.“ Faustinianus mælte: „Hvern maðr hyggr mic enn versta mann vera, sa er mic sér.“ Petrus mælte: „Þat it sama scal Simone verða at miclo hlögi,
35 es hann þykesc þér hafa til meins gert. Fylgðu nu róþom minom, qvat Petrus, tac þu nu blezon af mer, oc far síðan i Anþekio oc i hus Þeophili vinar þíns, oc lat þar eki verða vart við þic, fyrr en þu gengr þar fram a stræti .i. hvern dag, þa er þar er fiolmenne mikit. Þu scal þa callasc vera Simon magus, þu scal

teliasc verða scyldr til þess of sinn a hverio are at lysa siþo þina oc atgiorfe firer alþýðo. Siþan scal tu segia a hǫnd þér fílcynge oc allar flerþer illar, þer er ec kann þér segia, at Simon es saþr aþ. Þess vetti ec, at Simon mon coma at heyra a orþ þin. Hann mon eigi mega standasc tǫlo þina þessa, hann mon raþa til menn 5 sina¹ at sciota at þer eþa gera þer necqern geig, ef þeir mego. Þu scal hafa aþr raþna til .ii. menn at halda firer þic scioldom oc hlifa þér, ef menn veita þér tilraþ. En ef þer verða tilraþ veitt, þa costapu at hverfa aþr a braut or borgenne sem sciotast, oc com siþan til min.“

10

En efter þessa tilscipon tóć Faustinianus blezon af Petro oc fór siþan i Anþekio oc háttape øllo sva sem Petrus bauþ honom. En er þar com, at hann stóþ a strēti oc talþesc Simon vera oc lysti iver odaþom sinom oc endemom², þa matesc(!) Simon magus þat eigi ofstandasc, hann lét scióta at honom órom tvennom. En 15 þar brugðu menn scioldom við, es til voro setter at hlifa Faust- iniano. Þa callape Faustinianus oc melte: „Nu mon ec hótta þesse røþo, en þvísá næst mon ec synasc meþal yþvar a strēti.“ Viþ þessi orþ hvarf hann a braut alr, svat hann varþ hvergi litenn i borgenne þaþan fra. En lyþr, sa er aþr hafþi horft a 20 hann, litapesc umb, oc so þeir þá Simon standa a meþal sín. Þa toco þeir at rēkia hann oc melto við hann: „Nu vitom vér, hverr svicare þu ert, hever þu nu sialfr³ sagt efter þer undr oc endemi þau es enge⁴ mego við iamnasc.“ En er hann vilde sialfr³ svara firer sic, þa østesc øll alþýða a hendr honom, oc cøstoþo 25 þeir at honom griote oc trióm oc hvivetna, es þeir móttó til fa. I þeire rimmo tóco þeir borgarmenn Simon inn illa a braut ór Anþekio, svát hann efdesc þar eki siþan of aldr.

Faustinianus com bratt a fund Petrs postola oc sagþe honom þau tipende, es gerzc hǫfþo i Antiochia, oc lét hann þess vón, 30 at hann mynde þar fa goþar viþtøcor. En siþan sende Petrus postole Nicetam oc Aquilam i Anþekio at gera vart við, at hann var þingat a fōr. En er borgarlyþrenn visse, at Petr postole nolgapesc þingat, þa fóro aller ener gǫfgusto menn langt a braut ór borgenne a mot Petro oc gingo berfötter oc i harclepom oc 35 syndo sva iþron sina Petro postola, firer þat es þeir hǫfþo horft efter villo Simonar ens illa oc truat a flerþer hans oc ilzco.

Þa er Petrus com i borgena, þa dreif at honom alþýða mannz, oc voro þar borner at honom siuker menn ymisligom sottom hvaþan eva,

¹ sinna *Cd.* ² endemmom *Cd.* ³ ipse *Cd.* ⁴ engo *Cd.*

þeir er sér vætto haps oc heilso af verpleicom postolans oc iarteinom hans. Þa leit Petrus iver folc þat, es til hans var comet, oc þakaþe goþe tru þeira, þa er hann sa [algerva], es þa var comen i briost þeim. Síþan mælte Petrus postole við lýþenn:

5 „Þat megot ér sia, at ec em maþr glier yþr at øllo øþle oc at ostrycleic licama mins. Nu scolot ér eigi þat hyggia, at ec mega geva yþr heilso af crapti minom; en ef ér iatit þvi, at Jesus Cristus [sonr goþs¹ lifanda gefr yþr heilso, oc trueþ ér a hann af øllom hug, þa er vón at ér megit miscunn fá i hans namni.“ Þá

10 iátte allr lýþr Cristo domino oc lezc buinn vera at gera þat alt, es Petrus vilde biþa. En i þvi bili com lios miket af himne ofan iver allan lýþ, enda fingo þa þeir menn aller bót meina sinna, es siuker hæfþo verit. Þa runno cryplingar at fotom Petro postola, oc øll alþýða lovaþe [nafn Cristz drottens². En þaþan fra

15 fylgþe sva micill goþs craþr Petro postola, at a .vii. dogom enom næstom toco .x. þusunder manna scirn með fullre tru til goþs.

Efter þat beide Theophilus enn cristnasti maþr i Antiochia Petar postola, at hann vigþi höll gøfugliga, es hann atte, til kirkio, enda fór þat fram. I þeire kirkio var setr stoll Petrs postola a

20 þeim dege, sem nu er síþan halden Petrs messa a vár, oc þa saung þar Petr postole fyrstr messo allra manna, at þvi er bœcr segia. A þeim dege fell Faustinianus til fota Petrs postola firer allre alþýða oc melte þesse orþ: „Nu þykia mér goþs orþ, þau er þu hever sagt i briost mér, vera buen til at gera góþan avøxt.

25 Nu fysome ec at taca scirn, oc vil ec síþan vera hlutakere heil-agrar þionusto.“ Þa scirþe Petrus Faustinianum, oc þa tóc hann asiono sina, þa sem hann hafþi haft aþr Simon brygþe iverlitom hans. A þeim dege talþe Petrus lengi firer lýþnom oc hóf þar mál sitt, es Faustinianus var, oc gaf a honom dôme øþrom monnom,

30 hve hann var snuenn fra heiþnom dome af miscunn goþs til algørrar tru oc til dyrlegs lifs. En þaþan fra virde alþýða Faustinianum sem engil goþs, oc marger menn þionuþo honom eki miþr en Petro postola. Eþe hans laúesc með góþo oc kono hans oc suna i tru heilagre oc atferþ dyrligre at goþs vilia.

35 6. Petrus postole helt .vii. vetr byscopstol i Anthekio, en síþan com hann til Rumaborgar a þeim dogom, er Claudius var keisere iver øllom heime. Þar var hann fyrstr pave oc hafþe hann þat velde halvan þriþia tøg vetra. Clemens fylgþi honom miðc sva alla eþe þaþan fra, er hann com til fundar við Petr

postola, oc Clemens gerði bók þá of farahag oc iarteiner Petrs postola, es heiter Iterarium Petri, en þat þýðesc sem se farabók Petrs. Sva seger boc, at a ofanverþom dogom Petrs postola þa com .i. hvern dag fiolþe manna a fund Petrs postola at heyra formeli hans oc kenning. Þa reis Petrus up a mannfunde þeim enom fiolmenna, oc toc hann hönd Clemens oc melte síþan: „Þat hever drottenn¹ vitrat mér, at nu nolgasc miðc andlaziþ min. Nu set ec þenna mann Clementem i stol minn at stýra oc at raþa allre Rumaborgar cristne, oc honom byþ ec at halda up kenningom helgom oc boþorþom guþs øllom efter dag minn með velde þvi, es ec hevi teket af lerifeþr minom oc drotne² Jesu Cristo at binda oc leysa alt þat es ec vil a himne oc a iorþo. Sia maþr hevir mér fylgt miðc langa éve vel oc truliga, oc veit ec hann bazt til fallenn at sitia i stole minom firer tru sacar oc vitrleix oc gøzco.“ Þa setti hann Clementem i stol sinn oc lagþe hendr sinar i høfot honom með blezon heilagre þeire, at hann vigþe hann til byscops oc til pava iver alre cristne. Þa minnte Petrus pave Clemens á miðc morgom orþom, hverso hann sey(1)de halda byscopdom eþa hvé hann scilde(!) stýra cristne þeire, es hann var þa iver setr.

Þaþan fra leiþ eigi langt sceiþ, unnz goþs unnande Petrus postole lét lif sit firer ena holei'osto óst viþ inn almatca goþ, [sva sem sialfr drottenn³ hafþe vitrat honom. Enn fyrste pave af Petro vigþr oc til kørenn var Linus, oc var hann litla stund. En annarr pave var Cletus efter Linum at forraþe Petrs postola, oc lifþe scamnþa stund. Enn þriþi pave fra Petro var sia inn gøfge Clemens sonr Faustinianus ens mesta speking, oc hann var sonr Mathidie⁴ ennar cynstørsto kono oc dasamlega raþvandrar sva sem fyrr var fra sagt.

7. En sia en helgi ettarbøter Clemens glicþi atferþ sina oc kenningar helgar efter Petro postola lerifeþr sinom, oc Clemens pave hafþe ost oc elscø micla af Gyþingom oc heiþnom monnom sva sem af cristno folke. Heiþner menn elscøþo Clemens af þvi, at hann fólde eigi siþ þeira, heldr synde hann þeim með micille scynseme af þeira bócom sialvra, hverso illa oc flerþsamlega þeir Þórr eþa Openn eþa aþrer eþer voro getner, oc hverso illa oc herviliga þeir lifþo, oc dó síþan vesaliga heþan ór heime, oc ma þa af þvi ongom sannondom goþ calla. Clemens pave sagþi sva heiþnom monnom, at þeir mōnde þegar øþlasc lichen oc miscunn af goþe, es

¹ dominus *Cd.* ² domino *Cd.* ³ [sic] ipse dominus *Cd.* ⁴ Mathadie *Cd.*

þeir hyrfe fra blotom oc alre gæfгон viþ scurþgoþ sín. En Gyþingar
 elscöþo Clemens pava af þvi, at hann lét vel of logum þeira oc
 sagþe langfeþr þeira vera helga menn oc goþs vine micla, oc qvat
 5 eigi myndo áþra fyrr öþlasc oc eignasc inngöngo himenrikis vistar,
 ef þeir tryþi þvi, es helger spamenn þeira höfþo spaþ oc firer
 sagt of hingatcomo Cristum(!) drottens¹ i heim þenna. En af
 heilagre vitro oc goþe gefinne oc hyggeligre raþléitne teygþe
 Clemens pave Gyþinga oc heiþna menn til asthuþar viþ inn almatca
 goþ föþor oc son oc helgan anda, þann er böþi er .i. oc þrir, oc
 10 fek sva umb röt viþ allan lyþ, at sem sízt stygþesc hugr þeira
 viþ kenningar hans, oc svat öllom rynne sem mest astarhugr til
 heilagrar miscunnar² eingetens sonar goþs. En eigi haþþi hann
 þessi bliþméli firer þeim søcom viþ lyþenn, at hann hredesc ógner
 manna ne styriöld, firer þvi at Clemens boþaþi þar namn goþs oc
 15 tru retta, es hann visse áþr mesta heiþne vera oc scurþgoþa villo.

Oc af hans kenningo sneresc til tru retrar agæt kona, su er
 Theodora hét, oc com oft til kirkio oc þionaþi astsamlega oc vel
 goþe almatcom. En Sisinnius buande hennar Theodoro var grimmr
 maþr oc heiþenn. En .i. hvern dag gec Sisinnius af forvitnes
 20 søcom efter Theodoro kono sinne i önnor kirkiodyrr. Enn er
 lerþer studo bön pavans oc qvoþo amen, þa varþ Sisinnius þegar
 böþi blindr oc daufr, oc melte sva viþ þiona sina, at þeir scylde
 taca i hendr honom oc leiþa hann a braut þaþan, þviat ec ma
 nú hvartki siá ne heyra. Þionar hans oc þrelar leido hann of
 25 kirkiona innan oc móttö eigi hitta út oc fundo eigi dyrr a kirkionne.
 Þeir foro sva oft i hring of kirkiona innan, unz þeir como þar of
 siþer, es Theodora var kona hans a bönom sinom. En er hon
 sa, hvar þeir foro meþ Sisinnium buanda hennar, þa veic hon
 fyrst fra funde þeira, oc etlaþe hon, at Sisinnius mönde sia
 30 nacqvát, þviat hann hóf up augo sín sem heileygr maþr. En þó
 sendi hon mann efter þeim at vita þat, hvat þeim være orþet til
 meins, es þeir foro sva ögreít. En er þeir svoroþo oc søgþo sva:
 „Þa er Sisinnius dominus varr vilde sia þa hluti oc héyra, es
 honom var eigi lofat heiþnom manne oc trulausom, þa tynde hann af
 35 þvi böþi heýrn sinni oc sýn, oc mego nu aller sia þat, at ver hittom
 eigi leiþ ora ór kirkio út.“ Theodóra fell a kne til bönar sinnar,
 þa er hon heyrþe tiþende þessi søgþ oc baþ enn almatca goþ meþ
 tórom, at þeir mätte ganga ut or kirkionne. Þa melte Theodora
 viþ þrelana: „Takít ér nú i hendr Sisinnio oc leiþit hann heim,

en ec mon halda sva bøn minne, sem ƿss gegni ollom bazt, oc scynda þegar heim, es tíðom es lokit.

Sveinarner toco i hendr herra sinom Sisinnio, sem Theodora bauþ þeim, oc leido heim til hallar sinnar. En þeir fóro síðan aftr til fundar við Theodoro scyndiliga oc saugþo henne Sisinnium 5 vera beþe blindan oc daufan. Þa hvarf Theodora af nyio til bønar sinnar oc baþ honom þrasamliga goþ miscunnar¹ buanda sinom, oc fell hon til fóta Clemens pava, þegar er tíðom var lokit, oc sagði buanda sinn vera beþe blindan oc daufan, þa er hann vilde forvitnasc of hage okra. Þa telde Clemens tór oc 10 eggjaþe þa menn alla, es þar voro, at biþia firer Sisinnio, at goþ gæfi honom syn oc heyrn. Oc fór hann heim með Theodoro, es bøn þeira var lokit, oc hafði hann alt traust under goþe almatcom. En hiu hans øll Sisinnius stoþo gratande iver honom, oc máte hann eki til sia eþa heýra, es hiu hans heilsaðo Clemens pava 15 oc Peodoro. Þa hóf Clemens pave up augo sin til drottens² oc baþ Sisinnio [miscunnar goþ³ oc melte a þessa lund: „[Drottenn minn⁴ Jesus Cristus, þu [er gaft⁵ postola þinom Petari himinrikis lukla, lærifæpr minom oc meistera, oc þu heilagr goþ mæltar sva við hann, at sa scal hverr leysasc a iorþo fra 20 øllom meinom oc øþlasc eilifa miscunn af goþe fæpr firer þit heilact arnabrorþ oc himinrikis vist, er þu vill sva vera lata, en sa hverr bundenn oc fyrðomþr oc goþs flottamaþr verþa, er þit atqveþi es þat; bioþo nu, drottenn, at up lukesc augo þessa mannz oc eyro, þviat þu mæltar sva: hverskis es ér biþit, truit ér þvi, 25 cristner menn, at ér munof geta þat, es ér biþit, oc mun sva verþa. En þetta heit þit es vist sat, oc hever sva verit of allar veralder veralda.“ En er aller svoroþo, þeir er hia voro, oc qvoþo amen, þa lucosc þegar up augo Sisinnius oc eyro.

En er Sisinnius sá Clemens pava standa hia kono sinne, þa 30 viltesc hugr hans miðc af micille ilzco oc afbryþe oc etlaþi sva firer sér, at Clemens pave hefði gervan hann mann blindan oc daufan af fiolcynge sinne. En af øþe þeire oc heimsco, es þa slo a hann Sisinnium, melte hann við þrela sina, at þeir scylde taca Clemens pava oc binda hann oc draga hann of øll stræti firer þa 35 søc, es hann fiðde kono hans oc tóc sýn oc heyrn fra honom með fiolcynge sinne, sagþe Sisinnius. En þa þotosc þrelar hans draga Clemens pava aftr oc fram at strætum, sva sem Sisinnius bauþ

¹ misericordie Cd. ² domini Cd. ³ [misericordie a deo Cd. ⁴ [dominus meus Cd. ⁵ [ert gaf Cd.

þeim herre þeira. En þar hlífþe goð heilagr Clemens pafa astvin
sinom, oc drógo þeir efter ser of streti stoka oc steina. Oc sva
syndesc Sisinnio sem þrelom hans, at þeir dregi þar Clemens
pafa. Enn þeir ener sçomo hløgesmenn, es eigi visso hvat þeir
5 gerþo¹, hlogo sva at honom sem at bandingia. En Sisinnius
qvazc bana scyldo honom sem galdramonnom. „Macliga dragit
ér nu stoka oc steina, sagþe Clemens pafe, þviat ér hafit stein-
hiçrto oc trueþ a stoka oc steina.“ Þa veite Clemens pave blezon
Theodoro, oc fór heim siþan oc melte sva við hana, at hon léte
10 eigi af bøn sinne, aþr goð heilagr miscunnaþe Sisinnio buanda
hennar. Oc þa vitraþesc henne Theodoro, es hon var a bøn sinne
gratande, .i. hverr gamall maþr gøfuglegr miçc at alite, oc sagþe
henne sva: „Firer bønir þinar oc gøzcç mun buande þinn hialpasc,
at þat synesc, es Póll broþer minn sagþe²: Helgasc mun otrur
15 maþr oc vandr af kono sinne goþre oc trure, oc vánd kona mun
batna af sinom manne goðom oc raþvóndom.“ En þa hvarf Petr
postole braut fra henne.

En Sisinnius callaþe þegar a kono sina Theodoro, es hann
sa hana, at þat sannapesc, es Petr postole hafði sagt henne, sva
20 sem vón var at honom: „Biþþu nu [drotten goð þinn³, at hann
biarge mér, þoat ec sia overþr, af sinne heilagre miscunn, oc se
mer eigi reiþr, þviat afbryþes sçocom gec ec efter þér i kirkio inn,
oc tóç ec þegar víte a mér, þa er ec forvitnopomc of þat at sia
þa hluti oc heyra, es gerþosc i navisto Clemens pafa. Nu biþþu
25 hann, þoat ec sia þess omaclegr, at hann come til fundar við
mic, oc mega ec vita sanna tru, þviat mer syndesc sva oc þrelom
minom, sem ver byndem pavann sialfan, þa er ver drogom stoka
oc steina efter 9ss “ Þa for Theodora scyndiliga efter Clemens
pafa oc sagþe² honom feginsamliga vitron þessa oc tipende, es
30 Petr postole hafþe sýnzç henne, oc hon sagþe² [fe]ginsøgu þar
meþ, at Sisinnius munde snuasc fra villo sinni, [sem] þegar gec
after, oc sende hann mic nu efter þer, at þu scylder coma þingat
til fundar hans.

En Clemens dvalþi þa eigi oc fór feginn meþ henne. En
35 Sisinnius tóç þa vegsamliga við honom, sem macligt var, es hann
com þingat. Clemens pave talþi þa firer honom tru retta oc
sanna oc hvat til andar heilso scylde vinna. En Sisinnius tóç þa
at styrçiasc i tru retre, oc fell hann til fóta Clemens pafa oc meþte
siþan sva: „Þaker gerec nu sønnom goþe, sagþe² Sisinnius, oc

40 1 oc tilf. *Cd.* 2 dixit *Cd.* 3 [dominum deum tuum *Cd.*

almatcom, þeim es mic let blindan verða oc daufan firer otu minna, til þess at ec mega nú sia it sanna oc heyra en rettu boðorð, þau er ec hafða fyrr at scøpi haft. Oc es nu hreinsat hugscot mit fra øllum saure scurðgöða villo, þvíat þat es diofla leýni oc fylscene þeira scurðgöð, þau er ver trupom miðe oc heimsliga á 5 hingat til oc gauðgubom af allre aluð, es verr var, en þau tæla alla þa menn, es þeim trua. En ec scal nu trua a Jesum Cristum sannan göð a himnom.“ Þa fognuðo aller cristner menn, es hugr hans scylde sva vel scipazc hava a litelli stundo. En Sisinnius tók þa scirn, oc hiu hans voro scirð at poscom. En þar¹ var alt 10 saman .xvi. monnom færa en .xiii. þusunder. Oc sia Sisinnius snere siðan morgom gøfgom monnom til retrar tru af orðom sinom oc göðom firertølom oc þeim iarteinom, es hann hafði af göðe þegnar, oc af hans miscunn oc af kenningom Clemens pafa.

Þa reidesc blótmaðr, sa er Publius Torqvatanus heiter, við¹⁵ þat, at hann sá otal manna snuasc fra scurðgöða blótom oc til atrunaðar við eingetenn son göðs [drotten varn² Jesum Cristum. Publius bar fe mikil a rikismenn víða i herðom oc bað þa gera ofrið mikenn cristnom monnom. Oc þa gerðosc þretor miclar oc sundrþyke með Rumaborgar lyð of Clemens pafa, oc gec lipit 20 sveitom mioc, oc melto sumer menn sva: „Hvat hefer sia inn góðe göðs vinr Clemens illa gert, eða hvat se þat göðra verca, es eigi geri siá göðs elscare, oc ferr hverr maðr feginn fra hans funde, þot hryggr come til hans. Oc siuker menn fara heiler fra Clemens pafa, þeir es hans astróð söcia oc hafa siðan, oc taca 25 þar böði heilso andar oc licama. Engom gerer hann grand ne geig, en hann dugar øllum þeim es hans rað elsa, oc farselesc hverr maðr af honom.“ Aþrer sveitarmenn svoroðo oc sögðo sva: „Af fioleynge einne gerer hann slict alt, oc eyðer hann blotom orom oc alre dyrd göða varra. Oc osømer hann sva in gauðgo göð or, 30 at hann seger, at Þorr se eigi göð fultrue varr oc en sterxte óss areðestfullr, oc er nær hvars sem hann es blotenn; en þá osømp oc ovirðing veiter hann Óþne orlausnafullom oc hvarfseme, at sia Clemens callar hann fianda oc ohreinan anda; en hann qveðr Freyio portkono verit hafa; føler hann Frey; en hrøper Heimdaull; 35 lastar hann Loca með slögð sina oc vèlar, oc callar hann oc illan; hatar hann Høni; bølvar hann Baldri; tefr hann Tý; niðer hann Niorð; illan seger hann Ull; flimter hann Frig; en hann gør Gefion; sekia dømer hann Sif. Fir ilzco sina qveðr hann

¹ þars *Cd.* ² dominum nostrum *Cd.*

svát orþe. Oc sia lagabriotr fœler œll goþ ór oc lastar þau miœc oc gremr at oss, oc engi þeira asa ma hann heýra vel latenn, hvártke Þór ne Óþenn. Øllom bindr hann þeim iamnan sciœld up goþom orom oc callar œll ohœf meþ œllo, eþa hvart heyrþo þer
5 mann slict mœla fyrr? Blóte hann nu þegar í staþ, eþa hafe bana ella. Nu er sa domr várr allra of hann.“

8. Þa lét Mamertus Julianus Rumaborgar greife leiþa Clemens pafa leyniliga til máls við sic, oc toc sva til orþa: „At alr Rumaborgar lyþr seger þig lasta miœc goþ ór oc vera mann
10 fiœlcungan oc vœldan miœc af villo þeire, es þu gœfgar Cristum necqern ocunnan mér, oc tekr þu up nybreýtni þa i gegn goþom orom oc i mót logom orom. Nu legþu niþr oscil þin œll, oc dyrca in gœfgo goþ ór.“ Heilagr Clemens svaraþe vel oc hofsamliga orþom greifans: „Þess øski ec þér af tign þinne, at þu nemer
15 scynseme retta, oc rœþþu heldr við mic of scynsemesmál en of þretor ocunna manna oc heimscra. Þræta oc syndrþyki alt hefse avalt af ogegnom monnom oc heimscom, oc má eigi til sannz ne eit of fœra við þá. En i hlioþe scal spakr maþr oc vitr spyria oc hyggia þá at heilso sinne, oc leita meþ scynseme hugar þins
20 ens sanna goþs, þess es þu mátt alt traust við hafa.“

Þa sendi Publius Torqvatianus efter viðrmœle þesse þeira Clemens oc Julianus greifa rit oc innsigli meþ sendimonnom sinom til Traiano keisera, oc sagþe sva, „at mikit sundrþyki geresc meþ Rumaborgar monnom af kenningom Clemens pafa, oc spenr hann
25 alt folc oc allan landher fra alre dýrþ goþa varra oc dregr i villo sina oc til atrunaþar við Cristum necqern, oc hann slœsc á it mesta amœle við Þór eþa Óþen, oc alla fœler hann þa eþe oc œll goþ ór.“ En Traianus keisere sende þau orþ at móte, at Clemens scylde blota goþom þeira meþ sœmþ fullre eþa fara a braut ella
30 yr Rumaborg of sœ necqern til utlegþar oc i eyþimorc. En Clemens pave var heldr fúss til utlegþar oc meinlœta, en hann hrædesc við, þviat af óst þeire heilagre, es hann unni almatcom goþe, scein sva biart himenrikis sol i hiarta hans, at hann var fúss til allra meinlœta, þeira es goþ heilagr vilde lata at hende honom
35 coma, þviat hann visse víst, at goþs miscunn mœnde avalt meþ honom vera i hverre mannrœn oc þraút. En þa toc Clemens oc talþe meþ goþom vilia tru rétta oc sanna firer greifanom, svát hann comsc við miœc of siþer greifenn oc felde tór acasflega, oc melte sva við Clemens, þviat goþs milde tœþe avalt mólom pavans:

40 1 Sanctus *Cd.* 2 meger *Cd.* 3 dixit *Cd.*

„Goð þinn, qvat greifenn, sa er þu truer á af øllum hug oc gaufgar vel oc truliga oc dyrcað miðc i øllo life þino oc athefi, vere hann avalt með þér, oc effi hann þic til allra hluta oc farar þessar oc utlegðar.“ Oc gaf greifenn honom scip got oc þa reiðu alla, es honom var mest þaurf at hafa með sér til farar¹ þeirar, oc 5 bað hann fara i miscunnar fri(þe) goðs sins, þess er hann truðu á. En heipner menn máttu eigi vatni halda, es Clemens pave scyldi sciliasc við þá. Sva var hann øllum monnom hugþekr oc astfalgenn miðc, at hvert barn unni honom.

En síðan scipaþe Clemens scip þat es greifenn hafði gefit 10 honom. En honom varð lið auðfengt til farar með sér, sem vón var at, þvíat marger cristner menn vildo giarna honom fylgia, sem þeir gerðu. Oc forsc þeim alt it greizta, unz þeir como i þann stað, es Certona heiter. En þar var lið mikit firer, meirr en .xx. hundroð cristinna manna, oc i anaup þeire, at þeir telgðu 15 griót, oc voro því þiaþer sva miðc, at þeir truðu a Jesum Cristum. En er Clemens pave visse þat, at þeir voro af því landflótta oc utlager gerver, at þeir vildo eigi hafna ost við Cristum dominum oc tru retre, þa huggaþe Clemens þá með kenningom sinom oc melte sva við þa alla saman: „Macliga let Cristus [drottinn minn² mic 20 hingat fara til yðvar, at ec taca huggon með yðr af goðe firer ór meinleti.“ En þeir sögðu honom til sinna vandræða, at þeir urðu .vi. milor allar at bera vatn a baki sér, þvíat eigi getr nerr sva, sögðu þeir. „Bíðiom ver nu aller saman, sagðu³ Clemens pafe, at [drottinn varr⁴ Jesus Cristus luce up brunn goðan firer iaterom 25 sinom, sa er forþom gaf Moisi vatn or steine oc lyð sinom i aþþimorc, svát ver megim nú fagna goðom giðfom hans oc iarteinom, þvíat hann mon veita oss miscunn sem øllum, es hann bíðia naupsynligra hluta með astsamre tru.“ En þa er þeir höfðu lokit bøn sinne, þa litaðesc Clemens umb, oc sá hann lamb standa til høgge 30 handar sér a hóle einom, oc rétti lambit fót sinn oc tafsapi honom, sva sem þar være vatz (!) vón under. Oc þa scilþe Clemens af crafte heilags anda, at goð almattegr⁵ synde honom einom lamb þat. En hann varð þesse miscunn goðs oc syn fegenn miðc, oc fór hann þegar þingat sem goð synde honom sit tacn oc melte sva 35 við cristna menn, „at i þessom stað gravit ér nú iorþena [i namne fopor⁶ oc sonar oc anda heilags.“ En er þeir grovo þar iorþina miðc langa stund oc fundo eigi þann stað, es lambit hafðu

¹ ifarar *Cd.* ² [dominus meus *Cd.* ³ dixit *Cd.* ⁴ [dominus noster *Cd.* ⁵ omnipotens *Cd.* ⁶ [in nomine patris *Cd.*

tafsat, til þess at almattegr¹ goð birti þat enn framarr oc berligarr, hversu miclo hęstan verpleic sia inn miscunnsamasti Clemens pafe hafþe við goð a himnom, þa tóe Clemens pafe graftol i hǫnd sér oc hio tysvar palinom niðr under fǫtr lambino. En þar spratt
 5 þegar micil ó up oc fór rennande, þvíat goð dvalði eigi miscunn sina, þegar es þer enar helgo hendr oc enar litellato ęsto goð giafar miscunsamligrar við sic. Oc lysti goð ifer því, at af cratte oc verpleic ens helga Clemens veitte hann mesta þessa ena dasamlixto astgiǫf við folkit. Þa urþo þeir aller fegner iartein þesse,
 10 es goð hafði þeim veitta firer tru retta, oc sungo þeir hót lof goðe almatcom oc melto sva, at rennande ó gleþr borg goðs. Oc þa drifo marger heraðsmenn þingat, es þeir frago iarteiner þessar oc þeir so þessa ó renna oc up spretta, þar er þeir hǫfþo avalt vitat fyrr þurran staþ. En þeim bra mioc við þesse tiþende oc
 15 vel, es þeir knatto þar lita. En meþ því at goð heilagr unni þeim monnom micillar farsęlo sva sem ęllom auprom, þeim es meþ goðfyse sǫtto a fund Clemens pafa, þvíat af hans orþom fystesc sia alr mannabóler [til lifanda goðs], es slicar vingiavar gefr oc veiter af sinni heilagre miscunn, [to]co þar tru oc scirn a þeim
 20 dege meirr en² .v. hundrot manna, oc sva vel efdesc þar cristenn domr, at a þeim misserom var halfr atti tǫgr kirkna þar gorr oc vigþar af kennimonnom, oc sva ęll scurþgoð broten i þeim herþom oc ęll hof eýd oc aller blótstallar brennder. Oc þa hlógo cristner menn at otru heiþinna manna oc blotom þeira.

25 En því nęst com su saga firer Traianum keisera, at otal manna sneresc til Cristz fra blotom af kenningo Clemens pava. Oc þa var domande sa sendr þingat af hende konongsens es Aufidianus hét, til þess at pina oc vega marga cristna menn. Enn er greivenn fann þat oc reynde, at þeir voro aller fuser ener
 30 cristno menn til pislá oc bana firer goðs sacar, þa vęði hann mannfiolþa þeim oc lét taca Clemens einn saman, en hann neyde aþra til blóta, sem hann mátte mest. En er hann sa hug Clemens pava staþfastan i tru heilagre oc a þionusto við goð a himnom, þa melte hann við þiona sina oc þręla, at þeir scylde feria Clemens
 35 pava út a sió langt fra lande, oc binnda miket akere við háls honom oc saucqva honom sva niðr i siovar³ diup, at eigi taki cristner menn at gęfga hann sem goð. En siþan gripo þeir Gyþingar enn gęfga Clemens pafa oc rǫro út fra lande miȳc langt. En siþan lęþo þeir hendr a Clemens oc bundo akere við háls

40 1 omnipotens *Cd.* 2 in *Cd.* 3 siȳvar *Cd.*

honom oc scuto þeim enom staþrama goþs cappa utan borz, oc gallt hann sva þa ena helgo ønd goþe, es fylgt hafði þeim enom hreina licama, es þeir höfðu þa firer borþ lagþan.

En þa stöðu aller cristner menn a sęvarstrondo gratande efter, es þeir förðu Clemens pafa til bana, oc voro í enni mesto 5 sorgmøþe hugar sins, es þeira astvinr var tekinn oc numenn or høndom þeim til meinlētis ogorlex bana, alt til þess unz leri-sveinar hans Febus oc Cornelins huggoðu lýþenn oc melto sva: „Biþiom ver aller bréþr meþ einföldom hug, qvoþo þeir, at [drottenn var: 10 Jesus Cristus sýni oss piningarvatt sinn Clemens pafa.“ Oc fello þeir þar aller til iarþar oc boðu litellatliga goþ, at þeir knētte sia licama ens sēla Clemens pafa. En þa gerþosc þer iarteiner enar hvarmiclo, at sęrenn fell út fra lande of .iii. milor. Oc þa gengo cristner þar efter meþ lofe ens hēsta goþs. Oc veitti goþ heilagr lýþ sinom þurra gauto, unz þeir como at mustere 15 miclo oc itarligo harþla, [þvi er² englar goþs höfðu gert ýr marmara grióte. Þeir gengo inn i mustere þat oc dyrcoðu þann goþ, es þeim veitti [þat] firer verþleic oc dyrþ sanna Clemens pafa oc firer bønner hans lerisveina, at [þeir] fundo þa licama Clemens pafa oc lagþan i nyia steinþro oc akere þar hia honom lagit niþr 20 hia altare. Oc þer runar fundosc a steinþro pavans, at þeir tōki hann eigi a braut þaþan, þvi at sva myclo mest dyrþ (var) þessom enom itarlīga goþs vin veit at greftre oc at þionustu heilagra 3 engla almattex goþs, sem nu ma heyra. Oc þer iarteiner gerasc þar a hverio áre of hotiþ Clemens pafa, at sęr fellr út af lande, 25 oc veiter goþ heilagr þar þurra gōto at ganga til Clemenskirkio vico alla i samt. Firer verþleic Clemens gefr goþ þa miscunn monnom til hialpar sér, at þeir dyrke þar goþ i þeim staþ oc inn helga Clemens pafa. En þa er menn höfðu lokit bøn sinne þar, þa leto menn aftr vannliga kirkiodýrr efter sér, oc fór hverr heim a leiþ 30 til sins herbergis. En sęr fell at lande hvinanda oc haf colblát meþ øllo efter øþi sino. En faþer sveinsens þess, es⁴ somnaþr var i Clemenskirkio, þa er aþrer menn fóro a braut þaþan, oc moþer hans leitðu sonar sins a meþal cuþra manna sinna oc cunningia, þviat þau saucnøþo hans eigi fyrr, en þa es þau voro 35 heim a faur comen, oc vętto þess oc vilnoþosc, at hann mōnde fylgt hafa nagrønnom þeira. En þau fundo hann eigi, sem gliclegt var, þviat sveinnenn svaf fast efter i mustere, þa er annat liþ fór a braut þaþan. En faþer sveinsens oc moþer urðu harþla

1 [dominus noster Cd. 2 [þ'r Cd. 3 sanctorum Cd. 4 er tilf. Cd.

daupr víþ tion sonar sins, oc ętloþo þau þat firer sér, at ser
 mǫnde sveininom hava grandat i utanför þeira, oc saucþo sic of
 gløp sinn oc athugaleysi, es þau höfþo eigi gaþ sunar sins. En
 at iamlengþ annars vetrar Clemensdag sialfan, þa fell ser ut fra
 5 lande at vanþa sinom, oc gingo menn þurrom fotom til Clemens-
 kirkio. Oc como þau hiu þar fyrst til musteres allra manna, es
 sonar sins þottosc mist hafa. En þau urþo þa fegin, es sonr
 þeira var lifs i Clemenskirkio, oc rann hann þegar a mót þeim
 með enom mesta fagnaþe oc eno mesta astrike víþ bœþi þau fauþor
 10 sinn oc moþor. En þau spurþo son sinn at því, hversó hann of
 mǫtte sva lengi fǫzlolaust of lifa þar

Tillæg 2.

SAGA AF PILATUS.

Her hefr upp ok segir fra Tirus konungi ok af Pilato syni
 15 *hans. capitulum 1.*

1. Tirus het konungr ættaðr af þeim þjóðum, er Magutiensis
 ero kallaðar. Hann var af borg þeiri er Berseik het, hann kunni
 vel stiornuiþrott, sem þar er miok titt. Hann reið einn tíma
 langt i brott æ dyraveiðar, ok eitt kveld er nattmyrkr bannaði
 20 honum veiðiskapinn, ok var þó heiðr himinn, rannsakaði hann
 loptit ok göngu stiarnanna, tíð ok tíma stundanna. Hann undir-
 stendr af stiornuganginum, at ef hann ætti þa natt samræði við
 konu, mundi af hans bloði getaz sa maðr, at raðandi mundi verða
 margs folks ok heraða ok storum agiætr. Hann var fiarri staddr
 25 konu sinni, er Anna het, en hann villdi æigi missa þessa getnaðar;
 hann sendir sina menn i næstu borg at fa honum konu, þa sem
 honum væri sæmilig til hiabuðar. Þeir hitta æ eina mylnumannz
 dottur friða, er Sopila het, ok hvilldi hia honum um nattina. Ok
 síðan eptir rettan tíma þaðan fra fæðir hon sveinbarn. En af því
 30 at þau Tyrus konungr voru æina natt æsamt, vissi hon æigi nafn

1 Her segir af því er Pilatus mannbickian var getinn B.

hans ok matti æigi af hans nafni kalla son sinn, þi kallaði hon af sinu nafni sveininn Pilatum. Ok er hann var þrevetr, sendir hon hann feðr sinum, þviat sva hafði hann fyrir mællt. Nu fæðiz Pilatus þar upp með feðr sinum nærr iafnalldri broður sinum syni Anne; ok sva sem hann var fyrir þeim at moðurættinni, sva var hann 5 ok æðri i allri atgervi. Þetta þolir Pilatus æigi betr, enn hann drepr broður sinn ok leynir. Enn þo kom þat upp um siðir, ok harmar konungr miok ok lætr stefna þing ok leitar doms um mál Pilati. Folkit allt kallar hann ulifissmann. Konungi þickir þa lagðr glæpr á glæp ofan. Hann tekr þat rað, at hann sendir 10 hann i skatt til Romaborgar, þickiz hann þa firra sik sonar drapi enn leysaz undan skulld ok skatti. Ok er Pilatus kom i Romaborg, feck hann ser þann kompan, er Pagrinus het, son konungs af Franz, er enn var sendr fyrir skatt. Pagrinus þickir fyrir þeim i aullu, ok þvi lykr Pilatus sva með hann sem með broður sinn, at hann 15 drepr hann. Þetta mislikar Romverium, ok vilia sumir lata drepa hann þegar, en sumum þotti hann val fallinn til formannz moti uvinum þeira, ok taka þat til raðs at setia hann yfir ey þa, er Pontus heitir. Þat folk var sva illt ok hart, at þat þoldi óngvan hófðingia yfir ser, ok þotti þeim val, hvart sem helldr væri, at 20 hann bryti þeira þriotzku, eðr þeir gerði með hann eptir verðleikum ok dræpi hann. Nu skilr Pilatus, hversu Romveriar hafa sett hann i hættu, ok giætir sva til, at hann getr undir sik brotit folkit sumt með fegiofum, enn sumt með harðlyndi. Af þessu verðr hann miok agiætr, er hann feck þat folk tamit, er engin gat 25 aðr, ok var siðan kallaðr Pontius Pilatus af eyiunni. I þenna tima rikti yfir Galilea ok Jerusalem ok aullu Judea Herodes tetrarcha, hann frettir framkvemd Pilati ok sendir honum orð, at hann kiæmi til hans, ok heitr honum, ef hann kemr, riki yfir Judea. Pilatus ferr fyrst til Romaborgar ok gefr Tiberio keisara 30 goðar giafir ok þiggr af honum lén yfir Judea, þat er Herodes hafði aðr boðit honum, ok þar með iarls nafn, ok ferr hann nu til Jerusalem. Þetta mislikar miok Herode konungi, ok reisiz nu mikill fiandskapr millum þeira, ok stoð sa til þess er guð var pindr. Herodes lætr eina konu sina, enn tekr Herodiam dottur 35 konungs af Arabia ok broðurkonu sina. Um þat vandar Johannes baptista, ok fyrir þat lætr Herodes setia hann i myrkvastofu, ok .xii. manaðum siðarr lét hann hoggva hann, þviat hann hræddiz, at folkit mundi eptir hans orðum vikia ok hafa hann af rikin. Litlu siðarr draga þeir mágar Philippus ok Arethe konungr lið 40

saman ok beriaz við Herodem, ok fellr allt lið Herodis, ok var honum þat guðlig hefnd fyrir drap Johannis baptiste, ok fyrir þenna osoma allan saman var Herodes rekinn af ríki í utlegð Vienneborgar.

5 *Fra Ruben ok konu hans er fæddi Judas skarioth*¹.

2. A dogum Herodis konungs var sa maðr í Judea af ætt² er Ruben het, enn kona hans het Ciborea. Þat var eina natt er hön hafði sofnað eptir samlag att með bonda sinn, ok er hon vaknar, grét hon sært. Ruben spurði, hvi sætti. Hon svaraði: „Ek þottumz vita,
10 at skipti ock(u)r höfðu verit. Síðan þottumz ek sea barnit í kviði mer, ok vissá ek, at þat barn mundi verða tion ok tapan allz Gyðingalyðs.“ Ruben reiddiz ok mællti: „Þetta er annathvart talat af ærslum eðr fitonsanda.“ Hon sverr um sinn visdom, ok segir þat til marks, at „æ rettum tíma man ek þetta barn fæða
15 með miklum lifshaska, ok annathvart er, at hann er af mer dauðri tekinn, ella deyr hann tvennum dauða, enn folk vart fyrir hann sumt drepit enn allt hertekit.“ Nu liða stundir þar til er Ciborea fæðir sveinbarn með tvennum sárleik holdz ok hugar. Ruben veit ægi gloggt, hvern veg hann skal nu breyta, þickir
20 afskapligt at tortíma barninu, enda uraðligt upp at fæða til slikra luta, sem fyrir var spáð. Hann samtengir nu grimd ok mildi, hann gorir stock einn, ok bikar utan ok leggr sveininn þar í ok setr aa utan hanka, sem sagt var fra Moysy. Enn þó bar sína byrði hvarr stockrinn ok til uiafnrar frammkvæmdar. Hann kastar
25 stockinum a sío ut. Veðr stoð af landi, ok rekr stockinn upp í ey þa er Skarioth heitir. Drottning eyiarinnar geck með ströndinni, ok þeonostukonur hennar fundu stockinn ok barn liggjanda í. Drottningin var sonlaus, enn barnit vænligt, þa baðu þeonostumenn hennar, at hon fæddi upp barnit ok segði sinn son vera.
30 Hon ferr nu at hvíla ok lætr sem hon hafi þetta barn fætt ok átt með bonda sinum, ok var þat aullum monnum mikill fagnaðr, ok er honum nafn gefit, ok kallaðr Judas skarioth af eyiunni. Litlu síðarr atti hon son með bonda sinum. Þeir vaxa upp baðir samt, ok var Judas harðleikinn, ok geck hinn gratandi undan.
35 Þat þotti drottningu þungt, þvíat hon vissi, hvat titt var, enn þorði ægi upp at bera. Enn þó um síðir segir hon. Ok er Judas veit þat, þickiz hann neistr ok svivirðr, ok fyrir þat drepr hann

¹ Her segir af því er Judas var getinn ok udæmum þeim er hann hendi B.

40 ² Aabent Rum í Codex for Ætnavnet.

konungsson leyniliga ok liopz æ brott með þeim monnum, er skatt fluttu til Romveria. Judas ferr, unnz hann kemr til Pilatum ok bittz honum a hendi, ok af því at Pilatus hafði þa fundit mann með skap sitt, þa gerir hann Judam fehirði sinn ok ræðismann, sva at allt gerði hann með hans samþyckt, því at fastaztan felag- 5 skap gerir likr likum. Einn dag stendr Pilatus með holl sina ok ser i einn alldingarð lystiligan avøxt, ok sva mikil fyst kom at honum til þessa alldins, at lif hans lá við, ef hann feck eigi. Þa kallar hann til sin Judam kompán sinn ok biðr hann taka ser alldin i garðinn, ok segir at lif hans liggr með. Judas leypr i 10 garðinn ok tekr alldinit. Þenna garð atti Ruben faðir hans. Hann leypr til ok mællti hart með Judam. En hann svaraði illa, ok slær i deilu með þeim ok illyrði, þvíat hvargi þeira kannaz með annan, þar til er Judas slær Ruben með steini á halsbeinit, sva at þat brotnar, ok deyr Ruben. Ok er hann finnz, ætla menn 15 hann orðinn braðdauðan. Pilatus ser nu, hve mikit hann let sik kosta at gera hans vilia, ok launar honum því, at hann gefr honum konu Rubens ok þar með alla eigu hans. Þetta þiggr hann ok fær Ciboream. Hon var iafnan i rygggu skapi, er hon kom i hvilu hia honum. Ok einn tima er þau koma i hvilu, 20 spyrr hann, hvat hana angrar. Enn hon svarar sva: „Mart er mer til sorga. Ek atta son með bonda minum, ok var honum kastat a seo ut, ok for hann þar. Bonda minn fra ek braðdauðan, en þat er eitt er mer þickir mest, at ek skal mann hafa i moti vilia minum.“ Judas svaraði: „Ill efni munu i vera, ek man vera 25 son þinn, enn þu moðir min, ok man ek hafa myrðan föður minn enn haft at eiginkonu moður mina.“ Fær honum þetta nu mikils. Enn af fortölum Ciboree ferr hann æ fund Jesu Kristz ok geriz hans lærisveinn ser til syndalausnar, ok geymdi þa olmosu, sem fataekum monnum var gefin, ok stal hann þar iafnan nockuru af, ok leiddi 30 hann sva annan glæp aa annan ofan, þar til er hann selldi sealfan guð til dauða ok piningar, enn hengdi sealfan sik i snöru með örvilnan ok deyddi ok sprack i sundr af aumleik, ok fellu ut iðrin með illzku.

Her segir fra Adrianus ok Vespasianum¹.

35

3. Eptir pinsl ok dauða Jesu Kristz ok hans upprisu, þa ihugar Pilatus sitt mál ok uggir reiði keisarans, fyrir þat er hann hafði til dauða dæmdan saklausan mann, sva nytsamligan aullu folki,

¹ Er Vespasianus læknaðiz af kuikum B.

sem Jesus var. Tok hann nu þat ræð, at hann sendir til Romaborgar þann mann er Adrianus het vin sinn með storfe at afsaka sik með¹ keisarann. Adrianus lætr i haf, ok rekr hann allt vestr til Galizulandz, þar sem nu hvilir hinn heilagi Jacobus postoli.

5 Þar fyrir er settr Vespasianus einvalldzhöfðingi af Tiberio keisara. Þat voru þar lög, at allt þat sem þar ræki a land upp skyllði vera vágrek, ok skylldu landzmenn bæði eigha valld æ fe ok monnum. Nu eru þeir Adrianus teknir ok leiddir fyrir Vespasianum. Adrianus mælti: „Herra! ek er nu kominn á yðvart

10 valld, ok því biðr ek, at þer gefit oss miskunn ok frið at fara þagat, sem ver vilium, hvat er af fenu verðr.“ Vespasianus svaraði: „Hvaðan komtu eðr hvert villtu fara?“ Adrianus svaraði: „Ek em af Jerusalem, ok villda ek fara til Romaborgar, enn veðr bægði oss higat.“ Vespasianus mælti: „Seg mer, ertu þaðan

15 sem menn eru vitrir, kanntu nockut af lækningum? Leyn mik æigi, ef þat er.“ Vespasianus hafði kvikur i nösom allt fra þij sem haun var fæddr, enn þat mein kalla þeir vespas, ok því var hann kallaðr Vespasianus. Adrianus mælti: „Ongva bót ma ek þer vinna. Enn var sa dyrðligr maðr með oss, ef þu hefðir hann

20 fundit, værir þu nu heill.“ Vespasianus svaraði: „Þu kant, ok þar við skal liggja lif þitt.“ Adrianus mælti: „Sa hinn sami er syn gaf blindum, heilsu siukum, hreinsaði líkþra, græddi ok lifgaði dauða, leiðretti villta, hann veit, at ek kann enga lækning, ok hann man mik leysa undan lifshaska.“ Vespasianus mælti:

25 „Hverr er sa, er þu segir þetta fra?“ Hann svaraði: „Jesus nazareus, sa maðr sem mattugr var i orði ok verki, hann dæmdu Gyðingar til dauða ok krossfestu hann.“ Vespasianus mælti: „At visu truir ek, ef hann lifði, at ek væri þa heill nu.“ Adrianus mælti: „Enn muntu heill verða, ef þu truir hans krapti.“ Vespasianus mælti:

30 „Sannliga truir ek, at sá má mik heilan gera, sem dauðum gaf lif.“ Ok þegar sem hann hafði þetta mællt, fellu allar kvikur or nösom hans, ok varð hann þegar heill. Hann varð storfeginn ok mælti: „Oruggr em ek i því, at sa er guðs son, er mik græddi, ok þegar ek fær leyfi af keisaranum, skal ek

35 fyrirkoma þeim niðingum, er þetta overkan hafa unnit. Enn þer ok þínu godzi gef ek frið, ok far nu heim aptr, enn ecki með þeim órindum, sem þer voru boðin.“ Hann gorir sva ok snyr nu aptr.

Fra Albano ok Veronica husfru¹.

4. A þessum tima spurðiz i Romaborg, at i Judea i Jerusale-
 lem var sá læknir, at alla siukleika gerði heila með orði einu.
 Keisarinn vænti ser þaðan liknar, þvíat hann var likprár, enn vissi
 æigi hvat titt var. Hann sendi þann mann Pilato iarli, er Albanus 5
 het, ok bað hann senda ser lækni þann, er Jesus het ok allt
 gerir heillt, at hann vinni honum bot sins meins. Albanus kemra
 fund Pilati ok segir honum qveðiu keisarans ok orðsending. Pilatus
 verðr nu okveði við þessu ok biðr ser halfs manaðar frest til and-
 svara, ok þorði æigi at svara utan vitra manna rað, þvíat þa var 10
 Jesus liflatinn, ok þorði hann æigi at segia þat Albano. Kona
 het Veronica, er i mikilli vingan var með Jesum, goð husfru ok
 ræðvönd. Hon segir Albano marga agiæta luti fra Jesu ok kvað
 hann vera guð sinn ok drottin, „ok þa er hann var her, var hann
 mer huggan ok minu hyski, enn Pilatus dæmdi hann til kross- 15
 festingar ok dauða fyrir illvilia Gyðinga. Siðan reis hann upp a
 þriðia degi eptir pining sina ok syndiz sinum monnum, en æ
 .xl. da degi steig hann til himna upp.“ Albanus mællti: „Segir
 þu þann Jesum til himna hafa stigit, er Pilatus het at senda
 keisaranum?“ Veronica svaraði: „Pilatus uggir reiði keisarans, 20
 því at hann veit sik mest sakaðan um þetta mál.“ Albanus mællti:
 „Mikla eyrindlausu fer ek nu, er ek skal öngva bot vinna minum
 herra keisaranum.“ Veronica svaraði: „Þa er minn herra ok
 meistari for um landit at kenna monnum retta tru, var þat
 stundum, at ek mista hans navistu, þa villda ek nöckura hans 25
 liking hafa mer til hugganar, ok þa villda ek færa duk einn einum
 skrifara, at hann pentaði þar æ drottins mins æseonu. Þa mætta
 ek sealfum honum, ek er ek sagði honum spyrianda efni gongu
 minnar, þa tok hann dukinn or hendi mer ok strauk með andlit
 sitt ok feck mer siðan. Ok var þa dukrinn markaðr fagrliga hans 30
 asionu ok likneskiu, ok væntir ek þess, ef keisarinn litr þenna
 duk, at hann fai heilsu sina.“ Albanus svaraði: „Er sia gersimi
 nöckuru gulli eðr silfri samvirðilig?“ „Nei, segir hon, engum
 utan fastri tru ok fullum goðvilia.“ Albanus mællti: „Hvat er
 nu til ráðs?“ Veronica mællti: Ek man fara með þer ok syna 35
 keisaranum þessa guðliga ásionu.“ Þessu verðr Albanus feginn,
 ok foru þau til Romaborgar. Keisarinn verðr Albano sva feginn
 at hann heilsar honum fyrri, þvíat hann ætlaði, at Jesus mundi
 þar vera með honum Albanus segir keisaranum, hvat titt var.

¹ Af forlogum Pilati ialls B.

Keisarin svaraði: „Hvart er mer þá engin ván lækningar?“ Albanus svaraði: „Agiæt kona er her með mer, su er hans þeonostukona hēfir verit, ok hefir hans likneskiu á einum duki með sealfs hans hendi skrifaða¹ með himneskum hætti þer til heilsubotar.“ Keisarin bað þenna heilaga dom þegar til sin bera, ok let breiða fyrir allan veginn með pelli ok dyrum vefum². Ok iafnskiott sem keisarin sa þessa guðliga asionu, þá varð hann alheill. Veronica lofar guð fyrir sínar iartegnir, ok ferr hon síðan heim með miklum giðfum af keisaranum. Síðan lætr keis-

arinn stefna þing ok synir aullum guðs krapt æ ser ok bað, at Jesus væri tekinn i goða tölu, því at sva sem sa einn er nu fullkominn i heilagra manna tolu, sem i Romaborg ok af pava er lögtekinn, sva skyllði sa ok engin i goða tolu, sem æigi væri af Romverium logtekinn. Aulldungar villdu æigi þessu iata, þvíat þeim þotti omerkilig alþýðu sogn um þetta. Nu urðu þeir at raða, ok fyrir þessa sok let keisarin summa senatores drepa, en gerði sumu utlæga. Enn þat var þá siðr allra landa, at ef nockut bæri til merkiligt, skyllði hverr höfðingi rita til Romveria, ok skylldu þeir fyrstir visir verða. Pilatus tekr nu þat rað, þá er hann ser, at eigi ma leynaz, at hann skrifar til Romaborgar til keisarans fyrst um iartegnagerð, um pining ok upprisu guðs sonar, ok vikr aullum saukum af ser ok á Gyðinga, ok væntir ser liknar af keisaranum, ef hann fyndi með honum sannindi ok einurð. Keisarin lætr þetta bref upp lesa i Capitolio, ok biðr enn, at Jesus se hafðr i goða tölu. Enn þeir voru enn samir sem fyrr, þvíat þeir þottuz svivirðir i þessu, er alþýðu orðromr [lek aðr a³, ok þotti þat nu aðrir dæma⁴, sem þeir attu at dæma⁴. Tiberius keisari var iafnan síðan vinr truar ok kenningar Jesu.

Her segir af Pilato iarki ok Gyðingum⁵.

5. Gyðingar satu nu hræddu höfði fyrir Romverium ok settu margar sakvarnir fyrir sik, ok völdu ser til formælanda hinn heilaga Stephanum, ok síðan tok hann tru af Petro postola en dauða af Gyðingum. Síðan snua Romveriar aullum fiandskap a Pilatum ok Gyðinga, ok eru at þeim hver fádæmi færð. Pilatus let færa likneski Tiberij keisara eina natt leyniliga i Salomons musteri til lotningar ok atrunaðar. Ok af þessu varð hann sva óþockaðr folkinu, at þeir sneru fullum fiandskap upp æ hann. Enn þo var

¹ Her beg. *Fragm. C.* ² klæðum *C.* ³ [kom aðr *C.* ⁴ dæma *C.* ⁵ Af otta *Gyðinga B.*

þeim þetta sannlig hefnd af guði, er sva kolluðu i guðs sonar pinsl: Non habemus regem nisi cesarem. Gyðingar samnaz nu saman ok biðia Pilatum taka brott or musterinu likneskit. Pilatus setz yfir domstol sinn ok setr vapnaða riddara i kring um sik, hann heitr þeim drapi ok dauða, ef þeir mælanockuru i moti. 5 Enn þeir vilia helldr deyia enn þola þessa skomm. Ok er Pilatus sa þa orugga, let hann brott bera likneskit. Pilatus ser, at nauðigt var til vatz i Jerusalem ok vill leita ser frægðar. Hann let stemma upp eitt vatn mikit fiarri borginni ok veitir með eirtrumbum allt i borgina .ccc. skeiða. Til þersa kostnaðar tekr 10 hann fe or Salomons musteri, þat sem guði var gefit til upphalldz ok pryði musterinu. Þetta likaði folkinu sva illa, at helld við, at þeir mundu¹ ganga at Pilato. Pilatus bað sina menn koma ser i lið þeira, sva at þeir væri i klæðum yfir vapnum, ok vera² dreift her ok hvar .ii. eðr .iii. saman, ok hafa lurka i hondum, ok þa 15 er iarlinn gerði þeim bending, lómdu riddararnir á .ii. hendr folkit, suma drapu þeir, enn suma særðu þeir, enn allir flyðu, þeir er lifit þagu. Nu geck illt ok illu verra yfir Gyðinga fyrir sinn glæp, sva at alldri geck af þeim sverð ok sut, ufriðr ok illzka, þar til er at endalykt gaf þeim yfirbreizl allra sinna harma ok kvala, 20 þa er Jerusalem var upptekin af Romverium. Enn þo fellr niðr þessi athofn Pilati, því at Gyðingar höfðu aðr bref sent til keisarans ok sagt honum aull þau fadæmi, er Pilatus gerði með³ þa, ok kveðaz æigi vilia hann hafa lengr yfir ser.

Fra dauða Pilati iarl ok undrum eptir hann.

25

6. Nu koma boð fra keisaranum, ok stefnir Pilato a sinn fund til Romaborgar. Hann ferr, ok þegar er hann kemr þar, er hann tekinn ok fiotraðr ok settr i dyflizu. Siðan æa keisarinn stefnu við höfðingia, hvat af Pilato eðr Gyðingum skal gera, þottu hvarirtveggju til dauða hafa gort. Þar var þa kominn Vespasianus 30 ok eggiaði hvarumtveggjum pinu, ok lykr sva, at þeir dæmdu dauða Pilato. Enn Vespasiano var uppgefit valld yfir Judea til hernaðar ok folkit allt til dauða ok þrældoms. Pilatus varð þessa varr, ok vill eigi biða [komandi skulu⁴ harmkvæla, hann hafði lausar hendr i myrkrino, bregðr saxe, er hann hafði a ser, ok 35 skerr a barka ser sva ogurliga, at driugum geck af honum hófuðit. Þetta var sagt keisaranum. Keisarinn mællti: „Sannliga hefir hann valit ser hinn versta dauða, er sealfs hans hönd tortimdi hans

¹ saal. B C; mundi A. ² saal. C; ver A, var B. ³ við C. ⁴ [koma skulandi C.

lifi.“ Lik hans var bundit við einn mylnustein ok sókt niðr i æna
 Tifr. Enn illzkufullir fiandr fagnaðu þessu bannsettu valningarkeri
 ok gera þar mörg undr yfir, syna hann stundum standa æ ánni,
 stundum gora þeir þann okyrreik [i vatnit¹, at þat fellr² með
 5 forsum ok bylgium, ok hverskonar læti voru þangat at heyra;
 stundun var þar i loptinu at sia, sem elldingar flygi eðr reiðar-
 þrumur gengi, stundum var þangat at heyra brak ok brestir. Þetta
 þola höfðingiar illa, ok draga menn hann brott or ænni ok til
 Vienneborgar, ok baðu sökva i æna Rodanum, þviat Vienne þyðiz
 10 gata helvitis, ok kvaðu maklikt³, at bølvaðr staðr tæki bølvaðan
 buk. Æigi þoldu þeir þat lengi, þviat slíkr illzkukraptr eðr meiri
 varð þar enn i Romaborg. Þeir flytia hann þaðan i þa borg, er
 Sosamne heitir. Litla rið hefir hann þar verit, aðr enn þar varð
 slíkt eðr verra enn i hinum stoðunum. Siðan drogu þeir þenna
 15 fiandakrapt æ ubygð fioll, þau er heita Septus Mons, þar er
 lukt um oðrum fiollum. Þeir socktu honum þar i einn diupan
 pytt. Þat er sogn þeira manna, er þar byggia næstir, at ecki
 fyrniz fiandanum enn til þessa dags um sitt valningarker at leika
 með allzkyns ognum ok aumligum latum, er þangat er at heyra,
 20 þviat hans pinsla er upphaf enn æigi endir.

II.

A.

1. Petrus postoli höfðingi annarra postola ok Andreas bróðir
 hans voru Johans synir baðir ok ættaðir af heraði þvi er Galilea
 25 heitir, ok voru fiskimenn, aðr þeir komu til fylgðar með drottni
 varum Jesu Kristo. En guðspiöll segia fra þvi, hversu þeir voru
 kallaðir brøðr fra skipinu, en her er sagt fra Petro, er at sonnu
 er kendr durvörðr himinrikis. Eitthvert sinn þa er mart lið
 kom til at heyra kenning Jesu Kristz, þa stoð hann hia sio þeim
 30 er Galilea sior heitir, ok sa hann þar skip tvau standa a strönd-
 inni, en fiskimenn voru at bua net sin. Þa ste hann a skip
 þat er Simon atti, ok ytti þvi fra landi littat, til þess at eigi
 þröngðiz menn at honum of miðk, ok þaðan talaði hann af skipinu.

1 [tilf. C. 2 fell allt C. 3 ok viðrkvæmiligt tilf. C.

Siðan mællti hann við Simon Petrum: „Roi þer a diup ok leysit net i yður til fiskiar.“ Petrus svaraði: „I alla nött höfum ver mikit erviði haft ok fiskat ekki, en þo at þinu boði mun ek leysa netit.“ Ok þeir gerðu sva. En þegar toku þeir mikinn fiolda fiska, sva at net þeira slitnaði af. Þa kölluðu þeir Petrus a felaga 5 sina, er a landi voru ok annat skipit attu, Johannem ok Jacobum sonu Zebedei, at þeir kœmi til at tœia þeim. Ok þeir komu til ok hloðu bæði skipin, sva at nær hugðu þeir, at sökkva mundi. En er Simon Petrus sa þat, þa fell hann til knianna Jesu ok mællti við hann: „Far þu fra mer, drottinn, þvíat ek em maðr 10 syndugr.“ Jesus mællti við hann: „Hræðz eigi þu, þvíat heðan i fra skaltu menn veiða.“ En er þeir komu at landi, þa fyrirletu þeir skip sin ok net ok allt þat er þeir attu af hvarutveggia skipinu, ok fylgðu drottni varum.

2. A annarri tið bauð Jesus lærisveinum sinum at stiga a 15 skip ok fara fyrir ser yfir fiörð nökkurn, en hann sialfr for landveg. En at aptni var Jesus einn a landi, en lærisveinar voru a skipi a storum sia, ok mikit veðr i gegn þeim, ok borðuz þeir þar við, allt til þess er þriðjungr var af nött, ok fengu eigi land tekit. Þa kom Jesus gangandi a sionum at þeim. En er þeir 20 sa hann ganga a sionum, hrædduz þeir ok ætluðu at skrimsl væri. Þa mællti hann til þeira: „Hafi þer traustit, þvíat ek em, eigi skulu þer hræðaz.“ Þa svaraði Petrus: „Ef þu ert, drottinn, þa bioð þu mer, at ek koma til þin yfir sioinn.“ Jesus mællti: „Kom þu.“ Þa ste Petrus fyrir borð af skipi ok gekk a sionum til 25 drottins. En er hann sa sio storan ok vind mikinn, þa hræddiz hann, ok þegar tok hann niðr at sokkva, ok kallaði a Jesum ok mællti: „Drottinn, gerðu mik holpinn!“ Þa retti drottinn hond sina til hans ok mællti við hann: „Litol er trua þin, fyrir hveria sok efaðir þu nu?“ En er þeir stigu a skip, þa fell þegar vindrinn 30 af. En lærisveinar, er a skipinu voru, lutu drottni, er þeir kendu hann, ok mælltu: „Sannliga ertu sonr guðs lifanda, er vindr ok sior hlyðir boði þinu.“

3. Enn kom Jesus um dag til borgar þeifar, er heitir Cesarea Philippi, ok spurði lærisveina sina ok mællti: „Hvern segia menn 35 vera son mannz?“ Þeir svorðu: „Sumir segia Johannem baptista, sumir Heliam, sumir Hieremiam eða einnhvern af spamonnum.“ Jesus mællti enn við þa: „Hvern segi þer mik vera?“ Þa svaraði Simon Petrus: „Þu ert Kristus sonr guðs lifanda.“ Jesus

mællti við hann: „Sæll ertu Simon dufu sonr, þviat eigi vitraði þer þetta holld ok bloð, helldr faðir minn er a himnum er. En ek segi þer, at þu skalt heita Petrus - en þat er steinn a vara tungu - ok mun ek yfir þann stein smiða kristni mina ok gera
 5 sva styrka, at eigi munu helvitis hlið mega i mot henni; ek gef þer lykla himinrikis, ok allt þat er þu bindr a iorðu, skal a himnum bundit.

I oðru guðspialli syndi drottinn Petri, hversu hann skyldi þessa velldis neyta, ok mællti við hann: „Ef broðir þinn misgerir
 10 við þik, þa hirtu hann sva, at þit set tveir saman. Holpit hefir þu honum, ef hann hlyðnaz þer. En ef hann hlyðnaz þer eigi, þa haf þu til með þer tva eða þria, at mal þitt se bundit með vitnum tveimr eða þrimr. En ef hann hlyðnaz þer þa eigi, þa seg þu at kirkiu fullri manna. En ef hann hlyðnaz þa eigi þer, þa se hann
 15 sem bersyndugr eða heiðinn.“ Þa mællti Petrus: „Ef broðir minn misgerir við mik opt hit sama, skal ek fyrirgefa honum siau sinnum?“ Jesus svaraði: „Eigi segi ek þer siau sinnum, helldr siau tigungum sinna siau sinnum.“

4. A þeiri nott aðr Jesus var höndlaðr ok til pislar leiddr,
 20 þa mællti hann við postola sina: „Allir munu þer við mik skiliaz eða styggiaz a þessarri nott, þviat þat er ritit: Drepinn mun hirðirinn, ok munu dreifaz sauðirnir“ Petr svaraði: „Alldri mun ek styggiaz við þik, þo at allir styggiz aðrir.“ Jesus svaraði: „Satt segi ek þer, Petrus, at þu munt þryssvar neita mer a
 25 þessarri nott, aðr hani gali tvisvar.“ Petr svaraði: „Þo at ek ætta at deyia með þer, drottinn, þa munda ek eigi neita þer.“ En er sendimenn yfirgyðinga höndluðu Jesum ok bundu, þa bra Petrus sverði ok hio eyra af einum þræli Gyðinga, ok syndi sva öruggleik sinn. Jesus mællti við hann: „Fel þu sverð þitt i
 30 umgiorð, þviat hverr er sverði vegr, mun sverði sleginn verða.“ En Jesus grøddi þat sar. En er Jesus var leiddr i garðinn kennimanna Gyðinga, þa gekk Petrus eptir honum litlu siðar ok sat við gløðr ok vermdi sik, þviat veðr var kallt. Þa spurði ambatt nokkur hann, ef hann væri lærisveinn Jesu, ok þess spurði önnur
 35 ambatt hann ok sagðiz kenna mælsku hans, at hann var galverskr, ok þat mællti kunningi eða frændi þess mannz, er Petrus hio eyra af, at hann sa hann um nottina með Jesu. En hann neitti i hvert sinn, er þau spurðu, ok kvaðz eigi vita, hverr Jesus var. Enda gol þa haninn. En þa leit Jesus til hans, ok mintiz þa
 40 Petrus orða Jesu, er hann hafði mællt, ok gekk ut ok gret beiskliga.

Su iðrun var sva þæg guði, at engill, sa er vitraði trúfostum konun upprisu Kristz, nefndi Petrum einn a nafn allra postola ok mællti við konurnar: „Fari þer ok segit lærisveinum Kristz ok Petro, at hann er upprisinn ok mun fyrir yðr koma i Galilea herað.“

5. Þat var eptir upprisu drottins, at hann vitraðiz læri- 5 sveinum sinum siau saman hia Galilea sio. Þar var þa Simon Petrus ok Thomas, er kallaz didimus, ok Nathanael ok tveir synir Zebedei, ok aðrir tveir af lærisveinum Kristz. Simon Petrus mælti við þa: „Fara mun ek at fiska“ En þeir svöruðu: „Fara munum ver með þer.“ Ok þa stigu þeir allir a skip ok fisktu 10 ekki a þeiri nött. En at morni stoð Jesus a ströndinni, ok kendu lærisveinarnir eigi at hann var, ok mællti hann við þa: „Sveinar, hafit nökkveria fiska?“ En þeir svöruðu: „Ekki,“ sogðu þeir. Jesus mællti við þa: „Laggi þer net yður til høgri handar, ok munu þer finna fiska.“ En er þeir gerðu sva, þa mattu þeir 15 trautt upp draga fyrir fiolda fiskanna net sin. Þa mællti lærisveinn, sa er Jesus elskaði, við Petrum: „Drottinn er.“ En er Petrus heyrir þetta, þa stytta hann upp kyrtil sinn ok ste fyrir borð ok tok netzhals ok dro at landi fullt storra fiska. En þeir voru sva margir, .c. ok .l. ok .iii. fiskar, ok var netit þo oslitnat. 20 En aðrir lærisveinar reru at landi a skipi, ok voru þeir aðr .cc. faðma fra landi. Ok gekk þa Petrus með net sem a þurru landi. En er þeir komu at landi, þa sa þeir fisk lagðan a glöðr ok brauð. Jesus mællti við þa: „Føri þer mer fiskana, þa er þer tokut, ok komi þer ok matiz með mer.“ Þa gaf Jesus þeim brauð ok fisk 25 ok bergði ok sialfr hvarutveggia.

Þat er sagt i öðru guðspialli, er i þetta sinn varð, at Jesus let Petrum heyriliga ok þrefalldliga iata ser, ok mællti drottinn við Petrum: „Simon Johans son, elskar þu mik framar en þessir?“ Hann svaraði: „Þu veizt, drottinn, at ek elska þik.“ Jesus mællti: 30 „Føð þu lomb min.“ Enn mællti drottinn i annat sinn: „Simon Joans son, elskar þu mik?“ Hann svaraði: „Þu veizt, drottinn, at ek elska þik.“ Enn mællti drottinn: „Føð þu lomb min“ Enn mællti Jesus hit þriðia sinn við hann: „Simon son Joans, antu mer?“ Þa ogladdiz Petrus, at Jesus mællti þrysvar hit 35 sama við hann, ok svaraði hann þo: „Þu veizt, drottinn, allt, þu veizt, at ek ann þer.“ Jesus mællti við hann: „Føð þu lomb min. Þa er þu vart ungr, þa gyrðir þu þik ok gekkt þann veg, er þu villdir, en er þu elldiz, þa mun gyrða þik annarr ok leiða þik þann veg, er þu villt eigi fara.“ En þetta mællti hann til þess at 40

syna, hverium dauða Petrus mundi deýia, ok retta hendr sínar a krossi. En til þess beiddi hann Petrum þrysvar iata elsku sinni, at hann bœtti þat i þrefalldri iatningu, er hann hafði guði þrysvar neitat.

- 5 6. Síðan er varr drottinn Jesus Krístr ste upp til himna af fíalli því er Oliveti heitir, þá hurfu postolar af fíallinu ofan aptr til Jorsalaborgar, ok voru þar Krístz lærisveinar allir saman i einu husi a bœnum, þeir er fylgt höfðu drottni varum, tíu daga með Mariu móður guðs ok öðrum helgum konum, þeim er fylgt
- 10 höfðu Jesu. Þá gerðiz gnyr mikill af helgum anda yfir husit, þar er þeir voru inni postolarnir, sva sem veðrs þytr væri, ok fylldiz allt husit af líosi, ok sa þat, at settiz yfir höfuð þeim serhverium sem elldligar tungur, ok fyllduz þeir allir helgum anda ok toku at mæla a allar tungur, sva sem heilagr andi kendi þeim. En þar
- 15 voru komnir menn af morgum löndum, ok heyrðu margir orð postolanna, ok undruðuz allir, er heyrðu, er hverium þotti þeir mæla a sína tungu, ok mælltu margir sín a meðal: „Hvart eru þessir menn allir galverskir, er mæla a allar tungur, ok erum ver a ymsum löndum bornir.“ Sumir sögðu: „Þeir eru vindruknir
- 20 ok víta eigi, hvat þeir mæla af höfuðorum.“ Þá stoð Petrus upp a meðal annarra postola ok mællti við lyðinn: „Ér Gyðingar ok allir þeir er byggja Jerusalem, þat skulu þer víta, at ver erum eigi vindruknir, sem sumir mæla, helldr er nú þat framkomit, er Jóhel spamaðr sagði, at a hinum efstum dogum mun ek fram
- 25 steypa helgum anda yfir þræla mína ok ambattir, kvað drottinn, ok munu synir yðrir spa okomna hluti, ok ungir menn yðrir munu sía himnasyn, en gamlir menn munu fá vitranardrauma, ok mun ek gefa iartegnir a himni ok iorðu. Sol mun snuaz i myrkr, en tungl mun hafa blóðs lit, fyrr en kemr dagr drottins mikill ok
- 30 ogurligr, ok mun hialpaz hvern, er kallar a nafn drottins. En Gyðingar, heyri þer orð mín, hvat ek segi yðr um Jesum hinn nadverska, þann er guð vitraði yðr i morgum iartegnum, þeim er hann gerði, sva sem þer vitit, hann seldut þer til bana i hendr illum monnum, sva sem raðit var af Gyðingum. En guð reisti
- 35 hann af dauða, þvíat eigi mattu helvitis byrgi hallda a honum, sva sem David mællti i psaltara hans röddu: Sa ek drottin avallt fyrir mer, þvíat hann er a högri hönd mer; fyrir því gladdiz hiarta mitt ok fagnaði tunga mín, ok hvíldiz hölld mitt i fríði. Þu fyrirlezt eigi ond mína i helviti, kunnar gerðir þu mer lífs gotur ok
- 40 lezt eigi funa hölld mitt. [Eigi sagði David þetta fra ser, þvíat

hann do, ok er gróf hans með oss allt til þessa dags; en hann var spamaðr, ok het guð at setia þann yfir sess hans, er or hans kyni væri borinn, en hann sa fyrir upprisu Kristz, ok sa hann Krist eigi fyrirlatinn i helviti, ok hans holld sagði hann eigi funa mundu, af því at þenna Jesum reisti guð af dauða, ok ver erum 5 vattar hans, ok gaf hann oss giöf heilags anda, sem þer siait nu ok heyrit, siðan er hann ste upp til himna ok sitr til høgri handar feðr sinum. Sem David mællti i salmi: Drottinn mællti við drottin minn, sittu til høgri handar minnar, þar til er ek legg ovini þína til skarar fota þinna. En þat skal allr lyðr vist vita a Gyðinga- 10 landi, at guð setti drottin allz lyðs Jesum þenna, er þer krossfestut, ok at sa hinn sami er Kristr konungr. En fyrir því at þer gerðut þessa synd ovitandi, þa iðriz þer sem fyrst, þvíat guð gefr likn öllum iðrondum fyrir sina milldi ok ast ok miskunn.“

En þeir komuz viðr, er þeir heyrðu tölu postolans ok mælltu 15 við Petrum: „Hvat skulum ver þess gera, at guð fyrirgefi oss varar syndir?“ Petrus svaraði þeim: „Geri þer iðran, ok skiriz hverr sem einn yðarr i nafni Jesu Kristz, ok munu þer þa taka likn synda yðarra ok giöf heilags anda, þvíat yðr er heitið heilsu ok sonum yðrum ok öllum þeim, er guð vill til sinnar truar 20 kalla.“ En er Petrus hafði þetta mællt, þa toku tru ok skirn þriar þusundir manna, ok voru staðfastir a bönnum ok hlyðnir kenningum postolanna. En postolarnir gerðu margar iartegnr i Jorsalaborg, ok lofaði guð allr lyðr. En þeir er tru toku, voru allir saman ok lofuðu guð ok attu oll auðøfi saman, þar til er 25 þat var vitrat af guði, at postolar skyldu fara a yms lond, sem siðan for fram at vitran heilags anda ok fyrirsogn Petrs postola.

7. Petrus ok Johannes gengu til kirkiu um dag til nontiðar, en nokkurr fotlami valaðr maðr, sa er með því meini var borinn, sat fyrir kirkiudyrum hvern dag ok bað þa menn olmosu, er i 30 kirkiuna gengu. En er hann sa Petrum ok Johannem inngangendr i kirkiu, þa bað hann giafar postolana sem aðra menn at vanda sinum. Petrus svaraði honum: „Eigi a ek gull ne silfr, en þat er ek hefi til mun ek gefa þer i nafni drottins mins Jesu Kristz. Ris þu upp ok gakk.“ Þa tok hann i hönd honum ok hof hann 35 upp. Þa styrktuz fœtr hans, ok spratt hann þegar upp, ok gengu þa allir saman i kirkiu. En allir er sa þessa iartegn, þa undruðuz ok lofuðu guð fyrir almatt sinn. En er Petrus ok Johannes gengu ut or kirkiunni, þa þustu allir menn at þeim ok undruðuz þa. Petrus mællti við þa: „Hvat undriz þer þetta? Ekki hofum 40

við þenna mann grótt af okkrum krapti. Guð Abrahams, guð
 Isaachs, guð Jacobs, guð feðra varra dyrkaði son sinn, þann er guð
 reisti af dauða, en ver erum vattar hans, er trúa, at nafn hans
 gróddi þenna siuka mann ok gaf honum heilsu i yðru augliti.
 5 Þenna Jesum seldu þer Pilato iarli ok rögðut hann ok vagut
 skapara lifsins, þann er guð reisti upp af dauða. En ek veit, at
 þer gerðut ovitendr sva sem höfðingiar yðrir. En guð fyllði þat,
 er hann sagði fyrir munn spamannanna um pisl Kristz. Iðriz þer
 nu því ok snuiz til guðs, at yðr fyrirgefiz syndir yðrar fyrir þenna
 10 Jesum, er guð sendi hingat, Jesum þann er ver boðum, en nu
 sitr hann a himnum, þar til er hann kemr a upprisutið, þeiri er
 fyrir sogðu spamenn. Moyses mællti sva: Guð mun upp reisa
 mikinn spamann af brøðrum yðrum, honum skulu þer hlyða sem
 mer, hvat er hann byðr yðr. En hverr mun fyrirfaraz, er eigi
 15 hlyðir þessum spamanni. Guð sendi yðr son sinn, at hann blezaði
 yðr, at hverr yðarr sneriz fra villu sinni.“ En er Petrus hafði
 lokit tólu sinni, þa toku tru fimm þusundir manna, er heyrtr
 höfðu þessi orð.

8. En höfðingiar Gyðinga ófunduðu þat, at postolarnir boðuðu
 20 nafn Jesu, ok hondluðu þeir Petrum ok Johannem ok settu þa i
 bond ok i varðveizlu til morgins. En at morni komu höfðingiar
 ok kennimenn i Jerusalem ok leiddu Petrum ok Johannem a þing
 sitt, ok mælltu við þa: „I hverium krapti eða hvers nafni gerðu
 þer þessa hluti?“ Þeir svoruðu: „Ef yðr fysisir at vita, i hvers
 25 nafni sa hinn siuki varð heill, þa varð hann heill i nafni drottins
 Jesu Kristz, þess er þer krossfestut, en guð reisti hann af dauða;
 i honum einum er heilsa allz lyðs, þvíat ekki er annat nafn gefit
 monnum, þat er oss meg i hialp veita.“ En er höfðingiar sa
 staðfesti Petrs ok Johannis, ok kendu at þeir höfðu verit með
 30 Jesu, en þeir sa hann heilan orðinn, er siukr hafði verit, þa mattu
 þeir eigi i gegn mæla. Þa mælltu Gyðingar með sef: „Hvat skulum
 ver gera við menn þessa? þvíat iartegn su er ollum kunn i
 Jerusalem, ok megum ver því eigi dylia. En at eigi fregniz
 þetta viðara, þa skulum ver banna þessum monnum at mæla
 35 i nafni Jesu.“ Þa heimtu þeir þangat postolana ok fyrir-
 buðu þeim at mæla i nafni Jesu ok kenna tru Jesu Kristz.
 Postolarnir svoruðu: „Syniz þat sialfum yðr rett, at ver hlyðim
 yðr helldr en guði, þvíat ver megum eigi þegia yfir því, er ver
 sam ok heyrðum.“ En er Gyðingar heyrðu, þa øgðu þeir þeim
 40 pislum, ok þorðu þeygi iat pina þa, þvíat alþýða göfgaði iartegn

þa, er þeir hófðu gert. En er Petrus ok Johannes komu til annarra postola ok sogðu, hversu hófðingiar Gyðinga mælltu i gegn þeim, þa hófu postolar guðs upp augu sín til himins ok mælltu: „Þu, drottinn, er skopt himin ok iorð ok sio, nu er fram komit a þessum dögum þat, er heilagr andi mællti fyrir munn Davids: 5 Þioðir ygðuz ok baru onyt orð saman; konungar ok hófðingiar attu samkomur i mot Kristi, þvíat þeir Herodes ok Pilatus sömnuðu liði Gyðinga ok heiðinna manna i þessarri borg i gegn helgum syni þinum, at gera þat, er þu hafðir aðr raðit, at verða skyllði. Nu littu, drottinn, ognir þeira, ok gef þrælum þinum traust at 10 mæla orð þin; rettu hendr þinar at gera iartegnir i nafni sonar þins Jesu Kristi.“ En er þeir luku bön sinni, þa varð landskialfti, þar er þeir stöðu, ok fyliduz allir helgum anda ok mælltu orð guðs með trausti.

9. Þa gerðiz fiöldi mikil trúaðra manna, ok var sem allir 15 hefði eitt hiarta ok eina ond, ok eignaði engi ser aura, helldr attu allir allt saman. En postolar baru vitni upprisu drottins með miklum krapti, ok var miskunn guðs með þeim. Þeir er hus attu eða akra, þa selldu, ok förðu verðit postolum. En þeir skiptu iafnt með ollum, sva at engi var valaðr i liði þeira. Joseph, sa er 20 at öðru nafni het Barnabas, hann selldi akr sinn ok förði postolum allt verðit. Annanias het maðr, er enn selldi akr sinn ok förði postolum sumt verðit, en hann leyndi sumu, sva at kona hans vissi þat með honum, en hon het Saphira. Petrus mællti við Annaniam: „Fyrir hvi freistaði andskotinn sva hiarta þins at 25 liuga at helgum anda ok leyna sumu af verði akrs þess, er þu selldir, ok sagðir þik allt hafa gefit? Eigi laugtu at monnum helldr at guði.“ En er Annanias heyrði þetta, þa fell hann dauðr niðr. En hann var förðr til grafar. Litlu siðar kom Saphira kona hans ok vissi eigi, hvat gerz hafði um buanda hennar. 30 Petrus mællti við hana: „Segðu mer, kona, er her allt verð akrs þess, er þit selldut?“ Hon svaraði: „Her er allt.“ Petrus mællti: „Þeir munu þik til grafar bera, er lik buanda þins grofu.“ En hon fell þegar dauð niðr. Þeir komu aptr, er Annaniam grofu, ok fundu Saphiram andaða, ok grofu hana hia buanda sinum. 35 Nu varð hræzla mikil yfir ollum lýð.

10. En postolar drottins gerðu margar iartegnir, ok göfguðu þa allir lýðir. Ok ox hvern dag fiöldi trúaðra manna, ok baru þeir siuka menn a stræti fyrir, þar er Petrus for, at skugga hans bæri yfir þa, ok risu þeir upp heilir i skugga hans, hvatki er 40

þeim var at meini. En yfirgyðingar fyllduz ófundar ok illzku ok settu postola Kristz i myrkvastofu. En engill guðs lauk upp myrkvastofunni um nött ok leiddi ut postola guðs ok mællti: „Fari þer i musteri guðs ok kennit lífs orð lyðnum.“ En þeir 5 tóluðu fyrir lyðnum i musterinu. At morni dags letu höfðingiar kveðia þings ok sendu eptir postolum til myrkvastofunnar. Þeir komu aptr, er sendir voru, ok sogðu sva: „Myrkvastofu fundum ver vandliga byrgða ok varðhalldzmenn fyrir dyrum, en ver fundum þar engan mann inni.“ Höfðingiar undruðuz, er þeir heyrðu þetta, 10 ok vissu eigi, hvat orðit mundi af postolum guðs. Þá kom maðr ok sagði, at þeir voru i musteri guðs ok tóluðu fyrir monnum. Þá sendu yfirgyðingar eptir þeim ok leiddu þá a þing sitt ok mælltu: „Ver bönnuðam yðr fram at föra kenning þessa, en þer fylldut alla Jorsalaborg¹ yðarrar kenningar ok reisit a hendr yðr mikla synd.“ Petrus svaraði: „Guði eigum ver framar at hlyða en monnum. Guð feðra varra reisti upp Jesum, þann er þer krossfestut, ok setti hann höfðingia ok grøðara at gefa lyð Israel iðran ok lausn synda². En ver erum vattar þessarra orða ok heilagr andi, sa er guð gaf ollum þeim, er honum eru hlyðnir.“ 20 Gyðingar atuz innan, er þeir heyrðu þetta, ok villdu vega þá. Þá reis upp einn af yfirgyðingum a motinu, en sa het³ Gamaliel, ok mællti við lyðinn: „Hyggit at ér, synir Israels, hvat er skulut gera við þessa menn. Fyrir þessa daga var maðr sa er Theodas⁴ het, ok sagðiz spamaðr vera, ok truðu honum fiögur hundruð 25 manna, en hann varð drepinn, ok dreifðuz þeir, er honum fylgðu ok truðu. Síðan kom villumaðr annarr, sa het Judas Galileus, ok sveik hann [margan lyðs, en hann fyrirforz, ok urðu þeir at engum þrifum, er honum hlyddu. At því lati þer þessa menn fara i friði, ok bannit þeim eigi kenningar, þvíat þetta rað mun eyðaz, 30 ef af monnum er upptekit, en ef þat er at guði, þá megu þer eigi standa i gegn guðs vilia.“ Þat var [at engu⁶ haft, er Gamaliel mællti, ok börðu þeir postolana⁷ ok bönnuðu þeim at mæla i nafni Jesu. En postolar foru glaðir af þinginu ok fögnuðu því, er þeir toku meingerðir fyrir nafn Jesu, ok voru hvern dag i musteri guðs ok 35 letu eigi af at kenna monnum nafn Jesu Kristz.

11. Petrus postoli kom um⁸ dag til borgar þeirrar er Lidde heit^r, ok fann hann þar siukan mann, þann er atta vetr hafði i kôr legit, en sa het Eneas. Petrus mællti við hann: „Ris þu

1 Romaborg. *Cd.* 2 sanna *Cd.* 3 *Her beg. Fr.* 4 þeodas *Fr.* 5 [marga menn *Fr.* 6 [mgl. *Fr.* 7 Petrum oc baða postola *Fr.* 8 of *Fr.*

upp ok gakk, Enea, drottinn Jesus Krístr grøðir þik.“ En hann reis þegar upp alheill, ok sneruz allir til truar, er sa þessa iarteign. I borg þeiri er Joppe heitir var ein trúfost kona, su er Tabita het, full goðra verka ok olmosugøðis, en hon tok sott ok andaðiz¹. Þa sendu lærisveinar eptir Petro ok baðu hann þangat koma. 5 Petrus reis upp ok fór með þeim. En er hann kom þangat, þa stoðu hia likinu ekkiur ok valaðir menn ok gretu miðk, ok syndu honum klæði. Þau er Tabita hafði þeim gert². Bað þa Petrus alla ut ganga, en hann var einn hia likinu ok fell a kne til bønar; síðan sneriz hann til liksins ok mællti: „Ris upp þu Tabita!“ 10 En hon hóf upp augu sín ok settiz upp, er hon sa Petrum. Hann tok i hönd hennar³ ok leiddi hana lifandi til þeira manna, er gretu andlat hennar. En er tíðindi þessi foru um borgina, þa trúðu margir drottni. Ok dvaldiz Petrus marga daga i Joppe i [husi Simonar, er kallaðiz skinnari⁴. 15

12. Cornelius het nokkur siðsamr hundraðshöfðingi i borg þeiri, er Cesarea heitir. Sa var heiðinna manna kyns ok trúði þo a guð með hium sinum ollum, ok gerði hann mörg goð verk. En hann sa engil guðs koma til sín um dag, þa er hann var a bøn at nontið, ok hræddiz hann ok mællti: „Hverr ert þu, drottinn?“ 20 En engillinn mællti við hann: „Bönir þínar ok olmosugiafir eru i minningu⁵ i augliti guðs. Af því send þu menn i Joppen eptir Simoni, þeim er öðru nafni kallaz Petrus, en hann er i husum Simonar skinnarra [hia sæ⁶, ok mun hann segia þer, hvat þu skalt gera.“ En er engillinn hvarf fra honum, þa heimti hann þangat⁷ þria hina øztu huskarla sína ok sendi þa i Joppen, ok sagði þeim, hvat hann hafði heyrt ok set. En er þeir nalguduz til borgar, þa var Petrus a bøn i lopthusi nokkuru at miðium degi. En er hann hungraði ok ætlaði at mataz, er hann hafði bøn lokit, þa leit hann himininn opinn⁸ yfir ser ok sa niðr siga duk mikinn af himni⁹ með fíorum skautum. I þeim duki voru allzkyns fuglar ok ferfotingar ok skriðkvikendi iarðar. Þa kom rödd af himni yfir hann ok mællti: „Ris upp þu, Petrus, ok sœf þetta ok et.“ Petrus svaraði: „Eigi et ek ohreinendi, drottinn!“ Röddin mællti: „Eigi skaltu ohreinendi⁷ kalla þat, er drottinn hreinsaði.“ Þetta 55 var þrysvar mællt⁸, ok leið dukrinn síðan upp til himins. En er Petrus undraðiz syn þessa, þa komu sendimenn Cornelius⁹ ok

1 do Fr. 2 gor Fr. 3 henni Fr. 4 [husum skinnara þess, er Simon het Fr. 5 [tulf. Fr. 6 opnaz Fr. 7 ohreint Fr. 8 við hann tulf. Fr. 9 Cornelii Fr.

stoðu fyrir dyrum ok spurðu, ef Simon Petrus væri þar inni. Þá mællti heilagr andi við Petrum: „Þeir¹ menn eru komnir er leita þín, ris upp þú ok far með þeim, ok efa² eigi, at ek senda þa hingat.“ Þá gekk Petrus á moti þeim, er hans leituðu, 5 ok mællti: „Ek em sa er þer leitit; [fyrir hveria soc qvamo þer³?“ Þeir svoruðu: „Cornelius hundraðshöfðingi, rettlatr maðr ok siðsamr ok lofaðr af allri alþýðu⁴ Gyðinga, honum bauð engill guðs at senda eptir þer, ok vill hann heyra orð guðs af þer.“ Þá tok Petrus við þeim at gistingu, ok for hann með þeim annan dag eptir, ok 10 fylgðu honum nökkurir af brøðrum or Joppe.

En er þeir komu [annan dag³ i Cesaream, þa hafði Cornelius boðit þangat vinum sinum ok frændum, [ok gekk hann⁵ a mot Petro ok fell til fota honum. Petrus tok i hönd honum ok mællti: „Ris upp þú, þviat ek em maðr sem þú⁶.“ Þá gekk Petrus inn i 15 hus hans ok sa þar marga menn komna, ok mællti: „Þer vitit, at Gyðingum er bannat at koma til heiðinna manna, en guð syndi mer eigi vera rækan ne ohreinan nökkurn mann, ok kom ek af því, þegar er ek var kallaðr. En þer segit, fyrir hveria sok þer kolluðut mik.“ Cornelius mællti: „Fyrir þrim nottum at noni 20 dags, er ek var a bøn i husi minu, þa stoð hia mer ungr maðr i hvitum klæðum ok mællti: Heyrð er bøn þín, Corneli, ok [sen olmosugerð þín⁷ i augliti guðs. En þú skalt senda menn i Joppen eptir Simoni, þeim er Petrus kallaz. Þá senda ek menn þegar eptir þer. En þú gerðir vel þat, er þú komt. En nu erum 25 ver allir bunir at heyra þa hluti, er drottinn bauð þer.“ Þá lauk Petrus upp munn sinn ok mællti: „Nu veit⁸ ek vist, at drottinn dómir⁸ eigi at þessa heims virðingu, helldr er i hverri þioð honum þægr sa, er truir a hann ok vinnr rettlæti. Guð sendi orð sitt sonum Davíðs ok boðaði frið ollum fyrir Jesum Krist. Þer vitit, 30 at þetta orð kom yfir allt Gyðingaland⁹ ok hofz i Galilea heraði eptir þa skirn, er Johannes¹⁰ boðaði Jesum, þann er guð drottinn efldi krapti heilags anda. En hann for ok grøddi alla, þa er af diofli voru þrongdir, þviat guð var með honum. En ver erum vattar allra þeira hluta, er hann gerði i Jerusalem ok ollum 35 heruðum Gyðinga, en þeir [krossfestu hann ok bõnuðu honum sva¹¹. En guð reisti hann af dauða a þriðia degi eptir pining sina, ok syndi hann eigi ollum lyð helldr raðnum vattum af

1 saal. Fr ; þeir A. 2 ifa Fr. 3 [tilf. Fr. 4 þioðo Fr. 5 [saal. Fr.; hann gekk A. 6 þer Fr. 7 [aurlyndi Fr. 8 fær Fr. 9 saal. Fr.;

40 Gyðingafolk A 10 baptista tilf. Fr. 11 [bonnoðo honom oc festo hann a tre Fr.

guði oss. er atum ok drukkum með honum, síðan er hann reis af dauða, ok bauð hann oss at vatta þat fyrir ollum lyð, at hann er domandi kvikra ok dauðra. Honum bera allir spamenn vitni, ok allir munu taka lausn synda fyrir nafn hans, þeir er a hann trúa.“ En er Petrus hafði mælt þessi orð, þa kom heilagr andi yfir alla 5 þa er heyrðu, ok mæltu þeir a margar tungur ok lofuðu guð. En þeir er fylgðu Petro undruðuz, er heilags anda miskunn kom yfir heiðnar þjóðir. Þa mælti Petrus: „Fyrir hvi skulum ver eigi skira þessa menn, er toku helgan anda?“ En er þeir voru allir skirðir i nafni drottins, þa baðu þeir Petrum, at hann dveldiz þar 10 nöckura daga.

Þa fragu postolar, at heiðnar þjóðir toku við orði guðs. En er Petrus kom i Jerusalem, þa mæltu til hans þeir er tru höfðu tekit af Gyðingum: „Fyrir hvi gekktu inn til heiðinna manna ok azt ok drakkt með þeim?“ Þa sagði Petrus þeim, hversu 15 hann sa duk koma til sin af himni ok allan þenna atburð. En er lærisveinar heyrðu þetta, er Petrus sagði, þa lofuðu þeir guð þann er heiðnum monnum gaf synda iðran til lífs eilífs. Þa toku lærisveinar Kristz at boða heiðnum þjóðum nafn drottins með trausti heilags anda, ok samnaðiz margr lyðr til almattigs guðs. 20

3. A þeiri tíð gerði Herodes konungr ofrið mikinn kristnum monnum, ok let hann hoggva með sverði Jacobum postola broður Johannis postola ok guðspiallamannz. En er hann sa, at Gyðingum líkaði þat vel, þa let hann ok taka Petrum postola a paskum ok setia i myrkvastofu, ok selldi hann xvi. riddurum til varðveizlu ok 25 villdi bana honum eptir paskana. Petrus var halldinn i myrkvastofu. En kristnir menn baðu fyrir honum. En þa nött er Herodes villdi bana honum eptir um daginn, þa svaf Petr a millum tveggja striðsmanna bundinn tveimr iarnrekendum, ok voru þo verðir fyrir dyrum. Þa kom engill guðs, ok skein líos i myrkva- 30 stofuna, ok vakti Petrum ok mælti: „Ris upp þu skiotliga.“ Þa fellu rekendr af höndum hans. Enn mælti engillinn við Petrum: „Bittu skua þína ok tak klæði þín ok fylg mer.“ Petrus gekk ut ok fylgði honum ok hugði ser draums vera. En er þeir liðu um .ii. varðholld, þa komu þeir til borgarhlíðs, ok var iarnhurð fyrir, 35 ok lauk hann þat upp fyrir þeim. En er þeir komu til næsta bðiar, þa hvarf engillinn fra honum at syn. En Petrus hvarf aptr til sin ok mælti: „Nu veit ek vist, at guð sendi engil sinn ok leysti mik or hendi Herodis ok af ollu klandi Gyðinga.“ Þa for Petrus til husa Mariu móður Johannis, er öðru nafni kallaðiz 40

Marcus. En þar voru margir kristnir menn inni. En Petrus kvaddi hurðar. Mær nockur gekk til hurðar, en hon gaði eigi upp at luka fyrir fagnaði, er hon kendi mal Petrus, ok rann inn þegar ok sagði, at Petr stoð fyrir dyrum. En þeir er
5 inni voru truðu eigi, ok sögðu hana mæla hofuðora. Petr knuði hurðina i annat sinn. Þa luku þeir upp ok undruðuz, er þeir sa Petrum, en hann sagði, hversu engill guðs hafði leiddan hann ut or myrkvastofunni.

En er at morni kom, þa fundu riddarar eigi Petrum. Þeir
10 undruðuz þetta miok ok vissu eigi, hvat af honum mundi orðit. En er Herodes matti eigi finna Petrum, þa hræddiz hann miok, ok for a braut af Jorsalalandi i borg þa, er Cesarea heitir, ok let þar kveðia þings. Ok er hann sat a domstoli itarligum klæðum skryddr ok talaði a motinu, þa daði allr lyðr mælsku
15 hans, ok kvaðu hann guðs röddu mæla en eigi manna. En er Herodes drambaði af þessarri virðing ok gaf eigi veg guði, þa laust engill guðs hann illri líkþra, ok vall hann moðkum, aðr en hann dœi.

14. Philippus het diakn nokkurr, er Petrus hafði vigðan,
20 hann var heilagr maðr ok mikill kennandi. En er hann kom til borgar þeirar, er Samaria heitir, þa toku margir menn vel við honum ok kenningum hans, er þeir sa iartegnir þær er hann gerði yfir siukum monnum, ok varð mikill fagnaðr at þangatkomu hans.

25 15. Villumaðr nokkurr var i borginni fiolkunnigr, sa het Simon. Hann lezt vera kraptamaðr mikill. A hann truði hverr maðr i borginni, ok sögðu allir vera mikinn guðs krapt með honum, þvíat hann hafði lengi synda kyngi sina. En er Philippus hafði lengi talat fyrir monnum, þa toku margir tru
30 bæði konur ok karlar. Þa tok Simon ok skirn ok fylgði Philippo ok sa iartegnir þær, er hann gerði i guðs nafni, ok undraðiz miok. En er postolar drottins, þeir er i Jorsalaborg voru, fragu, at Samariamenn toku við tru, þa sendu þeir þangat Petrum ok Johannem. En er þeir komu þar, þa báðu þeir fyrir þeim, at þeir
35 tœki helgan anda. Ok er Simon sa þat, at allir toku hinn helga anda, er postolar lögðu hendr yfir höfuð, þa tok hann fe ok bar at þeim ok mællti: „Þetta fe mun ek ykkir gefa, at þið gefit mer a moti þat vellði, at hverr taki hinn helga anda, er ek legg minar hendr yfir.“ Petrus svaraði: „Fe þitt fari til glötunar með þer,
40 fyrir þat er þu ætlar með femunum at kaupa gíafir guðs; engan

hlut mattu oðlaz af þessum hlut eða gipt i sliku tilmæli, ok er hug þinum snuit miok fra guði. Nu gerðu iðran fyrir þessa illzku sem braðast, ok bið guð, at hann fyrirgefi þer þetta. En þo lizt mer hinn veg a þik, at sa beiskleikr bui þer i briosti, at trautt megi þer við biarga.“ Simon svaraði: „Þess bið ek guð, at hann snui því ollu fra mer, er nu mælir þu.“ Síðan hvarf Simon fra Petro ok kastaði aptr tru Kristz ok skirn sinni, ok tok þa af nyiu at nema folkyngi ok gerðiz¹ hinn mesti guðs ovinr ok villumaðr, sva at hann kvazt Kristr vera ok gefa hverium allz geðs kosti, [ef a hann truði². Hann onytti kenningar Petrs postola, sem hann matti,¹⁰ ok syndi mikil fatiðindi i gerningum sinum, sva at margir hugðu hann [guð vera ok³ gera helgar iartegnir [ok truðu a hann³. Nu fyrir því at hvartveggi þeira Simon ok Petrus var tíðr alþýðu, en kenning þeira var olik, þa þotti monnum⁴ þat vel fallit, at þeir hittiz sialfir, ok vita [mætti ok⁵ reyna, hvarr rettara⁶ ¹⁵ mællti. En þa var Petrus i Cesareaborg a Jorsalalandi en Simon i Samaria. Þa var kveðit a dag, nær þeir skylldu hittaz, ok for Simon þa til [þess fundar⁷ ok mikill fioldi manna með honum. En er dagr kom sa, ok þegar lysa tok um morgininn, þa kemr sa maðr til [fundar Petrs⁷, er Zacheus⁸ het. Sa var hofðingi borg- ²⁰ arinnar ok mællti: „Menn eru komnir margir ok biða þin, Petrus, ok er Simon oddviti þess liðs, sa er nu er buinn⁹ at eiga þrætu

¹ *Cap. 14 og Begyndelsen af 15 lyder i Fr. saaledes: Æn er gerþiz ofriþr kristnom maunnom a Gyþingalandi, þa for Petrus postoli bratt ór Jorsolum til Griclanz .iii. vettrum eftir uppstigning drottens oc sætti hann byskupstol sinn i ²⁵ Anthekio oc var þar .vii. vætr. Síþan for hann .ii. vætr oc kændi tru Jesu Cristz of .v. stor heroð Pontum, Galathiam, Cappadociam, Asiam oc Bippiniam. Síþan for hann til Rumaborgar oc ræð þar pafastoli .v. vætr oc .xx., oc vigþi hann .ii. byskupa Linum oc Cletum oc bauð þeim umscygn-ing allz lyðs oc at veita alla þionasto, en hann let alldregi i millum ³⁰ verþa at hallda bðnom oc hælgom kænningom.*

^{15.} Petrus postoli kom til fundar þeira manna, er nyscirðir varo i Samaria heraði at leggja hændr ifir þa, at þeir tóki enn hælga annda. En Simon enn folkungi toc fæ mikit oc bar at handom Petro oc qvað sic myndo gefa honum til þess, at hann gæfi gipt hins hælga annda. En ³⁵ Petrus sagði honum: „Þu ert flerðarmaðr oc fullr lygi oc vela; hvat hygstu munu kaupa fe gipt heilags anda? Fe þitt fari i gloton með siolfom þér.“ Síþan hvarf Simon a braut fra Petro, kastaði aftr tru Criz oc scirn sinni, oc toc at næma folkyndi(!) oc gerþiz o. s. v.

² [saal. Fr.; er honum truðu A. ³ [tilf. Fr. ⁴ saal. Fr.; hveritveggium ⁴⁰ A. ⁵ [ef þa mætti Fr. ⁶ eða sannara tilf. Fr. ⁷ [fundar við Petrum Fr. ⁸ Zakarias Fr. ⁹ saal. Fr.; kominn A. ⁹ [tilf. Fr.

við þik.“ En er Petrus fra þetta, þá [mællti hann, at ser skylldu hvarir vera skirðir menn ok oskirðir. Síðan¹ mællti hann við kristna menn: „Biðium ver allir saman, brøðr, at guð styrki mik nu, er ek skal fara at boða tru sonar hans til hialpar þeim monnum, er hann sialfr skapaði“ Síðan bað hann bøn sinni til guðs. En er því var lokit, þá gekk Petrus ut ok sa fiolda manna kominn ok Simon fremstan, sva sem allir væri hans sporgongumenn.

Þá varð gott til hliðs, ok tok Petrus at mæla a þessa lund: „Friðr se yðr ollum, er komnir² eru at iata hinu retta. En hverr er hit retta vill faga³, þá mun sa taka mikil laun af almatkum guði. En hvat se rettara ne meiri launa vert af guði en vilia honum þiona? Þvi er sva mællt, at fyrst skal leita rikis guðs ok rettlætis hans. Sa leitar rettlætis hans, er vita vill, hversu⁴ honum skal þiona, en sa leitar rikis guðs, er forvitnaz um þat, hver laun koma munu eptir þionostu guðs. En sa er þat vill vita, þá [skal hverium eilíf sæla⁴ þar i moti koma, en þeir er i gegn guðs vilia gera, munu taka slikar kvalir, sem hverr er verðr fyrir sinar syndir. Nu er i þessu lifi ollum gefit leyfi at vinna guðs verk, ok byriar oss fyrir⁵ því at vita guðs vilia sem fyrst, þvíat sa mun eigi goð lok gera a sinu verki, er sva fremmi⁶ vill vita, hvat hann skal gera, er lokit er þeiri tíð, er vinna ma⁷. Nu er su tíð skomm, er i þessum heimi er, en guðs domr nalgaz, sa er hann dómir at verðleik um hvern mann, því er þess⁸ meiri nauðsyn[, at hverr maðr leiti⁹ guðs vilia, hvat þess megi vinna, at oðlaz megi lif eilíft. Þessi orð¹⁰ mællta ek fyrir yðr, en þau munu finnaz i morgum ritningum, þvíat þeir vilia fastast hallda hinu retta, er bezt lika guði. En ef nökkurr vill þessu moti mæla, ok þikkiz annat vita sannara, þá segi hann þat, en ver munum hlyða, ok sva hvarir oðrum, at orð var fari hofsamliga oll. Þvi hof ek þetta mal friðsamliga, at ek vil frið ollum bioða.“

Þá svaraði Simon: „Ver þurfum ekki friðar þins, en ef frið ok samþykki skal til þess hafa at vita, hvat hit sanna er, þá höfum ver miok at þarfleysu hingat farit. Enda ef þat er bezt, at hverr hafi frið við annan, þá erum ver litils verðir, þvíat þiofar ok illvirkjar hafa frið með ser, hordomsmenn eru samþykkir ok unnaz mikit, ok sva um mart annat, at þeir eru opt samþykkir a hinn sama hlut, er oðaðamenn eru. Nu ef ver skulum allir eitt

1 [tilf. Fr. 2 bunnir Fr. 3 ælsca Fr. 4 [saal. Fr.; skili hann sva at eilíf sæla skal A. 5 af Fr. 6 saal. Fr.; framt ei A. 7 skyldi Fr. 8 mgl. Fr. 9 [en hvers annars at leita Fr. 10 Her ender Fr.

mæla a þessum fundi, ok verðum a hvert orð sattir, þa hofum ver miok fífla þessa menn, er nu eru her komnir at heyra orð var, ef ver skulum ekki þess mæla, at þeir viti, hvarir satt segia, þar er hingat til hofum ver sitt hvarir kent. Þvi þurfum ver ekki at mæla til friðar helldr til þrætu, at þu megir sigr vega a oss, 5 ef þu treystir þer, ok stiga yfir villu vara með rettri skynsemi, ef þu ert við þvi buinn. En þa er þrætunni er lokit ok reynt er, hvarir satt segia eða hvarir liuga, þa megu allir sattir vera ok hafa þa sem rettast er.“

• Petr mælti: „Hvat er þess, at þu matt eigi friðinn nefna, 10 eða veiztu eigi, at oll guðs lög eru i friði ok til friðar sett? Hvi neitar þu friðnum, þar sem þu boðar guðs log, þar er með friði standa oll guðs boðorð? En þar sem friðrinn verðr rofinn, þar geraz misþykkiur með monnum, ran ok orrostur margar ok annarr osomi, sa er guði mishákar, ok slikar syndir megu eigi böttar 15 verða, nema þeir hverfi aptr til friðarins ok sættiz missattir. Ok verðr af þvi friðrinn upphaf ok niðrlag guðs laga.“

Simon svaraði: „Til enskis þikki mer þin orð koma, er her þurfi um at tala, en ek mun nokkut røða um guðdomsmatt minn; ef þu villt falla til iarðar ok gofga mik. Ek em hinn øðsti kraptr, 20 sa er verit hefir af upphafinu; e'k kom i kviði Rakelar moður minnar; ek var fra henni borinn hingat i heim, at menn (mætti) sia mik. Ek flyg i lopti með elldligu fiðri, ok er mer þat engi torføra. Likneskiur læt ek hrøraz. Kveikta ek þat, er aðr var dautt, ok ek gerða brauð or steinum. Ek hefi hlaupit af hinum 25 hæstum hæðum ok eigi komit harðara niðr, en mer hefir høgast Verit, þviat englar studdu mik, þeir er mik leiddu. Ek mun þetta eigi með einum orðum sanna, helldr em ek buinn þetta allt at fremia, at oll þioð viti, at ek em sonr guðs æ veranda ok geri alla eilifa, þa er a mik trua. En orð þin, Petr, eru oll tom 30 ok mega enga nytsemi syna, sva sem sa hinn fiolkunnigi, er þik sendi, matti eigi stoða ser sialfum, at hann væri eigi deyddr a krossi. Ek hefi ok þann matt, þo at ek verða höndum tekinn, þa mega þeir mer eigi hallda minir ovinir, ok eigi sia hvar ek em. En þeir megu mik sia, er ek vil, at sva se. En ef ek vil 35 undan flyia, þa ma ek auðvellldliga fara i gegnum fiöll ok biörg, ok ma ek sva vaða biorg hin horðustu sem leir. Enda ma ek mik leysa, þo at ek se bundinn eða fiotraðr, en ek ma hina i böndum lata sitia, er mik bundu. Þo at ek se i myrkvastofu settr, þa ma ek i brautu komaz, alldri er hon sva rambygð. Ond kveiki 40

ek i likneski, sva at ollum syniz þat kvíkr maðr vera. Ok alldintre
 læt ek upp renna af iörðu, ok geri ek þar landit hrisi vaxit, er
 aðr var slettr völr. Vera ma ek i elldi, sva at ek brenna ekki.
 Ma ek ok vera þann veg a at sia, sem ek vil, at eigi verða ek
 5 kendr. Tvær asíonur ma ek senn hafa, ek ma synaz sauðr eða
 geit, ungr sveinn synumz ek, stundum gamall maðr, ok hefi ek
 sitt skegg. Visa ma ek monnum til fíar, hvar sem folgit er, ok
 gefa þeim konungdom, er ek vil, ok vera gofgaðr sem guð. Eigi
 þarf at gera langmælgí um þetta, margar raunir hafa a því orðit,
 10 at ek gera hvervetna lok a því, er ek vil. Þa er Rakel móðir
 mín sendi mik a akr at skera korn, þa sa ek þar liggia sigð
 buinn til skurðar; þa bauð ek sigðinum, at hann skæri sialfr, ok
 skar hann meira en tíu menn. Margan við let ek upp renna a
 einni stundu or iörðu ok þegar alldin spretta a hveriu tre.“

15 Þa er Símon hafði ut talat, mællti Petr: Þer er tungan
 löng orðin, ok hefir þu þat nu rausat, at hverr maðr ma vita
 fíolkyngrí þína ok glöpi þa er þu gerir. Þu ert miok olíkr Kristi,
 þeim er þu segiz vera, þvíat hans iartegnir eru ollom nýtsamar
 ok syna guðdom hans, en síonhverfingar þínar eru skripilígar ok
 20 at engu nytar, helldr skaðsamlígar þeim er þar a trúa. En ef
 þu villt eigi iata, at þu ser fíolkunnigr, þa fðrum við til muste-
 ris þíns með þessu folki, er þer fylgir nu, ok reynum til staðar, hverr
 fíolkunnigr er.“

Þa tok Símon at bólva Petri ok mællti sva illt við hann ok
 25 mikla guðlastan við Jesum Kristum, at engi maðr þottiz slíkt
 heyrð hafa. Þa gerðiz ohlíð mikil ok styriolld af monnum, þvíat
 allir villdu þekta Símon ok mattu eigi. En Petr oaðiz eigi við
 Símon ne illyrðum hans, helldr stoð hann i somum sporum sínum
 ok avitaði Símon um villu sína akaflíga. Þa tok lyðrinn at reiðaz
 30 Símoni ok drogu hann i brott af motinu, ok varð su hans for, at
 hann var einn rekinn a braut, en hann kom fíolmennr þangat ok
 drambaði mikit. En er hlíð var orðit, þa tok Petr til mals:
 „Ver eigum, goðir brøðr, at bera þolinmoðlíga meingerðir vándra
 manna, þvíat guð ma hefna oskíla þeíra, þegar er hann vill, ok
 35 telr hann ser misboðit i ollu því, er oss er, en hann vill eigi
 hefna fyrir domsdag, þa er hann sialfr kemr at døma um alla hluti, ok
 lætr hvern hafa þat, sem hann er verðr, gott eða illt; því skulum
 ver (eigi) taka fyrir hond guðs at hefna, fyrr en hann vill. En
 þer allir, er til guðs vilit hverfa ok iðraz vilit syndanna, þa fallit
 40 nu a kne til bønar.“ Þa tok allr lyðr at falla til bønar a iörð

niðr. Siðan hellt Petr hondum sinum til himins ok bað með tarum, at drottinn villdi miskunna þeim ok taka þa menn i sætt, er til hans vilia hverfa. Ok er hann hafði beðit fyrir þeim, song hann messu ok bauð ollum at koma þar um morguninn eptir ok heyra kenningar sínar.

16. En um morguninn eptir kom einn lærisveinn Simonar til fundar við Petrum, sa het Marcellus, ok mællti: „Ek bið þik, at þu takir við mer valuðum manni, er tældr em af Simoni hinum illa, þvíat ek truða a hann sem a guð, þa er ek sa hann gera marga undarliga hluti. En siðan er ek heyrða orð þin, þa syndiz 10 mer hann eigi guð helldr maðr þo vandr. Þa i gærdag er hann var i brott rekinn, þa var hann einn, ok fylgda ek honum, ok reynda ek eigi litil endemi af honum, er hann kom heim. Ok er hann sa mik fylgia ser, þa sagði hann mik sælan ok bað mik fylgia ser til huss sins. En um nottina mællti hann við mik: Ek 15 mun þik lata ollum monnum øðri vera, ef þu villt fylgia mer ok staðfestaz ok trua mer. Ok ek sor honum þat. Þa beiddi hann mik at unna honum þess söris, ok gerða ek þat. Siðan lagði hann rekindi nokkur a bak mer, þa er hann villdi eigi lata aðra menn vita, ok bað mik bera þat ofan til strandar. Þa forum 20 við baðir, unz við komum þar, er skip la við bakka. Siðan tok hann byrði af baki mer ok gekk ut a skip, ok er at skammri stund a brott horfinn, ok þa er hann kemr aptr, er bagginn a brottu. Þa sagði hann mer, at hann mundi fara til Romaborgar, ok kvaðz þar mundu metorð oðlaz, at menn mundu gofga hann 25 þar sem guð. Hann bað mik miok með morgum fogrum orðum, at ek skyllða fara með ser, en ek nam eigi trua a þat, er hann sagði, ok baðz ek undan forinni, ok sagða ek, at ek hefða fotar-mein, ok at ek væra obuinn við sva langri for, en her er kona min ok born, ok ma ek eigi skiliaz við þau. Þa a taldi hann mik 30 ok kvað mik vera litilmenni ok mællti enn: Er þu fregn agæti mitt i Romaborg, þa muntu iðraz, at þu hefir eigi fylgt mer. Siðan skildumz við. En hann for til Romaborgar, en ek for hingat, ok em ek nu buinn at leiðrettaz, ok iðrumz ek nu þeirar villu, er Simon kendi mer.“ 35

En er hann hafði mællt, sem hann villdi, þa bauð Petr, at hann sæti þar eptir, en hann gekk sialfr i þann stað, sem hann hafði verit, þa er þeir Simon rødduz við. En þar var meiri mannfíoldi kominn en hinn fyrri dag at heyra orð guðs. Þa tok Petrus til orðs ok syndi þeim þann 11 ann, er hafnat hafði villu Simonar ok 40

mællti: „Sa maðr, goðir bróðr, er þer siait þar standa, kom til fundar við mik fyrir stundu aðan ok sagði fra folkyngi Simonar, ok at hann þikkiz nu fundit hafa i þessu sinni, ok treystir ser eigi lengr at vera i þessu landi, þvíat nu i nott let hann niðr sökva i siovardiup
 5 illzkutaufr þau, er hann hafði gert af illzku sinni, eigi fyrir því at hann iðraðiz folkyngi sinnar, helldr fyrir því at hann oaðiz, ef skripindi þau fyndiz eptir honum, at hann mundi þa fyrirdømaz af landzlögum, ok villdi hann fyrr fyrirfara þessum ohreinendum ok æsta a nyian stofn annarra, þar er hann kemr.“ En er Petr
 10 hafði lokit sinu mali, þa toku menn at stara a þann vandliga, er hann hafði sagt fra, ok þotti þat mikil sön(n) allz þess, er Petr hafði mællt, ok var þar engi sa maðr, at eigi toldu Simon allir folkunnigan ok hinn versta villumann. En Marcellus tok tru ok skirn af Petri postola ok fylgði honum avallt siðan ok
 15 gerðiz mikill guðs vinr, sva at hann ma með rettu vera i tolu heilagra manna.

17. Siðan gerði Petr postoli fôr sina brott or Jorsalalandi, af því at þar tok til at vaxa ofriðr við kristna menn, ok foru þa allir postolar i brott til ymisra landa, sva sem heilagr andi kendi
 20 þeim. Þa voru liðnir fra upprisú ok uppstigning vars drottins .iii. vetr. Þa for Petr postoli til Anthechioborgar ok tok þar byskupsdom þann dag, er nu hefir heilagr verit halldinn .xx. nottum eptir kyndilmessu, ok var hann a þeim stoli .vii. vetr. Siðan for hann um .v. storheruð a Grikklandi at kenna monnum
 25 retta tru, i Pontum, Galatiam, Capadociam, Asiam, Bithiniam. En er hann kom i borg þa er Tripolis heitir, þa for hann til husa þess mannz er Maron het, þvíat honum var þar vel fallit at mæla fyrir monnum. Þa tok at drifa þangat fioldi manna, sem straumr stöði. Postolinn ste a steinvegg nokkurn ok taldi fyrir þeim um
 30 tru retta ok siðsemi. Þeir menn voru þar nökkurir, er kvaldir voru af dioflum ok fellu til iarðar, er þeir heyrðu tölu postolans, ok mælltu ohreinir andar fyrir munn þeira ok baðu, at hann ræki þa eigi a braut þann dag. En Petr postoli þekti þa ok bað þa a braut fara sem skiotast. Ok þegar foru þeir i braut, en menninir
 35 urðu þegar heilir a hinni somu stundu. En er þetta gerðiz, þa bæðu margir siukir menn, at Petr gæfi þeim heilsu, en hann kvaðz verða at luka tolu sinni, aðr hann bæði þeim heilsu. En su var kenning hans ok tala: „Lofaðr se drottinn minn almattigr guð, sa er ollum vill miskunn veita ok hialpa ollum monnum, sa
 40 er son sinn drottin varn Jesum Kristum sendi hingat i heim at

kenna oss lífs kenningar. A hann skulu allir trúa, at hann er sonr guðs, föður sinum sameilífr ok íafn í ollum krapti, getiunn af föður fyrir allar tíðir eilífliga. En a varri æfi tok hann líkamligt eðli ok gerðiz maðr ok let beraz fra meyiú. Hann var her í heimi ok kendi ollum götu til himinríkis ok braut allar 5 torförur a þeiri leið, þa er hann sialfr syndalaus tok líkamligan dauða a sik ok ste yfir andardauða varn, ok með líkamsdauða sinum gaf hann eilíft líf ok eilífa sælu ollum þeim er trúa a hann ok hans upprisú ok þíona honum. En ér Grikkir, er spakastir menn eru taldir í ollum heimi, hyggít at vandlígá, hvat ek mæli, 10 ok siait at líkindum, hvart skynsamligra er, at gofga guð þann, er allar skepnur hefir skapat, ok sva miskunnsamr er, at hann do sialfr til lífs ollum, [eða at gofga¹ griot eða steina, malm eða tre, þat er þer gerit yðr sialfir með hondum yðrum líkneski vandra manna. Hvat kemr þeim spekt í halld, er slíkt ætla guð vera? 15 þvíať guð er almattigr ok allz orkandi ok ollu styrandi, en þetta, er þer kólluðut guð, er ovíta ok omala, dauft ok sionlaust, ok ma hvergi hrøra sik ok eigi ser koma or elldi, ef þvi er þangat kastat. Þetta mællta ek eigi af þvi, at þer munut nú vilía slíka villu faga, helldr fyrir þvi at þer munut nú vilía hafna sem fyrst 20 villu þeiri, er frændr yðrir kendu yðr í øsku, þvíať morgum er traútt at hafna veniú sinni ok frænda sinna. En sva er sundrleit trúa Kristz ok skurðgoðanna, at engi er verðr at bera kristins mannz nafn, nema hann fyrirlati aðr alla gofgan við skurðgoð. En sa er eigi vill trúa þessarri skynsemi orða, þa gaf Jesus mer 25 ok oss postolum sinum þat velldi, at ver mættim gera allzkyns iartegnir í hans nafni, at þeir tryði af iartegnum þvi, er þeir villdu eigi trúa af orðum; þvi em ek nú buinn in nomine domini Jesu Cristi at leggía hendr yfir siuka menn ok grøða þa, at trúa yður megi magnaz, sva at engi efi se eptir hinnar fornu villu. 30 Eigi vilium ver saka yðr miok, þott þer ætliť þat vel vera, er frændr yðrir gofguðu, meðan þeir vissu eigi annat sannara, en þat er hverium afallzdomr at trúa (eigi) hinu sanna, er hann nair at heyra. Þvi mun hverr batna eða versna við helgar kenningar, at sumir leggía a hug, en sumir abbaz við, þa er þeir verða 35 avítaðir fyrir gløpi sína, sva sem þa er drottinn taldi tru fyrir Gyðingum, at sumir hlyddu honum, en sumir stygðuz við hann ok reðu um hann fiðrraðum.“ En er Petr hafði lokit tölú sinni, þa efndi hann heit sitt við hina siuku menn ok bað fyrir þeim, ok

1 [en dyrkit eigi *Cd.*

þegar fengu þeir heilsu sína. Síðan fór Petr postoli til skips or Tripolisborg.

18. En er hann kom í ey, þá er Andaradum heitir, þá kom hann í hus þat er í myndum var gert. Þar sa hann stolpa þá er or gleri voru gervir. En er hann leit á smíði þetta ok fórunautar hans, þá sa hann ok þeir konu nokkura standa uti fyrir dyrum, ok bað þá menn gíafar, er þar gengu ut ok inn. Petr postoli leit við henni ok spurði, hvat henni var at meini, þess er hon vann eigi helldr til atvinnu sér en biðia aðra. En hon bles við ok svaraði: „Væri sva vel, at ek hefða hendr minar heilar ok mætta ek vinna, en nú er því verr, at ekki er afl í þeim, þvíat þær eru allar þornaðar, ok nær ekki eptir nema litr einn.“ Þá tækr Petr til handa hennar ok þreifaði um, ok varð hon þegar heil. En su kona var móðir Clementis lærisveins Petrs postola.

15 En þá er þeir voru til brautfarar bunir, þá mællti konan við Clementem son sinn: „Þú hinn bezti sonr, þat villða ek, at launat væri konu þeiri, er mer veitti gisting, þvíat hon er kararmaðr ok þarf miok yðar.“ En er Petr postoli heyrði þetta, þá varð hann feginn goðgírni hennar ok mællti við hana, at hina siuku skyldi bera þangat. En er hon var þar komin, þá var hon niðrlogð í rekkiu sinni í miðium flokki manna. Þá mællti Petr postoli, sva at allir heyrðu: „Ef ek em rettr kennandi sannrar truar, þá risi kona su upp in nomine domini Jesu Cristi, til þess at trúa þessarra manna styrkiz, er her eru nú við staddir, at þeir viti ok trui,

25 at sa einn er guð, er skapaði himin ok iorð.“ En þegar er Petrus hafði þetta mællt, þá reis konan heil upp ok fell til fota Petri ok kysti fœtr hans, ok sva allir frændr hennar ok vinir, ok lofuðu guð.

19. Síðan fór Petr til gestaskala, þvíat þá var framorðit dags. En husbuandi, sa er fyrir skalanum reð, mællti við Petr postola: „Þat er ofallit, at þú sva heilagr maðr byggir oitarligt hus, þar er ek hefi allt ørit at fa þer ok forunautum þinum, bæði mat ok klæði.“ Petr taldi við at fara með honum. Þá kom þar husfreyia með sonum sínum tveimr, ok baðu Petr ok fellu til fota honum, at hann skyldi þar vera með þeim. En hann villði eigi þat.

35 Þá kom döttir þeira, su er marga vetr hafði diöfuloð verit, ok var lukt í litlum klefa, ok fíoturr á, ok hendr hennar voru eigi lausar; hon fell þegar til fota Petro, þegar er hon kom þar, ok mællti: „Rett er þat, drottinn minn, at þú halldir í dag með oss heilsufögnuð minn ok styggir eigi fœður minn ne móður.“ En

40 Petr spurði, hvi þat gegndi, er hon mællti, eða hvi fíotrar þeir

væri a henni. En frændr hennar undruðuz, hvi sæta mundi, ok urðu sva fegnir, at þeir mattu eigi orðum upp koma at segia Petri þat, er hann spurði. En huskarl foður hennar sagði: „Su kona misti vitz sins, þa er hon var .vii vetra, ok hefir verit ör siðan 5 avallt; en nu er hon meir en tvitug. Hon var sva oð, at hon beit ok barði ok reif klæði sin ok af oðrum, ef hon matti na. Margan mann meiddi hon ok veitti sumum alldrtila, aðr en hon varð bundin, þviat diofull, er hana kvaldi, gerði hana hverium karlmanni styrkri. En sa hinn sami fiandi oðiz, þegar er þu komt i nand ok flyði fra henni, ok varð hon þegar heil. Dyrnar lukuz 10 þegar upp sialfar, ok kom hon þa hingat ok fell þegar til fota þer, ok biðia nu allir, at þu þiggir soma at henni ok at frændum hennar.“ En er hann hafði þetta mællt, þa losnuðu bond oll af henni. Petrus matti þa eigi dyliaz við, at af hans verðleikum var mærin laus orðin ok fengit heilsu sina. Ok þa hann gisting ok 15 allan beina af foður hennar Siðan for Petr postoli, unz hann kom heim til stols sins i Anthechio.

20. Þa er Petr postoli hafði setit a stoli sinum siau vetr, ok gerði allzkyns iartegnir i nafni drottins, þa spurðiz til Simonar hins illa, at hann var kominn i Romaborg ok efldi sva miok 20 villu sina, at margir truðu a hann, at hann væri guð. En hvervetna var kenning hans skaðsamlig, en allra skaðsamligust i Romaborg, þviat þar voru flestir hofðingiar ok gofgastir, ok þotti við því buit, ef keisarinnt tæki við villu hans, at oll heimsbyggð mundi næst trua a hann. Þvi var þat rað allra manna kristinna, 25 at Petr postoli færi til Romaborgar ok gengi a mot villu Simonar ok eyddi, ok þotti þat makligast, at hinn øzti hofðingi kristinnar gengi a moti hofðingia villumanna. Petrus postoli reðz i þessa for, ok fylgði honum Marcus guðspiallamaðr ok Clemens, er siðan var pavi, ok Apollinaris byskup, ok margir aðrir kristnir menn, 30 þeir er honum þionuðu. Þa var Claudius keisari, er Petr kom i Romaborg. Þa voru .xii. vetr liðnir fra uppstigningu drottins ok .xii. nottum eptir iol. Hann gekk fyrst til fundar við Gyðinga ok sagði, at hann var Gyðingr at kyni, ok kvaðz fyrir astar sakir brøðra sinna þangat kominn. En er þeir rödduz við miok marga 35 ðaga, þa gat Petr postoli hingatkomu Kristz ok sagði þeim margar iartegnir drottins ok taldi fyrir þeim, at hann væri sonr guðs. En margir hlyddu kenningu Petrs postola ok gerðu iðran fyrir villu sina ok toku skirn, eigi at eins Gyðingar helldr ok margir Romaborgar menn, þeir er truðu a Krist af kenningu Petrs postola. 40

Þa tok bratt at vaxa foldi kristinna manna, ok var ollum forkunn
 a at heyra orð guðs. Þa baðu þeir Marcum, at hann gerði þeim
 guðspiall, sva sem Petr hafði honum fyrir sagt, þviat postolinn
 matti eigi tōmaz fra kenningum við menn eða fra bōnum sinum.
 5 En Marcus gerði þat, er hann var beðinn, ok ritaði guðspiall.
 Siðan vigði Petr postoli hann til byskups, ok sendi hann i Alex-
 andriaborg a Egiptalandi, ok er þar siðan patriarkastoll. Tva
 byskupa vigði hann ok i Romaborg, Linum ok Klitum, at veita
 monnum þa þionostu er til kennimanna kemr, en hann sialfr var
 10 a bōnum iafnan ok kendi monnum tru. En er hann vissi nalgaz
 andlat sitt, þa var þat einn dag, at mart lið var komit til kirkiu
 at heyra hans kenningar, þa mællti hann: „Hlyði þer mer, goðir
 brøðr! Drottinn minn Jesus Kristr hefir þat vitrat mer, at nu er
 skamt til andlatz mins. En ek hefi mann valdan til þess velldis,
 15 er drottinn minn gaf mer, Clement lærisvein minn, þann er mer
 hefir lengi fylgt, ok eru (honum) oll guðs lōg einna mest i kunn-
 leika; hann reynda ek goðan mann i allri freistni, astsaman við
 guð ok menn, hreinlifan ok hogværan, rettlatan ok hofsaman,
 þolinmoðan ok goðgiarnan, namgiarnan ok froðan. Fyrir þvi sel
 20 ek honum þat velldi, er guð gaf mer at leysa ok binda, ok hans
 atkvæði skal standa um alla kristni.“ Siðan lagði hann hendr
 yfir hofuð honum ok setti hann i stol sinn ok vigði hann til pava.
 En þoat Petr postoli væri morgum tiðr af iartegnum sinum, þa
 voru margir hinir, er framar truðu a Simon hinn illa. En þa var
 25 Nero keisari i Romaborg ok truði hann Simoni.

21 1. A nokkurri tið andaðiz einn gofugr maðr, sa er morgum
 var harmdauði, en frændr leituðu, ef nokkurr mætti honum lif

1 I C lyder Capitel 21 saaledes: Eptir þetta toku til skipti þeira Petri
 postola ok Simonis folkynga. Ok er þeir fluttu fram sínar kenningar hvorr
 30 eptir sinum hetti fyrir romverskum lyd aa einum degi, þa var borit lik
 hia þeim. Þa mællti Petrus: „Sanna þu tru þina, Simon, ok reis upp
 þenna hinn dauda mann til lifs. Enn ef þu vill eigi þenna kost, þa mun
 ek þetta gera.“ Simon svaradi ok kalladi til lydsins: „Ef ek reise þenna
 mann upp, þa skuli þer drepa Petrum.“ Lydrinn svaradi: „Wer skulum
 35 hann kvikan i elidi brenna, ef þu reisir þenna mann upp.“ Simon magnar
 þa folkyngi ok kallar diofla til sin ok gerdi sva, at menn saa likit hræraz.
 Þa mællti Petrus: „Ef hann lifir, þa matiz hann ok mæli ok gangi heim
 til herbergis.“ Simon brazt þa reidr vit ok flyði. En Petrus geck at
 likinu ok reisti upp hinn dauda. Allr lydr kalladi ok mællti: „Einn er
 40 gud, saa er Petrus bodar.“ Menngerdu þa fōr at Simoni ok villdu brenna
 hann i ellde. Enn Petrus stod fyrir þvi, ok for þat eigi framm. Litlu
 sidar batt Simon hund olman, þar sem Petrus skyllði fara, ok er Petrus

gefa. Kristnir menn leituðu fyrst þess, at Petr postoli kœmi til þess, þviat þeir treystu honum vel, en heiðnir menn toldu, at meira mundi stöða tilkoma Simonar, en a þat sættuz þeir, at hvartveggi skyldi til koma. Ok er þeir komu baðir, þa mællti Petr, at Simon skyldi gefa lif hinum dauða, ef hann mætti, ok 5 kvað honum enga þraut, ef hann væri Kristr. En Simon svaraði sva: ef hann skyldi bera ahyggju fyrir því, ok yrði hinn dauði upp-reistr, þa kvaðz hann eigi vilia lengr hafa Petr i moti ser. Lyðrinn svaraði: „Ver munum Petr kvikan i elldi brenna, ef þu gefr þessum manni lif.“ Þa tok Simon at kalla a diofla, ok gerði 10 sva af gölldrum sinum, at hinn dauði þotti hrøraz. Þa mællti Petr: „Ef hann lifir, þa mæli hann ok fari heim til husa sinna ok matiz. Þa braz Simon reiðr við ok villdi i braut ganga, en lyðrinn let hann eigi kost eiga, ok varðveittu hann. Þa reisti Petr postoli upp hinn dauða ok gaf honum lif. Þa kallaði oll 15 þioð: „Einn er guð, sa er Petrus boðar.“ En er þeir villdu Simon brenna i elldi, þa kom Petr honum undan ok mællti: „Ørit er honum þat til kvalar, er hann er yfirstiginn i kyngi sinni, lifi hann ok siai nauðigr vaxa guðs kristni.“ Simon kvaldiz miok, er hann sa sik yfirstiginn, ok for a braut. Síðan tok hann hund 20 mikinn ok batt i dyrum fyrir Petro, at hundrinn biti hann. En Petrus leysti hundinn, er hann kom at honum, en hundrinn lagði þegar eptir Simoni ok villdi bita hann ok bra honum undir sik. En Petrus rann eptir honum ok kallaði a hundinn ok mællti: „Ek byð þer i nafni drottins Jesu Kristz, at þu bitir eigi horund 25 hans.“ Þa tok hundrinn at rifa af honum klæði oll, en síðan greip hann sialfan hann ok dro ok kastaði honum niðr fyrir borgarvegg, ok var hann eigi senn a þrimr misserum.

22. Aðr Pall postoli kom til Romaborgar, þa vitraðiz drott-

kom, þa let Simon hundinn lausan ok sigadi honum aa postolann. Hund- 30 rinn snyr þegar at, þar sem Simon er, ok reðr a hann ok rekr hann undir sik. Petrus geck þa at med huggeði ok miskunn ok mællti við hundinn: „Ek byð þer i nafni Jesus Kristz, at þu bitir hann eigi, helldr rif klæði hans.“ Hann gerdi sva sem Petrus baud. Simon tok at yla sva sem vargr ok for ut af borginni, ok varð þa eigi vart við hann þann 35 vetr. Litlu sidar vitradiz drottinn Petro postola ok mællti við hann: „Þeir Simon ok Nero ero fullir diöflum ok bera saman rad i moti þer. Enn þu skallt eigi ottaz, þviat ek em með þer, ok eigi mun ek þik fyrir-lata. Enn ek mun gefa þer mikla huggan ok traust i þinum mannaunum, her kemr bradliga minn þionn Pall postoli, ok mun hann þer fylgia ok 40 allðri sidan við þik skiliaz.“

inn Petro ok mællti við hann: „Þeir Simon ok Nero fullir af
 diöfli bera rað saman a moti þer, en þu skallt eigi ottaz, þviat
 ek em með þer, ok mun ek gefa þer fullting Pals postola mins,
 ok mun hann koma a morgun hingat, ok munu þit baðir eiga
 5 þrautir við Simon ok stiga yfir hann, ok síðan fara af heimi með
 sigri a einum degi baðir.“ En um morguninn eptir kom Pall
 postoli i Romaborg, sva sem drottinn hafði honum fyrirheitit.
 En Gyðingar foru þegar til fundar við hann¹ ok mælltu: „Sanna
 þu tru vara, þa er þu hafðir i uppruna þinum, þviat eigi er rett,
 10 at þu geriz lærifaðir heiðinna þioða, þar er þu ert Gyðinga kyns,
 ok attu eigi at eyða skurðarskirn², þar er þu hefir sialfr skurð-
 arskirn. En þa er þu finnr Petrum, fær³ þu fram kenning þina i
 gegn honum, þviat hann eyddi fyrir oss lög var oll ok bannaði
 oss hatiðir varar ok fyrirbauð oss at hallda þvattdaga.“ Pall
 15 svaraði: „I því megu þer marka⁴, at ek em sannliga Gyðingr, at
 ek varðveiti skurðarskirn ok ek helld þvattdaga, þviat a þvattdegi
 hvildiz guð af ollum verkum sinum. Ver eigum höfuðfeðra ok
 spamanna log, hvat boðar Petrus þvilikt i riki heiðinna manna?
 En ef hann vill kenna nokkura nyia kenning, þa segi þer honum
 20 [ofundlaust, at við finnimz⁵, ok mun ek reyna kenning hans, [sva
 at þer set hia⁶. [En ef kenning hans verðr sönnuð⁷ með vitni
 yðarra boka, þa samir oss ollum at hlyða honum.“ En er Pall
 hafði þetta mællt, þa foru Gyðingar at segia Petro, at Pall villdi
 finna hann. Petrus varð feginn, er hann heyrði þessi orð, ok reis
 25 upp þegar ok for at finna Pal postola. En er þeir funduz, þa varð
 hvarr oðrum sva feginn, at [hvargi matti vatni hallda⁸. Pall
 sagði þa allan atburð farar sinnar, ok sva hversu erfiðliga⁹ hann
 hafði þangat komit. Þa sagði ok Petrus honum, hveriar mein-
 gerðir hann hafði tekit af Simoni mago¹⁰. Þa for Petrus heim
 30 at aptni.

23. En er annarr dagr kom, þa for Petr til fundar við
 Pal postola, ok fann þar mikinn fiolda Gyðinga fyrir dyrum. En
 þar var mikil¹¹ þræta milli Gyðinga ok kristinna manna ok heið-
 inna. Gyðingar mælltu: „Ver erum kyngöfugir, komnir fra [guðs

35 1 *Begyndelsen af Capitel 22 hertil lyder i C:* Þa er Pall postoli kom
 til Romaborgar, komu Gyðingar til hans 2 tru Gyðinga skirnar ok
 tegia oskirdum C. 3 flyt C. 4 reyna C. 5 [saal. C; at ek vil finna
 hann A. 6 [tilf. C. 7 [saal. C; sannast A. 8 [þeir felldu tar fyrir
 fagnadi C. 9 saal. C; osælliga A. 10 enum folkynga C. 11 sundr-
 þycki mikit ok C.

vinum¹ Abraham ok Isaach ok Jacob ok spamonnum, þeim er guð sialfr mællti við ok syndi þeim takn sin ok leynda doma; en þer erut af heiðnum þjóðum, ok eru feðr yðrir [af engu agætir nema af² blotum ok skurðgoðum, ok [hafi þer³ verit æ rakir fra⁴ guði.“ Þa svoruðu kristnir menn: „Þegar er ver heyrðum hit sanna, þa hurfum ver eptir því ok fyrirletum villu vara; en [ér vitit⁵ log feðra yðarra, ok sa þer takn spamanna, ok gengut þer þurru fótum um sio, ok sa þer ovini yðra sökkuva i sio, ok syndiz yðr elldligr geisli⁶ a himni um nætr, en sky liost um daga, ok gaf guð yðr himnabrauð⁷ at fozlu en vatn or steini. En eptir þessa hluti alla gerðu þer yðr skurðgoð ok blotuðut þat, en þer truðut eigi a guð ok fyrirletut hann; en ver sam engi takn ok truðum a guð, þann er þer fyrirletut ok truðut eigi.“ En er kristnir menn ok Gyðingar þrættu a þessa lund, þa tok Pall postoli til orða ok mællti: „Eigi skulu þer hafa þrætur⁸ a meðal yðar, helldr skulu þer a þat lita, at guð efndi heit sitt, þat er hann het feðr varum Abraham, ok sor þess, at i hans kyni mundi allar þjóðir þrifaz, þvíat guð virðir eigi menn at kyni; ok þeir er i gegn logum misgera, þeir skulu at logum fyrirdømaz, en þeir er fyrir utan log misgera, munu fyrir utan log fyrirfaraz, þvíat su hyggiandi er gefin i hugskot manna, at þeir megu skilia⁹, hvat a milli er goðs ok illz, at þeir megi¹⁰ eignaz eilifa¹¹ ömbun fyrir goð verk, [ok refsí illa hluti a sialfum ser¹².“ En er Pall hafði þetta mællt, þa stöðvaðiz þræta hvarratveggju. En höfðingiar Gyðinga avituðu Petrum um þat, er hann fyrirbauð þeim [at hallda¹² logþing þeira.

Petrus mællti [ok svaraði þeim¹³: „Hlyði þer því, brøðr, er heilagr andi het David feðr varum, at fra honum mundi sa koma, er [sitia mundi¹⁴ yfir sess¹⁵ hans. Við þann mællti faðir af himni: son minn ertu, i dag gat ek þik. Þann hinn sama krossfestu Gyðingar af ofund sinni, en hann tok a sik þessa hluti alla, til þess at hann fyllði lausn þa, er nauðsynlig var ollum heimi. Ok sva sem Eva var ger af¹⁶ rífi Adams, sva skapaðiz ok kristnin af siðu hins krossfesta Kristz, ok var sva fògr, at hon hafði engi lyti a ser ne flekk. En þessa götu syndi

1 [tilf. C. 2 [saal. C; at engu nytir nema at A. 3 [hafit ér C. 4 fyrir C. 5 [þer vissut C. 6 stöpull C. 7 himnamiöl C. 8 saal. C; þrætni A. 9 hvat þeir skulu gera eða tilf. C. 10 tilf. C. 11 mgl. C. 12 [mgl. C. 13 [þa til Gyðinga C. 14 [setiaz mundi C. 15 seti C. 16 or C.

guð sonum Abraham, Isaach ok Jacob, [at þeir væri¹ i tru Kristz ok hans kristni, en eigi i otru Gyðinga. Snuiz þer ok þa til guðs ok gangit inn i fögnuð Abrahams föður yðars, [þviat guð fyllði þat er hann het honum, sva sem spamaðrinn mællti: Drottinn sor
5 ok mun eigi iðraz, þu ert kennimaðr at eilifu. Kristr gerðiz kennimaðr a krossi, þa er hann veitti verolldinni forn holldz sins ok bloðs².“ En er postolar drottins höfðu þessum orðum mællt ok morgum þvilikum, þa truði mestr hluti þess lyðs a guð, er þessi orð heyrðu, en fair voru þeir, er i gegn³ mælltu [kenningu
10 þeira⁴. Þa sa höfðingiar Gyðinga ok rikismenn þioða, at eyðaz mundu lög þeira af kenningu postolanna, ok rögðu þeir þa við lyðinn, ok varð osætti af orðum þeira. En siðan rögðu þeir þa við Neronem konung, en þeir lofuðu Simonem magum. En er otal þioðar sneriz til truar af kenningum Petrs postola, þa tok ok
15 tru kona Neronis keisara, en hon het Libia, ok þa tok tru kona borgargreifa þess, er Agrippa het, en hon het Agrippina, ok skilduz þær siðan fra samlagi buanda sinna. En fyrir kenning Pals postola hurfu margir [til rettrar truar² fra riddarasyslu ok fra hirð konungs ok gerðuz kristnir ok [gerðu eigi aptr hverfa⁵
20 til konungshallar ne riddarasyslu.

24. [En Simon magus fyllðiz⁶ ófundar ok mællti mart illt um Petrum ok kvað hann fiolkunnigan vera. En þeir truðu Simoni, er sa sionhverfingar hans, ok hugðu þat takn vera, þviat hann gerði orm or eiri, þann er hrørðiz⁷, ok hunda or steini, þa er go,
25 ok likneski or malmi, þau er hlogu ok hrørðuz, en hann syndiz sialfr fljuga i lopti [i elldz liki⁴. En Petrus gaf heilsu siukum, en sion blindum með bönnum sinum, ok rak diofla fra oðum monnum ok gaf lif dauðum. En hann mællti, at menn skylldu sia við svikum Simonar ok við allri villu hans, ok lata eigi at velum
30 diofuls, þviat hann kvað Simon vera lygimann ok fiolkunnigan gallDRAMANN ok vandan þiof, ovin guðs ok allz hins retta, ok kvað bratt augliosa mundu verða hans illzku fyrir ollum lyð. Þa gerðiz sva, at allir raðvandir menn ok siðsamir rögðu⁸ Simon ok sogðu hann vera skröksmann, en Petrum guðs vin helgan. En þeir er
35 Simoni fylgðu baru liugvitni með honum ok kvaðu Petrum fiolkunnigan, [þar sem þeir voru sialfir fiolkunnigir². En er þetta mal kom fyrir Neronem konung, þa bauð hann, at Simon magus

1 [saal. C; ok þeir eru A. 2 [tilf. C. 3 moti C. 4 [mgl. C. 5 [komu eigi siðan C. 6 [Eptir þetta fylltiz Simon upp C. 7 skreið C.

skyldi koma til fundar við hann. En er hann kom ok stoð fyrir konungi, þá tok hann at skipta yfirlitum sinum ok asionu, sva at hann syndiz stundum ungr en stundum gamall, stundum har en stundum lagr, en stundum [braz hann i yms liki¹ manna eða kvikenda. Þá hugði Nero, at hann væri sialfr² sonr guðs. Þá gekk Simon fram fyrir konunginn ok mællti: „Illyð þu mer, goðr konungr, þviat ek em sonr guðs stiginn af himni; allt hingat til hefi ek setit Petro þat, at hann segiz postoli vera, en nu er mer tvefolld meingerð i³, þviat Pall⁴ [gengr ok i moti mer ok⁵ i lið með Petro ok kennir hit sama sem hann. En þat skalltu vita, ¹⁰ konungr, at eigi mun ríki þitt standa, nema þu raðir þeim bana.“ Þá varð Nero konungr ahyggiufullr ok bað [gera eptir þeim postolum ok leiða þangat⁶.

25. En annan dag eptir, þá er þeir postolar guðs komu fyrir konung [ok Simon magus⁷, þá mællti Simon: „Þessir eru læri- ¹⁵ sveinar [Jesu Nazareni⁸, ok eru eigi þess verðir, at þeir heiti Gyðingar, þott þeir se af þeira kyni.“ Nero spurði: „Hvat er Nazarenius⁹?“ Simon svaraði: „Borg heitir Nazareth a Gyðingalandi, su er oss er avallt gagnstaðlig, en or þeiri borg var lærifaðir þeira.“ Nero spurði: „Ef guð leiðrettir ok elskar alla menn, ²⁰ hvi hatar þu þessa?“ Simon svaraði: „Þessir menn tældu allt Gyðingafolk, at eigi tryði þat mer¹⁰.“ Petrus svaraði ok mællti við Simon: „Þoat þu [mættir alla aðra tæla¹¹, þá munt þu eigi¹² mik svikia, þviat fyrir mik kallaði guð fra villu þa, er þu hafðir svikit. En er þu hefir reynt fyrr, at þu matt eigi vega sigr a ²⁵ mer, þá undrumz ek, af hvi þu hrosar þer [i augliti konungs¹³, ok ætlar at þu munir vega sigr a lærisveinum Kristz með fiolkyngi þinni.“ Nero spurði: „Hvat [er Kristr¹⁴.“ Petr svaraði: „Kristr er sonr guðs, sa er Simon þikkiz vera, [ok segiz þar goðr, sem hann er illr ok hann vinnr diofuls verk¹⁵. En ef þu villt vita, ³⁰ konungr, þá hluti, er um Krist gerðuz a Gyðingalandi, þá lat þu taka bref¹⁶, þat er Pilatus iarl sendi Claudio, ok mattu þa vita hit sanna.“ Þá let Nero taka brefit¹⁷ ok lesa. En [þessi orð eru a brefinu¹⁸.

1 [bra hann a sik liking ymissa C. 2 sannr C. 3 mgl. C. 4 Paulus C. 35
5 [gerir i gegnu mer ok gengr C. 6 [leiða postolana fyrir sik C. 7 [mgl. C.
8 [ens naddverska ok ens krossfesta C. 9 enn naddverski C. 10 Nero
mællti við Petrum: „Fyrir hvi erut þer otruir ok allt kyn yðart“ tilf. C.
11 [tælir alla aðra C. 12 alldri C. 13 [saal. C; fyrir mer A. 14 [saal. C;
Kristr þat væri A. 15 [tilf. C. 16 rit C. 17 ritit C. 18 [þar var sva ritat C. 40

Pilatus iarl sendir kveðiu Claudio. Fyrir skommu [bar þann
 hlut at, er ver reyndum sialfir¹, at Gyðingar fyrirdömdu sik ok
 kynsmenn sina af ófund sinni, þviat guð þeira af himni het
 feðrum þeira, at hann mundi senda þeim son sinn, þann er vera
 5 mundi konungr þeira, ok var þeim heitit, at hann mundi [af meyi
 fððaz². En er hann kom, ok þeir sa hann gefa syn blindum, ok
 heilsu likþram, ok lif dauðum, ok reka diofla fra oðum monnum,
 ok ganga þurru fotum a³ sio ok stoðva vinda, ok gera margar
 aðrar iartegnir, sva at mestr hlutr Gyðingalyðs kallaði hann guðs
 10 son, þa fyllduz kennimanna höfðingiar ófundar [a moti⁴ honum,
 ok toku hann ok selldu mer, ok sogðu hann folcunnigan ok
 gagnstaðligan logum þeira⁵. En ek truða lygi þeira, ok let ek
 beria hann, ok dömda ek hann [til dauða⁶. En þeir krossfestu
 hann ok grofu ok settu vardhalldzmenn hia⁷ leiði hans. En hann
 15 reis upp a þriðia degi. En sva mikil var illzka Gyðinga, at þeir
 gafu varðhalldzmonnum peninga⁸, til þess at þeir skylldu þat
 segia, at hans lærisveinar [stæli honum⁹ a brott. En þo at þeir
 tðki við fenu, þa mattu þeir eigi [yfir þvi þegia, sem gorzt hafði¹⁰,
 þviat þeir sogðu, [at hann hafði upprisit, ok sva þat at þeir toku
 20 feit af Gyðingum¹¹. En ek reit þetta til þess, at engi skyllði
 trua lygi Gyðinga, þott þeir segði allt annan veg.

26. En er rit þetta var lesit fyrir konunginum, þa [spurði hann
 Petr, ef þetta væri sva sem þar var sagt¹². En Petr svaraði:
 „Sva er, konungr, eigi lyg ek at þer. En Simon sia er fullr
 25 lygi ok flærðar ok ætlar sik guð vera, þar sem hann er vándr¹³
 maðr. En Krístr er bæði guð ok maðr, ok tok til þess manndom
 a¹⁴ guðdom sinn, at hann leti ser soma at hialpa monnum. En
 þessi Simon er maðr, ok hefir með ser dioful þann, er [hverium
 manni¹⁵ vill mein gera.“ Simon mællti: „Þat undrumz ek, at
 30 þu, konungr, skalt nokkurs virða orð þessa hins ovitra ok hins
 lygnasta fiskimannz, er [oitarligr er at buningi ok¹⁶ at mælsku
 ok at kyni ok at allri atferð. En ek mun eigi sitia honum lengr
 þessa meingerð, ok mun ek bioða englum minum, at þeir hefni
 min.“ Petr svaraði: „Eigi mun ek hræðaz engla þina, en þeir

35 ¹ [saal. C; barst sva at, at ver reyndum A. ² [fra meyi beraz C.
³ um C. ⁴ [i gegn C. ⁵ sinum C. ⁶ [sidan at villia þeira C. ⁷
 yfir C. ⁸ fe C. ⁹ [hefði tekit likam hans C. ¹⁰ [þegia yfir þvi, sem
 þar gerdiz C. ¹¹ [sik séð hafa hann upprisa C. ¹² [mællti Nero;
 „Segdu mer, Petro, ef þetta er satt“ C. ¹³ illr C. ¹⁴ eilifan tilf. C.
 40 ¹⁵ [monnum C. ¹⁶ [oitarligan buning hefir ok herfiligr er C.

munu mik hræðaz i krapti drottins Jesu Kristz.“ Nero spurði: „Hvi hræðiz þu eigi Simon, er með taknum sannar guðdom sinn?“ Petr svaraði: „Ef guðdomr er með¹ honum, sa er veit leynda hluti, segi hann mer nu, hvat ek hygg² eða hvat ek mun gera. En þa hugrenning mun ek segia [i eyra þer³, konungr, at hann 5 þori eigi at liuga, hvat ek hygg⁴.“ Nero mællti: „Gakk hingat þu, ok seg mer hvat þu hyggr.“ Petrus mællti: „Bioð þu, at hingat se förðr⁵ brauðleifr leyniliga.“ En er brauðleifrinn var selldr Petro, þa mællti hann: „Segi Simon nu, hvat hugt⁶ var eða mællt eða gert.“ Þa mællti Nero: „Hyggr þu, at ek trua því, 10 at Simon viti þetta eigi, sa er mann reisti af dauða, ok gerði allt þat er ek bað hann.“ Petrus mællti: „Ekki sa ek hann þat gera.“ Nero svaraði: „Ek sa hann þetta gera allt, ok bauð hann englum sinum at koma til sin af himni, ok komu þeir.“ Petrus mællti: „Ef hann gerði þat, er meira var, fyrir hvi gerir hann 15 eigi hvat⁷ minna er. Segi hann nu, hvat ek hygg eða hvat ek gerða.“ Nero mællti: „Hveriu svarar þu nu, Simon? Eigi skil ek nu, hvarr ykkarr sannara mælir⁸.“ Simon mællti: „Segi Petrus, hvat ek hygg⁹.“ Petrus svaraði: „Þa mun ek syna, at ek veit, hvat hann hyggr, [ef hann gerir þat, er hann hefir ætlat¹⁰.“ 20 Simon mællti: „Þat skaltu vita, konungr, at engi veit hugrenningar manna nema guð einn, en Petrus lygr ok læzt þat vita, er hann veit eigi.“ Petrus mællti: „Segðu, Simon, ef þu læzt vera sonr guðs, hvat ek hugða eða hvat ek gerða.“ En Petrus hafði blezat brauðleifinn ok brotit i ermar ser leyniliga. Þa reiddiz 25 Simon, er hann matti eigi segia hugrenning postolans, ok mællti: „Fari fram hundar olmir¹¹ ok svelgi Petrum i augliti konungs.“ Þa synduz þar hundar miklir ok [gerðu för¹² at Petro. En Petrus retti hendr sinar a moti þeim ok syndi þeim brauð þat, er hann hafði blezat¹³, ok hurfu hundarnir allir þegar, er 30 þeir sa brauðit. Þa mællti Petrus við Neronem konung: „Nu synda ek þer i¹⁴ verki þat helldr en [i orði¹⁵, at ek vissi, hvat Simon hugði, þvíat sa er het at senda engla a moti mer, nu syndi hann [þat, at hann hefir¹⁶ eigi guðliga engla, helldr hundliga.“ Nero mællti við Simon: „Þat ætla ek nu, at við sem yfirstignir.“ 35 Simon svaraði: „Petrus hefir opt slíka hluti gerva a Gyðinga-

1 i C. 2 hugsu C. 3 [þer hliodliga C. 4 hugsada C. 5 borinn C.
6 hugsat C. 7 þat sem C. 8 hefir C. 9 hugsada C. 16 [er ek
geri við því sem hann hugsadi C. 11 miklir C. 12 [foru C. 13 vigt
C. 14 með C. 15 með ordum C. 16 [sik hafa með ser C.

landi, ok atti hann opt¹ þrautir við mik, ok er nu þess viss orðinn, at þetta [eitt rað la til, at hann mætti² forðaz. En engi ma [hugrenningar manna sia³ nema guð einn.“ Petrus mælti: „[Hvi mattu eigi sia hugrenningar manna, er þu kveðz guð vera⁴?“
 5 [Þa mælti Nero við Paulum: „Fyrir hvi mælir þu ekki, Paule?“ Paulus svaraði: „Þat skalltu vita, konungr, at sia hinn folkkunnigi Simon mun samna margri illzku at þer, ef þu lætr hann lengi þvisa fram fara⁵.“ Nero spurði: „Hveriu svarar þu nu, Simon?“ Hann svaraði: „Nu mun ek syna, at ek em guð. Lattu mik
 10 hoggva i myrkum stað, ok lattu mik þar liggja, sem ek var hoggvinn. En er⁶ ek ris upp a þriðia degi, þa mattu vita, at ek em guðs son.“

Þa bauð konungrinn⁷ at gera sva sem Simon sagði. En Simon gerði sva i gerningum sinum ok gölldrum, at þar var
 15 hrutr til hoggs leiddr, [en monnum syndiz sem Simon væri⁸. En er hann var i myrkum stað hoggvinn, þa hafði sa forvitni við, er hoggvit hafði, ok bar hofuðit [til lioss, ok var þat⁸ hrutz höfuð, en hann þorði eigi at segja konunginum, at eigi yrði hann sakaðr [af forvitni sinni⁹. En Simon kom síðan ok tok a braut
 20 hræ hrutzins, en bloð hans var þa storknat eptir a iorðu¹⁰. En Simon syndiz Neroni a hinum þriðia degi, ok sagðiz upp hafa risit af dauða ok mælti: „Lat þu þerra bloð mitt af iorðu, þviat ek var hoggvinn, ok reis ek af dauða [a þriðia degi⁵, sem ek het þer.“

25 [Litlu síðar¹¹ mælti Simon við konung: „Lat þu gera mer stopul hafan af triam, ok mun ek [stiga i stopulinn ok kalla þaðan a engla mina, ok munu þeir fœra¹² mik til himins til mins foður, sva at allir siai¹³. En ef þeir mega eigi slikt gera, þa [eru þeir¹⁴ lygimenn.“ Nero mælti við Petr: „Heyrðu nu, hvat
 30 Simon sagðir, er hann kveðz mundu¹⁵ syna, hvern krapt hann hefir.“ Petr svaraði: „Villtu þat skilia konungr, at sa maðr er fullr af diofli, en eigi af guði.“ Nero mælti: „Hvat þarf nu orða við? A morgin skal yðr alla reyna.“

1 margar C. 2 [rad la til, sva at hann matti C. 3 [hug mannz vita C.

35 4 [Þu segir þik gud vera, fyrir hvi segir þu eigi hugrenningar manna C.

5 [tilf. C. 6 ef C. 7 keisariinn C. 8 [i lios, ok sa, at þat var C.

9 [um forvitni sina, þviat honum var bodit at gera þetta i myrkum stað C. 10 steinum C. 11 [En a öðrum degi C. 12 [kalla þangat engla mina ok bioda, at þeir hefi C. 13 megi sia C. 14 [mattu

40 reyna, at þeir eru C. 15 tilf. C.

27. En þa komu þeir annan dag fyrir konunginn, ok tok Simon til máls: „Truir þu því konungr, at ek se fiolkunnigr, þar sem ek hefi risit af dauða?“ Þa mællti konungr við Pal postola: „Hvi mælir þu ekki, Pall, eða hverr er þinn lærifaðir, eða hvilik er kenning þin, su er þu kendir i borgum? En hit ætla ek, at þu [ser engi spekingr¹ ok megir engi stormerki gera.“ Pall mællti: „Hyggr þu þat, konungr, at ek muna vilia orðum onytum deila við ovitran² mann, ok þar með fiolkunnigan ok daðlausan, þann er ond sina selr til dauða, ok mun bratt fram koma glatan hans, þvíat hann lygr, [er hann segiz sa vera, er³ hann er eigi, ok tælir menn alla með fiolkyngi⁴ sinni. En ef þu villt trua⁴ honum, þa muntu glata ond þinni ok ríki, þvíat hann er hinn verstí maðr. Sva sem þeir tveir fiolkunnigu menn Jamnes⁵ ok Mambres [a Egiptalandi⁶ leiddu i villu Pharaonem konung ok her hans allan, til þess er þeir sukku [i hafit rauða⁷, sva tælir sa ovitra menn með venum [foður sins⁸ diofulsins⁸ ok gerir mart illt fyrir fiolkyngi sina, ok svíkr hann þa er ovitrir eru ok gerir mikla meiðing [ríki þinu⁹. En ek bið helgan anda með tarum¹⁰ mins hiarta, at sem skiotast megi synt verða, hversu mikla diofuls villu sia maðr byðr, þvíat þa er hann ætlar [ser upp at stiga¹¹ til himnanna, þa mun hann niðr [detta²⁰ til helvitis¹², þar er vera mun gratr ok tanna gnistan. En þar er þu spurðir at kenningu minni¹³, þa megu þeir einir við henni taka, er þiona vilia guði með hreinni ast. En ek kenda hverium þat er til friðar er [ok astar¹⁴, ok for ek með friðarboði allt i Jerusaleml¹⁵, talda ek þat fyrir ollum, at hverr [skyllði elska¹⁶ annan. 25 Kenda ek þat rikismonnum ok auðigum¹⁷, at þeir drambi eigi [ne treysti a auðøfi sin, helldr hefði þeir visa van ok traust a guði, ok at þeir skipti með fatøkum ok væri þakklatir guði, en þeir er ser ætti atvinnu, yndi því, er¹⁸ þeir ætti, ok girntiz enskis framar. [Kenda ek þat¹⁹ feðrum, at þeir kendi þat sonum sinum 30 [at unna guði; kenda ek þat sonum, at þeir væri hlyðnir feðrum

1 [hafir enga speki *C.* 2 otruan *C.* 3 [sik vera þat sem *C.* 4 hlyda *C.*
 5 Ramnes *C.* 6 [er voru fordum a Egiptalandi ok *C.* 7 [niðr i sia *C.*
 8 [diofuls *C.* 9 [vellðis þins *C.* 10 mætti *C.* 11 [upp at hefiaz *C.*
 12 [sökkva i it nedra helviti *C.* 13 læriföður þins (!) *C.* 14 [*ulf.* *C.* 35
 15 Jorsalaborg *C.* 16 [elskadi *C.* 17 auðkyfingum *C.* 18 [af
 ovisum auðfum ne treystiz i þeim, helldr hefði þeir visa van ok treyst-
 iz i miskunn guds. En þat kenda ek voludum, at þeir fagnadi i voladi
 sinu ok þackadi guði, enn þeir yndi sliku, sem *C.* 19 [Þat talda ek
 fyrir *C.*

sinum ok mǫðrum¹ sinum ok ollum þrifsamligum² aminningum.
Kenda ek þat fiareigondum ok farmonnum eða kaupmonnum, at þeir
gyllði [vel skatta alla ok lögskulldir allar³. Kenda ek þat
konum, at þær [ynni bondum sinum⁴ ok væri þeim hlyðnar;
5 kenda ek þat bondum, at þeir ynni sinum konum ok sæi sva
við saurlifi⁵ við aðrar konur, sem þeir villdi sínar konur grand-
varar⁶; þvíat þat er karlmanni mislikar við oraðvanda konu sina,
þa hefnir guð slíkrar syndar oraðvondum⁷ karlmanni. Þat
kenda ek drottnum, at þeir væri hægir við þræla sina, en þat
10 þrælum at þiona⁸ vel drottnum sinum ok truliga sva sem guði.
Þat kenda ek allri kristninni at gófga einn guð truliga almatkan
ok osyniligan. En su kenning er mer eigi af monnum gefin,
helldr af guði Jesu Kristo ok dyrðar foður, [þeim er af himni mællti
við mik þessum orðum⁹: „Far þu, en ek mun vera með þer lífs
15 andi ok ollum þeim, er a mik trúa, ok mun ek efla allt þat er
þu gerir eða mælir.“

28. Nero undraðiz tölu þessa ok mællti við Petrum: „Hvat
[røðir þu um tölu þessa¹⁰?“ Petrus svaraði: „Hvert orð er satt,
er Pall mællti; þvíat margir vetr eru nu liðnir, síðan ek tók rit
20 af ollum byskupum, þeim er voru i Romaborgar velldi, ok sogðu
allir [eitt um hans orð ok verk¹¹. En þa er hann var ovinr laga
Kristz, kallaði [rodd guðs hann af himni¹² ok kendi honum hit
sanna, þvíat hann var eigi fyrir ófund ovinr varrar truar, helldr
fyrir því¹³ at hann vissi eigi hit sanna. Eunn voru ok fyrir vara
25 æfi villuspamenn ok villupostolar sva sem¹⁴ Simon, ok gerðu i
moti helgum bokum ok villdu glepia¹⁵ hit sanna; en þessum
manni Pali þótti nauðsyn at gera i gegn þeim, þvíat hann framdi
enga syslu aðra allt fra uppruna sinum, en hann rannsakaði takn
guðs laga, ok skildiz honum af því at vera vinr hins sanna en
30 ovinr flærðar. En af því at ovinatta hans var eigi af ófund helldr
af ast laganna, þa mællti sialfr hinn sanni af himnum við hann:
Ek em hinn sanni, sa er þu [villt orøkia¹⁶, lat af þu at gera i
gegn mer, þvíat þu berz i moti vinum hins sanna¹⁷. En er hann

1 [hlyðnir at vera fedgiaum C. 2 kenningum ok godum tilf. C. 3
35 [skatt ok landaura ok allar lögsamligar skyldir C. 4 [elskadi bendr
sina C. 5 munudlifi C. 6 radvandar C. 7 ograndvorum C. 8 þeir þionadi
C. 9 [En er drottinn vorr Jesus Kristr sendi mik til kenningar, þa
mællti hann við mik C. 10 [segir þu, Petre C. 11 [mer slíkt fra hans
ordum ok verkum C. 12 [himnesk ródd a hann C. 13 þat C. 14
40 þessi tilf. C. 15 nidr briota C. 16 [ofsækir C. 17 [mgl. C.

varð viss hins sanna, þa fyrirlet hann þat, er hann hafði aðr fylgt, ok tok at elska Krist, þann er hann hafði aðr hatat, þann er eilíft líf er ollum þeim, er a hann trúa, ok satt líos þeim, er guðs gotu ganga.“ Simon mælti: [„Skildu konungr! sambundit er rað þeira¹ i moti mer.“ [Nero spurði: „Hverr er hinn sanni?“⁵ Simon svaraði: „Ek em hann² enn sanni, en þessir setia rað i gegn mer.“ [Petrus mælti: „Engi er sannleikr i þer, helldr gerir þu ok mælir allt með lygi³.“ Nero mælti: „Hvat segir þu nu, Pall?“ [Hann svaraði³: „[Sva er sem þu hafir heyrt mik mæla allt, þat er Petrus talaði⁴, a einn veg skilium við baðir,¹⁰ þviat við truum a einn guð Jesum Kristum.“ Simon mælti: „Hyggr þu þat, konungr, at ek muna lengr þræta við menn þessa, er hug sinn reisa við⁵ mer? [En þið skulut þat vita, Petr ok Pall⁶, ef ek ma ekki her at ykkir gera, þa munum ver þar koma, at ek skal ykkir dæma, [þviat ek mun vægia ykkir, unz ek¹⁵ kem i krapt minn⁷.“ Pall [svaraði: „Hyggr þu þat, Simon, at þu munir heðan heill komaz⁸?“ Petr mælti: „Fyrir hvi hlær þu eigi at [þessum oramanni⁹, er [leikinn er af diofli, ok hyggr, at hann muni leynaz mega.“ Simon mælti: „Ek mun vægia yckir, þar til er ek syni krapt minn.“ Paulus svaraði: „Hyggr þu,²⁰ Simon, at þu munir heill heðan komaz.“ Petrus mælti: „Eigi mun Simon fyrr trúa, at hann se eigi guð, en hann ser¹⁰ krapt drottins Jesu Kristz.“ Simon mælti: „Þu hinn bezti konungr, tru þu eigi þessum monnum, þviat þeir eru eigi Gyðingar ok hafa þo skurðarskirn sem Gyðingar.“ Pall mælti: „Fyrr en við¹¹ vissum²⁵ hit sanna, þa tokum við¹¹ líkamliga skurðarskirn, en síðan er við sam hit sanna, þa [skirðumz við¹² skurðarskirn hiartans.“ Petr mælti við Simon: „Ef ill er skurðarskirn, fyrir hvi ertu þeiri skirðr?“ Nero spurði: „Hefir Simon ok skurðarskirn?“ Petr mælti: „Eigi matti hann annan veg meir svíkia andir¹³ manna, en hann líktiz³⁰ Gyðingum ok syndi sik kenna guðs log.“ Nero mælti: „Sva syniz mer, Simon, sem þu ófundir þessa menn, ok ser þu af þvi ovinr þeira, at ofund se a milli þin ok Kristz þeira, ok uggi ek,

¹ [Samanbundit rað þessa tveggja mattu skilia *C*. ² [En ek em *C*.
³ [*ulf. C*. ⁴ [Þat sem þu heyrðir af Petro, etlaðu þat sem ek hafa þat mælt *C*. ⁵ i moti *C*. ⁶ [Enn mælti Simon við postolana: ³⁵
„Hlydit þit nu.“ *C*. ⁷ [mgl. *C*. ⁸ [mælti: Se þu, konungr, hvilíkar ognir hann bydr ockr *C*. ⁹ [manni þessum hófuteum *C*. ¹⁰ [saal. *C*; sva er leikinn af diofli, at hann hyggr leynaz muni hann, en eigi mun hann trúa, at eigi se hann guð, fyrr en hann reynir *A*. ¹¹ ver *C*. ¹²
[skirum ver ok skirumz *C*. ¹³ salur *C*.

at þeir stigi yfir þik eða komi fari nökkuru at þer.“ Simon mællti:
 „Svikinn ertu nu, konungr!“ Nero mællti: „Hvi¹ em ek svik-
 inn? Þat segi ek, er ek se² þu², at þu ert ovinr þeira Petrs
 ok Pals ok lærifoður þeira.“ Simon mællti: „Eigi er Kristr
 5 lærifaðir Pals.“ Paulus mællti: „Sa er Petrum lærði her i heimi,
 hann sialfr vitraðiz mer siðan ok lærði mik. En er Simon avitar
 oss um skurðarskirn, segi hann þa, hvi hann hefir sialfr skurðarskirn.“
 Simon mællti: „Af hvi spyri þið mik þess?“ [Pall svaraði: „Sok er til
 þess, hvi við spyrium þess³.“ Nero mællti: „Hvat er nu Simon, þorir
 10 þu eigi at segia þeim þat, er þeir spyria⁴?“ Simon mællti: „A þeiri
 tið, er ek tok skurðarskirn, þa var hon boðin af guði.“ Postolarnir
 svöruðu: „Heyrðir þu nu, konungr, hvat Simon sagði. En ef goð er
 skurðarskirn, fyrir hvi [gaftu þat öðrum at sok ok lezt vega þa
 menn, er skurðarskirn höfðu⁵?“ Nero mællti: „Eigi ma ek
 15 ykkur enn vel trúa ne ætla ykkur goða vera.“ Postolarnir svöruðu:
 „Engu mali skiptir⁶ okkr, hvart þu ætlar okkr goða eða illa,
 en þat er nauðsyn, at fram komi þat, er lærifaðir okkarr het.“
 Nero mællti: „[Eigi er vist, at ek vilia þat⁷.“ Petr svaraði:
 „Þat mun verða, er Kristr vill, en eigi þat er þu villt.“ Simon
 20 mællti: „[Ser þu⁸, konungr, at þessir menn svikia þik ok draga
 at þer vel.“ Nero mællti: „Þu hefir [eigi at fullu⁹ synt mer, at
 þu ert¹⁰ goðr.“ Simon mællti: „Undrumz ek þat, konungr, at þu
 skallt eigi trúa sva mörgum iartegnum ok storum taknum, er ek synda
 þer. “Nero svaraði: „Engum yðrum [mistrui ek at fullu¹¹, helldr
 25 svaraðu því, Simon, er ek mun spyria þik.“ Simon svaraði: „Nu
 þarf ek eigi at svara þer.“ Nero mællti: „Ek mun þik ok
 enskis virða, þvíat ek hygg, at þu liugir allt, ok sva allir þer
 þrir, ok veit ek eigi, hverium yðrum ek skal trúa, þvíat þer synit
 allir hug yðarn ostaðfastan.“ Petrus mællti: „Einn guð boða
 30 ek, foður ok son ok helgan anda, skapara allra hluta, þann er
 gerði himin ok iorð ok sæ, ok er hann [allz drottinn ok eilifr¹²
 konungr, ok verðr eigi endir rikis hans.“ [Nero spurði: „Hverr
 er konungr ok drottinn?“ Paulus svaraði: „Grøðari allra þioða ok
 skapari¹³.“ Simon mællti: „Ek em [hann sa, ek em hann sa¹⁴;
 35 en þat skulu þið vita, Petr ok Pall, at [ykkur mun eigi verða þat¹⁵,

1 I hveriu C. 2 [tilf. C. 3 [mgl. C. 4 [Hvart hræðiz þu, Simon, at
 svara þeim? C. 5 [glatadir þu þeim er hana toku ok lezt vega þa? C.
 6 vardar C. 7 [Er vist at ek vil þat? C. 8 [Hvart ser þu eigi C.
 9 [enn ok eigi C. 10 ser C. 11 [trui ek, ok engan yðvarn mistrui ek C.
 12 [allra C. 13 [tilf. C. 14 [sa C. 15 [þit munut eigi þat fa C.

er þið vilit, ok mun ek eigi þiggja ykkir at þislarvattum.“ Postolar drottins svoruðu: „Verði þer allðri vel, hinn verstí Simon, er fullr ert allrar velar¹.“ Simon mællti: „Heyrðu Nero konungr, ok vit þat, at [þessir menn liuga, en² ek em sendr af himni. A morgun mun ek upp stiga til himna ok gera þa sæla, er mer 5 trúa, en syna þessum reiði mína, er nu þora at neita mer.“ Postolar svoruðu: „Okkr kallaði guð fyrir löngu til dyrdar, en þu ert nu kallaðr af dióffi [ok hrapar þu til helvískra kvala³.“ Simon mællti: „Hlyð þu mer, goðr konungr! Skildu fra liði þínu þessa hina öðu menn, at ek mega þer hollr vera, þa er ek kem til 10 föður míns a himnum⁴.“ Nero spurði: „Hversu ma ek þat reyna⁵, at þu, Simon, farir a⁶ himna?“ Simon svaraði: „Lattu gera stopul hafan af triam storum, ok mun ek stiga upp i stopulinn; þa munu koma englar mínir til mín i lopti, þviat þeir megu eigi koma til mín a iorðu með syndugum monnum.“ Nero sagði: „Sia 15 vil ek þat. ef þu efuir þetta heit.“

29. Þa let Nero gera stopul [hafan a viðum⁷ velli, ok bað koma lyð allan ok rikismenn til þessa leiðmots. En er [allir menn komu⁸ þar annan dag, þa mællti Nero við postola drottins: „Nu mun reynt verða, hvarir satt segia.“ Postolarnir svoruðu: „Skiott 20 mun þat reynt verða, en eigi munum við [honum glata, helldr drottinn Jesus Krístr, sa er Simon segiz vera⁹.“ Þa mællti Pall við Petrum: „Ek mun falla a kne til bønar ok biðia til guðs, en þu neyt velldis þíns i gegn honum, ef þu ser hann nokkur odömi¹⁰ gera.“ Þa fell Pall a kne til bønar, en Petrus leit i 25 gegn Simoni ok mællti: „Ger þu þat, er þu hyggir, þviat nu nalgaz glatan þín, en dyrd¹¹ var þroaz, þviat ek se nu Jesum Kríst, ok kallar hann [okkr Pal¹¹.“ Nero mællti: „Hvert munu þið fara gegn vilja mínum?“ Petrus svaraði: „Þangat er drottinn Jesus Krístr kallar okkr.“ Nero spurði: „[Hverr er drottinn yðvarr?“ 30 Petrus mællti: „Drottinn varr er Jesus Krístr, ok se ek hann nu ok hann kallar mik.“ Nero mællti¹²: „Ætli þið ok eigi til himins at fara?“ Petrus mællti: „Þangat förum við, sem drottinn¹³ kallar okkr.“ Simon mællti þa við Neronem: „Þegar er ek stig upp til himna, þa mun ek senda engla mína til þín ok 35 lata þik koma til mín [með veg¹⁴.“ Nero [bað hann sva gera¹⁵.

1 il'zku C. 2 [mgl. C. 3 [til eilíra þísla C. 4 himna C. 5 vita C. 6 til C. 7 [stora a slettum C. 8 [lydrinn kom C. 9 [saal. C; með honum fara helldr til drottins Jesu Krístz konungsins eilírar dyrdar A. 10 undr C. 11 [mik ok Paulum C. 12 [tilf. C. 13 þeim líkar er C. 14 [mgl. C. 15 [mællti: Giördu þat er þu mælr C.

Síðan gekk Simon upp í stopulinn, sva at allir sa, þeir er hia voru, ok retti hendrnar fra ser, ok hafði koronú á hofði ok [tok at fliuga¹ í loptinu. Þá mællti Nero konungr við Petrum: „Simon er sannsogull², en þið Pall erut lygnir.“ Petrus svaraði: „Nu muntu bratt reyna ok viss verða, at við erum sannir Kristz lærisveinar, en Simon er eigi Kristr, helldr er hann [magus ok villumaðr³“ Nero mællti: „Þorir þu enn at mæla í gegn honum, ok ser þu hann nu [fara til himna⁴.“ Þá leit Petrus til Pals ok mællti: „Paule broðir, hefðu upp hofuð þitt ok sia.“ En er Pall
10 [hof upp hofuð sitt⁵ ok sa Simon fliuga, þá felldi hann tar ok mællti: „Hvat dvelr þu, Petr? Ger þu þat, er þu [hefir raðit⁶, þviat drottinn Jesus Kristr kallar okkr.“ Nero brosti ok mællti: „Nu sia þessir, at þeir eru yfirstignir⁷ ok munu nu øraz⁸.“ Petr svaraði: „Nu skalltu reyna, at við erum eigi ørir.“ Pall mællti
15 við Petrum: „Gerðu þat, er þu [tokt upp⁹.“ Þá leit Petrus eptir Simoni ok mællti: „[Ærir fianda¹⁰, þer er berit hann í lopti at svikia hiortu otrura manna, ek søri yðr fyrir guð skapara allra hluta ok fyrir Jesum Kristum, er a þriðia degi reis upp af dauða, at þer latit Simon nu þegar lausan ok berit hann eigi lengra.“
20 Þá fell Simon niðr a stræti þat, er kallat er Sacra Via, a flora hellusteina¹¹, ok slitnaði hann í sundr í flora hluti. En þeir steinar¹² standa enn til sigrmerkis¹³ postola drottins allt til þessa dags. Þá let Nero taka [þa Petrum ok Paulum ok setia í bond, en hann let vandliga varðveita hræ Simonar¹⁴ ok vænti
25 upprisú hans a þriðia degi. Petrus mællti: „Eigi mun hann upp risa, þviat hann er sannliga¹⁵ dauðr ok dæmdr til eilifra kvala“ Nero spurði: „Hverr lofaði þer at gera glöp þenna?“ Petrus svaraði: „Þræta hans sialfs; en ef þu villt rett virða¹⁶, þa er honum mikit vilnat¹⁷ í þvi, er hann forz fyrr en hann kœmi
30 fram sva mikilli¹⁸ guðlastan til øxlingar kvala sinna.“ Nero mællti: „Þið gerðut hug minn ahyggiufullan, af þvi skal deyða ykkir illum dauða.“ Petrus mællti: „Þat mun verða, er okkr er heitit, en eigi þat er þu villt.“

30. Þá¹⁹ let Nero setia Petrum í myrkvastofu. En a þeiri

35 1 [flo C. 2 sannmall C. 3 [folkunnigr ok lygimadr C. 4 [til himins stiga C. 5 [leit upp C. 6 [tokt til C. 7 yfirkomnir C. 8 ødræz eda øraz C. 9 [hefir radit C. 10 [Englar fiandans C. 11 steina C. 12 hellusteinar C. 13 sigrmarks C. 14 [postolana ok binda, en hann baud, at hræ Simonis skyldi vandliga varðveita C. 15 saal C; andliga
40 A. 16 skilia C. 17 veitt C. 18 illzku ok tilf. C. 19 Eptir þetta C.

nottu komu kristnir menn til hans ok baðu hann forða ser ok fara i braut or borginni. Petrus hræddiz eigi pislir, helldr let hann at bøn lyðsins ok gerðiz¹ braut at fara. En er hann kom til borgarhlíðs, þa sa hann drottin Jesum Krist koma i moti ser. Hann laut honum ok mællti: „Hvert ferr þu. drottinn?“ En 5 Jesus svaraði: „Fylg þu mer, þvíat ek fer i Romaborg at krossfestaz i annat sinn.“ Þa skildi Petrus, at drottinn mællti þetta um pisl hans, ok hvarf hann aptr i borgina, ok var hann þegar tekinn af liðsmonnum² konungs ok leiddr fyrir domstol hans. Nero mællti við Agrippam greifa: „Nauðsyn er oss at glata þessum 10 otruum monnum, af því lattu þa beria [i hel³ með iarnsvipum [ok glata ollum þeim, er þess kyns menn eru⁴.“ Agrippa greifi svaraði: „Eigi er þeim sa dauði makligr, er þu byðr, þvíat Paulus [ma kallaz⁵ saklauss, en Petrus er sekr bæði manndraps ok otruar.“ Nero spurði, [hveriar helfarir þeir skyllðu hafa⁶. 15 Greifinn svaraði: „Þat syniz mer rett, at Pall se hoggvinn fyrir aftru⁷ sina, þa er hann sannar með Petro, en [þu latir Petrum krossfesta⁸ fyrir manndrap, er hann glataði Simoni.“ Nero mællti, at sva skyllði vera[, sem hann dömði. Pall mællti: „Skamma stund mun ek pindr vera, en siðan lifa æ ok æ með Kristi kon- 20 ungi minum. En til þess at þu vitir, at dauði ok lif þionar drottni minum Jesu, þa mun ek synaz þer eptir dauðann ok andlat mitt, at ek em lifandi, ok syna þat. at ek ber sigr af þer, en þu eigi af mer.“ Nero svaraði: „Leiðit hann a braut sem skiotast ok gerit hofði skemra, at hann viti, at ek em sa konungr, 25 sem raða skal lifi hans.“ Siðan var Pall leiddr a braut. En er konungr fra, at drap hans dvaldiz, þa sendi hann hirðmenn sina tva Peregaritem ok Partimium. En er þeir komu þar, þa heyrðu þeir Pal telia um matt Krietz fyrir lyðnum. En er Pall sa þessa drengi, þa mællti hann við þa: „Komit hingat, synir, ok truit a 30 guð, at andir ykkar megí hialpaz, a þann guð, er mik kveikti til eilífs lífs sva sem alla rettttruandi menn.“ Þeir svoruðu: „Við verðum fyrst at segia konungi fra dvolun lífs þins. En þu bið fyrir okkr, at við naim þeiri tru ok skirn, er þu boðar.“ Pall svaraði: „Komi þið þa ok til leiðis mins, ok munu þið þar finna 35 þa Lukam ok Titum lærisveina mina, ok munu þeir duga ykkar⁹.“

1 etladi i C. 2 monnum C. 3 [til dauds C. 4 [mgl. C. 5 [syniz mer C. 6 [hverium dauda skulu þeir deya? C. 7 otu C. 8 [Petrus se krossfestr C. 9 [. Þa voru þeir Petrus ok Paulus leiddir fra ógliti Neronis C.

31. 1 Siðan toku riddarar i hendr Pali ok leiddu hann til hoggs. En þa varð a gotu hans ein göfug kona ok siðsom, en hon het Plautilla. Pall mælti við hana: „Liðu mer duk þinn, kona, at binda fyrir andlit mer, er mik skal hoggva, en ek mun
 5 selia þer dukinn, er ek hefi hafðan, sem ek þarf.“ Þa selldi Plautilla honum dukian. En þeir er Pal leiddu til hoggs, hlogu at henni ok kvaðu hana ekki mundu hafa klæðis sins goðs. Plautilla svaraði: „Eigi mun dukrinn fyrirfaraz, her mun ek biða, unz hann kemr mer til handa.“ Þa var Pall leiddr a stræti þat,
 10 er kallat er Via Ostensis, ok hoggvinn þar með sverði, sva at þegar skildiz hofuðit við bolinn, ok nefndi hofuðit nafn drottins a hebreska tungu, en or sarum hans þotti helldr miolk renna en bloð. En er þeir villdu taka dukinn, þa hvarf hann or hondum þeira. Siðan kom lios mikit yfir likit, sva at hinir heiðnu hurfu
 15 i braut ok foru heim a leið. En er þeir fundu Plautillam, þa spurðu þeir hana i haðsemi, hvar dukr hennar væri, er Pall hefði henni fôrðan. Plautilla svaraði: „Her er dukrinn, þviat hann kom með otali engla ok fôrði mer, sem hann het mer, ok mælti: þu beindir fyrir mer, Plautilla, her a iorðu, en ek mun af bragði
 20 beina for þina til himna.“ Siðan tok hon duk sinn or serk ser ok syndi þeim. En þeir urðu okveða við, er þeir sa dukinn bloðgan, ok kendu, at sa var hinn sami, sem Pall hafði haft, ok foru siðan skyndiliga heim at segia konungi þau tiðindi, er gerz hófðu.

32. En er Petr var leiddr til kross, þa mælti hann sva:
 25 „Drottinn minn Jesus Kristr, þa er hann kom hingat i heim, þa var hann a rettum krossi pindr. En hann kallar mik til himins at iorðu, af því skal ek horfa hófði til iarðar en fotum til himins a krossinum, at ek em eigi verðr at deyia sem drottinn minn.“ Þa

1 Cap. 31 lyder i C saaledes: Enn er Pall postoli var til hogs leiddr, þa var a götu hans ein gofug husfru ok sidsaum, enn hon het Plautilla. Postolinn mælti við hana: „Liðu mer duk þinn at binda fyrir ögu mer, þa er ek em höggvin, enn ek (mun) færa þer dukinn, þa er ek hefi haft.“ Enn þeir menn, sem Paulum leiddu til hogs, hlogu at henni ok mæltu:
 35 „Hvi tapar þu, kona, duk þinum sva godum?“ Hon svaradi: „Eigi tyni ek honum, helldr mun ek her bida, til þess er hann kemr mer til handa.“ Þa var enn seli Pall höggvin, ok syndiz miolk renna or sari hans. Enn er þeir villdu taka dugin, þa hvarf hann or hondum þeim. Siðan fundu þeir Plautillam ok mæltu við hana með háði: „Hvar er nu dukr þinn, er Paulus het at færa þer?“ Hon svaradi: „Her hefi ek dukinn, þviat hann kom sialfr, sva sem hann het.“ Þa tok hon or serk ser blodgan ok syndi þeim. Enn þeir urðu ottafullir, er þeir sa dugin blodgan ok kendu.

sneru þeir krossi hans, ok horfðu hendr hans niðr en fœtr upp. En þá kom þangat mikill fioldi kristins lýðs, ok bolvoðu Nero konungi, en sumir villdu vega hann. En Petrus bannaði þeim þat ok mællti: „Hepti þer, synir, eigi for mina, þviat fœtr minir ganga nu himneska gotu. Eigi skulu þer ogleðiaz, fagni þer helldr með mer, þviat ek mun taka i dag laun erfðis míns ok bua rum yðart a himnum. Su er osamvirðilig miskunn, er mer er veitt i samvistu krossins, þviat nu em ek samtengdr guði i þessu astarbandi, at ek mun alldri við hann skiliaz, er ek em festr a hans sigrmark, þviat þetta er lifstre, þat er Jesus Kristr dro til sin alla hluti, þa er hann var hafðr a þat, ok leysti allan heim fra eilífum dauða. En Romaborgarmenn, þer er a Krist truit ok af honum einum væntit allrar hialpar ok miskunnar, miuniz þer ok a hans þolinmøði ok huggøði, hve margar iartegnr hann syndi yðr fyrir minar bønir. Biði þer ok þa, unz hann kemr i enda heimsins ok gelldr hverium eptir verðleika. Drottinn minn hefir yðr þat synt i dag i piningu minni, er hann mællti fyrrmeirr, at eigi væri lærisveinn framar en lærifaðir ne þræll gofgari en drottinn hans. Nu er mer vegsamligt at deya a pislarmarki míns drottins ok læriföður, ok ma ek eigi framar beiða en líkiaz drottni minum i piningu“ Þá mællti hinn sæli Petrus þessum orðum: „Þer geri ek þakkir, drottinn minn Jesus Kristr, sonr guðs lifanda, eigi at eins með orðum helldr ok með andanum, þeim er þik elskar ok við þik mælir ok þik biðr ok a þer helldr, ok þik ma skilia ok þik ser; þu ert mer ørinn til allra hluta, sva at ek þarf enskis annars en þinnar miskunnar. En þess bið ek þik, drottinn, at þu gefir þessum monnum þa huggunarsyn, at þeir siai þann fagnað, er mer er veittr i dag.“ En er hann hafði þetta mællt, þa gafz þeim, er gretu pining hans, su huggun, at þeir sa engla með biortum koronum uppi a krossinum ok rettsnuinn krossinn, ok hallda bok fyrir Petri, þeiri er Kristr hafði þeim sellt; en af þeiri bok syndiz þeim hann hvert orð lesa, er hann mællti Þá urðu þeir sva fegnir allir kristnir menn, er þetta sa, at allan hryggleik tok af þeim, en heiðnir menn hurfu braut fyrir guðs krapti. Þá sa Petrus, at margir voru huggaðir af hans dyrð ok þakkaði guði þat, er þeim var veitt, ok mællti: „Þakkir geri ek þer, drottinn, goðr hirðir, at sauðir þínir, er þu selldir mer at geyma, skulu nu fagna með mer. En nu íel ek þa þer a hendi, ok varðveittu þa ok samna þeim til þins huss, þviat þu ert oss ollum eilíf gnott, þer se dyrð um alldir allda.“

En er allir sogðu Amen, þa andadiz hinn sæli Petrus postoli hofðingi annarra postola, vegsamaðr af guði sva framarliga, at hann var a krossi pindr sem sialfr drottinn, þa er hann leysti allan heim fra eilifum piningum¹.

5 33 En Marcellus, sa er skilit hafði við Simonem magum ok fylgði Petro, hann tok lik postolans af krossinum, sva at hann bað eigi leyfis konunginn. Þa synduz nokkurir menn helgir, þeir er komnir letuz fra Jorsolum, þeir voru at með Marcello at þiona likinu postolans ok förðu til staðar þess er heitir Vaticanus ok
10 smurðu dyriligum smyrslum ok logðu i steinþro. Síðan mælltu hinir nykomnu menn við lyðinn: „Þer eig't at fagna ok glaðir vera, þviat þer hafit heyrt formæli hinna øztu postola drottins Jesu Kristz. En þat skulu þer vita, at hinn versti konungr Nero mun eigi lengi lifa ne fagna vigi postolanna, ok mun hann bratt
15 rænttr vera riki sinu.“ Þa var ok sva komit ofokkasælld konungs við alla Romaborgarmenn, at þeir attu þing ok urðu a þat sattir at taka konunginn ok festa i stagl ok beria unz hann dæi. Þat var ok a þeim degi, er postolar guðs foru af þessum heimi til guðs, at Pall kom inn i holl konungs at lóknum dyrum ok stoð fyrir
20 honum ok mællti: „Sia þu nu, konungr, at Pall er her kominn,

1 *Capp. 32, 33 og 34 lyde i C saaledes:* Enn er hinn sæli Petrus postoli var til kross leiddr, þa mællti hann sva: „Drottinn min Jesus Kristr, þa er hann kom hingat i heim af himni, var hann a rettum krossi pindr. Enn hann kallar mik af iördu til himins. Af því skal ek horfa höfði til
25 iardar enn fotum til himins a krossinum, at ek em eigi verdr at deya sva horfandi a krossi sem drottinn min.“ Þa sneru þeir krossinum. Þa kom otal lyds þangat ok bolvadi Neroni, ok vildu sumir drepa hann. Enn Petrus bannadi þeim þat ok mællti: „Synir minir, talmit eigi för mina þviat fætr minir ganga nu himneska götu. Eigi skulut er oglediaz, fagnit þer helldr med mer, þviat ek mun i dag taka avöxt erfidis mins.“
30 Enn er hann hafði þetta mællt, þa kalladi hann til guðs ok mællti sva: „Þackir geri ok þer, goðr hildir, þviat saudir þinir fagna med mer, þeir sem þu selldir mer. Enn ek bid, at þeir taki hlut miskunnar med mer. Þer a hendi fel ek saudi þa sem þu selldir mer, at þeir viti mik enn vera ser at hialp, sva sem þeir vita, at þu vart mer at hialp, þa er ek vard-veitta hiörd þina.“ Enn þa andadiz hann, er hann hafði þetta mællt
35 Þa vitruduz þar helgir menn, þeir sem þar höfðu eigi senir verit fyrr, ok letuz vera komnir or H(i)erusalem. Þeir toku likam ens sêla Petri postola ok grofu i stad þeim, er Vaticanus heitir. At þessu verki med þeim var
40 madr sa göfugr, er Marcellus het, sem fyrr var nefndr. Enn þeir menn er komnir voru mælltu vid lydin: „Glediz þer ok fagnit, þviat þer namu at eiga ydr hialparmenn ena dyruztu vini drottins Jesus Kristz. Enn

ok em ek nu hirðmaðr hins eilifa konungs, ok mattu nu trua, er þu ser, at ek em eigi dauðr, helldr lifi ek nu með guði minum. En þu, vesæll maðr, att nu skamt eptir olifat ok (munt) fara til eilifra kvala, þvíat þu hefir marga goða menn latit vega ok gert margar odaðir aðrar.“ En er hann hafði þetta mælt, þá hvarf hann 5 þegar. En við allt saman þetta, frett þessa ok vitrun, þá varð hann þegar felmsfullr ok vissi eigi, hvat hann skyldi at hafaz, ok hliop i braut fra ollu ríki sinu ok varð at giallti; ok voru þeir menn, er síðast sa til, at dyr rífu hann i sundr.

34. En þessir tveir hofðingiar ok postolar Petr ok Pall voru 10 pindir a hinu siaunda ari hins fiórða tigar eptir uppstigning drottins. En er Grikkir villdu hafa a braut með ser likama þeira til austrlanda, þá gerðiz landskialfti mikill, ok runnu eptir þeim Romaborgarmenn ok gripu þá hondum i þeim stað, er Kata-kumbas heitir a Appia gotu a hinni þriðiu milu fra borginni. 15 Ok voru helgir domar þeira þar varðveittir .iii. misseri, unz sa umbuningr var buinn, er þeir villdu hafa lata. Síðan var likami Petrs fœrðr i þann stað, sem fyrir ondverðu var grafinn, þat heitir Vatekanus, ok gofgar þann stað allt kristit folk. En likami Pals var fœrðr a Ostensis gotu, tvær milur fra borginni, þar sem hann 20 var hoggvinn. En i hvarumtveggia þessarra staða geraz otal iarteigna allt til þessa dags. Biðium nu einkannliga allzvalldanda guð, sa er þessum sinum tveimr postolum ok ollum oðrum gaf þat valld at leysa ok binda a iorðu, at ver mættim af heyrðu þeira truarinnar eptirdœmi þeira fotsporum eptir fylgia i lifi ok 25

þat skulut er vita, at þessi en verstí keisari Nero mun eigi lengi hallda ríki eptir dauda postola guds.“ Þess var ok eigi langt at bida, at Nero vard fyrir hatri lidsmanna sinna ok allz lyds, sva at menn urdu a þat samrada at binda hann ok beria stöngum. Enn er hann vard varr við þetta, þá kom hrezla mikil yfir hann, ok flyði sva at hann fannz allðri 30 sidan. En þeir menn voru, er þat sögdu, at hann villtiz a vidum ok fœriz af hungri ok kulda, ok rífi vargar hrę hans. Enn er Girkir villdu a brott taka likama postolanna ok hafa með þser til austrlanda, þá gerðiz landskialpti mikill, ok foru a mot þeim Romaborgarmenn i þeim stad, er kalladr er Catacumbas, þriar milur fra Romaborg a götu þeiri, 35 er Appia heitir. I þeim stad ero vardveittir likamir þeira postolanna .iiii. vetr ok .vii. manadi, ok sidan voru þar kirkíur giörvar ok buit um likamina með dyrd ok veg ok guds lofi. Enn þar verda margar iarteinir, ok mega menn þar bęnir geta allt til þessa dags af drottni vorum Jesu Kristo, þeim er með fedr ok helgum anda lifir ok rikir einn gud i 40 þrenningu um allar aldir. Amen.

dauða, með lifandi tru at stunda¹ til guðs ok fyrir hans nað ok verðugleika oðlaz syndanna fyrirgefning ok upprisu eilífs lífs fyrir Jesum Kristum varn drottin. Amen.

Fragmenter.

5 manna.

17. Síðan gerði Petrus fór braut af Jorsalalande, þviat þa
 toc at vaxa ofríðr við cristna menn, oc foro aller postolar braut
 or Jorsolom til ymissa landa, sva sem heilagr ande kendi þeim.
 En þa voro .iii. vetr lípner frá upstigningo drottens². Þa for
 10 Petrus til Anþekio oc toc þar byscopsdom þann dag, es nu er
 heilagr latinn .xx. nottom post m^o(!) messo, oc var hann at þeim
 stoli .vii. vetr. Síðan fór hann of .v. storherot a Griclande at
 kenna monnom retta tru, Pontum, Galasiam, Cappadociam, Asiam
 oc Bispiniam. En er hann com i borg þa es Tripolis heiter, þa
 15 ferr hann til husa þess manz, er Maron hét, þviat honom var þar
 vel fallit at mela firer monnom. Þa tók at driva þingat fiölpi
 manna, sem strömr stóði. En hann stígr a steinveg nœqern oc
 talði firer monnom tru oc of sípseme rétta. Þeir menn voro þar
 nœqerer, er qvalþer voro af diqlom oc fello til iarþar, es þeir
 20 heyrþo tólo postolans, oc melto ener ohreino andar firer munn
 þeira oc boþo, at hann reki þa eigi a braut a þeim dege. En
 Petr þecti þa oc bað þa fara, sem scioter være þeir. Oc fóro
 þeir þegar a braut. En mennener urþo þegar heiler a enni
 s(a)umo stundo. En er þetta gerþesc, þa boþo marger siuker
 25 menn Petr, at hann gefi þeim heilso. En sia var kenning hans
 oc tala: „Lovaþr se [almattegr goð³, sa er øllom mœnnom vill
 miscunn veita oc øllom hialpa, sa er son sinn [drotten varn⁴ Jesum
 Cristum sende hingat i heim at kenna øss lífs kenningar. A
 hann scolo aller trua, at hann er goþs sonr, sameilífr feþr sinom

30 1 standa Cd. 2 domini Cd. 3 [omnipotens deus Cd. 4 [dominum
 nostrum Cd.

oc iafn i öllum crafti, getinn af feðr firer allar típer eilífíga. En a varri efse tók hann lícamligt þóli oc gæpisc maðr oc lét berasc fra meyo. Hann var her i heime oc kendi öllum gæto til himen- ríkes oc braut allar torfæror a þeiri leið, þa er hann sialfr¹ synþa laus tók lícamlígan dauða a sic oc ste iver andar dauða várn 5 með lícams dauða sinom. Hann gaf oc öllum eilífst líf oc eilífa sælo i upriso sinni, þeim er a hann trúa oc honom þiona. En ér Griker, es spacaster manna ero callaðer i öllum heime, hvægit at ér vanlíga at þvi, es ec meðli, oc sét at glíkendom, hvart scyn- samlígra er, at gæfga goð þann er alla scepno hefer scapat oc 10 sva er miscunnsamr, at hann dó sialfr¹ til lífs scepno sinni, eða at gæfga griot oc malm eða tre, þat er ér sialfer² gerit með hondom yðr, lícneski vándra manna. Hvat cæmr þeim speki i hald, es slíct ætla goð vera, þviat goð er almattegr³ oc alz orcandi oc ollo styrandi. En þetta es ér callit goð, er ovíta ero oc omala, 15 dauð oc sionlaus, oc ma hvergi hræra sic oc eigi sér braut coma or eldi, ef þeim es þíngat castat. Þetta meðli ec eigi firer þvi, at ér mynit nu vilia slíca villo fága, heldr firer þvi at ér hafnit sem mest þeim vanþa trunnar, es frændr yðrer kendo yðr i øsco, þviat morgom es traút at hafna venio sinni oc frænda 20 sinna. En sva er syndrleit trúa Cristz oc scurþgoðanna, at engi er verþr at bera cristins⁴ manz namn, [nema hann firerlati⁵ áðr alla gæfgon við scurþgoð⁶. En sa er eigi vill trúa þvísa af orða scynseme⁷, þa gaf Crístr mér oc oss öllum postolom sinom þat veldi, at vér mettem gera alzcýns iarteiner i hans nafni, 25 at þeir tryði af iarteinom þvi, er þeir truðu [eigi af orðom⁸; þvi em ec buinn [i namne drottens mins Jesu Cristz⁹ at leggja hendr iver síuca menn oc græpa þa, at trúa yður megi magnasc, svát engi ífe se efter ennar forno villo. Eigi vilíom vér yðr miðc saca, þót ér ætlaþit þat vel vera, er frændr yðrer gæfguðu, meðan ér 30 vissot eigi annat sannara, en þat er hveríom afallzdómr at trúa eigi eno sanna, ef hann naer at heýra. Þvi mun hverr annat tveggja batna eða versna [við helgar¹⁰ kenningar, at sumer leggja óst á, en sumer abbasc við þat at eins, er þeir verða avítaðer of glæpi sína. Sva sem þa es [drottenn varr talþe firer Gyþíngom¹¹, 35 at sumer hlýdo [orðom hans¹², en sumer stygþosc við hann oc

¹ ipse *Cd.* ² ipsi *Cd.* ³ omnipotens *Cd.* ⁴ x *Cd.* ⁵ [nisi relinquat *Cd.* ⁶ idola *Cd.* ⁷ ratione *Cd.* ⁸ [non de verbis *Cd.* ⁹ [in nomine domini mei Jesu Christi *Cd.* ¹⁰ [ad sanctas *Cd.* ¹¹ [dominus noster talþe pro Judeis *Cd.* ¹² [verbis eius *Cd.*

reþo umb hann fiðrróþom.“ En er Petr hafþe loket tølónni, þa efndi hann heit sit við ena siuco menn oc baþ firer þeim, oc toco þeir þegar heilso sina. Síðan fór Petrus a braut ór Tripolis til Anþekio.

5 18. En er hann com i ey þa es Anþaradum heiter, þa com hann i hus þat es i myndom var gert. Þar sa hann stolpa þa es gerver voro ór glere. En er hann leit a smíði þetta oc fõronautar hans, þa só þeir kono necqeria standa úti firir durom, oc baþ hon þá menn giavar, er þar gengo ut eþa inn. Petrus leit
10 við henne oc spurþe, hvat henne vøre þess at meine, es hon vann [eigi heldr¹ til atvinno sér en biþia aþra. En hon blés við oc svarape: [Vøre sva vel² at ec hefþa hendr minar heilar oc mætta ec vinna. En nu er þvi verr, at eki er afl i, þviat þer ero allar þornapar, oc er nær eki [efter nema³ litr .i.“ Þa tegr Petr
15 til⁴ handa hennar oc þreivapi umb, oc varþ hon þegar heil. En sia kona var moþer Clemens lerisveins Petrs, oc var hon øllom mœnnom cunn i þeim staþ. En þa er þeir voro buner til brautfarar, þa mælti konan við Clemens son sinn: „Þat vilda ec, þu inn bazti sœnr, at launat vøre kono þeiri es mer veiti gisting,
20 þviat hon er kararmaþr oc þarf miðc yþvar.“ En er Petr heyrþi þetta, þa varþ hann feginn goþgirni hennar oc melta, at gera scyldi efter enni siuco kono oc bera hana þingat. En er hon var þingat comen, þa var hon niþr lagit i rekio sinni i miþiom floki manna. Þa melte Petrus, svát aller heyrþo: „Ef ec em
25 retr kennande saþrar tru, þa risi kona sia heil up i namni Jesu Cristi sonar goþs, til þess at trua þessa manna styrk(isc), es her ero nú stader, at þeir viti oc true, at sa .i. er goþ, es scapape himen oc iorþ.“ En þegar es Petr hafþi þetta melt, þa reis konan heil up oc fell til fota Petro oc cysti fœtr hans, oc sva aller
30 frændr hennar oc viner, oc lovoþo goþ.

19. Síðan fór Petr til gestascula, þviat þa var framorþit. En husbuande, sa er firer scalanom reþ, melte við Petr: „Þat er ofallit, at þu sva heilagr maþr byggver oitarlect hus, þar er ec hevi alt ørit at fa þer oc fauronautom þinom bœpi mat oc cleþi.“
35 En er Petr talþi við at fara heim með honom, þa com þar husfeyria með sonom sinom oc boþo Petar, oc fello til fóta honom, at hann scylde þar vera með þeim. En eigi hét hann þeim áþr dotter⁵ hennar com, su er marga vetr hafþi diofulóþ verit, oc var lucþ i

1 [non sed Cd. 2 [Vtinam Cd. 3 [post nisi Cd. 4 tíþ Cd. 5 þeirar tilf. Cd., men underprikket som Tegn paa at det skal udgaa.

litlom clefa oc fiðtroð ramliga. En þa var hon laus orþin, svát hon mátti braut comasc, en þo hafði hon með sér þar fiotrana, oc voro hendr hennar eigi lausar. Hon fell þegar til fóta Petari, es hon com þar, oc melte: „Rét er þat, drottenn¹ minn, at þu halder i dag með oss heilsofognot minn oc styggver eigi fœðor⁵ minn oc moðor.“ En Petr spurði; hvi þat gegndi, es hon melte, eða af hvi fiðtrar þeir være a henne. En frændr hennar undroðosc, hvi sæta myndi, oc urðu sva fegner, at þeir móttu eigi orði up coma at segia postolanom þat er hann spurðe. En þeir menn aprer er þar voro svoroðu honom: „Sia kona misti vit sins, þa¹⁰ er hon var .vii. vetra gømul, oc hever ør verit ofvalt síðan, en nu er hon meirr en .xx. Hon var sva oð, at engi maðr matti henne nær coma, þvíat hon beit oc barði til oc reif cleði af sér eða af øðrom, ef hon matti na. Marga menn meide hon oc veiti sumom aldrtila, áðr hon yrði bunden, þvíat sá diofull qvalði hana,¹⁵ es hana gerði hveriom carlmanne styrckri. En sa inn same fiande oafisc þegar, es þu comt i nond, oc fløði fra henne, oc varð hon heil. Dyrren lucosc up siolf, oc com hon oc fell til fota þer, oc biðia nu aller, at þu þigger beina at henne. Petr nátti þa eigi við dyliasc, nema af hans verþleic var merin laus orþin²⁰ oc fengit heilso sina. Oc þa hann gisting oc allan beina at fœðor hennar. Síð(an) fór hann unz hann com heim til stolsins i Anþekio. En i fœr þessi hafði hann veret .ii. vetr.

20. Þa spurðesc til Simonar ins illa, at hann var comenn i Rumaborg oc efldi sva miðc villo sina, at marger truðu a hann²⁵ oc hugðu, at hann være goð. En hvervetna var kenning Simonar scapsamlig, en allra flærþsamlegost i Rumaborg, þvíat þar voro flester hœfþingiar oc gœfgaster, oc þótti við því buit, ef keiserenn tœki við villo hans, at øll heimsbygð mynde næst trua a hann. Þvi² var þat rað allra cristinna manna, at Pétr fœri til Ruma-³⁰ borgar oc gingi a mót Simoni oc eyde villo hans, oc þótti þat maclegast, at inn øzte hœfþingi kirkionnar³ gingi a mót hœfþingia villomanna. Petr reþsc i fœr þa, oc fylgðe honom Marcus goðspiallascald oc Clemens, es síðan var pafe, oc Apollinaris byscop oc marger aprer hœfþingiar oc cristner menn, þeir es honom³⁵ þionuðu. Þa var Claudius keisere, es Petr com i Rumaborg. Þa voro .xii. vetr liðner fra upstigningo drottens⁴ oc .xii. nottom meirr efter iol þat es hann com i borgena. Hann gec fyrstil(!)

¹ dominus Cd. ² þ't d. e. þvíat Cd. ³ ecclesie Cd. ⁴ domini Cd.

fundar víð Gyþinga oc sagþe, at hann var Gyþingr at cyni, oc
 qvazk firer astar sacar brøþra sinna þingat coma. En er þeir
 røðosc víð miðc marga daga, þa gat Petr firer þeim hingat-
 como [drottens vars¹ oc talþi firer þeim, at hann vøre sönrr goþs
 5 oc sagþe þeim margar iarteiner hans. En marger hlydo kenningo
 Petrs oc gerþo iþron firer villo sina oc toco scirn, oc eigi at eins
 [Gyþingar heldr² marger oc Rumaborgar menn truþo a Cristum
 oc leto scirasc af kenningo postolans. Þa toc bratt at vaxa fiolþi
 cristinna manna, oc voro aller(!) forcunna(!) at heyra orþ goþs.
 10 Þa boþo þeir Marcum, at hann gerþi goþspiall, sva sem Petr
 hafþi honom firer sagt, þviat postolenn mátti eigi tòmasc til fra
 kenningom víð menn eþa fra bønóm sinóm. En Marcus gerþi þat,
 es hann var be

15 3 Nazareþ a Gyþingalandi, su er oss es avalt gagnstapleg, en or
 þeiri borg es lerifaber þeira. Keiserenn melte víð Simon: „Ef
 þu goþ leiþretter alla menn, firer hvi hatar þu þessa?“ Simon
 svaraþe: „Þesser menn tøldo alt Gyþinga folc, til þess at eigi
 tryþi þeir mer.“ Nero melte víð Petrum: „Firer hvi eroþ er
 20 otruer eþa cyn yþvart?“ Petrus svaraþe oc melte víð Simon:
 „Pot þu mætter alla aþra of tēla, þa mondo eigi mic of sýcqva, þviat
 firer mic callaþi goþ fra villo þa er þu haffer svikit. En (er) þu
 hever reynt fyrr, at þu mátt eigi vega sigr a mer, þa undromc ec
 þat nu, af hvi þu hrosar þer i auglite konongs, oc etlar at þu
 25 myner stiga yfer lerisveina Cristz meþ fiolkyngi þinne.“ Nero
 melte: „Hvat er Cristus?“ Petrus svaraþe: „Cristus es sonrr
 goþs, sa er Simon þykisc vera, oc segisc þar goþr, es hann er
 illr oc víþr diofuls verc. En ef þu vill vita, konongr, þa hluti es
 of Cristum gerþosc a Gyþingalande, þa tacþo rit þat es Pilatus
 30 iarl sendi Claudio, oc mattu þa vita it sanna.“ Þa let Nero taca
 ritiþ oc lesa firer ser. En þessi orþ voro a ritenó:

Pilatus iarl sender q. Claudio oc meler sva. Firer scómo
 barse sa hlutr at, es ver reyndom sialfer, at Gyþingar firerdømpu
 sic sialfer oc cynsmenn sina af aufund sinne. Þviat goþ þeira af
 35 himne hét feþrom þeira, at hann møndi senda son sinn, þann er
 vera møndi konongr þeira, oc var þeim heitet, at hann møndi fra
 meyio berasc. En er þeir só hann gefa syn blindom, en heilso
 lieþrom oc lif dauþom, oc reka diofla fra ofom oc ganga þurrom
 fote of sé, oc stopva vind oc gera margar iarteiner aþrar, svat

40 1 [domini nostri *Cd.* 2 [Judei sed *Cd.* 3 *Jnf. ovenfor S. 186.*

flestr Gyþinga lyþr callaði hann son goþs, þa fyldosc höfþingiar kennimanna oc Gyþinga aufundar i gegn honom, oc toco hann oc seldo mer oc saugþo hann fiolcungan vera oc gagnstapligan lögom þeira. En ec trupa lygi þeira, oc let ec beria hann oc dōma of hann at vilia þeira. En þeir crossfestu hann oc grofo hann oc 5 setto varþhalzmenn iver leiþe hans. En hann reis up a enom þripia degi En sva mikil var illzca Gyþinga, at þeir gofo te varþhallzmonnom, til þess at þeir scyldi þat segia, at lerisveinar hans tōki a braut licama hans En þot þeir tōki við feno, þa motto þeir eigi þegia ifer því es þar geþesc, þvíat þeir 10 sōgþo seþ hafa hann uprisa, oc sva þat at þeir hauþo teket fe af Gyþingom. En ec reit þetta, qvad Pilatus, til þess at engi scylde trua lygi Gyþinga, þot þeir segþi annan veg.

26. En er rit þetta var leset firer Nerone, þa melte hann: „Segþu mer, Petar, ef þetta er sva sem her er fra sagt?“ Petrus 15 svaraþe: „Sva er, konongr, eigi lyg ec at þer. En Simon sia es fullr lyge oc flerþar oc etlar sic goþ vera. þar er hann es maþr. En Cristus es bōþi goþ oc maþr, oc toc hann til þess eilifan manndom a godom sinn, at hann lēti sér soma at hialpa monnom. En sia Simon er maþr oc hever dioful þann meþ sér, es monnom 20 vill mein gera.“ Simon mēlte: „Undromc ec þat, konongr, es þu scalt necqvers virþa orþ þessa mannz ens ovitra oc ens lygnasta fiskimannz oc oitarligr es at buninge oc at cyne oc at mēlsco oc at allri atferþ. En ec mon eigi lengi sitia honom þessa meingerþ, oc mon ec biōþa englom minom oc hemna mín.“ Petrus svaraþe: 25 „Eigi mon ec hræþasc engla þína, en þeir muno hræþasc i crafte [drottens mins¹ Jesu Cristi.“ Nero melte: „Fir hvi hræþisc þu eigi, Petarr, Simonem. es meþ tōcnom sannar goddom sinn?“ Petrus svaraþe: „Ef godomr es i honom, sa er veit leynda hluti, segi hann þa mér nú, hvat ec hygg eþa hvat ec mon gera. En 30 þa hugrenning mon ec segia i eyra þer, konongr, at hann þore eigi at liuga, hvat ec hygg.“ Nero mēlte: „Gacþu hingat oc seg mer, hvat þu hyggr“ Petrus svaraþe: „Biōþo at hingat se sendr brauphleifr leynilega“ En er brauphleifrenn var sendr Petro, þa melte hann: „Segi Simon nu, hvat hugt var eþa gert eþa mēlt.“ 35 En þa melte Nero: „Hyggr þu, at ec trua því, at Simon viti eigi þat, sa er mannr reiste af dauða, oc gerþi alt þat es ec baþc hann?“ Petrus svaraþe: „Eki sa ec hann þess gera.“ Nero mēlte: „Ec sa hann gera alt þetta, oc bōþ hann englom at coma

¹ [domini mei *Cd.*

til sin af himne, oc como þeir.“ Petrus svaraþe: „Ef hann gerþi þat es meira var, firer hvi gører hann eigi nu þat er minna var? Segi hann nu, hvat ec hugþa eþa hvat (ec) gerþa.“ Nero mælte: „Hvi svarar þu nu evngo(!), Simon? Eigi of scil ec nu, 5 hvarr ykarr sannara segir.“ Simon mælte: „Segi Petrus, hvat ec hygþa(!).“ Petrus svaraþe: „Þa mon ec sýna, at ec veit, hvat Simon hyggr, ef hann segir, hvat ec hygþa(!).“ Simon mælte við konong: „Þat scaltu vita. konongr, at engi veit hugrenningar manna nema goþ einn. En Petrus lýgr oc segisc þat vita, es 10 hann veit eigi.“ Petrus mælte: „Hvi segir þu eigi þa, Simon, hvat ec hygþa, ef þu lez vera goþ, eþa hvat ec gerþa?“ En Petrus hafði blezapan hleifenn oc brotenn i hermar sinar leyniliga. Þa reidesc Simon, es hann matte eigi segia hugrenninga(r) postolans oc mælte: „Fare fram hundar micler oc svelgi Petrum i 15 auglite konongs.“ Þa syndosc þar micler hundar oc gerþo fór at Petare. En Petrus rette hendr sinar oc svnde(!) þeim brauþ, þat es hann hafði blezaf, oc hurvo hundarner þegar es þeir só brauþet. Þa mælte Petrus við Neronem: „Nu synda ec þér i verki heldr en orþe, at ec vissa hvat Simon hugþe, þviat sa er het at senda 20 engla at mote mér, na sýndi hann sic eigi hafa goþliga engla heldr hundliga engla.“ Nero mælte við Simon: „Þat etla ec nu, Simon, at við sem iverstigner.“ Simon svaraþe: „Petrus hever oft gerva slicka hluti a Gyþingalande oc atte oft þrøter við mic, oc er þess viss orþenn, at þetta ráp la til, at hann mætte forþasc, en engi 25 ma hug mannz sia nema goþ einn.“ Petrus mælte við Simon: „Þu segir þic vera goþ, firer hvi seger þu eigi hugrenningar manna?“ Þa mælte Nero við Paulum: „Firer hvi mæler þu eki?“ Paulus svaraþe: „Þat scaltu vita, konongr, at sia inn fiolcungi mon samna morgo illo at þer, ef þu letr hann lengi þvisa fram fara. 30 Nero mælte við Simonem: „Hvi svarar þu nu, Simon?“ Simon mælte við Neronem: „Nu mon ec sýna, at ec em goþ. Þu scalt mic lata hoggva i myrkom staþ oc lata mic þar liggia, sem ec em hauggvenn. En ef ec ris up a þriþia dege, þa mattu vita at ec em sonr goþs.“ 35 Þa bauþ konongr at gera sva sem hann mælte. En Simon gerþi sva i göldrom sinom, at hrútr var þar til hauggs leidr, en maþr(!) syndesc, at Simon være þar hauggvenn. En er hann var i myrkom staþ hauggvenn. þa hafði sa forvitni við, es hauggvit hafði, oc bar höfutíþ(!) til lioss. oc sa hann, at þar var hrutz 40 höfut. En hann þorþi eigi at segia konongenom, at eigi yrþi

hann sacaþr of forvitne sina, þviat honom var boþit at gera þetta i myrkom staþ. En Simon com síþan oc toc a braut hræ hruzens, en bloþ hans var þar storenaþ a iorþonne efter. En Simon syndesc Nero kononge a þriþia dege oc sagþisc þá up hafa risit af dauða oc mælte: „Latu þerra bloþ mit af iorþo, þviat ec var 5 hauggvenn oc reis ec up a enom þriþia dege, sem ec hét.

En a øþrom dege mælte Simon við Nero: „Latu gera mér stöpul hovan ór triom, oc mon ec stiga up i hann, oc mon ec calla þingat engla mina oc bioða, at þeir hefi mic up a himna til fauþor mins, svat aller megí þat síá. En ef þesser mego eigi 10 slict gera, þa mattu reyna, at þeir ero lygimenn.“ Nero mælte við Petrum: „Heyr þu, hvat Simon mælte, er hann qvazk myndu sýna hvern craft hann hefer.“ Petrus svaraþe: „Vildo scilia, konongr, at sia maþr es af diofle fullr, en eigi af goþe.“ Nero svaraþe: „Hvat þurve nu orða umb? A morgon scal yþr alla 15 reýna.

27. En þa como þeir annan dag firer konongenn, oc tóe Simon til mals: Truer þu þvi, konongr, at ec sia fiolcunnegr, þar er ec hefi riset af dauða up?“ Nero melte við Paulum: „Firer hvi meler þu eki, Paule, eða hvern hever þu leriføpor, eða hvilic 20 er kenning þín, su er þu kender i borgom? En hit etla ec, at þu hafer ongva speke oc þu meger eki þrecvirke of sýna.“ Paulus svaraþe: „Hyggr þu, at ec muna deila orþom onýtom, konongr, við otruan mann oc fiolcungan oc dáþlausan, þann er ond sina selr til dauða, oc mon sciót fram coma glauton hans, þviat hann 25 lýgr sic vera þat er hann er eigi, oc tøler alla menn með fiolcynge sinne. En ef þu vilt tøia honom eða hlyða orþom hans, þa mendo glata ønd þinne oc riki þino, þviat sia er inn versti maþr, oc sva er sem þeir se Jamner oc Mamrenn fiolcungi, þviat þeir voro forþom a Egiptalande oc leido i villo Faraonem konong 30 oc her hans allan, til þess unz þeir suko niþr i sæ. Sva teler sia maþr nu oc ovisa menn með vølom diofuls fopor sins oc gører mart ilt firer fiolcynge sina, oc sýr hann þá es ovitrer ero, oc gører micla meþing veldes þins, konongr! En ec biþ helgan anda með torom hiarta mins, at sem sciotast megí synt 35 verða, hverso micla diofuls villo sia maþr byþr; þa er hann etlar up at hefiasc til himna, þa mon hann søcqva niþr i helvite it neþra, þar er gratr er oc gnisteng tanna. En er þu spurþer at kenningo leriføpor mins, þa mego þeir einer taca við kenningo hans, es honom vilia þiona með tru oc hreino hiarta. En ec 40

kenda hveriom þat er til friþar er oc astar við goð, oc for ec með
boþorþ friþar alt i Jerusalem. Talþa ec þat firer ollom, at hverr
elscape annan. Kenda ec þat rikismonnom, at þeir drambaþe eigi
i gegn goþe ne treystesc eigi ovisom auþefom, heldr hefþi þeir
5 visa von oc traust með goþe. Kenda ec þat valoþom, at þeir
fagnaþe valaþe sino oc þakaþe þat goþe, at þeir ynþe því es þeir
ette, ef þeir hava atvitno(!), oc girnisc enskis framar. Kenda ec
þat fiareigøndom oc farmonnom eþa caupmonnom, at þeir gylde
scat oc

10
1 alra hluta oc firer Jesum Cristum er a þripia dege reis up af
daþa, at ér látit lausan þegar nu Simonem oc beret hann eigi
lengra. Þa fell Simon niþr a streti þat er callat er Sacravia a
fiora hellustaina, oc slitnaþi hann i fiora hluti i sundr. En þeir
15 standa enn til sigrmarcs postola alt til þessa dax. En þa let
Nero taca Pætrum² oc Paulum oc setia i bønd. En hann let
vandliga varþveita hræ Simons oc vetti upriso hans a þripia
dege. Petrus melte: „Nu mon hann eigi uprisa, þvíat hann er
nu sannliga dauþr oc dømþr til eilifra qvala.“ Nero melte:
20 „Hverr lovaþi þer gløp þenna?“ Petrus svaraþe: „Þræta hans
sialfs. En ef hann vill rett scilia, þa er honom micip i því vilnat,
er hann forsc fyrr, en hann qveme fram sva mikille fiolcynge ok
goþlauston til óxlingar qvala sinna.“ Nero melte: „Ér gerþot
ahyggiøfullan hug minn. Af því scal ycr deypa illom dauþa.“ Petrus
25 svaraþi: „Þat mon verþa, es øss er heitit, en eigi þat er þu vil.“

30. Þa let Nero setia Petrum i myrcqvastofo. En a þeire
nott como cristner menn til hans oc boþo hann fara braut or
Rumaborg oc forþa sér. Petrus hrædesc eigi pisler, heldr let hann
at bøn lyþsens oc gerþesc a braut at fara. En er hann com til
30 borgarhlips, þa sá hann drotten³ Jesum coma a mót ser, oc laut
hann at drotne⁴ ok melte við hann: „Hvert ferþu drottenn⁵.“
En Jesus⁶ svaraþe: „Farþu með mér, þvíat ec fer i Rumaborg
oc lata crossfestasc i annat sinn.“ En þa scilþi Petrus, at hann
melte of hann þetta oc of pisl hans, oc hvarf aftr til Rumaborgar,
35 oc var hann þegar tekinn af lipsmonnom Neronis oc leidr firer
domstol hans. Nero melte við Agrippam greiva: „Naupsyn er
øss at glata þessom otrum monnom. Af því lattu beria þa i hel
með iarnsvipom oc glata ollom þeim es þess cyns menn ero.“ En

1 *Jof. ovenfor S. 195.* 2 Pætrum *Cd.* 3 dominum *Cd.* 4 domino *Cd.*

5 dominus *Cd.* 6 oc *tilf. Cd.*

Agrippa svaraþe: „Eigi es þeim sia dauði maclegr, er þu býr at glata þeim, þvíat Paulus ma synasc saclaus, en Petrus es beþi sekr manndraps oc otu.“ Þa melte Nero: „Hveriom dauða scal deyða þa?“ Agrippa svaraþe: „Þat synesc mér rétt, at Paulus se hoggvenn firer otu sina, þa er hann sannar með Petro. en þu 5 lat Petro(!) crossfesta firer þat es hann glataði Simone.“ Nero melte, at sva scyldi vera sem hann dömþi. Þa voro þeir Petrus oc Paulus leider fra auglite Neronis.

31. En er Paulus var til hoggs leidr, þa var a gøto hans ein gøfug kona oc raþvaund, en hon heit(!) Plautilla. Paulus melte 10 við hana: Leðu mer dúcs þins at binda fir andlit mér, es ec em hogvenn, en ec mon selia þér dukenn, es ec hefi hafþan sem ec þarf.“ En hon oc fek honom dukinn. En þeir er Paulum leido til høggs, þa hlogo at henne oc melto: „Fir hvi glatar þu, kona, duki þinom gøþom?“ Plautilla svaraþe: „Eigi glata ec 15 honom, heldr mon ec heþan biða, unz hann comr mér til handa.“ Þa var Paulus leidr a stræti, þat er callat er Via Ostensis, oc hoggvenn þar, oc syndesc mioc renna ór sorom hans heldren bloþ. En er þeir vildo taca dukenn, þa hvarf hann ór hondom þeim. Þa hurvo þeir aftr oc fundo Plautillam a gøtu oc melto 20 við hana i háþe: „Hvar er dukr þinn, es Paulus hét at fœra þér?“ Plautilla svaraþe: „Her hevi ec dukenn, þvíat hann com at fœra mér, sva sem hann hét mér.“ Þa toc hon dukenn ór serc sér oc svnde(!) þeim. En þeir urþo oqveða við, er þeir so dukinn bloþgan oc kendo. 25

32. En er Petrus var til cross leidr, þa melte hann sva: „[Drottinn minn¹ Jesus Cristr þa er hann com hingat i heim af himne, þa var hann a crosse rettom pindr. En hann callar mic til himens af iorþo; af því scal ec horfa höfði til iarþar en fotom til himens a crossenom, þvíat ec em eigi verþr at deyja sva iamt 30 a crosse sem [drottinn minn¹.“ Þa snero þeir crosse hans oc snero fótom up en höfþe niþr. En þa com otal lyþs þingat oc bølvaði Nerone keisera, oc vildo sumer vega hann. En Petrus bannaþe þeim þat oc melte við þa: „Syner miner, heftiþ eigi ér for mina, þvíat fóttr miner ganga nu himnesca gøto. Eigi scolot 35 ér ogleþiasc, fagnuþ heldr með mer, þvíat ec mon i dag taca avøxt erfíþes mins.“ En er hann hafði þetta melt, þa callaði hann a gøþ: „Þaker gøri ec þer, gøþr hirþer, þvíat sauþer þiner fagna með mer, þeir er þu sellder mer. En ec bið, at þeir take hlut

¹ [dominus meus *Cd.*

miscunnar með mer; þér a hende fel ec sǫpe þa er þu selder mer, at þeir vite mic vera enn ser at hiolp, sva sem þeir vito, at þu vast mer at hiolp, þa er ec varþveitta hiorþ þina.“ En þa andaþ-esc hann, es hann hafði þetta melt.

5 33. Þa vitroþosc þar helger menn þeir er engi maþr hafði þar sena áþr ne siþan. En þesser letosc comner or Jerusalem, oc toco þeir licam Petars af crosse oc grofo i staþ þeim [er Vaticanus¹ heiter. At þeire syslo var oc með þeim gǫfugr maþr sa er Marcellus heiter, en sa hafði horfit fra villo Simonar ens fiolcunga oc fyllet Petro oc tekit tru. En
10 þeir menn, es comner letosc vera or Jerusalem, melto við allan lýþenn: Gleþezk ér oc fagnet, þviat ér noþot at eiga yþr hialpsmenn ena dyrstu vini [drottens Jesu Cristz². Þat scolot ér oc vita, at sia inn versti keisere Nero mone eigi lengi halda riki sino efter dauþa postola gǫþs. En þess var scamt at biþa, unz Nero
15 varþ fir hatre liþsmanna sinna oc alz Rumaborgar lýþs, svát þeir urþo a þat samraþa at binda hann oc beria hann stǫngom, sem hann var verþr. En (er) hann varþ varr vit þetta raþ, þa com hræzla micil iver hann, oc flǫpe hann þar er hann fannzc aldregi. En þeir voro es þat sǫgþo, at hann viltesc a viðom úti oc firerfǫresc af
20 hungre oc culþa, oc vargar rife hrę hans. En þa er Griker vildo a braut taca licame postolanna oc hafa með sér til austrlanda, þa gęrþesc landzscialfti mikill, oc runno a mót þeim Rumaborgar menn i staþ þeim, er heiter Catacumbas, .iii. milor fra Rumaborg a gǫto þeire, es Appia heiter. I þeim staþ voro varþveitter
25 licamer postolanna .iiii. vetr oc .vii. monaþr, unz þar voro kirkior gervar oc buet umb licame þeira með veg oc dyrþ oc lofe gǫþs. En þar verþa margar iarteiner, oc mego menn bǫner geta þar alt til þessa dags at [drotne vórom Jesum Cristum³, þeim es með feþr oc helgom anda livir oc rikir of allar alder alda.

B4.

30

.
licama Petri postola oc baro til graptar með Marcello leyniliga oc grofo i þeim stað er Vaticanus heitir. En þeir hinir helgu

1 [erus vatican Cd. 2 [domini iv xi Cd. 3 [domino nostro i.m x.m Cd.

35

4 Kun Slutningen er tilbage af denne Recension.

menn, er comnir letuz vera or Jerusalem, þeir mællto við lýðinn: „Gleðiz þer nu oc fagnæð, þvíat þer nafut at eiga yðr hialpsmenn oc fultings hina dyrstu guðs vini postola drottins Jesus Cristz. Þat scolu þer oc vita með sonnu, at sia enn versti keisari Nero 5 man eigi lengi hallda ríki sínu eptir dauða postola drottins, oc er þat um hann sannmællt, at hann man illa illz biða, oc muno scamsamlig verða hans ævilok, oc man hann þó verra við taca, er þetta liðr, þó at ill hafi hans ævi verit her til.“

En nu er at segia nocqvot fra Paulo postola, at eptir pining oc líflát Petri postola, þá var Paulus tekinn oc leiddr fyrir Nero keisara 10 þar er hann sat á domstoli. Oc þá er Paulus var þar cominn, þá mællti Nero með engri stillingu: „Taki þer þenna illvirkia oc gallDRAMANN oc hoggvi höfuð af honum.“ Paulus svaraði: „Scamt meinlæti man mér þat vera, er ec em hoggvinn, en ec man þá at eilívo líva með himnescum konungi mínum drotni Jesu Cristo.“ Nero 15 mællti þá enn með acava: „Hoggvi þer hann skíott, til þess at hann víti þat með sonnu, at ec em sa konungr, er hann skal lívino ræna.“ Paulus mællti: „Til þess at þú vítir, sagði hann, mic eilífuga líva eptir þat er höfuðit er af mér hoggvit, þá skal ec þer synaz oc við þic mæla, at þú vítir þat, at bæði þionar 20 drotni varum líf oc dauði, oc hann er einn allz konungr, sa er lívir oc ríkir um allar aldir.“ Síðan var Paulus á brot leiddr oc til þess staðar er honum var ætlat at taca bana. En á þeirri leið, þá mættu þeir á gotu sinni við borgarhlíð einni konu síþlatrí, hon hét Plautilla, hon var husfreyia goð oc gafug í Rumaborg. 25 Oc er þau Paulus fundusc, þá mællti Paulus við hana: „Leðu mér höfuðduc þinn, cona, sagði hann, at ec binda fyrir augu mér, meðan ec em hoggvinn, en þú bið min her meðan, en ec man færa þer dukinn, þá er ec hevi hafþan oc ec em hoggvinn.“ Plautilla selldi honum dukinn, sem hann beiddi. En þeir er 30 Paulo fylgðu, hlogu at henni mioc oc mælltu: „Fyrir hvi glatar þú, cona, duki þínum at þarflausu, oc mannt þú ok alldrigi síðan sia þenna duc.“ Plautilla svaraði: „Eigi glata ec dukinum, oc heðan mon (ec) biða, til þess er hann kemr mér til handa.“ Paulus mællti: „Ger þú sva, dottir, því at ec skal þer færa 35 dukinn með dauðamorcum mínum.“ Fóro þeir þá með Paulum, er hann leiddu til hogs, til þess er þeir como á þat stræti er heitir Via Ostensi, oc er þeir comu þar, þú batt Paulus dukinum fyrir augu sér, oc fell á kne oc retti fram halsinn oc bað þann hoggva, er til var ætlaðr, oc sa hio af höfuðit. En því máli fylgði 40

þat þegar i stað til iartegna, er harðla er merkiligt, at hofuþit eitt saman, þa er þat var af bolnum, nefndi hatt nafn Jesus Cristz a ebresca tungu. Þat fylgði oc, at miolc liop or strupanum fram fyrst en síþan bloþ. Þeir riddarar, er að varo liflati Paule, villdu
 5 taca dukinn hondum, er hann hafði bundit firir augu ser, oc varþveita, oc þa hvarf hann allr or hondum þeim. En bæði var lios mikit oc hilmar(!) i andlati postolans, sva at eigi mattu meira bera þeir er við varo, oc eigi hofðu þeir vit til fra at segia. Oc er þeir sa þessa dyrð, þa lovðu þeir allir guð firir sina dyrþ oc
 10 miscunn. Oc er þeir hurvo aptr, þa fundu þeir Plautillam a gotu sinni, oc stoþ hon i sama stað, sem þau hofðu skiliz, þa er þeir leiddo Paulum til hoggs. Þeir spurðu Plautillam með latrí miclum:
 „Hvar er nu ducr þinn, er þu leþir Paulo, oc hann het þer at fœra?“ Plautilla svaraði: „Her hevi ec nu dukinn, sagði hon,
 15 með dyrligo bloþi hans, þviat hann com sialfr oc fœrði mer dukinn, sva sem hann het, með utali engla. Oc þa mællti hann við mic: „Firir þat embætti er þu veittir mer a iorðu, scal ec veita þer fagra þionusto a himnum.“ Toc hon þa síþan dukinn or faþmi ser allan bloþgan oc syndi þeim. Þeir urðu allir uqveþa
 20 við oc otta fullir, er þeir sa dukinn bloþgan, oc kendu allir, at sa enn sami var, sem Paulus hafði um hofuþ ser, þa er hann var hoggvinn. Síþan foro þeir a fund Nero keisara oc sogðu hanum, hvat i hafði gerzc oc hvat firir þa hafði borit bæði at syn oc heyrn.

25 Hinn sama dag er Paulus var hoggvinn at noni dags oc at byrgþom durom, þa geck Paulus inn at keisaranum oc stoð firir honum oc mællti: „Nu er her cominn Paulus, sem þu ser, riddara eilífs konungs; tru þu nu, at ec em eigi dauþr oc ec live með guði minum. En þer veslum manni mon scamt at biþa illz dauþa
 30 oc afscaplígs, en eptir þat mannt þu móeta eilivum qvolum. Oc eptir þat er Paulus hafði þetta mællt við keisarann, þa hvarf hann fra honum at syn. En þess var scamt at biþa, er Nero varþ firir hatri miclu líþsmanna sinna oc allz Rumaborgar lýþs, sva at menn urðu a þat samraþa með ser at binda hann oc beria hann
 35 síþan stongum, sem hann var verþr. Oc er hann varþ varr við þetta
 þar er hann fanzc alldri síþan oc villtisc a viðum uti oc firirforse af hungri oc sulti oc culþa. Segia sva sumar böecr, at vargar havi rivit hann i sundr, en sumar segia hans dauþa verit
 40 hafa enn hervilegra oc afscaplegra.

Paulus postoli var gravinn i þeim stað er hann var hoggvinn, er heitir Via Ostensi, oc stendr þar nu govoglig kirkia i þeim stað, su er Paulo er helguð. Öc stundo síðarr gerðusc Girkir til oc villdo taca a brot licami postolanna Petri oc Pauli oc villdo hava með ser til austrlanda. Þa gerðiz landskialpti mikill oc runnu i 5 mot þeim Girkiom Rumaborgarmenn i stað þeim er kallaðr er Catacumbas, þat er .iii. milur fra Rumaborg a gotu þeirri er Appia heitir. I þeim stað varo varðveittir licamir postolanna fíora vetr oc .vii. manuðr, til þess er þar varo kirkior gervar, oc var þa buið um licami þeirra með dyrð oc vegsemd oc guðs lovi. En þar 10 verða margar iartegnir síðan allz hattar, oc megu menn þar geta at guði þær böenir, er þeir biðia, með arnaðarorðæ þessa hinna æzto guðs postola Petri oc Pauli allt til þessa dags.

Nu er yfir farit næqvot með scyndingu hvartveggia líf postolanna oc síðan pining þeirra, sagt oc fra þeim hinum haleita sigri, 15 er þeir vagu a heiminum oc þeim hófþingiom er honum styrðo, fyrst at uphafi i kenningum sinum, þar með síðan i iartegna-gerð oc i líflati a lesti, er þeim vannz mest i. En til þess er þat gert, sem þer megut sia, goðir menn, at segia gerr eða fleira fra þessum hinum dyrlegum postolom Petro oc Paulo, helldr en fra 20 einhveriom aðrum guðs helgum monnum, at oss þycki þa meira um vert þeirra dyrð en aðr, oc kunnim þat sia, hversu mioc ver þurfum þeirra i sífello eða hversu til mikils þeir ero færir vara þorf at stetta. En sva mikil sem er at tia dyrð allra guðs postola um þat fram sem annarra heilagra manna, þa ero þo miclu stærri 25 rið at orþin, hversu sialfr drottinn Jesus Cristr hevir þessa menn tignat um aðra menn fram. Hann callaði þa sialfr sinni roddu bafa til þionunar við sic, þann linlega, er aðr hafði litillatlega iðn, en þann með ogn oc otta himnescra(r) raddar, er aðr var olmr oc uveginn. Tignaði hann sva Petrum postola firir sitt litillæti, 30 at hann varð enn æzti hófþingi guðs cristni af einum fiskimanni, en hann mycði sva Paulum i fyrstu, at hann sneri naliga vargi i lamb at scapshofnum; lagði guð oc sva allan heiminn undir þeirra tign oc hófþingscap, at su ein scal nu rett trua metasc i guðs cristni, er af þeirra bocum er boðin at sonnu. 35

Nu sva sem þeirra dyrð skinn um alla verolldina oc tignar hvert land i heiminum, þat er cristnir menn byggia, þa er þo su dyrð um alla fram, er Rumaborg hevir lotit af þeirra navisto. Þar hafði verit, sem Leo pafi segir, upvarp allrar villu oc blotscapar, aðr postolarnir kæmi þar, en nu er þar upspretta allrar licnar 40

oc leipretto. Hon var oc firir ondverþo saurguþ i broþurdrapi oc
 morgum aðrum uscapligum manndrapum, en þessir hinir dyrligu
 hofþingiar guþs cristni Petrus oc Paulus pryddu hana i uthellingu
 sins bloþs, oc margir aðrir helgir menn, sva at nu ero naliga oll
 5 hænnar stræti roþin bloþi heilagra manna. Oc þo at hon væri
 colluþ hofuþborg af heiþnum monnum, þa er hon nu orþin at
 scennu hofuðborg oc uphaf allz cristins doms, því at nu er þangat
 at sækia um allan heim licn oc lausn um allar hinar stærstu
 nauþsyniar. Er su virþing oc tign Petri postola um alla menn
 10 aðra fram, at sa scal avalt œztr oc tignastr vera i allum heiminum,
 er i hans stoli sitr, pavinn sialfr i Rumaborg, oc scal hann um
 alla dœma þessa heims, en engi um hann. Eigum ver oc allt
 traust meþ guþi undir þessum hinum œzsta hofþingia Petro
 postola, er allt vart land hevir hnigit undir hans tign oc valld
 15 firir ondverþo oc undir bicepsstol þann er i Scalaholtti er.
 Eigu þeir menn oc þat helldzt til at telia við þenna enn gofga
 dyrling Petr postola, er undir valldi þessa bicepsstols byggia, ef
 þeir hallda þangat lýþni i alla staði oc leggja til þess staþar a
 hveriom misserum slict, sem þeir ero scylldir til, i auþræþum,
 20 hverr af því lani, sem guþ hevir let meþ goþum vilia, oc gleymi
 því eigi sem scyllduct er, þat oc hversu mikit gott hverr man
 þurva þyckiasc af honum at þiggja i moti.

Nu þo at Petr postoli œþlaþisc þat atkvæþi almattigs guþs
 at hava hofþingscap yfir allum hinum œztum monnum i heiminum,
 25 þa gaf hann nu a læsti þann mann til fultings oc samlags við
 Petrum postola, er hann vill nu aliafnan virþa lata við hann i
 alla staði, Paulum postola. Callar hann þa baþa sin augu iafnscygn
 bæþi oc iafnt vilioþ til allrar forsia oc umscygningar sinnar
 cristni. Let guþ af því sva saman bera hinar œfstu stundir þeirra
 30 ævi þessa heims. Þeir sottu baðir eina borg, þa er nu scal œzt
 vera i heiminum, tocu þeir oc liflazdom undir einum hofþingia,
 þeim er þa var mestr callaþr at mannvirþingo. Var þeirra pinig
 a einu ari oc a einum degi. Nu hevir guþ af því sva latit verþa,
 at þeirra verþleicar oc kraptar ero langt umfram þat, er ne einn
 maþr megi tungo til coma fra at segja, því at ein var þeirra
 35 pinig firir ondverþo, hofþu þeir oc baþir lic erviþi firir guþs
 cristni, meþan þeir lifþo, einn var oc endirinn erviþissins, at
 hvartveggi toc liflat firir guþs cristni, sva sem nu er fra sagt.

Nu scolum ver eincannliga a þessum degi biþia þessa hina
 40 dyrligu guþs postola Petrum oc Paulum, at þeir se varir arnendr

oc formælændr víþ almatkan guþ, at hann geti var sva i þessu livi, at ve[r hliotim] hvíld i andligu livi, oc at at hinum æfsta domi megin ver leiþasc eptir kenningum Pals postola til himinrikis dura. En þa luki oss up himinrikis dyrr Petrus postoli með sinu valldi oc vilia, oc leiþi þessir hinir æzstu hofþingiar oss til sam- 5 vistu víþ almatkan guþ, oc ver niotim þar i sífello eilífrar fullsælu i samneyti allra heilagra um allar veralldir verallda. Amen.

PALS SAGA POSTOLA.

I.

Saulus var grimr víþ lærisveina Cristz, oc toc hann rit [af 10 hofþingiom Gyþinga 1, at hann føre i Damasco oc leidi hann þadan bunna alla, þa er hann fynde a Crist trua. Enn er hann nolgaðiz til borgarennar, þa com yfer hann lios af himne, oc fell (hann) til iarþar oc heyrðe roð af himne mela víþ sic a þessa lund: „Saule, Saule, hvat søker þu at mer.“ En hann sagþe: 15 „Hverr er þu drottenn 2?“ Drottenn melte: „Ec em Jesus enn nadverske, er þu hatar. En þat scaltu vita, at þer mun hart verþa at spyrna i gegn brode minom.“ Saulus scalf oc melte: „Hvat vildu at ec gera?“ Drottenn 2 melte við hann: „Ris up ðu oc far i borgina, oc mun þer þar sagt vera, hvat þu scalt 20 gera.“ En þeir er honom fylgþo, stoþo oc undroþoz oc hörþu roð er 3 melte, en þeir sa eigi þann er melte. Saulus reis up afiørþo oc hof up augo sin oc sa eke. Førunøtar hans toco i hendr honom oc leido hann inn i borgena Damasco, oc var hann þar .iii. daga oc .iii. netr, sva at hann sa eki oc at eki ne drac. 25

Annianias het nøqerr ungr sveinn i borgenne, oc vitraðez drottenn 2 honom oc melte sva: „Ris up ðu, Annania, oc leita manz þess, es Saulus heiter, i husom Jude, oc legg þu hendr þinar yfer høfoð honom, at hann take syn sina.“ Annania sagþe: „Heyrt hefi ec marga segia fra manne þessom, hversø hann 30 scipaðe við helga menn þina i Hierusalem, oc hevir hann vellde

1 [de principibus Judeorum Cd. 2 dominus Cd. 3 senere overskrevet.

af Gyþingom at pina alla þa er calla a þitt nafn.“ Drottenn¹ melte við hann: „Far þu, þviat hann er valet ker mitt, at hann bere namn mitt firer konongom oc þioþom oc sonom Israel. En ec mun syna honom, hveria hluti hann scal þola firer namni
5 mino.“ Þa for Annanias oc fann Saulum oc lagði hendr sínar [yfir hofuð² honom oc melte: „Saule [broþer! drottenn³ sendi mic hingat, sa er þer vitraþez a gøto, at þu taker syn oc fyllez heilags anda.“ Þa fell af øgum hans sva sem hreistr, oc toc hann sýn sina. En hann reis up heill oc var þa scirþr ðegar, oc styrcþiz
10 þegar, er hann toc fözlo, oc var hann nøqveria daga i Damasco með lerisveinom sinom. Oc gec hann þegar a þing Gyþinga oc bopaði þeim Jesum [sun guþs⁴. Aller undroþuz, er orþ hans heyrðo, oc melto: „Er her sa, er a þeim barði i Hierusalem, er a þetta⁵ namn cølluþo, oc com til þess hingat at leiþa ða bundna
15 til Gyþinga?“

2. En Saulus, sa er nu heitir Paulus, styrcþiz at meirr at telia a mot Gyþingom, þeim er i Damasco (varo), oc sannaþe, at Jesus var sunr guþs. Þa bóru Gyþingar raþ saman oc byrgðo hliþ oc hondluþo Paulum oc (vildo) drepa. Þa leto lerisveinar
20 hans siga hann niþr i festi i vannlaupe af borgarvegg of not. En er hann com i Jerusalem, þa villde hann samtengia sic [lerisveinum Cristz⁶. En aller hrødoz hann oc truþo eigi, at hann vere orþinn Cristz lerisveinn. Þa leide Barnabas hann til postola oc sagði ðeim, at guþ vitraði(z) honom a gøtu, oc hverso stad-
25 fastliga hann hafde bopat namn Jesu Cristz in Damasco. Þa for Paulus með postolom i Jerusalem oc gørcþiz hrøstliga [i namni drottens⁷, oc talði tru fyrir Gyþingom oc Grikiom, en þeir villdo bana honom. En er brøþr⁸ urþo varer við rað Gyþinga, þa fy(l)gþo þeir Paulo in Cesaream. En þaþan for hann i Anþeckio, oc fylgði
30 honom Barnabas postoli.

En i Anþekio varo marger guþs viner oc kennimenn, þeir er Cristo þionuþo i morgom goþom hlutom. En guþs andi vitraþez þeim berliga oc melte sva: „Velet er Paulum oc Barnabas til þionustu þeirar, er ec sennda þa til.“ Þa lögþo viner hendr iver
hofut þeim oc blezøþu ðeim. En þeir varo sennder af helgom
35 anda of ðorp oc borgir oc herot oc eyiar at bopa orþ guþs i þinghusom Gyþinga. En (er) þeir Paulus oc Barnabas comu i

¹ dominus *Cd.* ² [super capud *Cd.* ³ [frater dominus *Cd.* ⁴ [filium dei *Cd.* ⁵ þera *Cd.* ⁶ [discipulis Cristi *Cd.* ⁷ [in nomine domini *Cd.*

⁸ fratres *Cd.*

ey þá er Paphus¹ heiter, þá fundu þeir þar villomann necqvern fiolcungan, en sa hét Elimas, en hann var með iarli þeim, er Sergius Paulus het. En iarl var vitr oc heimti til mals við sic Paulum oc Barnabam oc var fúss at heyrar² orð guðs. En Elimas en fio(l)-kunge melte i gegn guðs vinom oc villde³ snúa iarlinom frá tru.⁵ En Paulus leit við honom oc melte: „Þú fianda sunr, fullr lygi oc væla, ovinr allz retlætis! Firer. hvi letr þu eigi af at villa rettar gøtor guðs? Nú þegar mun coma iver þic reiße drottens, oc mundo verða blindr heðan frá.“ Þá com iver hann þoca oc myrer, oc varð þegar⁴ alblindr. Jarl toc tru, er hann sa þetta,¹⁰ oc dýrcaði [naum drottens⁵.

Þá for Paulus oc forunøtar hans aftr i Anþekio oc gingo a þing Gyþinga a þvatdege. Þá melto höfðingiar þinghus við þa: „Tele þer firer lyð þessom, ef nœcqverr yðvarr es mælscumaþr.“ Þá reis Paulus up oc melte: „Heyri þer, syner Israel, es guð¹⁵ hræpez. Guð glade feðr yþra oc ioc lyð sinn, þá er þeir varo a Egiptalande, oc leide þá þáðan met storom iarteinom, oc samþi sið þeira, es þeir höfðu veret .xl. vetra a eyðimorc, oc dreifði hann .vii. þi(o)ðom frá iörþo þeire, es hann scipte með feprom⁶ yþrom. Síðan gaf hann þeim domendr allt til Samuel propheta. En þá²⁰ baðu þeir konongs, oc gaf hann þeim Saul or kyni Beniamin, var hann konongr .xl. vetra. Síðan gaf guð þeim þann konong, es hann bar gott vitne sialfr⁷ oc melte sva: Ec fann David sön Jessa helzt við mit scap, oc mun hann oc gera vilia minn. Yr hans cyne sendi guð sön sinn Jesum lyð Israel grøþera, sem hann²⁵ hafðe heitit, oc Joan baptista, þann er vitni⁸ hans boðaði øllom lyð Israel⁹ ipronarscirn. En er aller hugbo guðs sun vera Jóhannem, þá melte hann: Eigi em ec sa er ér ætlit, en sa mun efter mer coma, er ec em eigi verþr at leysa scua af honom. En ér brøþr¹⁰ oc syner Abrahe, þer er guð hræpiz¹¹, yþr til handa³⁰ sende (hann) þetta heilsorað, þviat þeir er bygbo i Jerusalem scilþo eigi orþ propheta, þau er hvern þvatdag varo lesin i þinghusom þeira, oc firirdømpo þeir Jesum. En er þeir fundu enga søc með honom, þá baðu þeir Pilatum til at bana honom. En er þeir fylðu alla hluti, þá er ritner varo um Jesum, þá toco³⁵ þeir hann ofan af crosse oc lögbo hann i grof. En guð reiste

¹ Pallvús Cd. ² heyrþa Cd. ³ villdu Cd. ⁴ þigar Cd. ⁵ [nomen domini Cd. ⁶ fíeprom Cd. ⁷ ipse Cd. ⁸ Dette Ord synes udvisket.
⁹ Her er i Texten et Mærke der henviser til noget Ulæseligt i Margen. ¹⁰ fratres Cd. ¹¹ þ't d. e. þviat tilf. Cd.

hann up af dauða, oc var hann senn marga daga síðan af þeim, es honom fylgþo yr Galilea i Jerusalem, oc ero þeir nu vattar hans upriso firer al(þy)þo. En ver boþum vþr(!) þat firerheit, er gert var við feþr vara, þviat guþ ende þat oc við sono yðra, þa er hann
5 reisti up (Jesum) af dauða, sva sem ritet er in evangelio: Filius meus estu, ego hodie genui te. En¹ hann reis af dauða oc mon eigi síðan deyia, sva sem David melte: Eigi munndo helgan þinn lata funa. David sagði þetta eigi fra ser, þviat hann do sem aþrer cynsmenn hans oc funaði i moldo, en sa funaði eigi, er
10 guþ reisti up (af) dauða. En þat scola þer vita, at hann gefr yðr lausn synða þeira, es er mættið eigi fra lausa(s)c i lögom, þviat hverr mun hialpaz, er a hann truer.“ En er Paulus hafði þetta melt, þa baþ lýprenn, at hann scyldi coma annan þvatdag oc telia slicha tðlo. En marger Gyþingar tóco tru oc fylgþo
15 postola af ðvi moti.

4. En annan þvatdag com miog sva allr borgarlyþr at heyra orð guþs. En er ivergyþingar sa margan lýð þar comenn, þa fylduz þeir aufundar up oc melto i gegn tolo Paulo(!). En þeir Paulus oc Barnabas melto: „Yðr ættem ver fyrst at boþa orþ
20 guþs, en allz er rækut þat fra yðr oc gørðoz overþer eilífs lífs, þa munom ver hverfa til heiþinna þioða, þviat sva boþ oss drottenn², þa er (hann) mælte firer propheta sinn: „Ec setta þic líos heiþnom þioðom, at þu værer þeim hiolp oc heilsa alt til enda iarþar.“ Heiþner menn urþo fegner, er þeir heyrþo þetta, oc
25 dyrcoþo orþ guþs, oc truðo aller, þeir er laþaþer varo til orþa saþs guþs of oll herof. En Gyþingar baro fe unnder rikismenn oc gerþo ofriþ Paulo oc hans monnom oc raco þa braút ór borgom sinom. En þa foru þeir i herat, þat er Iconium heiter, fullir fagnaþar heilax anda, oc boþoðo þar orþ guþs a motum. Oc
30 truþo þeim þar beþi Gyþingar oc heiþner menn, þviat þeir gørþo margar iarþeiner(!) meþan þeir varo þar. En Gyþingar, þeir er otruer varo, gerþo ofriþ i gegn þeim, svat allr borgarlyþr sciptiz i tva stapi, oc varo sumer meþ Gyþingom en sumer meþ postolom. En er Gyþingar villdo griote beria Paulum, þa styrþi hann undan
35 meþ foronøta sina til borgar þeirar, er Listra heiter, oc kendo þar orþ guþs. I þeire borg var maþr sa siu[er], er aldregi hafði gengit ne a fòtr staþit, oc var hann meþ þvi meine borinn. En er Paulus sa hann oc visse, at hann hafði tru til heilso sin(n)ar, þa melte hann við [hinn] siuca: „Ris up ðu oc stat a fètr þina.“

40 1 er tilf. Cd. 2 dominus Cd.

En hinn reis up þegar oc gec. En er lyþrinn sa þat, er Paulus hafði gert, þa melte alþýða: „Guþ com til var i manna li|ciom]“ oc cølluþo þeir Paulum Oþin en Barnabas Þor. Þa com þar blotmaþr Þors með morgom lyð oc fərpe þangat griþunga oc hafra, oc villdo blóta þa. En er þeir Paulus oc Barnabas sa þetta, þa 5 colloþo þeir oc melto: „Hvi gegner þat, er er gøret? Menn dauþliger erom ver sem ér, oc kennom yðr at snuaz fra lostom til guþs, þess er scop himen oc iorþ oc sæ, oc gaf yþr regn af himne oc allden af vipe, oc fyllde herof yðor fagnaþar. En er þeir hofðo þetta melt, oc toco (þeir) tru, er heyrþo orþ þeira oc 10 sa iarteiner þeira, oc efldez cristenn domr i herofom oc i borgom, þar sem þeir Paulus hafðo farit. Oc vigþo þeir presta oc diačna.

5. En er þeir comu i borg þa, er Troade heiter, þa syndiz Paulo i drømi maþr nøcqver or þvi heraði, er Mazedonia heiter, coma til sin of nott oc mela viþ sic: „Far þu i Mazedonia oc 15 biarg oss.“ En efter þenna drøm for Paulus i Mazedonia [meþ lerisveinom sinom¹ oc vinom, þviat hann visse, at guþ callaði hann. En þeir dvolþoz marga daga i borg þeire, er Colonia heiter, i huse kono þeirar, er Lidia het. En hon hafðe scirn tekit af kenningom² Paulus. En er þeir Paulus oc forunøtar hans 20 foru til bønar of dag, þa rann i mot þeim visendakona³ ein, su er husdrotnom sinom hafðe kennt morg freþe i visendom sinom. Þa callaþe hon, er hon sa Paulum oc lerisveina⁴ hans: „Þesser menn ero þrelar ens hesta guþs oc kenna heilsogoto.“ Paulus leit til hennar oc melte: „In nomine Jesu Cristi byþ ec þer, 25 ohreinn andi, at þu farer braut fra kono þessi.“ Þa hvarf þegar braut fra henne ohreinn ande. En þeir hrędoz, er aþr hofþo nyttar spasøgor hennar, oc gripo þeir Paulum oc lerisveina⁵ hans oc leido þa til Gyþingamoz oc melto: „Þesser menn ero Gyþingar oc boþa oss lög þau, er øss er eigi fallet viþ at taca, þviat ver 30 erom Romaborgarmenn.“ Þa ylmþiz allr herr at mote þeim oc bərþo þa vøndom oc setto þa in carcere, oc varo varþholld a mikil, oc varo þeir setter i stok. En þeir varo a bønوم oc lofoþo guþ, oc heyrþe myrqvastofovorþr, at þeir sungo lof guði. Þa varþ⁶ landscialfti mikill, oc scalf øll myrqvastofan, oc lœc [engill 35 guþs⁷ up dyrom, oc losnuþo bønd af þeim. Þa heyrþe myrqvastofovorþr þat, er gørþiz þar, oc hrędez, er hann sa upplocna stofuna, oc vilde spilla ser. Þa callaþe Paulus oc melte: „Gør

¹ [cum discipulis suis *Cd.* ² kennimom *Cd.* ³ visvndakona *Cd.*

⁴ discipula(!) *Cd.* ⁵ discipulorum(!) *Cd.* ⁶ varþr *Cd.* ⁷ [angelus dei *Cd.* 40

eigi þu þer geig, her erom ver aller.“ Þa gec myrqvastofovorþr inn oc fell til fota þeim oc melte: „Hvat scal ec gera, at ec mega hialpaz.“ En þeir svoroþo: „True þu a drotten Jesum Cristum, oc munndo hialpaz, oc hiu þin øll.“ Þa leide hann þa i
 5 hus sin oc þo sor þeira, oc toc hann scirn oc hiu hans øll, oc lauste hann þa Paulum oc fœrunøta hans or øllo clande borgarmanna.

6. En er þeir foro þaðan, þa como þeir i borg, þa er Þesalonica heitir, oc gec Paulus þegar i þinghus Gyþinga at vanþa
 10 sinom .iii. þvatdaga i samt, oc talþi firer þeim tru oc scyrþi helgar ritningar, þær er ritnar¹ varo of pisl oc of upriso Jesu Cristz, oc toc micell fiolþi manna tru beþi Gyþingar oc heiþner menn. En yfergyþingar aufunduþo þat oc drogo saman sveit micla oc vildo glata Paulo oc [lerisveinom hans². En cristner menn comu þeim
 15 a braut unndan ofriðe oc fylgþo þeim til borgar þeirar, er Aþenis heitir, oc beþþ Paulus [lerisveina sinna³ þar. En er hann sa borgarmenn blota scurþgoð, þa gek hann til manna mótz oc talþi tru firer Gyþingom oc heiþnom monnom. En spekingar þrætto i gegn oc matto eigi sigr vega a honom oc undruþoz melsco hans oc
 20 melto meþ ser: „Hvað þegna er sia enn orþfœri maþr, er oss boþar ny unndr?“ En þat undroþoz þeir mest i kenningom hans, er hann boþaði Jesum Cristum oc upriso dauþra manna. Þa toco þeir Paulum oc leido hann til hofs Oþens oc melto: „Vita vilom ver, hvilic kenning er, þviat þu berr nyia breytne i eyro
 25 oss.“ En Oþensborgar(!) menn soto avalt snafðir til þess at fregna eþa spuria neckver ny tiþennde. Þa stoþ Paulus up i miþio liþe oc melte: „Er Oþensborgar(!) menn! Toma se ec yðr oc breytna, þviat ec com i hof yðvart, oc fann ec þar stalla þann, er tignaþr var ocunnom guþi. En ec boþa yðr þann guþ, er er
 30 callet ocunnan, þviat hann er drottinn himens oc iarþar, oc scop hann allan heim, oc byggver hann eigi i hofom þeira, es manna hondom ero geor, oc gœfgasc eigi blotum manna, en hann gefr øllom heilso oc lif. En hann (gerþe) einn mann or iorþo oc sette allar verallder, oc erom ver af honom oc lifum i honom. En ef ver erom hans scepna, þa scolom ver eigi ætla guþi glicet þat, er
 35 menn smiþa af tre eþa malme eþa af hugvite sino, or golle eþa silfre (eþa) or steine. En guþ firerlitr þessa otru manna, oc boþaði hann monnom iþrau synða, þviat hann sette dag þann, er hann mun døma of allan heim i retlæti firer son sinn. Þann

40 1 retar *Cd.* 2 [*discipulis eius Cd.* 3 [*discipulorum suorum Cd.*

sendi hann í þenna heim til þess at leysa menn frá synþóm, oc toc hann her þisler oc dauða firer alla menn. En guð reisti hann up af dauða.“ En er borgarmenn heyrðu sagt frá upriso dæðra, þá hlógu sumer menn, en sumer truðu. Dionisius hofshöfþingi toc tru, oc marger aðrer menn með honom. 5

7. Síðan fór Paulus ór Aþenisborg, oc com hann til borgar þeirar, er Corinthios heiter, oc bópaði hann þar Gyþingom tru Jesu Cristz. En (er) Gyþingar melto í gegn tölom hans, þá hvarf Paulus til heiðinna þjóða oc kendi þeim tru. Crispus het höfðingur þinghus Gyþinga, en sa toc tru oc hiu hans öll oc marger 10 aðrer. Þá vitraðiz drottinn Paulo of nött í drome oc melte: „Eigi scaltu hröðaz, heldr melðu orð min, þvíat ec mun með þér vera oc mangi þér granda í þessi borg.“ Þar var Paulus .iii. missere í þeirre borg oc bópaði orð guðs. Síðan riso Gyþingar í gegn honom oc rægu hann við Griclanz iarl, þann er Gallius het, oc 15 leidu þeir hann firer domstol hans, oc qvaðo hann gera sér oskil oc biðja olög. En er Paulus hafði svarað firer sic, þá melte iarl við Gyþinga: „Ef glöpr nœqverr vere görr, þá ettem ver at refsa þat, en þot er eigeð þrétor of lög yðor at eins, þá vil ec eki dæma af þat.“ Oc matto Gyþingar eki fa af iarli, at hann dæmði 20 of þetta.

8. En Paulus fór brot ór Corinthio oc bópaði tru Cristz í borgom oc í herþóm, unz hann com (til) borg(ar) þeirar, er Effesus het, oc fann þar nœqvera lærisveina² Cristz, oc spurði ða, ef þeir hefði teket helgan anda. En þeir svorðu: „Eigi 25 vitom ver görla, hverr heilagr ande er.“ Paulus spurði, hveria scirn þeir hefði. En þeir svorðu oc letoz hafa helga scirn Johannis baptista. Paulus melte: „Vissa ec, at Johannes scirði lyð iþronarseirn, at þeir tryðe á Jesum.“ En er þeir heyrðu þetta, þá varo þeir scirþer in nomine Jesu Cristi .xii. menn. En er Paulus lagði hendr ifer hófoð þeim, þá com heilagr ande ifer 30 ða, oc spaðu þeir oorpna hlute oc melto á margar tungor. En Paulus gec í þinghus Gyþinga oc bópaði orð guðs með miclom crapte, oc var hann þar .iii. monaþr oc bópaði³ Gyþingom orð guðs. En er þeir truðu eigi orþóm hans oc riso í gegn honom, 35 þá hvarf Paulus frá oc samnaðe cristnom monnom í hus eins mannz. Því fór fram .ii. or, oc naðu aller, þeir er (i) Asialande varo, at heyra orð guðs.

1 dæði *Cd*

2 discipulorum *Cd*.

3 bópoðo *Cd*.

4 senere rettet

til tru.

En Paulus postole syndi margar iarteiner, þviat siuker menn
urþo heiler, er sveitaducr hans var lagþr ifer þa, oc fløþo dioflar
fra ofom. Þa freistuþo nõqverer otruer Gyþingar at calla a namn
Jesu Cristz iver ofan mann, sem þeir hermþe efter Paulo, oc
5 melto: „Ec sere þic in nomine Jesus þess, er Paulus boþar.“
En .vii. brøþr varo [sener i kennimanna þuninge Gyþinga þeira¹,
es þessa freistuþo. En illgiarn ande svarape þeim: „Veit ec
Jesum oc veit ec Paulum; en hverer ero þer?“ Þa varþ enn
ofe² maþr laus oc þre(i)f einn hõndom oc barþi aþra meþ, oc
10 reif oll cleþi af ðeim, oc comosc þeir við illan leik a braut or
þvi huse. Þessi tiþende foro of alla borg, oc varþ hrøzla micel
yfer Gyþingom oc heiþnom monnom, oc tocu marger tru oc
dyrcøþo namn Jesu Cristz oc geyrþo iðrun synþa sinna oc hurfo
fra blotom.

15 9. 3Demetrius het silfrsmiþr neqverr⁴ i Effeso⁵, sa er gera
let silfrhus ok likneski Gefionar, oc dro hann mikinn auþ saman
a⁶ smið sinne, oc aller⁷ þeir er meþ honom varo i syslo. En
hann heimti saman alla silfrsmiþa oc melte við þa: „Er⁸ vitoþ,
at ver hofum mikinn auþ æxtan a⁹ smiþom varom. En er set oc
20 heyret, at sia maþr Paulus snyr aullom lyð fra blotom, eigi at
eins i Effeso, heldr of alt Asialand, oc segir¹⁰ eki guþ vera, þat
er [af handa vercom¹¹ manna hõndom er gert, oc mun hann eigi
af lata [fyrr, en¹² hann eyþer blot¹³ gyþio varrar, er allr heimr
gøfgar. Oc munom ver þa enskis virþer af [lyðum vorum¹⁴. En
25 er þetta heyriþo [þeir, es a mot Paulo melto¹⁵, þa fylldoz þeir
aufõndar oc reiþe oc griþo lerisveina Paulus¹⁶, þa er a motino
varo, oc villdo bana þeim. En er Paulus vildi ganga a þing¹⁷,
þa bonnuþo honom lerisveinar hans oc baþo hann forþa ser. Oc
gørþez þręta mikil a motino of [kenning Paulus¹⁸, oc røgðo sumer
30 hann, en sumer [svoroþo firer hann, en¹⁹ visso eigi [firer hveria
soc²⁰ þings var kvatt. Þa reis up .i. rikismaþr a þingino²¹, en
sa het Alexandr²², oc baþ ser hlioþs. En er þingsmenner²³ sæ,
at Alexandr²² var Gyþingr, þa villdo þeir trautt²⁴ hlyþa honom oc

1 *rettere*: [syner .i. kennimanna hofþingia Gyþinga. 2 ofr *Ud*. 3 *Her
begyndr Fragm* 4 noeqvor *Fr*. 5 borg *tilf. Fr*. 6 af *Fr*.
7 silfrsm[iðar] *tilf. Fr*. 8 þer *Fr*. 9 af *Fr*. 10 hann *tilf. Fr*. 11 [mgl.
Fr. 12 aðr *Fr*. 13 Gefionar *tilf. Fr*. 14 [lyþnom *Fr*. 15 [allir þeir er
a mote voru *Fr*. 16 Pauli postola *Fr*. 17 þeira *tilf. Fr*. 18 [kænn-
ingar Pauli *Fr*. 19 [mgl. *Fr*. 20 [hvener *Fr*. 21 mote þvi *Fr*. 22
40 Alexander *Fr*. 23 þingmenn *Fr*. 24 *tilf. Fr*.

cøllupo einne rødo aller tvær stunder dags oc melto: „Micil er Gefion gyðia var, glate [ovinom hennar¹. En Alexandr spekingr gat stöðvat² lyðinn. Þá melte hann sva: „Allir menn vito, at sia borgarlyðr gøfgar Gefion, oc ma því eigi i gegn³ mela, af því byriar yðr at sevasc⁴ oc dōma eki diarfliga firer lög. En ér⁵ leidot hingat saclausu menn .v.⁶, þa er engi⁷ osoma [buðu gyðiu yðvarre⁸. En ef Demetrius eða smíðar þeir, es með honom ero, [hafa sanna⁹ sōc i gegn nōqerom, þa dōme domendr of¹⁰ þat at lögum, svat sōkendr oc heyrendr¹¹ come til; þvíat ver megom enskis ens sanna viser verða a mote þesso¹², þo at alþýða þreti¹⁰ her i allan dag.“ En er Alexander hafðe þetta melt, þa stöðvaðiz þyss alþýðo, oc varo lauser latner fōrunautar Paulus, þeir er Demetrius hafði taca latet. Síðan heimti Paulus til sin leriſveina sina oc talði firer ðeim, aþr hann fōre¹³ or borg.

10. [En hann for til Macedonia oc var þar, unnz¹⁴ hann¹⁵ com i borg þa, er Troades heitir, oc var þar .vii. daga [með leriſveinum sinum¹⁵. En a einom þvatdege com mart manna¹⁶ at heyra orð [hans, en hann talði¹⁷ firer ðeim alt til miðrar nōtr. En ungr maþr nōqerr [het Euticius¹⁸ sa sat við glug oc heyrði þaþan til orða Paulus¹⁹. En er Paulus talði lengi, þa sofnaði²⁰ enn unge maþr oc fell ofan²⁰ af vegg oc lampez. Þa com Paulus til hans oc stöð ifer honom lengi oc bað firer honom oc melte við þa, er hia stoþo: „Eigi scola þer hryggvaz, ønd es enn með²¹ honom.“ Þa lifnaði Euticius, oc hugguþoz þeir [er hia stoþo oc ðaucuþo²².

11. En annan dag for Paulus or þeire borg oc ste a scip [með leriſveinom sinom²³, en þat var litlo efter pasca, oc foru þeir [leiðar sinnar, unz þeir comu²⁴ i stað þann, er Militum heitir. En þat var eigi langt fra Effeso. Þa ætlaði Paulus at hafa [þar scamma dvöl²⁵, þvíat hann vildi coma til Jorsala at hvitadögum, ef [þat mætti verða²⁶. Þa sendi Paulus efter øllom forraþsmonnom kristninnar²⁷ i Effeso, at þeir kveme til hans i

1 [saal. Fr.; hvn ovinom hans Cd. 2 stodvaðann Fr. 3 of tilf. Fr.
4 saal. Fr.; setasc Cd. 5 þer Fr. 6 mgl. Fr. 7 aungvan Fr. 8
[saal. Fr.; bauþ gyðio varri Cd. 9 [saal. Fr.; sō Cd. 10 mgl. Fr. 35
11 veriandr Fr. 12 þvisa Fr. 13 braut tilf. Fr. 14 [Þa for hann i
Macedoniam, þar til er Fr. 15 [saal. Fr; cum discipulis suis Cd. 16
lið Fr. 17 [guðs, oc talði Paulus Fr. 18 [saal. Fr.; sa er E. het. En Cd.
19 Pauli Fr. 20 opinn Fr. 21 i Fr. 22 [Lacune i Fr. 23 [saal.
Fr.; cum discipulis suis Cd. 24 [dag fra degi, þar til er þeir kvamo Fr. 40
25 [scaumma(!) dvöl i Asia Fr. 26 [sva mætti vera Fr. 27 tilf. Fr.

Miletum. En er þeir comu, þa melte hann við þa: Ér vitof
bróþr¹, síðan er ec com i Asiam, hversu ec var með yðr of² alla
tið oc [þionafi ec³ guði með øllo liteleti oc bönnum oc meingörþom,
þeim es mer barosc at hende af raþom Gyþinga. En ec sparða
5 þa eigi við yðr nytsamligar kenningar, oc boþaþa ec Gyþingom oc
heilþnom monnom synða iþrun oc tru drottens⁴ Jesu Cristz. En nu
fer ec til Jorsala, oc veit ec eigi, hvat mer mon þar at hendi berasc,
nema þat at heilagr ande [vitrar i borgom, at ec muna bundinn
vera oc pindr, en ec hreþomc þat eigi⁵, þviat ec spari eigi licam
10 minn til pislá [firer nafni drottins mins⁶, at ec fylla þionosto
hans, [þa er⁷ hann gaf mer [at boþa orð⁸ miscunnar sinnar. En
ec veit, at ér munof mic eigi síðan sia, þeir es nu [ero her stader.
Fyr⁹ þvi vatta ec nu i dag, at ec em saclaus við alla¹⁰, þviat
ec sparða alldregi at kenna yðr heilsorað. Hygget at yðr oc allre
15 hiorð¹¹ yðvarre! þeir menn einkom¹², er heilagr ande setti
byscopa iver cristni guþs, þa er hann leysti alla sino bloþe. En
ec veit, at efter brautför mina muno coma olmer oc grimer vargar
til hiarþar¹³ þessar, oc af yðr siolfom muno hefasc villomenn, þeir
es leiþa muno lerisveina efter ser. Af þvi veret ér varer¹⁴, oc
20 minnez er kenninga þeira, es ec kennda yðr .iii. vetr, þa er ec
var¹⁵ með yðr. En nu fel ec yðr guði a hennde, þeim er mattøgr¹⁶
er at efla¹⁷ orð miscunnar sinnar oc gefa yðr erfð með øllum
helgom. Ér vituþ sialfer, at ec girndomsc¹⁸ eigi golz¹⁹ yðvars
ne silfrs ne clæþa, þviat hendr þessar unno til þess²⁰, er ec þurfta
25 at hafa oc þeir, er með mer varo. Ec synda yðr, hversu yðr
byriar at vinna oc tœia²¹ siucom oc valoþum oc minnasc orða
[drottins vars²² Jesu Cristz, þviat [þat er sæligra²³ at gefa en at
þiggia.“ En er Paulus hafði þetta melt, þa fell hann a kne, oc
varo þeir aller saman a bönom. Þa urþo aller hryggver oc oglaper
30 oc greto þat, er Paulus sagðisc²⁴ eigi mundo aftr coma. En aller
leido hann ovan til siovar beþe carlar oc konor.

12. En Paulus ste a scip oc forunøtar²⁵ hans, oc foru

1 fratres *Cd.* 2 um *Fr.* 3 [*saal. Fr.*; þionafi *Cd.* 4 dominus *Cd.*
5 [vittraþi, at i aullom borgom mon ec vera bundinn oc pindr, en ec
35 mon þat eigi hræðaz *Fr.* 6 [*saal. Fr.*; pro nomine domini mei *Cd.*
7 [*saal. Fr.*; þviat *Cd.* 8 [*saal. Fr.*; firer *Cd.* 9 [hæyra kænningar
minar. Af *Fr.* 10 yðr tilf. *Fr.* 11 rettet; þiorð *Cd.*, iorð *Fr.* 12
mgl. *Fr.* 13 *saal. Fr.*; iarþar *Cd.* 14 vackerer *Fr.* 15 vare *Fr.* 16
mattigr *Fr.* 17 efna *Fr.* 18 girnumz *Fr.* 19 gullz *Fr.* 20 allz
40 tilf. *Fr.* 21 tæia *Fr.* 22 [*saal. Fr.*; domini nostri *Cd.* 23 [haun
sagði sællegra vera *Fr.* 24 sagði sic *Fr.* 25 foronautar *Fr.*

[dagfare, unz þeir como¹ i borg þa, es Cesarea heitir, oc toco þar gisting i husom [Philippus diacns², þess er .i. var af .vii. enom fyrstom diacnom, [þeim er postolar hófðo vigða i Jerusalem³. En hann atte dótr .iii. helgar meyar, þær er spaleixanda hófðo tekit⁴. En er Paulus dvalþiz þar næcqueria daga, þa com spamaðr af 5 Gyþingalande, sa er het Agibus, oc toc hann gyrþel Paulus oc batt hendr sínar [oc fóttr⁵ oc melte: „Þa(t) vitraþe heilagrande, at sa þegn, er þenna gyrþel a, mun bundenn vera i Jerusalem oc seldr i hendr heiðnum⁶ þjóðom. En er lerisvæinar Paulus heyrþo þat, ða baþo þeir [hann aftr hverfa oc fara⁷ eigi i Jerusalem. ¹⁰ Paulus svaraði: „Fyrir hvi mœþi þer, bróþr⁸, hiarta mitt i grate yðrom, þviat ec em eigi at eins buenn at vera bunndinn, heldr at⁹ deyia i Jerusalem [pro nomine domini Jesu Cristi¹⁰. En efter fa daga for¹¹ Paulus i Jerusalem [oc lerisveinar hans fylgþo honom oc margir aðrir Cesareamenn. En bræþr toco ¹⁵ fæginsamliga vit honom, er hann kom i Jerusalem¹² oc for [hann annan dag¹² at finna Jacobum postola oc aðra bræðr¹³, es þar varo, oc sagði¹⁴ þeim, hveria hiolp guþ hafði gefit heiþnom þjóðom firer kenningar hans.

13. [Jacobus varþ fegenn oc bróþr¹⁵, þeir es með honom ²⁰ varo, oc görþo¹⁶ þacker guði oc melto¹⁷ við Paulum: „Þu veizt, broþir¹⁸, at aller Gyðingar halda ríkt log sín. En þeir hafa heyrð sagt fra ðér, at þu [brytr log Moyses oc bannar monnom um-scurþarscírnn oc gengr inn i kirkior með¹⁹ heiþna menn. [Af því görþu þat, es ver meðom, oc hreinsasc firer forner, aðr þu ganger ²⁵ inn i mustere þeira með forunauta þina, oc muno þa Gyþingar reyna, at þat er lygi ein, es þeir heyrðo sagt fra þér, ef ðu helldr lög þeira.“ Þa görði Paulus, sem þeir melto, oc gek eigi inn i mustere, aðr .vii. dagar varo liþner, þviat Gyþinga lög buþo, at sa scyldi eigi ganga i mustere a næsto vico, es samvistom hefði ³⁰ veret við heiþna menn²⁰. En er Gyþingar, [þeir er af Asia voro komnir²¹, sa Paulum i mustere epter .vii. daga, þa vocþo þeir

1 [dag fra degi, þar til er þeir kvamo *Fr.* 2 [Philippi diacn *Fr.*
 3 [mgl. *Fr.* 4 mgl. *Fr.* 5 [mgl. *Fr.* 6 saal. *Fr.*; Gyþinga *Cd.*
 7 [at hann færi *Fr.* 8 saal. *Fr.*; fratres *Cd.* 9 oc *Fr.* 10 [saal. *Cd.* ³⁵
 og *Fr.* 11 gæck *Fr.* 12 [tilf. *Fr.* 13 saal. *Fr.*; fratres *Cd.* 14
 saal. *Fr.*; dixit *Cd.* 15 fratres *Cd.* 16 [En er bræðr, þeir er með
 Jacobo voro, hæyrþo þat, þa gerþo þeir *Fr.* 17 saal. *Fr.*; atolo *Cd.*
 18 saal. *Fr.*; fratres(!) *Cd.* 19 [briotir laug Moysi oc bannir scurþarscírnn
 oc gangir i kirkiur við *Fr.* 20 [mgl. *Fr.* 21 [tilf. *Fr.*

[styriolld micla i¹ lyðnum oc melto oc colluþo hátt: „Sia maþr er andscoti laga varra oc lyðs vars, oc viller hann alla þioð oc leiþer heiþna menn i mustere vart oc saurgar helga staþi.“ En þeir hofðo set þann mann, er Trifonius het, fara með Paulo or
 5 Effeso oc i Jerusalem, oc etluþo þeir, at Paulus hefði þann leidan i mustere². Þa dreif³ margr lyðr þangat, oc gripo þeir Paulum oc drogo ut or mustere oc luco aftr durom⁴. En er Gyþingar⁵ vildo bana Paulo, var sagt greifa þeim es [Lisias Claudius⁶ hét, at styriolld mikil gørþisc i Jerusalem. Þa com Lisias [með
 10 ríþeralið⁷ oc toc Paulum or hondom Gyþinga oc let binnda .ii. rekendom oc spurði, hverr hann vere. En er hann matte enkis⁸ viss verþa [ens sanna⁹ firer ðys alþýðo, þviat hverr callaði [sem mátte¹⁰, þa let hann leiþa Paulum i byrgi neqvert, þangat er eigi matti alþýða comasc. Þa spurþe greifenn, hvat þegna¹¹ hann
 15 vere, eþa hvi styriold¹² geyrþez af því. Paulus svaraði: „Gyþinga cyns em ec oc ętzcaþr or eyio þeire, er Þarsum¹³ heitir, oc or þeiri borg, er þu munt cunna. En ec biþ ðic, at þu leyver¹⁴ mer, at [ec coma til mótz oc mela firer lyðnom oc coma¹⁵ orþom firer mic.“ En er greifenn lovaði¹⁶ þat, þa stoð Paulus i loftriþi eino
 20 oc baþ ser hlioþs oc¹⁷ melte a ebresco: „Heyri þer, brøþr¹⁸, þa scynsemi, er ec mun¹⁹ gialda firer mic.“

14. En er [hann melte²⁰ a ebresca tungu, þa gafsc²¹ honom hlioð, oc melte hann sva: „Ec em Gyþingr oc ætscaþr or Þarso. En mic fœði Gamaliel i þessi borg oc kendi mer lög feþra
 25 yðvarra²², oc helt ec þeim²³, sem [er vituþ²⁴ aller, oc var ec gagnstopomaþr þeim, er a Jesum truþo, oc [eflða ec þa²⁵ til pislá oc dauþa²⁶, sem höfðinge kennimanna yðvarra berr mer vitne, er mic sendi með ritom i Damasco at²⁷ leiþa bunndna i Jerusalem alla cristna menn, [þa er þar mętti finnaz²⁸. En þa er ec atta
 30 scamt til borgarennar, þa scein ifer mic lios miceþ af himne at miþiom dege, oc fell ec til iarþar oc heyrþa ec rød męla við mic: Saule, Saule, [hvat søker þu at mer²⁹? Ec em Jesus nazarenus,

1 [saal. Fr.; micla lygi Cd. 2 mustare guðs Fr. 3 þusti Fr. 4 dyrom Fr. 5 Judei Fr. 6 [Claudius Lisias Fr. 7 [til með ríðeralípi Fr. 8 ænskiss Fr. 9 [mgl. Fr. 10 [firir munn auðrum Fr. 11 manna Fr. 12 sia tilf. Fr. 13 Þarsum Fr. 14 lover Fr. 15 [mæla nocqvor orð við lyðinn oc koma ec Fr. 16 honom tilf. Fr. 17 toc til mals oc tilf. Fr. 18 oc synir tilf. Fr. 19 syna oc tilf. Fr. 20 [Paulus mælti við þa Fr. 21 gafo þeir Fr. 22 varra Fr. 23 fast tilf. Fr. 24 [þer vitið Fr. 25 [batt ec þa oc sællða Fr. 26 bana Fr. 27 taka oc tilf. Fr. 28 [mgl. Fr. 29 [quid me persequeris Fr.

es þu gører i gegn. En [ec svaraþa oc spurþa: Hvat scal ec¹ göra. Þa melte drottinn við mic: Ris up þu oc far i Damasco, oc [mundo þa viss verþa², hvat þu scalt göra. En er ec matta ecki sia firer micleic liosens, þa toco forunautar minar i hönd mer oc leido mic i Damasco. En Annanias, vitr maþr oc goþr³ at vitne allra borgarmanna, com til min oc melte: Saule broþer, sagði hann, tac þu syn þína. Ec sa þegar, oc³ melte hann við mic: Guþ [feþra varra syndi⁴ þer vilia sinn, at þu sér it sanna oc heyrþer [raudd hans⁵, at þu vatter firer ollom þat er þu sat oc heyrþer. Fyr því tac þu nu scirn oc svnpalausn i nafni hans.¹⁰ En er ec gørða þetta, sem melt var, oc com ec aftr i Jerusalem oc var ec þar [a bön⁶ i mustere, þa sa ec drottinn coma til min, oc melte hann sva: Scyntu braut or Jerusalem, þvíat menn taca eigi vitne þat er þu berr of⁷ mic. En ec melta: Firer því heyrþu⁸ þeir eigi orþ min, drottinn⁹, at þeir vito, hversu ec stop¹⁵ i gegn þeim, er a þic truþo, drottinn, oc var ec við þar stadr, es Stefanus vattr þinn var pindr¹⁰, oc varþveitta ec kleði þeira, es hann börþo griote. En drottinn melte við mic: Farþu heþan¹¹, ec mun sennda þic til heiþinna þjóða, at þu boþer ðeim namn mitt.“ Þangat til hlydo Gyþingar¹² orþom Paulus. [Þa colluþo þeir oc²⁰ melto við gre(i)fann¹³: „Drepðu þenna mann, eigi er honom lift.“ En er Gyþingar [kastoðo klæpum oc¹⁴ oþo at honom oc villdo vega hann, þa let gre(i)fenn leiþa [i byrgit oc binnda hann oc beria¹⁵. Þa melte Paulus við .i. hundraðshöfþingia, er at var at beria hann: „Er vþr lofat at beria¹⁶ Romaborgar menn¹⁷.“ En²⁵ er hundraðshöfþingi heyrði þetta, melte hann við greifann: „Hygg at þu, hvat [þu lætr¹⁸ göra, Romaborgar maþr er sia, er ver beriom.“ En er Lisias greife heyrði þat sact, [þa spurði hann Paulum, ef þat væri satt, at hann væri Romaborgar maþr. En er Paulus qvat þat satt vera¹⁹, þa foru braut þeir, er hann höfðo barþan,³⁰ oc iþraðisc²⁰ greifenn, es hann hafði hann beria latet.

15. En annan dag let greifenn qveðia þings²¹, oc leysti Paulum oc [læiddi hann²² a þing Gyþinga, at hann mætti vita scyrra, firer²³ hveria sœc þeir rögþu hann. En Paulus visse²⁴

¹ [er ec spurþa, hvat ec scyllða *Fr.* ² [mon þer þar sagt *Fr.* ³ þa *Fr.* ³⁵

⁴ [saal. *Fr.*; faþer vár sendi *Cd.* ⁵ [tilf. *Fr.* ⁶ [tilf. *Fr.* ⁷ um *Fr.*

⁸ saal. *Fr.*; heyrþa *Cd.* ⁹ tilf. *Fr.* ¹⁰ grioti barþr *Fr.* ¹¹ þvíat *Fr.*

¹² Judei *Fr.* ¹³ [En þa toco þeir at kalla a græivann oc mæltu *Fr.*

¹⁴ [tilf. *Fr.* ¹⁵ [hann inn i byrge oc beria oc binnda *Fr.* ¹⁶ sva tilf. *Fr.*

¹⁷ mann *Fr.* ¹⁸ [saal. *Fr.*; scalt *Cd.* ¹⁹ [tilf. *Fr.* ²⁰ oadéz *Fr.* ⁴⁰

²¹ motz *Fr.* ²² [saal. *Fr.*; leiþa *Cd.* ²³ um *Fr.* ²⁴ vera tilf. *Fr.*

tvinnar¹ sveit Jorsalamanna, aðra ivergyþinga, er truþo uprisu
 dauþra manna, en aðra Saduceorum², er eigi truþo [upriso þeira³,
 oc melte hann við þa: „Ec em ivergyþingr⁴ at øllo cyni oc
 [dømr frir⁵ þat, er ec boþa⁶ upriso dauþra, at er truet þvi.“
 5 En er Paulus melte þetta, þa sciftez⁷ alt Gyþinga liþ i tva staþi,
 oc gørbisc⁸ styriold i lyðnom, oc riso up neqerer ivergyþingar
 [at tōia⁹ Paulo oc melto: „Saclaus er maþr sia oc hevir [eki
 til¹⁰ gørt.“ En er mikit sundrþyki gørdiz meþ Gyþingom¹¹, þa
 [ugþi greifenn, at þeir myndi bana Paulo, þviat marger vilia
 10 glata¹² honom, þa sendi hann riþera sina oc let braut taca Paulum
 or clandi þeira, oc leidi hann¹³ i byrgi. En a annarri nott
 vitraþesc drottenn Paulo oc melte við hann: „Vestu¹⁴ staþfastr,
 þviat sva byriar þer at vatta namn mitt i Romaborg, sem þu
 vattaþer i Jerusalem.
 15 16. En er dagr com, þa hurfo saman meirr en¹⁵ .xl. Jude-
 orum¹⁶, oc strengðo þess heit, at þeir mōndi¹⁷ eigi eta ne drecca,
 aþr þeir [banaðe Paulo¹⁸. Siþan melto þeir við kennimenn
 Gyþinga: „Heit høfum ver strengt, at ver scolom [vega Paulum,
 aðr ver bergem eigi a mat varom¹⁹. Af þvi seget er þetta Lisias²⁰
 20 greifa, at hann leiþe Paulum a mot, svasem²¹ [er vilit enn²² heyra
 scyrra orþ hans. En ver monom vera²³ at vegu hann, fyrr en
 hann comi alt til motzens. En [stadr var hia .i. vinr Paulus oc
 heyrði orð þessi, oc²⁴ for hann þegar oc sagþe Paulo vælar²⁵
 þeira. En Paulus senndi hann²⁶ til greifans meþ einom hundraðs-
 25 høfðingia, þeim er byriafi mál [hans. En sa for oc melte við
 greifann, es þeir como þar²⁷: „Paulus bandingi [senndi mic, lattu²⁸
 hingat leiþa þenna inn unga mann, oc vil hann segia þer nōqver
 tiþenndi.“ Þa toc Lisias i hōnd honom oc leidi hann fra øþrom
 monnom, oc spurþi, hvat hann vildi honom segia²⁹. [En sa
 30 mælti³⁰: „Gyþingar muno coma a morgen oc biþia, at þu leiþer

1 tvænna *Fr.* 2 *saal. Fr.*; þa *Cd.* 3 [*mgl. Fr.* 4 *saal. Fr.*; iver-
 gyþinga *Cd.* 5 [*saal. Fr.*; dōme ec *Cd.* 6 trui *Fr.* 7 scilþiz *Fr.*
 8 þræta mikil oc *tilf. Fr.* 9 [oc tyþo *Fr.* 10 [nihil illt *Fr.* 11 Judeos
Fr. 12 [ætlaði grevinn, at þeir mendo bana Paulo *Fr.* 13 inn *tilf. Fr.*
 35 14 Verþu *Fr.* 15 an *Fr.* 16 *saal. Fr.*; riþera *Cd.* 17 scyldu *Fr.*
 18 [vægi Paulum *Fr.* 19 [ongo bergia, aðr ver vægum Paulum *Fr.* 20
 Lisee *Fr.* 21 *saal. Fr.*; sicut *Cd.* 22 [þer scylet *Fr.* 23 bunir *Fr.*
 24 [er þæssar vælar hæyrðe systursunr Pauli, þa *Fr.* 25 rað *Fr.* 26
 þegar þenna mann *Fr.* 27 [hans, oc mælti vit græivann *Fr.* 28 [bað
 40 mic *Fr.* 29 sagt hafa *Fr.* 30 [*tilf. Fr.*

Paulum a þing¹, svasem² spyria scyle hann nøqverrar scynseme. En þu scal(t) eigi trua þeim, þviat meirr en .xl. manna strengþo þess heit, at þeir myni vega Paulum, oc ero þeir buner, fyrr en hann come a þing til motzens.“ En er greife heyrþi þetta sact, þa heimti hann þangat .ii. hundraðshöfðingia, oc melte við þa: 5 „Faret er til (meþ) .ii. hundrað ríðera oc önnor .ii. .cc. borgarmanna, oc veret buner, er fiorþungr er af nött, oc faret meþ Paulum, unz er comet i Cesaream til fundar við Felicem iarl.“ Ríðerar görþo, sem þeim var boðit, oc fylgþo Paulo of nottenu i Cesaream oc seldo iarli rit greifans. En þessi orþ stopo a 10 rite þvi.

Claudius Lisias sender q. Felice iarli. Þenna mann sa ec röggþan af Gyþingom oc rapinn til bana. En ec com til meþ lífe miclo, oc leysta ec or clandi þeira oc leida ec hann a þing, oc vilda ec vita, firer hveria sök hann væri rögdör, oc fann ec, at 15 þeir söcuþo hann of nacqvát afbrigþ laga³ sinna. Oc hevir hann eki þess gört, es hann se dauþa verþr. En þa er ec fra, at Gyðingar reðo fioraþom umb hann, þa senda ec hann til þin, oc mun ec þangat boþa sauconautom hans, oc scola þer dōma of þetta aller saman. 20

En er iarl hafði leset rit þetta, þa let hann varþveita Paulum, unz Gyþingar como.

17. En epter .v. daga com Annanias höfþingi Gyþinga meþ nøqveriom rikismanna, oc toco at rögia Paulum. En þa melte .i. þeira, en sa het Tertullus: „Síþan er ver comum til þin, enn 25 bazti (i)arl, þa biþum⁴ ver frið mikinn, þviat þu hegner allan osoma. En ver fundum þenna styrialdarmann, er of allan heim (mun) bioþa osoma Gyþingom, oc truer a dauþan mann oc leiþer heiþna menn i musteri vart. En ver gripom hann oc vildom dōma hann at laugom varom. Þa bar Lisias greife oss oflípi oc 30 leysti hann or hondom varom, oc sendi oss til þin, at þu dōmþer of þessa hlute, þa er þu spyrr it sanna.“ En er hann hafþi þetta melt, þa boru Gyþingar vitni orþom hans oc qvoðo þat satt vera. Paulus svaraþe oc melte við iarl: „Lengi hefi ec vitað þic höfþingi(a) þessar þioðar, oc mattu scilia meþ scynsemi þat er ec 35 svara firer mic. Þat mattu vita, at ec com eigi meirr en firer .xii. dogom i Jerusalem; þrætta ec við mangi i mustere ne i þinghusom Gyþinga, oc dro eigi saman sveit i borgom, ne görþag

1 mot *Fr.* 2 sicut *Cd.* Her ender *Fragm.* 3 Synes rettet hertil i *Cd.* fra oprindeligt þunga. 4 bioþvm *Cd.*

styriðld ne sundrþyki lyðs, svat þeir mege mer sacar a því finna, er mic rög(i)a. Villa necqver er i Jerusalem, su er menn þręta umb upriso dauþra manna. En ec true guþi þeim, er feðr varer truþo, oc truec því øllo, es riteð er umb hann oc i logom er oc
 5 a bocom spamanna er, oc upriso dauþra manna, sem feþr varer. En ec com til þess i Jerusalem at gøfga guþ oc fęra honom forner oc at duga fręndliþi mino i olmosogþi. En þeir segi nu, ef þeir fundo nęcqer(i)a illzco i mer, nema þat er ec callaþa a þing(i) þeira oc sagðac dōme of upriso dauþra.“ En Felix iarl dvalþi
 10 at dōma of mal þeira oc sende aftr Gyþingana i Jerusalem. En hann bauþ e(i)nom .c.hofðing(i)a at varþveita Paulum, svat hann vęre i friðe oc cø(m)esc þæ(y)gi a braut, þvíat Felix iarl (h)ugþi, at Paulus mōndi fe undan leysasc, oc com hann opt til mals við hann oc spurþi marg(ra) hluta. En Paulus talþi firer honom tru
 15 oc retlęti.

18. En efter .ii. vetr gerþisc iarlascipti, þvíat þat var lög, at ymser vęre iarlar, þeir er iamco(m)ner varo til veldes. En Felix let binda Paulum, aþr hann fęri braut, oc lifði hann þat efter Gyþingom. En sa het Festus, er þa toc við iarldome i
 20 Cesaria, oc for til Jorsala .iii. dogom siþarr. Oc como til Gyþingar oc røgðo Paulum oc baþo iarlenn, at hann leide hann i Jerusalem. En þeir biuggosc² við því at vega Paulum, aðr hann comi til borgarennar. En Festus sagði Paulum halldinn mundo vera i Cesaria, oc baþ hann fara meþ ser þangat þa, er sacar
 25 þottosc eiga við Paulum. En er Festus iarl hafði vico veret i Jerusalem, þa for hann i Cesaria, oc fylgþo honom Gyþingar marger. En er hann sat annan dag a domstole oc let hann þangat leiþa Paulum³, oc logo (Gyþingar) a hann, es þeir matto eigi sannar sacar finna a hendr honom, þvíat Paulus vann þat sannat, at hann hafþi hvartki geyrt i gegn guþs lögum ne manna.
 30 Festus iarl vilde sva gera, at Gyþingom mętte hellz lica, oc melte hann við Paulum: „Vildo þat, at ver farem i Jerusalem oc dōme(m) þar of þessi mol?“ Paulus svaraði: „Fyrer domstole keisera byriar mer at standa, oc scal ec þar dōmþr vera, en eki geyrða ec Gyþingom til meins, sem þu veizt eigi ogørr en ec.
 35 En ef ec gørþa nacqvatt þat, es bana se vert, þa forþomc ec eigi banann. En ef ec gørða eke þat, es mic megi røgia, ða er rett, at ec na lögum, at keisare dōme, ef Jorsalamenn bioþa mer oløg⁴.“

1 at tilf Cd. 2 byggiosc Cd. 3 p^o Cd. 4 oleig Cd.

Festus melte: „Alz þu kvader keisera til þins máls, þa scaltu þangat fara.“

19. En er þaðan liðu nœqerir dagar, þa com konongr, sa er Agrippa het, i Cesaria, þviat hann atti aurendi við iarl. En er hann var þar marga daga, þa sagði iarl fra Paulo oc melte sva: „Þenna mann lét Felix i bøndum vera, þa er ec com her. En er ec com i Jerusalem, þa baðu mic Gyþingar, at ec scylda hann til bana selia oc þeim siolfom i hendr, en ec svarapac, at eigi vœre Romaborgar lög til at leiða mann¹ til dauða, fyrr en hann come sialfr firer sic orði oc eiðu. En er Gyþingar comu her, 10 þa let ec Paulum leiða hingat firer domstol minn, oc baro þeir aungar sannar sacar a hendr honom, þær er hann þettisc saþr at, en þeir søcuðu hann of nœqeria nybrötne tru sinnar oc of Jesum nœqern dauðan, en Paulus segir hann lifa. En ec kunna eigi of dōma, þa bauð ec honom i Jerusalem, at hann dōmesc 15 þar. En hann lezð vilia hafa dom² keiserans.“ Þa melte Agrippa konongr: „Sia villða ec þann mann.“ Þa let Festus leiða Paulum fyrer auglit konongs oc alla eno æzto menn borgarennar, oc melte sva: „Se þu nu, Agrippa, þenna mann, er aller segia lygimann vera, oc qveða honom eigi lift vera. En ec finn enga sök 20 i honom, af því ætla ec at senda hann til k(e)iserans, sem hann bōnde sialfr. En ec veit eigi, hvat ec scal segia keisera i fra siþom hans. Af því spyr ec hann nu, oc segi hann nu sialfr fra ser þat, er ec mega rita oc senda keiseranom, þviat ovist er at senda bunnðinn mann oc scýra eigi socena.“ 25

20. Þa melte Agrippa við Paulum: „Lofat er þer nu at svara firer þic.“ Þa svarapi Paulus þeim scynsemi oc melte sva: „Ef ec nae at svara firer mic i dag, þa mun mer vel ganga mal við þic, konongr, of alla hluti, þa er ec em rœþ(r) af Gyþingom, þviat þu veizt lög þeira. Oc vitu aller Gyþingar upruni mina, ef 30 þeir villde þat satt lata, þviat ec heelt einna fastas(t) lögom þeira, oc em ec enn staþfastr i þeiri van, er guþ hiet feprom vorom, oc alt lif vart truer oc vætter, at fram muni coma, þviat ver trum aller, at guþ lifgar dauða. En firer ða tru oc van em ec rœþr af Gyþingom. En ec stoð fyrst i g(eg)n namne Jesus ens 35 nadversca, oc let ec marga hans menn setia i bōnd, oc toc ec vellði af hōfði(n)g(i)om at setia til pislá þa, er a hans namn truðu. En er ec for slic eyrendes i Damasco, þa com iver mic lios solo biartara of miþian dag, oc heyrða ec rōð mela við mic:

1 menn *Cd.* 2 doms *Cd.* 3 7 (*d. e. oc*) *Cd.*

Saule, Saule, hvat sæker þu at mer? Ec em Jesus nazarenus, sa er til þess syndomc þer, at þu berer vitne mitt i þeim hlutom øllom, er ec vitra firer þer, oc mun ec sennda þic til margra þioða, at þu leiþer menn fra myrkrom til lios oc fra fianda villo
5 til tru. En ec truþa himnescre vitrun, oc for ec at boþa synda iþron, Gyþingom fyrst oc Jorsalamonnom, en siþan heiþnom þioþom. En firer þessa søc drogu Gyþingar mic or mustere oc vildo bana mer. En guþs craptr hlifðe mer alt til þessa dags, þviat [ec boþa¹ eki annat Gyþingom oc heiþnom þioþom, en þat
10 er spamenn søgðu at verþa myndi, beþi pisl Cristz oc uprisa dauþr(a), oc hygg ec þat, konongr, at þu truer þvi er spamenn segia.“ Agrippa svaraþi: „Leitaþ þu þess i sumom malom, at ec scyla cristenn verþa?“ Paulus svaraþe: „Slica tru, sem ec hevi, øski ec eigi at eins, konongr, þer, heldr øllom þeim, es þessi
15 orþ heyra i dag.“ Þa baro þeir konongr oc iarl saman rað sin oc raþunøtar þeira, oc syndesc øllom Paulus vera saclaus oc eigi dauþa verþr. Þa melte Agrippa við iarl: „Nu metti sia maþr laus vera, ef hann hefði eigi sialfr nemndan ke(i)serann at døma of sic.“

20 21. Þa var Paulus seldr með øþrom bandingiom .c. höfþingia þeim er Julius het, en hann atte før til Romaborgar. Þa stigo þeir a scip oc snøru a leið før sinne. En før þeira varþ sein, þviat þeim gaf trøt byri. En þeir foru með Asiolande, unz þeir comu til eyiar þeirar er Creta heitir, en þa gerði andviþri a mot
25 þeim, oc logo þeir lengi við ey þa oc biþo byriar. Þa var eigi langt til vitrar(!). Þa melte Paulus: „Þat se ec, brøþr, at her muno menn scaþa biþa bøþi scips oc fiarins, oc er þo micil van, at menn fae hasca, ef ver forom fra eyio þessi i haust siþan.“ En Julius truþi þeim, er firer scipi reþo, en eigi þvi er Paulus
30 sagði, oc ætlaþe hann at fara til Feneyiar, ef byr gæfi, oc vera þar u[m vetrar] meginbyri. En ef sunnanveþr vere, þa baþ Julius taca til segls. En er þeir hofðo scamt fra lande siglt, ða laust i gegn þeim landsynningi sva opom, at þeir urþo at leggja scip i rett. En er sær toc at størasc, þa urþo þeir at casta
35 farme oc letta scip. Þat var morg døgr, svat eigi sa himintungl, oc mødosc menn af culþa oc af hungre, svat flester ørvætto ser lifs oc heilso. Þa stoþ Paulus up millom þeira oc melte: „Þat byriar, brøþr², at er hlyþit mer, oc føret eigi braut i hausti or Creta, oc myndo þer eigi fa scaþa þenna. En nu scola þer við

þat huggasc, at ver munom aller til landz comasc af brotno scipe, þviat engell guþs, þess er ec þiona, syndiz mer a þessi nott oc melte sva: „Hrøþiz eigi er, Paule, þviat þu munt til Rumaborgar coma, en guþ veiter þer lif allra forunøta þinna. Veret er hugstigner¹ oc hrøster, þviat guþ mun enda heit sitt við oss, oc munom ver coma til eyiar nøqverrar.“ En þa er .ii. vicor hafði hriþin veret, þa goto nøqverer menn, at sæi land firer stamn. En þa er þeir fundu bratt, at miþiom scipti oc þeir nolguþosc land, þa costuþo þeir akerom sinom oc biþo sva dax. En þa er dagr com, þa melte Paulus: „Lengi høfom ver nu møder veret af hungri oc culþa oc miclo vase, af ðvi scolom ver mat taca, at ver megem hressasc.“ En þa er aller høfðo fözlo tekit, þa letto þeir scipit oc cøstoþo farmé utanborz. En þar var vicscart(?), es þeir varo at comner, þa heimto þeir up ackere oc drogo up segl oc lögþo at lande. En þa er scipit kendi grunnz, þa leysti þat alt i sundr at scutstafne. Þa hliopo utan borz fyrst þeir, er synder varo, oc comosc sva at lande. En þa kendu þeir, hvar þeir varo comner, en þeir varo comner at eyio þeire, er Militene heitir. En þeir cyndo eld mikinn, es þeir como a land, oc vermþu sic, þviat frost var at. En þa er Paulus samnaðe trosom til elz, þa hrøþisc ormr at hendi honom. En þa er landzmenn so ormenn hanga a hendi honom, þa melto þeir meþ sér: „Sia er morþingi eþa vigamaþr, er veþr hriota við honom a sæ, en dyr granda honom a lande.“ En Paulus hristi ormen af hendi ser, oc sacaþi hann eki hønd hans. En lyðrenn stoþ oc sa a hann oc hugþi, at hann myndi falla niþr dauþr. En þa er þeir so, at hann sacaþi eki, þa hugþo þeir hann guþ vera. En hofðingi eyiar þeirar het Puplius, en hann toc við Paulus oc fòrunøtum hans, oc varo þeir þar .iii. daga. En faþir Puplius hafði lengi riþusiucr veret, en er Paulus com til hans oc baþ firer honom, þa reis hann up heill. En er sia iartein spurþisc, þa fòrþu eyiar-sceggjar þangat alla siuca menn, oc toco þeir heilso aller eyiar-sceggjar oc vegsomofu Paulus oc fòrunøta hans, oc fingo þeir ollum scipveriom hans alla reiþo, þa er þeir þurftu at hafa til br(a)útfarar. En efter .iii. manofr stigo þeir a scip, þat er þar hafði uppi stapet of vetren, oc leto fra landi, er þeim gaf byr, oc foru þeir siþan, unz þeir como til Rumaborgar.

22. En er cristner menn frógo, at Paulus for til Ruma-borgar, þa runno þeir a mot honom langa leið oc felldo tar firer

¹ hugsteigner *Cd.*

fagnaþe. En þa er Paulus sa liþ þeira, þa gørfi hann þacker
 guþi meþ trausti. En er hann com til Rumaborgar, þa var honom
 lofat, at hann væri þar, er hann være hvartki byrgþr ne bundinn,
 oc var hann under varþhalldi eins riþera. En efter .iii. daga
 5 heimti Paulus til sin necqeria af Gyþingom oc melte við þa:
 „Ec em senndr bundinn i hendr Rumaborgar monnom yr Jerusa-
 lem, en ec hefi eki gørt i gegn lyð yðrum ne logum feþra yðvarra.
 En þa er ec svaraða firer mic, ok rikismenn þottosc vist vita, at
 ec var saclaus oc eigi dauða verþr, þa villdo þeir mic undan
 10 lata ganga, en þa er Gyþingar melto i gegn, þa varþ ec scylldr
 at biþia þess, at ec neþa yþrom fundi oc hafa þat es keisere vill
 døma.“ Gyþingar svoröþo: „Engi hefir hingat comet af Gyþinga-
 landi at rögia þic við oss ne segia illa hluti fra þer, af ðvi viliom
 (ver) heyra af þer siolfom, hveria scilning þu hafir, þviat villa
 15 ferr of yðra sveit, er öll þioð meþer i gegn.“ En annan dag como
 Gyþingar marger at heyra orþ Pauli, oc talþi hann firer þeim alt
 til aftans oc minte þa a lög Moyses oc a orð spamanna oc kenndi
 tru Jesu Cristz. Þa truþo sumer orþom hans, en sumer eigi, oc
 gerþez þræta micel a milli þeira. Þa melte Paulus: „Nu cømr
 20 þat fram, er heilagr ande melte forþom firer Ysaïam spamann
 við feþr vara: Eyrom muno þer heyra oc scilia eigi, augom muno
 þer sia þrifgiöf guþs oc þeckiasc eigi, blint er hiarta lyðs þess, oc
 byrgþo þeir augo sin oc eyro, at eigi sei þeir ne heyrði, oc villdo
 þeir eigi snuaz til min, at eigi byrga¹ ec þeim, qvað drottenn².
 25 En þat scolo þer vita, at sia þrifgiöf er send heiþnom monnom,
 oc muno þeir þeckiaz.“ Gyþingar hurfo braut fra Paulo, þa er
 þeir heyrþo þetta. En þa er Paulus fec leyfi af keisera at fara
 þangat, sem hann villde, þa var hann .ii. vetr i Rumaborg oc
 boþaði öllom, þeim er til hans como, nomen domini Jesu Cristi,
 30 sva at manngi bannaþi honom.

23. En þa er Paulus færfi fram guþs kenningar, þa comu
 marger til hans or hirþ Neronis k(e)isera oc toco tru, oc ox hvern
 dag fagnaþr cristnom monnom firer kenningom Paulus. Talþi
 hann of dag inn i husi, þa com þar byrli keisera, sa er Patrocles
 35 het, oc villdi heyra orþ Paulus, oc ste hann up a husit oc sat
 við glug, þviat hann matti eigi inn comasc firer fiolþa lyðs at
 heyra orþ guþs. En er Paulus talþi, þa somnaþi byrlinn oc fell
 af huseno oc lampesc oc do. En Paulus visse af helgom anda,
 hvat orþit var, oc melte sva: „Faret er a braut, brøþr, oc berit

40 ¹ þa tilf. Cd. ² dominus Cd.

hingat byrla konongs til min, es er munof finna dauþan ofan fallenn af huse.“ En þeir foru þegar oc fundu hann dauþan, oc baro hann inn. Þa undraðisc lyþrinn, er Paulus visse þat, er engi hafði honom sagt. Þa melte Paulus: „Biþiom¹ ver aller með fullri tru drotten, at hann gefi lif þessom manni enom unga.“⁵ En þa er þeir baþo aller með tarom, þa melte Paulus: „Ris up þu, Patrocle, oc seg, hverso guþ gørfi við ðic.“ Þa reis byrli up þegar oc sagði, svasem² hann vøre or svemne vakeþr, oc toc hann tru oc marger aþrir, er þessa iartein sæ, oc lofuþo guþ. En Paulus for braut or Romaborg, er hann hafpe .ii vetr þar¹⁰ veret, oc for hann of austrlænd oc boþaði tru Crist heiþnom monnom .ix. or, oc snori morgum lyð fra heiþne oc gørdi margar iarteiner, þær er eigi ero talþar i þessi boc. En er Paulus com til Romaborgar annat sinn, þa urþo honom cristner fegner. En efter .vii. manofr foru þeir Petrus oc Paulus á einom dege baþer¹⁵ með sigri til guþs, svasem sact er i annarri saugu.

II.

Her hefr upp Pals sogu postola³.

Heilagr Pall postoli var fæðingi⁴ a Gyðingalandi, sem aðrir guðs postolar, ok fæddr i eyiu þeiri, er Tharsus heitir. Hann²⁰ var ættstorr⁵ maðr, kominn fra Beniamin syni Jacobs. Ok atti Jacob .xii. sonu, þæ sem allt er Gyðingafolk fra komit, ok segir sva Moyses, at aðr en Jacob andaðiz, þæ kallaði hann sonu sina til sin ok gaf blezan hverium þeira ok spaði fyrir, hverr [þrifnaðr at hverss þeira kyni⁶ mundi verða. En Beniamin þyðiz filius²⁵ dextere, þat er æ vara tungu hinnar hægri handar son. Ok fyr því at⁷ Pall postoli, sa er Saulus het [a unga alldri, eptir því sem hans frændr nafngiptu hann⁸, var kominn fra Beniamin, þæ

¹ bioþiom *Cd.* ² sicut *Cd.* ³ *Overskriften mgl. i A.* ⁴ *saal. B;*
A begynder saaledes: Ver holldum hatið i dag, sem aullum er kunnict ok³⁰
kunnict aa at vera, hinum sæla Pali postola; hann var fæðingi o. s. v.
⁵ ætztor *A.* ⁶ [hvers þeira þrifnaðr *B.* ⁷ er *A.* ⁸ [auðru nafni,
sem frændr hans gafu honum *B.*

er su ein sauk til, er hann sitr⁹ til hægri handar a innsigli
 pafvans, en Petr til vinstri handar, at hann er fra þeim kominn,
 er hægri handar son þyddiz; ok su annur, at síðan er hann
 truði æ Jesum Kristum, giorði hann alldri² hofuðsynd, at því er
 5 lesit er. En þær giora manninn vinstri handar mann. Ok þo
 at guð einn viti hvers manz forlaug, aðr [en skapaðr er³, þæ
 hefvir hann þo spámenn latið spa um sumra manna æfvi, hvilikir
 verða mundu, ok kemr þat her fram, [at þat⁴ er Jacob mælti við
 Benjamin son sinn⁵, þæ er hann blezaði hann, þæ skyra sva
 10 helgir feðr, at þa spasaugu hafvi⁶ atta Saulus ætmaðr Benjamin[.
 En þar⁷ segir⁸ sva: Benjamin man arla dags vera skiæðr⁹ vargr,
 en skipta fæzlu með auðrum at kvellði. Þat er sva skilit i helgum
 ritningum, at þetta kiæmi¹⁰ til æfvi Sauli: hann var grimr við
 guðs kristni a unga alldri ok let drepa kristna menn, en hinn
 15 síðarra lut hans æfvi, þæ kendi hann kenningar ok boðaði retta
 tru, ok saddi sva andligri fæzlu [hverss mannz salu þeira¹¹, er
 hans kenningar villdi hafva.

2. En þæ er Saulus var litið barnn at alldri, þæ var hann
 sendr til læringar i Jorsalaborg, ok nam þar laugbækr Gyðinga
 20 at Gamaliele, ok aðrar Gyðinga bækr ok spamanna, fyr því at
 Gamaliel var þæ haufutmeistari i Jorsalaborg ok hafði marga
 lærisveina [ok fostraði hinn helga Stephanum¹². Ok satu þeir
 enn helgi Stefanus ok Saulus at einni bok baðir, ok var su grein
 æ skilningu þeira fostbræðra, at Saulus skilði aull laugin til¹³
 25 freku, eptir því sem [ritningin þotti til standa¹⁴, en Stephanus
 hugði mest at merkingunni¹⁵ ok hvat [fram komið mundi af vera¹⁶
 af því, er fyrir var spað, eða hverssu¹⁷ langt mundi til þess vera,
 er lausnin [mundi fram koma¹⁸, su er heitin var Gyðingum.
 Ok eptir uppstigning vars drottins þæ segir Lucas, at Stephanus
 30 giorðiz lærisveinn guðs postola ok predicaði retta tru. En Saulus
 fostbroðir hans hellt Gyðinga laug rikuliga, eptir því sem hann
 hafði skilið, þæ er hann nam¹⁹, at ecki væri iamskyllt sem þat.
 Ok þa er Stephanus var gryttr²⁰ fostbroðir hans, fyr því at hann
 hellt retta tru, þæ var Saulus þar við staddr ok varðveitti klæði

35 1 *mgl. A.* 2 *aungva B.* 3 [skapaðr se *B.* 4 [*mgl. øvr.* 5 *minn A.*
 6 *hefir C.* 7 *saal. C;* þaa *A.* 8 [er hann sagði *B.* 9 *slægr C.* 10
 komi *øvr.* 11 [hvern mann, er *B.* 12 [*tilf. B.* 13 með *C.* 14 [rit-
 ningar stöðu til *B.* 15 *mykingu laganna B.* 16 [fram komit var *B;*
 framkomit mundi verða at vera *C;* framkvæmt mundi verða *D.* 17 *hve B.*
 40 18 [kvæmi fram *B.* 19 var at námi *B.* 20 grioti barðr *B.*

þeira manna, er [þat gerðu¹, ok var i aullum raðum með þeim, er Stephanum gryttu, en þotti ser eigi sama at leggja hendr æ hann. En um þetta ræða² sva helgar ritningar, at Saulus var³ sekr allra þeira handaverka, er [at haufðu verit at gryta⁴ Stephanum. Ok er [þat eitt⁵ mark til, at sa er eigi minnr sekr fyr 5 guði, er ræðr, en sa er giorir manndrapit⁶, allra hellz, ef sa er haufðinginn, er⁷ ræðr, en hinir hans undirmenn, [ok þo er sva⁸, þo at þeir se iafnir menn. En þo visar sva til, at Saulus þottiz her rettu at fylgia. Ok því auðlaðiz bæn su framkvæmð, er Stephanus bað fyr þeim, er hann gryttu, ok mællti sva: Gialltu⁹ 10 eigi, drottinn, þessum maunnum [þæ synd, er þeir giora i minu drapi¹⁰, þvíat þeir vitu eigi, hvat þeir giora. Ok þæ hann liknn til handa Saulo fostbroður sinum. Ok eigi er [a þat kveðit¹¹, at aðrir hafvi retz¹², þeir sem at þessu verki voru. Ok er her mark til þess, hvat goðra manna bænir stoða synðogum maunnum, þo at 15 þeir se [eigi verðir af sialfra sinna verðleikum¹³ at þiggia miskunn af guði ser til iðranar ok salu sinni til hialpar þaðan af.

3. En þæ er Saulus sa, at hann tok vinfeingi af Gyðingum ok virðing af haufðingium [i moti því¹⁴, er hann giorði ofrið [guðs kristni¹⁵, þæ beiddi¹⁶ hann at fara til borgar þeirar, er Damaskus 20 heitir, ok giora þar ofrið¹⁷ guðs lærisveinum, fyr því at eptir drap [ens helga Stephani¹⁸ þæ flyðu kristnir menn fyr ofriði or Jorsalaborg til ymissa borga. Ok þæ er hann feck þat leyfvi af haufðingium, þæ beiddiz hann brefva ok innzigla [af kenni- maunum¹⁹ Gyðinga, at hann skyldi með þeira boði taka alla 25 kristna menn, þa sem²⁰ hann fyndi i Damasco, ok leiða bundna til Jorsalaborgar, ok hvar sem hann fyndi i þeiri for. Ok eptir þat for hann með micklu fauruneyti til Damaskum, fyr því at hann var einn af hinum rikuztum maunnum i²¹ Gyðingalandi. En bref ok innzigli kennimanna merkia dæmi þeira sialfra, fyr 30 því at þeira likneski var æ innziglunum, ok eru her dæmi til þess gefvin, at þott hinn lærði maðrinn giori eða bioði þat, er hann skyldi eigi, at undirmaðrinn mæ eigi betra sitt mal, þott

1 [þar voru við staddir A. 2 tala B. 3 væri øvr. 4 [gryttu B.

5 [þetta B. 6 verkit C. 7 fyrir tilf. B. 8 [er sva er B. 9 35 Gialld þu B C.

10 [eptir verðleikum, er mik drepa B. 11 [þat greint B.

12 snuezt C. 13 [uverðir sialfir B. 14 [fyrir þat B. 15 [krist-

num monnum B. 16 beiddiz B D. 17 kristnum monnum tilf. B.

18 [Stephani prothomartiris B. 19 [kennimanna B. 20 er B C.

21 aa B.

hann giori eptir raungum boðorðum ens lærða eða [hans þungligum dæmum lifvis sins¹. Fyr því at þat er innzigli hverss manz, sem hans liking² er, ok sa er tekr goðs manz dæmi til rettra luta³, sa berr goðs mannz innzigli með ser til sannenda, en ef
5 vándr maðr tekr vand dæmi, þæ [er sem hann béri⁴ þau bref ok innzigli, er sialfum honum kemr til hofuðbrotz ok eilífs ofarnaðar, nema hann iðriz ok bæti yfir.

4. Ok þæ er þeir foru ferðar⁵ sinnar einnhvern dag, þæ bar sva i moti, at líós mikit kom yfvir Saulum, ok voru þeir þæ
10 maliga komnir at borginni. Ok varð þeim otti at mikill, ok fell Saulus af baki allr⁶ til iarðar. Þæ kom raudð yfir hann af himni ok mællti: „Saule, Saule, hvat sækir þu at mer?“ Þæ svaraði Saulus: „Hverr ertu, drottinn?“ Ok⁷ skyra sva helgar ritningar, at þat bíauggi⁸ i spurningu hans, at hann þottiz eigi vita, hvart guð sialfr mælti við hann eða guðs eingill⁹. Þæ svaraði
15 raudðin: „Ek em Jesus [sæ inn nadversski¹⁰, er þu giorir ofrið.“ Her er eptir leitað, [hve nær¹¹ Saulus hafvi ofrið giort drotni Jesu, ok er þat sva at skilia, at hann kallaði ser þæ ofrið giorfvan, er [hans lærisveinar voru i ofriði¹². Ok þæ mællti Saulus með otta:
20 „Hvat villtu, drottinn, at ek giora? fyr því at ek [villda því aullu hlyða, er þu byðr¹³.“ Þæ mællti raudðin: „Gack þu inn i borgina, ok man þer þar¹⁴ sagtt vera, hvat þer byriar at giora.“ Ok eptir þat leið liosit til himins. En faurunautar Sauli reistu hann a fætr ok leiddu hann æ millum sin inn i borgina ok toku ser herbergi. En því leiddu þeir hann milli sin, at synin var fra
25 honum tekin með aullu, ok var hann blindr þria daga oc þriar nætr, þar til er Annanias var sendr til hans af guði, sem Lucas segir guðzspiallamaðr, ok át hvarki ne drak [æ því meli¹⁵. Meðan hann var blindr likams augum, þæ gaf guð honum andliga syn
30 sinna boðorða, sva sem hann segir sialfr i pistola þeim, er hann ritar til Galathas [borgarmanna, at hann letz¹⁶ eigi af mannligum meistara numið hafva, helldr af vitran drottins Jesu Kristz, þæ skilning er guð gaf honum til retrrar truar, ok svarar hann i þeim pistli [umlestramaunnum¹⁷ sinum, þeim er þat saugðu¹⁸, at hann

35 1 saal. A; hans þungligum dæmum sins lifs D; þungligum dæmum lifs hans B; hans þungligum dæmum C. 2 likia(!) B. 3 laga B. 4 [berr hann B. 5 leiðar C. 6 allt B. 7 Þat B. 8 byggi C D. 9 englar B. 10 [nazarenus sa B. 11 [hvenar C; nær D. 12 [lærisveinum hans var B. 13 [vil nu hlyða þínu bði B. 14 þa øvr. 15 [mgl. B. 16 [borgar ok kvaðz B. 17 umlestrarmonnum C; umboðsmonnum(!) D. 40 18 [mgl. B.

mætti eigi kallaz guðs postoli, þar sem hann hafði eigi verit i fauruneyti vars drottins Jesus Kristz, þæ er hann var her i heimi, helldr kaulluðu þeir, at hann væri lærisveinn ok postoli Annanie. En hann [svaraði, sva sem aðr var sagt, at þeir¹ hefði einn læri-
fauður ok Petr, þo at i sinum stað hvarr ok eigi a einni tíð⁵ hefði þeir til hans læringar komið.

5. En æ þessu meli vitraðiz drottinn lærisveini sinum þar i borginni, þeim er Annanias het, ok bað hann upp standa ok fara til husa þess manz, er Judas het ok var² i þeim garði, er Rectus var kallaðr, ok leita eptir, hvar Saulus væri af Tharso, „þviat¹⁰ hann [biz nu fyrir³, sagði drottinn, ok vil ek, at þu komir til hans ok gefvir honum syn sina.“ Annanias svaraði: „Heyrtt hefvi ek [saugur af þessum manni⁴, at hann hafvi giort mikinn ofrið þinum⁵ lærisveinum i Jorsalaborg, ok se⁶ nu sendr af Gyðingum með brefum kennimanna at taka alla [þina menn, þæ sem⁷ þitt¹⁵ nafn lofvå, ok leiða bundna til Jorsalaborgar.“ Þæ mællti drottinn: „Far nu⁸ sem ek byð þer, fyr þvi at ek hefvi giortt hann einvalaker mitt at bera nafnn mitt fyrri heiðnar þioðir, konunga ok iarla, ok iafnvel fyrri sialfva Gyðinga; man ek honum syna, hverssu stora luti ok margar þrautir hann skal þola fyr minu²⁰ nafni.“ Eptir þat vaknaði Annanias ok for til fundar við Saulum. Ok er hann kom inn i berbergit, þa kvaddi hann þegar Saulum fyrri ok mællti sva: „Saulle broðir, sagði hann, drottinn Jesus Kristr sendi mik hingat til þin, sa hinn sami, er þer vitraðiz æ leiðinni ok sagði þer, hverr hann var, ok sva, at þer mundi erfvitt²⁵ verða at spyrna⁹ i moti hans¹⁰ valldi. Hann sendi mik hingat til þin, at þu takir¹¹ syn þina [i minni¹² tilkvamu ok hans miskunn.“ Ok þegar er Annanias hafði þetta mæltt, þæ tok Saulus syn sina, ok fell af augum hans sva sem [reistr nokkut væri, þat er fyrir hafði¹³ dregit sialldrin aðr. Ok eptir þat þæ¹⁴ skirði³⁰ Annanias hann. Ok hafva margir þat fyrri satt, at þæ væri honum Pals nafnn gefvit i skirnninni, en þo af vanda þæ var enn stund til þess, er [Saulus nafnn lagðiz niðr¹⁵ af alþýðu. Ok i minning þessarrar ferðar ok skirnar Pals postola þæ er honum halldinn messudagr eptir iol, er Conversio Pauli er kallaðr æ³⁵

1 [sagði sva, at hann B. 2 tilf. B. 3 [biðr fyrir ser B. 4 [getit þessa mannz B. 5 yðrum B. 6 er B. 7 [þa, er hann vissi B. 8 þu B. 9 sporna B. 10 vilia ok tilf. B. 11 tækir B. 12 [fyrir mina B. 13 [hreistr hefði verit, þat er fyrir hefði B. 14 mgl. B. 15 [niðr lagðiz nafn Sauli B.

latínu, þat kaullum ver snuningardag a vara tungu. En sva segia helgar ritningar¹, at þæ er hann reið til Damaskum ok roddin kom yfvir hann af himnum, at hann einn heyrði þæ raudð, en eigi þeir er með honum voru, [en andsvorin sialfs hans heyrðu þeir
5 er við voru², eptir því sem hann vattar sialfr: Qui mecum erant, lumen quidem viderunt, vocem non audierunt eius, qui loquebatur mecum. Þetta þyðiz sva: þeir menn er með mer voru, þæ er ek for til Damaskum, þæ sa þeir liosit, er yfvir mik kom, en eigi heyrðu þeir rauddina þess³, er við mik talaði. En þessi atburðr,
10 er Pall postoli kom til retrrar truar, segia sumir, at væri⁴ æ auðru æri eptir pisl várs drottins, en sumir kalla æ hinu sama æri. Ok er su grein i, at arið er hafvit at bokmali enn attas dag iola, ok er þæ affliðit þat [sama arið⁶, er drottinn varr var pindr a, þegar er kemr⁷ enn atti dagr. En sumir hyggia at
15 því, at drottinn varr var pinndr a Mariu messu, þæ er optazt berr æ langafaustu, ok hefia þeir þar⁸ hvertt ær æ þeim degi, er hann var pindr æ, ok at þeira arataulu þæ snerizt Pall postoli a hinu sama æri ok drottinn var pindr.

6. Ok eptir þat er Pall var skirðr af Annania, þæ tok hann
20 fæzlu⁹ ok styrkðiz dag fra degi, ok geck þegar i þinghus Gyðinga ok a fiolmenna fundi ok boðaði opinberliga [retta tru¹⁰ at trua æ Jesum Krist, ok var um stundar sakir i Damasko með lærisveinum þeim sem þar voru. Ok er hann talaði berliga a stefnum Gyðinga, þæ urðu Gyðingar ottafullir ok ihuga ok ræddu sin i
25 milli, hvart eigi væri sa allr einn, er þangat var sendr af Jorsalaborg til þess at taka þæ alla haundum, er a þetta nafnn kaulluðu¹¹, er nu boðaði hann sialfr, ok leiða með svivirðingu til Jorsalaborgar. Ok þæ er þeir tauluðu þetta moti Pali, þæ var hann þess at stauðugri i moti, ok sannaði, at sæ væri guðs son, er Gyðingar
30-[hofðu pindan¹². Ok þæ er þeir sæ yfvir, at þeir mattu eigi sigra hann með sannendum, ok þeira svivirðing ox¹³ avallt því helldr, er þeir tauluðu fleira, þæ reidduz þeir ok giorðu þat rað at setia varðhallzmenn fyrir aull borgarhlið, sva at hann mætti hvergi a brut komaz, en ætluðu um morgininn eptir at ganga at
35 ok drepa hann. Vurðu þæ lærisveinar varir við ok toku þat rað, at þeir letu hann siga fyri borgarvegginn ofvan i einum vandlaupi, ok komz hann sva undan ofriði.

1 bækr B. 2 [tilf. øvr. 3 þa C. 4 verit hafi B. 5 attanda C.

6 [mgl. B. 7 kom B. 8 þa B. 9 I de baptismo(!) tilf. C. 10 [mgl. B.

40 11 kallade C. 12 [tilf. øvr. 13 vóx B.

Ok¹ er her umræða², hvi hann³ skyldi flyia, þar sem boðit er lærðum maunnum, at þeir [skolu sik setia styrkia vörn i moti agangi⁴ vandra manna. Ok er su her orlausnn [gefvinn af helgum feðrum, at þeim maunnum, er sitia i sætum⁵ postolanna eða⁶ kenna maunnum retta tru, hvart sem þat er með orðum [eða i goðum⁷ 5 dæmum lifs sins, at⁸ fleiri vega er flottinn kallaðr en einn veginn⁹, ok er sumr rettr en sumr eigi¹⁰. Heitir miskunnarflotti ok ræzlufloitti ok leigumanzflotti. Ok hafði Pall postoli miskunnarflottann ok giorði eptir dæmum vars drottins, er¹¹ flyði a Egiptaland undan ofriði Herodis konungs, til þess at gefa auðrum dæmi, at þeim¹² væri heimillt¹³ 10 at flyia undan ofriði vandra manna, ef þeira lif lægi¹⁴ við sialfra, ok biða sva, ef su stund kiæmi¹⁵, er þeir villdi riða æ vit¹⁶ sin siðarr, ok þeir hefði eigi sva mikinn þunga af sinum glæpum¹⁷ annars heims, sem þæ mundi, ef þeir hefði þat nað at fremia, er þeim lek i skapi, eða hitt ella, at maðrinn se nytsamligri i auðrum 15 stað folkinu til hialpar, en þar sem þæ er hann kominn. Ok heitir þetta miskunnarflotti, ok flyði fyrri þessa sauk Pall postoli brutt¹⁸ or Damasko. En leigumanzflotti er þat, sem drottinn segir i guðzspiallinu, at hann flyr því fra hiorðinni, at hann ætlar sinn skaða eigi sva mikinn i, sem reyndar er, ok hann þickiz 20 hafva reyfvinn¹⁹ af sauðunum, þat er fiarlutrinn, sa er hann girniz at hafva af folkinu [um fram um þat²⁰, sem rett er, ok lætr hann því falla guðs erendi ok fiarrvistar²¹ sik. Ok hinn þriði flottinn er flestum kunnigr, er þeir koma a raunarvaullinn, hvat ræzlan vinnr at. Ok lykr þar, at rett er at flyia ok undan at æra²², ef [lif 25 sialfs liggir við²³, en eigi, ef a liggir ofriðr kristninni ok neykiz²⁴ hennar almenniligr rettr við.

7. Eptir þat for Pall postoli til Jorsalaborgar ok fann þar guðs postola ok lærisveina. Ok truðu þeir eigi fyrst rettingu hans ok villdu litit samvelldi²⁶ við hann eiga, allt þar til er Barnabas 30 kom a fund hans, ok sagði Pall postoli honum allan vauxt a sinni ferð. Ok þæ gengu þeir baðir postolarnir æ fund Petrs

1 Nu B. 2 aa tilf. B D. 3 Pall postoli B. 4 [seti sik styrka i vörninni ok i motgangi B. 5 [heilagra feðra, at þeir menn, er sitia i sessum B. 6 at C. 7 [einum eða B. 8 saal. B, C; ok A. 9 veg B. 35 10 rangr B. 11 hann tilf. B. 12 þat B. 13 rett B D. 14 liggir B; liggi C. 15 yfir tilf. B. 16 saal. øvr.; vitz A. 17 syndum B. 18 braut B. 19 reyfit B C. 20 [um þat fram B D; umfram þat C. 21 saal. A B; fiarrvistar C D. 22 leita D. 23 [ef sialfr liggir i veði B. 24 hneykiz øvr. 25 samhelldi D. 40

postola ok [tiaði Barnabas fyrir¹ þeim² alla [hans ferð³ til Damaskum, ok þau tíðendi er þar [haufðu giorzt⁴, ok hverssu hann komz a brut or haundum Gyðinga. Ok toku þeir þæ við honum astzamliga þeir Petr ok allir⁵ guðs lærisveinar, ok tok hann þegar berliga kenningar at kenna. Ok nockuru siðar þæ vitraði guð [þat postolum⁶ af gipt heilags anda, at þeir færi [baðir samt brut or Jorsaulum Pall postoli⁷ ok Barnabas, ok sa maðr er Johannes het ok auðru nafni Marcus, ok nockurir fleiri lærisveinar með þeim, ok foru⁸ þæ til Girklandz⁹ eyia ok um þau laund, er næst lagu Gyðingalandi.

Þæ er þeir komu til Paphum, eyiar þeirar er sva heitir, þæ var þar fyrir iarll sa er Sergius Paulus het. Hann var rikr maðr, hann hafði með ser gyð'ng einn, sa het Bariu¹⁰ eða Elimas, fyr því at hann var fiolkunnigr. Þæ toku þeir at predica guðs erendi Paulus ok Barnabas, ok fanz folkinu mikit um, er heyrðu orð þeira, ok villdi iarllinn giarna hlyða þeira fortaulum. [Þæ aftalði hann þat allt¹¹ Bariu¹⁰ hinn fiolkungi ok sagði, at þeir færi [eckir nema með falsi, ok aflatti¹² iarllinn at hlyða æ. Enn er Pall postoli heyrði þetta¹³, þæ mællti hann til¹⁴ hins fiolkunga: „Heyr þu, er fullr ertt af flærð ok svikum[, diofuls son¹⁵, ovin allz rettlætis, þu setz¹⁶ eigi at ganga i moti almatkum guði. Nu fyrir þat sama þæ komi guðs kraptr sæ yfvir þik, at þu verðir nu blindr a þessi stundu ok nair alldri sol ne aðra luti at sia, meðan þu lifir.“ Þæ fell su guðs reiði æ hann þegar, er postolinn hafði þetta mællt, at hann var leiðibindr¹⁷ alla æfvi siðan. En Sergius Paulus tok skirnn ok retta tru af kenningum Pals postola, ok fyr því at hann hafði sigrat þann enn fiolkunga mann en giortt rettruaðan Sergium, þæ bað iarllinn, at siðan væri postolinn¹⁸ kallaðr Paulus en eigi Saulus i minning þeirar miskunnar, er iarllinn hafði af honum hlotið¹⁹. En Origenis segir, at Saulus þyðiz²⁰ ofriðarmaðr en Paulus litilatr, ok er þæ sem fylgi spasagan Jacobs²¹ nafnaskiptinu, er hann nefndi hann varg æ unga alldri, en hann varð æ efra alldri sva miukr sem lamb ok sva litilatr,

1 [tiaðu C. 2 honum C D. 3 [ferð Pals postola D. 4 [gerðuz B.
5 aðrir B. 6 [Pali postola B. 7 [brott or Jorsalaborg Petrus ok Paulus B. 8 þeir tilf. B. 9 Gricklandz øvr. 10 Barium B, Barin C, Bario D. 11 [Þat aftalði B D. 12 [með falsi einu ok latti B. 13 tilf. øvr. 14 Elimas tilf. B. 15 [diofuls ok B. 16 svifz B. 17 leiddr bindr B, blindr D. 18 hann B. 19 fengit B. 20 er B.
21 Jacobi i B.

at hann kallaði sik minztan allra guðs postola, fyr því at hann hafði ofrið giortt guðs lærisveinum æ unga alldri.

8. Eptir þat foru þeir Paulus ok Barnabas i þann stað er Listris heitir. Ok þæ er Pall kendi þar kenningar, þæ var við stadreinn siukr¹ maðr, sa er alla æfvi hafði halltr gengit ok alldri; staðit æ retta fætr, ok af Pals orðum þæ tok sa maðr tru. Ok er postolinn skildi hans vilia², þæ mællti hann til hans: „I nafni drottins Jesus Kristz statt upp a retta fætr ok gack.“ Ok þegar er hann hafði þat mælt, þæ varð sæ heill. En er folkið sæ [þessa iarteignn³, þæ kallaði allr lyðrinn: „[Guð eru higat komin¹⁰ til var i manna likneskium⁴.“ Ok kolluðu þeir Barnaban Þor, en Paulum Merkurium, þat kaullum ver Oðin. En Barnabas var þeira ellri. En eptir atrunaði heiðinna manna þa fylgðuz þeir iafnan Þorr ok Oðinn. En því kaulluðu þeir Pal Merkurium, at Mercurius hafði verið allra manna sniallaztr⁵, ok truðu þeir, at¹⁵ hann giæfvi hverium manni snilld, er hefvir. Ok þyða sumir Mercurium sva sem tulk, en sumir sem meðalfaranda tungu ok eyrna, sva sem [snilldin rennr fram⁶ af tungunni oc til eyrna þeira, er æ heyra. Ok blotkennimaðr, sæ er yfvir var því folki, [þæ let hann⁷ flytia þangat yxnn⁸ ok hafra, ok dyrðligar koronur²⁰ [ok klæði⁹, ok villdi setia æ haufut þeim Pali¹⁰ oc Barnabe, ok siðan færa þeim fornir sem skurðgoðum. En er þeir Paulus¹¹ sæ þat, þæ rifu þeir af ser klæði sin ok kaustuðu molldu yfvir haufut ser, sem vandi var til Gyðinga folks, þæ er þeir heyrðu guðlastan mællta eða giorfva. Siðan kendi Paulus þar kenningar. Ok er²⁵ hann hafði dvaliz um hrið, þæ komu Gyðingar af þeiri borg, er Antiochia heitir, ok veittu umsatis postolanum¹² með fulltingi borgarmanna, ok toku hann haundum ok grýttu hann utan borgar, sva at þeir þottuz hafa banað honum. Ok er þeir [voru a¹³ bruttu, þæ komu lærisveinar hans at vitia hans ok fundu lif með³⁰ honum ok baru hann i sin herbergi. Ok litlu siðarr raknar hann við ok styrkiz, ok þæ ferr hann þaðan a brutt með sina lærisveina hina saumu leið um Girklanz¹⁴ eyiar, sem hann hafði [þangat farit¹⁵, ok [kom i Antiochiam ok dvalðiz¹⁶ þar um hrið.

¹ siukvr A. ² aa guð at trua tilf. C. ³ [þær iarteinir B; þetta C. ³⁵

⁴ [Guðar eru hingat komnir i manna likium B. ⁵ malsniallaztr B. ⁶

[skilning rennr B. ⁷ [let B. ⁸ uxa B. ⁹ [mg]. C. ¹⁰ Paulo B C.

¹¹ Pall ok Barnabas B. ¹² Pali B. ¹³ [foru i B. ¹⁴ Gricklandz

B C. ¹⁵ [saal. øvr.; þannog komið A. ¹⁶ [komu i Antiochiam ok

dvölduz þeir B.

9. Ok nockuru siðar komu menn af nalægum heruðum við Jorsalaborg, [ok voru kristnir¹ ok kaulluðu skylt at hallda Moyses laug með kristnum sið. En Paulus mælir i moti, ok kom þar þeira deilu, at þeir skutu sinu mali til Petrs postola oc Jacobi
5 postola, er þæ var byskup i Jorsaulum, at þeir skylldu or slita. Ok þæ er hvarirtveggju komu fyrir þæ i Jorsalaborg, þæ attu postolar þing, ok dæmðiz þat, at eigi skyllði þann þunga leggja æ þæ menn, er a drottin Jesum Krist truðu, at þeir skyllði lagasetningar hallda, þær sem boðnar [haufðu verit² i Moyses
10 laugum, fyrir utan tiu laga boðorð, þau sem almattigr guð hafði sialfr æ tveim tabolum fengið Moysi i haund. Ok eptir þat þæ ritaði³ Jacobus postoli, fyr því at hann var byskup at Jorsaulum, bref til þeira manna, er tru haufðu tekið af heiðnum maunnum, ok bauð þeim fíogurra [luta at giæta⁴, at þeir skylldu
15 eigi blota, ok varna við hordomum, eta eigi [þat er hrátt var eða⁵ drecka bloð, ok eigi nyta þat er svidda lægi⁶ eða þat er kafnaði nockurs kostar. En því var blotið fyrirboðit, at sæ laustr hafði mest gengit yfvir alþýðu heiðinna manna; en því hordomrinn bannaðr, at þeir skilðu ecki af, at þat væri synð, er nattura⁷
20 fysti til; en því hraætið eða bloðit at drecka, at heiðnir menn voru því vanir, þæ er þeir blotuðu skurðgoðum sinum, at [þeir drucku þat bloðit, er þeim⁸ var i fornn færtt, ok þotti [litils vertt⁹ manndrap¹⁰, ok voru því ok giarnir bloðs uthellingar. En um þat er fæst rætt, hvat til helltt, er þeir baunnuðu þat, er
25 kyrktt eða kiæft¹¹ væri, at eta eða nyta¹². Ok þæ foru þeir Pall postoli oc Barnabas með þessum brefum aptr til Antiochiam ok haufðu mickla þauk af þeim maunnum, er [þar voru fyrir, ok¹³ eigi voru fleiri lutir en fiorir til viðvarnanar¹⁴ settir þeim maunnum, er¹⁵ nyliga haufðu truna tekit. Ok eru her dæmi til
30 þess, at i aundverða kristni a hveriu landi hefvir eigi verið sva stritt a lagtt i fyrstu, at eigi mætti¹⁶ grundvallaz guðs kristni fyr striðleika¹⁷ sakir, fyr því at menn nenntu¹⁸ eigi undir at ganga, ef sva fullkomliga væri boðið i fyrstunni, sem [vera æ¹⁹, þæ er menn koma²⁰ [sannri skilningu²¹ æ guðs boðorð ok reyntt
35 er, hvat bera²² mæa.

1 [mgl. B. 2 [voru B. 3 gerði B. 4 [laga mest at geyma B. 5 [hrátt ne B. 6 væri C. 7 natturan B C. 8 [þa drucku þeir bloðit, er þat B. 9 [engis vert um B. 10 saal. øvr.; manndrap A. 11 kafit B. 12 neyta B. 13 er C. 14 viðvaurnunar C. 15 [mgl. B D. 16 standa ok tilf. B. 17 stirðleika B. 18 nenti B. 19 [vera ætti B D; mgl. C. 20 komu B. 21 [saunnum skilning C. 22 betra C.

10. Eptir þetta for Paulus¹ um hinar næstu borgir Anti-ochie. Ok² bar sva i moti, at einhveriu³ sinni þa er hann kom i Antiochiam, þa var þar fyrir Petr postoli ok ætlaði ferð sina til Jorsalaborgar, þvíat menn voru komnir i moti honum af Jorsalaborg, ok gekk Petrus þar til borz með þeim. En þeir⁴ 5 villdu þa eina fæzlu taka, er af Jorsaulum voru komnir, er leyfð var i Moyses laugum, at⁵ eta eigi svinaflicki⁶, ok virðu þeir sva, [er af heiðnum maunnum voru til rettrar truar komnir⁷, at Petrus samþyckti⁸ þa lagahalldinu en eigi þeim sið, sem⁹ hann hafði aðr haftt, en hinir kiæmi¹⁰. Þa geck Paulus æfiolmenna stefnu, 10 sva at Petrus var við staddr, ok sagði [berliga, at þat atti¹¹ eigi at vera, at kenna auðruvis þeim maunnum, er af heiðnum þjóðum voru komnir, helldr¹² en Gyðingum¹³. Ok getr hann¹⁴ þessa atburðar i [einum pistli¹⁵ sinum ok mælir sva: Cum [venissem Cephas¹⁶ Antiochiam, in faciem eius restiti. Þat mælir sva: Þa 15 er ek var kominn i Antiochiam, þa sagða ek Petro i augu upp, hvat er rett var. En Jeronimus segir sva, at Petrus giorði þat, fyr því at hann villdi eigi briota þeira manna sið, er hann skyllði fara með, ok af því yrði minni avauxtr at¹⁷ hans ferð, at þeir setti þegar sinn hug við honum. 20

11. Saa atburðr [varð einn¹⁸ nockurum mun¹⁹ siðarr, at þeir skilðu²⁰ Paulus ok Barnabas, fyr því at Paulus villdi eigi þann mann i foruneyti með þeim, er Johannes Marcus hét, en saa var skylldr frændi Barnabe²¹, ok villdi hann i ferðina með þeim. En Pall postoli gaf honum þat at sauk, at hann hafði niðr lagtt at 25 predica guðs erendi fyr likamligs²² otta sakir. En Barnabas villdi þo eigi fyrllata hann, ok skilia þeir af því Paulus ok Barnabas. En þo [ræða sva helgir feðr um²³, at eigi væri þat fyr sakir [ne eins²⁴ hatrs þeira i milli, helldr fyr þess²⁵ sakir at guð villdi, at viðara nyti þeira kenninga, er i sinn stað for hvarr. 30 Ok for þa Pall postoli um Syrland ok Ciliciam, ok um þann stað er Derben heitir, ok kom i Listram ok fann þar þann mann,

1 Pall postoli *B.* 2 *saal. øvr.*; at *A.* 3 einu *B C.* 4 *saal. øvr.*; þat *A.* 5 en *B C*; en þat var at *D.* 6 svinaflesk *B D*; svinafleske *C.* 7 [sem komnir voru af heiðnum þjóðum *B.* 8 samþycktiz *øvr.* 9 er *B.* 10 komu *B.* 11 35 ætti *C D.* 12 *mgl. C D.* 13 [at þeim ætti ekki auðruvis at kenna, er af heiðnum þjóðum voru, en hinum er af Gyðingum voru *B.* 14 Pall postoli *B.* 15 [pistola *B.* 16 [saal. *A*; venisset Cepham *C*; venisset *B*, venissem *D.* 17 af *B.* 18 enn *C*; *mgl. D.* 19 [gerðiz nockuru *B.* 20 skilþuz *B*; skildu foruneyti sitt *D.* 21 Barnabas *B.* 22 likams *B D.* 23 [ræða 40 sva helgir feðr *B.* 24 [neins *C*; nockurs *D*, *mgl. B.* 25 þær *B D.*

er Timotheus het. Ok var hann eckiu son einn¹, ok var hun af Gyðingakyni, ok var faðir hans heiðinn, ok hafði Timotheus tekit retta tru. Ok vigði Pall postoli hann til byskups yfvir því folki ok leyfði, at hann væri skirðr umskurðarskirnn aðr, fyr [því at² hann
5 var yfvir þat folk settr³, er umskurðarskirnn hafði⁴. Ok er þar umræða, hvi hann leyfði Timotheo umskurðarskirnn, en hann bannaði Tito lærisveini sinum, at hann tæki umskurðarskirnn, þæ er hann vigði hann til byskups. En þat helt til, at hann⁵ var yfvir þat folk settr, er komið var fra [heiðnum
10 þjóðum⁶, ok villdi hann hvariga styggja, þæ er þeira undirmenn voru. En i sinni byskupssyslu⁷ þotti Paulo Timotheus helldr⁸ harðr en Titus til linr, ok ritaði hann sinn pistil⁹ til hvars þeira ok avitaði Timotheum um striðleikinn en Titum um linleikinn. Ok er her dæmi til þess, at hvartveggja kann [verða
15 ok¹⁰ bæði botþarfva¹¹, ef maðr er of striðr eða oflinr¹².

12. En eptir þat þæ¹³ for Pall postoli i þann stað, er Misiam heitir, ok þaðan til þess staðar, er Philippus heitir¹⁴, ok kenndi þar kenningar. Ok i einhverium stað, [þar sem Pall postoli for ok kenndi kenningar ok sneri folki til rettrar truar¹⁵,
20 þæ bar sva [i moti¹⁶, at miok marga daga geck ein mæ eptir þeim, su er hafði spaleiksanda ok sagði ooröna luti fyrir, ok mællti hit sama hvertt sinn, er hun sa Pal postola: „Þessir menn eru þionostumenn hins hæsta guðs.“ En er sva hafði gengit miok marga daga, þæ sneriz Pall postoli i mot henni ok mælti:
25 „Ek byð þer, hinn ohreini andi, er með meyi þessi¹⁷ byggir, at þu flyir i brutt fra henni i nafni drottins Jesus Kristz.“ Ok þæ er hann hafði þetta mælt, þæ flyði andzskotinn fra henni, ok hurfu þegar allar sparnar¹⁸, er hann var a bruttu. Fyr því at þat er nattura sumra andzskota, at [þeir vitu¹⁹ fyrir ooröna luti, til
30 þess at þæ megi þeir framarr svikia menn en aðr, þæ er þangat²⁰ hafva ætrunað, ok er þat kallaðr phitons andi. Ok með þessum fiandans krapt²¹ feck Saul konungr til konu eina at lata sitia a leiði Samuelis spamannz, ok syndiz fiandinn Saul i likneski²² Samuelis ok sagði honum fyrir ooröna luti. En Samuel var eigi

1 mgl. B. 2 [þat er B. 3 skipaðr B. 4 tekit tilf. C. 5 Titus B.
35 6 [Beniamin B D. 7 byskupsstiorn B. 8 of B. 9 pistola B C. 10 [at verða ok er B. 11 botþurfa C. 12 oflinnr A. 13 mgl. B. 14 er kallaðr B C. 15 [þeim er Pall postoli kom ok sneri mörgum lýð til rettrar truar ok kendi guðs orð B. 16 [til B. 17 saal. øvr.; þessu A. 18 fra henni tilf. C. 19 [vita B. 20 þann veg C. 21 krapti øvr. 22 liking B.

uppkveykör¹, sem Saul syndiz. En er sparnnar voru fra meyiunni, þæ gafu sauk þeir menn æ, er hun hafði ambatt verið, fyr því at þeir hauðu fe [til tekit, at hun segði maunnum oorðna luti fyrir², ok toku haundum Pal ok Silam með honum, ok borðu ok settu siðan i myrkvastofu. En um nottina þæ³ kom landz- 5 skialpti mikill yfvir myrkvastofuna, sva at [upp hraut myrkvastofvan⁴. Ok myrkvastofuvaurðrinn, sa er giætti, vaknaði ok sa [myrkvastofuna optna⁵ ok ætlaði þæ [i brutt laupna, er i myrkvastofuna voru settir⁶. Þæ bra hann sverði ok villdi tyna⁷ ser sialfr, fyr⁸ því at hann vissi, hver harmkvæli mundu at honum 10 færð af þeim, er hann hauðu til settan at giæta myrkvastofunnar. Þæ [kallaði Pall æ hann ok mællti: „Drep þu þig eigi, fyr því at ver erum her.“ Þæ geck hann inn i myrkvastofuna ok fell til fota þeim Paulo ok Sile⁹ ok bað ser liknar. „Tru þu a Jesum Krist, sagði Paulus, ok muntu liknn fæ.“ Ok eptir þat tok hann 15 skirnn ok aull hion¹⁰ hans, ok leiddi þæ Paulum i sin herbergi ok gaf þeim [at eta¹¹. Eptir þat sendu rikismenn¹² til hans ok baðu hann lata þæ [fara, hvert er þeir villdu, með því yfvirbragði at þeir hefði leyntz a bruttu¹³. En þæ svaraði Pall postoli: „Sva skal eigi vera, fyr því at þetta skal koma fyr Romveria, fyr 20 því at ek em¹⁴ romverskr.“ Ok kom þar, at hinir baðu [hann æ brott at fara¹⁵. Ok fyr því at hann¹⁶ sa, at þar matti eigi at sinni at hans kenningum meiri avauxtr verða, þæ for hann til þess staðar, er Thessalonie heitir, oc kendi þar kenningar, ok var i þess manz husi, er Jason het. Ok er hann hafði verit þar nær 25 þrim vikum¹⁷, þa sofnuðuz saman aufundarmenn hans, Gyðingar þeir sem þar voru, ok komu til herbergis Jasonis ok villdu taka Paulum haundum ok fundu hann eigi. En husbuanda hans ok annan mann með honum leiddu þeir fyr hauðingia, þæ er yfvir borginni voru, ok gafu þeim¹⁸ sakir, at Jason hefði tekit þæ 30 menn i herbergi sitt, er boðuðu¹⁹ annan konung en keisara ok 20 þann yfvir aullum. En Jason bauð sannendi fyr sik, ok let [þæ a brutt farna ok kvaz vilia²¹ bæta sliku, sem hinir villdi. Ok

1 kveykör B; uppkveyrðr C. 2 [tekit aa spaasógum hennar B. 3 mgl. B.

4 [hun upp fauk B. 5 [hana opna B. 6 [aa braut mundo hlaupna, 35 er þar voru inni B. 7 tapa B. 8 mgl. øvr. 9 [sa hann þa Pal ok

Silam þar vera ok fell til fota þeim B. 10 hiu B. 11 [mat B. 12 boð tilf. B. 13 [i brott fara, ok at þeir kvæmiz sem lengz fra þeim B.

14 nu tilf. B. 15 [tilf. B; fra Ok kom þar hertil mgl. C. 16 Paulus C.

17 vetrum B. 18 þær tilf. B. 19 buðu B. 20 kólluðu tilf. B. 21 [ek 40 þa i brott fara, ok letz villdo B.

gafu þeir Jasoni fararleyfvi, hvertt er hann villdi, ok hans felaugum.

13. En Paulus ok Silas foru þegar i brutt i þann stað, er Derben¹ heitir, ok þaðan til borgar þeirar, er Athenis heitir, [ok
5 þæ var hofutborg ein agiætz a Girklandi², fyr því at þar voru skolar halldnir af aullum iðrottum ok³ mestir spekingar i aullu Girklandi. Þar hellt þæ skola sa maðr, er Dionisius het, ok kallaðr ariopagita at kenningarnafni, ok kendr við garð þann, er [stoð i hof Tyss, er blotaðr var⁴ til þess, at maðr⁵ hefði sigr i
10 bardaugum, ok var þar⁶ sæ lutr borgarinnar⁷ við kendr, er Dionisius var fæðingi⁸, ok var⁹ þar sva mikil¹⁰ blot, at naliga i hverium garði stoðu hof, ok þeim guðunum garðarnir kendir, er þar voru blotuð i hofunum. Siá¹¹ hinn sami Dionisius hellt þæ skola i¹² Athenis, er várr drottinn var pindr a krossinum helga.
15 Ok þæ er fyrir dro solina fra [miðdegi ok¹³ til nions, þæ kom [þat myrkr um allan heim¹⁴, sem guðzspiaull vatta. Ok er af leið myrkrið, þæ attu spekingar tal með ser i Athenis, þeir er bazt¹⁵ kunnu a stiornubok, ok skilðu, at þat hafði eigi orðit af natturu himintungla, ok varð [eingi orlausnn af þeim¹⁶, hvat til mundi
20 hallda. Þæ mælti Dionisius, er fremstr var þeira i aullu viti ok atgiorfvi: „Eigi veit ek, hver stortiðendi [þæ hafva giorzt¹⁷, er himintunglin hafva þetta af ser sýntt, en ef þat mætti vera, er eigi man¹⁸ vera, at naturuguðit væri pintt, þæ væri mer slikra merkia ván, at skepnan mundi af ser syna.“ En eptir þessi hans
25 orð þæ var þat til¹⁹ raðs tekit, at hof var giortt ok þar altari, ok ritat yfvir uppi, at þat var helgat ok eignað ignoto deo, þat þyðum ver okunnum guði. En er Paulus kom i þat sama hof, þæ hóf hann þar upp kenning sina ok tiaði þat, at drottinn Jesus Kristr hafði æ þeiri saumu stundu pindr verit, sem²⁰ fyr solina
30 hafði dregit friadaginn langa, ok letz²¹ þess nafnn boða, er þeir haufðu þat hús gefvit, ok sneri morgum monnum til rettrar truar af þeiri²² kenningu. Einn²³ Dionisius mælti við²⁴. Ok dvalðiz Pall postoli i borginni [eina .xii. manuðr²⁵, ok geck hvernn dag

1 Betriben C. 2 [Su var hófuðborg hin aagiætazta aa Gricklandi B.
35 3 þar voru tilf. C D. 4 [hof þat stoð i, er goð voru blotuð D. 5 menn B D. 6 mgl. øvr. 7 þar tilf. D. 8 i tilf. B. 9 voru C D. 10 mikit B. 11 Sa øvr. 12 tilf. B D. 13 [miðium degi B. 14 [myrkr yfir iorðina B. 15 bezt B C. 16 [eigi orlausn B. 17 [at hafa boriz, þau B. 18 ma C. 19 mgl. B. 20 er B. 21 kvaðz B. 22 sinni B.
40 23 En C D. 24 i moti B. 25 [.xii. manaði eina B.

til skola Dionisij ok disputaði¹ við hann um truna. Ok varð i aullum stauðum sva þæ sem nu, at hinir vitrari menninir² toku seinna við [nybreytninni eða trunni³ en alþýðan, fyr því at su er⁴ grein i milli kristinna manna ok heiðinna spekinga, ok⁵ kristnar bækr ok helgir kennifeðr bioða, at fyrst skal trua, en síðan reyna þat er⁵ maðr truir aðr⁶, en heiðnir menn ok þeira ritningar bioða, at fyrst skal reyna, en síðan trua, er reynt er. En er þeir Paulus ok Dionisius disputuðu⁷ hvern dag um truna, þæ sæ hvarveggi⁸ um annan, at afbragzmaðr var fra því sem annat folk. Ok sva tok Dionisius bratt at unna Pali, at hvertt kveld aðr þeir skilði¹⁰ sitt tal, þæ mælti Dionisius: „Skalli, kom þu æ morgin.“ Ok er her visat til þess, at með Gyðingum munu⁹ lesnar hafva verit þær .vii. hofutiðrottir, er¹⁰ mestr klerkdomr er i, fyr því at Dionisius kunni þær allar, en Paulus disputaði við hann, er þæ kunni bezt dialecticam þeira manna, er þæ voru i Athenis. Ok¹⁵ er hvargi þeira hafði annan yfirstiginn¹¹ fyr sakir iðrottarinna innan einna xii. manna, þæ bar sva i moti einn dag, at þeir stoðu baðir samt fyr [skola Dionisii¹², ok geck at þeim blindr maðr, sa er leingi hafði þat mein haft, ok ræddi Dionisius til Pals, at sa maðr væri almikill¹³ aumingi. Ok þæ spurði Paulus²⁰ Dionisium, hvartt hann mundi trua a Jesum Krist, ef sa maðr tæki syn i hans nafni. En Dionisius svaraði: „Ef ek ræð fyrir, sagði hann, hvattu¹⁴ skallt mæla, ok segir þu eigi fleira til hans, en ek mæli fyrir, þæ man ek trua, ok skal ek heyra hvertt orð er þu mælir.“ Þæ svaraði¹⁵ Paulus: „Hvat villtu [mæla lata¹⁶.“²⁵ „Þessi orð, sagði Dionisius: i nafni Jesus, þess er borinn var fra Mariu¹⁷ i Bethleem, ok kendi kenningar a Gyðingalandi, ok var krossfestr at domi Pilati iarlis, ok reis af dauða æ þriðia degi, ok steig til himna, eptir því sem guðspiaull segia, ok sitr nu [a hægra veg¹⁸ guðs fauður almattigs, tak þu syn þina.“ Þæ svaraði⁰ Paulus: „Mæl þu sialfr þessi orð ok seg mina orðsending til.“ Þæ geck Dionisius at hinum blinda ok sagði, at Paulus hafði¹⁹ sendan hann þangat at mæla [þeim orðum²⁰, sem aðr var sagtt. Ok þegar er hann²¹ hafði lyctað²² þessu erendi, þæ tok sa²³ syn

1 disputaði B. 2 menn B C. 3 [nyiungunni B C. 4 var B. 35
5 at B. 6 mgl. B. 7 disputaðu B C. 8 hvarr B. 9 muni B.
10 at B. 11 yfirstigit B C; sigrat D. 12 [skoladurum B D. 13
mikill^{ovr.} 14 hvat þu ^{ovr.} 15 spurði B. 16 [ek mæla B. 17 meyi
tilf. B. 18 [til hægra vegs B. 19 hefði B. 20 [þessi orð ^{ovr.} 21 Dio-
nisius B. 22 lokit B C. 23 hinn blindi B.

sina, ok lofuðu allir guð, er þessa iarteignn sæ eða heyrðu. En sva segia helgir feðr, at Dionisius hafvi þo fyrr truað Pals kenningum i hugnum, þott [nu giorði hann¹ bertt fyri folkinu. Ok toku þeir þæ baðir at kenna kenningar þaðan ifra. Ok þa vigði
 5 Paulus Dionisium til byskups yfvir borgina, aðr hann færi² i brutt. En til marks, hverssu mikit vit ok skilning almattigr guð hafði gefvit spekingum heiðinna manna, þæ er þat sagtt, at i hofvinu, því er fyrr var fra³ sagtt, at þeir haufðu giort okunnum guði, þæ villdi alþýða færa blot fram. En þeir saugðu spekingarnir, at
 10 natturuguð þurfti⁴ engar fornir at þiggia likamligra luta, en þeir skylldu hann dyrka með knefalli ok astriki hugskozins.

14. En er Paulus hafði lengi dvaliz i Athenis, þæ for hann þaðan til Chorinto ok kenndi þar kenningar, ok tok herbergi með þeim manni er Aquila het, en kona hans het Priscilla. Þau voru
 15 bæði Gyðinga ættar ok vinir miklir Pals postola. En fra atferð Pals postola [(er) at segia hversdagliga, at hann skipti⁵ sva dægrunum⁶, at hann saung tíðir⁷ ok predicaði folki miok sva til miðdegis⁸, en þaðan ifra var hann æ bæn sinni einn fiorðung dags⁹, en siðan vann hann til atvinnu ser ok villdi eigi alaz a auðrum¹⁰, at hann ynni
 20 ecki til. Ok er þat sagtt, at hann hafði þæ iðn mest¹¹, at hann giorði landtiolld ok [þær taugir til sem þar þurfti¹², ok þesskonar iðnn hofðu þessi hion Aquila ok Priscilla.

15. Af kenningum Pals postola i þessi borg þæ toku margir menn retta tru, ok þinghusshaufðingi sæ er Crispus het. Ok þess
 25 getr Pall postoli i sinum pisli, er hann ritar til þeirrar borgar, fyr því at hann hafði spurtt, at þar var mikil deila a milli manna um skirnina sialfva, hvart hun væri iafnheilug, af hverium sem tekin væri, [eða eigi¹³. Ok fyr því at honum þottu¹⁴ þeir ifvazt i, þæ ritaði hann sva: „Þackir giori ek guði, at¹⁵ ek hefvi
 30 engan mann skirtt¹⁶ með yðr nema Crispum ok Gaium.“ En þeir haufðu aðr hrosat því borgarmenninir¹⁷ ok i þeim heruðum, er þagat lagu undir: „Ek em skirnarson Pals postola, en þu ertt skirnarson Barnabe, ok er þat minna,“ ok nefndu¹⁸ marga ut ifra, þæ er skirtt¹⁹ haufðu.

35 1 [hann gerði þat eigi B. 2 saal. øvr.; fær A. 3 tilf. øvr. 4 saal. øvr.; þyrpti A. 5 [hversdagliga at segia, þa skipti hann øvr. 6 deginum øvr. 7 sinar tilf. øvr. 8 miðsdags B. 9 mgl. B. 10 sva tilf. øvr. 11 fyrir hendi tilf. B. 12 þyrpti A; [þar taugir ok bunat sem til þurfti at hafa B. 13 [mgl. B. 14 þotti B C. 15 almatkum, því at B. 40 16 skirðan B. 17 fyrir borgarmönnum B. 18 tilf. øvr. 19 skirz B.

16. Ok þæ er hann hafði þar nockura hrið verit, þæ risu Gyðingar i moti honum, ok toku þeir hann haundum. En aðr um nottina hafði drottinn vitraz Paulo ok bað hann diarfliga [flytia sin¹ erendi, „þvi at þinir motstauðumenn munu [ecki mega giora þer til grandz².“ En hann var leiddr fyrir haufðingia þann⁵ er Gallio het, er þar var³ yfir Achaia⁴, er Chorintus stendr æ, ok gafvu Gyðingar Paulo þat at sauk, at hann kendi kenningar moti laugum þeira. En Gallio svaraði: „Ef þer gefvit honum⁵ sakir um nockurnn lut, þann er ver eigum sannliga dom æ, þæ man ek hegna⁶; en um laug yður Gyðinga hirði ek ecki at dæma.“¹⁰ Ok þæ er riddarar Gallionis sæ, at hann villdi ecki fulltingia Gyðingum um þetta mal, þæ toku þeir Sostenem þinghusshaufðingia⁷ ok gorðu huðstrokin⁸ i augsyn Gallioni⁹, ok gaf hann enga sauk æ. En Paulus for i frelsi af hans fundi.

17. Ok þæ er Paulus var i Chorintis, ok sæ maðr með¹⁵ honum, er Apollo het, þæ foru þeir þaðan til Efpheso ok fundu þar¹⁰ lærisveina Jons baptiste, þæ er hann hafði skirða vatzskirnn, ok voru eigi fermðir¹¹ af byskupi. Þæ leitaði Pall postoli eptir skirnn þeira ok spurði, hvart þeir hefði tekit giptt heilags anda, sem gefvin er i fermingu¹² sem riddara vapnn til varnar.²⁰ En þeir [letuz vita skil¹³ æ foður ok a syni, ok letuzt¹⁴ eigi hafva heyrt getið heilags anda. Ok at raði Pals postola þæ voru þeir skirðir i nafni drottins Jesus Kristz, ok eptir skirnina þæ lagði Pall postoli haund yfir haufuð þeim, ok toku þeir þæ gipt heilags anda, sva at þeir mælltu a allar tungur, ok sumir spaðu¹⁵²⁵ fyrir oorðna luti.

18. Sva bar at i einhverium¹⁶ stað, þar er Pall postoli rak diofla fra oðum maunnum, at við voru staddir .vii. menn, þeir er kallaðir voru exorciste, þat þyðum¹⁷ ver særingamenn¹⁸. Þeir voru vanir at fara með særingar, þær sem Salomon hafði til kennt³⁰ at særa diofla fra oðum maunnum. Þessir menn voru bræðr ok .vii. at taulu ok synir eins¹⁹ haufðingia kennimanna Gyðingafolks. En er þeir haufðu heyrtt, at Paulus hafði rekit diofla fra oðum maunnum i nafni Jesu, þæ þotti þeim ser minna mundu fyrir

35

1 [styðia sitt B. 2 meins D; [þer ecki grand mega gera B. 3 höfðingi tilf. B. 4 Achaialandi, þat kollum ver Engilsnes D. 5 Pali B. 6 honum tilf. B. 7 Gyðinga tilf. C. 8 huðstryktan C. 9 Gallionis B. 10 tilf. øvr. 11 byskupaðir B. 12 saal. øvr.; fyrgefningu A. 13 [sögðuz vita skyn B. 14 kvaðuz B. 15 af þeim sa B. 16 einumhverium B. 17 köllum øvr. 18 saungvamenn C. 19 mannz tilf. B.

40

verða at hafva hans orð en særingar þær, sem þeir voru aðr vanir, [fyr því at þar þurpti bæði¹ við at hafva graus ok gimsteina, þæ er su nattura fylgði, [er andzskotinn² varð at flyia fyrir. Ok eptir þat þæ foru þeir sva með orðtaki sinu, at þeir særðu fiandr
5 fra oðum maunnum i nafni³ Jesu, þess er Pall boðaði æ at trua, ok flyðu fiandr fra oðum⁴ við þessi orð. En æ einhverium degi þæ er þeir komu til oðs⁵ mannz, þæ haufðu þeir þessa særing fram, ok þæ mællti fiandinn fyr munn hins oða: „Veit ek, sagði hann, hvern Jesus er, ok sva kann ek skil æ l'aulo, en hverir eruð
10 er⁶, þat er mer okunnikt.“ Ok þæ æsti fiandinn þann fram hinn æra⁷ mann, sva at hann feck ser mikinn lurk ok barði þæ sva, at þeir [voru hvergi færir⁸ langa hrið eptir. En eptir þenna atburð þæ sofnuðuz saman fiolkungir menn ok toku bækr sinar, þær sem særingar þeira stoðu⁹ æ, ok brendu fyrir fotum Pali
15 postola, ok toku siðan retta tru.

19. Sva bar at¹⁰, þæ er Paulus var i Epheso, at sa maðr er Demetrius het, var þar i borginni. Hann var silfrsmiðr ok steypiti miok likneski skurðgoða af [eiri eða¹¹ silfri. En er Pall postoli eyddi miok blotum i sinum kenningum, þæ kallaði Deme-
20 trius saman alla smiði¹² i borginni ok blotmenn ok tiaði¹³ þeim, hver svivirðing gor var skurðgoðanna¹⁴, ok su aflan, er smiðirnir hofðu æ likneskiasmiðinni, mundi þeim at engu verða, ef þessi kenning skyldi fram ganga¹⁵. Safnaði¹⁶ siðan liði miklu, ok villdi [hann taka¹⁷ Paulum, ok let rennara laupa um¹⁸ borgina fyr
25 hvern garð ok kalla: „Engi er slik sem in mikla Gefion i Ephesoborg.“ Ok i þeiri for voru handteknir¹⁹ tveir forunautar Pauli Gaius ok Aristarkus ok dregnir i þann stað²⁰, sem illgiorðamenn voru pindir. En er Paulus spurði²¹ þetta, þæ villdi hann þagat ganga ok oðizt²² eigi, þo at vandir menn legði hendr æ
30 hann. En vinir hans gengu at honum ok baðu hann²³, at hann skyldi eigi þat giora ok²⁴ leggja sik sva i valld vandra manna. Ok epter þat let hann saman kalla kristna menn, þæ sem²⁵ i borginni voru, ok bað hann þæ vera staðfasta i sinni truu ok

35 1 [ok B. 2 [at fiandinn B. 3 drottins tilf. B. 4 mōnnum tilf. B C.
5 ærs B. 6 þer øvr. 7 oða B C. 8 [foru hvergi B. 9 voru B. 10 til B.
11 [mgl øvr. 12 smiðu C D. 13 fyrir tilf B D. 14 skurðgoðunum B.
15 fara B. 16 Samnaði hann B. 17 [taka B D; handtaka C. 18 alla tilf. B
19 herteknir B. 20 garð B. 21 heyrði B 22 saal. B C;
oðaðizt A. 23 mgl. B. 24 at C. 25 þar tilf. B

astriki við almatkan guð. En hann fór þaðan til Athenis¹, ok þar var hann þrjá manaði [ok fór² þaðan til Troidam.

20. Ok æ einum laugardegi þæ kom mikit folk³ til at heyrja hans kenning, oc [talaði hann allan daginn ok allt æ nöttina⁴ til miðrar nætr, ok⁵ uppi i lopthusi einu. En uti æ þekiunni við 5 glugg, þann er æ var husinu, sat einn ungr maðr, sæ er Euticus het. Ok er [aptna tok⁶, þæ syfjaði hann, ok er hann hafði [sofvit um hrið⁷, þæ villdi hann snúa sér æ annan veg ok skriðnaði af þekiunni ok fell hatt, sva at hann lamðiz ok hafði þegar bana, er hann kom niðr. En þo at Pall postoli kenndi inni kenningar, 10 þæ vissi hann, hvat uti var⁸ titt⁹, ok sendi menn ut. Ok er þeir komu inn, þæ segia¹⁰ þeir honum, at maðr la uti hia husinu lamðr ok dauðr. En frændr ens dauða kunnu illa dauða¹¹ hans ok baðu Pal postola, at hann reisti manninn af dauða. Ok siðan fell hann¹² til bænar ok bað, at sa [maðr skyldi lifna¹³. Ok 15 þat veitti guð honum. Ok eptir þenna atburð þæ sneruzt margir menn til retrrar truar.

21. Ok eptir þat segir Lucas, at Pall postoli sneri ferð sínni til Gyðingalandz, ok kom i þæ borg er¹⁴ Cesarea heitir. Ok voru þar fyrir fíorar dætr Philippi diakns, ok allar spakonur, oc saugðu 20 fyrir Paulo, hver meinlæti hann mundi taka i Jorsalaborg, ef hann færi þannig¹⁵. Ok litlu siðarr kom þar Agabus spamaðr ok tok linda þann, er Pall postoli var vanr at hafva um sik, ok batt a sér bæði hendr ok fætr, ok mællti sva: „Þetta segir heilagr andi fyrir, at þann mann, er linda þenna æ, munu¹⁶ Gyðingar 25 binda i Jorsalaborg ok selia siðan i hendr heiðnum þjóðum.“ En er lærisveinar Pals heyrðu þetta, þæ baðu þeir, at hann [skyldi eigi fara¹⁷ til Jorsalaborgar. En hann svaraði sva: „Ek em eigi at eins buinn at vera bundinn i Jorsalaborg fyr guðs¹⁸ sakir, helldr iafnvel at deyja þar fyr hans nafni, ef þat er hans vili. 30

22. Ok eptir þat fór hann¹⁹ til Jorsalaborgar a fund Jacobi postola. Ok er þeir funduz, þæ sagði Pall postoli alla þæ luti, er at haufðu boriz i hans ferð, hverssu²⁰ storar iarteignir almattigr guð hafði giort til hialpar folkinu. En meðan þeir voru a tali

1 borgar *tílf. B.* 2 [*tílf. B.* 3 fíolmenni *B.* 4 [talaði hann fyrir 35 lyðnum allt *B.* 5 var hann *tílf. B.* 6 [aptnaðiz *B.* 7 [sofnat *B.* 8 væri *B.* 9 af gípt heilags anda *tílf. B.* 10 saugðu *B.* 11 andlat *B.*; andlati *C. D.* 12 Pall postoli *B.* 13 [skyldi lifna hinn dauði maðr *B.* 14 *Her mgl. 1 Blad i D.* 15 þangat *B.* 16 muni *B.* 17 [færi eigi *B.* 18 *tílf. B. C.* 19 Pall postoli *B.* 20 ok hve *B.*

postolarnir, þæ somnuðuz saman aulldungar yfvirgyðinga¹ með micklum mannfiolda ok villdu taka Paulum. En er Jacobus sa þat, þæ ræddi hann við Pal: „Ser þu, broðir, hverssu margar þusundir Gyðinga eru her [komnir, þeir² er tekit hafa retta tru, en þo kemr eigi a leið við þæ, at þeir felli niðr þær fornir, er [boðit er³ at færa i Moyses laugum, ok hafva nu saman safnaz⁴ til þess at taka yðr haundum, ok gefva þat at sauk, at þer vilið niðr briota þær setningar. Nu eptir minu raði þæ villda ek, at [þer færðit⁵ fornir, sem laugin bioða, ok fiorir menn með yðr, ok man þæ synaz þat fals, er fra þer var sagtt ok þeir hafva truað.“ Ok þetta rað giorðu þeir, ok [settu þing til at lata⁶ lysa þvi, at þeim skylldi rett, er af Gyðingum hofðu tekit⁷ retta tru, at færa fornir, eptir þvi sem laugin hofðu boðit, þess er⁸ þo væri su skilning æ haufð, at þeir mætti hialpaz, er eigi færði. Ok segir guðzpiallamaðr flogur þing verið hafva i Jorsaulum æ daugum [Pals postola agiætz⁹. Þat hit fyrsta, er Mathias var tekinn i postola tal¹⁰; ok þat annat, er Stephanus ok .vii. diaknar voru með honum kosnir til þess embættis; en hit þriðia, [þat sem fyrr var¹¹ sagtt, við hveriu varna skylldu þeir menn, er tekið haufðu retta tru af heiðnum þioðum; en þat¹² ið fiorða, er nu var fra sagtt, at rett skylldi at hallda lagasetningar með þeiri skilningu, at eigi lægi [hialp hans¹³ þar við. En annan dag eptir færði hann fornir, ok þeir menn með honum, sem skiltt var.

23. At liðnum fim daugum þæ komu Gyðingar, þeir sem verit haufðu i Asia ok aufundarmenn voru¹⁴ postolans, ok sæ, at heiðinn maðr var i gaungu¹⁵ með honum um stræti, ok ætluðu, at hann hefði leiddan hann inn i guðs musteri með ser, ok eggiðu lyðinn at taka postolann haundum, ok gafu honum tvær sakir: su aunnur, at hann bryti niðr laug þeira; en su aunnur, at hann hefði leitt heiðinn mann i templum domini. Ok byrgðu musterið, sva at hann skylldi eigi þangat flyia til hialpar ser, ok ætluðu at drepa hann, ef [þeir kiæmi þvi fram, sem þeir villdi. En þæ varð varr við¹⁶ haufðingi, sæ er Claudius Lisias het, ok geck þar til, er þeir borðu Paulum, með micklu liði. Ok þæ er þeir sæ hann¹⁷, þæ lettu þeir bardaganum, ok tok hann or

1 Gyðinga B. 2 [komnar, þær C. 3 [boðnar voru C. 4 samnaz B.
5 [þu færðir B. 6 [letu þing til gera at B. 7 skirn ok tilf. B. 8 at B.
9 [postolanna B. 10 tólu B. 11 [er fyrr var fra B. 12 þetta C. 13 [lif
mannz B. 14 tilf. øvr. 15 tór B. 16 [sva færi, sem þeir ætluðu,
40 En þess varð varr B. 17 Claudium B

haundum þeim Paulum ok bað binda hendr hans æ bak aptr ok leiða i turnn einn. Ok er þeir foru með hann riddararnir, þæ kaulluðu Gyðingar æ Claudium ok baðu, at hann skyllði lata drepa Paulum. En þæ mællti Paulus til Claudium¹: „Skal mer nackvat leyfva² at tala við yðr?“ Hann svaraði: „Kanntu girzku?“ Paulus svaraði: „Kann ek,“ sagði hann. Ok þæ talaði Claudius til hans æ girzka tungu, fyr því at hann villdi [eigi, at Gyðingar skilði³, hvat þeir ræddu, ok spurði sva: „Ertu⁴ sa enn egipzki maðr, er fyr skaummu kom her i Jorsalaborg [ok kvaz vera spamaðr⁵ ok leiddi eptir ser a eyðimork margar þusundir¹⁰ Gyðinga⁶? Ok þæ er hann kom þangat, þæ talaði hann fyrri sinu folki⁷, at þeir skylldu laupa æ Jorsalaborg ok vinna hana undir sik.“ Ok segir sva Josephus sagnamaðr; at hann hefði i fyrstunni fíorar þusundir i eyðimorkina, en þæ dreif sva⁸ til hans, at hann hafði .xxx. þusundraða⁹, er hann kom til fíallzins Oliveti.¹⁵ „Ok gíorði þæ, segir Claudius, minn herra Felix íarll lið i mot honum ok drap af honum mestan þora¹⁰ liðs, en hann komz undan við¹¹ fæa menn.“ Þæ svaraði Paulus: „Ek em, sagði hann, Gyðinga kyns en eigi egipzkr, fædr upp¹² i Tharso ok þar við kendr.“ En her er umræða, hvi hann sagði¹³ sik i Tharso²⁰ fæddan¹⁴, þvíat hann var borinn i Galílea heraði i kastala þeim eða þorpi, er Biskallus¹⁵ heitir. En þat hellt til, at þæ er hann var litið barnn, þæ unnu Romveriar þat¹⁶ kauptun, ok toku fauður hans ok sva sialfvan hann ok leiddu at herfangi i Tharsum, ok fæddiz þar Paulus upp ok¹⁷ kallaðr síðan Paulus tharsensis, ok²⁵ var¹⁸ fæddr i þorpum þeim, er við borgina voru. Ok tíaði síðan Paulus Claudio¹⁹ allan sinn uppruna, ok sagði fra ferð sinni til Damasko, ok hverssu guð hafði honum boðit at boða²⁰ heiðnum þioðum hans nafnn. En er Gyðingar heyrðu[, at hann væri²¹ sendr guðs nafnn at boða heiðnum þioðum, þæ slitu þeir klæði sin ok kaustuðu²² 30 molldu yfvir²³ haufut ser, ok baðu Claudium, at hann skyllði Paulum²⁴ ræna lífvi fyr slik orð. En Claudius bat taka Paulum ok setia i varðhalld ok beria, ok feck til hundraðshofðingia einn at fara með honum. En er hann var [bundinn ok ætlat²⁵ til at

1 Claudij B. 2 lofa B. 3 [at Gyðingar skilði eigi B. 4 eigi tilf. B C. 35
5 [mgl. B. 6 riddara B. 7 liði B. 8 lið tilf. B. 9 þusunda B C.
10 luta B. 11 með B C. 12 mgl. B. 13 talði B. 14 uppfæddan B.
15 Giscallus B. 16 tilf. B C. 17 var tilf. B. 18 mgl. B; var hann C.
19 sitt mal ok tilf. B. 20 tia B. 21 [þat, at hann var B. 22 íosu B.
23 i B C. 24. lata tilf. B. 25 [buinn ok ætlaði B.

beria hann, þa mællti Paulus til hundraðshauðingia¹: „Er yðr leyppt at beria þann mann, er eigi er at laugum dæmðr?“ Þæ geck þegar hundraðshauðinginn til Claudium ok mællti til hans: „Hvat er þetta atkvæði, er þu hefvir gefvit at beria þenna mann?
5 Veiz þu eigi, at hann² er romverskr?“ Ok þæ geck Claudius til, þar sem Paulus var, ok spurði, ef hann væri romverskr. [Ok svaraði Pall ok letz romverskr vera³. Þa mællti Claudius: „Þetta varð ek micklu fe⁴ at kaupa, at ek fenga romverskan rett mer til handa.“ Þæ mællti Paulus: „Með því var ek fædr hinu
10 sama frelsi, sem Romveriar hafva.“ Her er umræða, hvi Paulus kallaðizt romverskr, þar sem hann hafði alldri i Romaborg komit ok var alinn i Galilea heraði ok fædr upp i Tharso⁵, en þat er vist at vita, at hann mundi eigi liuga. Ok segia sva helgir feðr, at faðir hans, aðr [en Paulus væri⁶ fædr, hafði giort vinfeingi
15 fulliga við Romveria ok keypt ser þat frelsi ok sinum erfvingium, at [hvar sem hann væri, þæ skyldi hann slikan rett at aullu hafva⁷ sem Romveriar, hvargi sem hann væri i [verolldu stadr⁸, þar sem Romveria riki væri yfvir, en þat var naliga um [allan heim⁹ i [þann tima¹⁰. Ok þegar er Claudius vissi þetta, þæ treystiz
20 hann eigi at lata beria hann, ok tok þo i sitt valld.

24. En [annars dags¹¹ eptir þæ lætr hann þings kveðia ok villdi vita, hvat motstauðumenn Pals fengi honum til saka. Ok er þingit var sett, þæ let hann Paulum leiða æ þingit ok bauð, at hann skyldi tala erendi. Ok hof postolinn sva¹²: „Heyrið
25 er¹³, bræðr,“ mællti til Gyðinga, „vitið er¹³, at ek em saklauss fyr yðr ok goðrar atferðar fyr guði.“ Þæ bauð Annanias hauðingi kennimanna at liosta¹⁴ skyldi i andlit honum, sem Moyses laug buðu, at giora skyldi við þæ menn, er [sialfra sinn(a)¹⁵ dyrð hrosuðu ok giæzku fyr ofmetnaði. Þæ mællti Pall postoli: „Guð
30 man liosta þik, enn hviti veggr!“ En þar er umræða, hvi hann kallaði hann sva. En þat hellt til, at hann dro saman liking til þess manzins, er hann mælir fagrtt ok lætr, sem hann dæmi¹⁶ laug, þæ er hann dæmir i moti laugunum, ok veggisins¹⁷ þess, er hann er kallaðr fagr utan, en hann er onytr innan, fyr því at
35 Pali þotti hann rangtt dæma. Ok i¹⁸ auðru lagi þæ er hann kvað

1 hans B. 2 Pall B. 3 [Hann svaraði: „Ek em romverskr B. 4 verði B. 5 borg tilf. B. 6 [hann Pall var B. 7 [hann skyldi slikan rett aa ser eiga at öllu B. 8 [heiminum B. 9 [alla veröldina B C. 10 [þær mundir C. 11 [annan dag B. 12 sitt eyrendi tilf. B. 13 þer B C. 40 14 beria B. 15 [sialfs sins B C. 16 mæli B. 17 veggjarins B. 18 því tilf. C.

sva at¹, at guð mundi liosta hann, þæ spaði hann þat fyrir, at fyrirkomið² mundi verða ok eyðazt valld kennimanna, þat sem i Moyses laugum hafði sett verið. En þæ mælltu þeir, er við voru staddir, til Pals: „Skalltu banna hinum hæsta kennimanni i þinum orðum?“ Þæ svaraði Paulus: „Ek vissa eigi, at hann væri⁵ haufðingi kennimanna, ok ef ek hefða vitað, þæ væra ek sekr, eptir því sem ritningin segir: Eigi skalltu banna haufðingia lyðs þins.“ Ok gefr Pall postoli þau dæmi her, at maðr skal stilliliga svara sinum yfvirboðum, þeim sem af heilagri kirkiu eru settir³, ok gefva þo eigi upp sitt mal, ef hann hefvir sannendi at mæla.¹⁰ En er sva var komið, þæ oaðiz Pall postoli ahlaup Gyðinga ok leitaði ser raðs, hverssu hann mætti fullting fæ af sumum ser til liðveizlu. En þar voru⁴ staddir yfvirgyðingar ok þeir menn, er Saducei voru kallaðir, ok þar⁵ haufðu sina skilning hvarir; yfvirgyðingar truðu [upprisu dauðra manna⁷ eptir þetta lif, en¹⁵ Saducei skilðu sva, at [menn skylldu⁸ at molldarauka verða semi kykvendi. En fyr því at Pall vissi þessa grein þeira i milli, þæ iattaði hann sik vera i tru með yfvirgyðingum um upprisu dauðra manna. En er Seducei heyrðu þat, þæ toku þeir at deila við yfvirgyðinga um truna. Ok stoð þæ upp einuhverr¹⁰ af yfvirgyðingum ok mællti: „Engan lut illan finnum ver nieð þessum manni Paulo, ok man þetta orð annathvartt mællt hafva fyrir munn Pali¹¹ guðs andi eða guðs eingill.“ En þat var i moti tru þeira Saduceorum, því at þeir neituðu guðs engla vera eða¹² anda. En þa er sva var komit þeira deilu, þæ sendi Claudius menn eptir²⁵ Pali ok villdi eigi, at Saducei ætti valld æ honum, ok let leiða hann æ braut einshverss staðar i varðhalld¹³ sinna manna.

25. Ok um nottina eptir þæ vitraðiz drottinn postolanum ok mællti til hans: „Ver þu staðfastr, sagði drottinn, fyr því at sva sem þu hefvir mitt nafnn boðat i¹⁴ Jorsalaborg, sva byriar þer³⁰ at boða mitt nafnn i Romaborg.“ En um morguninn eptir þæ kaulluðuzt¹⁵ saman .xl. manna af Gyðingum, ok soru þess eið, at þeir skylldu hvarki eta ne drecka, [syrr en¹⁶ þeir hefði drepit Paulum, ok bannsettu sik a sogurt¹⁷ ofvan, at því er Girkir¹⁸ segia a sinum bokum, ef [þetta færi¹⁹ eigi fram. Ok foru síðan a fund³⁵

1 orði tilf. C. 2 framkomit B C. 3 skipaðir B. 4 við tilf. B C.
5 þeir C. 6 sinn B C. 7 [upp risa dauða menn B. 8 [maðr skyllði B. 9 aunnur tilf. B 10 einn B C. 11 honum B. 12 guðs B C.
13 valld C. 14 um B. 15 sömnuduz B C. 16 [aðr B 17 sva gert B C. 18 Grickir B C. 19 [þeir kvæmi því B.

kennimanna ok aulldunga Gyðinga ok mællto sva: „Með mikilli
 goðfysi hofum ver því guði heitið, at ver munum engu¹ bergia,
 fyrr en ver hofum drepit Pal. Nu sendit menn til Claudium, at
 hann kveði þings ok lati Pal koma æ þingit, ok segit, at þer vilit
 5 enn rannzaka hans mal, ok skolum ver þæ bunir at² drepa hann
 þar æ þinginu.“ En við þetta³ mal⁴ var staddr systurson Pals
 postola, ok geck þegar til hans ok sagði honum, við hveriu buizt⁵
 var. Ok þæ kallaði postolinn til sin einn hundraðshofðingia ok
 mællti: „Fylgðu sveini þessum a fund Claudij, fyr því at hann
 10 [hefvir leynda⁶ luti at segia honum, þæ⁷ er micklu varða at
 Claudius viti. Ok er sveinninn kom til Claudium⁸, þæ segir hann
 honum raðagiorð Gyðinga i moti Paulo. Ok er Claudius heyrði
 þetta, þæ bað hann þenna enn unga mann fara leiðar sinnar ok
 [giora engan mann varan við⁹ þessa raðagiorð Gyðinga, en kallaði
 15 til sin tva hundraðshaufðingia ok bað þæ bua tvau hundrut riddara
 ok¹⁰ fara til Cesaream, ok gangandi menn með þeim eigi færi en
 siautigir manna, ok bað riddarana alla með vapnum vera, en
 bað Paulo fæ .x. fararskiota ok hans fauruneyti¹¹. Ok skylldu
 þessir riddarar fylgia Paulo a fund Felicis iarlls oc giæta sva, at
 20 Paulo yrði ecki til haska i þeiri¹² ferð, ok¹³ þæ um nottina hefia
 upp ferðina, ok giorði bref með þeim til iarllsins ok sagði honum
 vauxt¹⁴ æ Pals mali, hvi hann let honum þannig¹⁵ fylgia. Ok er
 þeir komu i Cesaream, þæ gengu þeir a fund iarlsins oc færðu honum
 þessi¹⁶ bref, [sva at Pall var¹⁷ við. Ok þæ er iarllinn hafði heyrt¹⁸
 25 breffin, þæ mællti hann til postolans: „Ek man þess biða um
 þitt mal, er motstauðumenn þinir koma, ok heyra þæ hvaratveggju¹⁹.“
 En fim daugum síðarr kom Annanias með aulldungum Gyðinga
 ok hafði þann mann i fauruneyti sinu, er Tertullius het, sæ var
 hinn sniallazti²⁰ maðr af Gyðingum ok enn laugkiænsti²¹. Sæ talaði
 30 langtt erendi fyr iarllinum ok gaf margar sakir postolanum. Ok
 er hann hafði lokit sinu mali, þæ bað iarllinn postolann svara fyr sik.
 Ok talaði hann²² þæ [langa taulu ok svaraði þeim aullum saukum,
 er Tertullius hafði gefvit honum, ok letzt ecki til þess hafva
 giorit, at honum mætti sakir æ²³ gefva, ok því síðr, at hann

35 1 óngum mat B. 2 Her beg. atter D. 3 þeira tilf. B. 4 tal C D.
 5 buazt C D. 6 [kunni þa B. 7 mgl. B. 8 Claudij B. 9 [geta
 fyrir óngum manni um øvr. 10 at B. 11 mōnnum B. 12 þessi øvr.
 13 bað tilf. B C. 14 vōxtu B. 15 þagat B C. 16 saal. øvr; þessu A.
 17 [ok Pal með, ok var hann B. 18 lesit B. 19 hvaratveggia orð C.
 40 20 malsniallazti B. 21 lōgkænazti B. 22 Pall B. 23 mgl B.

letz ævallt sannendum hafva at fylgtt eptir tilvisan laga ok spammanna boka, ok predicat þeim upprisu dauðra manna ok lif eilíftt. En er iarllinn heyrði¹ þetta, at þeir [disputuðu um laug sín², þæ virði hann þat litils ok letz her engan orskurð veita mundu, fyrr en Claudius Lisias kiæmi, er þetta mal var kunnikt, til Cesaream. 5

26. En nockurum daugum síðarr kom Felix iarll ok Drusilla kona hans æ fund Pals postola, fyr því at hun villdi giarna heyra hans kenning³. Ok segia sva helgir feðr, at hun væri Gyðinga kyns ok hefði fyrr verit gipt konungi þeim, er Lakzicus⁴ het, ok hafði⁵ þat unnit til raðahags við hana, at hann hafði tekið umskurðarskirnn. En þæ er Felix var settr iarll yfvir Gyðingaland af Romverium, þæ let hun einn Lazikum konung ok giptiz iarllinum eptir fortalum Gyðinga, fyr því at hann var rikari. En er postolinn hof kenning sina fyr þeim, þæ disputaði hann mest um þæ mannkosti rettlæti oc hreinlífvi, ok sagði fra þeim¹⁵ domi, er guð skal dæma um alla menn eptir þetta lif. En er iarllinn heyrði talað um rettlætið ok hreinlífvit, ok hver laun koma mundu fyrir þeim, er helldi þessa mannkosti, eða hver hegnð⁶ fyrir mundi koma at⁷ enum efzta domi [við þæ⁸, er eigi helldi, þæ varð hann ræddr um þat, at postolinn mundi sva talað fæ⁹,²⁰ at Drusilla kona hans mundi skilia vilia við hann, en hann skylldr at bæta við Lazikum þat, er hann hafði misgiortt, ok mællti: „Liða verðr nu þetta erendi at sinni, ok þæ er tomstund er til, þæ man ek lata kalla Paulum a minn fund.“

27. Nockurum¹⁰ mun síðarr, en þetta hafði verið, þæ var²⁵ mikil deila i milli Gyðinga ok heiðinna manna i Cesarea, ok þottuz hvarirtveggju eiga meira valld [at hafva i¹¹ borginni en aðrir. Fundu þat Gyðingar til, at Herodes, er kallaðr er Askalonita ok drepa let bornnin helgu, hafði giora latið borgina til dyrðar keisaranum, ok saugðu¹², at hann hefði¹³ tekit umskurðarskirnn³⁰ ok verit undir þeira laugum, ok letuz þeir því eiga meira valld at hafva en heiðnir menn. En þar i moti saugðu heiðnir menn, at fyrr hefði þeira frændmenn giora latið, en Herodes eflda¹⁴ síðan, ok heti þæ Pirga Stratonis, ok kaullauðu¹⁵ þeir sitt oðal vera fyr aundverðu. Ok kom sia deila fyr iarllinn Felicem¹⁶, ok baðu³⁵ hann gefva þeim meiri rettarbot¹⁷, er honum þotti sannara mæla.

1 vissi B. 2 [disputeraðu um truna B. 3 kenningar B. 4 Laricus B D; Laritus C. 5 hefði hann B. 6 hefnd B C. 7 aa B. 8 [þeim B C. 9 geta B. 10 Her beg. Fragm. 11 [aa B. 12 þeir tilf. B. 13 hafði C Fr. 14 eflede C. 15 kvaðu B. 16 Felix B. 17 rettarbætr B. 40

Ok i fyrstunni þá mællti hann meirr eptir Gyðingum ok tok mikit fe af þeim til liðveizlu. En er hann sá, at þeira fiarlutr [var miok uppi¹ fyr kostnaðar sakar, þá tok hann fe af heiðnum maunnum til liðveizlu, ok lauk sva, at hann gaf upp riddaurum þann fiarlut, sem Gyðingar attu i borginni Cesarea. Ok [þá er þeir voru ræntir, þá giorðu þeir² menn til keisarans ok rægðu Felicem or ríkinu. Ok var þá nykominn til ríkis Nero i Romaborg, ok sendi hann þann mann i stað Felicis er Festus het, ok for sá [til Jorsalaborgar i fyrstunni³ ok hof þaðan sitt ríki. En aðr Felix leti iarlldominn, þá villdi hann vingaz⁴ við Gyðinga ok let Pal postola setia i myrkvastofvu ok binda.

28. En er Festus var i Jorsalaborg, þá komu Gyðingar ok allir hofðingar kennimanna i borginni ok baðu Festum, at hann skyldi Pal postola lata bundinn koma til Jorsalaborgar i þeira valld. En Festus svaraði sva: „Ek ætla nu ferð mina i Cesaream, ok farið er ofan þannig⁵ með mer, ok man ek þá dæma þetta mal, er hvarirtveggju eru við⁶. En þar⁷ er umræða [i helgum ritningum⁸, hvat til hellt, er ævallt⁹ var upp kallat til Jorsalaborgar, hvart sem menn foru¹⁰ ofvan til siafvarins fra henni¹¹ eða upp a landit til fiallbygða. En þat hellt til, at Jorsalaborg þyðiz friðarsyn ok merkir himinríki, er yfir festingarhimninum er. Ok eptir þat for Festus i Cesaream ok hofðingar kennimanna með honum. Ok æ hinu fyrsta þingi, er Festus atti, þá var Paulus leiddr a þingit, ok gefnar honum margar¹² sakir af Gyðingum. En hann afsannaði¹³ þær allar i því erendi, er hann talaði. En fyr því at Festus villdi vingaz við Gyðinga, [þar sem¹⁴ hann var nykominn til ríkis, þá spurði hann Paulum, ef hann villdi fara til Jorsalaborgar ok vera þar undir domi iarlldins ok atkvæði. En Paulus svaraði sva: „Ek stend [við domstol¹⁵ keisarans, ok byriar mer þar [dom at taka¹⁶, ok skyt ek minu mali til keisara, [ok veiztu, Feste, sagði Pall, at enga sauk sanna finna¹⁷ Gyðingar mer¹⁸, ok er því einskis mannz at selia mik i þeira valld, at ek hefvi minu mali skotið til keisara¹⁹. Her er umræða hvi hann letz standa fyr keisarans domstoli, þar sem keisarinn

35 1 [þvarr miok B. 2 [þeir er ræntir voru, gerðu B. 3 [fyrst til Jorsalaborgar B. 4 *saal. øvr.*; vingiæðaz A. 5 þann veg C. 6 hia Fr. C. 7 her Fr. 8 [aa helgum bokum B. 9 iafnan Fr. 10 *saal. B D Fr.*; voru A C 11 borginni Fr. 12 þegar B. 13 afsakaði B. 14 [þar er Fr.; þa er B' 15 [fyrir domstoli B. 16 [at eiga dom B. 17 hafa C. 18 at fa tilf. C 19 [mgl. B Fr.

var fyr norðan haf, en Pall i Cesarea a Gyðingalandi. Ok er su her orlausnn, at Herodes konungr [hafði latið giora sæti keisaranum aa motfiolum i borginni, at hann skyldi i því sæti dæma¹ um þau mal, er fyr hann kæmi a þeim þingum, sem borgarmenn ætti² i borginni, eða sá maðr er af hans hendi væri sendr³. Ok þæ er Pall postoli hafði [sinu mali til keisara skotið, þæ svaraði Festus⁴: „Til keisara⁵ beiðiz þu, þagat skalltu fara.“

29. Nockurum daugum síðar þæ⁷ kom Agrippa konungr son Herodis konungs, þess er pina⁸ let Jacobum Jons bróður, með micklu fiolmenni a fund Festi. En þa⁹ var ovinatta mikil Gyð-¹⁰ ingum við konunginn¹⁰, fyr því at þæ er hann hafði valld yfvir Jorsaulum, þæ hafði hann þat leyfvi fengit af keisara, at hann skyldi raða, hvern enn hæsti kennimaðr skyldi vera yfvir Gyðingum, ok settan þann mann yfvir þæ, er eigi var af Aarons kyni¹¹ i moti Moyses laugum, ok marga aðra luti¹² [gerði hann til uvirð-¹⁵ ingar við þa¹³. Ok er Agrippa kom i borgina¹⁴, þæ tok Festus með mikilli virðingu við honum. Ok er hann dvalðiz þar um hrið, þæ tiaði Festus fyr¹⁵ honum mal Pals postola ok sakagiptir Gyðinga við hann, ok bað hann leggja¹⁶ rað til, hvat af skyldi giora. Þæ svaraði konunginn: „Ek villda¹⁷ giarna sia Pal ok²⁰ hafva¹⁸ tal við hann.“ Ok annan dag eptir þæ var stefnt saman haufðingium ok riddaurum i borginni at raði Festi, ok var a því moti Agrippa konungr ok Beronica kona hans. Ok síðan var Pall leiddr a þingit. Ok er hann kom þar, þæ mælti Festus til konungs ok þeira manna, er þar voru við staddir: „[Se þer¹⁹ þenna mann, er her er framleiddr? Þessum manni biðr alþýða [Gyðinga²⁵ aa Jorsalalandi²⁰ liflaz, ok segia hann hafva mart til giort. En nu hefvi ek nackvat ranzakað hans mal, ok finn ek engan þann lut með honum, er²¹ hann eigi dauðamaðr fyrir at vera, enda hefvir hann skotið sinu mali undir keisarans dom, ok því hefvi³⁰ ek heitið honum. En nu bið ek þig, [herra Agrippa²², leggja rað til með mer, fyr því at þat er engi²³ siðr at senda þæ menn a keisara dom bundna, er eigi se berar sakar a hendi ok með

1 [let gera sæti sitt aa motfiolum i borginni, ok hann skyldi i því sæti³⁵ sitia, er hann dæmdi B. 2 saal. A og Fr.; attu B C. 3 mgl. B. 4 [skotit aa keisara fund, þa segia þeir B. 5 fundar tilf. Fr. 6 ok tilf. Fr. C. 7 mgl. B Fr. 8 drepa Fr. 9 saal. øvr.; þar A. 10 hann B. 11 ætt Fr.; ættkyne C. 12 læging B. 13 [tilf. B Fr. 14 Jorsalaborg B. 15 mgl. C Fr. 16 lia B. 17 vil B. 18 eiga B. 19 [Seit þer B C; Seð er Fr. 20 [i Jorsalaborg øvr. 21 at B. 22 [konungr B. 23 eigi Fr. 40

brefum megi tia. En ek se her engan þann lut, er ek mega
 [orugt rita¹ sannyn²i þeira sakagipta, er honum voru² fundnar.“
 Þæ mællti Agrippa til postolans: „Lofvat er þer nu, Pall, at
 mæla nackvat fyrir þína haund.“ Ok þæ stoð Pall upp ok kvaddi
 5 ser hliðs ok hóf sva sitt mal: „Sæll þickiumzt ek þess, sagði
 hann, er ek skal næ at tala, [sva at þer heyrið, herra konungr³,
 ok svara þeim sakagiptum, er Gyðingar gefva mer. Ok með því
 at þu ert enn laugkiænsti⁴ maðr með Gyðingum ok veitz þeira
 siðveniur⁵, þæ bið ek yðr með þolinmæði heyra mitt erendi.“
 10 Ok tok þæ siðan [at tia⁶ allan sinn uppruna. ok hvat Gyðingar
 gafu honum at sauk, ok afsannaði allar þær sakagiptir með longo
 mali, er honum voru gefnar. Ok er hann hafði lengi talað, þæ
 mælti Festus: „Oðr ertu orðinn, Pall, ok giorir þik ecki iafnnoðan
 sem bækr þær⁷ hinar morgu, sem⁸ þu hefvir lesit.“ En þetta
 15 mællti Festus fyrir því, at i moti hverri sauk, þeiri er Gyðingar
 haufðu gefvit Paulo, þæ tok hann maurg vitni or hverri bok
 Gyðinga, hverssu rangliga var til hans mælltt af Gyðingum. En
 Pall [sagði siðan til⁹ Festum: „Eigi [æðumzt ek ne ærumzt¹⁰,
 enn goði domandi, helldr ber ek sannendi fram með hogværi ok
 20 linleik, sem vera æ. ok skilr þetta konungrinn sialfr Agrippa, er
 nu heyrir æ.“ Ok mællti siðan til konungsins¹¹: „Truir þu,
 herra Agrippa, spamanz¹² orðum¹³? Veit ek, at þu truir.“ Her
 lysir yfvir viti ok snilld Pals postola fyrir haufðingium, hverssu
 hann kunni ser til liðs at mæla við þa. Fyr því at annathvart byr i
 25 hverri spurningu, at maðr spyrr þess, er honum er ifvi æ, ok vill
 hann þæ hafva orlausnn af auðrum, eða hann spyrr þess, er
 aullam er¹⁴ liost¹⁵, ok hrosar hann sva sæmð þess, er hann talar
 um¹⁶, at hann leysir sialfr or, fyrir því at engi eru aunnur svörin¹⁷
 til en þau, sem hann hittir¹⁸ æ, ok hefvir hann þa sæmð af
 30 haufðingianum ok [goðan vilia¹⁹ fyrir, en haufðinginn²⁰ dyrð af
 aullu folkinu, er sva berliga skal [til hans²¹ mega tala, at hverium
 þickir ser skaum i moti at mæla, er við er staddr. Þæ svaraði
 Agrippa ok mælti: „Skamma hrið²² mundir þu aðr tala fyrir mer,
 Pall, at ek munda við þeiri tru taka, sem þu boðar.“ Þæ mællti

35 ¹ [órugggr vita *B Fr.*; her ender *Fragm.* ² ero *B C.* ³ [við þik, kon-
 ungr, ok sva at þer heyrit *B.* ⁴ lögkiænasti *B C.* ⁵ siðu *C.* ⁶ [ok
 tiaði *övr.* ⁷ þinar *B* ⁸ er *B C.* ⁹ [svaraði þannig *B.* ¹⁰ [em ek
 oðr *C.* ¹¹ hans *B.* ¹² spamanna *C.* ¹³ bokum *B.* ¹⁴ Her ender *D.*
¹⁵ augliost *B* ¹⁶ við *B.* ¹⁷ saal *B C*; saunn *A.* ¹⁸ hitti *B* ¹⁹
 40 [goðvilia *B C.* ²⁰ saal *B C*; haufðingium *A.* ²¹ [mgl. *B.* ²² stund *B C.*

Pall postoli: „Giarna villda ek þess æskia fyr guði, at þu ¹, herra, ok allir þeir, er æ hafva heyrt i dag mitt erendi, yrði ² þvilikir i rettri tru, sem ek em, [fra skilðu þvi, at þeir væri eigi bundnir, sem ek em ³ nu.“ Eptir þetta raufz þingit. Ok er Festus ok Agrippa gengu a brut, þæ taulauðu þeir sin i milli, at Pall hefði ⁵ [eck i til þess giort, at honum mætti sakir a gefva eða vera i baundum hafðr fyrir. Sagði Agrippa til iarlillsins Festi ⁴: „Vel mætti [þessum manni Paulo leyfvi gefva ⁵ at fara, hvertt er hann villdi, ef hann hefði eigi sinu mali til keisarans skotið, en [sva komnu ⁶ sem nu er, þæ er þat mitt rað at senda hann æ keisar- ¹⁰ ans fund.“ Nu var Pall feinginn i hendr hundraðshaufðingia þeim, er Julius het. Sa hafði litlu aðr verið sendr af keisaranum til Gyðingalandz, ok skyllði þæ fara aptr til Romaborgar.

30. Nu er nockut farið yfvir saugu Pals postola framan til þess, er hann appelleraði ⁷ sinu mali til keisarans, ok sagtt fra ¹⁵ þeim mannraunum, er [Lucas innir upp um æfvi hins sæla Pals postola, en þat er þo litill lutr af þvi, sem sialfr vattar Pall postoli ⁸ i pistli þeim, er hann ritar til Corinthoborgar. Ok hefvir hann fiortan pislá giorfva ⁹ ok ritað til ymissa borga, ok þat til hveffrar, sem þeir þurpto mest, er hann ritaði til. En þvi let ²⁰ hann fiortan [taulu a ¹⁰ vera, at hann merkti i sinum kenningum með sannendum tiu laga boðorð ok flogurra guðzspialla. En i þeim pistli, sem aðr var sagtt, er hann tindi upp sinar mannraunir, þæ [tiar hann mest ¹¹ þolinmæði ok staðfesti fyr sinum lærisveinum, oc biðr þæ þat giora eptir ¹² guðs dæmum ok sinum. En sva ²⁵ segir þar, at villusþamenn haufðu komit i Corintho ok tiaðu strangara lif ¹³, en Pall postoli hafði þar ¹⁴ boðit at hallda skyllði, ok saugðu skyllt Moyses laug at hallda með guðzspialla boðorðum; ok haufðu margir vikit ¹⁵ eptir þeira kenning, fyr þvi at þeir haufðu mikit siðlætisbragð a ser. Ok kann optliga sva til at bera, ³⁰ at með goðfysisyfirbragðinu flærðarmannz fær fiandinn margan mann svikit. Sva sem segir Augustinus: Melius est publice peccare, quam sub specie sanctitatis plebem seducere. Þat þyðiz sva: Betra er einum saman at misgiora opinberliga, helldr en

¹ þer *B C*. ² væri *B*. ³ [*mgl. B*. ⁴ [öngvar þær sakar, at þeir ³⁵ mætti vita, at hann ætti i böndum fyrir at vera. Ok sva mællti Agrippa konungr til Festum *B*. ⁵ [þessi maðr Pall lauss vera *B*. ⁶ [at sva bunu *B*. ⁷ appellaði *C*. ⁸ [enn lukaz upp um æfi hins sæla Pals postola *B*. ⁹ gert *B C*. ¹⁰ [at taulu *C*. ¹¹ [tiar hann þær með *B*. ¹² at *C*. ¹³ lifi *B*; liferni *C*. ¹⁴ aðr *B*. ¹⁵ vikiz *B*. 40

at svikia margan mann með heilagleiks¹ yfvirbragði. Ok talar hann af því sva, at þæ er ill dæmi eru gefin eða opinberliga synd, þæ kann folkit at varaz foraðit, ok tyniz þo einn maðr i sinum glæp, en margir, ef slægliga er at farið með goðu yfvirbragði
5 en þo² fullkominni flærð ok svikum undirhyggiunnar. Ok er mikit folk hafði snuiz eptir þeim [svikamaunnum, er onyta villdu kenningar³ Pals postola, þæ sendi hann pistil sinn til lærisveina sinna ok bað menn vera stauðuga i þeiri tru, er hann hafði kennt, let þat vera varkunnarlaust, at þeim skyllði helldr trua en honum,
10 er siðar haufðu til þeira komit. Hof hann sva sina ræðu, at hann tok þat efni, er þeim var einn veg gefvit, er til voru komnir, ok honum sialfum, ok spurði hann folkit, hvat til hellt, [er þeim þotti þeir merkiligri⁴, ok mællti: „Þeir menn eru ebreskir, er onyta vilia mina kenning, ok [þyrpti þer⁵ eigi fyr því at trua
15 þeim betr en mer, [at ek em ok ebreskr, hefvi ek þæ tignn slíka sem þeir⁶. Af Abrahams kyni eru þeir, ok sva em ek, Kristi þiona þeir, ok sva þiona ek, ok þo at ek giæta [orðtaksins nockuru minnr en hæfvi⁷, þæ em ek þo framarr i þeiri þionostu en þeir. Nu þæ alla luti er þeir hafva til tignar fyr ættar sakir ok
20 kunnostu⁸, þæ hefvi ek til iafns við þæ. Hvi skoluð er⁹ minar kenningar onyta ok hverfva sva i fra sannendum? Fleiri þrautir hefvi ek þolat i meinlætum¹⁰ fyr guðs sakir¹¹ en þeir: Ek hefvi optliga verit i myrkvastofum fyr [guðs nafni¹² ok morgum meinlætum¹³ mætt ok lifs haska; ek var fim sinnum barðr af Gyðingum með
25 svipum¹⁴, þeim er qvadrage neita.“ Þat skyra sva helgir feðr, at i Moyses laugum væri sva boðit, at akveðin var skriptt fyr hvernn andmarka¹⁵, eptir því sem til visar i helgum ritningum. Ef maðr braut¹⁶ taunn or haufði manni, þæ skyllði sæ taunn¹⁷ lata i staðinn, er or hafði brotið; auga skyllði ok fyr auga koma,
30 en haund fyr haund, akveðnar ok þær sakir, er maðr skyllði lifvi fyrir tyna; sva ok ef maðr giorði smæri [sakir, þa var ok akveðit, hvat þæ¹⁸ skyllði fyrir koma. Ok [segir sva¹⁹, at Gyðingar giæfvi

1 heilagligu *B*. 2 með *tilf*. *C*. 3 [svikamanni, er onyta villdi kenning *B C*. 4 [þvi er þeir þottu merkiligri *C*; hvi þeim þætti merkiligri þeira orð *B*. 5 [þurfe þer *C*; þurfu þeir *B*. 6 [þvi at ek em einnar tegundar ok þeir, at ek em ebreskr *B*; at ek hefvi þa tign sem þeir, at ek em ebreskr *C*. 7 [nockurum mun orðtaks mins *C*. 8 kunnattu *C*. 9 þer *B C*. 10 mannraunum *B*. 11 nafni *B C*. 12 [hans nafn *B C*. 13 mig *tilf*. *C*. 14 iarnsvipum *B*. 15 lut *B C*. 16 bryti *B*; brytr *C*.
40 17 aðra *B C*. 18 [luti, hvat þar *B C*. 19 [saal. *B C*; sva sva *A*.

Pali postola þæ sauk, er fyrir attu¹ at koma at þeira kalli .xl. hoggva, ok het su svipa qvadrageña, er þeir haufðu þar til, ok segir Pall sik fim sinnum hafva tekit þenna bardaga. En fyr því at hann var ættstorr² ok nafrændi þeira, er at þessu voru, þæ letuz þeir vilia virða³ frændsými⁴ við hann meirr en maklig-⁵ leika, ok vægia honum i því [ok gefva⁵ honum einu hauggi færa en fioratigi. Sumir vilia sva skilia, at su svipa, er til þessar hegningar var haufð, væri sva gior. at þar væri [æa fiorirtigir blyknappa niðr⁶, ok þa er þeir haufðu lostið postolann nitian haugg ok tuttugu, þæ ræddu þeir um, at þeir skylldu þat syna,¹⁰ at þetta var eigi giort fyrir grimleiks sakir við hann, þar er hann var þeira ætmaðr, helldr fyrir sakir rettrar hegningu⁷, ok skyllði vægia honumnockut, ok [sa er barði hann, tok af einn knappinn, aðr hann lysti enu siðazta sinni⁸. Ok þess getr hann postolinn, at þeir lustu hann einu hauggi miðr⁹ en fulla fioratigi. En þetta¹⁵ metz eigi Gyðingum til miskunnar [fyr guði¹⁰ i umræðum heilagra feðra, fyrir því at þeir toku sem þeir mattu minnz af meinlætum Pals postola, ok villdu þeir þo þar orðlof fyrir hafva, er ecki bio i nema fals eitt ok grimleikr. Þrysvar var hann vandum¹¹ barðr fyrir guðs nafni, en gryttr um sinn¹²; þrysvar varð hann i skips-²⁰ broti, ok einhveriu sinni bar sva [at moti¹³, at allir tynduz, þeir er þar [með honum¹³ voru, en [Pall einn lifði ok læ¹⁴ dag ok nott a marabotnum, ok varðveitti guð lif hans sva lengi i sionum, þar sem [dauði er¹⁵ annarra manna a skamri stundu. Margan haska letz hann þolat hafva bæði af illvirkium ok vatnagangi¹⁶ i²⁵ sinum ferðum, stundum af sinum ættmaunnum¹⁷, en stundum af heiðnum maunnum a eyðimorkum, [borgum ok bæium¹⁸, ok af falsbræðrum. Her er umræða¹⁹, hveria hann kallar falsbræðr. þar sem hann hafði aðr taltt upp Gyðinga ok sva heiðnar þioðir. En þeir eru kallaðir falsbræðr i helgum bokum [eða falsarar²⁰,³⁰ er skirðir eru, en kenna siðau rangtt ok [eru með siðlætis yfvirbragði²¹, mæla þeim i vil, sem²² þæ eru við. Hann letzt mikil meinlæti haft²³ hafva fyrir guðs sakir i vokum, i hungri ok þorsta

1 atti *B C.* 2 æzstor *A.* 3 tilf. *B C.* 4 frændsemi *B C.* 5 [er þeir gafu *B C.* 6 [xl. blyknappa niðr aa *C.* 7 hirtingar *B.* 8 [tok³⁵ sa einn knappinn af. er hann barði, i hinu siðazta hōggi *B C.* 9 minnr *B.* 10 [mgl. *B C.* 11 með vōndum *B.* 12 sakir tilf. *B C.* 13 [tilf. *B C.* 14 [hann sialfr lifði *B C.* 15 [radinn var dauði *B.* 16 vōtnum *B.* 17 kynsmōnnum *B C.* 18 [ok aa bæium *B;* ok i borgum *C.* 19 aa tilf. *B.* 20 [mgl. *B C.* 21 [hafa siðlætis bragð aa ser (yfvirbragð *C)* ok⁴⁰ *B C.* 22 er *C.* 23 þolat *B.*

ok af kulða ok fataekð klæðnaðar, ok þo umfram alla þessa luti æhyggju þaa, er hann hafði hversdagliga fyrir allri guðs kristni. Hann mælir ok sva astsamliga í þeim pistli, at engi mundi sva [siukr verða, at eigi kendi hann ser í briosti þess sarleiks eða
5 siukleiks, ok engi mundi sva¹ breldr í huginum, at eigi kendi hann a ser þeirar hrellingar fyrir astar sakir [við mennina². Ok þaa er hann hafði þetta tint³ fyrir sinum lærisveinum þeim til þolinmæðis dæma, þaa styrkti hann [sva sína ræðu: „Guð⁴, sagði hann, faðir drottins mins Jesus Kristz, sa er blezaðr er um alldir.
10 hann veit, at ek lyg eigi.“

31. En með þessum meinlætum ens sæla Pals postola, þaa hafði guð margfallðliga hann huggat með sinni mildi ok miskunn. Ok þa huggan vattar Pall postoli í þessum pistli fyrir sinum lærisveinum: „Ef ek skyllða nokkut, kvað hann, [inna dyrð þa, er
15 guð hefir veitt mer, ok tíu fyrir yör⁶, þa væri mér þar efni til af minum meinlætum, [hverja styrkt⁷ almattigr guð hefir mer gefit í þeim vitrunum ok synum, sem nu man ek til taka at segja, [þo at⁸ þat væri eigi skylldugt⁹ nema ek villða.“ Ok sneri þa malinu, sva sem hann segði frá einhverium manni þat, er hann
20 sagði frá sialfum ser, fyrir því at þat er vitra manna hatr at nefna eigi sialfa sik til storra¹⁰ luta ok forðs sva auðrum, þeim sem hans aufundarmenn vilja vera, við raungu orðtaki, at eigi megir þeir kalla, at hann hafi giortt fyrir hræsni sakir, ok taka af því synd¹¹, er þeir liuga, ok hof því postolinn sva malit: „Veit
25 ek mann fyrir xiiii. vetrum [hafðan upp¹² til hins þriðja himins ok sia þar leynda luti almattigs guðs; en guð¹³ veit, hvart hann var bæði með aund ok likama, eða var aundin ein saman, en þat veit ek eigi, segir postolinn¹⁴, at sa enn sami maðr með því moti, sem aðr var sagt, var leiddr í¹⁵ paradís ok heyrði þar þau orð,
30 er manni er eigi leyft at mæla her í veraulldu. Fyr þessa sauk, segir Pall postoli, mætta ek hellzt dyrkaz, en ecki fyrir minar sakir; ok þo at ek giorða¹⁶, þa mætti mér eigi virða til ovizku, fyrir því at ek munda sannendi segja, en ek mun þo við vægiaz, at eigi beri sva í moti, at ne einn, sa er mik ser eða min orð

35 1 [tilf. C. 2 [mgl. B. 3 tíu C. 4 [þa með sinni ræðu sva mælandi: „Bræðr B. 5 Her mgl. 1 Blad í A; udfyllt efter C. 6 [tíu minna dyrð fyrir yör, þa er guð hefir veitta B. 7 hvern styrk B. 8 [þvitat B. 9 íafnskylldugt B. 10 hinna stærstu B. 11 tilf. B. 12 [uppunuminn B. 13 einn tilf. B. 14 Pall B. 15 saal. B; or C. 16 giæta
40 eigi sva minna orða sem hæfir B.

heyrir, ætli mik umfram þat, sem¹ hann ser með mer eða heyrir.“
 Her er umræða, hvert Pall var [þa hafiðr², er hann var uppnuminn
 til ens þriðja himins, ok skilia þat sva helgir feðr, at honum væri
 þa synt himinriki, fyr því at þat [er himinn kallaðr³ i helgum
 ritningum, sem Moyses vattar i upphafi sinnar bokar, þa er hann
 segir: „I upphafi skapaði guð⁴ himin ok iorð, ok segir at iorðin
 var auð ok onyt, en [um himin segir hann ecki fra⁵. Ok glosa
 þat sva helgir kennifeðr⁶, at hann talaði þa um himinriki, fyr því
 at þat var skapat þegar fullt af englum ok allri himneskri dyrð,
 ok er þat kallat empirium celum, en þat þyðiz elldligr himinn, eigi
 fyr hita sakir helldr fyr [birti sakir, er⁷ sva er aullum liost, at
 hverr skilr annars hugrenning, er þangat kemr, [enda vill hverr
 sem annarr, sa er þar er⁸, siðan fiandinn var æ brutt rekinn ok
 aull hans sveit. En því er þetta kallaðr enn þriði himinn, at
 fyrst er talt loptið einn himinn, ok þar næst festingarhiminn, er
 ver siam himintungl a faust vera, ok var giorr annan dag viku,
 enn þriði er himinn, sa er yfir þessum er. En celum þyðiz
 hulning⁹, ok er því loptið¹⁰ celum, at þar er mart leynt ok hulit
 fyr maunnum, þat er i loptinu er. En því er [festingarhiminn
 kallaðr¹¹, sa er [vaxinn er sem baullott¹² eggskurn, at þat er
 oss allt leynt, er fyrir utan er þat, er ver megum sia til
 himins. En því er himinriki enn þriði himinn, at þat er
 yfir þeim tveim, er aðr voru nefndir, ok sa Pall postoli himneska
 dyrð ok leynda luti eilifrar sælu, þeirar er vera skal eptir doms-
 dag. En þat er hann segir, at hann var leiddr i paradisum¹³,
 þa glosa þat sva helgir feðr, at honum hafi syndir verit hvilddar-
 staðir, er rettlatra manna andir¹⁴ skolu hafa til domsdags. En
 þeir skyra¹⁵ sva, at i tvenningu se paradisus: su aunnur, er þessa
 heims er ok Adam var i settr, ok er þat land, er¹⁶ liggr i
 austrvegi, ok sva nauckuru hatt sem tungl gengr¹⁷. En siðan er
 Adam var æ brutt rekinn þaðan, þa setti guð [engil sinn¹⁸ til at
 at varðveita þann stað, sva at engi kæmiz [þann veg¹⁹, ok visar
 sva til, [sem engill hefði²⁰ brugðit sverð i hendi. En þat er sva
 at skilia, at sverð þat er ecki [annat en²¹ hitar þeir, er menn
 megu [eigi komaz þangat²². En þat er sva er sagt, at engill se

1 er B. 2 [saal. B; hafðr C. 3 [kallaz himinriki B. 4 [sva, at guð
 skop i upphafi B. 5 [fra himninum segir hann ecki B. 6 feðr B.
 7 [þvi at B. 8 [mgl B. 9 himinn B. 10 ok tilf. B. 11 [festing
 köllut himinn B. 12 [böllottr er sem B. 13 paradiso B. 14 salur B.
 15 þyða B. 16 ok B. 17 hæst tilf. B. 18 [saal. B; engla C. 19 þangat
 B. 20 [at engillinn hafði B. 21 [nema B. 22 [saal. B; ecki komaz C.

með brúðnu sverði, þæ er liking samandregin elldzins¹ ok sverðzins. Sa maðr er sverð hefir i hendi, [þa ma hann stundum sliðra sverðit², en stundum bregða því; ok sva eru ok hitar, þeir er þangat eru, at þa er Enók ok Elias foru i paradisum³, þa var
5 sem engill sliðraði sverðit, er þeir [kendu ecki hitans⁴ af guðs fyrirhyggiu, en þa er sem engill bregði⁵ sverðinu, er engi [ma annarra⁶ þangat komaz, nema þeir. En aunnur paradis er kaulluð hvilldarstaðr, sa er goðra manna salur hafa annars heims, sem [æ visar sialfr drottinn Jesus Krístr⁷ i guðzspialli, þa er hann
10 mællti i pisl sinni til illvirkians: Hodie mecum eris in paradiso. Þat þyðiz sva: I dag munttu með mer vera [i paradiso eða⁸ i hvilldarstað. En þat er rett trua, at þa er aundin skildiz við likama drottins æ krossinum helga, þa steig hann⁹ niðr til helvitis með guðdoms krapti i þann stað, er heilagra manna salur
15 voru fyrir, þviat aðr en pislín kíæmi fram, þa var engi sva heilagr maðr ok dyrligr, at eigi færi salin til helvitis. Ok eru þar þrir staðir greindir i heilagri ritningu: sa er einn, er Abraham ok helgir haufuðfeðr voru i [ok heilagra manna salur⁸, ok var þar engi aunnur pisl eða meinlæti, en þeir naðu eigi at sia drottin eða
20 koma til himinríkis dyrðar, fyrr en lausnarinn kíæmi at vitia þeira. En þo voru þeir með sannri huggan heilagrar vanar, at su lausn mundi fram koma, er þeim var fyrirheitin¹⁰. Ok þa er þiofrinn let lífit æ krossinum, sa er hvilldinni var fyrirheitið af allzvalldanda¹¹ guði, þa beið hann sva upprisú drottins. En þessi
25 staðr er stundum kallaðr [at bokmali paradisus¹², en stundum limbus inferni, ok þar var þa en hæsta [hvilld salunum¹³, þviat þar var þa aund allzvalldanda¹⁴ guðs með guðdoms krapti. En sa staðr er nu eyddr, ok hvar sem nu eru annars staðar salurnar i hvilld annars heims, [þa heitir sa staðr paradisus¹⁵. Annarr
30 staðr i helviti heitir purgatorium, þat þyðiz hreinsanarstaðr, ok fara þangat þeira manna salur, er sanna iðran hafa giort sinna synda ok skriptir hafa oint¹⁶, ok eru þar, til þess er [uppi er skriptin¹⁷, eptir því sem guðs domr er til, en siðan fara salurnar til hvilldar. Enn þriði staðr i helviti heitir puteus inferni, þat
35 þyðiz pyttur helvitis, ok fara þangat þeira manna salur, er i

1 engilsins B. 2 [ma stundum fela þat B. 3 [paradiso B. 4 [eigi kendu hitana B. 5 brygði B. 6 [matti annarr B. 7 [sialfr drottinn segir B. 8 [mgl. B. 9 hun B. 10 fyrirheitit B. 11 almatkum B. 12 [saal. B; paradis C. 13 [saal. B; dyrð C. 14 almattigs B. 15 [saal. B; þa er sa eyddr C. 16 óngvar B. 17 [skriptin er leyst B.

haufuðsyndum¹ lataz ok rekningar eru fra guði, ok leysiz engi or þeim stað, sa er þangat kemr.

32. Ok her næst i pistlinum, er Pall postoli segir, at honum hafi syndir verit hvíldarstaðir rettlatra manna, þa segir hann, at guð hafi æ hann lagt bardaga, til þess at hann fyllðiz eigi upp ofmetnaðar af þessum vitrunum. Ok sva visar til, at hann hafi kent likamligrar freistni æ ser, ok kvaðz hann þrysvar hafa beðit guð, at þessi freistni hyrfi af honum, ok hit þriðia sinn, er hann var æ bæn sinni, þa kom raudð yfir hann² ok mællti: „Þaurf vinnr þer, Pall, miskunn min, þviat kraptr ok dyrð vex i mann- 10 raunum, ef maðr berr vel.“ Her er umræða, hversu margar sakir til verði, [at guð berr maðnfolk³ her i heimi, ok er þat [or leyst⁴, at fyrir fim sakir berr hann. Ein er fyrir þær sakir, at guð⁵ vill varðveita litillæti með manni⁶, at hann fylliz eigi upp ofdræms af þeim lutum, er honum takaz vel, ok var su sauk til 15 bardagans við Pal postola. Su er aunnur sauk til bardagans, at guð vill syna sina dyrð [æ þeim er hann berr, til þess at menn skili, at hann er allzvallandi guð, sem hann gerði æ þeim, er blindr var borinn, ok sagði drottinn sialfr, at hvarki hafði misgert hann ne frændr hans til þess bardaga, er æ honum var, 20 helldr hafði hann meinvæti til þess, at guð syndi æ honum sina dyrð⁷ ok miskunn i gíof synarinnar. En þriðia sauk er su⁸, at hirta menn, þa er i moti allzvalldanda⁹ guði hafa sina meðferð, ok vill hann þa kalla til sin með meinvæti ok sannri iðran, sem guð giorði við Mariu systur Moyses[. Hun hallmællti Moysi ok 25 misgiorði¹⁰ i því, þa laust guð hana líkþra i andlitið, ok hafði hun þat [mein .vii.¹¹ daga til iðranar. En fjórða sauk er til þess at syna [rettlatum maunnum þolinmæði sinna astvina¹², sem guð gerði við Job, at þa þickiz¹³ menn at skyldari til at þola meinvæti fyr guðs sakir, er þeir haufðu sva mikla þolinmæði, er 30 ecki haufðu til saka gertt. Eigi skal sva virða, sem guð hafi rangt giort við Job i þessum bardaga, þviat því¹⁴ meiri mun dyrðin fram koma at launum, sem verðleikrinn var minni til meinvætananna. En fimta sauk er til [guðs bardaga¹⁵ at syna maunnum ogn meinvæta þeira, er vándir menn eigu fyrir haundum 35

1 syndum B. 2 af hinmi tilf. B. 3 [er almattigr guð berr folk³ B. 4 [lyst B. 5 hann B. 6 monnum B. 7 [mql. B. 8 til þess B. 9 almatkum B. 10 [, er hallmællt hafði Moysi ok misgert B. 11 [meinvæti .iiii. B. 12 [honum þolinmæði af sinum astvinum B. 13 þættiz B. 14 þeim mun B. 15 [þess B.

annars heims, sem guð giorði við Herodem konung, er drepa let baurnin helgu ok við Antiochum konung. Guð let her upp hefiaz þeira meinlæti, er endalausar kvalir attu fyrir haundum annars heims fyrir sina glæpi ok illzku. Þat þickiaz menn finna i orðum
 5 Pals postola, at hann hefði boðiz til fyrir astar sakir við folkit at vera einn¹ pindr, ok væri þa allir aðrir¹ frelstir fra eilifum kvolum. En þessi orð Pals postola skal með varygð² fram bera ok með rettri skilningu³, ok trua eigi sva, sem [sumir vilia⁴ þocka, at hann villdi eilifliga i kvaulum vera fyrir varar sakir;
 10 [en þa hefði hann⁵ eigi sanna ast við guð ok menn, [en sa ma eigi hialpaz, er hann þarnaz sannz astrikis við guð ok menn⁶, en þat er eigi mælanda [til Pals postola⁷. En þat er satt astriki við guð at unna honum um alla luti fram, en þar næst salu sinni eilifs fagnaðar, en i þriðia lagi salu naungs sins, en i fiorða stað
 15 at næra likama sinn ok styrkia til allra þurftugra⁸ nauðsynia. Ok ef um þat væri at kiosa, er⁹ eigi er, at einn maðr skylldi koma i himinriki, þa hefði sa einn¹⁰ sanna ast, er ser ynni þess betr en auðrum. En þessi orð Pals postola er sva at skilia, at¹¹ hann bauð sik fram til liknar maunnum undir aull meinlæti, þau
 20 er hann mætti kvelia her i heimi¹², eða vera nockura stund i purgatorio i hreinsanarellði. til þess at þa væri [alltt folk holpit¹³ helidr en aðr.

33. Þat er sagt, at eitthvert sinn i Corintho bannzetti Pall postoli einn mann ok fyrbauð aullum maunnum samneyti við
 25 hann fyr þann glæp, er hann hafði framið ok villdi eigi við skiliaz; ok þotti maunnum sva, þott Pall postoli [villdi eigi aa kveða glæpinn¹⁴, at sa maðr¹⁵ mundi hafva lagz¹⁶ með moður sinni eða tveim mæðguni misþyrmt¹⁷ elligar. Ok þa er postolinn¹⁸ hafði þann mann bannzettan, þa þotti fiandanum ser
 30 heimilltt þat herbergi ok hliop i bukinn, ok varð sa maðr diofuloðr. Þa komu frændr enns oða ok baðu Pal postola likna honum ok biðia fyr honum. Þa tok sa maðr heilsu sina ok geck þegar til sættar ok skilðiz við glæp¹⁹ sinn. En þo i fyrstunni þa villdu menn eigi samneyta [við hann²⁰ eða taka hann i

35 1 tilf. B. 2 varyrði B. 3 virðingu B. 4 [hinir sumir B. 5 [fyrir þvi at hann hafði þa B. 6 [tilf. B. 7 [við postolana B. 8 luta ok tilf. B. 9 sem B. 10 eigi B. 11 Her beg. atter A. 15 verolldu B C. 13 [allir holpnir B. 14 [kvæði eigi aa B C. 15 Her beg. Bladfragn. 16 lagiz B, legit C. 17 mgl. øvr. 18 hann øvr. 19 glæp l'r. 20 [honum B.

sitt¹ felag, aðr Pall postoli ritaði til þeira ok bað þæ taka [við honom² i samneyti við sik, þegar er hann var sattr við allz-valldanda guð. Ok synir enn sæli Pall postoli her þat, at hvart-veggia³ er skylt⁴, at hegna þat⁵, er rangtt er gort, en likna [þegar, ef af er latið⁶. En sva visa helgar bækr⁷ til, at i aund-⁵ verða kristni urðu⁸ optliga þau dæmi⁹, at þeir menn ærðuz¹⁰, er bannzettir voru af heilagri kirkiu, eða hendi elligar nockur aunnur skyssi. Ok þæ sæ menn miok við at [vefvia sik¹¹ i stormælunum. En i þeiri bok, er postille heitir ok giort hefvir Petrus Manducator yfvir Pals pistla¹², þæ segir [hann fra því¹³, at fiandinn leitaði¹⁰ ser raðs¹⁴, þotti honum menn of¹⁵ miok við sia at giora storglæpi. Fyr þæ sauk þæ bar þat fyr einn dyrðligan mann, at [fiandinn atti¹⁶ þing, ok sa domandi er þar var yfvir settr, at því er honum syndiz, þæ talði¹⁷ hann fyr þeim auðrum fiandum, er þar voru samankomnir, ok bauð þeim, at þeir skylldu þat mest varazt¹⁵ at sla ærslum æ þæ menn, er bannzettir væri af heilagri kirkiu, eða giora þeim [þat ne eitt¹⁸, er menn¹⁹ villdi þaðan af varaz at falla i slika storglæpi, sem [þeir er fyr sannar sakir voru bannzettir af heilagri kirkiu²⁰, ok mæ þaðan af engi²¹ diarfliga²² dæma, at eptir verðleikum manna takiz²³, hvart er manni²⁴ gengr²⁰ vel eða illa til virðingar eða farsælldar þessa heims.

34. Nu er yfvir farið nockut þær mannraunir, er Pall postoli sialfr innir²⁵ upp i sinum pistli, ok Lucas hefvir fatt fra sagtt eða ecki fra sumum lutum. Ok taukum²⁶ nu þar til, er Julius hundraðshaufðingi bio ferð sina til Romaborgar ok hafði Pal²⁵ postola i sinu fauruneyti, ok nockura hans lærisveina. Ok er sva fra sagtt, at Julius hellt postolann vel at þeim lutum aullum, er i hans valldi voru. Ok telr her Lucas²⁷ upp margar borgir, þær er æ leið þeira voru, ok leyfði Julius Pali postola, at hans astvinir kiæmi²⁸ til hans or hverri borg, þeiri er þeir dvaulðuzt i.³⁰ Þeir foru skipaferð af Cesarea ok fram fyr Asiam ok um Girklandz²⁹

1 valld eða tilf. B Fr. 2 [hann B. 3 hvervetna øvr. 4 hattr B. 5 þar B. 6 [þa er viðskiltz (við er skilit C, við er skiliz Fr.) øvr. 7 ritningar øvr. 8 yrði øvr. 9 dæmi Fr. 10 ærðoz Fr. 11 [vefiaz øvr. 12 pistlum Fr. 13 [fra því B C; þar sva Fr. 14 ok tilf. B Fr. 35 15 til B. 16 [fiandnir attu B. 17 talaði øvr. 18 [neitt C Fr. 19 [ne eitt mein þat er aðrir B. 20 [nu voru bannsettir fyrir B. 21 eigi øvr. 22 mæla eða tilf. C Fr. 23 verði B. 24 honum øvr. 25 tinir C Fr.; telr B. 26 ver tilf. øvr. 27 mgl. øvr. 28 kœmi Fr. 29 Gricklandz B.

eyiar. Ok einhveriu sinni þá aflatti Pall postoli, at þeir skyllði þat veðr ut taka or þeiri haufnn, er þá voru þeir staddir, en leiðsaugumaðr fysti, ok samþyctiz¹ Julius þvi, en Pall postoli sagði, at þeir mundi koma i mikinn haska, ok [geck þeim eptir 5 þvi². En er þeir haufðu skamt siglitt i haf, þá kom veðr i moti þeim með stormi miklum, ok rak þá morg dægr³ afleiðis, ok kaustuðu naliga⁴ aullum farminum. Ok eina nott giorði veðrit sva mikit, at þeir aurvilnuðuz allir, [aðr en Pall postoli sagði⁵, at þeir mundi⁶ land taka. Voru menn miok þrekaðir⁷, þvi at lengi 10 hafði vistafátt verit i⁸ skipinu. Þá stoð Pall postoli upp ok talaði fyr þeim ok sagði þá, at þeim mundi þickia þvi betr raðit, at þeir hefði truat hans orðum ok lagtt eigi or haufninni, „en þo bið ek yðr vera i goðu skapi, sagði postolinn, þvi at þá er ek var æ bæn⁹ minni aðan, þá sendi Jesus Kristr, sa er ek þiona, 15 engil sinn til min, þann er sva mællti: [Hirtu eigi¹⁰, Pall, at hræðaz, þvi at þer byriar at koma fyr keisara ok vera af honum dæmðr¹¹, ok þu hefvir þegið lif aullum þeim, er innan borz eru með þer. Nu truit¹² fastliga orðum mins drottins.“ Þá hafði þá rekit fiortan dægr¹³. Ok æ¹⁴ miðri nott saugðu þeir, er vaurð 20 helldu yfvir skipinu, at þeir þottuz sia land, ok hliopu til sumir ok skutu bati ok villdu [þar æ¹⁵. Þá mællti Pall postoli: „Ef nockurir¹⁶ ganga æ batinn, þá munu þeir eigi lifs til landz komaz¹⁷.“ Þá hioggu riddarar Julij bátfestina¹⁸ af orðum Pals postola, ok sleit hann fra þeim. [Postolinn bauð þá, at menn 25 mataðiz¹⁹, þeir er æ skipinu voru, þviat hann sagði²⁰, at i landtaukunni mundi verða bæði mikit starf ok erfviði fyr haundum. Þeir festu þá upp i framstafninum eit litið segll, [sva sem væri iping²¹ nockur²², ok letu sva reka skipit at landi. En þar er þeir komu at²³, þá geck [nes eitt af eyiu þeiri, er þá 30 bar²⁴ at, ok er skipið kendi grunnz fram, þá lamði aptr fyrir áfaullum. Þá mælltu riddarar þat fyrir Julio, at hann skyllði lata drepa alla þá, er i varðhalldi voru eða i baundum æ skipinu, at

1 samþykkti *B.* 2 [þat geck eptir *övr.* 3 dægr *Fr.* 4 miök *B.* 5 [aðrir en Pall postoli *C Fr.*; nema Pall postoli *B.* 6 mundu *C Fr.* 35 7 dasaðir *B*, þiaðir *C.* 8 a *övr.* 9 bæn *Fr.* 10 [Hirð eigi þu *B.* 11 dæmðr *Fr.* 12 er *tilf. Fr.*, þer *B.* 13 dægr *Fr.* 14 *tilf. övr.* 15 [þeir að landi *Fr.* 16 nakvarir *Fr.* 17 koma *B Fr.* 18 festina þa er i var batinum *B* 19 [Ok bað þa Pall postoli, at menn skylldo við buaz *B.* 20 sa *B.* 21 lypting *C.* 22 [mgl *B Fr.* 23 landi *tilf.* 40 *B C.* 24 [sker fram af eyiu þeiri, er þeir komu at *B.*

eigi bæri sva til, at þeir kiæmiz¹ or haundum þeim, ef þa bæri annars staðar at landi, en hans menn væri fyrir. En Julius samþykkti því² eigi, ok [sagði ecki giora skylldu til meins Pali postola eða hans maunnum³, ok þat⁴ var haftt. En sva bar i moti, sem Pall postoli hafði fyrir sagtt, at menn hellduz allir, en skip tyndiz⁵ ok allt annat, þat er æ var. Ok er þeir komu æ land, þa gengu landzmenn vel i moti [at hialpas⁶ þeim; ok voru elldar kyndir a strondunni. Ok er Pall postoli safnaði⁶ smaviði til elldzins, þa [i þeim viðinum, er hann bar i fangi ser, hafði leynst ein naðra⁷, ok hrocktiz hun at hendi Palls⁸ postola. En er heiðnir menn sa¹⁰ þetta, þa ræddu þeir sva sín i milli: „Þessi man sannligha⁹ vera manndrapamaðr eða morðingi, er guðin syna sva beiliga¹⁰ sina reiði yfir, at¹¹ siorinn villdi eigi þiggia hann fyr sina glæpi, en nu skyldi honum hit versta eitركykvendi at bana verða, ok [vera eigi lengr lifsins verðr¹². En er Pall postoli kom at¹⁵ elldinum fram, þa lagði hann niðr viðinn, en hristi noðruna [fram af hendi ser i¹³ elldinn. Folkit undraðiz, er hia stoð, ok beið þess, er haundin þrutnaði af eitri nauðrunnar eða horundit blesi annarstaðar. Ok er langtt var fra liðit, ok var Pall postoli i¹⁴ starfvi sem aðr, þa kaulluðu þeir upp allir [sem eins mannz²⁰ munni, er við voru staddir¹⁵: „Þessi maðr, saugðu þeir, er guð¹⁶ er til vár er kominn.“ Her dvalðiz Pall postoli i þessi eyiunockura hrið, ok gaf heilsu fauður þess manz, er Publius het, er þar var haufðingi yfir eyiunni. [En þann siukleik hafði faðir hans Publí, at hann kendi riðu ok utsottar, ok¹⁷ af bænum hins²⁵ sæla Pals postola varð hann heill [af þeim siukleikum¹⁸. Ok toku margir menn tru af þeiri iarteign ok kenningum Palls postola. En er vára tok, þa [gengu þeir¹⁹ Julius æ skip ok hans faurunautar, ok foru þaðan til Italialandz²⁰, er Romaborg stendr æ. Ok er Pall postoli kom þar við land, þa komu kristnir³⁰ menn af Romaborg i moti postolanum, þeir er honum fylgðu síðan til Romaborgar. Ok funduz þeir þar postolarnir [Petr ok Pall²¹, ok kemr her saman frasaugn um þeira kenningar. Ok því at

1 kvemiz *Fr.* 2 þat *C.* 3 [fyrirbauð hverium manni, at ne eitt mein skyldi gera *B.* 4 *Her ender Fragn.* 5 [mgl. *B.* 6 samnaði *B.* 7 35 [hafði naðra ein leynst i viðinum *B.* 8 Pali *B.* 9 [At visu mun þetta *B.* 10 opinberliga *B.* 11 tilf. *B. C.* 12 [saal. *A. C.*; var hann eigi verðr lengra lifsins *B.* 13 [niðr af hendinni aa *B.* 14 at *B. C.* 15 [senn, er við voro, sem eins munni mælti allir *B.* 16 i mannz aaseonu tilf. *B.* 17 [Hann hafði kent riðu, en *B.* 18 [mgl. *B.* 19 [geck *B.* 20 Ita- 40 liam *B.* 21 [Petrus ok Paulus *B.*

allzvalldandi guð setti [Petr postola¹ hofðingia allra postola ok foringia² heilagrar kristni, þæ [standa þeir atburðir i hans saugu³, er þeir voru baðir við staddir. En Nero keisari hafði þæ tva vetr [riki haftt, er Pall postoli kom til Romaborgar, ok
5 hvergi nær fullkominn i sinu riki ok⁴ illzku, eptir því sem siðan var⁵. Ok er Pall postoli hafði skamma hrið verit i Romaborg, þæ sendi hann orð Gyðingum, at þeir skylldu allir til hans koma, því at honum þotti eigi aurvæntt, at nockur bref hefði komit utan af Gyðingalandi fra hans ofundarmaunnum, at þessir Gyðingar, er
10 i Romaborg voru, [skylldu honum slikar umsatir veita ok ofrið, sem hinir haufðu giort⁶, er fyr utan haf voru. [Ok hof hann sva malit i fyrstunni fyr þeim, er til voru komnir at⁷ heyra: „Þat vil ek, at þer vitið, bræðr, kynsmenn Abrahe⁸, at eigi er þat mitt erendi til Romaborgar at gefva sakir eða rægia mina ættmenn,
15 þæ sem her eru fyrir, helldr fyr hina⁹ sauk, at ek hefvi minu mali skotið a keisarans dom fyr sakir rogs Gyðinga minna aufundarmanna, ok þeir selldu mik Romverium i hendr fyr utan haf, oc attu þeir mer enga dauðasauk at gefva, þott ek boðaða upprisnu dauðra manna. En ek tæ¹⁰ því þetta fyr yðr, ef nockur bref hafva komit
20 til yðar um mitt mal, at þer vitið þar sannendi af.“ En þeir svaurluðu, at engi bref hefði komit utan um haf [fra honum¹¹ til þeira, ok engi [maðr hefði tæð¹² hans mal fyr þeim, „en nu vilium ver, [saugðu þeir, vita¹³, hveria skilning þu hefvir æ um kenning Petrs postola eða tru kristinna manna, því at víða er
25 henni nu i moti mælltt.“ Þæ bauð Pall postoli, at þeir skylldu a kveða [a dag¹⁴ at heyra hans orlausnn um þetta mal. Ok a þeim sama degi, sem akveðinn var, kom mikill [fiolði Gyðinga i hans herbergi, ok kendi hann kenningar¹⁵ allan daginn fra morni til kvelldz, ok syndi þeim, hverssu sannliga allar ritningar vattuðu,
30 at drottinn Jesus Kristr guðs son var borinn hegat i heim til lausnar [aullum maunnum, ok¹⁶ toku margir menn retta tru af [þessi kenningu Pals postola¹⁷. Ok tva hina fyrstu vetr er Pall

1 [saal. C; postola A, Petrum B. 2 allrar tilf. B. 3 [aa þat hans saugu at fylgia allt B. 4 [raðit ríkinu, ok var hann hvergi nær þa enn fullkominn i sinni B. 5 varð B. 6 [gerði honum u'rið sem þeir B. 7 [Nu hof hann sva sina ræðu fyrir þeim, er hans kenning villdu B. 8 Adams B. 9 þa B. 10 saal A B; tiae C. 11 [mgl. B. 12 [hefði tiað B C. 13 [spyria þik B. 14 [dag til B. 15 [mannfoldi at heyra kenningh postolans, ok predikadi hann B. 16 [mannkyuinu, ok þann dagh B. 17 [hans kenningum B.

postoli kenndi kenningar i Romaborg, þæ var aullum maunnum leyftt at ganga a hans fund ok heyra hans kenningar¹, ok honum [sialfum var leyft² at fara um alla borgina i frelsi, sem hann villdi. En meira frelsi hafði hann [siðan naliga³ tiu vetr, fyr því at þæ var honum leyptt at fara um en næstu [heruð vestr fra 5 borginni⁴ at kenna kenningar. Ok æ hinu fiortanda ari rikis Neronis keisara var Pall postoli settr i myrkvastofu at raði Neronis, ok var þæ Simon spekingr⁵ at raðagiorð með keisaranum, þann kaullum ver enn fiolkunga Simon. Þæ komu margir menn til Pals postola i myrkvastofuna ok toku retta tru af hans kenn- 10 ingum ok villdu eigi siðan þiona Neroni keisara. Ok fyr því⁶ bauð Nero, at Pal postola skyllði leiða [a hans fund. Ok þæ er Nero sa Pal postola, þæ mællti hann við sina menn⁷: „Takit þenna illgiorðamann ok hauggvit⁸, þvíat hann ferr með galldra ok með giorningar ok snyr hvers manz hugskoti.“ Þæ svaraði Pall 15 postoli ok mællti: „Herra, sagði hann, þetta man mer vera skammt meinlæti, þvíat ek man lifva i eilifu lifvi⁹ með minum konungi Jesu Kristo, þegar er haufuðit er af bolnum.“ Nero mællti: „Færið af honum hafuðit sem skiotaz, ef hann veit ser van sva mikillar sælu. En ek vænti þess, at sva fremi¹⁰ muni¹¹ hann skilia, 20 at ek em sa konungr, er engi man sigra, ok ek mæ bæði raða lifvi manzins, ok sva hver meinlæti maðr skal þola¹² til dauðans.“ Þæ mællti Pall postoli: „Til þess at þu vitir, at bæði þionar guði drottni minum Jesu Kristo lif ok dauði, þæ man ek vittraz þer, eptir þat er ek em hauggvinn, oc syna þer þat et eilifva 25 lifvit, er goðir menn taka at launum sinnar þionostu við almatkan guð.“ En þetta [viðrtal þeira keisarans ok Pals postola var eptir þat, er Simon spekingr hafði daið¹³ herfviligum dauða, ok Nero kallaði fyr því Pal postola manndrapamann, at honum þotti af þeim Petro postola hlotiz hafva liflat Simonar vinar sins. Eptir 30 þat var Pall postoli leiddr or borginni til þess staðar, er Catachumbas heitir, a þeiri gautu, er Via Ostensis heitir. Varð fyrir þeim a þeiri leið [huspreyia ok¹⁴ eckia virðulig, er Plautilla het, hun hafði retta tru tekit af kenningum postolanna¹⁵, [ok bað

¹ ok predikan tilf. B. ² saal. C; frelsi gefvit A; [mgl. B. ³ [ena 35 næstu B. ⁴ [lond B. ⁵ magus C. ⁶ þat B. ⁷ [ut af borginni ok mællti B. ⁸ af honum haufut tilf. B. ⁹ Her beg. Fragn. ¹⁰ tilf. B Fr.; framt C. ¹¹ saal. A Fr.; mun B C. ¹² hafa C Fr. ¹³ [tauluðu þeir eptir þat, er Simon enn illi var dauðr B. ¹⁴ [mgl. B C. ¹⁵ postolans C; Pals postola B.

Pall postoli, at hun leði honum duk nockurnn at binda fyr augu ser, aðr hann væri hauggvinn, ok sagðiz sialfr koma mundu at færa henni dukinn eptir andlat sitt¹. Ok sva giorði hun, sem hann beiddi². En þeir [hlogu at henni, er við voru staddir, ok
5 heimskuðu hana um þenna atrunað³. En er Pall kom fram til þess staðar, er þeir ætluðu at hauggva hann, þæi fell hann til bænar ok giorði þackir almatkum guði ok blezaði kristna menn alla, þæa er við staddir voru, ok minntiz til þeira. [Knytti⁴ siðan dukinum⁵ um hofut ser ok fell æ bæði kne ok retti halsinn undir
10 hauggið, ok þæa var hann hauggvinn. Ok er haufuðit flo⁶ af bolnum, þæa mællti tungan i haufðinu, nefnndi æ nafnn drottin Jesum Krist a ebreska tungu. Or sarinu rann fyrst miolk en siðan bloð, ok merkir miolkin hans kenningar, því at hun er siukra manna fæzla⁷, enda eru sva⁸ kenningar Pals postola með meiri liknn ok
15 astuð en flestra annarra heilagra manna. Er hann kallaðr postoli heiðinna þioða, því at heiðinna manna salur voru mest siukar i motgiorðum við almatkan guð, en sa er mest er siukr, þæa þarf sa linazta fæzluna⁹. Ok kallar því Pall postoli sialfr sinar kenningar miolk, sem hann segir: Lac vobis potum dedi, non solidum
20 cibum. Þat er¹⁰ sva: Miolk gaf ek yðr ok eigi sterkari fæzlu, því at þer mattuð eigi þæa bera fyrir siukleika sakir. En dukrinn sæa er hann hafði [bundið fyr augu ser, aðr hann væri hoggvinn, þæa hvarf þeim at syn, er við staddir voru hans liflat, ok er þeir foru heim æ leið til borgarinnar, þæa stoð Plautilla i sama stað.
25 Þeir beidduz þæa at síæ dukinn, ok þat veitti hun þeim. Ok var þæa bloðugr dukrinn, sagði hun sialfvan Pal postola hafva ser fært dukinn¹¹. En er þeir komu a fund keisara, þæa saugðu þeir [þetta með mikilli ræzlu ok alla atburði, sem giorzt haufðu um pisl¹² Pals postola.

30 ¹ [Paulus mællti: Lie þu mer duk þinn, kona, fyrir augu mer, meðan ek em hoggvinn, en ek fæ þer eptir andlat mitt *B.* ² bauð *B.* ³ [riddararnir hlogu at henni ok mælltu: „Fyrir hvi glatar þu duk þinum“ *B.* ⁴ *saal. B C*; Knutti *A.* ⁵ [Siðan batt hann dukinn *Fr.* ⁶ flaug *A Fr.* ⁷ fæzla *Fr.*, fæða *B.* ⁸ ok *B.* ⁹ fæzluna *Fr.*, fæðu *B.* ¹⁰ þyðiz *B Fr.* ¹¹ [knytt at hófði ser, hvarf þegar or augliti þeira. Ok er þeir hurfu fra pinslum Pals postola, fundu þeir Plautillam standa i saumum sporum. Þeir mælltu við hana: „Hvar er nu dukr þinn, kona, er Pall het at færa þer? syn þu oss hann nu.“ Þa syndi hun þeim dukinn allan bloðugan, ok sagði þat með, at Pall postoli hefði sialfr fært henni með
35 otalligum englafylkium *B.* ¹² [honum með mikilli hræðzlu allan atburð fra liflati *B.*

En þann sama dag¹ nær noni dagsins², þá kom Pall postoli at lucðum dyrum³ i þat herbergi, sem⁴ keisarinn var inni fyrir, ok stoð postolinn fyrir honum ok mælti: „See her nu Paulum⁵ riddara eilífs konungs! Nu mantu⁶ trúa, at ek lifvi með minum konungi eptir dauðann. En æ skaummu meli þá man otti yfvir⁵ þik koma, ok því næst manntu deyja [ok fara til eilífra kvala⁷ fyr þína glæpi⁸, þá er þu hefvir giorfva i bloðsuthellingu rettlatra manna.“ Eptir þetta hvarf postolinn⁹ [honum at syn¹⁰. Ok fam daugum síðarr villdu borgarmenn ganga at Nerone keisara ok drepa hann fyr [illgiorðir sínar¹¹. Þá kom sa otti yfvir¹⁰ keisarann, at hann flyði or borginni a eyðimerkr út, ok do þar herfviligum dauða.

35. Nu er nockut yfvirfarit saugu hins sæla Pals postola, ok er hann samiafnn kallaðr Petro postola at dyrð ok heilagleik, ok er því saman iafunað, er hinn helgi Petr postoli geck þurru¹⁵ fotum [æ sionum¹², en hinn helgi Pall lifði tvau dægr¹³ æ marabotnum [i sionum¹⁴. Petr postoli giorði menn heila i skugga sinum, en Pall postoli vissi af giptt heilags anda dauða þeira manna, er letuz fyr utan hans herbergi, sva at engi¹⁵ sagði honum, ok var sialfr inni staddr¹⁶. Sva er¹⁷ at kveðit, at Pall²⁰ postoli skyli [alla verolld¹⁸ eptir ser leiða til himinrikis fagnaða, en Petr postoli skal við aullum¹⁹ taka ok skipa i eilíf sæti með allzvalldanda guði; sva er ok sagtt, at .xii. guðs postolar skolu dæma²⁰ um tolf ættir Israel at enum efzta domi, en Pall postoli um allar aðrar þiðir. Ok er²¹ þat til marks, at þeir eru²² 25 iafnnir Petr ok Pall i allri dyrð, þá villdi guð, at þeir væri baðir pindir i [enni æztu borg²³ i heiminum ok undir einum keisara, æ einu ari ok æ einum degi, ok þo i sinum stað hvarr þeira i borginni. Ok því at Pall var þeira ættstærri²⁴ [at veralldar virðingu²⁵, þá var hann i æðra²⁶ stað²⁷ pindr i borginni ok með³⁰ rikismanna dauðdaga, því at þá skyldi halshauggva. [Þotti ok²⁸ keisararum Pall hafva minna af giort, er hann hafði skemr²⁹

1 [mgl. Fr. 2 mgl. B. 3 durum B. 4 er Fr. 5 Pal Fr. 6 mattu B Fr. 7 [til helvitis B. 8 glæpi Fr. 9 fra tilf. Fr. 10 [aa braut skiott B. 11 [sakir illgiorða hans B. 12 [eptir sionum Fr.; um sea B. 35 13 dægr Fr. 14 [mgl. B Fr. 15 maðr tilf. B C. 16 saal. øvr.; staðr A 17 ok tilf. B. 18 [allar þiðir B. 19 þeim B. 20 dæma Fr. 21 mgl. B. 22 væri B. 23 [einni borg enni æztu Fr. 24 ættstærri Fr. 25 [mgl. Fr. 26 æðra Fr. 27 Her end. Fr. 28 [Enda þotti B. 29 skemri stund B.

boðat guðs erendi i Romaborg en Petr. Sva diupt standa orð Pals postola, þau er hann segir i sinum pistlum eða kenningum, at hann kallaz doctor gencium, ok þat hefvir sagtt hverr annarra postola, þeira er hann hafva æ nafnn nefndan i ritningum. Latum oss þat
5 hugkvemt vera, at Pall postoli ok aðrir guðs postolar skolu vera varir domendr a domsdegi með allzvalldanda guði, en arnendr miskunnar i við guð þar til. Ok er sva at kveðit, at þeim mun leiði Pall postoli fleiri mennina eptir ser a domsdegi til himinrikis en allir aðrir guðs postolar, sem hann hefvir mycklu meiri mannaunir þollt²
10 fyr guðs sakir ok viðara um heiminn farið guðs erendi at boða³ en naliga allir aðrir, ok framar vitað dyrð ok fagnað himinrikis en þeir⁴ aðrir, meðan hann var i þessum heimi, þviat guð hafði syntt honum sina leynda luti. [Biðium nu þess guð, at með milldi skaparans ok arnaðarorði ens heilaga Pauli postola verðim ver
15 æ domsdegi laðaðir⁵ til hægri handar allzvalldanda guði ok þaðan leiddir til þess sama fagnaðar, er Pall postoli segir sialfr i fra, er honum var syndr, ok ecki auga hefði nað þvilika dyrð at sia, ok ecki eyra at heyra slikan fagnað, ok hugrinn, er miklu er þo smasmuglari helldr¹ en syn eða heyrnn, mætti eigi hugsu þvilika
20 dyrð, sem guð hefvir fyrir buið sinum astvinum, i þeiri lifvir ok rikir varr herra Jesus Kristr með [feðr ok helgum anda⁶ per omnia secula seculorum. Amen.

Fragmenter*.

.....
25 lips at mæla vit þa, fyrir því at annat hvart er i hverri spurni(n)gu, at maðr spyrr þess er honum er ifi a, oc vill hann þa hafa órlausn af auðrum, eða hann spyrr þess, er aullom er augliost, oc hrosar hann sva sæmð þess, er hann tal(ar) um, at hann leysi sialfr ór, fyrir því at engi ero aunnur saurinn(!) til enn þau sem
30 hann hitti a sialfr, oc hefir hann þa sæmð af haufþ' oc goðan vilia enn dyrþ af ollo folki, er sva berliga skal til hans mega mæla, at hveriom þyckir ser skaum i at mæla um hans taulo, er vit er staddr. Agrippa mælti: „skamma hriþ mundir þu tala

1 mgl. B. 2 þolat C; haft B. 3 reka B. 4 flestir B. 5 [saal. B;
35 Af hans arnaðarorði verðim ver aa domsdegi A C. 6 [aullum helgum monnum B. * Jvf. ovenfor S. 263²³-264¹³, 265¹³-266¹, 267¹⁰-268²³, 269³-270¹⁷.

fyrir mer aðr enn ek munda taka vit þeiri tru, sem þu byðr.“ Þá mælti Pall postoli: „Giarna villða ek þess æskia fyrir guði, at þer, herra, oc allir, þeir ær a heyra mitt erindi i dag, yrði þvilikir i truinni sem ek em nu, at því fraskildu, at þeir væri eigi bunir sem ek em nu.“ En eptir þetta raufr þingit. Oc er Festus oc Agrippa gengu a brot, þa tauðo þeir um með ser, at Pall hefði eck(i) til þess gert, at honom mætti sakir gefa eða vera i bondom hafðr. Sva mælti oc Agrippa til iarls: „Vel mættir þu leyfi gefa Pali at fara hvert er hann villði, ef hann hefði eigi sinu mali til keisarans skotit, enn at sva komnu mali sem nu er, þa er þat mitt rað at senda hann a keisarans fund.“ Nu er Pall fenginn i hendr þeim manni er Vilia het, oc hafði litlo aðr verit sendr af keisaranom til Gyþingalandz oc skyldi þa fara aptr i Romaborg. Hann var hundraðshaufþingi.

Pall appellaði sino 15

.
 ebrescir er onyta vilia mina kenning oc þurfa þeir (eigi) þess fyrir því at trua þeim betr en mer, at ek hefi þa tign sem þer, at ek em oc ebreskr, af Abrahams kyni eru þer oc sva em ek, Kristi þioni þer, oc sva þiona ek, oc at eg(!) gæta noccuro miðr orðtaka enn hæfi, þa em ek framarr i þeiri þionusto en þeir. Nu þa hluti alla sem þeir hafa (til) tignar fyrir ættar sakir ok kunnusto, þa hefi ek til iafns vit þa. Fyrir hvi skolo þeir mina kenning fyrirdæma oc hverfa fra sannindom. Fleiri þrautir hefi ec þolat fyrir guðs sakir en þeir hafa. Ek hefi optliga verit i myrqvastofum fyrir hans nafni oc maurgum meinlætum mætt ok lifs haska. Ek var fim sinom sinom(!) bardr af Gyþingum með þeim svipum er qvadrageni heita.“ Þat skyra sva helgir feðr, at i Moses logum væri sva boðit, at aqveðinn var skript fyrir hvern hlut, eptir því sem til var sett, ef maðr brytr taunn or haufði manne, þa skyldi hann lata aðra i stapinn, auga skyldi fyrir auga koma koma(!), en haund fyrir hand(!) fyrir(!), akveðnar voru þær sakir, er maðr skyldi lifi tyna, sva oc ef maðr gerdi smæri hluti, þa var aqveðit, hvat fyrir skyldi koma. Oc er sva sagt, at Gyþingar gæfi Pali þa sauk, er fyrir atti at koma at þeira kalli .xl. hauggva af qvadrageno. Ok fyrir því at hann var ættstorr maðr oc nafrændi þeira er

 veit at ek lyg eigi sa er um allar alldir verallða.

Fra Pali postola.

Enn með þessom meinlætum eins(!) sæla Pals postola þa
 hafði guð margfalliga hugat hann með sinni mildi og miskunn.
 Og þa hugan vattar Páll postoli í sinum pistola fyrir sinum læri-
 5 sveinum: „Ef ek skyllða náðvat mína dýr þú tía, þa sem guð hefir
 mér veitt, þa væri þar efni til af minom meinlætum, hveria styrkt
 almatigr guð hefir mér gefit í þeim vitnum(!), sem ek man nú til
 taka at segja, þvíat það er eigi skyllt nema ég villða.“ Og sneri
 sva malinu, sem hann segi frá einhveriom manne það, er hann
 10 sagði frá sialfum sér, fyrir því at það er vitra manna hatr at
 nefna eigi sialfa síð til ena stærstu hlutu(!) ok forþa sva þeim,
 sem hans áfundarmenn voru, vit rongu orðtaki, at eigi megi
 þeir kalla, at hann hafi gert fyrir hræsni sakir, ok taka af því
 synd, er þeir liuga. Ok því hóf Páll sva malit: „Veit ek mann
 15 fyrir .xiiii. vetrum hafþan upp til enns hæsta himins, at sía þar
 leynda hluti guðs, enn guð veit, hvart það var bæði með áund
 og líkama, eða var áundin ein saman, það veit ég eigi, sagði
 Páll. Ok sá inn sami maður með því moti sem ádr var sagt,
 var leiddur í þa(rá)diso og heyrði þar þau orð, er manne (er) eigi
 20 leyft at mæla hér í veröldu. „Fyrir þessa sáuk mætta ég helst,
 segir Páll, dýrkast en ekki fyrir minar sakir. Enn þó at ég gerða,
 þa mætti mér eigi til ovizku virða, fyrir því at ég munda sann-
 indi segja, enn ek man þó vægiast vit, at eigi beri sva í móti,
 at né einn, sá er mik sér eða mín orð heyrir, ætli mic um það
 25 fram, sem (hann) sér af mér.“ Hér er umræða, hvert Páll var
 þa hafdr, er hann var upp til inns hæsta himins, og skilja það
 sva helgir fedr, at honom væri þa synt himinríki, fyrir því at það
 er himinríki kallat í helgum ritningum, sem Moises vattar í
 (upp)hafi sínar bækr, þa er hann segir, at guð scop í upphafi
 30 himin og iorð. Hann segir, at iorðin var áuð og onyt, en hann
 segir ekki frá um himininn. Það glosa sva helgir feðr, at hann
 taladi þa um himinríki, fyrir því at það var skapat þegar fullt af
 englum og allri himneskri dydr(!), og er það kallat empirium
 celum, það þýðiz elldigr(!) himinn, eigi fyrir hita sakir helldr fyrir
 35 þær sakir, at sva er áullom liost, at hverr at(!) skilr annars
 hugrenning, er þangat kemr, enda vill hverr (sem) annarr, sá er
 þar er, síðan er fiandinn er var(!) á brot rekinn ok áull hans
 sveit. Enn því er það kallat enn hæsti himinn, at fýst er talet
 loptit einn himinn, enn þar næst festingarhiminn, þann sem vær
 40 síam himintungl á vera fost, hann var scapadr annan dag viku.

Enn þridi er himinriki, er yfir þessom er. Celum þyðiz himinn, ok er því loptit, at þar er mart leynt i oc hulit fyrir monnom, þat er i loptinu er. Enn því er festing kollot himinn, sa er vaxinn er bollotr sem egg, at þat er oss leynt allt, er fyrir utan þat er, er ver megum sia til himins. Enn því er himinriki inn 5 þridi himinn, at hann er yfir þeim .ii., er adr voru nefndir. En þat er hann segir, at hann var leidr i paradiso, þa glosa sva helgir fedr, at honom hafa syndir verit hvildarstaþir, þeir er andir rettlatra manna skulo hafa til dóms, en þat er sva at scyra, at i tveningu se paradisus, su er aunnur er her i heimi er, er Adam 10 var setr i. Ok er þat land oc liggr i austrveg, oc sva noccuro hátt sem tungl gengr. En síðan er Adam var a braut rekin, þa setti guþ til engil sin at varþveita þann staþ, en engi kæmiz þangat. Ok visar til, sem engillin hefpi sverþ i hendi bru(g)ðit. Enn þat er sva. 15 fir i hendi þa ma stundom bregþa því, sva ero ok hitar þeir enir miklo, er þangat ero, at þa er Enok oc Elias foru i paradiso, þa var sem engillin slípradi sverþit, er þeir kenndo ecci hitanna af guþs forssia. Enn þa er sem engillinn brygði sverþinu, enn engi matti þangat komast annar. Enn aunnur paradis eru kall(a)dir 20 hvilldarstadir, þeir er godra manna salor hafa annars heims, sem avisar sialfr drottinn i guþspialli, þa er hann mælti i pils sinni til illvirkians: Hodie mecum in paradiso. Þat þydir sva: i dag manto með mer vera i hvi(l)þarstaþ. Enn er rett trua, at þa er aundin var skilit vit licama drottins vars a crossinom 25 helga, at hann steg(!) niþr til helvitis með guþdóms crapti i þann stad, er fyrir voru salur heilagra manna. Þviat aðr en pilsin kæmi fram, var engi sva heilagr eþa dyrligr, at eigi færi salin til helvitis. Þar eru .iii. stadir greindir i heilagri ritningu. Sa er einn, er Abraham var i oc helgir hofudfedr oc heilagra manna 30 salur, oc var þar engi aunnur pils eþa meinlæti, enn þeir nadu eigi at sia eþa koma til himinrikis dyrþar, fyrr en lausnin kæmi at vitia þeira. Enn þo voru þeir með sadri hugan heilagrar vánar, at su lausn mundi fram koma, er þeim var fyrir heitit. Ok þa er þiofrin let lif a crossinom, sa er hvilldinni var fyrir heitit af 35 almatkum guði oc beip sva uppriso drotinns várs. Enn þessi stadr er stundum kalladr at bócmali paradisus enn stundom limbus inferni, oc var þar þa enn hæsta hvild salunum, fyrir því at þar var almattigr guþ með guþdóms crapti. Enn sa stad(r) er nu eydr, oc hvar sem annars stadar eru salur manna nu i 40

hvilld, þa heitir sa stadr paradisus. Annarr stadr heitir (i) helviti purgatorium, þat þydum ver hreinsunarstað, oc fara þangat þeira manna salur, er sanna iðran hafa gert sinna synda, en oinntar scriptir, oc ero þar til þess, er scriptir ero uppi, eptir því sem guðs domr er til, en sidan fara salurnar til hvilldarinnar.

Pall segir fra helviti.

5 I(nn) þridi stadr heitir puceus inferni, þat þydiz pytr hellvitis, oc fara þangat þeira manna salur, er i hofudsyndum lataz oc rekningar ero fra guði, oc leysist engi or þeim stað, sa er þangat kemr. Oc her næst i pistolanum segir Pall postoli, at honum
10 hafi syndir verit hvilldarstaðir rettlatra manna, þa segir hann, at guð hafi a han lagt bardaga, til þess at hann fylldiz eigi upp metnadar af þessom vitronum, oc visar sva til, at hann hafi kent licamligrar freistni a ser, oc kvast hann þrysvar hafa beþit drottinn vann, at þessi freistni hyrfi fra honom, oc it þridi(a)
15 sinni, er hann var a bæn sinni, kom raud yfir hann oc mælti: „Þaurf vidr þer, Pall, miskunn min, þvíat craptr oc dyrþ vex i mannraunum, ef hann ber vel.“ En her er umræða, hversu margar sakir til þess verdi, er guð ber folkit her i heimi, oc er þat or leyst, at fyrir fim sakir ber hann folkit. Einn er til þess
20 at varþveita litilæti með monnom, at hann fylliz eigi obdrambs upp af þeim hlutum, er honom takaz vel, oc var su til bardagans vit Pall; aunnur er su, at hann vill syna sina dyrþ a þat(!) er hann berr, til þess at

TVEGGIA POSTOLA SAGA PETRS OK PALS.

25 1. Petrus postuli hofðingi annarra postula oc durvau(r)ðr himin-rikis oc Andreas broðir hans þeir voro Jons synir baðir oc ætskaðir or heraði því, er heitir Galilea a Jorsalalandi, oc i borg þeiri er Beðsaida heitir, oc voro fiskimenn, aðr þeir komo til fylgdar með drottni varum Jesu Cristo. Enn guðspiaull segia fra því, hverssu
30 þeir voro kallaðir af fiskiskipino. En her er sagt fra Petro

Eitthvert sinn þá er mart lið kom at heyra kenningar Jesus Cristz, þá stoð hann hia sæ þeim, er kallaðr er Galilæa sær, sa hann þar skip .ii. standa a straundunni. En fiskimenn voro farnir at bua net sin. Þá ste Jesus a skip þat, er Simon Petrus atti, oc ytti hann því ut fra landi littat, til þess at eigi þröngðiz 5 menn at honum of miok, oc þaðan talði hann af skipinu. Síðan mælti hann við Simon Petrum: „Roi þer ut a diup oc leysit net yðr til fiskiar.“ Petrus svaraði: „I alla nótt hofum ver mikit erfiði haft oc fiskt ecki, en þó at þínu boðorði mun ek leysa nettit.“ Enn er þeir gerðu sva, þá toko þeir mikinn fiolda fiska, sva at 10 net þeira slitnaði af. Þá kolloðu þeir Petrus a lagsmenn sina, er a landi voro, er annat atto skipit, Johannem oc Jacobum sono Zebedeus, at þeir kæmi til at tia þeim. Oc þeir komo oc hloðu bæði skipin, sva at nær hugðu at sokqva. Enn er Simon Petrus sa þat, þá fell hann til fota Jesu oc mælti við hann: „Farðu fra 15 mer, drottinn, þvíat ek em syndugr maðr.“ Jesus mælti við hann: „Hræz eigi þu, þvíat heðan fra skaltu mer(!) fiskia“ Enn er þeir komo at landi, þá fyrletu þeir skip sin oc net oc allt þat er þeirattu af hvarutveggia skipino oc fylgðu drottni varum.

2. A annarri tíð bauð Jesus lærisveinum sinum at stiga a 20 skip oc fara fyrir ser of fiord nokkurn, enn hann sialfr for landveg. Enn at apni var Jesus einn a landi, enn lærisveinar voru a skipi a storum sæ, oc gerði mikinn vind i gegn þeim, oc börðuz þeir þar við, allt til þess er af var þriðjungur af nött, oc gato eigi tekit land. Enn þá kom Jesus gangandi a sænum at þeim. En 25 er lærisveinar sa hann ganga a sæ, þá hrædduz þeir oc ætluðu, at skrimsl væri. Þá mællti hann við þá: „Hafi þer traustit, þvíat ek em her, eigi skaulo(!) þer hræðaz.“ Þá svaraði Petrus: „Ef þu ert, drottinn, þá bioð þu mer, at ek koma til þín yfir sæinn.“ Jesus mællti: „Kom þu!“ Þá ste Petrus fyrir börð af 30 skipi oc geck a sænum til drottins. Enn er hann sa vind mikinn oc sæ stóran, þá hræddiz hann. Enn þegar er hann hræddiz, þá tok hann at siga i sæinn niðr, oc kallaði hann a Jesum oc mællti: „Drottinn, giorðu mik heilan.“ Þá retti drottinn haund sina til hans oc mællti við hann: „Lítil er trua þín. Fyrir hvi ifaðir þu 35 nu.“ Enn er þeir stigu a skip, þá fell vindr. Enn lærisveinar, þeir er a skipi voro, komo oc lutu drottni, er þeir kendu hann, oc mællto: „Sanliga ertu sonr guðs lifanda, er vindr oc sær hlyðir boði þínu.“

3. Enn kom Jesus of dag til borgar þeirar, er heitir Cesaria 40

Philippi, oc spurði lærisveina sína oc mællti: „Hvernn segia menn vera son manz?“ Enn þeir svoruðu: „Sumir segia hann Johannem baptistam, enn sumir Heliam, enn sumir Hieremiam eða einnhvern af spamonnum.“ Jesus mællti enn við þá: „Hvern 5 segi þer mik vera?“ Þá svaraði Simon Petrus: „Þú ert Cristus sonr guðs lifanda.“ Jesus mællti við hann: „Sæll ertu, Simon dufu sonr, þvíat eigi vitraði þer hollð ne blóð þetta takn, helldr faðir minn, sa er a himnum er. Enn ek segi þer, at þu skalt heita Petrus - en þat er steinn a vara tungu - oc mun ek yfir þann 10 stein smíða kristni mína oc gera sva styrkia, at eigi munu helvitiss hlið mega i gegn henni, oc gef ek þer lukla himinríkiss; oc allt þat er þu bindr a iorðu, þat skal bundit a himni, oc allt þat er þu leysir a iorðu, þat skal laust a himni.“

I auðru guðspialli syndi drottinn Petro, hversu hann skyldi 15 þessa velldiss neyta, oc mællti við hann: „Ef broðir þinn misgerir við þig, þá hirtu hann sva, at it seti tveir saman. Holpit er honum, ef hann hlyðir þer. Enn ef hann hlyðir þer eigi, þá hafðu til með þer einn eða tva, at allt mal þitt se bundit með vitni tveggja eða þriggja. Enn ef hann hlyðir þá eigi, þá segðu at 20 kirkiu fullri manna. Enn ef hann hlyðir þá eigi þer, þá se hann sem bersyndugr eða sva sem heiðinn.“ Þá mællti Petrus: „Ef broðir minn misgerir opt it sama við mic, skal ek firirgefa honum siau sinnum?“ Jesus svaraði: „Eigi segi ek þer siau sinnum, helldr siautigum sinna siau sinnum.“

25 4. A þeiri nött aðr Jesus væri haundlaðr oc til pislar leiddr, þá mællti hann við postula sína: „Allir munu þer við mik styggvaz a þessi nött, þvíat þat er ritit, Drepinn mun hirðirinn oc munu dreifaz sauðirnir.“ Petrus svaraði: „Alldregi mun ek styggvaz við þig, þó at allir styggviz aðrir.“ Jesus mællti: „Satt 30 segi ek þer, Petrus, at þu munt þryssvar neita mer a þessi nött, aðr hani gali.“ Petrus svaraði: „Þott ek skyla deya með þer, drottinn, þá mun ek þer eigi neita.“ Enn er sendimenn yfirgyþinga höndluðu Jesum oc bundu, þá bra Petrus sverði oc hio eyra af einum þræli Gyðinga, oc syndi sva auruggleik sinn. Jesus 35 mællti við hann: „Felðu sverð þitt i umgerð, þvíat hverr er sverði bregðr mun sverði sleginn verða.“ Enn Jesus græddi eyra þrælsins. Enn er Jesus var leiddr i skiðgarð kennimanz Gyðinga, þá geck Petrus eptir honum litlu síðarr i skiðgarðinn, oc sat við glæðr oc vermdi sek(!), fyrir því at veðr var kallt. Þá spurði

ambatt nockur hann, ef hann væri lærisveinn Jesus. Oc þess spurði aunnur ambatt oc qvazc kenna mælsku hans, at hann var galverskr, oc þat mællti þrællinn, sa er hann hio eyrat af, at hann sa hann með Jesu of nottina. Enn hann neitti því i hvert sinn, er þau spurðu, oc qvaðz eigi vita, hverr Jesus var. Enda 5 gol þa haninn. En þa leit Jesus til hans, oc minntiz Petrus þa orða þeira, er Jesus hafði mællt við hann, oc hann geck ut oc grét beiskliga. Su iðrun var sva þæg guði, at engill, sa er vitraði trúfostum konum upprisu Kristz, nefndi Petrus einn a nafn allra postula, oc mællti við konurnar: „Fari þer oc segit lærisveinum 10 Kristz oc Petri, at hann er upprisinn, oc hann mun koma fyrir yðr i Galilea herat.“

5. Þat var eptir upprisu drottins, at hann vitraðiz siau lærisveinum sínum hia Galilea sio. Þar var Simon Petrus oc Thomas er kallaz didimus - þat er inn tortryggvi a vara tungu - oc 15 Nathanael oc tveir synir Zebedeus, oc aðrir tveir af lærisveinum Jesus. Simon Petrus mællti við þa: „Fara mun ek at fiskia.“ Enn þeir svorðu: „Fara munu ver oc með þer.“ Þa stigu þeir allir a skip, oc mattu eigi ne eitt fiskia a þeiri nott. Enn at morni stoð Jesus a straundu, oc kendu lærisveinar eigi, at hann 20 var, oc mællti hann við þa: „Sveinar, hafit nackvat fiskt?“ Enn þeir svorðu: „Ecki,“ sogðu þeir. Jesus mællti við þa: „Leggi þer net yðr til hægri handar yðr, oc munu þer finna fiska.“ Enn er þeir gerðu sva, þa mattu þeir trautt draga net sitt firir fiolda fiska. Þa mællti lærisveinn, sa er Jesus elskaði, við Petrum: 25 „Drottinn er andi.“ Enn er Petrus heyrði þat, þa stytsti hann upp kyrtil sinn oc ste fyrir borð ok tok i netzhals oc dro at landi fullt storra fiska. Enn þeir voru sva margir .c. oc .l. oc .iii. fiskar, oc var netit þo oslitnat. Enn aðrir lærisveinar rero a skipi til landz, oc voru þeir aðr .cc. faðma fra landi, oc geck Petrus 30 þetta(!) með netit sva sem eptir þurru landi. Enn er þeir qvomo at landi, þa sa þeir fisk lagðan a gloðir oc brauð. Jesus mællti við þa: „Færi þer mer fiska þa, er þer tokuð, oc komi þer oc matiz með mer.“ Þa gaf Jesus þeim brauð oc fisk, oc bergði oc sialfr hvarutveggia. 35

Þat er sagt i auðru guðspialli, er i þetta sinn varð, er Jesus leit(!) Petrum heyriliga oc þrefalldliga iata ser, oc mællti drottinn við Petrum: „Simon son Joans, elskar þu mik framarr enn þessir?“ Hann svaraði: „Þu veizt, drottinn, at ek elska þik.“ Jesus mællti: „Fæðu lomb min þa.“ Enn mællti Jesus i annat sinn: 40

„Simon sonr Joans, elskar þu mik?“ Hann svaraði: „Þu veizt, drottinn, at ek elska þik.“ Enn mællti Jesus: „Fæð þu lomb min.“ Enn mællti Jesus it þriðja sinn við hann: „Simon sonr Joans, ant þu mer?“ Þá ogladdiz Petrus, er Jesus mællti
 5 þrysvar it sama við hann, ok svaraði hann þo: „Þu veizt allt, drottinn, þu veizt, at ek ann þer.“ Jesus mællti við hann: „Fæð þu sauði mina. Þá er þu vart ungr, þá gyrðir þu þik sialfr oc geckt þangat, er þu villdir, enn er þu elldiz, þá mun annarr gyrða þic oc leiða þic þangat, er þu vill eigi fara.“ Enn þetta
 10 mællti hann til þess at syna, hverium dauða Petrus mundi deya oc retta hendr sinar a krossi. Enn til þess beiddi hann Petrum þrysvar iata elsku sinni, at hann bætti þat i þrefalldri iatningu, er hann hafði þrysvar Cristi neitat.

6. Síðan er drottinn varr Jesus Cistr ste upp til himins af
 15 fialli því, er heitir Oliveti, þá hurfu postular af fiallinu ofan aptr til Jorsalaborgar, oc voru þar Cristz lærisveinar allir saman i einu husi a bænum .x. daga með Mariu móður guðs oc auðrum helgum konum, þeim er fylgt hófuð drotni varum. Þá giorðiz gnyr mikill af himni ofan yfir husit, þar er þeir voru inni postul-
 20 arnir, sva sem veðrs þytr væri, oc fylldiz af liosi allt husit innan, oc sa þeir, at settuz yfir hófuð þeim serhverium þeira elligar tungur. Þá fyllduz þeir allir heilags anda, oc toko allir at mæla a allar tungur, sva sem heilagr andi kendi þeim. Enn þá voru menn komnir af morgum londum i Jorsalaborg, oc kom margr
 25 lyðr at heyra orð postulanna, oc undruðuz allir, er heyrðu, er hverium þottu þeir mæla a sina tungu, oc mællto margir menn sin a meðal: „Hvart eru þessir menn allir galverskir, er her mæla a ymsar tungur, eða hvi kveðum þá mæla a varar tungur, er ver erum af ymissum londum her komnir.“ Sumir svoruðu:
 30 „Þeir eru vindrucknir oc vita eigi, hvat er þeir mæla af hófuð-orum.“ Þá stoð Petrus upp meðal annarra postula oc mællti við lyðinn: „Ér Gyþingar oc allir þer er byggit i Jorsalaborg, þat skulu þer vita, at ver erum eigi vindrucknir, sem nocquirir menn ætla, helldr er þat nu fram komit, er Joiel spamaðr sagði, at a
 35 enum efstum dogum mun ek ut hella helgum anda yfir þræla mina oc yfir ambattir, qvað drottinn, oc munu senir(!) yðrir spa oorðna hluti. Ungir menn yðrir munu sia himnasynir, enn gamlir menn munu fa vitranardrauma, oc mun ek gefa iarteinir a himni oc a iorðu. Sol mun snuaz i myrkr, enn tungl mun hafa bloðs lit,
 40 fyrr enn komi dagr drottins mikill oc ogurligr, oc mun hverr hialpaz,

er kallar a nafn drottins. Þer Gyðingar, heyrir ier orð min, hvat ek segi yðr of Jesum enn nadverska, þann er guð vitraði yðr i morgum iarteinum, þeim er hann giorði, sva sem raðit var fyrir af guði. Enn guð reisti hann upp af dauða, þviat eigi mattu helvitiss byrgi hallda a honum, sva sem Davið mællti i salltaranum hans rauddu: Sa ek drottin avallt fyrir mer, þviat hann er a hægri hönd mer; fyrir því gladdiz hiarta mitt oc fagnaði tunga min oc hvilddiz holld mitt i friði. Þviat (þu) firirlezt eigi aund mina i helviti; kunnar giorþir þu mer lifs gætur oc lezt eigi funa holld mitt. Eigi sagði Davið

Haufðingiar undruðuz, er þeir heyrðu þetta, oc vissu eigi, hvat orðit mundi af postulonum. Þa kom maðr oc sagði, at þeir voru i musteri oc tolðu fyrir maunnum. Þa sendu yfirgyðingar eptir þeim, oc voru þeir leiddir a þingit, oc mællto Gyðingar við þa: „Vær firirbuðum yðr fram at færa kenning þessa, enn ier fylldut alla Jorsalaborg yðvarra kenninga oc hræsit(!) a hendr oss mikla synð.“ Petrus svaraði þeim: „Guði eigum við at hlyða framarr enn maunnum. Guð feðra varra reis i upp Jesum, þann er iér krossfestuð, ok setti hann höfðingia oc græðara lyðnum oc lausn synða. Enn ver erum vattar hans oc þessa kenninga oc heilagr andi, sa er guð gaf aullum þeim, er honum ero hlyðnir.“ Gyðingar attuz innan, er þeir heyrðu þetta, oc villdu vega postulana. Þa reis upp yfirgyðingr a motinu, enn sa het Gamaliel, oc mællti við lyðinn: „Hyggit at, synir, hvat iér skolut gera við menn þessa: Fyrir þessa daga var maðr, sa er Theodas hét, oc sagðiz spamaðr vera, oc truðu honum .cccc. manna, enn hann varð drepinn, oc dreifðuz þeir, er honum truðu. Siðan kom annarr villumaðr Judas Galileus, oc sveik hann margan lyð, oc fyrirforz hann, oc urðu þeir at öngum þrifum, er honum hlyddu. Af því lati þer þessa menn fara i friði, oc banit þeim eigi, þviat þetta rað mun eyðaz, ef af maunnum er upptekit, enn ef þat er af guði, þa megu þer eigi standa i moti guðs vilia.“ Þat var haft, er Gamaliel mællti, oc baurðu þeir postulana oc fyrirbuðu þeim enn at mæla i nafni Jesus. Enn postular foro glaðir af þinginu oc faugnuðu því, er þeir toko meingerðir fyrir nafn Jesus, oc voru þeir hvern dag i musteri oc leto alldregi af at kenna maunnum nafn Jesus Cristz.

II. Petrus postuli kom of dag i borg þa er Lidde heitir, oc

Her mgl. 2 Blade; jvf. ovenfor S. 163⁴⁰-167⁹.

fann þar siukan mann, þann er atta vetr hafði i kaur legit. Enn sa het Eneas, oc mællti Petrus við hann: „Ris upp þu, Eneas, oc gack, drottinn Jesus Cristr græðir þik.“ Eigi þurpti Petrus fleiri bænarorð til at græða Eneam, oc reis hann þegar
 5 heill upp oc fylgði Petro postula. Ok sneruz allir til guðs, er sa iartein þessa.

I borg þeiri er Joppe heitir var ein trufast kona, su er Tabita het, full goðra verka oc aulmosogæðis, en hon tok sott oc andaðiz. Þa sendo lærisveinar eptir Petro oc baðu hann
 10 þangat koma. Petrus reis upp oc for með þeim. Enn er hann kom þangat, þa stoðu hia likinu ekkiur oc valaðir menn oc gretu oc syndu honum klæði sin, þau er Tabita hafði þeim gior, oc vattuðu sva skaða sinn firir postulanum, þviat þeir vættu þaðan huggunar, sem hann var. Þa bað Petrus alla menn ut
 15 ganga fra likinu. Enn hann fell a kne til bænar. Síðan sneriz hann til liksins oc mællti: „Ris upp þu, Tabita!“ Þa hof hon upp augu sin oc settiz upp, þegar er hon sa postulann. Enn hann tok i hond henni oc leiddi hana lifandi til þeira, er aðr gretu andlat hennar. Enn er þessi tíðindi spurðuz of borgina,
 20 þa truðu margir drottni. Oc dvaldiz Petrus marga daga i Joppe i husum skinnara þess, er Simon het.

12. Kornelius het einn hundraðshauðingi i borg þeiri, er Cesarea heitir, hann var siðsamr maðr. Hann var heiðinna manna kyns oc truði þo a guð sem Gyðingar oc gerði morg goð verk.
 25 Enn hann sa engil guðs koma til sin of dag, þa er hann var a bæn sinni at noni dags, oc hræddiz hann oc mællti: „Hverr ertu, drottinn?“ Engillinn svaraði: „Ec em sa, er bænir þinar færík i minning oc i auglit allzvalldanda guðs. Af því at guð heyrir bænir þinar, af því sentu menn i Joppen eptir Simone
 30 Petro, enn hann er i husum Simonis skinnara við sia. Enn fyrir því at þu leitar guðs vilia, þa mun hann segia þer, hvat þu skallt gera þess, er guði líki.“ Enn er engillinn hvarf a braut fra honum, þa heimti hann þangat þria ina ætztu riddara sina oc sendi þa i Joppen, oc sagði þeim, hvat hann hafði set eða
 35 heyrt, oc bað þa fara eptir Petro. Enn er þeir nalguduz til Joppen, þa var Petrus i lopthusi neckuru a bæn sinni at miðium degi. Enn er hann hungraði oc ætlaði til matar, þa er hann hafði bæninni lokit, þa sa hann himna opna yfir ser, oc sa hann niðr siga duk mikiinn af himni með fíorum skautum. I þeim duki
 40 voro allz kyns foglar oc ferfætingar oc skriðkviqvendi iarðar. Þa

kom raudd af himni oc mællti: „Ris upp þu, Petrus, oc sæf þetta oc et.“ Petrus svaraði: „Eigi et ek ohreinindi, drottinn.“ Rauddin mællti við hann: „Eigi skalltu ohreint kalla þat, er guð hreinsaði.“ Þetta var mælt þrysvar við hann it sama. Enn eptir þat leið dukrinn upp til himins. Petrus undraðiz syn þessa. 5 Þá komo sendimenn Kornelius oc stoðu fyrir durum oc spurðu at Simoni Petro. Þá mællti heilagr andi enn við Petrum: „Þrir menn eru komnir uti oc leita þin, oc ris þu upp, oc far með þeim, oc ifa eigi, at ek senda þa hingat.“ Þá geck Petrus ut a moti þeim, er hans leituðu, oc mællti við þa: „Ek em sa, er iér 10 leitið. Enn hvat vili þer?“ Þeir svoruðu: „Cornelius hundraðs-haufðingi rettlatr maðr oc siðsamr oc lofaðr af allri þjóðu Gyðinga, honum bauð engill guðs at senda eptir þer, oc vill hann af þer heyra orð guðs.“ Þá tok Petrus við þeim at gistingu oc fór með þeim annan dag, oc fylgðu honum noccurir af bræðrum or Joppe 15 oc komo annan dag i Cesaream.

Cornelius hafði boðit þangat vinum sinum oc frændum, oc geck hann a mot Petro oc fell til fota honum. Petrus tok i hond honum oc mællti: „Ris upp þu, oc fall ecki til fota mer, þvíat ek em maðr sem þu.“ Þá kom Petrus inn i hus hans, oc 20 sa þar marga menn komna, oc mællti: „Jer vituð, at Gyðingum er bannat at koma til heiðinna manna; enn guð syndi mer engi vera rækian ne ohreinan, þann er a hann truði, oc kom ek af því, þegar er ek var kallaðr. Enn ier segit nu, firir hveria sauk ier kolluðut mik.“ Cornelius svaraði: „Firir þrimr nottum at noni dags, er ek var 25 a bæn i husi minu, þa stoð hia mer maðr i hvitum clæðum oc mællti við mik: Heyrð er bæn þin, Cornelius, oc aurlyndi i augliti guðs, oc skalltu senda menn i Joppen eptir Simon, þeim er Petrus kallaz. Oc senda ek þegar menn eptir þer. Enn þu gerðir vel, er þu komt. Enn nu eru ver bunir at heyra orð þin oc alla 30 þa hluti, er drottinn bauð þer.“ Þá lauk Petrus upp munn sinn oc mællti, sva at allir heyrðu: „Nu veit ek vist, at drottinn dæmir eigi at heims virðingu, hellr er honum þægr i hverri þjóðu sa, er a hann truir oc viðr rettlæti. Guð sendi orð sitt sonum Israels oc boðaði frið aullum firir Jesum Crist, sa er 35 drottinn allra. Ier vitoð, at þetta orð (kom) of allt Gyðingaland oc hofz i Galilea eptir þa skirn, er Johannes boðaði Jesum, þann er guð efldi crapti heilags anda. Enn hann fór oc græddi alla, þa er af diofli voru þrongdir, þvíat guð efldi hann helgum anda. Enn ver erum vattar allra hluta, þeira er hann gerði i Jorsolum oc i 40

aullum hieroðum Gyðinga. Enn þeir deyddu hann oc krosfestu hann a tre, enn guð reisti hann upp af dauða a þriðia degi, oc syndi guð hann eigi aullum lyð helldr raðnum vattum af guði oss, er atum oc druckum með honum, siðan er hann reis upp af dauða, oc bauð oss at vatta þat firir ollum lyð, at hann er domandi kvikra oc dauðra. Honum bera allir spamenn vitni, oc allir munu taka lausn synda firir nafn hans, þeir er a hann trua.“ Enn er Petrus mællti þessi orð, þa kom heilagr andi yfir alla, þa er heyrðu þessi orð, oc mællto þeir a margar tungur ok dyrkuðu guð. Enn þeir er fylgt hofðu Petro undruðuz, er heilagr andi kom yfir heiðnar þioðir. Þa mællti Petrus: „Firir hvi skulum ver eigi skira þessa menn, er toko helgan anda sem ver?“ Enn er þeir voro allir skirðir i nafni Jesus Cristz, þa baðu þeir Petrum, at hann dvelðiz þar nocqura daga.

Þa fragu postular, at heiðnir menn toko við orði guðs. Enn er Petrus kom i Jerusalem, þa mællto við hann þeir er tru hofðu tekit af Gyðingum: „Fyrir hvi gecktu inn til heiðinna manna oc atzt oc dract með þeim?“ Þa sagði Petrus þeim, hversu hann hafði sét koma til sin duk af himni, þann er i voro allzkyns dyr oc foglar oc skriðqvikvendi, oc var mællt við hann þrysvar, at hann skyldi eta þat oc sæfa, oc ecki væri rækt þat er guð hreinsaði. „Enn er dukrim leið til himins or augliti minu, qvað postulinn, þa komo .iii. menn, þeir er sendir voro or Cesarea. Enn heilagr andi vitraði mer, at ek skyllða fara með þeim. Enn er ver komum til husa hofðingia þess, er menn hafði senda eptir mer i Joppen, þa sagði hann oc, hversu engill guðs hafði honum boðit at senda menn eptir mer. Enn er ek talda tru fyrir þeim, þa kom heilagr andi yfir þa sem yfir oss. Þa minntumz ek orða þeira, er drottinn mællti: Johannes skirði mik i vatni, enn ier munut skiraz i helgum anda. Enn er guð gaf þeim slika miskunn sem oss, er truðum a Jesum Crist, hvat mætta ek banna þat guði.“ Enn er lærisveinar heyrðu þat er Petrus sagði, þa lofuðu þeir guð, þann er ollum vill miskunna oc helgan anda gaf heiðnum monnum oc synda iðrun oc ván eilífs fagnaðar. Þaðan af toko lærisveinar at boða heiðnum maunnum nafn Jesus Cristz með trausti heilags anda, oc samnaðiz mart lið til guðs af heiðnum monnum fyrir kenningar postulanna.

13. A þeiri tið gerði Herodes konungr ofrið kristnum maunnum, oc let hann hoggva sverði Jacobum broður Johannis postula. Enn er hann sa, at Gyðingum likaði þat vel, þa let hann oc taka

Petrum postula at paskum Gyðinga oc setia i myrkvastofu, oc selldi hann .xvi. riddorum til varðveizslo oc villdi bana honum eptir paschana. Þá var Petrus halldinn i myrkvastofu. Enn kristnir menn baðo fyrir honum. Enn a þeiri nött, er Erodes(!) villdi lata bana honum eptir of daginn, þa svaf 5 Petrus a millum tveggja riddara bundinn tvennum iarnrekondum, oc voro verðir fyrir durum. Þá kom engill guðs, oc skein lios i husinu, oc svaf Petrus aðr. Þá vakti engillinn Petrum oc mællti við hann: „Ris upp þu sysliga oc bitt skua þina oc tak klæði þin oc fylg mer.“ Þá fello rekandirnar af Petro, oc stoð hann 10 upp oc geck ut oc fylgði englinum, oc hugði ser draums vera. Enn er þeir liðu um tvenn varðholld, þa komo þeir til borgarhliðs, þess er iarnhurð var fyrir, ok laukz þat þegar upp fyrir þeim. Enn er þeir komo til næsta bæiar, þa hvarf engillinn fra honum. Enn Petrus hvarf þa aptr til sin oc kendiz við, at hann 15 var vaktr, oc mælltiz við einn saman: „Nu veit ek vist, at guð sendi engil sinn oc leysti mik or þöndum Herodis oc or öllu clandi Gyðinga.“ Þá for Petrus til husa Mario móður Johannis. Enn þar voro margir kristnir menn saman a bænum. Enn er Petrus knuði hurð, þa geck mæer nocqur til dura. Enn er hon kendi mal 20 Petrus, þa gaði hon eigi at luka upp hurðina fyrir fagnaði, oc rann hon inn þegar oc sagði, at Petrus var fyrir durum. Enn þeir er inni voro truðu eigi oc qvaðu hana mæla hofuðora. Enn Petrus knuði hurðina i annat sinn, oc var þa lokit upp durum. Enn Petrus for þa i brott i annat(!) stað. 25

Riddarar Herodes fundu eigi Petrum at morni, þa undruðuz þeir oc vissu eigi, hvat af honum var orðit. Enn er Herodes fann eigi Petrum, þa reiddiz hann oc for i brot af Jorsalalandi oc i borg þa er Cesaria heitir, oc let þar þings qveðia. Enn er hann sat a domstoli i itarligum klæðum oc mællti a motinu, oc 30 mællti allr lyðr, þat(!) er mal hans heyrðu(!), at engi hefði slíka mælsku heyrt, oc qvaðu hann guðs roddu mæla enn eigi manz. Enn er Herodes dranbaði i þessi virðingu oc gaf eigi veg guði, þa laust engill guðs hann illri sott, sva at hann vall mauðkum, aðr hann do, oc þat er kailat, at hann kendi a ser lifanda af 35 helvitiss qvaulum nockurum.

14. Philippus het einn diakn, sa er Petrus hafði vigðan hann einn af .vii. diaknum. Hann var heilagr maðr oc mikill kennandi. Enn er hann kom til borgar þeirar er Samaria heitir, þa toko margir vel við kristni oc við kenningum hans, þeir er 40

sa iarteinir hans, þær er hann gerði yfir siukum monnum eða rak diofla fra oðum monnum, oc varð mikill fognuðr at þangatkvamo hans oc kenningum, oc kristnaði hann þar margan lyð.

15. Simon het nocqur villumaðr fiolkunnigr, hann var i borg
 5 þessi Samaria, oc qvazt mikill craptamaðr vera. A hann truði hverr maðr i borginni, oc qvaðu allir mikinn guðs krapt með honum vera, þviat hann hafði lengi synda fiolkyngi sina. Enn er Philippus taldi tru fyrir monnum oc margir toku skirnn, þa tok Simon oc við skirn oc fylgði Philippo oc sa iarteinir, þær er hann
 10 gerði i guðs nafni, oc þotti undarlict. Enn er postular fragu, þeir er i Jorsolum voro, at Samariamenn toku við tru, þa buðu(!) þeir Petrum oc J. hannem, at þeir særi þangat at styrkia Philippum, oc þeir foro þegar. Enn er þeir komo, þa baðu þeir fyrir maunnum þeim, er tru höfðu tekit, at þeir tæki helgan anda, oc varð sva. Enn (er)
 15 Simon sa, at allir toku helgan anda, er postularnir logðu hendr yfir, þa tok hann fe mikit oc bar at þeim oc mællti: „Þetta fe mun ek yekr gefa til þess, at it gefit mer þat at moti vellði sva mikit, at hverr maðr taki inn helga anda, er ek legg minar hendr yfir.“ Petrus svaraði: „Fe þitt fari til glautunar með sialfum þer fyrir metnuð
 20 þinn oc fyrir þat, er þu ætlar með fiarhlutum at kaupa giafar guðs, oc mattu engi hlut auðlaz af þessi giof oc gipt með þessu tilmæli, oc er hug þinum snuit miok fra guði, er þu vill gera a mot því, er guð mællti of helgan anda, at um giof þagu þer, enda veitið ier sva. Nu gerðu iðrun sem braðaz fyrir þessa illzku, oc
 25 bið guð, at hann fyrirgefi þer þetta. En þo lizt mer hinveg a þik, at sa bei(s)kleikr bui þer i briosti, er eigi me(gi) þer borgit verða, oc þat hygg ek, at sva reyniz.“ Simon svaraði: „Þess bið ek guð, at hann snui þessu aullu fra mer, er þu mælir nu.“ Síðan hvarf Simon a brot fra Petro oc kastaði niðr tru sinni oc
 30 skirnn oc tok at nema fiolkyngi oc

.
 2i Jorsolum, oc hefir hann nu tekit vellði af Gyðingum at binda alla þa er a þitt nafn kalla. Drottinn Jesus mællti við hann: „Farðu, þviat hann er valit ker mitt, at hann beri nafn mitt firir konunga oc heiðnar þioðir oc sonu Gyðingaliðs(!). Enn ek mun
 35 syna honum, hveria hluti hann skal þola firir minu nafni.“ Þa for Annanias oc lagði hendr yfir Saulo oc mællti: „Sauli broðir, drottinn Jesus sendi mik, sa er þer vitraðizt a gautu, at þu takir syn oc fylliz heilags anda.“ Þa fell af augum hans sva sem

hreistr væri, oc tok hann syn sina. Enn þa reis hann upp oc var skirðr oc styrkþizt hann, er hann tok fæzslo, oc var hann nocqveria daga i Damasko með lærisveinum, oc geck hann þegar a þing Gyðinga oc boðaði þeim Jesum Crist son guðs. Allir undruðuzt, þeir er orð hans heyðu, oc mællto: „Er sa her nu, er a þeim barði i Jorsaulum, er a þetta nafn kaulluðu, sem nu boðar hann oc byðr at trua a, oc kom til þess hingat, at hann leiddi þa bundna til Gyðinga i Jorsali,er sva tryði, sem nu kennir hann.“

Af Paulo postula.

10

(2.) Saulus, sa er nu heitir Paulus, styrkðiz at meirr oc talði a mot Gyðingum, þeim er voro i Damasko, oc sannaði, at Jesus var sonr guðs. Þa baro Gyðingar rað saman oc byrgðu borgarhlið oc villdu haundla Pal oc drepa. Þa letu bræðr hann siga niðr i festi firir borgarvegg i vandlaupi of nott. Enn er hann kom i Jorsali, þa villdi hann samtengia sik Cristz lærisveinum. Enn allir oðuzt hann oc truðu eigi, at hann væri Cristz lærisveinn. Þa leiddi Barnabass hann til postula oc sagði, hversu guð vitraðiz honum a gautu oc hversu staðfastliga hann hafði þegar boðat nafn Jesus Cristz i Damasko. Þa for Pall i Jorsalaborg með postulum oc gerðizt hraustliga i nafni Jesus oc taldi tru firir Gyðingum, enn þeir villdu bana honum. Enn er bræðr urðu varir við rað Gyðinga, þa fylgðu þeir Paulo i Cesaream, enn þaðan for hann i Andþekio, oc fylgði Barnabas honum. I Andþekio voro margir guð(s) vinir oc kennimenn, þeir er Cristi þionuðo i faustum oc i bænum oc helgum kenningum. Enn heilagr andi vitraði(z) þeim berliga oc mællti: „Veli þer Pal oc Barnabas til þionostu þeirar, er ek senda þa.“ Þa lögðu guðs vinir hendr yfir haufuð þeim oc blezuðu þa. Enn þeir foro sendir af helgum anda of heroð oc um borgir oc of eyiar oc boðuðo orð guðs i þinghusum Gyðinga. Enn er þeir Pall oc Barnabas qvomo i ey þa er Paphus heitir, þa fundu þeir þar villumann nocqurnn, en sa het Elimas. Enn hann var með iarli þeim er Sergius Paulus het. Enn iarll var vitr maðr, oc heimti hann þa til mals við sik Pal oc Barnabas, oc var fuss at heyra orð guðs. Enn Elimas inn fiolkungi mælti i gegn þeim oc villdi snu(a) iarlli fra tru. Enn Pall leit við honum oc mællti: „Þu fi(a)nda sonr, fullr lygi oc allra væla, oc ovinr allz rettlætiss! firir hvi lætr þu eigi af at villa rettar gautar(!) guðs? Nu þegar mun koma yfir þic reiði guðs, oc muntu verða blindr heðan fra.“ Enn þa þegar kom þoka oc myrkr þat yfir Elimas, at hann sa

40

ecki, oc leitaði hann, ef nocqurr maðr villdi taka i hond honum oc leiða hann. Þa tok iarll tru oc let skirazt, oc mart manna með honum, er þeir sa þetta, oc dyrkuðu kenningar postulanna oc iarteinir.

Fra Paulo oc Barnaba.

5

(3). Þa for Pall oc Barnabas oc fauroneyti þeira aptr i Anðekio oc gengu a þing Gyðinga a þvatdegi nocqurum, oc vissu Gyðingar eigi, at þeir voro Cristz lærisveinar, oc mællto við þa: „Teli þit firir lyð þessum, ef nocqurr yðvarr er mælskumaðr.“ Þa
 10 reis Pall upp oc qvaddi hlioðs. Enn þegar er hlioð gafzt, þa mællti Pall: „Heyri þer, senir(!) Gyðinga, þeir er guð hræðaz. Guð Irael valdi feðr yðra oc iok lyð sinn, þa er þeir voro a Egiptalandi, oc le(i)ddi þa þaðan með storum iarteinum, oc samði hann sið þeira fioratigu vetra i eyðimork, oc dreifði hann siau þioðum
 15 fra iorðu þeiri, er hann skipti með feðrum yðrum. Síþan gaf hann domendr allt til Samuels spamanz. Enn þa baðu þeir ser konungs, oc gaf guð þeim Saul or kyni Beniamin, hann var konungr .xl. vetra. Síþan gaf guð þeim þann konung, er hann sialfr bar gott vitni, oc mællti sva: Ec fann Davið son Jessa hellzt við
 20 mitt skap, oc mun hann gera vilia minn. Ur hans kyni sendi guð sonum Irael Jesum græðara, sem hann hafði fyrr heitit, þann er Johannes boðaði ollum lyð Iraels með iðrunarskirn. Enn er allir hugðu Johannes guðs (son) vera, þa mællti hann: Eigi em ek sa, er er ætlit. En sa mun eptir mer koma, er ek em eigi verðr at
 25 leysa skua hans. Ier bræðr oc senir Abrahams, þer er guð hræðiz, yðr til handa er send þessi heilso orð, þviat þeir er byggva Jorsalaborg, skilðu eigi orð spamanna, oc firirdæmðu þeir Jesum, enn er þeir fundu ongva sök at honum, þa baðu þeir Pilatus iarll, at hann banaði honum. Enn er þeir fylldu alla hluti,
 30 þa er ritnir voro of Jesum Crist, þa toku þeir hann ofan af tre oc logðu hann i grauf. Enn guð reisti hann upp af dauða, oc var hann sen marga daga siðan af þeim, er honum fylgðu or Galilea i Jerusalem, oc eru þeir nu vattar hans firir alþýðu. Enn ver boðum yðr þat firirheit er heitit var feðrum varum, þviat guð
 35 efndi þat við sonu yðra, þa er hann reisti upp Jesum af dauða, sva sem ritið er i salmi: Sonr minn ertu, i dag gat ek þik. Enn hann reis upp af dauða, oc mun hann eigi deya siðan, sva sem Davið mællti i salmi: Eigi muntu helgan likam þinn lata funa. Davið sagði eigi þetta fra ser, þviat hann do sem kyns-

menn hans oc funaði i molldu, enn sa funaði eigi, er guð reisti af dauða. Enn þat skulu þer vita, bræðr, at guð gefr yðr lausn synda þeira, er þer mattuð eigi fra leysazt i laugum, þviat hverr mun hialpaz, er a hann truir.“ Enn er Pall hafði þetta mællt oc mart annat þessu glict, þa bað lyðrinn, at hann skyldi koma 5 annan þvattdag oc telia slika taulu. Enn margir Gyðingar toku tru af þessi taulo oc fylgðu Pali postula af moti þessu oc þingi.

Capitulum.

(4). Enn annan þvattdag kom miok sva allr borgarlyðr at heyra orð guðs. Enn er yfirgyðingar sa margan lyð, þa fyllduzt 10 þeir aufundar oc taulðu i gegn Pali. Enn þeir Pall oc Barnabas mællto: „Yðr ættum(!) ver fyrst at boða orð guðs. Enn allz þer rakut þat fra yðr oc gerðuzt overðir ens eilifa lifs, þa munu ver hverfa til heiðinna þioða, þviat sva bau(ð) oss drottinn, þa er hann mællti firir spamanninn: Ek setta þik liðs heiðnum þioðum, 15 at þu veittir þeim hlialp(!) allt til ennda iarðar.“ Þa urðu heiðnir menn fegnir, er þeir heyrðu þetta, oc dyrkuðu orð guðs oc truðu allir, þeir er ætlaðir voro til lifs, oc for orðasað guðs of all(!) herað(!). Enn Gyðingar baro fe un-lir rikissmenn oc villdu gera Pali postula ofrið oc faurunautum hans, ok raku þa a braut or herðoðum(!) sinum. 20 Enn þeir foro fullir af fagnaði heilags anda i herað þat er Korinum heitir, oc boðuðu orð guðs a motum, oc truðu margir þeim bæði Gyðingar oc heiðnir menn, þviat þeir gerðu margar iarteinir, meðan þeir voro þar. Enn þeir Gyðingar er eigi villdu tru taka, gerðu ofrið i gegn þeim, sva at allr borgarlyðr skiptizt i tva staði, oc 25 voro sumir með Gyðingum enn sumir með postulum. Enn er Gyðingar villdu grioti beria Pal postula, oc flæði hann oc forunautar hans til borgar þeirar er Listra heitir, oc kendi hann monnum þar orðr(!) guðs. I þeiri borg var siukr maðr, sa er alldri hafði gengit ne a fætr stigit, oc var hann með því meini borinn. Enn 30 er Pall sa hann oc vissi, at hann hafði tru til heilsu, þa mællti Pall við hann: „Ristu upp oc statt a fætr þina.“ Enn hann reis upp þegar heill oc geck. Enn er Pall hafði þetta mællt oc gert, oc lyðrinn sa þat, þa mællti alðýða: „Goð ero komin til var i manna likiom.“ Oc kaulluðu þeir Pal Oðin, enn Barnabas Þor. Þa 35 kom blotmaðr Þors með maurgum borgarlyð oc færði þangat griðunða(!) oc hafra, oc villdu(!) blota. Enn er Pall oc Barnabas sa þetta, þa kaullu(ðu) þeir oc mællto: „Hvi gegnir þetta. er þer giorit? Menn dauðligir erum við sem iér oc kennum yðr at

snuaz fra blotum oc til guðs, þess er skop himin oc iorð oc sæ oc gefr yðr regn af himni enn alldin af iorðu oc nu fylldi hiortu yðr fagnaðar.“ Enn er þeir mællto þetta, þa toko margir menn tru, er heyrðu þetta oc sa iarteinir þeira. Oc efdiz kristinn domr i
 5 hioruðum(!) oc i borgum, þar er þeir Pall haufðu farit, oc vigðu þeir Pall presta oc diacna.

Fra Pali postula oc hans faur[unautum].

(5). Enn er þeir komo i borg þa er Troade heitir, þa syndiz Pali of nott i dra(u)mi maðr necqverr koma til sin or
 10 heraði því er Macedonia heitir oc mæla við sik: „Far þu i Macedoniam oc biarg oss.“ Enn eptir þenna draum for Pall i Macedoniam með lærisveinum sinum, þvíat hann vissi, at guð kallaði hann. Enn þeir dvalduzt marga daga i borg þeiri er Kolonia heitir i husum: kono þeirar er Lidia het. Enn hon
 15 hafði tekit skirnn af kenningum Pals. Enn er Pall oc forunautar hans foro til bænar of dag, þa rann a mot þeim kona nocqur, su er husdrotnum sinum hafði kend morg ferað af visindum sinum, oc kallaði hon, er hon sa Pal oc lærisveina hans: „Þessir menn eru þrælar ens hæsta guðs oc kenna yðr heilsugautu.“ Pall leit
 20 til hennar oc mællti: „I nafni Jesus Criz(!) byð ek þer, ohreinn (andi), at þu far a brot fra kono þessi.“ Þa hvarf ohreinn andi þegar a braut fra henni. Enn þeir reidduz, er aðr hofðu ser nyttar spasaugur hennar oc*

 25 inu uppi oc hlyddi þaðan til orða postulans. Enn er hann taldi lengi, þa sofnaði enn ungi maðr oc fell ofan af veggnum oc lamðiz hann allr. Þa kom Pall til hans oc bað firir honum lengi, oc mællti við þa er hia stoðu: „Eigi skulu þer hryggvazt, aund er enn i honum.“ Þa lifnaði Eutikus, ok hugguðuz þeir er aðr voro
 30 hryggvir, er þeir sa hann þa heilan vera.

Capitulum.

(11). Enn annan dag ste Pall a skip með lærisveinum sinum, þat var litlu eptir pascha, oc foro dag fra degi, unz þeir qvomo i stað þann er Miletum heitir. Enn þat er eigi langt fra Effeso.
 35 Þa ætlaði Pall at dveliaz skamma stund i Asia, þvíat hann villdi koma til Jorsala at hvitadaugum, ef sva mætti verða. Þa sendi Pall eptir forraðsmonnum kristninnar i Effesum, at þeir qvæme

1 hvnm Cd. * Her mgl. 2 Blade; jvf. Páls Saga I ovenfor S. 220²⁷-224¹⁹.

allir i Miletum til fundar við hann. Enn er þeir qvomo þangat, þa mællti Pall við þa: Ér vituð, bræðr, síðan ek kom i Asia, hversu ek var með yðr of alla tíð, oc þionaða ek guði i aullu litillæti i bænum oc meingerðum, þeim er mer baruðzt at hendi af raðum Gyðinga; enn ek sparða alldri við yðr nytsamligar kenningar, oc boðaða ek Gyðingum oc heiðnum monnum tru drottins Jesus Cristz. Enn nu fer ek til Jorsala, oc (veit) ek eigi, hvat mer mun at hendi beraz, nema þat at heilagr andi vitrar i borgum, at ek muna buðinn vera oc pindr. Enn ek hræðunz(!) þat eigi, þviat ek spari eigi likam minn til pislar fyrir nafni drottins mins, at ek fylla þionostu hans, þa er hann gaf mer at fylla orð miskunnar þinnar(!). Enn ek veit, at ier munuð eigi sia mik síðan, þeir er nu heyra kenningar minar. Af því vatta ek nu i dag þetta, at ek em saklauss við alla yðr, þviat ek sparða alldri at kenna yðr heilsurað. Hyggi þer at yðr oc allri hiorð yðvarri. Ier (eruð) þeir menn, er heilagr andi setti byskupa yfir kristni guðs, þa er hann leysti með sinu bloði. Ek veit, at eptir mina brautfor munu koma olmir hundar til hiarðar minnar, oc munu af yðr sialfum hefiaz villumenn, þeir er leiða munu eptir ser lærisveina. Af því verit ier vakrir oc minniz kenninga þeira, er ek kenda yðr þa þria vetr, er ek var með yðr. Enn nu fel ek yðr guði a hendi, þeim er mattugr er at efla orð miskunnar sinnar. Þer vitut sialfir, at ek girntumz eigi gullz yðvars ne silfrs ne clæða, þviat þessar hendr unnu til allz þess er ek þyrfta oc faurunautar minir. Ec synda yðr, hversu yðr byriar at vinna oc tæia valuðum oc siukum oc minnaz orða drottins vars Jesus Cristz, þviat hann sagði sælligra vera at gefa enn at þiggja.“ Enn er Pall hafði þetta mællt, þa fell hann a kne, oc voro þeir lengi allir saman a bæn. Þa urðu þeir allir oglaðir oc gretu þat, er þeir vissu, at Pall skyldi eigi aptr koma. Enn allir leiddu hann til skips bæði karllar oc konur. Enn er Pall ste a skip oc lagsmenn hans, þa foro þeir dag fra degi, unz þeir komu i Cesaream, oc toku þeir gisting i husum Philippus diacns, þess er .i. var af .vii. diacnum þeim er postular haufðu vigða i Jorsaulum. Enn hann atti dætr .iiii. helgar meyar, þær er spaleiks anda hofðu. Enn er Pall dvalðiz þar nockura daga, þa kom spamaðr af Gyðingalandi, sa er Agabus het. Hann tok gyrþil Pals oc batt hendr sínar oc fætr oc mællti: „Þat vitraði heilagr andi, at sa þegn, er þenna gyrðil a, mun bundinn verða i Jorsolum oc selldr i hendr heiðnum þioðum.“ Enn er lærisveinar Pals heyrðu þetta, þa mællto

þeir, at hann skyldi hverfa aptr oc fara eigi i Jorsalaborg. Pall svaraði: „Fyr hvi mæði þer hiarta mitt, bræðr, i grati yðrum? buinn em ek eigi at eins at vera bundinn helldr oc at taka bana i Jorsalaborg fyrir nafni drottins Jesus Cristz.“ Enn eptir fa
5 daga for Pall i Jorsalaborg, oc fylgðo honum lærisveinar hans oc margir aðrir or Cesarea. Enn bræðr toko fegnir við honum, er hann kom i Jorsalaborg, oc for hann annan dag at finna Jacobum postula oc þa bræðr er með honum voro, oc sagði hann, hveria hialp guð hafði gefit heiðnum maunnum fyrir hans kenningar.

10

Fra Pali postula.

(13). Jacobus postuli varð feginn oc gerði guði þackir oc mællti við Pal: „Þu veiz, broðir, at allir Gyðingar hallda rikt laug sin. Enn þeir hafa heyrt sagt fra þer, at þu brytr niðr laug Moysi oc bannar monnum skurðarskirnn, oc gangir inn i kirkjur
15 með heiðna menn. Af því eru þat rað vár, at þu hreinsa þik fyrir fram at laugum Gyðinga, aðr þu gangir inn i musteri, með fauronautum þinum oc munu
ne gerðac styriolld eða sundrþycki lyðsins, sva at þeir megi saunnur
20 a því finna, er mik rægja. Enn villa er i Jerusalem, su er menn þræta of upprisu dauðra manna. Enn ek trui guði þeim, er feðr orir truðu, oc trui ek því aullu, er ritit er i laugum oc i bokum spananna, oc trui ek upprisu dauðra manna, sva sem feðr varir truðu. Enn ek kom til þess i Jorsali at gaufga guð oc færa
25 fornir oc at duga frændlini(!) minu i aulmosugæði. Enn þessir segi nu, ef þeir fundu neckuria hluti illzku at mer, nema þat er ek kallaða a þingi þeira oc saugðumz dæmdr vera of þat, er ek truþa upprisu dauðra manna.“ Felix iarll dvalði at dæma of mal þessi, oc sendi hann hoðingia aptr i Jerusalem. Enn hann bauð
30 einum hundraðshaufðingia at varðveita Pal, sva at hann væri frials oc kæmiz þo eigi a braut, þvíat hann hugði, at Pall mundi leysa sik undan með fe, oc kom iarllinn af því opt til mals við hann oc spurði hann margra hluta. Enn Pall talði avallt firir honum tru oc rettlæti oc gat eigi sva talt firir honum, at hann
35 villdi tru retta taka, oc var Pall .ii. vetr i varðveizlu hans.

Fra Pal postula.

(18). Enn eptir .ij. vetr gerðiz iarllaskipti, þvíat þat voru

1 Her mgl. 3 Blade; jvf. Páls Saga 1 ovenfor S. 226²⁶-231¹.

laug, at ymsir væri iarllar, þeir er iafnkomnir voru til velldis. Enn Felix let binda Pal, aðr hann færi braut, oc let hann þat eptir Gyðingum. Enn sa het Festus, er þa tok við iarlldomi i Cesarea, oc for hann til Jorsala þrimr nottum síðarr. Oc komo þegar til hans Gyðingar oc rægðu Pal oc baðu iarllinn, at hann 5 leti leiða Pal i Jorsali oc byggvir(!) við því at lata vega hann, aðr hann kvæmi til borgarinnar. Enn Festus sagði, at Pall væri i varðhalldi i Cesarea, oc bað hann þa menn fara með ser þangat, er sakir ætti við Pal. Enn er Festus iarll hafði verit viku i Jorsalaborg, þa for hann i Cesaream oc fiólði Gyðinga með honum. 10 Enn annan dag sat hann a domstoli, oc let hann þa þangat leiða Pal. Þa baru Gyðingar margar storsakar a hendr honum oc gatu onga sauk sannaða. En Pall sannaði þat, at hann hafði hvarki gert i gegn guðs laugum ne manna. Enn Festus villdi sva gera, at hellzt likaði Gyðingum, oc mællti við Pal: „Villtu at 15 við farim i Jorsali oc dæmim þar of þessi mal?“ Pall svaraði: „Fyrir domstoli keisara byriar mer at standa, oc skal ec þar dæmðr vera, ef ek verð. Ecki gerða ek Gyðingum til meins, sem þu veizt eigi ogiorr enn ek. Enn ef ek gerða nacqvát þat, er bana se vert, þa forðumz ek eigi banann. Enn ef (ek) gerða ecki þat, er 20 þessir segia, er mik rægia, þa er rett, at ek na laugum at keisara domi, ef Jorsalamenn bioða mer olaug.“ Festus iarll svaraði: „Allz þu kvaddir keisara til þins mals, þa skalltu því na at fara þangat.“

Fra Pali

(19). Enn er þaðan liðu nocqurir dagar, þa kom konungr i 25 Cesaream, sa er Agrippa het, þvíat hann atti erindi við iarll. Enn er hann dvalðiz þar marga daga, þa sagði iarll konungi fra Pali oc mællti: „Þenna mann let Felix i baundum vera, þa er ek kom hingat.“ Síþan sagði iarll konunginum, hversu Gyðingar villdu raða fiórraðum of Pal, oc sva at þeir þrættu of Jesum 30 nockurn, þann er Gyðingar saugðu dauðan, enn Pall qvað hann lifa. Enn ek kunna eigi dæma of þat, oc bauð ek at dæmt mundi of þat i Jerusalem. Enn hann lezt vilia hafa dom keisara, oc ætla ek nu bratt at senda hann þangat.“ Agrippa konungr svaraði: „Sia villda ek þann mann oc heyra orð hans.“ Þa let 35 Festus iarll leiða Pal þangat annan dag eptir oc heimti þangat ena æztu borgarmenn oc mællti síðan: „Se þu, Agrippa konungr, oc allir þer, er nu eruð hia staddir, þenna mann, er allir Jorsala-

menn rægia oc kveða honum eigi lift vera. Enn ek finn onga sauk at honum. Af því ætla ek at senda hann til keisara, sem hann beiddi sialfr. Enn ek veit eigi, hvat ek skal keisaranum segia fra honum, af því tali þer við hann, oc megí hann sialfr
 5 segia fra ser, þat er ek mega rita oc senda keisaranum, þvíat ovislikt er at senda bundinn mann oc skyra eigi saukina.“

(20). Þa mællti Agrippa konungr við Pall: „Lofat er þer nu at svara firir þik.“ Þa tok Pall at svara oc syna þeim skynsemi firir sik oc mællti: „Ef ek nai at svara firir mik i dag, þa munu
 10 mer vel ganga mal við þik, konungr, of alla hluti, þa er ek em rægðr af Gyðingum, allra hellzt af því at þu veizt laug þeira oc siðu. Allir Gyðingar vissu(!) uppruni mina, ef þeir villdi þat satt lata, þvíat ec hellt allra fastazt laugum þeira, oc em ek enn staðfastr i þeiri van, er guð het feðrum varum oc allt lið vart
 15 truir, oc ek veit, at fram mun koma, þvíat ver truum allir, at guð lifgar dauða. Enn firir þa tru oc van em ek nu rægðr af Gyðingum.“ Síðan sagði Pall konunginum allan atburð farar sinnar i Damasko, oc sva, hve guð vitraðiz honum oc bauð, at hann skyllði bera nafn hans fram i Jerusalem enn kenna síðan
 20 heiðnum þjóðum. „Enn firir þessar sakar, konungr, qvað Pall, at ek gerða sem guð bauð mer, þa toku Gyðingar mik i musteri oc villdu bana mer. Enn guðs kraptr hlifði mer allt til þessa dags, þvíat ek boða ecki annat Gyðingum oc heiðnum þjóðum, enn þat er spamenn sogðu at verða mundi, þat er pils Cristz oc upprisa
 25 dauðra manna, oc hygg ek þat, at þu, konungr, truir því er spamenn segia.“ Agrippa svaraði: „Leitar þu þess i slikum malum, at ek skyla kristinn verða?“ Pall mællti: „Slikrar tru, sem ek hefi, æski ek eigi at eins þer, konungr, helldr oc aullum þeim, er þessi orð heyra i dag.“ Þa baru þeir konungr
 30 oc iarll rað sin saman oc raðunautar þeira, oc syndizt aullum Pall vera saklaus enn eigi dauða verðr. Þa mællti Agrippa konungr við iarll: „Nu mætti sia maðr vera lauss, ef hann hefði eigi sialfr nefndan keisara til at dæma of sik.“

(21.) Þa var Pall með auðrum bandingium selldr hundraðs-
 35 hofðingia einum, þeim er Julius het, enn hann atti faur til Romaborgar. Þa ste Pall þar a skip með þessum maunnum, oc snero þeir a leið faur sinni. Enn þeir foru með Asialandi, unz þeir komu i ey þa er Kreta heitir. Enn þa gerði andviðri a mot þeim, oc lagu þeir lengi við eyrna oc biðu byriar. Enn þa var
 40 eigi langt til vetrar, oc mællti Pall við forunauta sina: „Þat se

ek, bræðr, at iér munut fa skaða bæði farms oc skips, oc er þo mikil ván mannhaska, ef ver faurum fra eyio þessi i haust siðan.“ Enn Julius truði helldr þeim er firir skipi reðu, enn því er Pall sagði, oc ætlaði at fara til Fenneyiar, ef byri gæfi, oc vera þar of vetrinn. Enn siðan kom sunnanvindr, oc vætti Julius byriar oc 5 bað siðan taka til segls. Enn þegar er þeir komo skamt fra landi, þa laust a mot þeim utnyrðingi steinoðum, sva at þeir urðu þegar at leggja skipit i rett. Enn er siar tok at stæraz oc veðr tok at vaxa, þa urðu þeir at kasta farminum. Enn hrið su hellzt allar tvær vikur, sva at engi himintungl sa. Þa mædduz 10 þeir af kulda oc af hungri, sva at flestir orvilnuðu ser lifs oc heilsu. Þa stoð Pall upp a meðal þeira oc mællti: „Þat hefði byriat, bræðr, at ier færir eigi braut or Kreta, sem ek bað, oc mundo þer þa eigi hafa beðit þenna skaða. Enn nu skulu ver við þat huggaz, at ver munum allir lifandi til landz komaz oc 15 [at] brotnu skipi, þvíat engill guðs, þess er ek þíóna, kom i nott til min oc mællti: Hræz eigi þu, Pall, þvíat þu munt komaz til Romaborgar, oc veitir guð þer lif oc aullum skipverium þinum. Nu kostit, bræðr, oc verit hraustir, þvíat guð mun efna heit sitt við oss, oc munum ver bratt til landz komaz.“ Enn litlu siðarr 20 þa gatu menn at sia land firir stafn fram. Enn er þeir nalguðuz land[it], þa kaustuðu þeir atkerum oc biðu sva dags. Enn er dagr kom, þa mællti Pall: „Lengi haufum ver verit i vasi miklu, af því taukum ver nu til fæzslu oc hressum oss.“ Þeir gerðu sva. Enn er þeir voru mettir, þa kustuðu þeir farmi utan borðs oc 25 lettu sva skipit. Siðan heimtu þeir upp atkeri oc drogu upp segl oc sigldu at landinu sem raðast. Enn er skipit kendi grunz, þa leysti þat i sundr undir þeim at skutstafni. Þa syndu sumir til landz, enn sumir fylgðu skipviðum, oc komo allir lifandi til lanz. Enn þa kendo þeir, at þeir voru komnir til eyiar þeirar er 30 Militene heitir. Þeir kyndu elld mikinn, er þeir komo a land, oc vermðu sik, þvíat frost var mikit. Enn er Pall samnaði trosum til ellz, þa hraukðiz hauggormr at hendi honum. Enn er lanzmenn sa orminn hanga a hendi hans, þa mællto þeir með ser: „Sia er morðingi, er veðr hriota við honum a sæ enn dyr granda 35 honum a landi.“ Þa hristi Pall orminn af hendi ser i elldinn ofan, oc sakaði ecki haundina. Lyðriann stoð oc sa a hann, oc hugði, at þa oc þa mundi hann dauðr niðr falla. Enn er þeir sa, at hann sakaði ecki, þa hugðu þeir, at hann væri guð. Enn hofðingi eyiar þeirar het Publius, sa atti þar bu a land upp, hann 40

tok við Pali oc aullum lagsmonnum hans, oc voru þeir þar þria daga. Enn faðir Publius hafði lengi riðusiukr verit. Enn Pall kom til hans oc bað firir honum, oc reis hann þegar heill upp. Enn er sia iartein spurðiz, þa færðu eyiarskeggjar þangat alla
 5 menn sina, ok toko þeir heilsu þegar. Allir eyiarskeggjar vegsaumuðu Pal oc faurunauta hans, oc fengu þeir aullum skipverium þa reiðu, sem þeir þurftu at hafa til brautfarar, oc voro þeir þar allz .iii. manúðr. Eptir þat stigu þeir a skip, oc gaf þeim vel leiði, unz þeir qvomo til Romaborgar.

10 (22.) Enn er kristnir menn spurðu, at Pall kom til borgarinnar, þa runnu þeir a mot honum langa leið oc gretu firir fagnaði. Enn er Pall sa lið þeira, þa gerði hann guði þackir með trausti. Enn er hann var kominn til Romaborgar, þa var honum lofat, at hann væri hvarki byrgðr ne bundinn, oc var hann undir
 15 varðhalldi rikissmanz eins. Enn eptir þria daga heimpti Pall til sin nockura Gyðinga oc mællti við þa: „Ek em selldr i hendr Romaborgarmaunnum bundinn or Jorsaulum, þar er ek hefi ecki giort i gegn lyð yðrum ne laugum feðra yðvarra. Enn er rikissmenn þottuz vist vita, at ek var saklauss enn eigi dauða verðr,
 20 þa villdu þeir mik lata undan ganga. Enn er Gyðingar mællto i mot því, þa varð ek skylldr at beiða þess, at ek næða yðrum fundi, oc hafa þat er keisari villdi dæma.“ Gyðingar svorðu: „Engi hefir hingat komit af Gyðingalandi at rægja þic við oss ne segia illa hluti fra þer, af því vilium ver heyra af þer sialfum,
 25 hveria skilning þu hafir, þviat villa su ferr of yðra sveit, er aull þioð mælir i gegn.“ Annan dag komo Gyðingar margir at heyra orð Pals, oc taldi hann firir þeim allt til aptans oc minti þa a laug Moyses oc orð spamanna oc kendi þeim tru Jesus Cristz. Þa truðu sumir orðum hans, enn sumir eigi, oc giorðiz þræta mikil
 30 a milli. Þa mællti Pall: „Nu kemr þat fram, er heilagr andi mællti forðum fyr Ysaïam spamann við feðr vara: Eyrum munu þer heyra, oc skilia eigi, augum munu þer sia þrifgiof guðs, oc þeckiazt eigi. Blint er hiarta lyðs þessa, oc byrgðu þeir augu sin oc eyru, at eigi sæi þeir ne heyrðu(!), oc villdu þeir eigi snuaz til
 35 min, at ek byrga þeim, qvað drottinn. Enn þat skulu þer vita, at sia þrifgiof er send heiðnum maunnum, oc munu þeir þeckiaz.“ Gyðingar hurfu brot fra Pali, er þeir heyrðu þetta. Enn Pall kendi kenningar .ii. vetr i Romaborg, sva at engi baunnaði honum, oc feck hann leyfi af keisara, at hann færi i friði, hvert er hann

villdi, oc ox dag fra degi faugnuðr kristnum maunnum af kenningum Pals postula.

Fra Pali postula.

Enn er Pall postuli hafð(i) .ii. vetr verit i Romaborg, þa reðz hann a brot oc for of vestrland, þar er heitir Affrika, enn þaðan norðr a Frakland. I þeiri faur var hann .ix. vetr oc kendi heiðnum monnum tru retta oc kristnaði sva margan lyð, at engi maðr ma telia. Hann kom nær a hvert þjóðland oc sneri otal-
ligum lyð til guðs, hvar sem hann kom. Enn engi fær talið allar iarteinir hans, þvíat hann miskunnaði sva hverium, sem hellzt beiddi þurpt til, oc braut þar hellz bag við avallt, er oðrum þotti torvelligast, oc setti hann grundvoll þeirar cristni, er aðrir varðveittu, þa er hann for fra, oc minntiz hann lærisveina i helgum bænum, þvíat hann reit .xiii. pistola oc sendi serhvernum til ymisa borga. I þeim pistolum eru sva miklar kenningar, at þær eru eigi ohelgari enn guðspioll, þvíat engi heilagra manna hefir framarr haft gipt heilags anda enn Pall. Þat guðspiall, er Lukas hefir gert, hefir Pall firir sagt, oc er þat einna mest gert of stormerki drottins vars Jesus Kristz.

Þa er Pall postuli var farinn af Griklandi, þa fra hann þat, at villumenn nokkurir voru komnir til Korinthsborgar, þeir er onyta villdu kenningar Pals oc buðu maunnum at hallda skurðarskirn oc sva fleira af hinum fornum laugum, þeim er Pall bannaði at hallda likamliga. Þeir foru með drambi oc riðu vegliga oc voru fatpruðir oc vel fíaðir. Þeir kuguðu lærisveina Pals oc buðu þeim ofriki, at þeir hafnaði kenningum Pals enn tryði þeira orðum, oc qvaðu þeir litil mið at Pali oc kenningum hans, oc qvoðu hann eigi vera Cristz lærisvein oc hallda eigi laug Moyses, kolluðu hann ongra metorða verðan, þvíat hann var felauss oc vann til matar ser sem vesalingar, oc geck hvert er hann skyllði fara, oc hafði ofrið nær af allri þjóðu. Enn mal þeira tælldu borgarmenn oc skrau(t)leikr klæðnaðar þeira, þvíat þess verðr morgum giarnt at meirr virða menn at fatabuningi enn at tru, oc hlyddu margir kenningum þeira. Enn er Pall fra þetta, þa sendi hann þeim pistola sinn oc rit, þann er sva mællti.

Capitulum.

Pall þræll Jesus Cristz, er kallaðr er postuli, sendir qveðiu Corinthismaunnum. Guði minum þacka ek þat, er ier eruð vel at yðr gervir*

* Her mgl. nogle Blade.

.
 1 gaf guð yðr himnabrauð at fætzlu en vatn or steini. Enn eptir þessa hluti alla gerðu þer yðr skurðgoð oc blotuðut þau. Enn ver sam engi takn þessi oc truðum þo a guð, þann er iér fyrir-
 5 letuð oc truðut eigi.“ Enn er Gyðingar oc kristnir menn þrættu a þessa lund, þa tok Pall til mals: „Eigi skulu þer hafa þrætur yðvar a milli, helldr skulu þer a þat lita, at guð efndi heit sitt, þat er hann het feðr varum Abraham, oc svarði þess, at i hans kyni mundi allar þioðir arf taka oc þrifaz, oc virðir guð eigi mennina
 10 at kyni helldr at laugum oc tru. Oc þeir er i gegn laugum misgera, þeir skulu at laugum fyrirdæmaz, enn þeir er fyrir utan laug misgera, munu fyrir utan laug fyrirfaraz, þviat su hyggiandi er monnum gefin, at þeir megu skilia, hvat a milli er goðs oc illz, at þeir eigniz eilifa sælu, er gott gera, fyrir goð verk, enn þeir
 15 hepti illa hluti sina oc refsí.“ Enn er Pall hafði þetta mællt, þa stauðvaðiz þræta hvarratveggio. Þa toko hau(f)ðingiar Gyðinga oc avituðu Petrum of þat, er hann fyrbauð laugþing þeira².

Petrus svaraði þeim: „Hlyði þer því, bræðr, er heilagur andi vitraði feðr varum Davið, at fra honum mundi sa koma, er hann
 20 mundi setia yfir sess hans. Við þann mællti faðir varr af himni: Sonr minn ertu, i dag gat ek þik. Þann inn sama krossfestu Gyðingar af aufund. Enn hann tok a sik þa hluti alla, er fylldiz i pisl hans, til þess at hann fylldi lausn þa, er nauðsynlig var aullum heimi til hialpar. Oc sva sem Eva var gior ór rífi Adams,
 25 sva skapaðiz oc cristnin or síðu ens krossfesta Cristz oc varð sva faugr, at hon hafði engi hluta(!) flek a ser. Enn þessa gautu syndi guð sonum Israels, at þeir se i tru Cristz oc cristni hans enn eigi i otru Gyðinga. Snúizt iér oc þa til guðs oc gangit inn i faugnuð Abrahams fauður yðvars, þviat guð fylldi þat, er hann
 30 het honum, sva sem spamaðrinn mællti: Drottinn sor oc mun eigi iðrazt, þu ert kennimaðr at eilifu. Cristr giorðiz kennimaðr a krossi, þa er hann veitti allri þioðu forn holldz sins oc bloðs.“ Enn er postular haufðu þetta mællt oc þessu glikt, þa tok tru Cristz mestr hluti lyðs þess, er heyrðu þessi orð. Enn þeir voru fair, er
 35 i gegn mælltu. Þa sa hófðingiar Gyðinga oc rikissmenn, at eyðaz mundu laug þeira af kenningum postulanna, oc rægðu þa við lyðinn, oc varð osætti af orðum þeira. Enn síðan rægðu þeir þa við Nero keisara, enn þeir toko at lofa Simon enn fiolkunga. A þeirri tíð sneroz til tru otal þioðar fyrir kenningar Petrus. I því

40 1 *Jvf. ovenf r S. 184*¹⁰. 2 þerra *Cd*.

liði tok tru Libia cona Nero konungs oc aunnur Agrippina cona Agrippa borgargre(i)fa, oc skilduz þær við buendr sína heiðna Enn af kenningum Pals hurfu margir til tru fra riddarasyslu oc fra hirð konungs oc giorðuz cristnir oc hurfu eigi aptr síðan til riddarasyslunnar.

(14.) Simon magus fylldiz aufundar a mot Petro oc lastaði Petrum oc qvað hann vera kunngan miok, oc truðu Simoni þeir, er sa sionhverfingar hans, oc hugðu þat vera iarteinir hans. Hann gerði orm or eiri, þann er skreið, oc hunda or steini, þa er go, oc likneski or malmi, þau er hlogu oc hræ(r)ðuz. Enn hann sialfr 10 syndiz fliuga i l. ptinu. Enn er(!) Petrus gaf syn blindum oc heilsu siukum oc rak diofla fra oðum oc græddi allz kyns sottir með bænum sinum oc gaf lif dauðum. Hann bað menn sia við svikum Simonar oc allri villu hans Nu gerðiz sva, at allir raðvandir menn oc siðsamir fyrirritu Simon oc qvaðu hann vera enn mesta 15 lygimann, enn Petrum guðs vin. Enn menn Simonar baru liugvitni með honum oc qvaðu Petrum vera fiolkungan, þar er þeir voru siolkunnigir(!). Þa sendi Nero konungr orð, at Simon magus skyldi koma til fundar við hann. Enn er hann kom oc stoð fyrir honum, þa tok hann at skipta likium a ser oc asionum sinum, sva at 20 hann syndiz stundum ungr enn stundum gamall, oc hafði ymsa manna alit eða kyqvenda, oc ætlaði konungr, at hann væri guðs sonr. Þa mælti Simon við konung: „Hlyð þu mer, goðr konungr, þviat ek em guðs sonr ofan stiginn af himni. Allt hingat til hefi ek setit Petro þat, er hann segiz postuli vera, enn nu er mer 25 tvefaulld meingiorð, þviat Pall gerir ok mer mein oc gengr i lið með Petro oc kennir it sama sem hann. Enn þat skalltu vita, at ríki þitt mun eigi standa mega, nema þu raðir þeim bana.“ Þa varð Nero ahyggiofullr oc bað giora eptir postulum oc leiða þangat.

(25.) Enn er (þeir) komo þar, þa mælti Simon: „Þessir eru lærisveinar Jesus nazareus oc overðir at heita Gyðingar, þott þeir se or þeira kyni.“ Nero spurði Simon: „Hverr er Jesus nazareus.“ Simon svaraði: „Borg heitir Nazareth a Gyðingalandi, enn or þeiri borg var lærifaðir þeira.“ Nero mælti: „Ef 35 guð leiðrettir oc elskar alla menn, firir hvi hatar þu þessa menn, ef þu ert guð?“ Simon svaraði: „Þeir tældu allt Gyðinga folk, at eigi tryði þeir mer.“ Petrus mælti við Simon: „Þo at þu tælir marga, þa muntu eigi mik sviqa(!), þviat firir mik kallaði guð

fra villu þa, er þu hafðir aðr svikit. Enn ef þu hefir reynt fyrr, at þu matt eigi vega sigr a mer, þa undrumz ek, hvi þu þorir at hrósa þer firir konungi oc ætlar, at þu munir stiga yfir lærisveina Cristz.“ Nero spurði, hvat Cristr væri. Petrus svaraði:
 5 „Cistr er sonr guðs, sa er Simon þickiz vera. Enn ef þu vill vita þa hluti, er of Krist gerðuz a Gyðingalandi, þa lattu taka bref, þat er Pilatus sendi Claudio keisara, oc mattu þa vita et sama(!).“ Þa let Nero leita at brefinu oc let upp lesa. Enn þetta var a brefinu.

10 Pilatus iarll sendir qveðiu Klaudio keisara. Fyrrir skaummu reyndum ver, at Gyðingar matu sik mikils oc kyn sitt af aufund sinni oc metnaði, þviat guð þeira af himni het feðrum þeira, at hann mundi senda son sinn, þann er vera mundi konungr þeira, oc var þeim þvi heitit, at hann mundi fra meyio beraz. Enn er
 15 hann kom, oc þeir sa hann gefa syn blindum enn heyrn dauðum, enn gaungu haulltum oc heilsu líkðram, reka diofla fra oðum maunnum oc ganga þurru fotum um sia, oc stoðva vinda oc hriðir, oc gefa líf dauðum, oc gera margar aðrar iarteinir, sva at mestr hlutr Gyðingalyðs kallaði hann son guðs, þa fyllduz
 20 haufðingiar kennimauna aufundar a mot honum oc toku hann oc selldu mér, oc saugðu hann folkungan oc gagnstaðligan laugum sinum. Enn ek truða lygi þeira, oc let ek beria hann, oc dæmða ek hann til bana. Enn þeir krosfestu hann oc grofu oc settu varðhalldzmenn yfir leiði hans. Enn hann reis upp af dauða a
 25 enum þriðia degi. Enn sva mikla illzko haufðu Gyðingar, at þeir gafo fe varðhallzmonnum, til þess at þeir skylldu þat segia, at lærisveinar hans tæki líkama hans a braut. Enn þott þeir tæki við feno, þa mattu þeir eigi leynd, oc saugðu þeir, at þeir hefði hann set upp risa, oc þeir hefði tekit fe til launar oc lygi. Enn
 30 ek reit þetta til þess, at engi skyllði trua lygi oc utru Gyðinga, þo at þeir segði allt a annan veg enn væri, þviat þeir hrædduz eigi at vega guðs son, oc baro bækr þeira sialfra aull vitni með honum, at hann væri guðs son oc sendr til lausnar heiminum.

(26). Enn er rit þetta var lesit, þa spurði konungrinn Petrum,
 35 ef þat væri sva se(m þa)r var sagt. Enn hann svaraði: „Eigi lyg ek at þer, at sva er vist. Enn Simon sia hefir með ser dioful oc fylliz lygi oc flærðar oc læzt þar guð vera, er hann (er) maðr oc þo illr. Enn Cristr kom til þess, at hialpa aullum maunnum, sa er bæði guð oc maðr. Enn ef guðdomr er með þessum Simoní, þa segi hann,
 40 hvat ek hygg eða hvat ek ætla at gera, þvi at guð veit allar

hugrenningar manna, oc alla hluti veit hann fyrir aðr enn verði. Enn til þess at Simon þori eigi at liuga, hvat ec hygg, þa mun ek segia i eyra konungi þa hugrenning.“ „Gack þu hingat, qvað konungr, oc seg mer, hvat þu hugsar.“ Petrus geck til konungs oc mælti i eyra honum hlyott(!): „Biottu, at hingat se sendr 5 brauðhleifr leyniliga.“ Sva let konungr gera. Enn Petrus tok við hleifnum. Þa blezaði Petrus hle(i)finn oc braut saman leyniliga oc stack i earmarkios ser. Enn er þetta var gert, þa mælti Petrus: „Segi Simon nu, hvat ek hugsaða, eða hvat ec mæltá, eða hvat ek gerða, til þess at ver vitim, at hann er sa er veit 10 hugrenningar manna.“ Þa mælti konungrinn Nero: „Veit ek, at Simon veit þetta, ef hann vill, þar er ek sa hann reisa mann af dauða oc (gera allt þat er ec) bað hann.“ Petrus svaraði: „Ecki sa ek hann slict gera.“ Nero mælti: „Ec sa hann slikt gera, oc ec sa, at hann bauð englum at koma til sin af himni, oc qvomo þeir.“ Petrus 15 svaraði: „Ef hann gerði þat er meira var, þa er honum auðvellt at gera þat er minna er.“ Nero mælti: „Svara verðr þu nu nocquru, Simon, tyrir þic. Eigi skil ek, hvarir sannara segia.“ Simon mælti: „Segi Petrus, hvat ek hygg, oc se iafnmæli með ockr.“ Petrus svaraði: „Eigi segiumz ek guð vera sem þu. Enn þo 20 mun ek syna, at ek veit, hvat þu hyggr, ef þu giorir þat, er þu hyggr nu.“ Simon mælti: „Þat skaltu vita, konungr, at engi veit hugrenningar manna nema guð einn. Enn Petrus lygr, er hann lætz þat vita, er hann veit eigi.“ Petrus mælti: „Ef þu læzt vera sonr guðs, Simon, þa verðr þu skyldr at segia, hvat ek 25 hygg eða hvat ec giorða, þviat þu segir guð vita hugrenningar manna, sem satt er.“ Þa reiddiz Simon, er hann matti eigi segia hugrenning Petrus, oc mælti sva: „Fari fram hundar miklir oc svelgi Petrus i augliti konungs.“ Þa synduz þar miklir hundar, oc gerðu faur at Petro. Enn Petrus retti hendr sinar a mot 30 þeim oc syndi þeim b(r)auð þat, er hann hafði blezat, oc hurf(u) hundarnir þegar, er þeir sa brauðit. Þa mælti Petrus við Nero: „Nu sattu, at ec synda þer i verki helldr enn i orði, at ek vissa, hvat Simon hugsaði, oc nu syndi hann þer engla sina, at þeir eru hundligir enn eigi guðligir.“ Nero mælti þa við Simon: 35 „Yfir eru við nu stignir, Simon.“ Hann svaraði: „Opt hefir Petrus gert slict a Gyðingalandi a mot mer, qvað Simon. Enn ec mun nu syna, at ec em guð, þviat nu skaltu lata hauggva mic i myrqum stað, oc lata mik þar liggia sem ec (em) hauggvinn. Nu efec ris upp a þriðia degi af dauða, þa mattu vita, at (ec) em guðs sonr.“ 40

Þa bauð konungr, at (sva) skyldi vera. Enn Simon gerði sva i gaulldrum sinum, at þar var hrutr hauggvinn, er þeim þotti sem Simon væri. Enn þar var myrkt, er hauggva skyldi. Síðan hafði sa forvitni við, er hauggvit hafði Simon, oc bar hofuðit til lioss, 5 oc sa at hrutz haufuð var. Enn sa þorði eigi at segia konungi, at eigi yrði hann sakaðr of forvitni sina. Síðan kom Simon oc tok a braut hræ hruzins. Enn a enum þriðia degi geck Simon or fylskni, oc syndiz hann þa Nero oc mællti við hann: „Lattu þerra bloð mitt af iorðu, þar er ec var hauggvinn, oc em ec nu 10 upprisinn af dauða, sem ec het.“ Enn er þeir qvomo, þa mællti Simon við konung: „Lattu gera mer staupul havan or triam, oc (mun) ek stiga i staupulinn oc kalla þangat engla mina oc bioða, at þeir hefi mik upp a himna til fauður mins, sva at allir megi þat sia. Enn ef þessir megu eigi slikt gera, þa mattu reyna, at 15 þeir eru lygimenn.“ Nero mællti við Petrum: „Heyrðir þu nu, hvat Simon sagði, at hann qvazt syna mundu, hvern crapt hann hafði.“ Petrus svaraði: „Bratt muntu nu skilia, at hann er fullr af diofli.“ Nero mællti: „A morgin skal reyna yðr alla.“

(27). Þa sneriz Nero til Pals postula oc villdi, at hann svaraði 20 nockuru firir sic, oc mællti við hann: „Hvi mælir þu ecki, Pall? eða hverr er þinn lærifaðir, eða hvilik er þin kenning, su er þu kennir i borgum? Ecki ætla ek þic vera mælskumann, oc engi þrekvirkir ætla ek þic vinna mega.“ Pall svaraði: „Hyggr þu þat, konungr, at ec muna orðum deila við otruan mann, þann er aund 25 sina lætr fara til dauða, oc mun nu bratt fram koma glautun hans, þviat hann lygr, er hann segiz þat vera, er hann er eigi, oc tælir hann alla m(eð f)iolkyngi sinni. Enn ef þu vill tæia honum eða hlyða orðum hans, þa muntu glata aundu þinni oc riki þinu, þviat hann er inn vesti maðr, sva sem þeir Jamnes oc Mambres 30 fiolkungir menn a Egiptalandi leiddu i villu Farao konung oc her hans, unz þeir sucku niðr i hafinu rauða. Sva tælir sia maðr ovisa menn með vælum diofuls fauður sins oc gerir mart illt fyrir fiolkyngi sina, oc svikr hann heimska oc giorir mikla mæðing velldis þins. Enn ek bið helgan anda með tarum hiarta mins, 35 at sem skiotaz skyli synt verða, hversu mikla diufuls(!) villu sia maðr byðr, þviat þa er hann ætlar upp at hefiaz til himna, þa mun hann niðr sockva i enn neðsta hlut helvitis, þar er gratr oc gnistan tanna. Enn ef þu spyrr at kenningu lærifauður mins, þa mega þeir einir við henni taka, er honum vilia þiona með tru oc 40 hreino hiarta. Enn ek kenda þat hverium, er til friðar er oc

astar, oc for ek með friðarboðorð allt i Jerusalem. Talda ec þat firir feðrum, at þeir kendi þat sonum sinum, at unna guði; talda ec þat firir sonum, at þeir væri hlyðnir feðrum sinum oc mæðrum oc aullum þrifsamligum aminningum. Talda ec þat firir aullum, at hverr elskaði annan. Talda ec þat firir rikiss-
maunnum oc auðkyfingum, at þeir drambaði eigi i guðs miskunn. Talda ek þat firir valuðum, at þeir fagnaði valaði sinu oc þackaði guði; enn þeir er ser hefði atvinnu, yndi því, er þeir ætti, oc girndizt enskiss framarr. Talda ek þat firir fiareigundum oc farmaunnum eða kaupmaunnum. at þeir gylldi skatta eða landaura
oc allar laugskulldir sinar. Talda ek þat firir manna konum, at þær ynni bondum sinum oc væri þeim hlyðnar. Talda ek þat firir bondum þeira, at þeir ynni konum sinum oc væri sva grand-
varir við aðrar konur, sem þeir villdi sinar konur grandvarar við aðra menn, þvíat þat er karlmanni* 15

ði koronu a haufði oc tok at fliuga i lopt upp. Þa mællti Nero við Petrum: „Simon er sannsaugull, enn it Pall erut lygimenn.“ Petrus mællti: „Nu muntu bratt viss verða, at við erum sannir Cristz lærisveinar, enn Simon er villumaðr.“ „Oc þorir þu enn,
qvað Nero, at mæla i gegn honum, oc ser þu hann nu til himna fara.“ Þa leit Petrus til Pals oc mællti: „Pall broðir, hef upp augu þin oc sia.“ Enn er Pall sa Simon fliuga, þa felldi hann tár oc mællti: „Hvat dvelr þu nu, Petrus, gerðu þat, er þu tokt upp, þvíat drottinn Jesus Cristr kallar ockr.“ Þa brosti Nero
oc mælti: „Nu sia þessir, at þeir eru yfirstignir oc munu ganga af vitinu.“ Petrus svaraði: „Nu skalltu reyna, at vit vitum vel.“ Pall mællti við Petrum i annat sinn: „Giorðu nu þat, er þu hefir raðit.“ Þa leit Petrus eptir Simoni oc mællti: „Ér fianda ærir, er berit hann upp i lopt til at sauckva(!) hiortum otrura manna,
yðr særi ek fyr guð skapara allra hluta oc fyr Jesum Crist son hans drottin varn, er a þrið(i)a degi reis upp af dauða oc ste upp til himna oc sitr nu a himnum uppi oc mun þaðan koma at dæma of lifendr oc of dauða, i hans nafni særi ek yðr, at iér latið hann lausan nu þegar oc berit Simon eigi lengra.“ Þa letu
fiandr Simon lausan, þeir er aðr baro hann, oc fell hann niðr a stræti, þar er heitir Sacra via, a fiorusteina, oc slitnaði hann i sundr i fíora hluti. Enn þeir steinar standa enn til sigmarks postulonum allt til þessa dags. Þa let Nero taka þa Petrum oc

* Her mgl. et Par Blade; jvf. ovenfor S. 191^r-195².

Paulum oc setia þa i baund, enn hann let taka hræ Simonar oc varðveita, oc vætti upprisu hans a þriðia degi. Petrus mællti við (Nero): „Nu mun hann eigi upp risa, fyrir því at nu er hann aðaliga dauðr oc fyrirdæmdr til eilífra qvala.“ Nero mællti: „Hverr 5 lofaði þer at göra slíkt?“ Petrus svaraði: „Þræta hans sialfs. Enn ef þu vill rett virða, þa er honum mikit veitt i því, er hann fyrirforz fyrr enn hann qvæme fram sva mikilli guðlaustun.“ Nero mællti: „Þit giorðut hug minn ahyggiofullan, af því skal ek deyða yckr illum dauða.“ Þa let Nero setia Petrum i myr- 10 qvastofu oc varðveita. Enn Pall var leiddr til kornhlauðu einnar, oc skylldi hann þar vera varðve(it)tr.

Liflat Pals postula.

* Enn er Pall var kominn til kornnhussins, þa dreif þangat m(ik)ill fioldi borgarlyðs oc sva hirðmanna konungs at heyra kenn- 15 ingar Pals. Þangat kom oc byrli konungs, enn sa het Petroclus, oc villdi heyra kenningar Pals. Enn þa matti hann eigi komaz inn firir mannfólða þeim, er þar var firir, þa ste Patroclus upp a husit oc settiz hia glugg einum. Enn þa er Pall hafði þar lengi talit, þa sofnaði Patroclus oc fell af husveggnum oc laundiz þegar. 20 Enn Pall vissi af gípt heilags anda, hvat orðit var uti, oc mællti: „Heyrit ier, bræðr, nu hefir andskoti fundit færi a at freista yðvar. Gangi þer út oc munu þer finna þion keisara fallit hafa af vegg oc andaðan, færi þer hann mer.“ Þa foro nocquirir menn at leita skyndiliga oc fundu inn unga mann dauðan oc færðo líkit 25 Paulo. Allir undruðuz þat, er Pall vissi þetta oc hafði engi sagt honum. Síþan mællti Pall við lyðinn: „Nu mun drottinn syna tru yðra. Nu er su tíð, er guð mun sa eilífo saði a goða iorð, oc mun hann gera hundraðfalldan avox. Biðiu ver nu allir, at guð lifgi þenna inn unga dreng, til þess at hann lifi betr heðan fra en 30 hingat til.“ Enn þa er allir baðu, þa mællti Pall: „Ris upp þu, Patroclus, oc seg, hvat guð hefir giort við þic.“ Þa reis Patroclus upp, sva sem hann vacnaði or svefni oc lofaði guð.

Enn er Patroclus hafði dauðr fundinn verit, þa var dauði hans sagðr Nero. Enn hann varð hryggr, er hann fra, oc setti 35 annan mann til at byrla ser. Enn inn sama aptan, þa er dauði hans var sagðr, þa kom maðr at hugga konung, sa er sva mællti: „Ver eigi þu oglaðr, konungr, her er Patroclus uti firir durum oc lifr.“ Nero undraðiz, er hann heyrði þet'a, oc bað Patroclum inn

* Jvf. ovenfor Petrs Saga 1 S. 110 Cap. 124 og Páls Saga 1 S. 235 Cap. 23.

ganga, er aðrir báðu þess. Enn þá er Nero sa engi dauðamerki a honum, þá spurði hann sva: „Hvart lifir þu, Patroclus?“ Hann svaraði: „Lifi ek vist.“ Nero mællti: „Hverr lifgaði þik.“ Patroclus svaraði: „Drottinn Jesus Cristr konungr eilifrar dyrðar oc allra verallda.“ Nero mællti: „Skal sa rikia of alldir oc raða, firir aullum rikium heimsins.“ Patroclus svaraði: „At visu brytr hann aull þessa heims riki undir sic, oc þiona honum allir hlutir undir himni, þviat hann er konungr konunga oc drottinn drottna.“ Nero laust hann halshaug oc mællti: „Villtu eigi þeim konungi þiona þa?“ Patroclus svaraði glaðliga: „Vist vil ek honum þiona, því 10 at hann reisti mic af dauða.“ Þá varð Nero viss, at margir vinir han(s) voru kristnir, oc bauð hann, at aullum skyllði hrinda i myrqvastofu.

Siðan bauð hann, at þangat skyllði leiða firir domstol hans alla cristna menn, þá er finnaz mætti. Enn þá er þetta var giort, 15 þá ser Nero Pal i því liði, oc þottiz hann vita, at Pall var förraðsmaðr þess liðs, oc mællti Nero við hann: „Siðan þu komt i Romaborg, þá spandir þu riddara mina undan mer, oc telz þu þiona enum gaufgazta konungi, oc ertu nu bundinn af minu riki.“ Pall svaraði fullr heilags anda staðfastliga, sva at allir heyrðu, 20 þeir er hia voro: „Eigi at eins hefi ec menn spanit or þinni hirð, konungr, helldr nær of allan heim hefi ek spanit menn til guðs tru, oc er mer þat boðit, at taka við aullum þeim, er þiona vilia eilifum konungi minum, oc mundir þu þess alldregi iðraz, konungr, ef þu tryðir a hann, þviat þer megu ecki stoða auðæfi ne 25 metorð, nema þu þionir honum, þviat þá er kemr sialfr domandinn at dæma of lifendr oc of dauða, þá mun hann eyða allt riki þessa heims, enn gera sæla sina riddara.“ Þá reiddiz Nero oc mællti við greifa sina tva Longinus oc Megistus oc hundraðshaufðingia þann er Acestus het: „Leiði þer þenna afskiranda(!) mann ut 30 or borginni oc hauggvit af honum hofuð.“ Pall svaraði: „Skamma stund mun ek haugvinn vera, enn ek mun avallt lifa með guði konungi minum eilifum, drottni minum Jesu Cristo, þeim er koma mun at dæma kyqva oc dauða oc allan heim með elldz ablasningu.“ Nero mællti: „Hauggvi hann sem skiotaz, at hann 35 viti, at ec em sa, er raða skal lifi hans.“ Pall svaraði: „Til þess at þu vitir, at lif oc dauði þionar drottni minum, þá mun ec synaz þer eptir andlat mitt lifandi, oc mattu þá vita þic yfirstiginn.“

Enn siðan var Pall leiddr til piningar. Þá mællto þeir Megistus oc Acestus oc Longinus við postulann: „Segðu oss, hvar 40

konungr þinn er, eða hvað gott veitir hann yðr kristnum maunnum at aumbun þeirrar astar, er ier vilit helldr deyia herfiligum dauða fyrir hans nafni, helldr enn niota þessa heims fagnaða, þvíat oss syniz þat villa mikil at elska dauða oc qvalar enn fyrirlita lifit.“

5 Pall svaraði: „Heyri þer, hygnir menn oc auflgir i goðu viti! fyrirlati þer myrkr villunnar oc okænsku, þa er daukvir vegsam- luga skilning yðra, sva at iér siait eigi it sanna, helldr snui þer hugskotzaugum yðrum til sanz lioss oc eilifs, at fyrst kunni þer deili a sialfum yðr, enn siðan megi þer með fagnaði kunna þenna

10 konung. Vær þionum eigi iarðligum konungi, sem ier ætlit, helldr guði lifanda konungi himins oc allra verallða, sa kemr at dæma fyrir elld of aull rangindi, þau er verða i þessum heimi. Þa verðr hverr sæll, er a hann hefir truath, oc hefir sa eilift lif oc sælu. Enn sa er orækir langt tóm oc vill eigi til hans snuaz, sa veit

15 ecki ser vesalla oc fyrirferstz(!) æ oc æ. Enn til þess ste guð niðr til iarðar af himni, sa er skapat hefir himin oc iorð, oc giorðiz fyrir því maðr, sa er manninn skapaði, at maðrinn skyllði snuaz fra villu oc illzku sinni oc fyrirlata skurðgoð dumb oc dauf oc onyt, enn gaufga þann er allt hefir skapat. Þann gaufga

20 aull himnesk velldi, oc oll engla fylki þiona honum. Enn ef sva verðr gert, þa veitir guð þeim sitt fulting oc samlag engla sinna oc allra heilagra. Enn af því at guð er andligr, því skal aund manzins hann gaufga, oc veitir hann aundinni eilifa sælo með heilagra manna aundum. Enn sa er eigi vill trua a guð, sa skal

25 selldr illgiornum dioffi i qvalar oc brenna i eilifum elldi.“ Enn þa er Pall hafði þetta mællt oc mart annat því lict, þa mællto allir, þeir er heyrðu þessa tauro: „Þu synir eilift lif oc kennir eilifan sannleik ok heilsu miskunnar, at ver leysimzt or synda snaurum, oc megum forðaz þann elld. er þenna heim skal brenna

30 oc allir ranglatir skulu i kveliaz.“ Þa mællti Pall: „Ér bræðr, er guð hefir vitiat til yðvarra hiart(n)a, standi þer hraustliga i tru, þvíat enn eru eptir guð(s) þionar þeir, er yðr munu skira, oc munu þer hialpaz i elsku drottins, ef ier eruð staðfastir i henni.“ Þa mællto þeir Longinus oc Megistus oc Acestus: „Biðium ver þic,

35 at þu merkir oss til riddara ens eilifa konungs, at ver forðimz okominn elld oc auðlimzt eilift riki. Enn ver munum lofa þer, at þu farir þangat, sem þu vill, oc munu ver fylgia þer oc skiliaz eigi við þic.“ Pall svaraði: „Eigi em ek flottamaðr, helldr hraustr riddari mins konungs. Ef ec vissa eigi vist, at ek skyllða fyrir

40 þenna dauða koma til lifs oc dyrðar, þa munda ek eigi at eins

gera þat, er iér biðit nu, helldr munda ek biðia yðr, at iér leyfðit þat.“ Enn þa er þeir mællto þetta með ser, þa sendi Nero tva riddara Parthenus oc Ferita, at þeir skyldi vita, ef Pall væri hauggvinn. Enn er Pall sa þa, þa kallaði hann: „Trui þer, sveinar, a guð lifanda, þann er mik oc alla lifgar af andar dauða.“⁵ Þeir svoruðu: „Við verðum fyrst at segia konungi fra bana þinum. Enn þu far til þess staðar, er þic skal hauggva, oc bið þu ockar þaðan. oc bið þu firir ockr.“ Pall svaraði: „Yckr er meiri þaurf dvalar dauða mins, enn mer er, ef it vilit trua, þviat firir þenna dauða skal ek fara til lifs eilifs.“¹⁰

¹ Síþan var Pall le(i)ddr or borginni ut. Enn er hann kom til borgarhliðs, þa fann hann þar gaufga husfreyio, þa er Plautilla het, oc mællti Pall við hana: „Le þu mer haufuducs þins at binda firir augu mér, er mik skal hauggva. Enn ec mun sialfr færa þer, er ec hefi hafðan.“ Plautilla selldi honum dukinn. Enn¹⁵ ridarar heimskuðu hana, er hon leði duxsins, oc qvaðu hana ecki mundu hafa goðs klæðis. Pall mællti við hana: „Bið þu heðan, unz ec kem at færa þer dukinn með iarteinum dauða mins.“ Enn er þeir foro þaðan, þa mællto þeir Longinus oc Megistus oc Acestus við Pal: „Hverr mun oss skira?“ Pall svaraði: „Komit²⁰ ier a morgin arla til leiðis mins, oc munu þer þar finna sveina mina Lucas oc Titus, segi þer þeim, at ek senda yðr þangat, oc munu þeir gera yðr Cristz riddara oc erfingia himneskz rikiss.“ Síþan var Pall leiddr a gautu² þa er Ostensis heitir. Þar bað hann firir ser lengi a ebreska tungu, oc batt síðan sialfr dukinn²⁵ firir augu ser oc fell baðum kniam til iarðar oc var síðan hauggvinn. Þa nefndi haufutið(!) nafn guðs hatt a ebreska tungu, er þat var af bolnum. Enn ór sari hans kom fyrst miolk enn síðan bloð. Enn þa er riddarar villdu taka dukinn, þeir er hoggvit haufðu hann, þa hvarf dukrinn allr. Þa kom lios mikit af himni yfir³⁰ postulann, sva at augir þottuz i gegn mega sia. Þar fylgði sva mikill ilmr, at eigi ma mannlig tunga sva fra segia sem var. Allir cristnir menn lofuðu almatkan guð af þeirri dyrð, er veittiz Pali postula hans. Enn inir heiðnu riddarar hurfu a braut oc fundu Plautillam oc mællto við hana með haði: „Hvi hefir þu³⁵ eigi haufuduk þinn a haufði, þann er þu leðir Pali at binda firir augu ser?“ Hun svaraði þeim: Iér vesalir vilit eigi trua, þott ier siait augum yðrum, a guðs takn oc iarteinir hans vina. Vist hefi ek her duk minn með dreyra Pals, þviat hann sialfr kom her

¹ Jvf. *Petrus Saga II A*, S. 197. ² gauti Cd.

5 þáan með fiolda englaliðs oc mællti við mik: Þú, Plautilla, beindir faur mina a iorðu, firir því mun ek beina faur þína til himna.“ Síðan syndi hon þeim dukinn bloðgan. Enn þeir urðu oqveða, er þeir hey(r)ðu þetta, þvíat þeir kendu dukinn, oc foru
 5 þeir sky(n)diliga oc saugðu konungi alla þa hluti, er þeir hau(f)ðu sét oc heyrð.

Pining Petrus.

(30, 31, 32, 33). Enn næsta dag aðr Pall væri hauggvinn, var Petrus
 10 settr i myrqvastofu. Enn of nottina næstu eptir komo margir menn til myrqvastofunnar oc baðu Petrum akafliga, at hann skyldi forða ser. Petrus svaraði: „Þat samir eigi, bræðr, at ek hræðumz at deya eða flæia, þvíat sællict er at deya firir guðs nafni, þess er með sinum dauða bio aullum oss odauðleik til handa, oc er
 15 omaklict at sa flæi dauðann oc sina pils sialfs, er auðrum kennir at flæia eigi sinar pislir.“ Enn lyðrinn bað þess at meirr með tarum, at hann skyldi fara or borginni. Enn hann giorði þat of siðir, sem hann var beðinn, oc eigi af því at hann hræðiz at deya, helldr nenti hann eigi at synia lyðnum þess, er hann var
 20 með grati beðinn, oc ætlaði hann a braut or borginni. Enn er hann kom til borgarhliðs, þa sa hann drottin Jesum Crist koma at moti ser, oc laut Petrus honum oc mællti við hann: „Drottinn minn, hvert ferr þu?“ Jesus svaraði: „Fylgðu mer, þvíat ek fer i Romaborg at krosfestaz i annat sinn.“ Þa skildi Petrus, at
 25 drottinn mællti þetta of pils hans, oc hvarf hann aptr i borgina oc var þegar tekinn afriddarum, er hann kom i borgina, oc leiddr firir domstol Nero. Þa spurði Nero Agrippam greifa, hvart Petrum skyldi beria iarnsvipum til bana eða skyldi hann hafa annan bana. Agrippa svaraði: „Eigi er þat mælict, at hann se
 30 bariðr til bana, helldr a hann at vera krossfestr firir manndrap sitt, þat er hann hefir glatat Simoni.“ Nero mællti: „Nu dæmdir þu vel, oc skal sva vera.“ Síðan var Petrus dæmdr til krossfestingar. Enn er hann var leiddr til krossins, þa dreif mikill liðsfioldi til hallar konungs oc mællti; „Þic skulum ver i elldi
 35 brenna kykvan, Nero, eða firir hvi villtu fara borg varri i dauða heilags Petrus, eða firir hvi gerir þu þenna glæp? Ohæfa er at firirdæma enn saklausasta mann, oc ugganda at guð muni firirfara oss aullum i drapi sva gaufugs manz.“ Petrus bað, at lyðrinn skyldi sefaz, oc mællti við þa: „Allir iér, er a Crist truit oc alla
 40 ván hafit til hans, hafi þer oc i minning hans hogværi oc þolinmæði,

þviat hann hefir yðr margar iarteinir syndar firir mik. Biði þer nu oc þa, unz hann kemr at giallda hveriom sem vert er. Sagt hefir guð mer allt þetta fyrir, at eigi er lærisveinninn meiri enn lærifaðirinn, oc eigi er þrællinn æðri enn drottinninn. Þat var oc firir skaummu, er ec villda lifa eptir yðr oc flæia undan, enn 5 þa kom drottinn i moti mer i borgarhliði, ok laut ek honum oc spurða ek hann, hvert hann skyldi fara. Enn hann svaraði mer: Fylgðu mer, þviat ek fer i Romaborg at krossfestaz i annat sinn. Enn þa er ek fylgða honum, þa mællti hann við mik: Hirð eigi þu at hræðaz, þviat ek em með þer, unz ec kem oc leiði þik i 10 riki fauður mins. Enn firir þetta dveli þer eigi faur mina, at ek vil skynda at skiliaz við likamann oc vera æ með Cristi. Taki þer við likamanum, enn drottinn við andanum.“ Síðan geek Petrus at, þar er krossinn stoð, oc mællti: „Drottinn minn Jesus Cristr var a rettum krossi pindr. Enn hann kallar mik til himins 15 af iorðu, af því skal ek horfa haufði til iarðar enn fotum til himins a krossinum, at ek em cigi verðr at deyia sva sem drottinn minn.“ Þa snero þeir krossinum, oc hverfðu hendr hans niðr oc haufuð til iarðar enn fætr upp til himins, sem hann bað. Þa var mikill fiolði cristinna manna þar kominn þeira, er greto andlat 20 postulans. Enn heilagr Petrus postuli huggaði þa oc mællti: „Eigi skulu þer hræðaz ne hryggvaz, helldr fara með mer, þviat i dag mun ek taka laun erfðiss mins oc bua rum yðvart a himnum, þviat sia er osamvirðilig dyrð oc miskunn, er mer er veitt i navistu krossins, þviat ek em nu sva samtengðr guði i þessu astarbandi, 25 at ek mun alldregi skiliaz við hann, er ek em festr a hans sigrmark, þviat þetta er lifstre, þat er Jesus dro til sin alla hluti á, þa er hann sialfr var upphafiðr a þetta tre oc leysti allan heim fra eilifum dauða. Þetta er mer vegsamliet at deyia a pislartre drottins mins oc lærifauður, oc ma ek eigi framarr 30 æskia enn glikiaz drotni minum i pislum. Nu geri ek þer þackir, drottinn Jesus Cristr sonr guðs lifanda, eigi at eins orðum nema oc allra hellzt með andanum þeim, er þic elskar oc við þic mælir oc þic biðr oc a þer heldr oc þic ma skilia oc þic ser; þu ert mer einn ærinn til allra hluta, sva at ek þarf enskis annars við. 35 Veittu þa huggunarsyn þeim, er her eru nu, at þeir siai þann faugnuð, er mer er veittr i dag.“ Enn er hann hafði þetta mællt, þa sa allir, þeir er hia voro, engla guðs uppi a crossinum með biortum koronum oc rettsnuinn krossinn. Þeir helldu bok firir Petrum, þeir(i) er Cristr sialfr hafði þeim sellt. Enn af þeiri boc 40

syndiz þeim Petrus hvert orð lesa, þat er hann mællti. Þa tok allan hryggleic af cristnum monnum, þeim er þetta sa. Enn heiðnir menn urðu hræddir oc flæðu brot firir guðs krapti. Þa sa Petrus, at margir voru huggaðir af hans dyrð, oc mællti:
 5 „Þackir geri ek þer, drottinn goðr hirðir, er sauðir þinir, þeir er þu selldir mer at geyma, skulu nu fagna með mer. Nu fel ek þa þer a hendi, oc varðveittu þa oc samna þeim til þins huss, þviat þu ert þeim aullum eilif gnott. Se þer lof oc dyrð of alldir.“ Enn er cristnir menn allir qvaðo amen, þa andaðiz postulinn.

10 Enn Marcellus, sa er skilitz hafði við Simon enn illa oc fylgt siðan Petro, hann tok lic postulans af krossi oc beiddi eigi konung leyfiss at. Þa synduzt nockurir helgir menn, þeir er komnir letuz or Jorsalaborg, þeir þionuðu liki postulans með Marcello oc færðu til þess staðar, er Vaticanus heitir, oc smurðu dyriligum
 15 smyrslum oc laugðu i steinþro. Þa mællto enir nykomnu menn við lyðinn: „Ér eiguð at vera glaðir, þviat ier hafit formælendr enna(!) æztu postula guðs oc enna(!) kærstu vini drottins Jesus Cristz. Enn þat skulu þer vita, at sia enn versti konungr Nero mun eigi lengi fagna dauða postulanna, oc mun hann bratt ræntr verða lifi
 20 sinu oc riki.“ Þa var sva komit ovinsæld konungs við alla Romaborgar hofðingia, at þeir urðu a þat sattir at taka hann oc festa i stagl oc beria, unz hann dæi grimligum dauða.

Fra postulum.

25 (33, 34). Þat var a þeim degi er postularnir foro til guðs, at Pall kom inn i haull konungs nær eykt dags oc stoð fyrir konunginum oc mællti við hann: „Seðu nu, Nero, at her er Pall hraustligr riddari eilífs konungs. Nu mattu trua, at ek em eigi dauðr, helldr lifi ek með guði minum. Nu bratt mun ill ogn
 30 taka þic, vesall maðr, oc biðr þin en mesta eilif quaul, firir þat er þu hefir bana latið helgum maunnum guðs oc giort morg stor ohaupp aunnur.“ Enn er postulinn hafði þetta mællt, þa leið hann fra augum þeim. Enn við vitron þessa varð Nero hræddari enn fra megí segia, oc varð at giallti oc vissi eigi, hvat hann skyllði at ser hafa. Vinir hans baðu, at lausa skyllði lata þa
 35 menn cristna, er i hofum voro, Patroclum oc Barnaban oc marga aðra, oc var sva gert. Enn Nero hliop brott fra riki sinu oc varð at giallti, oc letuzt menn þat sia siðaz til hans, at dyr rifu hann i sundr. Enn þeir Longinus oc Megistus oc Acestus komo
 40 snemma of morguninn, sem Pall hafði mælt, til leiðiss hans oc sa

þar þa Titus oc Lukass biðia firir ser, sem Pall hafði þeim til visat, oc Pal sa þeir standa a millum þeira, oc namu þeir staðar, oc þotti undarlicet þat, er þeir sa Pal þar standa. Enn er þeir Titus oc Lucass sa menn þa, er þeir vissu þat, at fylgt höfðu Pali til bana, þa hrædduz þeir oc flæðu undan. Enn þa leið Pall 5 til hinna upp. Þa tóko þeir Longinus oc kau(1)luðu a þa oc mællto: „Sælir guðs menn, eigi skulu þier gruna oss fyrir því komit hafa hingat at vilia bana yðvarn, helldr vilium vær taka af yðr skirn heilags vatz, sva sem inn æzsti keonandi Pall het oss, sa er nu aðan sa ver standa a millum yckar.“ Enn er þeir Titus 10 ok Lukas heyrðu þetta, þa namu þeir staðar með andligum fagnaði oc gafu þeim þa þegar primsigning, oc buðu þeim at fasta þann dag allt til aptans. Enn at apni voru þeir skirðir i nafni drottins Jesus Cristz með algiorri tru oc saðri ast. Enn þeir Petrus oc Paulus voru pinðir a enu siaunda ari ens fiorða tigar eptir uppstigning drottins. Enn er Grickir villdu hafa brot með 15 ser likami þeira til austrlanda, þa giörði landskialpta mikinn, oc runnu Romaborgar menn eptir þeim oc gripu þa haundum i þeim stað, er Katakumbass het, þa er þeir voru komnir nær þriar milur fra borginni, oc voru helgir domar þeira þar varðveittir þriu misseri, unz sa umbuningr var buinn, er menn villdu þa hafa lata. 20 Siðan var Petrus færðr i þann stað, er hann var grafinn firir aundverðu, oc er þar gaufgaðr avallt siðan. Enn Pals likami var færðr a Ostensis gautu .ii. milur fra borginni, þar sem hann var hauggvinn. Enn i hvarumtveggia stað geraz otal iarteina af bænum þeira Petrus oc Pals allt til þessa dags at teianda drotni 25 varum Jesu Cristo, þeim se vegr oc dyrð of allar alldir. Amen.

ANDREAS SAGA POSTOLA.

I.

1. A Jorsalalandi i þorpi því, er Bethsaida heitir, þat stendr i Galilea heraði, þar fœdduz brœðr tveir, annarr er Simon nefndr, 30 en annarr Andreas. Johannes er nefndr faðir þeira. Þeir voru fiskimenn. En eitthvert sinn er þeir voru a sio ronir, þa segir

sva heilagr Mattheus i guðspialli, at Jesus Kristr gengi at siovar-
 strondinni, þar er þeir satu fyrir utan at fiski, en sa heitir
 Galilea sior. Þa kallaði drottinn a þa ok sagði: „Ek mun gera
 ykkur at fiskurum mannanna.“ En þegar er þeir heyrðu orð drott-
 5 ins, fyrirletu þeir alla hluti iarðneska ok fylgðu drottni varum.
 Þeir brøðr höfðu aðr verit lærisveinar Johannis baptista, sem Jon
 guðspiallamaðr segir. Sa hinn sami Simon var síðan kallaðr
 Petr, ok eru þeir brøðr af hinu øzta manntali þeira .xii., er
 mótunautar drottins eru kallaðir. Þessi enn sami guðs almattigs
 10 astvinr var með drottni varum alla þa stund, er hann var her i
 heimi. Við þat hit síðasta ok dýrmætasta matmal var Andreas
 með öðrum postolum, er drottinn sneri brauði ok vini i holld sitt
 ok bloð skirdags aptan ok gaf postolum sinum at bergia. Hann
 var ok staddr við upprisu drottins ok við hans uppstigning, ok
 15 við gíof heilags anda a hvítasunnudegi, ok við oll þau stortiðindi,
 er þar gerðuz.

2. En er postolarnir skiptuz til landa, þa for Andreas post-
 oli fyrst til Svíþjóðar hinnar miklu at föra þar guði margfalldan
 avoxt sinna kenninga. Ver hofum litinn hlut at segia af hans
 20 iartegnum, en þær er sagðar eru, eru faheyrðar þvilikar. An-
 dreas postoli var miukr ok miskunnsamr, sva at hverr maðr unni
 honum hugastum, er hann kunni. Hann var manna þekkiligastr
 ok biartastr yfirlitz, sva at yfirlit hans var likari engla asionu at
 birti; hann var ok hinn liknsamasti i ollum mannraunum, sem
 25 segir heilog ritning: mitissime sanctorum sanctissima extollendo
 merita; þat mælir sva: þu ert hinn miukasti heilagra, tokt upp
 hina helgustu verðleika. Andreas sannaði nafn sitt fagrliga i
 sinum athofnum at guðs vilia, þvíat þat er a latinu virilis eða
 roboratus, þat þýðiz karlmannligr eða öflugr, hann bar ok karl-
 30 mannliga fram guðs erendi, hvar sem hann kom, ok var oruggr
 at gera guðs takn hvervetna, þar sem nauðsyn beiddi ok guðs
 mattr gerðiz biartari þa en aðr.

3. Sa atburðr er sagðr, þa er Andreas postoli kendi kenn-
 ingar i Achaia heraði, þa kom engill guðs til hans ok mællti
 35 við hann: „Mattheus postoli brøðir þinn er nu tekinn af heiðnum
 monnum i borginni Mirmidon ok blindaðr baðum augum ok
 bundinn iarnrekendum, ok síðan settr i myrkvastofu fyrir guðs
 nafn. Nu vill guð, at þu farir til fundar við brøður þinn ok gefir
 honum syn ok leiðir hann or myrkvastofu, þvíat honum er eigi
 40 ætlat at föra guði avoxt sinna kenninga i þeiri borg.“ Andreas

svaraði: „Hversu ma þat vera, þar er ek veit eigi, hvar su borg er?“
 Þa er postolinn hafði þetta mælt, þa mælti engill guðs: „Far
 þu til siovarstrandar, ok muntu þar finna skip eitt litit, ok stig
 þu a þat. En ek mun vera leiðtogi þinn þangat, sem þu skalt
 fara.“ Síðan hvarf engillinn at syn fra honum. En Andreas 5
 gerði sem engillinn bauð honum, ok fann þar skip litit a siovar-
 strondunni, ok ste hann a þat. Ok því næst þa rennr byrr a
 hinn høgasti, ok sigldi hann til þess er hann kom til Mirmidoni-
 am borgar, eptir því sem guðs engill styrði skipi hans. Síðan
 gekk hann af skipi i borgina til myrkvastofu þeirar, er Mattheus 10
 var inni; ok þa er hann kom þar, þa var a myrkvastofunni varð-
 halld mikit, ok var hon læst ramliga. En er Andreas postoli
 kom at myrkvastofunni, þa spruttu þegar fra lasarnir, ok skein
 lios solu biartara fyrir honum i myrkvastofuna. En er Andreas
 postoli sa Mattheum postola þar inni með öðrum bandingium, 15
 þeim er þeir borgarmenn höfðu i pislum fyrir guðs nafni, þa gret
 hann beiskliga ok bað til guðs ok mælti: „Drottinn minn Jesus
 Krístr, sa er ver boðum með tru, ok fyrir þínu nafni fœrum ver
 fram þína kenning, ok þu er þer lezt soma at gefa fyrir haleita
 milldi þína syn blindum, heyrn daufum ok holttum gongu, heilsu 20
 líkþram ok líf dauðum, bið ek þik, luk upp þu augum þræls þins
 Matthei, at hann fari at boða nafn þitt.“ En þegar er hann hafði
 lokit bæn sinni, þa skalf myrkvastofan, ok því næst skein lios mikit
 i myrkvastofuna af himni. Þa tok Mattheus postoli sion sína, ok
 fellu af honum iarnrekendrænar, er hann var bundinn með, ok 25
 allir þeir er bundnir voru, slitnuðu bondin af þeim, ok urðu þeir
 lausir, ok lofuðu allir guð ok mæltu: „Mikill er guð, sa er helgir
 postolar boða.“ Síðan leiddi Andreas postoli þa menn alla or
 myrkvastofunni, ok let hvern fara til sins heraðs. Þa varð fagn-
 aðarfundr mikill með þeim postolunum, ok sagði Mattheus postoli 30
 Andrea postola, hversu hart hann hafði niðr komit við þar borgar-
 menn fyrir guðs nafni, ok sva helldu þeir fast sinni villu, at þeir
 skipuðuz ekki við hans kenningar til batnaðar. Andreas postoli
 svaraði: „Guð hefir mik sendan hingat til fundar við þik, bróðir,
 fyrir því at hann vill annarsstaðar taka avoxt þinna kenninga. 35
 Skaltu nu fara brott or þessarri borg ok þangat, er guð hefir
 þer ætlat at erviða fyrir sínu nafni, en ek mun eiga þrautir við
 þenna borgarlyð.“ Þa fór Mattheus postoli a braut þaðan ok ut
 a Blaland, ok leiddi þar margan lýð til guðs fyrir sína kenning,
 ok let þar líf sitt fyrir guðs nafni, þa er hann hafði aðr snúið 40

þeim hinum ofagrliga lyð ok gervan fagran i guðligri tru af sinum kenningum.

Þegar er Mattheus var a braut farinn, tok Andreas postoli at kenna kenningar i borginni berliga. Ok þegar er borgarmenn
 5 heyrðu hans kenningar þeir er eggjaðir voru af diofuls krapti at svivirða guðs kenningar þa toku þeir þegar hondum Andream postola ok drogu hann um borgina innan a hari sva harðliga, at a hverium steini ok stræti var hans bloð set. Postolinn let eigi at helldr af kenning sinni, sa er fullr var af miskunn heilags
 10 anda, ok bað fyrir þeim overðum, at guð gæfi þeim rettsyni til sinnar miskunnar, ok mællti: „Drottinn minn Jesus Krístr, luk upp þu hiartans augum þessarra manna með þinni miskunnar hendi, sva at þeir snuiz fra villu sinni, þviat þeir vita eigi, hvat þeir gera.“ Af bøn postolans ok hans verðleikum fyrir guðs
 15 miskunn varð sva mikils vert um dyrð postolans, at hann var sem mest kennandi ok katastr, er þeir pindu hann sem mest; ok kom sva um siðir fyrir guðs miskunn, at þeir letu hann þegar lausan ok mælltu: „Misgert hofum ver við þik, af því at ver vissum eigi, hvat ver gerðum. Biðium ver þik, at þu fyrirgefir
 20 oss þat, er ver hofum misgert við þik, ok synir oss heilsugotu, at eigi stigi guðs reiði yfir borg þessa.“ En er þeir hofðu þetta mællt, þa fellu þeir til fota postolanum. En hann reisti þa upp ok boðaði þeim drottin varn Jesum Krist ok þær iartegnir, er hann gerði i þessum heimi, ok hversu hann leysti heiminn með
 25 sinu bloði. En borgarmenn toku tru retta ok skirn i nafni föður ok sonar ok anda heilags at þiggiandi fyrirgefningu sinna synda, ok lofuðu allir guð ok helgan Andream postola.

4. En er Andreas postoli for or þessarri borg, þa for hann þangat, sem hann hafði aðr boðat guðs orð. Ok er hann kom til
 30 þeira heraða ok gekk leiðar sinnar um dag með lærisveinum sinum, þa gekk a moti honum einn blindr maðr ok mællti: „Heyrðu, Andreas postoli guðs! Veit ek, at þu matt gefa mer syn mina; en eigi vil ek syn taka, fyrr en þu byðr þeim er þer fylgia, at þeir fai mer nogliga fe, sva at ek mega fa mer mat ok
 35 klæði, sem ek þarf.“ Postolinn svaraði: „Þetta er eigi mannz rodd, er nu mælir, helldr er þetta rodd ovinarins, er eigi villdi, at guðs takn syndiz a honum.“ Síðan lagði hann hendr sínar yfir augu hinum blinda manni ok gaf honum syn sina, ok for sa maðr leiðar sinnar lofandi guð ok hinn sæla Andream postola.

40 5. Sveinn nokkurr kristinn het Sostratus, er kom til fundar

við Andream postola leyniliga ok mællti: „Moðir min girniz fegrðar asionu minnar, ok optliga eggjar hon mik til þess, at ek hafa samræði við hana, ok því fly ek til þinnar miskunnar ok raða goðra, at hon er nu með reiði mikilli, ok er nu farin at eggja iarl þessa heraðs mer a hendr. En ek veit, ef ek em 5 asakaðr, at ek mun engu til svara, þvíat ek ætla betra at tyna lifi minu en at gera opinberan löst moður minnar. En af því segi ek þer þetta, at þu virðiz at biðia drottin fyrir mer, at eigi verða ek drepinn fyrir þessa alygi.“ En er hann hafði þetta mællt, þa komu þangat menn iarlsins ok sogðu honum, at iarlinn byðr 10 honum til sin at koma. En er Andreas postoli lauk bön sinni, þa fór hann með sveininum. En moðir sveinsins stoð fyrir iarlinum, þa er postolinn kom. Þa rögði moðir son sinn ok mællti: „Herra iarl, vittu at hann gleymir astuð moðurligrar milldi ok vill saurlifi fremia við mik, ok varla ma ek forðaz, sva at eigi verða ek 15 saurguð af honum.“ Þa mællti iarlinn við sveininn: „Seg þu, sveinn, ef þessir hlutir eru sannir, er moðir þin segir a hendr þer?“ Hann þagði ok þorði engu at svara. Þa reðz iarlinn um við sina menn, hvat af þessu mali skyldi gera. Moðir sveinsins tok þa at grata. Þa mællti Andreas postoli við hana: „Þu ert 20 vesol kona, þu grætr þat, er þu fær eigi munuð þina ranga framit við syni þinum. Hvi ottaz þu eigi at selia einga son þinn til bana fyrir ablastr saurlifis ok girndar þinnar at eins.“ Ok nu mællti hon við iarlinn: „Heyrðu, jarl! Síðan sonr minn villdi þetta gera, þa daðiz hann at þessum manni, ok vill alldri við 25 hann skiliaz.“ Af þessu fyllðiz iarlinn reiði mikillar, ok let sveininn setia i myrkvafiotra ok bauð kasta a á nokkura, en Andream bauð hann setia i myrkvastofu, unz hann hefði hugat honum hefnd nokkura til bana. Þa fell postolinn til bönar. Ok i því bili varð landskialfti mikill ok þar með reiðarþrumur storar, 30 ok fell iarlinn or hasæti sinu, ok allir fellu til iarðar, þeir er aðr satu. Moðir sveinsins fell allt til iarðar ok do því næst. Þa fell iarlinn til fota postolanum ok mællti: „Miskunna þu oss, guðs þionn, er nu munum elligar fyrirfaraz, at eigi gleypi iorðin oss.“ Þa er postolinn let af bön sinni, stoðvaðiz landskialftinn ok 35 kyrðuz reiðarþrumur. Postolinn signdi alla þa, er af hræzlu hofðu niðr fallit, ok gerði þa heila. En iarlinn þektiz kenning guðs orða ok truði a guð með ollu folki sinu, ok var skirðr af postola guðs.

6. Sinopensis son Graciani varð diofuloðr ok þungliga halldinn, þa er hann hafði þvegiz i laugu þeiri, er konur hofðu aðr 40

þvegiz i. En Gracianus faðir hans sendi rit til iarls þess, er nu var fra sagt, at hann beiddi Andream koma til sin, þviat Gracianus hafði tekit riðusott, en kona hans bolgnaði af vatzsott, en iarlinn bað postolann fara. Ok hann for, ok var honum ekit i 5 vagni til borgarinnar. Ok er hann gekk inn i hus Graciani, þa østi ohreinn andi sveininn, ok kom hann til postolans. Postolinn avitaði ohreinan anda ok mællti: „Fly þu, ovinr mannkyns, fra þioni guðs.“ Ok þegar flyði hann fra honum øpandi. Þa gekk postolinn til rekkiu Graciani ok mællti: „Rettiliga ertu siukr, þviat þu afrøktiz 10 rekkiu konu þinnar ok þyddiz portlifi. Ris upp nu i nafni drottins Jesu Kristz, eigi skalltu misgera frammar, at eigi komi at þer meiri sott.“ Hann varð þegar heill. Þa mællti postolinn við konu Gratiani: „Þo blekti þik miok, kona, girnd augna þinna, er þu fyrirlezt buanda þinn en hafðir samræði við annan mann.“ Ok enn mællti hann: 15 „Drottinn Jesus Kristr, beiði ek millda miskunn þína, at þu heyrir þræl þinn ok veitir mer, ef su kona vill optar gera saurlifisglöp, þann er hon gerði fyrr, at hon verði með ollu eigi heil sins meins. En ef hon ma sik hallda fra þessum lesti, allz þinn mattr er at vita oorðna hluti fyrir, þa bioð þu, at hon verði heil þessarrar 20 sottar.“ En er postolinn hafði þetta mællt, þa spratt hon sva hart or rekkiunni fram, at nær þotti iorðin svigna fyrir. Ok var hon siðan alheil, ok sva maðr hennar. En Andreas braut brauð ok gaf þeim. En þau truðu a guð ok allt hyski þeira, ok þokkuðu guði ok fromdu aldri þvilika lostu, sem þau höfðu fyrr gert. Siðan 25 sendi Gratianus giafir goðar postolanum með þionostumonnum sinum. En hann sialfr kom litlu siðar, ok kona hans með honum, ok fellu til fota postolanum ok baðu hann þiggia giafar þeira. Hann svaraði: „Eigi er mitt at þiggia hluti þessa, hinir kærustu brøðr, en yðr somir at veita þessa hluti þeim, er þurftugir eru.“ Ok 30 ekki hafði hann af fe því, er honum var fært.

7. Eptir þat for hann til Nicia borgar. Þar voru siau dioflar, þeir er þar synduz hia gotu nokkurri, þeiri er leið manna la a hvaratveggju hond gotunni, en er menn foru hversdagliga hia gotunni, þa gryttu fiandr a þa, ok fengu margir menn bana af 35 barsmið þeira. En er Andreas postoli kom þangat i nand borginni, þa for i mot honom allr lyðr með viðsmiorskvistum ok mælltu: „Heilsa var er miok i hendi þinni, guðs maðr,“ ok siðan sogðu þeir honum til sinna vandræða. Þa mællti Andreas postoli: „Ef þer truit a Jesum Krist son almattigs guðs ok a helgan anda samei- 40 lifan feðr ok syni, einn guð i þrenningu, þa munu þer frelstir

verða fra þessarri diofla øsingu.“ Þeir kolluðu ok mælltu: „Hvat sem þu kennir, munum ver trua ok hlyða þínum orðum, þó at þu frelsir oss fra þessarri freistni at eins.“ Hann þakkaði guði tru þeira. Síðan bauð hann dioflunum at standa i augliti allz lyðs. Þá synduz fiandr i hunda likium. Þá sneriz Andreas 5 postoli til folksins ok mællti: „Siai þer nu her diofla, þa er yðr eru gagnstaðligir. En ef þer truit því, at ek mega bioða þeim i nafni drottins, at þeir hverfi fra yðr, þa iati þer því fyrir mer.“ Þá kolluðu þeir ok mælltu: „Truum ver Jesum Kristum vera son guðs, þann er þu boðar.“ Þá mællti Andreas postoli við 10 dioflana: „Fari þer braut i þurra staði ok avaxtalausar, ok gerit engum manni mein, þar er nafn drottins verðr kallat, unz þer takit skyllða kvol helvitis loga.“ En er hann hafði þetta mællt, þa yldu fiandrnrir ok hurfu fra syn lyðsins, ok var su borg með slikum atburð frelst. En guðs postoli skirði allan lyðinn ok setti 15 byskup yfir, þann er Celestinus het. Hann var spekingr mikill, ok varðveitti hann vel sinn lyð, sem Andreas postoli hafði honum boðit.

8. Þa er Andreas postoli for or þessarri borg, þa gekk hann a skip ok for til Bizantium borgar. En er hann var i hafi, þa 20 gerði at þeim veðr mikit ok siavarstorm, sva at nær kaþnaði skipit undir þeim af afollum, ok um síðir baðu þeir Andream postola fulltings við haska ok braðum bana. En postolinn bað þa til guðs ok bauð vindi at falla. Þvi næst fell vindr ok gerði logn, unz þeir komu til Bizantium borgar. Ok er þeir gengu a 25 land upp, þa sa þeir mikinn mannfiolda með brugðnum sverðum, ok gerðu for at þeim. Ok þa er¹ postolinn sa þat, þa gerði hann krossmark a moti þeim ok mællti: „Bið ek þik, drottinn, at niðr falli höfðingi² þeira, sa er þæ eggjar þetta at gera; skelfiz þeir af guðligum krapti, at eigi grandi þeir þeim, er fulltings vænta af 30 þer.“ En er hann hafði þetta mællt, þa for engill guðs fyrir þeim með miklum biartleik ok tok sverð hermannanna, en þeir fellu allir til iarðar. En Andreas postoli for leiðar sinnar ok hans menn osakaðir fyrir hermonnum, ok hermenn kostuðu sverðum sinum ok fellu til fota postolanum. En engill drottins 35 hvarf þa [fra þeim at syn³ með liosi miklu.

9. 4Tveir brøðr gøfugir at kyni bioggu i þeiri borg, er Pervitum heitir, annarr atti tva sonu, en annarr tvær døtr, þeir

¹ Her *begynder B.* ² fadir *B.* ³ [a braut fra þeim *B.* ⁴ Andreas postoli bannadi frændspell *Overskrift B.*

attu auð fiar. Af því at þeir voru harðla kyngofugir, þa mællti
 annarr við broður sinn: „Se! Við hofum [gnógt fiar¹, en her
 er sa engi i þessarri borg, at² hæfi at samtengia varu kyni. Nu
 kom þu, ok leggium saman eigur okkrar, synir minir skulu ganga
 at eiga dótr þinar, ok [samtengiaz þa auðveldliga eignir³ okkrar.“
 5 Þetta mal likaði þeim vel, ok [samfestu þat ok kvaðu a brullaups⁴
 stefnu. Þa mællti rodd guðs við þa: „Eigi skulu þið samtengia
 sonu ykkra i hiuskap, [þar til at⁵ kemr Andreas postoli þionn
 minn, þvíat hann mun [segia ykk, hvat þið⁶ skulut gera.“ Þa
 var buin veizlan ok monnum til boðit, ok allr viðrbuningr brullaups
 10 til samdr. A oðrum⁷ degi kom Andreas postoli, ok urðu allir
 menn fegnir, er hann sa, ok runnu a moti honum með [korum
 ok fellu honum til fota⁸ ok mælltu: „Ver biðium þik, þionn guðs,
 sem ver vorum⁹ amintir, at þu komir ok kennir oss, hvat ver
 skulum gera, þvíat þat er oss boðit at hlyða þer, ok [oss var sagt, at eigi
 15 skyllði¹⁰ synir varir kvangaz fyrr en þu kœmir.“ En andlit postol-
 ans var sva biart sem sol, sva at allir undruðuz ok lofuðu¹¹ guð.
 Postolinn mællti: „Eigi skulu þer¹² blekkia þessa frumvaxta
 menn, eptir [þvi at¹³ þeim var veittr avoxtr rettlætisins, gerit helldr
 iðran, þvíat þer misgerðut[, at¹⁴ þer villdut samtengia i hiuskap
 20 sva nana frændr. En eigi bonnum ver yðr [brullaup eða¹⁵ sam-
 kundur, þvíat guð bauð samtengiaz karlmann ok konu, helldr
 fordømunum¹⁶ ver ohæfa hluti.“ En er hann hafði mællt þetta, þa
 iðruðuz frændr hinna ungu manna ok mælltu: „Ver biðium þik,
 drottinn, at þu [biðir fyrir oss við þinn guð, þvíat ver misgerðum
 25 við þik ovitandi¹⁷.“ En er hinir ungu menn sa [slika hluti ok
 skina asionu postolans sva¹⁸ sem engils guðs, þa mælltu þeir:
 „Eigi vissum ver, heilagr maðr guðs, at þu værir sva mikill ok
 flekklaus kenning þin, ok at visu¹⁹ vitum ver, at ver hofum mis-
 gert við þik.“ Postolinn mællti: „Varðveiti þer vel²⁰ þa hluti,
 30 er þer heyrðut, at guð se með yðr ok þer takit verkkaup yðart,
 þat er lif eilift²¹.“ Ok er postolinn hafði þetta mællt, þa blezaði

1 [gnóg auðefi B. 2 er B. 3 [samtengia sva eigur B. 4 [at föstu
 satmali kvodu þeir a braudkóps(!) B. 5 [unz B. 6 [syna ydr, hvat er
 B. 7 þridia B. 8 [korum ok fellu fyrir fêtr honum B. 9 hofum
 35 verit B. 10 [saal. B; at eigi skulu A. 11 vegaðumudu B. 12
 synir minir tilf. B. 13 [þat er B. 14 [við gud, er B. 15 [mgl. B.
 16 fyrirdømunum B. 17 [fyrirgefir oss, þvíat eigi vissum ver, hvat ver
 gerdum B. 18 [yfirlit postolans skina B. 19 sónnu B. 20 hreinliga B.
 21 er með engum enda lykz tilf. B.

hann þeim, ok for [þar til, at hann fann¹ skip, þat er fara villdi til Macidonia borgar. Honum vitraðiz þa engill guðs ok [mællti, at hann skyldi² ganga þar a skip ok boða orð drottins. Postolinn gerði sva, [at hann boðaði þeim orð guðs, sva at þeir truðu³ a drottin Jesum Krist ok dyrkuðu sælan Andrean postola drottins, er eigi at eins kendi hann orð guðs a landi helldr ok a sæ.

10. I borg Thesalonicensis var maðr frumvaxta ok auðigr at fe ok gofugr at kyni, hann het Exuus. Hann kom til Andreas postola at ovitondum frændum sinum, ok fell til fota honum ok mællti: „Ek bið þik, blezaðr guðs postoli, [at þu synir⁴ mer 10 sannleiks gotu, þviat ek [kennumz, at þu ert sannliga sendimaðr⁵ þess, er þik sendi til varra heraða.“ En postolinn [varð þessu feginn ok predikaði drottin Jesum Kristum fyrir honum, ok truði hann þegar a guð⁶ ok fylgði postolanum hirðandi ekki um sin feðgin, ok bar enga ahyggju fyrir sinum auðofum. En sem faðir¹⁵ hans ok moðir soknuðu hans, leituðu þau hans víða, ok um síðir heyrðu þau, at hann mundi vera hia Andrea postola i þeiri borg, er Philippis heitir. Síðan foru þau þangat með ser berandi dyra gripi ok mikil auðofi, ok ætluðu með fegiofum at skilia son sinn fra postolanum. En hann villdi eigi at helldr við hann skiliaz,²⁰ ok mællti sva við sin feðgin: „Gæfi guð, at þið ættit eigi þessi auðofi, til þess at þið kendiz við skapara⁷ heimsins, sa er sannr guð er, at ið fyrir allt fram frelsaðit salir ykkrar fra hans tilkomandi reiði.“ En Andreas postoli ste niðr or [lopthusi, þvi er hann var i, ok predikaði⁸ þeim guðs orð. En er þau villdu eigi²⁵ til þess hlyða, for postolinn aptr til sveinsins byrgiandi [dyr a husinu⁹. Síðan kolluðu feðgin¹⁰ sveinsins saman með ser mikinn fiolda manna, ok ætluðu inni at brenna son sinn i því husi sva segiandi: „Fyrirfariz illum dauða sveinn þessi, er [hafnar ok hatar sin feðgin¹¹.“ Síðan baru þeir [elld at husinu ok logðu i³⁰ næfrar ok spanu ok aðrar elldkveikiur, þær sem elldnæmar voru, ok tok at brenna husit. Ok er loginn stoð i lopt upp, tok hinn ungi maðr litit ker með vatn, þat er ampli heitir, sva talandi:

1 [a braut síðan. Þa er Andreas postoli kom til Pervitum borgar, fann³⁵ hann þar *B.* 2 [bad hann *B.* 3 [ok lærði skipveriana ordi guðs, ok trudu skipveriar *B.* 4 [syn þu *B.* 5 [skil, at þu ert sannr þionn *B.* 6 [bodadi honum guð drottin Jesum Kristum, ok trudi hinn ungi maðr ok var skirðr *B.* 7 upphefiara *B.* 8 [loptskemmu nockurri ok bodadi *B.* 9 [loptit ok dyrr hussins *B.* 10 frændr *B.* 11 [fyrirlætr fôdur ok⁴⁰ modur ok alla frendr *B.*

„Heyrðu, drottinn Jesus, bøn mina, i hvers valldi er allar hofuð-skepurnar saman standa ok þeira nattura, þu vokvar þurra hluti, en lætr þorna vata hluti, þu kəlir elldliga hluti, en kveikir upp þornaða hluti. Sloktu elld þenna með þinum almætti, at þinir menn
5 sliofiz eigi ne slokni fra þinum astarhita, helldr upptendrız þeir ok hitni til sannrar truar¹. Ok er hann þetta sagði, þa [dreifði hann vatninu or amplanum niðr² i elldinn, ok sloknaði þegar [i stað allt þetta bal sva gersamliga, sem hann hefði alldri kveiktr verit³. Ok er þetta sa feðgin sveinsins, mælltu þau: „Se her
10 undr ok fadømi, hversu fiolkunnigr okkarr son er orðinn.“ Eptir þetta settu þau stiga við loptit ok ætluðu [sva at þeim at ganga vapnaðir ok drepa postolann⁴ með sverðum. En drottinn blindaði augu þeira, sva at eigi sa þeir at ganga upp stigann, ok fellu iafnfram ofan, sem þeir dirfðuz upp at stiga.

15 Ok er þeir stoðu i þessum illverkum, þa tok til orða einn af borgarmonnum, sa het Lisimakus, sva segiandi: „Heyrit [heimskir menn, til hvers starfi þer þessa hluti með þarfleysu⁵ erfiði? Siai þer eigi, at drottinn berst [fyrir menn þessa⁶ a moti yðr? Latit af þessarri heimsku, at eigi [verði þer slegnir með beiskri reiði⁷.“
20 Ok [er hann hafði þetta mællt⁸, komuz þeir menn miok við i sinum hiortum ok mælltu sva: „At visu er sa sannr guð, er þessir menn dyrka, [hvern er ver hofum stygt með varum illgerðum⁹.“ Ok er þeir toluðu þetta, [með því at þa var myrkt vorðit af nott, þa skein hit biartasta lios yfir þeim¹⁰. Ok af þessu liosi lukuz
25 upp augu þeira allra, er aðr voru blindir vorðnir, sem fyrr segir. Siðan stigu þeir upp¹¹ til postolans ok fundu hann a bøn sinni, ok fellu til fota honum þegar fram a golfit kallandi ok segiandi: „Biðium ver þik, herra, at þu biðir fyrir oss þrælum þinum, þviat ver hofum verit blektir af þungri villu ok hofum eigi set hit

- 30 1 [at husinu harda sef ok tiðr(u)brydiur ok elldiskid ok slogu elldi i, tok þa at loga husit. Ok þa er elldrinn geck husum herra, þa greip enn ungi madr fôtu eina vaz fulla oc mællti: „Drottinn Jesus Kristus, i þess hendi stendr saman edli hvernar skepnu, þu er vðkvar þurra hluti enn þurkar vota, ok þu er stillir elld ok slöckvir bruna, slöcktu þenna elld, sva at
35 þinir menn kenni engan þef reykiar eda hita, helldr kveikiz þeir i tru B.
2 [slo hann vatninu or fôtunni ok B. 3 [allr elldrin sva skiott, at engi flær var eptir B. 4 [þa at vega B. 5 [karllar, hvi starvid ér i þessu B. 6 [med þessum mðnnum B. 7 [hefni hann ydr himneskri hefnd B. 8 [saal. B; af honum þessa hluti talandi A. 9 [enn ver hðfum nu verit motstðdumenn hans. 10 [þa skein lios mikit yfir þa, enn adr var natt-myrrkr B. 11 i loptskemmuna tilf. B.
- 40

sanna.“ En sva var mikil þeira hiartalig viðkenning ok iðran, at fyrr sagðr Lisimakus undræðiz sva segiandi: „Senniliga er Jesus Kristr son guðs lifanda, þann er boðar heilagr Andreas postoli guðs þionostumaðr.“ Eptir þat reisti postolinn þa upp¹ ok styrkti i heilagri tru ok kristiligu siðferði. 5

En faðir ok moðir hins unga mannz voru sva horð ok grimm i sinu hiarta, at þau villdu eigi [trua guðligum almætti, þo at þau sæi þvilik stortakn, helldr fyrirletu þau son sinn með miklu hatri ok aptr farandi til sinnar fostriarðar, ok alla þa eign ok aura, er sveinninn atti eptir þeira dag, gafu þau upp oskyldum 10 monnum með opinberum handsolum ok þeim skilmala, at þeira son skyldi þar alldri af fa hinn minnzta penning. En at liðnum .l. daga do þau bæði a einu augabragði somu stundar. Sem borgarmenn vissu þat, varðveittu þeir allt fe hins unga mannz ok gafu honum upp allan sinn auð fyrir astar sakir, en þo skildiz 15 hann eigi við postolann².

11. Eptir þessa hluti bað hinn ungi Exuus Andream postola, at þeir [skyldu ferðaz baðir³ til Thesaloniam borgar, [i hverri er hann atti fyrr sogð auðþfi⁴. Ok er þeir komu þar, þa [samnaðiz saman allr borgarlyðr ok frændr ok vinir hins unga mannz, ok 20 er þeir sa hann, fognuðu þeir honum með mikilli gleði. Ok at samankomnum ollum a einu fogru leikmoti, predikaði hinn ungi Exuus sinum borgarmonnum guðs erendi ok sagði fra þeiri dasemd, er guð hafði veitt honum. En Andreas postoli þagði⁵. En borgarlyðrinn kallaði: „[Gerðu heilan⁶ son Carpiani vars samborgarmannz, 25 þviat hann hefir harðla lengi legit i þungri sott, ok munum ver þa trua a Jesum, þann er þu predikar.“ Þa svaraði Andreas postoli: „Engi hlutr er guði omattuligr; en til þess at þer truit a hann, þa leiðit hingat hinn unga mann ok siuka [fyrir vart auglit⁷, ok mun guð Jesus Kristr grøða hann af allri sott⁸.“ Þa 30

1 af golfinu *tilf. B.* 2 [trua; þau ræktu sva þenna mann, at þau foru til iarda sinna ok gerðu þann maldaga a fe sinu, at sia erfingi þeira skyldi ecki eignaz. En eptir .l. daga urdu þau braddaud bæði a einu ógabragði. Enn þviat allir borgarmenn elskudu hin unga mann af hans gæzku ok hogveri, þa gafu þeir honum alla erfd sina, ok eignadiz hann 35 allt þat, er faðir hans ok modir hófdu att. Enn þo skildiz hann eigi við postolan, enn gaf avóxt garda sinna fatækium monnum ok veitti rekd þurfðndum i þeira naudsynium *B.* 3 [feri badir saman *B.* 4 [*mgl. B.* 5 [foru menn at sia sveinninn. Enn er allr borgarlydr var kominn i einn gard, þa bodadi sveinninn þeim ord guds, sva at postolin hlyddi ok und- 40 radiz vitrleik hans *B.* 6 [Græð þu *B.* 7 [i ogsyn oss *B.* 8 efér vilit trua *tilf. B.*

for faðir hans til sins herbergis ok sagði syni sinum: „I dag muntu heill verða, minn elskuligasti sonr Dimati.“ Þvi at sva het hann. Sveinninn mælti: „Nu sannaz draumr minn, faðir, þvi at ek sa i svefni þenna mann, er mik mun grøða.“ Ok þessa hluti talandi klæðiz hann skíott sinum klæðum, risandi þegar i stað upp or rekkiunni, rennandi með skiotri ras til þess [plaz, er Andreas postoli predikaði¹, sva at faðir hans ok moðir gatu honum eigi fylgt, ok fallandi til fota postolanum gerandi honum margfalldar þakkir fyrir veitta heilsugiof. En allr lyðr undraðiz ok dasamaði þetta stormerki, er þeir sa þann ganga, er [a þremr vetrum ok tuttugu² hafði allðri matt or rekkiu risa, ok lofuðu þeir ok dyrkuðu almatkan guð sva segiandi: „[Engi er líkr þeim guði, er Andreas postoli boðar³.

12. Einn bondi ríkr af fyrr sogðum borgarmonnum atti son diofuloðan. Þessi maðr bað Andrean postola sva segiandi: „Bið ek þik, guðs maðr, at þu gerir heilan son minn, þviat hann er illa halldinn af dioflum.“ Ok eptir þetta vissi ohreinn andi sik mundu verða i brott rekinn fra honum, ok sveik hann sveinninn [ok teygði hann i leyniligan kofa⁴, ok hengdi hann sik i snoru, ok snaraði ovinrinn með þeim hætti or honum salina.“ En er faðir hans kom heim, fann hann son sinn dauðan, ok tok miok at grata þessi hans aumligu tilfelli, ok sagði sva við vini sina ok þiona: „[Berit son minn ut a þann voll, sem allr lyðr er saman kominn⁵, þviat ek trui þann gest, er predíkar þann sanna guð, mega uppreisa son minn til lífs.“ Síðan var gert sva, ok settu niðr líkit fyrir fœtr postolans segiandi honum atburð hans dauða. Þa mælti faðirinn: „Trui ek, guðs maðr, at son minn muni upprisa fyrir bøn þína ok verðleik.“ Þa sneriz Andreas postoli til lyðsins ok mælti: „Heyrit allir lyðir Thesalonía borgar! hvat mun yðr stoða, þó at þer siat þa hluti, ef þer vilit eigi a guð trúa?“ Lyðrinn svaraði: „[Ef þu reisir þenna mann af dauða, þa skulum ver a guð trúa⁶.“ Þa mælti Andreas postoli til hins dauða: „I nafni Jesu Kristz ris þu upp!“ [Ok þegar reis hann upp lofandi guð ok hinn sæla Andrean postola, en allr lyðr lofaði guð, ok toku tru ok skirn ok veittu postolanum ørinn soma ok leiddu hann með miklum veg i borgina, ok dvaldi hann þar ok samði kristni guðs⁷.

1 [gardzins *B.* 2 [iii. vetr ok .xx. *B.* 3 [Eigi skulum ver fyrirlata gud þann, er bodar sell Andreas postoli *B.* 4 [i einum leyndarklifa(!) *B.*

5 [Færit þer hrę sveinsins i gardin ut *B.* 6 [Eigi skalltu efa, guds maðr, at ver munum allir trúa a gud, ef hann lífnar“ *B.* 7 [Sveinnin. reis upp

13. Einn ríkr maðr, er Medias het, var í borg þeiri, er Philippis heitir, hann var miok harðraðr ok grímmr, hann atti son siukan með miklum vanmætti. Hann kom til fundar við Andream postola sva segiandi: „Heyrðu mik, guðs maðr! Bið ek þik, at þu gerir heilan son minn, þvíat [hann er vanmegna a ollum líkama¹.“ 5 Ok er hann mællti þetta miok gratandi, þa þerði postolinn kinn hans ok augu af grati klappandi hann með sinni hendi, ok mællti: „Styrkstu, son min, ok huggaz ok tru a guð, ok mun fyllaz [þinn goðvili².“ Síðan tok hann í hond honum ok fylgði honum til borgarinnar, ok er þeir komu [inn í borgarhlíðit³, rann a mot 10 þeim einn gamall maðr, bað hann með tarum Andream postola [veita hialp sonum sinum tveim, hveria er þessi sami Medias hafði halldit langa tíma í myrkvastofu fyrir nokkura mikla afgerð ok misverka með sva mikilli grimdarpínu, harðindum ok kvala- fullum böndum, at stor sár ok þungligar akomur fellu a líkami 15 þeira, sva at þeira holld bolgnaði, þrutnaði ok funaði í langan tíma af þessu þunga kvalræði⁴. Þa sneriz sæll Andreas til Medias ok mællti: „Heyr þu, maðr! þu biðr, at grøddr se sonr þinn, en fyrir því biðr þu þess, þar er þu hefir þa í böndum, er vanheilir eru? Nu ef þu villt þiggja þat, er þu biðr, þa leystu fyrst 20 aumingia or böndum, at sonr þinn verði heill, þvíat su illzka, er þu framdir, heptir bönir minar.“ Þa fell Medias til fota postol- anum ok kysti a fœtr hans ok mællti: „Se þessir leystir .ii. ok .vii. aðrir, er þer var eigi til sagt, at í böndum væri, til þess at sonr minn verði heill.“ Nu voru þeir leiddir í sýn við postolann, 25 ok lagði hann hendr sínar yfir sonu hins gamla mannz, ok [hreinsaði sár þeira ok gaf þeim fulla heilsu eptir þria daga⁶. Eptir þat mællti postolinn við son Medias: „Ris upp þu í nafni drottins Jesu Kristz, er mik sendi til at lækna⁷ sott þína.“ Þa tok postolinn í hond hans ok hof hann upp, ok hann reis upp 30

þegar. Þa kalladi allr lydr með reylu ok mæltu: „Þörf vinnr oss öllum þat, er ver truum a guð, þann er þu bodar, þion guds.“ Þa leiddi allr lydr postolan til hus med logum ok kertum, fyrir því at myrkt var af nott. Ok var hann þar .iii. daga ok kenndi þeim guds ord *B*.

1 [lama er allr líkamin *B*. 2 [vili þinn *B*. 3 [til borgarhlíðs *B*. 4 35 [bidia fyrir sonum sinum. Þa hafði Medias setta í myrkvastofu fyrir oumbræðiligan glæp. Þeir voru allir ecki nema sullir, ok funudu allir *B*. 5 Verði *B*. 6 [saal. et *Fragm.*; þria daga aðr en þeir yrði heilir *A*; þvo sár þeira, ok urdu þeir heilir sóttar sinnar *B*. 7 lækia *B*. 40

ok lofaði guð ok gekk. Sveinn sa het Philomedis, hann hafði tva vetr ok tuttugu verit lama. Þá kallaði allr lyðr ok mællti: „Lækna¹ þu siuka menn ok øra, guðs maðr!“ Þá mællti postolinn til sveinsins: „Far þu til husa siukra manna ok bið þa upp risa
5 i nafni Jesu Kristz, þess er þer gaf heilsu.“ En allr lyðr undraðiz, er hann for til siukra manna, en allir urðu heilir, er hann kallaði a nafn drottins yfir. Ok truði allr lyðr guði, ok førðu postolanum giafir ok baðu, at þeir mætti heyra guðs orð, en hann [boðar þeim guðs orð en² hafði ecki af giofum þeira.

10 14. Einnhverr³ maðr, auðigr at fe en fatøkr at tru, var i þeim stað, er Andreas postoli kendi kenningar. Hann hafði fiolda þionostumanna með ser, en einn var sa hans þionostumaðr, er honum var kærari⁴, en aðrir, þat var sveinn egipzkr. Hann tok riðusott sva harða, at hann andaðiz nær þegar a hinni somu
15 stundu. Hans lanardrottinn harmar þat miok. Sa buandi for siðan til fundar við Andream postola, þviat hann heyrði marga dasamliga hluti fra honum sagða. Hann fell til fota honum ok mællti með tarum: „Þvi treystumz ek, guðs þionn, at þu matt gera alla hluti, þa er þu villt. Sveinn minn, sa er ek unna mikit,
20 er nu dauðr, ok bið ek þik, at þu farir til huss mins ok gialldir mer hann aptr lifanda.“ En er postolinn heyrði þetta, þa for hann til huss hans⁵, ok var þar mannfíoldi mikill fyrir. Þá taldi Andreas postoli fyrir þeim lengi, at þeir tøki heilsu anda sinna. Eptir þat sneriz hann til baranna, er likit la a, ok mællti: „Ek
25 byð þer i nafni drottins mins Jesu Kristz, ris upp heill.“ [Þa reis sveinninn upp þegar heill⁶, ok selldi Andreas postoli hann lanardrottni sinum. Þá toku þeir allir retta tru ok skirn, er þar voru við staddir, ok lofuðu guð ok sælan Andream postola.

15. Siðan for Andreas postoli til Nichomedia borgar. En er
30 hann nalgaðiz borgina, þa foru menn a moti honum ut or borginni með lik eins ungs mannz. Þar [voru i for faðir ok moðir sveinsins, ok bæði⁷ með miklum harmi. Moðir sveinsins var hrum af elli, hon for fyrir likinu⁸, ok reytti sik ok veinaði ok mællti: „Vei mer gamalli, sem ek em, er ek skal [sva aum orðin⁹, at
35 sia einga¹⁰ son minn dauðan, ok sa harmr mun¹¹ mik til bana leiða.“ Andreas postoli heyrði kall hennar ok harm¹², ok rann

1 Lækn B. 2 [tilf. B. 3 Demetrius het B. 4 [mycklu kærri B. 5
hins ódga mannz B. 6 [tilf. B. 7 [var bæði faðir sveinsins ok moðir
ok voru B. 8 liki sonar sins B. 9 [þau órlóg bida B. 10 mgl. B.

40 11 skal B. 12 saal. B; harmaði A.

[sem skiotast ok huggaði hana, sem hann var vanr i slikum¹ nauðsynium, ok mællti sva: „Bið ek yðr, at þer² segit mer, hversu at bar um [liflat sveinsins³?“ Faðir ok móðir sveinsins mattu engu⁴ svara fyrir harmi, en þionarnir svoruðu ok sogðu, at hann hafði verit staddr i husi nokkuru⁵ einnsaman, ok hófu síðan hundar siau olmir komit at honum ok bitit til bana. Þá mællti Andreas postoli, er hann heyrði þetta, ok varp mœðiliga ondinni miok ok rendi augum til himins ok mællti með tarum: „Þat veit ek at sonnu, drottinn, at dioflar hafa um setit at bana honum, þeir hinir somu, sem ek rak fra oðum manni i Niceaborg. En nu bið ek þik, lofligr grøðari, at þu vekir hann upp, at eigi fagni gagnstaðligr⁶ ovinr mannkynsins dauða hans.“ Síðan mællti hann við foður sveinsins: „Hvat muntu⁷ gefa mer, ef ek [geri hann heilan⁸?“ Hann svaraði: „Ek hefi ekki til dyrligra at gefa þer en hann sialfan, ef hann ris upp⁹ at þínu boðorði.“ Þá retti Andreas postoli hendr sínar til himins ok bað til guðs ok mællti: „Bið ek þik, drottinn, at aptr hverfi ond sveins þessa til likama sins, at þa er hann [er lifnaðr¹⁰ snuiz hann ok margir aðrir til drottins at fyrirlatnum skurðgoðum, ok verði hans lifnaðr¹¹ til andarheilsu ollum, [þeim er her eru við staddir¹², at eigi verði þeir dauða þrælar, helldr [nai þeir heilsamligu¹³ lifi.“ En er allir truaðir menn sogðu amen, þá sneriz postolinn til baranna ok mællti: „I nafni drottins Jesu Kristz ris upp þu ok statt a fœtr.“ Þá reis sveinninn upp heill. En allir undruðuz þat, er hia voru, ok kolluðu mikilli roddu ok mælltu: „Mikill [er guð drottinn¹⁴, sa er Andreas postoli boðar. Þá toku frændr sveinsins margar [gersemar ok gafu sveininum¹⁵, en hann færði postolanum. En postolinn villdi engar gíafir þiggja fyrir iartegnir helldr [en fyrr, helldr¹⁶ skirði hann þenna lyð allan, er i þeiri borg var, með fullri tru ok iatningu heilagrar þrenningar. En svein þenna hafði Andreas postoli¹⁷ með ser til Macidonia borgar ok kendi honum þrifsamligan¹⁸ froðleik, ok gerðiz hann lærisveinn postolans.

16. Þá er sæll Andreas postoli for leiðar sinnar með sio-varströndu um dag ok ætlaði til Macidonia borgar, þa bar sva

1 [huggæði a hann þa sem avallt i B. 2 er B. 3 [andlat sveins þessa B. 4 eigi B. 5 litlu tilf. B. 6 mgl. B. 7 villtu B. 8 [gelld þer aptr sveinin B. 9 til lifs tilf. B. 10 [lifir B. 11 lifsgiof B. 12 [monnum B. 13 [verdi þeir guðs menn ok nai eilifu tilf. B. 14 [gud er Kristr B. 15 [gíafir ok færdu honum B. 16 [mgl. B. 17 a braut tilf. B. 18 mgl. B.

at, at siorinn kastaði upp líki einu fyrir fœtr postolanum [til loks
noktu¹. Postolinn varð glaðr við þenna atburð ok mællti: „Þat
høfir² oss at reisa þenna mann af dauða, at ver vitim, hvers
hattar maðr hann hefir verit.“ Síðan fell Andreas postoli til
5 bønar ok bað til guðs. Eptir þat tok postolinn³ i hond hinum
andaða ok lypti honum upp af iorðu, ok lifnaði hann þegar. En
postoliun gaf honum kyrtíl sinn, þviat hann var naktr⁴, ok mællti:
„Segðu oss [tilstoður farar þinnar ok alla atburði⁵.“ Hann
svaraði: „Eigi mun ek þik leyna, [hvat manna⁶ ek em. Ek heiti
10 Philopater, en ek em son Sostrati gofugs mannz or Macedonia
borg. Ek hafða nyliga heim komit af Italíalandi til foður mins.
En er ek kom heim, þa heyrða ek sagt fra þeiri kenningu⁷, er
engi hafði slíka⁸ heyrða. En sa er kenningina bar fram, [taldi
sik vera lærisvein⁹ hins hæsta guðs; [en er ek¹⁰ heyrða sogð morg
15 takn fra honum, þau er hann gerði, ok lækningar þær, er hann
veitti monnum, eigi með grasadrykkium eða iarnskorningu¹¹ eða
með oðrum lækningarbrogðum líkamligum, helldr grøddi hann
með einu orði [almattigs guðs¹² allar söttir, [bæði at¹³ hann gaf syn
blindum ok heilsu líkþram, ok heyrn daufum [en hölltum göngu¹⁴,
20 ok rak diofla fra oðum monnum ok gaf líf dauðum, þa fystumz
ek at fara at sia hann, fyrir því at ek ætlaða eigi annat, en hann
mundi sialfr guð vera, er hann gerði slíka hluti. En þa er ek
siglda [um dag¹⁵ með forunautum minum, ok forum ver .xl. manna
saman a skipi, þa gerði at oss siovarstorm mikinn, sva at skipit
25 kafði undir oss ok síðan hvelfdi, ok druknuðum ver allir. En
mætti sva vel at beraz, at upp kastaði líkum þeira ollum sva¹⁶
sem mer, ok¹⁷ þeir væri¹⁸ lífgaðir af þer, sva sem ek.“ En er
hann hafði þetta mællt, þa stoð hann ok horfði a postolann ok
ætlaði¹⁹, at þar mundi kominn sa hinn sami guðs maðr, er hann
30 hafði [leita farit; lætr síðan fallaz²⁰ til fota postolanum oc mællti:
„Veit ek at sonnu, at þu ert guðs þionn²¹. Nu bið ek þik, at
þu biðir fyrir [mer ok²² þeim, er með mer foru, at þeir lífni, ok
[at þeir²² megi kenna sannan guð, þann er þu boðar.“ [Ok

1 [ok alnócktu *B.* 2 byriar *B.* 3 hann *B.* 4 nóckvidr *B.* 5 [til farar
35 þinnar ok allan atburð, sva nafn þitt ok kynferdi *B.* 6 [hvatki at manna(!) *B.*
7 er nú^{er} fram ferd tilf. *B.* 8 þvilika fyrr *B.* 9 [talþiz vera lærisveinn *B.*
10 [Nu er ek *B.* 11 skorningu iarns *B.* 12 [mgl. *B.* 13 [saal. *B.*; því
A. 14 [tilf. *B.* 15 [mgl. *B.* 16 slíkt *B.* 17 at *B.* 18 allir tilf.
B. 19 hugsaði i hug ser *B.* 20 [leitat, ok fell *B.* 21 maðr *B.* 22
40 [mgl *B.*

nu¹ hellt postolinn upp hondum sinum til hinna ok mællti: „Bið ek þik, drottinn, at þu synir mer² lík þessarra manna allra, er foru með Philopatri, at þeir megi kenna þik einn guð sannan.“

En er hann hafði þetta mællt, þá sa þeir þegar líkin öll einu miðr en .xl. flóta [i lanni³ ok kasta upp her ok hvar a landit. ⁵ Þá tok hinn ungi maðr [at grata⁴, ok allir þeir er við voru staddir⁵, ok fellu [fyrir fœtr postolanum ok mælltu ok baðu⁶, at hann gæfi þeim monnum öllum líf i guðs nafni. En Philopater mællti þessum orðum: „Faðir minn sendi mik hingat með [miklum fiarhlutum fyrir sakir goðvilja sins ok fekk mer alla nýtsamliga hluti ¹⁰ til þessarrar farar⁷. En nu eí⁸ hann spyr þenna atburð minnar farar⁹, þá mun hann lasta guð þinn, ok [undan mun hann fœraz kenningu þinni¹⁰, en ek villða eigi, at sva fœri¹¹.“ Ok er þeir [gretu allir, þá bað¹² postolinn, at saman skyldi samna líkum þeira, þviat þeim hafði dreift upp kastat. En er þeim var samnat ¹⁵ i einn stað, þá mællti Andreas við hinn unga [mann: „Hvern villtu fyrstan lata upp reisa¹³?“ En hann svaraði: „Gnaram fœstbroður minn.“ Þá fell postolinn a kne ok hellt upp hondum til hinna ok bað lengi til guðs ok mællti með tarum: „Þu guð, grøðari heimsins, reis upp þu þenna hinn dauða mann Gnaran, ²⁰ [at þeir baðir fœstbrøðr kenni dyrd þína ok at boða þitt nafn með staðfesti¹⁴ fyrir lýðnum.“ [En þegar er hann hafði þetta mællt, þá reis sveinninn Gnara upp¹⁵, ok undruðuz allir þessa iartegn, þeir er við voru staddir. Eptir þat fell Andreas postoli a kne hia serhverium þeira ok mællti: „Bið ek þik, drottinn minn Jesus Krístr, at þessir menn allir risi af dauða upp, er dreifðir ²⁵ höfðu verit um díup síovar. Síðan bauð Andreas postoli lærisveinum sinum, at [hverr þeira skyldi taka i hönd einum serhverium þeira hinna dauðu manna¹⁶ ok mæla sva: „Drottinn Jesus Krístr sonr guðs lífanda reisi¹⁷ þik upp.“ En er þeir gerðu sva, lífnuðu þeir allir tveimr færra¹⁸ en .xl. manna, ok dyrkuðu ³⁰

¹ [Þá tok A. p. fullr af helgum anda at kenna honum berliga guðs ord, enn sveinninn undradiz miok kenning hans. Eptir þat B. ² mgl. B. ³ [at landi B. ⁴ [tilf. B. ⁵ lerisveinar postolans tilf. B. ⁶ [til fota honum ok mælltu með tarum B. ⁷ [miklu fe fyrir goðvilja sakir ok goðu foruneyti B. ⁸ er B. ⁹ ok manntion tilf. B. ¹⁰ [mun ³⁵ hann fordaz kenning þína B. ¹¹ yrdi B. ¹² [badu allir miok, þá mællti B. ¹³ [mann ok spurði, hvern hann villdi fyrstan upp reisa af dauða B. ¹⁴ [fœstbroður Filopatri, at hann kenni dyrd þína ok lofi nafn þitt B. ¹⁵ [Þá reis hann upp þegar B. ¹⁶ [þeir skyldi taka i hendr sierhverium enum dauða B. ¹⁷ vekti B. ¹⁸ miðr B.

guð ok mælltu: „Drottinn, engi er þer líkr.“ Síðan toku þeir retta tru ok skirn Philopater ok forunautar hans allir af Andrea postola. Eptir þat beiddi Philopater Andream postola at fara til Macidonia borgar ok kristna foður hans ok þann lyð allan, er i
 5 þeiri borg var. En postolinn for at bæn hans til borgarinnar. Hann kristnaði Sostratum foður Philopatris ok alla vini hans ok allan borgarlyðinn [með heilagri¹ kenningu guðs orða af² þessum iartegnum, er nu voru sagðar, ok morgum öðrum, þeim er hann gerði, meðan hann var i borginni at guðs vilja.

17. Þa er Andreas postoli kom til Patras borgar i Achaia
 10 heraði, þa reð fyrir borginni iarl sa er Egeas het, hann hafði þa nyliga þat velldi tekit, eptir þat er sa iarl hafði andaz, er Lisbius³ het. Þa gekk til mals við postolann kona su, er Effidima het, hon var kristin ok hafði tru tekit af kenningu Sosias, er einn var af hinum fornum lærisveinum Kristz. Hon fell til fota
 15 postolanum ok kysti fœtr hans ok mællti: „Heyrðu, Andreas postoli! Drottning min Maximilla kona Egeas iarls biðr, at þu komir til hennar, þviat hon hefir riðusott mikla, sva at hon er⁴ at bana komin, en hon vill giarna heyra kenning þina. En Egeas iarl buandi hennar stendr [fyrir reckiunni gratandi⁵ með brugðnu
 20 sverði, ok ætlar þegar at leggja sverðinu i gegnum sik, ef hon andaz.“ Síðan gekk Effidima [eptir postolanum⁶ til huss þess er Maximilla var fyrir⁷. En er þau komu⁸, þa sa þau, hvar iarlinn stoð, ok mællti postolinn þessa kostar við hann: „Gerðu þer nu ekki illt þegar⁹, helldr hirðu sverð þitt i slíðrum, þviat koma mun
 25 su tíð, er þu munt við [mik keppa, ok muntu þa beriaz i mot mer¹⁰.“ Jarlinn skildi eigi, hvat postolinn sagði, ok gaf honum rum at ganga. En er postolinn kom at rekkju hennar, þa fell hann til bønar, ok síðan tok hann i hönd henne¹¹ Maximille. En hon sveittiz þegar oll, ok því næst tok af henni alla riðusott.
 30 Postolinn mællti þa, at henni skyldi fa fozlu. En iarlinn færði Andrea postola hundrað penninga silfrs, en [postolinn leit eigi til ok villdi eigi¹² fe þiggja sem fyrr fyrir iartegnir. Síðan for iarlinn a braut or borginni erenda sinna um ríki sitt, en Maximilla drottning tok tru ok skirn af Andrea postola ok unni bratt mikit guði ok hellt hreinlifi, meðan hon lifði.

35 1 [af B. 2 ok B. 3 Lisibus B. 4 ner tilf. B. 5 [tilf. B. 6 [fyrir postolann B. 7 inni B. 8 þar tilf. B. 9 mgl. B. 10 [oss keppa ok oss a mot beriaz B. 11 mgl. B. 12 [hann villdi eigi til lita ne B.

18. Þat er upphaf a fornum bokum at pislarsögu Andreas postola, at sva mælir sa er söguna hefir setta: Friðr se yðr ollum kristnum monnum, er settir eruð¹ i Kristz nafni i austri ok vestri, i norðri ok suðri, ok ollum þeim, er trua a einn guð i algørri þrenningu, sannan fôður ogetinn, sannan son eingetinn af feðr, sannan helgan anda framfaranda af feðr ok syni, ok þann fôður almatkan trúum ver allan einn vera, er gat son, ok [son eingetinn, þann² er getinn er af almatkum feðr. En þessa tru namum ver af Andrea postola drottins vars Jesu Kristz, segir sa er söguna hefir fyrst dictat, ok kvezt³ seð hafa allar pislir hans ok þrautir, ok heyrðum ver kenningar hans, segir [sa er söguna hefir dictat⁴, ok megum ver fyrir því fra segia, at ver vitum sannleik a.

Andreas postoli kristnaði allan lyð i borginni Patras, siðan⁵ hann hafði grótt⁶ Maximillam af riðusott, þvíat hann hafði aðr farit um allt Grikkland ok [gørvar margar iartegnir⁷ i nafni drottins ok sneri hvern dag morgum lyð fra blotum skurðgoða til rettrar truar, dauðum gaf hann lif, en blindum syn, ok rak diöfla fra oðum monnum. Þa skutu blotmenn fe saman ok gafu iarlinum Egea ok mælltu við hann: „Siðan er Andreas postoli kom hingat til landa, þa lætr hann menn eigi hallda lög konunga ok föra fornir goðum.“ Þa tok iarlinn við fe þeira ok bað taka Andrean postola ok leiða fyrir domstol sinn. Ok er hann kom til borgarinnar Patras, þa tok hann þegar at neyða menn til blota. En heilagr Andreas postoli gekk a mot honum ok mællti: „Þat somir⁸ þer, er þu ert domandi manna, at þu kennir domanda þinn, þann er a himnum er, ok kunnir sannan guð, en kallir hug þinn fra þeim, er eigi eru sönn guð.“ [Egeas mællti: „Ert þu sa Andreas, er niðr brytr hof goða varra ok telr fyrir monnum nybreytni þa, er Romaborgar hofðingiar fragu fyrir skommu ok baðu niðr at leggja.“ Andreas svaraði: „Ek em sa er boða orð hit sanna drottin varn Jesum Krist, ok (at) menn fyrirlati skurðgoð þau, er handaverk manna eru, ok trui helldr a sannan guð, er skop alla hluti ok leysti menn fra eilifum dauða, ok sa hinn sami guð mun hialpa þeim, er sönnu trua⁹.“ Egeas mællti: „Hverr er hinn sanni guð?“ Andreas svaraði: „Hinn sanni er a himnum, þar er lios rennr upp, þat er a braut rekr villumyrkr; en er

1 ero B. 2 [eingetinn son B. 3 bædi kvaz B. 4 [hann B. 5 er tilf. B. 6 grædda B. 7 [gert miklar iarteinir B. 8 samir B. 9 [mgl. B.

seð¹ eigi liosit, því at þer ætlit þat guð vera, er steinar eru ok tre. En Romaborgar hofðingiar vita eigi þat, at sonr guðs kom hingat i heim monnum til hialpar, ok sagði skurðgoð þessi eigi guð vera helldr hina verstu diofla ok ovini allz mannkyns, þa er
 5 þess eggia menn at gera þat, er guð reiðiz þeim ok hverfi fra þeim ok heyri eigi bønir þeira; en er guð hverfr fra þeim, þa verða þeir [herfengnir ok hlegnir² af diofli, unz þeir fara ut or likomum sinum sekir ok syndugir, ok hafa þa ekki með ser nema syndir einar.“

10 Egeas mælti: „Þa er Jesus yðarr boðaði þessi hin tomu³ orð, þa krossfestu Gyðingar hann fyrir þat.“ Andreas svaraði: „Drottinn allz velldis⁴ let ser soma at stíga niðr af himni ok taka mannz likama a sik, ok var hann viliandi pindr til þess, at hann leysti fra dauða hinn fyrsta mann, er fariz hafði, ok hann let til þess
 15 pinaz einn fyrir alla⁵, at hann tóki af oss ollum kvalir ok syndir.“ Egeas mælti: „Ef hann tok kvalir af ollum, fyrir hvi eru þeir þa opt morgum pislum kvaldir⁶, er a hann trua?“ Andreas svaraði: „Ver erum fusir at taka kvalir⁷ fyrir guðs nafni, þvíat ver vitum annat lif, ok truum ver, at þat er satt. En ef þu villt⁸ vita takn
 20 krossins, þa mun⁹ ek segia þer, hversu skynsamligri ast skapari allz mannkyns tok a sik þessa pisl viliandi en eigi nauðigr til heilsu varrar.“ Egeas mælti: „Eigi ma ek þat skilia, hversu hann var viliandi pindr, þar er hann var selldr af lærisveini sinum ok hondlaðr af Gyðingum ok leiddr fyrir Pilatum iarl ok
 25 krossfestr af riddorum iarlsins at raði Gyðinga.“ Andreas svaraði: „Þvi segi ek þer hann vilianda pindan, at ek var með honum, þa er hann var selldr af lærisveinum¹⁰ sinum, ok sagði hann oss fyrr en hann var selldr, at hann mundi selldr verða¹¹ ok krossfestr til lausnar ollum monnum ok risa upp a þriðia degi. Þa mælti
 30 Petrus broðir minn við hann: Miskunnaðu sialfum þer, drottinn, at eigi verði þat. Þa reiddiz hann Petro ok mælti: Hverf aptr þu, þvíat þu skilr eigi þa hluti, er guðs eru. En a hinum efsta aptni, er ver vorum allir saman, þa sagði hann, at einn varr mundi selia hann við verði. Þa urðum ver allir hryggir. En
 35 hann villdi eigi þat lata verða vara hrygð ok mælti: Sa mun mik selia, er nu sel ek brauð i hond. Þa sagði hann oss oorðna hluti sva sem liðna, ok syndi þat, at hann var at vilia

¹ siait *B*; ² [herteknir *B*. ³ sömu *B*. ⁴ valldandi *B*. ⁵ öllum *B*.

⁶ pindir *B*. ⁷ pislir *B*. ⁸ villdir *B*. ⁹ munda *B*. ¹⁰ lærisveini *B*.

40 ¹¹ vera.

sinum pindr ok sva selldr, þviat hann förðaðiz eigi þann stað, er hann vissi at hann mundi selldr verða.“ Egeas mællti: „Undrumz ek þat, at¹ þu sva spakr maðr skallt vilia trua a þann mann, er þu segir sialfr krossfestan vera, hvart sem þat var at vilia hans eða ovilia.“ Andreas svaraði: „Þat sagða ek þer, [at² mikit er takn krossins, ok mun ek þat enn skyra fyrir þer³, ef þu villt³ til hlyða.“ Egeas mællti: „Ek mun þolinmoðliga hlyða; en ef þu villt eigi at mer lata, þa muntu sialfr a þer taka þetta mark ok krosstakn, er þu lofar.“ Andreas svaraði: „Eigi munda ek þer boða dyrð krossins, ef ek hræddumz pisl hans.“ Egeas¹⁰ mællti: „Oramal er þat, at kalla þat dyrð, er kvol er, ok þu ert sva diarfr, at þu hræðiz eigi dauðann.“ Andreas svaraði: „Eigi af dirfð helldr af tru hræðumz ek eigi dauðann, þviat dauði rettlatra er dyrligr⁴ en dauði syndugra hann⁵ er hinn versti. En af því vil ek, at þu heyrir takn krossins, at þu megir trua a¹⁵ guðs son ok koma til endrbotar andar þinnar.“ Egeas mællti: „Þat kalla menn endrbøtt, er spillt hefir verit, en ek veit eigi, at ond min hafi spillt verit, sva at hon þurfi endrbotar.“ Andreas svaraði: „Hinn fyrsti maðr, er allra dauða olli af synd girndartres, hann var skapaðr af osaurgaðri iorðu; en þat var ok nauðsyn⁶,²⁰ at fra osaurgaðri meyiú leti beraz guð ok maðr, sa er skop hinn fyrsta mann, ok leiddi manninn til lifs þess, er hann hafði tynt, ok bøtti þat a krosstre, er misgert var a girndartre, en hann retti hendr sínar hreinar a krossi, ok var honum gefit eitr at drekka, at hann bøtti þat a pislartre, er hendr Adams toku²⁵ sæta fozlu a bonnuðu tre. Dauða varn tok hann a sik ok gaf oss lif sitt.“ Egeas mællti: „Þetta⁷ mattu segia þeim, er þer trua, en ek mun lata þik festa a kross, þann er þu lofar, nema þu latir at mer ok blotir goðum varum almatkum.“ Andreas svaraði: „Einum sonnum almatkum guði sori ek hvern dag fornir⁸³⁰ til alltaris, eigi griðunga holld ne hafra bloð, helldr flekklaust lamb. En þa er lyðrinn hefir holld þess etit ok bloð þess drukkit, þa er þat lamb heillt ok lifanda, er sæft var.“ Egeas mællti: „Hversu ma þat vera?“ Andreas svaraði: „Ef þu villt vita, hversu þat ma verða, þa gerstu lærisveinn hins hæsta guðs, at þu³⁵ megir þess viss verða, er þu spyrr.“ Egeas mællti: „Ek mun með pislum heimta at þer frasogn þessarra hluta.“ Andreas svaraði: „Undrumz ek þat, er⁹ þu skylldir spakr maðr heita, er

¹ er B. ² [tilf. B. ³ saal. B; villdir A. ⁴ saal. B; dyrmætari A.

⁵ mgl. B. ⁶ auðsynt B. ⁷ þessi ord B. ⁸ forn B. ⁹ þar er B. 40

þu ert olltinn i sva mikla heimsku, at þu hyggz mik neyða munu til þess at segia þer takn guðs; heyrðir þu takn krossins¹, heyrðir þu takn fornarinnar. En ef þu truir Krist vera sannan guðs son, þann er Gyðingar krossfestu, þa mun ek segia þer, hversu þetta
 5 lamb lifir heillt ok flekklaust i ríki sinu, er søft var², ok etið holld þess ok bloð þess drukkit af lyðnum.“ Egeas mællti: „Hversu ma lamb þat vera heillt i ríki sinu, ef þat er søft ok etit, sem þu segir?“ Andreas svaraði: „Ef þu truir af ollu hiarta, þa mattu þat vita, en ef þu truir eigi, þa mattu þess alldri viss
 10 verða.“ Þa reiddiz Egeas iarl ok let setia Andream postola i i myrkvastofu. En þa kom þangat allr heraðslyðr, ok villdu drepa iarlinn ok briota upp myrkvastofuna en leiða a braut postolann. En Andreas postoli mællti við þa: „Eigi skulu þer snua hogværð³ drottins i díofulligan ofrið, þvíat drottinn syndi oss alla þolinmøði,
 15 þa er hann var pindr, eigi þrætti hann ne kallaði, ok eigi var kall hans heyrt a strætum; hafi þer frið ok þolinmøði ok dvelit eigi pisl mína, helldr bui þer yðr sialfa til, at þer megit stiga yfir vandra manna ognir ok pislir með oskialfanda hug ok þolinmøði. Ef nokkur pisl⁴ er uggandi, þa er su, er eigi hefir enda, þvíat
 20 ognir manna eru likar reyky, hefiaz bratt upp ok eyðaz bratt. Ef nokkurar pislir eru ogurligar, þa eru þær, er sva hefiaz upp, at eigi endaz. En þessa heims pislir eru lettar, ok megum ver þær auðveldliga standaz; en ef þær eru þungar, þa verðr bratt eptir þær fagnaðr⁵. En annars heims pislir eru eilifar, þar er
 25 hvern dag [gratr ok⁶ op ok kvöl an enda. Þat hræðiz eigi Egeas iarl. Veri þer ok þa bunir, brøðr mínir, at standaz stundligar pislir, at þer megit koma til eilífra fagnaða, þar er þer megit gleðiaz ok lifa æ með Kristo.“

Þessum orðum ok oðrum þvilikum talaði Andreas postoli
 30 fyrir lyðnum um alla nottina, unz dagr kom. En þa let Egeas iarl leiða postolann fyrir domstol sinn ok mællti við hann: „Þat hugða ek nu, at a þessarri nott mundi [hugr þinn skiptaz⁷ fra heimsku þessarri ok fra lofi Kristz þins, at þu mættir með oss fagnað hafa, þvíat þat er heimskligt at fara viliandi til kross-
 35 pislar ok selia sik til kvalar.“ Andreas postoli svaraði: „Hafa mætta ek fagnað með þer, ef þu villdir trúa a Krist ok hafna blotum, þvíat Kristr sendi mik til þessa landz, at ek sörða margan lyð guði til handa.“ Egeas mællti: „Af því skyllða⁸ ek þik til

¹ ok *tílf. B.* ² er *B.* ³ hogværi *B.* ⁴ ogn *B.* ⁵ *mgl. B.* ⁶ [*tílf. B.*

40 ⁷ [skipaz hafa hugr þinn ok horút *B.* ⁸ skyllði *B.*

blota, at þessir menn, er þu hefir svikit, fyrirlati kenning þína ok
 fœri goðum varum fornir, þviat engi er su borg i Akaialandi, er
 eigi se hof goða varra brotin eða eydd. En nu vil ek, at þu
 endrbætir þau, at goðin sefiz, er þer eru reið orðin, ok þu megir
 vera i vinattu varri. En ef þu villt eigi þat, þa muntu pindr vera 5
 morgum pislum ok festr siðan a krosstre, þat er þu lofar.“ An-
 dreas postoli svaraði: „Heyrðu, dauða sonr ok elldibrandr eilífs
 loga! Hlyð þu mer þræli ok postola drottins mins Jesu Kristz!
 Ek hefi her til miukliga talit fyrir þer um tru, ok hugða ek, at
 þu mundir um siðir skilia retta skynsemi. ok fyrirlata skurðgoð 10
 ok trua a þann¹, er a himnum er, en þu harðnar i heimsku þinni ok
 hyggr mik hræðaz munu ognir þinar eða pislir; þvi þægari² verð
 ek guði minum, sem ek stondumz fleiri þrautir fyrir hans nafni.“

Þa let Egeas binda postolann milli tria tveggia ok beria
 hann með svipum. En er siau hriðir hóðu gengit bardagans³, þa 15
 var hann enn leiddr fyrir iarlinn. Egeas mælti: „Hlyð þu mer
 ok rað þik fra bana⁴, ella mun ek lata þik krossfesta.“ Andreas
 svaraði: „Ek em þræll kross Kristz, ok mun ek helldr øskia
 sigmerkis⁵ hans en hræðaz. En þu matt forðaz eilifar kvalir, ef
 þu truir⁶ a Krist, er þu hefir reynda staðfesti mina, þviat ek harma 20
 dauða þinn, en eigi pisl mina, þviat pisl min er eins dags eða
 tveggia, eða þriggia hit lengsta, en þin kvol er eigi þa nær enda
 en aðr, er liðr þusund vetra.“ Egeas mælti: „Lat af heimsku
 þessarri ok spill eigi fyrir þeim, er vel lifa.“ Andreas postoli
 svaraði: „Drottinn minn Jesus Kristr bauð mer at lata eigi af 25
 at boða orð hans ok snua syndugum⁷ monnum til iðranar.“
 Egeas mælti: „Heittu⁸ at lata af kenningu þessarri⁹, ella mun
 ek lata glata þer.“ Andreas postoli svaraði: „Ek em þess buinn
 at taka margar pislir fyrir guðs nafni helldr en at¹⁰ lata af
 kenningu hans.“ Þa reiddiz Egeas iarl ok let krossfesta An- 30
 dream postola, ok bauð sva kveliondum, at þeir byndi hendr hans
 ok fœtr a krossinn, en negldu eigi, til þess at hann hefði þar
 langa pisl¹¹ sva sem i stagli.

En er þeir leiddu hann til kross, þa kom þar¹² margr lyðr
 ok mælti: „Rettlatr maðr ok vinr guðs, hvat gerði hann þess, 35
 er hann er til kross leiddr?“ En Andreas postoli bað lyðinn þess,
 at þeir dveldi eigi pisl hans, en hann tok pisl glaðr ok feginn ok

¹ gud tilf. B. ² þægri B. ³ mgl. B. ⁴ eða tilf. B. ⁵ sigrmarks B.

⁶ þa tilf. B. ⁷ mörgum B. ⁸ því tilf. B. ⁹ eða tilf. B. ¹⁰ mgl. B.

¹¹ pinu B. ¹² þangat B.

let eigi af kenningu drottins. Ok er hann kom þangat, er krossinn var uppreistr, þá sa hann krossinn um langa leið ok kallaði mikilli roddu: „Heill þu kross, er helgaðr ert af likama Kristz ok skryddr af limum¹ hans sva sem af gimsteinum, þu stendr ok
 5 biðr min, en ek geng glaðr til þin, þviat ek kenni leynda hluti þina. Tak þu við þeim, er til þin fysiz, þviat ek se i þer þat, er mer er af guði heitit, tak þu [mik litillatan² ok før mik drottni Jesu. Þu hafðir iarðliga hræzlu, aðr Kristr ste³ a þik, en nu eignastu⁴ ast himneska, þviat allir, þeir er trua, vitu, hversu
 10 mikla fagnaði þu hefir með þer. Oruggr ok fagnandi fer ek til þin, en þu tak glaðliga við mer lærisveini þess, er a þer hekk, þviat ek var avallt þinn unnandi ok fuss at faðma þik. Þu goðr kross, er tekit hefir fegrð ok pryði af liðum drottins, lengi fysiligr ok af ollum hug elskaðr, tak þu mik fra monnum ok giallt mik
 15 lærifeðr minum, at sa taki mik a þer, er mik leysti a þer.“ En er hann hafði þetta mællt, þá hofu pinendr hann a krossinn ok bundu reipum allan likama hans, sem þeim var boðit.

En þar stoðu hia krossinum .xx. þusundir manna, er tru ok skirn hofðu tekit af Andrea postola. En i því liði var broðir
 20 Egeas iarls, [en hann het Stratocles⁵. Þeir kolluðu allir⁶ ok kvaðu rangan þann dom vera, er heilagr maðr ok rettlatr var pindr. En Andreas postoli styrkti hugi manna⁷ þeira er guði truðu, ok eggjaði þá til þolinmöði, ok kvað þá eilifa dyrð taka mundu fyrir þessa heims pislir. Þá for allr lyðr með miklu kalli til husa
 25 Egeas iarls ok mællti: „Hvi gegnir þetta atkvæði þitt? Rangliga dómir þu, grimmir eru domar þinir. Hvat gerði sa maðr illt eða rangligt? Nu er borg var hrygg, ok fyrirforumz ver allir. Glataðu eigi borginni, ok veit oss⁸ helgan mann ok drep eigi astvin guðs helgan ok raðvandan ok skryddan goðum siðum, lat eigi þu pina
 30 goðan kennanda, milldan ok hoglyndan, skynsaman ok hofsaman⁹, þviat hann hefir nu verit tva daga a krossi, ok lætr¹⁰ enn eigi af at kenna oss hit sanna ok syna oss þat, er rett er ok gott. Gef þu oss helgan mann, at ver lifim, leystu raðvandan mann, ok mun allt Grikkland i friði vera; gef þu oss spakan mann, ok mun
 35 Achaiaherað eignaz miskunn.“

Egeas dvaldi at hlyða þeim ok villdi eigi leysa postolann af krossinum. Þá reiddiz lyðrinn, ok villdu þeir drepa iarlinn, ef

¹ liðum B. ² [litillatan fyrir gudi B. ³ stigi B. ⁴ eignaz þu B. ⁵

[er Stratocles het B. ⁶ er hia stoðu tilf. B. ⁷ mgl. B. ⁸ rettlatan

40 mann, giallt þu oss tilf. B. ⁹ hogsaman B. ¹⁰ hann tilf. B.

hann villdi eigi heyra orð þeira. Þá hræddiz Egeas iarl ok het at leysa postolann af krossi. Reis iarlinn nu upp ok for með þeim. En er Andreas postoli sa hann, þá mællti hann: „Af hvi komt þu hingat, Egeas? Ef þu villt¹ a Krist trua, þá mun þer upp lukaz miskunn guðs, sem ek het þer, en ef þu komt hingat til þess² at leysa mik af krossi, þá mun ek eigi heðan stiga lifandi, þviat nu stend ek i guðs augliti. En ek harma vesolld þina, þviat þin biðr eilifr dauði. Renn þu, vesall maðr, meðan þu matt, at eigi verði þat, at þu vilir þá renna, er þu matt eigi.“ Þá villdu þeir³ retta hendr sínar til krossins ok leysa [Andream¹⁰ postola⁴ af krossinum, ok mattu þeir eigi. Þá gengu til aðrir at öðrum at leysa postolann, ok mattu þeir eigi, þviat hendr þeira skulfu, er hann villdu leysa. Þá kallaði Andreas postoli ok mællti: „Lat eigi þu, drottinn, þræl þinn verða heðan leystan, þann er nu hangir a krossi fyrir sakir nafns þins. Sel þu eigi, drottinn, mik¹⁵ aptr i verolldina, þar er nu se ek leynda fagnaði þina a himnum. Lattu eigi, drottinn, iarðligan mann oflægia mik, þar er nu kenni ek dyrð þina fyrir kross þinn, helldr tak þu mik, drottinn læri-faðir minn Jesus Kristr, [er ek hefi senn ok vil enn sia, tak þu mik, drottinn Jesus Kristr⁵ goðr hirðir, ok lat mik eigi leystan²⁰ verða, aðr þu takir anda minn.“ En er hann hafði þetta mællt, þá sa allir lios mikit koma sva sem ellding af himni yfir krossinn, sva at engi matti i gegn sia. En er þat lios hafði verit halfa stund dags, þá var andlat postolans, ok for ond hans með því hinu mikla liosi ok mikilli dyrð til almattigs guðs.²⁵

En Maximilla kona iarlinsins gofug ok raðvond, su er þá elskaði hreinlifi, tok likama Andreas postola af krossinum ok smurði dyrligum smyrslum ok grof likama postolans vegsamliga. En Egeas var gripinn af dioffi i alþýðu augliti, ok var dauðr aðr hann kom⁶ til hallar sinnar. En broðir hans Stratocles for með³⁰ likam postolans; hann gerði⁷ ser ekki nyta af fe broður sins, ok mællti sva: „Fariz með þer allt þat, er þu attir, Egeas, en mer vinnr þorf trua Kristz, su er Andreas postoli kendi mer.“ Þá kom hræzla mikil yfir allan lyð, sva at engi varð eptir, sa er eigi tryði [guði, þeim⁸ er ollum vill ok ma hialpa ok til miskunnar leiða.³⁵

Or leiði heilags Andrea postola flytr manna ok oleum með hinum sötasta ilm. Af þessum stormerkium marka borgarmenn, hver arferð vera mun hver misseri fra öðrum a því landi eða

¹ vill B. ² eina tilf. B. ³ menn B. ⁴ [hann B. ⁵ [mgl. B. ⁶ kēmi B. ⁷ villdi B. ⁸ [Krist þann B.

viða¹ annarstaðar. Stundum veitaz þessi takn meir en stundum minnr², ok gefr iorð² þa minna avoxr ok minni arferð, er ognogligar flytr manna or leiðinu, en stundum eru þessi takn sva gnogliga veitt af milldi guðs ok heilagleik sæls Andrea postola, at
 5 viðsmiorit rennr allt fram a mitt kirkiugolfit i þeiri kirkiu, er stendr yfir leiði sæls Andreas postola. En þa er sva gnogliga veitaz þessi takn, þa kemr goð arferð eptir, ok gefr iorðin goðan avoxr af ser. En ef þessum heilivagi er riðit a siuka menn, þa fa þeir botr³ sinna meina, hvat sem þeim er aðr at meini. Biðium
 10 ver nu sælan [guð a himnum, at hann sendi oss slika tru ok traust með sannri þolinmøði undir krossinum, sem hinn helgi guðs postoli Andreas hafði, ok at ver mættim með honum at liðnu þessu lifi fa eilifa gleði ok vist i himinriki fyrir drottin varn Jesum Kristum⁴. Amen.

*Fragment. I.**

15 dreas kom til Patras borgar i Achaia heraði, þa reð fyrir rl sa ær Egeas het, hann hafði þa nylega þat velldi tekit æptir afði andaz, er Lisbius het. Þa gekk til mals við postolann ko dima het, hon
 20 var kristinn(!) ok hafði tru tekit af kenningo nn var (af) hinom fornum læirisvæinum(!) Kristz. Hon fell til fota postola fotr hans ok mællte: „Heyrðu, Andreas postole! Drottning mi kona Egeas iarls biðr, at þu komir til hennar, því at hon t mikla, sva at
 25 hon ær at bana komin, en hon vill giar nning þina. En Egeas iarll buandi hennar stendr með brug ar þegar at leggja sverðino i gegnum sik, ef hon anðaz

2 viðara B. 2 tilf. B. 3 bot B. 4 [A. postola oss arnadarordz, at hann arni oss i þessi verólldu ars ok audræða, friðar ok farselu, idranar ok yfirbota vorra misverka, sva i audrum heimi hliotim ver hvilld ok frid paradisar vistar til domsdags, enn at honum liðnum naim ver himinrikis ingöngu með gudi almatkum, þeim er lifir ok rikir um allar alldir verallda. B. * En Remse af dette Pergamentblad er bortskaaret, hvorved de første Ord af hver Linie mangler paa Forsiden, men de sidste paa Bagsiden.
 35 Jvf. ovenfor S. 335^o-337^o.

fidima eptir postolanum til huss þess ær Maximilla var
 au komu, þa sa þau hvar iarllinn stoð, ok mællte postol-
 inn þes ð hann: „Gerðu þer nu ækki illt þegar,
 helldr hirðu sverð m, því at koma mun su tíð,
 ær þu mönnt við mik keppa beriaz i mot mer.“ 5
 Jarllinn skilðe æigi, hvat postolinn sagði ok g at
 ganga. Enn ær postolinn kom at rekkio hennar, þa fell hann til
 bø tok hann i hönd henne Maximille. En hon
 svæittiz þegar öll, ok því henne alla riðosott. Post-
 olinn mællte þa, at henne skyllde fa fozlo. 10
 Andrea postola hundrað penninga silfrs, en postolinn læit æigi til
 þiggia sem fyrr fyrir iartegnir. Siðan for
 iarllinn a brott enda sinna of rike sitt, en Maxi-
 milla drottning tok tru drea postola ok unne
 brátt mikit guði ok hellt hræinlifi meðan hon lifðe. 15

Pislar saga.

. af a fornum bokum at ðgu Andreas post-
 ola, at sva mælir sa ær sôguna hefir ðr ollum
 kristnum monnum, er settir æroð i Kristz nafne i 20
 i norðre ok suðre, ok öllum þæim ær trua a æinn guð i
 go sannan fôður ogetinn, sannan son æingetinn af
 feðr* sannan helgan anða fram faranda af feðr ok syni ok
 matkan truum ver allan æinn vera, ær gatt son ok son
 æi getinn ær af almatkum feðr. En þessa tru 25
 namum ver af d(rot)tins vars Jesus Kristz, segir
 sa ær sôgona hefir fyrst dictat fa allar pislar
 hans ok þrautir, ok hæyrðum ver kenningar sôg-
 una hefir dictat, ok megum ver fyr því fra segia, at ver vi
 Andreas postole kristnaði allan lyð i borginni Patras, 30
 siðan hann Maximillam af riðosott, því at hann
 hafði aðr far land ok gôrvar margar iartegnir i
 nafne drottins ok snere hvern lyð fra blotum
 skurðgoða til rettrar truar. Dauðum blindum
 syn ok rak diöfla fra oðum monnum. Þa skuto 35
 man ok gafo iarlinum Egea ok mællto við hann: „Siðan er Andr
 hingat til landz, þa lætr hann menn æigi hallda
 lög konunga ok f Þa tok iarllinn við fe
 þeira ok bað taka Andrean postola ok læiða

* Her begynder Bagsiden.

sinn. Ok ær hann kom til borgarinna(r) Patras, þa tok hann þegar at til blota. En hæila(g)r Andreas postole gekk a mot honum ok nælti ær þu ert demande manna, at þu kennir domanda þ
 5 mnum ær ok kunnir sannan guð, en kallir hug þinn f
 ero sōnn guð.“ Egeas mællte: „Ert þu sa Andreas, er niðr oðā varra ok telr fyrir monnum nybreytni þa er Rom giar frago fyr skommo at ok baðo niðr at leggja. Andreas sv boðā orð hit sanna drottin
 10 varn Jesum Krist ok(!) menn fyr la þau ær handaverk manna ero ok true helldr a sannan guð
 . . hlute ok læyste menn fra ælifum dauða, ok sa hinn same
 þa þæim er sōnno trua.“ Egeas mællte: „Hverr er hinn sanne gu hinn sanne ær a himnom, þar er
 15 lios rennr upp, þat er a braut rkr, en ær seð æigi liosit, því at þer ætlit þat guð vera ær stei

Fragment II.*

.
 þa mun ec segia þer, hversu þat lamb lifir heillt oc flecklaust i riki sinu.“ Egeas mællti: „Hversu ma þat vera oskatt, er þu
 20 segir allan lyð af eta, oc lifa þo, enda se þat aðr sæft oc etit, sem þu segir?“ Andreas svaraði: „Ef þu truir af aullu hiarta þinu, þa mattu þat vita, enn ef þu truir eigi, þa muntu þess all-dregi viss verða.“ Þa reiddiz Egeas oc let setia postulann i myrqvastofu. En þa er hann var þar byrgðr, þa kom nær allr
 25 heraðslyðrinn til hans, oc villdu drepa iarllinn, enn briota upp myrqvastofuna oc leiða a braut postulann. Enn heilagr Andreas mællti við þa: „Eigi skuluð iér snua hogværi drottins vars Jesus Cristz i diofuliga styriolld, þvíat drottinn syndi oss alla þolinmæði, þa er hann var pindr, eigi þrætti hann oc eigi kallaði hann, oc
 30 var af ongum manni vaurd hans sen i ne einum hlut, hafi þer oc þa frið oc þolinmæði oc dvelit eigi pisl mina, helldr bui þer yðr sialfa til, at er megit stiga yfir vandra manna ognir oc pislir oc(!) þolinmæði oc oskialfanda hug. Ef nocqur ogn er uggandi, þa er su uggandi, er eigi hefir enda, þvíat manna ognir eru glikar reyk,
 35 hefiar bratt upp oc eyðast bratt. Ef nocqueriar pislir eru ogurligar,

* Jvf. ovenfor S. 339⁴-342²⁷.

þa eru þær, er sva hefiáz upp, at eigi endaz. Enn þessa heims pislir ero lettar oc ma auðvelliga standaz þær; enn ef þær eru þungar, þa er þo þat til kostar, at bratt verð(r) eptir þær. Enn annars heims pislir eru eilifar, þar er hvern dag gratr oc óp oc qvalar on enda, enn þær hræðiz Egeas eigi. Verit ier nu oc þa, bræðr, bunir at standaz stundligar pislir, at iér megit avallt gleðiaz oc lifa æ oc æ með Cristi.“ Þessum orðum oc auðrum þvilikum taldi Andreas postuli firir lyðnum of alla nottina unz dagr kom. Enn dag annan snemna sendi Egeas eptir postulanum oc let leiða hann fyrir domstol sinn oc mælti við hann: „Þat hugða ek, at (a) þessi nott mundi hugr þinn hafa horfit fra heimsku þessi oc fra lofi Cristz þins, at þu mættir hafa lifs fagnaði með oss, þviat þat er heimslict at vilia sialfkrafi fara til kross pislarinnar oc selia sic til pilsa oc qvala.“ Andreas svaraði: „Ec mætta hafa fagnaði með þer, ef þu villdir tru(a) a Crist oc leggja niðr blot, þviat Cristr sendi mic til þessa landz, oc hefi ec nu margan lyð fæðan honum til handa.“ Egeas mælti: „Af því skyldi ec þic til blota, at þessir menn, er þu hefir svikit, firirlati kenning þina oc færði(!) þegar fornir goðum varum, þviat engi borg er su i aullu Ackia(!) heiaði, er eigi se niðr brotin hof goðanna oc eydd aull blót. Enn nu attu at endrbæta þau, at goðin huggiz, er þau hafa þer aðr reið orðit, oc þu megir þa vera i varri vinattu. Enn ef þu vill eigi þat, þa muntu maurgum pislum pindr vera, en at nest lokum crosfe(s)tr a þeim crossi, er þu lofar avallt.“ Andreas svaraði: „Heyrðu, dauða sonr oc elld(i)-brandr eilífs loga! hlyðu mer þræli oc postula drottins mins Jesus Cristz! ek hefi miucliga talit firir þer til þessa of tru drottins, oc hugða ec, at þu mundir skilia retta skynsemi oc firirlata skurðgoð en gaufga sannan guð, þann er a himnum er. Enn þu harðnar i heimsku þinni oc hyggr, at ec muna hræðaz ognir þinar.“ Þa let iarllinn binda postulann a meðal tria tregia oc beria svipum. En er gengnar voro .vi. hriðir bardagans, þa var hann leiddr firir iarllinn, oc mælti Egeas við hann: „Hlyttu mer, Andreas, oc rað þic fra bana, eða ella mun ek lata krosfesta þic.“ Andreas svaraði: „Ec em þræll cross Cristz, oc skal ec helldr elska sigrmark crossins enn hræðaz. Enn þu matt forðaz eilifar qvalar, ef þu truir a Crist, er þu hefir reynda staðfesti mina, þviat pils min er eins dags eða tveggia eða þriggia, oc harma ec því dauða þinn enn eigi qvol mina. Enn þin qvol er eigi þa enda nærr enn aðr, er liðr þusund vetra.“ Egeas mælti: „Heittu því, at þu munir lata af kenningu þessi, eða ella mun ec lata glata þer.“

Andreas svaraði: „Ec em þess buinn at taka margar pislir oc dauða firir guðs nafni helldr enn lata af kenningu hans.“ Egeas mællti: „Lattu af heimsku þessi oc hirð eigi at villa þa, er vel lifa.“ Andreas svaraði: „Drottinn minn Jesus Cristr hann bauð
 5 mer, at ec skyllða eigi af lata at boð[a orð hans] oc snua villu lyð til iðrunar.“ Þa reiddiz Egeas oc let krosfesta Andreasm oc bauð qveliorum at binda hendr hans oc fætr a crossinn en eigi negla, at hann hefði þar langa pisl sva sem i stagli. Enn er þeir leiddu hann til krossins, þa kom þangat margr lyðr kallandi oc
 10 mællandi: „Sia er rettlatr maðr oc vinr guðs, hvat gerði hann þess, er hann skyllði crosfesta?“ Andreas bað lyðinn, at þeir hneckti eigi pisl hans. Enn hann for glaðr oc feginn oc let eigi af guðs kenningu. Enn er hann kom þangat, er krossinn var uppreistr, þa sa hann crossinn of langt oc kallaði mikilli rauddu
 15 oc mællti: „Heilldu, cross, er heilagr ert af likama Cristz oc skryddr af hans liðum sva sem af gimsteinum! þu stendr oc biðr min, enn ec geng nu glaðr til þin, þviat ec kenni leynda hluti þina. Tak þu við þeim, er til þin fysiz, þviat ec se i þer þat er mer er heitið af guði. Tac þu, heilagr cross, litillatan firir guð
 20 sakar oc fær drotni Jesu Cristo. Þu hafðir iarðliga grimð oc hræzlo, fyrr enn Cristr stigi a þig, enn nu hefir þu eignaz himneska ast, þviat allir vitu, þeir er trua, hversu mikla fagn(a)ði þu hefir með þer; æruggr oc fagnandi fer ek til þin, enn þu tak glaðr við mer lærisveini þessum þinum, þviat ek var avallt þinn
 25 unnandi oc fuss at faðma þi(!) þic. Þu goðr cross, er tekít hefir frægð oc pryði af liðum drottins, lengi fysiligr oc ahyggjusamliga elskaðr, tak þu mic fra maunnum oc giallt mic lærifeðr minum, oc sa taki mic a þer, er mic leysti a þer.“ Enn er postulinn hafði þetta mællt, þa flozt hann or fautum oc selld(iz) kveliorum, enn
 30 þeir hoso hann upp a kross oc bundu reipum allan likama hans, sva sem þeim var boðit. Enn þar stoðu hia crossinum .xx. þusundir manna. Þar var oc með þeim broðir Egeas iarlls, en sa het Stratucless. Þeir kaulluðu allir einni rauddu oc qvoðo þat rangan dóm vera, er heilagr maðr var pindr. En Andreas styrkti hugi
 35 þeira er guði truðu, oc eggjaði þa til þolinmæði oc qvað þa eilífa dyrð hafa mundu firir þessa heims pislir. Enn þa for allr lyðr með kalli miclu til husa iarlsins oc mællti sva: „Hvi gegnir þetta atqvæði, iarll? rangliga dæmir þu, rangir eru domar þinir; hvat gerði sia maðr illt eða rang[ligt]? Nu er borg vár hrygg, oc firir-
 40 faurumz ver allir. Glataðu eigi borg varri, oc veit oss oc giallt oss

retlatan mann, oc drep eigi astvin guðs helgan oc raðvandan, skryddan goðum siðum. Lat eigi þu pina goðan kennimann, milldan oc hóglyndan oc skynsamligan, þviat hann hefir nu tva daga verit a crossi, oc lætr hann eigi af at kenna oss et sanna oc syna oss þat er rett er oc gott. Gef þu oss helgan mann, at ver lifim, leys þu raðvandan, oc mun allt Gricland vera i friði; gefðu oss spakan mann, at allt Achaia herað eigniz miskunn.“ Enn Egeas dvaldi oc villdi eigi leyfa, at postulinn væri af krossi tekinn. Þa reiddiz lyðrinn, er iarllinn villdi eigi heyra orð þeira, oc villdu þeir drepa hann. Þa hræddiz Egeas oc het at leysa postulann, oc reis upp af dómstoli oc for með þeim. Enn er Andreas sa hann, þa mællti hann: „Af hvi komtu hingat, Egeas? Ef þu vill trua a Crist, þa mun þer upp lukazt miskunnar gata, sem ec hét þér, en ef þu komt til þess hingat at leysa mic, þa ma ec eigi heðan niðr stiga af þessum crossi lifandi, þviat nu se ec konung minn, oc nu gaufga ec hann, oc nu stend ec i augliti hans, oc ec harma vesold þina, þviat þin biðr eilifr dauði. Rennðu, vesall, meðan þu matt, at eigi verði þer þat, at þu vilir þa renna, er þu matt eigi.“ Enn þa rettu menn hendr sinar til crossins at leysa postulann ofan, oc gengu til aðrir at auðrum at leysa hann, oc mattu ongvir, þviat hendr hvers þeira skulfu, er til villdu taka. Þa kallaði Andreas postuli hatt oc mællti sva: „Lat eigi þu, drottinn Jesus Cristr, þræl þin heðan verða leystan, er nu hangir hann a crossi firir sakir nafns þins. Sel þu eigi mik, drottinn, apr i veraulldina, er nu se ek leynda fagnaði a himnum. Lattu eigi, drottinn, iarðligan mann of lægia mic, er nu kenni ek dyrð þina firir kross þinn, helldr tac þu mik, lærifaðir goðr, oc lat mic eigi leystan verða, aðr þu tekr anda minn.“ Enn er hann hafði þetta mællt, þa sa allir lios mikit koma, sva sem ellding væri, af himni yfir krossinn, þat var sva biart, at engi matti i gegn sia. Enn er liosit hafði verit halfa stund dags, þa andaðiz postulinn, oc for hann með því liosi til guðs. Enn Maximilla raðvond kona, su er elskat hafði hreinlifi, hon tok

*Tillæg.**Passio sancti Andree apostoli*.*

Heilagr postole Andreas fór of alt Gricland oc gerpe miclar iarteinir oc margar oc boþafi namn oc orþ goþs avalt Jesu
 5 Cristz oc snere hvern dag morgo lipe fra blotom scurþgoða til miscunnar livanda goþs, dauðom gaf hann lif en blindom syn oc rac diofla fra oþom. Þa scuto blótmenn saman fé oc gofo iarle þeim er Egeas hét, oc melto við hann: „Síþan er Andreas com hingat til landz, þa letr hann menn eigi hallda lög kononga oc
 10 eigi fóra forner goðom orom.“ Þa tók iarlenn við feno þeira oc bað taca Andream oc leiða firer domstol sinn. En er Egeas iarl com til borgar þeirar er Patras heitir, þa tók hann at neyða cristna menn til blota. En sanctus Andreas postole gec a mót honom oc melte: „Þat somer þér, iarl, er þu ert domande manna,
 15 at þu kunner domanda þinn, þann er a himnom er, oc þu dyrker sannan goð, oc callir hug þinn fra þeim, er eigi er(o) sonn goð.“ Egeas melte: „Ertu sa Andreas, er niðr brytr hof goða varra oc telr firer monnom nybreytne, þa er Rumaborgar hofþingiar fingo firer scómo oc buðu niðr at leggja?“ Andreas svaraþe:
 20 „Ec em sá er boþag orþ it sanna, dominum nostrum Jesum Cristum, at menn firerláti scurþgoð, þau er handaverc manna ero, oc true a sannan lifanda goð, þann er scop alla hluti oc leysti menn fra eilifom dauða. En inn sanni mun hialpa þeim er sönno trua.“ Egeas melte: „Hverr er inn sanne?“ Andreas svaraþe: „Inn
 25 sanni er a himne, þar er lios rennr up, þat er a braut recr villo-myrer. En ér of sét eigi lioset, þviat ér etlit þat goð vera, er steinar ero oc tre. En Rumaborgar hofþingiar vito eigi þat, at sonr goþs com til hialpar monnom, oc sagði scurþgoð þessi eigi goð vera heldr ena versto diofla oc oviner(!) alz manncyns, þa
 30 er eggia menn at gera þat, er goð reipesc þeim, oc hverfe goð fra þeim oc héyri eigi bønner þeira. En er goð hverfr fra þeim monnom, þa verða þeir rekningar oc leikner af diøflom, unz þeir fara ut or licómom sinom seker ok saurger oc hafa eki með sér nema synþer einar.“

35 Egeas melte: „Þa er Jesus yðvarr boþafi þessi en tomo orþ, þa crossfestu Gyþingar hann firer þat.“ Andreas svaraþe: „Drottenn alz veldes let sér soma at stiga niðr af himne oc taca

* Jvf. ovenfor S. 336¹⁵-340¹².

manz licama a sic, oc var hann viliande pindr, til þess at hann leysti fra dauða inn fyrsta mann, es farezt¹ hafpi. En hann let til þess pinasc .i. firer øllom, at hann tōke af øllom qvalar oc synþer.“ Egeas melte: „Ef hann toc qvalar af øllom, hvi ero þeir oft morgom pislom pinder, es a hann trua?“ Andreas svaraþe: „Vér erom fuser at taca pisler firer goþs namni, þviat vér vitom annat lif oc truum at þat es sat. En ef þu vilder vita tæcn crossens, þa mon ec segia þér, hversō scynsamligri ost scapare mannevns tōc þessa pisl a sic viliande en eigi nauþegr til heilso varrar.“ Egeas melte: „Eigi ma ec þat scilia, hversō¹⁰ hann var viliande pindr, þar er hann var seldr af discipulo suo oc hōndlaþr af Gyþingom oc leidr firer Pilatus iarl oc crossfestr af ripeom iarlsens at raþi Gyþinga.“ Andreas svaraþe: „Þvi segi ec hann vilianda pindan, at ec var þar meþ honom, þa er hann var seldr af discipulo suo, oc sagði hann oss, fyrr en hann¹⁵ være seldr, at hann mōnde seldr verþa oc crossfestr til lausnar monnom oc risa up a .iii. dege. Oc melte Petrus frater meus við hann: „Miscunnaþu siolfom þer, drottenn², at eigi verþi þat.“ Þa reidesc hann Petro oc melte: „Hverf aftr þu, þviat þu scilr eigi þa hluti es goþs ero. En a enom³ efta(!) aptne, es vér orom²⁰ aller saman, þa sagþe hann oss þat, at .i. várr munde selia hann. Þa urþom vér aller hryggver, oc hann vilde þat eigi lata hryggva hugi ora oc melte: Sá mon mic selia, es ec sel nu brauþ i hōnd. Þa sagþe hann oss oorþna hluti sva sem lifna, oc synde þat, at hann var at vilia sinom seldr, þviat hann forþaþesc eigi²⁵ staþ þann, er hann visse at hann mōnde seldr verþa.“ Egeas melte: „Undromc ec þat, er þu sva spacr maþr scal vilia trua a mann þann, er þu segir sialfr⁴ crossfestan vera, hvart sem þat var at vilia hans eþa ovilia.“ Andreas svaraþe: „Þat sagþa ec þer áþr, at micíþ er tácn crossens, oc mon ec enn þat scyra, ef³⁰ þu vill til hlyþa.“ Egeas melte: „Eigi of callar þat tácn, es qvol er.“ Andreas svaraþe: „Ef þu vill þolenmōþliga hlyþa, þa mundo víss verþa, at su en sama qvol er tácn manncyns lōsnar.“ Egeas melte: „Ec mon þolenmōþligas⁵ hlyþa; en ef þu vill eigi at mér lata, þa mundo sialfr⁴ taca¹ a þér cross tæcn, þat er þu³⁵ lofar.“ Andreas svaraþe: „Eigi munda ec þer boþa dyrþ crossens, ef ec hrēdomc pisl crossens.“ Egeas melte: „Oramal er at calla þat dyrþ, er qvol er, oc ertu sva diarfr, at þu hrēþisc eigi dauþann.“ Andreas svaraþe: „Eigi af dirfþ hrēþomc eigi heldr

¹ farezt *Cd.* ² dominus *Cd.* ³ enenom *Cd.* ⁴ ipse *Cd.* ⁵ þolenmōþiliga *Cd.* ⁴⁰

af tru, þvíat dauþe retlatra er dyrligr, en dauþe synþogra en verste. En af því vil ec, at þu heyrer taen crossens, at þu meger trua a son goþs oc coma til endrbotar andar þinnar.“ Egeas melte: „Þat calla menn endrbótt, er spilt hever verit, en hversó

5 hafe ønd min spilze, svat hon þurve endrbotar firer þa hluti, es þu sannar?“ Þa melte Andreas: „Enn fyrsti maþr gerþi synþ a girnþartre, en þat var maclect, at su synþ være bótt a pislartre. Enn fyrsti maþr, er alra dauþa olle af synþ girnþartre(s)ens, hann var scapaþr ór osaugapre iorþo, en þat var oc nauþsyn, at fra osaugapre meyo lete berasc goþ oc maþr, sa er scóp enn fyrsta mann oc leide

10 mannenn til lifs þess, er hann hafþi týnt, oc bótte þat a crosstre, er misgert var a girnþartre. En hann rette hreinar hendr sinar a tre, oc var honom gefit eitr at dreca, at hann bótte þat, es tævisar hendr toco séta fozlo af baun(n)orþo tre. Dauþa varn tóe hann a sic oc gaf oss lif sitt.“ Egeas melte: „Þessi orþ mattu segia

15 þeim, er því trua, en ec mun lata festa þic a cross firer(!) þann er þu lovar, nema þu later at mer oc blota(!) goþom orom almatcom.“ Andreas svaraþe: „Einom goþe almatcom oc sonnom føri ec hvern dag forn til altera, eigi griþunga hold ne hafra bloþ, heldr lamb fleclaust. En þá er lyþr hevir hold þess etip oc bloþ þess

20 drukit, þa er lamb þat lifanda, er søft var.“ Egeas melte: „Hverso ma þat vera?“ Andreas svaraþe: „Ef þu vill vita, hverso þetta ma verþa, þa gerstu discipulus ens¹ sanna, at þu meger vís verþa þess, er þu spyrr.“ Egeas melte: „Ec mon meþ pislom heimta at þér frasaugo þessa hluta.“ Andreas svaraþe: „Undromc ec

25 þic, es spacr maþr scylder heita, er þu ert oltenn i sva micla heimsco, at þu þykesc mic muno neyþa til þess at segia þér taen goþs. Heyrþer þu taen crossens, oc heyrþer þu taen fornarennar. En ef þu truer Cristum vera sannan goþs son, þann er Gyþingar crossfestó, þa mun ec segia þér, hverso þat lamb lifer heilt oc

30 fleclaust i rike sino, es sóft er oc etip oc bloþ þess drukit af lyþnom.“ Egeas melte: „Hverso ma la(m)b vera i rike sino, ef þat er sóft oc etip, sem þu sagþer?“ Andreas svaraþe: „Ef þu truer af øllo hiarta, þa máttu þat vita, en ef þu truer eigi, þa mattu þess aldregi viss verþa.“ Þa reidesc Egeas oc lét setia Andream i myrqvastófo. En þa com þingat alr heraplyþr, oc vildo þeir drepa iarlenn en briota myrqvastofona oc leiþa braut postolann. En Andreas melte við þa: „Eigi scolot ér snua hogvære drottens² i diofolegan³

1 enn Cd. 2 domini Cd. 3 diofelgan Cd.

ofrið, þvíat drottenn synde oss alla þolenmópe, þa er hann var pindr, eigi þrette hann ne callapi, oc vasat call heyrta a strætom. Hafit ér oc þa þolenmópi oc dvelit eigi pisl mina, heldr buit ér ypr sialfa til, at ér megeþ stiga ifer vandra manna ógner oc pisler meþ þolenmópe oc oscialfanda hug. Ef nøcquer ógn er uggande, þa er 5 su uggande, es eigi hevir enda, þvíat ogner manna ero glicar reyc, þer hefiasc brat up oc eyþasc brat. Ef nøcquerar pisler ero ogorligar, þa ero þer ogorlegar, es sva hefiasc up, at eigi endesc. En þessa heims pisler ero lettar, oc má auþvelliga standasc þer; en ef þer ero þungar, þa verþr brat efter þer. En annars heims 10 pisler (ero) eilivar, þar er hvern dag gratr oc óp oc (!) on enda. En Egeas hreþesc þat eigi. Veriþ ér oc þa buner, fratres, at standasc stundligar pisler, at ér megeþ coma til eilifra fagnaþa, þar er er megeþ avalt gleþiasc oc liva ei meþ goþe.“

Þessom orþom oc þessom glicom talþi Andreas firer lýþnom umb 15 alla nott unz dagr com. En þa lét Egeas leiþa postolann firer domstol sinn, oc melte enn við hann: „Þat hugþa ec nu, at a þessi nott mynde hugr þinn hafa horviþ af heimsco þessi oc fra lofe Cristz þins, at þu metter hafa lifs fognof meþ oss, þvíat þat er heimslict at fara viliande til crosspislar oc selia sic til qvala.“ Andreas 20 svaraþe: „Hafa metta ec fagnat meþ þér, ef þu vilder trua a Crist oc hafna blotom, þvíat Cristr sendi mic til þessa landz, til þess at ec fôrþa honom ypr til handa.“ Egeas melte: „Af því scyldi ec þic til blota, at þesser menn, er þu hever syket, scyli firerlata kenning þina oc fôre(!) goþom þegiar forner, þvíat engi 25 borg er su i Achaia heraðe eþa a Griclande, er eigi se hof goþa varra broten eþa eyd. En nu attu at endrbóta¹ þau, svát goþen sevesc, er þer ero reiþ, oc þu meger vera i vinotto varre. En ef þu vill eigi þat, þa mundo pindr vera morgom pislom, en siþan mundo festr a crosstre, þat er þu lofaþer.“ Andreas svaraþe: 30 „Heyr þu dauþa sonr oc eldibrandr loga eilifs! Hlyþu mér þreli gofs oc postola Jesu Cristz drottens²! Ec hefi til þessa miycliga(!) talþet(!) firer þér of tru, oc hugþa ec, at þu mynder scilia retta scynseme oc firerlata scurþgoþ en trua a sannan goþ, þann er a himnom er. En þu harþnar i heimsco þinne oc hyggr mic muno 35 hreþasc ogner þinar. Lat fram þu þa*
.
. **up kastaþ her oc hvar a landit. Þa toc enn ungi

¹ endrbota *Cd.* ² domini *Cd.* * *Her indfalder en Lacune.* ** *Jvf. ovenfor S. 334^a-335^a.*

maþr oc aller þeir es víþ voro stader [at grata oc fellu] firer fœtr postolanum, oc baþo aller, at hann [gefe þessom ollom lif] i guþs namni. En inn unge maþr Filopater melte sva: „Faþer minn sendi mic hingat meþ miclom fiarhlutom firer guþs vilia oc fec

5 mer alt til farar, [þat er ec] þurftac. En nu ef hann spyrr atburþ þenna farar minnar, þa mon hann lasta guþ þinn, oc undan mon hann fœraz kenningo þinne; en eigi vilda ec, at sva yrþi.“ En er þeir grœto aller, þa baþ postolenn, at saman scylldi samna licom þeira allra, þviat þeim hafþi dreift up kastat. En er þeim

10 var saman samnat œllom [lico]nom i einn staþ, þa melte Andreas postole víþ inn unga mann: „Hvern villdu fyrst láta up reisa?“ Hann svaraþe: „Gnaram fostbroþor minn.“ Þa fell postolenn a kne oc (helt) hœndom til himens oc bað lengi met tarom til guþs oc melte: „Þu guþ greþeri minn! reis up þu þenna inn dauða

15 mann, es fostraþr hevir veret met Filopater, at þeir kenni dyrþ þina oc lofe namn þit firer lyþnom.“ En þa reis Gnara up, oc undruðoz aller þessa iartein, es víþ voro stader. Epter þat fell Andreas a kne hia serhveriom þeira enna dauðu manna, oc bað lengi met tarom firer hveriom þeira oc melte: „Bið ec þic, dominus

20 Jesus Cristus, at þesser rise up af dauða, er dreifþer hafa verit of diup sevar.“ Síþan bauð Andreas postole discipulis suis, at hverr þeira scylldi tak[az] mann a hœnd oc mela sva: „Up keyqvi þic Jesus Cristus filius dei vivi.“ En er þeir gerþo sva, þa lifnuðo aller tveim miþr en .xl. manna oc dyrcuðo guþ oc melto: „Engi

25 er þer licr, guþ, i mœtte.“ Síþan toco tru oc scirn Filopater oc forunautar aller (af) Andrea postola. Epter þat beide Filopater Andream postola at fara til Macedoniam at cristna fœþor hans oc þann lyð allan, er i þeire borg var. En postolenn for at bœn hans til borgarennar oc cristnaþi Sostratum fœpur Filopatris oc

30 alla vine hans oc allan borgarlyðinn af kenningom guþs eyrendreca oc iartegnom þessom, er nu ero sagðar, oc mœrgom auðrom, ðeim er hann georði i borgenne at vilia guþs.

II.

P r o l o g u s.

Guði til lofs ok dyrðar, hans heilugum monnum til sæmdar ok virðingar, skulum wer frammbera nockura atburði af lífi ok iarteignum hins heilaga Andree postola, heyrandi monnum til gleði ok andligrar hugganar. En wer höfwm litinn part feingit af hans iarteignablomi², en þær fær, sem sagðar eru, þa eru harðla dasamligar ok faheyrðar. Biðr ek lesandi menn ok heyrandi þessa frasogn, at þeir styggiz eigi við minn stirðan framburð ok umiukt orðferli, hugsandi þat sem af heilugum guðs postolum er³ skrifvat, ath þeir elskuðu meirr i sinum framburði ok predikan ufleckaðan sannleik helldr en orðasnilld eðr sliettmæli. En eftirfaranda efni byriaz sva i guðs nafni.

Her byriaz saga Andree postola.

I þann tíma er eingetinn guðs son Jesus Cristus birti verolld-¹⁵ ina með sinni holldgan ok hegatkvamu⁴, hvat er oss veittiz fyrir fru sanctam Mariam, sem bæði er hans moðir ok hin skiær-azta mæ, ok sva sem þau atferðuðuz bæði milli syndugra manna æ Jorsalalandi, fædduz þar upp tveir bræðr i þeiri borg, er Bethsaida heitir, hver er stendr i Galilea heraði, annarr þeira hiet²⁰ Simon, en annarr Andreas. Johannes hiet faðir þeirra ok var kallaðr kenningarnafni anthiocensis. Hinn heilagi Andreas var lærisveinn hins signaða Johannis baptiste. Ok einn tíma berr sva til, at Johannes baptista sa drottin varn til sin komanda, hvern er hann auðsyndi með sinum fingri sva segiandi: „Sie her lamb²⁵ guðs, þat er brott tekr syndir heimsins.“ En þessi orð Johannis heyrðu .ij. af lærisveinum hans, ok var annarr þeira hinn heilagi Andreas, ok sneru þeir þegar æ veg með Jesu takandi sva orð sins meistara, sem hann kendi þeim við sik at skilia en fylgia Jesu. En er varr herra sa þa ser fylgia, snyz hann til þeira sva³⁰ segiandi: „Hvers leiti þit?“ Þeir svoruðu: „Meistari! hvar er þitt heimili?“ Hann segir: „Komi þit ok siait.“ Síðan komu þeir ok voru hia honum þann dag. Eftir þat for heilagr Andreas æ fund Simonar broður sins ok segir til hans með miklum fagnaði: „Ver höfwm fundit Jesum Kristum son guðs lifanda.“ An-³⁵

¹ gamans og tíf. B. ² iarteignum B ³ stendr B. ⁴ hingatkvomu B. ⁵ Heyr tilf. B.

dreas leiddi Simonem broður sinn til Jesum, ok er Jesus leit
 Simonem, talar hann til hans: „Pu ert Simon Jonsson, en þu
 munt vera kallaðr cephass, en þat þyðiz petrus.“ Hinn heilagi
 Johannes guðspiallamaðr segir fra þessum atburð, ok kallar
 5 hann fyrr nefnda borg Bethsaidam borg Petri ok Andree, sakir
 þess ath þeir höfðu þar uppvaxit. Þessir bræðr voru fiskimenn,
 þa er þeir þroskuðuz. Ok eitthvert sinn þa er þeir höfðu æ
 sio roit, þa segir sva Matheus guðspiallamaðr, at Jesus Kristr
 geck æ siofvarstraundu, þar sem þeir voru fyrir uti¹ æ fiski
 10 æ þeim sio, er heitir Galilea siorr. Þa kallaði Jesus² æ þa
 ok mælti: „Komi þit til min, ok mun ek gera yckr fiski-
 menn³ manna.“ En þegar þeir heyrðu orð drottins, þa firirlietu
 þeir alla iarðliga hluti ok fylgðu drotni varum Jesu Kristo. Þessi
 Simon er síðan kallaðr Petrus ok varð höfðingi postolanna, ok
 15 eru þessir bræðr af hinna æztu postolataulu, er einkannliga eru
 kallaðir felagar ok fylgiarar vars herra Jesu Kristz, þvíat þeir
 voru i öllum felagskap ok samneyti með honum sialfum. Sia hinn
 sami guðs astvin Andreas postoli var með almatkum guði lausn-
 ara varum alla þa stund, er hann var⁴ her i heimi, heyrandi
 20 hans hina helguztu predikan ok siandi þau⁵ dasamligu takn, er
 hann gerði með almætti sins guddoms. Vattar þat ok heilagt
 guðspiall, ath Andreas var nalægr því stormerki, er drottinn saddi
 fimm þusundir manna af fimm brauðhleifum ok tveim fiskum;
 sva ok eigi siðr, þa er Jesus for til Jorsalaborgar a palmsunnudag,
 25 fylgði honum Andreas með öðrum postolum. Ok þa er nokkurir
 heiðnir menn höfðu sott til Jorsala or öðrum laundum, þeir er
 giarna villdu sia Jesum Kristum sakir þeirrar frægðar, er fra
 honum gieck við a um heiminn, ok þat veittiz þeim firir meðal-
 gaungu hins heilaga Andree ok Philippi, ok æ þeirri stundu kom
 30 raudd af himni ok talaði við Jesum, sva at allir nærrverandi
 menn heyrðu. Sva ok spurði Andreas postoli með hinum æztum
 höfðingium postolanna diarfliga drottin varn Jesum Kristum, með
 hverium hætti geraz myndi hans⁶ siðarri tilkvama, domadagr ok
 endir þessarrar veralldar, hvat er drottinn skyrði fagrliga firir
 35 þeim, eftir því sem skrifvat stendr fylliliga i guðspiqlum. Við
 þat hit dyrðliga⁷ matmal var ok Andre(a)s postoli með öðrum post-
 olum, er drottinn varr sneyri⁸ brauði ok vini i holld sitt ok
 bloð æ skærdags⁹ aftan, ok gaf sinum postolum at bergia. Hann

1 utan *B.* 2 Kristr *tilf. B.* 3 veidimenn *B.* 4 síðan *tilf. B.* 5 hans
 40 hinu *B.* 6 hin *tilf. B.* 7 dyrðliga *B.* 8 snere *B.* 9 skirdags *B.*

var ok við [upprisu drottins nalægr¹ ok uppstigning hans til himna, sva sem guðspioll vatta. Hann var ok með öðrum postolum við þat haleita stormerki, er heilagur andi kom yfwir postolana i pentecosten, þat er at skilia a tiunda degi fra uppstigning Kristz, ok við þau aunnur stortiðindi er þar giorðuz, sva sem heilagur 5 Lucas segir i sinni bok, er heitir Actus Apostolorum.

2. ²Þa er heilagir guðs postolar skiptuz til landa, þa for blezaðr Andreas postoli fyrst til Sviþioðar hinnar miklu at færa þar³ margfalldan avauxt guði af⁴ sinum kenningum. Andreas postoli var sva miuklyndr ok miskunnsamr, at hverr maðr unni 10 honum hugastum, sa er hann kunni. Hann var manna þeckiligaztr ok biartaztr yfirlitz, sva at hans yfirlit voru likari einglum en maunnum ath birti, hann var liknsamr⁵ i aullum nauðsynium, sem segir heilug ritning: Mitissime sanctorum sanctissima extollendo merita. Þat þyðiz sva: þu hinn mildazti allra heilagra tokt upp 15 hina helguztu verðleika. Andreas postoli sannar nafn sitt fagrliga i sinum athofnum með guðs vilia, þviat þat er a latinu virilis eðr⁶ roboratus, en þat norrænaz⁷ karlmannlighr eðr auflugr. Hann bar ok karlmannliga framm guðs eyrindi, hvar sem hann for, ok var auflugr at gera heilug takn hvervitna, sem nauðsyn beiddi 20 ok guðs krafrt syndiz þa biartari en aðr.

3. ⁸Sa atburðr er sagðr, þa er Andreas postoli kendi kenningar i einhverium stað, þa kom eingill guðs til hans ok mælti: „Matheus postoli broðir þinn er nu handtekinn af heiðnum maunnum i einni borg ok blindaðr baðum augum, ok siðan settr i myrkva- 25 stofu, þviat honum er eigi ætlað at færa avoxt af sinum kenningum i þeirri borg. Nu far þu til hans ok gef honum syn sina.“ Andreas svaraði: „Hversu ma ek þat giðra, þar sem ek veit eigi, hvar su borg er.“ En er postolinn hafði þetta mælt, þa nam eingillinn hann upp ok bar hann æ einni stundu til fyrr sagðrar 30 borgar ok til þeirrar myrkvastofu, sem Matheus postoli var inni. Ok þa er þeir komu þar, þa hvarf eingillinn fra honum. A myrkvastofunni voru varðhaudd sterk⁹, ok var hun rammliga læst. En er Andreas postoli kom at myrkvastofunni, þa spruttu upp lasarnir, ok for lios solu biartara i stofuna fyrir honum. En þegar liosit 35 kom i stofuna með postolanum, þa tok Matheus syn, er blindr var aðr baðum augum. Þa varð fagnafundr mikill með postolunum,

¹ [staddr upprisu drottins *B.* ² Af Andrea postola *Overskr. A.* ³

fram *tilf. B.* ⁴ i *B.* ⁵ ok hinn liknsamasti *B.* ⁶ eða her og senere *B.*

⁷ þyðizt *B.* ⁸ Andreas gaf syn Matheo *Overskr. A.* ⁹ mikil *B.*

ok sagði Matheus Andree, hversu hart hann hafði niðrkomit við þa borgarmennina fyrir guðs nafni, ok at þeir hielldu sva fast sinni villu, at þeir skipuðuz eeki við hans predikan til batnaðar. Andreas postoli segir þa: „Guð hef wir mik sendan higat til fundar við þik, broðir, fyrir því at hann vill annars staðar taka avoxt þinna kenninga. Nu skalt þu fara brott heðan or þessi borg ok þagat, sem guð hef wir þer ætlað at fara, en ek mun eiga þrautir við þenna borgarlyð.“ Þa for Matheus postoli brott þaðan ok ut æ Blaland ok predikaði¹ þar guðs eyrindi, ok færði hann þar guði mikinn avoxt sinna kenninga ok liet þar lif sitt fyrir guðs nafni, þa er hann hafði aðr snuit þeim lyð ok gert þa fagra ok biarta i guðs tru [ok sinum kenningum². En þegar er Matheus postoli var brott farinn, þa tok heilagr Andreas postoli at kenna kenningar opinberliga i borginni. En þegar borgarmenn heyrðu hans predikan, þeir er framm voru eggjaðir af diðfuligum krafti at svivirða guðs kenningar, þa toku þeir þegar Andream ok drogu hann um borgina innan sva hart ok umannliga, at a hverium steini ok stræti var hans bloð sieð. Postolinn liet eigi at helldr af kenningum guðs boðorða, sa er fullr var af miskunn heilags anda, ok bað fyrir þeim uverðugum, at guð giæfi þeim riettsyni til sinnar truar ath hverfa. Ok af bæn postolans ok miskunn heilags anda þotti þeim sva mikils vert um styrk hans ok milldleik orða hans, at þa var hann linaztr við þa³, er þeir pindu hann mest. Ok sva mikill krafr guðs fylgði orðum hans⁴, at lyðr sa allr, er grimmaztr var i þeiri borg, tok skirn ok rietta tru ok lofuðu einn guð i þrenningu ok hinn signaða Andream.

4. Siðan for heilagr Andreas brott or þessi borg ok predikaði við guðs orð um austrhelfu heimsins, um Svipioð hina miklu, sem fyrr var getið, sva ok um Asiam ok einkannliga⁵ um Grikland, sem siðarr mun getið⁶ verða i þessi frasaugn. Sem heilagr Andreas postoli bar framm guðlikt predikanar embætti⁷ i nokkuru iarlstriki, kom til hans einn ungr maðr Sostratus at nafni, friðr ok fagr at aliti, en fegri i tru, þvíat hann var vel kristinn. Hann heimti postolann leyniliga a einmæli sva segiandi: „Heyr, heilagr Andreas guðs postoli! Ek er kominn at sækia þitt traust ok heilræði i þeim vanda, sem mer er til handa fallinn; en þat er með þeim hætti, at moðir min likamlig fysz⁸ friðleika minnar asianu, ok optliga telr hun fyrir mer aeggiandi ok biðiandi, at

¹ saal. B; predika A. ² [mgl. B. ³ ok katastr tilf. B. ⁴ postulans B,

⁵ tilf. B. ⁶ sagt B. ⁷ ord B. ⁸ saal. B; fystiz A.

ek skyli henni samþýckiaz til saurlífissýnda, hvat er ek þverliga afneittaði¹, þvíat ek vissi þat guðrækiligan glæp vera. Ok er hun kom eigi framm sinum vilia við mik, þa fylldiz hun af mikilli reiði, farandi a fund iarls þess, sem² stíorn hefuir yfwir þessum heruðum, asakandi mik fyrir hans valldi ok verpandi a mik sinum glæp. En ek staðfesti þat með mer, at þa er ek er asakaðr af henni [fyrir iarlinum³, þa man ek eingu til svara, þvíat ek virði þat heilagligra⁴ ok betra fyrir guði at tyna lífi minu, helldr en ek geri opinbera synd moður minnar. En nu iatta ek þessa hluti fyrir þer, til þess at þu virðiz ath biðia fyrir mer til drott-¹⁰ ins, at ek sie eigi af lífi tekinn saklauss fyrir þenna hlut.“ Ok er þeir tala þessa hluti sín i milli, þa koma sendimenn iarlsins kallandi hinn unga mann á hans fund. En sæll Andreas postoli riss upp eftir bæn gírfa ok ferra með honum. Ok sem þeir koma⁵ fyrir iarlinn, riss upp moðir sveinsins ok rægir son sinn¹⁵ sva segiandi: „Heyr, herra iarl, minn flutning! Þessi hinn ungi maðr gleymdi astuð moðurligrar milldi, viliandi fremia svivirðligan saurlífnað við mik moður sina, ok varla gat ek brott slitiz⁶ or hans haundum, sva at eigi vyrða ek af honum saurgut ok svivirð. Nu biðr ek, at þu gerir mer ríett af honum ok dæmir hann at²⁰ laugum.“ Þa mælti iarl við hinn unga mann: „Seg þu, sveinn, ef þessir hlutir eru sannir, er moðir þín berr at þer.“ En hann þagði eingu orði svarandi. Þa spyrr iarlinn i annan tíma ok þriðia, ok þegir sveinninn sem aðr. Síðan atti iarlinn raðagerð við sina raðgiafa eftirleitandi, hversu þeir skylldu þetta mal dæma. En²⁵ moðir hins unga manz tok at grata. Ok er sæll Andreas sa þat, mælti hann til hennar: „Heyr, aum ok vesol kona, hver þu ut sendir beiskleiks grat sakir þess saurlífs, er þu villdir fremia við þinn son, ok þik frammsteyttir⁷ i sva liota⁸ girnd, at þu ottaðiz eigi at tyna ok tapa þinum einga syni i logandi lostasemi.“ Ok³⁰ [postolanum þetta talanda⁹ mælti konan til iarlsins: „Herra iarl, segir hun, síðan er son minn villdi þa hluti gíra, sem ek sagði yðr, þa hliop hann til þessa¹⁰ utlenda manz ok fylgdi honum, eigi viliandi við hann skilia.“ Ok er iarlinn heyrði þetta, fylldiz hann af reiði bioðandi, at hinn ungi maðr skyllði taka þa pinu, sem³⁵ hinir mestu glæpamenn eru vanir at þola með þeim hætti, at hann skyllði lykia innan i huðkeip, ok þar i hia honum apyniu, hana

¹ neitadi B. ² er B. ³ [og hennar illum latum B. ⁴ helgara B.

⁵ fram tilf. B. ⁶ slitit mig B. ⁷ framsteyptir B. ⁸ myckla B. ⁹

[er postulenn hafði þetta talad B. ¹⁰ hins tilf. B.

ok hauggorm, þeim til pisle aukninga¹, er þann veg var kvaldr, ok sauckva siðan i siofar diup. En Andrean postola bauð iarlinn at setia i myrkvastofu, þar til at² hann væri ok drepinn með firir-hugsaðri kvol. Nu sem þessir voru boðnir allir hlutir af iarlinum
 5 en eigi enn fylldir³ i verki, þa fiell heilagr Andreas til bænar, ok þegar varð hinn mesti landskialfti með þungum ok storum reiðarþrumum, sva at iarlinn fiell til iarðar af [sinum domstoli⁴, ok allir nærverandi menn lagu æ iorðu sakir hræzlu ok ognar þeirar er yfwir þa kom⁵. En moðir sveinsins var lostin af elldingu, ok
 10 [þornaði hun upp ok do⁶ þegar herfiligum⁷ dauða. En iarlinn fiell til fota postolanum sva segiandi: „Miskunna þu oss, guðs postoli, er komnir erum at dauða, at ei svelgi oss iorðin sakir varra synda.“ Ok er hinn agiæti Andreas bað firir þeim, þa lietti af þegar öllum landskialfta, ok kyrðuz reiðarþrumur, ok varð hit
 15 bliðazta veðr. En postoli gieck til allra þeirra, er lagu a berri iorðu skelfdir af otta, ok gerði þa alla heila með sinu boði. En fyrr sagðr iarl tok við guðs orði truandi á sannan guð með [litillæti, ok aull hans⁸ hirð, ok voru skirðir af postola guðs i nafni heilagrar þrenningar. Frelsaðiz með þessum hætti fyrr sagðr
 20 sveinn bæði af lognum aburð ok af likams dauða gerandi guði þackir ok hinum sæla Andree postola.

5. 9 Gratinus¹⁰ hiet einn bondi þeirar borgar maðr, er Sinopensis er kollut. Hans syni bar sva til hryggiliga, at sva sem hann laugaðiz ok þóz¹¹ i kvenna laug, var hann gripinn af diofli
 25 glatandi vitið¹² ok kvalldiz þungliga. En Gratinus sendi bref til iarls þess, er þar var yfir skipaðr, biðiandi at hann bæði hinn heilaga Andrean koma til Sinopensem¹³ borgar at gera þa menn heila með sinum bænum, er þar voru þungliga halldnir, þviat fyrr nefndr Gratinus hafði tekið harða riðusott. En husfreyia¹⁴ hans
 30 bolgnaði upp ok þrutnaði af vatnsott, sva ath hvarki þeira matti ur reckiu risa. Ok af þen iarlsins steig heilagr Andreas upp æ reiðskiota [ok riðr¹⁵ til borgarinnar. Nu sem postolinn gieck inn i hus Gratini¹⁶, þa æsti illgiarn andi sveininn, ok hliop hann á veg fyrir postolann ok fiell til fota honum. En Andreas snubbaði
 35 diofullinn¹⁷ sva segiandi: „Hverf brott þu, uvin allz mannkyns,

1 mgl. B. 2 tilf. B. 3 framkomnir B. 4 [stoli sinum B. 5 var komen B. 6 [saal. B; þo A. 7 hormuligum B. 8 [allri sinni B. 9 Af heilsugiofum Overskr. A. 10 Gracinus her og senere B. 11 þvozt B. 12 vitinu B. 13 Sinopensis B. 14 kona B. 15 [ridandi B. 16 Gracinus B. 17 saal. A og B.

fra þionostumanni guðs.“ Ok þegar hvarf uvinrinn brott veinandi ok kallandi með miklu hareysti, ok varð bonda son alheill á saumu stundu. Síðan geck postolinn til reckiu Gratini bonda talandi þessum orðum: „Af riettum guðs domi sykiz þu með miklum ohægindum, sakir þess er þu hefwir firirlatið þína eigin- 5
liga husfru ok samblandaz saurlifiskonum. En nu ris þu upp í nafni drottins mins Jesu Kristz, ok statt heill a þína fætr, ok misgior eigi heðan í fra, at eigi fallir þu í meira krankdom.“ Ok þegar varð bondi heill ok albætr allrar sottar. Eftir þat sneriz signaðr Andreas til konunnar sva segiandi: „Heyr kona! Girnd 10
ok fysi¹ augna þinna blekti þik, at þu firirlietz bonda þinn ok attir samræði við uheimila menn.“ Síðan bað postolinn til guðs með þvilikum orðum: „Drottinn Jesu Kriste, er af krafti guðdóms þins veitz alla hluti, fyrr en verði, þer er kunnigt, hvat ukomit er um hag konu þessarrar! Biðr ek þína millduztu miskunnsemi, 15
at þu heyrir mik þinn þionostumann, ok veit þu, at kona þessi græðiz því at eins, ef þu veizst hana ei munu aftr falla í fyrra fullifi. Ok ef hon færri sik fra halldit saugðum glæp, þa græðiz hun at þer bioðanda.“ Ok at lyktaðri bæn spratt upp² af konunni mikil vatnras ok fiell niðr um hana alla, ok varð hon á einu 20
augabragði alheil með bonda sinum. En heilagr Andreas tok brauð ok braut ok gaf henni at eta. En hon gerði honum margfalldar þackir, ok truði hun [drotni Jesu Kristo³, ok bondi hennar ok son með ollu sinu hyski. Ok alldri hurfu þau þaðan aftr til þeira fullifissynda, sem aðr haufðu þau í legit. Eftir þetta sendi 25
Gratinus giafir dyrðligar heilugum Andree postola með sinum þionostumonnum, ok litlu síðarr for hann sialfr með husfru sinni æ fund postolans, frammfallandi firir hann ok biðiandi, ath hann þægi giafir þeira. Hverium postolinn sva svarandi⁴: „Heyrit, minir kæruztu! eigi heyrir mer ath þiggia yðrar giafir, helldr byriar 30
yðr at veita þær fataækum monnum ok þurfandum.“ Ok eingan hlut villdi hann þiggia af því sem⁵ honum var offrat. En þau foru aftr til sinna heimkynna lofandi guð ok hinn heilaga Andream.

6. Eftir þessa hluti ferðaðiz heilagr Andreas til Niceam borgar. En þar voru .vii.⁶ dioflar æ almanna vegh í grøfum ok 35
kumlum dauðra manna, ok iafnvel um miðdegi sem aðra tíma. Gryttu dioflarnir alla þa menn, er um þenna veg framm foru⁷, ok særðu suma ok meiddu, ok marga af þeim drapu þeir til dauðs.

¹ fysi *B.* ² utt *B.* ³ [aa drottin Jesum Kristum *B.* ⁴ svarar *B.*
⁵ er *B.* ⁶ fíorer *B.* ⁷ saal. *B.*; fo *A.*

Ok hófðu borgarmenn langan tíma þessi vandræði þolat. Ok er þeim var flutt, at Andreas postoli nalgaðiz þeira borg, þa for allr lyðr¹ ut i moti honum berandi olivukvistu ser i haundum, ok sungu lofsaungva kallandi ok sva segiandi: „Var hialp ok heilsa
 5 er i þínu valldi, guðs þionostumaðr!“ Síðan saugðu þeir honum, hvern haska er þeir hófðu att [ok þolat² langan tíma. Þa mælti postolinn: „Ef þer vilit trúa a drottin Jesum Kristum son guðs, er með helgum anda rikir einn guð i þrenningu, þa munu þer frialsaz³ með hans fulltingi af þessarri ofsokn dioflanna.“ En þeir
 10 kaulluðu sva segiandi: „Aullum hlutum, þeim sem þu predikar, munum wer trúa, ok þínum boðorðum vilium wer giarna hlyða, til þess at wer verðim leystir or þessum vandræðum.“ En heilagr Andreas gerði guði þackir firir þeirra tru ok bauð dioflunum at koma firir sik i augliti⁴ allz borgarlyðs. Ok þegar komu þar .vij.
 15 dioflar i liking storra hunda. Þa sneriz heilagr Andreas til lyðsins segiandi: „Sie her eru nu dioflar, þeir sem⁵ yðr hafva ofsott allt her til. Nu ef þer truit, ath ek megí þeim bioða i nafni drottins Jesu Kristz, at þeir hverfi brott fra yðr, þæ iattið þat firir mer.“ En allr lyðr kallaði sem eins munni talandi: „Truum
 20 wer senniliga Jesum Kristum vera son guðs lifanda, þann sem þu predikar.“ Þa bauð heilagr Andreas dioflunum sva segiandi: „Fari þer i þurra [iðrð ok þa staði, sem eingi⁶ groðr ma upp vaxa, ok gerit eingum manni mein. Ok eigi komi þer i þa staði⁷, sem nafn drottins Jesu Kristz hefuir verit [a kallat⁸, þar til er
 25 þer við takit yðr verðugar pislir i eilífum elldi.“ Ok at postolanum þessa hluti talanda hurfu dioflarnir brott af augliti nærstandandi manna með mikilli ylingu ok grenian, ok [frelsaðiz sva borgarlyðr⁹ af öllum haska. En heilagr Andreas postoli skirði lyðinn ok skipaði þeim byskup Celestinum at nafni, vitran mann ok agiætan,
 30 sa er varðveitti ok fullgerði með hæstu goðfysi þau boðorð, sem hann hafði með¹⁰ tekið af sinum læriföður.

7. ¹¹Fra Niceaborg for heilagr Andreas til siofar ok ætlaði at sigla yfir haf, þat er kallað er Hellispontus. Þetta haf skilr .ii. þriðiunga heimsins Asiam ok Europam¹², þviat firir norðan
 35 er Grikland, en firir sunnan Asia hin meiri. Þetta haf gerir enda a miðiarðarsionum með sinum botni i hinni miklu Svíþjóð. I þenna

¹ borgarlydr B ² [at þola B. ³ frelsazt B. ⁴ augsyn B. ⁵ er B.

⁶ [staði, þar sem eingi avoxtr eda B. ⁷ með öllu tilf. B. ⁸ [og allt B.

⁹ [frelsaði so heilagr Andreas borgarlydinn B. ¹⁰ saal. B; ut A. ¹¹ Af

40 ferðum Andree Overskr. A. ¹² Europiam B.

botn fellr ofvan af Svipioð hin mikla æ, er heitir Tanais eðr Taqvil, ok gerir þetta vatnfall þar umskifti æ fyrr saugðum heimsins þriðjungum. Nu sem Andreas postoli stigr a skip með sinum maunnum, ætluðu þeir at sigla til Miklagarðz, er i þann tíma var kollut Bizancium¹. Ok er þeir voru komnir [i sialft megin-⁵ hafit², þa gerði at þeim æði storm veðrs með storum bylgium ok siofarfalli, ok tok at kefia undir þeim skipit með afollum, ok þotti öllum ser raðinn bani. Ok er þeir biðu þann veg haska dauðans, bað heilagr Andreas firir þeim til drottins bioðandi storminum af at lietta ok bylgium siofarins at lægiaz. Hvat er þegar varð eftir¹⁰ hans boði, ok varð hit hægazta logn³ a sionum ok hit bliðazta kyrviðri⁴. Ok sva leystir or öllum haska sigldu þeir glaðir ok katir til Bizancium borgar lofandi guð ok hinn heilaga Andrean hans postola.

8. Ok er signaðr Andreas hafði dvaliz i Miklagarði, sem honum þotti fallit, sneri hann sinni ferð til þeirra rikia i Griklandi,¹⁵ sem Tracias eru kollut. Ok er hann gieck leiðar sinnar um dag með sinum lærisveinum, sa þeir um langt mikinn fiölda vapnaðra manna moti ser fara með brugðnum sverðum, [spiot ok skiolldu⁵ i sinum haundum berandi. Ok þegar þeir nalguduz, þa villdu þeir á þá ráða; ok er þat sa heilagr Andreas postoli, þa gerði²⁰ hann krossmark i moti þeim sva segiandi: „Bið ek, drottinn, at falli uvinrinn forstiori þessarra manna, sa er þa eggjar þessa hluti at gera, skelfiz þeir af guðligum krafti ok geri þeir ecki mein væntandi monnum i þer.“ Ok þegar⁶ postolinn hafði sva talað, birtiz eingill drottins með mikilli birti ok liosi farandi firir þeim²⁵ moti þessum hermonnum, takandi þeira brugðin sverð ok spiot sva dasamliga, ath allir hermenn fiellu þegar til iarðar firir guðligum krafti, ok postolinn⁷ framm yfir þa með sinum faurunautum. En eingill drottins hvarf brott af⁸ þeira augliti með miklu liosi, en hermenn allir kostuðu fra ser sinum sverðum ok vapnum ok runnu³⁰ sva vapnlausir til postolans frammfallandi honum til fota, vegsamiandi ok dyrkandi guðligt stormerki [með allri goðfysi⁹.

9. Heilagr Andreas postoli for siðan til þeirrar borgar er Pervitum heitir¹⁰. I þessarri borg bygðu tveir bræðr, ok atti annarr þeirra .ij. sonu, en annarr .ij. dætr. Þeir bræðr voru³⁵ harðla rikir at auðæfum ok hinir gøfguztu at kyni umframm alla¹¹ sina samborgarmenn. Ok einn tíma talar sva annarr þeirra til

¹ Brencium B. ² [a sialft hafsmegnit B. ³ vedr B. ⁴ logn B. ⁵ [spiotum og skiolldum B. ⁶ er tilf B. ⁷ foru B. ⁸ fra B. ⁹ [mgl. B.
¹⁰ er nefnd B. ¹¹ adra tilf. B.

sins broður: „Sie her, segir hann, við erum nú¹ ríkir ath auð-
æfum ok fjarhlutum, ok er eingi sa af ockrum samborgarmonnum,
er makliga samteingiz ockru afkvæmi. [Nu kom þu, ok gerum
samfelag ockar i millum, bæði þat er gozi til heyrir ok sva
5 maunnum². Synir minir taki dætr þinar ser til eiginkvenna, ok
samteingium með þessum hætti ockarn ríkdóm.“ Þessi raðagerð
líkaði vel broður hans, ok gerðu sáttmal með ser staðfestandi
[þessa samkvæmd með tilheyrligum heimanfylgium, hverium³ hinir
ungu menn skylldu við taka þa þegar i sitt hlutskifti. En at
10 akveðnum brúðhlaupsdegi þa vitraðiz fyrr saugðum bræðrum drott-
inn værr⁴ i syn sva segiandi til þeirra: „Eigi skulu þit samteingia
sonu yckra ok dætr, þar til er kemr til yðvar minn postoli, sa er
Andreas heitir, þviat hann mun yðr syna, hvat yðr byriar⁵ gera.“
Eftir þetta hvarf drottinn fra þeim at syn. En þeir baru saman
15 með ser þessa vitran. Nu⁶ var firirbuin brúðhvilu⁷ skemma ok
boðsmenn samankallaðir, ok allr brúðkaupligr viðbunaðr⁸ var til
reiðu, ok allt eins biðu þeir postolans. Ok a hinum þriðia
degi þaðan fra kom Andreas til borgarinnar. Ok er þeir sa
hann, fognuðu þeir honum með mikilli gleði, ok geingu i moti
20 honum með kertum ok koronum, ok fiellu honum til fota
sva segiandi: „Ver hofum biðat⁹ þinnar tilkvamu með ugg ok
otta, heilagr guðs postoli, at þu skylldir oss kunnigt gera þat er
væ skulum gera, þviat oss var þat vitrað af guði þinum, at væ
skyldim þer hlyða ok eigi samteingia vara sonu ok dætr, fyrr en
25 þu kiæmir at boða oss hialparvegh.“ Asiana hins heilaga Andree
var þa sva biort ok skinandi sem sol, sva at allir dasaumðu
ok dyrkuðu guð. Þa talar postolinn til þeirra: „Ei skulu þer,
synir minir, bleckia sialfa yðr, ok ei vili þer [svikia þessa¹⁰ ungu
menn með uleyfiligu sambandi, a hverium er birtaz mun siðarr
30 riettlætis avoxtr, helldr geri þer iðran [firir þat er þer misgerðut¹¹
við guð¹², at þer villdut með hiuskap samteingia sva naskyllda
menn at frændsemi. En eigi fyrirmsam wer i þessum orðum laug-
ligan hiuskap, þviat hann er eigi forðandiz, með því at guð hefwir
boðit fra upphafi heims, at karlmaðr skyllði samlagaz konu,
35 helldr firirdæmum wer baunnut frændsemispell ok ulofaða hordoma.“
En er postolinn talaði þessa hluti, komuz við feðgin hinna ungu

1 miog B. 2 [mgl. B. 3 [þetta samband með tilheyrligre heiman-
fylgiu, hveria B. 4 vorn Jesum Kristum(!) B. 5 at tilf. B. 6 Sem
nu B. 7 brudlaups B. 8 tilf. B. 9 bedit B. 10 [gipta þessa hina
40 B. 11 [mgl. B. 12 Her er udskaaet et Blad i B.

manna með mikilli iðran ok saugðu sva: „Biðium wer þik, herra, at þu biðir firir oss til guðs þins, at hann likni oss, þviat wer gerðum synd ovitandi.“ En sva sem hinir ungu menn sá yfirlit postolans skina sva biart sem sol eðr guðs eingill, þa mæltu þau við hann: „Mikil ok harðla skiær er kenning þin, heilagr guðs 5 vin, ok vissu wer eigi þvilika hluti fyrr. Senniliga kennumz wer nu við, ath wer hofvum misgert moti guði þinum.“ Þa mælti postolinn: „Varðveiti þer an saurgan þa hluti, sem þer heyrðut af minum munni, at drottinn sie með yðr, ok ath þer skilit(!) taka verkkaup yðvars starfs i eilifu lifi, þat er stendr með eingri enda- 10 lykt.“ Siðan skirði postolinn þetta folk allt ok siðaði i sannri tru gefandi þeim sina blezan, ok skildiz sva við þau.

10. At þessum hlutum giørfum ferðaðiz heilagr Andreas til Pervitum borgar Tracie rikis, ok fann hann þar kaupskip, þat er ætlaði at sigla til Macedoniam. Þa birtiz postolanum guðs eingill 15 ok bauð honum a þat skip upp stiga ok kynna þeim sannan guð. Ok sva giørði hann, at hann predikaði þeim a skipinu guðs orð, þar til at styrimaðr ok allir þeir, sem með honum voru, truðu a drottin varn Jesum Kristum ok vóru skirðir af postolanum, ok gerði sæll Andreas guði margfalldar þackir firir sina milldi ok 20 miskunn, sa sem iafnvel æ sio sem landi gefr maunnunum ath heyra ok skilia sina predikan, hvar firir þeir trua á eingetinn son almattigs guðs.

11. I þeirri borg a Griklandi, er Thessalonica heitir, var noçkurr ungr maðr Exuus at nafni, harðla rikr ok gaufugr bæði 25 at ætt ok auðæfum. Hann leyndiz brott fra fauður ok moður at þeim ovitandum ok sækti á fund hins heilaga Andree postola frammfallandi honum til fota, biðandi ok sva mælandi: „Biðr ek þik, blezaðr guðs postoli, at þu synir mer sannleiks gautu, þviat ek viðkennumz, at þu ert senniligha þionostumaðr þess, er þik 30 sendi til varra heraða.“ En heilagr Andreas varð þessu feginn ok predikaði honum drottin varn Jesum Kristum, ok truði hann þegar á guð fylgiandi postolanum, ecki hirðandi um sin feðgin ok einga ahyggiu berandi firir sinum auðæfum. En er faðir ok moðir saukn- uðu hans, þa leituðu þau hans við, ok um siðir heyrðu þau sagt, 35 at hann myndi vera með Andrea postola i þeirri borg, er Philippis heitir. Siðan foru þau þagat berandi með ser dyrgripi ok mikil auðæfi, ok ætluðu þau með fiegiofum at skilia son sinn fra postolanum. En hann villdi eigi at helldr við hann skiliaz, ok mælti sva til sinna feðgina: „Giæfi guð, ath þit ættið þessi auðæfi til 40

þess, at þit viðkendir skapara heimsins, sa sem sannir guð er, at þit mættið sva frialsa salur yckrar af koma munandi reiði.“ Hinn heilagi Andreas steig niðr ur lopthusi nokkuru, því sem hann var i, ok predikaði þeim guðs orð. En er þau villdu ecki til þess
5 hlyða, þa fór postolinn aftr til sveinsins ok byrgði dyrr á husinu, þar sem hann var inni. Siðan kōlluðu feðgin sveinsins saman með ser mikinn mannfōlda ok ætluðu at brenna inni son sinn i því sama husi, ok saugðu sva: „Firirfariz sveinn þessi illum dauða, er hafnar ok hatar sin feðgin.“ Siðan baru þeir elld at husinu
10 ok lōgðu i næfrar ok spōnu ok aðrar elldkveykiur, þær sem elldnæmaztar vōru, ok toku at brenna husit. Ok þa er loginn stoð i lopt upp, tok hinn ungi maðr eitt litið vatzker, þat er ampull heitir, sva talandi: „Heyrþu, drottinn Jesu Kriste, bæn mina, i hvers valldi er allar hofutskepnunnar(!) saman standa ok þeira
15 nattura! þu vōkvar þurra hluti, en þurkar vata hluti, þu kiælir elldliga hluti, en kveykir upp kolnaða hluti; slauck þu elld þenna með þinum almætti, ath þinir menn sliofiz eigi ne slokni fra þinum astarhita, helldr upptendriz¹ þeir ok hitni til sannrar truar.“ Ok þetta segiandi dreifði hann vatninu ur ampullanum² niðr i balit³
20 ok sloknaði þegar i stað [allr þessi elldr⁴ sva giorsamliga, sem hann⁵ hefði alldri kveyktr werit. Ok er hans feðgin sa þat, mæltu þau: „Sie her undr ok fadæmi, hversu fōlkunnigr ockarr son er vorðinn.“ Eftir þat settu þau stiga við loftið ok ætluðu sva [atgaungu veita með vapnaða menn ok drepa þa⁶ með sverðum. En
25 drottinn blindaði augu þeirra, sva at þeir sa eigi [gradur stiganna⁷ ok fiellu iafnframm ofvan, sem þeir ætluðu⁸ upp at stiga. Ok er þeir stoðu i þessum illvirkium, þa tekr til orða einn af borgarmaunnum, sa hiet Lisimacus⁹ sva segiandi: „Heyrit, heimskir menn! til hvers starfi þer þessa hluti með þarflausu erfði? Siai
30 þer ei, at drottinn berz firir þessum maunnum moti yðr? Liettið¹⁰ af þessi heimsku, at eigi verði þer slegnir með himneskri reiði.“ Ok [við þessi hans orð¹¹ komuz þeir allir miðk við [af sinu hiarta¹² ok mæltu sva: „At visu er sa sannr guð, er þessir menn dyrka, hvern wer hofum¹³ ofsótt með varum illgerðum.“ Ok er þeir tōluðu
35 þetta, með því at þa var vorðit myrkt af nott, þa skein hit biart-

¹ Her beg. atter B. ² amplanum B. ³ elldinn B. ⁴ [allt þetta bal B. ⁵ saal. ogsaa B. ⁶ [at þeim at ganga vopnadir og drepa postulann B. ⁷ [at ganga upp stigana B. ⁸ dirfduzt B. ⁹ Licimacus B. ¹⁰ Latit B. ¹¹ [af honum þessa hluti talanda B. ¹² [i sinum hiortum B.
40 ¹³ tilf. B.

azta lios yfir þeim, ok af þessu liosi lukuz upp augu þeira allra, er aðr voru blindir vorðnir, sem fyrr sagði. Síðan stigu þeir upp til postolans ok fundu hann veranda á bæn, ok fiellu þegar til fota honum¹ kallandi ok segiandi: „Biðium wer þik, herra, at þu biðir firir oss þrælum þinum, þviat wer hofum verit² blektir af þungri villu ok [sieð ei³ hit sanna.“ En sva var mikil þeira viðkomning ok hiartalig iðran, at fyrr sagðr Lisimacus undraði sva segiandi: „Senniliga er Jesus Kristr son guðs lifanda, þann er predikar⁴ heilagr Andreas hans⁵ þionostumaðr.“ Eftir þat reisti postolinn þa upp ok styrkti þa i heilagri tru ok kristiligu siðferði.¹⁰ En faðir ok móðir hins unga manz voru sva hørð ok grimm i [sinum hiortum⁶, at þau villdu vist eigi trua guðligum almætti, þott þau sæi þvilik stortakn, helldr firirlietu þau son sinn með miklu hatri aftr farandi til sinnar fostriarðar. Ok alla þa eign ok arf, er sveinninn atti eftir þeirra dag, gafu þau upp uskylldum¹⁵ monnum með opinberum handsaulum ok þeim skilmala, at þeirra son skyllði alldri þar af fa einn⁷ minzta penning. En eftir fimtigi daga liðna fra þessu do þau bæði með skiotum dauða á augabragði einnar stundar. En er borgarmenn urðu þess visir, þa varðveittu þeir uskaudd aull auðæfi hins unga manz, þviat þeir elskuðu hann²⁰ sakir sins goðleika ok hofsemi, ok [tok hann⁸ upp alla sina fõðurleifð⁹ ok eignaðiz alla þa hluti, er feðgin hans hõfðu átt. En eigi at helldr skildi¹⁰ hann við Andream postola. En hann gaf ok veitti leigur ok avõxtu iarðanna i¹¹ nauðsyniar ok olmosur fataekra manna¹², utlendra ok hertekinna ok annarra þurfandi manna.²⁵

12. Eftir þessa hluti bað hinn ungi maðr Exuus Andream postola, at þeir skyllði ferðaz baðir til Thesalonícam borgar, i hverri hann atti fyrr saugð auðæfi. Ok er þeir komu þar, þa saufnuðuz saman allir¹³ frændr ok vinir [ok faugnuðu honum¹⁴ með mikilli gleði. Ok [allir samankomandi¹⁵ i einn stað a nœckuru³⁰ fõgru leikmoti predikaði hinn ungi Exuus sinum borgarmaunnum guðs eyrindi, sva at hinn heilagi Andreas þagði hia[, dasamandi þa vitzku ok speki¹⁶, er guð hafði honum gefit. En borgarlyðrinn kallaði sva segiandi: „Gior þu heilan son Carpiani vars borgarmanz¹⁷, þviat hann hefuir harðla leingi legit i þungri sott, ok³⁵

1 fram a golfit *tilf.* B. 2 *tilf.* B. 3 [hofum eigi sed B. 4 bodar B.

5 guds B. 6 [sinu hiarta B. 7 enn *tilf.* B. 8 [gafu honum B

9 ur almenningu *tilf.* B. 10 skildizt B. 11 *saal.* B; 7 A. 12 og *tilf.* B.

13 allr borgarlydr B. 14 [hins unga manz, og er þeir sau hann, faugnudu þeir B.

15 [saman komnum aullum B. 16 [dasemd þeiri B. 17 samborgarmanz B. 40

munum wer þa trua a Jesum, þann er þu predikar.“ Þa svaraði Andreas: „Eingi hlutr er guði umattuligr¹. En til þess at þer truit æ hann, þa leiðit [hinn unga mann² firir vart auglit, ok mun Jesus Kristr græða hann af allri sott.“ Þa for faðir [hins siuka sveins³ til sins herbergis ok sagði syni sinum: „I dag munt þu heill verða, minn elskuligi son Climathe.“ Sva hiet hann. Sveinninn mælti: „Nu sannaz draumr minn, faðir, þvíat ek sa i syn þenna mann, er mik mun græða.“ Ok þessa hluti talandi klæddiz hann skiotliga sinum klæðum [ok reis upp þegar ur recki-
 10 unni ok rann með sva skiotri ferð, at⁴ faðir hans ok moðir gatu eigi fylgt honum, fallandi til fota postolanum gerandi honum margfalldar þackir firir veitta heilsugjöf. En allr lyðr undraði⁵ ok dásamaði þetta stortakn⁶, er þeir sa þann ganga, er æ þrim vetrum ok tuttughu hafði alldri mátt or reckiu risa, ok lofuðu
 15 þeir ok dyrkuðu af ollu hiarta almatkan guð sva segiandi: „Eingi er likr þeim guði sem Andreas predikar.“

13. Einn bondi rikr af fyrr saugðum borgarlyð⁷ atti son diöf-uloðan. Þessi maðr bað heilagan Andream postola sva segiandi: „Biðr ek þik, guðs maðr, at þu gerir heilan son minn, þvíat hann
 20 er kvaldr⁸ af diöfli.“ Ok eftir þetta vissi uhreinn andi sik myndu vera brott rekinn fra sveininum. Sveik hann hann⁹ ok teygði hann i einn leyniligan kofa, ok heingdi hann sik þar i snauru, ok snaraði uvinrinn með þessum hætti ur honum salina. En er faðir hans kom heim, fann hann son sinn dauðan, ok tok hann¹⁰ at
 25 grata þessi hin aumligu tilfelli talandi sva til sinna vina ok þionostumanna: „Berit lik sonar mins ut a þann¹¹ völl, sem allr lyðr er saman kominn, þvíat ek treystir ok truir, at þessi hinn nykomni gestr, er predikar sannan guð, mun mega¹² uppreisa minn son.“ Síðan gerðu þionostumenn sem bondinn mælti, ok settu
 30 niðr likit firir fætr postolanum segiandi honum, hversu sveinninn hafði kyrktr verit af diöfli. Þa mælti faðir sveinsins: „Truir ek, heilagr faðir¹³, at minn son mun mega af dauða risa firir þinar bænir ok verðleika.“ Þa sneriz heilagr Andreas til folksins sva segiandi: „Heyrit allir lyðir þessar¹⁴ borgar! Hvat mun yðr
 35 stoða, þa er þer siait þessa hluti verða, er þer vilit eigi a guð

1 omatugr B. 2 [bingat hinn siuka svein B. 3 [hans B. 4 [risandi þegar i stad upp ur reck(i)unni, rennande med svo skiotri ras til þess plaz er Andreas postuli predikade, svo B. 5 undradizt B. 6 stormerki B. 7 borgarmonnum B. 8 illa halldenn B. 9 sveinninn B. 10 miog tilf. B.
 40 11 þenna B. 12 til lifs tilf. B. 13 guds postuli B. 14 thesalonicensis B.

trua?“ Þeir svöruðu: „Efaz þu eigi i því, guðs maðr, at ver skulum allir a þinn guð trua, ef þu lifgar þenna dauða svein.“ Ok [eftir þessa hluti talaða¹ mælti postolinn til hins dauða: „Ris upp, hinn ungi maðr², i nafni vars herra Jesu Kristz.“ Ok þegar lifnaði hann ok reis upp alheill lofandi guð ok hinn heilaga 5 Andream postola. En allr lyðr tok at ottaz mikilleika taknins kallandi ok sva segiandi: „Þörf vinnr oss þetta til sannrar truar, ok truum wer nu allir [þeim guði, er þu predikar³. Siðan leiddu þeir postolann heim til herbergis með kveiktum⁴ kertum ok lysandum skriðliosum, þvíat nattartimi var kominn, innleiðandi hann i 10 borgina með miklum⁵ fagnaði, ok þar dvaldiz postolinn þria daga, lærandi þa ok semiandi til algjorrrar truar vars herra Jesu Kristi.

14. A einhverium degi þa er heilagr Andreas postoli geck leiðar sinnar með sinum lærisveinum, bar sva til, at einn blindr maðr kom i moti þeim kallandi ok sva mælandi: „Heyr, Andrea 15 guðs postoli! Veit ek, at þu mátt gefa mer syn mina, en eigi vil ek fyrri taka syn, en þu byðr þeim sem þer fylgia, at þeir fai mer fie nockut, af hveriu ek megí fa mer nogliga mat ok klæði.“ Postolinn svarar: „Þetta er eigi manz raudd, er þessi mælr, helldr fianda, er eigi villdi, at guðs takn syndiz á honum⁶, at 20 hann tæki sina syn.“ Siðan lagði hann hendr sínar yfir augu hins blinda manz, ok tok hann þegar syn sina lofandi guð. En er hann var klæddr herfilighum klæðum⁷, mælti Andreas: „Takið brott af honum þessi hin saurgu klæði ok gefit honum nyian klæðnat.“ Siðan afklæddu þeir hann. Þa mælti Andreas, at hann 25 skyldi taka slikt sem hann þurfti. Ok at alklæðnaði teknum for þessi maðr fra fundi postolans til sins heimilis lofandi ok dyrkandi guð ok hinn sæla Andream postola.

15. 8I þeirri borg, er Philippis er kollut, var sa maðr er Medias hiet, harðla ríkr at fie, grímmr ok harðbrystr. Son þessa 30 ríka mannz la siukr með miklum vanmætti. Hann for á fund heilags Andree postola sva segiandi: „Heyrþu⁹ guðs maðr! biðr ek, at þu gerir heilan son minn, þvíat hann er miðk vanmegn at öllum likama.“ Ok er hann mælti þetta miðk gratandi, þa þerði postolinn kinnr hans ok augu af tarum ok grati sakir sins hug- 35 giæðis, er hann matti ecki aumt sia, huggandi hann ok bliðkandi

1 [þeim þvílíka hluti talandum B. 2 sveinn B. 3 [a þann gud, er predikar heilagr A. guds þionustumadr B. 4 tilf. B. 5 pris ok tilf. B. 6 þessum manni B. 7 tautrum B. 8 Af ríku manni Overskr. A. 9 Heyrande mik B.

með sinni hendi ok mælti: „[Styrkz þu¹, son minn, ok huggaz ok tru a guð, ok mun fyllaz þinn goðr vili.“ Síðan tok hann² i haund honum ok for³ til borgarinnar Philippis, ok er þeir geingu inn i borgarhlið, rann i moti þeim einn gamall maðr biðandi með
 5 tarum hinn heilaga Andream veita ser hialp [ok sonum hans⁴ tveimr, hveria [fyrir nefndr⁵ Medias hafði halldit langan tima i myrkvastofu ok fíotrum fyrir nokkura mikla afgerð með sva harðri pinu, at fiellu sar a likami þeirra ok [funaði holldit⁶. Þa sneriz Andreas postoli til Mediam bonda sva segiandi: „Heyr,
 10 maðr, segir hann, þu biðr, at græðiz son þinn, en þu helldr i myrkvastofu ok baundum þa menn, er funa upp kvikir. Nu ef þu vill, ath guð heyri bænir þinar, þa leys þu fyrir fíotur af veslugum maunnum, til þess at son þinn leysiz af sinum krank-
 15 bænum.“ Þa fiell Medias til fota postolanum kyssandi þa⁸ sva talandi: „Ek skal senniliga leysa þessa .ii. menn or myrkvastofu ok aðra .vii., af hverium þu heyrðir ecki⁹ sagt, til þess at son minn fai sina heilsu.“ Þa bauð hann, at þessir allir væri [leystir ok¹⁰ leiddir fyrir postolann, ok sva var gert. En heilagr Andreas
 20 lagði sínar hendr yfir þa ok hreinsaði¹¹ sar þeirra ok gaf þeim fulla heilsu eftir þria daga liðna, leysandi þa sva or allri anauð¹², gefandi þeim frelsi, ok foru þeir brott lofandi guð ok sælan Andream. En á auðrum degi eftir þessa hluti gieck Andreas til hins siuka sveins¹³ sva segiandi: „I nafni drottins Jesu Kristz,
 25 þess er mik sendi higat at lækna þinn siukleik, riss upp heill or þinni sæng.“ Síðan tok postolinn i haund honum² ok reisti hann upp, ok þegar æ saumu¹⁴ stundu varð hann alheill¹⁵ lofandi guð fyrir veitta velgerna. En hann¹⁶ hiet Philomedis ok hafði legit i kaur mattlaus .ii. vetr ok tuttugu. Þa tok allr lyðr at
 30 kalla sva segiandi: „Græð þu ok vara siuka menn, hinn agiæti guðs vin.“ En er hann¹⁷ heyrði akall lyðsins, mælti hann við Philomedem¹⁸: „Far þu til herbergia siukra manna ok bioð þeim upp risa i nafni vars herra Jesu Kristz, i hvers krafti þu ert heill

35

1 [Styrkstu B. 2 tilf. B. 3 foru B. 4 [sonum sinum B. 5 [þessi same B. 6 [funudu so þeira holld B. 7 er B. 8 og tilf. B. 9 fra tilf. B. 10 [tilf. B. 11 sva tilf. B. 12 og prisund tilf. B. 13 þar sem hann la i reckiunne tilf. B. 14 samri B. 15 heill gangandi og B. 16 þessi enn ungi maðr B. 17 postolinn B. 18 sveininn

40

Philopendem B.

vorðinn.⁴ Síðan¹ fór hinn ungi² madr um hus og herbergi siukra manna kallandi á nafn Jesu Kristz. og urdu allir heilir sinna sotta, með hverium krankleika sem hverr var halldinn, og trudi allr borgarlydr ær gud, og færdu postulanum dyrligar gíafir bídíande hann kenna sier enn framár guðlig bóðorð. Enn postul- 5 inn predíkadi þeim sannan gud, en ongvar þeira gíafir þíggiandi, og urdu þeir skíott algíorvir í kristilígrí tru.

16. Einnhverr auðígr madr at fíarhlutum en fatekr at tru var í þeim herorðum, er Andreas postulí kenndí kenningar, hann hafdí fíorðá þíonustumanna með sier. Einn var sa hans þíonustu- 10 madr, er honum var míklu kærri en aðrír, en sa var egífskr at kyne, hann tok ríðusott so harða, at hann andadízt nær ær hínne somu stundu. Hans lanarðrottinn harmadí míog dauda sveínsíns, farandi til fundar vír Andrean postula, þvíat hann heyrdí marga dasamlíga hlutí af honum sagða. Hann fíell til fota postulanum 15 og mæltí með tarum: „Því treystír ek, guðs madr, at þú matt gera alla hlutí þá er þú víllt. Sveinn mín, sa er ek unna míkít, er nú daur, og bíd ek, at þú farer til hus míns og geter líf sveíneinum.“ En er postulinn heyrdí þetta, þá fór hann til hans herbergís, og var þar fírír míkíll mannfíorlí. Þá taldí Andreas 20 postulí leínge tru fírír þeim, at þeir tæki heílsu andar sínna. Eptír þat snerízt postulinn til bænna, þar sem líkít lá, og mæltí: „Eg segi þíer, sveinn, rís upp þú í nafní ðrottíns Jesu Kristz og statt upp heíll.“ Þá reis sveínnenn þegar af dauda alheíll, og selldí Andreas postulí hann sínum lanarðrottne. Þá toku aller 25 tru, þeir er þar voru vír stadder, ok skírduzt í nafní foor og sonar og heíllax anda og lofuu guð og hinn heíllaga Andrean postula.

17. Síðan fór heíllagr Andreas postulí til þeírar borgar, er Níchomedia heítír, og er hann nalgadízt borgarhlíðen, þá foru 30 menn út í motí honum úr borgum(!) með lík eíns ungs manz. Þar var og í for með þeim faðír og moðír sveínsíns með mycklum harme, so at faðír var stuðr og upphalldínn af honum sínná manna megandi varla gíora líkfylgíu síns sonar. Enn moðír hrum af eíllí reyttí síg at lyktum lokum(!) kveínkande og so segíandi: 35 „Vei míer vesællí, er mín allr skal allt vera framleíðr á þann tíma, at eg skal þann vítbunat ok þá bídstund hafa míns dauda at pínazt nú þegar af dauda sonar míns, og eru slígt þung aurlog.“

¹ Ok at aullum lyd dasamanum B. ² Her mgl. 2 Blade í A, der ere udfyldte efter B.

Og er þau kolludu gratandi þessa hluti og þessum líka fylgiande
 líkinu, kom til heilagr Andreas postuli heyrandi þeira harm, og
 huggadi þeira sut sem margra annarra og mælti: „Bid ek, at
 þier segit mier, hversu at barzt um líflat þessa unga manz, er
 5 hann for so skíott fram af þessu lífi.“ Fadir hans og modir
 mattu aungu svara sakir harms og trega, en þionustumenn svara
 og sogdu, at (er) þessi hinn ungi madr hafði verit staddr einn
 saman i nockuru litlu husi, komu at honum ovartt .vii. hundar
 storir, og redu þegar a hann og rifu hann i sundr og bitu til
 10 bana, og do hann af þessum harmkvælum. Og er heilagr Andreas
 postuli heyrði þetta, andvarpadi hann hatt og rendi augum til
 himens so mælandi með tarum: „Þat veit ek at sonnu, drottinn
 minn, at dioflar hafa um hann setit, þeir hinir somu sem ek burt
 rak ur Nicea borg, og honum bana veitt. Enn nu bidr ek þik,
 15 hinn godgiarne Jesus, at þu reiser hann af dauda, at eigi fagni
 motstadligr ovin allz mannkyns af hans dauda.“ Sidan mælti hann
 vit faður sveinsins: „Hvad muntu gefa mier, ef ek gíore heilan
 son þinn?“ Hann svarar: „Ecki hefi ek dyrlígra til at gefa
 þier en son minn sialfan, ef hann ris upp af dauda til lífs af
 20 þínu bodordi.“ Þa retti heilagr Andreas postuli hendr sínar til
 himna og bad til guds a þessa lund og mælti: „Bidr ek þik,
 almattigr gud drottinn minn, at aptr hverfi aund þessa sveins til
 sins líkama, at af hans upprisú snuizt hann og margir adrir til
 þín at firirlatnum skurgodum, og verdi hans lífgíof til andarheilsu
 25 aullum villtum monnum, at eigi verdi*

du** ok mæltu: „Mikill er guð Jesus Kristus, sa er Andreas boðar.
 Þa toku feðgin sveinsins margar gíafir ok gersimar ok gafu syni
 sinum. En hann færði þær allar postolanum, hveriar Andreas
 30 postoli villdi með eingu moti þiggia, helldr skirði hann þann lýð
 allan, er i þeirri borg var, með fullri tru ok íatningu heilagrar
 þrenningar. En svein þenna hafði Andreas með ser til Macedoniam
 borgar kennandi honum hialpsamlígan fróðleik, ok gerðiz hann
 lærisveinn postolans.

35 18. Þa er heilagr Andreas postoli for veg sinn með síofar-
 straundu með mörpum lærisveinum sinum, þa barz sva at, at
 síorrinn kastaði upp firir fætr þeim líki einu klæðlausu með ulla.
 Postolinn varð glaðr við þenna atburð ok mælti: „Þat býriar at
 reisa þenna mann af dauða, at ver vitim, hvershattar maðr þessi

40 * Her er en Lacune i B; jvfr. ovenfor S. 332²⁰-332²⁵. ** Her beg. atter A.

hefir verit, eðr hveria hluti uvin mannkynsins hefir moti honum
 framit.“ Síðan fiell heilagr Andreas til bænar ok bað til guðs.
 Eftir þat tok hann i haund hinum andaða ok lypti honum upp,
 ok lifnaði hann þegar. En er hann hafði eingi klæði, þa gaf
 Andreas honum kyrtil sinn ok mælti: „Seg þu mer tilstöðu ferðar 5
 þinnar ok alla atburði.“ Hann svarar: „Eingu mun ek þik leyna,
 hvat manna sem þu ert. Ek heiti Philopator, ok er ek son
 Sostrati gaufugs manz or Macedonia borg. Ek hafði nyliga komit
 af Italia heim til faður minn. En er ek var heim kominn, heyrði
 ek sagt fra kenningum þeim nyium, er eingi hafði fyrr heyrt 10
 þvilikar, þar með heyrði ek sagt fra storum iarteignum ok heilsu-
 giðfum siukra manna, er nokkurr ukunnr lærifaðir gerði, sa er sik
 taldi vera lærisvein hins sanna guðs. En er ek heyrði sagða fra
 honum þessa hluti, fystumz ek hann at finna, þviat ek ætlaði, at
 hann myndi sialfr guð vera. En þa er ek siglði með faurunautum 15
 minum, þa gerði at oss siohrið mikla með stormi ok storum
 bylgium, sva at skipinu kastaði undir oss ok hvelfdi, ok druknuðu
 wer allir flórir tighir manna. En þess villdi ek nu æskia, at
 uppkastaði likum þeirra allra, er mer fylgdu, ok væri þeir ok
 lifgaðir af þer sem ek.“ En er hann hafði þetta mælt, þa horfði 20
 hann a postolann ok hugði, at þar myndi kominn sa sami guðs
 maðr, er hann hafði leita farit; hann fiell þa til fota postolanum
 ok mælti: „Veit ek at saunnu, at þu ert þionostumaðr hins hæsta
 guðs. Nu bið ek þik firir minum kumpanum, at þeir lifni af
 þinum verðleikum ok megi kenna sannan guð skapara sinn, þann 25
 er þu predikar.“ Þa tok heilagr Andreas fylldr af heilugum anda
 ath boða honum staðfastliga sanna tru. Hinn ungi maðr undraði
 miðk kenning hans. Síðan hiełlt postolinn haundum til himins
 ok mælti: „Bið ek þik, drottinn minn, at þu synir mer lik þess-
 arra manna allra, er tynduz með Philopatore, at þeir kenni þik 30
 sannan guð.“ En er hann hafði þetta mælt, þa sa þeir þegar lik
 allra þeirra manna, er tyndz höfðu, einu minnr en .xl. kasta upp
 her ok hvar a landit. Þa tok hinn ungi maðr at grata, ok allir
 þeir sem við voru staddir, ok fiellu til fota postolanum, biðiandi
 at hann giæfi lif ǫllum þessum maunnum i guðs nafni. Philopator 35
 mælti þa: „Faðir minn sendi mik higat með miklum fjarhlut
 sakir goðs vilia fandi mer alla nauðsynliga hluti til ferðar. En
 ef hann spyrr misfarar minar, þa mun hann lasta guð þinn ok
 hafna kenningu þinni. En ei villdi ek, at sva vyrði.“ En er þeir
 grietu allir, þa bað postolinn, at þeir skyłldi saman safna likunum, 40

þviat þeim hafði dreift upp kastað. Ok at þeim saman komnum i einn stað mælti Andreas við Philopatore: „Hvern vill þu fyrstan láta uppreisa?“ Hann svaraði: „Gnaram fostbroður minn.“ Þá fiell Andreas a kne ok hiełlt haundum til himna ok bað leingi
 5 með tarum til guðs ok mælti: „Heyrðu, Jesu hinn goðgiarni guð! Reis upp þu þenna hinn dauða, er fostraðr hefir verit með Philopatore, at hann við kenniz þina dyrð ok lofiz nafn þitt af ۆllum lyðum.“ Þá reis Gnara upp þegar, ok undruðuz allir þessa iarteign, er við voru staddir. Eftir þat steypiti postolinn framm
 10 sinum bænum með tarum firir sierhveriu líki hinna dauðu ok mælti: „Bið ek þik, drottinn Jesu Kriste, at þessir menn allir risi upp af dauða, er druknat hafa i siofardiupi.“ Siðan bauð hann, at lærisveinar hans tæki i haund serhverium hinum dauða ok mælti sva: „Lifgi þik Jesus Kristus son guðs lifanda.“ Ok er þeir
 15 gerðu sva, þa lifnuðu allir þessir átian ok .xx., ok dyrkuðu sannan guð ok mæltu: „Einn er guð drottinn, ok eingi er þer líkr.“ Siðan voru þeir allir skirðir af Andrea. Eftir þat beiddi Philopator postolann at fara til Macedoniam ok kristna fauður hans ok allan lyð þeirrar borgar, hvat er heilagr Andreas gerði, eftir því sem
 20 hann var beðinn, ok lofuðu allir lyðir allzvaldanda guð, þeir sem heyrðu sva dasamligar iarteignir.

19. Þessu næst segir latinubokin, at hinn heilagi Andreas postoli ok astvin drottins kom til þeirrar borgar i Achaia heraði, er Patras heitir. I þeirri borg var iarl, sa er Egeas hiet, hann
 25 hafði firir litlu þat ríki tekið eftir þann iarl, er þar hafði andaz, er Lisbius hiet. En er Andreas postoli var i borgina kominn, þa geck til hans kona nۆckur, su er Effidima hiet, hon var kristin ok hafði tekið tru af predikan Sosie, er einn var af Kristz lærisveinum. Hun fiell til fota postolanum ok mælti: „Heyrþu Andrea
 30 postoli! Fru min Maximilla iarls kona biðr, at þu komir til hennar, þviat hun hefir riðusott mikla, sva at hun er nærr at bana komin. En hun villdi giarna heyra kenning þina. En iarlinn bondi hennar stendr firir reckiunni gratandi með brugðnu sverði, þviat þegar hun andaz, ætlar hann at leggja sik i gegnum.“ Siðan
 35 geck Effidima firir postolanum til herbergis, er fruin la i. En er hann sa iarlinn hallda a brugðnu sverði, þa mælti hann við hann: „Ger þu þer ecki illt, iarl, helldr varðveit þu sverð þitt i sliðrum, þviat koma mun su tið, er þu munt við oss deila ok moti beriaz.“ En iarl skildi eigi, hvat postolinn sagði, ok gaf honum rúm at
 40 ganga til reckiunnar. Þá fiell postolinn til bænar ok tok i haund

Maximille, ok þegar sveittiz hon aull, ok síðan varð hon alheil. Postolinn bauð þa, at henni skyldi gefa fæzlu. En iarlinn færði honum hundrat silfrs. En Andreas villdi eigi til sia ne þiggja. Síðan for iarlinn brott or borginni eyrinda sinna. En Maximilla tok tru ok skirn af Andrea, ok unni hon bratt mikit guði, ok tok 5 hon at hallda hreinlifi ok þiona guði alla æfi síðan, meðan hun lifði. En sa er setta hefir piningarsaugu sæls Andree postola, byriar prologum með þessum orðum.

20. Kennimenn ok klerkar allra kirkna ok borga Achaielandz gera öllum kristnum maunnum, þeim sem byggja um allan heim 10 i austri ok vestri, i suðri ok norðri i Kristz nafni skipaðir, kunniga pisl ok liflat hins heilaga Andree postola, hvat er wer sam varum augum. Friðr sie yðr öllum, er truit á einn guð i algjörrri þrenningu, sannan guð fauður ugetinn ok usyniligan, ok a eingetinn son hans drottin varn Jesum Kristum, sa er pindr var firir hialp ok 15 heilsu allrar veralldar, ok á helgan anda af hvarumtveggja frammfaranda feðr ok syni, huggara ok lysara allrar almenniligrar kristni, ok þenna fauður truum wer almatkan, sá er gat af ser sannan son eingetinn. Vær truum ok sannan guð helgan anda af feðr ok syni frammfaranda. Ok þessar þriar personas dyrk- 20 um wer einn guð i þrenningu ok þrennan i einingu, uskiptiligan ok ousmæðiligan i einni undirstöðu, en þrennr i personis. Þessa tru namum wer af heilugum Andrea postola drottins vars herra Jesu Kristz, þviat wer sam pisl hans ok heyrðum kenningar hans, ok firir því megu wer sannliga fra segia, sva sem wer skulum 25 firir yðr skyra i fylgianda efni.

21. Heilagr Andreas postoli kristnaði allan lýð i borginni Patras, síðan hann hafði grædda Maximillam af riðusott, sem fyrr segir. En eftir þat for hann um aull heruð Achaiie predikandi firir lýðnum guðs orð, gerandi miklar ok margar iarteignir i nafni 30 vars herra Jesu Kristz, ok sneyri hvern dag mörgum flokkum fra skurðgoða villu til truar ok miskunnar lifanda guðs; dauðum gaf hann lif en blindum sion, ok rak diöfla fra oðum maunnum, hreinsaði hann líkþra, heyrn gaf hann daufum, en mal mallausum, græðandi allar sottir eigi með grasadryckium eðr iarnaskurð, ok 35 eigi með nokkurum líkamligum lækningum, helldr með orði einu saman ok krafti heilags anda. Ok þa er þessu hafði frammfarit um tíma, þoldu blotbyskupar eigi, er þeir sa hversdaghlaga niðrbrot sinnar villu, niðrfall ok auðn sins fírafla, er þeir toku firir 40 sína þionostugerð við skurðgoðin. Þa skutu þeir saman fie miklu

ok gafu iarlinum Egee, er fyrr var nefndr, ok mæltu við hann:
 „Síðan er Andreas postoli kom til landz þessa, lætr hann eingan
 mann hallda laug konunga varra ne landzriett ok eigi færa fornir
 guðunum, þvíat hann eyðir alla þeirra gaufgan. Firir því gefum
 5 wer þer fie þetta, til þess at þu hneckir honum ok lata(!) hann ei
 umæddan undan ganga pislum ok dauða.“ En þott iarlinn hefði
 sieð ok heyrt takn ok iarteignir, þær er Andreas postoli gerði,
 þa er hann græddi Maximillam konu hans, ok margar aðrar, með
 því at hon hafnaði, síðan er hun tok skirn, samfaurum við hann,
 10 ok þo mest sakir fiegirni ok illzku sinnar, þá tok hann við fie
 þessu, ok bað hann handtaka Andream postola sina þiona ok
 leiða firir domstol sinn.

22. Eftir þetta for Egeas til borgarinnar Patras ok tok at
 nauðga kristna menn til skurðgoða villu ok fornfæringa við guðin.
 15 En Andreas efldi kristinn dominn, hvar sem hann for. Ok er
 hann frietti til gerða iarlins, þa gieck hann i mot honum ok
 mælti: „Þat byriar þer, iarl, með því at þu ert domandi manna,
 at kennaz við þinn domara, þann sem a himni er, ok gaufga
 sannan guð, þa er þu kennir hann, ok snua hug þinum fra skurð-
 20 goða villu, þvíat þau eru eigi guð helldr diöflar.“ Egeas mælti:
 „Ert þu Andreas, sa er niðr brytr hof goða varra ok teygir menn
 til þeirar nybreytni drambsamligs atrunaðar, er Romaborgar hofð-
 ingiar buðu með aullu at eyða?“ Andreas svaraði: „Ek er sa
 er boðar sannleiks orð drottins vars Jesu Kristz, at menn hverfi
 25 fra skurðgoðum manna haundum(!) ok dyrki sannan guð ok lifanda,
 þann sem skapaði alla hluti, at þeir frialsiz fra eilifum dauða,
 þvíat sialfr sannleikrinn Jesus Kristr mun þeim fulltingh veita, er
 trua vilia saunnu.“ Egeas mælti: „Hvat er hit sanna?“ Heilagr
 Andreas svaraði: „Sannleikr allr er æ himni, þaðan sem upp
 30 rennr lios, þat er brott rekr aull villumyrkr. En þer megit eigi
 sia liosit, þvíat þer ætlið tre ok steina guð vera. En Romaborgar
 hofðingiar vissu ei enn, at sannr guðs son, sa er kom til hialpar
 öllu mannkyni, sagði likneski þessi eigi guð vera helldr hina
 verstu diöfla ok uvini allz mannkyns, þa er þess fysa hvern mann,
 35 at guð reiðiz þeim. Ok þa er guð styggiz við mennina, snyz hann
 fra þeim ok vill ei heyra bænir þeirra, ok verða þeir þa herteknir
 af diöfli, sviknir ok spottaðir, allt þar til er þeir fara út af sinum
 likamum sekir ok noktir*

40 * Her mangler et Blad i A; jvf. ovenfor S. 337⁶-338¹⁰.

Andir spilltuz þa er hinn fyrsti maðr leiddi dauða yfir mannkynit
firir girndartrie, ok firir því var nauðsynligt því sama mannkyni,
at sa hinn sami dauði, sem inn hafði geingit firir girndartrie,
væri brott tekinn firir pislartre. En firir því at hinn fyrsti maðr
var skapaðr ur hreinni iqrðu, sa er leiddi syndina yfir heiminn 5
firir boðorða brot, þa var nauðsynligt, at fra hreinni meyiú fæddiz
sannr maðr, firir hvern er son guðs, sa er skapat hafði fyrsta
mann, endrbætti mannkynit til¹ eilífs lífs, þess er hann hafði tapað
firir Adam ok Evo, ok með krosstrenu ræki hann brott girndar-
treið. Ok þa er hann [rietti ut hendr sínar æ krossinum² firir 10
oftekiufullar hendr varar, þa tok hann gallbeiska fæzlu firir
[bannaða fæðu girndartres³, ok tok hann á sik dauða varn, at
hann gæfi oss⁴ uðauðleik sinn.“ Egeas mælti: „Þessi orð matt
þu segia þeim, er þer trúa. En ef þu [vill eigi gera minn vilia⁵
at færa fornir goðum almatkum, þa mun ek lata festa þik æ 15
kross, þann er þu lofar.“ Heilagr Andreas svaraði: „Einum
saunnum ok almatkum guði fornfæri ek hvern dagh, eigi reykelssis-
reyk ne kíot beliandi griðunga⁶ ne hafra bloð, helldr ufleckat
lamb á altari hins heilaga kross. En er allr lyðr riettruðra⁷
manna hefir etið holld ok druckit bloð þessa lambs, þa er þat 20
sama lamb alheilitt ok lifanda, þat er sæft var, ok er þat þo
sannliga sæft ok⁸ holld þess etið ok bloð druckit af lyðnum, allt
eins er þat senniliga heillt ok uskatt, ufleckat ok lifanda, sva sem
ek sagði.“ Egeas mælti: „Hversu ma þetta verða?“ Andreas
svaraði: „Ef þu vill vita, hversu þetta ma verða, þa giorðz þu 25
lærisveinn hins sanna, at þu megir nema þat er þu spyrr.“ Egeas
mælti: „Ek mun heimta með pislum af þer kynning þessa hlutar.“
Andreas svaraði: „Undra ek þik hygginn mann fallit hafa i sva
mikla heimsku, at þu ætlar þik með ognum eðr kvölum heimta
munu af mer kynning guðligra stormerkia. Heyrðir þu takn kross- 30
ins ok heyrðir þu stormerki fornarinna, ok ef þu truir Jesum
Kristum son guðs vera sannan guð ok sannan mann, þann er
krossfestr var af Gyðingum, þa mun ek segia þer, með hverium
hætti lamb ma lifa heillt ok uskatt⁹ i ríki sínu, þat er sæft er
ok etið.“ Egeas mælti: „Hversu ma lamb lifa heillt i ríki sínu, 35
með því at þat sie drepit ok af öllum lyð upp neytt, sem þu segir?“
Andreas svaraði: „Ef þu truir af öllu hiarta, þa mattu þat vita.

¹ Her beg. atter B. ² [heck a krossinum, retti hann ut sínar hendr hreinar B. ³ [sæta fæðu bannads tres B. ⁴ tilf. B. ⁵ [lætr eigi at mer B. ⁶ gradunga B. ⁷ riettruandi B. ⁸ senniliga tilf. B. ⁹ oskadad B. 40

En ef þu truir eigi, þa verðr þu þess alldri viss.“ Þa reiddiz iarlinn ok liet setia postolann i myrkvastofu ok mælti: „A morgin skal ek hann ath fullu reyna.“

23. Þa er heilagr Andreas var byrgðr i myrkvastofu, þa kom fioldi heraðslyðs¹ til hans, ok villdu drepa Egeam iarl en briota upp myrkvastofuna ok leysa postolann. En sæll Andreas taldi
5 firir þeim með þessum orðum: „Eigi skulu þer, bræðr minir, snua friði vars herra Jesu Kristz i diðfuliga styriqlld, þviat drottinn syndi oss alla þolinmæði, þa er hann var til pislar selldr², eigi kallaði hann ne þrætti, ok eigi nokkurr heyrði raudð hans a strætum. Hafi þer hlið ok hægan frið, ok talmit eigi mina pisl,
10 helldr veri þer bunir sva sem [guðs kappar³ at standaz ognir ok pislir með uskelfdum hug, ok stigit yfir likamligar pislir firir sanna þolinmæði. Ef ognir ok pislir eru hræðiligar, þa eru þær hræðiligar er sva byriaz upp, at eingan hafa endann, þviat mannligr otti er likr reykr, rennr upp skiott ok eyðiz þegar. Þessa heims
15 pislir eru annattveggia liettar ok litlar, ok ma auðvelliga standaz, en ef þær eru þungar [ok usigranligar⁴, þa liða bratt ok tekr brott lift; en annars heims pislir eru eilifar, þar er æ kvöl ok kveinkan⁵, sut ok gratr án enda, til þessarra pislra óttaz Egeas iarl eigi at fara. Veri þer helldr bunir til þess at koma til eilifra
20 fagnaða firir stundligar pislir, þar er iafnan megi þer fagna, iafnan blomgaz, iafnan rikia með guði at eilifu.“ Þessa hluti ok þessum lika taldi Andreas postoli firir lyðnum alla nott i gegnum styrkiandi þa sva i guðs ast ok otta allt til lysingar.

24. A qðrum degi miok snemma sendi Egeas iarl sina þiona
25 bioðandi þeim at leiða Andrean firir sinn domstol. Ok er hann var þar kominn, mælti Egeas við hann: „Þat ætlaði ek, at þu myndir á þessi nott hafa kallat hug þinn brott fra heimsku þinni ok fra lofi Kristz þins, at þu megir hafa lifs fagnat með oss, þviat heimskligt er at vilia sialfkrafi⁶ fara til pislar krossins ok senda
30 sialfan sik i elld ok loga ok haðuligan dauða.“ Heilagr Andreas svaraði: „Hafa mætti ek fagnað með þer, ef þu tryðir Kristi ok hafnaðir [fágan skurðgoða⁷, þviat Kristr sendi mik til þessarra heraða at safna honum til handa mǫrgum lyð.“ Egeas mælti: „Firir þvi skyllda ek þik til gaufgunar við goðin, at þeir lyðir,
35 sem þu hefir svikit, firirlati [þarflausa kenning þina⁸ ok færi þegar

¹ hieradslyða *B.* ² leiddr *B.* ³ [gud skapari *B.* ⁴ [mgl. *B.* ⁵ kveinan *B.* ⁶ sialfviliandi *B.* ⁷ [skurgodin *B.* ⁸ [þarfleysu kenninga þinna *B.*

fornir goðunum, þviat eingi er su borg i öllu Achaialandi, at eigi sie eydd hof goðanna ok niðrbrotin. Nu átt þu at endrbæta gaufgan goðanna, at þau megi sættaz við þik, en þu sier staðfastr i varri vináttu. En ef þu gerir ei sva, þa mun ek lata pina þik mǫrgum pislum ok síðan festa þik æ kross, þann er þu lofar.“ 5 Andreas svarar: „Heyrþu dauða son ok elldibrandr [buinn til eilífs bruna! Heyrþu mik þionostumann² ok postola drottins Jesu Kristz! Hingat til hefir ek miukliga mælt við þik um sanna tru, at þu mættir verða viðtakari skynsemdar ok verndari sannleiks, hafnandi hegomligum skurðgoðum, en dyrka sannan guð, 10 þann sem 3 a himni er. En allz þu staðfestiz i þinni svivirðligri villu, harðnandi sva i þinni utru, at þu hyggr mik munu hræðaz ognir þinar, þa haf frammi allar [þær pislir, sem 4 þu hefir mer ætlað, þviat því þægari verð ek guði konungi minum, sem ek staundumz 5 fleiri pislir firir hans nafni.“ Þa liet Egeas þenia 15 heilagan Andream milli tveggia tria ok binda ok beria með 6 svipum. Ok þa er kveliarar hófu gert honum .vij. lotur með mikilli grimd, þa liet iarlinn hann ofvan taka ok leiða firir sik, ok mælti: „Hlyð þu mer, Andrea, ok rað sialfum þer heilt, at ei sie leingr þínu bloði ut steipt. En ef þu gerir eigi sva, þa mun ek þik 20 lata deyia æ pislartrie krossins.“ Andreas svaraði: „Ek er þionostumaðr kross Jesu Kristz, ok skal ek því framarr æskia sigrmark 7 krossins en hræðaz 8. En þu munt mega forðaz eilifar kvalir, þær sem 3 þer eru firirbunar, ef þu truir á Jesum Krist, síðan þu hefir reynt staðfesti minna, þviat ek hræðumz af þínum 25 dauða, en ek sturlumz eigi af pisl minni, þviat hon 9 er eigi leingri en eins dags, tveggia eðr þriggia, en þin pisl ma eigi endaz eftir þushundrat vetra. Þvi lát þu af at auka þer kvalir ok kynda þer [eilífan elld 10.“ Egeas mælti: „Hverf þu brott af heimsku þessarri ok spill ei firir þeim, er aðr lifa vel.“ Andreas svaraði: 30 „Drottinn minn Jesus Krístr bauð mer ath lata eigi af at boða staðfastliga hans orð ok syna villtum maunnum sanna iðran.“ Egeas mælti: „Heit þu mer því at lata af þessi þarfleysu ok dramsamligri kenningu, elligar mun ek lata drepa þik illum dauða.“ Andreas svaraði: „Eigi at eins er ek buinn til bana, 35 helldr ok at þola allzkyns pislir, fyrr en ek lata af guðligum kenningum.“ Þá reiddiz Egeas ok bauð ath krossfesta skyldi

1 [mgl. B. 2 guds tilf. B. 3 er B. 4 [pislir þinar, þær er B. 5 stend B. 6 storum tilf. B. 7 sigrmarks(!) B. 8 eigi tilf. B. 9 min pisl B. 10 [sialfum eilífan loga B.

heilagan Andream [sva firirsegiandi kveliarum¹, at þeir skyldi binda hendr hans ok fætr æ krossinum ok þenia hann ut sva sem i stagli, en negla hann eigi, sva at hann dæi skiott, helldr at hann pindiz langri kvöl.

5 25. En er kveliarar² leiddu sælan Andream til krossfestingar, þa safnaðiz saman margr lyðr kallandi ok sva segiandi: „Hvat gerði þessi hinn riettlati vinr guðs ok manna til þess, at hann sie [til krossfestingar leiddr³.“ En heilagr Andreas bað lyðinn, at eigi skyldi þeir talma pisl hans, ok for hann glaðr ok fagnandi
10 til pisl eigi afliettandi guðs kenningum. En er hann⁴ kom til þess staðar sem krossinn var firirbuinn, ok hann sa [til hans um langt⁵, þa kallaði hann með mikilli rauddu sva segiandi: „Heill þu kross, sem⁶ helgaðr ert af Kristz likama ok skryddr af hans limum sva sem gimsteinum⁷, þu stendr leingi ok hviliz sva sem
15 mæddr biðandi min, ok veit ek þik firir vist af því fagna, ok fer ek firir því⁸ fagnandi til þin, þvíat ek kenni þinn leyndan hlut, firir hveria sauk þu biðr min; tak þu við mer, hvern þu girniz, þvíat ek fann fysiliga þina asionu, þvíat ek sie þann fagnat i þer, sem⁶ mer er firirheitinn af guði. Heyr þu, heilagr kross, tak þu
20 við mer litillatum⁹ firir guðs skyld, ok sent mik til drottins Jesum Kristum. Aðr en varr herra stigi upp æ þik, þa hafðir þu hræðzlu af iarðligum maunnum, en nu eignaz þu himneska ast af riettruadum maunnum, ok framarr öllum aheitum tekr þu við mer, þvíat þu veitz, hversu mikla fagnaði þu hefir i þer ok hversu
25 haleitar giafir [mer eru¹⁰ firirbunar. Auruggr ok fagnandi kemr ek til þin, til þess at þu takir glaðr við mer lærisveini þess, er hieck á þer, þvíat ek var iafnan unnandi þer, ok ek fystumz þik at faðma. Heyr þu, hinn goði kross, er tekið hefir alla fegrð ok pryði af limum drottins, leingi hefir mik fyst til þin, ok þik hefir
30 ek athugasamliga¹¹ elskat ok an aflatu þin leitað, ok nu um siðir þik með heitum hug fundit firirbuinn, tak þu mik fra maunnum, ok giallt mik meistara minum, at firir þik taki hann við mer, er mik leysti æ þer.“ En er hann [mælti þetta¹², afklæddiz hann ok selldi kveliarum klæði sin. En þeir [geingu til ok festu hann æ
35 krossinn ok¹³ bundu með reipum hendr hans ok fætr¹⁴, ok allan likam hans þaundu þeir, sva sem þeim hafði boðit verit. En .xx. þusundir manna stoðu hia krossinum, ok var i þeira¹⁵ liði broðir

1 [og sagði kvölurum B. 2 kvalarar B. 3 [krossfestr B. 4 heilagr Andreas B. 5 [krossinn B. 6 er B. 7 gimsteinn B. 8 þinar sakir B. 9 mgl. B. 10 [tilf. B. 11 sannliga B. 12 [hafði þetta mælt B. 13 [mgl. B. 14 og gengu til og reistu krossinn tilf. B. 15 þessu B.

Egee, sa er Stratokles hiet. En hann kallaði með ǫllum lyð, ok tauldu rangan dom, þann er heilagr guðs vin var pindr. En sæll Andreas postoli styrkti¹ lyðinn ok hiortu riettruaðra manna eggjandi alla til þolinnaði, kennandi þeim þat, at litils eru verðar þessa heims pislir til samvirðingar við eilifa amban haleitra⁵ himinrikis fagnaða.

26. Eftir þetta for allr lyðr með kalli miklu til husa iarl-
ins² sva segiandi: „Heyr iarl, hvert er þetta doms atkvæði? Illa
dæmdir þu, grimman urskurð gaft þu, rangir eru domar þinir.
Hvat gerði þessi maðr illt, hvat gerði hann rangliga? Sturlaz ok¹⁰
skelfiz oll borg vár, allir wer munum deyia. Glata þu eigi borg
varri, er nu er aull i ugleði. Veit þu oss riettlatan mann, giallt
þu oss helgan mann, drep þu eigi guðs vin³ heilagan ok raðvandan,
pryddan goðum siðum, goðan lærifauður, milldan, hogværan, skyn-
semdar fullan; eigi skyldi hann þessa hluti þola, helldr lat þu¹⁵
oss taka hann af krossinum, þviat hann hefir nu .ij. daga æ honum⁴
verit ok predikat⁵ oss sannleiks gautu ok nauðsynliga hluti, ok
fæðir⁶ hann hiortu vár með sinum kenningum. Gefðu oss helgan
mann, at ver lifim, leystu skirlifan mann, ok mun allt vart [folk
ok⁷ fostrland vera i friði. Gef þu upp vitran mann, ok munu ǫll²⁰
heruð Achaielandz [wera i friði með sinu folki⁸.“ Egeas dvaldi
ath hlyða lyðnum ok villdi eigi leysa postolann af krossinum. Þa
reiddiz lyðrinn og villdi⁹ vega iarlinn. En [hann hræddiz¹⁰ þa ok
hiet ath leysa Andream upprisandi [ǫr sinu sæti¹¹ ok for með
lyðnum.

27. En er heilagr Andreas sa Egeam, mælti hann til hans:
„Til hvers komt þu higat[, Egea? Ef þu vill¹² trua a Krist, þa
mun¹³ þer upplukaz miskunnargata¹⁴, sva sem ek hiet þer; en
ef þu kemr til þess eins¹⁵ at leysa mik, þa mun ek vist eigi mega
niðr setiaz af þessum krossi, meðan ek er lifandi i likama, þviat³⁰
ek sie nu konung minn, ok nu lyt ek honum, ok nu stend ek i
hans augliti. En ek harma þina vesolld, þviat buinn biðr þin eilifr
dauði. Renn þu nu, vesæll¹⁶ maðr, meðan þu matt, at eigi takir
þu þa at vilia, er þu matt eigi.“ Þa geingu kveliarar¹⁷ til, ok
mattu með eingu moti snerta krossinn með sinum haundum.

1 þa tilf. B. 2 allir samt kallandi og tilf. B. 3 astvin B. 4 krossi B.
5 firir tilf. B. 6 sedr B. 7 [mgl. B. 8 [myskunn fa B. 9 villdu B.
10 [Egeas ottadizt B. 11 [af stolinum B. 12 [nema þu vilir B. 13 firir
tilf. B. 14 myskunnardyr B. 15 hingat B. 16 vesall B. 17 kval-
arar B.

Siðan foru til aðrir at oðrum at leysa postolann¹, ok mattu eingir², þviat hendr þeirra ok armleggir skulfu ok stirðnuðu³. Þá kallaði sæll Andreas á guð með mikilli raudð sva segiandi: „Lat þu mik eigi þionostumann þinn, drottinn Jesu Kriste, leystan verða, þar
 5 sem firir þitt nafn hangir ek á krossinum. Lat þu eigi, drottinn, mik [atferðaz milli likamligra⁴ manna, þviat ek staðfestumz nu i þinum leyndum hlutum. Lat þu mik eigi, drottinn, lægðan verða af⁵ dauðligum manni, með því at firir kross þinn kenda ek mikilleika þinnar dyrðar, helldr tak þu við mer, meistari minn Jesu
 10 Kriste, sa er ek elskaði, hvern ek sa ok ek kenda, þer helld ek, ok þik girnumz ek at sia ok með þer at vera. Tak þu við mer, herra Jesu Kriste goði⁶ lærifaðir, ok lat mik eigi leystan verða af þessum krossi, aðr en þu tekr aund mina til þin.“ En er hann hafði þetta mælt, þa kom lios mikit yfir hann af himni sva sem
 15 ellding at ǫllum asiandum, ok skein umhverfis hann með sva mikilli birti, at eingi mannlig augu mattu sia postolann firir liosinu. En er þetta hit mikla lios hafði yfir honum verit miðk sva halfa stund dags, þa andaðiz heilagr Andreas postoli ok for til guðs með liosinu brott hverfandi fra þeirra augum. En Maxi-
 20 milla hin gaufgazta fru⁷, su er elskaði hreinlifi ok heilagleik, tok með allri vegsemd likama postolans af krossi, smyriandi með dyrðligum⁸ smyrslum, ok grof siðan i sæmiligum⁹ stað. En Egeas iarl var gripinn af diǫfli á veg, aðr¹⁰ hann kiæmi¹¹ til herbergia sinna, ok var kvaldr af uhreinum anda i augliti allz lyðs, ok do
 25 þar braðum dauða. En broðir hans¹² Stratocles fylgdi [likama Andree¹³ forðandiz alla hneyking. Ok er hann sa þessa hluti, sem gerðuz, þa villdi hann ecki nyta ser af ǫllu¹⁴ gozi Egee broður sins ok mælti: „Firirfariz¹⁵ allt þat er þu attir, Egea, en mer vinnr¹⁶ þaurf einn drottinn minn Jesus Kristr, þann er ek
 30 viðkendiz¹⁷ firir Andream hans postola.“ En sva mikil ogn ok hræzla gerðiz yfir ǫllum otruaðum maunnum, at eingin var eftir i borginni ne i aullu Achaia¹⁸, sa er eigi tryði á guð græðara varn Jesum Krist, sa er ǫllum vill hialpa ok leiða til sannleiks kynningar ok sinnar miskunnar, honum sie vegr ok dyrð, sæmd ok
 35 æra per eterna secula, amen.

1 af krossinum *tilf. B.* 2 eigi *B.* 3 piprudu, er til gengu hann at leysa *B.* 4 [ferdazt hedan af midal heilagra *B.* 5 Egea *tilf. B.* 6 goðr *B.* 7 kona *B.* 8 dyrðligum *B.* 9 hinum sæmiligasta *B.* 10 en *tilf. B.* 11 heim *tilf. B.* 12 Egee *B.* 13 [like postulans *B.* 14 fe og *tilf. B.* 15 með þier *tilf. B.* 16 alla *tilf. B.* 17 viðkennizt *B.* 18 lande *tilf. B.*

28. En síðan er hin raðvanda fru Maximilla hafði [íarða
latið¹ likam signaðs² Andree postola í virðuligu³ leiði, sem fyrr
segir, þá vegsamaði hun síðan legstaðinn geymandi hans með
allri sæmd ok virðing, sem hun kunni framaz, boðandi⁴ þær íar-
teignir, er drottinn Jesus gerði í þeim stað fyrir verðleika sins⁵
kíæra postola, biðjandi an aflati þenna hinn sælazta guðs astvin,
at hann virðiz at vera hennar minnigr⁵ fyrir guði í sinum bænum.
En sva dasamlig takn verða við hans legstað, ath þat⁶ færri eingi
tunga talið, ok ei er þat undarligt, þvíat sva er skrifvat, at or
hans steinþro flytr fram himnamiöl líkt hinu biartazta hveiti, ok¹⁰
þar með rennr framm hit skíærazta⁷ viðsmiör ur því sama leiði.
Ok⁸ af þessum stórtaknum mega bygðarmenn þeirra heraða marka,
hvilik arferð [vera mun⁹ hver missari frá öðrum í [nalægum
sveitum¹⁰, þvíat sum missari synaz þessi takn unógligarr framm
fliota, ok gefr iörðin þa minna avöxt af ser ok [verðr litil arferð¹¹,¹⁵
en þa er nogliga flytr viðsmiorit eðr himnamiölit or leiðinu, þa
gefr iörðin avöxt nogan af ser, ok er þa mikit ar um aull¹² herut.
Ok sva er sagt, at stundum veitiz þetta takn sva nogliga, at
viðsmiör¹³ flioti allt framm a miðt kirkiugolfit¹⁴, þeirar er
giör var yfir hans leiði honum til dyrðar ok gøfganar ok vigð²⁰
guði ok hinum heilaga Andree postola.

Nu er yfir farit saugu hins signaða Andree skyndiliga, eftir
þvi sem wer haufum á bokum fundit fra lífi hans ok iarteignum.
Ok þott eigi sie hans saga her leingri¹⁵ rituð, þa verða þar íafnan
allzkyns takn allt til þessa dags, sem hann hvilir at likama, ok²⁵
hvervitna annars staðar um viðerni veralldarinnar af bænum ok
verðleikum¹⁶ hins agiæta Andree postola sva mörg, at eingi maðr
ma þau tina eðr lesa æ einum degi. Sækium nu æ þessum
[timum ok¹⁷ öllum öðrum einkannliga þenna¹⁸ blezaða guðs postola
Andream at trausti ok arnaðarorði, ok biðium þess, at hann þiggi³⁰
oss til handa af guði alla þa hluti, er hann sier at wer þurfum
mest¹⁹ at þiggia bæði þessa heims ok annars. Fysumz nu, goðir
menn, af öllu hiarta²⁰ lofa ok dyrka, virða ok vegsama hinn sæla
Andream postola á hans hatiðardeghi, sva sem wer kunnum

1 [íardat B. 2 hins heilaga B. 3 hinu virðuligazta B. 4 og let skrifa 35
B. 5 minnugr B. 6 þau B. 7 skirasta B. 8 þar tilf. B. 9 [muni
verða B. 10 [þeim herodum og so víða annarstadar um heimenn B.
11 [er þa litit arferdi B. 12 lond og tilf. B. 13 þetta hit helga við-
smiör B. 14 kirkiugolf B. 15 lengr B. 16 þessa tilf. B. 17 [degi
og tíma og a B. 18 enn tilf. B. 19 af honum tilf. B. 20 at tilf. B. 40

framaz oss til friðar ok farsælu, [at hann arne oss af guðe drottne vorum Jesu Kristo þat, sem oss er nauðsynligazt fyrir sal ok lif¹ en almatkum guði drottni varum Jesu Kristo til lofs ok dyrðar, þeim er með feðr ok heilugum anda lifir ok rikir einn guð
 5 i þrenningu um allar [veralldir verallda².

Af byskupi einum.

Byskup einn merkiligr maðr sat i borg nokkurri, þott wer hafim eigi fundit með eignarnafni, hverr sa staðr var. Hann var i mörpum hlutum merkiligr maðr ok frabærilig persona, guðhræddr
 10 maðr ok olmosugiarn. Þat er af honum greint milli annars hans siðferðis, ath næst heilagri guðs moður tignaði hann Andream postola framm yfir aðra guðs vini, hieilt hann hans messudag hit hæsta festum i kirkiunni, en hit rikazta hof i sinni haull með dyran kost. Nu berr sva til i nokkurum árgang riett upp a
 15 hatiðisdagh sialfs Andree, sem herra byskup er i kirkiu kominn ok ætlar skryðaz til messu, at ein faugr fylgd kemr ath kirkiunni, er þar iungfru ein formaðr. Geingr hon þegar fyrir byskupinn, fellr á knie ok heilsar upp a hann miðk hæferskliga, hneigir sik at honum diarfliga, sem hann sat fyrir, ok segiz vilia gera iatning
 20 sina fyrir honum sialfum æ sva dyran dag. Byskupp ferr undan, segiz hafa skipat penitenciarium kirkiunni at heyra skriftamal, leysa ok binda með guðs miskunn sva framarliga, sem sialfr hann siti yfir, ok því visar hann henni af ser, sva ok fyrir þa skynsemd, at messutimi var kominn. Hun fylgir uppteknu, segiz við eingan skriftaz skulu at sinni utan við sialfan hann, felr ok upp a hann
 25 alla abyrgð, ef hon andaz uskriftuð, „eðr hvat, sagði hun, syniz þer riettviss ok viliugr at hialpa þurfandum, ef þer skipit yðr sva uskaplikan sialfum guði, sem spamaðrinn sagði af honum: Respexit in orationem humilium et non sprexit precem eorum.“ Þat segir
 30 sva: leit guð bænir riettlatra, ok eigi hafnaði hann orð þeirra. Hvat leingra, þar til þrystir hon byskupi með kloksamligum greinum ok miukum malum, at hun hefir sitt mal. Vinnr hon sva sitt verk með yfirbæriligri snilld ok alitligri undirstauðu, at byskupsins hugr hnigr nokkut sva fyrir eftir manz natturu, ok því byðr
 35 hann henni i boð sitt um daginn. Sem guðs embætti er fagrliga endat, geingr byskup i hall sina, skipar hann fruinni sæmiligan sess, er þar eftir vana agiæt veitzla með dryck ok dyran kost.

¹ [tilf. B. ² [alldir veralldar Amen B. Den følgende Legende mangler i B.

Nu sem æ liðr daginn ok menn geraz vel reiknaðir, verðr sva undarliga moti vana, at alit þetta samsæti ryfz brott af hollinni, sva at um siðir verðr eigi fleira eftir en byskupinn ok fruin ok einn borðklerkr, er hieilt kerir firir þeim. Ok sem þann veg fatt er um byskupinn, yrkir hann á fruna til gleði. 5 En þar kemr at moti skreyttr malshattr ok sva greinilig annsvor, ath byskupinn verðr aulteiti af. Þvi skipar hann henni upp á aðra haund ser miok nærri. Risa þa upp ath nyiu gamanræður með sva mikilli snilld ok seim varranna, sem Salomon segir, at byskupinn er naliga buinn til herleiðzlu. Ok þat sier milldr 10 drottinn með bæn hins millda Andree. Er þvi næst klappat á dyrnar ok kraft inngaungu, þviat byskup hafði latið lykia hallina, siðan leikrinn tok ath vaxa. Þessi bangar sva aurugliga, ath hann þyckiz firir vist eyrindi eiga. Þvi byðr byskupinn klerkinum at afloka hurðina. Fruin talar þa: „Minn herra, sagði hun, giqrit ei sva bratt 15 um, at þessi gangi inn, fyrr en þer vitið hverr hann er. Ek veit ei hvat þvi velldr, at margir hefiaz til uvinattu við mik, ok eigi þycki mer uvænt, at her sie kominn nokkurr af þeim. En sakir þess at þer leiddut mik inn i yðvart boð, truir ek, at þer vilit mer eingi kaullz eðr unaðir gera lata á sva agiætri hatið.“ Byskup 20 svarar: „Þat er sannliga várr vili, at þu hafir her naðir, en oðrum kosti er þat eigi vani várr at streingia dyrr á varum herbergium einkannliga firir þurfandum, þviat eigi vitum (ver) her inni, hverr at kemr, kann ok vera at boðsmenn varir krefi inngaungu.“ „Nei, segir fruin, ecki er þat til, en þetta má skiott profa, ef ukunnr 25 maðr er, at setia honum eina spurning litla, þviat þar firir kenni ek hann bratt.“ Byskup svarar: „Þu skalt raða þessu, en ecki er þat ástundan min at þyngia ukunna menn með spurningum, eðr hvers skal spyria?“ „Þess, sagði hun, hveria skepnu guð hafi æzta gert aflægstu efni.“ Með sva fallit eyrindi ferr klerkrinn, lykr upp 30 dyrr ok sier þar mann uti i pilagrimsbuningi. Ok þegar spyrir peregrinus, hvart byskup siti þar inni. Klerkrinn segir sva vera. Peregrinus segiz hafa skylt eyrindi á hans fund. Klerkr segir, at þat mun bratt verða. „Hvi skal þar dvol á vera, segir peregrinus, ek hugði, at á þenna dag eftir goðri frægð myndi byskupinn buinn at 35 heyra fataeka menn.“ Klerkr segir, at ei var dvolin meiri, en hann leysti eina spurning, er honum var sett. „Sett, sagði hann peregrinus, er mer spurning ein; hverr heyrði slikt af eins byskups herbergi, at fataekir pilagrimar skulu spurningum mæta. Er ok seint satt at frietta, þviat i dag hugði ek her firir fòðurliga milldi 40

en einganiung, eðr hver er spurning?“ Klerkr segir sem fyrr var skrifvat. Peregrinus hugsar sem vitr madr ok svarar siðan: „Hver er æðri skepna en maðr, eðr hvert er efni lægra en iarðar leirr.“ Klerkinum finz um þessa urlausn ok lofar miðk. Peregrinus
 5 segir þa: „Ef þer vel likar, þa mun ek hafa orlofit.“ Klerkr segiz aðr vilja finna byskup ok kvez vænta, at þa sie allt til reiðu. Sva gerir hann, vikr aftr ok segir byskupinum spaklig annsvör. Byskup verðr glaðr við ok biðr i guðs nafni, at hann lati inn sem fliotaz þann blezaða mann. Fruin segir: „Herra
 10 minn, sagði hon, farit eigi of fliott, ek þykiz enn eigi glaugt vita, hvart hann er vin minn eðr uvin. En ef hann leysir aðra grein, þa mun ek skilit fa.“ Byskup segir, ath þessi hlutr er miðk ufagr at mæða meinlausan mann, „en þo munt þu enn raða verða, eðr*

15

*Tillæg.***

Af byskupi ok puka.

Byskupp einn merkiligr madr sat i borg nockorre innan Italie, þott ver hafin eigi (fundit) med eignarnafni, hverr sa stadr var. Hann var i morgum lutum nytsamligr ok frægileg persona, gud-
 20 hræddr ok godfuss til heilagrar kirkiu ok fataekra manna. Þat er af honum greint millem annars sidferdiss, at næst heilagri guds modur tignade hann ok virði Andream postola umfram adra guds vini, hellt hann hans messudag summum festum i hofudkirkiunni, enn hit hæsta hof i sinni hall med rikum sendingum
 25 ok voldum personum bæði af kirkiunni ok curia. Nu berr sva till a nokkurn ærgang rett upp a hatidisdag sealfs Andree, sem herra byskup er i kirkiu kominn nærri þridiu tid dags ok hugsar skrydaz till hæmessu, at ein fogr fylgd kemr at kirkiunni. Er þar iungfru ein formadr fyrir. Gengr hon þegar inn i musterit
 30 med sinn skara ok þvilikt sem beinan veg fram fyrir byskupinn, fellr a kne ok heilsar upp a hann bæde med hefersku lætbragde ok fogru ordtake. Þar med hneigir hun sik at honum dearflega,

* Her ender A. ** Den ved Lacunen i A mangelfulde Legende meddeles her fuldstændig efter en anden Membran.

sem hann sat fyrir, ok segiz vilja gera iatning sína fyrir honum sealfum æ sva dyran dag. Byskup for undan, segiz hafa skipat penitencialein kirkiunnar at heyrja skriptamál, leysa ok binda með guds miskunn sva framarla sem sealfr siti yfir, ok því visar hann henne af ser ok fyrir þá skynsemi, at messutími var kominn. 5
 Hon fylgir uppteknu, segiz vidr engan skripta skulu at sinni utan vidr hann sealfan, felr ok upp a hann alla abyrgd, ef hon andaz uskriptud, sidan hann syniar sva miukri þen, „edr hvat syniz þer, sagde hon, rettviss ok viliugr at healpa þurfandum, ef þer skipit sva uskapligan(!) sealfum gude, sem spamadrinn sagde af honum: 10
 Respexit in oracionem humilium et non sprexit precem eorum, leit gud þen litillatra ok eigi hafnade hann ord þeira.“ Hvat er þetta leingra, þar til þrystir hon byskupi með kloksamlegum greinum ok miukum málum, at hon hefer sitt mál. Vinnr hon sva sitt mál með yfirberri snilld ok alitlegre undirstodu, at byskupsins 15
 hugr hnigr nockut eftir mannz natturu, ok því bydr hann henne i bod sitt um daginn, ædr þau skilia. Sem guds embætti er fagrlega fyllt, gengr herra byskup i hall sína, skipar fruinni sem-ilegan sess. Er þar eftir vana hin agiætazsta veitzla.

Enn er æ lidr daginn, sem menn eru vel reiknadir með 20
 vënan kost ok vin, verdr sva undarlega moti vana, at allt þetta samseti ryfz brott af hallinni, sva at um sidir verdr eigi fleira folk eftir enn byskupinn, fruín ok einn bordklerkr, sem helldr kere fyrir byskupinum. Ok sem þá menn fëttiz um byskupinn, yrkir hann a fruna til glede, enn þar kemr i moti skreyttr málshætt 25
 ok sva greinilegr málshætt ok andsvor, at byskupinn verdr olteiti. Af því kallar hann hana brott af því, sem fyrr hafde hon, ok skipar henne upp a adra hond ser miok nërre. Risa þá upp at nyiu gamanrëdur með sva mikilli snilld ok seim varanna, sem Salamon segir, at byskupinn er nælega til buinn herleidzlu, ok 30
 þat ser milldr drottinn með þen hins heilaga Andree. Er því næst klappat ok krafít inngonghu, þvíat byskup hafde lætit lykia hallina, sidan leikrinn tok at vaxa. Þesse bangar sva urogglega, at hann þikkiz fyrir vist erende eiga. Þvi bydr byskup klerkinum at afloka hurdina. Fruín talar þá: „Minn herra, sagde hon, 35
 gerit eigi brætt um, at þesse gangi inn, fyrr en þer með vitzsku profit, hverr hann er; ek veit eigi, hvat því velldr, at margir hefiazst til (u)vinattu vidr mik, ok kann vera, at her se kominn einn af þeim. Enn sakir þess at þer leiddut mik i ydart bod, true ek, at

þer vilit mer eigi kallz edr unædir gera læta a sva agiætri hætid ok ydarn hinn æzsta veitzludagh. Byskup svarar: „Þat er sannlega værr vili, at þu hafir her nædir, enn odrum kosti er þat eigi vani værr at streingia dyrr fyrir þurfandum, þviat eigi vitum ver
5 her inni, hverr uti er. Villdem ver einna sizst, at a þenna dag oss henti þat miskunnarleysi, at sa færi angradr i brott med toma hand, sem olmusunnar þettiz þyrfa.“ Hon svarar: „Þetta maa sva profa.“ Byskup spyr, hveria raun skal þar til leggja. Hon seger: „Hann skal fæa eina litla spurning, þviat þar fyrir kenni
10 ek hann brætt.“ Byskup svarade: „Fyrir þina bæn skalltu ræða þessu, enn ekki er þat min astundan at þyngia fatekian mann med spurningum, edr hvers skal spyria?“ „Þess, sagde hon, hveria skepnu gud hefir hesta gort af legzstu efni.“ Med sva fallit erende færr klerkrinn, lykr upp dyrum ok serr þar einn
15 mann uti i pilagrimskledum. Ok þegar sem (þeir) finnaz, spyr peregri-
grinus, hvart herra byskup siti þar inni. Klerkr seger sva vera. Peregrinus segizst hafa sky(11)t erendi a hans fund. Klerkr seger, at þat man skiott geraz. „Hvi skal þat dvala, seger peregrinus, ek hugde, at a þenna dag eftir godri frægd myndi byskupinn
20 buinn at heyra fatekia.“ Klerkr segir, at þa var eigi dvolin meiri, en hann leysti eina spurning, er honum var sett. „Sett, sagde hann peregrinus, er mer spurning ein. Hverr heyrði slikt af eins byskups herbergi, at fatekir pilagrimar skulu spurningum mæta? Er ok seint satt at fretta, þviat i dag trude ek her fyrir fodur-
25 lega millde en enga nyiung, edr hver er spurning?“ Klerkr greinir sem fyrr var skrifat. Peregrinus (hugsar), sem vitr madr er vanr, ok svarar sidan: „Hverr er eðre skepna en madr, hvert er legri(!) efni en iardar leir.“ Klerkinum finnz um þessa urlausn ok lofar miok. Peregrinus segir þa: „Ef þer vel likar, þa man
30 ek hafa orlofit.“ Klerkr segiz adr vilia finna byskup ok vænta, at þa se allt til reidu. Sva giorir hann, vikr aptr ok segir byskupinum spaklig andsvor. Byskup verdr gladr ok bidr i guðs nafni, at hann læti inn sem skiotaz þann goda mann. Fruin sagde: „Herra minn, sagde hon, farit eigi of fliott, enn þikkiz ek eigi
35 gloght vita, hverr hann er, vin minn edr uvin. Enn ef hann leysir adra grein vel, þa man ek skilt fæa.“ Byskup segir, at þesse lutr se miok ufagr at mæða meinlausan mann, „enn þo mantu enn rada, edr hvers skal nu spyria?“ „Þess, segir hon, hveria iord hann veit æzsta.“ Ferr klerkr sinn annat ok lykr upp
40 dyrum. Er þar peregrinus fyrir ok spyr þegar: „Man nu gefit

orlofit,“ segir hann. Klerkr segir, at stendr moti. Peregrinus svarar: „Hver nyiungh man nu handla byskup þenna, edr hvat hindrar nu til?“ Klerkr segir, at honum er sett spurning önnur. Peregrinus brosir þa ok mælar: „Eigi þikki mer þo lett fyrir, edr (hver) spurning er nu uppbrotin?“ Klerkr segir, at su er, „hveria iord þu villt hesta kalla.“ Peregrinus svarar: „Þesse er spurning mikils verd, ok hon er loflegrar undirstodu, þott ek muni fatt um tala, enn þat predikar oll almennilegh kristni, at lifande sun guds tok sannan likam daudlegrar ok duplegrar nætturu i hrein- um kvide iungfru Marie, þenna bar hann, i þessum predikade hann, i þessum pindiz hann, i þessum reis hann upp nu dyrkadum ok odaudlegum, i þessum steig (hann til himins), ok i þessum sitr hann til hægri handar gude fedr konungr allra verallda. Kalla ek nu leysta qvestionem mer setta, man ek nu skulu orlof hafa.“ Klerkr svarade gratande, at þat þorir hann eigi, fyrr en hann finnr byskup. Skilia þeir, ok spyrr byskup nu fyrr, hve leyst veri spurning. Klerkr segir, hve yfirþerilega hon var skyrd. Sem byskup hefir þat heyrð, talar hann: „Læt inn i stad, seger hann, þat blezada lif.“ Fruin hoggr enn i moti, segir sik nu allt skilia, hverr uti stendr, ef spurning er en þridia. Byskup angraz miok af þessu umfangi ok sagde þetta geraz at ser naudgum, en spyrr þo, hvat nu skal til fa. Hon segir, at nu skal spyria, hve langt hann segir vera millem himins ok helvitis nidri. Sem klerkr hefir fram borit fyrir peregrinum þa þridiu spurning, svarar hann sva: „Ek leysti tver greinir, er til min komu, þviat þer tok ek bædar af kvide heilagrar kristni, enn þessa grein kann ek eigi leysa, en þo man ek giora veg fyrir, hvert byskupinn skal vikia ser, ef honum er forvitni a þessu. Spyri hann fiandann, þann er sitr i hæsetinu hea honum, þviat þenna veg for hann, þa er hann fell i dramb ok steyptiz af hęd himinrikiss i dyflizu helvitiss.“ Klerkinum þikkir nu hardna řędan, berr þo einardlega erindit inn fyrir byskupinn. Enn er uvinrinn, sa er leyndizst i formi konunnar, heyrer sik uppsagdan, steyptizst hann þar bolvadr nidr i murinn, sem hann var kominn. Byskupinn þat litande riss upp i stad będe hreddr ok fegium, ok gengr nu sealfr til dyranna. Er þar engi madr nu synilega uti. Þvi skilr byskupinn, at miskunn guds ok giezla hins heilaga Andree hefir set ræd hans, ok fellr fram til þęnar þakkandi hinum hęsta gudi ok hans postola, hversu mikla millde ok fagrlega asea þeir hofdu honum veitt, þviat æan efa truer hann, at sa peregrinus, sem uti

stod, (var) sealfr Andress sendr honum til healpar. Var nu eigi langt at bida, adr bodsfolkit mintiz. hverr fagnadr inni var, þoat með leyndre uvinarins umsyslu vere þat fyrr brott horfit. Birtir saga þesse, hversu kristnum manne er þat naudsynlegt at
 5 takanockurn helgan mann ser til fulltings, at sa blezade vin guds veriande mannzins lif bede her ok i annarre verolld

III.

Her hefz upp Andreas saga postola.

Heilagr guðs postoli Andreas var þrim sinnum kallaðr af
 10 drottni Jesu. I fyrstu kallaði hann æ hann til kunnleika ok kenninga sins heilaga nafns með þeim hætti, at einn dag bar sva til, at Johannes baptista sa, hvar Jesus gekk, ok talaði við Andream lærisvein sinn ok annan hans kompan: „Sea þu her guðs son, þann er fyrir sakir skiærleika ma likiaz við flekklaust lamb.
 15 Seait her þann, er tekr syndir af heiminum.“ Ok þegar gekk Andreas ok annarr lærisveinn Johannis til herbergis Jesu, ok bað hann þa þar velkomna ok með ser vera, ok voru þeir allan þann dag með honum. Sem Andreas fann Simon broþur sinn, sagði hann honum af Jesu. Foru síðan baðir bræðr at finna hann. Tok
 20 Jesus vel við þeim ok sagði þeim mörg stormerki. Síðan foru þeir til iðnar sinnar ok reru æ fiski eptir siðveniu. Annan tima kallaði Jesus þa bræðr til sins heimolleika æ einum degi, (þa er) kom mikill flokkur at sea Jesum, þar sem hann geck fram með seo þeim, er liggr til Galilea heraðs. Ok sem folkit undraði hann, sa hann,
 25 hvar þeir Simon ok Andreas satu æ fiski. Þa kallaði hann æ þa ok bað þa at landi róa. Þeir gerðu sva. Síðan ste hann æ bátinn til þeira, ok er þeir höfðu hlaðit bátinn með fiskum, þa kallaði Jesus Jacobum ok Johannem sono Zebedei, þar sem þeir voru æ fiski æ auðru skipi, ok talaði við þa. En þeir sneru með
 30 honum heim til herbergis, ok foru heim síðan. Þriðia tima kallaði hann þa Simonem ok Andream til sinnar dagligrar þionostu, þa er hann gekk annan tima æ þeiri sömu ströndu, satu þeir enn áá fiski, ok bað þa til sín koma ok ser fylgia, iatandi þeim,

at sva völdugir skyldu þeir vera at leiða folkit til himinrikis, sem þeir voru að til fiskibragða. Ok þegar sem þeir heyrðu hans orð, fyrirletu þeir alla sína eigu ok fylgðu honum íafnan síðan, ok áttu alldri íarðligh auðæfi. At lokinni þinu vars herra Jesu Kristz ok upprisú af dauða ok uppstigning til himna, var hinn blezaði 5 guðs postoli Andreas með auðrum hans lærisveinum ok hans signaðri móður æ hvítasunnudegi, þa er hinn helgi andi kom yfir þau aull saman ok lysti þeira hiðrtu til allrar vitzku ok upptendraði 1 guðliga speki með þeim, gerandi þeim dirfð ok malsnilld með öruggum vilia at² predika hinn krossfesta Jesum vera sannan guð ok sannan 10 mann. Ok sem Simon Petrus broðir Andree sá þat, er Gyðingar fyrirsmaðu þær hialpsamligar kenningar, er lærisveinar Jesu báru fram, veitandi þeim þar i moti harþar huðstrokur ok myrkvastofur undir dauðans viðlaugu fyrirbioðandi þeim at predika Jesum 15 Kristum, þa kallaði hann saman sína kompana, ok sem öllum 15 þeim samþykkti, hvat þeir skyldu opinberliga predika, þa skildu þeir³, i sinn lut heims hverr þeira farandi með guðs forsea, (ok) i yztu endimerkr veralldarinnar (er) þat kunnigt vorpit, hvilikan ævöxt þeir færðu sínum lausnara, þar sem almenniligh kristni truir æ hann af þeira fortölum. 20

2. 4 Hinn heilagi Andreas guðs postoli boðaði guðs orð i því konungsríki, er Licia heitir, en Matheus guðspíallamaðr talði tru fyrir folki i því heraði, er Borgundia heitir. En formenn landzins villdu með öngu moti trúa honum, ok toku hann ok stungu ut augu hans ok settu hann síðan bundinn i myrkvastofu, ok ætluðu 25 at drepa hann eptir fá daga. A þeim sama tíma kom guðs engill til Andream postola ok bauð honum at fara til Borgundiam at frelsa Matheum postola or böndum ok myrkvastofu. Andreas postoli svaraði ok sagði sik því siðr veg kunna til Borgundiam, at hann kveðz eigi víta, hvar þat herat var. Engillinn bað hann 30 fara til síofar, ok sagði, at hann mundi sea þar eitt skip, þat sem hans farkostr skyldi vera. Andreas gerði sem engillinn bauð, for til síovar ok fann skip. Ok sem hann var buinn, hellt hann fra landi, ok með guðs forsea tok hann land fæm dögum síðarr, ok varð viss af landzmönnum, at hann var kominn til Borgundiam. 35 For hann síðan til þeirar borgar, sem Matheus var inni. Ok sem hann at kom myrkvastofunni, þa laukz hun upp þegar fyrir honum. En er Andreas postoli sá Matheum postola sva hörmuliga halldinn, þa gret hann ækafíga ok bað til guðs, at hann skyldi miskunna

1 upptendrandi *Cd.* 2 ok *Cd.* 3 ok *tilf. Cd.* 4 *Predicatio Overskr.* 40

sinum postola ok þionostumanni. Ok þegar i stað gaf hann honum bæði augu sin heil, ok aull bönd spruttu af honum. Gerðu þeir postolarnir baðir þackir guði ok gengu ut af myrkvastofunni. Síðan gerðu þeir þat rað baðir samt, at Matheus skyllði fara til
 5 Antiochiam. Ok sem hann var brottu, taldi Andreas tru fyrir mönnum i Borgundiam. Þa urðu þeir ækafliða reiðir, ok toku Andream postola ok bundu hendr hans ok fætr ok drogu hann um stræti borgarinnar, sva at blöð rann af öllum hans likama. Ok meðan hann var i þessi pinu, þa bað hann fyrir þeim, er hann
 10 kvöldu, ok lysti guð allra þeira hiörtu til rettrar truar, ok var allr lyðr borgarinnar skirðr i nafni Jesu Kristz fyrir predikan Andree postola. Ok sem hann hafði kent þeim kristiliga tru ok skipat þar byskupa ok presta, sem nauðsynligt var, for hann i Antiochiam. Þar sem hinn helgi Andreas postoli þolði margar
 15 þislar fyrir guðs nafn, sem fyrr var sagt, þa er eigi truligt, at hann hafi sva litils verðleiks verit fyrir guði, at hann mætti eigi aptr fæ sina heilsu með sinum blezuðum bænum. En þat er ollum auðsynt, at guð villði einkannliga virþing sinum vin Andree postola i þessu stortakni.

20 3. Einn ungr maðr tigginn af tiguligri ætt ok auðæfum heyrði giarna fortölur Andree postola, ok var opt i hans herbergi. En frændum hans mislikaði þat, ok baðu hann ecki hlyða æa fortölur postolans, en sa hinn ungi maðr gaf öngan gaum at þeira orðum. Ok sem hann var einn dag i herbergi með postolanum ok heyrði
 25 hans kenningar eptir siðveniu, komu þangat frændr hans reiði fullir ok villdu drepa postolann, er hann var staddr einn i lopt-husi. En er þeir mattu eigi inn komaz, baðu þeir hinn unga mann ut ganga til sin. En hann kveðz með öngu moti vilia skilia við Andream postola. En frændr hans urðu sva galnir, at þeir lögðu
 30 elld i herbergit. Ok sem loganum laust upp um allt husit, þa tok hinn ungi maðr eina fautu fulla með vatni ok kastaði fram fyrir elldinn, sva at þegar sloknaði. Ok sem frændr unga mannz sa þetta, sögðu þeir, at hann væri vorðinn galldramaðr, ok settu
 35 nu stiga við loptið, at þeir skylldo sva upp komaz. Ok er þeir voru bunir til þess, urðu þeir blindir allir, sva at þeir sa eigi stigann. Einn af þeim, er þar voru staddir, sa þessa luti ok talaði sva til þeira: „Þer, heimskir menn, erfiðiz at þarfleysu, seait þer eigi, at guð geymir þessarra manna fyrir yðr; latit af yðvarri iðn, at eigi komi guðs reiði yfir yðr.“ Margir af þeim, er sa
 40 þessi stormerki, truðu æa guð ok voru skirþir af Andrea postola.

En þeir, er þetta illvirki höfðu gert ok villdu eigi retta tru taka, do skiott innan færra daga.

4. ¹Husfru eins manndrapara varð kviðug af samvistu við bonda sinn, ok er natturligr timi hennar barngetnaðar kom, tok hun harða sótt, ok kallaði til sin systur sina ok mællti við hana: 5 „Bið fyrir mer hina helguztu gyðiu vara Dyanam, at hun lini minn krankleika.“ Nu for hun þar til, sem upp var sett likneski Dyane, ok fell fram fyrir hana litillatliga ok bað hana auðmiukliga gefa systur sinni heilsu. En i því sama skurðgoði svaraði diðfull henni: „Fyrir hvi kallar þu æ mik, þar sem ek ma ðngva hialp 10 veita þer? Far helldr til Andream postola ok bið hann hialpa systur þinni.“ Hun for ok fram kom til postolans ok bað hann veita systur sinni nöckura hialp. Postolinn for þegar, ok sem hann kom til hinnar siuku konu, talaði hann til hennar: „At rettum guðs domi þolir þu þessa pinu þvíat þu hugðir skurðgoð 15 blind ok dauf mega hialpa þer. En ef þu truir æ guð ok iðraz synda þinna, þa mun ek gefa þer heilsu þina. En fyrir sakir illgerða þinna ok bonda þins, skalltu dauðt barn fæða.“ Þessi kona truði æ guð, sem postolinn bauð henni, ok fekk heilsu sina, en skilþiz sva við getnat sinn sem hann sagði fyrir. 20

5. ²Nicholas het einn gamall maðr, er kom til Andream postola ok mællti við hann: „Ek hefir lifvat nær .lxx. vetra ok nær allan minn alidr likamsmunut fullgert ok legit i saurlifnaði. Einn tima tok ek guðspiallabok i hond mer, biðandi til guðs, at hann veitti mer þat, at eigi spilltumz ek optarr i fullifi. En af því at 25 vóna siðvenia var mer sem nauðsynlig til likams heilsu, þa leið skamt þaðan, aðr su lostasemi tendraðiz með mer, ok gaf ek ðngan gaum at guðspiallabok ne minni bæn, er ek fram hafði i guðs augliti. For ek til pútnahuss. Ok sem ek þar kom, mællti ein puta við mik þegar: Ut þu, hinn gamli maðr, ok ver eigi 30 sva diarfr, at þu komir nær mer. þvíat þu ert guðs engill, ok miðk undarligt er þitt yfirbragð. Ek varð óttafullr við orð putunnar, ok kom mer i hug þat, er ek bar guðspiallabok með mer. For ek þegar æ brott ok til þin. Nu bið ek þik, guðs postoli, at þu samsættir mik við guð.“ Sem hinn heilagi Andreas hafði heyrt 35 iatning Nicholai, bað hann til guðs með tárur fyrir honum allt fra .iii.ðia tima dags ok til nóns. Ok sem hann upp reis, villdi hann hvarki eta ne drecka, ok sagði sva: „Fasta skal ek þar til er guð birtir mer, hvart hann vill hialpa þessum gamla manni eða

1 Af husfru eins (!) *Overskr.* 2 Af einum ungum manni *Overskr.*

eigi.“ Ok þegar er hann hafði fastat .v. daga, þá kom raudd af himni yfir hann sva mælandi: „Auðlaz hefir þu, Andreas, þat, er þu baðt fyrir gamla Nicholao; en sva sem þu fastaðir fyrir hans skyld, sva skal hann ok sialfr fasta ser til synda lausnar.“ Síþan

5 bauð Andreas postoli Nicholao at fásta .v. manaði við brauð ok vatn. En hann gerði alla luti, sem postolinn bauð honum, ok þionaði guði með goðfysi, ok litlu siðarr andaðiz Nicholaus. Eptir þat kom eingill guðs til Andream postola ok sagði honum, at guþ hafði gefit Nicholao himinriki fyrir hans bæn.

10 6. Einn kristinn ungr maðr kom til fundar við Andream postola ok bað hann heyra sina nauðsyn. Postolinn geck með honum fra auðrum monnum, ok sem þeir voru .ij. samt, sagði hinn ungi maðr: „Moþir min hefir tapat við mik moþurligri ast; sakir þess at henni syniz ek sva fagr, þá lystir hana til min, ok

15 biðr mik leggiáz með ser, en ek villdi þat með öngu moti. Þar fyrir varð hun mer reið ok hropaði mik fyrir domanda ok sagði honum, at ek villdi sva fyrirdæmðan glæp gera með henni, ok er nu stefnudagr kominn, er domarinn hefir æ kveðit, at þetta mal skal profat vera fyrir honum. En hvat sem moþir min segir, þá

20 mun ek fyrri þegia, en bera nöckura luti æ moþur mina, ok því bið ek þik, guðs postoli, at þu hialpir mer sva, at eigi deya ek fyrir þessa ælygi.“ Nu sem ungi maðr var til stefnu kallaðr, fylgði honum Andreas postoli. Sem þeir komu fyrir domarann, var moþir hans þar fyrir ok hropaði hann fyrir fyrr nefnda uhæfu.

25 Domarinn spurði sveininn, ef þat væri satt, er hun sagði. Ungi maðr svaraði öngu. Þá mælti hinn helgi Andreas postoli við moþur hans: „Þu hin grimma kona, hvi skammaz þu þin eigi at biðia syni þinum dauða fyrir þina eiginliga illzku?“ Þá sneriz hun til domarans ok mælti: „Vit þat. herra minn, at síþan son

30 minn hlyddi fortölum þessa mannz, þá hefir hann iafnan staðfastr verit i sinni illzku til min.“ En domarinn hugði þat satt vera, er hun sagði, ok bauð sinum mönnum at taka sveininn ok binda i einum bikuðum seck ok kasta honum framm i eina diupa æ, en Andream postola bað hann setia i myrkvastofu, meþan hann

35 hugsaði honum pinu til dauða. Sem Andreas postoli heyrði þetta, fell hann æ kne ok bað til guðs. Þá kom ogurligr landskialpti ok reiþarþrumur ok elldingar, ok fellu allir til iarþar. En þá vándu konu slo elldingh, sva at hennar beið ecki eptir utan ausku. En domarinn ok allir aðrir baðu postolann hialpa ser. Hann bað

40 1 Af einum ungum manni *Overskr.*

fyrir þeim til guðs, ok leið síðan su ógn af. Síðan tok domarinn skirn ok retta tru af Andrea postola, ok allt folk, er við var þenna atburð, lofaði guð fyrir predikan Andree postola.

7. I þann tíma er heilagr Andreas postoli var i borg þeiri, er Villea het, sögðu menn honum, at æ veginum, er til læ borgarinnar, leynduz .vij. diöflar, þeir sem drapu umfarandi menn. Postolinn for með borgarmönnum æ þannu sama vegh, ok bauð diöflum at syna sik. En þeir komu fram fyrir folkit, ok sa allir þa i hunda æseonum. Síðan bauð hann þeim at fara brott ok gera öngum manni mein. En þeir hurfu þegar æ brott. Sem borgarmenn sa þetta stormerki, hlyddu þeir fortölum postolans ok toku skirn ok retta tru. Eptir þetta for Andreas postoli brott or Villeaborg. Ok sem hann kom til annarrar borgar ok gekk at hliðinu, þa mætti hann liki eins ungs mannz, er til graptar var borinn. Spurði hann þa er með foru, með hverium hætti hann hefði dait. En honum var sagt, at .vij. hundar hefði komit i herbergit til ens unga mannz ok drepit hann þar. Sem postolinn heyrði þetta, varð hann hryggr miok ok hellt höndum til himins sva talandi með tárur: „Veit ek, drottinn, at hundar þessir, er sveininn hafa drepit, ero þeir .vij. diöflar, er ek rak brott or Villeaborg.“ Síðan kallaði hann æ fauður sveinsins ok spurði, ef hann villdi gefa honum sveininn, ef hann reisti hann af dauða. Faðir ens unga mannz svaraði: „Ecki er þat i heiminum, at mer se kærri en son minn, ok ef guð gefr honum lif fyrir þinar sakir, þa mun ek hann sialfan gefa þer til þionostumannz.“ Sem postolinn heyrði þetta, fell hann allr til iarþar oc bað til guðs, at hann skyldi gera sinn alnátt opinberan fyrir folkinu, er þar var við staðt. Ok at lyktaðri sinni bæn tok hann i hönd sveininum ok reisti hann upp lifanda i nafni Jesu Kristz. En allr lýðr, er þetta stormerki sa, lofaði guð ok hinn sæla Andrean. Þessi hinn ungi maðr gerðiz lærisveinn postolans ok fylgði honum iafnan síðan.

8. Þa er Andreas postoli geck nærri sea með mörgum auðrum, þa sea þeir, at liki var uppkastat i fiðruna fyrir fetr postolanum. Þa fagnaði Andreas drottni sialfum ok mællti: „Þat villdi ek, at sea maðr risi upp ok segði af ferðum sinum.“ Nu biðr hann fyrir honum, at hann skyldi lifna, ok tekr i hönd honum ok reisti upp hinn dauða. Ok þa lifnaði hann þegar. Hann var naukðr, þa gaf postolinn honum kyrtil sinn ok mællti: „Seg þu oss atburð um liflát þitt.“ Hann svaraði: „Ecki mun ek leyna þik, maðr, hverr sem þu ert. Ek em systurson husfreyiu

einnar, þeirar er fyrir skömmu kom af Lungbarðalandi. En þa
 er ek kom til fostriarða minna, heyrða ek nyian sið boðaðan, þann
 sem enginn maðr hafði fyrr heyrt, ok var mer sagt, at einn guðs
 lærisveinn gerði marga menn heila, þa er aðr voru siukir, ok margar
 5 iartegnir heyrða ek, at hann gerði, ok stormerki. Ok er ek heyrða
 þessa luti sagða, þa villda ek giarna sea þann, er slikir lutir voru
 fra sagðir, þvíat ek ætlaða ecki annat, en guð sialfr mundi gera
 slíka luti. Ok þa er (ek) siglða með felögum minum, kom at oss
 hrið mikil, ok varð mikill siovangangr, sva at allir tynduz, þeir
 10 er æ skipinu voru. Makara væri, at þa ræki upp sem mik, ok
 væri uppreistir sem ek.“ Ok er hann hafði þetta mællt, þa hugs-
 aði hann, at hann mundi tala við sialfan postola guðs, ok fellr til
 fóta honum ok mællti: „Sannliga veit ek, at þu ert guðs þionn.
 Nu bið ek þik, lavarðr minn, at þu biðir, at þessa menn reki til
 15 landz, er tynzt hafa, ok láti almattigr guð þa lifna, til þess at
 þeir kenni sannan guð skapara sinn, þann er þu boðar.“ Þa var
 Andreas postoli fylldr af helgum anda ok kendi honum heilagar
 kenningar. Nu dásamaði hann kenningar hans ok mælsku, ok
 nu retti heilagr Andreas hendr til himins ok mællti: „Ek bið
 20 þik, drottinn minn, at þu latir uppkasta likum þeira manna, er
 tynz hafa með þessum manni, til þess at þeir mætti kenna skapara
 sinn.“ Ok er hann hafði þetta mællt, þa rekr þar .xix. ok .xx.(!)
 lik at landi, ok tok hann at grata af fagnaði, ok fell til fota
 postolanum, ok bað, at hann reisti þa af dauða. En sea maðr
 25 het Philopator. (Hann mællti): „Fapir minn sendi oss hingat með
 miklum fiarlut, er honum var ecki um guð þinn ok kenningar
 yðrar, en hvegi sem þat er, þa munu ver því um trua, sem þu
 segir.“ En allir þeir, er hia voru, felldu tár. Nu ræddi postolinn
 við þa, at þeir samnaði saman likunum, þeim er upp voru rekin.
 30 Ok er saman voru borin likin i einn stað, þa spurði Andreas
 Philopator: „Hvern villtu at ek reisa upp fyrst?“ Hann svaraði:
 „Þat vil ek, at þu reisir upp Gnaram frænda minn.“ Þa fell
 heilagr Andreas æ kne ok hellt höndum til himins ok bað lengi
 með tárur: „Heyrðu, hinn goði Jesus Kristr, reis þu upp hinn
 35 dauða fostra Philopatoris, at hann kenni dyrð þína, ok mikli nafn
 þitt.“ En Gnaras sprettr upp þegar. En allir þeir er við voru,
 lofuðu guð ok hinn heilaga Andream postola. Síðan ferr postol-
 inn til serhvers liks ok biðr guð almatkan ollum þeim lífs, ok
 mællti sva: „Ek bið þik, drottinn Jesus Kristr, at þessir risi
 40 upp, er her liggia dauðir.“ Ok nu mællti Andreas við þa, er

hann hafði uppreista: „Farit þit nu til felaga yckarra ok mælit sva yfir hverium hinum dauða: Drottinn Jesus Kristr sonr guðs lifanda reisi þik upp.“ Þeir gerðu sva, ok mælltu slik orð yfir hveriu likinu, sem postolinn hafði kent þeim. Ok risu upp allir, þeir sem dauðir höfðu verit, einum manni miðr en .xx., ok lofuðu ⁵ allir guð ok hinn sæla Andream postola, ok mællto sva: „Engi er likr þer, drottinn.“

9. Heilagr Andreas postoli predikaði kristiliga tru i Achaya heraði, ok skirði þar allan lyð i nafni Jesu Kristz, ok husfru Egea iarls tok retta tru. Ok sem hann hafði vigþar þar kirkjur ok ¹⁰ kennimenn, þa nalgaðiz sa timi, er guþ villdi ðmbuna honum sina þionostu ok veita honum himneskan fagnat. I þann tima höfðu Romveriar skipat yfir Achayam þann höfðingia, er Egeas het, hans kona het Maximilla. En er Egeas varð þess viss, at kona hans var kristin vorþin, varð hann reiðr öllum kristnum ¹⁵ mönnum, ok for skyndiliga til borgar þeirar, er Patras het, ok hvar sem hann fann kristna menn, nauðgaði hann þa til blota. En er Andreas varð varr við þessi típindi. þa for hann til iarlsins ok mællti við hann: „Þer byriaði, iarl, at kenna domara þinn, þann sem æ himnum er, þar sem með hans miskunn ertu domari ²⁰ manna æ iorðu. Ok síþan þu hefir kent þinn sannan domara, þa skalltu dyrðka hann ok iðraz þess, er þu hefir dyrðkat diðfla skurðgoð.“ Þa spurði Egeas: „Ertu sa Andreas, er predikar þessa villu, er romverskir höfþingiar bioða at eyða skuli með öllu?“ Andreas svaraði: „Romverskir höfþingiar skildu enn eigi, ²⁵ at guðs son kom hingat i veröld til þess at hialpa öllu mannkyni. ok syndi hann með berum orðum ok iartegnum ok sagði i skurðgoðum vera diðfla, þeim er heiðnir menn dyrðka, ok þeir uhreinir andar eggja: menn til þess at dyrka sik, at guþ verði þeim reiðr fyrir þat, ok síþan hann snyz fra þeim, vill hann ok eigi heyra, ³⁰ þa er þeir ero herteknir af diðflum ok ero spottapir af honum (!), þar til er þeira salur ero utdregnar af likamanum ðngva luti með ser hafandi utan syndir.“ Egeas svaraði: „Þa er Jesus yðvarr predikaði þvilikan hegoma, var hann krossfestr.“ Andreas mællti: „Krossins pinu tok Jesus Kristr sialfviliandi æ sik oss til lifs ok ³⁵ lausnar, en eigi fyrir sakir nöckurra illgerða.“ Þa spurði Egeas postolann: „Með hverium hætti fær þu þat sannat, at hann hafi sealfraði þolat krossins pinu, þar sem sealfir hann var selldr af sinum lærisveini ok höndlaðr af Gyþingum ok krossfestr af riddorum Pilati iarls.“

Þa hóf heilagr Andreas postoli sína ræðu ok syndi iarlinum með skynsemd, at Jesus Krístr var at vilja sínum pindr, ok sagði sva: „Þa er ek var með meistara mínum Jesu, sagði hann fyrir lærisveinum sínum piningh sína ok mælti sva: „Ver skulum fara
 5 til Jorsalaborgar, ok mun mannz sonr selldr vera höfðingjum kennimanna, ok munu þeir dæma hann til dauða ok fa síðan í valld heiðinna þjóða, at þeir spotti hann, huðstryki ok krossfesti, ok síðan mun hann æ .iij.^{ia} degi rísa upp af dauða. Ok sem Petrus bróðir minn heyrði þetta, bað hann Jesum sva skipa, at hann þylði
 10 eigi slik harðinde. En Jesus svaraði honum styggliga, ok sagði, hann eigi skilja guðs vilja þar um. Ok annan tíma sagði hann oss, at hann hafði valld til at skilja sína sal við líkamann ok samtengia þau annan tíma ok lífa síðan at eilífu. Sva sagði hann ok opinberliga, at Judas einn af hans lærisveinum mundi selja
 15 hann. Ok sem Judas hafði þessi drottinssvik fullgert, þá vissi Jesus, hvern stað hann hafði æ kvepit, til þess at Gyðingar skyldu handtaka hann, ok fór hann þegar þangat sialfviliandi ok beið þeira þar, er hann drógu til pínu.“ Sem postolinn hafði þessa luti sagt, ok sagði sík sialfan hafa verit hia þessu öllu, þá sagði(!)
 20 hann. þat til, at mikit væri stormerki krossins. En er Egeas heyrði þessi orð Andree postola, svaraði hann: „Hversu ma þat segja takn ne stormerki, helldr kvöl ok pínu, ok ef þu vill eigi lýða mínu boði, þá skaltu prófa æ sialfum þer stormerki krossins.“ Andreas svaraði: „Ef ek hræðumz pínu krossins, þá munda ek
 25 eigi predika dyrð krossins. En því vil ek þik heyra læta dyrð krossins, at sva mætti til bera, at þu tryðir ok viðkendiz ok hialpaðiz með hans heilagleik. Ero ok margar skynsempir, hversu nauðsynligt ok viðrkvæmiligt stormerki lausnarinnar er. Í fyrstu sakir þess, at forfapir varr Adam braut sva guðs boðorð, at hann
 30 æt epli af því tre, er guþ bannaði honum. þá var viðrkvæmiligt, at meýiar sonrinn, sa er Adam ok hans afspringi leysti frá eilífum dauða, veri sem epli upphengðr æ pínu krossins; sva var viðrkvæmiligt, at sva sem hinn fyrsti maðr var af uspilltri iorðu skapaðr, sva væri oc guðs son af skíærri meýiu fæddr, þá er hann
 35 kom í heim þenna at endrbæta alla luti. Ok sva sem gamli Adam retti sínar hendr ok tok þat epli, er honum var bannat, sva retti varr nýi Adam Jesus Krístr sínar hendr negldar æ kross oss til frelsis. Fyrri Adam æt sama epli með miklum lystugleika, en Jesus varr drakk beiskt eit æ krossinum hangandi.
 40 Sva var ok nauðsynligt, at þar sem guþ villði gera manninn

odauðligan at lifa eilífuga með sialfum ser at eilifu, þa tok guð varr dauðligan líkam æ sik. En ef guð hefði eigi dauðligr maðr gerz, þa mættim ver sea, at ver verim alldri odauðligir.“ Þa mællti Egeas: „Þilíkan hegoma mun þer ecki stoða at tala fyrir mer, hlyð þu helldr raði minu, ok fær fornir almatkum goðum várum.“ 5 Andreas svaraði: „Almatkum guði fornfæri ek dagliga flecklaust lamb, ok síþan kristit folk hefir etit þat sama lamb, þa er þat allt at einu lifanda ok uskatt sem aðr.“ Egeas spurði, hversu þetta mætti vera. Postolinn svaraði: „Ef þu vill geraz Kristz lærisveinn, þa skal ek segia þer hans stormerki, elligar ertu eigi 10 verðr at vita þar nœkkut af.“

10. Sem Egeas hafði heyrt sva fagnar fortölur Andree postola, varð hann ækaflika reiðr ok mællti sva til hans: „Af því at mer synaz orð þín hegomlig, þa skal ek með þínu krefia af þer, at þu synir skynsamliga þínar fortölur sannar vera.“ Síþan 15 bauð iarlinn, at postolann skyldi setia i myrkvastofu. En sem annarr dagr kom, þa var Andreas postoli leiddr af myrkvastofunni fyrir domstol iarlins. Þæ bauð Egeas honum af nýiu at færa fornir skurðgoðum sva segiandi: „Vit þu þat sannliga, Andreas, at ek skal lata þik festa æ þann sama kross, er þu lofar, nema 20 þu gerir, sem ek byð.“ En er Egeas hafði mörgum kvölum ognat postolanum, þa svaraði hann hófsamliga sva talandi: „Hugleið þu, þræll, allzkyns þínu, ok skalltu mik buinn finna at þola þær allar i nafni Jesu Kristz, þvíat ek trui mik því kærri vera ok þægiligra minum konungi, sem ek þoli fleiri þínur fyrir hans 25 nafni.“ Sem iarlinn heyrði þessi svör postolans, þa anefndi hann einn mann ok .xx. af sínum mönnum til þess at huðstrykia Andrean postola. Ok er þat var gert, þa bauð hann þeim enum sòmum mönnum at krossfesta postolann með þeim hetti, at þeir skyldu binda hann æ krossinn ok staga með reipum allan hans líkam, 30 ok sva skyldi hann langa þínu þola til dauða. En er hinn helgi Andreas var leiddr til krossins, þa varð mikit samlaup folksins kallanda (ok) sva segianda: „Þessi rettlatr maðr er saklauss fyrir-dæmðr.“ En postolinn bað folkit, at eigi skyldi þat talma þining hans. Nu sem hinn helgi Andreas sa langt fra ser, hvar krossinn 35 var uppreistr, þa heilsaði hann honum sva segiandi: „Heill ser þu, hinn heilagi kross, er heilagr er af Kristz líkam ok pryddr af hans línum sva sem með gimsteinum, þvíat aðr en drottinn varr steig upp æ þik, þa fylgði þer veralldlig hræðzla, en nu hefir

þu tekít himneskan elskuga sakir heilagrar fystar, ok af því kemr ek nu öruggar til þín ok fagnandi, ok sva tak þu mik með gleði, lærisvein þess, er heck æ þer, þvíat íafnan elskaða ek þik. Heyr þu, hinn goði kross, sa er tokt frægð af limum drottins, 5 lengi hefi ek girnz til þín, ok hiartaliga elska ek þik. Tak nu við mer, ok skil mik brott fra þessa heims mönnum, ok gíalld mik meistara minum, at fyrir því taki sa við mer, er mik leysti æ þer hangandi.“ Ok sem postolinn hafði sva sagt, afklæddi hann sik ok feck í hendr, er hann skyllði pína, ok síþan hengðu 10 þeir hann æ krossinn, ok bundu með reipum allan hans líkam, sem þeim var boðit. Hinn helgi Andreas hefir tva daga verit lífandi með þess hattar pínu æ krossinum, ok voru þar hía staddir tvau þushundrat kristinna manna, þeir sem heyrðu hans predíkan allan þann tíma. En mikill mannfíolði fór til húsarílsins, ok 15 ógnuðu honum dauða ok sögðu sva: „Fyrir hvat skal maðr guðs-meinlauss, hógværr ok milldr þola þvílíka pínu? Ok ef þu, íarl, lætr hann eigi ofan taka af krossinum, þa skulu ver drepa þik.“ Egeas varð hræddr við þetta orð, reis upp ok fór með þeim, ok ætluðu(!) at taka postolann niðr af krossinum. En er Andreas sa 20 íarlínn, mællti hann: „Fyrir hvi komtu híngat, Egeas? Ef þu vill íðraz misverka þínna ok trúa æ gup, þa skaltu miskunn fa af honum, en ef þu kemr til þess at leysa mik af krossinum, þa skalt þu víta þat, at alldrí stig ek lífandi niðr af honum, þvíat nu se ek konung minn, þann er mín bíðr.“ Ok sem folkit til 25 leitaði at leysa postolann, stíðnuðu hendr þeíra ok armleggír skulfu, sva at engi matti nær koma hans heilaga líkama.

11. Hinn helgi Augustínus segír sva í bok þeíri, er hann saman gerði af sannrí íðran, at hinn sælí Andreas postolí, sem hann sa folkit grata sína pínu, bað hann til guðs sva segiandi: 30 „Heyr þu, drottinn minn, ek bíð þik, at þu latír mik eigi lífanda niðr stíga af krossinum, þvíat nu er tími til, at þu bíopír íorðunni at geyma minn líkama, þvíat sva lengi hefi ek borít hann, ok hann volkat ók erfíðaz fyrir honum, síþan hann var mér æ hendi folgínn, at [nu lystír¹ mik með þínum vílí at verða fríals 35 af honum ok hans þunga búningí. Nu endrminnumz ek, drottinn minn, hversu hann var mér þunganarfúllr ok uhægr at bera, latr ok ofmetnþarfúllr at temía til goðs, ostýrkr móti yfírkomandi freístní. Veítz þu, drottinn, hversu opt minn krankí líkami víllði mik fra draga sætleík þínna elsku, at opt unaðaði hann

40 ¹ [þu leystír *Cd.*

mik af kyrrleik minnar elskuligu hvíldar með harmi hiartaligrar æhyggiu. Kunnigt er þer, hinn goðgiarnasti faðir, hversu lengi min sal hefir í stríði staðit moti sinum likam ok sigrat iafnan með þinni hialp. Ok því beiðumz ek af milldum ok rettvísu domara, at eigi bioðir þu mer at bera hann lengr. Tak aptr nu af mer þat goðz, er þu bauðt mer at geyma, ok fa iorðunni í valld minn likam, þar til er hann skal upprisa ok ömbun (taka) sins erfðis af þer, ok veit eilífan fagnat, lausnari minn Jesus Krístr, er með feðr ok helgum anda lifir ok ríkir æn enda.“ Sem hinn helgi Andreas hafði þetta sagt, þá kom yfir hann líos af himni með mikilli birti, ok skein halfa stund dags, sva at folkit, er nær stoð, matti varla móti sea. Ok sem þat sama líos leið til himins, gaf guðs postoli upp sína sal ok fór með fagnaði til himinríkis.

12. Maximilla kona Egees iarlz tok líkama postolans af krossinum ok gerði hans útferð sémiliga ok grof hann miðk vegsamliga. En fyrr en Egeas kom heim til síns heimilis, varð hann diöfuloðr ok kvaldiz herfiliga ok do þegar at æsiándum þeim ollum, er nær höfðu verit pining postolans. Sva segiz, at af grof Andree postola flytr manna, þvílíkt at sea sem oleum, með hinum sætazta ilm. Merkia landzmenn þar af árferð. Þá berr iorðin meira ævðxt, er fyrr nefndir lutir gefaz gnogligarr, en þá minna, er þeir fæaz litilligarr þar af. Var þessi iartegn saunn, meðan líkami Andree postola læ í þeim stað, er hann var grafinn. En nu síðan [hann var² fluttr til Miklagarðz, þá er ecki ritat af því, hvart þat helldz eða eigi, at þessar guðs gíafar flyti fram af hans líkam.

13. Einn síðsamr byskup vegsamaði hinn sæla Andream postola með einkannligri elsku millim annarra guðs vína sva hiartaliga, at öll sín gíætzkuverk sagðiz hann gera guði til tignar ok hinum sæla Andree postola til virðingar. En sem hinn forni fiandi sæ þenna hinn goða byskup breyta með heilagleika, öfundaði hann hinn vónði ok sína svíksamliga slægð frammi hafði, takandi æ sík einnar vënnar iungfru æsionu. Þessi kona fór til byskups ok kom til hans hallar, ok sem hun fann hans þionostumenn, teði hun þeim sitt eyrendi ok sagðiz víla íata fyrir byskup sínar syndir leyniliga. Sem þeir sögðu byskupi hennar orð, bauð hann, at hun skyldi íata syndir sínar fyrir þeim, sem hann hafði fengit fullt valld til þess. Nu sögðu byskupsmenn henni, en hun neitaði því ok sagðiz öngum manni birta skulu sína leynda luti

1 Af Maximilla konu E. *Overskr.* 2 [var hann Cd.

nema honum sialfum. Sem byskupinu heyrði þat, bað hann, at hun skylldi til hans koma. Ok er þau voro tvau samt, hof hun sva sina ræðu: „Ek bið þik, herra minn, at þu miskunnir mer, þviat ek em ein iungfru ung at alldri, gðfugh at ætt, af konung-
 5 ligu kyni komin, sæmiliga ok lystugliga uppfædd i minni barnæsku, en nu em ek her komin ein saman ok utlendzk i fataekum bunaði. At sönnu var faðir minn miok volldugr i sinu riki, ok sem hann villdi gipta mik einum mikils hattar manni, villda ek þat með öngu moti samþyckia, ok sagða ek mik hafa heitit guði, at spilla
 10 alldri minum meydómi með karlmannligri samvistu. En er faðir minn villdi þraungva mer þar til ok ógnaði mer likamligum pinum, ef ek villda eigi hans vilia gera, þa leyndumz ek i brott um nótt, olum monnum þat ovitandum, þviat helldr kaus ek at lifa fataekliga en briota mina tru. Nu sem ek heyrða sagt fra yðrum heilagleik,
 15 þa flyði ek til yðvar væntandi, at yðart huggiæði mundi sampinaz minni vesold ok sva fyrir sea, at ek mætti her guði þiona frialsliga með kyrleik hreinnar samvitzku hlutlaus af ollum unaðum.“ Sem byskup hafði heyrð hennar orð, undraði hann sva mikinnu astarhita i hennar briost kominn vera heilags lifnaðar með
 20 mikilli malsnilld, ok sva sem hann hugleiddi hennar volldugleik ok sva hennar fagra likama, svaraði hann sva: „Vertu örugg, dottir min, þviat drottinn mun veita þer sina miskunn i þessi verolld, en annars heims eilifa dyrð með sialfum ser, þviat sakir astar hans hefir þu upp gefit frændr ok fee ok þitt fostrland með,
 25 allri veralldligri sælu hefir þu karlmannliga hafnat, ok þvi skalltu mik buinn finna at gera þinn vilia, ok seg sialf, hvern stað þu vill velia i minu byskupsdæmi þer til bygðar, at þu megir eptir fyst fullgera guðliga þionosto. En af þvi at timanum liðr, þa skalltu eta með mer i dag.“ Jungfru svaraði: „Bioð mer eigi
 30 þat, faðir minn, þviat vera kann, at vándir menn virði þer þat til ufrægþar, en þa verðr auðruvis en ek villdi, ef þu fær nöckurn vanheiðr af mer.“ Byskup svaraði henni: „Ver skulum sitia fleiri saman en vit tvau ein, ok þvi ma þat með öngu moti ill grunsemð með sönnu segiaz.“ Sipan gengu þau til borðz, ok
 35 skipaði byskup sva, at hvart þeira sat i mot auðru yfir borðinu, en annat folk sat tveggja vegna ut i fra þeim. Byskup leit optliga til iungfruinnar ok undraði fegrð hennar. Ok sem hans auga var lystugt til hennar æsynar, þa klöcknaði hans hiarta til slioligs(!) sambandz með henni at hafa. Af þessu skildi fiandinn,
 40 hvat tiðt var með honum, ok let eigi sein at ser at særa hans

hug, aukandi fegrð meirr ok meirr. Ok sem byskupinn hafði staðt gert með ser, at hann skyldi leggjaz með iungfruinni, þegar hann fær ser viðrkvæmiligan stað til, þa kom til herbergis einn utlendr maðr fatækr ok kvaddi ser ækafliða inngöngu með höggum ok háreysti, en durverþir villdu eigi upp lata fyrir honum. Ok 5 sem hann skok hurðina, talaði byskup til iungfrunnar ok spurði hana, ef hun villdi, at sa okunni maðr gengi inn. Hun svaraði: „Berit upp fyrir hann eina þunga spurning, ok ef hann leysir hana vel, þa ma hann inn ganga, elligar er hann eigi verðr at koma i yðra höll.“ Ollum er við voru þotti þetta goðr orskurðr 10 vera, ok leituðu með ser, hverr til fallinn væri at tala með utlendzka mann. Ok sem engi var þess buinn, mællti byskup: „Ver seam öngvan betr til fallinn at tala af varri hendi en yðr, þvíat ollum er þat auðsieð, at yðr vantar hvarki vitzku ne mal-snilld, ok því biðium ver yðr, at þer giorit sva.“ Hun mællti þa: 15 „Spyrit hann, hvat guð hefir þess giort i litlum lut, at merkiligaz se.“ Sem hinn utlendzki heyrði þessa spurningh, svaraði hann: „Sva mikill mannfiöldi sem verit hefir fra upphafi heims, ok sva margir sem fæðazt munu til enda veralldar, þa finnaz öngvir þeir .ii., at likar æsionur hafi at ollum lutum.“ En allir, er heyrðu 20 hans andsvör, sögðu þau hin hæstu vera. Jungfru sagði: „Ver skulum spyria hann fleiri luta, at ver verðim vis, ef hann er vitr maðr. Spyr hann, hvar i hverium stað iorðin er hæri en himinn-inn.“ Sem hinn utlendzki heyrði þessa spurningh, svaraði hann: „Drottinn Jesus Kristr takandi á sik mannligan likam, let pinaz 25 öllu mannkyni til lausnar, ok eptir pining sina ok upprisu af dauða steig hann upp yfir alla himna sannr guð ok sannr maðr með þeim sama likama, sem hann tok i sinum guðdomi i kviði sinnar blezaðrar móður Marie, ok vit þat sannliga, at þar sem guðs likami er, þar er iorðin hverium himni hærre.“ Sem þessi 30 andsvor heyrðuz, lofuðu allir hans vitzku ok sönnuðu hans orskurð. Jungfru svaraði: „Hina .iii.ia spurningh miok diupa ok torvellda at leysa skal ek gera honum, ok ef hann leysir hana vel, þa er hann at sönnu verðr at eta með byskupi. Spyrit hann nu, hversu langt er milli himins ok helvitis.“ Hinn utlendzki maðr svaraði: 35 „Far aptr til þess, er þik sendi til min, ok spyr hann vandliga af þessum lut, þvíat hann veit þat meirr giörr en ek, ok þat ma hann sialfr segia þer, þvíat hann mællti þat rum, er til helvitis er, ok vitið þat sannliga, at su fagra iungfru er eigi kona, helldr hinn verstí diöfull.“ En er sendimaðr heyrði þetta, óttaðiz hann 40

ok sagði öllum, er i voro herberginu, þessi svör. Sem allir undruðuz hans sögn, þa hvarf fiandinn brott fra þeira ögliti. En byskupinn hugleiddi, hvert hans hiarta hafði verit, ok hvarf aptr til sinnar samvitzku asakandi sialfan sik, ok bað guð með tarum
 5 fyrirgefa ser sinn misverka, ok sendi þegar i stað sina þionostumenn, at þeir skylldu hinn utlendzka mann inn leiða, en hann fannz hvergi. Eptir þetta kallaði byskup saman allan borgarlyð ok sagði opinberliga þenna atburð, ok bauð þeim at fasta þann dag ok biðia, at guð virðiz at birta þeim, hverr hinn utlendzki
 10 maðr hefði verit, er hann hafði frelsat af sva miklum saluhaska. A þeiri sömu nott var byskupi vitrað, at hinn helgi Andreas postoli hafði synt sik i fataækum ok i utlendzkum buningi, ok kom þar til þess at frelsa byskup af fianda svikum. En byskup þackaði guði ok hinum sæla Andree postola, hversu miskunnsamliga
 15 við hann var gert, ok elskaði hann síðan með einkannligri virðing alla tíma.

14. Þat er sagt, at i borg nöckurri var einn formaðr, sa er rangliga tok undir sik akr, þann er gefinn hafði verit Andree postola. En er byskup, sa er i var staðnum, heyrði þat, bað
 20 hann hinn sæla Andream postola hefna honum, er honum gerði rangt, ok þegar i stað tok sa riðusott. Síðan bað hann byskupinn biðia fyrir ser til guðs ok iataði honum at giallda honum aptr akrinn. Ok er byskupinn vissi þat, for hann til kirkiu Andree postola, þeirar er akrinn var fra tekinn, ok braut alla lampa
 25 kirkiunnar ok sagði sva: „Her skal alldri lios tendraz, fyrr en drottinn hefir refst ranglæti sins ovinar, ok kirkian hefir sitt goðs aptr fengit.“ Ok þegar i stað tok formaðrinn hina sömu riðusott, sem hann hafði fyrr haft, ok sendi menn til byskups, bað hann enn biðia fyrir ser til guðs ok iataði þat, at hann skyllði
 30 aptr leggja akrinn Andree postola, ok leggja annan akr iafngöpan til kirkiu hans. En er sendimenn komu til byskups, sögðu þeir honum bæn formannzins, en byskup svaraði þeim: „Ek hefi iafnan beðit til guðs, ok nu hefir hann heyrt mina bæn.“ Eptir þat let formaðrinn bera sik til byskups, oc bað hann biðia fyrir ser.
 35 Síðan bað hann fyrir (honum). Ok sem byskupinn geck i kirkiu hins helga Andree postola, ok sa hinn kranki maðr, er fyrr var fra sagt, skyllði inn ganga i kirkiuna, dó hann, ok eptir andlát hans var akr hins helga Andree aptr lokinn ok hans kirkiu var sinn skaði aptr golldinn.

Þessar iartegnir ok pislarsaugu hins sæla Andree ritaðu prestar ok diaknar i Asia, þeir sem sialfir sæ hans verk ok heyrðu hans predikan. Skulu ver biðia, at sea hinn sæli Andreas guðs postoli biði almátkan guðs son. at hann veiti oss frið ok fagnat þessa heims, en annars heims leiði hann oss með sialfum ser inn i himinrikis fagnat, þar er hann lifir ok rikir einn guð i þrenningu per omnia secula seculorum. Amen.

IV.

Andreas postoli guds, er ver holdum i dag messudag, var fæddr i borg þeirri er Bepsaida heitir. Han var Joans sonr oc brópir Petrs postola. Han þyddisc i fyrsto Johanem baptistam oc gerðizst hans lærisvein oc beid sva ens ædra meistara¹ oc lana(r)-drotins. Oc var han þa med Joani baptista, er han syndi drotin varn med sinni hendi oc sagði þar vera lamb guþs. En er Andreas heyrdi þessi ord Joans baptiste, þa sagði han Petro brópor¹⁵ sinom til drotins vars, oc konnodosc þeir þa þegar vid han, en qvomo þa til fylgdar vid han, er han kalladi þa bada senn breðr af einom fiskibati til sins foroneytis. En fylgþo þeir honum þadan i fra i sifello, medan han var i þessom heimi, oc var su greien(!) a med þeim bredrom, at Petrus var mestr formelandi þeirra allra,²⁰ en engi var þeirra diarfari of alt þat er manraun var i en Andreas. Oc þa er lidin var pislartid drotins vars oc hans uprisa oc upstigning til himna, ok han hafði midlat astgiof heilags anda sinom postolom, þa voro þeim brat synd forlog sin, þau er guð hafði þeim hugat, a hvert þicdland hverr þeirra skyldi fara kenn-²⁵ ingar at kenna, oc kom þat a lut Andreas postola at fara um Gricland oc um Akaia vellði.

Oc er þeir skildoz postolanir a Jorsalalandi, þa for Andreas fyrst of Griclandz eiar(!) oc kendi þar kenningar i fyrsto oc sneri

¹ neistara *Cd.*

morgum monnum til retrar truar. Han kom sidan til borgar þei(r)ar agestrar er Mirmiclonia(!) heitir, oc voro þar þau tidendi, at þangat hafði komit Matheus postole oc gudspiallamadr oc villði kenna þeim retta tru. En þeir toko han oc leko hart oc
 5 bordo oc settu han i myrqvastofu sidan, oc sat han þar, þa er Andreas kom i borgina. En er Andreas verdr (varr) vid, hver tidendi þar voro, þa fer hann þegar til stovonar oc braut hana upp oc ledði(!) a braut postolann, oc badodz þeir fyrir postolannir. Sidan tok Matheus syn sina, er han hafði adr blindadr verit, oc
 10 vard han heill allra meidinga, þeirra er (han) hafði af þeim tekit borgarmonnum. For han sidan til Blalandz oc kendi þar tru því landzfolki, er þar var, oc tok þar pining fyrir guþs nafn. En Andreas tok þar fyrst kennigar(!) at kenna, oc af ollu saman iartegnom hans oc kennigum toc sa borgarlydr allr retta tru, adr
 15 han færi þaðan. Þa er Andreas for um Griclandz eyar, þa gerði han allzkyns iartegnir, gaf sion blindum, heyrn daufum, rak diofla fra odom monnum, en resti(!) dauda menn til lifs.

Oc er han com i þau herod er Achaia¹ heita at bokmali oc a vara tungu er kallat Engilsnes, þa somnodoz saman þar blot-
 20 manna hofdingar(!) oc baro ogrynni fiar undir iarl heidin þan er Egeas het, oc sogþo sva: „Fra því er Andreas kom hingat i þessi herod, þa hefir eyz miok goda atrunadr, fyrir því at han banar þat miok, en margir trua hans ordum oc hafna ollum varom bodum.“ Jarlin toc vid feno oc baud sidan, at han skyldi leida
 25 i syn við han, oc for iarlin i borg, þa er Patras heitir, oc naudgadi monnum til blota. En honum rann i mot Andreas postole oc melti þegar vid hann fyrri diarfliga: „Þat hæfir, ef þu ert domari manna her a iardriki, at þu kannizd vid domara þin, þan er a himnom er, oc mattir þu grena(!) þan gud er a him-
 30 nom er, er sadr gud er, fra þeim godom, er flærdsamlig ero oc eigi ero son gud.“ Egeas mælti: „Ert þu sa Andreas, er nidr (brytr) hof goda vara oc tevgir(!) menn til þess at brio(ta) a bac Rumveria vilia oc fornar venior, þær er her hafa lengi hofdingar bodit?“ Andreas svaradi: „Ek em sa er bodar ord sanleicsins siafls(!) oc
 35 drotin Jesum Crist, at men hverfi a braut fra skurdgoda bloti oc kenist vid sana(n) gud oc lifanda, þan er alla luti hefir skapat oc os hefir frelsta fra eilifom dauda, oc mon þeim sanleicrin at fultingi verda, er a han truir.“ Egeas melti: „Hvat er sanleicrin?“ Andreas svaradi: „Sanleicrin er a himni, þar renr lios þat up, er

a braut recr flærdar myrkur, en er seð eigi þat lios, er tre eda steina ætlið guð vera. En er þu gazt við Rumveria hófðingia, þa hafa þeir enn eigi við kanazc, at guds sonr hafi hingat i heim komit, sa er þat kenndi, at skurðgod þau et(!) er trued a ero dioflar en eigi guð oc ovinir alz mankyns, oc kenna þat sinom atrunadar-
monnum, er guð stygviz við oc snyz fra, oc vil þeim eigi lyða. oc
þa er guð snyz fra þeim, þa verða þæir herfengner af dioflinum, oc leicr han þa alt þar til er þer(!) fara af heiminum sekir oc oc necþir, hafa ecki með sér nema synder einar.“ Egeas melti:
„Spurt hefi ek gerla, þa er Jesum(!) vðar(!) melti slíca hegoma
oc þarflausor, þa crosfestu þeir han.“ Andreas melti: „Til þess
ste drotin ofan af sino vellði oc toc a síc mandom, til þess at
han mæti i sinom mandomi oc piningo þan leysa, er fyrst hafði
tynz fyr sina ohlydni, oc var han at sialfvilia sinom pindr ein fyr
alla, at han teki af ollom qvalar i sinni piningo.“ Egeas melti:
„Ef han tok af ollom qvalar, hvi þyckia þeir allir pislar verdir,
er han dyrka?“ Andreas melti: „Undromc ek þat um sva
vitran man, er þu skallt þat eigi skilia, at ver erom fusir pislir
at taca oc lif at lata fyr guds sacar. En því sætir þat, at ver
vitom annat lif vera sat oc eilíft, ok fysomc ver af því til þes
lifs en qvidom ecki lif at lata, oc ef þu villt vita tacn oc stor-
merki heilags cros oc af hvi skaparinn valdi sér at sialfvilia heldr
þa pining en adra, at deya a crosinom.“ Egeas melti: „Hvi
fer þu með slíco at kalla han at sialfvilia pindan hafa verit, þars
han var seldr af lerisveini sinom oc haldin af Gyðingum oc
crosfestr af ridderum Pilati iarls, eptir því sem Gyðingar beiddo.“
Andreas svaradi: „Þvi sagða ec sva, at han veri at sialfvilia
sinom pindr, at ek var þar með honom, er han var seldr, sem þu
segir, af sinom lærísveini. En fyr en han sialfr veri crosfestr oc
seldr, þa sagði han os adr fyrir, at einn af vari sveit mundi han
selia, eigi oc síðr sagði han fyr pining sina oc upriso. En Petr
brodir min bað, at eigi skyldi sva verða, en drottinn svaradi
honum stygliga oc bað han frá sér fara, ef han skildi eigi þa
hluti, er guds voro. Oc sagði því frammar, at han lezc mat til
hafa bæði níðr at legia ond sina oc sva up at taca hana. En er
ver urdum allir rygvir við þessa ræðu, þa sagði han berliga, at
sa mundi han selia, er þa toc braudskífo af hans [hendi, ok var
sva sem hann sagði, sem von var, ok mattu þaðan af marka, at hann
vissi górla fyrir ok villði eigi undan hneigiaz.“ Egeas mælti:

„Undromz ek þik sva vitran mann oltinn i sva mikla heimsko, at þu truir ne ein man mundo sialfraða vera crosfestan.“ Andreas melti: „Þu vill þer eicki(!) skiliasc þat er a mot er þinom villia(!); en þer mundi þyckia a adra leið, ef þu vissir stormerki crossins
5 slic sem ero.“ Egeas melti: „Mer synist qvol en eigi stormerki.“ Andreas melti: „Su qvol hefir komit til leidretto ollo mankyni, ef þu vill þvi þolinmodliga lyda oc lata þer þat skiliast sem sat er.“ Egeas melti: „Þolinmodliga mon ec lyda, en ef þu lydir eigi mer, þa mundu sialfr fyrir meta stormerkiom crossins, þeim
10 er þu lofar.“ Andreas svaradi: „Ec munda eigi boda dyrd crossins, ef ec ottodumc piningina hans.“ Egeas melti: „Ørelict mal er þitt oc diarfli(c)t, kallar þat dyrd er qvol er, oc ottasc eigi dauda sem adrir menn.“ Andreas melti: „Engi er þat dirfd, þot ec hrædomk eigi daudan, af þvi at dyrligr er retlatra manna
15 daudi, en en versti syndogra manna daudi. En ek vilda, at þu lyddir oc tryddir(!) þvi, at eingetin guds sonr let p(i)nasc til endrbætingar andar þinar.“ Egeas melti: „Þat þarf at endrbæta, er adr hefir faritz, en hverso hefir ond min farize, at hon þyrfi at endrbætasc.“ Andreas melti: „Ec ma þat segia þer, hverso
20 ondin ma² endr bætast fyrir stormerki crosins. En fyrsti madr er skapadr var tok daudan af treno fyr ondverdo, er han at af þvi bannat epli, oc vard af þvi þan daudan at sløeqva a pislartreno. Oc sva sem en fyrsti madr var skapadr af iordinni hreini oc fleclaussi, sa er daudan toc af girndartreno³, þa var sa getin oc
25 af skiri meyio oc fleclaussi, er hendr sinar retti fra ser a pislartreno oc frelsti sva mennena fra eilifom dauda til eilifs lifs, oc sva sem Adam bergdi sætlec bann(a)ds eplis, sva toc oc guds sonr beiskan dryk a crosinum, at alz hatr sløcdi han varn dauda med sinom odaudleic.“ Egeas melti: „Þessi ord mattu þeim
30 boda, er þvi vilia trua, er þu kennir, en ef þu vill eigi mer samþyckiaz oc færa fornir godum varum almatkum, þa mun ek lata þik festa a crosin þan er þu lofar.“ Andreas melti: „Ek mun fornir færa almatkum gudi, sa er sadr gud er oc lifandi, eigi mon ek honom færa gripunga hold ne hafra blod, heldr mon ec
35 færa hvern dag fleclaust lamb a altari heilags cros. Oc þa er þes holdz neytir allir(!) lydr oc dreocr þess blod, þa er þat eptir hellt(!) oc lifanda a himni.“ Egeas melti: „Hverso ma þetta vera?“ Andreas melti: „Þat ma ek þer greniliga(!) segia oc sva at þer ma vel skiliazc, ef þu vill hans lærisvein gerazc.“ Egeas melti: „Eg

mon med qvolom at þer heimta þessa frasogn“ Andreas melti: „Undromc ec þic sva vitran man hrata i sva mikla heimsko, at þu munir mik til nacqvas(!) naudga. Þu heyrdir nu stormerki crosins oc sva taen fornarinar, oc ef þu truir Crist guds son vera, þan er crosfestr var af Gydingum, oc truer han sannan vera gud, 5 þa megum ver segia þer, med hveriom hætti þetta ma vera, at lambit se sæft oc eitit(!) oc meg þa vera eptir þat heilt oc fleclaust oc lifanda i riki sino a himni.“ Egeas melti: „Hverso ma lamb riki hafa, þat er adr er sæft oc etid af ollom lyd?“ Andreas melti: „Þat mattu þegar skilia, ef þu villt trua af ollo hiarta 10 þino, en ef þu vill eigi trua, þa mattu þess aldregi viss verda.“ Þa reiddisc Egeas oc baud at byrgia han natlangt oc qvaz a morgon skyldu reyna han fram(a)r, en þar til hafdi verit.

En er postolen var byrgdr i myrqvastovoni, þa dref(!) þangat allr heradslydr, oc villdo drepa iarlin en taca postolan or stofone. 15 Oc er Andreas vard þess varr, þa stodvadi han [þa oc 1 melti: „Eigi skolod er snua hvild drotins mins Jesus Cristz i diofoligan ofrid, af því at þa er drotin var seldr, þa syndi han i ollom lutum þolinmædi, eigi kalladi han a strætum uti ne þræti. Nu hafid her hlíod at oc verit fridsamir oc talmid eigi pining mina, heldr 20 buid er ydr sva sem kappar guds oc verit bunir at taca 2 sialfir piningar fyr guds sacar, af því at su ein er qvolin ug(ga)nndi, er engan hefir endan, en manlig ogn er sem reykr se, fyr lokit en finni. Ero þessa heims ognir avallt anat hvart linar oc letbærar, oc ma þer þa audveliga bera, en ef þer ero þungar þa taca þær 25 brat ondina fra manne. En þeir sarleicar, er eilif(i)r ero med ser, hafa hversdagligan grat oc syting oc endalausar qvalar, til þessara ottasc 3 nu eigi Egeas at koma. Nu verit heldr bunir, brædr minir, til v(era)ldligrá pininga, at er megid fyr þer koma til eilifra fagnada, þar er monod avalt i gleði oc eilifom bloma vera rikendr 30 med gudi.“ Þa er Andreas hafdi alla not fyr þeim talid oc etiat(!) þa til þolinmædi oc styret þa i retri tru alt unz lios dagr var 4.

En um dagin sendi Egeas eptir Andream oc let han leida fyr dæmistol sinn oc melti: „Til þess ætla ec, at þu munir i not vitkaz hafa oc munir lata af lofi Cristz þins oc vilia nu niota 35 fagnada þa(!) med os, því at storheimslict er fysasc til crosfestingar eda i eldi at brenna.“ Andreas svaradi: „Ec ma hafa med þer fagnadi, ef þu vil a Crist trua oc hverfa fra villu, því at Cristr sendi mic til þess hingat, at ec snudgada honom margan lyd i

1 [þat Cd. 2 tata Cd. 3 ottosc Cd. 4 Eftersætningen mangler.

þeso landi.“ Egeas melti: „Fyr því skyldi ec þic til at blota, at þeir er fyr þic ero taldir(!) fyrlati sina villo oc hegoma oc færi þeir fornir godum varom. Nu er engi borg su i ollu Achaia, er eigi se eyd oll hof oc nidr brotin; nu matu þa vera i vari vingan. ef
5 þu leitar þessa luti¹ at leidretta oc sæfir sva reidi godana, er nu ero adr reið ordin. En ef þu vil eigi þenna cost, þa mundo mæta morgom qvolom, oc (a) lesti skal þic festa a crosin, þan er þu lofar.“ Andreas melti: „H(e)yr sonr daudans oc eldkveyka fyrirbuen eilifom elldum, vit tu mik þion drotens oc postola Jesus Cristz!
10 Ec hefi melt m(i)ucliga vid þic her til oc teygt þic sva til retra(r) truar, oc at þu hafnadir goda bloti² oc dyrkir þan gud er a himno(m) er. En ef þu stadfestir heimsko þina oc orad, þa mon ec eigi ottasc ognir þinar oc heitan, hvat sem þer synisc fram at hafa, þvíat ec mon því þægeligri minom konungi vera, sem ec
15 þoli meira hardretti fyrir hans sacar.“ Þa vard Egeas reidr mioc oc let han þenia³ postolan milli tria tvegja oc fect(!) siav⁴ virdinga menn at beria hann med svipum, en sidan var han leidr fyr iarlin oc melti han sidan: „Hlyd mer, Andrea. oc tac þat rad er þic frelsi fra uthelingo blods þins, en ef þu vill eigi sva, þa mun ec
20 lata veita þer leflat(!) a crosinom“ Andre(a)s svaradi: „En em ec þærll(!) cros Cristz, oc eski ec mer heldr sigrs a crossinom en ec ottome han. En þu mont bida eilifar qvalar, þær er þu mont eigi fordast i enni somu tru, ef þu vill þa heldr trua en adr, en ec hrellome af gloton þini en eigi af piningu mini. Piningu(!) min
25 mon eigi vera lengri en ein dag eda tva eda þria, en þin pining er þa eigi nēr enda, er margar þusundir ara ero lidnar. Nu þarf tu eigi af því at heitaz, at þu eycr þinar qvalar i því en eigi minar.“ Jarlin melti: „Hverf af heimsko þinni oc hird eigi þeim afleidis at snua, er adr vilia vel lifa.“ Andreas melti:
30 „Sva b(a)ud drotin min mer Jesus Cristr, at ec skylda aldergi(!) af lata hans ord at boda oc snua (a) sanna idron (þeim), er adr fara villir ens reta.“ Egeas melti: „Heit þu mer at hverfa af kenning þini, en ella mon ec þic lata af lifi taca.“ Andreas melti: „Eigi at eins em ec buin alata(!) heldr oc at bera allar
35 þær qvalar, er vdr(!) keimr(!) i hug mer a hendr at leigia(!).“ Þa vard iarlin reidr mioc oc baud sinom monum at crosfesta Andream med þeim hetti at binda han med reipom a crosinn oc þennia han sem i stagli, þotti þa qvalin(!) leingri en han veri negldr a crosin.

Oc þa er han var leidr til crosfestingar, þa þusti at fioldi manna med kalli myclo oc acafa oc melto: „Hvat gerdi sia en retlati madr oc guds astvinr, er han er til cros leidr.“ Andreas bad at þeir skyldo eigi talma pining hans, for han gladr oc fagnandi oc let aldregi af sani(!) keiningo(!). En er¹ han kom þar er han sa of 5 langa leid crosin up reistan, þa qvaddi han crosin oc melti: „Heill o(c) sæll, heill heilagr cros, er helgadr ert af licama Cristz oc prydr af hans limom sem af dyrstom gimsteinom, lengi hefir þu nu hvildz oc min bedit, oc vittu mic en fusasta til þin vera. Þvi geng ec til fus at ec keni l(e)ynda luti þina, oc ec veit, of 10 hveria soc þu ert upreistr. Tac þu þan er til þin girnisc, ec em giarn at fina þina grein, se ec med þer þa luti, er mer ero fyrir heitnir. Tac þu, heilagr cros, litillatan fyr gudi, oc fær mic til drotins Jesus Cristz. Þu hafdir med þer iardligan otta adr drotin stigi up a þic, en nu hefir þu odladz himnesca ost, oc em ec af 15 þvi fus, at þu takir mic til þin, þvi at þat er vitat af truðndom oc unondom, hve micla fagnadi þu hefir med þer, oc hve miclar giafar þu hefir bunar. Orædr oc fagnandi kem (ec) til þin, tac þu mic oc med blidom lærisveini þes, er adr hec a þer, þvi at ec var avalt þin unandi oc fus þic at fadma, þu en godi cros, er 20 toct fegrd oc prydi af limom drotins, langæliga girniligr oc æsciligr, an aflati hefi ec þin leitad med mikilli fyst, tac þu m(i)c nu fra monum oc gialt m(i)c meistara minom, at sa taki mic fyrir þic, er mic leysti fyrir þic.“ En er Andreas hafdi þetta mælt, þa lagdi han clædi sin af ser oc gaf þeim er han pindo. 25 Þa gengo þeir at oc hofo han up a crosin oc þondo reipo(m) allan licama hans, eptir þvi sem þeim var bodit. Þangat sotti at manfioldi mikill, eigi færa en tutto go þusundir mana, oc var i þvi lidi brodir Egee, sa er het Stracocles. Þeir toro allir med calli miclo oc sogdo postolan at rongom domi pindan vera. En heilagr 30 Andreas styrcþi hiorto þera oc sagdi hve mi(c)lar eilifar ombonar(!) kan(!) fyr tidlingar(!) piningar.

I þvi bili hverfr a braut þadan allr lydrin oc fer til husa iarls med hareysti miklo oc melto: „Hvart er þetta rad þin, oc rangir ero domar þinir. Hvat gerdi þessi madr rangt æda hveriar 35 sacar ero honom at gefa? Nu mon tynaz oll var borg, oc monom ver allir farazc. Glatadu eigi borg vari oc veit oss retlatan man oc gialtdu os helgan man. Vegþu eigi þan, er bædi er kær gudi oc monum, helgan oc skirlifan, pryddan at sidleti, godan kennara,

mildan oc hogveran, skyran oc skynsaman. Eigi skal han þessa pining lengr þola, han hefir nu tva daga a crosi hangit oc lætr han en eigi af got at kenna oc sedia os sinom malom helgom. Gef þu os helgan man, at ver megin lifa; leysto ofan spekingin, 5 at vart land megi miskun odlasc. Egeas d(v)alði oc villdi eigi postolan ofan leysa. Þa knudiz at allr lydrin oc villdo drepa iarl. Han vard þa hredr mioc oc sprat up af dæmistoli sinom oc for med þeim ofan at leysa postolan. En er Andreas sa han af crosinom, þa melti han: „Til hvers comtu hingat til var Egeas? 10 Ef þu vil en vid canasc, þa mon þer en upluk(a)sc licnar gata, sem ec het þer, en ef þu komt til þess eins hingat at leysa mic ofan, þa mon eigi þat verda þit erendi, aldregi kem ec lifs af þessum crosi, því at ec se nu konung min, oc nu lyt ec honom oc stend ek i hans augliti, en harma ec þina vesold, er þin bidir(!) 15 buin eilíf qvol oc gloton. Ren þu vesall, medan þu matt, at eigi vilir þu þa vid leita, er þu mat eigi.“ Þa gengo men at crosinum adrir at odrum, oc villdo ofan leysa postolan oc mattu eigi, af því at toc or aflit allt or hondum þeim, er þeir retto up til. Þa calladi Andreas hat a crosinom oc melti: „Lattu mic eigi 20 leysa, drotin Jesus Cristr, þion þin af þessum crossi, er ec hangi a fyr þit nafn, lattu mic eigi nu drotin i anat sin vefiasc i iardligom ahygiom, er ec em aviti ordin nu leyndra luta þina, lattu mic eigi leystan verda af þessom enom vanda mane Egea, er ec hefi nu kendan mikilleic þin fyr cros þin helgan. Tac þu mic 25 nu, meistari min Jesus Cristr; þan hefi ec seen oc kendan oc elskadan, þan lit ec oc girnomc af hiarta ollo, oc með þeim em ec i sifello. Tac þu mic nu, drotin Jesus Cristr, en godi meistari, oc lat mic eigi fyr af crosinom leysa, en þu hefir adr tekit anda min.“ En er han hafdi þetta melt, þa com lios yfir crosin af 30 himni, sva sem elding veri, oc sva biart, at engi mæti i gegn sia, oc var þat næ(r) halfri tid dags. Oc er liosit leid af, þa var postolen andadr oc hafdi han með því liosi til guds farit.

En er postolinn var af crosinom tekin, þa vard til ein gofog husfreyia, er Maximilla het, at lata grafa licama hans, oc var 35 ridit a einom(!) dyrligstom smyrlum(!), oc fylgdi helgum domi hans til grafar allr cristin lydr, sa er i borgini var, oc var þar at ollo vandadr umbunadr, sva sem fong voro a. En Egeas var gripin af diofli oc do fyr en han qvemi heim til husa sina, oc sa allir hans dauda vesæligan. Oc er brodir hans Strazocles sa þessi tidende, 40 þa vildi han engan lut eignasc, þan er Egeas hafdi att, oc melti

sva: „Farisc allir lutir með þer, Egeas, þeir er þu hefir att, en mer mono vel endasc kenningar þær er Andreas hefir kendar, oc mon ec þær leita at hafa.“ En eptir pining postolans oc dauda Egeas, vard sva mikill otti, at þar var engi villomadr ne heidingi, sa er eigi hefdi retta tru, oc lofodo allir gud oc dyrkodo hans 5 postola, er þeir þago þa iarteinir af hans arnon, eptir því sem þa er han var lifandi, toco sion blindir en heyrn daufir, gaungo haltir, en heilso licþrair. Oc þa er guds cristni toc at eflasc mioc i Rumaborg, þa var gert þadan eptir helgum domi Andreas postola oc þangat flutr með mikilli dyrd, oc er han nu þar dyrk- 10 adr sem enir hasto(!) guds postolar an enda. amen.

JONS SAGA POSTOLA.

I.

1. Johannes postoli kom snemma til fylgðar með drottni varum Jesu Kristo. Johannes var bróðir Jacobi postola, Zebedeus 15 hét faðir hans, en Maria móðir, ok var hon Salome dottir, en Anna var hennar móðir ok sva Mariu drottningar. Drottinn kallaði þa Johannem ok Jacobum bróðr a enum sama degi til sinnar fylgðar sem þa Petrum ok Andream, ok letu þeir bróðr foður sinn ok farkostinn ok fylgðu drottni varum i sifellu i 20 mikilli sœmd ok virðingu af honum. Kallaði hann þa bróðr nokk-urum sinnum með Petro til sva mikils trunaðar ok haleitra virð-inga, sem oðrum var engum slíkt veitt hans lærisveinum. Sva segir hinn helgi Mattheus postoli ok guðspiallamaðr, at drottinn kallaði þa með ser eitthvert sinn, Petrum, Johannem ok Jacobum, 25 ok leiddi þa a eitt fjall, ok syndi hann þeim sik i annarri mynd, en þeir höfðu hann fyrr sénn: andlit hans var sva biart sem sol, en klæði hvít sem snior. Ok þa vitruðuz þeir Moyses ok Elias, ok toluðu þeir við drottin. Þa mællti Petr við drottin: „Her

er oss gott at vera, ok gerum her þriar tialdbuðir, þer eina, Moysi eina ok Elie eina.“ En er Petr mællti sva, þa kom yfir þa sky liost ok rodd af himni, er sva mællti: „Sa er sour minn elskaðr, hlyði þer honum, hann er mer þoknanligr.“ En þeir
 5 postolarnir fellu til iarðar felmsfullir. En Jesus tók a þeim ok bað þa eigi hrædda vera. En er þeir hofu upp augu sin, þa sa þeir engan mann nema drottin Jesum einu saman. Ok er þeir stigu niðr af fiallinu, þa bauð drottinn Jesus þeim, at engum skyllði þeir segia þa sion, fyrr en hann væri af dauða risinn.

10 En því meirr sem dro at pining drottins vars, þa fylgði Johannes honum, sem þeir er fastast gerðu honum fylgia, ok spurði hann einn með meira trausti en aðrir sialfan guðs son þess, er þeim var öllum mikils vert at vita. Ok at siðasta matborði, því er hann hafði með sinum postolum, aðr hann leti pinaz, þa
 15 hafði hann fyrir þeim margar røður, þær er þeir fengu af miklar sorgir ok ahyggiur; ok segir fra þeim morgum lutum gorr en aðrir guðspiallamenn hinn helgi Johannes postoli i sinu guðspialli. Ok er þar var komit røðum vars drottins, at hann sagði postolum sinum berum orðum, at einn af þeim mundi selia
 20 hann, þa gerðuz þeir hryggir við; þvíat allir vissu sik sykna um þetta vera, nema sa er gerði, en i annan stað vissu þeir ok truðu, ok þat mundi allt eptir gangaz, er hann sagði þeim fyrir.

En meðan þeir røddu slíka luti, þa var enum sæla Joani postola logð su virðing til handa, at hann var sofnaðr yfir briosti
 25 sialfs guðs sonar, ok hlaut hann þa sva mikla speki af sialfum spektarbrunninum drottni varum Jesu Kristo. Ok sva sem vattaz i heilagri ritningu hans, at hann hefir umfram komiz aðra mennina i sinum skilningi ok nærr flogit guðdominum hinum hæsta i sinu guðspialli, en naliga se vit til annarra manna skilningu at at koma;
 30 ok sva sem aðr var hann gnøgðr af morgum mannkostum, þa kom þo mikit við siðan, sva sem honum væri nu at gnogu byrlat i hans hit helgasta briost af sialfum spektarbrunninum, er guðs son sialfr er, allt þat er honum ok oðrum af hans munni, hvar sem heiminn byggia, mætti at mest hialp ok miskunn verða bæði
 35 þessa heims ok annars. Petr postoli bendi hinum helga Jon postola, at hann spyrði drottin, hverr hann mundi selia; þvíat hann vissi, at Jesus unni honum mest, ok drottinn mundi honum sizt synia at lata hann vita þat, er hann forvitnaðiz. Ok þa spurði hann drottin varn: „Drottinn, hverr mun þik selia?“ Drottinn
 40 svaraði honum: „Þeim mun ek nu fa i hendr brauð, þat er ek

hefi aðr drepit í drykkiarker.“ Ok eptir þat seldi drottinn brauðit i hendr Juda, er kallaðr er Iscariot, sa er seldi drottin varn. Ok eptir matmalit um nottina, þa er hann var a bøn sinni, þa let hann þa enn nærr ser vera en aðra postola, Petrum, Jacobum ok Johannem brøðrna, sva sem segir Mattheus i guðspialli sinu. 5

En er varr drottinn var til piningar leiddr, þa var Jon einn eptir, er allir aðrir voru orðnir honum fraskila hans lærisveinar. Ok er drottinn varr var a kross festr, þa stoðu þessir astmenn hans hia krossinum, Maria sialf drottning móðir hans, ok þessi hans haleiti astvinr ok frændi Jon postoli, ok móðursystir drottins 10 Maria Cleophas dottir ok Maria Magdalena. Ok er drottinn varr hafði set móður sina, þa sagði hann: „Se herna, móðir, her er son þinn.“ Síðan mælti hann við lærisveininn: „Se herna sonr, her er móðir þin.“ Ok fra þeiri tíð upp tok hinn sæli Jon postoli hana i sina varðveizlu. Hvar heyrðum ver, goðir menn, 15 haleitari dyrð, en þessum hinum helga manni var veitt af sialfum Jesu, at vera settr sonr hans móður, ok matti með rettu guðs lofi kalla hana móður sina.

2. En at liðinni piningunni ok greptri drottins, ok sialfr upprisudagr kom yfir, þa urðu þau fagnaðartíðendi, sem sialfr 20 Jon postoli segir i guðspialli sinu. At liðnum þeim dogum þa vitraðiz drottinn Jesus Kristr postolum sinum, þar sem þeir voru byrgðir fyrir sakir ræzlu við Gyðinga, ok sannaði þa síðan fyrir þeim upprisu sina ok syndi þeim hendr sinar ok siðu, ok urðu þeir forkunnar fegnir. Síðan bles hann a þa, ok gaf þeim helgan 25 anda ok þar með valld at fyrirgefa syndir ollum monnum, þeim er þess væri makligir, en þeim skyllði eigi fyrirgefaz, er þeir villdu at sva væri. Þat skulum ver hugleiða, at tvisvar sinnum er akveðin astgiof heilags anda við postola drottins, þetta hit fyrsta sinn, sem nu heyrðuð er, eptir upprisu drottins, er hann var nu 30 sialfr syniliga hia þeim, en oðru sinni, er þeim var send astgiof heilags anda a hvitsunnudegi eptir uppstigning drottins, sva sem hann hafði sialfr heitit fyrir uppstigning sina. Þessi tvenn heilags anda astgiof merkir þau tvenn astar boðorð, er oss eru skyll dust boðin at hallda af almattkum guði, en þat er at unna 35 almattkum guði um alla luti fram, en elska naung varn, þat eru allir kristnir menn, sem sialfa oss. Skal su heilags anda giof, er a iorðunni er gcfín, merkia elsku naungsins, er af iorðunni er skapaðr, en su astgiof heilags anda, er af himnum var send, skal merkia elsku almattigs guðs, þess er i himnum er. En fyrir því var heilags 40

anda astgíof fyrr gefin af sialfum guðs syni a iorðunni en siðan send af himnum, at ver megum sva at eins at komaz með fullu at elska almattkan guð, at ver unnim fyrir guðs sakir naungum varum kristnum monnum, þeim er ver siam hversdagliga fyrir
 5 augum oss. Sva segir hinn helgi Jon postoli i pistola sinum: Sa er eigi elskar broður sinn, þann er hann ser, hversu ma hann elska guð, þann er hann ser eigi. Þat megum ver skilia, goðir menn, at ver fam eigi unnat guði eptir makligleikum slikri elsku, sem hann unni oss, þa er hann sendi eingetinn son sinn til pin-
 10 ingar fyrir varar sakir, nema nokkur hellzt i því at ver gerim guðs boðorð ok elskim naung varn, allra hellzt þann er oss þøtti annars verðari fra oss en elskunnar. Þviat þa er þat auðsýnt, at ver gerum þat þa fyrir guðs sakir, ef ver elskum þann manninn, er ella væri eigi þeirar elsku fra oss verðr. En þat er allt saman
 15 ast við guð, at gera þat er hann byðr oss, en þeir eru allir líkligstir til at þiggja mesta miskunn af almattkum guði, er mest miskunna þeim, er miskunnar þurfa, ok gera þat fyrir astar sakir, við guð meirr en orðlofs mannanna.

3. Sva segir Johannes postoli, at Thomas postoli var eigi
 20 við staddr þessa vitran, ok svaraði oðrum postolum, þa er þeir sogðu honum upprisú drottins, at hann mundi eigi trúa, at hann væri upprisinn, nema hann sæi nagla stað i hans hondum ok fotum ok þreifaði um siðu hans, þar sem hann hafði særðr verit. En eptir atta daga voru postolarnir enn allir saman staddir, ok
 25 nu var Thomas með þeim. Þa kom drottinn til þeira ok mællti þa af einvirðingu við Thomam postola ok bað hann þa at þreifa um hendr sinar ok fœtr ok um siðu sina, ok vera þaðan af trúfastan en eigi otruaðan. En Thomas svaraði: „Drottinn minn ertu ok guð minn.“ Nu var i tortrygð Thomas enn sannari raun upprisú
 30 drottins, ok umþreifingu postolans ok iatningu, þar með otruleiks myrkr af sniðit þeira manna hiortum, er ella mundu efa um upprisú drottins, at hon væri eigi sva vandliga rannsokuð, at hann var með somum líkama upprisinn bæði guð ok maðr.

4. Eptir þessi tíðendi spurði hinn sæli Jon postoli fra þeiri
 35 vitran, er drottinn varr syndiz lærisveinum sinum, þa er þeir voru a sæ ronir, þann er kallaðr er Mare Tiberiadis. Þar voru þeir saman siau, Petrus postoli ok Thomas postoli ok þeir bróðr Jon postoli, er nu segium ver fra, ok Jacobus, ok Nathaniel, ok tveir aðrir af lærisveinum drottins. Þeir mattu eigi fiska, fyrr en
 40 drottinn Jesus vitraðiz þeim ok stoð a ströndunni, ok spurði,

hvert þeir hefði nokkut matarligt. En þeir sögðu, at þat var eigi. En hann svaraði: Lati þer net yðart a høggra veg fra skipinu, ok munu þer þa finna fiska. Þeir gerðu sva, ok þa mattu þeir eigi draga net fyrir fiolda fiska. Þa tekr til orða sa lærisveinn, er Jesus unni mest – en þa er iafnan, sem hinn helgi Jon postoli 5 se nefndr, er sva er at kveðit – ok mællti við Petrum: „Drottinn er.“ Ok er Petr heyrði þetta, þa gyrðir hann sik kyrtli sinum ok stigr fyrir borð, en aðrir lærisveinar komu a skipinu ok fluttu net þeira til landz fullt af fiskum, en Petr dro net þeira til landz ok fiskana. Eptir þat bað drottinn þa fara at mataz, ok gaf þeim 10 at eta brauð ok fisk. En er þeir voru mettir, þa mællti drottinn við Petrum ok spurði hann eptir þrysvar sinnum, hvart hann ynni honum. Ok hvert sinn með spurningunni þa fal hann honum a hendi gæzlu guðligrar hiarðar. Ok er Petrus hafði þrysvar iatat sik undir guðliga elsku, þa merkir drottinn fyrir honum, hvilikæn 15 dauða hann mundi þola fyrir guðs nafni. Ok eptir þat mællti hann sva við hann: „Fylgðu mer.“ Þa snyz Petrus ok leit þann lærisvein, er drottinn unni mest, sa enn sami er sofnaði yfir briost drottni at hinu efsta matborði, ok sa spurði drottin, hverr hann mundi selia. En er Petr ser þenna lærisvein, mælir hann 20 við Jesum: „Drottinn, hvat skal sia herna?“ Drottinn svaraði honum: „Ef ek vil hann vera lata, unz ek kem sialfr, hvat kemr þat til þin? fylg þu mer.“

Þessi røða for i milli lærisveinanna, ok toku þeir sva við, at Johannes mundi eigi deyia. En drottinn sialfr sagði eigi sva, at 25 hann skyldi eigi deyia, helldr at hann skyldi biða hans sialfs, unz hann kómi at vitia hans. Ok þat varð, sem at ván var, at fagrliga mundi ent þat við hann af sialfum drottni, sem siðarr mun enn verða fra sagt. Su er grein a gior um þessa hina haleitu guðs postola Petrum ok Johannem, at Petr hafi mest unt 30 guði allra hans postola, en drottinn sialfr hafi Joni postola mest unt allra þeira fyrir sakir þess hins helga skirlifis, er hann hafði umfram hvern annan.

5. Eptir pining drottins ok hans upprisú ok uppstigning til himna, ok hann hafði helgan anda sendan lærisveinum sinum, þa 35 gengu þeir fyrstir a berhogg kenningar at kenna Petrus ok Johannes, ok gerðu þeir baðir margar iartegnir, ok toku þeir i mot af Gyðingum marga bardaga ok voru iafnan i myrkvastofum mœddir; en þeir fognuðu því ollu, er þeir toku ok þoldu i mannraunum ok piningum fyrir astar sakir við guð almatkan. En eptir þat er 40

postolar hófu skipat guðs kristni a Gyðingalandi, eptir því sem fong voru a, þa skipuðu þeir Jacobo postola broður drottins yfir kristnina ok settu hann byskup yfir Jorsalaborg, ok logðu þeir hendr yfir hófuð honum, Petrus postoli fyrst at upphafi, ok þar
 5 siðan með honum Jacobus ok Johannes brøðr. Ok þaðan af er skynsemi til þess tekin, at engan byskup skal sva vigia, at færi byskupar se við en þrir, erkibyskup, sa er vigir, ok aðrir tveir byskupar með honum, þeir er styði þat hit haleita embætti.

En eptir þat er postolar hófu skipaz af heilags anda tilvisan,
 10 a hvert þioðland hverr þeira skyldi fara kenningar at kenna, þa for hinn helgi Johannes postoli ok guðspiallamaðr a Asialand, ok kendi þar kenningar ok sneri þar miklum mannfiolda til almattigs guðs með fogrum iartegnum, gaf sion blindum ok heyrn daufum, ok reisti upp dauða menn til lífs.

15 I þann tíma hafði ríki tekit yfir heiminum sa keisari, er Domicianus er nefndr. Hann veitti mikinn ofrið kristnum monnum, ok var sa ofriðr næstr eptir þann, er Nero hinn vandi keisari hafði reistan. Domicianus keisari var sa hinn ovinsælasti við alla alþýðu, þvíat hann var grimmr maðr, otrur ok fegiarn ok
 20 vanstilltr miok um flesta luti: meirr hlyddu menn honum ok þionuðu fyrir ræzlu sakir en astuðar. Hann sendi þau boð um ríki sitt, at alla kristna menn skyldi pina eða drepa, þa er eigi villdi neita kristni eða blota skurðgoðum. Ok er þessi ofriðr gekk yfir, var hinn sæli Johannes postoli ok guðspiallamaðr staddr i borg
 25 þeiri, er kolluð er Effesus, ok þar var hann handtekinn gorr af iarli einum, ok leitat þess við hann eptir boðorði keisara, at hann mundi neita guði ok lata af kenningum þeim, er hann førði fram. Hinn helgi Johannes postoli svarar sva þessu mali: „Morgum hlutum meirr byriar mer at hlyða guði en mönnum. Nu
 30 fyrir þa sok mun ek eigi neita drottni minum Jesu Kristo, ok allðri mun ek af lata at boða hans hit haleitasta nafn, þar til er ek hefi fyllða at guðs vilia mina lífdaga ok þa hina helgu þionostu guðs, er mer er til handa huguð ok selld af almattkum guði.“ Við orð þessi postolans varð iarlinn akafa reiðr ok bauð at taka postolann
 35 ok varðveita með grimmum varðhólldum. En i annan stað lætr hann rita bref, þat er sva mællti ok hann sendi Domiciano keisara, ok stoðu þessi orð a því brefi:

Hinum milldasta keisara ok sinum drottni Domiciano sendir iarl Effesiorum kveðiu. Ver vilium kynna yðarri hinni hæstu
 40 dyrð, at hingat a Asia er kominn einn maðr af kyni ebreskra

manna, sa er Johannes heitir, hann boðar folkinu at trua a Jesum
 Kristum hinn krossfesta, ok þat sannar hann, at Jesus er guðs
 son lifanda. Allan atrunað goða varra, þeira er ver hyggjum, at
 alldri mætti sigruð verða, þa onytir hann, ok þau hin gðfugligu
 hof, er naliga hafa alla æfi staðit, þa brytr hann niðr. Er þessi 5
 hinn fiolkungi galldramaðr gagnstaðligr yðru boðorði, ok hefir
 nu af sinni fiolkyngi ok velum ok boðum snuit mestum luta
 borgarlyðsins i Effesoborg til dyrkanar við hinn krossfesta mann
 hinn dauða. Nu fyrir þa sok at ver hofum mikit astriki a
 oðauðligum goðum ok berum þar fyrir mikla umvandan, þa buðum 10
 ver at leiða hann fyrir vara domstola, ok logðum stund a með
 bliðum orðum ok striðum at minna hann a at neita guði sinum
 Jesu Kristo eptir yðru boðorði, ok leti af at boða nafn hans en
 færði þvilikar fornir almattkum goðum varum. En er ver mattum
 með engum hætti þessu til leiðar koma við hann, þa letum ver rita 15
 bref þessi ok sendum siðan yðru konungligu vellði, at hvatki er
 yðarri mikilmennzku likar at gera af þessum hinum olyðna manni,
 er fyrr var nefndr, þa latið yðr soma at gera oss þat i kunnleika,
 þoat ver sém lagir hia yðr. Lifit heilir.

En iafnskiott sem Domicianus keisari hafði lesit brefit, þa var 20
 hann akafliga oðr ok bauð iarlinum, at hann skyllði leiða Joan
 postola fiotraðan til Romaborgar. En þat voru lög þeira, at
 þeim manni skyllði engum biðia lifs eða lima, er i Romaborg
 væri fiotraðr leiddr. Ok er þetta boðorð keisara kemr fyrir
 iarlinn, þa lætr hann taka hinn sæla Joan postola ok setia i iarn 25
 ok flytr hann sialfr til Romaborgar.

En þa er þeir koma þar, þa segir iarl Domiciano keisara
 kvamu Jóhannis. En hinn grimmasti keisari Domicianus byðr
 sva iarlinum, at hann skyli Joan postola ok guðspiallamann beria
 með svipum ok skera af honum harit allt, sva at ollum monnum 30
 mætti hann sem ovirðuligastr þikkia. Eptir þat skyllði hann lata
 setia hann i ketil kvikan, fullan af (vellanda) viðsmiörvi, ok
 skyllði hann sva lata lif sitt, ok kvað a stað, hvar þetta skyllði
 gera, fyrir utan lið þat a Romaborg, er Porta Latina er kallat.
 Ok bauð hann, at oll sveit Romaborgar olldunga skyllði við vera 35
 stodd þessi tiðendi. Eptir þat let iarlinn domstol bua ser i
 akveðnum stað, ok siðan let hann þangat leiða hinn sæla Joan
 postola, ok bauð at færa hann or klæðunum ok beria hann með
 svipum ok klippra af honum harit allt. Kveliarar gerðu sem þeim
 var boðit. Eptir þetta var gort eptir boðorði hins grimmasta 40

keisara Domiciani, ok var hinn sæli Joan postoli ok guðspialla-
maðr settr i vellanda viðsmiðr at hiaverondum ollum Romaborgar
olldungum. Ok var honum su vist sva høg, sem hann væri i
laugu hofliga heittri; ok segir heilog bok, at hann kœmi iafnskirr
5 þaðan ok heill or vellanda viðsmiðrvi, sem hann var skirr ok
reinn fra ollu saurlifi. Þessi hinn dyrligi atburðr varð pridie
nonas Maii. Þann dag eru siðan tíðir görvar hinum sæla Joani
postola ok guðspiallamanni. En til merkia ok eilifrar minningar
hins sæla Joans postola ok guðspiallamannz um þenna hinn
10 postoliga sigr, þa letu kristnir menn kirkiu gera i þeim stað,
sem þessir atburðir gerðuz, ok er þannug mikil for kristinna
manna, ok margr maðr fær þar mikla bot ok fro sinna meina
fyrir miskunn almattigs guðs en arnaðarorð hins sæla Joans post-
ola ok guðspiallamannz. Eptir þessi stortiðendi villdi iarlinn
15 giarna lata Joan postola ok guðspiallamann i frelsi a braut fara,
ef hann þørði fyrir keisaranum.

Ok er Domicianus vissi, at hann matti eigi a þa leið veita
liflat hinum sæla Joani postola ok guðspiallamanni, sem hann
hafði ætlat, þa bauð hann þat, at hann skyldi flytia i eyðiey, þa er
20 Pathmos heitir, ok hugði, at hann skyldi þar svellta i hel, ok
bannaði þar ollum monnum honum biðrg at veita. En guð veitti
honum sva mikla likn, at hann syndi honum leynda luti, bæði þa
er a himni eru ok a iorðu, ok marga doma sina. En a hinu
sama ari, sem Joan var i Pathmos, toku Romveriar Domicianum
25 af lifi með mikilli ovinsælld ok odömum, at þeir attu þing i
borginni eptir liflat hans ok dömdu þat a þingi, at þat skyldi
allt vera leyft, er hann hefði bannat, en þat bannat allt, er hann
hafði leyft. Voru ok a braut reknir allir frændr ok vinir Domi-
ciani, en þeir voru allir sœmdir, er hann fordœmdi.

30 En af þessum ollum saman atburðum voru menn sendir eptir
Joani postola, ok þar sem hann hafði dœmdr verit af Domiciano
til utlegðar ok liflatz, þa var hann nu aptr fluttr til Effesoborgar
með virðingu ok vegsemd, sem vera atti. Borgarlyðr allr, karlar
ok konur, runnu a mot postolanum með miklum fagnaði ok koll-
35 uðu: „Blezaðr er sa er kemr i nafni drottins.“ En er postolinn
gekk i borgina, þa var borit i mot honum lik husfreyiu þeirar,
er Drusiana het, er verit hafði vinkona postolans mikil, meðan
hon lifði. Liki hennar fylgðu fatækir menn margir, ekkiur ok
utlendir menn, foðurlausir ok frændlausir, ok gretu miok ok mælltu:
40 „Heilagr Joan postoli, her förum ver þer Drusianam, er avallt

lyddi þinum aminningum; hon fœddi oss ok klæddi ok þjónaði með reinlifi ok i litillæti ok girndiz mest þinnar aptrkvamu, ok þotti ser enskis at vant, ef hon næði þik at sia.“ Þá bauð postolinn, at niðr skyldi setia bararnar, ok bauð at leysa skyldi likit, ok kallaði þá síðan ok mællti: „Drottinn Jesus Krístr vekr þik, Drusiana; ris upp þu ok statt a fœtr þína, ok hverf aptr til hus þins, ok bu mer veizlu i husi þínu.“ Hon reis upp ok laut postolanum, ok þotti ollum likara því, sem Drusiana væri afsvefni vakin helldr en af dauða reist. Þá kallaði allr lyðrinn naliga um þrjár stundir dags ok mælltu: Einn er guð, sa er Jóhannes boðar, einn er hann ok sannr drottinn Jesus Krístr.

6. Þá er hinn sæli Joan postoli ok guðspíallamaðr kom aptr or utlegð heim til Effesoborgar, eptir því sem nu er fra sagt, þá var Nerva orðinn keisari, ok at hans boði var hinn sæli Jon braut fluttr or Pathmos, ok sva allir aðrir menn, þeir er Domicianus keisari hafði i utlegð latið fara, þá voru þeir aptr fluttir. En er hinn sæli Jóhannes rendi augum nokkut yfir kristni almattigs guðs, þá er hann hafði aðr sialfr setta ok samda, aðr hann væri i braut rekinn or Asia, þá þotti mikit skioplaz hafa fyrir sakir villumanna, þeira er þar höfðu mikinn yfirgang haft, meðan hann hafði a brottu verit, ok nu vill hann þat fyrst allra hluta endrbóta, er þeir höfðu brotið, ok sva haleitligt rað i moti setia, ef slikir lutir kynni optarr moti at beraz, at sizt mætti heilagri guðs kristni at meini verða, ok menninir mætti einfalldastir verða i heilagri tru guði til dyrðar en sialfum ser til eilífrar nytsemdar. Hann hefr upp guðspíall sitt, þat er hann orti sialfr ok ritaði með sva haleitri heilags anda gípt, at hann hefir miklu nærr komiz at røða um eilífan guðdom almattigs guðs en hverr annarra manna, ok þann hinn haleitasta getnað guðs sonar, er hann var getinn af almatkum guði feðr sinum fyrir allar tíðir. Ok er upphaf þess guðspíallz: In principio erat verbum. Endir guðspíallzins er ok akafa haleitr, ok sva hvert orðit þar i milli. Þessu hinu sama guðspíalli fylgia margar aðrar haleitar ritningar, þo at guðspíallit beri af ollum oðrum, ok eru hans pistolar lesnir um alla guðs kristni, ok byr þar enn i mikil nytsemd ollum þeim monnum, er ser vilia þat i nyt fœra með miskunn almattigs guðs.

7. Hinn helgi Joan postoli kendi iðuliga kenningar, ok þar með gerði hann fagrlicar iarteignir optliga, þo at ver munim fár segia af mörgum, ok kemr fafrœði var til þess en eigi vilialeysa. Sa atburðr varð um dag, at einn höfuðspekingr, sa er Kraton er

nefndr, hafði haft uppi a torgi þess hattar mal um þessa heims
höfnun, at hann hafði eggjat brøðr tva at selia foðurleifð sina,
en kaupa með gimsteina, en briota þa síðan i augliti allrar alþýðu.
Ok er sveinarnir gerðu þetta, bar sva til, at þar kom at farandi
5 hinn sæli Johannes postoli, ok kallar til sin Kraton speking ok
mællti við hann: „Heimsklig er su heimshafnan, er lofuð er
af monnum en fordømd at rettum domi almattigs guðs. Ok sva
sem su lækning er hégomlig ok onyt, er eigi batnar meinanna við
eða sottarinnar, sva ok hit sama er su hegomlig kenning, er
10 hvarki gerir, at hon bætir síðu mannzins ne grøðir sar andanna.
Minn meistari drottinn Jesus Kristr lærði sva einn ungan mann,
þann er girndiz at komaz til lifs eileifs, ok mællti við hann þessum
orðum: „ef hann villdi algorr maðr vera, skyllði hann selia alla
eigu sina ok gefa fatøkum monnum, en þar i mot skyllði hann van
15 eiga eilifs fiarlutar i himinrikis dyrð ok þar með lifs eilifs, er
engan hefir enda.“ Kraton spekingr mællti: „Agirni grandar
morgum manni, er hennar avoxtr berliga brotinn i þessu a milli
manna. En ef almattigr guð er sannliga þinn meistari, sva sem
þu segir, ok vili hann, at verð þessarra gimsteina se helldr gefit
20 fatøkum monnum, þa lattu verða grødda gimsteinana, ok þat sama,
sem ek hefi geri latið til manna lofs, þa lattu verða til dyrðar
þess hins sama guðs, er þu kallar meistara þinn.“

Þa samnar hinn sæli Joan postoli saman gimsteinabrotunum
ok leggr i hendr ser, ok hefr upp hendr sinar til himins ok
25 mællti: „Heyrðu, drottinn Jesus Kristr, þeim er ekki er omatt-
uligt, sa er endrbætir brotinn heiminn fyrir girndartreit fyrir tre
heilags kross, trufostum monnum þinum (til) hialpar; sa hinn sami
drottinn, er augun gaf þeim, er blindr var borinn, ok þat sama
eðli augnanna, sem honum hafði aðr neitað verit eptir likamligu
30 eðli, þat gaftu honum aptr; sa hinn sami drottinn, sem aptr
kallaðir til lifs Lazarum, þann mann er aðr hafði fíora daga i
leiði legit, ok grøddir allan siukleika ok allar sottir með þinum
hinum mattkasta krapti, verð þu nu við minu akalli yfir þessa
hina dyrligu steina, er þeir hafa brotið til manna lofs, er eigi
35 vissu avøxt olmusugerðar; heyrðu nu, drottinn, endrbøttu steina
þessa fyrir hendr engla þinna, at verð þeira megi snuaz til hialpar
þeim, er þurfa eru, ok sem flestir truaðir menn megi koma
til þin, almattigr guð faðir, sa er eigi hefir getinn verit! fyrir
eingetinn son þinn drottin varn Jesum Krist ok helgan anda, lysara
40 ok helgara allrar kristinnar.“ Ok er allir truaðir menn, þeir er

hjá postolanum voru, höfðu svarat ok sagt amen, þá voru sva samanstætt gimsteinabrotin, at alldri sa, at þeir hefði brotnir verit. Þá fell Kraton spekingr, ok þeir hinir ungu menn ok allir lærisveinar hans, til fota postolanum, ok toku rétta trú ok voru allir skirðir. Síðan tok Kraton at boða trú berliga a drottin varn 5 Jesum Krist. Eptir þetta selldu þeir bræðrnir gimsteinana ok gafu verðit fatökum monnum, ok þá tok otalligr lýðr ok fioldi trúaðra manna íafnan at fylgia hinum sæla Joani postola.

8. Eptir þetta gerðu ok aðrir gófgir menn i Ephesoborg eptir dómum þeira bræðra, ok selldu alla eigu sína ok gafu verðit fatökum 10 mönnum, en fylgðu sialfir postolanum, hvargi er hann for of borgir ok boðaði guðs ørendi. Sva barsk at eitthvert sinn, þá er þeir gengu inn i borg, þá er Pergamus heitir, þá sa þeir þræla sína skrydda með silkiklæðum ok ganga fram skinendr i þessa heims dyrd. En er sva barz at, þá urðu þeir bræðr lostnir af diðfulligri 15 ör ok urðu hryggvir miok ok hörmuðu, at þeir baru einn möttul ok voru fatökir, en þeir sa þræla sína forkunnar vel buna. En hinn sæli Joan postoli skilr bratt þess konar harma, er þeir höfðu, ok mællti þá: „Ek skil gløgt, at þið hafit skipt hugum ok yfir- litum, fyrir því at þit fylgðut kenningu mins drottins Jesu Kristz 20 ok gafut alla luti fatökum mönnum, þá er þit attuð. Nu ef þit vilit taka til ykkar þá hluti, er þit attut i gulli ok silfri ok dyrligum steinum, ok endrbæta sva skaða þann, er þit þikkiz fengit hafa, þá færi þit mer rétta vöndu bundna saman i kerfi.“ Ok er þeir höfðu sva gert, þá kallaði postolinn a nafn drottins, ok urðu þá vendirnir 25 at gulli. Eptir þetta mællti postolinn við þá: „Færið mer smasteina af sævarströndu.“ Ok er þeir höfðu sva gørt, þá kallaði postolinn a almattigt nafn drottins, ok snuaz steinar þessir i gimsteina. Þá mællti postolinn við þá bræðr: „Fari þit nu .vii. hina næstu daga til gullsmiða ok gimsteinamanna, ok latið reyna, hvart 30 þetta se satt gull ok sannir gimsteinar; komit síðan aptr til min, ok segit mer, hve reyniz.“ Eptir þetta foru þeir bræðr, eptir því sem postolinn hafði fyrir mællt, ok at .vii. dögum liðnum komu þeir aptr til postolans ok sögðu sva: „Drottinn, segia þeir, við höfum komit til allra gullsmiða, ok sögðu allir okkr eitt til, at þeir hefði 35 alldri set íafngott gull; við fundum ok þá menn, er gløgt kunna gimsteina at sia, ok sögðu þeir ok allir eitt, at þeir hefði ok þessa steina bezta sena.“ Þá svarar hinn helgi Joan postoli: „Farit nu ok leysit aptr til yðar iarðir þær, er þit hafit við himneskum fagnaði selldar, þvíat þið hafit nu glatat þeim fagnaðar ömbunum, 40

erykkur voru hugðar í himneskum fagnaði. Kaupit nú silkiklæði ok skinit um stundar sakir sem rosar, en er þær rotna, er ilmr þeira (er) sem mest(r), þá falla þær enn braðliga. Þit andvörpuðut, er þit sað þræla ykkra auðga orðna en ykkur fatøka, ok syttuð því; 5 verit nú blomgaðir, unz þit bliknit, verit nú auðgir stundliga, en at eilifu fatøkir. Hvat syniz yðr nú þá? Ma eigi hönd almattig guðs sva gera, at þrælar verði auðgir ok skini í mikilli dýrð? Þá þraut hefir almattigr guð sett öndum manna, at þeir er fyrir guðs sakir vilja eigi stundlig auðøfi hafa, þá skulu þeir trúa, at 10 þar fyrir skulu þeir hafa eilíf auðøfi.

Meistari varr sagði oss sva frá einum auðgum manni: sa kræstiz vandliga hvern dag, ok hvern dag bioz hann við gull ok purpura, en fyrir dyrum hans lá einn þurfamaðr, sa er Lazarus er nefndr, sa girndiz miok til at eta mola, þá er felli af diskum hins 15 auðga mannz, ok villdi engi gefa honum; en hundar komu til ok sleiktu sar hans. Sva barz at, at þeir önduðuz baðir a einum degi. Lazarus þessi hinn fatøki var fluttr í faðm Abrahams, en hinn auðgi maðr var grafinn í helviti. Síðan hefir hann upp augu sín, þar sem hann var í kvolum staddr, ok leit hann Lazarum sitia 20 langt frá sér í faðmi Abrahams. Síðan kallar hann hatt ok mællti: „Faðir Abraham, miskunna mér ok send Lazarum, at hann dregi hinum minzta hlut fingrar síns í vatn ok láti koma í munn mér, at ek mætta kœla tungu mína, því at ek kveliumz í loga þessum.“ Abraham svaraði honum ok mællti: „Minnztu, sonr, at þú tokt 25 goða luti aðr í lífi þínu, ok Lazarus slikt hit sama illa luti; en nú er hann huggaðr, ok þú ert kvaldr. En í þessum ollum lutum þá er sva mikit forað ok stírt var a milli, at sa ma eigi hingat koma, ok engi heðan þangat fara.“ Þá svaraði hinn auðgi maðr: „Ek átta fim brøðr, því bið ek, at Lazarus eða nokkurr 30 maðr, sa er af yðr se sendr, vari þá við, at eigi komi þeir í þenna kvalastað.“ Abraham svaraði: „Þeir hafa Moysen ok aðra spámenninga, hlyði þeir þeim.“ Eftir þetta mællti enn hinn auðgi maðr: „Eigi munu þeir trúa, drottinn, nema nokkurr maðr risi upp af dauða, sa er þeim segir, hvat titt er.“ Abraham sagði: 35 „Ef þeir trúa eigi Moyse ok spámönnunum, þá munu þeir eigi trúa þeim, er af dauða riss.“

Allar þessar røður styrkti drottinn varr ok meistari með iartegnakröptum. Ok þá er hann var spurðr af mönnum, þeim er heyrðu hans kenningar: Hverr kom hingat til þess þaðan at segja 40 þetta, sva at ver megim trúa því? Drottinn sagði: Berit hingat

til min þa hina dauðu menn, er þer hafit til. Eptir þat baru
 þeir til hans þria likami dauðra manna, ok reisti hann þa upp
 alla til lífs, sva sem hann veki þa af svefni, ok sonnuðu þeir
 þa alla luti, er hann sagði. En hvat skal ek segia ykkur frá
 drottni minum, með því at enn eru þeir her menninir við staddir, ⁵
 er ek hefi reist af dauða i nafni hans sialfs, sva at þit hafit við
 verit. Seð hafið it, at ek hefi i hans nafni grødda kararmenn ok
 reinsat líkðra, gefit sion blindum en rekit diöfla frá oðum mönnum.
 Þessi auðøfi megu þeir menn eigi hafa, er elska þessa heims
 auðøfi. Muna megu þit þat, at þa er sialfir þit gengut til siukra ¹⁰
 manna ok lögðut hendr a ok kolluðut a nafn drottins Jesu Kristz,
 þa urðu þeir heilir. Þit rakut diöfla frá oðum mönnum ok gafut sion
 blindum. Se herna! bratt er þessi miskunn nu frá ykkur tekin,
 ok eru þit nu bratt orðnir vesælir menn, er aðr vorut styrkir ok
 miklir. Ok sva mikill otti var sialfum diöflunum at ykkur, at með ¹⁵
 ykkuru boði urðu þeir lausa at lata þa menn, er þeir höfðu aðr i
 sinu valldi hafða; en nu munu þit ottaz alla diöfla, þvíat sa hverr
 er elskar fiarlut, sa er þræll Mammona. Mammona þat er diöfuls
 nafn, sa er ræðr fyrir rangri agirni ok drottnar þeim mönnum, er
 þenna heim elska. En þeir sialfir er elska heiminn ok safna ²⁰
 saman miklum auðøfum, þa eignaz þeir eigi at helldr auðøfin,
 helldr ma hinn veg rettiligarr at kveða, at þau eignaz þa. Nu
 með því at engi maðr hefir meirr en einn maga sialfr, en þo vilja
 þeir varðveita sva mikinn mat, at þar af mætti fylla þusund
 manna kviðu, ok engi maðr er meirr en einn líkami, ok hafa þo margir ²⁵
 sva mikla klæðagnott, at vel mætti einn maðr klæða þusund
 manna. En því þurfti þess sirt, at eigi veit sa, er slikt dregr
 saman, hverium til handa hann varðveitir. Sva mælir heilagur
 andi fyrir munn Davids konungs: Hegomliga ræliz margr maðrinn.
 Ok enn mælir hann lengra fram: sa er samandregur fiarlut ok ³⁰
 veit eigi, hverium til handa hann safnar saman. Nakta hefir moðir oss
 födda alla i heiminn, bæði þurfum ver þegar klæðnað ok mat ok drykk;
 en hvatki er ver höfum, meðan ver lifum, þa skal iörðin við
 nöktum taka varum líkðmum, þvíat þeir hafa af berri iörð skapaðir
 verit. Oll himnesk auðøfi hafa i þessum heimi iafnt auðgir ok ³⁵
 fatøkir, fyrst solar líos ok tungls ok annarra himintungla; allir
 hafa iafnhörð veðr ok goð, iafnheimil er kirkia fatøkum sem
 rikum, iafnheimil skirn ok fyrirgefning allra synda, ok smurning
 heilagrar krismu, ok heilög berging holdz ok blöðs drottins vars
 Jesu Kristz, ok eigi er firr heilags anda gipt fatøkum en auðgum, ⁴⁰

þviat almattigr guð er harðla iafnlyndr i sinni tilskipan, en dómir
 eigi eptir þessa heims metnaði, helldr eptir sönnum verðleikum,
 ok eigi ma annan veg niota þessarra guðs giafa auðgir en fatækir.
 Vesæll er sa maðr, er þat vill varðveita meira en þarf, með því
 5 at hann ma um sinn fiarlut alldri örugggr vera, helldr at hann ma
 eigi stundum niota með fagnaði sialfr þess, er hann þurfti at hafa,
 tekr hann riðusott eða onnur mikil ohøgindi a likama sinum;
 þa ma hann eigi matar neyta, eigi ma hann drekka með fagnaði,
 ok er þa sem agirni mannzins se mint a, hvat hon hefir gort;
 10 þviat þat er hon hefir nott ok dag ahyggiu fyrir borit ok enga
 tíð latið varðveizlulaust, veit hann eigi, hverr hafa skal, en sialfr
 ma þa eigi miok vera um sik orugggr. Nu gengr mart at solu
 þessa heims mōnnunum: þiofar megu eigi briota hus þeira, iarðir
 þeira eru fagrliga fagaðar, gengr vel plogr þeira, ok ætla at hafa
 15 onnur misseri meira sað, en þeir hafa fyrr haft, ekki giallda
 skatta; þeir lata reisa hia torgum storar buðir, fullar af kaupskap,
 ok ætla ollum mikit at vinna, skipa ollu til snuðar; mykia með
 bliðmælum reiði ser meiri manna, en þa er þeim misbioða hinir
 minni menn, þa skal taka af þeim hvern penning; þeir reiðaz
 20 hveriu orði, er aðrir mæla, en stilla sialfir litt orðum sinum, ok
 ef nókkurr mælir til iafns við þa, þa megu þeir þat varla bera; ollu
 samþykkiaz þeir, því er likamanum þykkir blitt vera; rita stundum
 fe sitt ok bliða þar a huginn; stundum skal leika, en stundum
 tefla, ok varaz hvarki at saurga sik ne aðra i munuðlifi; ok eptir
 25 þetta fara þeir af heiminum með braðum bana neykðir með ollu,
 bera ekki með ser nema syndir sinar, ok skulu þeir þa fyrir þeira
 sakir þola eilifar piningar.“

Þa er hinn helgi Joan postoli hafði þetta mællt, þa var borit
 hia þeim lik eins ungs mannz. Moðirin fylgði likinu, ok hafði
 30 mist aðr buanda sins. Sa hinn ungi maðr hafði kvangaz fyrir
 manaði, ok var þar með likinu su kona hin sama. Ok fellu ðll
 til fota postolanum með miklum grati ok baðu hann i guðs nafni,
 at sva sem hann reisti Drusianam til lifs, sva baðu þeir hann
 reisa upp þenna mann af dauða. Sa maðr var syrneskr at kyni
 35 ok hafði heitit Stacteus. Sva var mikill gratr allra manna, [at
 sialfr Joan postoli matti eigi vatni hallda. Siðan leggz hann til
 bønar ok baðz fyrir lengi með tarum; eptir þat reis hann af
 bøn sinni, retti upp baðar hendr sinar ok baðz lengi hliðliga
 fyrir. Ok er hann hafði þetta þrysvar gert, þa bað hann at leysa
 40 likit. Siðan mællti hann: „Heyrðu, hinn ungi maðr ok hinn

syrneski Stacteus, þu vart ofmiok gefinn likamligri ast, fyrir
 því mistir þu sva skiott andar þinnar. Heyr þu, hinn ungi maðr,
 sa er eigi vissir skapara þinn ok eigi ser þu hialpara mannanna,
 eigi vissir þu sannan vin þinn; nu fyrir sakir þinnar ovizku hittir
 þu a hinn versta andskota. Mörgum bönnum ok tarum hefi ek 5
 framhellt i augliti drottins mins fyrir þinar sakir, til þess at þu
 mættir verða fra dauða leyst. Ok nu ris þu upp, ok boða þessum
 tveim brøðrum Attico ok Eugenio, hversu mikla dyrð þeir hafa latið,
 ok hve mikla pining þeir eiga fyrir höndum.“ Þa reis Stacteus
 upp i augliti postolans ok dyrkaði hann, ok siðan mællti hann til 10
 þeira brøðranna, ok tok at avita þa miok ok mællti þessum orðum:
 „Ek sa engla ykkra, þa er ykkur höfðu ætlaðir verit af guði til
 varðveizlu, ok gretu þeir miok; en i öðrum stað sa ek aru diöf-
 ulsins, ok fögnuðu þeir miok glatan ykkarri. Ek sa riki þat, er
 ykkur var fyrirbuit, ok þau hin haleitu herbergi, er ykkur voru til 15
 handa huguð ok gör af skinandi gimsteinum; þau voru full af eilifu
 liosi, full af eilifum krasum ok eilifri skemtan. Slika luti hafi þit fyrir-
 latna, en fengit ykkur þa staði i moti, er fullir eru af myrkrum, fullir
 af drekum ok gnistondum logum, fullir af kvölum ok ollum
 ousmörðiligum piningum, fullir af otta, fullir af öskurligri ogn. En 20
 þit hafit fyrirlatið þa staði, er fullir eru af öllum blomum, þeim
 er alldri kunnu at fyrnaz, af allzkonar fögrum röddum, ok tekit
 þar a moti þa staði, sem eilifr gratr er ok ylun bæði nætr ok
 daga. Engi er ykkur annarr a gorr, en biðia postola drottins, at
 sva sem hann reisti mik upp til lifs fra dauða, sva reisi hann 25
 ykkur upp fra andar dauða, ok nöfn, þau er nu eru af skafin
 lífsbok, mætti þangat enn aptr leiðaz með guðs miskunn.“ Eptir
 þat falla þeir til fota postolanum Atticus ok Eugenius ok Stacteus,
 er af dauða var reistr, ok með þeim allr lyðrinn, ok baðu post-
 ola guðs, at hann bæði þeim miskunnar við almattkan guð. Enn 30
 sæli Joan postoli gaf þeim þau svor, at þeir brøðrnir skylldu syna
 guði iðrun sina þriatigi daga, ok bæði ser miskunnar af guði, ok þat
 með at gullvendirnir mætti aptr snuaz til sinnar natturu auðgæt-
 ligri, sem þeir höfðu aðr verit. Eptir þat er liðnir voru .xxx.
 daga, þa voru eigi steinarnir aptr komnir til sinnar natturu. Þa 35
 komu þeir aptr Atticus ok Eugenius til postolans ok mælltu við
 hann: „Avallt hefir þu miskunn kenda, drottinn, ok avallt likn
 boðaða, þu bautt sva, at maðr skyllði manni vægia, ok ef almattigr
 guð vill, at maðr vægi manni, sva miklu meirr mun almattigr
 guð vægia mönnunum. Hneyktir erum við i synd okkarri, ok þat 40

sama sem við girndumz með augunum, höfum við nu gratið með augunum. Biðium við þik nu, drottinn, biðium við þik nu, postoli drottins, at þa hina somu likn, er þu hefir iafnan fyrirheitið i orðunum, syn þu nu i verkunum.“ Ok er þeir nu iðruðuz ok
 5 gretu miok, ok allir þeir er við voru staddir, þa mælti hinn sæli Joan postoli: „Drottinn guð varr hefir sva mællt, at hann vill eigi syndugs mannz dauða, helldr vill hann, at hann snuiz aleiðis ok lifi. Ok þa er drottinn Jesus kendi oss kenningar ok røddi um þa menn, er gerðu sanna iðran sinna andmarka, þa mælti
 10 hann sva: Vist segi ek yðr, at mikill fagnaðr er guðs englum af þeim manni, er snyz fra syndum sinum til sannrar iðranar, en meiri fagnaðr er þeim at einum þessum manni, helldr en af niu mōnnum ok niutigum, þeim er eigi þurfa at biðia. Nu vil ek yðr vita lata, at varr drottinn hefir þegit iðrun þessa manna.“
 15 Ok eptir þat snyz hann til þeira brøðranna ok mælti við þa: „Fari þit nu ok berit nu aptr vonduna til skogar, þaðan sem þit tokut fyrir ðndverðu, þviat nu eru þeir aptr snunir til sinnar natturu; berit aptr ok steinana, þviat nu eru þeir slikir sem fyrr.“ Ok er þetta var allt gort, sem postolinn bauð, toku þeir brøðrnir
 20 Atticus ok Eugenius alla slíka miskunn, sem þeir höfðu fyrr haft af heilags anda gipt, sva at þeir raku diofla fra oðum monnum, en gafu syn blindum ok heilsu siukum, ok allzkonar krapta gerði almattigr guð fyrir þeira arnaðarorð.

9. Sva hefir sagt byskup, sa er Eusebius heitir, i bok þeiri,
 25 er kölluð er Ecclesiastica Historia, at þa er hinn helgi Joan postoli ok guðspíallamaðr var aptr kominn or eygni Pathmos til Effesoborgar eptir dauða Domiciani, þa var hann þess beðinn, sem hann gerði, at fara sem viðazt um heruð ok borgir at boða orð guðs ok semia kristni almattigs guðs, vigia kirkiur eða lata reisa i
 30 þeim stöðum, sem eigi voru aðr. Hann setti ok kennimenn til varðveizlu kirkiunnar eða kristninnar, bæði byskupa ok presta ok aðra lærða menn, a þann pall hvern, at vigslunum fylgði, eða stað, sem honum var aðr af helgum anda til visat. En er hann var kominn til einhverrar borgar ok hafði þar tíðir veittar ok alla þa
 35 luti, er til guðligrar þionostu komu, þa sa hann þar einn ungan mann vænan ok mikinn vexti, sterkan at afli en harðla oraðinn i skapsmunum. Siðan mælti hinn sæli Joan postoli við byskup, þann er skömmu aðr hafði vigðr verit: „Þenna hinn unga mann fel ek þer a hendi at guðs vitni ok allra heilagra, at þu gætir
 40 hans forkunnar vandliga.“ Byskup tekr við mannum ok heitr

þvi postolanum, at hann skal alla hluti eptir þvi sva gera, sem hann bauð. Postolinn minnir hann a miok opt, at hann skyli gæta vandliga, en hann heitr honum hinu sama avallt. Ok eptir þat ferr postolinn a braut ok aptr til Effeso. Ok er hann var i brautu, leiðir byskup þenna mann hinn unga i sialfs sins herbergi; hann sitr longum a tali við hann ok telr fyrir honum helga tru, fær honum allra luta vel, þeira sem hann þyrfti at hafa, ok er hann bliðr við hann, ok eptir þat skirir hann hann ok veitir honum alla þionostu helga. Ok er hann hafði þetta allt at gort, er honum þotti skylldest vera, þa let hann þenna hinn unga mann fara nockuru sialfraðara. En er nockurar stundir liðu, þa slær þessi hinn ungi maðr ser lausum við um vel flesta hluti, þa er syndum sættu, ok aflar ser sveitar þeira manna, er galausastir voru ok helldr østu hann en stilltu um allt, þat er illa samdi, ok hans iafnalldrar voru. Leggiaz nu allir saman i drykkiur ok i saurlifi þvi næst, ok a nottum sitia þeir um herbergi manna ok taka at stela. Ok eigi þikkiaz þessir menn sva miklu mega a leið koma, þvi er illt er, sem þa lystir til, fyrr en þeir reðuz i braut fra öðrum monnum ok ut a merkr ok skoga, ok gerðuz hinir mestu illvirkjar, ok var þessi hinn ungi maðr foringi þeira til allra illverka. Kom honum þat i hug stundum, at þetta semdi illa, ok varð honum þat eigi til meiri hialpar, en þa tok hann at örvilnaz með ollu. Lagði hann þat þa fyrir sik at gera sem verst verk, en hugði, at þa mundi ekki stoða aptr at hverfa.

En er miok lengi hafði þannug fram farið, þa kemr hinn sæli Joan postoli ok guðspiallamaðr at bøn manna til þessar borgar hinnar somu. Ok er hann hafði skipat þeim hlutum öllum, er til kristninnar komu, þa mælir hann við byskup þann, er fyrr var getið: „Þat er nu rað, byskup, at þu selir framm þann lut, er ek sellda þer til varðveizlu næstum, er ek var her i þessi borg, at vitni guðs ok heilagrar kristni. Byskup varð ottafenginn við þessi orð hans ok ætlaði, at hann mundi heimta at honum fiarlut nockurn, þann er hann þottiz eigi hafa við tekit, hyggr at fyrir ser, at þat var ekki Jons at fara með neina flærð ne lygi, at þat eitt mun hann heimta, er rett mun vera; hyggr at fyrir ser, ok eigi ma hann finna at helldr. Slær þa a hann þögn ok kann engu svara. Þa mælir hinn sæli Joan postoli berara við hann: „Þann hinn unga mann heimti ek at þer, er ek fal þer a hendi, at þu skylldir abyrgz hafa at guðs vitni ok þeirar kristni, er þu ert yfir settr.“ Þa svarar byskup ok grætr miok: „Dauðr er

hann, drottinn.“ Postolinn svarar: „Hvener andaðiz hann, eða hvat varð honum at bana?“ Byskup svaraði: „Guði er hann dauðr ok ollum goðum monnum, þviat hann er orðinn hinn versti maðr; lagðiz fyrst i saurlifi allzkonar, en a lesti gerðiz hann
 5 illvirki, ok nu liggr hann uti a fialli nokkuru, ok mikil illvirkiasveit með honum.“ Þa er hinn sæli Joan postoli heyrði þessi orð, þa fekk honum sva mikils, at hann slitr klæði af ser ok mællti til byskups: „Goðan varðveizlumann fekk ek, þar er þu vart, eða hversu gættir þu broður okkars. Bui mer nu hest ok fai
 10 mer leiðtoga at leita hans.“

Eptir þat sprettr hann upp ok ut or kirkiunni, ok stigr þegar a bak ok riðr sysliga, kemr þar farandi, sem illvirkiarnir voru fyrir. Þeir taka hann þegar hondum, en hann vill allz ecki flyia. Þa segir hann þeim ørendi sitt: „Hofðingia yðarn vil ek finna,
 15 þvi at þat er mitt ørendi.“ Siðan er sent eptir honum. Ok er hann er miok i nand kominn, þa kennir hann hinn sæla Joan postola ok vill þegar flyia undan. Postolinn gefr þa litinn gaum at miklum alldri, stigr a hestinn ok hleypir eptir honum ok kallar af miklu afli: „Hvi flyr þu, son minn, foður þinn gamlan?
 20 Hvi flyr þu vapnaðr maðr ok ungr vapnlausan mann ok gamlan? Hvi forðaz þu þann, er Kristr hefir sendan til hialpar þer. Hræztu eigi, vesall maðr, hefir þu enn nokkura van, þviat ek skal giallda guði skynsemi fyrir þik, buinn skal ek at deyia fyrir þinar sakir, sva sem Kristr do fyrir varar. Nem þu staðar nu,
 25 son minn, þvi at mina ond mun ek i veð leggja fyrir salu þina, til þess at þu megir hialpaz. En þu trui þvi fastliga, at Kristr hefir sendan mik.“ Ok er postolinn hafði þetta mællt, þa nam illvirkinn staðar ok tok sanna iðran allra sinna gløpa, ok gret þat þa beiskliga, er hann hafði aðr afleitliga misgert. Ok eptir
 30 þat fellr hann til fota postolanum ok biðr ser hialpar ok miskunnar. Postolinn var þa af baki stiginn með oumrøðiligu litillæti, ok þa fellr hann til fota illvirkianum. Ok er þeir voru baðir uppstaðnir, þa ser postolinn, at hinn ungi maðr vill fela hina høgri hond sina. Postolinn skilr, hvi þat gegnir, ok mundi hann þar
 35 með margs mannz saklausu bloði ut hafa hellt með þeiri somu hendi. Tekr siðan til handarinnar, ok dregr at ser ok kysti, ok mællti siðan við hann: „Verðu styrkr nu, son minn, ek skal biðia fyrir þer an aflatu ok iafnan fasta með þer, óðlaz muntu likn af almattkum guði.“ Siðan fara þeir aptr til borgarinnar, ok skilz
 40 eigi hinn sæli Joan postoli fyrr við þenna mann, en hann hafði

leiddan hann i kirkiu ok i fullt samlag kristinna manna, ok gaf síðan a honum eitt hit fagrligsta dæmi ollum syndugum monnum, þeim er sannliga vilia iðraz sinna synda. Þessi maðr lifði síðan vel ok skynsamliga alla sina æfi, ok varð hann mikill guðs vinr fyrir arnaðarorð hins helga Joans postola. 5

10. Þa er sva var komit, at mestr luti liðs i Effeso ok naliga allr lyðr um allar borgir ok heroð i Asia dyrkuðu hinn sæla Joan postola, ok boðoðu hans dyrð, en truðu a almattkan guð, þa sofnuðuz saman aller blotmenn, þeir er i Effeso voru, ok buðu sva mikinn ofrið hinum sæla Joani postola, at þeir toku hann 10 hondum ok drogu hann til hofs þess, er þeir höfðu eignað Gefion, ok villdu þar neyða hann til blota. Þa mælir hinn sæli Joan postoli: „Ek mun nu gera yðr iafnaðarkost; ek mun leiða yðr til kirkiu drottins mins Jesu Kristi, ok síðan kalli þer a nafn Gefionar ok biðit hana fella ofan kirkiuna, ok ef hon gerir þat, 15 þa mun ek samþykkiaz við yðr. En ef þer megit eigi þetta gera oll saman, þa mun ek kalla a nafn drottins mins Jesus Kristz ok biðia hann fella ofan allt hofit ok briota skurðgoðit allt i sundr, þetta er þer dyrkit. Ok ef þetta verðr allt, eptir því sem ek mæli, þa mun þat synaz sannligt at fyrirlata þenna hinn hegomliga 20 atrunað við Gefion, ef hon er þa sigruð ok i sundr brotin af drottni minum, ok þa skulu þer vilia hverfa eptir mer ok trua allir a einn guð.“ En þa er postolinn hafði þetta mællt, fagnaði allr lyðrinn, ok þott þeir væri nokkurir, er i moti villdu mæla, þa var þat þo mestr hluti manna, er þessu samþýktuz. Þa mællti 25 hinn sæli Joan postoli við lyðinn, at allir menn skyldi ut ganga or hofinu ok vera hvar fjarri. Ok er allir menn höfðu sva gort, sem postolinn bauð, þa mælir postolinn biartri röddu, sva at allir menn heyrðu: „Drottinn minn Jesu Kriste, ek bið þik, at þu briotir niðr hofit þetta með ollum þeim skurðgoðum, sem i því 30 eru, sva at engum manni verði mein at, en menn megi at sönnu því trua ok vita, at þetta hof Gefionar ok skurðgoð hefir diofull bygt en eigi guð.“ Ok iafnskiott sem postolinn hafði þetta mællt, þa brotnaði allt senn hofit ok þau öll skurðgoð, er i því voru, ok síðan varð þat allt at duphti einu. Þenna dag sneruz til truar .xii. þusundir manna heið- 35 inna, ok voru þa hvarki talin börn ne konur. Ok síðan tok lyðrinn at kalla: „Einn er guð sannr guð, þann er dyrkar Johannes.“

Ok er þessi tíðendi ser byskup, sa er Aristodimus er nefndr, sa hafði yfirmaðr verit allra blota, þa verðr hann fullr af hinum versta anda ok hinum illgiarnasta ok vegr ofrið i moti Joani 40

postola. Ok er postolinn ser þetta, þa mællti hann. „Segðu mer, Aristodime, hvat ek skal þess gera, at ek mega taka reiði þessa hina miklu or skapi þer?“ Aristodimus svaraði: „Ef þu villt, at ek trua a guð þinn, þa mun ek gefa þer eitr at drekka, 5 ok þa er þu hefir drukkit, ok deyr þu eigi skíott af eitrinu eptir þann drykk, þa þikki mer þat at sonnu sia mega, at sa er drottinn guð, er þu dyrkar.“ Hinn sæli Johannes svaraði: „Þoat þu gefir mer eitr at drekka, en ek kalla a nafn drottins mins Jesu Kristz, þa mun ekki eitrit mer granda mega.“ Þa mællti 10 Aristodimus: „Þat skulum ver fyrst at gera, at þu skallt sia, at aðrir drekka, ok deyja, þegar þeir hafa drukkit eitrit.“ Eptir þat for Aristodimus til fundar við iarl, þann er yfir borginni var, ok bað hann fa ser tva menn, þa er aðr voru til hoggs ætlaðir fyrir sakir gløpa sinna. Ok eptir þat setr hann þa a mitt manna 15 motit hia postolanum i augliti allz lyðsins, ok let þa drekka eitrit; ok iafnskiott sem þeir hóðu drukkit, fellu þeir dauðir niðr baðir. Eptir þat mælir Aristodimus: „Hlyð þu mer, Johannes, ger annathvart skíott, hverf fra þeiri kenningu, er þu hefir öllum lyð með snuit fra goðum varum, eða tak her nu við eitri, ok 20 drekk sem skíotast, til þess at þu synir guð þinn almattkan vera, ef þu ert alheill eptir, þa er þu hefir drukkit.“ Þa gekk hinn sæli Joan postoli fram hia þeim, er dauðir voru, ok tekr oskialfandi við eitrinu. Síðan gerði hann krossmark yfir kerinu ok mællti sva: „Heyr þu, drottinn minn ok guð, faðir drottins mins 25 Jesu Kristz, með þess orði eru himnar styrktir, undir þann eru allir hlutir orpnir, til þess luta allir hlutir, ok undir þann lytr allr mattr; ok þa er ver kolum a þitt hit helgasta nafn oss til fulltings, þa verðr hvert eitt kvikendi aflima, ok hver naðra ok dreki, alldri er hon sva grimm, at hon verði eigi allt afl sitt at lata; 30 fyrir þínu helgasta nafni sloknar scorpio, sigraz regulus, spalangus ma eigi illt gera a moti þínum vilia, ok oll onnur eitrvikendi, maðkar, ok hvart sem þat er fersött kvikendi eða skriðkvikendi, allt þat er dauðamark nokkut i byr ok fylgir, þa sloknar allt, ef þat er þinn vili; heyr þu, drottinn minn, ok lat þat verða 35 mer at engu meini, helldr gef þu nu þessum mönnum öllum, er her eru við staddir, rettsyni til at sia þa hluti, er þeim skiptir miklu mali, ok þau eyru, er hlyði þínum boðorðum, ok þat hiarta, er skilna megi mikilleik dyrðar þinnar.“ En er postolinn hefir þetta mællt, þa gerir hann krossmark yfir munni ser ok 40 drekk af gorrallt. Ok er hann hafði drukkit, þa mællti hann:

„Þess bið ek enn, drottinn, at þeir hinir somu menn, er mik hafa þenna drykk drekka latið, snuiz til þín ok oðliz af þer hialp ok miskunn.“ Eptir þat horfir allr lyðr a hinn sæla Joan postola um þriar tiðir dags, ok alldri sa þeir hann roðna ne blikna eða annan veg bregðaz i sinu yfirbragði, helldr var hit sama 5 bliðligr ok glaðligr ok þekkiligr i ollu yfirbragði. Eptir þat kallaði lyðrinn allr ok mællti sva: „Einn er sannr guð, þann er dyrkar Johannes.“

Aristodimus villdi enn eigi trua, en lyðrinn tok at asaka hann. Siðan snyz hann til postolans ok mællti við hann: „Enn 10 er eptir efi nokkurr i skapi minu; ef þu reisir upp til lifs þa menn, er aðr eru dauðir af eitriu, þa mun hugskot mitt hreinsaz af öllum efa.“ En er lyðrinn heyrir þessi orð Aristodimi, þa risu allir i moti honum ok mælltu sva: „Ver munum brenna þik kvikan i elldi ok allt hyski þit, ef þu þorir at mæða postola guðs 15 lengr i þessu mali.“ Hinn sæli Joan ser, at þa horfir enn til hins mesta ofriðar, biðr hann ser hlioðs ok mællti, sva at allir heyrðu: „Sa er hinn fyrsti af guðligum kröptum, ok er oss skyldliga boðinn eptir at likia, at hafa þolinmæði i frammi; en þat er þolinmæði, at þola heimsku ok motgerðir ovitra manna fyrir guðs 20 sakir. Nu með því at Aristodimus hellzt enn i otru sinni, þa skulum ver leita at leysa otruleiksknuta hans, þa er hann er með bundinn, ok þo at seint verði, þa skulum ver sva gert fa, at hann skal kannaz við skapara sinn. Eigi mun ek af lata, fyrr en sar hans eru með öllu groin; mun ek gera sem aðrir lækna, þeir er 25 siukan mann hafa með höndum, þann er miok er þurfi lækningar, ok því meiri stund sem þeir hafa a lagt, því meira þikkir þeim skipta, at þat komi vel at halldi, er þeir hafa til lagt, ok verði maðrinn heill. Slikt hit sama er hann nu; ef Aristodimo vinnr eigi þorf þat, er aðr er at gort, þa skulum ver leita annars raðs, 30 ok vita, ef þat megi helldr duga.“

Eptir þat kallar hann til sin Aristodimum, ok gaf honum kyrtil sinn, en stoð sialfr eptir i mötlinum. Þa mællti Aristodimus við postolann: „Hvat skal mer kyrtill þinn?“ Postolinn svaraði: „Hann skal syna þik sialfum þer, hversu hneykiligr þu 35 ert, ok hverf þu braut siðan fra otruleik þinum.“ Aristodimus svarar: „Hversu mun kyrtill þinn þat gera mega, at ek mega hverfa braut fra otruleik minum.“ Hinn sæli Joan postoli svarar: „Far þu nu ok legg hann yfir lik þeira manna hinna dauðu, er eitrit drukku, ok mæl þessum orðum: Postoli drottins mins Jesu 40

Kristz sendi mik til yðar, til þess at þer risit nu upp af dauða i nafni þess hins sama guðs, ok allir menn viti ok við þat kanniz, at bæði þionar lif ok dauði sinum drottni Jesu Kristo.“ Ok er Aristodimus hafði þetta gert, þa risu þeir þegar upp heilir. En er
 5 Aristodinus ser þat, lytr hann hinum sæla Joani postola, ok ferr síðan skyndiliga til fundar við iarlinn ok kallar harri röddu: „Hlyð þu mer, herra iarl; veit ek, at þu matt muna þat, at ek hefi optliga eggjat yðr til reiði mikillar i moti hinum sæla Joani postola, ok marga luti illa hefi ek við hann gorma. Nu skömm-
 10 umz ek þess allz, ok uggi ek mer nu reiði hans, þvíat hann er guð ok leyniz undir mannligri asionu; þvíat ek gaf honum eitr at drekka, ok eigi at eins var hann alheill fyrir þa sok, helldr gerði hann því framarr, at þeir menn, er eitrit höfðu drukkit ok dauðir voru, þa risu þeir upp til lifs, þa er ek lagða minum höndum
 15 kyrtil hans a þa; ok eru þeir nu sva heilir, at alldri er dauðamark a þeim.“ Jarlinn mællti: „Hvat villtu nu þa at við gerim?“ Aristodimus svaraði: „Við skulum fara baðir ok falla til fota postolanum ok biðia okkr liknar, ok gera síðan hvat er hann byðr okkr.“ Eptir þat foru þeir baðir saman ok fellu til fota
 20 postolanum ok baðu ser liknar. Postolinn tok við þeim með miklum fagnaði ok þakkaði almattkum guði margfalldliga miskunn sina, ok eptir þat bauð hann þeim at fasta eina viku ok iðraz annmarka sinna. En er su vika var liðin, þa skirði hinn sæli Joan postoli iarlinn ok Aristodimum ok allt frændlið þeira ok
 25 tengdamenn ok þionostumenn. Eptir þat brutu þeir öll skurðgoð, er þeir höfðu at varðveita, ok gerðu kirkju til dyrðar hinum sæla Joani postola, ok var hann i þeiri hinni somu kirkju numinn til himna, með því moti sem nu munum ver segia.

11. Þa er hinn helgi Johannes hafði lifat i þessum heimi
 30 niu vetr ok niutugu vetra, þa vitraðiz honum sialfr drottinn varr með lærisveinum sinum, ok mællti við hann: „Kom þu til min, hinn ynniligasti minn astvin, þvíat nu er su tíð komin, er þu skallt niota eilifrar sælu i samkundu minni með brøðrum þinum.“ Hinn sæli Johannes reis upp þegar ok villdi fara. Drottinn mællti
 35 þa enn við hann: „Drottinsdag þann, er kemr eptir fim daga ok halldin er minning upprisú minnar, þa skalltu koma til min.“ Ok er drottinn hafði þetta mællt, þa hvarf hann fra honum at syn upp til himna. En þa er hinn næsti drottinsdagr kom, þa safnaz (menn) til fundar við hinn sæla Joan postola til þeirar
 40 kirkju, er i hans nafni hafði smiðuð verit; kom þar margr lyðr.

Ok fra hinu fyrsta hanagali ok til dagmala þa veitir hann monnum helga þionostugerð guðs ok þar með fagrlegt formæli ok astsamlegt. Ok eptir þat mælir hann þessum orðum: „Brøðr minir ok systir ok samþrælar ok samræfingar ok hluttakarar drottins vars eilífs! Kenniz þér við drottin varn Jesum Kristum, hversu mikla krapta 5 ok hversu mikil stormerki ok vingiafir með heilagri kenningu hann hefir ser latið soma at veita yör fyrir mik. Verit nu staðfastir ok þrarækir i þessum boðorðum, þvíat nu hefir minn drottinn latið ser soma at kalla mik af þessum heimi.“ En er postoli guðs hafði slíka hluti mællt, þa let hann grof grafa hia 10 alltarinu ferskeytta ok bera ut molldina alla or kirkiunni, ok síðan stigr sialfr Joan postoli ofan i grofina ok rettir upp hendr ok mællti sva: „Laðaðr kem ek til þín, drottinn minn Jesus Krístr, þvíat þu lætr þér soma at laða mik til þinna krasa; veiztu, at af ollu hiarta minu girnumz ek til þín. Sa ek andlit þitt, ok 15 var mer, sem ek væra af dauða reistr ok hefða ek aðr i leiði legit. Ilmr þinn hefir vekraðar upp með mer eilífar girndir. Rodd þín er full af hunangligum sötaleik, ok viðrmæli þitt samvirðiligt engla malum. Hversu geysi opt sem ek hefi beðit þik, at ek skyllða til þín koma, þa svaraðir þu mer: bið þu enn, til þess 20 at þu megir leysa þann lýð, er a mik vill trúa. Þu hefir varðveittan líkama minn af allri saurgan ok leysta ond mína ok alldri fyrirlatit mik, þa er ek for i utlegð ok ek hvarf aptr þaðan. Þu hefir þér latit soma at setia mer i munn orð sialfs sannleíks þíns, ok latit mik muna vitni at bera krapta þinna, ok hefi ek rituð 25 þau hin somu verk, er ek hefi set augum mínum, ok þau orð, er ek hefi heyrt af þínum munni með mínum eyrum. Nu fel ek þér a hendi sonu þína, er heilog kristni sonn mæðr ok móðir hefir borit ok endrgetit fyrir vatn ok helgan anda. Tak þu mik nu, drottinn, at ek mega vera með brøðrum mínum, er þu komt sialfr 30 ok laðaðir mik. Luk þu upp fyrir mer, drottinn, þvíat ek tek nu at knýia a dyreilífs lífs, sva at myrkra höfðingar komi ekki mer i mot, ok ofmetnaðar fotr komi ekki mer i nand, ok engi hond komi su við mik, er þér er fiarlæg; helldr tak þu mik, drottinn, eptir þínu orði ok leið mik i samkundu krasa þinna, þar sem 35 kræsaz með þér allir vinir þínir, þvíat þu ert Krístr ok sonr guðs lífanda, þu hefir holpit heiminum eptir boðorði föður þíns, sa er þér lætr soma at gefa oss helgan anda, ok þu gerðir oss luttakara af heilags anda miskunn þinna boðorða. Fyrir þann sama helga anda gerum ver þér þakkir um endalausar alldir allda.“

Allr lyðrinn studdi mal postolans ok sagði Amen. Þá kom lios mikit yfir postolann, sva at engi matti i gegn sia, ok hellzt þat um halfa tið dags. En eptir halfa tið dags var til grafarinnar farit, ok fannz ekki vætta nema himnamiöl, ok verða siðan i þeim sama stað allzkonar iartegnir, ok fa menn þar bot meina sinna fyrir arnaðarorð hins sæla Joans postola. Likami hins sæla Joans postola hefir alldri fundinn verit, ok er þat a enskis mannz viti, hvart hann hefir þegar með likama upp verit numinn a þeim hinum sama degi, eða hefir guð varðveitt likama hans til upprisú. Þat segia helgar bokr, at bæði hafi þau andaz af þessum heimi hin dyrliga drottning himins ok iarðar, hin sæla Maria moðir drottins, ok hinn helgi Joan postoli; en um likama kunnum ver eigi at røða, en því truum ver, at beggia þeira likami se miklu helgari, en neinum manni se lofat hendr eða vitorð a at hafa.

12. Nu hofum ver yfirfarit hit liosasta um nokkura atburði, þa er ver hofum i bokum lesit um hinn sæla Joan postola ok guðspiallamann. Ok þo at her um muni miklir frøðimenn margra hluta sakna, þeira er litlu væri oskylldara i frasogn at fœra, en þessir er nu hofum ver sagða, þa væntum ver þo um þa menn alla, er þessa frasogu festa með athuga ok hafa gorsamliga i minni, at þar af megi þeir ser kaupa marga goða hluti með ast ok elsku við almatkan guð ok þenna hans hinn haleita astvin enn sæla Johannem postola. Er oss þat nu ok oll nauðsyn, goðir menn, at felaz a hendi þessum gøfugliga guðs postola, þar sem almattigr guð drottinn varr Jesus Kristr, sonr guðs lifanda, fal honum a hendi hina helgustu mey Mariu moður sina, er hann unni sialfr um alla menn aðra fram. Biðium nu þar með af ollum hug þenna hinn dyrliga guðs astvin Johannem, at þar er honum varð auðit skirra lifs ok hreinna en hverium annarra karlmanna, at hann styrki oss með sinu arnaðarorði til betra lifs ok skirra, en ver hofum hingat til haft. En fyrir þat sama astriki, sem almattigr guð unni honum umfram aðra postola, þa styrki hann oss til sannrar astar við almatkan guð, ok at ver faim yfirbot allra varra misgerða við sialfan hann, ok at ver mættim vera með sannri iðran ok hialpsamligum viðrbunaði vars andlatz teknir til paradisar hvilldar, þa er ver skiliumz við þetta lif. En sva sem almattigr guð kom sialfr at vitia þessa sins astvinar, ok laðaði hann með ser til eilifra fagnaða, sva lati hann ser ok soma, þa er hann kemr a hinum efsta domi at døma um allt

mannkyn. ok postolarnir at dæma með honum, at laða öll oss til eilífrar samvistu með sialfum sér ok öllum helgum monnum per omnia secula seculorum. Amen.

Fragment A.

1*

..... 5
guði en maunnum. Nu fyr þa sauk mun æk æigi næita drottne minum Jesu Kristo, ok alldrege mun æk af lata at boða hans hit haleitasta nafn, þar til er ek hefi fyllða at guðs vilia mina lífdaga ok þa hina helgu þionostu guðs, er mer er til handa huguð 10 ok selld af almattkum guðe.“ Við orð þesse postolans varð iarllinn akafa ræiðr ok bauð at taka postolann ok var(ð)væita með grimmum varðhaulldum. En i annan stað lætr hann rita bræf, þat er sva mællte, ok hann sende Domiciano keisara, ok stoðu þessi orð a því bræfi: 15

Hinum milldasta keisara ok sinum drottne Domiciano sendir iarll Effesiorum kveðio. Ver vilium kynna yðarri hinni hæsto dyrð, at hingat a Asia er kominn æinn maðr af kyni ebreskra manna, sa er Johannes heitir, hann boðar folkinu at trua a Jesum Kristum hinn krossfesta, ok þat sannar hann, at Jesus [er sannr 20 guðs] son lífanda. Allan atrunað goða varra, þæira er ver hyggium at alldrege mætti sigroð verða, þa unytir hann, ok þau hin gaufugligo hof, er naliga hafa alla ævi staðit, þa brytr hann niðr. Er þesse hinn fiolkunge galldramaðr gagnstaðligr yðro boðorði, ok hefir nu af sinne fiaulkyngi ok velum ok boðum snuit 25 mestum luta borgarlyðsins i Effesoborg til dyrkanar við hinn krossfesta mann hinn dauða. Nu fyrir þa sauk at ver haufum mikit astrike á udauðligum goðum ok berum þar fyrir mikla umvandan, þa buðum ver at læiða hann fyr vara domstola ok laugðum stund a með bliðum orðum ok striðum at minna hann á 30 at næita guðe sinum Jesu Kristo eptir yðro boðorði, ok leti af at boða nafn hans, en førðe þvílíkar fornir almattkum goðom varum. En er ver mattum með engum hætti þesso til leiðar koma við hann, þa letum ver rita bref þessi ok sendum siðan yðro konungligo

* Juf. ovenfor S. 417²⁰-421².

velli, at hvatke er yðarri mikilmennzko likar at gera af þessum hinum ulyðna manne, er fyr var nefndr, þa latið yðr soma at gera oss þat i kunnlæika, þo at ver seem lagir hia yðr. Lifð hæiler.

En iafnskiott sem Domicianus keisari hafði lesit brefit, þa var hann akafliga oðr ok bauð iarllinum, at hann skyllði læiða J'óan postola fiotraðan til Romaborgar. En þat voru laug þæira, at þeim manne skyllde engum biðia lifs eða lima, er i Romaborg væri fiotraðr læiddr. Ok er þetta boðorð keisara kemr fyrir iarllenn, þa lætr hann taka hinn sæla Joan postola ok setia i iarnn, ok flytr hann sialfur til Romaborgar.

En þa er þeir koma þar, þa segir iarll Domiciano keisara kvamo Johannis. En hinn grimmasti keisari Domicianus byðr sva iarllenum, at hann skyle Joan postola ok guðzspiallamann beria með svipum ok skiera af honum harið allt, sva at aullum maunnum mætti hann sem uvirðuligastr þikcia. Eptir þat skyllde hann lata setia hann i ketil kvikan fullan af viðsmjørve, ok skyllde hann sva lata lif sitt, ok kvað a stað um, hvar þetta skyllde gera, fyrir utan lið þat a Romaborg, er porta latina er kallat, [Ok bauð hann, at au]ll svæit Romaborgar auldunga skyllde við vera staudd þessi tíðendi. [Eptir þat let] iarlinn domstol bua ser i akveðnum stað ok síðan [let hann þangat læiða] hinn sæla Joan postola, ok bauð at föra hann or kleðunum ok beria hann með svipum ok klippa af honum harit allt. Kveliarar gerðu, sem þæ(i)m var boðit. Eptir þetta var gort eptir boðorði hins grimmasta keisara Domiciani, ok var hinn sæli Joan postole ok guzspiallamaðr settr i vellanda viðsmjør at hia veraundum aullum Romaborgar aulldungum. Ok var honum su vist sva hég, sem hann væri i laugu haufliða(!) hæittri. Ok segir heilog bok, at hann kómi iafnskírr þaðan ok hæill or vellanda viðsmjørve, sem hann var skírr ok ræinn fra ollu saurlife. Þessi hinn dyrlige atburðr varð pridie nonas Maii. Þann (dag) ero síðan tíðir górvor hinum sæla Joani postola ok guðzspiallamanne. En til merkia ok ælifrar minningar hins sæla Joans postola ok guzspiallamannz um þenna hinn postoliga sigr, þa leto kristnir menn kirkio gera i þe(i)m stað, sem þessir atburðir gerðoz, ok er þannog mikil för kristinna manna, ok margr maðr fær þar mikla bot ok fro sinna mæina fyrir miskunn almattigs guðs en arnaðarorð hins sæla Joans postola ok guzspiallamannz. Eptir þessi stortíðendi villde iarlinn giarna lata Joan postola ok guzspiallamann i frelsi a braut fara, ef hann þørði fyrir kæ(i)saranum.

Ok er Domicianus visse, at hann matti æigi a þa læið væita liflat hinom sæla Joani postola ok guzspiallamanne, sem hann hafði ættlað, þa bauð hann þat, at hann skyllði flytia i eyðiey, þa er Pathmos hæitir, ok hugði, at hann skyllde þar svellta i hel, ok bannaði þar aullum maunnum honum biörg at væita. En guð 5 væitti honum sva mikla likn, at hann syndi honum leynda lute, bæði þa er a himne ero ok a iorðu, ok marga doma sina. En a hino sama are, sem Joan var i Pathmos, toku Romveriar Domicianum af lifi með mikille uvinsælld ok odømun, at þeir attu þing i borginne eptir liflat hans ok dømðu þat a þingi, at þat skyllde 10 allt vera leyft, er hann hefðe bannat, en þat bannat allt, er hann hafðe leyft. Voru ok a braut reknir allir frændr ok vinir Domiciani, en þeir voru allir sømðir, er hann fordømðe.

En af þessom aullum saman atburðum voru menn sendir eptir Joani postola, ok þar sem hann hafði dømðr verit af Domiciano 15 til utlegðar ok liflaz, þa var hann nu aptr fluttr til Effesoborgar með virðingo ok vegsemð, sem vera atte. Borgarlyðr allr karlar ok konur runnu a mot postolanum með miklum fagnaði [ok kolluðu]: „Blezaðr er sa er kiømr i nafne drottins.“ En er postolinn g[eck i borgina], þa var borit i mot honum lik husfreyio þæirar, er 20 Drusiana het, er verit hafði vinkona postolans mikil, meðan hon lifði. Like hennar fylgðu fatøkir menn margir, ekkior ok utlendir menn, fauðurlausir ok frændlausir, ok greto miok ok mællto: „Heilagr Joan postoli, her fòrum ver þer Drusianam, er avallt lydde þinum aminningum; hon fódde oss ok klæddi ok þionaði með ræinlife 25 ok i litilleti, ok girndiz mest þinnar aptrkvamo, ok þotti ser enskiss at vant, ef hon næði þik at sia. Þa bauð postolinn, at niðr skyllði setia bararnar ok bauð at leysa skyllde likit, ok kallaði þa siðan ok mællte: „Drottinn Jesus Kristr vegr þik, Drusiana, ris upp þu ok statt a fœtr þina, ok hverf aptr til hus 30 þins ok bu mer væ(i)zlu i husi þino.“ Hon ræis upp ok laut postolanum, ok þotti aullum likara því, sem Drusiana væri af svefni vakin helldr en af dauða ræist. Þa kallaði lyðrinn naliga um þriar stundir dags ok mællto: Æirnn(!) er gut(!) sa er Johannes boðar, æirnn(!) er hann ok sannr drottinn Jesus Kristr. 35

(6.) Þa er hinn sæili(!) Joan postole ok guzspiallamaðr kom aptr ur utlegð heim til Effesoborgar, eptir sem nu er fra sagt, þa var Nerva orðin keisari, ok at hans boði var hinn sæli Jon braut fluttr or Pathmos, ok sva allir aðrir menn, þæir er Domicianus ke(i)sari hafði i utlegð latið fara, þa voru þeir aptr fluttir. 40

En er hinn sæli Johannes renndi augum nokkut yfir kristne almattigs guðs, þa er hann hafði aðr sialfr sett ok samða, aðr hann væri i brautt rekinn or Asia, þo(!) þotti honum mikit skioplaz hafa fyrir sakir villomanna, þeira er þar haufðu mikinn yfirgang
 5 haft, meðan hann hafði a bruttu verit, ok nu vill hann þat fyrst allra hluta endrbóta, er þeir haufðu brotið, ok sva halæitlikt rað i moti at setia, ef slikir lutir kynne optarr mote at beraz, at sizt mætte hælagri guðs kristne at mæine verða, ok menninir mætte æinfalldastir verða i hælagri tru guðe til dyrðar en sialfum ser
 10 til ælifrar nytsemðar. Hann hæfr upp guzspiall sitt, þat er hann orti sialfr ok ritaði með sva hælæitri(!) hælags anda gipt, at hann hefir miklo nærr komiz at røða um ælifan guðdom almattigs guðs en hverr annarra manna, ok þann hinn hælæitasta(!) getnað guðs sonar, er hann var getinn af almatkum guðe fæð(r) sinum
 15 fyr allar tíðir. Ok er upphaf þess guzspiallz: In principio erat verbum. Endir guzspiallsins er ok akafa halæitr, ok sva hvert orðit þar i mille. Þesso hino sama guzspialle fylgia margar aðrar halæitar ritningar, þo at guðspiallit beri af aullum auðrum, ok ero hans pistolar lesnir um alla guðs kristne, ok byr þar enn
 20 i mikil nytsemð aullum þæim maunnum, er ser vilia þat i nyt föra með miskunn almattigs guðs.

(7). Hinn helgi Joan postoli kendi iðuliga kenningar, ok þar með gerði hann fagrligar iarteignir optliga, þo at ver munem fár segia af maurgum, ok kemr fafrøði var til þess en æigi vilialeysa.
 25 Sa atburðr varð um dag, at æinn haufuðspekingr, sa er Kraton er nefndr, hafði haft uppe a torge þess hattar mal um þessa heims haufnon

2*.

.
 30 fagnaðr er þæim at æinum þessom manne, helldr en af nio maunnum ok niotugum, þæim ær æigi þurfa at biðia. Nu vil ek yðr vita lata, at varr drottinn hefir þegit iðrun þessa manna.“ Ok eptir þat snyz hann til þeira brøðranna ok mællte við þa: „Fari þit nu ok berit nu aptr vaundauna(!) til skogar, þaðan sem
 35 þit tokut fyr aundverðu, því at nu ero þeir aptr snunir til sinnar naturu; berit aptr ok stæinana, þvíat nu ero þeir slikir sem fyrr.“ Ok er þetta var allt at gort, sem postolinn bauð, þa toko þeir brøð(r)nir Atticus ok Eugenius alla slika miscunn, sem þeir haufðu fyrr haft

* Jvf. ovenfor S. 427¹²-430²⁰.

af hælags anda gipt, sva at þeir rako diofla fra oðum maunnum, en gafo syn blindum ok hæiilso(!) siukum, ok allzkonar krapta gerði almattigr guð fyrir þeira arnaðarorð.

(9). Sva hefir sagt byskup, sa er Eusebius heitir i bok þeiri, er kaulluð er Ecclesiastika Historia, at þa er hinn helgi Joan post-
 oli ok guðspjallamaðr var aptr kominn or ýnni Pathmos til
 Effesoborgar eptir dauða Domiciani. þa var hann þess beðinn, sem
 hann gerði, at fara sem viðazt um heroð ok borgir at boða orð
 guðs ok semia kristne almattigs guðs, vigia kirkior æða lata reisa
 i þeim stöðum, sem æigi voro aðr. Hann setti ok kennimenn til
 varðvæizlo kirkionnar eða kristninnar, bæði byskupa ok presta ok
 aðra lærða menn, a þann pall hvern, at vigslonum fylgði, eða stað
 sem honum var aðr af helgum anda til visat. En er hann var
 kominn til æinhverrar borgar ok hafði þar tíðir væittar ok alla
 þa luti, er til guðlig(r)ar þionostu kvomu, þa sa hann þar æinn
 ungan mann vænan ok mikinn vexti, sterkan at afle en harðla
 uraðinn i skapsmunum. Siðan mællte hinn sæli Joan postoli við
 byskup, þann er skaummo aðr hafði vigðr verit: „Þenna hinn
 unga mann fel ek þer a hendi at guðs vitni ok allra hælilagra, at
 þu getir(!) hann(!) forkunnar vandliga.“ Byskup tekr við mannum
 ok hæitr því postolanum, at hann skal alla lute eptir því sva
 gera, sem hann bauð. Postolinn minnir hann a miok opt, at
 hann skyle gæta vandliga, en hann hæitr honum hino sama avallt.
 Ok eptir þat ferr postolinn a braut ok aptr til Effeso. Ok er
 hann var i brauttu, læiðir byskup þenna mann hinn unga i sialfs
 sins herbergi; hann sitr longum a tali við hann ok telr fyrir
 honum helga tru, fær honum allra luta vel, þeira sem hann
 þyrtri(!) at hafa, ok er hann bliðr við hann, ok eptir þat skirir
 hann hann ok væitir honum alla þionostu helga. Ok er hann
 hafði þetta allt at gort, er honum þotti skyllast vera, þa let
 hann þenna hinn unga mann fara nockro sialfraðara. En er
 nockurar stundir liðu, þa slær þessi hinn unge maðr ser lausum
 við um vel flesta lute, þa er synðum sæittu(!), ok aflar ser
 svæitar þeira manna, er galausastir voro ok helldr æstu hann
 en stillto um allt, þat er illa samði, ok hans iafnalldrar voro.
 Leggiaz nu allir saman i drykkior ok saurlifi því næst, ok a
 nottum sitia þeir um herbergi manna ok taka at stela. Ok æigi
 þikkiaz þessir menn sva miklo mega a læið koma því er illt er,
 sem þa lyster til, fyrr en þeir reðuz i braut fra auðrum maunnum
 ok út a merkr ok skoga, ok gerðuz hinir mestu illvirkiar, ok var

þessi hinn unge maðr foringe þæira til allra illverka. Kom honum þat i hug stundum, at þetta semði illa, ok varð honum þat ægi til mæiri hialpar, en þa tok hann at ærvilnaz með aullo. Lagði hann þat þa firir sik at gera sem verst verk. en hugði, at þa mundi ekki stoða aptr at hverfa.

En er miok lengi hafði þannug fram farið, þa kómr hinn sæli(!) Joan postole ok guzspiallamaðr at bøn manna til þessar borgar hinnar saumo. Ok er hann hafði skipat þeim lutum aullum, er til kristninnar komo, þa mælir hann við byskup þann, 10 er fyrr var getið: „Þat er nu rað, byskup, at þu selir framm þann lut, er ek sellda þer til varðvæizlo næstum, er ek var her i þessi borg, at vitne guðs ok hæilargrar(!) kristne. Byskup varð ottafengin við þessi orð hans ok ætlaði, at hann mundi haimta at honum fiarlut nockurn, þann er hann þottiz ægi hafa við tekit, 15 hyggr at fyrir ser, at þat var ekki Jons at fara með ne æina flærð ne lyge, at þat æitt man hann haimta, er rett man vera; hyggr at fyrir ser, ok ægi ma hann finna at helldr. Slær þa a hann þaugn ok kann aungo svara. Þa mælir hinn sæli Joan postoli herara við hann: „Þann hinn unga mann haimti æk at þer, ær 20 æk fal þer a hendi. at þu skylldir abyrgz hafa at guðs vitne ok þeirar kristne, er þu ert yfir sætr.“ Þa svarar byskup ok grætr miok: „Dauðr er hann, drottinn.“ Postolinn svarar: „Hvener andaðiz hann, eða hvat varð honum at bana?“ Byskup svaraði: „Guði er hann dauðr ok aullum goðum maunnum, þviat hann er 25 orðinn hinn verstí maðr, lagðiz fyrst i saurlifi allzkonar, en a læsti gerðiz hann illvirke, ok nu liggr hann uti a fialli nokkuru ok mikil illvirkiasvæt með honum.“ Þa er hinn sæli Joan postole heyrði þessi orð. þa fékk honum sva mikils, at hann slitr klæiði(!) af ser ok mællte til byskups: „Goðan varðvæizlomann 30 fékk ek, þar er þu vart, eða hverso gættir þu broður okkars. Bue mer nu hest ok fae mer læiðtoga at læita hans.“

Eptir þat sprettr hann upp ok ut or kirkionne ok stigr þegar a bak ok riðr sysliga, kemr þar farandi, sem illvirkiarnir voro fyrir. Þeir taka hann þegar hondum, en hann vill allz ecki 35 flyia. Þa segir hann þeim ærendi sitt: „Hauðingia yðarn vil ek finna, þvi at þat er mitt ærendi.“ Síðan er sennt eptir honum. Ok er hann er miok i nand kominn, þa kennir hann hinn sæla Joan postola ok vill þegar flyia undan. Postolinn gefr þa litinn gaum at miklum alldri, stigr a hestinn ok hleypir eptir honum 40 ok kallar af miklo afi: „Hvi flyr þu, son minn, fauður þinn

gamlan? Hvi flyr þu vapnaðr maðr ok ungr vapulausan mann ok gamlan? Hvi forðaz þu þann, en(!) Kristr hefir sendan til hialpar þer? Hræztu æigi, væsall maðr, hefir þu enn nokkura vön, því at ek skal giallda guði skynsemi fyrir þik, buinn skal ek at deya fyrir þinar sakir, sva sem Kristr do fyrir varar. Nem þu staþar nu, son minn, því at mina aund man ek i veð leggja fyrir salo þina, til þess at þu megir hialpaz. En þu trui því fastliga, at Kristr hefir sendan mik.“ Ok er postolinn hafði þetta mællt, þa nam illvirkinn staðar ok tok sanna iðran allra sinna glöpa, ok griet þat þa bæiskliga, er hann hafði aðr aflætliga misgert. Ok eptir þetta fellr hann til fota postolanom ok biðr sser(!) hialpar ok miskunnar. Postolinn var þa af baki stiginnt með oumbrøðiligo litillæti, þa fellr hann til fota illvirkianum. Ok er þeir voro baðir upp staðnir, þa ser postolinn, at hinn ungi maðr vill fela hina hegri haund sina. Postolinn skilr, hvi þat gegnir, ok munde hann þar með margs mannz saklausu bloði utt hafa hellt með þeiri saumo hendi. Tekr siðan til handarinnar, dreg(r) at ser ok kyste ok mællte siðan við hann: „Verðu styrkr nu, son minn, æk skal biðia fyrir þer an aflate ok iafnan fasta með þer, auðlaz munntu likn af almatkum guði.“ Siðan fara þeir aptr til borgarinnar, ok skilz æigi hinn sæli Joan postoli fyrr við þenna mann, en hann hafði læiddan hann i kirkio ok i fullt samlag kristinna manna, ok gaf siðan a honum eitt hit fagrligsta dæmi aullum synðgum maunnum, þæim er sannliga vilea iðraz synna(!) synða. Þessi maðr lifðe siðan vel ok skynsamliga alla sina ævi, ok vaðr(!) hann mikill guðs vinr fyrir arnaðarorðr(!) hins helga Joans postola.

(10.) Þa er sva var komit, at mestr lute liðs i Effeso ok naliga allr lyðr um allar borgir ok heroð i Asia dyrkuðu hinn sæla Joan postola, ok boðoðu hans dyrð, en truðu a almattkan gut(!), þa saufnoðuz saman aller blotmenn, þeir er i Effeso voro, ok buðu sva mikinn ufrið hinom sæla Joani postola, at þeir toko hann haundum ok drogo hann til hofs þess, er þeir haufðu æignað Gefion, ok villdo þar neyða hann til blota. Þa mælir hinn sæli Joan postole: „Ek man nu gera yðr iafnnaðar kost; æk mun læiða yðr til kirkio drottinns mins Jesu Kriste, ok siðan kalli þer a nafn Gefionar ok biðit hana fella ofan kirkiona, ok ef hon gærir þat, þa man ek samðykkiaz við yðr. En ef þer megit æigi þetta gera aull saman, þa man ek kalla a nafn drottins mins Jesus Kristz ok biðia hann fella ofan allt hofit ok briota skurðgoðit allt i

sundr, þetta er þer dyrkit. Ok ef þetta verðr allt eptir því sem ek meli, þá man þat synaz sannlikt fyrllata þenna hinn hegomliga atrunað við Gefion, ef hon er þá sigræð ok i sundr brotin af drotne minum, ok þá skolo þer vilea hverfa eptir mer ok trua
5 aller a æinn.

10

Fragm. B.

Første Spalte*.

15 ligir. en þeim skyldi eigi
villdo at sva væri. Þat skolom
tysvar sinnom er akveðin
anda við postola drottens þe
nu heyrðoð er eptir uppr
20 nu sialfr synelega hia þe
er þeim var send astgið
hvitsunnodegi ok eptir upp
sva sem hann hafði sialfr he
stigning sina. Þessi tvenn
25 rð er oss
. f almatt
. matkum gu
. ng varn

30

Anden Spalte**.

. istnir menn sem sialfa oss.
. gs anda gið er a iorðunni
. a elsko naungsens er af
. paðr. En su astgið heila
35 himninum var send skal mar-
. attigs guðs þess er i him
. var heilags anda astgi-
. af sialfom guðs syni a
. ðan send af himnunum

40

* Jvf. ovenfor S. 414²⁷-414³⁶. ** Jvf. ovenfor S. 414³⁶-415³, 415¹⁴-415¹⁷.

. sva at eins at komaz með
 almattkan guð at ver unn
 akir naungum varum kris
 m sem ver siam hversdag
 m oss. Sva segir enn helgi 5
 stola sinum. Qui non diligit

 10
 elsku fra oss v
 almattkan g. byðr oss
 en þeir ero allir gia me
 sta miskunn af. est misk-

15

Tredie Spalte*.

kunna þeim er miskunnar
 a þat fyrir astar sakar við
 orðlofs mannanna. Sva se 20
 hannes postoli at Thomas postoli v
 þessa vitron ok hann svarað
 stolom þa er saugðo hon
 enns at hann mundi eigi tru
 risinn næma hann sei nagla s 25
 hans ok fotom ok þreifaði
 hann hafði særðr verit.
 nn eptir atta d
Enir enn allir sam
 nu var Thomas 30
 kom drottinn til þeirra
 virðingo við Thomam

 35
 er þeir voro a
 se ron r mare tiberi
 adis. Þ Petrus postoli ok
 Thom postoli er nu segiom

* Juf. ovenf r S. 415¹⁷⁻²⁰, 415³⁵-³⁸.

Fjerde Spalte*.

.
 mettir. Þá mælte drottinn
 yrr hann eptir þrysvar sinnom
 5 om. Ok hvert sinn með
 fal hann honom a henndi gez
 rðar. Ok er Petrus hafði
 ik under guðlega elsko þa
 fyrir honom hvilikan dau
 10 a fyrir guðs nafni. Ok ep
 hann fylgðu mer. Þá snyz Petrus
 n er drottinn unni mest sa enn
 fer briost drottni, at eno
 efsta m
 15 mundi s
 ælir hann v
 sia hern

20

II.

25 *Her hefr upp saugu Johannis postula.*

Johannes postuli oc guðspiallaskalld hann var systrungr
 drottins vars sialfs Jesus Cristz at frændsemi. Faðir hans het
 Zebedeus, enn móðir hans Maria. Hon var systir Mariu drott-
 30 ningar. Enn eptir uppstigning drottins vars Jesus Cristz, þa var
 Joan postuli sendr til Asialandz at cristna þar. Enn þa var
 Domicianus keisari i Romaborg. Enn er hann spurði til Johannes
 postula, þa lætr hann gera eptir honum til Asialanz i borg þa er
 Effesus heitir, oc lætr hafa hann til Romaborgar oc villdi neyða
 35 hann til blota. Enn er hann reyndi staðfesti hans mikla, þa let
 hann setia Johannes i viðsmiorsketil vellanda. Enn guð hlífði
 honum, sva at hann kom iafnheill or þeim vellukatli. sem hann
 var hreinn oc osakaðr af allri líkamis munuð. Enn er Domicianus
 matti eigi stiga yfir trúfesti Johannis i þessi pisl, þa let hann

40

* Jvf. ovenfor S. 416¹¹⁻²¹.

færa hann i ey eina obygða, þa er Pathmos heitir. Enn þa er hann var sva firirlitinn af maunnum, þa sendi guð honum engla sina, oc var andi hans uppnuminn a himna, oc voru honum þar vitraðir leyndir hlutir guðs bæði liðnir oc oliðnir, oc reit hann þar bok þa, er Apocalipsis heitir, eptir vitrun guðs. Enn Domi- 5 cianus konungr varð drepinn a enum sama vetri, er hann hafði postulann sendan i utlegðina.

Siðan var þat rað allra Romaborgar manna, at allir menn hefði þeir frið oc frelsi, er Domicianus hafði dæmda aðr hann dó. Þa naði Joan oc at fara aptr með veg til Asialandz oc til borgar 10 Effesus. Enn þa rann a mot honum allr borgarlyðr með fagnaði oc mællto sva: „Lofaðr se sa er kemr i nafni drottins.“ Enn er Joan kom til Effesu borgar, þa var borin a mot honum kona su dauð, er lengi hafði þionat honum oc fús verit at finna hann. Enn hon het Drusiana. Liki hennar fylgðu valaðir menn oc 15 frændlausir oc gretu dauða hennar. Þeir mællto sva við Joan: „Her færum ver þer Drusianam, er þinum kenningum var hlyðin oc þionaði guði i hreinlifi oc litillæti oc fæddi oss alla oc bað þess hvern dag, at hon mætti þic sia aðr hon dæi. Enn nu komtu sva, at hon matti þic eigi sia. Þa (bað) Joan þa niðr leggja 20 bararnar oc leysa likit. En siðan mællti hann, sva at allir heyrðu þeir er hia voru: „Drottinn Jesus Cristr vegr þic, Drusiana, ris upp þu oc gack heim til hús þins oc buzt við qvamo minni, þviat ek mun þic gista i aptan.“ Þa reis Drusiana upp oc fór heim, oc þotti henni, sem hon væri or svefni vauknuð. Þa kallaði allr 25 lyðr einni rauddu of þriar stundir dagsins oc mællti sva: „Einn er guð, sa er Joan postuli boðar, oc einn er sannr drottinn Jesus Cristr guðs sonr græðari varr.“

2. Spekingr einn het Craton, hann hafði lærisveina marga auðga at fe undir ser. Hann gat þat talit firir bræðrum tve(i)mr 30 auðgum at fiarhlutum, at þeir selldu fauðurleifð sina oc toku við gimsteina eina. Enn siðan haufðu þeir gimsteinana til þings oc brutu alla i sundr til agætiss ser. Enn er Johannes postuli sa þat, þa kallaði hann Craton speking til sin oc mællti við hann: „Heimslig er sia haufnun heimsins, er lofuð er af maunnum en 35 firirdæmd af guði. Sva sem læcning su er onyt, er eigi batnar við, sva er oc sia haufnun fiarins onyt, er eigi græðir sar andarinna. Þa er einn ungr maðr spurði lærifauður minn, hvat hann skyllði vinna til eilifrar sælu, þa kendi hann honum þat rað, at

hann gæfi aumum maunnum alla aura sina, oc qvað hann eignaz mundu auðæfi a himnum oc lif eilift.“ Craton svaraði: „Ef lærifaðir þinn er sannr guð oc vill hann helldr, at þetta fe se gefit aumum maunnum, þa græð þu at heilu þessa gimsteina, oc
 5 ger þat til dyrðar fauður þinum, er ec gerða til manna lofs.“ Þa samnaði Joan saman gimsteinabrotunum, oc hof upp hendr sinar til himins oc mællti sva: „Drottinn Jesus Cristr, er endrbætir allan heim firir cross þinn, þann heim, er fariz hafði firir girndartre, oc þu er¹ syn gaft þeim, er blindr var borinn, oc þu er
 10 upp reistir Lazarum af dauða eptir .iiii. daga, oc þu er græddir alla siuka með krapti orðs þins, heyr þu bæn mina yfir þessum enum dyrligum steinum, er þeir brutu til agætiss, er eigi vissu crapt aulmosugæðis þins. Endrbættu, drottinn, þessa steina firir hendr engla þinna, at verð þeira se haft til miskunnarverka oc til
 15 nytsemi þrælum þinum, þeim er trua a einn guð fauður oc son hans Jesum Cristum oc helgan anda, huggari(!) allrar cristni.“ Enn er hann láuk bæn sinni, þa urðu gimsteinarnir heilir, sva at engi brestr var a. Þa tok Craton spekingr tru oc lærisveinar hans allir. Enn þessir .ii. inir ungu menn fellu til fota postulanum oc
 20 baðu ser liknar. Enn Craton gerðiz kennandi mikill.

Fra bræðrum tveim.

3. Þa bar enn sva at, at tveir bræðr lifðu eptir þessum enum ungum maunnum oc gafu fe sitt allt valuðum maunnum oc fylgðu Johannes postula. Enn er þeir komo of dag i borg þa er
 25 Pergamus heitir, þa sa þeir þa menn ganga i silkiklæðum oc skina i allri heims dyrð, er verit haufðu þrælar þeira. Enn þa urðu þeir lostnir af aurum diofuls oc urðu hryggvir, er þeir sa sic opruða oc illa klædda oc valaða, oc þræla sina prúða oc auðga.
 30 Enn er Joan sa, at þeir voru hryggvir, þa mællti hann við þa: „Se ec, at hugr yðvarr hefir skipaz, oc iðrizt iér nu þess, er it gafut aumum monnum allt þat, er it attuð, oc fylgðut kenningu Jesus Cristz. En ef it vilit eignazt þat, er it attuð i gulli eða silfri eða gimsteinum, þa fær(i) þit mer vaundu retta or skogi oc
 35 steina sma or fíoru.“ Enn er þeir gerðu sva, þa kallaði Joan postuli a nafn Jesus Cristz, or urðu vendirnir at gulli en st(e)inarnir at gimsteinum. Þa mællti Joan við þa: „Farit ier nu viku þessa oc synit smiðum gull þetta oc gimsteina, oc segit mer sem yckr reyniz.“ Þeir foru oc qvomu aptr eptir .vii. daga oc sogðu

Joani sva: „Ver fundum alla gullsmiði, oc saugðu þeir allir, at þetta væri it bezta gull oc inir beztu gimsteinar.“ Þá mællti Joan við þa: „Fari þer nu oc kaupit yðr iarðir, þær er ier selldut, oc dyrlig klæði, oc skinit of stund sva sem fagrt gras, þat er hefir fagran lit oc goðan ilm oc þornar bratt. It oglaudduzt, 5 er þit sa(!) þræla yckra auðga vera, enn it þottuz fataækir oc valaðir. Verit nu auðgir of stund, ef it vilit, enn it se(!) þa aumir æ oc æ. Guð ma gera þa menn auðga, er þrælar hafa verit. Enn þat boðorð gaf guð oss, at ver tryðim oss eignaz mundu eilif auðæfi, ef ver villdim firir guðs ast hafna þessa heims aurum. Lærifaðir 10 varr sagði oss fra einum auðgum manni, þeim er skein i heims pryði oc var sællifr. enn firir durum haus la licþrar maðr, sa er Lazarus het, er þiggia vildi mola af borði ens auðga manz, oc vildi hann eigi gefa honum. Enn þeir dó baðir, oc var enn valaði leiddr af englum i faðm Abrahams, enn inn auðgi (i) eilifa qvaul. 15 Þá hof enn auðgi maðr upp augu sin til Lazarus, oc kallaði a hann: Faðir Abraham, miskunnaðu mer oc send Lazarus at dreypa vatzdropa af inum minzta fingri sinum a tungu mer, þviat ek qveliumz i loga þessum. Abraham svaraði honum: Minztu, sonr, at þu hafðir marga hluti goða oc fagra i lifi þínu, enn 20 Lazarus illa. Nu er hann huggaðr, enn þu ert qvaliðr. Enn auðgi mællti. Ec bið þic, at nocqurr risi upp af dauða oc minni bræðr mina .v., at eigi komi þeir i pislarstað þenna. Abraham svaraði: Hlyði þeir spamaunnum sinum oc Moysi, þviat þeir munu eigi trua, þott nackvarr risi upp af dauða, ef þeir trua eigi spa 25 maunnum. Enn er drottinn varr sagði þessa saugu, þa spurðu hann nockurir, hverr þaðan qvæmi hingat, er þat segði, sva at trua mætti. Enn þa bað drottinn færa ser dauða menn. Enn er honum voru færðir .iii. dauðir menn, þa vacti hann þa sva sem af svefni, oc baro þeir vitni orðum hans. Enn hvat þarf ec at segia 30 yckr fra orðum hans eða iarteinum, þar er þeir eru margir, er ec gaf lif i hans nafni, sva at it sat. I hans nafni sa þit blindi syn taka, enn likðra heilsu, enn flæia diofla fra oðum. Enn slic krapta auðæfi megu eigi þeir hafa, er iarðlig auðæfi girnaz. It sialfir gengut til siukra manna oc gafuð þeim heilsu i nafni 35 drottins. Enn nu er su miskunn fra yckr tekin ok eruð orðnir vesalir, þar er it voruð sælir. Dioflar flæðu fra oðum oc hrædduzt yckr. Enn nu skulu þit ganga hræddir firir dioflum, þviat sa er fe elskar, þionar þeim fianda, er eggjar til fegirni. Enn þessa

heims menn eignaz eigi auðafi (!) sin, heldr eignaztauðæfi þa. Þa er einn maðr dregr saman margra manna fullsælu, þa hirðir hann eigi at eins fe sitt oc sparir, heldr sparir hann bæði við sic oc aðra, oc veit eigi, hverium hann sparir til handa þat er hann
 5 hirðir með ahyggio. Nauctir qvamo ver hingat i heim, enda skal iorðin við oss naucðum taka. Enn himnesk auðæfi eru aullum iafnheimil. Solar skin oc lios tungls oc goð veðratta, kirkiu inn-ganga oc skirnar bruðr, synda lausn oc holltekia drottins, smurn-ing heilags krisma oc aull guðs milldi er iafnheimil aumum sem
 10 auðgum, oc eigi er þetta veitt at þessa heims virðingu. Enn sa er heimskr, er hann girniz fleira, enn hann þarf, þviat hann ma eigi auruggr þess niota, er hann þarf eigi, þviat sottir oc vanheilsa sækir liðu manz, oc ma hann þa eigi niota fiar sins ne krasa ne pryði. Oc þa skilr maðr, at auðæfi mega honum ecki, heldr
 15 gera þau hversdagliga ahyggio þeim, er þau varðveita, oc eru þeir alldregi ahyggiolausir, þviat þeir starfa firir iarðligum avexti oc auka hus sin oc ackra, enn þeir ugga ser skaða af elldi eða af riki haufðingia eða af rani þiofa. Þeir vilia sneyða ser orikri menn oc lifa eptir girndum sinum, oc hræðaz eigi at saurga i
 20 syndum bæði sic oc aðra. Enn er þeir gera þessa hluti alla, þa gripr þa braðr dauði or heiminum, oc hafa þeir þa syndir einar með ser oc taka eilifar qvalar firir glæpi sina.“

Enn er Joan hafði þetta mælt, þa foro menn með lik eins eckiu sonar, þess er firir þrimtigum daga hafði aðr qvangazt. Þa
 25 fell moðir sveinsins til fota postulanum oc margr lyðr með henni, oc gretu allir oc baðu Joan, at hann reisti upp af dauða þann enn andaða, sva sem hann reisti upp Drusianam. Enn sva mikill gratr var þar oc hryggleikr þeira manna, er fylgðu likinu, at Joan matti eigi vatni hallda, oc fell hann a kne oc hellt hondum til
 30 himna oc var lengi a bæn. Enn er hann hafði giort krossmark yfir honum, þa bað hann leysa likit oc mællti sva: „Þu inn ungi maðr, er lifðir at munuðum þinum oc tyndir lifi þinu oc aundu þinni oc vart firir enum versta fianda, þviat þu kunnir eigi skap-ara þinn oc græðara, ec hefði beðit drottin minn lengi firir þer,
 35 at þu losnir or synda baundum oc dauða, oc segir þessum tveim bræðrum Antiocho(!) oc Eugenio, hverso mikilli dyrð þeir tyndu eða hverra pisla þeir eru verðir.“ Þa reis enn dauði upp. Enn hann het Stacheus, hann laut postulanum. Enn síðan mællti hann við þa bræðrna: „Ec sa varðhalldzengla yckra hryggva, enn árar
 40 fiandans hlogu at yckr. Ec sa dyrð þa, er yckr var ætluð, oc

hallir gervar or skinaundum gimsteinum fullar fagnaða oc eilifra krasa, lifs oc lios oc unaðs. Enn it hafit þvi nu aullu glatat oc tekit þa staði i gegn, er fullir eru meina oc myrkra, orma oc eilifra qvala, ellz oc harms, sottar oc hræzslu, fylu oc eilifs dauða. Nu er þat eitt biargrað til at biðia postulann, at hann reisi yckr ⁵ af andar dauða til heilsu, sem hann reisti mik af likams dauða til lifs, oc hann leiði andir yckrar til guðs miskunnar, þviat þær eru nu skafnar af lifs bok a himnum.“ Enn þa fell sa til fota postulanum, er af dauða var reistr, oc sva þeir Anticus(!) oc Eugenius, oc baðu ser licnar af postulanum. Enn Joan svaraði þeim ¹⁰ þvi, at þeir skylldu guði færa sanna iðrun oc biðia þess enn næsta manuð, at vendir, þeir er at gulli eru orðnir, oc steinar, þeir er at gimsteinum urðu, hyrfi aptr til eðlis sins ens fyrri. Enn er liðnir voru .xxx. daga, þa var gullit orðit at vaundum enn gimsteinar at grioti. Þa komo þeir oc saugðu Johannes sva: „Þu kendir ¹⁵ oss avallt miskunn, oc sagðir þat, at guð mundi þeim firirgefa syndir, er auðrum veitti licn oc miskunn. En við skaummumzt nu synda ockarra oc iðrumz nu með grati þess er við misgerðum með girndaraugum, þa er við sam heims fegrð. Enn nu biðium við þic, guðs postuli, at þu synir þa licn i verkum, er þu hetzt i ²⁰ orðum.“ Þa sa Joan postuli iðrun þeira oc mællti við þa: „Drottinn varr mællti þessum orðum: Eigi vil ek dauða synðugs manz, helldr vil ek, at hann lifi oc batni oc snuiz fra villu til lifs. Satt segi ec yðr, at meiri faugnuðr mun vera englum guðs a himni yfir einum þeim, er synda iðrazt, en¹ yfir maurgum rettlatum ²⁵ þeim er eigi misgerðu. Enn þat skulu þer vita, at guð hefir þegit iðrun yðra.“ Þa mællti Joan við þa Antikum oc Eugenium: „Farit nu oc berit vaundu þessa til skogar, þangat sem it tokuð, enn steinana i fiauru, þviat nu hefir hvarttveggia snuiz i sitt eðli.“ Enn er þat var giort, þa gafzt þeim miskunn su, er þeir haufðu ³⁰ tynt aðr, at þeir raku diofla fra oðum maunnum, sem fyrr hafði verit, oc gerðu margar iarteinir i guðs nafni.

4. Þa er Joan postuli kom til borgar nocqurrar at boða guðs orð, þa sa hann þar einn ungan mann vænan at aliti oc sterkan at affi. Þa mællti Joan við byskup þann, er firir borg- ³⁵ inni reð: „Þenna mann fel ek þer a hendi at vitni guðs oc allrar cristni.“ Oc minti Joan hann optt a þat, at hann varðveitti vandliga þenna enn unga mann. Enn Joan for siðan heim til borgar sinnar. Enn byskup tok við enum unga manni oc let eigi

ser hendi firr ganga, unz hann hafði skirn tekit. Síðan truði
 byskup honum betr oc treystiz guðs miskunn oc gaf enn minna
 gaum at honum enn aðr. Enn sia slozt fyrst i dryckior enn
 síðan i stulð, enn at nestlokum geriz hann illvirki. Enn er Joan
 5 postuli kom i annat sinn til þessar borgar oc hann hafði lokit
 þeim systlum er hann villdi, þa hitti hann byskup oc mællti við
 hann: „Synðu mer þann mann, er ek sellda þer at Cristz vitni
 oc liðs þess er hia var.“ Byskup þagnaði oc vissi eigi, hvat Joan
 heimti at honum. En hitt vissi hann, at Joan mundi þat eitt
 10 heimta, er hann atti. Johannes mællti enn við hann: „Enn unga
 mann heimti ec at þer oc aund hans.“ Þa svaraði byskup með
 tarum: „Dauðr er hann.“ Joan mællti: „Hveriom dauða þa er
 hann dauðr?“ Byskup svaraði: „Guði er hann dauðr, þvíat hann
 hliopz heðan a braut oc gerðiz illvirki.“ Enn er Joan heyrði þat,
 15 þa varð hann oglaðr oc bað til bua ser hest sinn oc leiðtoga at
 fylgia ser. Enn er Joan kom til illvirkia buða, þa villdu illvirk-
 iarnir haundla hann. Enn hann forðaðiz þat ecki oc mællti við
 þa: „Til þess kom ek hingat, at ec vil finna haufðingia yðvarnn.“
 Enn er sa kom oc kendi Joan, þa skammaðiz hann oc villdi
 20 undan flæia. Enn Joan hleypti eptir honum oc kallaði a hann
 oc mællti sva: „Sonr, firir hvi flær þu fauður þinn? Hirð eigi
 þu vesall at hræðazt, hefir þu enn ván lifsins. Ec mun giallda
 Cristi skynsemi firir þic oc taka dauða firir þic sva sem Cristr
 firir oss. Nem þu staðar oc trui því at Cristr sendi mic.“ Þa
 25 nam hann staðar oc drap niðr hofði oc lagði niðr vapn sin. Síðan fell
 hann til fota Joani postula oc gret sarliga synðir sinar oc skirðiz
 i tara brunni. Enn Joan svarði þess, at hann villdi sætta hann
 við guð oc hreinsa hendr hans af manndrapi. Þa leiddi Joan
 hann til kirkiu oc bað opt firir honum oc fastaði sialfr með
 30 honum oc let eigi af at biarga honum, aðr hann varð sva hreinsaðr
 af synðum oc algiorr i krauptum, at hann varð kennimaðr síðan
 oc byskup yfir þeiri borg inni saumu oc hlifskiolldr cristninnar.

5. Enn þa er allr lyðr gáufgaði Joan a Asialandi, þa gerðu
 heiðnir menn ofrið a mot honum oc toko hann oc haufðu til hofs
 35 Gefiunar oc villdu neyða hann til blota. Enn Joan mællti við þa:
 „Fari þer til kirkiu drottins mins Jesus Cristz oc kallit a nafn
 gyðiu yðvarrar Gefiunar, at hon felli kirkiuna; en ef hon fellr, þa
 mun ec blota. Enn ef ier megut þat eigi, þa mun ek kalla a
 nafn drottins mins Jesus Cristz, oc mun falla hof yðvart oc brotna
 40 skurðgoð yðvart. Enn ef þat verðr, þa mun yðr sialfum synaz

þat oc rett at firirlata villu þa er yfir verð(r) stigin oc iata guði minum.“ Enn flestir urðu þessa iagvæðir firir utan fa menn. Þa bað Joan menn a braut fara langt fra hofinu, oc kallaði hann mikilli rauddu: „Drottinn Jesus Cristr, þic bið ec, at hof þetta falli með aullum skurðgoðum. þeim er inni eru, at aungum manni 5 verði mein at, helldr viti allir, at lieneski þetta er diofull enn eigi guð.“ Enn er Joan hafði þetta mællt, þa fell hofit allt með aullum skurðgoðum, oc firirvarð allt sem molld i vindi. A þeim degi sneruzt til tru .xii. þusundir karlla firir utan bornn oc konor, oc toko skirn oc mællto einni rauddu: „E(i)nn er sannr guð, sa 10 er Joan boðar.“ Þa samnaði sa maðr. er Aristodimus het, blotbyskupum allra skurðgoða, oc biogguzt við orrostu oc fyllduz ens versta hugar i gegn cristnum maunnum. Þa mællti Joan við Aristodimus: „Segðu mer, hvat ec skal þess gera, er ifa taki or hug þinum.“ Hann svaraði: „Ef þu vill, at ec trua guði þinum, 15 þa mun ek gefa þer eitr at drecka. Enn ef þu deyr eigi, þa er þu drekr, þa er þat vist, at þu truir a sannan guð.“ Joan svaraði: „Ef ec heit a guð minn, þa mun eitr þitt eigi granda mer.“ Aristodimus mællti: „Þu skallt sia aðr dauða þeira, er drecki eitrit, oc muntu þa hræðazt at drecka.“ Joan svaraði: 20 „Sagða ec þer aðan, vertu buinn at trua a drottin minn, ef ec staundumz e(i)trit.“ Þa for Aristodimus til iarls nockurs oc hafði þaðan tva menn dæmða til draps, oc let þa drecka eitrit i augliti Joans oc allz lyðs. Enn þeir do þegar. Aristodimus mællti við Joan: „Hlyð þu mer Joan, oc lat af kenningu þessi, er þu hefir 25 margan lyð skildan fra blotum, eða ella dreck þu nu eitrit oc syn krapt guðs þins, ef þu ert heill eptir dryckinn.“ Þa tok Joan ohræddr við kerinu, því er dryckrinn var i, oc gerði yfir krossmark oc mællti: „Drottinn guð faðir, sa er aull skepna þionar oc allr heimr hræðizt, þu guð, er af krapti þins nafns kyrraz oc 30 sefazt oc stauðvaz allir ormar oc drekar oc pauddur oc aull eitrkyeqvendi oc allt þat er gagnstaðliet er heilsu manna, a þic heit ek, drottinn, slauk þu eitr þetta oc allan dauðakrapt þess, oc gef þu þessum lif, er þu skapaðir þeim hugskozt(!) augu, þau er þic mattu sia, oc hiarta þat, er þeir megi skilia þina dyrð.“ Þa 35 gerði Joan krossmark yfir munni ser oc yfir aullum likam sinum oc drack allt or kerinu oc mællti: „Bið ec þic, drottinn, at þessir menn allir snuiz til þin oc geriz verðir at taka andar heilsu.“ Enn allr lyðr stoð oc sa a Joan of iii. stundir dags, oc sa þeir hann a engi veg lit bregða oc kaulluðo oc mællto: „Ein(n) er sannr 40

guð sa er Joan boðar.“ Enn Aristodimus gerði eigi enn at trúa oc mællti við Joan: „Enn er eptir ífi i hug minum. Enn ef þu gefr lif þeim, er dó af eitrunu, þa mun hugr minn hreinsaz af aullum ifa.“ Lyðrinn svaraði honum: „Brenna munu ver þic
5 lyocqvan i elldi, ef þu vill framarr leggja þrautir firir guðs postula.“ Þa sa Joan postuli, at styriolld mundi geraz, oc bað ser hlioðs oc mællti: „Þolinmæði er maunnum skyllt at glikia eptir guði oc standaz vel meingerðir otrura manna. Ef Aristodimus truir enn eigi, þa skulu ver leysa baund otru hans oc lata eigi
10 af at hialpa honum, aðr hann kennir skapara sinn, oc guðs lækning græðir sar hans, þviat sva sem [læknar g]ræða siuka menn, þa munum ver sva gera við þenna mann; ef hann er [eigi af] þvi græddr, er enn er gert, þa skal leita annars raðs, ef þat megí betr hlyða.“ Þa kallaði hann til sin Aristodimus oc selldi honum
15 kyrtil [sinn. Ari]stodimus mællti: „Hvat skal mer kyrtil(!) þinn?“ Joan svaraði, at þu ska[mmi]z otru þinnar.“ Hann svaraði: „Hversu ma kyrtill þinn taka otru af mer?“ Joan mællti: „Farðu oc legg kyrtilinn a lic inna dauðu oc mæl þetta: postuli guðs sendi mik til yðvar, at it risit upp i nafni guðs hans, at allir viti, at
20 lif oc dauði þionar boðorði Jesus Cristz.“ Enn er Aristodimus for oc mællti þetta, þa lifnuðu inir dauðu. Þa laut Aristodimus Joani postula, oc rann þegar til iarlsins oc mællti: „Þat muntu vita, at ek hefi opt rægðan Joan við þic oc gert mart i moti honum; enn ec uggi mer guðs reiði firir þat, þviat hann er sialfr
25 guð i manz asionu, þviat hann drack eitr oc sakaði hann ecki. Siðan lagða ek kyrtil hans a ina dauðu, oc lifnuðu þeir oc hafa ecki dauðamark a ser.“ Jarlinn mællti: „Hversu villtu, at við gerim nu þa?“ Aristodimus mællti: „Faurum við oc faullum til fota honum oc biðium ockr liknar, oc gerum þat siðan, er hann
30 byðr ockr.“ Enn er þeir gerðu sva, þa tok Joan við þeim oc þackaði guði leiðretting þeira oc bauð þeim .vii. daga faustu, oc skirði þa siðan oc aull hiu þeira oc frændr oc vini. Enn þeir letu gera kirkiu i guðs nafni oc helguðu Joani postula. Enn i þeiri kirkiu inni saumo var Joan upp numinn til himna.

35 5. Enn þa er Joan postuli var einum vetri miðr enn tiræðr, þa vitraðiz honum drottinn Jesus Cristr með postulum sinum oc mællti við hann: „Kom þu, vinr minn, til min, þviat nu er maclig tið, at þu fagnir með bræðrum þinum at boðorði minu.“ Joan reis upp þegar oc villdi fara. Drottinn mællti við hann: „Enn
40 næsta drottinsdag, þat er eptir fim daga, þa skalltu koma til min.“

Þá fór drottinn til himins or augliti Joans. Enn inn næsta drottinsdag kom mannfoldi mikill til þeirar kirkiu, er ger var Joani postula, oc veitti Joan þeim tíðir oc talði fyrir þeim allt fra morni oc til dagmala oc mællti: „Ér bræðr, guðs þrælar oc hluttakendr guðs rikiss, minnizt iér, hversu miclar astgiafar oc kenningar oc iarteinir drottinn varr veitti yðr fyrir mic. Veri þer staðfastir i kenningum hans oc boðorðum, þvíat drottinn minn kallar mic af heimi.“ Þá let hann grafa ser g(r)auf hia alltari oc bera ut molld[ina or kir]kiunni. Síðan ste hann i graufina oc hellt hondum til himins oc mællti: „Þackir geri ec þer, drott- inn Jesus Cristr, þvíat þu laðaðir mic til himna oc til þinna fagnaða oc vissir, at ek fystumz af aullu hiarta at koma til þin. Ec bað, drottinn, at ek skyllða na at koma til þin, enn þu mælltir, at ek skyllða biða oc leysa lyðinn fra villu skurðgoða. Þu varð- veittir likam minn við allri saurgun oc leystir aund mina oc firir- lezt eigi mic, þa er ek fór til utlegðar oc aptr þaðan, oc settir þu saunn orð i munni minum oc lezt mik bera vitni iarteinum þinum. Enn ec veit verc þin, þau er ec heyrða oc sa augum minum, oc sva orð þin oc iarteinir. Enn nu fel ek þer a hendi, drottinn, sonu þina, þa er heilog cristn(i) saunn mær bar firir vatn oc helgan anda. Tac þu mic, drottinn, at ec fara með bræðrum minum, þeim sem þu laðaðir mic til. Luc þu mer upp lifs dyrr, at eigi renni myrcra haufðingiar a mot mer, helldr tak þu mic, sem þu hetzt mer, oc leið mic til þins fagnaðar, þar er allir vinir þinir fagna með þer, þvíat þu ert Cristr sonr guðs lifanda, er græðir allan heim at boðorði fauður þins oc sendir oss helgan anda, oc þu gerðir oss styrkia i boðorðum þinum firir þann enn sama anda, gerum ver þer þackir of odauðligar alldir allða, amen.“ Þá kom lios sva mikit yfir postulann eptir bænina, at engi matti i gegn sia. Enn er þat lios leið a braut, þa var graufin fundin full af himnamiolvi, enn aund Joans fór til himins með liosino. Enn engi maðr vissi, hvat af likama hans varð. Enn þetta miol var allt snævi hvitara, oc var engi dusti saurs a því, sva sem engi dusti ne saurr hafði dregit yfir hiarta enum sæla Joani postula af mannligri ostyrkt. Enn i þeim stað fa allir bót sinna meina, hvatki er aðr er at meini, firir bænir ok verðleika sæls Joans postula, oc getr sia inn sæli postuli allt, þar er hann biðr, at drotni varum Jesu Criste, þeim se vegr oc dyrð með feðr oc helgum anda nu oc æ of oendiligar alldir verallða. Amen.

III.

Domitianus keisari framþi ena mesto styriolld nest eptir Neronem, hann var sammępri við Titum keisara son Vespasiani. Domitianus let gera i Romaborg til fręęþar blothus, þat er forþom
 5 var callað Panthéon, þat er at scilia allra góða. A hans daugum ofarla let iarl, sa er at conongs raði var settr yfir Effesuborg, hantaka sęlan Johannem postola oc guþspiallascalld oc sagði honom fra conongligo boði, at hann neitti Cristi oc leti af at boða nafn hans. Postolinn svaraði: „Þat byriar mer meirr at hlyða
 10 guði helldr¹ en monnom, þaþan af ma ec egi nita Cristi drottnei minom ne hvilasc af boþon nafns hans, unz guþ vil luca kenning minni.“ En við þessi sva(u)r þa bauð iarl, at Johannem scyldi lycia i myrqvastufo sva sem motstoþomann konongs, meþan hann sendi bref til keisarans. Þetta var a brefi því.

Hinum milldasta keisara avallt aukanda rikis Domitiano iarl Effesomanna sendir góða qveþio, því at ver ky[nnim d]yrþ² yþvarri
 15 nocqvern mann af ebrescri ętt kom[inn ver]a, Johan at nafni. Hann boðar oss Jesum Cristum en crossfesta, oc segir hann s[anna]n guþ oc guþs son vera, en hann eyþir dyrkon oyfirstig[ligra] góða
 20 varra, oc niþr brytr hann gaufgandi hof, þau er smiþoþ varo i uphafi heims. En sia ętlar enn kungi oc en goþręki at standa a mot konongligo boði yþro, oc snyr hann nęr aullom lyþ Effesoborgar i boþorþom(!) cunnigra vęla sinna til dyrconar manz crosfetz(!) oc dauþs. Ver hofom ast þa oc gofgon til odaupligra
 25 góða varra, at ver buþom hann at leiða i augsyn oss, oc fyr dęmistola costoþo ver at locka hann meþ bliþom orþom, oc heitoþomsc við hann meþ ognarorþom eptir boði rykis(!) yþvars, at hann neiti Cristi sinom oc lęti af kenningom hans, oc fęrþi hann helldr fornir þęgiar almátom goþom varom. Þenna mann haufom
 30 ver egi mátt meþ einigri(!) scynsemi teygia til yþvarrar vingonar. Greiða viliom ver til enna hésto hépa velldis rikis yþvars, at hvatki er licar at gęra yþrom mikilleik við þenna gagnstauþomann, kynnyþ(!) er varom litilleic. Lifit vel.

En þęgar er Domitianus hafði rit raðit, þa var hann gripinn
 35 af ęþi mikilli oc lét gera rit oc sendi iarli oc melti, at helgan Johannem scyldi fęra af Effesoborg meþ rekendom bundinn oc til Romaborgar. Þa gerði iarl eptir konongligo boði oc let en helga

¹ s; d. e. sed Cd. ² Hvad her og siden er sat mellem [], mangler i Codex paa Grund af Hul i Pergamentet.

Johannem verða í sinni för til Romaborgar bundin með rekend[om]
 Var þegar sagt keisaranum þangatqvama postolans. En keisarinn
 bauð iarli, at hann scyllði fyrst láta beria Johannem með svipom
 en síðan clippa hár af hauði honom oc scegg, at hann syndisc
 monnom þa hapoligri en apr, en at lokom scyllði hann láta í 5
 víðsmior vellanda í hliði, því er heitir ante portam latinam. En
 eptir konongligo bopi let iarll ser bua dómistol hia hliðino, oc
 let postolan leiða fyrir sic. Oc þa er hann var þangað leidr, þa
 bauð iarll, at hann scyldi or fautom færa oc beria svipom oc
 klippa har hans oc scegg. Qvalerar gerþo þat, er iarll melti. 10
 Þetta var enn fyrsta nonas dag Maii at hiaverondom aulldongom,
 er Johannes var velldr í víðsmiorvi. En þá þan gek hann á braut
 alheill, svát hvergi var brunninn fleckr a honom. Síðan var honom
 halldin minning þann dag, þat er .iii. notom eptir crussis(!)
 messo of varit. Þa er iarl sa þessar iarteinir, þa villði hann 15
 leysa postolan, ef hann hreddizc egi konongs riki. Þa sendi
 konongr hann til utlegþar í ey þa er Pathmós heitir, oc naði hann
 þar optt huggon af guði, þott hann veri ón scemton manna. Þar
 reit hann boc eptir himnasyn þeiri er drottinn vitraði honom
 bæði of ordna hluti oc óorþna. En Domitianus ke(i)sari var 20
 drepinn af olldongom í Romaborg. En því at guði var røkþ a
 p[ostola]nom, þa var þat í lög tekit af aulldongom oc af keisara
 þeim er þa var til tekinn, er Nerva hét, at bacferla þat allt, er
 Domitianus hafði bopit.

Þa var Johannes apt[r ca]llaðr með veg til Asialanz, er þá þan 25
 hafði ferðr verit með meingerþ. En allr lyðr karla oc qvenna
 rann a mót honom fagnandi oc melto: „Lofaðr se sa er kemr í
 nafni drottins.“ En er Johannes nalgapisc Effesum, þa var lic
 kono þeirar borit a mot honom, er Drusiana het, er lengi hafði
 fus verit at finna hann. Valaþir men frenlausir fylgþo liki hennar 30
 gratendr oc melto: „Heilagr Johannes postoli, ver færom þer
 Drusianam, er hlypinn¹ var þinom boþorþom, oc fæddi oss alla oc
 keléddi(!) oc þionaði guði í litillæti oc hreinlifi oc bað þess hvern
 dag, at hon² neði at sia þic. Nu ertu kominn, oc ma hon nu
 egi sia þic.“ Þa melti postolinn, at staðar scyllði(!) lata nema 35
 bararnar oc leysa licþond, oc callaþi mikilli rauddo oc melti:
 „Drottinn Jesus Cristr vegr þic, Drusiana! Ris up þu oc gake
 heim oc bu oss vistir, þvíat ek mon þic gista í qveld.“ Þa reis

¹ Først skrevet hlypinn, men af Afskriveren selv rettet til hlypinn. ² h' d. e.
 hann Cd.

up Drusiana oc fór heim scyndiliga, oc þottisc hon vacnoþ or svefni helldr en af dauða reist. Þa callapi allr lyþr eine rauddo of þriar stundir dags oc melti: „Einn er guþ, sa er Johannes boþar, einn er oc sannr drottinn var Jesus Cristus.“

5 Þa er Johannes var kominn til Effeso, let hann til sin calla allann herapslyþ oc melti til þeira: „Allir vitoþ er, bræþr, þat, at sia guþniþingr Domitianus lét niþr briota allar kirk[ior], þer er i þessom sveitom varo, en nu vil ec þess biþia yþr, at er latit þer up reisa i ollom þeim herofom, er undir yþr ero, til lofs ok til
10 dyrþar domino Je[su Cristo m]inom meistera.“ En siþan varo kirk(i)or upp reistar, sva sem postolinn beiddi. Siþann vigþi hann byscopa oc presta oc apra klerka oc scipapi þeim til kirkna eptir tilvison heilags anda. En nokcoro siþar com en sæli Johannes til borgar nokcorar egi langt fra Effeso. Þar var byscop, sa er litlo
15 apr hafþi (vigþr) verit. Þa sa Johannes svein einn forkunliga venan oc mikinn vexti, oc er hann leit hann, þa melti hann til byscops: „Þenna svein fel ec þer á hendi til varþveizlo unndir vitni domini Jesu Cristi ok heilagrar kirkio, er þu varþveitir; hann scallþu varþveita með allri vircþ; þu scalt setia hann til
20 bokar oc lata hann scyra oc kenna alla nauþsynliga hluti.“ En byscop let sva vera scola, sem postolinn baþ. En litlo siþar for Johannes aptr til Effeso. En byscop tok við sveininom oc varþveitti hann með allri sæmþ oc vircþ. En þa er hann var scirþr, þa var hann þar i goþo yfirlæti varþhallzlaust sva sem undir trausti
25 heilagrar scirnar. En litlo siþar sneri hann sinom batnaþ til mikillar ohefo, ok fra enni øzþto guþs giof kom hann ser i mikit forað, hann gorpisc hordomsmaþr oc ofdrykciomaþr, en litlo siþar hliopsc hann a braut ór borg(i)nni of nótt oc fec ser sveitar oc gorpisc illvirci oc drap menn til fiar ser. En nokcoro siþar
30 kom en helgi Johannes aptr til þeirar ennar saumo borgar. En byscop gekc a mót honom með [sino]m klerkalyþ oc með enom mesta fagnaþi, oc leiddu hann til haufokirkio i borginni. Heilagr Johannes talþi siþann lengi fyrir lyþnom oc styrkti tru þeira, oc eptir messo þa mælti hann til byscop(s): „Hvar er sa hlutr, er
35 ek sellda yþr til varþveizlo undir vitni drottins sialfs oc þessar kirkio, er þu varþveitir?“ En er byscop heyrþi orþ postolans, þa undraþisc hann, ok hugþi at postolinn røddi of grip nokcurn, þann er hann hefþi honom selldan, oc hugþi at við sic, oc kom ege hug a, at sva mætti of vera. En þa er seinkaþisc of svorin

byscops, þa mælti postolinn við byscop: „Ecki leita ek eptir
fiarhlut ne einom við þic, helldr spyr ec eptir of þann en unga
mann, er ek fek þer i hendr, hvar hann se.“ En [er] byscop
heyrði þetta, þa fell hann til fota postolanum oc mælti með grati:
„O hosson faðir, dauður er hann,“ quað hann. Þa svarði heilagur 5
Johannes: „Hve ner var þat, eða hverso bar at umb þat?“ Byscop
svarði: „Sannliga er hann dauður, fyr því at hann gerðisc fyrst
saurlifismaður, en á þat ofan gerðisc hann illvirki.“ En er helgi Jo-
hannes heyrði þessa saugo, þa sleit hann cleði afsér oc ios molldo i
haufð ser ok mælti: „Fyr hvi scyldir þu lata aund broður þins? Bui 10
mer hest oc leittoga(!), oc vil ek fara oc vita, at ek mega biarga
honom.“ En eptir þat þa fer en helgi Johannes oc menn með honom,
ok komo i þann stað, er illvirkiarnir varo fyrir. En eptir þat þa
varo þeir handtecnir. Þa mælti en helgi Johannes: „Eegi(!)
þurfoð er at hallda m[er] sem þiof, fyr því at ek mon hvergi 15
fløia undan yðr. Gærið er þat, er yðr er scylldra, ok farið eptir
forráðsmanni yðrom, oc vil ek hitta hann.“ Þeir gerðu sva
illvirkiarnir, sem þeim var boðit. En er foringi þeira varð vis, at
men varo komnir til þeira, þa biosc hann við ok vapnaðisc ok
fer til þangat, er þeir postolinn stoðu. En þ[ega]r er hann sa 20
postolann, þa flóði hann undan. En er postolinn sa þat, þa rann
hann eptir honom, en illvirkinn undann. En fyr sakar elli Jo-
hannis, þa mæddisc hann, er hann gat egi farit hann, ok nam
staðar ok kallði: „Heyr þu, ungr drengur! hvi flør þu sonor(!)
faður þinn? hvi flør [þ]u gamlan mann oc vap(n)lausan? Heyr 25
þu, sonr, egi scalldu hreðasc, fyr því at þu at van til lifs. Heyr
þu, sonor, ok flø égi, ec scal gialda drottini(!) minom scynsemi
fyr þic. Oc iamvel scal ec deyia fyr þic, sva sem drottinn tok
dauða fyr oss. Oc ek scale(!) oc giallda ond mina fyr ond þinni.
Heill sva, at þu statt ok tru mer, þviat drottinn sendi mik.“ En 30
er ungi maður heyrði þessi orð postolans, þa castði hann vápno-
nom oc fell til iarðar oc screið at fotom postolanom ottafullr oc
gratanði. En seldi Johannes fell ok til iarðar hia honom ok helkti
morgom tarum ut fyr ond hans. En þa er þeir haufðu miok
lengi a bæn verit, þa reis Johannes up oc tok i hönd honom. 35
En hann fal ena høgri haundina. Þa mælti postolinn: „Hvi
forðar þu enni høgri hendinni?“ Illvirkinn svarði: „Heyr þu,
faðir! egi þori ek, at su haund, er sva margra manna blöði
hefir ut hellt, komi við sva helgan mann“ Postolinn [sva]rði:
„Satt segi ek þer, at sva sem ek kom þer undann atrunði diofla 40

fyr vazscyrn(!), sva scaldu nu sciraze i annat sinn fyr iþranarscirn. Hann kysti síþann a hond honom oc gaf honom bletzon sina. En síþan fara þeir oc fauronaútar þeirra aptr til borgarinnar oc til kirkio. Síþan leggr postolinn slikar scriptir a hann oc þa, sem
 5 þeir þyrfto, i fostom ok i vakom oc i auþrom heilsamligom rapom, oc kennir þeim hvern dag helgar kenningar .vii. daga samfast. En hann styrkisc síþan oc þeir i almenniligri tru oc helt hana vel síþann guði til lofs en ser til misconnar.

Þat var en(n) þa er Johannes var i einhverio husi staddr,
 10 þar var mart manna inni, oc hafði postolinn kent kenningar lýpnom, en eptir þat set(t)isc postolinn niþr. En þar var inni hani scamt fra postolanom, en þa tok hann til hendi sinni oc læc við foglinn. En eptir þat kom inn einnhver leikari, oc hafði boga i hendi, oc sa er postolinn lec við foglinn oc ræddi til hans: „Heyr þu
 15 guðs postoli! hvi scalldu leika við scynlaust kykvendi, þar er þu scylldir at guði einom higgia(!), þars þu scinn i helgom iarteinom?“ En postolinn svarði: „Sva scyldi goðr maðr. En segðu, hvat er þat er þu helldr á?“ Leikerinn(!) svarði: „Bogi minn er þat.“ Postolinn melti: „Hvi er hann egi upbendr?“ Leikarinn svarði:
 20 „Egi ma þat, fyr því at or dregr staþinn allann ór honom þa.“ Postolinn svarði: „Er þatna. Satt segi ec þer, at sva sem boginn ma egi einart uppi standa, sva er ok farit manligo epli, at eigi ma við allt senn sciliasc, oc verþr at þyrma eplino i ollo því, er synþa[laust] er, fyr því at drottinn Jesus minn meistari tok a sic
 25 allar mannraunir, þer er synþalausar varo, til þess at varar ostyrkþir yrði oss egi at áfalli, ef ver villdim við sciliasc; því scolom ver allir hann gaufga oc hann lofa oc dyrka fyr alla hluti framm, er aullo er eþri oc aullom betri, sa er lifir oc rikir in secula seculorum, amen.“ En eptir þessi orð postolans þa fell
 30 leikarinn til fota postolanom oc bað ser liknar fyr aleitni sí[na] oc otru, oc lofoþo allir guð oc enn helga Johannes, þeir er hia varo.

Craton het spekingr, sa er talði fyr tveimr breþrom lërisveinom sinom, at þeir scylldi veria aurom sinom i gimsteina ena dyr-
 35 ligsto oc briota þa síþan i augliti allz lýps a fiolmenno torgi. En er þeir gorþo þat, þa bar at þar gongo postolans, oc callaði hann til sin Cratonem oc melti: „Heimslig er su hofnon heims, er af monnom lofasc en guð fyrðemir. Sva sem tom er lecning, su er egi greþir siukan, sva er oc hégomlig kenning, su er egi betir
 40 andar síþo. En lerifaþir minn melti sva við einn ungann mann,

at hann scylldi gefa þurfamannom alla eigo sina, ef hann villdi
 algr vera, oc mundi hann þa eignasc a himnom eilíft líf.“ Craton
 spekingr mælti: „Her liggir nybrotinn i manna augliti ávöxtr
 menzcrar ágirni. En ef lærifapir þinn er saþr guþ, oc vil hann
 at þurfamonnom se fe gefit, þa gorþu heila gimsteinana, oc gor 5
 þat til dyrþar lærifauþor þins, er ec gorþa til ma[nna] lofs.“ Þa
 samnaði Johannes gimsteinabrotum i hendr ser oc hof up augo
 sin til himins oc melti: „Drottinn Jesus Cristr, er endrbettir
 heim þenna fyr crosstre, er spiltisc fyr girnþartre, oc lauct up
 augo þess, er blindr var borinn, oc callapir Lazarum til lífs, er 10
 .iiii. daga hafði i grof verit, oc greddir þu alla siuca með orði
 crafstz(!) þins, endrbætt þu nu fyr hendr engils þins þessa gim-
 steina, er þeir bruto til frægþar mannanna, er egi cunno crapt
 qlmosogēþis, at verþ þ[eir]a veitisc valðþom i miskonnarverki til
 lofs oc dyrþar nafns þins oc til ny(t)semi allrar cristni.“ En er 15
 hann hafði þetta mælt, þa voro gimsteinar sva heilir, at eingi
 brestr var a þeim. Þa tok Craton spekingr tru oc þessir hinir
 ungo menn, er gimsteina brutu, oc allir lerisveinar hans, oc varþ
 hann enn mesti kennandi retrrar tru.

En varo aprir tveir bræþr ungir oc auþgir i Effesoborg, þeir 20
 er eptir þessa manna dömum lífþo oc gavo alla eigo sina fatekiom
 monnom oc fylgþo postola guþs, er hann for of borgir at boþa
 orþ guþs oc helgar kenningar. En er þeir komo of dag til borgar
 þeirar, er Pergamus heitir, þa sa þeir þa menn i silkikleþom, er
 verit hófþo þrelar þeirra, þa urþo bræþr lostnir fianda aur oc 25
 oglðddosc, er þeir sa sic i herviligom cleþom en þrela i silkikleþom¹

.
 yckr oc flæþo(!) fra ofom monnom fyr yckrar þenir, þviat sa er
 girnisc auþsins, hann er þionn auþar sins en egi eigandi; þviat þa
 er einn maþr dregr samann morþ fiar, at vinnaze mætti at ørno 30
 þusond manna til fözlo oc til cleþnaþar, þa varþveitir hann með
 ahiggio(!) þat, er hann ma egi sialfr við sig niota, oc veit hann
 þeygi, hveriom hann sparir þat. Næþir vorom ver bornir i heim
 þenna, þurfendr cleþa oc matar, oc scolo vér nokþir í iorþ fara.
 En allir eigom ver saman himnesc aúþevi. Jafnheimillt er auþgom 35
 sem snaufom scin solar oc tungls, regn oc goþviþri, kirkio in-
 ganga oc synþa láúsn, scirn oc holtekia drottins, oc aull misconn
 oc veizla. Allra þessa giafa neytir² fatekr sem auþigr. En sa er

¹ Her mangler et Blad. ² Først skrevet neitir, men rettet af selve
 Afskriveren.

of sell, er fleira girnisc en hann þarf, þviat hann ma egi auruggr þess niota, er hann þarf, þvi e[*f* hann] verþr siukr eða sar, þa ma hann egi niota unand[*i a*]tz ne drykciar eða cleða. En þat scoló vita ágiarnir menn, at þeim megu ecki stopa auðevi, þau
 5 er ligia fyrir oc gera sorg oc sút oc sótt þeim, er þau varþveita með mikilli ahyggio dag oc nott við þiofom oc við eldi oc við scauðom. En er þeir starfa í þeiri ahyggio at draga saman auð sem mestann af sauðom oc vølom¹ oc cauðom raungom oc af morgom febraugðom, þa verða þeir brátt teknir af heimi oc hafa
 10 þa ekci með sér nema synþir einar.“

En er postolinn hafði þetta me[*l*]t, þa var þangat borit lík eckio sonar no[*cco*]rs, þess er fyrir .xxx.^m daga hafði aþr qvangazk. Móþir hans ok kona fylgðu líkino oc fiólþi annarra manna, oc greto allir oc fello til fota postolanom oc báðu hann up reisa þenna
 15 eum unga mann af dauða, sva sem hann reisti Drusianam. Heilagr Johannes felldi tár, er hann sa marga grata, oc fell á kne oc var lengi á bæn, síðan stop hann up oc hellt höndom til himins oc bað lengi fyrir enom andaða. En er hann gerði þat þrysvar, þa lét hann leysa líkit oc melti: „Þu en ungi dréngur, er Stacteus
 20 heitir, er fyrir þer sakar var lostinn af fianda, at þu kunnir egi scapera þinn, oc tyndir² ondo þinni, þviat þu lifðir eptir munuðom líkams þins, lengi hefi ec beþit drottinn minn fyrir þer, at þu losnir frá dauða bondom oc segir þessom tveim brøðrom Attico oc Eugenio, hverri dyrð þeir tyndo eða hvert viti þeir mono taka.“
 25 Þa reis up Stacteus oc laut postol[*anom*] oc tok at ávita þa Atticum oc Eugenium, oc melti: „Sa ek var[*þa*]lzengla yca hryggva, en áru andscotans fagna falli ykero. Sa ec gulligar gimsteínom settar hallir, er ykr varo bunar á himni fullar silfr(s) oc lios, friðar oc fagnaðar, unaðs oc krasa, en þeim tyndo þit,
 30 oc hafð eignasc þa stadi, er fullir ero af drekum oc deynanda loga, hrezlo oc hryggleið, dauns oc sottar; þar er of daga oc of neðr gratr oc scamsamliet op oc tanna gniston. Ecki eiguð it annat til nema at biðja postolann, at hann reisi up andir ykerar af eilífom dauða til heilso, sva sem hann reisti mik af líkams
 35 dauða til lífs, þviat naufn yker ero scafin af lífs bok.“ En er Stacteus hafði þetta m[*l*]ellt, þa fell hann til fota postolanom með aullom lýð oc enom ungum brøðrom Attico oc Eugenio, oc báðu hann biðja fyrir þeim til guðs. En Johannes baup þeim xxx. daga iðron oc bað þa þess mest biðja á þeiri stundo, at vendirnir,

er at gulli varo orþnir, oc steinarnir, er at gimsteinom varo orþnir, at þeir snērisc aptr i ębli sitt. En er lipnir varo .xxx. daga, þa hofþo egi gullvendirnir ne gimsteinarnir snuisc i ębli sitt. Þa como bręþr oc melto við postolann: „Avallt sendir þu misconn oc licn oc baút, at maþr scyldi manni licna oc varkynna, sva sem 5 hverr villdi ser at guþ misconnapi eþa licnapi. En vit scaumomsc nu synþar ockarar oc ipromsc nu meþ grataundom augom þess, er vit rendom með gi(r)nþaraugom til veralligra hluta. Af því biþiom ver þic, heilagr postoli guþs, at þu synir i verkom misconn þa er þ[u het]st ávallt i orþom.“ En er bręþr ipropose synþa[r s]innar 10 oc alþýða¹ baþ fyrir þeim, þa melti Johannes við lýþinn: „Drottinn guþ varr melti fyr spamanninn: eigi vil ec dauða syndux, manz, helldr at hann leiþrettisc oc lifi. Sva męlti lerifaþir var Jesus Cristr við oss: satt segi ek yþr, meiri faugnoþor(!) er englom guþs yfir einom manni syngom(!), er ipron gorir oc lętr 15 af synþom, en yfir .xxx ix. þeira, er egi misgørþo. Af því scolo þer þat vita, at drottinn minn mon þiggia ipron b[ręþ]ra.“ Þa melti heilagr Johannes við Atticum oc Eugenium: „Fariþ nu oc beriþ vaundo aptr til scogar, þaþan er it tokoþ þa, þviat nu mon snuasc til ęplis sins tveggia hvart gimsteinar [oc gull².“ En 20 er þeir gorþo sem postolinn bauþ, þa toko þeir alla misconn, þa er þeir haufþo tynt, oc rako diofla fra oþom monnom, sem fyr haufþo þeir gort.

En er allr borgarlyþr oc landherr vegsamapi helgan Jo- hannem, þa drogo blotmenn lid saman a mot honom oc leiddo 25 hann til hofs Gefionar gyþio sinnar oc villdo neyþa hann til blota. Postolinn melti þa: „Ec mon leiþa yþr til kirkio drottins mins Jesu Cristi, oc calliþ er a nafn Gefionar ypvarrar oc latiþ er falla ofan kirkiona i nafni hennar, oc mon ec lata at yþr. En ef er megिþ þat egi, þa mon ec calla a nafn drottins mins 30 Jesu Cristi oc láta ofan falla hof ypvarr oc scurþgoþ, [oc] mon yþr siolfom þat synasc rét at fyrláta þa [vi]llo, er niþr hefir brotizsc, oc snuisc til guþs mins.“ En er mestr hluti lýþs varþ iaqveþr þessa mals, þa fysti Johannes lýþinn at fara langt fra hofino. En er lýþr gecc fra hofino, þa callapi hann mikilli rauddo oc melti: 35 „Þig biþ ek, drottinn Jesus Kristus, at þu latir niþr falla hof þetta meþ aullom scur(þ)goþom, þeim er inni ero, sva at aungom manni verþi at meini, oc at allr sia lýþr viti, at þetta likneski Gefionar er diofolict en egi guþlict.“ En er postolinn hafþi þetta

¹ Først skrevet alþýða. ² saaledes rettet: at grioti Cd.

melt, þa hrunþi hofit með ollom scurþgöfum, þeim er inni varo, sva at aungom manni [varþ] at meini, oc varþ sem molld, su er fikr(!) í vindi. Þa callaþi allr lyþr oc melti: „Einn er sannr guþ, sa er Johannes boþar.“ A þeim degi toku tru .xii. þusundir
5 karlla at otaulþom konom oc baurnom.

Þa fylldisc Aristodimus hoffingi ens grimmasta hugar oc samnaþi her miklom oc vacþi þa stiryold(!), en lyþr heiþinna manna biosc til orrosto a mót cristnom lyþ. Þa melti heilagr Johannes: „Segðu mer, Aristodime, hvat scal ec þess göra, er
10 ek taka reiþi or hug þinom?“ Aristodimus svaraþi: „Ef þu vil, at ec trua guþi þinom, þa mon ec gefa þer eitr at drecka, oc er vist, at mikill er guþ cristinna manna, ef du deyr égi af éitrino.“ Johannes melti: „Þat mon mer egi granda, ef ek calla á nafn drottins mins.“ Aristodimus melti: „Fyrst scall þu sia þa, er
15 drecka eitrit oc deya þegar, oc mun þu þa hręþasc drykeinn.“ Johannes svaraþi: „Sagða ec þer aþann, vestu buinn at trua á drottinn minn Jesum Cristum, ef ec staundomc eitrit.“ Þa for Aristodimus til iarls, oc hafþi þaþann .ii. bandingia, þa er til draps varo dęmpir fyr glepi sina, oc lét þa drecka eitrit i augliti
20 postolans fyr aullom lyþ, oc fello þeir þegar niþr dauþir. Þa melti Aristodimus: „Hlyþ þu mer, Johannes, oc lát af kenningo þessi, er þu spenr allar þioþir fra blotom, eþa ella drek þu eitr þetta, oc syn guþ þinn almátkan vera, ef þu mát heill vera eptir drykeinn.“ Þa tok Johannes við dryckiarkerino óhreddr oc gerþi
25 crossmark yfir oc melti: „Drottinn guþ faþir drottins mins Jesu Cristi, sa er allri scepno styrir, oc allir hlutir þiona oc allir mettir hręþasc, af þess nafni sevasc haugormr, oc flær dreki, oc kyrrisc padda, oc stauþvasc oll eitrkycqvendi, oc slocnar allt afl dauþferandi grasa, á þic collom ver til fulltings, slokþu eitr þetta oc
30 allann scapsamligan mátt, þann er þat hefir í ser, oc gef þu i augliti þino ollom, þeim er her standa, syn at sia et rętta, oc eyro at heyra, oc hiarta at scilia mikilleic þinn, at þeir snuisc oc finni heilso anda sinna.“ En er hann hafþi þetta męlt, þa signdi hann sic oc drack or allt, þat er i kerino var. Lyþrinn
35 stoþ oc horfþi a hann .iii. dagstundir. En er þeir sa hann egi scialfa ne lit bregþa, þa colloþo allir oc melto: „Einn er guþ sa er Johannes boþar.“ Aristodimus mátti þeygi trua, oc melti hann við postolann: „En er eptir ifi i hug minom, en sa mon a braut losasc, ef þu lętr lifna i nafni Cristz þins þa er eitrbolgnir liggia
40 nu her.“ Lyþrinn melti með reiþi i gegn honom oc letosc brenna

mundo hann i eldi, ef hann legði naukqveriar þrautir framar fyrir postolann. En er Johannes sa magnasc alþýðu¹ rom, þá bað hann ser hliops oc melti: „Su er en ęzta eptirgliking guþligra crapta, at ver sem þolinnmóþir oc standimsc vel freistni otruaþra manna. Ef Aristodimus hellzk enn i otu sinni, þá scolom ver leysa rexna 5 tortrigþar(!) hans oc lata egi af, aþr hann kennir scapera sinn. Sva sem lecnar gęra við vanheila menn oc leita annarar lęcningar, ef aunnor stopar egi, sva scolom ver oc gręþa þenna mann með því raði, er enn es egi gort, ef hann er egi gręddr. Gęrom annat taknn þa til lekningar honom.“ Þa for postolinn or kyrtli 10 sinom oc selldi Aristodimo, en hann stop i mautli sinom eptir. Aristodimus spurði: „Til hvers selldir þu mér kyrtil þinn?“ Johannes svaraði: „at þu scamisc ótru þinnar.“ Aristodimus spurði: „Hverso ma kyrtli(!) þinn taka iva af hiarta mino?“ Johannes svaraði: „Far þu oc leg kyrtillinn(!) yfir ena dauþo oc mel sva: 15 postoli drottins Jesu Cristi sendi mik til ykcar, at it risiþ up i nafni guþs, at allir viti, at lyf(!) oc dauþi þionar drottni Jesu Cristo.“ En er Aristodimus gęrði sva, þá riso upp þeir er dauþir varo, oc lifþo lengi síþan. En er Aristodimus sa þessi tíþenndi, þá rann hann scyndiliga til iarls oc melti við hann: „Hlyðu mer, iarll; þat munt 20 þu muna, at ec vacþa opt reiði þina i gegn Johanni oc gęrþa ec honom morg oscil. En ec uggi, at ec taka guþs reiði fyrir þat, þvit(!) hann er sialfr guþ oc leynisc i manz ásia; hann dracc ęitr, oc sakaði hann ecki, hann gaf lif þeim er do af eitri, sva at ec lagþac kyrtli hans yfir þa, oc lifa þeir nu oc hafa engi dauþa- 25 maurk a ser.“ Jarl spurði: „Hvat vil þu, at vit gęrim?“ Aristodimus svaraði: „Faurum við oc faullom til fota honom oc biþiom ockr licnar, oc gęrom síþann þat er hann býr okr.“ En er þeir gęrþo sva, þá tok Johannes við þeim oc bauþ þeim .vii. daga fausto i rauko(!), oc varo þeir síþann scirþir, oc aull hiu 30 þeira oc frendr oc magar oc vinir, oc brutu scurþgoþ aull oc reisto upp kirkio miela til vegs postolanom, oc var hann i þeiri kirkio upnuminn til himins.

Þa er heilağr Johannes var vętri miþr en tireþr at alldri, þá vittraþisc honom drottinn Jesus Kristus með lęrisveinom sinom oc 35 melti við hann: „Com þu til min, þviat nu er su tíþ, at þu fagnir með breþrom þinom at minni samcundo.“ Þa reis Johannes up oc villdi fara þegar, en drottin melti við hann: „En nęsta drottinsdag scalt tu coma til min.“ En er en nęsti drottinsdag com,

1 Først skrevet alþýðo.

þa varþ fiolmenni mikit i kirkio þeirri, er smiþoþ var til vegs
 Johanni postola, oc talþi hann fyr lýðnom allt fra ǫndverþom
 morni oc til dagmala, oc melti: „Ér samerfingiar oc bręþr oc
 hluttakendr rikis guþs! minnize hvilikar iarteinir oc kenningar
 5 drottinn Jesus Cristus veitti yþr fyr mic, oc halldiþ ér þeim fast
 boþorþom, ef drottinn callar mic nu þegar or heimi.“ En er Jo-
 hannes haþi męsso sungit, þa lęt hann grafa ser grauf fersceytta
 hia altari oc fęra ut molld or kirkio, oc ste hann i grofna siþann
 oc hellt hondom til himna oc melti: „Laþaþr kem ek til fagnaþar
 10 þins, drottinn Jesus Cristi, þviat þu lezt þęr soma at laþa mik
 til þinna crasa, þviat þu vissir mic fusann til þín af aullo hiarta.
 Sa ek anlit þit oc endrlifnaþa ec, ilmr þinn vakti fysi mina.
 Oftt baþ ec þic, at ec scyllda til þín coma, en þu batt mic biþa
 oc samna truanda lýþ. Þu varþveittir likama minn fra allri saur-
 15 gon oc leistir(!) aund mina oc fyrlezt mik egi, þa er ec var í
 utlegþ, oc settir þu orþ þín i munni minom, oc reit ec verk þín,
 þau er ec sa augom minom, oc orþ þau er ec heyrþa ór þinom
 munni. En nu fel ec þęr á hendi sono þína, þa er heilog cristni
 endrgat fyr vatnn oc helgan anda. Tac þu mik, at ec sia meþ
 20 breþrom minom, þeim er þu komt at laþa. Luk up þu fyr mer
 lifs durum, at egi renni á mót mer myrkra hǫfþingiar, helldr
 leiþu mic til þinna crasa, þa er meþ þęr fagna allir vinir þínir,
 þviat þu ert Cristr son guþs livanda, er greddi heim þenna oc
 leystir oss af boþorþom þinom fyr en helga anda, fyr þann gørom
 25 ver þęr þackir fyr oendiligar alldir allda.“ En er allir svaroþo oc
 qvoþo amenn, þa kom lios sva mikit yfir postolan vist eina stund
 dags, at engi mátti i gegn of sia. En þa er af leiþ liosit, þa var
 grøfinn full himnamiols, oc hellzk su iartein allt til þessa dags,
 oc verþa þar margar iarteinir, oc leisasc(!) margir or háska oc
 30 sóttom oc gęta benir, þeir er þangat coma meþ tru rettri. Nu
 varþveiti oss guþ almattigr, sa er lifir oc rikir meþ feþr oc helgum
 anda of alldir allda. Amen.

IV.

Her byriar litlu Jons sögu postola ok guðspiallamannz.

I þann tíma heimstöðu, er sialf rettlætiss solin lukt i likam, drottinn varr Jesus Cristus, birti Jorsalariki meðr sinni naveru 5 syniligr maðr ok sannr guð miðil manna, vattar sa meistari, er Petrus Damianus heitir, at Johannes, er siðan varð postoli ok æztr ewangelista vars herra, fæddiz i þeiri halfu Jorsalalandz, er Galilea heitir, ok i þeiri borg er Bethsaida kallaz. Faðir hans het Zebedeus, rettviss maðr ok fataðkr at femunum. Moðir hans 10 var sva burðug, at sialf hifnakongsins moðir Maria var hennar systir meðr sama nafni Maria. Er þa liosi biartara, hvert kynferdi tignar þenna Johannem i frændsemi sialfs græðarans. Ok því liktiz hann i uppvegsti frænda sinum herra Jesu fataðkr at goði veralldar, litillatr ok famalugr. Zebedeus var fiskimadr, ok því 15 var Johannes son hans meðr honum i somu iðn, at þar la undir dagligt viðværi. Sami Petrus greinir, at su var oreign þeira feðga, at ei fenguz verðaurar at kosta lin til netianna, ok því varð oft at endrbæta ofreyndan mauskva. Lucas ewangelista segir, at ecki boknam lagði Johannes firir sik a náms alldri, ok því sotti hann 20 hvarki þing ne malstefnur, at maðrinn var bæði einfalldr ok ufrodr, sva at bokin likir (hans) hlioðlifi þeim fiskum, er hann dro sialfr at borði. Sem her stendr, vikr meistari malinu ok segir sva: Eigi er, segir hann, tomt at greina uppvogst, oreign ok atferð þessa Johannis, þvíat þaðan skínn biartara, hvaðan leiddi þa spekt- 25 ardyrð, er siðar oðlaðiz hann i guðs liosi upp ifir alla karlmenn natturuliga byriaða, sem siðar mun getið verða meðr guðs vilia. Sva vikia bækr til, at af bruðar faðmi hafi varr herra kallat Johannem frænda sinn til fylgdar ok postoligrar tignar, ok því varð hann makligr einsligri ast af sælum guðs syni, at hann skein maðr 30 hreinni en nockurr af þeim heilaga safnaði, er græðara várum þionaði. Gofugliga skein a skirdagskvelld virðingarhæð ok verðleikr sæls Johannis með þremr forvænum frumtignum. Su fremst ok fyrst, er hann hvilldiz ifir sialft hifnakongsins briost undir bordinu. Su onnur, at af þeim lifsbrunni drack hann þann 35 lifanda seim ok sætleik hifneskrar læringar, sem siðan for ok flaut i allar ættir heimskringlunnar. Su var þriðia frumtign, at þann angr ok otta, er fylldi hiortu postolanna allra, hof hinn sæli Johannes i frið ok fagnat firir þann frabæran kærleik, er hann hafði odlaz meðr sialfan son guðs ifir allan safnat postolanna. Virðu- 40

ligr herra Leo pafi magnus greinir fagrliga i sinni bok, hvaðan
 upp reis angr ok otti postolanna, eigi af sektar samvitzku,
 sem hann váttar, at verða seliarar vars herra Jesu, helldr af
 þeiri undirstoðu, at siðan græðari várr hafði birt meðr sinum
 5 ordum, at einnhverr af þeira safnaði myndi geraz i þa guds reidi
 at selia hann með verði, ottadiz hverr i sinu briosti velltanda
 hiol veykrar mannzins natturu, at meinlaus forhugsan mun því
 minnr profaz til heilagrar stadfestu en forsagnar framkæmd hif-
 neskrar vitzku, er ríkti meðr briosti herra Jesu. Ok i sva
 10 stríðan pungt, sem nu stendr ifir þeirri maltið, er vegsamanda,
 hvaðan líkn ok lietta leiddi inn til postolanna. Blezadr herra
 Petr postoli, sem hann ser tignarrum guds mannz Johannis ifir
 lausnarans briost, gerir hann eitthvert signum volldugum guðs
 manni þeim sama sælum Johanni, at firir sinn kærleik muni hann
 15 vissu fa, hverr eignaz mun þann eymdarhlut at selia saklaust
 lif herra Jesu undir pisl ok plagur bolvaðra Juða. Blezadr
 Johannes dvelr ok eigi at gleðia brædr sina, þvíat varr drottinn
 Jesus birtir honum meðr fyrstu spurning, hvar sia siukdomr
 hafi heimili. Her næst er æ litanda, meðr því at virðuligr
 20 herra Petr postoli helldr firir hofðingiadam þyðing eða merking
 allra postolanna, er su tign ok frami miklu lofi maklig er blezaðr
 Johannes oðladiz i þeiri máltið, at verða coadiutor æzta mannz a
 ollu iorðriki(!), er skipaðiz með himinríkis lyklinum sialfum, allt at
 binda ok leysa. Ok ef sva birtiz siðarr i þessu mali, at sami Jo-
 25 hannes verðr coadiutor þess annars postolans, sem berr æzta krunu
 rettvísi ok rauksemdar með allri guðs kristni, reisiz því hærra
 i lopt upp hans haleita virðing. En siaim nu þessu næst i litilli
 dvol settra greina, hverri dyrðartign auðgaz virðuligr herra Jo-
 hannes, þa er hann stoð undir krossinum, oc hann giorðiz vicarius
 30 vars drottins, tilæskingarson hifnakongsins moður, oc sva með
 nockurum hætti broðir lifanda guðs sonar. En hverr mun þat orði
 greina, hversu guðs maðr sæll Johannes fremdi þat signaða umboð
 at geyma, gleðia oc þiona virðuligri guðs getara allt i hennar
 endadag þessa veralldar lifs, þar til son hennar hifnakongr bauð
 35 henni heim, laðandi
 bar enn. Orlofi þer at ek seti yðr eina spurning.“ Herra pafinn segiz
 luta undir oll hans orð. Byskup talar: „Segit mer at því, hvart
 herra Petr postoli forfaðir yðvarr misgiorði nockut i sinu lifi?“
 Herra pafinn svarar: „Heilagr Petrus misgiorði harðla miok, ok

bætti sik haleitliga með beiskum tarum i miskunn Jesu Cristi.“
 Byskup spyr: „Hvat misgiorði hinn heilagi Petrus?“ Herra pafinn
 svarar: „Hann neittaði varn herra Jesum Cristum.“ Byskup
 spyr: „Hvart neittaði hann herra Jesum um sinn eða optarr?“
 Herra pafinn svarar: „Hann neittaði þrim sinnum a einn dag.“ 5
 Byskup spyr: „Hverr heyrði iatning hans eða hverr lagði honum
 skriftir?“ Sem her er komit mali, færri herra pafinn orðfall. Þar
 firir megnaz byskupinn i sinni roksemd ok tekr sva til orðz: „Þvi
 setti engi maðr a iordriki(!) sik sva hafan at heyra iatning eða
 hirting veita sogðum Petro, at hann var skipaðr af sialfum guðs 10
 syni ollum monnum æðri, ok þvi skipaðiz hann sialfr i doms
 hasæti ifir sitt misfelli; geri þer ok sva, heilagr faðir, berit brott
 af yðr sut ok saran trega, ok setiz upp i domstol sem postoligr
 herra ok dæmit sialfr yðra sok.“ Herra pafinn lætr ser at kenning
 verða skakandi brott af ser allan angr, sem fremst matti hann, 15
 byriandi sententiam upp a sialfan sik i þenna skilning: „Sa er
 orskurðr minn, sagði hann, at i minni herfiligri glæpsku hefir ek
 wnnit sva mikla uhæfu, sem steipt i svelg helvitis alla þa guðs
 kristni, er mer var a hendi folgin. Hvat mundi lîmrinn kunna
 utan likiaz hóðinu? Þvi gengr heðan framm ánnarr orskurdr várr, 20
 at engi maðr dirfiz a iarðriki hærri stéttar eða lægri at veita
 minum likam kristiligan groft, hvat sem mer verðr at bana.“
 Firir þenna sva stríðan orskurð herra pafans fellu tar þvi framarr
 af margs mannz briosti. Hvat lengra, en herra pafinn með fyrr
 nefndri sinni fylgd riðr aftr i Rom meðr ollum flyti, gengr inn 25
 firir Dioclecianum keisara, sem hann sitr ifir borð, ok talar sva:
 „Vær Marcellinus pafi, sagði hann, er nu her kominn, engi fágari
 bannsettra skurðgoða, helldr faðir ok forstiori guðs hiarðar, þo at
 umakligr.“ Þessu heyrðu byðr an dvol Dioclecianus, at herra
 pafinn með prestum sinum leiðiz ut af borgarmur, allir undir 30
 hálshogg. Liggir hann sva umylldr undir berum hifni um þria
 togu daga, ok þo með þeiri guðs blezan, at engi meinsemd af
 iorðu eða lofti grandar hans likama. Innan þeira þriatigi daga
 verðr kiorinn til pafadoms lofsamligr maðr sira Marcellus. Ok
 fylldum sva morgum dogum birtiz blezaðr Petr postoli Marcello 35
 electo sva talandi: „Broðir Marcelle, sagði hann, hvar firir lystir
 þina goðfysi at lata liggia minn likam undir berum hifni sva lengi?“
 Marcellus svarar postolanum: „Herra minn sæti, segir hann, hvat
 hofum ver meiri virðingar, en veitiz þinum helgazta likama með
 tignargroft ok þionostu?“ Blezaðr Petrus svarar: „Likamr minn 40

i Marcellino pafa broður minum segi ek at enn liggr uti umylldr.“
 Marcellus svarar: „Hverr mundi þora, heilagr faðir, at leggja
 honum graftrar hond meðr orskurðar ogn, er hann diktaði sialfr
 i sinodo ut a Pul?“ Heilagr Petrus svarar: „Kemr þer ei til
 5 minnis, broðir Marcelle, þat er sagði várr herra Jesus Cristus,
 at hverr er sik lægir, mun upp hefiaz? Hveria minkan matti hinn
 æzti byskup ser til lægðar ok litilætiss meiri inn leiða, en þessi
 framdi upp a sialfan sik, at firirbioða ser veitaz allan kristiligan
 groft, sem lesaz mun æfinliga með guðs kristni honum til lofs, ok
 10 því skolu nu framkæmaz meðr honum græðarans ord, at hann
 hefiz upp af sinni lægð, þvíat ek byðr þer at veita honum hina
 tignuztu graftrar þionostu rétt hia sialfum mer.“ Eftir sva talat
 endar virðuligr Petrus sitt eyrendi. En Marcellus fyllir i alla stadi
 boðordit með guðs lofi ok heilagrar kirkiu fagnaði. Lyktar sva þenna
 15 æfentum, ok því er heðan aftr at vænda til stólpa heilags Gregorij,
 þvíat þadan gengum ver áðr framm i guds nafni.

2. Sem lesin var dæmisaga virðuligs herra Marcellini pafa,
 kollum ver heyrandum monnum upploknar dyrr, at renna augum
 til synar innan mustaris heilagrar kristni, hverr manna sik framdi
 20 sva hugdiarfan at leggja framferð virðuligs herra Petri postola
 undir atfyndli eda fulltekna umvandan, ok enn því framarr, ef sva
 finnz, at hann letrsetti ok let beraz innan um kristnina þat er
 hann kallaði ufagrt. Til þessa hlutar, er sva finnz faheyrðr lesinn,
 ma leiða signaðan psalmistam David kong, þa er hann segir, at
 25 guð er dasamligr i sinum helgum monnum. Sælum Gregorio pafa
 finnz ok mikit til þessa hlutar i sinni skyring ifir nefnda bok
 Ezechielem, at sva fallit bland skilldi ganga inn i blezat broðerni
 sialfra postolanna Petri ok Pauli, en þat er þeirar undirstoðu, sem
 hann greinir, at sva sem postolar voru dreifðir til ymisra landa
 30 með predikanar embætti, greinir hann, at herra Petr postoli var
 sva miukr ok eftirlatr Judum innanlandz ok utan, at hann villdi
 samþyckia umsnidningar þionostu, þott þeir gangi til gudspialligrar
 kenningar vars herra Jesu Cristi. En þann tima sem heilagr Paulus
 predikari vorðinn* fregnar þat af framferd Petri, liggur(!) honum
 35 ei med ollu, helldur suo sem þeir mætazt i borg Anntiocia geingr
 hann framm firir Petrum meður afklæddre einord, segir ath þat
 stanndi aungvann veg, ath holldligtt logmal þlanndi sik upp i nytt
 testamenntum græðara vors herra Jesu Cristi, ok einkannliga su

* Her begynder et Blad i Codex, der senere er indsat i Bogen og skrevet
 40 med en Haand fra Slutningen af det 16de Aarhundrede.

þíod lagin til eptirlætis, sem omakliguzt var firir þann píslargrat er hun vann upp æ saklaust líf gudz sonar síalífs. Þessa somu sína einord ok atyrði, er hann veitte sælum Petro j nefndri borg Anthiocia, setr hann upp æ pístil sinn, at hvor megi lesa, ef vill. Ok því kemr sa sami kvittur firir Petrum postola, sem adr er 5 ritat, ok hversu hann skipar þa sinne lund með fagætri frídsemi, vilium vier þess verduglíga minnazt, er fyrr var lesit, ath .ij. postolar gudz Petrus ok Paulus stodu svo sem til beggia(!) handa síðugum gudz astvin Jóhanni postola. Hvat er rettara sagt, enn sæll Jóhannis stod j millum þeira ei líkamlíga helldr andlíga með seimi 10 ok signadri gíæzku hunanglígra orða til frídsemdar þeira brodernis, með þeim hætti sem byskup lyti honum j eyra hvorttveggia. Vier meguum hier suo segia ath sem Petrus með hogverd ok lítillætis þólinmædi gefr hann þvílík ord: Kunnigt sie ydr, fadir, hvað ek setta j minn epístula með hinum æstu greinum, ath gud er 15 astin, því stanndit meður hogværd an allri hræring, þott þier lesit einardlíg ord hins heilaga Pauli, þvíat j gíord hvorstveggju er rettlíga þýdd gudz elska með ydr til þess ath draga sem flesta til drottins Jesu Crísti j daudanz punct með sælum Paulo brodr þínum, j þa grein ath afleggja forna setning enn elska nya myskunn 20 með aullu híarta. Ath sælum Paulo hneígir hann síg valinn gudz vin sem svo talande: Minniz þier, heilagr fadir, þott vannlæti gudz ríki sæki framarla með ydr, at allir vier foruun miog hnoggvande j morgum hlutum, sem ek setti i minn epístula, ok því geymit hogværd til allra manna, sem meinlausir eru af lestinum, 25 þott þeim síazt yfir með einfelldu ok elsku naungzins. Nu er at víkia aptur til heilagx Petrs, hversu hann verndar sinni vízku til hínz himneska lítelætis eptir aminning Jóhannis. Þat fyrst ath hann leggr lærísveina undir harda avítan, ef nockr víki umlestris(!) orða a personu Pauli firir þat ef þeir kalla meistara sínum j moti, 30 þat fylgír meira ath jnnj síalífs sínz pístola er svo skrifat ut j krístnína setr hann klerkdom ok vísku sæls Pauli suo tígnaarsamlíg ord.* Kennum vær yðr ok lærum, hvar sem ufroðir menn reikandi af rettum veg afvírða hans heilagar ritningar, síalfum sér til tapanar. Sem her er komít segír sæll Gregoríus til krístninnar: 35 Vírðanda er bræðrum kirkíunnar, i hverri hugskotzheð þessi guðs astvin hafði skipat sína stauðu. Hann las annars ritning með ávítanargrein samsetta til síalífs síns, en lagði þar i mot þau vegsemdarorð, sem æfinlíga munu lesaz i krístnínni. Hver var su hogværd

* Her ender det senere indskudte Blad.

ok hugarhvílld, hvert afl eða hugsanarmykt með þeim manni, er sva giorði. Ei kallar hann til minnis i þenna pungt, at af lausn-ara várum Jesu Cristo var hann fyrstr kallaðr i postoliga tign, hia ser leiðir hann nu ok, hversu hann þa forðum af sælum guds
5 syni sialfa lyklana hins hifneska rikis, ok hversu allt a hifni ok iorðu mundi laust ok bundit eftir hans boði Eigi réiknar hann nu til nálægðar þa frumtign, er hann geck forðum ifir sioinn sialfan. Liða lætr hann ok hia ser, hversu kararmenn runnu framm af reckium sinum effdir i ollum liðum, þegar hann bauð i nafni
10 Jesu. Eigi minniz hann ok til miklanar sialfum ser, hversu skuggi hans likama græddi siuka með guðs krafti. Eigi leiðir hann ok firir sin augu þat hifneska valld, er hann drap liugandi hion Annaniam ok Saphiram með roksemdarorði. Liða lætr hann ok, hversu lif ok daudi þionaði hans villd með boði
15 almattigs guðs Jesu Cristi. Nu sem vær heyrum, segir guðs maðr Gregorius, sva mikla dyrðarhæð guðs astvina til litillætis ok mannkosta, at þeirra port risi þvi hærra til himins, hvat segir ek þa sálugr ok mer likir, er golfit merkium undir þvi porti, nema biðia guð miskunnar ok með kennaz vårt þolleysi, at ef (vær) mætum
20 einu meinyrði, leggium vær fiorfalt eða framarr afr i moti, en signaðr herra hofðingi kristninnar virði meira litillæti ok friðsemdar þolinmæði en allar sinar frumtignir. Her næst ma vel segia, at herra Gregorius pafi bar sammyndat blóm sinni veru ok blezaðum vana, þat er at vera hinn æzti byskup ok stólpi kris(t)ninnar með háreist
25 port hifneskrar upplitningar, en lægir sik iafnframm gólfi likan, ok samlagaz sva með litillætis dyrð einfaulldum safnaði kirkjunnar sona. Þessum sæmdarorðum til hans settum, heyri menn, hvat hann segir af postolum guðs i þenna skilning: Ástvinir beggia postolanna Petri ok Pauli, segir hann, leituðu ymissan útveg at eyða allri
30 misgrein þeira miðil. Fylg(i)arar Pauli segia i forteknu orði, at þat hefir hann alldri hent, at notera Petrum postola meðr einu atmæli i sinum epistola, helldr annan mann nockurn sama eignarnafns. Þessir birta framarr vilia sinn ok fylgi en bokfræði, segir fadir Gregorius, þviat i sama pistli lysir Paulus án efa, at
35 hann atyrðir sialfan Petrum postola, þa er hann setr sva: Sa sami guð er vann með Petro i postoladóm umsníðins fólks, sa sami vann með mer sina gæzku miðil heidins fólks. Fylgismenn virðuligs Petri hafa með kappsamri lund þa umleitan, at þann epistolam, er helldr lofsemdarorð ifir læring ok vitru heilags Pauli,
40 hafi Petr postoli alldri giort. En her i mot rennr sæll Petrus

sva biart sem lios halldandi, með því skínanda vætti, at i sama epistola greinir hann transfigurationem græðara várs herra Jesu a fialli Thabór, ok hversu foðurlig rodd af hifni hlíodandi kom ifir þa, sem ewangelium váttar. Hofum ver nu, segir guds maðr Gregorius, með fæm klausum hoglyndi heilags Petri minning giort, 5 ok því skal nu þessu næst vikia til hógværis virðuligs Pauli, þviat hans blezaða briost var sva auðgat predikanar roksemd, at hann þyrmdi engum manni, ok ei helldr, sem greindiz, sialfum Petro, en sinum undirmonnum tiaði hann þa hogværð, sem birtiz harðla frabær, þa er hann predicaði Chorinthis, at hann sneyri 10 þa fra heiðnum dómi ok veitti þeim lifs brauð. En þeir firir sina singirnd ok hardbrysti letu hann hungra innan borgar af matleysi, sva at honum sendiz kostr af Macedonia, at hann mætti lifa. Ok ei því helldr felldi hann sitt heilagt embætti, ok ei for eitt orð til hefndar af hans munni um sva morg ar, sem hann var Corinthis. 15 En til þess, segir sæll Gregorius, at þeir iðraðiz ok giorði betr til annars predikara guds eyrendiss, en þeir giorðu til hans, skrifar hann þeim til með miukaztum orðum, sem hann snerti þeira handveg ok harðbrysti til lækidoms ok meiri myktar, en fyrr hófðu þeir. Nu eru þetta sem smadropar af tracteran virðuligs Gregorij, 20 er hann setr af þvisa efni; settum vær firir þa skynsemi þo at i stuttu mali þessar klausur her inn, at þrir æztu merkismenn hifnakongs i nafni heilagrar þrenningar eignaðiz minningargrein i bækling þessum. Ok því munum ver her upp gefa i guds nafni ok vikia til frasagnar gofuglign Johannis postola, þar sem fyrr 25 gafz upp, at hann gengr til sins hlutskiptis austr i Asiam minni.

3. Þann tima með guðs fulltingi er ynniligr Johannes tekr til avaxtar planteran Pauli postola, ma vel til hans tala orð Ysaie spamannz: Litill brunnr, segir hann, vógs i mikla moðu. 30 Af litlum brunni heilags Johannis var heima greint i Galilea hversu þraungr var. En nu váttar ríki austr i Asia, hversu lifanda vatn geingr fíogurra vegna út i allar ættir af hans munni, iartegnum ok lifi, þa er hann skirir, skipar ok skiptir viðerni kristninnar i sex byskupsdæmi ok hinn sionda archistolinn i hofuðstað landzins, 35 er Effesus heitir; ok hversu biartr var þessi blezaðr vingarðs fágari hifnakongsins færri engin maðr lettrum lukt, þviat i haleitum guðs krafti, er honum fylgdi, syndiz nálíga sigrut mannz nattura. En i ávinning, at hann vyrði fadir margra sona i dyrð eilífri, var hann sva miukr ok varkunnigr i aðra grein veykum manni, at þar firir 40

birtiz hann biartr ok blezaðr huggari ok hit mætazta eftirdæmi. Ok sakir þess at sa er kraftrinn næst gudi, at sterkr samtempriz veykum, vilium vær fyrst setia með frasogn þat lof virduligs Johannis, er at lytr sva folllnum skilning i guðs nafni.

- 5 4. Blezadr herra sæll Johannes dasamligr i sinum hugarkrafti gaf þat eftirdæmi guds þionostumonnum at lina stundum sitt erfiði ok hverfa sva nyrr aptr i guðligt embætti, at lofligt umskifti geri friðar efling nattu-runni. Hvert dyrðarverk hann blezaðr syndi með þeima hætti, at optliga sem hann sat i somu
10 borg, hefir hann hia ser fagran hana hvitan at lit sem til léttis ok skemtunar. Var þetta morgum heyrinkunnikt, þviat guðs maðr er lioss i þessum leik. Hvat er fregn miðil annarra einn fuglari fataðr at fee en vel itækr um skynsemdir, maðr harðla kænna við boga at afla ser ok sinu folki viðværis. Forvitni berr hann mikla
15 i briosti, hveria grein herra Johannes muni gefa firir hanaleikinn, þviat honum syniz sva háfum stétt ok heilagum engi onnur iðn heyrilig utan bæn ok studéran. Heðan hefir hann sik a nalæga mork við stað, er þa sitr i signaðr Johannes, ok gefr upp iðiu sina þegar at liðanda degi, þviat nu er hann raðinn i at hana-
20 málit skal eigi lengr undan dragaz. Framm gengr hann i staðinn, ok hofliga frettiz firir um herbergi guds mannz, biðr orlofs til inn-gongu ok fær þegar an allri dvol. Boga sinn ok orvameli hefir hann með ser i fylgd, setz niðr annan veg moti postolanum ok skytr flatan bogann undir fætr sér a golfit. Sitr um stund ok
25 seer, at nu rétt samtíðar leikr sæll Johannes við hanann eftir vana. Fuglari fylliz þvi framarr hugrenningum ok talar sva: „Herra, segir hann, þat er eyrendi mitt a yðvarn fund at heyra skynsemd, ef þer vilit gefa, hvar firir yðr likar at leika við þat litla kreatyr, sem nu sér ek, þviat yðr athofn truiz af morgum æ til andligs
30 ávagstar en i enga lausung.“ Guds maðr sér i moti honum með hugleiðing, hversu heyriligaz væri svaranda sva folllnum manni, ok tekr sva til orðz: „Vin minn, segir hann, hvers hattar maðr ert þu, er mik spyrr þessa?“ Fuglari svaraði: „Ek er fataðr maðr aflandi mér ok mínu folki dagligrar hialpar meðr handa
35 erfidi.“ Heilagr Johannes segir þa brosand i til hans: „Hvers háttar iðn er þer kærutz at hialpa meðr liðinu?“ Fuglarinn svaraði: „Se,“ sagði hann, ok retti hondina til bogans a golfinu, „her er minn afli ok atvinna.“ Sæll Johannes spurði: „Ert þu kænna maðr við boga?“ Fuglarinn svaraði: „Sialldan hæddi fugl boga minn.“
40 Postolinn segir: „Tak upp bogann ok sýn mer!“ Sem þat er gort

talar enn guðs maðr: „Ek sér, at þoginn er vel veiðimannligr. En hvi er streingrinn sva linr, sem lauss leiki?“ Fuglarinn svaraði: „Þat ma, herra, eigi annan veg vera.“ Guðs maðr segir: „Skr þat enn framarr firir oss, hvi streingrinn þarf umskiftis.“ Fuglarinn svaraði: „Þvi ma streingrinn eigi þarnaz umvæending, at hann berr 5 eigi somu raun sifellða; boginn beiðir ok lika vegð sem broðir hans, þviat hann er bendr þvi skarpari, sem hann hviliz aðr i linan streingsins.“ Blezaðr maðr drottins brosir þa sva talandi: „Nu syniz mér, son minn, sem með þinni athofn ok iðn hafir þu sialfr leyst þat, er þu spurðir oss. Lat mina veyka nátturu skiliaz firir 10 boga þinn, þviat mundanglig vægð effir mannzins hugskot til goðra verka eftir hvilld lofliga tekna.“ Sem veiðimaðr heyrir skynsemd af blezaðum munni sva biarta ok astrika, fellr hann framm undir blezan með ollu miuklæti ok vændir afr i veg til sinna hluta.

5. Sæll Johannes sitr oftaz ok heimolligaz i hofutborg 15 Effeso, þess i miðil er hann visitérar kristnina siaandi stiorn ok ráðvendi byskupanna, lif ok siðu sérhverra stétta ut ifra, upp-rætandi með postoligri rauksemd villur ok uveniur allar, sem fremst var honum mattulikt. Sva smiðaði þessi gofugligr herra biarta kristni af grundvelli virðuligs Pauli, veitandi ungum ok ellra, 20 korum ok kvendi, heilum ok kraunkum þann hialpardryck hverium, sem hans hifneskr meistaradomr sa vænstan til heilsu eilifrar. Ok þvi sva at hofðingi friðarins ok hofut astarinnar drottinn várr Jesus Cristus var meðr honum samvinnandi til allra godra hluta. Sva starfar heilagr i guðs vingarði, þar til er vargr kemr ok gripr 25 hirdinn en dreifir hiorðina. Þessi vargr er sialfr fiandinn vándr ok svikafullr, er firir sina handgengna vini unáðar sælan elskara drottins meðr ofsókn, angr ok utlegd. En fyrr en þat mal se byriat, er hugleiðanda vitrum manni, at heiðinn domr varð diup-rettr i þvilikum stórrikum. Leiðiz her sialf Roma til dæmis, er 30 um allan pafadom heilags Petrs postola hellt innan staðar auflugan styrk ok bolfaðan, sva at reið um siðir sialfum Petro i kross-festing. Sama dæmi sækir Asiam, sem sidar mun greina.

6. I þann tima er austrhalfan fagnar i lifi ok liosi virduligs Johannis, sem nu greindiz, helldr keisaradóm i sialfri Roma Domi- 35 cianus, son Vespasiani en bróðir Titi, er wnnu meðr iarni ok bruna bolfaða Jorsalaborg, er pindi sialfan son guds. Þessi Domi-cianus afkyniaz forliga fra Tito broður sinum, þviat hann byðr um allt Romveria valld, at skurðgoða villa fágiz, en vars herra tru fóttroðiz ok hennar predikarar grimmliga piniz. Þessi eitrlig 40

illzka með afarkostum geisar flogurra vegna út i hvert ríki, ok því finnr hun Asiam sem onnur lond. Er þa eigi langt, aðr valldzmaðr Effesiborgar, er a latinu kallaz proconsul, ríss upp meðr vandlæti goðanna, hefir heilagan Johannem a stefnu, bioðandi honum af hálfu keisarans at kunna sín hóf ok heria eigi a sæmd ok siðveniur hofðingia, sem hann vill forðaz reiði ok afoll veralldar rikis. En kappi Kristz stendr með ollu úbeygðr, segiz meirr munu hlýða guði en monnum, at flytia ok frægja vars drottins dyrð, frials firir hverium manni um alla sina daga. Firir sva fallit annsvar guðs ástvinar grimmiz proconsul sva geyst, at hann gripr Johannem til iarns, en skrifar bref til Roms ok flytr hans mál, sem her stendr ritat.

Sinum milldazta herra volldugum Domiciano keisara sendir Effesinus proconsul kæra kveðiu með skyldugri hlyðni. Yðvarri tign se vel kunnigt, at sa ebreskr maðr, er Jon heitir, predikar i Asia Jesum Cristum hinn krossfesta, segir hann vera sannan guð ok son guðs lifanda. En fagan goða varra smár hann i ollum sinum orðum ok verkum, segir þat ecki vera utan villu, er vær forum með. Hann brytr at velli þau virðulig mustari, sem efduz með veralldar rikdomi, bolar ok brennir guðin sialf, upprætir lunndinn, ok hvat er hann kann i hermd ok hatri hrærir þessi ebreus þaðum hondum mót yðvarri villd ok varum atrunaði. Nu sem lýsiz af þessu framferði, verðr yðr liost, hversu galldramaðr ok villumeistari rangturnar login ok alla setning með sinni fordæðu, þvíat nalægt allan borgarlýð Effesinum dregr hann undir orðslægðir ok dyrkan við þann dauda mann. Nu sakir þess at vandlæti guðanna lifir með skylldu i várri stíorn ok hiarta, þaðum ver þenna ebreum firir várn dómstol, ognandi með afarkost undir yðru tignarnafni ok útgefnu boðorði, at predikan hins krossfesta dirfdiz hann engum manni framarr at orðfleyta. En þar i gegn mættum vær sva ubeygðri þríózku af hans ofbelldi ok andsvorum, sem þer ok ver værim engiss verðir. Ok tíaðum vær yðvarri tign þessi letr, at þer várum stétt audsynit, h[vat um] greindan [Jon] skal framm fara. Valet.

7. Sem þessi bref beraz i Rom firir Domicianum keisara, blæss ei seint hoggormr helvitis þat bolfaða briost meðr sva eitrblondnum þaðum ok brefum aftr i Asiam til proconsulem, at hann færi fíotraðan a skip fanginn Johannem framm til Romam undir þann orskurð, sem honum diktaz firir sinar frammferðir. Sva geriz, sem brefin frammkoma, at astvin Jesu Cristi er fanginn i

fiotrum út a skip, er gengr til Romam, fylgir honum sialfr proconsul með morgu liði. Sem þeir koma i Róm, ok Domiciano bannsettum verðr þat flutt firir orðsending proconsulis, at Johannes fangi krununnar er þa nalægr at þola dóm, vill keisarinn hvárn-
gan þeira sia ne heyra, utan helldr i bolfan sinni ok bræði bydr 5
hann proconsuli at leiða Johannem firir þat borgarport, er latina kallaz, afklæddan, hyddan ok afhærðan með fullri háðung, náverandi sialfri aulldungasveit rómverskri. Þar eftir stendr sva boðit, at eyrendreki várs drottins steytiz lifandi niðr i viðsmior vellanda. Þetta boð sva bolfat Domiciani frammkæmir proconsul, 10
sem var i hans fórðzi fremst ok sialfræði. En þat var herra Jesu Cristi hifnakongs (vili), er annan veg geck ut, en þeir Domicianus hugðu, þa er gofugligr guðs kappi sæll ok blezaðr Johannes for framm af ketlinum smürðr en hvergi brunninn. Hiti vellandi vinnr honum lof ok dyrð eilifa, sem váttar su kirkia, er stendr i Rom firir aðr 15
nefnt port latinam. En þo at drottinn allrar dyrðar rétti sina hægri hond til hifneskra stormerkia ifir sinum blezaðum frænda ok astrikum postola, sem biart berr vitni um i aðra grein messudagr sa, er kristnin helldr a várit eftir festum Sancte Crucis i sigrmark sancti Johannis, bræðiz ei því helldr harðýðgi bolfaðs 20
Domiciani keisara, helldr leggr hann nu astvin Jesu Cristi undir útleðarkvol til eyiar þeifar, er Pathmos heitir, at hann samreikniz þar þeim, er fordæmdir vóru undir griotvinnu nott ok dag. En þessa pinu sem aðra fyrr vændir drottinn hifneskr i sina dyrð ok sæmd Johannis, þviat greind eyiarvist vinnr guðs kristni þa 25
tign, er lifir til heims enda. Hann kom þar postoli guðs sonar. En nu auðgaz hann sva mikit i utlegðinni, at með postoligri tign verðr hann spamaðr i nyia testamento. Nyia testamentum býriaz af degi Johannis baptiste, en lyktaz með efzsta degi veralldar. Dyrð heilagra hinn haleiti Jesus birtir þat meðr þessum útlaga 30
sælum Johannes, sem signaðr Davið kongr syngr i sinni bok, at faðir hifneskr er leiðtogi rétvisra ei firirlatandi nockurn þeira, er honum vel þiona, helldr gleðiandi ok geymandi hvern því framarr, sem hann er meirr þurfandi. Virðuligr vin drottins blezaðr Johannes þiggr i Pathmos sva frumtignaða ástgiof a einn drottinsdag, 35
at sialfr skaparinn herra Jesus Cristus kallar hans andarsýn til himinrikiss dyrðar tíáandi hans hugskotz fegrð sina leynda hluti ok hin haleituztu stórmerki. Ifir þa andarsýn ok birting eilifliga blezaða semr sæll Johannes eina bók, er kallaz Apocalipsis. Su bók berr sva blezaðan faðm, sem skyrir meistari Joachim, at hun hondlar 40

sex heimsalldra, þat er at skilia veralldarstaða oll af degi Adam til enda. Sva mikil dýrð virðuligs Johannis birtiz i þeiri bók, sem sialfr skrifar hann heim i Asiam, at firir upploknað dyrr himinrikiss hafi hann skærliga greint hirðsveitir heilagra, hvat er
 5 ei þarf undran leiða, þótt sva biartr verðleikr sæi guðs valda menn, er framm gengu lífliga braut blezaðra guðs boðorða. En þat ma synaz frabært i greindri bok, at Johannes skildi þa figuru ok skrifaði, sem merkti hann sialfan, þat er aurn sa er stoð i lof-giordum hia sialfu guðdomsins hasæti. Ok hvat þyðir sva dasam-
 10 ligt takn utan einvalld hifnakongs, er alla hluti sérr nalæga, þo dagr veralldar se seinni með sinni framrás. Sannliga sýnir þessi arnar figura þa virðing, er guðs maðr sæll Johannes þiggr enn framleiðis, sem sagt mun verða; þviat astgiafir hifnakongs veitaz þessum manni meðr frumtignaðum rikdóm. Þvi er skrifanda þessu
 15 næst, hversu várr drottinn kallar hann heim af útlegð, þviat haleitr hirðir herra Jesus sérr, at kristnin i Asia þarf nu meirr en fyrrum, at sæll guðs maðr styði hana, sakir þess at þrir forrennarar Anticristi hafa hlaupiz i erfð hins krossfesta, sem vargar i sauða dún at fragripnum hirðinum. Fyrsti sa dauðasonrinn heitir
 20 Marcion, annarr Cherinthus, þriði Ebron með bannsettum kompanum, er liugandi fliuga meðr þat fals, at guðs son væri engi, aðr Maria mæð varð getandi. Þvi geriz guds sáudum hungrandi nauðsyn, at sa leiðiz heim, er lágia kann ok lemia sva bolfaða guðlastan. En með hverium hætti eða tildrætti guðs maðr vændir heim til Asiam,
 25 stendr sva skrifat.

8. Domicianus keisari ríkti fimtan aar, vann hann þat i efsta sinum argang at ofsækia signaðan Johannem bæði til elldz ok utlegðar. Þvi safnaz at honum illir hlutir sva gnógliga til elldzbruna helvitis, at hann likiz hinum verstum monnum tveimr,
 30 er heita Heródes Askalonita ok Nero, er drap guds astvini ok merkismenn Petrum ok Paulum. Þat eru fotspor Herodis, er Domicianus elskar hardla miok at hata ok hrinda i ymissan dauða allan þann ættlegg, er hann fann nakvæman i frændsemd vars græðara Jesu Cristi. Skal þeim su sok ríða til tions ok tapanar, at
 35 tigit kyn sva volldugs ok virðuligs kongs hefi engan þeira til veralldar rikis. Nerónem fágar Domicianus i guðrækum girndum ok taumalausum lifnaði. Her með svelltr hann i þeiri fiarágirnd, at innan sialfrar Rómam drap hann ok dreifði til utlegðar burðuga menn, at kongsgarðr mætti gleypa goðzin. Þvi æpir fordæming
 40 upp a hans bolfat líf með reiði guðs ok manna, sva at sialfr sena-

tus i Rom ríss upp i mót honum ok drepr hann i sinum glæpum. Do hann sva svivirðliga, sem hann lifði haðuliga. Her með er Romverium sva hatrligt allt hans lif, at þeir logtaka með villd ok valldi virduligs keisara, er nu var nytekinnt Nerfa at nafni, at allir hlutir i frammferð Domiciani skolu deya með honum, hvert 5 ríki valld eða sæmd sem hann hafði sérhverium veitt, nærr eða firr, skal allt i unytt falla. Hvat ok er hann hefir pint með rani ok rangindi, afarkost ok utlegðum, skal aftr skipaz sérhverium með fullri rettarbót sæmdar fiár ok frelsis. Eru boð ok bref gior með rennarum viðs vegar ut i ríkin, at sva geymiz hver grein, sem 10 nu var tíað. Heðan leiðir, at astvin lifanda guðs sæll ok signaðr postoli Johannes, nu spámaðr vorðinn, þiggr sitt frelsi ok heimferðarleyfi. En áðr hann lyfti sinni ferð til Asiam, lystir á at líta með stuttu mali, hversu frammkæmiz með sælum Johanne ritningarorð, at hverr madr er gudi því nalægri, sem hann meirr 15 þrongiz af þessum heimi. Þat sýnir eyiarvist guds vinar i Pathmos, sem sialfr hann vattar i upphafi sinnar bekr Aepochalipsis, at Jesus Cristus himinríkis kongr birtiz honum skryðdr ok skinandi með sva haleitri dyrð, at dældig nattura Johannis matti ei standaz, helldr fell hann framm til iardar sem daudr maðr, aðr græðari 20 várr sannr guð lagdi sina helguztu hond ífir hans hofut sva talandi: „Vik ifra þer allan ótta, ok set með lettri, hvat er þer birtiz i minu liosi.“ Her eftir at upploknum sialfum hifninum segir honum græðarinn Jesus: „Stig allt upp higat,“ segir hann. Nu sér vitr lesandi maðr, at þessar tvær frumtignir eru miok biartar, hond ok 25 heimboð hifnakongs. Her fylgir þat fleira i hifnasýn Johannis, at þa er einn guds engill hafði sýnt honum forkunnlig stormerki, ok sæll Johannes villdi frammfallinn þacka honum þar firir, talar sva engillinn: „Geym at þinni giorð, segir hann, sambræðr erum mið.“ Nu þo at allt iardlikt hafi lagan stétt hia hifneskum giofum þessa 30 Johannis, er til minnis leiðanda, hveria frægð ok astuð hann hafði miðil allra goðra manna, hvarfirir skrifuðu til hans einkannligir formenn kristninnar fogr bref bæði samharms ok hugganar. Hvar af vær vilium minnaz i flíotu máli þess letrs, er honum sendir einn guðs vin Dionisius at nafni bæði astrikr ok i andanum vel 35 skygn, hann talar sva: Ek lágr þíonn Dionisius heilsar þik, heilug sál, þvíat þu ert bæði sannr ok sæll guðs astvin, elskuligr ok girniligr, sætr, hreinn ok astsamliqr. Sva hefir min hugleiðing, at þér, virðuligr faðir, munit aftr vända eftir tíma rás i Asialand, ok skenkia enn sem fyrr morgum lyð lifanda vín af blezaðum brunni 40

hins goða Jesu meistara þins, drottins várs ok dyrðarkongs. Her með látum vær luta til virðingar völdum astvin drottins, at blezaðr herra nyvorðinn Nerfa keisari sendir sina villdarmenn honum i mót allt til eyiar Pathmos. Þessir bera guðs manni
 5 blíða kveðiu keisarans boðnir i alla mýkt ok þionkan, ferð ok fylgd landz ok lagar, allt heim i hofutborg Effesum. Blezaðr Johannes þackar meistara sinum herra Jesu alla þessa gleði, gíof ok guðligar veitzlur. Sva vændir hann signadr brott or Patmós með vegligu foruneyti heim i eiginskola Effesum. Þat setr heilug ritning, at
 10 vinr drottins kom heim til erchistolsins Effesum a þriðia dag iola með þeim fagnaði allrar guðs hiarðar, at langan veg ut af staðnum runnu fylkingar sem i guðs tilkvamu syngiandi hátt ok morgu sinni sama lof, sem veittiz varum lausnara a palmadag i siðurstu Jorsalareið, þat er Benedictus qui venit in nomine domini. Sva
 15 norrænast: Blezaðr er sa maðr er kemr i nafni drottins.

9. Heyrðum vær lofgiorðir, þær er Effesinus erchistoll veitti guðs manni signaðum Johanni i hans heimkvamu ok at verðugu, þviat rett sama dag synir hann sik vera þann blezaða mann, er kemr i drottins nafni, þa er lif ok dauði þionar hans bæn tvefalliga
 20 meðr vars herra villd ok boði. Meistari Miletus váttar þat sama satt vera, sem i dagh stendr skrifat bæði i songbokum ok fornum kveðskap, at i greindri processione hafi signaðr Johannes reist af dauða husfru Drusianam ok setit samdægris ifir hennar bord i góðum fagnaði andligrar miskunnar. Varð þat þvi frægara verk,
 25 sem fleiri voru váttar, ok þvi mátti heyrar mikill hliómr margmennis þann dag út um þriar stundir, at sa einn er sannr guðdrottinn, sem virðuligr Johannes postoli predikar. Sva segir ágætr herra Alexandrinus erchibyskup Clemens at nafni, at bratt sem signaðr Johannes var heim kominn, visiterar hann þa kristni, sem
 30 fyrr aflaði hann sinum guði, með postoligri roksemd ok heilagri predikan, þviat nu sérr biatrar ok blezaðr hirðir sinna sauða, hver kirkiunnar nauðsyn krefr ok kallar framarr en fyrr. Einkannliga verðr hann beðinn, at firir sina ifirreið muni hann upp ræta þat eitrat illgresi, sem fyrr nefndir forrenuarar Anticristi hófðu
 35 helvitzkir varpat i heilagt hveitiffúr kirkiunnar. Ok áðr guðs maðr hræriz i veg, vilium ver setia einn ævintyr i skilning þar um, meðr hvilikum hugarkrafti hann myndi niðra villunni. Policarpus het einn af lærisveinum Johannis postola, er siðar varð Smirnensis byskup. Hann vattar i sinu letri, at uvinrinn Cherinthus villumaðr
 40 var sva udæmis diarfr, at hann flyði eigi Effesum, þott sialfr Jo-

hannes sæti innan staðar, sem i því lysiz, sem her fylgir til vættis. Lásur ver fyrr, hvert varkyndar kyn sæll Johannes veitti kristninni, þa er hann lek með hananum forðum. En nu i aðra grein skrifar Policarpus byskup fyrr nefndr, at meistari hans postoli guðs vandiz a vísunum tímum at taka dagbað til þess at þva sik. Þvi gengr sva til frásagnar um dag, sem guðs madr er i badferð ok kemr innfarandi i stofuna, sér hann at uvoru vándan villupion Cherinthum inni firir i baðinu. Hvarfirir várs drottins vin er i seinlæti með engum hætti hondlaðr, helldr sva flíotr út af husinu, sem vandlætið bar hann braðazt, með sva felldum orðum: „Brott heðan, 10 segir hann, at guðs reiði grípi oss eigi með braðan slag firir nockura samveru Cherinthi villumannz.“

10. Greindr æfintyr skal standa firir fulla skyring, hversu sterklíga virðuligr Johannes eyddi villureykium bolfaðra orma brott af kristni Asiana með sætum sunnanvindi heilags anda, er honum 15 fylgdi ok frammkæmdi til allra goðra hluta. En hvern mun skyrtr fa þa birti ok blezaða nytsemd alla samt, er hann vann kristnum dominum i þessarri visiteran, hversu hann hirti logbrotn en læknaði mannkostinn, dro fra lýti en leiddi a lífsgotu, efldi almenníngstru, en lægði stygðir, formeraði sannan frið, en lærði ufróðan, 20 reisti kirkíur eða pryddi reistar, með þessum ok oðrum privilegíjs, ok hvat hans tign með trausti hífnakongs vann i ser greindu upphelldi ok endrbæting guðs rettar, ma sa einn virða, er alla hluti gefr vel skília, hversu foðurlíga milldi ok miukan lófa hann blezaðr felldi til i hverium stad at draga dauðamyrkr fra augum 25 andarinnar ok leiða til líos eilífrar guðs miskunnar, sem skilríkr vattr mun enn syna framarr flestum dæmum, aðr uti er frásognin. En nu þessu næst er a litanda miðil annarra lofgíorða virðulígs herra Jóhannis, hversu með predíkanarembætti hann hefir framm gengit i styrktarkrafti heilags anda ulíkr hverium dauðlígum 30 manni; þvíat allt af tímum drottínlígrar píníngar, upprísu ok uppstíngíngar allt i andalykt Domicíani, predícaði hann guðs orð án ollu letri ok bokafulltíngi, eigi minnr en um sextígi ára ok fímm, allt þar til hann var i útlegð rekínn. En þar sem nu er malí komít, ma val ínn leiða þa rítíng, at morgu síníni sækí sama 35 mót goðr víli græðarans ok íllvíli mannz, sem framaz ífir oll dæmí birtíz i pínu lausnara vars. Synt er, at ofundín ebréska negldi hans hendr ok fætr upp a krossínn, en su sama krossfestíng með guðlígum astarhug til sínínnar skípnú gaf ollum trulýndum eilífa samkundu.

11. Líkt dæmi, sem nu var inn leitt af vars drottins pinu,
 ma rettliga dreifa heðan framm til kristninnar í Asia með þessarri
 glosu. Þar hlupu inn limir fiandans í formannzlausu kristnina,
 er með sinu falsi settu stundligt upphaf eilífum guðs syni. En
 5 í mot þessu myrkri bar drottinn lífandi sva fagrt líos af hífni, at
 ei kann dimmaz framm til doms. Ok nu til framkæmdar, hvat í
 þessum tímum hafa gera formenn kirkiunnar, utan hugleiða tva
 hluti mislíka, þat er grand er geck af munni guðs uvina, sem
 fyrr var tíað, en í aðra grein geislandi birti ok bokargiorð gofug-
 10 ligs Jóhannis af hífnasyn í Pathmós. Hedan gefr þeim háfan
 skilning hinn heilagi andi, at sami lífs verðleíkr guði sva nakvæmr
 laðar sætliga uvordna framtign til umliðinnar. Sva efliz þetta mal
 í disponeran hífnakongs, at fremstr Effesinus erchibyskup, þar með
 lydbyskupar sama ríkis, ok enn her til sendibref ok miukar bænir
 15 af ymisum halfum, at guðs astvin sæll Jóhannes geri sermonem
 moti þessarri villu, er fyrr greindiz, at hann auðsyni varn herra Jesum
 Cristum sameilífan guði fedr í haleitum guðdomi æ ríkianda, sva
 at þessi hans komponéran samsettri í lof ok dyrð sialfrar dyrðar
 guddomsins verndi kristnina ok varðveiti sterklíga í truar sannleik,
 20 hverr váði eða villa sem inn kann koma í siðarrum tímum henni
 til striðs ok unáða. Her meðr tíáz sælum Jóhanni þriu verk
 þriggia guðspíallamanna Matheí, Marci ok Luce. Segia byskupar,
 at í þessum þremr virdiz þeim gnóglíga skrifat af manndomi várs
 drottins ok af þeim hlutum, er hann vann firir mann, en hífneskr
 25 guðdomr hans sýniz þeim minnr með lofgiorðum bodaðr, en krefr
 nauðsyn ok nytsemd kristninnar. En þo at bænarstaðr þessi væri
 virðuligr ok storum nyt-samligr, er guðs madr Jóhannes eigi flíotr
 í iattyrdi, þvíat hans haleit vitra sérr gíorr en aðrir, hversu verkit
 var hátt ok hífneskt. Firir þa grein aðra var hann seinn, at þat var
 30 sem lundlagt vars drottins postolum, at elska meirr hugarkraft en
 letrgíorðir, þvíat bokin var su einkanlíga biort, er þeir blezaðir
 baru framm til synis í sinu lífi. Her ma til greínar leiða signaðan
 Paulum postola, er kominn or skola paradisi sialfrar leifði eigi
 meiri bokagíorð kristninni en nockut compendium sinna sendibréfa.
 35 Honum líktuz aðrir af skola vars herra. Ok ei því siðr kemr þar
 máli með guðs vilia, at signaðr Jóhannes gefr sik eftirlátan flut-
 ningi lærðra manna, ok með þeirri atferð í augliti guðs, sem bazt
 mátti honum sama, at hann segiz þetta verk a engan veg annan
 upp byria, utan firir renni bæði vokur ok bindendi, at guðs milldi
 40 se honum samvinnandi. Sem þetta hefir allt iattað andlíg gleði

til frammkvæmdar, hefir guðs maðr þat upphaf, at letr þriggia guðspiallamanna tekr hann undir athygli, ok finnz honom sva til, at allra þeira verk eru lofig með liosi sannleiksins. Ok iamfram sérr hann, at umrás þeira er einkannliga flíot i fyrstum verkum græðara várs, sem hann byriaði predikan lífsins, þviat þann argang 5 er sæll baptista Johannes var innkastaðr eða halshogginn, sýnaz þeir setia upphaf sinnar letrgjörðar.

12. Allri heimskringlu, er firir font ok heilaga tru lifir ok leitar eilífðar krunu, er kunnigt vordit, hversu biartr Johannes guðs maðr hof sitt helgazta ewangelium in theologia, þa er sagði 10 hann: In principio erat verbum. Af þessu ritningarupphafi sva háfu ok hifnesku feck hann at verðugu þat tignarnafn beði með Grecis ok Latinis at heita theologus, þviat þessi einn af fiorum ewangelistis hóf i sialfum hifninum sinn framburð. Hann skildi þria guðspiallamenn hafa biart boðat holldligan higatburd vars 15 herra, ok þvi vikr hann fra iorðu til hifnarikis gnogliga gæddr ok dryckiaðr i miskunnargleði heilags anda. Sva mikit efni gefr Augustinus Ypponiensis upp i sæmd hins signaða Johannis, at hann hefði þvilíkt upprásar lios a engan veg odlaz utan uppnuminn ifir oll englafylki, sem utallig lof annarra heilagra feðra ollum mecum 20 til þiona ok þionandi lúta. Sva til orðz at taka, sem eftir stund liðna vændir heilagr Johannes til iarðrikis, ok tekr til letrs þann árgang, er firir rann innsetning Johannis baptiste, ok þvi skrifar einn Johannes várr blezaðr sogumaðr ok sæll af bruðkaupum in Chana Galilee. Her ma nu líta moðuna fiorðu paradisi með lifligri 25 dogg til eflingar ok avaxtar allri guds kristni, her birtiz fagrt miðdegi, þa er solin skinn i hæsta hioli, þa er hifneska dyrð vars drottins pryðiz ordum Johannis. Her ma kennaz hunangligr^r ilmr harðla ynniligr til briostz ok bergingar iorðneskri(!) kristni, þa er sætleikr sialfra englanna ilmar af munni Johannis a vorr ok hiarta 30 valdra manna. Her ma sia annan leonem hia velldissæti udauðlgs Salomonis. Hvat hlioðar her unefndr leo utan Ave Maria? Hvat rómar várr leo nema verbum caro? Her er nu þat arnar form, er fyrr greindiz i hifnasýn virðulgs Johannis, þviat sa fugl beinir hærra flug en nockurr annarr. Þvi stendr hann vel i glósu Johannis, 35 er i upplitningarhæð eilifrar dyrdar bar sik nálægara sialfri sól guðdomsins en nockurr hofutfaðir eða heilagr maðr, er upplypti andligt auga til hifneskra hluta. See, hvern ávoxt hefir privilegium sæls Johannis. Lit æ, hvat aflar hans meydomr ok skirlífi. Se,

1 hugnangligr C'd.

hvat hann drack af briostfostum brunni hins blezaða Jesu i siðarsta snædingi. Sæl er su elli, er þvilika erfð leifði kristninni, blezut er su sála, er græðarans orðfelli hiełlt i minni sva vakrliga ut um sextigi ára, at engi folnan fell æ, helldr oll merkiligri ok skýrri
 5 en dauðleikr mannz megi virða. Þvi stendr ewangelium Johannis siðarr en onnur þriu a hverri bok, at þat giorðiz siðarst i framm-rás timanna, sem nu var greint. Blezat ok biart var þessa mannz lif, sem avoxtr vattar, þviat um alla sina daga liktiz hann æztum guðs astvinum. Litillæti loffigt, er grundvollr kallaz ok lim allra
 10 mannkosta, helłt hann ubrigðiligt með eftirdæmi virðuligs herra David kongs. Hlyðni guðs boðorða með sælum Abrahe hofutfoður en þolinmæði með dyrðligum Jóþ spamanni hafði þessi guðs elskari. Þvi var honum eftir ordum sæls Gregorii pafa skepna guðs almáttigs eftirlát ok hlyðin, at hann gaf sik fyrr sialfan undir
 15 sanna guðs hlyðni með ond ok likam, hvat skinn liosi biartara i þessum miraculis.

13. Bræðr tveir fullrikir menn i Effeso villdu heimi hafna. En hver þar er regla til, var þeim ukunnikt, þviat i raðagiorð leiða þeir eigi Johannem postola, helldr heiðinn speking, er Craton
 20 het. Gefr hann tillogu samlika sinni tru, at þeir umvænda godzin i dyrustu gimsteina ok briota með hegomadyrð þa somu sundr i onytt a fiolmennu torgi. En hversu herra Joni theologo likar þessi heims hafnan, þann tið hann kemr framm a motið, tekr heiðinn Craton rett a sinar berar brynn með makligri ávitan, hversu hann
 25 heimskaði bæði sik ok adra, þar til at spekingr byðr þann veg at lúta Jesu hinum krossfesta með tru retta, ef Johannes i hans nafni endrbætir brotna gimsteina. Ok þann utveg tekr giarna hialpari salnanna, þviat at bæn giorri eru gimsteinar heilir, en Craton skirðr með allan sinn skara. Af þessu dyrdarverki syngr
 30 sva sælum Johanni heilug kirkia: Cratonem philosophum traxit ab ydolatRIA de stulto mundi contemptu ad virtutum studia.

14. Enn er lesit ab(!) öðrum tveim bræðrum, er lofliga með rauksemd sæls Johannis dreifðu sin goðz til guds lima, nu fatakir i fylgd ok visitéran sins andligs foður, aðr fiandlig aur helvitzkrar
 35 ofundar grefr þeira briost i borg Pergamo, sem þeir sia i veralldar mekt sina fyrri þionostumenn, hvat ei færre leynz firir sælum Johanne. Þvi tekr hann orðum þeira vesolld, ok færre eigi bata wnnit sva griotligum hiortum, sem uvinrinn hafði smogit. Ok sakir þess at nu rikir enn heimrinn með þeim, byðr þeim guðs
 40 maðr bera til sin fiorugriot ok skogarhris, hvat hann hvartveggia

i guðs nafni umvændir, snýr vond i valit gull, en griot i gimsteina, at sálugir bræðr taki þetta firir andlig auðæfi, ef þeim syniz kiorligt; ok þeir herfangnir voru bunir at hlaupa fram a foraðit, áðr milldr guð firir meðalgongu sæls Johannis litr þa með sva 5 dyrðligum hætti, at maðr af dauða reistr firir astúð ynniligs Johannis, Stacteus eignarnafni, boðar þeim or oðrum heimi sina glatan eilifa, nema þeir heyri ok hlýði voldum guðs vin, er þeim kennir lifs gotu. Meðr þessum hætti ok arnan herra Johannis vända þeir af villistig til sannrar idranar ok endrgialldz lifanda guði. Ifir þessarri hlyðni skepnunnar, er her veittiz sælum Jo- 10 hanni, syngir sva kirkia: Saxa gemmas, aurum virgas sua per imperia mutavit et reformavit in naturam propriam.

15. Sagt var fyrr i þessu mali, hversu i storlondum hafði heiðinn domr háfa rót með grimmd ok guðrækri villu, þott predikarar sannleiksins drægi margan af valldi Pharaonis. Ok þat sama 15 profar sæll Johannes ewangelista a sialfum ser. Sva lengi sem hann hafði adr predicat i Asia, þa er hann nu ei því siðr sem herfanginn ok dreginn af heiðingium framm til hofs hofutgyðiu þeirar, er Diana kallaz. Her skal postolinn kúgaz undir dauðakvol til hnefallz ok fornar Diane. En hann dvelr fornfæring, byðr 20 helldr heiðingium með hogværð, at hvarir profi sinn guð; gerir þeim kost at kalla sina Dianam ifir musteri sins herra Jesu ok fella þat, ef þeir mega, til grundvallar. En ef þeir fordiarfaz, segiz hann munu profa, hversu herbergi dimmrar Diane bregðr vid blezat nafn Jesu Cristi. Ok því samþyktu af ollum muginum, at Jon 25 skal fyrr profa sitt akall, biðr hann þa sem sina vini, at þeir rymi út af hofinu. Var su bæn guði viliug, þvíat ei seinna en Johannes gerir enda sins akallz til vars herra, hrynr sva hofit niðr sem i einn léttan dupta iardarinnar firir sterkum stormi. Þetta dyrdarverk efir sva haleitliga vars drottins hönd, at sama dag snuaz 30 til retrrar truar fimm þushundrat folks. Fagnar þa guðs ástvin miklum saluafli. Ok þo stendr eftir hundheiðinn hofutbyskup Effesiborgar, er Aristodimus hét, ok með honum iarlinn af keisarans halfu, þvíat kristni guðs kendi þess, at lofligr Nerva nefndr forðum vard ei langlifr. Reiðiz nu Aristodimus byskup sva forliga 35 firir hofsbrotið moti sælum Johanni, at nu er allt til arasar buit, sem herhlaup se innan staðar. Gofugligr Johannes likiz þa sem oftarr sælum Job i þolinmæði, rennandi framm i mot rasanda byskupi sva talandi: „Hvat mun ek þess giort fá, Aristodime, at þer hægiz um hiarta, þvíat nu sé ek þik miok reiðan.“ Byskup 40

svaraði: „Til friðgiorðar midil ockar liggr engi annarr vegr, en þu dreckir eitr dauðlikt, ok halld heilu lifi i nafni meistara þins Jesu.“ Signaðr Johannes iattar þegar sva harðstinnum heiðingians utveg. Byskup segir þa: „Fyrr skalt þu sia þinum augum, hvat
5 þeir taka, er eitrið drecka.“ Biðr ut siðan af iarlinum tva for-
dæmda menn undir eitrdryckinn, er án dvol deyia baðir. Ok þo stendr astvin drottins uhrærðr i sinu iattyði, takandi bikar byrl-
aðan með eitrið sialft ut af byskups hendi ok dreckr með sigr-
marki heilags kross af i einu, stendr siðan biartr ok ubrugðinn um
10 sva margar dagstundir, þar til mikill rómr með samri rodd ríss
upp i muginum, at einn er sannr guðdrottinn blezadr, sa er Jo-
hannes predicar. En þo at Aristodimus byskup heyri margan
eitt ok hit sama hliða, vill hann eigi því helldr at bordi ganga,
utan krefr nu i endaliga truar efling, at herra Johannes reisi þa
15 til lifs, er þar lagu dauðir. Sæll guds maðr svarar: „Gack til
sialfr þessa verks, tak mottulinn af herdum mer, ok legg ifir likam-
ina.“ An dvol, sem byskup hefir fyllt postolans bod, endrlifna
þeir hardla gladir, er adr voru eitrdrepnir. Þarf nu eigi langt um,
at firir þessi tvo frægdarverk virðuligs Johannis frialsaðiz allr
20 lydr Effesinus af myrkrum Egiptalandz, þat ær at skilia af villu
fiandans, sva at herra Jon leiddi þa lifs gotu um rauða haf a firir-
heitziord, þat er skirnarport til himinrikis. Logdu siðan þessir
tveir menn, byskup ok iarlinn, sva mikla ast til herra Johannem,
at þeir elfdu þat agæta musteri honum til lofs, er tima siðarr
25 laðaði guds elskara framm i heimboð ok samkundu hifnakongs.
En nu heðan skal vikia frasogn til þeirar milldi ok eftirsoknar, er
þessi gofuligr guðs riddari sæll Johannes veitir einum hlaupingia,
er rann or herbuðum hifnakongs framm a forat ok villistíga, þviat
sva felld eftirdæmi ma einkannligan ilm kristinna manna hiortum
30 inn bera, at elska sva haleitan miskunnar foður, þa er heyritz, hversu
hann dregr villtan vesling af kvolum ok kverkum helvitis, leiðandi
aftr i faðm ok fagnat heilagrar guðs kristni.

16. Clemens erchibyskup Alexandrinus fyrr nefndr váttar, at
i visiteran sinni kemr sæll Johannes i borg einhveria at miklum
35 hatidisdegi. Sækir þagat fiolmenni bæði sakir dags ok at sæma
signadan guds mann. Ok i sva mikilli fiold sér Johannes einn
ungan mann sva vænan i nattuugiofum likamans, at honum finnz
til bædi mikit at þacka gudi ok harma iamframm, þviat hann
skilr firir heilagan anda, at hiartat var ulikt likamsformi fogru, er
40 hann bar firir utan. Hedan leiðir þau biortu miskunnarord, er

hann vikr at byskupinum, er litlu vigð[i hann til so]mu dom-
kirkiu: „Undir guðs vitni ok heilagrar kirkiu, er þer styrit, felum
ver yör a hendi þann unga mann, at þer geymit hann i lifs veg
ok gialldit oss hann með andar avexti, sem ver komum her næst
með guds vilia.“ Oftar en um sinn repeterar herra Johannes 5
þessor ord, aðr hann riðr af garði. Þvi hlydir byskupinn giarna
takandi þann væna mann með bliðu ok bestzta(!) kosti sinnar olværdar.
Ok sem hann skilr at unga manni likar val, leitar hann eftir hog-
liga um tru ok siðferdi mannzins, ok profaz sva til, at trufesti
finnz eigi með honum. Byskup telr þa firir honum tru kristinna 10
manna, þar til hann samþyckir heilagri skirn ok iattar guðs boð-
orðum. Ok er hann hefir numit fræði sin með góðum siðum, sem
syniz, linar byskup athalldztaum til um nockurn mun, at hann
hafi frialsan gang a garðinum, þviat hann treystir i stormerki
skirnarinnar, at boðorð vars herra muni eigi i klungr kastaz hafa. 15
En þat mál profaz minnr val en hann hugði, þviat eigi seinna
en ungi maðr finnr, at vardhalldit rymiz, leggr hann klokskap i
mót, at eigi skal hann fliott kippa beislinu en hafa þo sitt mal,
áðr lykr. Ferr þvi fram eftir tima, at hann legz i kað ok nátt-
dryckiur með suck ok saurlifi, sem lifit beiðir, en fleira illt þvi 20
næst i nattstuldum með sinum iafnaulldrum, nu vorðinn stórr ok
sterkr maðr ok hlaðinn atgiorfi, þo at hann neytti h[eimsklig]a
ser veittra giafa. Þviat þessu næst geriz hann sem hestr eða
mull með gapanda gin, sva at hvergi ma nærr honum koma, drecktr
um sidir i orvæntis forat, grimmr ok graðugr i bloð ok bana kristinna 25
manna, sva at til rans ok guðs reiðisverka hleypz hann brott af
byskupsgarði út i fiall fiarri bygðum með sinum bolfaðum bræðrum,
þiofum ok manndraparum, nu vorðinn þeira meistari til allzkyndis
glepa, sem fyrr voru hans leiðtogar til smærri hluta. Nu er greint,
hvert umboð byskup hefir framit eftir orðum ok ástrikum vilia Jo- 30
hannis. Liða nu timar, þar til guðs maðr Johannes visiterar
kristnina. Ok er hann nalægiz þessa borg, ma enn val sva segia,
at allr lyðr fagnar i hans kvamu, þviat foðurlig astuð með honum
ubrigðilig bar ollum likn ok lækidom i hverskyns nauðsynium.
Leiðiz vars herra vin með hatiðligri processione af byskupinum i 35
borgina. Ok sem herra Johannes hefir skipat þeim kirkiunnar
eyrendum, er þagat lutu eða lagiz hofðu, sérr hann til byskupsins
hia ser ok segir sva: „Timi er nalægr, at þer fram leiðit þat sama,
er guð ok ver þer i valld gáfum næstu várri visiteran.“ En by-
skupinn er sva einkannliga fraleiddr sialfum ser, at ei fær hann 40

hann endrminnz, hvar þessi postolans ord heima eiga. Ok því flýgr hugsan til hiartans, þóat eigi væri fogr, hvart fjarheimtu
 5 nockura muni herra Jon inn leiða. En hardla brátt varpar þeiri hugleiðing ifra honum, þvíat ollum lyð var kunnigt með eiginni
 raun, hvar agirni oll herra Johannis var i komin, þat er at afla
 salir sem flestar guði til hægri handar at efsta domi. Her eftir
 þagnar byskupinn, aðr herra Jon talar sva: „Sál brodurins með
 andar avexti ydr a hendi fóligna, en eigi tærípena krefum ver,
 at þer sýnit oss.“ Byskupinn svarar þa gratandi: „Ho, ho, herra
 10 minn sæti, hann er longu dauðr.“ Meðr hveriu kyni giorðiz hans liflat,
 segir guðs maðr. Byskupinn segir: „Guði lifanda er hann longu dauðr,
 sa utileguvargr rans ok manndrapa er grimaztr ma finnaz miðil manna.“
 En er guðs maðr heyrir sva hormuligt orð, angraz hans lif meðr grátligri sút, ok talar sva: „Ek þóttiz
 15 hafa format lifs gotu mannum undir yðra hond; en nu dugir engan veg,
 at sva standi.“ An dvol býðr vin drottins, at skiotr ok leidsogn se
 til reiðu framm til fiallzins, er ránsmenn hallða með sinum glæpum.
 I stað hefir hann sik a hest sva fljótr ok fær sem uminnigr mikils alldrs.
 Sva vill herra Clemens segia, at þessi guðs riddari hafdi eigi meira fylgi
 20 til motz við sva margt ok mikit illmenni en einn leiddoga framm i veg,
 ok því sva, at allt hans traust var með einum gudi.

17. Nu sem herra Johannes kemr i fiallit framm, er uti vakr vorðr
 spellvirkia a hveriu gatnamóti, ok því er Johannes þegar
 25 umkringdr af sonum ranglætis ok naliga fanginn af hestinum. Hann blezaðr
 talar þa: „Hvat uskylldugt áfáng geri þer? með ydr á ek ecki eyrendi,
 utan kallit mer formann ydvarn, til hans er ek sendr.“ Ok án dvol
 með þess valld, er skepnan hlydir, gera vándir þetta sendiboð.
 Ok sem látro heyrir þa, rís hann hart ok
 30 herklæðiz til handa ok fota, sem i stríd skili(!) hann ganga. En sva
 framt sem hann berr nidr i nalægd með riddara þenna, er kominn var,
 kennir hann þegar guðs mann, ok bregðr sva við, sem eigi var vani
 dagligr godra manna, at meðr flugskiotum flotta tekr hann a rás,
 sem fætr mattu mest skrefa. Astvin drottins slær þa
 35 til rásar hestinn, sem framast eru fong á, ok kallar með þessu ordfelli:
 „Son minn, son minn, hvi flýr þu ok firriz fodur þinn? hvi rennr
 þu herfærr ok heill undan mer olldruðum manni ok vapnlausum?“
 Sem þeir hafa reýnt skeið eda tvo, dregr hart saman, þvíat hestr var
 40 fimir, en flottamaðr feitr ok herklæddr, hvarfirir eyrendreki drottins
 semr ser onnur ord enn sætari: „Son minn

sæti, ottaz eigi, þviat enn hefir þu lífs ván. Sé, son minn, ek mun gjalda guði minum skynsemd fyrir þína sál; ok ef drottinn minn vill þat krefja, skal ek feginn líkamsdauða þola fyrir þik, sva sem drottinn þoldi fyrir vára sok, ok mína sal mun ek gefa fyrir þitt líf. Þvi veit mér bæn mína, at þu gefir stað, tru mér, at drottinn sendi mik.“ Meðr þessi síðuztu orð stendr spellvirkinn sem herfanginn varpandi framm a vollinn sverðinu ok sérhverium herfórum, sva at berr með einum kyrtli stendr hann, er guðs maðr kemr til. Ok íafnbrátt sem herra Johannes ste niðr af hestinum, fellr latro framm a vollinn fyrir fætr honum með þeim grát ok andvorpum, at vel mátti hann skiraz í annat sinn með miskunn ok ablæstri heilags anda. En hverr mun greint fá gleði guðligr þaklætiss, er fyllði briost hins signaða Jóhannis, sem hann lítr síukan sáudinn flaktan með sárum grata sína glæpi með ángr ok tárur. En er guðs maðr sitr ífir honum gratanda, sérr hann með sinni vitzku, at maðrinn þinir einkanlaga af þeiri sekt, er hondin hægri hefir vnnit með ran ok banord saklausra, þviat þenna lím felr hann ok firrir guðs vinar augum, sem mest fær hann. Lofsamligr læknir sálnanna þolir þetta með engum hætti, nema helldr fellr framm a iorðina íafnsitt latrone, takandi með afli astríkis þa somu sektarhond undir koss ok þann kærleik, at þann sama lím segir hann nu þegar vorðinn biartan ok blezaðan fyrir tar ok tiguliga idran. Sva mikla milldi fremr drottinn eilífrar dyrdar í þessu mali, at gofugligr hirðir herra Johannes leiðir þenna mann aftr í faðm ok fagnat heilagrar guðs kristni, stendr í bæn, bindendi ok iðran dag ok nátt með honum, þar til at endrgolldinn guði gefr hann sælan son a briost biartri moður sinni.

18. Lasum ver um tíma líf ok skínandi iartegnir tiguligr herra Jóhannis ewangeliste, ok mun þer synaz sem skilríkir váttar se frammleiddir fyrir asíanu kristni guðs, hversu dýrmætan skola hann oðlaðiz forðum heima í Jorsalalandi. Ok þótt ver settim hans skóla nafni einfallda tolu, ma hann rettlígar kallaz fimmgreindr í rettri roksemd ok heilagri glósu. Frumtignaðr var sa skoli, er hann þæ ífir blezað briost sialfum guds syni, þviat þessum líkiz engi dauðligr maðr utan ein modir drottins, þa er hon bar hann ser í kviði. Annan skola hafði herra Johannes sameiginn oðrum postolum undir læring ok meistaraðómi lausnara vars Jesu Cristi fyrir pinsl ok eftir upprisudýrð hans fram til uppstigningar. En síðan sat blezaðr þann skola, sem æztr var allra ok guði næstr ífir allt iarðríki, sa var undir læring lysandi guðs modur

af þeim stormerkium, sem hun ein en eingi daudligr maðr a iorðu
matti vita sem liosaz vitni, boðan Gabrielis i luktu herbergi. En
þótt heilug ritning seti þenna signaðan firirnockura grein sameiginn
skola ollum guðs postolum at heyra kenning ukunnra stormerkia
5 af blezuðum vorrum virduligrar Marie drotningar, helldr þo allteins
drottins umboðsmaðr ok valdr vikarius heilagr Johannes ifirbær-
iliga tign i ollum heimolleik með haleitri drotning himins ok iarðar
i kenningum, þionkan ok fylgd, sem krunaðr kongr hifnarikis varr
herra Jesus Cristus skipaði a krossinum miðil annarra greina, er
10 skrifadar standa i hans táknssamligu testamento. Ok at elskulig
frændsemd sancte Marie drottning skini þvi framarr i dyrðarlof heilags
Johannis, vilium ver setia .ij. letr, er at lúta sva felldu efni.

Ignatius het maðr i Jorsalalandi, at kenningarnafni neophitus,
þat er rettskilt sa maðr, er nýrr eða ungr ma kallaz i guðdrottins
15 tru, þviat sæll Johannes hafði firir litlu lært hans fylgd ok sialfan
hann til truar vars herra Jesu Cristi. Þessi maðr Ignatius, er ver
nefndum, var sva tigginn firir meðalgaungu andaligs fedrs sins Jo-
hannis postola, at virdulig drottning Maria kendi hann vel giorla.
Heðan leidir þat efni, at sagðr Ignatius skrifar eitt litið sendibref
20 með sinni salu nauðsyn til várrar fru, hvat er sva norrenaz.

Yðr kærri Kristz moður Maria talar sva sannr vin Ignatius.
Sem yðrum völdum stétt er val kunnigt firir tilæskingarson yðvarn
Johannem postola, er ek einn neophitus vorðinn með hans kenning-
um. En þott frændi þinn ok ynniligr geymari skeinkti mer ok minum
25 kompanum neophitis fogr firirheit meðr miskunn ser veittri, gaf
hann mer veg yðr at sækia til styrks ok hugganar, ok þat er
heyriligt, min fru, at lærisveinn sonar yðvars styðiz með yðra
hond framm a lifs veg. Ek iattar, at af þinum elskuligum Jesu
heyrði min ustyrkt sva stóra hluti, at mitt hiarta bar ei án ótta.
30 En þat er ollum kunnigt, hvern heimolleik ok samvitand leyndra
hluta þer höfðut með Jesu, at þat geck framarr ollum gíofum ok
frumtignum annarra manna, ok þvi gírniz ek með ollum hug at þiggia
milldi ok miuka lækning yðvars signaða modernis. Miskunn guðs
virdulig rikir með yðr. Undir þa somu gefz ek sem kriupandi
35 meðr bræðrum minum, at ver allir samt eflimz af þer, firir þik ok
með þer eilífiga. Amen.

Mot sva greindri littera neophiti ritar sæl ok signut jungfru
sancta Maria annat bref með þvi ordfelli, sem henni er kært vorðit ok
hana leiddi forðum til drotningardæmis ifir allri skepnu. Þat bref
40 er sva or latinu fært.

Samlærðum manni ok elskuligum Ignatio heilsar lág ok litil ambatt Jesu Cristi. Hvat er þin kristilig gódfyst nam ok heyrði af minum herra Jesu firir Johannem minn elskuligan, er allt logleitt, rett ok roksamligt. Legg allar samt þær greinir undir ubeygðan godvilia þins hiarta með ilmanda ávexti goðra verka.⁵ Hallt með styrktaranda firirheit þitt með teknum kristnum dómi, samtemprandi fogru firirheiti bæði lif ok siðferði. Koma mun ek með Joni minum at vitia þin ok bræðr þer lika. Upptendran með tru lofligri styrki þina lifsbraut, at þu stríðir karlmannliga ok óttiz enga ofsoknar dirfd guðs úvina. Hlífiz andi þinn gæddr i guðs¹⁰ miskunn, at hann fagni sæll ok signaðr i sinum hialpara um ver- alldir án ennda. Amen.

Nu sem bréf várrar fru berr sik til, er án efasemd halldanda firir hennar iattyrdi, at þau Johannes bædi samt hafa vitiað Ignatium. En hvárt honum gafz út þat sama symbolum, er herra Johannes¹⁵ componeradi með boði várrar fru, eða veittiz þat oðrum fyrr eða síðarr, hofum ver letrliga eigi fundit. Symbolum er truar form, ok byriar sva i latínu tungu: Unus deus pater verbi viventis. Er nu liosi biartara i þvilikum letrum, hversu ilmandi ástúð rikt . . hefir með hiortum várrar drottningar ok virðuligs Johannis, sem²⁰ enn síðarr nærr enda þessa mals mun getið verða. En nu eftir dvol Jorsalaríkis vikim aftr i Asiam til brefa herra Johannis, ok siaim með fáam orðum, hvat honum var kærast ut at tæra sinum andaligum sonum. Hvat finnz með kristninni sva iðuligt i pislum sæls Johannis sem elskan ufolsut til guðs ok mannz Þar af talar²⁵ hann sva eilíflega blezaðr i einum stað: Þvi bræðr minir, skrifar ek til yðvar, segir hann, at þer forðiz syndina. En ef nokkurr hefir misgiort, lifgiz hann sem flíotaz ok aftr vændi til sættar við guð, þviat tiguligan tulk hofum ver oðlaz með likri nátturu firir varum syndum, sa er græðari varr rettlatr Jesus Cristus liknin³⁰ sialf, eigi at eins ifir varum logbrotum helldr allrar heimsbygðar. Nu er synt oss þat virdingar kyn at kenna varn sannan skapara, ef ver girnumz þat, er hann vill at ver fremim, en þat er ein- kannliga kærleikr af hiarta til guðs ok manna. Guð er ástin, ok sa maðr er stadfestiz með ástinni, hann er með sialfum guði, ok³⁵ guð með honum. Heðan skýriz, at sa maðr er lyginn, er unna segiz gudi, en hann hefir at hatri brodur sinn samkristinn mann. Hversu ma þat geraz, at hann unni usyniligum gudi, ef hann hatar nanginn firir augum ser. Þat er vars drottins boðorð ok vili, at fylgiz ok fadmiz i sama hiarta tvífolld elska bæði guðs ok⁴⁰

kristinna manna. Nu sem heyrdiz lif herra Johannis, munt þu sanna, at þat kysti kærliga kenning munnsins, þat váttar spellvirkinn ok fíorir villtir bræðr, þat Craton philosophus, fíogur þushundrat ok byskup Aristodimus með allri kristni Asiana, ok sva tigið
 5 herbergi hafði elskan i hiarta Johannis allt fram i liffs enda, sem synir ritning með ævintýr.

19. Þa er signaðr ástvin drottins var sva mæddr með miklum alldri, at lærisveinar þurftu at styðia hans blezaðan likam i framgongu til dómkirkjunnar i Effeso, hellt stadarfólkit vakran vorð,
 10 nærr sa blezaðr þeira faðir var i veg buinn af sinu oratorio. Skipaz siðan lyðrinn i sundrgreinda flocka tva vega með strætinu, at hneigia, siá ok signan þiggia sva gofugligs herra, sem hverr ok einn hugdi sik helgaz af. Var sva nu komit, at ganga guds mannz mátti eigi lengi dveliaz gegnt hverri forsveitinni, ok því gefr hann ollum
 15 eitt ok sama fliott ok fagrt læringarorð, sva fellt: Diligite alterutrum, diligite alterutrum. Þat er norrænat: Elskiz ydvar i miðil. Nu með því at þetta geek sva titt hit sama, spyriá lærisveinar sælan Johannem: „Hvi syniz yðr, heilagr faðir, at tala sva opt hit sama?“ Hann svarar: „Synir, ef þetta er halldit,
 20 þa er allt i frið þegit.“

20. Heyrdum ver, hversu herra Johannes ewangelista veitti orliga astríkis auðæfi til beggia handa i sinum patriarchadómi, ok því stendr val, at meistari Petrus Damianus, er nefndiz i upphafi sogunnar, svari þessu capitulo, ok segi oss kristnum monnum, hvat
 25 vær erum honum skylldugir aftr i gegn. Hann tekr sva til ordz: Þat er auðsyn vær skyllða at elska þann af ollu megni, er sialfr græðarinn unni heitazt allra sinna postola ok næst sinni haleitri mæðr Marie. Sva ok í aðra grein erum ver kristnir menn honum hardla skylldbundnir firir þann frabáeran frialsleik, at thesaúr þann
 30 tigginn ok hifneskan, er einvalldzkongr allrar skepnu veitti honum i malagiof, tærði hann oss ok dreifdi um veralldar viðerni með stormerkisfullu hlutskifti. Hvat er þat i kroftum eda manndýrðum, at þessi guðs virktavin þarniz með frumtignadri sémð ifir aðra menn? Hann er postoli firir pislargiorð, ewangelista firir ewan-
 35 gelium, spámaðr nyia testamenti firir bok Aepochalipsin, piningarvattr drottins var hann ok virduligr, því haleitari, sem hann var lengr með guðs skipan luktr i likam með bindendi, vokum ok bænum langt ifir alldr ok tima serhverra guðs postola, þvíat þessi hifnakongs elskari leiddi sina lifdaga ut ifir ellifu keisara, er
 40 sva heita, Augustus, Tiberius, Gaius, Claudius, Nero, Galba, Otto,

Vespasianus, Titus, Domicianus, Nerva. Næstr eftir Nervam ríkti Traianus, hinn tólfti at tolu. A hans tímum geraz þau tíðendi austr í Asia, sem greinir meistari Hireneus, sva til orðz takandi: Eftir marga agætismenn frammiðna sitr einn valiðr maðr austr í Asia sem erfingi allra þeira, þessi er sa sem drottinn Jesus elskaði, bæði samt postoli ok guðspíallamaðr, Johannes eignarnafni, styrandi með mikilli roksemd þa kristni, sem í þeim halfum efdiz firir hans embætti ok biarta góðfýsi. Hans virðuligum verkum ok sætum setningum mega allir byskupar í Asia, prestar ok klerkar, vitni bera, er sá signaðan Johannem sva langlifan, at hann styrði sina kristni allt framm a tíma Traiani. Í öðrum stad segir enn sami meistari: Su kris(t)ni sem stendr er(!) í Asia, grundvalladiz firir virðuligan Paulum, en uppreistiz firir signaðan Johannem, er hana stiornadi allt a daga Traiani.

21. Þa er liðit var fra upphafi veralldar fimm þushundrat hundrat níu tígir ok níu árar, en fra hígatburð græðara vars Jesu Cristi hundrat tírætt, er sva liðit dogum drottins ástvinar, er ver hofum nefnt um tíma, at hífnaðkongr herra Jesus hefir disponerat at veita honum heimboð í eilífa samkundu, mæddum af milldri elli ok morgum sveita í guðs vingarði. Þvi minniz meistari allra valdra manna, hver orð hann valdi forðum þessum Johanni litlu eftir upprisu sina, sva talandi til virðuligs herra Petrum postola: Sva vil ek hann vera láta, þar til ek kemr, segir drottinn. Þessi orð lausnara vars eru sva skýrð, sem hann segði: Eigi mun ek senda engiligan eða hífneskan kraft móti Joni frænda minum, helldr mun ek rett firir sialfan mik laða hann til eilífra fagnaða. Nu eru tímar sva leiddir, at framkvæmd eflir fagnaðinn, þa er sialfr eilífðar kongr drottinn Jesus birtiz sinum elskuligum frænda Johanni meðr ilm ok unaðsemd elskuligrar ok hífneskrar bliðu fylgianda foruneyti postola sinna, sva talandi til Johannem með sætri rodd, frammarri en englarnir megi veita: Kæri minn, kom til mín, þviat tími er kominn, at þu gleðiz í minu faðmlagi með bræðrum þínum. En hverr megi boða fagnat Johannis í þessum dyrdarorðum drottins Jesu, ríss upp í stað ok ætlar til heimboðs. Græðarinn talar þa í annat sinn: Eftir fimm daga stendr upprisutíð mín, a hverri þu munt til mín koma. Liðr várr herra sva til hífna. Eru þessi græðarans orð með þeirri glósu, sem greinir su bok, er heitir Rationale Officiorum, at þessi upprisutið drottins var sa sunnudagr, er stendr octavo kalendas Julij. Þat bar saman í þessum argang, at a þann sunnudag stoð fæðingartið sæls Johannis baptiste, sem getið mun verða

enn i öðrum stað. Merkilíkt er guðs sonar verk, at kalla þann tíð aurninn háfleygan upp i himin haleittrar dyrðar, sem kallaz aundvegi arsins ok solin gengr hæst i krafti sinum.

Nu sem kemr firirheitin tíð, sækir guðs ástvin þat vegli(g)sta mustari Effesine borgar, er reistiz undir hans nafni fordum, sem greint var. Þann signaðan dag sinnar heimferðar syngr hann sialfr messu ok þionostar almennings fólk, bæði með guðs likam ok lífligri predikan. Ok nærri endalykt sins sæta sermonis víkr hann einkannligum astarorðum at sinum andaligum bornum sva
 10 segiandi: „Heyrit, bræðr minir ok samþrælar, hlutakarar ok sam-
 erfingiar i ríki guðs, geymit at vel ok kenniz með, hversu hiartaliga þer erut skylldbundnir at þacka sonnum guði firir þær ástgiafir ok iartegnir, er hann veitti yðr her til firir mik. Þvi standit ubrigdiliga i hans blezan ok bodordum. Vitið, minir sælu synir,
 15 at þessi aminning til ydvar mun min efsta her a iordu, þviat Jesus Cristus meistari minn virdiz at kalla mik brott af þessu lifi.“
 En með þessum orðum, er astvin guðs firir sagði sina framfor, er hagleiðanda, hver tar ok trega sa lydr myndi bera, er lif ok læring hafði þegit af þeim haleitazta fodur, er allr flaut i mildi ok miskunn
 20 með várkynd ok sampinu, hvat er hvern kunni standa til andar ok likama. Ok þott fagnanda væri helldr en gratanda af hans eilifdar krúnu, bar harmr hiortun ofraflí(!), sva at lækir taranna sloktu naliga lifanda lios i lampa truarinnar.

22. Nu medr þvi at drottinn heilagr andi hafði synt sinu
 25 herbergi allan hatt þessa stormerkis, bauð guðs maðr firir hatidina, at a hægra veg hins vegligsta alltari i hofutkirkiunni sialfri væri upptekit marmaragolfit, ok i þat sama uppbrot bauð hann geraz ferhyrnda grof, sva at allr iarðarduftinn var af mustarinu brott borinn. Er nu sva liðinn með hifneskri skipan dagstiminn, at i
 30 nefnda grof stigr niðr elskari vars herra lyptandi sínar hendr til hifnakongsins heyrnar sva segiandi: „Heyr þu, drottinn Jesu Criste! þackir geri ek þinni mildi, þviat þu virdiz mer at bida heim i fagnat þinnar eilifrar náveru, vitandi at ek fystiz með ollu hiarta þik at sia. Seé, drottinn minn, nu kemr ek boðinn til þinnar
 35 sællar samkundu. Ek sa asionu þína, minn blezaðr herra, ok varð ek þegar sva glaðr sem reistr til lifs fra dauða, ilmr þinn vakti með mer eilifar girndir þinnar asyndar. Þin rodd er hunangfliotandi, full með sætleiks dyrð, frabærilig engla natturu i hifneskri unaðsemd. Þu veitz, minn sæti herra, at ek bað þik morgu sinni,
 40 at ek myndi til þin koma. En biort elska þin svaradi mer, at

firir salunauðsyn þins lyds væri enn biðanda. Þackir geri ek þer eilífum gudi minum, þviat þu vardveittir minn likam hreinan fra allri spilling, ok lýstir iafnan mina ond, engan tima firirlatandi mitt lif, helldr gudliga gleðiandi sva i utlegð sem heima. Lof se þer sonnum gudi minum, þviat þu skipaðir blezat ord þins sannleiks 5 dyrðarfullz i munni minum, birtandi nalægum ok ukomnum tima þin stormerki firir mik þion þinn, þa er ek skrifaði þau verk, er ek sa, ok þau signut ord, er ek heyrði framfarandi af þinum mætazta munni. Nu vil ek þer a hendi fela, drottinn minn, alla þa sonu, er heilug kristni mær ok sonn moðir fæddi þer firir vatn ok endr- 10 gat firir heilagan anda. Nu, herra minn hifneskr, Jesu Criste, tak mik til þinnar dyrðar, at ek se með bræðrum minum, i hverra fylgd þu birtiz mer ok laðaðir með blezaðri þinni astúð. Luk upp þu, drottinn minn, lifs port firir mer, þviat nu knyrr ek. Gæt min, sæti herra minn, at myrkra grimd renni eigi mer i mót með 15 sinn drambsemisfót, helldr leiðiz ek með þinu fagnaðarfullu firirheiti til samkundu þinnar hifneskrar naveru, hvar fagna með þer allir vinir þinir án enda. Þu ert Cristus son guds lifanda, er með boði þins haleita foður hialpaðir heiminn veitandi oss heilagan anda, at vær skilldim sameigna læring framm flytia til þinna 20 biartra ok blezaðra boðorða, firir þann sama heilagan anda gerum ver þer þackir, lof ok dyrd eilífum gudi um uendaligar veralldir verallda.“ Medr þvilikri endalykt stendr gofuglig bæn hifnakongsins astvinar, ok þvi svarar gratandi lydr um alla kirkiuna með amen. En þvi næst birtiz þat fyrst af hifneskum drottins stor- 25 merkium, at ifir postolann skinn sva fagrt lios, at engi dauðligr maðr mátti bera. Ok sem su hifneska birti leið af eftir liðna halfa dagstund, fylgdi þegar annat oumræðiligt guds verk, at postlinn sæz eigi, en grofin full með drifhvitu hifnamioli, er þar getz eftir sogn mikla Augustini ubrigðiligt sem i friosamri iord allt 30 til þessa dags. Þat fylgir meira i lof hifnakongs ok hins agæta Johannis, at su friosemd hialpar ok heilsu prýðir þat mánna, er fyllir grof virduligs Johannis postola, at þat ma engin daudligs manz tunga orðum skyra, ok er þat enkar viðkæmilikt, at signut móðan paradisi dreífiz víða með lifligum avexti. 35

23. Medr næsta capitulo lásam vær, hversu hifneskliga herra Johannes son Zebedei for framm af stundligu lifi til eilifrar krunu með allzvolldugum guði, pryddr frumtignum framarr en skyraz meg i daudligs mannz orðum. Postoli guds ok patriarcha, spamaðr, pinslarváttr ok hinn biartazti ewangelista náfrændi lausnarans i 40

heimligri kynslóð, en brodir andaligr firir umboðstign blezadrar fru Marie drotningar, tilæskingarson somu guðs getara ok vicarius vars græða(ra) i greindu embætti, þar með erfingi guðs sonar firir modurliga elsku ok miuka umhyggju, her með valinn mæðr ok
 5 lærðr i guðs liosi framarr ollum kennifeðrum, heimolligr ástvin Jesu, lysanda lif firir hans augliti, þiærtr i briosti, hunangligr i orði, háegr i þogn ok sonnu þolinmæði, astrikr ok goðgiarn, takandi með gloðu hiarta band ok bardaga, utlegð ok afarkosti firir ilmanda nafn Jesu Cristi, með pinslum ok fiotrum, rekstrum ok dyflizu,
 10 sambrodir litillatra, en uppréistr með vandlæti rettvísi moti dramb-somum ok uhlýðnum. Umæddr vann hann rettlæti, ok því hviliz hann i fialli fullrar sælu vel verðugr með samlagi drottins vars Jesu Cristi. Sannleikr ríkti með honum, ok alldri um sinn fannz ein flerd með honum. Þvi er hans eilífðar yndi með einum guði,
 15 at hann girntiz hlutinn engan i likama, nema sia hifneska dyrð i heraði lifandi manna. Þa er ástvinr drottins firirlét myrkvastofu þessa heims, hafði hann niutigi ára ok niu likamlígs alldrs, þat var a oðru ari fyrr nefndz Traiani keisara, drotni varum Jesu Cristo ríkianda per omnia secula seculorum.

24. Greint var fyrr, hvilíkan andlatzdag hin hifneska forsia valdi virðuligum Johanni postola upp a burdartið Johannis baptiste. Heðan leiðir þat mál, er stendr i nefndri bok Rationali Officiorum, at visdómsmenn ok meistarar génguz á með greinum fylgis ok rit-ninga, hvárr þessarra tveggja guðs ástvina væri meirr frumtignadr,
 25 eða hvárr veggia skilldi firir oðrum sakir hátiðarhalldz ok tíðagiorðar. Ok sva ofgaz þat efni með miklu megni, at tveir frægir meistarar til margra lista gera með ser sem endalígan stefnudag, at hvárr i sinni vitru skal þa undir dómara tiltekna fram bera in scriptis þær fremstu allegationes, er i lofgiord guðs vina verda
 30 fundnar. Tekr nu i bidstund hvárr sitt diupazta studium, þvíat villd ok vinátta var heit ok hugsandi i beggia briosti at vinna malit. Ok a næstu nótt stefnudeginum birtiz fagr madr i sýn þeim meistararum, er fylgdi virðuligum sogumanni varum. Þessi er kom, syniz meistara nockot sva ríðr asiánu, sem honum forþyckiz
 35 eitthvert. Þvi byriar hann brátt ok nockut snart sitt eyrendi sva segiandi: Úparft ok einkanligt starf hrærið þer, dauðligir menn, at setia þrætu ok fylgi ífir dyrð ok lofi heilagra manna, er hverr fagnar i annars liosi sem sialfs sins. Nakvæmra væri ydr ok skylld-ara at hugleiða sialfa yðr, hvat þer hafit mótgiorða eða mannkosta
 40 firir guðs argum. Er ok stórum diarfligt, ef þer dyliz a nockurn

hátt, hvern orskurð sialfr lausnariinn samdi, þa er hann sagði: Inter natos mulierum non surrexit maior Johanne baptista. Eftir sva talat hverfr sýnin. En meistari víkr veg til heilsuráðs, lægiz her firir allr aski(l)naðr, þviat kristnin truði her birtan litillatan ok brodurligan vilia virðuligs herra Johannis ewangeliste, ok þvi skipudu kirkiunnar feðr, at messudagr sæls Johannis postola skilldi halldaz árliga a þriðia dag iola firir þrifallda grein skynsemdar: þa fyrstu, at þat er, sem sagt var, heimkvamudagr hans afutlegd til Effesum; þa aðra, at þat er kirkiudagr þess haleita musteris, er prýðiz með hans tiguligum legstað; su greín gengr þriðia, at formenn kirkiunnar villdu skipa signaðan Johannem sva forkunnliga, at guds piningarvattar standi honum til beggia handa, ok sva virðuligir sem eru tvennir frumvattar, einir firir laustn, en annarr eftir, at her faðmíagiz þrigreint pinslarvætti eftir heilagri bok, eitt með vilia ok fromdu verki, þat a virðuligr Stephanus, annat með sonnum astarhug an endaligri bloðsútheiling, þat eignaz gofugligr Johannes, þriðia með verki án allri forhugsan, þat er blezaðra barna. Sva hviliz haleitr herra Johannes ewangelista miðil roðinna guðs vina. En siaim nu her næst, hverr tignarmaðr i andaligum felagskap ok fylgi hviliz hia honum i hofutkirkiunni Asiana innan Effesum. 20

25. Policrates, er einn var af morgum erchibyskupum i Effeso, skrifar a þann hátt til virðuligs herra Victorem pafa i Róm, hann segir sva: Mikil liosker slokuuðu i Asia, þau er drottinn mun upp reisa i siðarsta degi sinnar tilkvámu, þa er hann birtiz i sinni dýrð ok leitar alla sina vini. I Effeso hviliz virðuligr herra Johannes, er i snæðing sat blezaðr upp ifir drottins briost, guðs kennimaðr, berandi byskupligt petallum, sannr pinslarváttr ok hinn biartazti lærifaðir, skinandi með iartegnablómi sva firir andlát sem i dagh, þviat firir hans mánnar lifnar ok fagnar sva margt lif endrgolldit, at eigi má letri luka. Annarr maðr, segir erchibyskup, er guðs postoli Philippus, er firir guði birtiz með sinum tveim dætrum hardla fagrt lios i kristni Asiana. Er nu sýnt með letri Policratis erchibyskups, þat er vær settum til greinar, hveriu fylgi sæmiz signaðr Johannes ewangelista bæði a hifni ok her i heimi. Ok þvi er eigi undarligt, þótt þat komi framm um siðir i sogunni, at þessir tveir bræðr ok guðs kappar riða herskryddir framm i somu fylking. En hverium hershofðingia i kristninni veittiz sva máttug virðing at hafa þvilika fulltingsmenn, mun siðarr líóst verða. 30 40

26. Theodosius er nefndr keisari kominn af kynlegg Traiani, er fyrr var greindr i þessu mali. Faðir hans er nefndr Honorius, hans synir wrðu tveir síðan frægir kongar, er hetu Archadius ok Honorius. En nu sem sagan byriaz, stýrir Theodosius Austríki, en Valentinianus Vestrlond. Hafði þessháttar sundrgrein ríkianna gengit inn i fyrstu, þa er Constantinus mikli tvískifti erfð ok sæmdarheð miðil sona sinna, er hétu Constans ok Constantius. Nefndr Theodosius var i marga grein agáetr maðr i sinu valldi, trulýndr ok tigins olmosugæðis, hamarr villumanna, en heil-
 10 agrar forstoðu með vernd ok vilia postoligrar kristni. En þott hans líf væri lofligt firir marga hluti, er lesit ei því síðr, at þat geck inn til hans, sem greinir háleitr herra Gregorius pafi i fyrstu bok Dialogorum, at hofdingians hugr dreifðr i margri fiolskylldu bleckiz því braðara firir fals ok flutning illra manna, sem hann er
 15 vanmegnari firir margháttat sundrskifti ymissrar ahyggju. Ok hvar þetta efni framkæmdiz með keisaranum, vilium ver inn setia ok samtengia lofsgreinum gofugligs herra Johannis postola, þvíat hans tilæskingarmodir virðulig drotning mæri Maria eignaz eftir vana hasætisdýrð i malinu með sinu valldi. Sa maðr sezt ok til
 20 motz annan veg, sem bæði líktiz signaðum varum sogumanni firir eignarnafn ok fagran lífnat, sem lysaz mun i fylgiandi frasogn.

27. A dogum Theodosij var i Griklandi ungr maðr, Jon at nafni, fæddr i einum kastala, er þeir kalla Stóru-lis, honum var lagit kenningarnafn Damascénus. I skóla sat hann ungr at árum,
 25 en gamall i goðum síðum, maðr sva frabærr i flíotum skilningi, at innan tolfra ær sins allðrs hefir hann fagrliga umfarit allar .vij. hofutlistir liberales. Gengr sva þaðan framm i allðr ok agæta vitru, at ollum gíofum ser logðum af guði víkr hann til hægri handar, kennidóm helldr hann til foðurligrar læringar með hvern
 30 er gott villdi nema. Vigslur tekr hann ok kennimannzdóm með þeirri þionostugíorð, at guds móðir hin milldazta Maria lagði til mikla vináttu, þvíat messusong atti hon bæði handvísan ok ástrikan hia þeim guðs manni. Her með leggri sira Jon drotning varri þa elsku, at hann fórnar henni fogr dikt til heilagrar tíðagíorðar,
 35 bæði lofmesna ok óttusonga, sem síðan hefir kirkian halldit eftir hans daga. Nu sva kristiligr sem var nefndr lífnaðr sira Jóns, leggri hann til nockut, sem ei líðr langt, hafnandi heimsins blíðingar munkr vorðinn með bæn ok bindendi. Ok sva sem af barndómi hafði hann unnat mikít várri fru, tekr hann nu til sem nýliga
 40 henni tign at veita með alltaris offri ok hreinlífi biortu, ok því

munt þu sanna vilja, at þessi dyrðarmaðr hafði signaðan Johannem postola fyrir leiðtoga sem allir aðrir, er guðs moður lúta með hreinu lífi. Her með sæmiz brodir Jon í þann heiðr, at rikum monnum í landinu þótti hans skóli æztr ok sinum sonum nytsamligaztr, þvíat hann lærði eigi at eins fróðar bóklístr, helldr íafnvel sáluvænar 5 manndyrdir. Heðan þróaðiz sva frægð broður Jóns, at eigi siðr fluttiz hans nafn fyrir sialfan Theodosium keisara, hversu þarfr hann var rikinu bæði fyrir bókræði ok allz háttar heilræði þeim er hann sóttu í vandkvæði. Þvi fylliz með þessum guðs vin orðtak heilags Pauli í þeim stað: Hverr sa maðr, segir hann, sem milld- 10 liga vill lífa, mun ofsókn þola. Heðan gengr sva til frasagnar um dag, sem brodir Jon létta sér í spazéran utan borgar með skólanum, at í uvart kríngir um þa alla samt bolfat herhlaup Sarracenorum, sva at án minztu dvol gripaz þeir herfangnir framm í Serkland. Fellr sva til í hlutskifti herfangsins, at brodir Jon verðr hins 15 rikazta mannz af þeim arma lýð. Ok þótt hann væri leiddr í útlegdarkvol, líkiz hann enn í þeim hlut virðuligum Johanni ewangeliste nafna sinum, at guð drottinn línar utlegðina ok mýkir sva með miskunn sinni harðan hug í heiðnu briósti husbondans, at hann gefr sinum fanga rumara gang an ollu þræsligu undirbroti, 20 en nockurr þægi annarr af þeiri herleidzlu. Þvi tekr brodir Jon sýslu sína með lesning ok goðlífi, með mýkt ok hófsemi sva virðuliga, at heiðinginn matti eigi þegiandi bera, þar til talar hann broður Joni með sva felldu efni: „Minn kæri, segir hann, ek hefir hugleitt síðferði þitt, ok hversu þu ert formentr framarr oðrum 25 með klerkdóm ok malsníld, songraudd ok letrgjörð. Nu, sem þu veítzt, æ ek ungan son, er ek myndi æskia til þinnar hamingju, at í greindum natturugiofum vyrði hann þer sem líkaztr, at ef vær missum þinnar náveru, a nockurn veg mætti þin minning með oss her innanlandz langsamliga lífa með þessum minum syni.“ 30 Hvat er her lengra, brodir Jon tekr af fyrsta stafrofi þann ungan mann ok lærir hann sva gnógliga í sinum utlegðartíma, at þar líktiz vándr maðr voldum meistara í allri líst ok letrligri bókræði sva framt, at sama kynfylgia sýndiz beggia þeira verk, díkt eða penni. 35

28. Nu er at víkia heim aftr í Grikland til Theodosium keisara, at sva sem hann fær sanna vissu, hvar brodir Jon er halldinn í Serklandi, gerir hann sitt valld ok greiðir með órskurdi upp ífr háls Sarraceni utan alla dvol, nema brodir Jon fari íríals af hans herleiðzlu heim í sitt fóstrland. Sva gengr, at heiðinginn vill 40

giarnara láta broður Jon en lífit. Ok því kemr sa guðs maðr heim i Grikland á fund keisarans, sem hann sitr i Constantinopolim, þat kolum ver Miklagarð. Herra keisarinn tekr hann með þeim fagnadi andar ok likama sem af dauða reistan til lifs, gefr honum
 5 þar með innan borgar klaustrareising með ollum ríkdóm ok rettarbót, er lifnaðinum heyrði til æfinligrar nytsemdar. Þar leggr keisarinn honum medr þann kærleik, at hann vitia margan dag munklifit til samræðu við broður Jon um ríkisstiorn ok vandamál, þar til ofundin etr sitt háðuligt herbergi ok bruggar bana saklausri
 10 sál. Þessa grein eignaz dauðasonrinn i Serklandi, er lærðiz umakligr forðum af broður Joni. Hann fregn farsæld ok virðing broður Jons, ok grimmiz sva eitrliga með helvítzkri ofund, at i diupsettri flærð diktar hann honum dauðaráð með þeiri tilferð, at hann diktar eitt bref undir nafni broður Jons, sem hann svíki land ok lif brott
 15 af herra keisanum. Sem þat bolfat bref er buit, fær hann þat i forneyti oðrum svikara ser likum, at innan keisarans hallar skal hann því upploknu niðr verpa, at þat tiaiz sem fyrst hirðinni til ofsóknar við broður Jón. Þessi ræð fremiaz oll, sem egnd voru, rettlátum til krunu, en syni ranglætis til pinu. Ma þat inn leiðaz
 20 ok i þetta mál, at fiandlig flærð etz ok angraz af þeiri gætzsku, er sliofari finnz i kristninni, en brodir Jon leiddi framm i munklif sínu, með offr ifir altari guðs moður, með þen ok biartri stiorn, er hann tiaði með tiguligu eftirdemi sinum andligum sonum. Þvi skal hann únaðaz af sinu klaustri firir rógsbref undir pinu firir
 25 keisarans hasæti eftir skinandi forgongu gofugligs Johannis postola nafna sins, þvíat settar þriar greinir, bref, pinsl ok kongs reiði afloglig samlikiz i beggia þeira lifi.

29. Nu er þessu nest bref fundit i kongs holl, uppbrotið ok veggðarlaust firir sialfum honum ifirlesit. Þat bolfat fals berr
 30 þess háttar hlið: Brodir Jon damascénus minnztr i munkalogum sendir sinum astvinum i Persidalandi kvediu með fremstu goðvilld til frelsis ok frama. Yðr se kunnigt, at hit vengazta herfólk herra keisarans er út giort i fiarlegar halfur, sva at Grecia liggr sem eydd ok upplæg, ef nockurr vill til hennar lita; því komit, framir
 35 menn, at fagr sigr er ydr handviss. Hrindit eigi frægðinni, helldr fágit hennar asiánu, at ydr nofn ok virktir megí alldr boða. Valet. En hverr ma rita þann róm ok reiði, er hurrar innan hallar upp a meinleysi broður Jóns, at hann se úr volltinn hreinlifra manna tolu vándr svikari vorðinn sins herra keisarans. Kongrinn klædir
 40 sina leonsreiði með þogn ok vitzku, þar til inuboðinn brodir Jón

ma nalegr heyra þau hermdarorð, er hann skal fáá. Herra keisarinn
 talar sva til hans i horðum anda breðinnar: „Se þik, svikarinn
 vándr, segir hann, hveria amban til velgiorða þu lagðir oss ok
 várum sonum, utlegð ok svivirðu meðr eilifu brigsli. Niðinglig
 sialfs þin hond ásakar þitt liota lif, sva at enga hneiging fær þu
 giort undan þinni háðung.“ Brodir Jon berr með hógværð sva
 harðan hvirfilvind, ok svarar sva brefinu ifirlesnu: „Eigi fær ek
 þat afsannat, segir hann, at þessi penni er samlikr minni hendi,
 en þo veit varr herra lifandi guð, at bref þetta er hvárki min sekt
 firir guði ne samvitand.“ En firir þetta andsvar broður Jons hægiz
 hvarki keisanum ne hirðinni, segia með vanstilltu háreysti, at nu
 leggr svikarinn glöp ifir giorfa svivirðing, lygð ifir landrað, ok
 verndir ifir vandan hug, ok at dauðason finnz honum engi dáligri.
 Þessu næst nefniz dómr ifir málit ok segiz upp siðan með þeiri
 vægð, at brodir Jon skal ei liftion hafa, sakir þess at hann reiknadiz
 um tima miðil herra keisarans vina, helldr skal hann þann liminn
 afleggia, er þeir segia glæpinn giort hafa. Þvi leggr brodir Jon eftir
 dominum saklausu hægri hond undir afhogg. Þar fylgir sva mikit
 grimdarkyn keisarans, at afhoggit byðr hann beraz fram i klaustra-
 kirkiuna ok þar tíæz i hafum stað, þeim til háðs er borit hafði,
 eða ei siðr ollum lifnadi somu reglu, hvar er hann stædi. Sem
 brodir Jon fær gang af kongsgarði leitandi framm i kirkiu sina
 beinanda(!) veg firir miskunnarportið Mariam drotning, ok rett firir
 þat sama hennar alltari, sem hann hafði oftaz henni messuembætti
 fagrliga flutt, sem hann kemr firir skriftina, afklædir hann
 með ollu handarsárit sem synandi drotninginni mein, með ein-
 kannligum heimolleik ok trausti sva talandi: „Sé, min fru, segir
 hann, amban varra verðleika. Se, þvilik er sæla þinna þræla.
 Hvi syndiz blezaðri miskunn þinni at gefa orlof þeim er mik plaguðu
 firir minar syndir? var ei su min hond afhoggin, er þer fórnfærði,
 ok su er skrifaði þina lofsonga? munu firir lifandum ok liðnum sva
 margar bænir fremiaz upp heðan, min sæta fru, sem þa daga er
 þessi hond með þinni blezan matti þinum sæta syni fórn færa?“
 Þessu likt, sem nu var lesit, talar hann til skriftarinnar um nockura
 daga, þar til at a eina nátt, sem brodir Jon liggr mæddr af
 angri allz miðil svefns ok voku, birtiz honum biort ok blezut drot-
 ning himinrikis einkanligum sætleiksorðum sva til hans talandi:
 „Hvat liðr þer nu, minn keri þionn?“ Brodirinn kennir þegar,
 hver komin var, ok svarar: „Hó, min drotning sæt ok ynnilig!
 Ek spyr þik, hvar vart þu, þa er ek pindiz firir usannan áburð?

Lit, hin liufa drotning, fram i kirkiuna, sia hvar hondin hangir, eigi mer einum, helldr ok þer til vanvirðu.“ Guðs modir svarar þa: „Styrkz i drotni, son minn, sa er manninn skapaði af engu efni, er máttugr at endrgræða einn liminn af þer brott sniðinn.“ Eftir þessi orð ser broðir Jon, at hon sialf sækir handarafhoggit fram i kirkiuna ok setr síðan viðr stubbann sva meistarliga i auga-bragdi, at hvárt kysti annat með ollu álgroitt. En hvat er langt at gera af þeiri góðfýst ok tárfelldu þacklæti, er broðir Jon lagði drotninginni fyrir sva tignarsamliga velgiorð, eða hvilik var su lofmessa, er hann flutti sama dag henni til virðingar með ást af ilmandum mergium sins hiarta, eða hvat er segianda af þeiri iðran ok horinnng, sem herra keisarinn bar með sinu hugskoti, sem hann fregn þessi tiðendi, þviat fyrir giord drotningar himinrikis sérr hann sitt verk falsat a villtum rettletisvegh. Þvi rennr hann idranar-gotu með signadum Davið kongi fram i klaustrit fyrir fętr brodur Joni sva sęfðr i tarum, sem sa maðr er með megni fysiz at forðaz grát ok pinur helvitis. En þann tima sem brodir Jon hefir þat aflat með sinum hiartteinum(!) eigi meðulaust, at herra keisarinn styrknar til guðs miskunnar fyrir sva mikit afbrot, spýrr hann broður Jon, hvaðan su hin faheyrða flerð gekk inn, er hann felldi til sva haðuligrar motgiordar við guð. Broðir Jon kynnir honum þa hogverliga þann unga mann, er hann lęrði sér likan til allra greina ok giorða, sem hann var i útlegd. Ok sva skilz latinumæl þar við her með oss, at þat dauðaráð varð síðar alkunnigt af ofundar grunni. En upp heðan lagði Theodosius keisari þa elsku til brodur Jons, sem hiartat mátti veita sinum kęrazta feðr.

30. Eftir þessa hluti sagða vikr sér frasogn til Vestrlanda, hversu hryggilig uhęfa þar geriz, at tveir drottinssvikarar drepa sinn herra Valentinianum keisara, het annarr Eugenius at viðr-nefni antigraþus, en annarr Arbogastes riddarahofðingi. Gripru Eugenius virðingarnafn sem at erfðum, þar til guð niðrar honum. En er Theodosius keisari spýrr sannliga þessi tiðendi, harmar hann sem góðr hofðingi sva afskapligan glęp, hversu tveir fyrr nefndir niðingar spilltu með fégiofum hofutvorð ok herbergissveina keis- arans ok giorðu nattvig af lifi herra sins. Heðan leiðir, at herra Theodosius keisari gengr einkannliga til sins raðgiafa brodur Jons, hvart hann skal treysta sva vel sinum styrk at efla strid i Vestrlond moti sva horðum lýð. Brodir Jon veitir honum efalaust annsvar með spádómsgift, at hann skal oruggr ferðaz at lęgia guðs uvini, aðr hann skilz or þessu lifi eftir fá manaði liðna, vænir

at hann fai nockurn styrk, þann er eigi sérr hann dagleingis, segir hans testamentum þæði heilagt ok hialpsamligt at setiaz murr firir husi Irraelis ok slá með rettleði logmálsins þa er svivirðu login, þæði þekr ok natturu, þa er þeir nídduz a herra sinum. Firir sva roksamliga brýning broður Jons byr herra keisarinn sinn styrk 5 brott or Miklagarði til Vestrlanda gefandi sik ok sina fylgd undir bæn broður Jons ok allra guds þiona i ríkinu. Sva tekr hann með skipum Vestrlond ok helldr niosn af hernadi Eugenij vikings. Spyrðz honum þat af, at liðsmunr þeira mun verða stormikill, þviat landherrinn stendr oftaz þyckari fylking en skipalið. Ei 10 þvi siðr helldr hann fram ferðinni, þviat traust hans er með sonnum guði, sem lysiz i þvi, at hann krypr iafnan i veginum undir þena-fullting godra manna með vokum ok benum sem olmosugiordum sialfs sins gódfýsi. Sva kemr vestr i Valiand allr hans herr til moðu þeifar, er Frigidianus heitir. Þar setr hann herbuðir sínar 15 a fagra eng, er liggr með ænni. Uppi þann háls nalægan herbuðum, er stendr firir ofan láglendit, var nockur kapella hreinlifismanna. Þagat sekir Theodosius keisari til nattvoku. Ok moti degi sígr a hann hofgi. Hann sérr i þeim þunga girniliga sýn ser af gudi veitta. Hann þickiz staddr i þeim kapellukór, er nu greindiz, ok 20 sia niðr a engina, at frammi firir herbuðunum sitia tveir alvenir riddarar dubbaðir til handa ok fóta með sva dýran herskrúða, sem hann sáá engan aðr. Þeir bera gladél hardla gloandi, sitiandi sniohvita ok bryníaða vapnhesta. Annarr þeira biartra riddara talar tiginni rodd til keisarans a þenna skilning: „Heyr Theodósi, 25 vik langt i fiarlegð allan ótta brott fra þinu hiarta, dubba helldr kongliga báðar þinar hendr á næsta dag er kemr, at með her-neskiu oflugra vigmanna vegir þu frægan sigr; lát svelginn dauðans gleypa þa eggbitna, er i agirndarelledi hofu sinn dramletisfót upp i mót herra sinum; fagna miok i guds milldi, fullting ok frami 30 ockarr brædra er þer gefinn fram i strið. Vit án efa, at ek er Johannes ewangelista austan af Effeso, en bræðir minn Philippus er sva i utreiðum með mer sem i legstad ok iarteignum heima i Asia.“ Eftir sva talat er sýnin brott endut.

31. Theodosius keisari þackar miukum ordum vitran þessa. 35 Geck ok sva fram sem signadr Johannes sagði, at sama dag tokz orrosta með sva einkannligum hetti, at þeir sem sigri var heitid firir hifneskan sendiboða, hopa naliga til flótta, þviat synir mykr-anna voru þæði sterkir ok kenir til bardaga. En spurning ma inn renna með vitrum manni, hvi herra Johannes er sva tómlátr i 40

liðveitzlu þeiri, er sialfr iattaði hann keisaranum; því dvelr hann með rettri glósu, at várr herra vill veita Theodosio keisara sva mikla tign i þessu mali, at hann likiz virðuligum hofutfeðr Abraham með þessu tilteknu dēmi. Várr drottinn hét Abraham sva
 5 miklu kynferði sem stíornutal himins, ok þo skilldi sva til falla um kvánfáng hans, at ubyria kona fell honum i faðm, aðr hann lagði guði miuklata bēn ok friosemd veittiz Sárre hans eiginkonu at geta Ysaac. Liket bēnaroffr vill varr drottinn þiggia i þessum stað af Theodosio keisara, aðr en fram kemr firirheit gofugligrs
 10 Jóhannis postola, ok þat er verðugt, at þréllinn kriupi, aðr hann oðlaz stóra hluti, at firirheit efliz með bēn ok bēn með firirheiti. Sem keisarinn sér, at hans fylkingar sturlaz i sinni stodu, víkr hann or orrostunni til bēnar framm a eitt biarg sva nalegt, at herrinn mátti vel sia hann ok heyra. Hann hefr upp báðar hendr til
 15 guðs ok segir sva: „Heyr, heilagr faðir eilifr guð! þer er kunnigt, at i þessar halfur þottiz ek flytiaz firir þitt signaða nafn ok vandlęti laganna. Þvi biðr ek þitt blezaða einvalld, at þu litir eigi syndir minar helldr rettar bēnir heilagrar kristni þinnar, ok styrkir handlegg þinna manna til framgöngu at niðra þinum úvinum, at
 20 þitt hifneska tignarnafn lofi hver tunga i eilifar veralldir verallda.“ En er hans eigit herfólk heyrir bēn þessa, treýsta þeir því framarr guds fulltingi. Þarf nu ok eigi at geta til, hvar Jóhannes postoli stendr at viginu, þvíat hann tekr ser i hond úsyniliga skepnu drottins, þat er vindrinn i loftinu, ok stríðir sva sterkliga með
 25 hennar afli, at eiginraun fa þar af kempur Eugenij; þvíat hvat er þeir hoggva, kasta eða skiota, berr aftr i brot ok bana sialfum þeim, mega keisaranē menn brytia ok bola baulfaða svikara, hvern eftir sinum vilia. Hreinsaz sva Vestrlond með dauða Eugenij at rikianda drotni várum Iesu Cristo um allar alldir. Amen.

30 32. Heilagr Augustinus er hinn flórði doctor heiminum til lęringar ok drottins vars þionostu valdr ok vigðr. Hann var klerkr agętr með bóklist, ok því fellr honum sva virðuligt embætti með guðs vilia, at taka með tracteran ok skyring hina helguztu ritning i kristni guðs, þat er guðspiall heilags Jóhannis. Ok i tilbunaði
 35 þess verks hafa klerkar þvilika frasogn, at byskupinn leyfdi um stund sinu hiarta sva hafan hugsanargráða, hvart hann myndi eigi nęrr fęa gengit guddómsliosinu i nockura grein, en sęll Jóhannes for firir i sinni upplitning. Ok er byskupinn leiðiz i þetta erfði, er hann staddr i siotuni nockuru innan sins ættlandz vestr
 40 i Affrica, hvaðan sva geriz einn dag, sem hann spázérar einn samt

utan borgar með því hęsta studio, er diupr klerkdómr veitti honum, helldr hann litla grein, hvar hann gengr, áðr sandr á siofarströndu verðr firir honum. Nu gefr hann stað, ef hlyda skal, ok sem hann ser um sik framm at sionum, lítr hann, hvar sitr einn smásveinn miok nęrri sionum. Herra byskup ser, at pilltr þessi hefir 5 silfrspón i hegri hond með þeiri athofn, at hann berr sioinu með spénum, á sem tíðaz ma hann, upp i þa sandgrof, sem hann hefir giort firir ofan. En þat ferr eftir eðli nátturu, at siórrinn svelgr sva flíott undir sandinum hvat er þagat legz, at engan ser stad. Byskup ser æ um stund athofn þessa, hversu bernslig honum 10 virðiz, ok talar sva: „Pilltr minn, hvi starfar þu i tómte?“ Sveinninn svaraði roskmannliga: „Hvi herra, segir hann, skal ek eigi þetta vinna?“ „Þvi, segir byskupinn, at þorsta siofarins fædir þu alldri, ok hvat er þu gefr grofinni, tekr siórrinn aftr undir sik, ok því er þetta alskostar umáttuligt.“ Pilltrinn svarar: „Ef þetta virðiz 15 umoguligt, er ek legg firir mik, er þat morgum hlutum torligra, er þu setr fram firir þik. Þu dregr ifir þik þa dul, at þer muni veitaz su spekt, at nakvéma framarr guds dyrd i þinum orðum, en samdi ok setti Johannes son Zebedei valdr af einvaldi hifnakongs umfram alla iorneska(!) menn at tala með leyndum ablestri 20 heilags anda giafar nérr guddomssins liosi en nockurr maðr i heimsins viderni. Tak ráð er ek gef þer, set þik lagan sem firir fétr Johannis ewangeliste, ok tractera hans blezut orð kristni guðs til nytsemdar en þer til sémdar.“ Eftir sva format ráð hverfr pilltrinn. En heilagr Augustinus þackar guði með miuku framfalli 25 vitian sina, vikiandi sinni ástundan ok iðn undir heilreði. Kallaz þat verk tractatus Augustini, er hann setti ifir ewangelium Johannis. Þvi lifir lysandi minning þessa guds astvinar með morgum hétti innan heilagrar kristni a iorðriki(!). Bæði fyrr ok siðarr i lofgiordum gofugligs guds vinar Johannis ewangeliste er til minnis 30 leiðanda, með hverri tign ok trunaði, ast ok einfelldi hann fylgdi sinn meistara herra Jesum hifnakong ok hinn hęsta byskup, þa er hann striddi mot hervikinginum af Babilon, offrandi sinum feðr lifandi fórn firir lif ok utlausn sinna skepnubarna. Hverr af riddarum herra Jesu stoð annan veg undir merkinu til motz við 35 moður liossins nema fagr ok frumtignaðr Johannes. Þvi sotti hann ser þar at verðugu mikla virðingarheð, þa somu tiár hans likneski undir vars drottins krossi iafnfram várri fru. Þvi samdi heilug kristni baðum þeim samt somu þen, er byriar O intemerata, at þeira dyrð faðmleggiz i ástúð við almattugan guð. Sva mikla 40

miskunn segir margr predikari fylgia þeiri signaðri þen, at sa maðr, er hana less dagliga með góðum athuga, mun frialsaz af allri pinu eftir sitt andlát. Ok þat mun þer þickia samþykt fara sýn þeiri, er veittiz einum siðlatum kennimanni i útlandum með
 5 þvi formi sem her stendr.

33. A nattartið stendr frammi firir prestzins sęng einn ungr maðr vęnn at aliti a þat kynmot sem skolaklerkum er vana- likt. Hann talar a þenna skilning: Ek er sendr til þin, prestr minn, at bera þér hialpareyrendi af hálfu minnar sętu fru guðs
 10 moður ok heilags Johannis ewangeliste, er rettliga kallaz annar son hennar. Ek hefir meðferðar þen eina, er þau vilia þęði at flytiz ok fręgiz um kristnina, þviat hon er fám kunnig enn a þessum dogum. En með hverri miskunn þen þessi stendr, er ek létr nu undir kodda þinn, sem mer er boðit, skal ek skýra þer með
 15 eiginni raun sialfs mins, at þar af lysiz verandum ok úkomnum, hvat þeim hefir at gera. Ek var einn skolapilltr i þeiri borg, ok sem einn siðlátr guðs maðr sa mik leikinn ok athugalausana mina saluhialp, tiaði hann morgu sinni lifs orð firir minum likamligum eyrum, ok þvi sva, at innri maðrinn með mer var eigi viliugr at
 20 vikia eftir hans fortolum. Hann skyrði mer, hverr heimrinn er, hvat hann svíkr alla sina trunaðarmenn, ok þvi bað hann mik sia hans uppegndar gilldrur ok flyia til hafnar inn i klaustr. En sva sem ek aumr maðr villdi þat hialpráð eigi heyra, let hann ei þvi helldr af at leita mina ond. Syndi hann mer þa þen þessa ok bað mik
 25 sva miukliga sem milldrar vingiafar, at ek skilldi elska bėnina ok lesa dagliga. Ok þetta feck um siðir hans blezut elska. Var þvi likt, sem sa guðs þionn vissi firir með spadómi alla mina gotu, þviat eftir viðtekning benarinnar lifða ek eigi lengr en fimtan daga. Giordu minar eskusyndir sva mikinn harm ond minni, at ferligir
 30 fiandr gripu mik sem herfánginn til kvala, aðr geisli guðspiallamanna gofugligr Johannes kom a veginn spyriandi þa, er mik drogu, hvi þeir dirfdiz at hertaka guðs moður þion ok þeira beggia. En þviat illgiarnir logðu gabb ok gys moti hans orðum, setr hann eyrendi annat, sva talandi til umilldra: Undir tignarvalldi virð-
 35 uligrar guðs moður i himinriki firirbyð ek yðr at hréra fót or þessum sporum með salina, áðr ek gengr at hennar orskurð, hvarir her skolu meira raða. En þat fær ek þer eigi skyrtr, segir sálin, hversu sa pungtr var fliotr, at blezaðr kom aftr berandi uhreinum ondum þann otta, at án efa skolu þeir męta guðs moður tilkvamu,
 40 nema þeir gefi liðugt upp i valld sęlum Joni þat herfáng er þeir

gripu Ok með þessum orðum wrðu fiandr sva piprir, sem ny-
fundnar pinslir vëri felldar ifir þa alla. Sva varð ek frials firir
guðs miskunn. En ben sva blezut frægiz firir þina hlyðni ok lif i
biortu liosi drottins án enda. Eftir vitran þessa ser veit(t)a sótti
prestrinn fiolmennan sinodum með byskupum ok abotum tiaandi 5
þar skilrikan vát, þat er þa somu cédulam, er hinn framfarni
lagði undir koddann, sem aðr greindiz. Buðu siðan formenn krist-
ninnar, at bën su blezut ritaðiz flogurra vegna með oftsamligri
minning, ok nu i dag er sva vorðit, at hun er borin a hvert endiland
heilagrar kristni, ok su er útallig fiold góðra manna, at þegar á 10
ungum alldri veniaz at lesa hana dagliga, ok þar ma nefna til
miðil annarra virðuligan mann Ethmundum, er siðan varð Cant-
uariensis erchibyskup i Englandi. Hann tok með oðrum þegiligum
verkum þegar á namsalldri at lesa O intemerata. Ok sakir annars
fiolskylldis i skólanum er lesit, at einn dag leið honum or minni 15
at geyma benarinnar, sva at fell firir honum, ok hvat lengra, en
þegar nesta aftan, sem hann er sofnaðr i sęng sinni, gefz honum
andarsyn, at herbergishurðin lyktz (upp), þar ganga inn þrir menn
allir vęnir. Kennir Ethmundr klerkr þegar, at i miðiu gengr sęll
Johannes ewangelista, hann er rioðr i asianu miog, hefir hann ok 20
annat misþykrtarmark, þat er stór palmastika reidd um augsl; með
sva forligu ifirbragði, sem nu var greint, rennr hann snuðigt framm
at sęnginni, sem i stað muni hann setia pálmastikuna með megni
i hofut Ethmundi. En við þetta ógnarbragð verðr hann sva hreddr,
at hann fleygir ser ór sęnginni með tarum framm a golfit firir 25
fętr selum Joni. Ok þar kominn heyrir hann sina sekt með auð-
synum hirtingarhlióm frammsagða a þenna hatt: Hver nytsemd,
er þu framdir a nęsta dag, mun afsaka þik af sva mikilli van-
ręktarsynd, at þu gleymdir lofsemd minnar fru guðs móður ok
mina virðingarbën. Nu leggja til malsins þeir tveir menn, er i 30
fylgd voru með postolanum, at miskunn se veitandi ungum alldri,
segia þar með, at hann muni betr gera framleiðis, kalla tár hans
vátta sanna iðran. Drottins astvin sæll Johannes mýkiz nu með
fogrum tillogum sva talandi: Með þessum hętti ferr þu likn, at
þu geymir betr, en gleymir eigi. Með þessum orðum lyktaz synin. 35
En Ethmundr vaknar sva fullr af tarum, at harmr hiartans bar
vitni, hvat firir hann hafði borit.

34. Heyrðum ver, hversu heilagr Johannes ewangelista veitti
udvalda hirting Ethmundo klerk firir eina gleymsku, hvat er birtiz
i elskumark vars drottins, þviat vinum sinum venzt hann at veita 40

flíotar áminningar, ok þegar bétiz nybrotið, at engin vanrækt þróiz
 þeim i þunga. Her fylgir su elskugrein sæls Johannis til Ethmun-
 dum, at þessi valdr vin vars herra liktiz þeim fagrliga, er bruð-
 arfaðminn flyði, sem upphafliga stendr i sögu þessi, ok með hveriu
 5 kyni þat verðr i viðrlíkan mannkost, stendr sva skrifat i lífssögu
 sæls Ethmundar. Sem hann kom heim i England ór skola sunnan
 um sio, tekr hann ser til studium herbergi með eckiu einni miogh
 férikri. Hon atti dottur ugifta, væna iungfru, sitia þau Ethmundr
 bæði samt i maltiðum ifir borð. Ok sakir þess at hann var fagr
 10 maðr i asion ok ollum vexti, virðiz honom oftar en um sinn, sem
 iungfruin sia(i) kærliga til hans a kvelldit, einkannliga þa er aul
 birtir briostið ok alla alvoru þar um. Þaðan leiðir sva til um aftan-
 tima nockurn, sem húsfruin er brott gengin, at mærin lykr upp
 leyni hiartans firir Ethmundi. En hann svarar sva til með heilagri
 15 undirhyggiu ok segir: „Geym at, sagði hann, at þenna trunat
 viti engi maðr með þer utan ek einn. En i morgin sem moðir
 þin er i bæiarsyslu, kom til min, ef þa er samt i hug, þviat þu
 veitz, at svefnherbergi vár eru naðeg i stauðu.“ Sva segir hann
 blezaðr. En hon gefr honum þock firir. Liðr nottin. Ok timaliga
 20 sem Ethmundr hefir studerat um stund, er hurðin hogliga tekin,
 hann gengr til ok lykr upp. Er þar komin iungfru ok beiðir
 inngöngu. Þat er veitt an dvol, at hon inn leiðiz af Ethmundi, ei
 til faðmlags ok bliðu, sem breyskum monnum er tíðt, helldr undir
 þann lima, at til bloðsins pláguð gengr hon ut af husinu. Blezut
 25 var su plága gefin i nafni guds iungfruinni sva nytsamlig, at upp
 þaðan fýsti hana hvarki til Ethmundar fadms ne nockurs karlmanz.
 Se þenna Ethmund frabæran ok biartan hreinlífissmann, gofugligan
 fylgiara virðuligs Johannis postola. Þessum guðs vin er eignat sva
 blezat verk i kristninni, at hann hafi diktat vers várrar fru guðs
 30 móður Gaude virgo mater Cristi með þeiri bæn, sem þar fylgir af
 hennar fimm greindum fagnaðum. Siaim ver nu þessu næst annan
 enskan mann, er virðuliga þionaði blezaðum Joni postola.

35 Margir agetir menn i guðs kristni hafa kiorit sinum salum
 til fulltings virðuligan herra Johannem postola nest sialfri himin-
 35 rikis drotning guðs móður Marie, halldandi hans arligt festum með
 allan heiðr ok kostnat rikum ok aureiga, hvat lesit stendr miðil
 annarra hluta af agetum herra Ethvarði Englandz kongi. Hann
 vegsamaði sælan Johannem af ollum guðs astvinum sem valinn ok
 vigðan ser ok sinu ríki til fulltings ok forstiora, skipandi a hans
 40 hatið þriðja dag iola sva virðuliga veitzlu, at bæði gladdiz af guðs

giofum fullrikr ok fatękr. Miog lofar heilug bok þenna kong Ethvarðum, þviat þęði var hann stiornsamr ok astfolginn sinum landzlyð. Alldregin angraði hann guðs fatękan manna, ok engi for brott an huggan einhverri, er hann sotti. Hvat er vel auðsyniz þessu næst þęði til elsku sęls Johannis ok góðfysi olmosugeðis. 5

36. Sva bar til i nockurum árgang a þriðia dag iola, sem herra kongrinn gengr in processione um kirkiu leiddr virðuliga af sialfum herra byskupinum, kemr rett a veginum einn ungr ok vęnn maðr mot honum, a þat form ok buning sem einn Jorsalafari. Hann vikr sem heimolliga ok miok kunnliga at sialfum herra 10 konginum með þessum orðum: „Herra, segir hann, gefit mer nockut!“ Kongrinn svarar: „Minn kæri, lit á, hversu ver erum staddr, nu eru olmosupeningar eigi nærrhenndis.“ Pilagrimr flytr sik enn ok segir: „Ef þer finnit nockut handbert, i hveriu kyni sem er, þa gefit mer firir þess mannz nafn ok minning, er þer 15 syngit i dag, ef þer elskit þann nockut.“ Sem kongrinn heyrir nakvęmlic orð, minniz hann þegar Johannis ewangeliste vinar sins, dregr án allri dvol fingrgullit af hendinni ok gefr honum með auðsynni gleði. Skilia þeir sva, at pilagrimr kallar gefit vel ok herraliga. En hvern utveg hann gerir firir gulli þvi er hann þæ, 20 stendr sva skrifat.

Einn kynstor maðr i Englandi hafði herfanginn vorðit af Sarracénis heiðingium ok setið niu ær i utlegðarkvol með fíotri ok dyflizu, sárr af harmi ok hungri. Þessarri guðs olmosu birtiz herra Johannes ewangelista a nęstu nott eftir fund þeira Englandz 25 kongs. Hann býðr hertekna manni tvo fogr eyrendi til Etvarðar kongs, þat fyrra, at kongrinn skal þess uduldr, at sialfr Johannes birtiz honum a sinn hatiðisdag, þat er annat eyrendit, at virðuligr Johannes vill resignera gullit, ok þvi tekr þat enski maðr, at hann beri með bliðri kveðiu Johannis þat sama konginum. Er siðan flíott 30 til frasagnar um ferðir enska mannz, sem hann hefir tekit sendiboð hins signaða Johannis, at i augabragði er hann frials or valldi umilldra ok heim kominn i England a sinn eiginn garð, kenndr af hýski ok husfru sinni. Tekr hann hvílld a sama dag, en ferdaz þegar annan nesta a kongsgarð, berandi skilrikt efni lofgiorðum 35 sęls Johannis, frelsi sitt fra heiðnum dómi, en fingrgull herra Ethvardo kongi. Feck virðuligr ewangelista drottins maklig lof a þann dag, dasamaðiz ok kongsins gezka, profut i hífneskum kerleik heilags Johannis. En allan þann vitnisburð lagði Ethvardr

kongr undir sva ufalsat litileti, at i dag skinn hann skrinsettr i Englandi.

37. Meðr einkannligum astvinum heilags Johannis megum ver vel nefna herra Jorund goðrar minningar niunda byskup at
 5 Hólum norðanlandz a Islandi. Johannis hatið i iolum var vigsludagr byskupsins, ok því sēmdi hann hatiðina með song ok skruða forkunnar venum, sem framaz ma litinn verða i þvisa landi. Her með lagði hann hatiðinni hóf ok heimboð ifir hvern dag i árinu með dyrazta bordbunat ok allri olvērð, er rikdomr kirkiunnar
 10 matti tēra. Her til samdi hann þa tign, at hann skipaði a presta-stefnum ok bauð ifir allt sitt byskupdēmi, at i hveriu officio várrar fru sungnu eða lesnu skilddi segiaz minningarbēn sēls Johannis, sem siðan hefir halldiz. Leiddi byskupsins goðfysi þat setningarform af þeiri frēndsemd, er fyrr greindiz, hversu várr herra hifna-
 15 kongr Jesus Cristus skipaði þau nakvēm sin i miðil a krossinum.

38. Skalldin letu ser ok girniligt synazt at sēma þenna guds astvin með þeiri list, er þeim veittiz af guði. Ma þar til nefna fremsta personu Nicholas fyrsta ok fremsta Þverar munklifis abota i Eyiafirði, er beði var gēddr natturugiofum ok voldum mann-
 20 kostum. Hann orti drapu sēlum Johanni, ok þar af lystir til minnis inn leiða sem eina þria puncta með þeim skilning, er signadum Johanni bera mesta tign, þat er su frumtignut elska, er hann oðlaðiz af sialfum syni guðs nēst virðuligri Marie drotning; þar af segir hann sva:

25
 Unni allra manna
 alskyrr ok mey dyrri
 heilagr Kristr hins hēsta
 hreinlifis þer einum.
 30
 valdi heims ok haulda
 hauksniallr kongr allrar
 sér til sýslu stiora
 sárveginnn þik frēgan.

35 Af somu elsku talar hann i oðrum stað, hvert innsigli sonr guðs lagdi til hennar i Pathmós, þa er hann segir sva:

Þeim unni guð geymi
 guddoms er vel sómir
 hreinum hifna synar
 40 hirðar vist með Kristi.

Jon heyrðir þu orða
eilífs foður deili
hollr við oss ok allan
almátt sia knáttir.

I þriðia stad segir hann sva blezaðr af sama sætleik elskunnar:

Sialfr unni þer sinna
sniallr postola allra
sal deilandi solar
siklingr framaz miklu.
hatt gengr vegr sa er veitir
vagnbryggju þer tiggj
Jon ert þu hreinstr und háfa
hiallborg skapaðr karla.

Annan mann til oðgiorðar signaðum Johanni nefnum ver Gamla kanunk austr i Þýckabe, hann orti drapu dyriligum Johanni, ok kvedr sva til astarlofs Jesu Cristi, er hann veitti sinum frenda:

Tignar fra ek þik upphaf eignaz
eigi mistir blezan Kristi
rað eflandi risnu pruðan
recka liðs af flærðar hnecki.
Solar rannz at siklingr unni
seima briotr i þessum heimi
mérðar kenu ok móður sinni
mętra lífs en aðrir gęti.

Af eitrligri grimd Domiciani keisara ok veitzlum várs drottins til Johannem i Pathmós segir haun sva:

Brigð komu þess brátt er hugði
baulfylldr kongr verða skylldu
harðla flíott þviat huggan veitti
hreggskríns íofurr fręnda sinum.
alla naði eirar stillis
ítr postoli dyrð at lita
humra naustz þa er hóðu flestir
hreinir þollar fréttir einar.

Af náveru hifneskrar Jerusalem i sælu Johannis segir hann sva:

Systrungr hefir nu allt þat æstir
 yta hilmis giftu flyti
 solar vangs með sialfum deili
 synda lauss i fullu yndi.
 5 drottinn valdi drengia sætti
 dyggra lif en menn of hyggi
 alla hlaut af engla stilli
 Jon postoli dyrð ok kosti.

10 Nærr enda drapunnar setr broðir Gamli þenarform til virðuligs Jo-
 hannem, þat sama sem oss er ollum nauðsynligt, hann segir sva:

Haurðu lat mik hveriu firðan
 hreinlifr faðir drottar meini
 siðan mætti var of eyðaz
 15 andar sar því er lionum grandar.
 flotna villða ek fra þer alldri
 friðgeymandi skiliðr verða
 uggr er mer hvart þat mag þiggia
 þessa gift er heimar skiftaz.

20

Nefnandi er þriði maðr Kolbeinn Tumason magr herra Guðmundar
 Holensis byskups virðuligs. Nefndr Kolbeinn eignaðiz hlut i skalld-
 atolu einkannliga fyrir þat, hversu margt ok merkiligt hann orti
 signaðri guðs getara til tignar. Hann orti ok miðil annarra hluta
 25 sēmdarlof sēlum Johanni ewangeliste, þat er hann kallaði Jons
 visur, þvíat verki sa er eigi stefsettr, en þo kvæði sva langt, at
 þat hefir .xl. eyrenda ok .vij. umframm. I ondverðu briosti þess
 kvæðis setr hann þa dyrðarástuð, er guðs son veitti Johanni, ok
 hversu gudsriddarinn stóð i striði vārs grēdara undir krossinum, ok
 30 hveria tign hann oðlaðiz i umboði teknu at geyma drotning himin-
 rikis; hann segir sva:

Angr fellir vartu ollum
 einn postolum hreinni
 heilags Kristz i hēstu
 35 happskeytr fauruneyti.
 Unni engum manni
 iafnheitt friðar veitir
 þyðr sem þer ok moður
 þat er minniligt sinni.

40

Míðr geck þu einn en aðrir
 auðlings fra piningu
 svik bannandi sunnu
 sniallr postolar allir.
 þviat drengr i styr straungum
 stott þu hia kvol drottins
 blið ok bragnings moðir
 byrstrandar gratandi.

5

Sialfr kallaði sællar
 sól knarri þik harri
 son Marie sęrar
 sundhyrs i kvol bundinn.
 rað fal ręsir lyða
 risnu kendr a hendi
 diks aēr dauðann tęki
 dagrennir þer hennar.

10

15

Kęnn leitz þu hag hreinnar
 hofðingi drotningar
 hafs meðan hyrþoll lifði
 hugat bliðliga siðan.
 Þer var hon sem harrar
 hilldingr skipa villdi
 yękr lofar ela þekiu
 oll þioð i stað moður.

20

25

Nærr enda sins verks setr Ko(l)beinn þessa visu af guðligum
 veitzlum ok verðleikum sæls Johannis; hann segir sva:

Frami gengr hátt sa er hifna
 herteitir þer veitir
 snardeilandi solar
 sundz a margar lundir.
 hárr er a hvern veg meiri
 hyrbioðr en kyn þioðar
 allða garðz með orðum
 yðra dyrð geti skýrða.

30

35

Eftir samanlesnar .xii. visur af verkan Nicholai, þar næst broður
 Gamla, ok nu siðazt Kolbani, gefizt sa skilningr heyrandum sögu 40

þessa, at tolfholld tala kyssir með rettri skyring lif ok algiorfi
gofuligs Johannis. Stendr nu nerri siðarsta capitulum, er sva
byriar i guðs nafni:

39. Nu birtiz i þekling þessum, at ver erum i fiarska fæddir
5 fra legstað ok liomandum iartegnum ynniligs foður Johannis. Þviat
ver, er lifum nalegt undir norðanvert heimskautið, eigum langt at
lita til erchistolsins Effesum, er stendr i austrhelfunni ok þeim
þriðungi veralldar, er heitir Asia. Þvi lyktaz frasnogn i nafni
lifanda guðs með þvi endimarki, at ver kriupum þer til fota,
10 blezaðr herra Johannes ewangelista, biðandi með vorrum ok
hiarta, at sva sem þu minntiz forðum spellvirkians með foðurligri
mildi ok hifneskri astuð, ok ei siðr enska manz i utlegðar anauð,
sva leysir þu vart lif or þrældóm ok þyngan helvitis umsata ok
leiðir a iorð valdra manna, hvar goðfusir ok guðhreddir gleðiaz
15 með dyrð eilifri, sem þu skrifaðir i þinni bok Apochalipsi. Heyr
þu oss þina þrela, valdr vin hifnakongs, liomandi gimsteinn
i uppsmiði eilifrar Jerusalem, ok lampi lysandi i holl hifnarikis ok
biartr geisli i hofutgulli skaparans, at þeir allir oðliz þitt fullting
at eilifu, sem heyrt hafa þessi þin lof, ok hverr er less eðr letrið
20 elskar þiggi af þinni hendi amban i eilifri gleði með lausnara
varum Jesu Cristo ok heilagum anda samrikianda per omnia
secula seculorum. Amen.

25

JACOBS SAGA POSTOLA.

30

I.

I dag holldum ver messudag Jacobo postola broður Johannis,
i þa minning er hann tok pining fyrir guðs nafni ok sotti með
piningarvætti ok sigri til himinrikis dyrðar ok eilifrar sælu. Ja-
35 cobus var systrungr drottins at iarðligri frændsemi. Zebedeus het
faðir hans, en Maria móðir, ok var hon Salome dottir, en Anna
var hennar móðir ok sva Mariu drottningar. Drottinn kallaði þa
Johannem ok Jacobum brøðr a enum sama degi til sinnar fylgðar
sem þa Petrum ok Andream, ok letu þeir bæði foður sinn ok far-
40 kostinn með, ok fylgðu drottni varum i mikilli sœmd ok virðingu

af honum; kallaði hann þa bróðr nokkurum sinnum með Petro til sva mikils trunaðar ok haleitra virðinga, sem engum var oðrum slikt veitt hans lærisveinum. Jacobus hafði kvangaðr verit, ok var kona hans önduð, ok lifði hann eptir hana fagrligu bindanda lifi. Eptir piningartíð guðs sonar ok hans upprisu ok uppstigning, 5 ok eptir þat er postolar hófðu þegit gipt heilags anda, þa foru guðs postolar, eptir því sem hann hafði sialfr boðit þeim fyrir sina uppstigning, at þeir skyldu naliga um allan heiminn fara ok kenna hans kenningar allri skepnu. Segir sva Speculum Ecclesie, at Jacobus hafi farit a Hispanialand at kenna monnum retta tru. En 10 þa er hann feck því eigi a leið komit fyrir sakir otruar þeira ok illzku, þa for Jacobus aptr til Gyðingalandz at styrkia tru með þeim lærisveinum, er þar voru. Jacobus for um allt Gyðingaland ok Samariavellði, ok gekk inn i þinghus Gyðinga ok syndi þeim helgar ritningar, þær er a þeira bokum stoðu af drottnei varum 15 Jesu Kristo, vera þa fylldar ok framkomnar.

2. Jacobus postoli drottins vars Jesu Kristz, broðir Johannis evangeliste, for ok kendi tru a öllu Gyðingalandi ok Samaria, en þat er land, ok gekk hann a þing ok samkomur Gyðinga, ok syndi þeim af helgum ritningum ok af spamannabokum öll vitni, 20 er þeir baru af drottnei Jesu Kristo. En fiolkunnigr maðr, sa er Ermogenis het, sendi lærisvein sinn, sa het Filetus, ok nokkura Gyðinga með honum, at hann þreytti i gegn Jacobo postola ok sannaði þat i orðum sinum, at Jesus Kristr væri eigi sannr sonr guðs, sem Jacobus sagði. En Jacobus postoli eyddi með krapti 25 heilags anda alla malkroka hans, ok syndi hann af dömum heilagra boka, at Jesus er sannr guðs son. Þa hvarf Filetus aptr til Ermogenis ok mællti við hann: „Þat skalltu víta, at Jacob, sa er kallaz þræll ok postoli Jesu Kristz ma alldri verða yfirstiginn, þvíat ek sa hann i nafni drottins Jesu Kristz reka diofla fra oðum mönnum, 30 ok gefa sion blindum ok heilsu líkþram, en vinir minir letuz set hafa hann reisa menn af dauða. Allar ritningar helgar man hann boklaust, ok synir þaðan af, at engi er annarr sannr guð, en sa er Gyðingar krossfestu. Lattu þer líka rað mitt, ok kom þu til til hans ok bið þer líknar af honum. En ef þu vill þat eigi gera, 35 þa mun þer at engu duga fiolkyngi þin; ok þat skalltu víta, at ek mun aptr hverfa ok biðia at ek verða hans lærisveinn.“ Þa fyllðiz Ermogenis öfundar, er hann heyrði þetta, ok batt hann Filetum, sva at hann matti sik hvergi hræra, ok mællti við hann: „Siam, ef Jacob þinn kemr at leysa þik or böndum þessum.“ Þa sendi 40

Filetus svein sinn til Jacobum. En er sa kom ok sagði þetta, þa sendi Jacobus sveitaduk sinn ok mællti: „Taki Filetus duk þenna ok mæli sva: drottinn Jesus Kristr reisir upp þa er falla ok leysir bundna.“ En sa for, er sendr var, ok selldi Fileto sveita-
 5 dukinn. Þa losnaði hann or böndum Ermogenis ok hlo at fiolkyngi hans ok rann til postolans. Þa reiddiz Ermogenis, er lærisveinn hans hlo at honum, ok vakti upp diofla ok sendi þa ok mællti: „Fari þer ok leiðit hingat Jacobum til min ok Filetum lærisvein minn, at ek hefnumz við þa, at eigi þori aðrir læri-
 10 sveinar minir at hlæia at mer.“ En dioflarnir komu þar, er Jacobus var a bönnum. Þa toku þeir at yla i lopti ok mælltu: „Jacob, postoli guðs, miskunna þu oss, þvíat ver brennum fyrir tið bruna vars.“ Jacob mællti: „Til hvers komu þer hingat?“ Dioflarnir svara: „Ermogenis sendi oss, at ver leiddim þik til hans,
 15 ok sva Filetum; en þegar er ver komum hingat, þa batt oss engill guðs elldligum bondum, ok brennum ver.“ Jacobus mællti: „I nafni föður ok sonar ok anda heilags leysi yðr engill guðs, ok fari þer aptr, ok leiðit Ermogenem hingat bundinn, ok meiðit hann at engu.“ Þa foru dioflar, ok bundu hendr Ermogenis a bak aptr
 20 með reipum, ok leiddu hann til Jacobum ok mælltu: „Þu sendir oss, er ver brunnum ok vorum kvaldir miok.“ Þa mællti Jacob við Ermogenem: „Þu hinn verstí maðr, hvi treystiz þu at hafa trunað undir ovin mannanna, ok hugðir þu eigi at, hversu þu bazt at senda þer engla at granda mer. En ek let þa hina sömu syna
 25 þer reiði sina.“ Þa kolluðu dioflarnir ok mælltu við Jacobum: „Gef oss leyfi i gegn honum, at ver megim hefna þinna meingerða ok varra kvala.“ Jacobus mællti: „Fyrir hvi taki þer eigi Filetum, er her stendr fyrir yðr?“ Dioflarnir mælltu: „Ver megum eigi þann taka, er i þinni varðveizlu er.“ Jacobus mællti við
 30 Filetum: „Su er kenning drottins mins Jesu Kristz, at hverr launi goðu illt, Ermogenis batt þik, en þu leys hann nu, ok lat hann fara i friði fra diofli.“ En er Filetus hafði leystan hann, þa stoð hann ok drap niðr hofði ok þorði hvergi at fara i braut. Jacobus mællti við hann: „Far þu nu frials, þangat er þu vill,
 35 þvíat eigi er var kenning, at maðr snuiz nauðigr til truar.“ Ermogenis svarar: „Ek kenni reiði dioflanna, at þeir munu þegar drepa mik, er ek geng heðan, nema þu gefir mer nokkut þat, er ek mega hafa með mer.“ Jacobus mællti: „Taktu staf minn, ok farðu örugg, þangat er þu vill.“ Þa tok Ermogenis staf postolans
 40 ok for örugg til hus sins. Þa tok hann kistur sínar ok lagði a

bak ser ok lærisveinum sinum, fullar fiolkyngisboka, ok kastaði niðr fyrir fœtr postolanum ok villdi brenna þær i elldi. Jacobus mællti við hann: „Kasta þu grioti ok blyi i kisturnar, ok sokk þeim i sæ niðr, at eigi fai menn skaða af dauni þeira, er þær eru brendar.“ Ermogenis kom aptr, er hann hafði þat gert, ok fell til fota postolanum, ok bað ser liknar ok mællti: „Þu lausnari anda, tak þu iðran þess, er hingat til hefir andskoti verit ok amælandi þinn.“ Jacobus svaraði: „Ef þu færir guði sanna forn ok iðran, þa muntu sanna miskunn taka af honum.“ Ermogenis mællti: „Þat er at marki, at ek fœri sanna iðran guði, at ek hefi nu a braut kastat ollum bokum minum, þeim er a var oll olofuð dirfð, ok hefi ek neitt allri fiolkyngi ovinarins.“ Jacobus svaraði: „Far þu til husa þeira manna, er þu hefir svikit, ok kalla þa aptr til guðs, er þu kallaðir fra guði; seg þat satt vera, er þu sagðir logit, en þat logit, er þu hafðir sannat; briot þu ok skurðgoð, þau er þu hafðir gofgat, ok otru þa alla, er þu hafðir fylgt; fe þat er þu eignaðiz af illu verki, veittu nu þat við goð verk; ok sva sem þu vart sonr diöfuls, þa er þu liktiz honum, sva ver þu nu sonr guðs ok likz honum, er hvern dag veitir goðgerninga sina overðum ok gefr fœzlu omakligum. Ef guð var milldr við þik, þa er þu vart illr, þa mun hann vera miklu miskunnsamari við þik, ef þu lætr af at misgera.“ En er Jacobus hafði þetta mællt, þa gerðiz Ermogenes hlyðinn þessum hlutum ok varð algörr i guðs ast, sva at hann matti margar iartegnrir geta af guði, ok sneruz margir vinir hans ok lærisveinar allir ok margir aðrir til truar drottins vars Jesu Kristz af kenningum hans ok fyrirletu villu Gyðinga.

3. En er Gyðingar sa, at Jacobus hafði snuit þeim manni til truar, er þeir hugðu alldri mundu verða yfirstiginn, þa gafu þeir fe tveimr hundraðshofðingium, þeim er voru i Hierusalem, at þeir tœki Jacobum ok setti i bond; en annarr þeira het Lisias, en annarr Theokristus. Þeir kvöddu motz ok letu þangat leiða Jacobum ok dœma um hann at lögum þeira. En er hann var þangat leiddr, þa mælltu Gyðingar við hann: „Fyrir hvi truir þu a mann dauðan, þann er ver vitum allir, at krossfestr var með þiofum?“ En Jacobus fullr hins helga anda svaraði: Hlyði þer mer, brøðr, ok allir, er eruð synir Abrahe! Guð het því feðr varum Abrahe, at i hans kyni myndi allar þioðir þrifaz. En kyn hans er kallat fra Israel en eigi Ismael, þvíat Ismael var þyborinn ok braut rekinn með möðr sinni fra allri erlð kyns Abrahe. En guð mællti við Abraham, at fra Ysaac myndi hans kyn eflaz. En Abraham var kallaðr vinr guðs, fyrr

en hann tóki skurðarskirn eða helldi þvatttdaga, ok fyrr en hann
 vissi nokkur log guðs boðorða. En hann varð vinr guðs eigi af
 skurðarskirn, helldr af því at hann truði fyrirheiti guðs, at i hans
 kyni myndi allar þioðir þrifaz. En ef Abraham varð vinr guðs
 5 því, at hann truði guði, þa er ok vist, at sa er ovinr guðs, er eigi
 truir guði.“ Gyðingar mælltu: „Hverr er sa, er eigi truir guði?“
 Jacobus svaraði: „Sa er eigi truir því, at i Abrahams kyni munu
 þrifaz allar þioðir. Sa truir eigi guði, er eigi truir því, er Moyses
 mællti: Guð mun senda yðr mikinn spamann, honum skulu þer
 10 hlyða, hvatki er hann byðr. En Ysaías sagði, með hverium hætti
 koma myndi fyrirheit guðs: mær mun son ala, kvað hann, ok
 mun kallaz nafn hans Emmanuel, en þat þyðiz guð með oss. Heyrit
 Hierusalem, kvað Hieremias, koma mun lausnari þinn, ok mun
 þat vera takn hans, at hann mun upp luka augu blindra ok gefa
 15 heyrn daufum, en lif dauðum með orði sinu. Sva mun hann koma
 sem sonr mannz, kvað Daniel, ok mun hann eignaz allt velldi.
 David mællti ok orðum sonar guðs: Drottinn mællti við mik, þu
 ert sonr minn. Guð mællti ok sva við David: Sa mun koma or
 þinu kyni, er ek mun setia yfir sess þinn. Um pisl hans mællti
 20 Ysaías: Sva er hann leiddr til pislar sem sauðr til skurðar. Daniel
 mællti ok orðum sonar guðs: Negldu þeir hendr minar ok fòtr,
 ok stoðu ok sa a mik, ok skiptu með ser fòtum minum ok logðu
 hluti yfir klæði min, ok gafu mer eitr at drekka, þa er mik þyrsti.
 David mællti um dauða hans: Líkamr minn mun hvilaz i friði,
 25 þvíat þu lætr eigi ónd mina i helviti. En um upprisu hans
 mællti David orðum sonar við foður: Upp reis ek, ok em ek nu
 með þer, fyrir sut aumra ok vesolld valaðra mun ek upprisa, kvað
 drottinn. Davið mællti ok um uppstigning hans: Drottinn ste
 upp til himna i fognuð. En hann sitr til høgri handar guðs foður,
 30 sva sem David mællti við drottin minn: Sittu til høgri handar
 mer. Þar sagði ok Davið, at hann myndi koma með ogn elldz
 ok dæma um heim þenna: Guð mun koma syniliga, ok mun eigi
 guð varr þegia, elldr mun brenna i augliti hans ok hrið ogurlig
 umhverfis hann. En þessir hlutir allir eru fylldir ok framkomnir
 35 i drottni varum Jesu Kristo, þeir er liðnir eru, ok munu fyllaz
 þeir, er enn eru okomnir fram. Sva sem Ysaías mællti: Upp
 munu risa dauðir, ok vakna þeir er i grófum eru. En ef þer
 vilit vita, hvat þa mun verða, er dauðir menn risa upp, þa hlyði
 þer því, er David segiz hafa heyrt af guði: Guð mællti um sinn,
 40 kvað hann, þessa hluti tvenna heyrða ek, drottinn hefir velldi

ok þu guð miskunnar, þviat þu munt giallda hverium sem einum eptir verkum sinum. Af því geri hverr yðarr iðran, bróðr minir, at eigi taki þer giolld fyrir verk yður, er nokkurn hlut attut með þeim, er krossfestu þann, er allan heim leysti fra kvolum. Þviat hann lauk upp augu þess, er blindr var borinn, ok reið hann molldu 5 ok hraka sinum i stað augnanna, ok gaf honom syn, ok syndi þat i þessu verki, at hann hafði sialfr skapat manninn or molldu. Þviat ver spurðum drottin varn Jesum Kristum: Hverr misgerði i kyni hans, at hann skyldi blindr vera borinn? En hann svaraði oss ok mællti: Eigi misgerði hann ne frændr hans, helldr at guðs verk 10 syndiz a honum. En siðan er hann grøddi likþra, ok gaf syn blindum, ok rak diofla fra oðum mönnum, ok reisti upp dauða, þa kolluðu allir einni roddu ok toldu hann sekan ok dauða verðan. Þat sagði David fyrir ok mællti orðum guðs sonar: Þeir launuðu mer illu gott ok gulldu hatr fyrir elsku mina. Þat var ok fyrir- 15 sagt, at hann myndi selldr vera af lærisveinum sinum. Sa vellti mik, kvað David, er át brauð með mer ok ek truða. Þessa hluti alla sagði heilagr andi yör fyrir munn spamannanna. En ef ver truum því eigi, þa megum ver eigi forðaz helvitis eilifar kvalir. Eða hvi munum ver forðaz pislir, ef ver erum otruir, þar er 20 heiðnir menn trua orðum spamannanna, en ver truum eigi feðrum varum. Gratum ver ok þa, bróðr, gløpi vara, ok iðrumz með tarum þessa skamsamligra gløpa, at guð miskunnsamr þiggi iðrun vara, at eigi komi oss þau dæmi, er at baruz ovinum guðs um Moyses daga, sem David mællti: iðrð opnaðiz ok gleypti Datan ok allt lið 25 Abirons, elldr brann i þinghusi Gyðinga, ok brendi logi synduga menn.“

En er Jacob hafði þetta mællt, þa veitti drottinn sva mikinn veg mali hans, at allir mælltu sem einum munni, þeir er heyrðu: „Misgort hofum ver, gefðu oss hialp ok seg oss, hvat ver skulum 30 gera.“ Jacobus mællti við þa: „Eigi skulu þer örvilnaz, trui þer ok latið skiraz, ok munu yör fyrirgefaz syndir yðrar.“ En margr lyör Gyðinga tok tru Kristz af kenningu postolans.

Þa tok Abiathar Gyðinga byskup at fyllaz ofundar ok gerði hina mestu styriolld, ok keypti fyrir fe af einum yfirgyðingi, at 35 sa tōki Jacobum postola ok leiddi bundinn til borgar Herodis konungs. En Herodes mællti, at hoggva skyldi postolann. En er hann var til hoggs leiddr, þa kallaði likþrar maðr a hann ok mællti: „Heilagr postoli drottins Jesu Kristz, leys þu mik af sott þeiri, er kvelr alla liðu mina.“ Jacobus svaraði: „I nafni 40

hins krossfesta drottins mins Jesu Kristz, ris þu upp heill, ok lofa guð grøðara þinn.“ Þa reis sa heill upp þegar ok rann ok lofaði nafn drottins Jesu Kristz. En sa yfirgyðingr, er til høggs leiddi Jacobum postola, het Josias, hann fell til fota postolanum ok mællti: „Ek bið þik, at þu gefir mer likn, ok ger mik hluttakara heilags nafns.“ Jacobus skildi, at hiarta hans var lyst af guði, ok mællti: „Truir þu því, at drottinn Jesus Kristr er sonr guðs lifanda, sa er Gyðingar krossfestu?“ Josias svaraði: „Su er trua min fra þessarri stundu, at hann er sonr guðs lifanda.“ Þa let Abiathar byskup taka Josiam ok mællti við hann: „Ef þu ferr eigi fra Jacobo ok bolvar nafn Jesu Kristz, þat er Jacobus boðar, þa munt þu vera hoggvinn með honum.“ Þa svaraði Josias: „Serðu bolvaðr ok allir dagar lifs þins, en nafn Jesu Kristz, þess er Jacobus boðar, se lofat um allar alldir.“ Þa let Abiathar beria hnefum i andlit honum, ok sendi bref Herodi, at hann væri hoggvinn með Jacobo. En er þeir komu til þess staðar, er þeir skylldu hoggvir vera, þa mællti Jacob við hoggvandann: „Førðu okkr vatn, fyrr en þu hoggvir okkr.“ Þa var þangat borinn sar fullr vatz. En Jacobus mællti við Josiam: „Truir þu i nafni drottins vars Jesu Kristz sonar guðs lifanda?“ Josias svaraði: „Trui ek.“ Þa hellti Jacobus vatni yfir hann ok mællti: „Gef þu mer friðarkoss.“ En síðan lagði Jacobus hendr sínar yfir hofuð honum ok gerði krossmark i enni honum. Josias varð þegar algorr i tru drottins ok þegar hoggvinn með Jacobo postola, ok gerðiz sannr piningarvattr, ok foru þeir baðir a einni stundu til drottins.

4. Þeir Ermogenis ok Filetus toku helgan dom postola guðs, at því er segir Speculum Ecclesie, ok førðu þa fyrst i Joppen a laun, ok eptir þetta stigu þeir a skip með helgan dom postolans. En er þeir voru a skip komnir, þa sofnuðu þeir, ok vöknuðu eigi fyrr, en þeir voru komnir við Spanland, ok baru likama postolans af skipi ok logðu a stein einn, en hann braðnaði undir sem vax. Var þa sem i steinpro væri lagðr heilagr domrinn. Þar reð fyrir skamt fra kona ættstor, er Lupa het; hon var sva rik, at hon hafði mikinn hlut landraða, hon var heiðin sem hundr ok full upp otruar ok akefðar. Ermogenis sendi menn at forvitnaz, hvart hon villdi leysa grøft postolans, ok þo at hon hefði omiukliga tekit hans kenningum lifanda, þa bað hann, at hon gerði nu virðing hans heilags doms, er guð hafði þangat visat. Ok er þeir komu þangat, þa let hon taka þa alla ok fiotra, ok sendi til handa konungi, at hann skyllði glata þeim. Konungr let setia þa i myrkva-

stofu ok biða þess liflatz, er hann hafði ætlat þeim, er þeir væri þaðan leiddir. En er konungrinn gekk til borða, þa kom engill guðs syniliga til myrkvastofunnar ok leiddi þa braut þaðan, sva at margir menn sa á. Ok er borðit var a braut farit, þa sendi konungr til myrkvastofunnar at leiða a braut bandingiana þaðan. 5 Þeir fundu stofuna opna ok mennina a brautu, ok hurfu þeir aptr ok sogðu konungi sva komit. Hann sendi menn eptir þeim, ok var þeim bratt sagt, at þeir voru farnir yfir a þa, er fell i gegnum borgina, ok sottu þeir þangat eptir. En er þeir komu a bruna, þa brast bruin niðr, ok tynduz þeir allir i anni. En er konungrinn 10 fra þessi tíðendi, þa varð hann ottafullr, ok let þa kalla aptr til sin með sætt ok friði, ok let skiraz, ok oll hirð hans. Þa hurfu þeir aptr til Lupam ok beiddu hana annat sinn graptar postolanum. Hon tok þa eigi ovænliga þeira mali, en var þo i illum hugum, af því at hon kunni hvarugi vel, því er þeir höfðu undan rekiz, en 15 allra verst því, er konungr hafði tru tekit ok hans menn. Leitar hon ser þa nyra bragða, at hon mætti þeim tapa. Hon atti øxn i skogi otama, stora ok ygia, sva at engum var naliga i nand komanda. Þangat visaði hon þeim, er øxnir voru, ok bað þa beita fyrir vagn ok aka sva þangat i borgina með likama postolans. 20 Þeir foru síðan eptir hennar tilvisan, ok er þeir sa øxnina oða ok østa i moti ser fara, þa gerðu þeir krossmark fyrir þeim, ok gengu þeir þa at fotum þeira sva høgir sem lomb; ok toku þeir þa síðan ok oku likama postolans i borgina rettan veg, ok foru hogliga. En er Lupa sa um langa leið þau tíðendi, þa bra henni miok við, 25 ok sneri þa hug sinum aleiðis ok tok þa retta tru, ok gerðiz þa miuklynd ok høg, full truar ok gøzku, ok let hon holl sina vigia til kirkiu, þa er hon atti bezta, ok helga með guði hinum sæla Jacobo postola. Var hann i þeiri kirkiu leiddr, ok lagði hon þar til alla sina aleigu, at pryða þa kirkiu a alla vega, eptir því sem 30 hon hafði framast fong a. Ermogenis var þar hinn fyrsti byskup, en Filetus eptir hann, ok allir völduz þeir til hofuðstaða, er þangat höfðu farit með helgan dom postolans, ok urðu þar margar iartegnrir i sifellu. Þangat toku menn at fara miok þa þegar af nalægum londum, þottuz fa fro meina þeir, er þess þurftu. Ok 35 eigi þverr su virðing, er menn leggja til hinum sæla Jacobo postola enn þangat i sinni tilsokn, af því at nu er þangat sva mikil for, sem þa er mest hafði verit, ok er sa staðr nu sva dyrliga buinn, sem þeir er bezt eru bunir i heiminum, ok verða þar avallt iartegnrir með ollu moti a siukum monnum.

Þat er sagt a bokum, at hinn sæli Jacobus postoli hafi þegit lif þeim manni til handa, er til hans villdi sækia ok sialfr hafði ser skaða gort. Sva segir Lucas guðspiallamaðr, at nærri paskum hafi verit dauðadagr Jacobus postola, en halldinn nu siðan hatið-
 5 liga sa dagr, er umbuningr var veittr hans helgum domi með iartegnum þeim mörgum, er því fylgðu. Þenna dag pryðir ok með guðs postola i sinu liflati hinn sæli ok hinn helgi Kristoforus guðs piningarvatr, er risi var at vexti, ok sva nokkut ok mattugr i taknum at sinu hofi, sem hann var vexti. Hann var fullr af helgum anda
 10 ok sneri mörgum þusundum manna til guðs, ok var hann eptir þat halldinn af heiðnum konungi ok i myrkvastofu möddr, iarnsvipum barðr, brendr með logum ok i ofni kvaldr, ok hlífði guð honum i ollum þessum mannraunum. Siðan var hann at skotspæni hafðr, en hoggvinn a lesti a þessum degi. En eptir hans liflat tok skirn
 15 með iartegnum konungr ok fyrirsogn Kristofori, ok allir hans menn, ok efldu þeir þaðan fra miok guðs kristni, er aðr hofðu hana miok lamda, ok þiggia menn nu hvervetna miskunn mikla af guði af arnan Kristofori, þeir er nu gera hans dyrð her i sinum lofsöngum. Biðium nu a þessum degi þessa hina agætu guðs kappa, at þeir
 20 arni oss við guð almatkan þess, at ver megim verða með þeim luttakarar eilifrar dyrðar i himinrikis sælu án enda. Amen.

25

F r a g m e n t .

*til husa þæira manna, ær þu hefir svikvit, ok kalla þa aptr til
 30 guðs, er þu kallaðer fra guði. Seg þat satt vera, ær þu sagðir logit, en þat logit, ær (þu) hafðir sannat. Briottu ok skurgoð(!) þau ær þu hafðir gaufgat, ok otru þa alla, ær þu hafðir fylgt; fe þat ær þu æignaðiz af illu verki, væittu nu þat við goð verk, ok sva sem þu vart sonr diöfuls, þa er þu liktis(!) honum, sva ver þu nu sonr
 35 guðs ok likz honum, er hværnn dag væitir goðgerninga sina overðum ok gefr fözlo umakligum. Ef guð var milldr við þik, þa ær þu vart illr, ok mōn hann vera miklo miskunnsamari við þik, æf þu lætr af at misgera.“ En er Jacobus hafði þetta mællt, þa gerðiz Ermo-
 genes hlyðinn þessum hlutum ok varð algörr i guðs ast, sva at hann

40 * *Jvf. ovenfor S. 516¹³.*

matte margar iartegnir gæta af guði, ok sneruz margir vinir han(s) ok lærisvæinar allir ok margir aðrir til truar drottins Jesus Kristz af ken(n)ingum hans ok fyr lætu villo Gyðinga. Enn ær Gyðingar sa, at Jacobus hafði snuit þeim manne til truar, ær þeir hugðo alldregi mundo verða yfirstiginn, þa gafo þeir fe .ii. hundraðshöfð- 5 ingiom, þeim ær voro i Hierusalem, at þeir tóke Jacobum ok setti i bönd. En annarr þeira het Lisias, en annarr Theokristus. Þeir kvóddo motz ok leto þangat læiða Jacobum ok dæma um hann at lögum þeira. En ær hann var þangat læiddr, þa mællto Gyðingar við hann: „Fyr hvi truir þu a mann dauðan, þann ær 10 ver vitum allir, at krossfestur var með þiofum“ En Jacobus fullr hins helga anda svaraði: „Hlyði þer mer, bróðr, ok allir er eroð synir Abrahe. Guð het því fæðr vorum Abrahe, at i hans kyne mynde allar þioðir þrifaz. En kyn hans ær kallar(!) fra Israel en æigi Ismael, því at Ismael var þyborinn ok braut rekin með 15 möðr sinne fra allri erfð kyns Abrahe. En guð mællte við Abraham, at fra Ysaac mynde hans kyn æflaz. En Abraham var kallaðr vinr guðs, fyrr en hann tóke skurðarskirnn æða helldi þvatt-daga, ok fyrr en hann visse nokkur lög guðs boðorða. En hann varð vinr guðs æigi af skurðarskirnn, helldr af því at hann truði 20 fyrirheite guðs, at i hans kyne mynde allar þioðer þrifaz. Enn æf Abraham varð vinr guðs því, at hann truiðe(!) guðe, þa ær ok vist, at sa ær ovinr guðs, er æigi truer guðe.“ Gyðingar mællto: „Hverr ær sa er æigi truir guðe?“ Jacobus svaraðe: „Sa ær æigi truir því, at i Abrahams kyne muno þrifast allar þioðir. Sa truir æigi 25 guðe, ær æigi truir því, ær Moyses mællte: Guð mōn senda yðr mikinn spamann, honum skulo þer hlyða, hvatke ær hann byðr. En Ysaías sagði, með hveriom hætti koma mynde fyrirhæit guðs: Mær mōn son ala, kvat hann, ok mōn kallaz nafn hans Emmanuel, en þat þyðiz guð með oss. Hæyrið, Hierusalem, kvað Hieremias, 30 koma maun lausnare þinn, ok mōn þat vera takn hans, at hann mōn upp luka augo blindra, ok gefa heyrnn daufum en lif dauðum með orði sino. Sva maun hann koma sem sonr mannz, kvað Daniel, ok man hann æignaz allt velldi. David mællte ok orðum sonar guðs: Drottinn mællte við mik, þu ært sonr minn. Guð mællte ok sva við 35 David: Sa mōn koma or þino kyni, ær æk mōn setia yfir sess þinn. Of pisl hans mællte Ysaías: Sva ær hann læiddr til pislar sem sauðr til skurðar. Daniel mællte ok orðum sonar guðz: Negldo. þeir hendr minar ok fōtr, ok stoðu ok sa a mik, ok skipto með ser fōtum minum ok laugðu hlute yfir kleði min, ok gafo mer æitr 40

at drekka, þa er mik þyrste. David mællte of dauða hans: Likamr minn man hvilaz i friðe, því at þu lætr æigi aund mina i helvite. En of uppriso hans mællte David orðum sonar við fauður: Upp ræis ek, ok em æk nu með þer. Fyrir sut aumra ok vesolld val-
 5 aðra man æk upp risa, kvað drottinn. David mællte ok um uppstigning hans: Drottinn ste upp til himna i fauguð. En hann sitr til høgri handar guðs fauður, sva sem David mællte við drottin minn: Sittu til høgri handar mer. Þar sagði ok David, at hann myndi koma með ogn ælldz ok dōma of hæim þenna:
 10 Guð mōn koma syneliga, ok mōn æigi guð varr þegia, elldr mōn brenna i auglite hans, ok hrið ogurlig umhverfiss hann. En þessir hlutir allir æro fylldir ok framkomnir i drottne vorum Jesu Kristo.

.....

 15 *dyrliga buenn, sem þeir ær bæzt ero bunir i heiminom, ok verða þar avallt iartegnir með ollo moti a siukum mōnnum. Þat ær sagt a bokum, at hinn sæli Jacobus postoli hafe þegit lif þæim manne til handa, ær til hans villde sōkia ok sialfr hafði ser skaða [gort]. Sva segir Lucas guzspiallamaðr, at nære paskum hafi verit
 20 dauðadagr Jacobus postola, enn halldinn nu siðan hatiðliga sa dagr, er umbuningr var væ(i)ttr hans helgum dome með iartegnum, þæim mōrgum, ær því fylgðo. Þenna dag pryðir ok með guðs postola i sino liflate hinn sæli ok hinn helgi Kristoforus guðs piningarvattr, ær risi var at vexti, ok sva nokkut ok mattugr i
 25 taknum at sino hofi sem hann var væxte. Hann var fullr af helgom anda ok sneri mōrgum þusundum manna til guðs, ok var hann æptir þat halldinn af hæiðnum konungi ok i myrkvastofu mōddr, iarnsvipum barðr, brendr með logum ok i ofni kvalðr, ok hlifðe guð honum i ollum þessom mannraunum. Siðan var hann at skotspæni
 30 hafðr, enn hoggvinn a lesti a þessom degi. En æptir hans liflat tok skirnn með iartegnum konungr ok fyrirsōgn Kristofori ok aller hans menn, ok efldo þeir þaðan fra miok guðs kristne, ær aðr hōfðu hana miok lamða, ok þiggia menn nu hvervætna miskunn mikla af guði af arnan Kristifori, þeir er nu gera hans dyrð her i
 35 sinum lofsōngum. Biðium nu a þessom degi þessa hina agēto guðs kappā, at þæir arne oss við guð almatkan þess, at ver megim verða með þæim luttakarar ælifrar dyiðar i himinrikis selo an enda. Amen.

* Jvf. ovenfor S. 520³⁹.

T i l l æ g.

Passio sancti Jacobi apostoli.

Jacobus postole [drottens vars Jesu Cristz bróðer Johannis
 goðspiallamanz¹ hann fór oc kendi tru a øllu Gyþingalande oc
 Samaria, en þat er land, oc gek hann a þing oc samcomor Gyþ-
 inga, oc syndi þeim af helgom ritningom oc spamanna bocom øll
 vitne, þau er þeir boro of drotten² Jesum Cristum. En fiolcunnegr
 maþr, sa er Hermogenes hét, sendi lerisvein sinn, en sa hét Filetus,¹⁰
 oc nøcvera Gyþinga með honom, at hann þrætte i gegn Jacobo oc
 sannapi þat í orþom sinom, at Jesus Cristus være eigi saþr sónr
 goðs, sem Jacobus postole sagði. En Jacobus eyde með trausti
 heilax anda alla malkroca hans, oc syndi honom af dōmum heil-
 agra³ verca, at Jesus er saþr sonr goðs. Þa hvarf Filitus(!) aftr til¹⁵
 Hermogenem oc melte við hann: „Þat scaltu vita, at Jacobus sa er
 callasc þræll oc postole Jesu Cristz hann má alldregi verþa ivir-
 stigin, þviat ec sa hann i nafni drottnes⁴ reka diofla fra opom oc
 gefn syon(!) blindom en heilso licprom. En viner miner letosc
 sét hafa hann reisa mann af dauða. Allar ritningar helgar man²⁰
 hann boclaust, oc synir þapan þat, at engi er annarr sonr goðs
 nema sa er Gyþingar crossfesto. Lattu þer líca raþ mitt, oc com
 þu til hans oc biþ þér licnar af honom; en ef þu vill eigi gera þat,
 þa mun þer at engo duga fiolcyngi þin. En þat scaltu oc vita, at ec
 mon aftr hverfa oc biþia, at ec mega verþa hans lerisveinn.“ Þa²⁵
 fyldesc Hermogenes øfundar, es hann heyrði þetta, oc batt hann
 Filetum, svat hann mátti sic hvergi hrøra, oc melte við hann:
 „Siom vér nu, hvart Jacobus þinn come at leysa þic or bōndom
 þessom.“ Þa sendi Filetus svein sinn til Jacobum. En er sa com
 oc sagði þetta, þa sendi Jacobus sveitaduc sinn Filito oc melte:³⁰
 „Tace Filetus duc þenna oc meþle sva: Drottenn Jesus Cristr reisir
 up þa er falla oc leysir bundna.“ En þa er sa com oc selde Fileto
 sveitaduc, es sendr var, þa losnaði Filetus ór bōndom Hermogenis,
 oc hlo hann at fio(!)kyngi hans oc rann til postolans. Þa reidesc
 Hermogenes, es lerisveinn hans hló at honom, oc vacði up diofla³⁵
 oc sende þa oc melte: „Farit ér oc leiþet hingat Jacobum til min
 oc Filetum lerisvein minn, at ec hefnomc við þa, at eigi þori aðrer
 lerisveinar miner at hleia at mér.“ En dioflarnar como þar es

¹ [domini nostri Jesu Christi frater Johannis evangeliste Cd. ² dominum Cd.

³ sanctorum Cd. ⁴ domini.

Jacobus var a bønnum oc toco at ýla i lofti os melto: „Jacobe postole goþs, miscunnaþo øss, þviat ver brennom þegar nú firir tíþ bruna várs.“ Jacobus melte við þa: „Til hvers como þer hingat?“ Dioflarner svoroþo: „Hermogenes sende øss, at ver leidem þic til hans oc sva Filetum. En þegar es ver comom hingat, þa batt øss engill goþs elldligom bøndom oc iarnrekondom oc brennom vér.“ Jacobus melte: „I nafne fœþor oc sonar oc heilax anda leyse yþr engill goþs, oc fariþ ér aftr, oc leiþet hingat Hermogenem bundenn, oc meiþit at engo hann.“ Þa foro dioflar oc bundo hendr

10 Hermogenis a bac aftr meþ reipom oc leido hann til postolans oc melto: „Þu sender øss, þa er vér vorom brender oc qualþer mioc.“ Þa melte Jacobus við Hermogenem: „Þu inn heimscasti maþr! fir hvi traystesc þu at hava trunoþ under ovin mannz, oc hugþer þu eigi at, hvern þu bat senda þer engla sina at granda

15 mer. En ec lét þa eigi ná enn at syna þér reiþe sina.“ Þa colløþo dioflarner oc melto við Jacobum: „Gef þu øss leyfi i gegn honom, at ver hefnem þinnar meingerþar oc varra qvala.“ Jacobus svarape þeim: „Hvi tócoþ ér eigi Filetum, er hann stendr fyrir yþr?“ Dioflarner melto: „Vér megom eki þess taca, es i þinne

20 varþveizlo er.“ Jacobus melte við Filetum: „Su er kenning [drottens mins: Jesu Cristz, at hverr launi goþo illt. Nu er Hermogenes batt þic, Filetus, en þu leys hann oc lat fara i friþi fra diofli.“ En er Filetus hafþi leystan hann, þa stóp hann oc drap niþr hæfþi oc þorþi eigi a braut at fara. Jacobus melte við

25 hann: „Far þu frials þingat es þu vill, þviat eigi er þat or kenning, at maþr snuesc nauþegr til tru.“ Hermogenes melte: „Ec kann reiþe diofla, at þeir muno mic þegar drepa, es ec geng heþan, nema þu gefe til friþar nacqvát, þat er ec of hava meþ mér.“ Jacobus melte: „Tac þu staf minn oc haf meþ þér, oc far ohryggr

30 þingat er þu vill.“ Þa tóc Hermogenes stafen postolans oc for til hus sins ohrødr. Þa toc hann oc lagþi a bac sér oc leri-sveinum sinum kistor fullar folkyngesboca oc castape niþr fir fœtr Jacobo oc vilde brenna þér i ellde.“ Jacobus melte við hann: „Casta þu heldr griote eþa blye i kistornar, oc sök þeim i sę niþr,

35 at eigi fae menn scaþa af daune þeira², es þer ero brendar.“ Hermogenes com aftr, es hann hafþi þat gert, ok fell til fóta post-olanum oc baþ sér licnar oc melte: „Þu lausnere anda! Tac þu iþron þess, er hingat til hefer veret andscote þinn oc amelande.“ Jacobus svarape: „Ef þu fører goþe sanna iþron, þa mundo sanna

40 ¹ [domini mei *Cd.* ² *synes senere rettet til þeim.*

miscunn af honom fa.“ Hermogenes svaraþe: „Þat er at marki, at ec føre sanna iþron goþe, at ec hefi nu a braut castat  llom bocom minom, þeim er a var oll olofut dir  , oc hefi ec neitt allri fioleyngje ovinarens.“ Jacobus svaraþe: „ ar þu nu til husa þeira manna, er þu hever sviqv  t oc calla þa aftr til go  s, es þu leider 5 fra goþe, oc seg þat satt vera, er þu sag  er logit, en þat logit, es þu haf  er sannat. Bri  ttu oc scur  gop þau   ll, er þu go  gaper, oc otru þa alla es þu fylg  er.  e þat er þu eignapesc af illu verke, veittu nu þat vi   go   verc. Oc sva sem þu vast sonr diof(o)ls, þa er þu glic  esc honom, sva vestu n   oc sonr go  s, oc 10 glixtu þeim, er hvern dag veiter go  giorninga sina over  om oc gefr f  zlo (o)vinom sinom.  f go   var mildr vi   þic, þa er þu var(t) illr, oc mon hann nu miclo mildare vi   þic, er þu le  r af at vera illr oc þu t  cr at þiona honom i go  om vercom.“ En er Jacobus haf  i þetta melt, þa ger  esc Hermogenes hly  enn þessom hlutom   llom, 15 oc var   algerr    go  s ost, svat hann matte margar iarteiner geta at goþe, oc snerosc viner hans oc lerisveinar hans aller oc marger a  rer til tru Jesu Cristz af kenningom hans oc firle  to villo Gy  inga.

En er Gy  ingar s  , at Jacobus haf  i snuit þeim manne til 20 tru, er þeir hug  u aldregi m  ndo ver  a iferstigenn, þa gofo þeir f   .ii. hundra  sh  ffingiom, þeim er voro i Jerusalem, at þeir t  ki Jacobum oc sette i b  nd. En annarr þeira h  t Lisias, en annarr   eocristus.  a qvodo þeir moz oc leto þingat lei  a Jacobum oc d  ma umb hann at l  gom þeira. En er hann var þingat leidr, 25 þa melto Gy  ingar vi   hann: Firer hvi truer þu a Jesum, mann þann er ver vitom aller at crossfestr var me   þiofom?“ En Jacobus fullr ens helga anda svaraþe þeim oc melte: „Hly  et   r mer, br   r,¹ oc aller þeir(!)er erop syner Abrahe.“  a hof Jacobus up t  lo: „Go   h  t þvi Abrahe fe  r orom, at    hans cyne mvnde 30 allar þio  er þrivasc. En cyn hans es callat fra Israel en eigi fra Ismael, þviat Ismael var þyborinn oc braut rekinn me   erf   sinne fra   llo kyni Abrahe. En go   melte vi   Abraham, at fra Isaac m  nde hans cyn eflasc. En Abraham var calla  r vinr go  s, fyrr en hann t  ke scur  arscirn e  a hann helde þvatdag, oc fyrr en 35 hann visse n  kor l  g go  s bo  or  a. En hann var   vinr go  s eigi af scur  arscirn, heldr af þvi at hann tru  e firerheite go  s, at i hans cyne m  nde þrivasc allar þio  er. En ef Abraham var   vinr go  s þvi at hann tru  i goþe, þa er oc vist, at sa er ovinr go  s,

¹ fratres Cd.

es eigi truer goðe.“ Gyðingar melto: „Hverr er sa es eigi truer goðe?“ Jacobus svaraðe: „Sa er eigi truer því, at i Abrahams cyne muno þrivas allar þioðer; sa truer eigi goðe, es eigi truer því es Moises melte þetta: Goð mon senda yðr mikenn spamann, 5 honom scolot ér hlyða sva sem mér, hvatki es hann byðr. En Isaias sagðe, með hveriom hette coma munde þetta fiirheit: Mer mon qviðog verða, qvað hann, oc mon ala son, oc mon callasc namn hans Jesus eða Emmanuel, en þat þýðesc goð með oss Heyrðo Jerusalem, qvað Jeremias, coma mun lausnere þinn, oc 10 mon þat vera tacn hans, at hann mon upluca augo blindra oc gefa hey(r)n dauðom oc qvekva dauða til lifs með orði sino. Sva mon hann coma sem sonr mannz, qvað Daniel, oc mon hann eignasc alt velde. David melte oc orðom sonar goðs: Drottenn¹ melte við mic, þu ert sonr minn. Goð melte oc sva við David: Sa mun 15 coma ór þino cyne, es ec mon setia iver sess þinn. Isaias melte of pisl hans: Sva er hann leidr til pislar sem sauðr til scurðar. David melte oc orðom sonar: Negldo þeir fötr mina oc hendr minar, oc stoðu oc só a mic, oc scripto með ser fotom minom, oc laugðo hluti iver cleði min, oc gofo mér eitr at dreca, þa er mic 20 þyrsti. David melte svá of dauða hans: Licamr minn mon hvilasc i friði, þvíat þu firerletr eigi ond mina i helvite. En of upriso hans melte David orðom sonar við föðor: Up reis ec oc em ec nu með þér. Fyr sút aumra oc fyr vesolþ valaðra mun ec up risa qvað drottenn¹. David melte oc of upstigning hans: Drottenn¹ ste 25 up til himna með sigri i fagnof. En hann sitr til høgri handar goðs föðor, sva sem David melte við drottenn¹ minn: Sittu til høgri handar mer. Þat sagðe oc David, at hann munde coma með ógn elz at dæma of heim þenna: Goð mun syniliga coma, oc mon eigi goð varr þegia, heldr mon hann dæma of livendr oc 30 dauða, oc mon hans hrið ogörleg umbhverfis hann. En þa es þessir hluter aller ero fyllder oc framcomner i drotne vorom Jesum Cristum, þeir es lifner ero, oc muno fyllasc þeir er enn ero eigi framcomner, sva sem Isaias melte: Up muno risa dauðer oc vacna þeir es i grovom ero. En ef ér vilit vita, hvat þa mon 35 verða, es dauðer meun risa up, þa hlypet ér en(n), qvað Jacobus, því, er David lezr heyrt hafa af goðe, þessa tvænna hluti: Goð hever velde, drottenn, oc miscunn a(!) þu, þvíat þu munt gialda hveriom sem einom efter vercom sinom. Af því gere hverr yð-

varr iþron, brøðr¹ miner, at eigi takit ér giold firer vere yþor, er
 næcqvern hlut ottoþ i meþ þeim, er crossfestu þann, er allan heim
 leysti fra qvolom, þviat hann lauc up augo þess, er blindr var
 borinn, oc reip hann moldo oc hraca sinom a staþ, augnanna oc
 gaf honom syn, oc synde þat i þesso verke, at hann hafði sialfr² 5
 scapaða menn ór moldo, þviat ver spurðom drotten³ Jesum Crist-
 um, hvern misgert hafði i kyni hans ens blinda, at hann scyldi
 blindr vera borinn, en hann svaraði oc melte: Eigi misgerði
 hann ne frændr hans. heldr til þess at goþs vere syndosc a honom.
 En síðan er hann græde licþra en gaf sýn blindom oc rac diofla 10
 fra ofom oc reiste up dauða, þa cölloþo aller einne rædo, qvaþ
 Jacobus, oc tölþo hann sekian oc dauða verþan. Þat sagþe oc
 David fyrer oc melte orðom sonar goþs: Þeir lönöþo illo gott,
 oc gulldo hatr firer elscö minna. Þat var firer sagt, at hann
 mænde seldr verþa af lerisveini sinom. Sa velti mic, qvaþ David, 15
 es át brauþ meþ mér oc ec truþa. Þessa hluti alla sagþe yþr
 heilagr ande firer munn spamanna. En ef vér truum eigi þvi, þa
 megom vér eigi forþasc eilifar qvalar. Eþa firer hvi munom ver
 pisler forþasc, ef vér erom otruer, þar er heiþner menn trua orðom
 spamanna, en ver truem eigi feþrom orom. Grotom vér oc þa 20
 brøðr¹, oc iþromsc meþ torom þessa scamsamligra glöpa, at goþ
 miscunsamr þigge iþron ora, at eigi come iver oss þau dæme, es
 at borosc ovinom goþs of Moises daga. Sem David melte: Jorþ
 opnaþesc oc gleypti Daþan oc alt liþ Abirón. Eldr brann i þing-
 huse þeira, oc brenndi logi synþga menn.“ 25

En er Jacobus postole hafði þetta melt, þa veitte drottenn⁴
 sva mikenn veg male hans, at aller mæltö eins munni, þeir er
 heyrþo: „Misgert höfom vér, gefðu oss hiolp, oc seg, hvat vér
 scolom gera.“ Jacobus melte við þa: „Eigi scolot er ørvilnasc,
 trueþ ér oc látez(!) scirasc, oc muno yþr firer gevasc synþer yþrar.“ 30
 En er margr Gyþinga lyþr tóe tru Cristz af kenningo postolans,
 þa tóe Abiathar Gyþinga byscop at fyllasc ofundar oc gerði ena
 mesto styriold, oc caufti fe at einom ivergyþinge, at sa tóke Ja-
 cobum oc leide hann þingat bundenn til böiar Herodes konongs.
 En Herodes melte, at høgva scylde postolann. En er hann var 35
 til høgs leidr, þa callaði licþrar maþr a hann oc melte: “Heilagr
 postole Jesu Cristi, leystu mic af sótt þessi, er qvelr alla liþo
 minna.“ Jacobus svaraþe: „I namni ens crossfesta Jesus Cristz
 [drottens mins, 5 ristö up heill oc lofa græpera þinn.“ Þa reis sa

¹ fratres *Cd.* ² ipse *Cd.* ³ dominum *Cd.* ⁴ dominus *Cd.* ⁵ [domini mei *Cd.* 40

heill up þegar oc rann oc lovaði namn drottens¹ Jesu Cristi. En sa ivergyþingr er til høggs leide Jacobum, sá hét Josias, hann fell til fota postolanom oc melte: „Ec biþ þic, at þu gever mer lien oc gører mic hluttacanda heilax namns.“ Jacobus scilpe, at 5 hiarta hans var lyst afgöpe oc melte: „Truer þu því at drottenn² Jesus Cristus es sonr goþs livanda, sa er Gyþingar crossfesto?“ Josias svaraði: „Su er trua min alt fra þessi stundo, at hann es sonr goþs lifanda.“ Þa lét Abiápar byscop taca Josias oc melte við hann: „Ef þu ferr eigi fra Jacobo oc vill eigi bolva namn 10 Jesu Cristi, þa mundo hoggvenn vera með honom.“ Josias svaraþe: „Serþu bolvaþr oc aller dagar lífs þíns. En namn Jesu Cristi, þess er Jacobus boþar, er lofat of allar alder.“ Þa let Abiápar beria hnefom i andlit honom oc sende rit Herodi oc baþ þess, at hann være hoggvenn með Jacobo. En er þeir como til staþar 15 þess, er þeir scyldo hoggner vera, þa melte Jacobus við hoggvandann: „Förþu oss vatn fyrr en þu hoggver ocr.“ Þa var þingat borinn sár fullr vatz. En Jacobus melte við Josiam: „Truer þu i namni [drottens vars³ Jesu Cristi sonar goþs lifanda?“ Josias svaraði: „Trui ec.“ Þa holti Jacobus vatni iver hann oc melte 20 við hann: „Gefþu mer nu friþarcoss.“ En síþan lagði Jacobus hendr iver höfot honom oc gerþe crossmarc Cristi i enni honom. En Josias var algerr i tru [drottens vars³ Jesu Cristi oc þegar hoggvenn með Jacobo postola, oc gerþesc saþr piningarvattr goþs, oc foru þeir baþer a einne stundo til drottens¹, þess er vegr er 25 oc dyrþ of allar allder alda.

II.

Passio Jacobi apostoli.

I dag holldum ver messudag Jacobo postola broður Jons guðspiallamannz i þa minning, er hann toc pisl firir guðs nafni oc 30 sotti með piningarsigri til himinrikis dyrþar oc eilifrar sælu. Jacobus var systrungr drottins at iarðlegri frændsemi, Zebedeus het faþir hans, en Maria móþir, oc var hon Salome dottir, en Anna 1 domini 2 dominus 3 [domini nostri

var hænnar móðir oc sva Mario drotningar. Drottinn callaði þá bræðr Jacobum oc Johannem a hinum sama degi til sinnar fylgðar sem þá Petrum oc Andream. Letu þeir oc bæði fapúrinu oc farscostinn oc fylgðu drotni varum oc varo i mikilli sæmð oc virðingó af honum. Callaði hann þá bræðr nocqveriom sinnum með Petro 5 til sva mikils trunaðar oc heileittrar(!) virðingar, sem engom var aðrum slikt veitt hans larisveinum. Jacobus hafði kvangaðr verit, oc var onduð kona hans, oc lifði hann eptir hana síðan fagrliku bindandi livi. En eptir pining guðs sonar oc upriso hans oc upstigning til himna, oc eptir þat er postolar hófðu þegit gipt hins helga 10 anda, þá foru postolarnir, eptir því sem hann hafði þeim boðit fyrir sina upstigning, at þeir scylldu naliga um allan heim fara oc kenna hans kenningar allri skepno. Sva segir Speculum Ecclesie, at Jacobus havi farit a Hispanialand at kenna þar retta tru. Oc er hann feck því eigi a leið (comit) fyrir sakir utru þeira oc illzcu, 15 þá for Jacobus aptr til Gyðingalandz at styrkia tru með þeim lærisveinum er þar varo. Jacobus for þá um allt Gyðingaland oc Samariavelli, geck hann inn i þinghus Gyðinga oc syndi þeim spamanna ritningar helgar, þær er a þeira bocum stoðu, af drotni Jesu Cristo vera þá fylldar oc framcomnar. 20

Þar var þá fyrir fiolcunnigr maðr, sa er Ermogenes het, hann var i kerleicum miclum við Gyðinga. Hann sendi lærisvein sinn, er Philetus het, með yfirgyðingum at eyða kenningar postolans, oc hann gerði sem honum var boðit, sagði hann þann eigi sannan guðs son vera, er Jacobus boðaði. En Jacobus sannaði 25 sina kenning með trausti heilags anda, en eyddi hans villu. Hvarf þá Philetus aptr til Ermogenis oc mællti við hann: „Vita scallt þu þat, at þu mannt eigi mega sigrasc a Jacobo, er sic segir vera þion Jesus Cristz oc hans postola. Ec sa hann i nafni drottins reca diofla fra oðum monnum, geva sion blindum oc reinsa licþra; 30 sogðu oc vinir minir mer þat, at þeir hófðu set hann reisa dauða menn til lifs. Recr hann allar ritningar til þess, at engi se annarr guðs sonr, en sa er Gyðingar crosfestu. Nu lýf þu raði minu oc far a fund hans oc sæzc við hann, því at þer man ecki annat stopa, man ec oc aptr hverva til hans oc beiðaz, at ec verða hans læri- 35 sveinn.“ Ermogenes varð þá reiðr miok oc batt sva fast Philetum, at hann matti engan lut rœra a ser oc mællti síðan: „Siam nu, ef Jacobus þinn leysi þic af þessum bondum.“ Philetus sendi þá svein sinn scyndiliga til Jacobus at segia honum, hvat titt var. Oc er hann com þar, þá seldi Jacobus honum i hönd duk sinn 40

oc mællti: „Tac þu duk þenna oc sel honum, ok mæli hann sva:
 Drottinn örðgar up bundna oc leysir fiotraða.“ Oc er sveitaducr
 Jacobi com til Phileti oc hann toc víð honum, þa losnuðu oll
 bond af honum, oc rann hann þa til Jacobus oc gambrafi yvir
 5 Ermogene oc hans illzscu. Ermogenes varð þa reiðr mioc oc vacði
 up diofla með fiolkyngi oc sendi þa til Jacobus oc mællti: „Farit
 þer nu oc leiðit hingat Jacobum oc Philetum svein minn, at ec
 hefna sva þessum, at eigi fysi annan slíc frín til at taca.“ Oc er
 dioflarnir como þar at, er Jacobus var, þa tocu þeir at yla i lopt-
 10 ino oc mællto sva: „Jacobe postole guðs, miscunna þu oss, því
 at ver brennum nu firir tíð bruna vars.“ Jacobus mællti: „Firir
 hvi komu þer til mín?“ Dioflarnir svorðu: „Ermogenes sendi
 oss, at ver scyldim þek oc Philetum leiða til hans. En þegar er
 ver comum her, batt oss engill guðs elldlegum rekendum, oc qveliome
 15 ver nu.“ Jacobus mællti: „I nafni föður oc sonar oc anda heilags
 leysi ec yðr, at þer hværit aptr til Ermogenis, oc leiðit hann til
 mín bundinn, en gerit honum ecki mein.“ Þeir foru síðan oc
 bundu Ermogenem reipum hendr hans a bak aptr, oc leiddu hann
 firir postolann oc mællto: „Þu sendir oss til bruna oc kvala, oc
 20 ættim ver þer grimmo at giallda.“ Þa mællti Jacobus víð Ermo-
 genem: „Þu enn heimscasti maðr, nu mant þu sia, með hveriom
 þu hevir haft rað oc trunað, uvini allz mannkyns, oc sendir þu þa
 mér til meins oc hasca, er nu myndu þeir þic i helio hava, ef ec
 stöðvaða þa eigi.“ Dioflarnir colluðu þa oc mællto: „Gefðu oss
 25 valld til, at ver hefnim bæði þinna meingerða oc varra bruna.“
 Jacobus mællti: „Hvi taki þer hann nu eigi?“ Þeir svoruðu:
 „Megum ver at síðr honum granda, at ver megum eigi einn mol
 taca, þann er i gezlu þinni er.“ Jacobus mællti þa víð Philetum:
 „Vit þu þa vera kenning drottins Jesus Cristz, at menn launi goðu
 30 illt. Hann batt þic, en þu leys hann nu; hann villdi þic geva a
 diovals valld, en þu lat hann fara frialsan af diofla valldi.“ Phi-
 letus leysti hann þa. En Ermogenes stoð oc drap niðr höfði.
 Jacobus mællti þa: „Far þu nu frials, hvert er þu vill, því at
 engum skal nauðga til at snuasc eptir varri kenningu.“ Ermogenes
 35 mællti: „Ec veit gerst reiði dioflanna; ef ec hevi eigi af þer
 traustit, þa mono þeir þegar vilja taca mic oc kvelia.“ Jacobus
 mællti: „Tac þu staf minn oc far þa oruggr.“ Hann gerði þa sem
 hann bauð, oc for síðan heim til innis oc samnaði saman ollum
 galldrabocum sinom oc lagði a herþar lærisveinum sinum, en sialfr
 40 tok hann sumar. Þeir costuðu þeim firir föetr Jacobo postola, oc

gaf hann þær upp allar oc bauð at brenna þær i elldi. Jacobus mællti: „Eigi scal þær i elldi brenna, at menn fai bana eða mein af reyk þeim er af verþr, helldr scal þeim sockva i sævar diup með miclum þunga.“ Oc er því var lokit, þa hvarf Ermogenes aptr oc fell til fota postolanum oc mællti: „Þu ert sannr frelsari andanna, tak [þann mann] i sætt iþranda sinna afgerða, er þu hevir aðr micla scapraun af hafða oc borit þolinmöpliga.“ Jacobus mællti: „Ef þu synir guði sanna iþran, þa mont þu oðlasc sanna licn.“ Ermogenes mællti: „I því mant þu marca mina tru oc sanna iþran, at ec hevi eytt ollum minum bocum oc neytt(!) allum hinum fyrra minum atrunafi.“ Postolinn mællti: „Far þu nu oc snu þeim aleiþis, er þu hevir aðr villta, seg þu nu þat satt vera, er þu sagðir fyrr logit, oc þat logit, er þu hafðir aðr sannat. Eyð þu ollum scurþgöfum oc blotscap, þeim er þu hevir her til a truat. Veit þu nu með goðvilja allt þat fe, er þu hevir aþr fengit með rangendum oc slægþ. Oc sva sem þu vart sonr diofulsins, meðan þu licþisc honum i þinum verkom, þa gersc þu nu sva guðs sonr oc liksc honum heðan fra i þinum verkum. Veit nu gœði þeim, er þer ero uþeckir, þu att þatt(!) guði at launa, því at þa er þu vart honum illr, þa var hann þer goþr, en miclu mun hann þer nu betri, er þu tecr honum at þiona oc staðfestisc i göfum verkum.“ Oc er Jacobus hafði þetta mællt, þa gerði hann eptir því sem postolinn hafði kent honum, oc toc Ermogenes skirn oc retta tru oc Philetus oc oll su sveit, er með þeim hafði verit. Oc gerðisc Ermogenes sva algerr i sinni tru, at guþ let hann iartegnum skina. 25

En er Gyþingar verða þessa varir, at Ermogenes var undan þeim spanþr oc fiolþi annarra manna, þa baro þeir fe undir tva hundraðshofþingia i Jorsalaborg, het annarr Lissicus en annarr Theocristus, oc tocu þeir postolann oc hófu i sinni gezlu. Eptir þat var hann leiddr a þing Gyþinga, at hann væri dæmþr at þeira logum, oc mællto yvirgyþingar við postolann: „Hvi boðar þu oss Jesum, þann mann er crosfestr var með illvirkiom?“ Jacobus mællti: „Hlyðit mer, brœþr allir, þeir er erot synir Abrahe. Guþ het því Abrahe, at hann myndi hans ætt lata erfðar niota. Abraham callaði guð vin sinn, oc mest af þeiri tru, er hann hafði til guþs umfram aðra menn.“ Þa mællto Gyþingar: „Hverr myni eigi trua guði?“ Jacobus svaraði: „Sa truir eigi guði, er eigi truir sem Abraham truði, eða guþs vinr Moises, oc sagði hann sva i sinni boc: up mon guþ reisa spamann mikinn, lýði þer því ollu 40

er hann byðr yðr. Um þenna enn sama spáði Ysaías, hveriom hætti hann myndi coma: Mær man qvíþug verða oc son bera, oc er nafn hans guð með oss. Hieremias segir sva: Coma mon lausnari i Jorsalaborg, oc man þat marc hans vera, hann mon luca
 5 up augu blindra manna, mon hann heyrn geva dauðum, en vekia dauða menn til lífs með orðum einum. Ezechiel mællti sva: Coma man til þín, Jorsalaborg, konungr þinn lítillatr, oc mon hann endrboeta þic. Daniel segir sva: Sva mon hann coma sem sonr manz, oc man hann óðlasc allt velldi oc hófþingscap. Davíð mællti
 10 oc orðu(m) sonar guðs: Drottinn mællti við mic, sonr minn ert þu, i dag gat ec þic. En þetta mællti hann roddu föður: Sialfr mon hann calla mic, faðir minn ert þu, en ec man setia hann allum konungom hæra. Oc síðan mællti guð við Davíð: Af metti qvíðar þíns er sa er ec man setia yfir sæti þitt. Um þining hans rœðir
 15 Ysaías sva: Hann man leiddr vera sem sauðr til scurðar. Davíð segir sva um þining hans: Grovo þeir hendr minar oc fœtr oc tolfu bein mín oll. Skiptu þeir clefum minum oc logðu luti a, gavo þeir mer gall til fœzlu oc byrluðu mer olyfian, þa er mic þyrsti. En þetta mællti hann um dauða hans: Holld mitt mon i
 20 friði hvilasc oc eigi mant þu firirlata ond mína i helviti . . .
 oc með þer vera. Oc enn i aðrum stað: Firir sakir óreiga vesalþar oc syting(!) fatœcra mon ec up risa. Um upstigning hans mællti hann sva: Leiddi hann með ser tekit herfang upstigandi i hæð. Oc enn i aðrom stað:
 25 Drottinn ste up með gleði. Sva sagði oc Anna móðir Samuel: Drottinn ste up til himna. Oc enn segir David sva: Sagði drottinn drotni minum, sittu til hœgri handar mer*

* Sagaen standser her midt i en Linie; den har altsaa været ufuldendt Haandskriftet.

III.*

[Gefðu] Ermogenem i v[alld var]t, at ver megim reka harma þ[inna oc qvala var]ra oc hefna þess er ver brunnum firir hans sakir.“ Jacobus postuli mællti: „[Firir h]vi taki þer eigi Filetum, þar er hann stendr iafnt firir yðr nu.“ D[io]flarnir svoruðu: „Hó, hó, vær megum eigi ne einn gripa, þann er i þinni varðveizlu er.“ Þa mællti Jacobus við Filetum: „Leystu nu Ermogenem, at hann viti, at þat er kenning drottins vars Jesus Cristz at giallda goðo illt; þviat hann batt þic, þvi giorðu hann frialsan af dioflum.“ Enn þa er Filetus hafði hann leystan, þa stoð hann hneckðr oc lutr oc locði af(!) hendr niðr. Þa mællti Jacobus postuli við hann: „Farðu nu frials hvert er þu vill, þviat þat er vár kenning, at engi snuizt nauðigr til tru.“ Ermogenes svaraði: „Ek kann reiði dioflanna, þeir munu þegar taka mic oc deyða með pislum ymisum, nema þu gefir mer nacqvát, þat er ec mega hafa með mer avallt.“ Jacobus mællti við hann: „Taktu farastaf minn oc far auruggr með hann.“ Þa tok Ermogenes stafinn oc for i huss sitt oc lagði a bak ser oc lærisveinum sinum kistur oc hirðslor, þær er fullar voro upp boka, oc bar hann til Jacobus postula oc villdi brenna þær i elldi. Þa mællti Jacobus við hann: „Haufgaðu hirdzlur þessar með grioti oc sauck þeim i siofar diup, at eigi qveli brunapefr bokanna þa menn, er viltir eru af diofli.“ Enn þa er Ermogenes hafði þetta giort, þa for hann oc fell til fota postolanum oc mællti sva: „Heyrðu lausnari andanna, taktu nu iðranda mann, þann er þic aufundaði allt hingat til oc við þic var bacmalugr.“ Jacobus svaraði: „Ef þu færir sanna iðrun guði, þa muntu sanna likn fa af honum.“ Ermogenes mællti: „Sva mioc færi ec guði iðrun, at allar bæcr minar bær(!) ec a sæ ut oc sœkða með grioti, þær er villa var a, oc þar með neiti ek aullum illzkuiþrottum ovinarins.“ Þa mælti Jacobus við hann: „Farðu nu of hús oc heruð oc kalla þu aptr þa alla, er þu hefir aðr viltu, at þu gialldir þa drottni sinum, er þu toet a braut fra honum fyrr. Seg þu nu þeim þat vera skrauc, er þu sagðir fyrr satt, enn þat satt, er þu sagðir aðr lyli(!). Enn þu trui þat vera sk[urðg]oð, er þu gaufgaðir aðr, oc firir- spa[r lygn]ar er þu ætlað[ir munu framf]ara, firir þat briottu þau i sundr; fe þat er þu tokt af illum v[elum ok il]lum verkum þinum veittu þat nu i goðum verkum, oc sva se[m þu vart] diofuls sonr i eptir-

* Jvf. ovenfor S. 515²⁶–517².

glikingu hans, sva giorztu nu guðs[sonr] oc gior hans eptirglikink(!)
 oc goðra manna, oc sa er hversdagliga veitir kauplaust goðgiorninga.
 Þa mun guð þeim giallda firir þat allt siðarr hundraðfaulldum
 avexti. Nu ef guð var goðgiarn við þic, þa er þu vart illr við
 5 hann. sva myclu meiri gæzku mun hann þer veita, ef þu lætr af
 at gera a mot honum oc þionar honum i goðum siðum, sva at
 honum liki þat vel.“ Enn meðan heilagr Jacobus sagði þessa hluti
 oc þessum glika, þa hlyddi Ermogenes aullu því er hann sagði, oc
 varð hann algiorr i hræzslo oc i ast drottins Jesus Cristz, sva at
 10 drottinn varr veitti morg tacn oc iarteinir firir hans sakar. Enn
 er Gyðingar sa þenna sva mioc snuiz hafa, er þeir ætluðu auruggan i
 kyngi sinni vera mundu, at hann oc allir vinir hans, þeir er hann
 hafði aðr vilta, truðu a Jesum Crist firir kenningar Jacobus postula,
 þa baru þeir fe undir tva hundraðshofðingia, annan Lisiacem enn
 15 annan Theocristum, enn þeir voru þa i Jorsalaborg. Þeir toko Ja-
 cobum postula oc settu hann i varðhalld. Enn eptir þat var hann
 framleiddr til þingmotz með mikilli styriolld, oc villdu þeir heyra
 laugmal hans oc kenningar, oc mæltu þeir við hann: „Til hvers
 hoðar þu atrunuð(!) a Jesum, þann mann er ver vitum allir at kros-
 20 festr var a millum illvirkia tveggia.“ Þa mælti Jacobus fullr af
 helgum anda: „Heyri þer, bræðr oc synir Abrahams! Guð het
 feðr varum Abraham, at i kyni hans mundi allar þioðir arf taka.
 En Ismael er eigi með kyni Abrahams, helldr eru Gyðingar komnir
 fra Abraham, þvíat Ismael var a braut rekinn með mæðr sinni
 25 Agar fra kynsmaunnum Abrahams, oc var sagt Abraham af guði,
 at fra Ysaac mundi auka ky(n)sloð Abrahams. Enn Abraham var
 vinr guðs kalla(ð)r fyrr enn hann tæki skurðarskirn oc fyrr en
 hann helldi þvattdaga oc fyrr en hann vissi ne eitt

TVEGGJA POSTOLA SAGA JONS OK JACOBS.

Prologus.

Friðr ok blezan drottins vars Jesu Kristz lifanda guðs soðar stigi niðr i ðrleik sinnar [miuku miskunnar¹ yfir þeira manna hiðrtu, sem góðfusliga girnaz heyra skrifaða luti fylgiandi frasagnar, 5 hver er samanstendr i litlum part lifs ok² iartegna kiærra Kristz riddara ok göfugligrá guðs postola Johannis ok Jacobi bleaðra bræðra, er sæmaz einslighum frumtignum meðal² hirðmanna himn-akonungs, sem siðarr mun sagt⁴ verða með guðs vilia. Byriaz þessi bæklingr i nafni heilagrar þrenningar ok allra himneskra 10 krapta hafvandi þilikan prologum fyrir sinu briosti, sem hers ma heyra.

Miletus lágr þionn Jesu Kristz sendir virðuligum herra Laodicensi byskupi ok allri postoligri kristni þa kveðiu at koma til þeirar heilsu, sem samanstendr i drottni Jesu Kristo. Yðvarri 15 heilsu⁶ se⁷ vel kunnigt, at sa maðr, er Leucius heitir, hefir framarligha skrifvat af kenningum ok kraptaverkum völdugs herra Johannis ewangeliste, æ þann hætt at af hans iartegnum hefir hann marga luti ufalsliga fram borit, en af predicanarorði hans hefir hann suma⁸ fullkomliga logit. Munum ver þat eina her greina, sem oss 20 syniz hæst ganga móti postoligum grundvelli kristiligrar truar ok sönnum friði astarinnar; en þat er, at Leucius segir bleaðan Johannem lært hafa tvau upphauf, annat gott en annat illt, ok hafa⁹ goðir lutir fram gengit af goðu upphafi, en illir af illu, hvat er heilog kristni guðs fyrirmsær¹⁰ ok fóttreðr sem verstu villu ok 25 hæstu uhæfu; þviat virðuligt hofuð þess¹¹ bleaða likama, er sæll Johannes hefir formerat i guðspialligum sannleik, skinn liosi biartara, kallandi hátt ok hvelit um alla kristnina, at hann hefir predikat eitt upphaf, i hveriu hann vattar guðs orð sannan guð með sönnum guði æn enda verit hafa, fyrir hvern er guð faþir 30 skapaði alla luti syniliga ok usyniliga. Ok meðr þi at upphaf er eitt gott ok heilagt, verðr liost trulýndu hugskoti, at oll

¹ [mildi *Fr.I.* ² *tílf. B, Fr.I.* ³ *midil B, Fr.* ⁴ *greint B, Fr.* ⁵ *nu Fr.I.*
⁶ *saal. A og A²; elsku B, Fr.* ⁷ *er Fr.* ⁸ *luti tílf. B, Fr.* ⁹ *saal. A og A²;*
hafi B, Fr. ¹⁰ *forsmár B.* ¹¹ *hins tílf. B, Fr.*

skepna sköput af goðum skapara er goð i sinni natturu, ok [illir lutir ero¹ mannzins afbrot en eigi guðs skepna, sva sem birtiz með englinum ok manninum, þo at þeir villdi eigi varðveita sinn goðleika, var þat sialfra þeira hæð ok niðrrapan, en hvarki nattura
 5 ne guðlig skapan. Þvi pinir guð rettlatr ranglæti mannanna, at mótgerþir við hann er eigi mannlig nattura. Hann reiðiz rettliga hafnan ok motgerðum en eigi sinum handaverkum, þviat hvat er maðrinn hefir óðlaz i sinni skapan, verðr honum til verðleiks ok sæmþar meðr sialfum guði, ef hann rettliga drottnar ok yfirbyðr
 10 rangar girndir i veyku holldi. Fyrr greindum Leucio samlagaz þeir menn, sem sva eru vansignaðir, at þeir bera sin lyti upp æ lausnarann, segiandi at guð hafi skapat með þeim efni syndanna, ok ella mætti þeir eigi misgera, dæmi² dragandi af fyrsta feðr Adam, er sinum glæp sneri upp æ sealfan guð sva segiandi: „Suu
 15 kona sem þu gaft mer til návistu, fekk mer [epli þat³ er ek æt.“ Sva snaraði Adam upp æ skaparann sin afbrigði, sem hann þetta segði eptir orðum sæls Gregorii: Þu gaft mer efni til at misgera, þviat þu skapaþir konuna. Þessi illzkuviðr teygðiz síþan af þeiri gömlu rót alt hegat i verolldina æ vara tima ok vefz um mann-
 20 kynit, sva at margir leggja synd yfir synd ok uhæfu yfir hofut-glæp⁴, æ þann hátt sem segir hinn sæli Gregorius, at margir iðraz þvi siðr glæpanna, at þeir vernda sinn ufagnat ok kalla vel vera; ok þa er þeim væri nauðsyn til at lægia sik fyrir guði ok segia: Ek misgerða, þa reisaz þeir móti guði ok hans örindrekum⁵, er
 25 þeim segia: Þu misgerþir. Várkunn⁶ væri æ við vándan mann, at hann verndaði sina illzku, ef þat⁷ drægi hann undan guðligri⁸ hefnd ok harðri pinu. En meðr þvi at hverr er æ þvi verri, sem meirr verndarr sin ranglæti, ok stendr þo⁹ undir ogurligum guðs dómi, er okaupmannligt at þyngia meirr ok meirr sina byrði, þviat
 30 engin er sva stollz eða storr i allri verolld, at eigi se guð meiri, ok þat er hann fyrirbyðr ok æsakar i sinu lögmali, vinnr öngum veralldligum manni at afsaka með sinum hugþokka. Eigi mun mikit synaz þat, er Adam gerði, þott hann æti eitt¹⁰ epli af einu tre, en þat var mikill glæpr¹¹, er hann æt epli¹² með boðorða-
 35 broti ok ulyðni við sannan guð. Þi er liost, at meðr þvilikum þunga stendr allt¹³ afbrigði, sem þat dæmir eilif ok almattig guðs

1 [illir lutr er *B*, *Fr.* 2 dæmi *A*². 3 [epli *A*²; eplit *B*, *Fr.* 4 hófudglæpi *B*, *Fr.*; ohæfu *C.* 5 eyrendrekum *B.* 6 várkynd *B.* 7 su hans vernd *C.* 8 drottinligri *B*, *Fr.* 9 sem adr *tilf. B Fr.* 10 mgl. *B*, *Fr.* 11 gløpr *A*².

40 12 eplit *B*, *C*, *Fr. I.* 13 hvert *B*, *Fr.*

speki. Þær greinir, sem undir standa þessu mali, gera oss liosar virðuligir guðs postolar Johannes ok Jacobus. Leiðum ver reinleik Johannis fram i vitni, at maðr ma vel lifa her æ iarðriki, ef hann heptir rangar girndir fyrir guðs ástriki. Jacobum latum ver bera vitni, at eigi vinnr afsakan syndanna¹, sem finnaz man i enda þessa mals, at Jacobus verndar þa sök sakir vinattu viðr annan mann, sem guð almattigr vill eigi sektarlaust² vera láta. En því næst munum ver snua til efnis varri ræðu meðr þessum orðum fyrirfarandum³, at ek vik minni æsionu til þin, almattigr guð, biðandi þinas blezaða milldi, at þu teer⁶ minni tungu til frasagnar⁷, at þer scalfum megí vera til lofs ok dyrþar, þinum elskarum kærur postolum til sæmþar ok virþingar, mer tilnockurs lettis ok syndalausnar, ok ollum er heyra til hugganar ok [eilifrar hialpar.⁸ Her meðr biðium ver þik, hinn kærastzi guðs elskhugi virðuligr⁹ herra Johannes ewangelista, at þu framkvæmir¹⁰ æ oss retta merking þins blezaða nafns, at sva sem þat þyðiz miskunn guðs, þa bið oss vægðar ok várkyndar af himnesku ei valldi, at þa luti sem ver skrifum af þinni dyrð, virðiz oss eigi til ofdirfðar helldr i goðan vilia. Einkaunliga [ser þu ok nælægr varum bænum¹¹, hinn biartazti guðs riddari blezaðr Jacobe, þiggiandi með þinum herradomi þat, er af þer finnz skrifvat i þessu mali.

Nu meðr því at greindir guðs lærisveinar ero bræðr bæði i postoligri tign ok likamligri¹² frændsemi, munum ver þeira lif iafnframm boða, i hverium¹³ lutum er sva ma standa¹⁴. En þar sem skilr þeira lif ok iartegnagerð til frasagnar, munum ver æ þat fyrri¹⁵ segia, sem fyrr hefir görz undir þeim höfðingium, sem nefndir verða, at settum þeim grundvelli, er upp helldr alla goða luti.

1 fyrir gudi tilf. C. 2 sektarlausar B, Fr. 3 þessu B, C, Fr. 4 saal. øvr.; framfarandum A. 5 Her ender 1ste Blad Fr. I. 6 saal. A, A²; tær B, Fr.; tærir C. 7 sva tilf. B, C. 8 [sannrar truar eflingar C. 9 Her ender 1ste Blad Fr. II. 10 framkvæmir B. 11 [verttu oss ok vorum bænum nælægr C. 12 likams B; maunligri C. 13 hverigum B; hverium þeim C. 14 vel vera ok vidrkvæmiliga C. 15 fyrr C. 16 er B. 17 Vilium ver því, at hia honum uppbyriezt ok endizt þetta lifid erfidi, honum ok hans himneska vellid til lofs ok dyrdar, en aullum guðs utvöldum til godra eptirdæma. Amen, amen. tilf. C.

*Her hefr upp sögu .ii. postola ok blezaðra bræðra**Johannis ok Jacobi.*

Almattigr guð, milldr ok blezaðr skapari allra luta, sem hann
 sa mannkynit dauðt ok drepit i eitrligri ófund diðfulligrar flærðar
 5 fyrir glæp ok ulyðni hins fyrsta fòður Adams¹, sem greint var i
 prologo², skipaði þegar i heims upphafvi með sinu ubrigðiligu
 raði at hialpa heiminum, er nu var tyndr ok tapaðr, fyrirsegiandi
 höggorminum, er svikit hafði fyrstu moður Evam, at þat freo⁴
 mundi um siðir upp renna af konunnar kviði, sem i s⁵ sinum krapti
 10 mundi þat prettvisa höfuð hart lemia ok lómðu makligha niðra.
 Þij talaði varr herra sva, at hialp heimsins var þegar framkomin
 i hans guðdomligri speki, at hann mundi senda sitt [orð ok⁶ græða
 siukdom mankindarinnar, er oll lá drepin i lendum Adáms fyrir
 þann ulyðnisglæp, er hann steypiti yfir sik ok allan sinn attboga.
 15 Þessu eingetnu guðs orði, sammáttugu fyrir allar veralldir sealfum
 guði, berr Johannes ewangelista biart vitni i sinu guðspialli, sem
 enn mun siðarr getit verða með guðs orlofi. Undir þetta guðs
 fyrirheit runnu margir timar⁷, sva at liðu fullir .v.⁸ heimsalldrar.
 Var æ þeim stóra tíma mikil vesold i heimi þessum, þviat fiandiinn
 20 ruddiz fast um i verolldinni sva sem lausbeislaðr sakir þess mikla
 valldz ok herskapar, sem hann greip **ser** i hond fyrir fyrsta glæp⁹;
 þat til marks, at eigi var meirr i allri verolld en ein þioð með
 rettri tru; þessi þioð hafði nafn tekit af sinum forföður sonarsyni
 Abrahams ok var kallaðr Israels lyðr. Guð drottinn elskaði miok
 25 þetta folk, er eitt en ekki aunat hafði kynning hans boðorða blez-
 aðra, veitandi þeim margar ok miklar astgiafvir framarr en fra-
 mætti¹⁰ segia. En þo var þat hæst meðal [allra annarra¹¹ greina,
 at hann reisti upp meðal þeira ægiæta menn ok mikils verða fulla
 meðr gipt heilags anda, þau fagnaðartiðindi fyrirsegiandi ok i sinar
 30 bækr¹² setiandi, at almattigr son guþs i himinriki mundi koma
 æ iarðriki ok taka manndom af reinni meyio ok lata beraz af

1 Adam B. 2 þessa efnis tilf. C. 3 skipar hann B. 4 frio B. 5 með C.
 6 [holld þat eilifa ord at C. 7 veralldarinnar tilf. B. 8 fim B. 9 Adams
 ok Ewo tilf. C. 10 megi B, C. 11 [allra A², B; annara C. 12 bœkr A².

hennar ubrugðnum kviði siuku kyni Adams til heilsubotar, ok at þetta allt skyldi veitaz Jsraels lyð en óngri þioð annarri. En sa sem giarna gírniz heyra framburð spamanna, er mest gekk um tva heimsalldra, þriðia ok fiorða af Abraham til David konungs, hyggi þann tíma vel at sögunni, er blezaðr Jacobus postoli less 5 þa¹ saman ok utskyrir meðr [frabæru vitniz fyrir Gyðinga lyð³. Aðrir af spamonnum voru sva gloandi i guðs fyrirheiti, at þeir kallaðu up i himininn sva sem moðir ok þrotnir af langri biðstund⁴, hátt romandi meðr ymisligu orðtaki. [Greinir af þeim öðrum diarfligarr Ysayas at nafni kallandis meðr miklu⁶ hæreysti: Makara⁷ 10 drottinn, segir hann, at þu rifir⁸ i sundr himnana um siðir ok niðr stigir⁹. Sva hlioðaði flokkur spámanna fullr með andligri girnd at sia guð, en sa¹⁰ þo eigi, þviat fyrirætlut ræs tímanna var enn eigi utvöltin æ iarðriki.

*Numeram (!) annorum*¹¹.

15

2. I þann tíma sem liðin voru af heims upphafi .v.¹² þusundir ok .cc.¹³ ára, litr¹⁴ allzvalldandi guð milldr ok miskunnsamr yfir sonu mannanna, seandi¹⁵ at af biðrtum áttboga vinar sins virðuligs Daviðs er upprunnin ein iungfru með Israels folki sva ægiæt ok ynnilig i sinum reinleika, sem engin var [borin i verolddinni¹⁶. 20 Þessi blezut mærl heitir Maria, full¹⁷ meðr giptum heilags anda, fyrst hugsandi ok framiatandi at halda engiligt líf æ iarðriki. Hun¹⁸ var kyniut i moþurætt af Bethleem borg Juda, sitiandi sagðan tíma með fauðurfrændum sinum i þeim stað Galileeheraðs æ Gyðingalandi, er Nazareth heitir, fðstnut goðum manni af husi 25 Daviðs Joseph at nafni. Faðir hennar het Joachim, ok nu undir lok liðinn, moþir hennar het Anna, er giptiz i annan tíma þeim manni, er Cleophas het. Þessa mey Mariam kyss himnakonungrinn af ollum dætrum Israelis¹⁹ til þeirar virðingar at veita hans eingetnu liosi sky manndomsins, at usyniligr guð i sinni natturu megi 30 samtempraðr²⁰ hennar holldi syniligr verða monnum æ iarðriki.

1 hann C. 2 [frabærri vitru (vizku C) B, C. 3 folki A², B. 4 vors drottins hingadkomu i heiminn tilf. C. 5 [Einn af þeim öðrum diarfari Ysayas at nafni kallar B; greinir þetta hverium audrum diarfligar spamadrinn Esayas C. 6 þviliku øvr. 7 Betra C. 8 ryfir C. 9 hier tilf. C. 35 10 hann tilf. C. 11 capitulum B; um ara merking C. 12 fim B. 13 .ii. hundrat B. 14 leit C. 15 siaandi A²; [siandi B. 16 [onnur fyrr borin þvilik i verolldina C. 17 Her mangler 2 Blade i A². 18 Hon B. 19 Iraelis B. 20 samteingiazt C.

Þvi er guðs engill Gabriel sendr til nefndrar iungfru i Nazareth boðandi henni með hialparkveðiu Ave Maria, hversu himneskan ævðxt ok blezaðan hun mundi getandi verða. Ok án dvöl sem iungfru Maria hefir upp lokit truarport ok¹ litillætis kallandi
 5 sik ambátt drottins, gengr rettlætissolin i þat mætazta musteri² klæðandi sina geisla meðr tekinni mannz natturu af hennar skiær-azsta likama, sitiandi [.ix. manaðis fyrir hennar briosti sem volld-ugr⁴ konungr i sinu hasæti, þar til er hann gengr ut af sinni hall⁵ sannr guð ok sannr maðr varðveittri meydomsins dyrð i alla
 10 staði, fæddr æn sótt ok sút i Bethleem borg Juða fyrstu [natt iola⁶ með ollum fagnaði sinnar mæðr⁷ ok agiætum friði allrar veralldarinnar æ fertögunda⁸ ok oðru ære ríkis Augusti keisara, helgandi hinn vi^{ta}⁹ heimsalldr með sinni tilkvamu, takandi um-skurþarskirn með Jesus nafni æ .viii.¹⁰ [dag iola¹¹ eptir lögma-
 15 Moysi. Viðrkvæmiliga kallaz várr herra Jesus, sem guðs¹² engill fyrir sagði, aðr hann væri getinn i moður kviði, þviat i nafni Jesu ero .v. stafir fullir með skyring sannrar [truar ok¹³ röksemðar, er sva megu lysaz meðr fáam orðum, at fyrsti stafr merkir gleði sytandi manna, annarr eilífð lifandi manna, þriði saðning hungrandi
 20 manna, iiij^{di}¹⁴ fliotandi nægð¹⁵ þurfandi manna, .v.^{ti}¹⁶ heilsa siukra manna. Þetta blezaða nafn er yfir [oll nöfn¹⁷, þviat i þessu einu hialpaz allir, hvert¹⁸ varr herra fyllði¹⁹ með vægð ok miskunn i verolldina, sannliga²⁰ sem linr læknir ok gðfugligr græðir²¹ sinna sauða, takandi þegar i barndómi þvingan²² ok utlegð fram i Egip-
 25 taland undan ufriði Herodis konungs Aschalonite, er þann tima hellt ríki yfir Juðum undir Augusto cesare²³. En eptir herfviligan dauða Herodis, er makligha kom æ [fertöghta ok .iiij.²⁴ ære Augusti cesaris, at ríkianda Archilao yfir Judea eptir [föður sinn²⁵, sækir Joseph ok hans signuð festarmær guðs moþir heim af utlegð Egipta-
 30 landz með sveininn Jesum til nefndrar borgar Nazareth. Wex varr herra þar upp, sem hann var i fyrstu boðaðr.

1 *mgl. B.* 2 *mustari B.* 3 [niu manudr *B.* 4 *valldz B.* 5 *holl B, haull C.*
 6 [iolanott *B.* 7 *modur C.* 8 *fertuganda B, C.* 9 *setta B.* 10 *attanda B;*
 11 *deggi B.* 12 *hans B; Gabriel C.* 13 [*mgl. B.* 14 *fiordi B.*
 15 *gnægð B.* 16 *fímti B.* 17 [ollum nöfnum *C.* 18 *hveria þyding fyrrgreinda*
 19 *sins blezada nafns C.* 20 *sannliga tilf. B.* 21 *grædari B.*
 22 *þyngan B.* 23 *keisara C.* 24 [fertuganda ok sionda *B.* 25 [dag fodur
 35 *sins B.*

Um afkræmi Onnu.¹

3. Þessu næst er greinanda, hversu fyrr nefnd Anna var blezut ok einkannliga barnsæl. Hun óðlaðiz at fæða Mariam guðs móður. Hon gat aðra dottur með Cleopha bonda² sinum fyrr nefndum, er hun vill enn Mariam heita láta, þvíat þat nafn³ hafði⁴ 5 henni harðla kiært vorpit⁴. Þa Mariam dottur sína giptir hon þeim manni, er Alpheus het, áttu þau Alpheus ok Maria Cleophe⁶ .iiii. sonu, voru af þeim florum⁷ .iiij. postolar guðs, Jacobus, Simon ok Judas. Eptir andlat Cleophe giptiz Anna þeim manni þriðia tima, er Salome het, ok æ meðr honum þriðiu Mariam, er hun 10 giptir [þeim goða manni, er Zebedeus heitir⁸. Zebedeus ok Maria Salome attu .ii. sonu Jacobum ok Johannem. Var Jacobus þeira ellri Voxu þeir upp æ Gyðingalandi i Galilea. Þegar æ unga alldri lyðnir fôður ok móður ok aullum, er þeim villdu gott kenna, litillatir i hiarta, elskandi reinleik andar ok likama, sva tiguliga 15 bornir, sem fyrri⁹ var greint, at sealf himnakonungsins móþir var þeira móðursystir. Annan veg at telia atti Anna systur Esmeriam at nafni, hennar dottir var Elisabeth móþir Johannis [baptista, Zacharias het hans faðir.⁹ Gefz her upp ættartala vana drottins.

Um rikisskipti Augusti.

20

4. Nu sem Augustus keisari hefir styrt Romaborgar ríki .xl¹¹ æra ok .vj, gengr hann fram¹² um dauða dyrr, tekr þa ríki Tiberius son hans ok keisaradóm, er hann hafði átt með sinni fyrri fru, er het Libia. Ok er Tiberius cesar hefir ríkt .xii. ær, ruglaz miok ríki Juða, þvíat keisarinn kippir því sundr i flórar tetrarchias, 25 skipar Jerusalem ok þann flórþung landz, er þar liggr undir, ugiptumanninum¹³ Poncio Pilato; annan flórþung, þat er at skilia Galileam¹³, Herodi, er kallaðr var Antipas, son¹⁵ gamla Herodis. Hann¹⁵ efldi .ii. borgir i sínu ríki, aðra til sæmþar Tiberio cesare, en aðra¹⁷ Libie móður hans, kallaði hann keisarans¹⁸ borg Tiberiaden, 30 er stendr æ siofarstrond maris Galilee, ok því nefniz optliga¹⁹ mare Tiberiadis, at hann dregr nafn af borginni; frunnar borg [kallaz Herodis²⁰ Libiaden²¹, gor²² til veralldligrar virðingar ok heimligs

¹ Um Aunnu ok Mariam guðs móður ok hennar adrar dætr *B.* ² eiginbonda *B.* ³ tilf. *B.* ⁴ var *B.* ⁵ verit *C.* ⁶ saal. *B.*; Alpei *A.*; 35 mgl. *C.* ⁷ saal. *B.*; .iiii. *A.*, mgl. *C.* ⁸ [godum manni Zebedeo at nafni *B.* ⁹ fyrri *B.*, *C.* ¹⁰ [sonar Zacharie, er síðan var kalladr baptista *B.* ¹¹ flóratigi *B.* ¹² almenniligan veg tilf. *C.* ¹³ ogæfumanninum *C.* ¹⁴ skipar hann tilf. *C.* ¹⁵ syni *C.* ¹⁶ Þessi Herodes Antipas *C.* ¹⁷ til heidrs tilf. *C.* ¹⁸ saal. *B.*, *C.*; keisara *A.* ¹⁹ siorinn tilf. *C.* ²⁰ [kallar Herodis *B.* 40 ²¹ [heitir Libiades *C.* ²² ser *B.*

metnaðar. Þriðja part rikissins, þat er at skilia Ituriam ok Traconitidem, helldr Philippus broðir Herodis, hann reisti borg i norþanverðo riki Juða til sæmþar ok virðingar Tiberio cesare¹ ok kallaði hana Cesaream Philippi, sva sem i þann skilning, er
 5 Philippus efldi hana til virðing² cesare², ok því skyldi hun heiti taka af beggia þeira nöfnum. Hann³ atti Herodiaden dottur Arethe konungs, hveria Herodes girntiz⁴ sakir fullfis [at taka af broður ok gera⁵ sina horkonu. Fiorða lut landzins helldr Lisanias, sem segir Lucas ewangelista.

10

De Johanne baptista.

5. A fimtanda ære rikis Tiberij, en fiorða Poncij Pilati, undir nefndum höfþingium i Gyþingalandi,⁶ kemr hinn helgi andi yfir greindan Johannem son Zacharie i eyðimork, sva at hann predikar Judeis opinberliga vatzskirn⁷ i synda fyrirgefningh, mætum skyn-
 15 semðum æminnande, at þeir forðiz illgerðir en elski manndyrðir, þviat nalgaz himinriki⁸. Þvi drifr⁹ til hans mikill mugr af ollum áttum at taka vatzskirn¹⁰ i Jordan, miðil hverra kemr sealfr litillætisbrunnrinn¹¹ drottinn Jesus Kristr æ xxx.^{da} 12 ære sins alldrs þigggiandi skirn af blezaðum frænda sinum Johanne baptista æ
 20 .xiii.^{da} dag iola. For þa drottinn varr Jesus i eyðimork at fasta, en siþan predika, en þo eigi til fullz opinberliga fyrr en hann [snaraði vatn¹³ i vin æ næsta áre .xiii.^{da} dag iola at brudlaupi¹⁵ i Chana Galilee Segia þat sumir menn, at Johannes son Zebedei hafi þar verit brudgumi, ok at varr herra Jesus Kristr hafi kallat
 25 hann brott af brudar faðmi. Virðuligr herra Beda prestr segir æan efasemð¹⁶ in expositione super ewangelium Sequere me, at sva finnz skrifat af sannorðum sagnamonnum, at drottinn Jesus Kristr hafi þann tima kallat Johannem frænda sinn til sin, sem hann hafði¹⁷ ætlat at kvænaz, ok því yrði hann makligr [einkannligrar
 30 elsku ok astgiafa framarri¹⁸ öðrum af sealfum guði, [at fyrir sagða¹⁹ sina dygd væri hann reinari hverium manni, kosin²⁰ mæ^r af skap-

1 keisara *B* 2 keisaranum *C*. 3 Þessi sami Philippus *C*. 4 brodir hans girniz *B*. 5 [ok gerir *B*. 6 *Her beg. 2det Blad Fr. I.* 7 vatnskirn *B*. 8 segir hann tilf. *C*. 9 *saal. B, Fr.*; dreif *C*; drifu *A*. 10 skirn *B, Fr.*
 35 11 riettlætisbrunnrinn *C*. 12 þrituganda *B*. 13 [hafði snarat vatn *B, Fr.*; sneri vatni *C*. 14 þrettanda *B, Fr.* 15 brudkaupi *B, Fr.* 16 ifasemð *B, Fr.* 17 hafi *C*. 18 [einkannligri elsku ok astargiofum framar *B, Fr.* 19 [saal. øvr.; fyrir *A*. 20 kosinn *B, C*.

aranum, flekklauss ok grandvarr¹ æ verandi. Eigi syniz ok² þessum orðum virðuligs Bede motstaðlig vera su prosa, sem syngz i iolum octavo dag sæis Johannis. Þar segir sva millum³ annarra sæmþarorða: Tu leve coniugis pectus et cetera. Þat þyðiz⁴ sva: þu fyrirletz [sem litið vert festarkonu briost⁵ ok fylgðir guði, at þar fyrir gerðiz þu makligr at drekka lifanda vatn af lausnarans briosti. Nu er liost fyrir lesnar greinir, at signaðr Johannes hefir af brudlaupi⁶ kallaðr verit, en hvart þat hefir verit in Chana Galilee eða i oðrum stað, finnum ver eigi skrifat, en þat er vitanda, at varum herra Jesu Kristo var til boðit ok hans mæðr⁷ þessa¹⁰ brudlaups, ok þat annat, at Maria⁸ let til sin koma, er vinit þraut at veitzlunni, ok tiaði⁹ fyrir sinum eingetna syne. Synaz þessar baðar greinir [meðr ganga¹⁰ orðum skilríkra manna; [þviat fyrri grein er, at sa háttir er brudkaupanna¹¹, at sæmiligum frændum skal fyrst bioða; þat¹² onnur grein, at astriki frændsemi¹³ er þat¹⁵ mestr kinnroði, ef nockut fall eða lyti verðr æ veitzlunni¹⁴; þat þriðia syniz eigi i mot¹⁵, at engin ewangelista segir af þeima lut utan¹⁶ Johannes einn. [Þat flytz¹⁷ ok með fyrri grein, at Maria Magdalena hafi brudr verit, en Saulus ondvegishaulldr¹⁸ er síðan var¹⁹ Paulus²⁰. Nu segia feðr sonum sinum þvilika luti, ok gengr²⁰ sva framm æ vara tima. En hvat sannleikrinn hefir²¹, gefum ver [allt i guðs²² valld, eigi diarfliga dæmandi²³, helldr til skemt-anar framsetiandi. En fyrir vist þo at [Johannes hafi af várum herra kallaðr verit²⁴ af þessu brudkaupi, fylgði hann honum eigi fyrri alvarligha, en Johannes baptista var innkastaðr²⁵ sem Matheus²⁵ segir. Innsetningh Johannis varð at næstum paschum eptir brudkaupit, fyrir þa sok at Herodes tetrarcha þolpi honum eigi retta umvandan þeirar hófutskempar, sem fyrr var ritin, at hann horaðiz með bropurkonu sinni, ok fyrir þa sok let Johannes lifvit. En þvi gerðum²⁶ ver minningh guðligra stormerkia, þo at meðr³⁰

1 grandværr B. 2 frodum monnum tilf. C. 3 midil B, Fr. 4 þyðir B. 5 [saal. B, Fr.; þina festarkvon C; festarkonu þina sem litið virð A. 6 brudkaupi B, Fr. 7 blezadri modur B; ok lærisveinum tilf. C. 8 guds modir tilf. B, C. 9 svo vordit tilf. C. 10 [ganga med C. 11 [þvi fyrri grein, at sa er hattr C; Sa er hattr Fr. 12 þvi C; su Fr. 13 35 frændseminnar C. 14 [mgl. B. 15 standa fyrrum greinum tilf. C. 16 nema Fr. 17 fylgir C. 18 saal. A og C; ondvegismadr B. 19 postuli ok nefndizt tilf. C. 20 [mgl. Fr. 21 eignast i greindum hlutum C. 22 [gudi i B. 23 utan tilf. B, Fr. 24 [varr herra (lausnari Fr.) hafi Johannem kallat B, Fr. 25 i myrkvastofu tilf. C. 26 gerum B.

stuttu mali, at oss virðiz timinn verða skyrri ok skilianligri, ef enn siðarr i bokinni er til þeira luta aptr vikit, sem nu hafa lesnir verit.

Af postola tolu¹.

5 6. Nu sem varr herra fregn², at Johannes baptista³ er innkastaðr frændi hans, lykr hann upp sinn blezaðan munn til predikanar embættis, því framarr takandi sinum meistaradomi marga lærisveina kenningarorðum til minninghar ok ollum eptir-
komandum til eilifrar nytsemdar. Nökkura af þeim⁴ skipar hann
10 ser næsta⁵ sem sina raðgiafa ok fullkomligha⁶ felagha giæðandi þa alla mikilli virþing meðr því nafni, at hann kallaði þa sina postola .xii.⁷ at tölu, þa er sva heita: fyrsti er Simon Petrus ok⁸ Andreas broþir hans Jons synir af Chapharnaum, menn ægiætir ok mikils virðir, er viðr fyrstu lausnarans rödd fyrirletu æ sio Galilee
15 allt sitt goðz fylgiandi honum, [skipandi fiskimenn⁹ i fagra predikan ok postoligt embætti; her næst ero .ii.¹⁰ bræðr virðuligir synir Zebedei Jacobus ok Johannes, er tendraþir með astarhita fauþur [i himinriki¹¹ fyrirlietu sinn holddligan feðr¹² ok felagsmenn æ greindum sio Galilee, samtengþir sama dag fylgð ok foruneyti drottins
20 vars sem blezaðir¹³ bræðr Petrus ok Andreas; aðrir .viii.¹⁴ ero þessir, Philippus ok Bartholomeus, Thomass ok Matheus, Jacobus Alphei ok Taddeus, Simon Chananeus, ok [siðarstr allra¹⁵ Judas Scarioth, er selldi sinn lausnara¹⁶. Þessir auðlaðuz at sia þat er spamenn baðu¹⁷ ok fyrirsögdu, en sa þo eigi, þessum veittiz
25 at heyra guðs orð ok nærar¹⁸ af hans signaðri nalægð, predikandi¹⁹ borgum ok heruðum himnariki, gerandi margar iartegnir i hans nafni. En meðr því at þann²⁰ tima leyniz illgresit samblandit²¹ guðs ævexti, Judas Scarioth meðr²² postoligum samnaði. syniz oss viðrkvæmiligra at tala þa fleirum sæmðarorðum [til
30 allra samt .xii. postola, ef syniz²³, er heilags anda giðf er fram-

1 *saal. B*; capitulum *A*. 2 þat *tilf. B* 3 *tilf. övr.* 4 þessum *B*. 5 hit næsta sva *övr.* 6 fullkomna *övr.* 7 tolf *B, Fr.* 8 annarr *tilf. C*. 9 [skiptandi fiskveidi *B, Fr.*; hveria hann skipadi af fiskimonnum *C*. 10 adrir *B, Fr.* 11 [himinrikis *B, Fr.* 12 *saal. ogs. B.*; fodur *C*. 13 sælir
35 *B, Fr.* 14 atta postolar *B, Fr.* 15 [allra sidaz *B* 16 lavard *övr.* 17 baduzt at sia *C*. 18 *saal. A, C.*; lærar *B, Fr.* 19 i *tilf. C*. 20 þenna *B, Fr.* 21 godum *tilf. C*. 22 samlaginn *C*. 23 [ef likar, til allra saman tolf postola *B, Fr.*

kominn ok Mathias kosinn i þat skarð, er svikarinn Judas fell¹ brott or, at hann færi i stað sinn, því munum ver þoptaz at þeim² vikia, sem byriaðu mali til heyra.

Capitulum.

7. Þat vattar virðuligr textus³ heilagra guðspialla⁴, at varr⁵ herra Jesus Cristus Maria sonr hefir lagit einkannligan kiærleik til .iii.⁵ sinna postola Petrum⁶, Jacobum ok Johannem, sem fyrir þat skinn liosi biartara, at þa er hann syndi sinn guðdom æ fialli Thabor, kaus hann þessa .iii. til foruneytis af ollum samnaði sinna lærisveina, at þeir væri vattar ok vitorðsmenn sva mikils trunaðar,¹⁰ sem hann fyrirbauð þeim at opinbera fyrir⁷ nökkurum manni, fyrr en hann væri af dauða risinn En þo at þeir⁸ .iii. væri sæmiliga virðir miðil annarra, heildir hinn sæli Petrus, [sem verolldin vattar⁹, höfðingskap allra postola fyrir sina tru ok tigu- ligan frama, sva at guðs son het [honum at fæ ok gefa valld¹⁵ ok lykil himinrikis meðr¹⁰ virðing allra kristni¹¹, ok þat er vel verðugt, þvíat heilug ritning segir, at Simon Petrus hafi meiri ast ok heitari haft til sins meistara en nockurr annarr lærisveina, [sva sem af annarri halfu er senniliga lesit, at drottinn varr Jesus Kristr elskaði meirr Johannem en nockorn annan²⁰ sinna postola¹² fyrir þann blezaða reinleik ok hiartaligan¹³ skiærleik, er hann hafði þegar¹⁴ umfram aðra menn, sem fyrr var greint. Vattar ok þat sæll Johannes i sinu ewangelio, at hann hefir kiærr ok heimolligr verit Jesu, þvíat hann kaus ser af ollum nöfnum [i sinum¹⁵ framburði¹⁶ at heita lærisveinn, sa er Jesus²⁵ elskaði. Her synaz upp risa glaðligar¹⁷ greinir tveggia spurninga. Su onnur, hvi varr herra villdi öðrum meira unna en þeim, er honum unni mest; su onnur, hvarr betri er ok helgari, sa er varn herra elskaði mest, eða sa er varr herra unni¹⁸ mest, hvat er eigi þarnaz guðliga forsea¹⁹ ok fagrlicar greinir af honum fyrir³⁰

1 villtiz *Fr.* 2 [at sinni til þeira aptr *C.* 3 texti *C.* 4 tilf. övr 5 þriggia övr. 6 *Her ender Fr I.* 7 *mgl. B.* 8 þessir *B C.* 9 veit *B*; [*mgl. C.* 10 [at gefa honum lykil himinrikis með valldi ok *B.* 11 [at gefa honum himnarikis lykila, þat er andligt valld at leysa ok binda *C* 12 [tilf *B*; *mgl. A, C.* 13 hiartaliga *B* 14 þegit *B*; *mgl C.* 15 sialfs³⁵ sins *B.* 16 [*mgl. C.* 17 gladliga *B* 18 elskadi *B.* 19 forso *B.*

hugðar¹. Skilianligt er fyrir þilíkar rasir astarinnar, at greindir guðs postolar beri² æ ser einkannliga merking leyndra stormerkia, ok þat annat, at þessir .ii. se til þess kosnir af sialfum guði at þiggja einkanlig privilegia. Munum ver litit skrifa með stuttu
5 mali af [þvilikum storefnum³ ok þo siðarr i bokinni.

Johannes ferdazt um Gyðingaland⁴.

8. Meðr sva haleitri ok heilagri hirðsveit, sem nu er greint, ferr sea hagazti⁵ meistari drottinn Jesus um borgir ok bæi, herut ok halfur Jorsalalandz æ sem vitrazti veiðimaðr, sendandi
10 sitt net til vægðar ok viðrhialpar, þar sem hann matti⁶ flesta draga af diupi illzkunnar til sinnar miskunnar ok stöðugrar strandar eilífs fagnaðar. Margar astgiafir ok umælda [valgerninga tieði⁷ hann⁸ sinu folki Israel, fyrst [predikaði hann⁹ salum þeira sik sialfan til friðar ok sælu æ verandi fagnaða, lysandi blinda
15 menn þeira, reinsandi líkþræ, lífgandi dauða, frelsandi diöfuloða meðal annarra utoluligra iartegna, er hann gerði i guðdomligum krapti sinna orða allan hatt eptir [sinni villd¹⁰. En i moti sva virðuligum verkum vikuz Gyðinga höfðingiar allt annan veg, en nöckurr mundi hyggja kunna, [innandi fótspor margra¹¹ sinna
20 forellra, er til þess höfðu langan uvana at giallda mögl ok illmenzku i moti guðs ast ok sannri elsku, ok því verr tokz þeim til¹², sem þeim [la meira við¹³, sva at alla þa virðing, sem guð veitti þeim framarr en öðrum þioðum i sinni tilkvámu hinni helgazu, sneru þeir¹⁴ ser i skömm ok eilífan áfallzdom, strengiandi
25 sínar samvitzkur með ryðfullum¹⁵ rekendum¹⁶ drambvisrar öfundar, sva at tigulig trú heilagra guðspialla hafði¹⁷ þar ekki rum til vistar¹⁸. Sannleikrinn boðaði þeim biartan heilsuveg greinandi þa drambsemi ok hegomliga dyrð, er þeir i vöðuz, æ marga lund, en þeir ætuz innan sem illar nöðrur æ því meirr með eitri grimd-
30 arinnar, sem hann las optarr saman þeira lyti ok bað þa til aflatz ok yfirbotar, þar til at [sneriz ut¹⁹ i dauðligt hatr, sem siðarr bar raun æ. En þo at Juða höfðingiar legði²⁰ kapp æ at

1 hugadar C. 2 bera C. 3 [þviliku storefni B. 4 Overskr. C. 5 helgazti B, C. 6 mætti C. 7 [velgerninga tedi (veitti C) B, C. 8 blezadr tilf. B.
35 9 [predikandi B. 10 [sinum vilia B. 11 [fylgiandi fotsporum þeira C. 12 tilf. B, C. 13 [vardadi meira, at vel tækizt C. 14 sialfum tilf. C. 15 rækum C. 16 Her begynder atter A². 17 atti B. 18 ivistar B. 19 [þeir sneru ser ut vid hann C. 20 allt tilf. C.

byrgia fyrir sér allan¹ fagnat, fengu þeir eigi folgit himneska birti með dimmum fordrætti [sinnar² illzku ok³ ötru, heldr flaug ok fluttiz hvervetna frægð ok ægiæti vars herra. Þvi sotti til hans af ollum áttum mugr mannz, [fyrst innan landz at þiggia heilsugiafir ok heyra kenning hans, en hans nafn ok kraptauðig dýrð gekk síðan⁴ 5 ut i Syriam ok oll nalæg ríki; þvi sottu eigi síðr heiðnir menn til heilsubotar, þviat varr herra græddi þa⁵, ok þo fæa, sakir þess at enn var eigi kominn timi heiðinna þjóða, ok þess annars at varr herra vill i moti sea, at Juðar megi eigi hans kenning þat finna, at hann gerði lögbrót i of framri rækt [ok elsku heiðinna 10 þjóða⁶, sem hann váttaði⁷ optliga, at einkannliga var hann sendr til þeira sauða, er foruz⁸ af husi Israel. En þo at brunnr giætzkunnar gerði alla luti vel, voru⁹ griotlig hiortu margra Gyðinga, sva¹⁰ at þeir hófu i glennzi sína hófuðglæpi, en færðu i fleyming ok dáraskap drottinlig verk ok stormerki, sem lesit er af saur- 15 lifismanninum Herodi konungi, at þa er hann spurði verk várs herra, talar hann sva: „Her man¹¹ endrlifnaðr, sagði hann, Johannes baptista, er ek let drepa, ok man nu vera spányrr til iartegnagerða i annan tima“. Her gefr skilia, at Herodes berr vitni sialfum sér um drap Johannis, er gerðiz áre síðarr, en 20 hann var innkastaðr. Nu til neykingar¹² viðr þenna¹³ bolvaðan konung ok¹⁴ hans maka vilium ver setia nökurn¹⁵ æfvintyr þeiri grein til styrkingar, at heiðnir menn hófu betri tru ok meiri goðfysi til vars herra en sialfir Gyðingar; þvi vilium ver hann ok¹⁶ giarna skrifa, at þat er þeim ok þeira niðingskap 25 mest til svivirðingar.

Af Syrie¹⁷.

9. A þeim tímum var einn agiætr konungr yfir Syria fyrir utan Eufraten Abbagarus at nafni. Hann sitr i þeiri borg, er

1 eilífan C. 2 saal. C; sannrar A. 3 [vandrar B. 4 [at þiggia af honum heilsugiafir ok heyra hans kenning, frægðezt hans blezada nafn ok 30 krauptugar dygdir ei at eins þar innan landz, heldr ok íafnliga for hans signuð frægð allt C. 5 heidna menn C. 6 [kenninga ok heilsugiafa við heidna menn C. 7 sialfr tilf. B, C. 8 fyrirforust C. 9 sva tilf. B, C. 10 mgl B, C. 11 mun B, C. 12 ok verdugrar svivirðu tilf. C. 13 sva B. 14 adra tilf. B.; alla tilf. C. 15 einn A², B, eitt C. 16 fyrir adra grein tilf. C. 17 Af Abagaro konungi C.

Edissa¹ heitir, mikill ok máttugr i veralldligum styrk ok storum rikdomi, en veykr ok vanmáttugr i laungum [ok ulæknanligum² krankdomi. Þessi konungr heyrir haleita frægð af verkum þess unga mannz, er nu vex upp i Jorsalariki ok heitir Jesus at nafni,
 5 hvar fyrir hann þikkiz skilia, at nu man sa einn kominn i verolld-
 ina, at hans gamlan siukdom man græða kunna, þott engin villd-
 azti læknir i hans riki megi þat vinna. Ok sem hann hefir optliga
 giarna heyrt guðligt takn fyrir sannorða menn ok mikils verða,
 staðfestir hann með sinu raðuneyti at senda mann meðr brefum
 10 til þ herra Jesum beiðandi með elsku sinnar likamsheilsu. Til þess-
 arrar ferðar kyss hann skynsaman mann, hófsaman ok skilvisan⁴,
 Annaniam at nafni, faandi honum þat bref, er hann skilríkliga vár-
 um herra fram berr, hvert uppbrotit ok yfvirlesit helldr þilikan
 skilning, sem her fylgir.

15 Abbagarus konungr, auðru nafni toparcha, son Eychanie borgar
 Edissanes, sendir litillata kveðiu goðum græðara Jesu, er birtiz i
 halfum Jorsalarikis æ vórum⁶ tímum. Mer er flutt fyrir hliðandi
 rödd miðilfarandi æru, hversu þin persona sæmiz margfölldu
 lofi mikillar dyrþar i faabærum⁷ krapti fyrr oheyrðra iartegna,
 20 sva at þu lifgar dauða, en lætr blinda sea, reinsar likþra, en
 lætr halta ganga, rekr brott diöfla ok ureina anda, græðandi oll
 sottarkyn forn ok ny, eigi meðr skurð eðr bruna, eigi meðr grósum
 eðr beiskum dryckium, helldr með einu samt⁸ affi þinna orða.
 Nu sem ek heyrða þvilika luti, skipaða ek [þinum stett .ij. utvegi
 25 i 9 minu hugskoti, annattveggia at þu ert guð ok steigst niðr af
 himnum til greindra stormerkia, ella ert þu son guðs harðla
 mattugr til [greindra ok¹⁰ mikilla verka. Fyrir því bið ek þik
 þessa luti skrifandi, at þu virðiz til min at koma ok angriz eigi
 við mæðu langra vega, þess órendis at græða þa sótt, sem ek
 30 her¹¹ uhægliga æ minum likama marga tíma. Ok fyrir þa sauk
 at mer er senniliga flutt, at Gyðingar mögla i moti þer ok vilia
 þer umsatir veita, se þer kunnigt, at ek helldr litla borg ok þo
 sæmiliga, en hun vinnar okkr baðum þörf, ef þu vill undan leita
 æleitni Gyðinga.

35 Þvilikt er sendibref Abbagari konungs fullt með sannindum

¹ Edessa *B*, *saal*, *ogsaa senere*. ² [*saal*. *A*², *B*; ok uviknanligum *A*; [likams *C*. ³ virðuligs *tílf. øvr.* ⁴ skilríkan *B*. ⁵ Edessane *B*. ⁶ varum *A*² *B*. ⁷ *saal*. *A* og *A*²; frabærum *B*, *C*. ⁸ saman *B*. ⁹ [þinni stíett *tvo vegu C*. ¹⁰ [mætra ok *C*; *mgf. B* ¹¹ bar *B*; hefi borid *C*.

ok rettri tru, nogligha¹ giædt með miskunn ok rettlæti. Þvi
 öðlaðiz hann sva mikla miskunn i moti, at græðarinn sialfr skrifaði
 honum annat bref með Annania sendimanni, hvert hann farsælliga
 fram berr i nefnda borg Edissam, tiandi sinum herra Abbagaro
 konungi. Nu meðr þi at þetta sendibref [vars herra² kallaz víða
 skrifat æ umerkiligum bokum ymissra leikmanna bæði rangt i
 sialfu ser ok sva i sinni pretituleran, syniz oss nytsamligt at setia
 hann³ her sæmiliga⁴ orð eptir orð i latínu, til þess at hans rett
 [ok skilvist samanhalldit⁵ form megí her synaz ok utskrifaz
 heðan, ef nockurir beiðaz⁶, þviat þar liggr mikit við, at synir
 kristninnar fági rettliga orð drottins sins ok færi þau eigi brott
 or efni, [þo at af annarri halfu se þess væntanda i guðs miskunn,
 at þat verði hverium gott⁷, sem hann gorir með goðu⁸. Rubrica
 pistilsins er i þeiri grein lastandi, er⁹ hun segir varn herra sent
 hafa Matheum til Abbagarum konungs með þetta sendibref, i
 auðrum stað finnz skrifat, at hann hafi sent Taddeum; hvat er
 bæði verðr tómt fyrir þa sök, sem fyrr var skrifat, at Annanias
 syrus bar annat bref fram til Jorsala, en annat aptr i Edissam,
 hvert i ser helldr þvilict form drottinligrar raddar, sem her
 ma heyra.

20

E p i s t o l a.

Beatus qui credidisti in me, cum memet ipsum ipse non videris.
 Scriptum est enim de me, quia hij qui vident me, non credunt
 in me, et qui non vident¹⁰ ipsi, credent in me et vivent. De eo
 autem quod scripsisti michi, ut veniam ad te, oportet me omnia,²⁵
 propter que missus¹¹, hic explere, et postea quam complevero,
 recipi me ad eum, a quo missus sum. Cum ergo adsumptus fuero,
 mittam tibi aliquem ex discipulis meis, ut curet omnem egritudi-
 nem tuam et vitam tibi atque hijs, qui tecum sunt, prestat.

Sva skrifaðan pistil drottins vars Jesu Kristz setr virðuligr³⁰
 herra Eusebius cesariensis byskup i sinni bok, er heitir Ecclesiastica
 Historia, hverr sva norrænaz, sem her ma heyra.

Sæll ert þu, er truðir æ mik, meðr þvi at eigi sátt þu sialfan
 mik; þviat af mer er skrifat, at þeir sem mik sia, munu eigi trua æ
 mik, ok þeir sem mik sea eigi, munu trua æ mik ok munu lifa.³⁵

¹ gnogliga B. ² [drottins vars A², B. ³ saal. A, A², B; vors herra pistil C.
⁴ senn liga B; greiniliga C. ⁵ [mgl. B. ⁶ girnaz B. ⁷ ad goðu C. ⁸ [mgl.
 B. ⁹ at B. ¹⁰ me tilf. B. ¹¹ tilf. B, C.

En þat er þu skrifaðir til min, at ek skyldi² koma til þin, byriar mer at fylla her alla luti, til hverra ek er sendr, ok síðan takaz aptr til þess, er mik sendi, sem ek hefir þat fyllt. Ok þann tima sem ek hefir aðr verit uppnúminn, mun ek senda þer nökurn af
5 minum lærisveinum, at [hann græði³ alla þína sott ok veiti þer lif ok þeim, er með þer ero.

Her er endir sendibrefs vars herra Jesu Kristz samanstandanda með fögru fyrirheiti, hvert fram kom æ sinni tíð. Ok með því at þar er enn eigi komit sôgunni, latum ver þann luta biða,
10 en segium helldr þa luti, er fyrri gerðuz, er fyrir runnu haleitri fylling heitinna stormerkia. Þvi skulum ver af Syria brott venda ok heim i Jorsalaborg⁴ til várs herra.

Um vors herra motstodumenn⁵.

10. Þessu næst er greinanda, at sva sem motstöðumenn ok guðs uvinir voru til hans harðir ok hatrsamir, voru hans frændr
15 ok vinir einkannliga honum kærir ok astrikir, allra fremst ok fyrst sæl ok blezut hans móðir iungfru Maria, er honum fylgði með allri dygd ok móðurligri astuð sva i gagnstaðligum sem i farsælligum lutum. Her með voru .ii.⁶ systr hennar með sama nafni fylgiandi optliga drottins [fylgð ok⁷ foruneyti, upphafliga
20 fyrir skyld þess⁸ haleita meistara sins frænda ok þar með fyrir móðurliga elsku við sina sono, er stoðu vel verðugir i postola tölu. Hvaðan af sva geriz einn tima, sem varr herra er æ ferð til Jorsalaborgar, at Maria mopir Johannis ok Jacobi sona Zebedei gengr fyrir hann litillatliga, hafandi með ser sonu sina i fylgð baða, undir
25 þeiri æsyn⁹ [ok undirvorpning¹⁰, sem hun villdi þiggjanockut, ok varr herra synandi sina miskunn¹¹ til konunnar, yrkir æ hennar örendi ok talar sva: „Hvat villt þu“, segir hann. Hon svarar: „Þat, herra, at þu heitir mer því, at þessir synir minir siti hit, næsta þer i þínu ríki, annarr til hægri handar, en annarr til
30 vinstri.“ I þessarri bæn Marie ero .iiii. lutir merkiandi: þat fyrsta, hversu með miklum astarhita ok móðurligri dygd hun villdi sinum sonum sæmdar leita, þott hun væri eigi sva glögg ok smasmugal¹²

1 [þar sem C. 2 skyllða A², C. 3 [saal. C; græði B; græða A, A². 4 Jorsalaland B, C 5 Overskr. C. 6 tvær B 7 [mgl. B 8 hins tilf. B
35 9 asionu øvr. 10 [mgl. B, C. 11 blidu B, milldi C. 12 saal. A, A², B; smasmugul C.

hvat henni hæfði at biðia; þat annat er ok hugleiðanda, hversu þessi Maria var Jesu kiær ok heimollig, er hun skyldi þora þess at biðia, sem .ij. af Kristz kappasveit, er Ysidorus Ethimoligiarum kallar sonu hliðandi reiðarþrumu ok stora risa i mikilleik ok styrkleik truarinnar, treystuz eigi fram at bera, en villdu þo 5 giarna þiggia; þat þriðia gefr vel skilia, at bænarstaðr Marie rann upp af þeira undirlögum, þott þeir þegiandi frammi standi ok hafi moður sina at hlifskilldi; þat .iiii.¹ er vel virðanda, hversu postolar voru holldligir þenna tíma, aðr þeir fengu gipt heilags anda, þviat nu girnaz þeir meðr heitri elsku metorð ok sæmdir, en síþan 10 [fæga þeir i² fyrirlitning, brigzlum ok bardögum ok hverri veralldar³ vanvirðing. Þat vattar Jesus i næstum andsvörum satt vera, at greindri bæn voru fleiri samraða⁴ en ein saman husfru Zebedei, þviat hann vikr sinni ræðu til blezaðra .ii. bræðra sinna postola, er frammi standa, ok talar sva: „Eigi viti þer, segir 15 hann, hvat yðr hæfir biðia.“ Ok enn talar hann meira: „Megi þit drekka þann drykk, sem ek man drecka?“ Ok er postolarnir, litt skoðandi diupleik orðanna⁵ þann tíma, sögðuz⁶ þat fyrir vist gera mega, [segir drottinn varr⁷ i annan tíma: „Senniligha manu þit drekka minn drykk, en at sitia mer til hægri handar 20 ok⁸ vinstri er eigi mitt at gefa ykk, helldr þeim sem þat er fyrirbuit af minum feðr.“ Drykk þessi, er drottinn kallar sinn ok segiz drekka munu, merkir þa saru pinu, er hann tok meðr fôður boði⁹ fyrir varri hialp ok heilsu, hvern hann vattar sonu Zebedei drekka munu, þviat þeir ok allir aðrir, er pislarvætti þola 25 fyrir rettlæti, samlagaz þeim pinslardrykk, er drottinn bergði æ krossinum helga. En með hverri skipan ok hætti hvarum þeira bræðra byrlaðiz pislardrykk með guðs vilia, mun siðarr betr liost verða, sem lif þeira segiz lengra. En þat er Jesus sagði eigi sitt at veita nefndum bræðrum þau hasæti, sem þeir baðu, leiddi hann 30 þau orð af mannz natturu, hvat er lysaz ma fyrir [þa litlu¹⁰ glosu, sem hann [sagði sva¹¹: þat er þit baðut son mannz gefa¹² ykk¹³ sæmð ok virðing andligra fagnaða, heyrir eigi þeim¹⁴ tíma, ok eigi stendr dauðligum manni þvilikt iata, þviat þeira dyrð er

1 fiorda B. 2 [fagna þeir i B. 3 [fagudu þeir fyrirlitning þolande með 35 fagnadi hverskyns C 4 samradi B. 5 i tilf. A², B. 6 sögðu sik øvr. 7 [saal. B; drottinn varr segir A, A². 8 edr B. 9 saal. øvr.; bæði A. 10 [þa litla A²; litla B. 11 [sva segdi B. 12 veita øvr. 13 i tilf. B. 14 þessum B, C.

su, sem einn odauðligr guð i heilagri þrenningu hefir skipat fyrir alla tima. Sva svarar elskubrunnrinn nu at sinni þeira bæn, fyrir þa¹ grein er² hann er sonr mannz litandi æ diuplikt³ form varrar natturu, skipandi allt at einu meðr sinu almatku einvalldi fyrir þa grein, er hann er guðs son, at þessa bæn tveggia bræðra Jacobi ok Johannis skal hann veita, þa er hann vill ok þann veg er hann vill, sva biart ok auðsyniliga, at ollum verði liost, er i koma verolldina, hversu goðr drottinn er nærri bænum⁴ sinna þæla; hvers enn mun getit verða, aðr þetta verk tekrs sinn enda.

10

Capitulum.

11. A atianda ære rikis Tiberij cesaris⁶, sem drottinn Jesus hefir kent mikinn kulða af gamalli ófund udyggra Gyðinga⁷, flærð ok undirferli, umlestr ok æleitni, svik ok umsatir, róg ok rasanda forz, sva illmannliga sem afskapliga, at þeir girntuz full-
 15 komligas hans dreyra, sér hann, sem ut ero gengin .iii. ær full ok .xxx.⁹ timaligs alldrs, at fylldar ero rasir hans veralldligs vegar, ok hann byriadi¹⁰ með föðurligu¹¹ raði at framkvæma þat örendi, sem þegar i¹² upphafi var fyrirætlat af hans guðdomligri speki at hugga sem miukr faðir þær færaðar ok mæddar sinar
 20 olmosur, sem satu i diupum¹³ dauða ok dimmu heraði, þviat giarna vill síæ virðuligr¹⁴ hirðir til þess þola [sær ok sutligan¹⁵ dauða, at hans sauðir lengi dauðir megí því helldr lifa. Þessarri elsku finnz engin meiri, at hirðirrinn þyrmi eigi sialfs sins lifi. En hverr mun telia [mega eðr¹⁶ kunna alla þa elsku, er hann veitti sinum
 25 börnum ok veykum astvinum i nalægum tima sinni¹⁷ pinu, nærandi þa miukum stuðningum¹⁸ ok styrkiande fögrum fyrirheitum, til þess at hans piningarharmr skyldi þeim eigi of nærr ganga, veitandi þeim at skilnaði nyfundna list til sanur ar astar ok eilifra fagnaða, þviat i siðarsta snæðingi, sem hann helldr æ skirdags
 30 kvelld meðr sinum postolum, þværr¹⁹ ok þurkar fætr allra þeira drottinn ok meistari sinna lærisveina. En eptir þat klæðiz hann

1 saal. øvr.; þessa A. 2 at B. 3 saal. A, A²; dupltigt B; daufligt C.

4 saal. øvr.; bæn A. 5 taki B. 6 keisara C. 7 med tilf. B; sem tilf. C.

8 fullkomit A², B. 9 þrirtigir B. 10 byriar þessu næst B. 11 föður A², B;

35 födur sins C. 12 heims tilf. B. 13 döprum B. 14 virðuligi A², B. 15

[saal. øvr.; sott ok sárligan A. 16 [mgl B 17 sinnar C. 18 aminningum

B; fortolum C. 19 hann tilf. B.

ok setz yfir borð, gerandi langan sermonem fyrir þeim ollum saman, ok meðal annarra luta talar hann sva með sárligu ótta-boði sins likama: „Satt segir¹ ek yðr, at einn af yðr man selia mik.“ En þetta orð slo harmanliga hiortu postolanna, þviat þeir vissu eigi, til hvers hann talaði. Ok þo at þeir kendi her um 5 allir grandalausar sínar æhyggiur², utan sa er giorði, rædduz þeir³ eigi því siðr velltiligt hiof veykrar natturu bæði fyrir sik ok aðra. Ok sem þann veg stendr, at guðs astvinir ero slegnir ugg ok otta [yfir sinni giptu ok meistarans dauða⁴ meðr heitri girnd at vita, hvern þat uhæfuverk man henda, segir blezaðr varr 10 sagnamaðr⁵ Johannes ewangelista, at einn af lærisveinum Jesu hneigði sitt hófut yfir hans blezaða briost ok hvilldiz yfir hans signaðum⁶ faðmi. See her dyröligan mann Johannem ewangelistam, er sva boðar sialfs sins hæstu virðing, at hann forðaz alla hræsni ok upphafning, hann berr fram sina dyrð undir þeiri æsionu ok 15 litillætis varðveitzlu, sem hann tali⁷ af⁸ nöckurum öðrum, sem til er loffigr vani heilagra feðra, at þa er þeir segia þat, er þeim til heyrir i lofi sinna ritninga, lika⁹ þeir annars personu en eigi sina; þviat¹⁰ [blezaðr Paulus segir ok vattar i sinum epistola talande sva af sinni dyrð, sem her ma heyra¹¹: Veit ek mann hafa 20 verit gripinn, segir hann, fyrir .xiiij. árum allt til ens þriðia himins, sem guði er kunnigt en eigi monnum¹², hvart i salinni eðr bæði samt i önd ok likama. Sva sem Paulus gorir Johannes ewangelista skrifandi sitt lof undir annarligri æsynd, þviat rettligarr hefði honum til heyr¹³, ef hann hefði viliat sva segia: Ek var 25 hneigiandi mitt hófut ok likama i faðm Jesu, helldr kaus hann hitt¹⁴ orðtak, sem fyrr var skrifat [meðr gefandi glosam sannliga¹⁵ at engin megi við dyliaz, hverr af lærisveinum þessi var, segiandi at þenna elskaði Jesus¹⁶. Þat skal eigi sva skilia, at varr herra Jesus elskaði þenna einn af sinum lærisveinum, helldr þenna einn 30 öðrum kærligarr ok heimolligarr sakir einkannligrar hans frum-

1 segi *B.* 2 samvizkur *B.* 3 serhverir *tilf. B.* 4 [at greindu ordtæki sins liufa lavardar ok meistara, fystust þeir *C.* 5 söguðr *A², B.* 6 *saal. A², B.*; blezadum *A.* 7 ei af sier helldr *tilf. C.* 8 *Her mgl. et Blad i A².* 9 likia *B.*; setia *C.* 10 hvat er *B.* 11 [sæll ok virduligr Pall postoli 35 talar svo af sinni dyrð, sem her fylgir *C.* 12 mer *B, C.* 13 rettliga *B.* 13 svo vordit ordtæki *tilf. C.* 14 þat *B, C.* 15 [med gefandi sanna glosu *B.*; gefandi sauna ok sæmiliga glosan *C.* 16 Sva audsynir æ Johannes sina personu, at þenna elskadi Jesus *tilf. B.*

tignar, þvíat hans skærleikr¹ gerði hann makligan hæri elsku en
 nöckurn annan. Utoluligh vitni heilagra ritninga vattar² þetta
 liosi biartara, at drottinn Jesus hefir guðliga elsku eigi at eins
 til sinna postola helldr³ allra sinna okominna lima⁴, sem hann
 5 sialfr synir i skilning þeira orða, er hann talar við sina lærisveina:
 Sva sem faðir elskaði mik, sva elskaða ek yðr. En þo elskaði
 hann Jóhannem framarr oðrum, þvíat þessi óðlaðiz at neigiaz yfir
 meistara briost, eigi at eins i nálægt astarmark helldr i forspa
 okomins stormerkis. Þessi neiging Jóhannis yfir spektarbrunn⁵
 10 blezaðan faðm drottins sins berr fræga figuru þeirar hamingiu ok
 hófutgiptu, er honum kom síðan til handa i sinum endadögum,
 at almattigr hófutsmiðr kaus hann til þeirar virðingar af ollum
 monnum at skrifa hæri luti ok helgari af leyndum stormerkium
 tilheyrandi sialfum guðdominum, en nöckurr fyndiz i heilagra
 15 feðra ritningum eðr mattuligt⁶ væri iarðneskum manni aðr eðr
 síðan frambera utan þeim⁷ einum. Þvi se þin speki blezut, hinn
 goði Jesu, er sva skipaðir, at þann tíma sem þer byrlaðiz piñslar-
 dryckr, byrlaðir þu þinum elskara vítzkudrykk af þeiri lifandi æði
 spekinnar, sem helldr ok i ser hefir allar hirðzlr vitrunnar. Sva
 20 giæðir þu, milldr konungr, mætan riddara stinum malagiðfum,
 veitandi honum þinn faðm til andaligrar⁸ elsku ok yfirvættis⁹
 krunu, er fyrir þina ast neitaði forðum kvensligan faðm i likam-
 ligri návistu, at því fegra ok gleðiligra¹⁰ yrði hans hugskotzauga
 til þinna leyndra luta, sem betr skygðiz æ gloð astarinnar skirt
 25 af allri moðu¹¹ bitra munhugða¹². Þenna elskar þu ok þenna
 faðmar þu, hinn goði Jesu, i þeiri samkundu, sem aull angraz af
 þinni pinu, hvat er almennilig kristni helldr i minning æ dagliga
 meðr þinu boði, greinandi faam orðum mikil tíðindi þeim sæla
 manni til sæmþar, er hun syngr þetta af: Walde honorandus est
 30 beatus Johannes, qui supra pectus domini in cena recubuit.

Capitulum.

12. Nu sem Simon Petrus fyrst af .xii. uppsitiandum post-
 olum ser, hversu skipat er, at Jóhannes lytr at varum herra,

1 saal. B, C; kærleikr A 2 saal. A, C; vatta B. 3 til tilf. C. 4 hluta
 35 C. 5 ok tilf. B. 6 saal. B, C; matulig A. 7 þessum B; honum C. 8
 andligrar B, C. 9 blezadrar tilf. C. 10 gladara B, C. 11 meining C.
 12 munugða B; munuda C.

gefr honum val¹ skilia, at þenna² byriar þess spyria, sem nu
 [girnaz allir³ vita, hverr selia man þeira meistara, þott engin
 þeira treystiz lupp bera⁴. Sva i annarri grein veit Petrus til
 þess nogligan⁵ vana, at sæll Johannes spurði með mestu trausti
 ok heimolleik varn herra þeira luta, sem þa forvitnaði at vita. 5
 Þvi helldr Simon Petrus sagðan hátt, gerandi nökkut mark sælum
 Johanni, eigi meðr róm eðr orðum helldr likams ræring, at hann
 skuli spyria sinn meistara, hverr hann muni selia. Ok er Johannes
 undirstendr vilia Simonis, spyr hann Jesum ok þo lágliga:
 „Herra, hverr er sa, er þik man selia?“ Ok drottinn Jesus 10
 svarar honum með litlum róm, sva at fáir heyrðu⁶: „Sa mun
 mik selia, sem tekr af minni hendi dögðvat⁷ brauð, siðan ek hefir
 tilbuit“. Ok eptir sva talat fær hann sama brauð Jude Scha-
 riothis. Ok iafnfram sem þat brauð gekk inn i kvið Jude, geck
 inn ok sealfr fiandinn i hans hugskot, eigi sem nykominn gestr, 15
 helldr sem heima alinn uvin, at sva sem i fyrri inngongu hafði
 hann ruggat⁸ alla dygð Jude at eins i hugrenningum, skal hann
 i siðarri inngongu framleiða fular hugsanir i liotan ævöxt illra verka,
 hvar fyrir sva geriz i stað, at hann hefir sik uti af herberginu
 eigi nu sem annarligr⁹ freistninni, helldr sem eigin diöfulsins i 20
 alla staði [fuss ok fliotr¹⁰ til nyrra febragða at selia sinn meistara
 meðr niðingskap ok taka þar í moti penningha. A svikara Juda, er
 ut for til fiarafla en feck eilifan skaða, verðr liost eptir orðum
 sæls Augustini erkibyskups, at þat varðar meira, hvilikr maðrinn
 er, en hvat hann tekr. Jude var gefit brauð af borði Kristz, ok 25
 þegar gekk fiandinn i hans hiarta eptir þann bita, þviat goðir
 lutir meina ranglatum, sva sem illir gagna rettlatum. Dæmi svik-
 arans Jude skyrir fyrri grein, en siðarri skal provaz með sönnu
 dæmi. Blezaþr Paulus talar af sinni personu: „Til þess, segir
 hann, at ek drambaði eigi af þeim birtingum, er guð veitti mer, 30
 er gefinn holldi minu andskotans engill til freistni ok bardaga,
 fyrir hveria sök ek bað drottin þrygja, at hann ræki þann engil
 fra mer, en í moti bænarorðum tok ek þilikt andsvar: Þörf
 vinnr þer, Paule, miskunn min, þviat kraptr algeriz i siukdómi“. Se
 her dæmi. Engill fiandans striddi æ Paulum, ok þar fyrir 35
 algerðiz postolans kraptr i Kristi, þviat hann tok val¹¹ illan lut,
 sva sem Judas tok illa goðan lut.

1 vel B. 2 saal. A, B, C. 3 [vilia allir giarnaz B. 4 [hann þess at fretta
 C. 5 optligan B. 6 er upp satu tilf. B, C. 7 dögðat B. 8 ok onaðat
 tilf. C. 9 i tilf. C. 10 [saal. B.; fliotr C; full ok liotr A. 11 vel B. 40

Capitulum.

13. Eptir utferð Jude gorir drottinn Jesus sætan sermonem sinum postolum, er hann hafði fædt ok styrkt i þeim sama snæð-
 ingi með sinum dyrazta likama ok dreyra undir brauðs ok vins
 5 æsionu moti yfirkomanda stormi uheyrðra mannauna, er þeim kom¹ skiott til handa fyrir þa ógn ok otta², er hræðiz i mikilleik hans pininga. Ok meðr því at þessor³ tíðindi geraz i sialfri Jorsalaborg, sem milldr guð villdi, gengr varr herra siðla til bænar upp i fiallit Oliveti meðr sinni fylgd ok föruneysi. Hann
 10 tekr þa enn með heimolleik .iii. sina postola Petrum, Jacobum ok Johannem ser til föruneysis brott fra auðrum samnaði, at þessir .iii. se nalægir þeiri bæn, er hann gorir einsliga til sins blezaða föður. Ok skiotliga eptir þat kemr þiofrinn Judas með miklum styrk af hendi haðuligra Gyðinga, er kolluðuz hófðingiar lyðsins
 15 en voru niðingar ok niðrbrotzmenn rikissins. Þessir höndla Jesum eptir försögn falsarans Jude, binda hann [ok höndla ok hallda hann sem fanginn⁴ fram i garð Chaiphe kennimannz. Kemr nu hræðiligr ótti yfir Kristz vini ok lærisveina, sva at þeir flyia [hingat ok þingat⁵, utan þeir .ii. Petrus ok Johannes fylgdu⁶ honum
 20 fram i garðinn; hvat [er lengra um at gera⁷, en himnarikissins astvin sæll Johannes skildiz við sinn meistara i öngri þraut, framfylgiandi sins herra merki sem goðr riddari ok dygdugr allt i siðarsta strið undir pinu krossins standandi, sem hann vattar i sinu guðspialli⁸, annan veg hia krossinum, en blezut Maria mofir
 25 Jesus til hægri handar. Ok aðr⁹ drottinn giæfi sinn anda, gorir hann nytt ok astsamligt elskuband miðil Mariam mofur sinnar ok Johannem postola frænda sins, skipandi at signut iungfru Maria skal vera Johanni¹⁰ i moður stað, en Johannes iungfru Marie i sonar stað, hvat er hin hesta speki gerði miok viðrkvæmiliga¹¹, at mærin
 30 skyldi meydminn varðveita. Hverr af iarðneskum monnum var sva til fallinn at geyma þann skiærazta meydóm, er guðs son bar til iarðrikis, sem sa er hreinztr¹² fannz allra karlmanna með vitnisburð guðligs astrikis? Hver ma meiri sæmd vera, en nu tiaðiz veitt vera¹³ þeim guðs riddara, at guðs son milldr ok blezaðr
 35 skipaði¹⁴ hann at¹⁵ nöckurum hætti sinn samerfingia ok broður

1 komu B. 2 aga B. 3 þessi B. 4 [hallda sem fanginn B.; hallda sem sinn fanga C. 5 [hegat ok þagat B.; hingat ok þangat C. 6 fylgia B, C. 7 [lengra C. 8 Her beg. atter A². 9 en tilf. B. 10 Johanne B, C. 11 vidrkæmiliga, her og senere B. 12 hreinastr B, C. 13 mgl. A², B. 14 saal. övr.; skipaði A. 15 með övr.

moðurligrar astar sva andligrar sem veralldligrar. Sva faðmaz lof þessa Johannis ok kyssiz sin i meðal. En meðan hann stendr undir merki sins herra, er nu stríðir konungliga moti höfðingium helvitis, er greinanda skaummu mali, hversu aðrir Kristz riddarar standa i þeim ofriði, eðr hvilikan lut hverr eignar ser i þessum bardaga, er upp brast i moti rettum konungi meirr en saklausum, er nu hangir æ krossinum.

Um fall Petrs ok hans idran, item um Pilatum ok Judam svikara².

14. Fyrst er greinanda i framburði settra greina, at Simon Petrus höfðingi postolanna hefir þrysvar neitat sinum³ lavarð ok lausnara, en stendr nu i iðranargrati ok yfirbot i guðs ógliti⁴ endrbætandi sterkligha sinn krapt ok virðing þegar i annan tima, en aðrir postolar ok lærisveinar voru með flotta dreifðir sva⁵ sem sauþir hirðisslausir. I annarri grein miok ulikri þarf eigi⁶ gera langmæli, þviat ófund ok illzku⁷ sialfra Gyðinga berr vitni krossins pina⁸. Dómr fyrr nefndz Pilati er ok kunnigr hverium manni, dictaðr með ueinarð⁹ ok ranglæti. En þo at hann dæmdi illa ok ueinarðliga, er nœkut valld hafði af keisaranum yfir Jorsolum i þenna tima, er hinn fiandans limrinn meirr undrandi, er þess örendis for til Jorsala¹⁰ or sinu riki, at samþykkia [öllu illu¹¹,²⁰ er verst var moti guði gert. Þessi [er dauðasonrinn¹² Herodes Antipas, er fyrrum drap Johannem baptistam sinu sverði, en nu sækir til þess langa vegu brott or sinu riki at drepa Jesum með svivirðligu samþykki. Þat aflaði fullr hroki fornra glæpa, at hvartveggi sekt fylgdi honum til helvitis, meinlauss dreyri predi-²⁵ karans ok saklaus pina lausnarans. Þessu næs er nefnandi niðingrinn Judas Scharioth¹³, er selldi sinn lavarð fyrir [xxx. penningha¹⁴ sem vándr falsari ok drottins svikari, oðrum illr en sialfum ser verstr ok grimmaztr, þviat optliga hafði hann¹⁵ stolit fe fataækra manna, þat¹⁶ er varr herra fekk honum at geyma,³⁰ en nu rænir hann sialfan sik liotu lifi kyrkiandi sinn bolvaðan barka með [stirðum knut ok¹⁸ virgli snörunnar [ok kastaðr ok

1 kappar övr. 2 Overskr. C. 3 sinn övr. 4 augliti övr. 5 mgl. övr.

6 at tilf. B. 7 saal. B; illzka A, A², C. 8 [pinu C. 9 saal. A, A², C;

oeinord B. 10 heiman tilf. B. 11 [þvi ollu B. 12 [saal. B, C; dauða 35

sonr A, A². 13 Scariotus B. 14 [þriatigi penga B. 15 haduliga tilf. B.

16 mgl. B, C. 17 [sterkum C; mgl B.

niðrsteyptr¹ i ðrvæntingar forat, því heitara sem hann fell hæra, því meirr loganda sem hann for niðr lengra. Sva fell þar gamallt illgresi i eilifan elld brott or guðs akri. Þvi skal þar við skilia, sem Judas er kominn i stað sinn, ok renna augum þessu næst
 5 fram til krossins, er ver aðr fra gengum, litandi þann akr drottins, sem² þar frævaz³ i nyrri sæmd ok virðing ævaxtarins. Þessi ævðxtr i akri drottins er hinn sætazti guðs vin⁴ Johannes, er karlmannliga fylgdi sinum konungi, hverr nu hefir utgefit sinn anda blezaðan, læknandi þann siukdóm a pinslartre, sem inn
 10 gekk i paradisum fyrir girndartre⁵, heriandi nu til helvitis með affi guðdómsins, knyiandi lokur ok lasa helvitzkra herbuða með hvellum hamri sins almattigs anda, lemiandi diöfulsins höfuð, sem [fyrir var heitit i heims upphafi⁵, brott gripandi sem biartr sigrvegari alla sina menn af uvina valldi, leiðandi þa meðr styrkri
 15 hendi til eilifrar gleði, er nu var auðfær ok upplökin með hans piningar lukli⁶.

Um Christi upprisu⁷.

15. Þeim frægazta sigri, er drottinn Jesus vann i dauðans heraði, samtengir hann sina dyrð, þat er at skilia sanna dyrð
 20 upprisunnar æ .iii.^{1a} degi eptir pinslina, birtandiz⁸ sinum astvinum, er nu sátu i sut ok angri fyrir hans ryggiligan dauða, styrkiandi þeira hugskot til sannrar trulyndi meðr skyrum stormerkium sinnar⁹ upprisu, etandi ok drekkandi meðr þeim, at þar fyrir legði æ flotta ðll ifasemd hverrar vantru sva nalægrar
 25 sem ukominnar¹⁰ i verolldina. Sva huggar sia blezaðr herra nu enn at nyiu sina tilæskingarsonu verandi með þeim .xi.¹¹ daga, skipandi enn sem fyrr sælan Petrum höfðingia postolanna meðr algerri satt¹² þrennrar neitingar. En æ fertögunda¹³ deghi eptir pinslina stigr hann upp til himnarikis¹⁴ af fialli Oliveti at æseandi
 30 sinni [blezaðu mæðr¹⁵ ok .xi. postolum með auðrum lærisveinum aðr fyrirheitandi at senda þeim heilagan anda eptir fá daga liðna. Þij foru lærisveinar aptr i Jerusalem, sem guð hafði boðit, ok biðu sva fyrirheitinna gíafa. En i þeim .x.¹⁶ dögum sem¹⁷ frestaðiz

1 [niðrsteytttr B. 2 er B. 3 friofaz B. 4 signadr tilf. B. 5 [saal övr.;
 35 fyrr var heitit A. 6 lykli B, C. 7 Overskr. C. 8 saal B, C.; birtandi A, A². 9 [saal. övr.; sannrar A. 10 saal. övr.; ukominn er A. 11 fioratigi B. 12 sætt B, C. 13 fertuganda övr. 14 himinrikis B. 15 [blezaðri modur B, C. 16 niu B. 17 er B.

heilags anda kváma, kallar Petrus saman bræðr tiandi þat skarð, er æ varð postolanna samnaði fyrir glæp svikara Jude; því segir hann nauðsynligt, at annarr se kosinn i fylling tölunnar, sva at .iiij. se skrifaðir¹ hverri höfuðætt heimsins til predikanarembættis. Undir þenna kosning ero settir .ij. menn, het annarr Joseph iustus² bropir .iii^a. postola sona Alphei, er fyrr voru nefndir, en annarr Mathias, var hvartveggiz tiltekinn or lærisveina tölu Kristz. Settu þa postolar guþs luti með bænarorðum, ok fell lutr yfir Mathiam, at hann skyldi taka þa virðing, er Judas fell fra, ok reiknaz meðr .xii. postolum. Liðr nu sva fram til hvitasunnudags, er stendr¹⁰ hinn fimtögundi³ fra paskadegi.⁴ Þann sama dag sendir faðir ok sonr [hinn heilagan anda⁵ yfir allan samnat sinna postola ok lærisveina, er i einu herbergi satu allir sakir ottaboðs Gyðinga, .c.⁶ ok .xx. bæði samt karlar ok konur, meðr sva miklum almætti ok flitvirki, at þeir kunnu [öllum tungum at tala⁷, en óttaduz¹⁵ hvarki elld ne iarn ok ongvar pinslir illra manna, allir fullir meðr heilagleik ok heilsugiðfum [siukra manna⁸.“ Ok er þat eigi undarligt, þviat almattigr guð hefir .xii. af þeim skipat til þeirar virðingar fyrir allar veralldir at bera sitt nafn um heimsins viðerni. Ok þo at heilagr andi skenkti þessum ollum nóga⁹ miskunn sins örleiks,²⁰ sem hann villdi hverium veita til styrktar ok vitzku, ero allt eins frabæriligir Petrus, Jacobus ok Johannes, ok allir saman .xii. postolar, þviat þa kaus himinrikis faðir til þess at briota niðr diðfulsins riki her i heiminum ok frialsa¹⁰ andirnar brott af hans valldi með sonnu predicanarorði. Þessir .xii. astvinir himnakon-²⁵ ungsins, synir höfufteðra, erfingiar spámanna, forgöngumenn ok virðuligir hirðar drottinligrar hiarðar, auðlandiz sva mikla virþing, at þeira hliomr gekk ut i hvert riki ok þeira predikan snaraðiz [ut i¹¹ hvert iarþar skaut, þessir .xii. ero meistarar pislarvatta, leiðtogar iatara, varðhalldzmenn heilagra meya, stiornarmenn krist-³⁰ ninnar, lærisveinar sialfs guðs ok raðgiafar drottinligrar speki, höfðingiar truarinnar, stolpar himinsins¹², endrbætarar heimsins, veggamandi ok virðandi meðr hæstu sæmd ok hatiðarhalldi, þviat fyrir þa pryðiz allr heimr himneskri birti. Kollumz ver nu lokit

¹ skipaðir C. ² þeira tilf. B, C. ³ fimtugandi B, C; fimtögunda A². ³⁵

⁴ fyrsta upprisudegi B. ⁵ [hinn helga anda sinn B. ⁶ hundrads(!) B.

⁷ [at tala allar tungur, er geingu umhverfis veraullðina med ymsum þiðdum heimsens, tvær at taulu ens atta tigar C. ⁸ [við siuka menn C. ⁹ gnoga B; i nog C. ¹⁰ saal. B, C; frialsandi A², frelsandi A. ¹¹ [ut a C;

fram aa B, A². ¹² saal. B; heims øvr.

hafa þa skulld, er ver hetum fyrr i bokinni, at tala nockurum
sæmdarorðum til allra saman .xii. postola, þa er oss þætti timi
til¹ vera.

Um utgaungu postulanna til ad predika².

5 16. An dvol eptir astargiðf [hins heilaga 3 anda gengu postolar
ut af leynikofa dubbaðir sem riddarar til striðs ok bardaga moti
Gyðingum, sterkir sem leones i trausti truarinnar, usigranligir
i ollum mannráunum, kiænir at heyia Kristz orrostur ok reisa
herbuðir heilagra mannkosta, einkannliga merkismenn ok foringiar
10 þeirar sælu sveitar blezaðr Petrus ok hans andligr broðir signaðr⁴
Johannes, mesta gipt hafandi til allra giorða ok guðligra framferða,
sva heilsugiafa sem predikanarorða. Þessir .ii. gera nu þegar
opinberar iartegnir, sem engin ma við dyliaz, predikandi Gyðingum
einarðliga, at sa er sannr guðs son [er þeir krossfestu⁶, hverr af
15 dauða reis æ .iii.^{ia} degi eptir pinslina, steig upp til himna ok sendi
sinum postolum heilagan anda, hvar fyrir þeir boða Judum hæstu
nauðsyn at iðraz sinna glæpa ok forþaz þann bruna, er biðr
ranglatra. En bolvaðir Judar hafa því siðr iðran eðr viðrkenning
sins ufagnaðar, at þeir ogna postolum guðs undir horðum afar-
20 kostum, ef þeir orðfleyta nòckurum manni nafn Jesu, sva sem
þeir vilia forþaz herfiligar pinslir ok haðuligan dauða. Til því-
likra kostaboða svara þeir Petrus ok Johannes einn tima, váttandi
at allzvalldandi guð er makligr⁷ sinu boðorði meiri lyðni en nòck-
urir menn æ iarðriki dauðligir. Ok fyrir þilik andsvør reidduz
25 Gyðingar ok raku þa brott af þeiri þingstoð, er þeir helldu.
Foru þa nefndir guðs kappar⁸ til allra lærisveina segiandi⁹ ækefð
Gyðinga. En sælir guðs astvinir styrktuz i guði, hvergi óttandiz
ognir rangláttra Gyðinga, hvarki vægiaandi fyrir bliðu ne linandi
fyrir striðu. Þvi komu þeir Petrus ok Johannes .ii. einir i þa
30 þraut, at, þa er þeir hófðu gengit til templum domini æ .ix.^{du}
tið¹⁰ dags at biðiaz fyrir ok gerðu heilan þar haltan mann einn i
nafni Jesu Nazareni, voru þeir fyrir þessa sauk baðir hafðir æ stefnu,
sem fyrr er skrifat. En hvart er Judar drogu linara eðr nockuru
harðara, stoðu postolar guðs uhræddir¹¹ i hverium stormi, predik-
35 andi Jesum hinn krossfesta, synandi með ritningum spamanna,

1 þess tilf. B, C. 2 Overskr. C. 3 [heilags B, C. 4 tilf övr. 5 opinberliga
ok tilf. B, C. 6 [sem þeir hafa krossfest B. 7 i tilf. B. 8 i Syon tilf.
B. 9 þeim ord (forz C) ok tilf. B, C. 10 stund B. 11 ohræddir B.

at hann er sannr guð, lofligr domandi¹ lífs ok dauða. Þvi retta Gyðingar sínar hendr fram² lengra ok gripa alla postola inn i myrkvastofu, en leiða síðan fram æ þing, ok gafu þeim³ gillda hndstroku, bioðandi enn at nyiu, at þeir af leggi nafn⁴ Jesu. En postolar almattigs guðs fóru fagnandi af þessu þingi gerandi⁵ margar þackir guðligri milldi, fyrir þat er þeir voru makligir at þola meingerð fyrir nafn Jesu Kristz. Her kemr inn viðrkvæmiliga su grein, er fyrr var skrifut i .x.^{da} 5 capitula sögunnar, at postolar guðs voru eigi [skapglikir i elsku⁶ sinni, þa er þeir beidduz sæmðar ok metorða, ok nu er þeir gleðiaz [þungum¹⁰ piningum⁷ Gyþinga. Her æ ok heima önnur grein, er finnz i sama kapitula⁸, at sa pinslardrykkir, er varr herra Jesus Cristr fyrir sagði virðuligum bræðrum Jacobo ok Johanni sonum Zebedei, at þeir mundi drekka fyrir hans nafni, byrlaz þeim baðum her fyrstan tima undir hörðum þust hatsamra Gyðinga, en dreifiz¹⁵ síðan [ut⁹ i .ii. rasir¹⁰, sem guð görir rað fyrir.

Um dauða Stephani; Paulus snyst¹¹.

17. Nu sem valdir vinir himnakonungsins virðuligir postolar guðs digna með öngu moti viðr klapp eða kall briostkalldra Gyðinga, berandi því framarr blezat nafn Jesu Kristz hins krossfesta,²⁰ aukandi tolu hans hirðmanna til varðveitzlu hans boðorða undir ymisligum stettum¹² valldz ok embættis, grimmaz Gyðingar því meirr ok fiandligarr lyptandi sínar hendr i fulla ofsöcn moti kristnum monnum, hvar fyrir þeir¹³ gryta sælan Stephanum frumvatt guðs, einn af .vii. diaknum, er postolar höfðu vigt. Her²⁵ með gera þeir grimman mann, er i þann tima het Saulus, fram til borgar Damaskum þess örendis at hallda kristna menn, hvar sem¹⁴ fyndiz, ok reka bundna til Jorsala. En æ þeim¹⁵ veg vendir almattigr guð um¹⁶ sinu valldi stormerkiliga, at nefndr Saulus snöriz¹⁷ i Paulum ok verðr sannr vin heilagrar truar ok³⁰ kristinna manna, en hinn mesti uvin Gyþinga, sva at þeim varð enginn harðari¹⁸ i horn at taka. Þviat himneskr guð kaus þenna Paulum til at bera sitt nafn fyrir konunga ok aðra¹⁹ höfðingia

1 domari B. 2 i moti tilf. A²; mun tilf. B. 3 ollum tilf. B. 4 at predika nafn A²; predikan i nafni B. 5 tiunda B; .ix.^{da} A², C. 6 [skaplikir i 35 æsku B. 7 [ok fagna undir þungum svipum þríozkra B. 8 capitulo A², B. 9 mgl. A², B. 10 [vids vegar C. 11 Overskr. C. 12 stett B. 13 Her beg. Fr.III¹. 14 þeir tilf. Fr. 15 þeim B. 16 sva um i B. 17 snyz B; sneriz Fr. 18 alla leið tilf. övr. 19 allz kyns B.

sæmdr postoligri tign meðal hæstu¹ guðs astvina, at² hann
 [boðar boðorð³ sæls Petri um alla kristnina iafn i verðleikum ok
 virðuligum starfalaunum. En þo at Saulus væri frasnúinn ollu
 fulltingi við Gyðinga, linaðuz þeir eigi at⁴ helldr i sinum ill-
 5 virkium⁵ ok ofsottu enn sem fyrr guðs hiðrð ok lærisveina, sva
 at innan litils tíma voru eigi meirr eptir i Jorsolum en .iiii.
 postolar Petrus, Johannes ok Jacobus hvartveggi. En aðrir .viii.
 voru dreifðir i ymisliga staði ok halfur innan landz eða utan, þo
 enn eigi sva i fiarska, sem siðarr var geranda meðr guðs vilia,
 10 [ok þo allt eins⁶ skilr blezaðr Petrus meðr sinum bræðrum post-
 olunum, at skiotliga munu þeir allir skiliaz til ymisslagra⁷ staða.
 Þvi sia þeir nauðsynligt at setia byskup i Jorsolum til valldz ok
 stiornar þeiri kristni, sem þar aflaðiz guði. En þott nefndir
 postolar guðs Petrus, Jacobus ok Johannes hefði mesta fylling
 15 þegit⁸ sællar miskunnar, kaus engin þeira þvi heldr sialfan sik
 til þessar sæmdar, þviat þeir taka samþykkiliga þann kosning at
 vigia virðuligan mann Jacobum Alphei til Jorsala byskups, legg-
 iandi⁹ sinar hendr yfir hans blezaða höfuð. Styrði sa guðs maðr
 gðfugliga sinu valldi ok for til almattigs guðs¹⁰ eptir .xxx. æra
 20 liðna sins byskupsdoms, sem enn mun siðarr getit verða meðr
 guðs vilia.

*Ad Johannes elskar Mariam ok Maria Johannem, sem
 Jhesus baud þeim sialfur¹¹.*

18. Meðr þi at ver sðgðum Jacobum byskup vigðan til Jorsala
 25 en postolar guðs [frelsa¹² sina fætr til predikanarembættis ymissa
 landa, er dveliandi litill timi til þess at¹³ skrifa nockur sæmþarord
 af höfðingium¹⁴ postolanna, fyrr en þeir skiliz sin i millim. Vilium
 ver einkannliga byria þat mal æ þeiri virðingarhæþ, er sæll Johannes
 tok af sialfum guði undir krossinum heilaga, sem fyrr var sagt,
 30 at drotning himins ok iarðar fru sancta Maria guðs moðir skyllði
 honum vera sem moðir, en hann henni skylldugr sem son. Hvat
 er blezaðr Johannes ræktaði vandliga ok virðuliga eptir sins herra
 boði, takandi vara¹⁵ fru sanctam Mariam i alla ast ok umhyggiu
 framarr en nockurr annarr. Eighi er þat [at helldr¹⁶ gleymanda,

35 1 haleitra *Fr.* 2 sva at *Fr.* 3 [bodaz brodir *B.* 4 þvi *B.* 5 illzku-
 þrota *B.* 6 [þvi *B.* 7 fiarlægra *Fr.* 8 þegar *Fr.* 9 *saal. övr.*;
 leggja *A* 10 með þislarsigri *tilf. B, C.* 11 *Overskr. C.* 12 frialsað
 hafa *C.* 13 [frialsa til predikanarembættis ymissra herada, munum ver
B. 14 formonnum *B.* 15 sina *övr.* 16 [ok *B.*

at allir guðs postolar þottuz sælir ok einkannliga skyldugir i hverri
sæmd ok æru, er þeir kunnu henni veita sem sinni drotning.
Var henni ok kæræz með þeim at vera sem optaz ok læra þa af
þeim stormerkium sonar sins, sem henni mattu kunniguz¹ vera
fyrir margfallda gipt heilags anda. En þess æ millum vitiaði su
blezaða drotning þa virðuliga staði, sem hennar son helgaði sinum
stormerkium, dōggvandi² þa meðr elskutárum alla til minningar
ser veittra fagnaða, [en snōri aptr síþan til valinnar³ dygðar
postolanna ok heimolligaz sins geymara Johannis postola⁴. Her
fysir æ at lita fagran ymisleik guðligrar skipanar i .ii.⁵ ægiætum
lærisveinum lausnara vars Petro ok Johanni, hversu virðing þeira
komi samvirðiligh⁶ undir retta⁷ glosu, sem her ma heyra⁸.
Drottinn varr Jesus Kristr gaf Petro i valld lukla⁹ kristninnar, en
sælum Johanni fal hann æ hendi varðveitzlu meðr sinnar. [Hvar-
tveggi postolunum¹⁰ i valld gefin er sōnn moþir, Maria er moðir
Kristz, en kirkian er moþir allra kristinna manna. Af heilagri
Marie tok drottinn likama, en leiddi kristnina fram af holldi
sinnar siðu. Mikil ok sæl er blezut mæ¹¹ fru sancta Maria guðs
moðir, þviat af hennar kviði tok lifandi guð þann sama likama, er
i gegnum var¹² grafinn með spiotlagi, leiddi fram kristnina fyrir
vatn ok dreyra. Meðr þessum hætti syniz heilog kristni tekit
hafa sitt upphaf ok efni fyrir blezaða Mariam moður Jesu Kristz.
Hvartveggi þessi er¹³ heilog meðr uspilltum meydومي, hvartveggi
mæ¹⁴ ok moþir, aunnur Petro, en önnur Johanni i valld gefin, til
þess at virðing frægra verðleika skyldi samvirðilig birtaz i tveim
höfðingium himinsins¹⁴, þvi framarr sem betr er reiknaðr valldzins
þungi hvars embættis. Sva segir Jesus Petro: „Þer man ek
gefa lukla himinrikis“. Her i moti [litit æ¹⁵ valld ok privilegium
Johannis, hvat er i moti, at blezut Maria drotningh ma viðr-
kvæmiliga¹⁶ himinn heita, meðr þvi at i hennar kviði meydumlígun
var oll guðdomsins fylling .ix. manaði; sa var skipaðr i litlu her-
bergi meyligs¹⁷ kviðar, er stiornar ríki himinsins ok gleymir þo
i engum lut höfðingskap iarðrikis. Nu er, sem birtiz i allar
greinir, diorfungarlaust at segia mey Mariam himin vera, ok þvi
skipaði varr drottinn sælan Johannem lykilbera¹⁸ himinsins meðr

¹ kunnuz *B.* ² dōggandi *B.* ³ valdrar *A², Fr.* ⁴ [*mgl. B.* ⁵ tveimr
Fr. ⁶ saman *C.* ⁷ *saal. övr.*; setta *A.* ⁸ heyræz *B.* ⁹ lykla *B, C.*
¹⁰ [*Hvarumtveggia postolanna B.* ¹¹ *tilf. A², B, C.* ¹² *mgl. B.* ¹³ hrein
ok *tilf. B.* ¹⁴ *saal. A², B, Fr.*; heimsins ¹⁵ [*litum a B; er a litanda C.*
¹⁶ *tilf. övr.* ¹⁷ *saal. övr.*; meyar *A.* ¹⁸ lykilberara *A²*; lyckilsberara *B.* ⁴⁰

nockurum hætti, þa er hann dæmði¹ moður sina honum i geymslu. Um sva virðuligar giafir ok samkvæmiligar, sem þessir guðs riddarar þagu baðir af sinum konungi, er eptir leitanda meðr faam orðum, hvat þvi velldr, er fyrr var skrifat i .vii.^{da} kapitula², at varr
5 herra veitti meiri elsku Johanni en sælum Petro. Þa aðra grein setium³ ver fram i sogðu kapitulo, hvarr betri maðr er þeira tveggia, er annarr elskar meirr⁴ sinn meistara ok skapara með ollu hiarta, en annarr elskaz af guði meirr ok heitara. Þat þriðia finnz ok skrifat i greindu kapitulo, hvi varr herra villdi annan
10 meirr elska, en þann sem honum unni mest. Her af dreifir hinn diupi Augustinus mikit efni margvisra greina; hvat ver munum naliga alt um liða, utan heyra eina spurning, er hann setr fram, en siðan svara fyrrum greinum, sem með skeimmztu mali ma undirstanda. Hvarr er betri, segir hann, sa er framarr elskar
15 Krist eða⁵ sa er minnr elskar? En þat⁶ man skiott or leyst, at sa er betri, er framarr elskar guð. Nu er setiandi aunnur spurningh, hvarr betri er, sa er minnr elskaz af guði, eða sa er framarr elskaz? Mun ok þessi grein skiott svarat æn ifvasemð, at sa se⁷ betri, sem meirr er elskaðr af almatkum guði. I fyrri
20 spurningargrein⁸ gengr Petrus fremri Johanni, en i siðarri verðr Johannes forgöngumaðr Petri. I lögtekinni skyring er misiðfn elska sælla guðs postola sva takandi með heilum skilningi, at striðandi kristni æ iarðriki merkiz oll fyrir einn saman Petrum sinn höfðingia ok skipaðan herra, en sigrandi kristni i himnum æ rikiandi
25 skyriz fyrir Johannis dygd ok reinleika. Nu er þauðsynligt, at Petrus elski miok, til þess at ver frelsimz⁹ af þessarri utlegð. Elskiz ok hiartaliga Johannes, at ver standim eilifliga með odauðleik andligra fagnaða¹⁰. Fyrir þa grein hefir Petrus minni elsku af guði, at ver erum veykir ok syndugir i þessu lifi, þvi hefir
30 Johannes meiri elsku¹¹, at alt er brott borit af andligu riki, þat er guði misliki. Engin [mun dirfaz¹² þvi helldr at setianockura sundrgrein milli þessa guðs postola, meðr þvi at hvartveggi þeira var i skyring Petri um tima, ok hvartveggi leið siðan fram i merking Johannis, baðir rettvisir ok trulyndir i [sinu lifi¹³ eðr
35 enn helldr i¹⁴ guðs umboði, þviat sæll Petrus gaf sitt lif fyrir rettvisi kristninnar ok staðfesti truarinnar, en blezaðr Johannes

¹ gaf B; feck C. ² capitulo A², B ³ saal. B, C; áutum A, A².

⁴ mgl. övr. ⁵ saal. B, C, Fr; en A, A² ⁶ þar B. ⁷ er Fr. ⁸ saal. övr.; skynsemdargrein A. ⁹ frealsimz Fr. ¹⁰ Her ender Fr III¹

¹¹ ast B. ¹² [maðr dirfz A², B ¹³ [sinu A², C. ¹⁴ [mgl. B.

geymdi val meðr allri dygð vara¹ fru sanctam Mariam, meðan hun dvaldiz her i skugga þessar veralldar. Skulu þeir lutir skilianda manni þaurf vinna til settra greina.

Guds postular starfa i helgu embætti.²

19. Sem her er komit sögunni, at örindrekar almattigs guðs 5
bera sinn hliom i hiortu valdra manna til himinrikis, kemr³ oss
til minnis, hvat skrifat stendri i rescripto græðarans til Abbagarum
konungs, i hveriu er hann fyrirhet at senda nockurn af sinum
lærisveinum til hans eptir sina uppstigning, hvat er sannleikrinn
truliga⁴ fyllir, þviat hans orð megu eigi framkvæmdarlaus 10
um liða. En sva skipar varr herra þvisa⁵ efni, at i þann tima
sem blezaðr Thomas⁶ gengr ut af Jerusalem til predicanarembættis,
birtiz honum fyrir gipt heilags anda, at hann skal gera sendiboða⁷
til Abbagarum konungs fram i Syriam sva virðuligan ok vals
fenginn, at hann geri alla skylldu guðliga fyrirheita. Til þess- 15
arrar ferþar kyss hinn sæli Thomass einn af sinu foruneyti ægiætan
mann Taddeum at nafni tiltekinn af lærisveinatolu Kristz [.lxx.
ok .ij.⁹ En meðan ver segium af ferð ok örendislokum Taddei,
gefum ver upp i Jorsolum postola guðs Johannem ok Jacobum, at
ver megim [þeira sögu þar byria þann tima, sem ver erum brott 20
bunir af Syria¹⁰.

*Taddeus med tekur postuligu embætti græðandi
marga fyrir guds krapt¹¹.*

20. Guðs maðr Taddeus sem hann hefir þegit af sælum
Thoma postoligt valld ok guþspialliga virðing til þessarrar ferþar, 25
gorir hann sinn veg fram til borgar Edissenam takandi ser her-
bergi hia þeim husherra, er Tobias het. Ok litinn tima hefir
hann þar dvaliz, aðr hans nafn [verðr þar storligha frægt¹², þviat
hann græðir hverskonar sottir i krapti guðs, sva at allir undraz¹³
umbergis. Flyr þetta orð fram til eyrna¹⁴ Abbagari konungs, at post- 30
oli Jesu er kominn i borgina, sa er mikit valld hafi ok uskilianligt
til heilsugiafva. Konungrinn spyrr¹⁵ innvirðiliga¹⁶, hveria luti

1 sina A², C; mgl. B. 2 Overskr. C. 3 saal. B, C; kiörnir A, A².
4 saal. øvr.; rettliga A. 5 þessu C. 6 postoli tilf. B, C. 7 sendi-
mann B. 8 vel B. 9 [siqtigum ok tveimr B. 10 [þar byria annan 35
tima B. 11 Overskr. C. 12 [storliga frægiz B. 13 saal. øvr.;
undruðuz A. 14 tilf. B. 15 at tilf. B. 16 innvirðiliga A², B.

[eðr hversu mikils verða Taddeus hafði¹ unnit, síðan hann kom i borgina. En eptir þat senniliga² flutt, hugsar hann meðr ser sem vitr maðr, at nu mun sa kominn, er Jesus het honum at senda til heilsubotar andar ok likama. Þvi gorir hann fram til hus-
5 bonda Tobiam bioðandi honom æ sinn fund. Ok er Tobias kemr, talar konungr sva til hans: „Oss er flutt, Tobia, at einn mikils hattar maðr se3 kominn i borgina ok hafi dvaliz um stund [innan þinna herbergia⁴. Nu leið hann æ varn fund, þviat ver vilium seas hann. Sem Tobias hefir heyrt sinn herra konunginn, snyr
10 hann heim til herbergia ok segir Taddeo, at Abbagarus konungr kallaði hann til sin. Þeim orþum Tobie svarar hinn sæli Taddeus⁶: „Meðr þi, segir hann, at Abbagarus konungr girniz mik at sea⁷ sem einn af lærisveinum Jesu, væntandi nøckurrar heilsubotar i minni tilkvamu, skal ek senniliga koma æ hans fund,
15 þviat þat er einkannliga mitt örendi i þessa borg at tala við hann nøckut.“ Næsta dag eptir ganga þeir æ konungs garð Tobias ok Taddeus. Þegar i stað er þeir at koma þvi herbergi, er konungrinn sitr i með sinu stormenni, fæ þeir bliðt orlof til inngongu. En iafnfram sem Taddeus kemr inn i herbergit ok konungrinn
20 sierr3 i hans æsionu, stendr hann upp meðr öllum skunda af sætinu ok fellr til fóta postolanum með sva miklu litillæti, sem ek veit eigi, segir sa er diktat hefir söguna, hvat guðligt honum birtiz i inngongu Taddei, [þat er öngum veittiz at sea⁹ utan konunginum einum. En allir raðgiafar, hirðmenn, [þionostumenn ok sveinar¹⁰
25 undruðuz geysi miok hans tiltæki, þviat þeir haufðu engan vana til slikra¹¹ gerða. Abbagarus konungr talar þa til Taddeum: „Senniliga ert þu lærisveinn Jesu sonar guðs lifanda, er mer sagði forðum: Ek mun senda þer nockurn af minum lærisveinum, þann er þik græði ok lif veiti.“ Signaðr Taddeus svarar þa konunginum:
30 „Þij er ek sendr af guði til þin, at þer truðut senniliga¹² æ hans nafn meðr mikilli dygd, ok ef þer staðfestiz heðan af i hans kristiligri tru, munu yðr veitaz allar girndir yðvars hiarta guði¹³ til sæmþar en yðr til fagnaðar.“ Konungrinn svarar þa: „Senniligha truir¹⁴ ek æ Jesum Crist allt her til. Ok ef ek tæki¹⁵ eigi mer
35 i fang veralldar styrk af [romverskum riddorum¹⁶, skyllði¹⁷ ek

1 [Taddeus hefði *B.* 2 sannliga *B, C.* 3 er *B.* 4 [i þinum herbergium *B.*

5 sia *B, C.* 6 *Her mangler 6 eller 8 Blade i C.* 7 sia *B.* 8 ser *A², B.*

9 [þiat eingum veittiz þat at sia *B.* 10 [ok konungsins þionostusveinar *B.*

11 þilikra *B.* 12 snemma *B.* 13 *saal. B;* ser *A, A².* 14 truða *B.*

40 15 tæki *A²;* tæka *B.* 16 [romversku riki *B.* 17 skyllða *A².*

fara i Jorsalaland með minum her ok drepa niðr við velli þa niðinga, er krossfestu Jesum², ok ef ek hefði styrk nógan, skyldi eigi rikleiki Romanorum fyrir standa.“ Þessum konungsins orðum svarar Taddeus: „Drottinn varr fyllti goðan vilia sins blezaða fauður, eptir þat gort steig hann upp til foður.“ Konungrinn svarar: „Ek veit æn ifa, at hann steig upp til himna sannr guð, ok ek truir æ hann³.“ Taddeus svarar þa: „Undir þessi⁴ tru yðvarri setr⁵ ek mina hönd yfir yðr i hans nafni.“ Ok þegar i stað sem hann hefir sva gort, verðr konungrinn frials ok fullkomliga heill af ollu vanmegni, undrandiz geysi miok, hversu guð⁶ 10 tyllði þat ok framkvæmdi fyrir Taddeum sinn lærisvein, sem hann hafði fyrirheitit i sinu brefi. Aukar þat ok eigi litt konungs þakk-læti, at honum er heilsa gefin eigi með gròsum eða læknisdomum⁷ hellðr einum saman [krapti guðligs valldz ok almætti⁸. Eighi gerði Taddeus þessa eina iartein i Edisso⁹, hellðr græddi hann 15 marga aðra borgarmenn af ymisligum sottum ok uhægingdum, millum hverra var einn halltr maðr ok fotrúmr¹⁰. Abdon at nafni, þiggiandi retta göngu fyrir ætekning Taddei. Ok er Abbagarus konungr profar bæði nalægan guðs krapt fyrir sik ok¹¹ aðra, talar hann sva til Taddeum: „Mikils hattar luti gorir þu með 20 guðs krapti, sva at ver [leiðumz allir i undran ok¹² dæsemi. Nu bið ek þik, at þu kynnir mer af tilkvamu Jesu, með hverium hætti hun se vordin. Sva vil ek ok, at þu segir mer af hans krapti, i hverium hann gerði sva marga stora luti, sem ek fyrr heyrði.“ Taddeus svarar sva konunginum: „Nu at sinni, herra, mun ek 25 fátt við yðr tala af tilkvamu eðr taknum vars herra, fyrir þa sauk at ek er sendr til þessarrar borgar [opinberliga at predika¹³ guðs orð. Þvi biðr ek, at þer latit blasa i morgin allan borgarlyð saman i einn¹⁴ stað, sva at ek megí ollum þeim veita lífsbrauð fyrir plantat sæði hins eilifa orðz drottins vars Jesu Kristi.“ Abbagarus 30 konungr gorir æn dvol, sem postolinn beiðr, dreifandi sitt boð um alla borgina, at á næsta dag skulu allir i einn stað saman koma. Ok sem lýðr er margr saman kominn¹⁵ eptir konungs boði, stendr upp Taddeus postoli i miðiu liði¹⁶ predikandi guðs örendi

1 at B. 2 sinn herra A³, B 3 ok fauður hans tilf. B 4 þessarrar 35
A², B. 5 set A², B. 6 almattigr tilf. B. 7 lækidomum A², B.
8 [guðs krapti B. 9 Edessa B. 10 fothrummr B. 11 fyrir tilf. A.
12 [undrumz med B. 13 [at predika opinberliga B. 14 saal. A², B;
einum A. 15 lesinn A², B. 16 mgl. B.

bæði langt ok sniallt, fagrliga greinandi, hversu guð vitiði verolld-
 ina ok tiði¹ mannfólkinu marga valgerninga, hversu hann dó sak-
 lauss fyrir lífi² sinna sauða ok reis af dauða. hversu hann steig
 til himna með sælu herfangi sinna hirðmanna gefandi sinum post-
 5 olum heilagan anda eptir fæ daga liðna, biððandi þeim at fara ok
 predika i allar ættir heiðinna þjóða ok at skira truandi menn i
 nafni föður ok sonar ok anda heilags. Ok er Taddeus hefir lýktat
 sermonem með einkannligri gipt ok speki heilags anda, finnz
 Abbagaro konungi sva mikit um hans framburði³, at hann lætr
 10 bera fram mikit gull ok sylfr⁴ fyrir postolann, at hann þiggi fyrir
 sitt starf ok mæðu. [Fyrir hvert er vel birtiz, at konungrinn var
 enn ungr i reglu postolanna, hversu þa byriaði kauplaust veita,
 þat er þeir þagu án andverði⁶ fyrir miskunn ok örleik heilags anda.
 Þetta boðorð man vel hinn signaði Taddeus, talandi sva þann tima,
 15 sem giafarnar ero frambornar⁷: „Hversu megum ver, segir hann,
 þiggia annarligt goðz, meðr því at ver upp gafum vart goðz ok
 afneitaðum fyrir guðs nafn? Nu berit helldr fram fyrir mik þat
 offr, er allzvalldandi guð ok hans vinnumenn vilia giarnaz þiggia:
 truit allir staðfastliga ok latit skiraz i nafni föður ok sonar ok
 20 heilags anda.“ Þessum orðum Taddei sem öðrum veitir almattigr
 guð sva mikit afl ok miskunn i þessum stað, at hann kristnar alla
 borgina, meira mann ok minna. Fullkvæmdi drottinn varr Jesus
 Kristr sva sitt fyrirheit við Abbagarum konung bæði samt i likam-
 ligum lutum ok andligum. Her með skein sva mikil⁸ miskunn
 25 yfir greindri⁹ borg allan tima, síðan vars græðara¹⁰ bref kom i
 hana, at engin villumaðr [eðr skurðgoða villumaðr eðr¹¹ Gyðingr¹²
 ma i henni þrifaz. Þessi borg ma ok með engum herskap unnin
 verða, þvíat i stað sem heiðnar þjóðir sitia um hana, er annat-
 hvart at þeir friðsamaz eðr flyia, síðan þeir heyra vars herra pistil
 30 hátt lesinn yfir borgarmurum¹³. Ok guði til lofs gerþiz sva einn
 tima, sem enn satu hermenn um borgina, at nyskirt barn stoð æ
 borgararminum ok las brefit með skyrum orðum. [Ofan æ þetta
 veitti drottinn síðan sva mæta giðf þessarri borg, at hinn signaði
 Thomass postoli var þagat fluttr af Indialandi¹⁴ eptir fylldan sigr
 35 pinslarvettis, ok er skrinlagðr i hofuðkirkiunni [meðr sva virðuligu
¹ tedi A²; tædi B. ² lif B ³ framburd B. ⁴ saal. A, A²; silfr B.
⁵ val A². ⁶ andvirdi A². ⁷ [þiat konungrinn var enn ungr i reglu
 postolanna. Þa taladi hinn signadi Taddens B. ⁸ guds tilf. B. ⁹
 greiða B. ¹⁰ saal. A²; herra B; herra græðara A. ¹¹ [eda B. ¹² saal.
 40 A², B; gyðingar A. ¹³ borgarmurinn B. ¹⁴ [Ok til þessarrar borgar
 var hinn signadi Thomas postoli fluttr B.

formi, at skrinir hangir i lopti upphalldit meðr fögrum silfrfestum, at sa sem upphafit reisti til predikanarembættis inn i borgina, skuli hana pryða æfinliga með kryptum sinna iartegna, hvert er geriz af þess valldi, er heiminn hefir allan i hnefa ser.¹

Lyktaz² her at segia af goðum herra Abbagaro konungi, ok því byriar oss þvsa næst at venda til Jorsala ok sea³, hvat hinn sæli Jacobus postoli Jons broðir hefz⁴ at. Þviat fyrr en komi .xiii.^{da} ær eptir pining drottins vars, æ hveriu allir postolar fyrirletu Judeam alvarliga ok dreifðuz til ymissa þioða, er greinandi pinslarpalmr hins blezaða Jacobi, sakir þess at hann oðlaðiz fyrstr¹⁰ af postolasveitinni at ganga roðinn ok krunaðr i himinriki. Endir⁵ her hinn fyrsta fiorþung af sögunni.

Her hefz Jacobs saga.

Agætr Jacobus postoli drottins vars Jesu Kristz broðir Jo¹⁵ hannis ewangeliste, sterkr kappi ok sannr sendiboði vitiaði alla Judeam ok Samariam gangandi diarfliga i þinghus Gyðinga, synandi þeim meðr rauksamligum vitnisburð ritninganna⁶ liosliga, at allir lutir ero vel fylldir i drotni varum Jesu Kristo, þeir sem aðr voru fyrir sagðir i spamanna bokum. En meðr því at órleikr vars herra²⁰ Jesu Kristz skipaði sinum postolum ymislig sæti i verolldinni, þann part hverium sem [honum likaði⁷, sierr⁸ hann með sinni guðdomligri speki, at þenna Jacobum byriar fyrri fram at fara til þeirar halfu, sem hann skal vera⁹ at eilifu, helldr en aðrir postolar taka sin lutskipti meðr fullri skipan, fyrir þa grein at hann mun¹⁰ fyrstr²⁵ fyrirlata verolldina, en missa þo i engan stað sinnar æru fyrir dauðans fliotleik¹¹, helldr verða þeira iafningi, sem hæstan soma oðlaz i kristninni. Þvi [vitradiz honum hinn helgi andi ok segir¹², at hann skal fara higat yfir hafit allt vestr i Hyspaniam at bera þar fram guðs orð ok orendi. Ok blezaðr Jacobus gorir, sem guð³⁰ byðr honum, aflandi guði nöckurn ævðxt in Hyspaniis með sinni mæðu ok erfiði. En þat er æ skorti, at hann fengi unnit lifandi, ætlaði guð honum at fylla önduðum. Nu eptir fyrirætlaðan tima af guði, hverfr hann aptr af Hyspaniis til Jorsala fyrir þrifallda skynsemi: þæ fremstu, at¹³ hann leti þar sitt lif fyrir hans nafni; ³⁵ þa aðra, at hann vill styrkia þa kristni, er hann hefir fyrrum aflat i Judea ok Samaria, bætandi þat sem honum þotti æ skorta;

¹ [mgl. B. ² Lyktar B. ³ sia B. ⁴ saal. alle. ⁵ Endar B. ⁶ mgl. B.

⁷ [hann villdi B. ⁸ ser A², B. ⁹ verda B. ¹⁰ skal B. ¹¹ fliotleika B.

¹² [vitrar honum hinn heilagi andi B. ¹³ gud almattigr kalladi hann til þess heim aptr, at tilf. B.

[þa þriðiu¹, at hann sotti heim sætan felagskap sinna bræðra postolanna, þviat þeir voru enn eigi allir [brott farnir, sem fyrr segir ok siðarr profaz². Striðir nu hinn sæli Jacobus postoli með miklum styrk ok vandlæti truarinnar moti ranglatum rettindisuvinum, hept-
5 andi þeira hróckvisi með stanganda³ broddi gagnfærrar skynsemi, sem i fæm orðum vattar Leo pávi.

Capitulum.

22. A4 þenna tíma var i Judea einn frægr galldrameistari, Ermogenes at nafni, mikill ok mattugr i diöfulligum giorningum fullr með fordæðuskap ok allzhattar fulum framningum. Bækr hafði hann til sinnar kunnastu bæði margar ok storar, allar hlaðnar ok þykksettar með bolvaðum listum bannsettrar flærðar. Þeim bokum fylgdi sva mikit diöfulligt afl með [stækum ok
15 sterkum atkvæðum, at hann vakti upp uhreina anda ok sendi þa, hvert er hann villdi, bioðandi þeim at gora hvern ufagnat er hann lysti⁶. Undir þilikan meistaradóm, eða enn helldr margvisan falsaradóm, Ermogenis gengu heimskir menn til náms ok læringar, [hæðiliga fræddir i herfiligum skola undir vándum ok uveniufullum
20 meistara⁷. Optliga tok hann fe til af illum monnum ser likum at gera hinn ok þenna ufagnat með sinum gölldróm. Þi helldu hann margir fyrir hinn visazta speking, [heyrandi þat fals ok hegoma, sem hann bar fram með slægligum orðkrokum ok lykkiottum utvegum⁷. Mörgu sinni fekkz hann mikit i at afblomga frægð ok
25 framferðir Jacobi postola. Var þat ok fyrir þa grein eigi undarligt, þviat þeira siðir voru miok ulikir. Einkannliga mikit traust hófðu Juðar æ⁸ þessum manni Ermogeni, at hann mundi [sva hart ok diuphugat risa⁹ i mot postolanum með sinum fiolkunnigum brögðum, at predikanarorð nyrrar miskunnar mundi eigi ganga framarr. Ok sva fylliz Ermogenes mikillar drambvisi [truandi upp
30 æ sinn falsaradóm ok fallvalltar górningar, at hann muni¹⁰ postola guðs i nóckuru sigra mega eða i malsendum¹¹ yfirstiga, hvart sem helldr fyrir sik eða sina lærisveina. Hvar fyrir sva geriz einn tíma, sem postoli guðs predikar i nalægð viðr þann stað, er greindr galldramaðr sitr i, at Ermogenes tekr¹² einn af sinum
35 lærisveinum meðr [bøn ok¹³ raði Phariseorum, þann er honum þickir visaztr ok i malkrokum ser likaztr, at eyða allan grund-

1 [saal A², B; þat þriðia A. 2 [brottu, sem fyrr segir B. 3 smiuganda B.

4 I B. 5 [saal. A, A²; mgl. B. 6 fysti A², B. 7 [mgl. B. 8 af B.

9 [setia sva hart ok diuphugat rad B. 10 [at hann hygz munu B. 11

saal. A, A²; malsemdum B. 12 velr A², B. 13 tilf. A², B.

voll þeira orða, sem Jacobus berr fram i Judea. Þessi¹ læri-
sveinn heitir Philetus, [dragandi nu mart ulyfian ser i hiarta
fyrir snakligan iblastr sins meistara², dubbaðr villuvapnum til
striðs ok bardaga moti drotni at rangturna rettindi ok leggja at
velli guðdomligha dyrð vars herra Jesu Kristz. I þessarri ferð með ⁵
Phileto voru nokkurir Gyðingar³ gamlir uvinir Jesu, er þat skulo
allt lofa ok satt kalla, sem Philetus kann liugfroðr framn bera.

Capitulum.

23. Nu sem þessir allir [koma i einn stað saman, þar⁴ sem
blezaðr Jacobus er fyrir, berr Philetus sik diarfliga til at þræta ¹⁰
moti postolans rettri kenning æstundandi þat sama með falsligum
[hlykkium ymissa greina⁵, at Jesus Kristus Nazarenius er⁶ eigi
sannr son guðs lifanda, þo at Jacobus sæmi hann alla vega ok
kalli sinn meistara. En i moti lygðum Phileti setr postoli guðs
sannar forspár heilagra ritninga [gerandi styrkliga⁷ með gipt ¹⁵
heilags anda, eyðandi [alla motburði⁸ villumanna, synandi liosi
biartara, at Jesus er son guðs lifanda æ veranda. Umfram þvilika
speki, sem Philetus heyrir af munni Jacobi, sérr hann þat⁹ sinum
augum, at [postoli guðs¹⁰ gorir ymislig takn lysandi blinda, reins-
andi líkþræ ok frelsandi diðfuloða. Her með heyrir ¹¹ Philetus þat ²⁰
vatta sina vini ok kompana, at þeir hafi sieð¹² sælan Jacobum
[gera sva stórt takn, at hann reisti menn af dauða¹³. Meðr þiliku
efni leggr Philetus af falsligum flutningi skiliande sik lægðan ok
sannliga¹⁴ sigraðan sem alla aðra, er Jesum guðlasta. Þvi snyr
hann aptr hvatliga sinni ferð til Ermogenem galldrameistara sva ²⁵
talandi millum annarra luta: „Þat skaltu vita, segir hann, utan
ef, at þessi Jacobus, er kallaz postoli ok þionn Jesu Kristi
Nazareni, er þer ok hverium manni usigranligr, þviat ek sa upp
æ, at i nafni drottins sins rak hann brott diofla fra oðum en
hreinsaði líkþræ ok gaf syn blindum monnum. Her með þarf eigi ³⁰
langt at gera, at hann helldr i sinu briosti¹⁵ helgar ritningar til-
tækar ok reiðubunar, með hverium hann auðsynir, at þessi einn,
en¹⁶ engin annarr, er sannr guðs son, sem Gyðingar krossfestu.
Nu hlyð minu raði, legg af þínu ofbelldi ok kom til postolans¹⁷

¹ tilf. B. ² [mgl. B. ³ yfirgyðingar B. ⁴ [saman koma fram i þann ³⁵
stað A², B. ⁵ [greinum B. ⁶ væri B. ⁷ [mgl. B. ⁸ [allar motbarur
B. ⁹ mgl. B. ¹⁰ [hann A², B. ¹¹ saal. B; gorir A, A³. ¹² seet
A²; séð B. ¹³ [gefa lif daudum monnum B. ¹⁴ liosliga A², B. ¹⁵
allar tilf. B. ¹⁶ tilf. A², B. ¹⁷ með litillæti tilf. B.

biðandi þer líknar ok miskunnar fyrir laung ok mikil ranglæti. En ef þu gorir eigi sva, mantu¹ flatt af fara, þvíat þinir galldrar ok gómul uvenia man þer i engu gagnaz², siðan þu vill af kappi deila við þer betra mann. Nu hvart sem þu kyss þer til handa
5 goðan lut eða illan, skal ek i stað aptr venda til postolans ok biðia hann litillatliga, at hann taki³ mik syndugan milli sinna lærisveina“. Þessum orðum⁴ Phileti reiðiz Ermogenes geysi miok ok akafligaz því, er hann sagði siðaz, at hann skyldi fara til fundar við postolann ok geraz hans lærisveinn. Þvi hugsar hann,
10 at Phileto skal þessi ferð seinni verða [ok ogreiðari⁵, en hann hugði, ok geriz til með sinum lærisveinum at hafa hendr æ Phileto ok binda hann sva sterkliga, at hann ma sik hvergi or stað ræra⁶. Eptir þat⁷ gort talar Ermogenes sva til Philetum, þar sem hann liggr bundinn: „See⁸ nu, segir hann, hversu
15 Jacobus kompan þinn frealsar þik af þessum böndum“. Sva liggr Philetus harðliga halldinn. Nu þegar fyrir æstundan guðs⁹ vilia ok með því at hann hefir oðlaz goða tru i guðligu valldi ok verðleikum [hins heilaga¹⁰ Jacobi, gerir hann skosvein sinn leyniliga fram til postolans, at honum gori kunnigt, hversu nu stendr. Ok án
20 dvol sem vinr drottins heyrir framburð sveinsins, fær hann honum i hendr sinn sveitaduk sva mælandi: „Far þu ok ber Phileto min orð, at hann snerti þenna duk ok segi sva: drottinn Jesus Kristr [reisir upp¹¹ sterkliga bundna ok leysir [fót stokkaðra¹²“. Meðr sva agiætu erendi, sem nu er greint. snyr
25 sveinninn aptr sinni ferð berandi dukinn sinum meistara meðr þeim orðum, er postolinn let fylgia. Ok þegar i stað sem hann hefir tekit dukinn ok sva talat, losna af honum i brott böndin meðr sva mikilli fliotvirki, at engin iarðnesk hönd matti sva [skíott skera¹³ i verolddinni. Gafz honum sva [vinatta ok felagskapr
30 Jacobi postola, let galldrakarlinn Ermogenem ok alla hans væl. Er nu freals Philetus¹⁴ hafandi sik¹⁵ fram æ veg með ollum skunda til virðuligs Jacobi postola, takandi þar líkn ok yfirbot sinna misverka. Spyrr Ermogenes þat til hans ferða, at hann hlær ok heðir at ollum þeim listum ok kunnaztu, sem hans fyrri meistari
35 for með, vátandi hans visdom öngu saman standa utan hindrvitni

1 muntu *A*², *B*. 2 gagna *B*. 3 reikni *B*. 4 greinum *A*², *B*. 5
[tilf. *A*², *B*. 6 hræra *B*. 7 sva *B*. 8 Siam *B*. 9 gods *B*. 10
[virduligs *B*. 11 [saal, *A*², *B*; leysir *A*. 12 [fotstockada *B*. 13 [gera
B. 14 [felagskapr ok vinatta Jacobi, þot galldrakarlinn Hermogenes
40 hæddi at henni. Er nu Philetus frials ok lidugr *B*. 15 þegar tilf. *B*.

ok hegoma. Ermogeni liggr slikt allilla, at einn af hans skolaklerkum skal opinberliga hann ufrægia [ok gefa auðrum lærisveinum slik eptirdæmi¹. Þvi tekr hann æ diupazta² grunn sinna bolvaðra boka, þrifandi þau helvitzku hervapn, sem hann hugði ekki við standa, kallandi til svivirðiligra³ diðfla, bioðandi þeim at⁴ gera, sem her ma heyra: „Farit þer til hvatliga, segir hann, ok leiðit higat til min bundinn Jacobum postola ok Philetum minn lærisvein, at ek mega hefna min æ honum fyrir þat gabb ok gys, er hann hefir mer sett [framarr en nöckurr lærisveinn sinum meistara⁵, at því helldr ottiz aðrir hans skolabræðr⁶ mik at spotta“.

Capitulum.

24. Nu⁷ sem uhreinir andar hafa heyrt sitt⁸ órendi, fara þeir með skiotri⁹ ræs i nalægð við þann stað, sem blezaðr Jacobus postoli er fyrir a bæn sinni. En þat er þeim var boðit, at binda postolann, tekr þeim eigi greiðliga, þvíat engill guðs af himnum¹⁰ tilkomandi talmar þeira ferð i loptinu setiandi alla i gloandi rekendr, [sva at þeir mattu¹¹ sik hvergi ræra. Taka þeir nu [at æpa¹² ok yla með ogurligri röddu¹³, þvíat þeir brenna heitt ok makliga fyrir sina dirfð ok ofstopa. En meðr því at þeir skilia, hvaðan af¹⁴ þeim leiðir þenna bruna, kalla þeir hatt i loptinu æ Jacobum postola ok segia sva: „Jacobe postoli guðs, miskunna þu oss, þvíat ver brennum¹⁵ fyrr en timi se kominn varrar verstu pinu“. Signaðr Jacobus svarar: „Hvat villdu þer hegat¹⁶“, segir hann. Diðflar svoroðu: „Ermogenes sendi oss higat þess órendis at leiða ykkir Philetum baða bundna¹⁷. En þegar sem ver veslugir nalguðumz þenna stað, greip¹⁸ engill guðs oss ok batt elldligum fiotrum, sva at þar fyrir kveliumz¹⁹ ver allir“. Postoli guðs talar þa: „I nafni foður ok sonar ok heilags anda leysi²⁰ yðr engill guðs af þeim fiotrum, sem hann hefir yðr i sett, at þer megit liðugir gora mina sendiferð. Þer skulut aptr fara sòmu leið, sem þer komut higat, ok gripa Ermogenem yðvarn meistara, bindit hann ok leiðit æ minn fund, ok²¹ geymit, at þer þyrmit honum ok

1 [veitandi odrum eptirdæmi sva at gera B. 2 diupara B. 3 sin daliga B. 4 sva at A²; sva B. 5 [mgl. B. 6 saal. A², B; skolaklerkar A. 7 mgl. A², B. 8 saal. A², B; sin A. 9 fliotri B. 10 saal. B; honum A, A². 11 [sva at þeir megu A²; at þeir megi B. 12 øpa A². 13 [hatt at remia ok hvelit at skrenia (ell. skrema) B. 14 mgl. B. 15 allir tilf. A², B. 16 hingat B, og saal. overalt. 17 til hans tilf. B. 18 þreif B. 19 Her beg. Fr.III². 20 læsi B. 21 en B.

meiðit¹ i engu“. Hviliku² boði hins heilaga Jacobi hlyðir án
 dvöl hvartveggi halfa³ himnesk ok helvitzk⁴, sva at fiandr⁴ fara
 lausir af valldi guðs engils gripandi gamla Ermogenem, sem þeim
 var boþit, binda hendr hans [ok fætr⁵ með horðum reipum
 5 [hafandi sik⁶ fram æ þann veg, sem til la postolans, miok
 harðorðir ok [illfengir með ogurligum⁷ afarkostum sva segiandi:
 „Þu sendir oss⁸ i harðan bruna ok hræðiliga pinu, ok því skaltu
 nu biða ufagnat“. En þo at fiandr leti storliga i orðum við Ermo-
 genem, mattu þeir honum eigi grand vinna, sakir þess at postoli
 10 guðs hafði þeim bannat. Sva kemr Ermogenes bundinn fyrir auglit
 virðuligs Jacobi mætandi rettum hirtingum þegar i upphafi, þviat
 blezaðr vin drottins setr honum harða tolu⁹ millum annarra luta¹⁰
 sva segiandi: „Þu hefir drambat langan tima af þinni vitzku ok
 diupri kunnastu miok þarflassi¹¹, þviat þu ert heimskari [en nòckurr
 15 maðr¹² annarr, sakir þess at þu gorir vinattu við uvin allz mannkyns
 biðandi hann senda þer sina engla ok¹³ gera mer mein ok skaða.
 En ek hefir enn bannat þeim¹⁴ at stoðva æ þer sina reiði“. Ok
 er dioflar heyra þessi orð postolans, æpa þeir hatt ok segia¹⁵ sva:
 „Gef þu oss hann i valld, at ver gripim hann ok hefnim bæði
 20 þinna meingerða ok varra pinsla“. Sæll Jacobus talar þa til
 uhreinna anda: „See her, segir hann, Ermogenes stendr frammi
 fyrir oss bundinn, fyrir¹⁶ hvi gripit þer hann eigi?“ Dioflar
 svoruðu: „Þvi siðr megum ver honum grand vinna i þinni nalægð,
 at ver megum eigi mein gera því minnzta kvikvendi¹⁷, er dvelz i
 25 þínu herbergi“¹⁸. Blezaðr Jacobus talar þa til Philetum sins nyia
 lærisveins: „Til þess at¹⁹ Ermogenes skili þann skola drottins
 vars Jesu Kristz [þo at omakligr²⁰, at maðr gialldi gott moti illu,
 skaltu leysa hann, þviat hann batt þik, ok sva sem hann fiðtraði
 þik saklausan, skaltu nu gefa honum frialsan gang fyrir diðfla
 30 pinslum ok allri ógnan.

Capitulum.

25. Philetus [lyðir nu sins herra boði giarna²¹ ok leysir
 Ermogenem. En sva sem þat er gort, stendr hann lutu höfði i

- 1 hann tilf. B. 2 þviliku B. 3 god ok ill tilf. B. 4 diðflar Fr.
 35 5 [mgl. B. 6 [a bak æptr rekandi firir ser B. 7 [illskiptir æ med
 ognuð ok B. 8 at ovauru tilf. B. 9 i fyrstu tilf. Fr. 10 orða B.
 11 i þarfhaust B. 12 saal övr.; maðr en nòckurr A. 13 at B. 14
 her til tilf. B. 15 kalla A², B. 16 mgl. B. 17 kvikendi A²; kykvendi
 B. 18 husi B. 19 omakligr tilf. B. 20 [mgl. B. 21 [hlydir giarna
 40 sins herra bodi B.

sömum sporum ok ræriz hvergi. Signaðr Jacobus talar þa til hans: „Far nu skiott¹ leið þína, hvert er þer líkar, þvíat eigi er þat varrar² kenningar, at nökkurr nauðgiz til retrrar truar“. Ermogenes svarar: „Mer er kunnigt forz ok reiði diðflanna, at þegar i stað sem ek fer heðan brott, gripa þeir mik ok grimliga kvelia ymisligum pinslum til dauða, utan þu gefir mer nökkura hlíf, at ek mega öruggfara³“. Sæll Jacobus svarar: „Tak þer i hönd ferðastaf minn ok gakk i goðu trausti, hvert er þu vill“. Ermogenes þiggr þat giarna, snuandi heim til sinna herbergia. Ok æn dvöl kallar hann saman sína lærisveina fándi þeim storar byrðar með þungum bokum bolvaðra gerninga, berandi sialfr fram til fundar Jacobi postola, verpandi þeim ollum niðr hermiliga með þeirri æstundan at lata graðugan loga gleypa þær allar. Ok er Jacobus postoli sierr⁴, at Ermogenes byðz⁵ til bokabrennunnar, segir hann sva til hans: „Tak helldr griót ok bly ok ber i tðskurnar hia bokunum, streng síþan aptr ok saukk i siofardiup ollu samt, til þess at reykr⁶ þeira beriz i brott af iorðunni [með allri meinsemd ok pinslum⁷ mannanna“. Ermogenes gorir⁸ þessa luti alla eptir postolans boði, komandi siðan aptr með sönnu litillæti, halldande postolans fætr framfallinn miukliga sva mælandi: „Heyrðu, agiætr fulltingiari salnanna! tak þu her einn [iðranda þræl⁹ til þin flyianda, er þu þoldir alt her til ófundsaman ok umlestrsfullan“. Blezaðr Jacobus svaraði: „Ef þu offrar guði sanna iðran, muntu óðlaz sanna líkn ok miskunn þinna andmarka“. Ermogenes svaraði: „Sva [framarliga færir ek guði mína iðran, at allar þær bækr, sem saman helldu mitt fals ok fordæðuskap, hefir ek brott vorpit ok [saukt i siofardiup, her með hefir ek afneitat i mínu hiarta ollum prettligum listum ok svikligum fiandans verkum¹¹; því biðr ek, at þu takir mik undir iðran ok yfirbot“. Postolinn svarar: „Þat er nauðsynligt upphaf þinnar yfirbotar, at þu leiðir aptr til guðs þa, sem þu hefir fyrrum fra honum dregit með þínum falsligum fortolum. Þi skaltu [leitandi fara þeira manna hus ok herbergi, sem þu snorir af rettum veg, segiandi þeim sialfum opinberliga, at þat ero hæstu sannindi, sem fyrrum kallapir þu

1 brott *B.* 2 *saal. A, A², Fr.;* varar *B.* 3 vera *B, Fr.* 4 ser *A², B;* 35 serr *Fr.* 5 *saal. A, A², Fr.;* byz *B.* 6 *Her ender Fr.III².* 7 [fra allri meinsemd *B.* 8 sialfr *tilf. A², B.* 9 [vandan þræl með iðran *A², B.* 10 [framarla færi ek guði sanna *B.* 11 [drekt i siofardiupi ok afsagt mer allar prettvisligar listir ok sviklig fiandans verk *B.* 12 snörir *A².* 13 [segia þeim sialfr *B.* 14 forðum *A², B.*

fals ok rangyndi¹, en þat lygð ok hegomi, sem þu kallaðir rettindi. Her með skaltu niðr leggja² ok [duptliga dreifa allan þann ufagnat, sem þu hefir æ lagit uleyfiligan trunat³. Aptr skaltu bæta rangtekit goðz hverium manni, ok þat er þu aflaðir illa með þinum
 5 falsaradomi skaltu nu veita i⁴ goð verk, at sva sem fyrrum vartu son diofulsins, [hans eptirglikiandi⁵ i löstum, sva skaltu nu fyrir tilæskingarmiskunn verða son guðs, honum tilglikiandi⁶ i goðum lutum, er sina sol lætr upp renna sva yfir illa sem goða, sva yfir þa sem hann guðlasta, sem þa er hann lofa. Nu ef hann
 10 milldr ok blezaðr framdi æ þer sina goðgirnd, þa er þu vart illr ok honum olyðinn, hversu framarr man hann syna þer sina miskunn, ef þu vill vera⁷ honum lyðinn i goðum lutum“. Þvilika luti ok aðra talaði blezaðr⁸ Jacobus fyrir Ermogeni. En⁹ hann tekr allt með andligum fagnaði ok geymir i verki, fyllandi með hæstu lyðni,
 15 gerandiz síþan lærisveinn postolans sva alvarliga snuinn til goðs fra illu, sem miskunnsamr drottinn virðiz bratt at birta, at [þar sem fyrr nægdiz fals ok ranglæti, skyldi siðan nogliga skina kraptr ok rettlæti. Fyrir hvat varum herra Jesu Kristo er einkanligt lof syngianda, at¹⁰ sa sami skal nu iartegnir gera i hans
 20 nafni, sem fyrir litlum tima var sva bolvaðr, sem fyrr var greint i bokinni. Hinn sami var hann fyrir mannliga natturu, en allr annarr fyrir postoliga¹¹ tru, fylgiandi sælum Jacobo postola með allri dygd ok goðvilja lifs ok dauðum¹², sem siðarr man sagt verða. Voru þeir Philetus fremztir i hans fylgð ok foruneyti,
 25 mesta elsku honum synandi [æ nátt ok æ deghi¹³ i ollum lutum.

Capitulum.

26. Þat er vani ranglatra manna, þeira er drektir ero i diupi lastanna, at þeir gleðiaz iafnan af styrk ok uppgangi illra manna ser likra, en angraz i hverri margfalldan rettlatra [ok
 30 vilia þeim mygia ok með þi aullu fyrirkoma, sem þeir mega¹³, ofsækiandi sem sina fauðurbana, hvat er enn fylla fagnaðarlausir Jufar meðr fornri grimd ok nyrri¹⁴ við fauður ok sonu¹⁵ kristninnar; þviat þann tima sem þeir sea Ermogenem magum snuinn til retrrar truar með ollum sinum vinum, bolgna þeir i mikilli reiði,

35 1 rangindi *A*², rangendi *B*. 2 briota *A*². 3 [eyða þinum ollum oleytðum atrunadi *B*. 4 tilf. *B*. 5 [hann eptirlikiandi *B*. 6 likiandiz *B*. 7 geraz *B*. 8 hinn sæli *B*. 9 Hvat *B*. 10 [mgl. *B*. 11 heilaga *B*. 12 lidnum *B*. 13 [viliandi þeim mygia ok fyrirkoma *B*. 14 saal. *B*; nærri *A*, *A*². 15 saal. *B*; son *A*, *A*².

fyrst fyrir þat er dyrkaz nafn Jesu ok aukaz tala kristinna manna, sva fyrir þat er þeir hafa latit þann mann or sinu liði, er þeir hugðu mestan berserk at beriaz i moti kristninni. Þat þickir¹ þeim ok illa, er² þinghus þeira missi allrar þeirar soknar³ ok ofrs, sem þat hafði langan tima halldit af greindum mago ok hans ættmonnum⁴, vinum ok lærisveinum. En [þeir sea, at Ermogenes⁵ fagar nu því siðr þeira traust ok⁶ tru, at hann dregr hvern fra þinghusinu, er hann ma orka, til Kristz ok heilagrar kirkiu. En meðr því at þeir⁷ kalla Jacobum postola efni ok undirstoðu allra þessarra meingerða, kunna þeir honum mesta upokk,¹⁰ sva at þeir vilia giarna sinar fehirðzlur leggja til þess, at hann fai⁸ skaða. Af því samblasa⁹ Juðar moti kennimanni vin drottins meðr sinum harðyðgisanda ok ofbelldis, spillandi meðr fegiðfum [ii. c. höfðingia¹⁰ i Jorsolum Liscicam ok Tecristum, at þeir skuli gripa postolann ok kasta i myrkvastofu. Ok sem þat er¹⁵ gert fyrir meðalgongu fiandans ok fepennings broður hans, at postoli guðs er gripinn ok grimliga¹¹ orpinn i þungt varðhalld, setia Juðar mikit þing¹², takandi fornar malsemdir¹³ sinar, er þeir fram höfðu fyrrum¹⁴ við herra Jesum, segiandi at Jacobus skal æ þing leiðaz ok dæmaz eptir lögum. Þij er vattr sannleiksins²⁰ framleiddr af varðhalldi til þessarrar þingstefnu, sem Judar hallda. Ok þegar sem hann kemr, treysta¹⁵ Pharisei æ þann styrka¹⁶ stolpa kristninnar talandi sva [meðr ygum augum ok reiðri æseonu¹⁷, sem her ma heyra: „Enn leggr þu eigi af, segia þeir, helldr [ferr þu með iðuliga¹⁸ at predika Jesum, þann mann er ver vitum²⁵ allir krossfestan hafa verit með spellvirkium“. En blezaðr Jacobus tekr þessi akefparorð Phariseorum með mikilli þolinmæði, svarandi þeim bliðliga, ok ollum er hia standa, fylldr af¹⁹ gipt heilags anda: „Heyrit þer mik, [vissir menn, ok mina²⁰ bræðr, sem allir þeir er sik vita standa i ættartolu Abrahe. Guð i himnum³⁰ gaf Abrahe feðr varum þat fyrirheit, at i hans kyni mundo arftækar verða allar þioðir. Kyn Abraham er eigi ambattarson Ysmael helldr Jsrael, þviat Ysmael var utrekinn með sinni moður Agar frabyrgðr ollu lutskipti kyns Abrahe, því segir guð Abrahe,

1 likar *A*², *B*. 2 at *B*. 3 sæmdar *B*. 4 *mgl. B* 5 [hann *B*. 6 35
eda *B*. 7 Judar *A*², *B*. 8 *saal. B*; færi *A*, *A*². 9 *saal. B*; samblanda
A, *A*². 10 tva hundradshöfðingia *B*. 11 *tilf. B*. 12 ok breitt *tilf. B*.
13 *saal. B*; malsemdir *A*, *A*². 14 forðum *B*. 15 vandr *tilf. B*. 16
sterka *B*. 17 [*mgl. B*. 18 [fæz þu i dagliga *B*. 19 með *B*. 20
[minir *B*.

at hans kyn mun kallaz son Sarre Ysaach. Abraham faðir varr þa mikit sæmdarnafn, sva at hann var kallaðr guðs vin, ok var þetta fyrr en hann kynni nockut lögmál guðligrar skipanar, eigi dyrkandi þvattdagshelgi ne umskurðarskirn þiggiandi. Vin guðs
5 er hann orðinn eigi fyrir umsnidningar þionostu helldr fyrir sterka tru, at i hans kyni mundi allar þioðir taka¹ sina erfð. Nu þa ef Abraham gerðiz fyrir retta tru vin guðs, er auðsynt, at sa verðr uvin guðs, er eigi truir rett eptir hans² dæmi. Þessum orðum hins blezaða Jacobi svara sva Pharisei: „A hvern villtu
10 þat bera, at eigi trui guði?“ Jacobus svarar: „Sa er eigi truir, at i kyni Abrahe mundi allar þioðir ððlaz fagnat, ok sa er eigi truir Moysi, er sva segir: *Suscitabit vobis dominus prophetam magnum*. Þessi orð talaði Moyses til Israels lyðs meðr skygnri forspá ukominna luta: drottinn mun uppreisa³ með yðr mikinn
15 spamann, þann er þer munut heyra i ollum boðorðum sem mik sialfan. Þetta guðs fyrirheit framborit af spadomsanda Moysi gerir sniallr maðr Ysayas nöckuru liosara, undir hverri skipan þat mundi verða, þa er hann sagði sva: *Ecce virgo in utero concipiet*, þat norrænaz sva: See her⁴, mær mun getandi verða,
20 ok hun mun son fæða, þann er kallaz mun guð með oss Af þessarri guðs kvamu til vár sagði⁵ spamaðr: *Ecce veniet redemptor tuus, Jerusalem*, [et hoc eius signum erit, cecorum oculos aperiet, surdis reddet auditum et voce sua excitabit mortuos⁶. Þetta þyðiz sva: See þu, Jerusalem, koma mun lausnari þinn, ok mun
25 hafa þat mark ok vitnisburð, at augu blindra mun hann uppluka, heyrn mun hann daufum aptr giallda, ok dauða menn með sinni rauddu uppreisa. Þat sama vattar Ezechiel sva segiandi: *Veniet rex tuus, Sion*, [humilis et restaurabit te⁶, þat er sva at skilia: Heyr þu, Sion, koma mun konungr þinn litillatr ok mun endrbæta
30 þik. Daniel spamaðr segir sva af þessu efni: *Sicut filius hominis ita veniet*, [et ipse optinebit principatum et potestatem⁶; þat ma sva skyrar i skömmu mali: sva mun hann koma sem sonr mannz ok mun ððlaz valld ok höfðingskap. Agiætr David konungr talar sva sem með rauddu guðs sonar: *Dominus dixit ad me*, [filius meus
35 estu, ego hodie genui te⁶; þat hefir þvilikan skilning: Drottinn sagðe til min, Son minn ertu, ek gat þik i dag. Sami David⁷ talar sva i oðrum stað sem með roddu guðs foður til sins sæla

¹ odlaz *A*², *B*. ² *saal. A*², *B*; guðs *A*. ³ sagði hann *tilf. B* ⁴ segir hann *tilf. B*. ⁵ Helias *tilf. B*. ⁶ [*tilf. B*. ⁷ psalmaskalld *tilf. B*.

sonar: Ipse invocavit me, pater meus estu, [et ego primogenitum ponam illum excelsum pre regibus terre¹; þat er sva at skilia: Hann sealfr mun² mik kalla ok segia, faðir minn ertu, því mun ek hann setia frumgetinn framarr virðuligan en alla konunga iarþarinnar. Sialfr guð talar enn sva til Davíðs i þriðia stað: De fructu ventris tui, hvat er sva norrænaz: Ek mun setia yfir sæti þitt, segir drottinn, af auvexti kviðar þins. Þilíkar spasógur ok margar aðrar runnu fyrir tilkvamu drottins³. Þessu næst er skrifanda, hvat Jacobus berr fram af þeim forspam, er gengu fyrir þining hans, upprisu ok uppstigning ok annarri tilkvamu, at blezaðr 10 postoli guðs hlifi alla þa luti meðr diupri vitzku, sem ver höfum skrifat⁴, hvat er ver fyrir sögðum i fyrsta kapitulo bokarinnars, at geraz mundi fyrir virðuligan herra Jacobum postola i nalægð Judeorum.

C a p i t u l u m.

27. Af litillatri pinu drottins vars talar sva i spadomsanda 15 hinn snialli Ysayas: Sicut ovis ad occisionem ductus est, hvat hefir þilíkan skilning: Sva er hann leiddr sem sauðr til draps, segir spamaðrinn. Af sialfri krossfestinginni spár hinn sæli David: Foderunt manus meas et cet. Grofu þeir i gegnum, segir hann, hendr minar ok fætr, ok reiknaðu þeir öll min bein, ok skiptu ser 20 til handa klæði min. Sami David segir enn her af i öðrum stað: Dederunt in escam meam fel. Gall gafu þeir⁶, segir hann, i mina fæðu ok drykkiðu minn þorsta með vinsyru. Af dauða hins krossfesta Jesu segir enn David: Caro mea requiescet in spe. I ván man hvilaz minn likami, segir hann, þvíat þu, drottinn, munt eigi 25 lata⁷ sal mina i helviti. Af sinni upprisu talar guðs son fyrir munn Davíðs til sins blezaða feðr: Exsurgam et adhuc tecum sum. Ek man upprisa, segir varr herra. Ok enn i öðrum stað tiar hann nauðsyn sinnar upprisu: Propter miseriam inopum et cet. Af dauða mun ek risa, segir drottinn, fyrir vesold þurfandi manna 30 ok sut fataekra. Af sælli uppstigning drottins vars segir enn David salmaskalld: Ascendit deus in iubilacione. Meðr skemtan, segir hann, steigh guð til himna. Ok Anna móðir Samuelis spamannz segir sva heðan af: Drottinn steig upp i himna með miklum hliom. Mörg vitni onnur finnaz af uppstigning drottins vars Jesu Kristz, 35

1 [tilf. B. 2 a tilf. B. 3 vars Jesu Kristz tilf. B. 4 af upphafi tilf. B. 5 bækrinnar B. 6 þer B. 7 fyrirlata B.

segir hinn blezaði Jacobus postoli, at hann sitr tii hægri handar guði feðr i himinriki. Vattar þat David i sinni bok sva segiandi: Dixit dominus domino meo, drottinn sagði minum herra: Sit mer til hægri handar. Siðarri tilkvamu guðs at dæma lifendr ok dauða
 5 vattar sami psalmista: Deus manifeste veniet et cet. Guð mun auðsyniliga¹ koma, segir hann, ok guð varr mun eigi þegia, i augliti hans mun elldr brenna ok óflug hirð umhverfis² hann. Af upprisu dauðra manna i guðs tilkvamu talar Ysayas: Surgent mortui et cet. Upp munu risa dauðir menn, þeir sem i grofum
 10 ero, þvíat guð allzvalldandi sitr þa i dómsæti neytandi miklu valldi, gialldandi serhverium [eptir sinum verðleikum.³ Fyrir þi, bræðr, segir hinn sæli Jacobus, gerit iðran sem fyrst yðvarra verka, at þer flyit⁴ þa hefnd ok pinu, sem⁵ yðr verðr i guðs domi, ef þer iðriz eigi; [renni þeir⁶ allir fyrstir ok fremstir til rettrar iðranar, er
 15 sinar samvitzkur vita þess valldar, at þeir gerðu eða gerandum samþyktu i krossfesting þess hins meinlausa, er allan heim frealsaði af pinuligum dauða. Þij siðr var hann krossfestr⁷ makligr, at hann gerði yðrum lyð marga goða luti. Wer hans lærisveinar sām upp æ, at hann lauk upp þess mannz augu til skiærrar synar,
 20 er blindr var borinn. Ok til þess at hann profaði sik vera þann sama, er skapaði Adam af iarðar leiri, [blandaði hann⁸ munnzins salivo með iarðar duptri riðandi yfir augnastaði blinda mannz. Ok meðr því at ver spurðum drottin varn Jesum Kristum, hvart þat var hans syndagialld sialfs eða feðgina hans, at hann skyllði blindr
 25 fæðaz, svaraði hann oss sva til, at hans [eða hans feðgina skulld vollði⁹ eigi þessum blindleika, helldr var hann til þess, at æ honum skylldo auðsynaz guðs verk; þat er sva skilianda, at sa höfutsmiðr, er skapaði manninn, birtiz nu auðsyniliga tilkominn, þvíat hann skapaði skiæra syn yfir þau augu, sem alldri fyrr höfðu lios
 30 auðlaz með sinni natturu. Sannliga¹⁰ fylldiz æ minum blezaða meistara þat, er prophetinn skrifvaði, at honum mundi hatr ok illzka ómbunat [moti goðum verkum¹¹, þvíat þann tima sem hann græddi kararmenn [ok krepta, reinsandi¹² likþræa, lysandi blinda, frealsandi¹³ diðfuloða, lifgandi dauða, millum annarra otóluligra

35 1 augsyniliga *A*². 2 umbergis *B*. 3 [sin verk eptir makligleikum *B*
 4 saal. *B*; fyllit *A*, *A*². 5 er *B*. 6 saal. *B*; rennit þer *A*, *A*². 7 krossfesting
B. 8 [saal. *B*; blundaði (blandandi *A*) við *A*, *A*². 9 [synd eða hans
 feðgina volli *B*. 10 Senniliga *B*, *A*². 11 [fyrir god verk *B*. 12 [saal.
B; krepta ok reinsaði *A*, *A*². 13 saal. *B*; frealsaði *A*, *A*².

iartegna, kölluðu allir moti honum samankomnir, at hann væri sekr dauða. Illa ömbunaði sa honum ok goða luti, er sat at hans borði, en selldi síðan sialfan hann við verði, sem David fyrir sa sva segiandi: Qui edebat panem meum. Sa er át mitt brauð, [möglæði lymsku ok¹ udygð i moti mer. Þessa luti alla sögðu⁵ fyrir spamenn synir Abrahe, þviat hinn helgi andi talaði fyrir þeira munn. Ok ef ver truum eigi þeira orðum, hversu megum ver forðaz eilifar pinur. Vægðarlaust munu ver brenna, ef ver vilium eigi trua haufutfeðrum varum ok spámonnum, en utlendar þioðir taka² með fagnaði ok rettri tru spamanna raddir. Nauðsynligt er¹⁰ oss at mykia skapara varn með gratligum andvörpum fyrir þa marga luti ok mikla, er ver gerðum i mot honum bæði með orðum ok verkum, at hann milldr drottinn taki iðran vara, sva at ver forðimz þat ilt, er ofbelldismenn i sinum glæpum ero makligir at taka.“ Sem hinn blezaði Jacobus postoli hefir þilika speki fram¹⁵ sett millum annarra luta með sætri giðf heilags anda, veitir guð i himinriki sva mikla miskunn hans orðum meðr sælli framkvæmð ok signaþri fliotvirki, at allir er æ voru þinginu kolluðu með einni röddu: „Misgerðum ver, rangt gerðum ver. Gef þu oss lausn, hvat skulum ver gera?“ Heilagr Jacobus³ postoli svaraði þeim²⁰ sva ollum: „Bræðr, ottiz eigi, verit hugsterkir ok örvaentit eigi, truit æ guð ok skiriz i nafni foður ok sonar ok anda heilags, at allar yðrar syndir þvaiz af i þeim brunni, er sealfr drottinn varr Jesus Kristus helgaði til hialpar ok syndalausnar ollu mannkyni.“ Sva aflaði verkmaðr drottins⁴ mikinn ævðxt æ einum degi, at²⁵ allr sa lyðr, er þar var kominn, truði rett á Jesum Kristum ok skirðiz i hans nafni. Þvi munum ver láta Jacobum gleðiaz ok fagna i sva ægætum sigri salnanna, en hyggia at þessu næst, hvat fram ferr i riki Rómveria eðr meðr höfðingium Jorsalalandz, at þi skilianligra verði, hvaðan leiðiz, er⁵ blezaðr Jacobus postoli³⁰ mætir skiotliga⁶ sva [miklu valldi ok⁷ ufriði, at hann lætr sitt lif meðr⁸ ofsoknarsverði fyrir guðs nafni.

Af Gaio capitulum.

28. Tiberius keisari rikti .iiii.⁹ ár eptir liðna¹⁰ pining drottins vars. A hans siðarstum tímum sat i Roma einn maðr i fíotrum

¹ [margfalldadi lymsliga B. ² taki B. ³ Her beg. atter C. ⁴ Jacobus³⁵ postuli tilf. C. ⁵ ef B. ⁶ tilf. B, C. ⁷ [miklum vansa ok B; miklum C. ⁸ undir C. ⁹ fíogur B, C. ¹⁰ mgl. B, C.

kastaðr i myrkvastofu með keisarans boði, Herodes at nafni, kallaðr Agrippa, son Aristoboli sonar gamla Herodis. Hann var framazti maðr bæði af harðfengi ok vitzmunum ok hafði verit fyrr i Roma, en nu skemmztu kominn af Judea sakir hats ok hermdar við
 5 Herodem tetrarcham frænda sinn at fa nœkut valld yfir Juðum. En fyrir þa sauk er hann fanginn i Roma, at Tiberius cesar berr at honum, at hann hafi æskt honum dauða með sinum orðum ok kosit til rikis [hinn bezta sinn vin² Gaium at nafni, er kallaðr var Galicula [sonr Germani³. Ok sem enn sitr Herodes inni,
 10 andaz Tiberius; tekr þa nefndr Gaius valld yfir Romverium gefandi liðugan gang vin sinum Herodi Agrippa⁴ ok þar með konungskrunu yfir .ii. fiorþungum Jorsalalandz, er halldit hófðu Philippus ok Lisanias, nu baðir undir lok liðnir. Ok sem hann kemr heim i land [meðr sva mikilli sæmd⁵, ófundar fyrr nefnd Herodiadis, at Agrippa
 15 hefir meira valld bæði i krununnar virðing ok viðerni landzins en hennar horkarl Herodes Antipas. Þvi dengir⁶ hun Herodem at fara til Romam, hvat er Agrippa spyrr⁷ skiotliga, skrifandi eitt bref leyniliga til Gaium keisara, segiandi at Herodes Antipas hefir odyggr verit⁸ Romveria riki sakir sambandz við utlenda⁹ hófðingia.
 20 Ok þetta profar Gaius satt vera fyrir klokliga eptirleitan við Herodem tetrarcham, sem hann kemr fram i Roman. Hvar fyrir cesar rekr hann i utlegð allt vestr i Span. Bar hann til utlegðar æ baki ser drap Johannis baptiste ok samþykki við Pilatum at pina Krist. Þvi do þar illr mannhundur makliga i verstu utlegð, aðr
 25 hann tæki gisting eilifra kvala. En þat ma undarligt synaz, sem til berr stundum, at glæpamenn ero settir til hirtingar glæpafullum, sem auðsyniliga birtiz æ nefndum Gaio keisara, með því at hann var sealfr sva bolvaðr son diðfulligrar drambsemi, at hann let gera likneskiu eptir ser, at hon væri dyrkut¹⁰ um allt riki Romveria,
 30 en var þo i¹¹ annarri halfu skipaðr hegndarhamarr¹² .ii. hinum mestum¹³ guðs uvinum Herodi ok Pilato. Þviat þann tima sem geystuz i lopt upp glæpir Pilati, þrysti Gaius keisari sva hart at honum með romversku riki¹⁴, at su bólvaða mannfyla renti sealfan sik herfiligu lífi leggiandi sik i gegnum með sealfs sins mæki. Varð sva

35 1 hefdi B. 2 [hans hinn mesta ovin C. 3 [saal A, A², B; mgl. C.
 4 Agrippe B. 5 [tilf. A², B. 6 eggjar C. 7 fregn B. 8 keisanum i
 tilf. C. 9 saal. B; l'da A, A²; mgl. C. 10 sem gud tilf. B. 11
 af B, C. 12 hefndarhamarr B; hegndarmadr C. 13 verstum B. 14
 valldi B.

með rettum domi, at þat fula briost, er diktaði rangan dom fyrir hark ok hirtingarsverð Gyþinga, græfiz sialft i gegnum fyrir sinn beiskleika, at hrokut pina allt af grunni glæpanna fengi grimm-ligan endaz meðr skaumm ok skaða.

*Fekk Klandius valld yfir Gyðinghum*³.

29. Sem Herodes tetrarcha er af ríki tekinn ok i utlegð haðuliga rekinn, veitir Gaius cesar Agrippe vin sinum þann fiorðung landz, er hann hafði halldit; var þat á ⁱⁱⁱⁱ⁴ áre ríkis Agrippe yfir Juðum, er hann þa þriðia fiorðung landz af keisaranum. A því sama áre gorir hann sinn veg fram til Romam veitandi Gaio ¹⁰ [cesare digran snæðing meðr utalligum kosti ok stimanis. Ok sem Herodes dvelz enn i Roma, er Gaius drepinn með svikum sinna manna, hafði hann þa ríkt eigi full ⁱⁱⁱⁱ⁶ ær, ok do því verr ok svivirðligarr, sem hann drambaði framarr. Eptir hann verðr Clau-dius cesar, illr maðr ok ranglatr, meðr vitrligri fylgð ok framstoðu ¹⁵ Herodis, hvar fyrir hann fekk sva mikla vinattu keisarans, at hann tok bliðt orlof heim til Jorsalalandz, sva at hann hafði þegit allt þat ríki, er forðum hellt hans föðurfapir Herodes gamli. Taka Gyðingar með miklum fagnaði við honum, þvíat hann hefir þau keisarans bref i sinni ferð, er aptr kalla hveria dyrkan við lik- ²⁰ neski⁷ Gaij. Her með hugsar Herodes, at sva sem Juðar fagna i hans farsælðum, skal hann nöckut þat gera, sem⁸ þeim megi bezt lika. En honum gaf sva skilia, at þeim muni eigi i öðrum hans giorðum meiri þöck, en hann kynfæri sik ok kvisti limu krist-ninnar, þa er trua æ Jesum ok truliga þiona honum. [Ok er illr ²⁵ ævðoxtr hefir fram gengit opinberliga af vandri rót, Herodes af feðr sinum ok forellrum, ero Juðar eigi⁹ því miukari viðreignar, sem birtaz mun i fylgianda kapitulo sögunnar¹⁰.

*Jacobus dubbadr til riddara af gudi*¹¹.

30. A þessum tíma sem Herodes Agrippa er sva til ríkis kominn, ³⁰ er i Juðea einn agiætr riddari konungs; er með sinum frama vinnr mörg storvirki. Hann riðr ut herklæddr til handa ok fota með serhverium herfórum, er villdaztar kunni at fæa, ok byriar dygd-

¹ Her beg. Fr.III³. ² saal. øvr.; dauða A. ³ Overskr. Fr. ⁴ fiorda B. ⁵ [keisare(!) stinna veislu með storann kostnad og mickinn stiman C. ³⁵ ⁶ flogur B. ⁷ likneskiu A, B, Fr. ⁸ er Fr. ⁹ saal. A, A²; æ Fr.; þeim mun C. ¹⁰ [mgl. B. ¹¹ Overskr. Fr.

ugum riddara¹ i strið at hafa. Skiollld hefir hann sva sterkan, at engin uvina slagr eða skot megu² honum granda; hialm öruggan fyrir hveriu hōggi yfirkomanda vaða; bryniu [hefir hann sva trausta, at ekki lag óttaz hann fyrir hennar dygð³; sverð [hefir hann⁴ sva gott ok furðuliga bitrt, [at eigi verðr betra⁵ borit; þar með brynhusur biartar ok boga vænan með glöðum aurvamæli; spora friða [matuliga samða berr hann⁶ æ sinum fotum, hafandi furðuliga fiman hest⁷, vanan sterku striði með vænazta bitli⁸. Þessi riddari er eigi Herodes⁹, helldr [Jesu Kristi himnakonungs, virðuligr guðs vin¹⁰ Jacobus postoli, er með greindum herfórum ok guðligum folkvapnum ryfr sterkliga otrufullar fylkingar haðuligra Gyðinga. En hversu mega þessi [vapn¹¹ herskruðans¹² heyra til framferðum Jacobi utan með þeiri atferð¹³, sem her fylgir [skömmu mali¹⁴. Fyrst er ælitanda, hvat riddarinn merkir eða hans fimr fararskioti. Meðr því at þetta, sem fyrr var greint, stendr saman með rettri skyring i einum manni, sva sem hinn blezaði Gregorius segir i þriðiu bok Dialogorum, at Axa dottir Caleph sitiandi¹⁵ sinn asna merkir salina styrandi stirðum likama til goðra verka, sva þyðiz her [valdr riddari¹⁶ virðulig sal Jacobi stiornandi meðr goðu taumalagi þat holld, er henni var undirgefitt fyrir guðs milldi. Skiollldr hans er usigranlig trua fyrir hveriu fliuganda skeyti villumanna sva Gyþinga sem heiðinna manna. Hialmr hans er styrk van til himneskra luta, [ubeygilig hverium slag farsælligrar bliðu eðr gagnstaðligrar striðu¹⁷. Brynia hans er astarinnar algiorleikr til guðs ok manna, hlifandi hans hiarta fra ollu angri ser veittra meingerða, ok þar með uti byrgiandi hverskyns hatr sinna uvina, [veitandi brúðlaupsklæði fram i samkundu eilifra fagnaða, þvíat æn þessum skruða ma þar engin koma¹⁷. Sverð hans er orð [lifanda guðs¹⁸ gagnfærra hveriu bitrazta iarni til brottsniðningar lastanna. Biartar brynhusur ero hans fætr bunir til guðs boðorða ok umæddir at fara i borg af borg guðs örendi fram at bera. Bogi vænn ok bitr skeyti ero þær helguztu vitranir, sem hann sendi i hiðrtu trulýndra með predikanarorði sinu at samvinnanda helgum anda. Sporar samtengdir

35 1 dreing B. 2 ma A², B, C; mega Fr. 3 [altrausta B. 4 [mgl. B.
5 [sem bezt verdr B. 6 [mgl. B. 7 til reidar tilf. Fr. 8 beisle C.
9 Herodis A². 10 [virðuligr himnakonungs kappi B. 11 nöfn B.
12 [vopn og herskrude C. 13 glosu C. 14 [mgl. B, C. 15 upp aa
tilf. C. 16 [vakr riddari a vænum hesti B. 17 [mgl. B. 18 [heilagrar
40 predikanar C.

hans fotum ero föstur ok bindandi¹, er pindu hans likam, sem riddari slær sinn hest meðr sarsauka. Meðr þilikum fórum aflaði Jacobus sinum herra [mikinn soma ok margfalldan² með frægum³ ævexti salarinnar⁴, sem eigi var laungu lesit, hversu hann sneri margan lyð til retrrar truar. Hvat er i þessum tíma valldz ok ríkis Herodis ófundar geysi miok einn byskup af Gyðinga tru Abiathar at nafni. Þessi guðs uvin rærir allt ok or lagi færir vekandi storm ok sturlan moti predikara sannleiksins, spillandi rað ok ríki konungsins bæði með flutningi ok fegiofum, þviat friðrinn er hans uvin ok allr rettr ævðxtr salnanna er honum sottar-¹⁰ auki. En með því at hann kallaz yfirbyskup þessa árs með Gyðingum ok höfðingi kennimanna, segiz hann hafa með skylldu vandlæti laganna tiandi konunginum, at ríki Juða mun skíott eyðaz ok at öngu verða, ef menn Jesu Nazareni skulu her⁵ upp ganga ok einir ollu raða; hvert er Herodes heyrir giarna, sakir¹⁵ þess at þar var fusum at fleygia til illra luta, þviat hans hugrenningar voru laungu bunar at laugaz i bloði kristinna manna.

*Hals hogg Jacobi*⁶.

31. Nu sem konungr ok kennimenn ero samþyckir i þeiri guðs reiði ok grimmum illvilia at drekka meinlausan dreyra Jacobi²⁰ postola, gorir byskup Abiathar eptir fornum sið Gyðinga, vill eigi spara sialfan sik til verstu⁷ luta, en⁸ vill iafnfram rettviss synaz ok i öngum lut af lögmalsins boðorðum vikia. Þvi hefir hann aðra fyrir ser bæði at gripa postolann ok undir dom at draga, reisandi verstu styriolld i þeim stað, er vinr drottins atferðaz, sva²⁵ at hann var⁹ fanginn ok haðuliga dreginn með boði byskupsins æ þann hatt, at einn ritmeistari Phariseorum Josias at nafni gengr at með nógum¹⁰ styrk berandi einn streng yfir blezaðan hals vinar drottins vars, dragandi sva meðr þys ok afli undir dauðadom fram i garð Herodis konungs. Var þar skamt at biða³⁰ illz orskurþar, sem i nog¹¹ var fyrir mátt ok megin illzkunnar. Þvi diktar Herodes dóms atkvæði, at Jacobus skal lata lif sitt undir manndrapara sverði. Ok er orskurðrinn opinberaz af konungsins holl, leiðiz astvinr vars herra ut af garðinum til þess staðar, sem hann skal halshögginn vera. Er i þeiri ferð allra fyrstr³⁵

1 bindendi B. 2 [margfalldan soma övr. 3 sigri ok tilf. B. 4 salnanna B, C. 5 æ B. 6 saal. B; rettsnuning Josie Fr. 7 illra B. 8 saal. B, C; er A, A², Fr. 9 er B. 10 gnogum B. 11 gnog B.

scriba Josias, er fyrr var nefndr. Ok rett æ þeim veg sem vinn drottins gengr fram til pinslarvættis, liggr einn salugr kararmaðr kallandi hátt æ postolann sva segiandi: „Blezaðr Jacobe postoli drottins Jesu Kristi, frealsa þu mik af þeim pinslum, er allir
 5 limir minir angraz af“. Postolinn svarar: „I nafni drottins mins Jesu Kristi hins krossfesta, fyrir hvers tru ek leiðiz nu til hals- høggs, ris upp þu i stað alheill ok bleza skapara þinn“. Ok æn dvol sprettr hann upp heill ok katr, rennandi fram æ veginn fyrir postolann iatandi með miklum fagnaði blezat nafn drottins vars
 10 Jesu Kristi. Ok er Josias ser sva haleita iartegn, fellr hann fram æ iorðina meðr þvilikum orðum fyrir fætr postolans: „Biðr¹ ek þik, at þu gefir mer likn ok gerir mik luttakara heilags nafns“. Hinn blezaði Jacobus skilr fyrir gipt heilags anda, at [hann er² vitiaðr af guði ok svarar honum sva: „Truir þu, at drottinn varr herra
 15 Jesus Kristus er sannr son lifanda guðs, sa er Gyðingar krossfestu?“ Josias svarar: „Ek truir, at hann er son guðs lifanda, ok þessarri tru skal ek fylgia alla mina æfi“. Ok þegar i stað sem Abiathar byskup fregn þat, at Josias hefir tru tekit, lætr hann gripa hann ok leiða fyrir sik ok talar sva: „Ef þu skilr eigi allan komp-
 20 anaskap ok vinattu við Jacobum, ok þar með bolvar þu nafn³ Jesu Kristi, muntu liotliga lata þinn hals“. Josias svarar með snörum orðum ok guðligu vandlæti: „Bólvaðr ser þu, ok allir þinir guðar se bannsettir, en nafn drottins vars Jesu Kristz, þess er Jacobus postoli predikar⁴, se blezut [um eilifar alldir⁵“. Byskup þolir
 25 illa slik storyrði, þviat þolinmeðiskraptr [átti ekki rum⁶ i hans briosti. Þvi biðr hann gripa Josiam ok sla honum⁷ flautum æ iorðina, siðan lætr hann [at ganga sina þionanarmenn⁸ at hefna þeira meingerða, er honum voru veittar⁹, æ þann hátt at þeir¹⁰ setia stor hnefahögg æ þann munn ok varrar¹¹, sem sva hart
 30 hafði með¹² byskupinn talat. Eptir þat gort, sem likar, gerir Abiathar byskup sendiboð¹³ til Herodem konungs, kunnigt gerandi, hversu Josias ritmeistari ferr með sinu mali. En af konungsins halfu koma þau andsvör, sem Abiathar byskupi voru helldr með en i moti, at Josias skal lata sitt lif undir¹⁴ sama sverði sem
 35 Jacobus postoli. Sva ero þeir leiddir baðir samt i þann stað, sem til var skipaðr, at þa skyldi höggva. Ok er þeir fram koma,

¹ Bið *A*², *Fr.* ² [Josias er senniliga *B.* ³ nafni *B.*, *C.* ⁴ bodar *Fr.*

⁵ [i eilifar veralldir *B.* ⁶ [hafði ekki hus *B.* ⁷ *mgl. övr.* ⁸ þion-
ostumenn *Fr.* ⁹ gervar *Fr.* ¹⁰ [*mgl. B.* ¹¹ varrir *A*². ¹² við *B.*

40 ¹³ sendiboda fram *Fr.* ¹⁴ *saal. övr.*; með *A.*

talar blezaðr Jacobus sva við þann mann, er þeim skyldi bana¹: „Fyrr en þu halshöggvir okkr, lat hígat koma vatn.“ Ok sem þat var gort, at fata full með vatn var fram borin, spyrir Jacobus Josiam sva mælandi: „Truir þu² nafni drottins vars Jesu Kristz sonar guðs?“ Josias svarar: „Trui ek.“ Síðan skirði postolinn hann. Hann talar síðan: „Gef mer nu friðarkoss.“ Ok sem þeir hafa kystz sin i milli, leggr postolinn sínar blezaðu hendr yfir höfud Josie ok signar hann, gerandi krossmark i enni honum. Ok sva algjör i heilagri tru drottins Jesu Kristz oðlaz Josias fagrt píslarvætti a sömu stundo sem Jacobus postoli, takandi með honum¹⁰ sæla aumbun i eilífum fagnaði.

Likferd Jacobi postola. 3

32. Nærri þessum tíðindum voru lærisveinar virðuligs Jacobi postola þa⁴ meirr i [leyndum⁵ en opinberliga⁶ sakir illzku ok ogra⁷ Gyðinga. Sarligan⁸ ok hörmuligan ekka höfðu⁹ þeir allir¹⁵ her af, sem honum höfðu fylgt, einkannliga hans lærisveinar. Þvíat nu sea þeir sinn mæta meistara dauðan liggja meðr dreyrugum svira. En fyrir þa sok at þeir skilia fyrir truarinnar styrk, at framfallinn i herbuðum himnakonungs tekr hann at lifa sælligar með sinum drotni sem goðr riddari sigrandi sína uvini, bera þeir²⁰ saman rað sin at bera brott a nokkurn hatt þann heilaga likam, sva at eigi megi hann mæta grimdarfullum gerðum Herodis konungs eða bólvaðra Gyðinga. Fyrir þessum raðagerðum er fremztr Ermogenes ok annarr Philetus, er fyrr voru nefndir, síðan með þeim .ii.¹⁰ aðrir, allir með einum elldi uppkveýktir at hialpa posto-²⁵ lans likam, því leyniliga, at þeir mattu eigi opinberliga, sakir þess at þa¹¹ lek allt sem i einum loga fyrir uppgang ok ofsoknir Gyðinga; sem a því ma marka, at fyrir sömu paska, sem Jacobus var halshögginn, var Petrus postoli gripinn af Jorsolum ok innkastaðr i myrkvastofu með boði Herodis konungs, þvíat sva sem hann skilr³⁰ Juðum mikla þöck æ þeim domi, er Jacobus fekk i¹² dauðans orskurði, vill hann framleiðis auka sin verk en minka eigi. Ok því skal þessu næst höfðingi postolanna undir luta, ok senniliga drap Herodes signaðan Petrum með illvilia sinum ok fiandligu eptirlæti

1 saal. A, A²; bana veita Fr., C; at þeim vinna B 2 i tilf. B. 3 35
Overskr Fr. 4 þo B. 5 saal. A, Fr.; leyndum A², B. 6 [leyndum
stad en opinberum C. 7 gudrækra tilf. B. 8 harm tilf. B. 9 fengu B
10 fim(!) B. 11 nu B. 12 tilf. B.

við Gyðinga, þó at guð almattigr varðveitti sinn postola til meiri ok lengri nytsemdar kristninni, frialsandi hann af fiðtrum ok valldi Herodis með styrkri¹ hendi, sem fulliga stendr skrifat i lifssögu sæls Petri. Munum ver því heðan aptr venda til líkfylgiu sæls² Jacobi.

Capitulum.

33. Ermogenes ok hans kompanar taka leyniliga brott líkam blezaðan sins ágiæta meistara, flytiandi norðr eptir ríki Juða sem mest i fiarska við Jerusalem, er nu var ok hafði verit um tíma
 10 sva sem óndvegi hatrs ok unaða.³ Um síðir koma þeir fram i þa borg, er Joppen heitir. Su borg stendr nálæg norðr við hafit, ok því hugsa lærisveinar at setia líkamann æ skip ok flytia til graptar i einnhvern leyniligan stað, sva at Gyðingar megi sína grimð eigi framarr leiða við postolann, þvíat þeim syniz þolanligrá, at astvin
 15 drottins liggi i leynum, þar til er guð almattigr gefr frið sinni kristni, helldr en hann se undir uvina valldi. Hvat er allt gerðiz með guðligri⁴ forseo; þvíat íafnfram sem þeir hafa stigit æ skip með helgan dominn látande; brott af Joppen, sendi guð [af Syon⁶ þann þunga yfir hiðrtu lærisveina, at þeir sofna allir innbyrðis. Leiðir
 20 þa guðs engill skipit, sem honum líkar, sva hart ok furðuliga snart, at þat for æ einni nátt langan veg i verolld umfram natturu, let⁷ um kvellit af Jorsalalandi en tok hófn um morgininn i vestanverðri Hyspania myklu i þeim luta ríkisins, er heitir Galicia, nærri þeiri borg, er þann tíma var kollut Fornahistria⁸. Sem skipit
 25 er komit i gott lægi ok blitt, vakna lærisveinar Jacobi, líta æ landzleg ok kenna skiotligrá með guðs vilja, hvar þeir ero at komnir, þvíat þeir lærisveinar, sem þagat hófðu farit forðum með sælum Jacobo, kenna giorla⁹ sérhverja luti. Gora nu allir saman guði lof ok hans mætahta vin fyrir alla þa miskunn ok stormerki, er
 30 skein yfir þeira ferðum; bera nu æ land heilagan dominn með andligri gleði ok sonnum fagnaði setiandi¹⁰ niðr æ einn stein, er stoð nærri hófninni, þegar i fyrstu með haleitri ok himneskri iartein¹¹, þvíat allir þeir sæ upp æ, at steinninn [lieði sín¹² ok linaðiz undan þeim blezaða þunga, sva sem hann væri krammr sníorr eða onnur
 35 vikianlig skepna.

1 sterkri B. 2 hins heilaga A², B, Fr. 3 i mot drottne vorum Jesu Christo ok ollum hans vinum tilf C. 4 himneskri B. 5 leitandi B, C. 6 [mgl. B. 7 ut tilf. B. 8 hin forna Hirria B; til forna Hitria C. 9 greiniliga B. 10 Her end. Fr III³. 11 iartegn övr. 12 [saal A, A²; ledi sín B; ledi sín til C.

Capitulum de Lupe.

34. Fyrir þeirri¹ rikissins halfu, sem fyrr var nefnd, ræðr ein frú veralldar² rik Lupa at nafni. Var henni þat nafn viðrkvæmiligt, þviat hun fylldi þat [i verki³. Vargynia þyðiz hennar nafn æ⁴ norrænu, hvert er hon profar skiotliga [eiginligt heiti 5 sins hiartas fyrir þa grimð ok illvilia, sem hon setr upp i moti Jacobo postola. Sögdum ver fyrr i bokinni, at almattigr guð hugði⁶ sælum Jacobo at vinna fullan ok fagran sigr in Hispaniis, ok þo eigi fyrr en onduðum. Hafði hann i þeim halfum forðum plantat sæði truarinnar, þat er nu var kallt vorpit ok með ollu 10 frosit fyrir langa fraveru heilagrar döggar⁷, þat er at skilia skaðafullrar missu sællar⁸ æminningar. Þetta sama reynir æ ser virðuligt föruneyti sæls Jacobi, sem þeir profa landzlyðinn til nökkurs góðvilia. Nu ero eptir sumir hia helgum dominum, en sumir fara upp æ land at finna fruina ok aðra 15 landzmenn at biðia graptarstaðar postolanum með sæmð ok virðing, ok at þeir skyllði nu taka meðr⁹ fagnaði þess [hins sama¹⁰ andaðs mannz likam ser sendan af guði, sem þeir villdo eigi heyra meðr fullri lyðni, meðan hann lifði. En þegar i stað sem hin grimma Lupa undirstendr¹¹ þeira oreudi, styggiz hun við geysi miok, 20 sem henni væri borin hin verstu tíðindi, lætr gripa alla sendimenn postolans ok skytr þeim brott af sinum garði, biðandi at þeir se haðuliga reknir fram i rikit¹² undir sverð eða ðxi þess grimmazta konungs, er þar reð fyrir. Var þat snimma¹³ dags, er þeir rekaz fram i staðinn. Gora þa sendimenn Lupe drottningar kunnigt 25 fram æ konungsgarðinn¹⁴, hvat þeir hafa meðferðar. Ok æn dvol sem konungrinn hefir heyrt þeira framburð, lætr hann gripa menn Jacobi alla samt i verstu fiðtra ok myrkvastofu, segiandi at þegar sem drykkiuborð ero brottu, at¹⁵ þann sama dag skulu þeir lifit lata með herfiligztum kvolum, er til finnaz þeim at veita. 30 Ok er meinlausir guðs orindrekar ero sva leiknir, kemr heilagr engill guðs frealsandi þa brott af allri pinu [ok halldsemi¹⁶ þeirar dyflizu, leiðandi liðuga, sva at margir staðarmenn sæ upp æ, rett i þann tima er konungrinn sat yfir borðum ok ætlaði skiott at dögga sina fæðu með þeira blóði. Ok þessu næst sem konungs- 35

1 þessarri B. 2 veralldz B. 3 [i verkum B; ok satt gerdi með grimð ok illsku C. 4 i B. 5 [ser eiginligt B. 6 unni B. 7 döggar B 3 saal. öv.; heilagrar A. 9 andligum tilf. B 10 [tilf. A¹, B. 11 saal. öv.; heyrir A. 12 saal. B, C; rekit A, A². 13 snemma B, C. 14 garð konungs B. 15 a B. 16 [mgl B, C.

borðin ero brottu, sendir hann sina menn til myrkvastofunnar at leiða bandingiana fyrir sik. Sendimenn koma skiott aptr með miklum fadæmum, segia læsta myrkvastofuna en bandingiana alla i brottu. Ferr þa fioldi manna at leita þeira eptir konungs boði
 5 yfir moðu, þa er fell hia borginni. Ok sem þeir koma fram [a þa bru, er liggr¹ yfir moðuna, brestr hun niðr undir þeim með hræðiligum gny ok vaveifligum atburð, sva at þar fyrir drukna margir konungsmenn, en finna eigi flóttamenn. Viðr þessi undr² oll saman verðr konungr miok pipr ok hræddr, ok hirð hans oll, ok
 10 [byðr þa at nyiu at³ leita hinna utlendu manna ok leiða með sæmð til sin, ef þeir fyndiz. Voru þeir þa þegar auðfundnir ok til konungsins með vegsemd leiddir. Greindu þeir fyrir konunginum allan hátt sinnar þarkvamu með skyrum framburði, birtandi þau stormerki er i þeira ferð urðu. Ok af þeira orðum með guðs
 15 miskunn tekr konungrinn retta tru ok heilaga skirn með aullum sinum her. Síþan fara lærisveinar Jacobi postola til fundar við Lupam, beiðandi at hun veiti þeim sæmiligan stað til at iarða postolann. En hun verðr miok rygg við þeira kvamu, þviat hon harmaði bæði þat, at⁴ þeir höfðu forðaz grimð ok æði konungsins,
 20 en þo þat meirr, at konungrinn meðr ollu sinu liði var snuinn til rettrar truar [ok af þeira orðum undirokaðr guðliga þionostu⁵. Hugsar hon nu með diupsettu raði at fyrirfara likam postolans ok þo sva klokliga, at helldr skulu sealfir lærisveinarnir synaz þat gera en hun. Þvi finnr hun þann utveg at gera gott yfirbragð illra
 25 hugrenninga ok synaz sæmð gera Jacobo postola, meðr þeiri grein at i hennar rikdomi voru margir⁶ yxn skoggengnir, ygir ok utamir; þessa likir⁷ fru Lupa, sem hun vili lia meðr goðvilia fyrir vagn moti helgum dominum Jacobi postola. Ok þo at lærisveinar fáe val⁸ skilit, hvat henni gengr til slikra⁹ gerða, treystaz þeir i guði
 30 ok gera krossmark moti yxnunum sva stormerkiliga, at þau ero i stað þreifanlig ok fyrir vagni leiðanligh¹⁰, þar til er þeir koma fram til siofar, sva langt sem .iii. milur brott af staðnum, leggja þa heiligan domininn i vagninn ok leiða yxn til drattar. Ero þeir þa æn dvol allir sva tamir i sinni gðngu ok hofsamir, sem alla æfi sina
 35 hefði þeir vaniz fyrir arðri, eða enn helldr til þess tempraðir ok vandir i frabærum meistaradomi at dragha kyrt ok hægliga þann vagn, er i sitr hinn dyrazti höfðingi. Sva lata postolans menn ganga

¹ [saal. øvr.; yfir bru þa er laa A. ² saal øvr.; ord A. ³ biðr þa at nyiu B. ⁴ er B. ⁵ [mgl. B. ⁶ storir tilf. B. ⁷ saal A, A²; lætr B, C.

40 ⁸ vel B. ⁹ sinna B. ¹⁰ leidditóm B.

yxnina sialfraða ok liðuga, sem þeir vilja, biðandi almattigan guð, at hann kiosi sinum postola þann stað til graptar, sem honum likar. Sva ganga þessor¹ yxn allan hinn beinzta veg heim at staðnum Lupe drottningar ok síðan inn i garðinn, sem þeir væri leiddir af styrku föruneysi, ok eigi gefa þeir fyrri² staðar, en þeir koma inn i sialfa frunnar höll með helgan dominn, þar sem hun sitr fyrir með sinu villdarliði. Er nu skamt [at biða³, at heilagr domrinn brunar inn i hallina⁴ með sinu foruneysi ok fylgd ok Lupa skiptiz i sauð af vargi, þviat hinn bezti meistari slær hana⁵ með dyrkan ok dasemi þilikra stormerkia, sva at allan¹⁰ tima síðan var hon eigi siðr⁶ full meinleysis ok miskunnarverka en aðr undirhyggju ok margskyns⁷ illvilia. Tok hun þa⁸ fagnarfull við blezafum likam sæls Jacobi postola, gefandi honum sina hall⁹ ok sealfa sik með allri sinni eign til æfinligrar þionostu [ok upphelldis i þeiri virðing, er valinn postoli guðs auðlaðiz i þeim¹⁵ halfum með vilia sins drottins¹⁰. Var su hin agiæta höll til¹¹ vigð at herbergia þann sæla likam ok kallaz musteri guðs ok hans postola, þviat Ermogenes með sinum forunautum leiddi þar meðr sæmiligri graptarþionostu sinn mæta meistara, takandi fyrstr byskupdom i þeiri borg, en síðan Philetus eptir hans dag. Voru²⁰ þeir baðir ægiætir menn i sinni stiorn ok valldi, aflandi mikinn ævðxt i vestrhalfunni með sinum kenningum ok kraptaverkum Jacobi. Eigi at eins voru þessir .ii. mikils virðir¹² af forunautum¹³ Jacobi, helldr allir ok serhverir skipaðir formenn heilagrar kristni i ymissa staði [nytsamligir salunum til at fa himinriki¹⁴. Blomgaðiz²⁵ vestrhalfan æ þessum timum gðfugliga fyrir þann mæta gimstein, er [niðr settizt i hennar halfum¹⁵, geislandi umbergis með krøptum ok iartegnum, þar til at ranglætispöku grimmra uvina dro sva þykt fyrir geislana, at þeir mattu eigi lysa, sem meðr guðs vilia mun enn siðarr sagt verða.

30

R e g r e s s u m.

35. Heyrðum ver meðr sannindum sagt af purpurliku¹⁶ pinslarvætti ok virðuligum grepti heilags Jacobi, ok synaz her viðrkvæmiliga [.ii. ritningar at taulu val¹⁷ fylldar¹⁸ hvar i sinum stað, i fyrra

1 þessi B. 2 fyrr B. 3 [i milli A²; i midil B; þess i medal C. 4 35
hollina B. 5 hennar hiarta B. 6 minnr øvr. 7 allzkyns B. 8 nu
B. 9 holl B. 10 [mgl. B. 11 þess tilf. A². 12 verdir A², B.
13 föruneysi B. 14 [mgl. B. 15 [þar niðr settiz B. 16 purpuraligu B.
17 vel øvr. 18 [ritningar vel fylldar tvær at tölum B.

at dauði heilagra manna er dyrðigr i drottins augliti¹, i siðarra
 at likamir heilagra ero grafnir i friði. En meðr því at forkunnligr
 lutr syniz optliga mætari ok ægiætari i sinni birti ok fagrligu
 formi, ef svartr lutr sem ulikaztr er hia borinn, skulum ver þessu
 5 næst aptr venda enn til Jorsalalandz ok sea, hversu geriz daligr
 dauði Herodis konungs Agrippe, er sitt bólvaða sverð let riða yfir
 postolans svira, at því framarr skini dauði sæls Jacobi, sem meirr
 dimmiz ok sortnar dauði Herodis konungs i sut ok grati, eptir
 þi sem David segir miok sundrlikt [ok i fyrra stað², at dauði
 10 syndugra manna er hinn versti.

Capitulum.

36. Þa er Herodes konungr hafði haft einvalld yfir ollu ríki
 Juða .iii.3 ár, kemr hann til þeirar borgar, er Cesarea heitir i
 hans ríki. Þa borg hafði hans faðurfaðir⁴ gera latit ser til
 15 virþingar samtiða Augusto keisara, hvar fyrir hann dro nafn borg-
 arinnar af keisaradominum ok kallaði Cesaream. Hun het aðr
 Pirgostratonis⁵ ok stendr i þeiri halfu landzins, er Palestina heitir,
 eigi langt fra Joppen, er fyrr var nefnd. Ferr Herodes Agrippa
 til Cesaream i þenna tíma með mikilli virðing ok veralldar metnaði,
 20 a þann hátt at [hljóð ok mikit kall gengr ut i ríkit alla vega
 umbergis, at Herodes konungr⁶ ætlar at veita Palestinis leika fagra
 i borg Cesarea til sæmdar [ok æru⁷ Claudio keisara, þvíat þa
 stoð nælægr sa dagr, er keisarinn i Róma hellt⁸ mest⁹ hóf.
 Hvar fyrir mikill lýðr¹⁰ drifr til Cesaream af allri þeiri halfu, er
 25 þar liggir undir, ok einkannliga þeir sem rikaztir voru ok makligaztir
 at sea konunginn sialfan ok lita hans skemtansir. Ok sem kemr
 annarr dagr þeirar liðandi gleði, hefir konungrinn sik snemma
 uppi um morgininn með ollu sinu stormenni ok borgarlyð fram æ
 þat mot¹¹, sem fyrra dag var [skipat leikinum¹². Aa þeim sama
 30 velli er settr mikill ok virðuligr konungsstoll, hvar yfir hann setz
 skryddr skinanda¹³ klæði virðuliga vofnu¹⁴ með [gull ok silfr¹⁵.
 Þat er rett i þann tíma sem solin ryðr verolldina með sinum

1 *saal. øvr.*; ógliti *A.* 2 [þvi sem hann sagde i fyrra stad, þvíat hier
 segir hann svo *C.* 3 þriu *B.* 4 Herodes *tilf. A²*; Herodes gamli *B,*
 35 *H. Ascalonita C.* 5 Pirgastratonis *B, C.* 6 [hann *B.* 7 [mgl. *B.*
 8 helldr *A².* 9 *saal. øvr.*; mikit *A.* 10 ok margr *tilf. B.* 11 plass *C*
 12 [*saal. B;* skipar leikinn (leikmenn *A²) A, A²*; leikrinn aa skipadr
 ok framinn eptir konungsins bode *C.* 13 *saal. B;* skinandi *A, A².*
 14 *saal. A², B;* vofin *A.* 15 [gulli ok silfri *B.*

fyrstum geislum. Ok er þat gulliga klæði, sem konungrinn sitr í, tekr æ sik riððandi birti af solinni, er þi likt sem lios¹ mætiz sin i milli, þviat birtinni briar af klæðinu, sem slai aptr i mot solinni, sva² at þeir menn, sem nærri³ voru, fengu varla i gegn sieð⁴. Af þessu efni reisir höfuðsmiðr hræsninnar sva diðfulligan dáraskap⁵ i þeira manna hiðrtum, er þar voru, at þeir hugðu þessa birti ut ganga af konungsins guðdomi, heimskandi sealfa sik sva sem blindir ok [verr en lutlausir⁶ allrar skynsemdar⁶; þviat þann lioma, sem upp laust æ konungsins æseonu af briandi birti, er saman kom frammi fyrir honum, kunnu þeir eigi at skilia eptir heimligri¹⁰ natturu [veralldligrar skynsempar⁷, helldr kalla þeir með hafum raustum upp æ þann er æ stolinum sitr, biðandi ser miskunnar ok farsældar sva sem af guði, ok millum annarra luta tala þeir sva: „Allt her til óttaðumz ver þik⁸ sem mann, en fra þessum tima iatum ver þik vera umfram mannliga natturu“. Slikar uhæfuraddir heptir¹⁵ eigi Herodes konungr meðr nöckurri stiorn, ok eigi lætr hann ser meingerð i vera, [þvi at⁹ honum veittiz bolvað ueinurð uleyfðrar sæmdar¹⁰. Hvar fyrir skamt liðr, aðr honum er skyrliga kent, hvat hann er, þviat þessu næst sierr¹¹ hann engil standanda ok yfirgnæfanda hans¹² höfði; ok án dvol skilr hann, at þessi engill²⁰ er kominn þess orendis at setia honum dauðasting i postolanna hefnd ok nyligrar drambsemi, at hann dro guðs lof undir sik ok samþykti þegiandi. Profaz þetta ok skiott fullkomin sannindi, þviat hann er sleginn þegar i stað með sva miklum blæstri [ok otruanligum harmi¹³ i kviðinn, at hann þikkiz vita sinn enda kominn.²⁵ Þvi snyz hann til vina sinna ok talar sva: „See her, segir hann, ek guð yðvarr skelfiz skiotliga ok¹⁴ skyllðaz at deyia, þviat guðligr kraptr æsakar falsligar sæmdir mer skömmu veittar. Ok ek, er nu kallaðiz af yðr odauðligr, gripz nu i dauða hermiliga framsteyttr. Takandi er sæ orskurðr, er guð skipaði, þviat ver lifðum³⁰ lengi með sæmð ok fylldum nu [vara sælu¹⁵, þviat her stendr hennar endir“. Sem konungrinn hefir sva talat, verðr hann þegar i stað at bera heim til borgarinnar akafliga siukan [ok allan orlagi færðan¹⁶. En sva var hann undarliga vinsæll, at [karlar ok konur, ungir menn ok gamlir¹⁷ gretu sárliga þessor¹⁸ tiðindi,³⁵

1 liosin B. 2 skinanliga skært tilf. B. 3 nalægir A², B. 4 seed A²; séð B. 5 saal. A²; vitlausir A. 6 [skynsemdarlausir B. 7 [mgl. B. 8 sva tilf. B. 9 [þo at B. 10 saal. øvr; girndar A. 11 ser A², B. 12 sinu B. 13 [ok þrota B; mgl. C. 14 til tilf. B. 15 [saal. B; varar sælur A, A². 16 [mgl. B. 17 [allir B. 18 þessi B.

flokkum rennandi fram at borginni, dreifandi sik eptir þeim¹ landskap niðr i dupt ok hárlæði, með sut ok grati biðandi konunginum heilsu af guði. Sva stendr um .v. daga, at konunggrinn kvelz i akafri pinu kviðarins, seandi niðr yfir folkit af því sama
 5 lophusi, sem hann liggr i, hversu² allt er vesallt i angist ok aköfum harmi, hvar fyrir hann grætr eigi siðr en aðrir. Sva gengr hann aumr fram af stundligri sut [ok pinu³ i eylifa⁴ vesold æ fimtögunda⁵ ok fiórða ære sins alldrs. Þa hafði hann konungr verit .vii. ær, fiögur undir Gaio, en .iii. undir Claudio,
 10 eptir þeim hætti sem fyrr var skrifvat.

Eptir dauða Herodis skipar Claudius cesar son hans yfir riki Juda, er Agrippa het, gefandi honum konungsnafn með ollu því valldi, er haft hafði faðir hans. Hellt Agrippa þat riki [xxvi. ár⁶, allt þar til at glæpir Gyðinga margir ok forrir
 15 eyddu landit undir þeim með sullt ok bardaga, sem siðarr mun getit verða⁷.

Siðarsti hlutr bokarinnar⁸.

37. A setta ære ríkis Claudij cesaris skiptuz postolar⁹ guðs¹⁰ til ymissa¹¹ landa eptir þeirri¹² skipan, sem faðir himinríkis kaus hverium til handa. Blezaðr Petrus hófðingi postolanna tok i sitt lutskipti Pontum, Galacium, Bithiniam, Capadociam ok aðrar nalægar halfur, en siðarst var hann sendr af guði i hófutborg heimsins sealfa Romam, ok þar let hann með sælum sigri sitt blezaða lif undir Nerone cesare, er næstr¹³
 25 rikte eptir Claudium. A sama ære, stað ok degi undir sama hermanni niðingligum Nerone kranaðiz ok með pinslarvætti broðir Petri virðuligr Paulus postoli, er þegit hafði sva mikinn krapt¹⁴ guðligrar¹⁵ miskunnar til predicanarembættis, síðan hann snóriz, at rettliga ma til hans tala eptir orðum sæls Gregorij, at
 30 honum fylgi allr heimr æ domsdegi fram fyrir drottin. Millim annarra ríkia ok storlanda, er hann hafði [sæð i til avaxtar guðs i himinriki, hafði hann predikat guðs órendi¹⁶ austr i Asia minni. Var þar allt eins æ þessum tímum¹⁷ kristnin miok ung

1 þeira B. 2 saal. B; hverium A, A². 3 [mgl. A², B. 4 eilifa B.
 35 5 fimtöganda A², B. 6 [tuttugu ár ok sex B. 7 Byriar her þriðia lut
 sogunnar tilf. B. 8 B har kun capitulum som Overskrift. 9 almatigs
 tilf. A², B. 10 endaliga tilf. B. 11 ymissra B. 12 tilf. B. 13 næst
 B. 14 órleik B. 15 himneskrar A² B. 16 [predikat guðs eyrendi,
 hafði hann verit B. 17 tima B.

ok hvergi nærr fullkomin, þurfandi styrktarmannz, ef eigi skyldi með öllu hniga. Þessa iorð i austrhalfunni hlytr hinn kjaerazti guðs elskugi göfugligr Johannes postoli, er nu fyrirlætr Hierusalem sem allir aðrir; fyrir þa grein hina fyrstu, at hann hefir fyrir tima sent fram i fehirðzlur¹ himnarikis þann hinn göfugliga gimstein, er hann tok forðum i sina geymslu með guðs boði, þviat sa haleiti herra sem honum fal æ hendi sina [moður gimstein allra meya², bauð henni heim i sealfs sins samkundo ok allra himneskra krapta, [gerandi hatiðliga processionem með skinandi flockum sinna borgarmanna, millim hverra stoð vel ok makliga Jacobus postoli¹⁰ samefingi orðinn³ eilifra fagnaða fyrir þann pinslarpalm, er ver tiaðum hann tekit hafa. Leiddi hann sina moðursystur brott af goðri geymslu Johannis broður sins i betri unaðsemd ok udaoðleik himneskrar curie með sealfum guði æ rikiandi án endimarki⁴. Fyrir þa grein aðra ferr Johannes brott af Jerusalem, at algerr¹⁵ [miskunnartimi er miok nalægr⁵ Asie minni, at hann geisli þar sem skiærr ok skinandi lampi með allzkyns blomi eylifrar sæmþar [guði til lofs ok hans heilagri kristni til endalaussar farsældar⁴. Fyrir þa þriðiu grein⁶ firrizt Johannes Jorsalaborg, at hans blezaða nalægð muri eigi borgina eðr verndir⁷ veiti með sinum bænum²⁰ moti þeiri hefnd, sem nu nalgaz rettliga hennar sakbitna svira. Þvi kemr sa virktavin drottins austr i Asiam eptir guðligri skipan fagandi honum⁸ himneskan akr [með ublekkiligum ristli⁴ freosamra fyrirheita, endrsmiðandi hvervetna ok uppreisandi kristnina fyrst með ilmanda seim sinna predicanarorða, en þar næst með sva storum²⁵ iartegnum ok heilagleiks verkum, [sem einum guði æ himnum ma fylliliga kunnigt vera; þviat þessi iarðligr maðr Johannes postoli⁹ gekk sva fram i sinu embætti með sterkum ok haleitum guðs krapti, at naliga ma sigrut synaz mannlig nattura, en i annarri grein var hann sva miukr ok linr i sinu hiarta með várkynd ok³⁰ elsku veykra manna, at þar fyrir mátti hann rettliga kallaz hinn haleitazti huggari ok hit mætahta eptirdæmi ollum þeim ok serhverium, er miskunnina þurftu at hafa¹⁰, hvar af ver vilium segia einn æfintyr til styrkingar settra¹¹ greina.

1 fehirðzlu B. 2 [blezadu moður B. 3 tilf. A². 4 [mgl. B. 5 [timi 35 er B. 6 sǫk B. 7 saal. B; verendir A, A². 8 mgl. B. 9 [at hann B. 10 þiggia B. 11 framsettra B.

Capitulum.

38. Blezaðr Johannes dasamligr i sinum hugarkrapti gaf þat eptirdæmi guðs þionostumonnum at lina stundum sitt erfiði ok hverfa sva nyrr aptr i guðligt embætti, at lofligt umskipti gori
 5 nað¹ ok frealsleik nattu²runni. Hvat er hann liosliga syndi með þeima hætti, at optliga sem hann sat æ sama stað, hefir hann hia ser til skemtanar einn hana hvitan miok fagran ok val² fiðraðan, leikandi ser við hann, gerandi þar af sinu hiarta gott ok mund-angligt gaman. [Voru þessar³ postolans gerðar margir menn visir,
 10 því at hann [falz at⁴ þessu engan mann æ þeim tímum sem hann villdi þat gera. Hvat er fregn millum annarra einn veiðimaðr fataðr at aurum en eigi lutlauss i skynsemdum. Hann aflaði ser matar ok husfrey⁵ sinni ok börnum⁶ með þeiri list, at hann var manna kiænstr við boga, sva at nær misti hann alldri fugls.
 15 Honum þotti æfi sin goð, því at hann undi ser við mentan goða en sakaðiz ekki við fataðtina. Nu einn dag sem hann hefir uti verit til fuglveiða æ nalægum skogi viðr þann stað, sem Jon postoli sitr i, gefr hann upp sina syslu at æliðnum degi hafandi sik fram i staðinn með miklum skunda, þvíat langan tíma hefir hann borit
 20 mikla forvitni, hvat því muni vallda, er⁷ hann heyrir senniliga flutt, at sva goðr maðr ok geðfastr, sem postolinn er, skuli fara með [nóckurum leik eða lettis gamanbrogðum⁸. Nu sem hann kemr fram at postolans herbergium, biðr hann ser orlofs til inn-göngu, ok þat veitir skiotligha sa blezaði herra, er⁷ fyrir sitr.
 25 Gengr þa veiðimaðr inn með þeima hætti, at hann helldr æ boga sinum ok örvamæli⁹, þvíat hann vill eigi sin tol lata hendi fra¹⁰ ganga; hneigir hann postolanum ok heilsar upp æ hann, setz siðan niðr ok slær¹¹ boganum flautum niðr á golfit fyrir¹² fætr ser; sitr sva þegiandi um stund ok litaz um. Er honum nu seon sögu
 30 rikri um þat, er hann forvitnaði, þvíat rett i þenna tíma hefir postolinn hia ser fuglinn þann væna til skemtanar. Hvar fyrir veiðimaðrinn fylliz nyium hugrenningum sinnar forvitni ok talar sva: „Herra, segir hann, þat er orindi mitt higat, at verða þess viss, sem mik hefir lengi forvitnat, hver skynsemð yðr¹³ gangi til
 35 þess, at þer hafit hia yðr¹⁴ þat litla creatyr, þar sem ek hugði, at þer mundit umæðiliga biðiaz fyrir natt¹⁵ með degi.“ Sem hann

1 nadir B. 2 vel övr. 3 [Verða þessarrar B. 4 [leyndi B. 5 husfreyio B.

6 þeira tilf. B. 7 sem A², B. 8 [nóckorn leik eða letlig gamanbrogð B. 9 örvameli B. 10 firir B. 11 skytr övr. 12 undir övr.

40 13 mgl. B. 14 til leiks tilf. B. 15 nott B.

hefir sva¹ talat, sier postolinn bliðliga [til hans² þegiandi litinn punct sva sem hugleiðandi, hversu viðrkvæmiligaz væri veiðimanninum svaranda. Eptir þat talar hann sva: „Vinr minn, segir hann, hverr ertu, er mik spyrir þessa lutar?“ Hinn svarar: „Ek er einn fatækr maðr aflandi mer matar ok minum börnum með handa 5 erfiði.“ Postolinn svarar: „Hveria iðn leggr þu mest fyrir þik at hialpa börnunum?“ Veiðimaðrinn svarar: „Se herna,“ segir hann, ok visar hendinni niðr til bogans, er la³ æ golfinu, „her er minn afli ok atvinna, þenna boga bendir⁴ ek dagliga með mörgum sveita.“ Postolinn svarar: „Ertu kiænn maðr við boga?“ Hann svarar: 10 „Jæ, herra! Sialldan hefir fugl átt at hælaz⁵ við boga minn.“ Postolinn mælti þa: „Tak upp [boga þinn⁶ ok lát mik sea.“ Ok sem þat er gert, segir hann sva i annan tima: „Ek ser⁷, at þat er vænn bogi ok veiðimannligr, en hvi er strengrinn sva linr, at hann hefir nærr ekki hallda⁸.“ Fuglarinn svarar: „Herra, segir 15 hann, þat er veiðimanna háttir at lina strenginum, i hvern tima er þeir gefa upp at skiota, því at eigi ma oðruvis vera.“ Postolinn svarar: „Gef mer þar grein til, hvi bogastrengrinn ma eigi iafnan standa með sama hætti“ Fuglarinn svarar: „Ef bogastrengrinn stæði iafnan sem harðaztr, stykki hann ok þyldi eigi. Bogninn er 20 ok i sinni grein nauðsyniaðr, at strengrinn liniz, þvíat hann verðr uppbendr [þvi betr⁹ ok skarpari¹⁰, sem hann venz eigi i sama bug hveria stund fra¹¹ annarri“. [Postolinn svarar þa brosandi¹²: „Nu¹³ hefir þu, broþir minn, sealfr leyst þa spurning, er þu fram settir mer i fyrstu. Lattu þinn bogastreng skiliaz fyrir mina natturu, at 25 sva sem þu sagðir honom ofboðit verða iafnan harðr at vera, ma eigi mannlig nattura því orka at hallda æ iafnan sama striðleika. Sva ok sem bogi þinn er nybendr því örvari, sem hann hviliz betr i linan strengsins, er mannzins hugskot því betr tendrat i lystugleik goðra verka, sem þat mæðiz miðr¹⁴ i sama þunga.“ Sem 30 veiðimaðrinn hefir heyrt sva haleita skynsemi af postolans munni framborna ok þydda af sialfs sins orðum ok athöfnum, fellr hann fram ok þackir gerir þeim agiæta guðs vin fyrir oll sin andsvör ok litillæti. Gengr síðan ut af herberginu með andligri gleði aptr til sinnar iðiu þiggiandi postolans blezan at skilnaði.

35

1 þetta A²; þann veg B. 2 [moti honum A², B. 3 liggr A², B.
 4 bendi B. 5 hælaz A². 6 [bogann B. 7 se B. 8 at hallda B, C.
 9 [betri B. 10 [þeim mun betr C. 11 af B. 12 [Postoli drottins vars
 brosir þa litt þat ok talar sva B. 13 Her beg. Fr.III⁴. 14 siðr A², B.

Settr erchistoll i Effeso¹.

39. Hinn blezaði herra Johannes postoli skipaði fagrliga [kristnum dominum² i Asia kiosandi hofuðborg rikissins ser til sætis, er Effesus heitir. Þar skipar hann erchistol³ ok vigir til
 5 erkibyskup, því helldr setiandi annan i þann stett en sialfan sik, at hann vill lauss ok liðugr vera guðs orð ok örendi at bera. Her með skipar hann ser aðra byskupsstola, er sva heita, Smirna, Pergamus, Thiatire, Sardis, Philadelphia ok Laodicia. Til þessa allra kirkna vigir hann lyðbyskupa⁴, skipandi at þessir byskupstolar
 10 skulo luta undir erkibyskupsdæmit i Effeso. Optaz ok heimolligaz sitr hinn blezaði Johannes, sem fyrr er greint, i höfuðborg rikissins Effeso, þess i milli er hann visiteraði kristnina, siandi fyrst yfir stiorn ok raðvendi byskupanna, en siþan lif ok siðu þeira undirmanna serhverra ut ifra, upprætandes⁵ með sinni postoligri röksemd þær
 15 uveniur lyðsins, sem byskupar orkaðu eigi fram at hafa. Sva smiðaði þessi göfugligr herra biarta kristni ok haleita af þeim grundvelli, er sett hafði forðum agiætr predikari Paulus postoli, sem ver greindum fyrr i þessu mali. Veitti hann ollum, [ungum ok gömlum, kōrlum sem konum, styrkum ok vanmattugum, heilum
 20 ok siukum⁶ þann hialpardrykk ok miskunnar af sinum boðorðum, sem hann sa [i sinum herradomi⁶ at bezt hæfði ok til heyrði serhverium, ok því sva, at höfðingi friðarins ok höfuð astarinnar sialfr guð var með honum, stiornandi hans hiarta ok likams hræringar⁷ til sinna boðorða [ser til soma fyrir utalligan ævøxt ok innleiðzlu
 25 salnanna⁶. Sva skipar⁸ þessi vinnumaðr i vingarði drottins meðr naðum ok friði, þar til er vargrinn kemr ok gripr hirðinn i brott en skelfir hiorðina meðr lykkiottum rasum sinna haldreka. Þessi vargr er diofullinn sialfr blasandi sina handgengna vini til þess at ofsækia ok unaðir veita⁹ guðs kristni¹⁰ bæði fyrir eitr villunnar ok
 30 akefð ofsoknarinnar. En hvaðan¹¹ ufagnaðr tekr sitt upphaf, er oss i þessum stað [varrar frasagnar⁶ greinanda. Munum ver af því sælan Johannem¹² uppgéfa heima i Asia, þvíat oss byriar at fara til Romam, þvíat þaðan er rikis van, sem nogt¹³ er til. Af Róma munum ver snua ut yfir haf til Jorsala ok finna enn Gyðinga,
 35 siandi¹⁴ glæpi þeira ok [hefnd glæpanna¹⁵, en eptir þat venda aptr i Romam til goðra höfðingia, er [voru i þann tima¹⁶ i curia, ok

1 *Overskr. Fr.* 2 [kristinn dominn *Fr.* 3 erkibyskupsstol *B.* 4
 liðbyskupa *B.* 5 upprætande *A².* 6 [mgl. *B.* 7 æ tilf. *B.* 8
 starfar *B.* 9 heilagri tilf. *B.* 10 i Asia tilf. *B.* 11 þessi tilf. *B.*
 12 nu tilf. *B.* 13 gnogt *B.* 14 saal. øvr.; sia *A.* 15 [glæpanna pinu
 40 hrædiliga *B.* 16 [þann tima sitia *B.*

þvi næst, sem ranglatt ríki setz i keisaradominn at betri monnum brott kolluðum, munum ver flyia brott af Roma ok sækia heim rettlatan huggara sælan Johannem austr i Asia meðr [þess fulltingi sem faðir er allra¹ miskunnsemða².

*Appellacio Pauli*³.

5

40. Claudius keisari, er fyrr var nefndr i sögunni, ríkti .xiii. ár ok .viii. manaði. Eptir hann tekr ríki bolvaðr maðr Nero ok illa at ser gerr [i ollum lutum, þviat hann var⁴ hin leiðazta mannfyla ok hin daðlausasta fordæða meðr briostzins hugleysi ok hverskyns fullifvi. En i aðra grein var hann sva grimmr ok geysis¹⁰ harðr upp æ kristni guðs i himinríki, at hann letti fyrstr keisari opinberliga vapnum moti honum⁶ drepanði, sem fyrr segir, hæstu hirðmenn himnakonungs Petrum ok Paulum ok aðra fleiri ut i fra, sem umattuligt er at telia. A .vii.^{da} áre þessa Neronis retta enn Juðar hendr fra siðum drepanði blezaðan broður drottins Jacobum¹⁵ postola⁷ byskup i Jorsolum, fyrst fyrir þa sok, sem vattar i hans sögu, er hann predikaði Jesum, en síþan fyrir þat at, sva sem Paulus postoli kom inn i þeira land ok þeir höfðu höndlat hann rægiandi fyrir Festo, er þann tíma hellt Judeam, appellerar Paulus fram i Romam til⁸ Neronem keisara undan valldi Festi ok domi Gyðinga.²⁰ Ok meðr þvi at Juðar höfðu dauðann ætlat Paulo, vilia þeir eigi allz missa ok snua nu heim i Jerusalem grimmandiz æ þann goða guðs mann Jacobum neytandi fullu valldi ut at steypa hans meinlausu bloði, þviat Festus, er fram sendi Paulum til Romam, er nu undir lok liðinn. Sem Juðar unnu æ ok æ verra ok verra,²⁵ sem timinn⁹ liðr lengra, gnæfir yfir þeim hræðilig hefnd ok guðlig reiði, þviat þeir vilia ser æ öngva¹⁰ lund i nyt færa guðs miskunn ok þolinmæði. Fulla .xl.¹¹ ára dvaldi drottinn sina reiði eptir þann ræðiliga glæp, er Juðar frömdu moti hans eingetnum syni, skipandi þeim fyrst alla .xii. postola til predicanarembættis, en³⁰ síþan Jacobum Jorsala byskup hinn dyrðligzta mann, at þa skyllði uafatliga æ minna, ef þeir [kynni grata eðr¹² iðran gera fyrir sina udæmiliga glæpi, ok at þeir mætti með tárnum slockva graðugan loga sinna pinsla. [Hvat synir sva langr timi, nema guðs þolinmæði,

¹ Her mgl. ¹ Blad i C. ² [guðs fulltingi B. ³ Overskr. Fr. ⁴ [saal. 35 øvr.; um alla luti, þvi var hann A. ⁵ helvitis tilf. øvr. ⁶ henni B. ⁷ ok tilf. B. ⁸ saal. øvr.; fyrir A. ⁹ tímum B. ¹⁰ einga B. ¹¹ fioratigi B. ¹² [mætti grata eda kynni B.

ok at hann leitaði iðran¹ Juða ok feck eigi², þviat eigi girniz hann dauða syndugs mannz, helldr at hann leiðrettiz ok lifi.

Bystn i Gyðingalandi yfir Jorsalaborg 3.

41. Sem hinn hæsti faðir allra miskunnsemða hefir til fullz
 5 profat, at eigi vilia Juðar æ heilsuveg snaraz fyrir orð sinna⁴
 blezaðra ðrindreka, leggr hann eigi af því helldr at vitia þeira,
 ef æ nockurn hatt fengi hann linat þeira briostfastan harðleika.
 Þvi [hefir hann til af himni takn ok stormerki, helldr synandi
 sina hægri hönd i fyrstu nalæga til hefndar ok stríðleika, en æ
 10 setiandi pinuna, hvar af oss syniz viðrkvæmiligt at boða⁵ nockura
 luti til lofs ok dyrdar almatkum guði⁶. Þat er fyrst greinanda,
 at nöckurn tima sæz i loptinu yfir borginni Jerusalem skinandi
 stiarna með gloðu liosi, sem logi væri, sverði lik i sinum vexti, ok
 15 at bloðrefillinn horfir iafnan æ borgina. Tima síðarr⁸, sem mikill
 lyðr kemr saman i Jorsolum at hatiðardegi Azimorum .viii.⁹ dag
 Aprilis manaðar, kemr æ .ix.^{du} stundo nætr sva mikit lios ok birti
 yfir Salomons musteri¹⁰, at allir hugðu kominn hinn biartazta
 dag, ok stoð um halfa stund. Þotti heimskum monnum þetta
 20 farsælligt, en vitrum spekingum miok feigligt. I saumu hatið var
 ein kviga leidd til fornar i musterit, ok rett sem hun stendr
 frammi fyrir alltarinu, fæðir hun lamb, sva at þionostumenn hallda
 æ henni meðan. I sama tima geriz þat i musterinu æ settu tíð¹¹
 nætr, at su stora hurð sem byrgði austrhusit, þat er þeir kalla¹²
 25 Sancta sanctorum, laukz upp æn manna fulltingi. Var þat [allt
 eins¹³ i mót ollum likindum, þviat hun var sva þung [bæði af
 sinum vexti ok malmsins klæðnaði¹⁴, at hinir vöskuztu [menn .xx.
 fengu¹⁵ varla upplokit eða læst. Her með hafði hon sva marga
 rekendr ok lasa ok lokur uppi ok niðri, sem til heyrði því husi,
 30 er miklu¹⁶ varðaði. Eptir greinda hatið Gyðinga æ .xx.^{ta} ok
 fyrsta degi Maij manaðar, [var þat undr sieth¹⁷ nærri solarfalli,
 at otruanligt mætti¹⁸ þickia, ef færri sæi, þa syndiz¹⁹ sem væpntar

1 iðranar *Fr.* 2 [*mgl. B.* 3 *Overskr. Fr.* 4 ok iartegnir hans *B.*
 5 tala *A*². 6 [sendir hann af himni takn ok stormerki, enn i fyrstu
 35 synandi þeim sina hægri hönd helldr en asetiandi pinuna, sem her finnz
 skrifat gudligri mildi til lofs ok dyrdar *B.* 7 cometes *B.* 8 *Her*
*ender Fr III*⁴. 9 atta *B.* 10 mustari *B.* og saaledes overalt. 11 stund *B.*
 12 kólludu *A*², *B.* 13 [*mgl. B.* 14 [med sinum buningi *B.* 15
 [tuttugu menn fengu hana *B.* 16 mest *B.* 17 seed *A*². 18 matti *A*²,
 40 19 [þa syndiz nær solarfalli *B.*

fylkingar ok floccar til bardaga bunir i loptinu gerði borginni umsatir ok atsoknir. A næsta htiðisdegi¹, er kallaz pentecostes, gerðiz sa lutr, at sva sem kennimenn gengu um nátt at sia i musterit, kendu² þeir i fyrstu sem nöckura þrong eða³ þys af fiolmenni, en síþan heyra þeir raddir segiandi æ þessa leið: 5 „Farim ver brott heðan“! Sva auðsynum taknum, sem nu voru skrifut, truði með öngu moti su vesla þioð, sem hun væri⁴ af ollu vitinu, hvarki hafandi augu ne andir at hræðaz guðligt valld ok hræðiligar ognir, helldr vei'tu þeir trunat þeim verstum svikurum, er sik kolluðu spamenn ok sögðu þilik takn allt annat 10 merkia en guðliga misþykt. Þvi reðu Gyþingar þat af at hafna 5 ollum lutum, þeim er guð drottinn fram hafði þeim til leiðrettu. Þij er timi kominn, at bogi drottins see uppbendr ok hart til hirtingar dreginn. Hvar fyrir himnesk vitian birtir þeiri⁶ kristni, er nu var i Jorsolum undir stiorn ok val'di Simeonis, sonar Cleophe 15 broður Joseph festarmannz heilagrar Marie guðs móður, at hun skal flytia sik brott af⁷ borginni ut yfir Jordan, i þann stað er Pella heitir, at heilagir menn gefi liðugan⁸ stað guðligri hefnd æ Jerusalem, [at eigi tyndiz⁹ rettlatir menn með ranglatum, helldr kvæmi¹⁰ drap ok dauði yfir sina eiginliga sono [ok tæki umilldan 20 lyð i langri flærð ok undirhyggju¹¹, er kost [atti at lifa en villdi¹² deya, [gefandi þat hverium i fulla dauðasök, ef þeim villdi gott kenna ok til lifsins draga¹³. Þvi dettr þeim æ hals um siðir þungr slagr af handlegg himnakonungs með þeim hætti sem nu skal greina 25

*Af Vespasiano*¹³.

42. A þessum timum var i Roma undir Nerone keisara einn mikils hattar höfðingi Vespasianus at nafni, storliga ríkr at verallldligum auðæfum ok næstr i metorðum sealfum keisaranum. Hann atti .ii. syni¹⁴, het hinn ellri Titus, en hinn yngri Domicianus. 30 15 Vespasianus var liotr i andliti miok, sakir þess at hann hafði [æ kinninni eitt æxl¹⁶, hafði¹⁷ látit lækna til profva¹⁷, ok var meinit æ því hærra, sem [optarr var nockut¹⁹ at gört, því hafði

1 hatidisdag B. 2 heyrdur B. 3 ok A², B. 4 brott tilf. A², B. 5 tilf. B. 6 saal. A², B; heilagri A. 7 Med dette Ord begyndler atter C. 8 frialsan 35 B. 9 [ok eigi tyniz B. 10 komi B. 11 [mgl. B. 12 [attu at lifa en villdu B. 13 Overskr. B. 14 saal A, A², B; sonu C. 15 Nefndr tilf. B. 16 [æxl a kinninni A², B; mikit æxle a k. C. 17 hann tilf. B, C. 18 ef þeir feinge læknad tilf. C. 19 [saal. øvr.; nockut var A.

hann samit til eina silkitos at hylia meinit, þviat lytit var allmikit. Ok einn tima sem hann sitr i samkundo, verðr margt talat¹ ok millum annarra luta, hverr læknir hafi mestr verit i manna minnum. Gamliir menn segia, at engi hafi læknir slíkr verit sem Jesus, er
 5 Gyðingar drapu i Jorsolum, fyrir þa grein at haun græddi oll mein án skurð² eðr bruna eðr³ hveriu meinlæti. Vespasianus heyrir æ þvilíkar ræður með athygli, en talar síðan sva segiande: „Eigi virðiz mer sem þvilíkr læknisdomr, sem⁴ þer berit fram af Jesu, se at eins mannligrar kunnaztu, helldr syniz mer [sem hans⁵ stormerki
 10 hafi framiz fyrir guðliga natturu, ok ef sva er, sem ek ætla, ma hann gefa mer til eitt mark ok taka brott af minni æsionu þat lyti, sem ek hefir lengi borit ok engin læknir fekk bot æ unnit. En ef hann gorir mer þetta vinattubragð, skal ek fara ok Titus son minn til Jorsala með ollum várum styrk ok hefna hans æ
 15 Gyðingum“. Þegar sem hann hefir sva talat, [losnar umbunaðrinn⁶ æ kinninni, ok fell⁷ niðr æ borðit bæði samt silkit ok⁸ æxlit, en æseonan var sva slett sem æ [.vii. vetra gömlum⁹ sveini. Verðr hann við þessa iartegn geysi glaðr, bioðandi ut [þegar i stað¹⁰ miklum her, þviat hann var enn framazti maðr i orrostum ok
 20 reyndr i harðfengi, sva ok Titus sonr hans var hinn mesti iþrottamaðr ok kiænn til herskapar. Ok meðr þvi at Gyðingar voru þenna tima ollum andvigir [bæði keisaranum ok¹¹ oðrum fyrir sitt ofbelldi ok margan kyndugskap, er þeir fram höfðu mot þeim, er hann skipaði valldzmenn yfir ríkinu, er Vespasiano til reiðu allr
 25 sa styrkr af Romaríki, sem hann vill fremstan hafa til striðs við Juða. Sem herrinn er albuinn, letr hann i haf, ok tekz farsælliga, kemr hann til Jorsala um varit, [er nalægh var¹² paskatið Gyðinga. Hafði þæ sott sva mikill mugr mannz¹³ til borgarinnar af ollum attum ok rikissins halfum, at alldri fyrr þilíkr i manna minnum,
 30 sva sem feigðargreip læsi þa saman ok kastaði alla i eina myrkvastofu. Sva segir Josephus sagnamaðr, at þa var lyðr i Jorsolum samankominn til hatiðar¹⁴ þrir tígir hundraða¹⁵ þusunda, allir innstrengdir með herskap Romanorum rett i þann tima sem byriaz hætiðin. Ok rettliga var þessi hefndartimi Judum kosinn með
 35 guðs dómi, þviat æ paskatið grimmaðuz þeir með greypilígum

¹ með olteiti *tílf.* C. ² skurdi B. ³ ok A², B. ⁴ er B. ⁵ [líklígt at hans verk ok B. ⁶ [losnar umbuðin B; losna umbonðin C. ⁷ fellr B. ⁸ þar með *tílf.* A², B. ⁹ [síqvetrum B. ¹⁰ [*tílf.* A², B; an alla dvol C; *mgl.* A. ¹¹ [sva keisaranum sem B, C. ¹² [sem nalæg er
 40 A², B. ¹³ *tílf.* A², B. ¹⁴ halldz *tílf.* B. ¹⁵ hundrat B.

röddum ok dreyrugum hondum æ sinn skapara drottin varn Jesum Kristum, ok æ engan tíma var þeim alla götu íafnkiært at taka blóðdryckina, sem æ þeirri tíð er lögmálit Moysi bauð þeim bezt at lífa. At paskum drapu þeir blezaðan Jacobum postola Jons broður með sinu rogi ok feegiofum undir sverði Herodis konungs, 5 sem fyrr var greint. Á sömu tíð¹, þó at síðarr væri, drapu þeir Jacobum Jorsalabyskup hinn milldazta, þveitandi hvasseggjat griot í hans blezaða höfut með opi ok æeggjan, meðan hann stoð æ kníæm ok bað [fyrir þeim til guðs². Ok sva vilia visir menn skilia, at engri gerð. Juda hafi guð braðreiðari vorþit en drapi Jacobi 10 broður sins, var þá ok skamt til aðr þeim kom bardagi. Her með kallar rauðr dreyri [hins sæla³ Stephani af himni [utsteypr af Juðum með hörðu grioti⁴, kemr⁵ ok eigi síðr fíoturr ok [myrkva-stofa með harðri húðstroku⁶, er þeir veittu forðum ollum samt guðs postolum meðr [umælldri flærð ok umsatum, sva at þeir allir, 15 er beztir menn voru ok guði kíæraztir, urðu at vægia ok brott leita viðs vegar undan þeira⁷ unaðum. Þvi stigr yfir þá haðulig⁸ skemð ok meira brigzli, en fyrr se lesit, með dauðligum sullt ok harðretti, þviat sva sterklíga ero þeir inni teptir sem olmir hundar í einni holu. 20

Romveriar kusu Vespasianum til keisara⁹.

43. Margar greinir setr¹⁰ Josephus sagnamaðr af þeim sullt ok tannagnistan¹¹, er Juþar þoldu undir Vespasiano ok Tito syni hans .v. ár í samt, þriu ær sva, at þeir voru baðir samt við¹². Þviat þeir hófðu eigi meirr um setit borgina en .ij. ær, aðr en¹³ 25 Nero for at deyia. Leið þá sva hit .iii.¹⁴ ær ok .vi. manaðir, at Galba ok Otto eptir hann styrðu Romverium, baþir skammlífir. Kusu þá allir Vespasianum til keisara, þvi for hann til Romam eptir orðsending senatus, en setti son sinn Titum eptir at Jorsolum. En hvern mun greina mega¹⁵ þau manndrap ok hervirki, 30 sullt ok svartan¹⁶ loga, er þeir letu geisa hvervetna um landit með akefð í borgir ok bæi, kauptun ok kastala. Her kemr ofstop-afullum Gyðingum, at sva falla þeir í svivirðing sulltarins, at oll diki borgarinnar voru nalíga full af dauðra manna bukm. Hvern

1 hatid B. 2 [þeim firirgefningar B. 3 [tilf. B, C. 4 [er Judar 35
gryttu til bana C. 5 sva B. 6 [hudstroka B. 7 [margri flærð ok B.
8 hæðilig øvr. 9 Overskr. C. 10 gerir B. 11 tannagnisting B.
12 en tvö sidan tilf. B. 13 mgl. B. 14 þridia B. 15 Her mgl.
omtrent 20 Blade í A². 16 þann graaduga C.

reif ok sleit or annars kverkum þat er matkyns var, sva at engin¹
venzl eða frændsemi hlifði annarri. Þeir atu af ser belltin ok
skokleðin ok hvat annat, er niðr gekk² i halsinn. Þat var³
5 er etanda væri, þviat sva striddi rán ok ruplan innan æ borgina,
sem skipaþar fylkingar Romveria utan [æ murana. Æsktu þeir
ser⁴ dauða, en sulltrinn dvaldi dauðaskulldina. Sva mikil grimd
var þar inni, sem uheyrt [var fyrr⁵, at ránsmaðr ok ribballdinn⁶
reyndi giarna sinn brand i þess mannz hófði, er nockut hafði
10 hallda⁷ ok feginn villdi lifa, en [þeim villdi hann öngum veita slag
með sinu sverði, er⁸ verra þotti lif en dauði [, ok þvi siðr, ef
nockurir baðuz undan at luka fyrr en siðarr þvi auma lifi. Var
þat enn Gyðingum með oðrum lutum mikit hæð ok brigzli, at þeir
hófðu slíka mannfiandr hia ser i borginni, þviat eigi voru þessir
15 af Romverium, helldr af þeira borgarmonnum, til þess at þeir
rifiz i sundr sialfir með ginanda munni sem hin verstu hrækvik-
vendi⁹. En fyrir þa sauk at skómm ok svivirðing guðrækra Gyð-
inga er uboðanlig hverri tungu með ollum greinum, er at luta
þeira fulum svikaradomi, munnum ver snua þagat varu mali, sem
20 borgin gefz upp fyrir sullt ok harðretti, þviat hun var sva sterk-
liga murut, at hana matti alldregi¹⁰ vinna, meðan nockurr styrkr
var til varnar. Nu er sva komit mali Jorsalaborgar, at Titus
gengr inn i hana með romverskum her eptir .v. ár liðin, [ok lætr
þa flærðarhausa afismunar kenna⁹, eyðandi allt með oddi ok eggju,
drepanði ok dreifandi þann auma lyð með ymisligu kyni kvalanna.
25 Ellifu hundrat þusunda fórz þar af sullti ok¹¹ slegit með sverði.
Ránsmenn allir voru pindir utan borgar ymisligum pinslum¹² til
herfiligs dauða. Þa menn alla, sem ellri voru en .xvii.¹³ vetra
gamlir, gorir Titus utlegðarþræla fram i Egiptaland, at þeir kenni¹⁴
fornar stoðvar sinna frænda, allan tima ænauðigir undir griot-
30 byrðum, meðan þeir lifa. En þeir sem yngri voru en .xvii.¹³ vetra
ero selldir mansali sem þybornir þrælar til ymissa¹⁵ landa, sva
udyrir, at [.xxx. voru¹⁶ fyrir einn penning, moti þvi er þeir keyptu
dauða drottins vars [fyrir .xxx.¹⁷ penninga. Voru þessir ungu
menn, er selldir voru, niu tigr þusunda. Aðrir af Juðum ero

35 1 eingi B. 2 matti ganga B. 3 þar tilf. B. 4 [Allir æsktu þar B.
5 [er fyrri B. 6 rifballdinn B. 7 ser til næringar C. 8 [þann
villdi hann eingan drepa, sem B. 9 [mgl B. 10 alldri B. 11 var
tilf. B. 12 kvolum B. 13 seytian B. 14 kanni B, C. 15 ymissra
B, C. 16 [þrir tigr gengu iafnan B. 17 [med þrim tigrum B.

dyrum beittir eða i [sma sega¹ sundr bladdir², aðrir³ at skotspæni
 hafðir, meðr spiotum ok sverðum i gegnum grafnir. Nockura þa
 menn, sem mestir [funduz ok afbragðligztir⁴ i sinni atgiorvi ok
 friðleik, let Titus lifi hallda, halldandi þa sem sina fanga til vitnis
 þess frægia⁵ sigrs. En eptir sva gort skytr hann elldi i borgina ⁵
 ok lætr graðugan loga leika ok hvatvetna gleypa, þat er fyrir varð,
 sva mustirit sem allt annat, með braki ok brestum, afli ok gny
 hræðiligum, briotandi niðr i balit allt þat smiði, sem nœkut stoð
 við elldinum, sva vandliga⁶, at eigi stoð eptir steinn yfir stein.
 Sípan lætr hann sallti ausa þann [stað, sem borgin hafði verit⁷, ¹⁰
 at su bolvaða iorð skyllði alldri sípan þrifaz mega. Lyktar her
 því mali, sem ver munum setia af makligri hefnd ok herfviligum
 kvolum Gyþinga. Er þetta harðla fátt af því mörgu, sem⁸ þar
 mætti af segia, þvíat ver skundum til annarra luta. En þo ma
 [skilia heðan af⁹, hversu digra bolvan sa verðskyllðar ser, sem ¹⁵
 reisiz með ofbelldi moti sealfum guði.

C a p i t u l u m.

44. Agiætr maðr Vespasianus keisari ríkti .x. ær með [friðum
 naðum ok goðum friði¹⁰ til kristninnar¹¹, en sípan Titus son hans
 .ij. ær ok .ij. mánaði, mikill frægþarmaðr ok miok harmdauði. ²⁰
 Eptir hann framliðinn¹² tekr ríki Domicianus broþir hans, er
 harðla miok afkyniaðiz i sinum gerðum, þvíat hann fyrirlet¹³ frið-
 samlig dæmi foður ok broður semiandi sik eptir liotu lyndi hins
 niðingliga Neronis, ofsækiandi sæla guðs kristni með mikilli grimð
 ok marghátuðum illvilia, [bæði likiandi sik hinum versta Herodi ²⁵
 ok fyrr nefndum Neroni¹⁴. Hann byðr fægan fiandligra goða um
 allt Romveria valld, skipaði¹⁵ valldzmonnum¹⁶ i borgir ok kastala
 af sinni halfu, at goðanna þionkan skyllði fram hafaz, en kristnir
 menn pinaz grimliga, ef þeir vilia eigi lyðnaz þeiri tru, sem keisarinn
 sialfr vegsamar. Ok sva auflgaz um siðir þessi dauðans boðorð ³⁰
 [hins vanda¹⁴ Domiciani keisara, at þau fara land af landi með
 nogum¹⁷ herskap æ guðs kristni, æ því verr ok harðara, sem keisarinn
 lifir lengr ok hann þickiz¹⁸ sterkari i sinu valldi ok ríkdómi. Sva

1 [smasiga B. 2 [sma streingi sundrskornir C. 3 saal. B; ok A.

4 [voru afbragdzmenn B. 5 fræga B. 6 gersamliga B. 7 [reit, er ³⁵
 borgin hafði stadið B. 8 er B. 9 [her skilia B. 10 [friði ok naðum B;
 friðe og goðum naðum C. 11 heilagrar kristni B; guðs kristni C. 12
 mgl. B. 13 fyrirleit B. 14 [mgl. B. 15 skipaði B. 16 valldzmenn B, C.
 17 miklum B. 18 saal. B; styrkiz A.

kemr, at hans bôlvut boð dreifaz allt austr i Asiam, þar sem hinn
 kiæri Kristz unnazti virðuligr Johannes postoli predikar guðs orendi
 [með efðu blomi heilagrar kristni¹, sem fyrr var greint [i þessu
 mali¹. Þvi skipar Domicianus keisari valldzmann ok höfðingia i
 5 haufuðborg rikissins sialfa Effesum, at fram skal hafa dyrkan goðanna
 en briota kristnina, pinandi þa sem eigi vilja blota. Heyrt hefir
 dauðasonrinn Domicianus keisari, at sa er einn maðr i Asia af
 lærisveinum Jesu, at miok se staðfastr i sinni tru ok gagnstaðligr
 [þeiri fagan, sem hann vill nu gera lata². Þvi skrifar hann pistil
 10 sinn til proconsulem, er sitr i Effeso, biððandi honum at leita eptir
 þeim manni, er mest striþir i Asia af lærisveinum Jesu i moti
 hans lógmali, ok sem hann er fundinn, skal hann æ minna, at [hann
 neiti³ Cristi ok letti af [at predika nafn Jesu⁴. Þessor keisarans
 boðorðs er proconsuli hægt at fullgora fyrir sumar greinir, þviat
 15 hann veit val, til hvers talat er, ok at Johannes höfuðsmaðr krist-
 ninnar er þar innan borgar. Þvi lætr⁵ hann gripa postolann ok
 leiða fyrir sik, hafandi fram sömu orð, sem fyrr voru skrifut, [nu
 með bliðu, nu með⁷ striðu, at hann skuli neita [nafni Jesu⁸ ok
 af letta allri predikan. En þvilikri umleitan svaraði hógværliga
 20 blezaðr Johannes sva segiandi með uvikianligri staðfesti: „Þat byr-
 iar⁹, at maðr lyði framarr guði en monnum; fyrir þvi se yðr kunn-
 igt ok ollum öðrum, at ek neita eigi guði minum, ok eigi af legg
 ek lifs predikan hans blezaða nafns, þar til at ek fyllir mina rás
 i þvi embætti, sem ek tok forðum af minum drotni. Fyrir [þetta
 25 andsvar¹⁰ Johannis verðr proconsul storliga forr, þviat hann skilr
 orðin ganga af hinni mestu alvöru ok staðfesti hugarins, hvar fyrir
 hann byðr, at postolinn skal inn kastaz i þungt¹¹ varðhalld sva
 sem uvin cesaris ok motstoðumaðr Romarikis. En hann skrifar
 bref fram til Domicianum keisara af efni Johannis postola halld-
 30 andi þilikt form, sem her ma heyra.

Sendibref Effesiorum iarlis til Domicianum keisara¹².

45. Hinum mildazta [keisara volldugum Domiciano¹³ sendir iarl
 Effesiorum sina kveðiu með skyllduligri¹⁴ virðing i ollum lutum.
 Yðvarri dyrd se val kunnigt, at sa maðr sem¹⁵ Johannes heitir, kominn

35 1 [mgl. B 2 [godanna fagan B. 3 [saal. B; neita A. 4 [predikan i Jesu
 nafni B. 5 bod B. 6 saal. B; let A. 7 [ymiz með bliðu edr B. 8
 [Jesum B. 9 segir hann tilf. B. 10 [þessi svör B 11 þröngt
 B; þröngvasta C. 12 Overskr. C. 13 [herra volldugum Domiciano
 keisara B, C 14 skyllduligri B, C. 15 er B.

af kyni Ebreorum predicar i Asia Jesum Kristum hinn krossfesta, segiandi hann vera sannan guð ok son guðs lifanda, en fagan usigranligra goða varra eyðir hann ok forsmár briotandi ok umvendandi [þau virðuligu musteri, sem þeim voru smiðut þegar i upphafi¹. Nu sem liost verðr i greindri² gerð, er þessi lokleys- 5 umaðr ok galldrameistari i ollum lutum motstaðligr [yðvarri sæmð³ ok virþingarhæð, þviat með sinum mætti, orðslægðum ok fiolkyngi snyr hann naliga allan⁴ lyð Effesine borgar til þess ætrunaðar at dyrka dauðan mann ok krossfestan. En meðr þvi at ver berum með váru hiarta satt vandlæti usigranligra⁵ guða, buðum ver 10 þenna uvin þeira nalægiaz várum domstoli, æ minnandi bliðliga ok ógnandi nöckuru striðara eptir yðru boði, at hann skyllði neita þann dauðliga⁶ mann ok eigi [heðan af i nockurn stað opinberliga eðr leyniliga⁷ hans predican fram bera. Her með buðum ver honum at fornfæra goðunum. En öll vár orð ok æminningar 15 köstuðum ver sem ut i vind, þviat hann lagði oss i moti þræa ok þriotlyndi, engan veg vikiandi af sinu ofbelldi, helldr guðunum grimmari hvat er hann matti. Þvi skrifaðum ver þetta letr yðvarri hæð ok herradomi sem leitandi ok meðr lyðni spyriandi, hvat yð(u)r vitzka dictar framfaranda við sva mikinn þriot ok uvikianligan 20 uvin yðvars soma [ok sæmdarfullra boðorða⁷. Biðium ver, at þer synit varum litilleik yðvarn vilia i þessu mali. Valete.

Domicianus byðr at færa Johannem ur Epheso til Romam⁸.

46. Sem þessor bref iarlsins koma fram i Roma, beraz þau Domiciano keisara, hver hann upp brytr ok yfir less, fylldr þegar 25 iafnfram⁹ bolvaðrar bræði, [sem hann orðin serr æ þvi falsarabrefi⁷, skrifandi iarinum þrutin orð grimmligrar reiði aptr i moti, at hann skal taka Johannem með harðri hendi brott af Effeso flytiandi hann fiðtraðan allt i Romam. Ok er iarli kemr þetta bref, vikz hann giarna undir keisarans boð, gripandi gðfugligan guðs vin 30 Johannem postola strengiandi sterkum fiðtrum ut æ skip, er gengr af Asia til Italiam, hvar iarlinn stigr æ sialfr með sinu¹⁰ foruneyti. Ok er þeir koma allir samt i Romam, gorir iarlinn kunnigt Domiciano keisara [fyrir sendiboða eðr örindreka val skilrikan⁷, at hann ok Johannes ero komnir i borgina. Ok i stað sem hinn 35

1 [þeira virðulig mustari B. 2 saal B, C; grimmri A. 3 [yðru valldi B, C. 4 ollum C. 5 oðaudligra B. 6 dauda B. 7 [mgl B. 8 saal. Overskr. C.; Pisl Johannis B. 9 mgl. B. 10 miklu B.

grimmazti Domicianus vikingr heyrir þat, verðr hann sva reiðr, af hvarki vill hann lata koma ser i augsyn postolann ne iarlinn, utan helldr byðr i stað með diðfulligu forzi sva beraz sin orð iarlinum, at hann leiði Johannem fyrir borgarhlið i Roma, er latina
 5 heitir, flettandi hann [i fyrstu¹ ollum klæðum, en siðan lemiandi með harðri huðstroku. Eptir sva gort byðr hann iarlinum at klippa allt hár brott af postolans höfði sem liotligaz ok næst sverðinum, en siðan steyta² honum³ niðr lifanda i viðsmiorsketil vellanda, sem til heyrir at refsa keisarans uvin ok motstauðumann⁴
 10 Romveria. Þetta boð sva bolvat ok grimðarfullt af [fiandans helli, þat er af briosti Domiciani drepsothliga framgengit⁵, fyllir greindr iarl i alla staði skipandi með digrum metnaði sinn domstol fyrir nefndu hliði, bioðandi sælan Johannem þar [nalægiaz sinu ðgliti⁶. Margr lyðr kom þar saman æ þeim degi, þviat eigi for
 15 lægt um borgina, hvern pina skyldi, [þviat ilmandi frægð Johannis er fiarlæg litlu hviskri, helldr kemr sa dyn⁷ undir, at skalf olldungasveitin i Roma, er sitr þat breiða þing með oðrum lyð, sem nu er sett guði til meingiorða ok hans kærur vin til sárra pininga. Siðan byðr iarlinn sinum monnum fullgera hveria luti⁸,
 20 sem keisarin hafði boðit, afklæða postolann ok huðstroku veita, hær hans klippa [til hæðs ok augabragðz allra manna¹, ok siðarst i viðsmiorsketilinn niðr verpa. En æ þenna dag sem alla aðra synir guð i himinriki, at⁹ eigi ma ðflgaz moti hans hægri hendi ranglætisfullr vili mannanna, þviat signaðr Johannes gekk sva
 25 heill ok usakaðr brott af þeim dauðliga hita fyrir almattigs guðs miskunn, sem hann var allan tima lutlauss [af uspilliligum bruna¹⁰ sins skiæra likama, [reinni ok biartari en þat gull er i elldi profaz¹.

Capitulum.

30 47. Til eilifrar minningar þess hins haleita sigrs, er drottinn varr Jesus Kristus vann æ þeim degi fyrir sinn virktavin Johannem postola, reistu cristnir menn ægiætt musteri i fyr sôgðum stað ante portam latinam, at þar dyrkiz arliga hatið virðuligs Johannis pridie¹¹ nonas Maij, æ þeim sama degi sem hann sigraði Domicia-
 35 num keisara ok ranglatan senatum með postoligri róksemð ok

¹ [mgl. B. ² steypa C. ³ hann B. ⁴ motstöðumanni B. ⁵ [briosti Domiciani B. ⁶ [koma B. ⁷ [þvi kemr sa dynr B. ⁸ grein B, C. ⁹ hans er 9ll skepna ok tilf. B. ¹⁰ [af spilliligum bruna B; hogligr girnda C. ¹¹ þridia(!) B.

lofligri staðfesti, sva glaðr ok skirr i elldinum sem aðr ok síðan i meydinum. [Hvat er meistarliga stendr skrifat honum til lofs ok dyrðar i því ægiæta responsorio, er syngz um alla kristni æ þann dag in paschali gaudio ok sva byriar: Vox tonitruui tui deus in rota¹. Nu sem iarlinn Effesiorum ser, at hinn sæli Johannes 5 gengr ut af vellanda ketlinum² sem hinn sterkazti kappi smurðr en eigi brunninn, verðr hann miok ræddr ok óttafullr i þessu stormerki, sva at hann villdi þa gefit hafa liðugan gang postolanum ok fullkomit frelsi, ef hann hefði þorat þat gora fyrir keisaranum. En með því at hann ottaz veralldligt valld, vikr hann af [annan 10 veg³ utlægiandi postolann brott af Italia ok Asia, skiotandi niðr i þat utsker, er Pathmos heitir. Þar voru⁴ fyrir margir menn [utlægðir, anauðgir⁵ ok þrælkaðir⁶ at höggva berg⁷ ok vinna til steinsmiðis, þviat þar var griotval mikit. Millim sva aumra manna er nu settr hinn sæli Johannes [sva sem þeira samþræll ok felagi⁸, 15 hvat [er eigi þarf⁹ synaz undarligt, þviat orð sannleiksins skulu vel fyllaz i pinslardryck Johannis. Lasum ver af hans blezaðum broður Jacobo, hversu hann gerði karlmannliga sina ræs fram i pinslarker undir konungsins sverð, ok nu heyrðum ver fyrir skemra, hversu agætr Johannes samneytir sinum broður i milsku þess dryckiar, 20 er varr drottinn sagði þa baða drekka mundo [ser til lofs ok dyrþar 10. Huðstrokinn var þa 11 Johannes i Judea, fiðtraðr ok innkastaðr millum annarra postola, sem fyrr er skrifat. Gripinn var hann með illyrðum [i annan tima 10 i Asia, bundinn ok innkastaðr fyrir predikan [guðligis orðz ok vitui sannleiksins 10, sitiandi austr 12 þar i fiðtrum, 25 [meðan rógsbref fluttuz i Romam samsett með falsi iarls Effesiorum 10. Síðan er hann fiðtraðr, æ skip leiddr ok i haf rekinn, farandi þilikr 13 fram i Romam, at engan tima helldr hann sialfs sins valld 14 mætandi þar omiukum orskurði 15, klæðum afflettr ok undir sviga settr, hárit latandi ok viðsmiðrsvellu æ sik takandi, utlegð þolandi 30 fram i Pathmos, þar sem nu sitr hann i 16 sampining þeira fataækra, sem 17 þar þrongvaz [daprliga i dagligum 18 sveita. [Nu er ælitanda, hvart þessar greinir samanlesnar i þvingan ok meinlætum Johannis mega eigi martirium heita viðrkvæmiliga, meðr þi at hinn sæli

1 [mgl. B. 2 katlinum B, C. 3 [aðra leid B. 4 adr tilf. B. 5 35 [saal. B, C; utlendir A. 6 [Er nu settr hinn sæli Johannes postoli sva sem þeira samþræll tilf. her A. 7 saal. B; marmara berg C; griot A. 8 [tilf. B, C; mgl. her A. 9 [saal. B, C; eigi ma A. 10 [mgl. B. 11 þessi B. 12 mgl. B. 13 sva B. 14 völd B. 15 tilf. B. 16 sarri tilf. B. 17 er B. 18 [dagliga i daprligum B; erfvida med dagligum C. 40

Gregorins segir, at i bindandisdygð ok einni saman pinu holldzins geriz maðr pislarváttr i guðs ðgliti æn allri ofsokn¹. Sva fullkvæmiz drottinlig spasaga i þessum bræðrum liosi biartara, at þeir þoldu baðir valk ok vandræði heims þessa með ægangi ok ofsoknum
 5 grimmra guðs uvina, hvarr æ sinum tima, þo at annarr lyktaði sina lifdaga i friði kristninnar geymandi þa merking, sem at honum vikr með vilia spekinnar, þviat friðrinn heyrir þeim en eigi sverð i sinum enda, sem [þyðing berr upplitningarlioss² unaðsamligra fagnaða, [sem skiliandi maðr fær³ undirstaðit af þeim
 10 greinum, sem fyrr stendr skrifat⁴ af merking Petri ok Johannis 5.

Capitulum.

48. Dyrð heilagra hinn haleiti Jesus birtir þat með þessum utlegðarmanni sælum Johanni, er David konungr segir i sinni bok⁶, at guð drottinn geriz leiðtogi rettlatra, eigi fyrirlatandi nðckurn
 15 þeira, utan helldr skipar hann hvern þvi framarr i himinrikis erfð [ok sinni vinattu⁵, sem hann þolir meiri vanvirðing [ok margfalldari þvinganir⁵ fyrir hans nafni, [þviat drottinn sa hvat⁷ mikit hans blezaðr vin hefir æ hendr tekiz i stiorn ok valldi kristninnar⁸, ok hversu andir⁹ voru þurfandi hans miuka faðernis ok
 20 yfirsynar [þott nu misti þeir hirðissins i fiarvist greindrar utlegðar. Drottinn litr af sinu sæti yfir sonu mannanna ok sierr¹⁰ meðr skygnum augum, at þeir byskupar i Asia, sem blezaðr Johannes vigði ok yfirskipaði kristnina, vanrækia sina skylldu til hirtingarvalldz¹¹ við undirmennina [sva at þar fyrir aukaz illzkur ok siðleysur með
 25 flekk ok fólman cristninnar, þar iafnan meirr sem stiorn var minni⁵. Þvi vill varr herra Jesus Cristr umsia veita þeiri kristni, sem¹² til heyrir hans lærisveini, at sva sem hann er sinum sauðum fiarlægr i likamanum, sva verðr hann fyrir himneska miskunn nalægr i andanum þe ra nauðsynium; [sakir hvers¹³ hinn ægiæti Johannes
 30 þryðiz fògrum giofum ok haleitum i Pathmos, þiggiandi þa virðing at næræz með andarsyn i [ðgliti drottins¹⁴ heyrandi hans orð ok viðmæli til [siðvendi ok⁵ stiornar kristninni. Af þeiri andarsyn, er hinn blezaði Johannes þiggr i Pathmos, skrifar hann eina bok með guðs boðorði, er hann kallar Apocalipsin. Þiggr hann þessa

35 1 vondra manna tilf C.; [mgl. B. 2 [ber sanna þyðing uppbirtingarlioss C. 3 vel tilf. C. 4 standa skrifadar C. 5 [mgl. B. 6 psalmabok C. 7 [þvi minniz brunnr miskunnar, hversu B. 8 sinnar kristne i Asia C. 9 andirnar B; margir C. 10 [Þvi ser drottinn B. 11 hirtingar B, C. 12 er B. 13 [þviat B. 14 [augliti sialfs guds B.

gipt æ drottinsdag einn, sem hann sialfr vattar eptir kveðiusending
 i upphafvi nefndrar bækr, er hann sendi af utlegð heim i Asiam
 siau¹ fyrr nefndum borgum ok þeira byskupum sem ollum auðrum
 læiðum ok leikmonnum², hver upplokin ok yfirlesin angar³ mikinn
 sætleik himneskrar miskunnar, er framflaut af hæsaeti heilagrar
 þrenningar fyrst i hiarta Johannis, en síðan i faðm ok æseonu
 allrar kristninnar; [þvi fyrri Johanni, at hann var utlegðr fyrir
 guðs nafni frabyrgðr⁴ mannligri huggan ok viðrmelis. Þvi vitiaði
 hans sialfr guð meðr sinu stormerki [val minnigr þess, er opt er
 lesit i frumtign Johannis⁶, at hann var hverium manni hreinni ok
 guðs leyndum lutum þvi skapligri. Synir ok varr drottinn i þeima
 lut .ij. sannindi [millum annarra luta, þat i fyrra stað⁷, at sa vinnr
 undir sik til eignar sialft himinriki ok þess leynda luti, sem æ
 iarðriki striðir karlmannligha meðr þolinmæði; þat annat birtiz her,
 at hverium manni er þvi nalægri⁸ orð guðs ok heilagra engla til
 andligra birtinga, sem hann forþaz meirr þys ok margmælgri iarð-
 ligra⁹ manna. Þvi var Johannes viðtækiligr guði, at hann sat i
 utlegðinni hlioðr, skiærr ok hreinn, [sem fyrr sagði, provaðr i of-
 soknar elldi ok sannri þolinmæði¹⁰, aull sin goð verk eignande einum
 guði, [sem enn verðr liost i þessu verki, sakir þess at sva skrifaði
 hann hveria grein, sem honum var synd i guðs lofi¹⁰, ekki veitandi
 sialf sins roksemð eða meistaradomi.

Capitulum.

49. Þessi Apocalipsis reiknaz millum spámanna boka, þott
 hun hafi gerz i nyiu¹¹ testamento, þviat hun spær storliga langt
 meðr skygnum anda¹² i uvorðna tíma, rennandi fyrir ukomnum
 lutum til afis ok styrkingar sannleikinum. Þessi bok er æðri
 ollum spamanna setningum, sakir þess at hun talar af holldgaðum
 guðs syni ok hans heilagri kristni ok þar með þeim stormerkium,
 sem fylld ero ok framkomin i marga staði, hvat er fyrri spæmenn
 sögðu allt i skugga, at verða mundi. Ok sva sem .iiii. guðspioll
 bera affi aull lögimalsins boðorð ok fyrri setningar, sva gnæfir þessi
 bok Johannis yfir fornar spamanna ritningar. Þann hátt ok setn-

1 siq. B. 2 leikum B, C. 3 saal. B, C; angrar A. 4 fraskilinn C.
 5 [mgl. B. 6 [vel minnegr þess sins blessada fyrirheitiz, er hann sagde
 þa mundu sia sialfan gud, sem breiner være og skiærir i sinu hiarta, en
 þat er miog opt lesit ad frumtign Johanni postola C; mgl. B. 7 [þat
 fyrri B. 8 nalægari B. 9 iardneskra B, C. 10 [mgl. B. 11 nyia B.
 12 ulf. B.

ing valdi guð þessu verki fyrir munn Jóhannis, at Apocalipsis hefir í¹ stauðum þungar figurur luktar ok læstar æn nòckurri skyring, en sumstaþar standa þær sva sem glosaðar ok skilianliga skyrþar, hvat er eigi þarnaz haleita forseo sialfrar spekinnar. Til
5 þess ero nòckurar upploknar, at þær gefi lesanda manni val skilia, at allar luktar figurur krefia hann rannsaks ok rettrar skyringar. En fyrir þa sauk villdi drottinn sin stormerki undir myrkum figurum leynaz láta sva sem² ilmanda kiarna, at goðr kristinn maðr helldi þau þij framarr i minni, sem hann fengi³ þeira skilning með
10 heitari iðn ok meira erfði, ok af annarri halfu leyndiz þau því sterkligarr fyrir illum manni, sem þau færi lægra ok væri lengra brott borin fra⁴ alþýðligu orðtaki. Þessi bok Jóhannis guðs postola hefir þa undirstauðu, at hun tíár i fyrstu ollum .vij. borgum i Asia, hvat hverri þeira [hefir yfir gefiz ok i hverium⁶ lutum
15 byskupar skulo sina rauksemдарstiorn frammi hafa, ok hversu undirmenninir skulu til iðranar renna ok bæta löstuna, sva framt sem þeir⁷ hvarirtveggiu vilia forðaz þa hefnd, er guð hotar, ef eigi verðr at gort. Þvi sendir hinn sæli Jóhannes þat haleita verk fyrst i Asiam til ser undirgefinnar cristni, [at henni heyrir nefniliga
20 til i upphafi, þo at i dag⁸ se þessi bok hvervetna lesin ok i allar halfur heimsins nytsamliga borin almenniligri guðs cristni til friðar ok upphelldis, þvíat sva sem um liðr þat efni, sem⁹ til heyrir Asie¹⁰, stendr hun saman i nalægum stett ok stauðu allrar cristni guðs, er grundvallaðiz i heiminum fyrir .xii. postola, þar með
25 setiandi þær pinur ok freistanir ok mannaunir; er henni munu síþarr til handa koma, einkannliga við sialfan heimsenda; þvíat guð almattigr vill hialpa sinni hiðrð birtandi með himneskri speki, hvat mikit ok þungt hun æ fyrir hendi, sakir þess at þat skeyti særir minnr ok vægiligarr, sem maðr veit ván i at fliuga muni, en
30 þat annat, sem vaveifliga snarar i opna skiolldu með öllu at ovöru. Hverr mundi¹¹ staðit fa i þeim stormi, er i enda heims er komandi sakir falsaradoms ok ofsoknar Antikristi, ef eigi væri aðr fyrir spað ok greiniliga tiað in¹² Apocalipsi ok oðrum spauanna framburði. Af þessu efni setr Jóhannes miklar figurur fyrirsegiandi kvamu
35 Antikristi, hvar af margt ok merkiligt væri greinanda [monnum

1 morgum tilf. C. 2 i tilf. C. 3 fingi B. 4 af B. 5 [gefz yfir B. 6 saal. B, C; hverigum A. 7 þessir B. 8 [þo at nu B. 9 er B. 10 saal. B; i Asie A; byskupum ok kristniinni i Asia C. 11 mun B. 12 i B, C.

til skemtunar¹, þó at ver munim litit ok stutt fram bera sakir fæfræði [ok forðaz langmæli².

Af Antikristo 3.

50. Sva visa ritningar til, at hinn bolvaði Antikristus mun fæðaz i Babilon, miklu⁴ borg æ Serklandi, af kyni Dán, ok sa staðr hæfir honum makliga, þviat Babilon þyðiz hneykingarstaðr ok merkir helviti, sva sem hennar konungr merkir sialfan fiandann, ok hennar vatnfaull framluta glæpi til eylifra ufagnaða, hvar fyrir allir [umilldir ok⁵ ranglatir kallaz hennar synir [sva sem hirðmenn konungs Babilonis⁵. I þessum dimma stað er Antikristus getinn¹⁰ i fyrstu millum karlmannz ok konu. Ok sem þat illa freo⁶ liggr i konunnar kvið, kemr ureinn andi yfir þa likneskiu hana blas-andi⁷ ok fyllandi með sinum krapti, meðr hvers verki sveinninn fæðiz, næriz⁸ ok upp vex. Fyrir því kallaz hann glatanarsonr. Sem hann er fulltiði, mun hann gera sinn vegh brott af Babilon¹⁵ allt æ Gyðingaland i Jerusalem ok taka umskurðarskirn, segiandi Gyðingum sik vera Crist þeim fyrirheitinn. Hvaðan af Juðar flyckiaz saman ok fylgia honum [smiðandi ok⁹ uppreisandi þat musteri, er forðum brutu þeir niðr meðr sinum glæpum, en Romveriar eyddu [ok at velli lögðu með svörtum kolum ok ausku¹⁰, sem fyrr var²⁰ greint i þessi sögu. I þetta musteri hit nyia mun Antikristus bera sitt öndvegi, segiandi sik vera son mannz ok son guðs, bioð-andi ser dyrkan veitaz sem sialfum guði, [miklandi sitt hiarta með drambsemi¹¹ moti guði¹². Sem her er komit, syniz vel fallit at heyra þa figuru, sem¹³ hinn blezaði Johannes setr fram in Apocalipsi til²⁵ heyrandi þess hattar efni, sem siðarr mun segiaz af gerðum Antikristi. Hann tekr sva til orðz: Ek sæ dyr ganga upp or sionum, þat var með .vii. höfðum ok yfir hveriu höfði guðlastanarnafn. Þat hafði .x. horn, ok yfir hveriu horni stoð korona, fætr þess voru sem æ birni, munnr þess¹⁴ sem æ leone. Þat var likt pardo.³⁰ Þessu dyri gaf dreki sinn crapt ok mikit valld, ok eitt af hans höfðum sa ek sva sem drepit i dauða, ok dauðasar hans er grætt, ok þat undraz oll iorð ok dyrkuðu¹⁵ drekan, er valld gaf dyrinu,

¹ [mgl. B. ² [ok þess annars at ver vilium fordazt langmælgi i vorum framburde C; mgl. B. ³ saal. B; um Antakrist C. ⁴ saal. A, B; 35 hinni miklu C. ⁵ [mgl. B. ⁶ frio B, C. ⁷ blessande C. ⁸ mgl. B. ⁹ [saal. B; bindandi ok A; mgl. C. ¹⁰ [mgl. B. ¹¹ [drambandi B. ¹² Jesu Kristo tilf. B. ¹³ er B. ¹⁴ hans B. ¹⁵ saal A, B; dyrkar C.

- ok þeir dyrkuðu dyrit sva segiandi: Hverr er líkr siodyri¹,
ok hverr mun mega stríða moti því². Þessi er figura Johannis,
með hverri hann höndlar marga luti af ofsokn Antikristi ok illzku
hans, hvat er heilagir feðr skyrðu fagrliga, þott ver munim stutt
5 gera með skömmu mali. Dyr or sio ganganda kallar hann Anti-
kristum af beiskri Babilon tilkomanda. Hlaufuð hans .vii. merkiaz
fyrir þann styrk, er hann fekk af aullum veralldar höfðingium,
þviat allz hattar stettir³ skipaði hann i sina þionostu, konunga
ok höfðingia, postola ok predicara, visindamenn ok galldrameistara.
10 Yfir aullum .vii. höfðum stendr guðlastanarnafn, þviat Antikristus
segir sik guð vera, ok þat sanna allir hans fylgiarar, at engin hafi
sannr Krístr komit i heiminn fyrr en hann, helldr hafi þeir⁴ verit
allir Antikristi. Se her guðlastanarnafn⁵ yfir hveriu höfði. Horn
hafði þat .x. sem Johannes segir in Apocolipsi, þviat Antikristus,
15 hit hæsta höfut illzkunnar, ok allir hans kompanar stunda æ
með megni at stanga til niðrbrotz .x. laga boðorð Moysi, sem i
þvi birtiz, hvert eptirdæmi Antikristus gefr sinni fylgd; þviat hann
mun vera saurlifr i kvenna girnd, en opinberliga mun hann syna sik
helgan ok hreinlifan, at hann megi þvi auðvelldligarr bleckia folkit.
20 Hiarta sitt mun hann upphefia moti guði ok sva mikla dirfð ok
drambsemi, at hann mun [um snua⁶ lögum ok siðferði ok ræs
timanna. Ok sva mikillar diörfungar mun hann vera, at hann
mun sik ekki ætla⁷ pindan verða, fyrir þvi at hans fyrirdæming
er um nockura rið dvolð ok undan dregin. Þar af segir David:
25 Auferuntur iudicia tua a facie eius, hann mun láta gera likneski
eptir ser ok alla sina menn mun hann marka⁸ sinu marki i þeira
enni ok hægri hendi, sem Johannes vattar enn i oðrum stað af
fyrr nefndu siodyri¹. Þessir allir voru til þess merktir at lyða
hans boðorðum ok tigna hans likneskiu⁹ til hinnar mestu mein-
30 gerþar við almatkan¹⁰ guð.

Capitulum.

51. Antikristus man i fyrstu koma til Jorsalaborgar sva sem
linr ok goðgiarn i iartegnagerðum, ok eptir liðit halft ár hans
virðingar i Jersusalem munu koma sendir af guði Enoch ok Helias,
35 predikandi Gyðingum ok snuandi til rettrar truar með sinum kenn-

1 saal. C; skogdyri A, B. 2 saal. B, C; þer A. 3 saal. B, C;
stettum A. 4 þat B. 5 gudlastan B. 6 [a stunda um at snua B;
aa stunda at rangsnua C. 7 tilf. B, C. 8 merkia B. 9 likneski B.
10 hinn hæsta B.

ingum brott fra Antikristz¹ boðorðum. Fyrir þa sauk reisiz Antikristus i opinberri² ofsokn, hafandi fram³ alla grimð ok herskap æ guðs kristni sendandi sina predikara i allar halfur heimsins, hvat er merkia þeir biarnarfætr, er Johannes sæ siodyrit⁴ hafa, þviat þessir villupredikarar hallda æ lopt höfuðburð Antikristi, 5 fliotir til bleckinga en miok þungir ok meinsamir til [niðrbrotz ok niðranar⁵ við kristnina. Þessi er einn hattr af þeim fiorum, er Antikristus hefir til at [svikia alla menn⁶, þat er klokligum orðslægðum, opinberum iartegnum, fegiðfum harðla girniligum, beiskum kvolum ok hræðiligum. Klokligum orðslægðum, þvi at hann 10 man sva predica, at hit nyia laugmal [mun synaz⁷ rangt ok engu hæft⁸, ok Kristz lögmal mun hann niðr briota, sem [megn er til⁹, bioðandi sinum postolum, at þeir seti sterkazta bann fyrir, hvar er þeir koma, at nockur¹⁰ ritning skyriz af rettkristnum kennimonnum¹¹ eðr heyritz af kirkiunnar sonum. Postolar Antikristi 15 munu sik syna allvel siðuga fyrir manna augum, en illa luti munu þeir predica ok óngva¹² aðra. Þij segir Johannes viðrkvæmiliga, at þetta dyr var likt pardo, þviat pardus er eitt hit skiotazta kvikvendi ok harðla fust til bloðsuthellingar, þviat postolar Antikristi dreifaz með fliotri ræs takandi cristnina með skiotu skrefi 20 sinna blekkinga hafandi allir nafn ok merking sins meistara, þo at Antikristus se upphaf¹³ ok fylling allra illra luta. Hvat er enn ma skilia af fyrr settum orðum Johannis, er hann segir likan pardo. Þat dyr er likt pardo, er panther heitir, fleckott at lit, vaxit utan smæm ringum eðr brogðum, sva at yfir ringana er 25 lagðr gulr litr. Þat dyr verðr alldri getanda eðr fæðanda optarr en um sinn, sakir þess at þegar sem hvelparnir fæþaz¹⁴ með þvi, geraz þeir sva grimmir við sina moður, at [óngvar hindranir vilia þeir þola sinnar fæðingar, utan¹⁵ i stað geriz annathvart, at þeir grafa kviðinn niðr i gegnum ok deyða sina moður, ella fæþaz þeir 30 með sva mikilli ækefð, at þeir gegnum grafa ok sundr leysa þat sæti, sem natturan veitti þeim til burþar¹⁶ i moður kviði, sva at með¹⁷ örnum ok knutum [aptr strengt¹⁸ ma þat alldri síþan taka með þess kyns sæði. Hvat er sannliga heyrir Antikristo, þviat sva sem i drotni várum Jesu Kristo er fylling allz guðdóms, sva 35

1 *saal. B*; Antikristo *A*; Antichristi *C*. 2 opinbera *B*. 3 frammi *B, C*.
 4 *saal. C*; skogdyrit *A, B*. 5 [*saal. B, C*; niðrbriotz *A*. 6 [bleckia folkit *B*.
 7 [se *B, C*. 8 nytt *B*. 9 [hann ma *B*. 10 tilf. *B, C*. 11 kennifedrum
B. 12 enga *B*. 13 uppras *B*. 14 vaxa *B, C*. 15 [þegar *B*. 16
 bygðar *B*. 17 fyrir *B*. 18 [mgl. *B*.

er i Antikristo fylling allz ranglætis ok falsaradoms, þviat hann mun vera hófut allra illra luta, diofullinn sialfr. Þvi segir Johannes, at dyrit¹ hafði munn leonis, þviat hann er hófut grimmleiksins. Nu sem birtiz i skammri glosu, er Antikristus pardus i flotleika
 5 ok þorsta bloðs, panther i [otrum² brögðum bleckingarinnar ok lit siðsemðarinnar ok þar með³ allri fylling illzkunnar, en leo i styrkleik grimþarinnar, sem [enn mun siðarr finnaz⁴ skrifat.

Capitulum.

52. Meðr auðrum hætti mun Antikristus bleckia mannfolkit
 10 fyrir falsliga iartegnagerð, [ok þvi falsliga⁵, at hann mun góra þat⁶ með folkkunnligri⁷ list. Hvaðan af segir hinn sæli Gregorius, at sva mikill gangr mun vera⁸ i iartegnagorpum⁹ Antikristi, sem alla vega leiki með einu liosi. Hann man likneskin lata mæla¹⁰ meðr folkyngi ok overðna luti fyrir segia; hann mun lata elld af
 15 himni niðr stiga, sem Apocalipsis segir, hvat sva skyriz, at illgiarnan¹¹ anda mun hann lata [yfir sina menn¹² koma, at þeir tali með ymissum tungum. See her koronur [er Johanni¹³ birtuz standa yfir¹⁴ hornum dyrsins, þviat Antikristus sæmir þa meðr þvilikum giöfum, sem niðr briota decalogum. Ilgiarn andi mun
 20 yfir þa koma opinberliga i ögliti¹⁵ manna, i þa mynd sem hinn heilagi andi kom yfir guðs postola. En fyrir þa sauk¹⁶ at fylgiarar Antikristi taka opinberliga yfir sik ureinan anda, kallaz þeir æðri postolum guðs, er heilagan anda þágu sva sem i einum leynikofa, ok eigi undarligt, þo at þeir drambi mikit, þviat meistari þeira
 25 kallar sik sol heimsins, sem Jon postoli segir in Apocalipsi, quod quartus angelus et cet., at hinn fiórði engill steypiti skæl reiði guðs i solina, þat er at skilia, at guð mun fyrir sinn engil drepa Antikristum, er kallaz vera lios heimsins, þat er sol illra manna, þeira er hann trua vera¹⁷ guð, þar er hann skinn sem sol i iartegnagorð
 30 ok stortaknum¹⁸. Antikristus man syna fyrir galldralist ok folkyngi, sem hann se drepinn, ok man sva liggia .iii. daga, at fylliz spasaga Johannis, er fyrr var með figuru fram sett, at hann sa einn¹⁹ af .vii. hófðum sva sem dauðan²⁰, þat er at skilia Antikristum hófðingia

1 siodyrit C. 2 ytrum B. 3 [prettvislegum brogdum bleckingar under
 35 yfirbragde siðsemðar og þar með i C. 4 [sidar finnz B. 5 [þvi B.
 6 þær B, C. 7 folkyngi. B; folkyngi og galldra C. 8 verða B, C. 9 iartegnagerð B, C. 10 tala B. 11 saal. B, C; illgiarna A.
 12 [saal. B, C; yfir sik A. 13 [saal. B; yfir haufut A. 14 tiu tilf. B.
 15 augliti B. 16 grein B. 17 sannan tilf. B. 18 kristninnar tilf. A.
 40 19 saal. A, B; eitt C. 20 saal. A, B; daudur C.

allra þeira valldzmannanna, er hans boðorðum hlyða¹. Hvar með
blezaðr Johannes setr þegar aðra grein, segiandi at hans dauðasár
er grætt, þviat Antikristus lætr sem hann risi af dauða eptir .iii.
daga liðna, ok síðan mun hann fiandr lata bera sik i lopt upp,
til þess at allir menn ætli hann munu upp stiga [til himna², ok 5
þvi munu þeir lofa hann ok dyrka, sem Johannes segir in Apocal-
ipsi, ok fyrr var fram sett, at aull iorð undrar³ dyrit ok dyrkar
drekann, er þvi gaf sva mikit valld, þviat allir menn vegsamandi
Antikristum sem af dauða risinn, verða blindir, þviat þeir dyrkaðu drek-
ann, þat er⁴ diöfulinn sialfan, þa er þeir vegsama⁵ dauðasoninn, sva 10
sem i guðdomi upphafinn, þviat Antikristus er fiandans son eigi
fyrir natturu helldr i eptirliking. Þann tima man heilug cristni
ekki gera iartegnir, þaðan af mun hun fa mikinn kinnroða ok raun
akafliga⁶, þviat Antikristus man hvat gera eptir sinum vilia, hann
mun lata tre blomgaz skiott ok skiotliga þorna, sioinn ruglaz ok 15
skiotliga kyrraz. Natturur mun hann um snua i ymissar figurur ok
umskipta, dauða menn mun hann uppreisa i augliti allra manna.
Þaðan af segir hinn heilagi Gregorius: Hyggit at gerla⁷ ok virðum⁸
með sialfum oss, hversu mikil freistan þa man i hiarta kristinna
manna vera, er pinslarvattr er kvalðr, ok sa sem kvelr, gerir ymis- 20
ligar iartegnir. Af þessum hætti bleckingar Antikristi segir David:
Insidiatur in abscondito qvasi leo in spelunca sua, þat er sva at skilia:
hann umsitr i leyndum stað sva sem leo i sinum helli. Rettliga
kallaz Antikristus sem leo i helli, þviat i honum er bæði styrkleiki
framkvæmþar ok prettr bleckingar, merkiz fyrir leonem styrkleiki, 25
en fyrir hellinn merkiz prettrinn. Meðr þriðia hætti man hann⁹
bleckia folkit¹⁰, þat er at skilia girniligum fegiðfum, þviat hann man
eigi fe skorta at ausa brott til beggia handa, sakir þess at honum
ero kunnig oll folgin fe, hvar sem liggia. Sva¹¹ gerir hann sina
vini¹² mektuga ok veralldar rika [kallandi þeira sælu sanna¹³. Sva 30
dregr hann [til sin¹⁴ sterka höfðingia ok mart annarra manna, er
veralldar glysit elska, en verpa sinum vapnum ser [at baki¹⁵ i
guðligu striði ok bardaga. A .iiii.¹⁶ hatt mun Antikristus upp risa
moti kristninni [með snarpazta ufriþarsverði¹⁷, nauðgandi þa með
allzkyns kvolum¹⁸, sem eigi verða blektir [með fyrr greindum .iii. 35

1 fylgia B. 2 [tilf. B, C. 3 undraz B, C. 4 at skilia tilf. B. 5
lofa B. 6 mgl. B. 7 segir hann tilf. B. 8 virðim B. 9 Anti-
kristus B. 10 mannfolkit B; mannkynit C. 11 Þvi B, C. 12 menn
B, C. 13 [mgl. B, C. 14 [saal. C; undir sik B; mgl. A. 15 [a bak B.
16 fiorda B. 17 [mgl. B. 18 pislum B.

hattum eðr til hans dregnir¹ orðslægðum, iartegnum eðr fegiðfum. Sva mikil pinsl ok ógn man þa yfir standa, sem alldri fyrr i heim-
inum, þviat Antikristus man grimvari vera en nöckurr uvin eðr
ofsoknarmaðr fyrir honum. Hvat er sva skyrir hinn sæli Gregorius,
5 at eigi finnr Antikristus nöckur þau pinslarkyn, at hinir fyrri hans
limir ok örendrekar hafi eigi aðr fundit, [þviat bæði kunna þeir æ
hals höggva ok krossfesta, saga i sundr kvika ok með iarnkrokum
i gegnum grafa, skogdyrum beita ok i diupar holur iarðarinnar
kviksetia², af borgum³ eðr biörgum háfum til beinbrotz ok dauða
10 fram steyta, i sio eðr vötnum grimmliga drekkia, fundu þeir ok at
brenna menn i graðugum loga alt til fólkska⁴. Nu þa, hvat finnr
Antikristus þessu grimmara⁵, nema þat er sialfr sannleikrinn vattar
in ewangelio: Villukristar⁶ ok villuspamenn munu upprisa, segir
hann, ok gera⁷ mikil takn, sva at valdir menn munu i villu leiðaz,
15 ef þat ma verða. Þvi er ofsokn Antikristi frabær hverri annarri,
at nu gera goðir menn iartegnir, þott þeir þoli illra manna rang-
læti, en þann tima gorir sa taknin, sem drepr ok deyðir pinslar-
vattinn, en sa engin, sem þolir. Heðan af segir Johannes in Apo-
calipsi talandi með figuru af varum herra Jesu Kristo: Pedes
20 eius similes auricalco sicut in camino ardenti, þat þyðiz sva: Fætr
hans ero likir gulli rennanda i ofni brennanda. Fyrir fætr Kristz
skal her skilia hans siðarstu limus, þat er hans valda menn i
enda heimsins, er skiraz sem gull i ofni, þat er brennandi ofsokn
Antikristi. Þviat sva sem nefndr ufriðr er hverium meiri ok matkari,
25 sva ero pinslarvattar þann tima dyrðligri, sterkari ok staðfastari
en [nöckurr hafi aðr verit i verolldinni⁹. Antikristus man frammi
hafva aull kvalakyn, [þau sem nefnd ero, ok þau fleiri¹⁰ sem finnaz
mattu, akafligaz kveliandi cristna¹¹ menn i þeim halfum ok heruð-
um, sem at luta Jorsalaborg, er drottinn varr var krossfestr i.
30 Ok sva sem glosa segir in¹² Apocalipsin Johannis, man su freistni
eigi at eins ganga yfir nöckurar halfur, helldr mun hun geisandi¹³
fara ok kvelia allan heim, þviat diðflar, sem nu ero bundnir, munu
þa leystir verða. Val truaþir menn munu þann tima eigi orð pre-
dica, þviat þeir ero halldnir ok hafðir sva sem bannsettir. Þeim
35 skal eigi selia nauðsynliga luti, ok engin sva diarfr, at af¹⁴ þeim

1 [eda til hans dregnir með fyrr greindum þrimr hattum *B.* 2 kvika
setia *C.* 3 borgarveggium *C.* 4 ausku *C.* 5 [*agl. B.* 6 *saal. B, C;*
villucristar *A.* 7 gefa storliga *B.* 8 limi *B, C.* 9 [nockorir fyrr *B.*
10 [*agl. B.* 11 rettkristna *B.* 12 yfir *B;* super *C.* 13 geislandi *B.*
14 at *B.*

kaupi, nema sa, er falt lætr eitthvat, hafi mark Antikristi, annat-tveggia munnzins iatning eða [þat letr¹, at æ standi hans snilldarverk. Meðr greindum florum hattum man Antikristus svikia². Illa menn mun hann draga fyrir glysligar fegiafir, goða menn fyrir pinslir, einfallda menn ok uvitra fyrir predican ok iartegnir. 5 Hvaðan af signaðr Johannes segir in Apocalipsi: Cauda eius trahebat tertiam partem stellarum celi et misit eas in terram. Þat norænaz sva framlangt: Hali hans dro hinn þriðia lut af stiornum himinsins ok sendi þær æ iorð. Þessa figuru framsetta munu ver eigi framarr uppluka, [til marks um þat³ at ver ætlum oss eigi 10 þa hófutdul at ganga i diupazta verk Johannis með nðckurri glosu, helldr skulum mer⁴ æ lita, hvern enda hefir þat grimma strið, sem nu hefir verit af sagt [um riðs.

C a p i t u l u m.

53. Helias ok Enoch munu predica Juðum⁶, sva lengi sem 15 Johannes setr in Apocalipsi, þat er [.m. daga .cc. lx. ok vi⁷, þat ero samanlesit .iiij. ær, sem drottinn varr Jesus Kristus predikaði. Þessir ero tvau⁸ olivatre⁹ smurð með helgum anda ok .ii. kertistikur með fðgru liosi eptirdæmis. A þessa¹⁰ guðs vini mun Antikristus grimmaz sva miok um siðir, at hann mun drepa þa baða i Jerusalem, 20 ok likamir þeira munu liggia æ stræti .iii. daga ok¹¹ nætr ok halfan dag, þviat engin mun þora at grafa þa¹² fyrir ótta Antikristi. En þeir sem þa drapu, munu vera harðla glaðir, þviat þa ero at velli lagþir þeira uvinir. Eptir .iii. daga liðna at hædegi ens fiorda munu þeir Enoch ok Helias upprisa, ok vegandar¹³ þeira munu 25 þilika rödd heyra: Enoch ok Helias, stigit upp hegat! Ok i biðrtu skyi¹⁴ munu þeir uppstiga til himna. Eptir framferð þeira til guðs mun Antikristus rikia eigi meirr en .xv. daga. En allz sem Johannes segir in Apocalipsi [xl. manaði ok .ii.¹⁵, þat er samanlesit halft .iiii.¹⁶ ær, hvat er miskunnsamliga gerði almattigr 30 guð [meðr sinum almætti¹⁷, at hann bannaði¹⁸, at sva bolvaðr timi [væri lengr¹⁹, at eigi fyrirfæriz allt folk²⁰ i ofsoknarbruna Antikristi.

1 [saal. B, C; hann lætr A. 2 menn tilf. B. 3 [þvi B, C. 4 ver B. 5 [mgl. B. 6 sem fyrr var sagt tilf. B. 7 [þusundrat daga tvo hundrat 35 sextigir ok sex B. 8 saal. C; tvð B; mgl. A. 9 olifutre B, oliutrie C. 10 tva tilf. B. 11 .iii. tilf. B, C. 12 þeira likami B. 13 saal. A, B; banamenn C. 14 sky B. 15 [floratigi manada ok tva B. 16 fiorda B. 17 [mgl. B. 18 með sinum almætti tilf. her B. 19 [væri leingri B; standi leingr C. 20 holld B. 40

Antechristur mun vera drepinn.¹

54. Antikristus mun vera drepinn i fiallinu Oliveti, sitiandi
 drambsamr i sinum² velldisstoli i þeim stað eðr nærri þeim, er guð
 steig³ upp til himna. Ok þo at hann se [drektr niðr eðr drepinn⁴,
 5 man drottinn eigi skiott koma til domsins, helldr man sva verða,
 sem segir in glosa super Danielelem, at gefnir munu .xl.⁵ daga ok
 fimm goðum monnum til naða en⁶ rangsnunum til iðranar ok
 yfirbotar. En engin veit, hversu langr timi þaðan er til domsdags
 ok enda heimsins. Eptir dauða Antikristi munu hans menn ser
 10 konur fæa ok sva segia: „Þo at höfðingi varr se dauðr, þa megum
 ver þo glaðir vera eigi því siðr.“ [Ok þa er þeir ero i sinum
 tignaði, mun koma yfir þa skiotr dauði vaveifliga⁷. Eptir liðna
 ofsokn Antikristi munu Gyðingar ok kristnir menn meðr iafnri
 sæmð⁸ lifa ok samþyckir vera Mun þa guðs cristni i goðum friði
 15 hvilaz allt til enda veralldar, þvíat Antikristo drepnum mun með
 ollu eyðaz diöfulsins flærð ok [allr grimmleiki⁹.

C a p i t u l u m .

55. Þessi bardagi, er þeir munu hallda millum sin Anti-
 20 kristus ok Enoch ok Helias, er hinn xi.^{ti} af þeim .xii. orrostum,
 er heilog ritning utskyrir at vorðit hafi¹⁰ ok verða munu¹¹, aðr¹²
 varr herra Jesus Kristus leiðir inn sina bruði¹³ almenniliga kristni
 i eilifan¹⁴ fagnat. Hinn fyrsti bardagi var i himinrikis höll millim
 hæsta keisara ok mesta vikings, þa er vikingrinn villdi fa ok gripa
 25 keisaravalldit ok verða likr hinum hæsta. I þessum bardaga sam-
 þyktiz drotningin, þat er engillig nattura, vikinginum ok [fyrirlet
 brudgumann¹⁵ en samtengðiz horkarlinum¹⁶. Ok fyrir þa sök var
 bæði horkarlinn ok horkerlingin rekin i [myrkvastofu helvitligrar
 utlegþar at eilifu¹⁷. Af þessum hordómi segir Davið guði til lofs:
 30 Perdidisti omnem qui fornicatur abste. Annarr bardagi varð¹⁸ undir
 risum millum sona guðs ok sona mannanna, þat er at skilia millum
 Abel ok Seth ok hans afkvæmis ok Kain ok hans [afkvæmis eðr¹⁹
 afspringis. Kallazt þeir synir guðs, sem af Seth ero komnir, en
 þeir synir manna, sem af Chayn ero komnir. I þessum bardaga

35 1 *Overskr. C.* 2 sinu sæti ok *B.* 3 ste *B.* 4 [drepinn ok niðr
 drektr *B.* 5 vera florir tigur *B.* 6 *saal. B, C;* ok *A.* 7 [*tilf. B, C.*
 8 sidsemd *B.* 9 [grimd *B.* 10 hafa *B.* 11 mune *C.* 12 sanur
 brudgumi *tilf. B.* 13 þat er *tilf. B.* 14 himinrikis *tilf. B.* 15
 [*saal. B, C;* fyrirlatnum brudgumanum *A.* 16 *saal. B, C;* horkarlinn *A.*
 40 17 [eilifa utlegd helvitligrar myrkvastofu *B.* 18 var *B, C.* 19 [*mgl. B, C.*

fell Abel merkismaðr ok fékk sigr ok himneska koronu. Lyktaðiz þessi bardagi i Noa floði. Þriði bardagi var undir þeim er smiðaðu stôpulinn Babel millum frelsingia ok þræla. Þessi bardagi byriaðiz æ Cham ok Sémi, ok endaðiz þa er tungnaskipti varð. Fjórða strið varð¹ undir hófutfæðrum millum þeira manna, er toku umskurðar- 5 skirn, ok þeira, sem eigi toku. Byriaðiz þessi bardagi af Abraham, en endadiz þa er Pharao konungr ok allr hans herr druknaði i hafinu rauða. Fimti bardagi var undir gefnu lögmalí millim guðs þionostumanna ok heiðingia. Þessi byriaðiz æ Josve², en endadiz undir hinum friðsama konungi Salomone. Setta strið var undir 10 konungum ok spamonnum millum Gyðinga ok Babilonios. Þessi bardagi byriaðiz æ Roboam ok Jeroboam, en endaðiz undir hinum friðsama keisara Augusto. I þessum bardaga fellu formenn primitive ecclesie, þat ero spamenn, ok fengu sigr ok fagrliga koronu. Þessir .vi.3 bardagar urðu aðr Crístr let beraz, en síðan aðrir .vi. 15 Hinn fyrsti bardagi af þeim varð undir miskunnartíma millum brúðgumans ok horkarlsins, þat er millum Crístz ok uvinarins. Þessi bardagi byriaðiz æ hinum illa Herodi ok saklausum sveinum, en endaðiz i blotskapar niðrbrotning ok uppkveyking guðspíallígrar truar. I þessum bardaga frómdu þeir holmgöngu brúð- 20 guminn ok horkarlinn æ freadag⁴ langa, þa er Krístr i gegnum lagði fiandann með krossins broddi ok batt andligum böndum. Eptir þat⁵ sendi hann sína riddara aptr⁶ at kalla borgir ok bæi ok kastala, er vikingrinn hafði stólit, rænt ok eignaz með langri hefð; þat er at skília, þa er herra Jesus greip sína menn af helvítz- 25 kum byrgium, sem fyrr var skrifat, en sendi sína postola at predica sitt orð i borgum ok bæium, kastolum ok kaupunum, [heruðum ok öllum fjorum hófuðáttum⁷. Annarr bardagi gerðiz millum kristinna manna ok heiðingia⁸. Þat strið byriaðiz af Nerone keisara ok Symone mago moti Petro postola ok Paulo postola broður hans 30 i sialfri Roma, en endaðiz undir Constantino mikla keisara. I þessum bardaga fell merkismaðr ok frumvatr cristninnar hinn heilagi Stephanus ok allir hinir hæstu hennar hófðingar, þat ero guðs postolar ok hinir agiætuztu byskupar. Þeir fellu senniliga ok fengu sigr [frægiligan meðr hárrí virðing ok⁹ dyrþarkoronu. Þriði bardagi varð 35 undir guðs iatarum milli cristilígrar truar ok Arrium prestz hins versta villumannz. Byriaðiz þetta strið i Alexandria æ Egiptalandi

1 var *B*; gíaurdist *C*. 2 ok Amalech *tilf. B*. 3 sex *B*. 4 fostudaginn *B*. 5 þann sigr *B*. 6 *tilf. B, C*. 7 [um allar fjorar heimsins haufudættir *C*; *mgl. B*. 8 heidinna *B*. 9 [*mgl. B*.

milli Alexandrum erkibyskups ok Arrium, en endaðiz æ almenniligu þingi i Miklagarði. I þessarri orrostu barðiz einkar frægiligaz¹ Athanasius byskup Alexandrinus, síþan Jeronimus ok Augustinus, allir framir menn undir andligum herneskiu, hverium
 5 viðrkvæmiliga samlagaz hinn blezaði Ambrosius, er [öllu Italia² snóri til guðs fra villu Arrij. Hinn fiorði bardagi geriz nu dagliga milli cristinna manna goðra ok illra. Þessi bardagi byriaðiz æ Juða Scharioth ok Petro postola ok hefir staðit ok man standa millum ranglatra³ ok rettlatra, millum siðsamra ok ribballða.
 10 Fimti bardagi mun sa verða, sem⁴ fyrr var greindr millum Antikristum ok tveggia hertoga, brúþar guðs ok drotningar, þat er at skilia Helias ok Enoch, er kallazt höfðingar kristinnar, falla þeir i þvisa stríði ok mikill fioldi goðra riddara með fögrum sigri, sem fyrr var greint [i þessu malis. Setti bardagi mun verða
 15 millum konungs eilifrar dyrþar ok konungs hins mikla ofbelldis, sva millum engla ok helvitzkra diöfla. Til þessa bardaga mun koma⁶ himnakonungr af miklu borg Jerusalem meðr allan sinn her ok hirðsveitir utoluligra krapta, ok mun elldi skiota⁷ iarðliga Babilonem ok brenna upp alla, þat er at skilia heim þenna, er
 20 kallaz diöfulsins borg, ok hann mun hennar konung lægia ok undirleggja, þat er sialfan uvininn með ollum sinum monnum ok árum niðr steypa i diupuzta dyflizu brennanda elldz ok hins fulazta brennusteins. En sina bruði, þat er heilaga kristni, mun hann inn⁸ leiða i brúðhvilu⁹ eylifrar dyrþar [ok korona¹⁰ meðr fagnaði
 25 himneskrar pryði.

Capitulum.

56. Þat kallaz vera endir heimsins¹¹, er várr herra¹² kemr at dæma heiminn. Þar af segir David: Ignis ante eum¹³ precedet, [elldr mun fara fyrir honum segir hann¹⁴. Elldr þessi man vera
 30 sva mikill, at hann man hafa embætti .iiii.¹⁵ ellda, þat er at skilia, at helvitiselldr man pina illa menn, hreinsanarelldr man brenna syndir af goðum monnum, iarðligr elldr mun uppbrenna¹⁶ oll kvikvendi ok likami allra manna, þeira sem þa lifa, sva at þeir munu at osku verða, loptligr elldr mun reinsa höfuðskepnur ok

35 ¹ frækiliga B. ² [alla Italiam B. ³ manna tilf. B. ⁴ er B. ⁵ [mgl. B. ⁶ fara B. ⁷ i tilf. B, C. ⁸ mgl. B, C. ⁹ saal. B, C; brúð-hirðzlu A. ¹⁰ [saal. B; ok koronu A; mgl. C. ¹¹ þessa heims B. ¹² Jesus Kristus tilf. B. ¹³ ipsum B, C. ¹⁴ [tilf. C. ¹⁵ flogurra B. ¹⁶ uppeyda B; eyda C.

endrnýia. Fyrir þenna elld mun upp brenna aseona¹ iarðarinnar, sva at þessa heims figura man fyrirfaraz. Þessi elldr mun hafa upphaf, miðskeið ok enda: Upphaf, þviat hann man fyrirfara aseonu domarans, þa mun verða allt saman reinsan rettlatra, pining illra ok uppbrunning² allra likama; miðskeið, þviat þa 5 skiott mun verða upprisa likamanna ok tilkvama domarans til domsins, ok þa mun brenna allr heimrinn umhverfis³; enda, þviat endaðum dominum þa⁴ man elldrinn allr fylgia ok fullgera vilia ok orskurð domarans *Ite maledicti in ignem eternum*, þa mun elldrinn i vefia, draga ok steypa illa menn i helviti. Elldr þessi 10 man reinsa .iiii. hófutskepnur, iorð, vatn, lopt, elld; iorð, þviat af heuni man brenna þungi ok dimma; vatn, þviat af því man brenna frost ok kulði; lopt, þviat af því man brenna allr myrk-leiki; elld⁵, þviat [hann man hreinsaz af ollum meinsömum⁶ bruna. Himinn er hreinn, ok því mun hann ecki hreinsaz, helldr 15 endrnýiaz, þat er at skilia, at hann mun af letta sinni ræs ok umrenningum⁷, sva framt at hann mun kyrr standa ok staðfastr ok vera biartari en nu. Þa mun sol standa i austri, en tungl i vestri, þar sem þau voru sköput. Mun þa sol vera .vii. lutum biartari en nu, ok þa mun vera eylifr⁸ dagren engi nátt⁹. Þessi 20 reinsan ok endrnýian mun eigi verða, meðan syndugir menn ero i heiminum, en þegar eptir dominn, sem þeir ero byrgðir i helviti. Mun iorðin verða sva slett, fögr ok biort sem cristallus. Loptit mun verða miklu biartara ok reinna en nu, þviat þa mun eigi vera sky ne vindar, eigi regn eðr sniorr, eigi myrkr eðr þoka, 25 eigi hagl ne ellding eða reiðarþrumur. Vatn ok elldr man ok hvartveggia reint, þviat vatnit man skiært vera¹⁰ ok gagnsætt, en brott mun falla af því frost ok kuldi. Elldr mun ok i ser hafa [lios ok¹¹ birti, en [brott man guð senda af honum meinsamligan loga¹². Þaðan af segir David: *Vox domini intercedentis* 30 *flammam ignis*. Af þessum lutum birtiz, at himinn ok iorð mun um liða sva sem [mynd ok figura at veru¹³ ok undirstöðu. Af allri hófutskepnu mun gersamliga¹⁴ brott falla allt¹⁵, þat er til meins er ok þvinganar¹⁶, en þat mun allt vaxa ok aukaz, sem til gleði er ok fagnaþar. Ok¹⁷ því segiaz allir lutir endrnýiaz i 35 mannzins endrnýian, sem ritat er: *Ecce nova facio omnia*.

1 asiana B. 2 saal. A, B; brune C. 3 umhverfum B. 4 mgl. B.

5 elldr B. 6 [af honum mun brenna ok hreinsa allan meinsaman B.

7 umrenning B. 8 eilifr B. 9 nott B. 10 verða B, C. 11 [tilf. B,

C. 12 [eingan bruna B. 13 [at mynd ok figuru B. 14 allt B. 15 40

mgl. B. 16 þvinganar B. 17 Af B, C.

Þa er allr heimrinn reinsaz ok endrnyiaz, þa mun¹ goðr maðr
 oðlaz sva mikla dyrð ok birti, at hann mun skina i likama sem
 sol, er þa er .vii. lutum biartari en nu, ok i salinni verða² likr
 englum, sem ritat er, at Kristr man endrnyia fyrir helgan anda
 5 likama vars litillætis sammyndan likam³ sinnar birti. Mun hann
 taka þa einkannligar .vij. gíafir i likam, sva at likaminn mun þa
 verða biartr, opinanligr, gagnfæriligr, skiotr, sterkr, heill ok
 langlifr. Hann mun verða biartr, þvíat hann mun verða .vii. lutum
 biartari en sol; hann mun verða opinanligr, sva þo at honum væri
 10 kastat i brennanda helvitis elld, þa fengi hann þar af enga pinu
 ne bruna, sva sem .iii. saklausir sveinar voru sendir i brennanda
 ofn; hann mun verða gagnfæriligr, þvíat dyrðligr likami mun i
 gegnum fara odyrðliga likami sva sem gler, stein eðr tre, ok
 þo uskoddum veranda⁴ [hvarumtveggia likamanum⁵; hann mun
 15 verða skiotr, sem segir Augustinus, at hvar sem öndin vill, man
 þa þegar vera likaminn; hann mun ok verða styrkr, sva at hann
 man mega færa biörg ok fioll or stað; hann man ok verða sva
 vel heill, at alldri mun hann verða krankr ne siukr, ok engis
 hattar særðr, [þo at hann se sleginn eðr högginn, mun hann eigi
 20 sárt kenna, helldr en solar geisli⁶; hann man ok verða langlifr,
 þvíat [af þeim, sem er guð eilifr faðir varr herra Jesus Kristus,
 mun hann sva lifgaðr ok honum eilifliga samtengðr⁷, at hann man
 alldregi mega deyia. Sva mun ok goðr maðr taka i salinni margar
 gíafir. Hann mun fa sva mikla [speki ok⁸ vitzku, þa er hann
 25 serr sialfan guð, sva sem hann er, at hann mun vita ok skilia
 allt þat, sem hann þarf: vilia þat allt, sem guð vill, en þat eigi,
 sem hann vill eigi; hann mun þa ok vita hugrenningar annars,
 eptir því sem sa vill birta. Ast ok vinattu mun hann fæ sva mikla,
 at hann mun vera elskaðr at guði sem son, en af englum sem
 30 broþir. Samþykki mun þar vera sva mikit, at engin mun gera
 moti annars vilia, mun hann sva gleðiaz af annars fagnaði sem
 sialfs sins. Sæmð ok virðing mun hann sva hafa af guði, at hann
 mun vera dyrkaðr af guðs englum. Naðir ok gleði mun hann hafa
 ok frið eilifan, þvíat fiandr ok uvinir ero óngir. Aufund ok illzka
 35 er þar engin, fataekt, harmr ok hrygð er þar engin, helldr eilif
 gleði ok skemtan. Hinn mesti fagnaðr er þar i ollum lutum æ

1 skal B. 2 mun hann B. 3 likama B. 4 mgl. B. 5 [bæde

sialfum sier og þeim likama, sem hann i gegnum fer C. 6 [mgl. B. 7

[hann mun sva lifgaðr ok varum herra Jesu Kristo samteingdr B. 8

40 [tilf. B.

alla vega. Göpir menn fagna, er þeir sia allzvalldanda guð upp yfir sik ok hans sætu móður¹; þeir fagna, er þeir sea niðr undir sik nyian himin ok hans pryði; þeir fagna, er þeir sia sik vorðna sva dyrðliga ok fagnaðarsæla i sal ok likam; þeir fagna því, er þeir sea umhverfis sik af felagskap ok samlagi engla guðs ok heil- 5 agra manna. Þar man þickia heimska vitzka Salomonis, er var allra manna vitraztr; vanmattr styrkleikr Samsonis, er var allra manna styrkaztr; liotleikr fegrð Absalonis, er var allra manna friðaztr; fataekt riki Augusti keisara, er var manna rikaztr. Heilagra manna fagnaðr er sva mikill, at eigi ma mælaz, sva marg- 10 falldr, at eigi ma telia, sva nógr, at eigi ma eyðaz, sva dyrþarfullr, at eigi ma elldaz.

C a p i t u l u m.

57. Af þessum eilifa fagnaði, sem nu hefir greindr verit um 15 rið, segir hinn blezaði Johannes postoli meðr diupum skygnleik i sinni bok Apocalipsi eigi minnr [ok liosligarr² en fyrr af ógn ok illzku Antikristi. Þvi at hann vattar sik hafa sieð hirðsveit³ himnakonungs at upploknum durum hallarinnar, hvat er eigi þarf synaz undranarvert, þo at sva biartr verðleikr sæi valþa menn 20 guðs i himinriki, þa sem fram höfðu gengit i goðu lifi guðs boðorða ok lyktat sina daga með sælum enda, sva hverir, sem yfirvalldz drottinn kaus þeim til handa. En þat ma synaz einkannligt, at þessi Johannes, sem sat i utlegð, dauðligr maðr a iarðriki⁴ enn verandi, þo at goðr væri, skyllði sik sialfans sea i arnar liki 25 standanda annan veg hia guðdomsins hasæti, sva at hann sông lof ok dyrð eilifum guði udauðligum fyrir⁶ allar veralldir. Ok hvat hefir þetta at þyða utan guðligt valld ok ubrigðiligan almatt, at hans göfugligar giorðir ok ægiætuztu⁷ skipanir ero framkvæmþar i hans ôgliti⁸, þo at eigi se framrunninn stundligr timi, at þær 30 birtiz her æ iarðriki. Nu þa, hvat hefir þessi ôrn at merkia, er Johannes serr i spádoms anda sialfum ser til heyra, utan hôfutgiptu nôckura, sem honum mun enn skiott til handa bera, þo at hun se folgin fyrir veralldligum augum þann⁹ tima, hvat ver skulum byria þessu næst meðr drottins vilia, seandi, sem nauðsyn beiðir, at astvin himnakonungsins kallaz heim af utlegð til betri naða, af Pathmos til greindrar Asiam, þvíat nu hit fyrsta þarf kristnin

35

1 mædr B. 2 [mgl. B. 3 hirðsveitir B, C. 4 iorðu B. 5 tilf. B.
6 yfir B. 7 agætar B. 8 augliti B. 9 þenna B.

hans nauðsynliga. [Þat fyrsta er sva skilianda, at¹ heilög cristni guðs þarf nu meirr en nöckurn tíma fyrr, at blezaðr Johannes styði hana, sakir þess at .iij. fyrirrennarar Antikristi hafa laupit i erfð hins krossfesta austr i Asia sva sem i sauða dun at
 5 fragripnum hirðinum. Fyrsti af þeim dauðans sonum heitir Marcion, annarr Kerintus², þriði Ebion með öðrum lagsmonnum ok vándum kompanum, allir samt meirr en bannsettir i þeiri fleckan, sem þeir gerðu kenningum Johannis með falsaradomi ok fulum ætrunaði. Su var þeira kenningh, at þeir sögðu guðs son öngvan verit hafa,
 10 fyrr en Maria [guðs móþir³ varð getandi. Þvi goriz hin hæsta nauðsyn, at guðs son i himinriki leiði sem skiotaz heim af utlegð-inni þann, sem⁴ niðr kann briota þeiras⁵ guðlastan, bæði framsetta honum til meingerþar ok allri hans hiorð til tions ok tapanar.

Af Domiciano ⁶.

15 58. Domicianus keisari, er utlægði blezaðan Johannem, rikti .xiii.⁷ ár, [þvi æ⁸ hæðiligarr stíornandi sinu valldi, sem hann lifði lengr ok meirr dro at hans endadogum, sem i þvi ma fyrst⁹ marka, at æ síðarsta áre sins ríkis ofsækir hann Johannem postola, sem
 20 fyrr var skrifat, allt til utlegþar i Pathmos Her meðr líkiz hann i sinum gerðum .ii. hinum verstum monnum Herodi Aschalonite ok hinum niðingliga Nerone. Herodi líkiz hann i þeiri grein, at hann ottaz allan þann attboga, sem kominn er¹⁰ fra David konungi, þviat hann vissi, at konungr Gyðinga var þeirar ættar, [ok þvi vill hann eyða þess hattar folki, at hvarki þeir, sem nu lifa, ne þeir,
 25 er fyrr höfðu komit i verolldina, megi reisaz til ríkis moti honum ok svipta hann sæmdum¹¹. Fyrir þa sauk lætr hann drepa til beggia handa allan þann lyð, sem fannz i kyni David, [þa alla fyrst ok fremst, sem honum þotti nöckurrar uppreistar at van fyrir rikdom eðr atgorvi¹². Neroni líktiz hann i ofsokn ok illzku
 30 til almenniligrar guðs kristni, [ok þar með i ollum niðingskap ok fullfi, sem verst er lesit af Nerone¹¹. Her með var hann sva solltinn i fiarægirnd¹³, at hann drepr göfga menn ok agiæta i sialfri Roma, en utlægir suma fyrir utan rettindi [æn sauk ok allri skynsemi¹¹, takandi þeira godz i sinn garð, þar til at sva marg-falldar hann yfir sialfan sik bæði guðs reiði ok manna, at honum

35

¹ [þesse ord eru svo skiliande at C; þvi at B. ² saal. B; Caricius A.
³ [drottning B. ⁴ er B. ⁵ þa B. ⁶ Overskr B. ⁷ fimtan B.
⁸ [æ þvi verr ok B. ⁹ mgl. B. ¹⁰ var B. ¹¹ [mgl. B. ¹² [ok
 nockorrar uppreistar var at van B. ¹³ fiaragirni B.

þoliz með öngu moti. Þvi riss upp sealfr senatus i Roma i moti honum [at drepa¹ hann svivirðiligan i sinum glæpum. Her meðr er romverskum höfðingium sva hugstæð hans illzka vorðin, at þeir gera lögtekit [með valldi þess hins agiæta keisara, er nu var nyliga kominn², at allar þær giorþir betri ok verri, sem Domicianus hafði fram farit i sinu riki, skulu nu³ unytar ok engu hæfar, a þann hatt at allar þær sæmþir, volld⁴ ok riki, sem hann hefir skipat hverigum, skal nu i stað brott gripaz ok auðrum veitaz. Sva ok þeir allir, sem hann hefir ofsott [eðr i nockuru² utlægt eðr annarskostar illa við gort, skulu nu bót hafa sinna meingiorða, [bæði fe ok fullkomit frelsi, sem hvartveggia höfðu aðr mist². Yfir þessum skipanum ok rettarbótum eptir hinn bolvaða Domicianum sitr hinn ægiæti herra með rómversku raði nyttekinn Nerva keisari. [Ero nu send⁵ boð ok bref um allt rikit, at sva halldiz [serhveriar greinir, sem aðr var uppkastat⁶. Millum annarra luta, er [Nerva keisari byðr aptr kallaz til svivirðingar Domiciani vikings, er² herra Johannes postoli drottins vars Jesu Kristi frials ok liðugr görr af fyrr nefndri utlegð, því snyr hann signaðr heimleiðis⁷ [sem til eiginligs skala⁸ i Effesum. Ok sem hann er kominn i nalægð við borgina með sinu sæmiligu foruneyti, er honum fylgði allan veg af utlegðinni með keisarans boði, drifr ut af staðnum fram a veginn moti honum mikill fioldi⁹ karla ok kvenna, allir [með einni gleði sem i guðs tilkvamu, allir hiartaliga² syngiandi með miklum fagnaði, sva segiandi [með miklum róm ok hareysti²: Benedictus qui venit in nomine domini, þat þyðiz sva, blezaðr se sa er kemr i nafni drottins.

Capitulum.

59. Meðr sva verðugri sæmð ok virðingu¹⁰ gengr hinn blezaði Johannes inn i Effesum. Ok rett sem hann kemr i staðinn, er borjt¹¹ annan veg fram um strætut [ein rik husfru nysalut Drusiana at nafni¹². Þessi fru hafði verit alla gautu hinn bezti vin Johannis postola, [siðan hann kom i staðinn¹³, fylgiandi hans kenningum [i goðum verkum, optliga sorgmoð af hans utlegð ok piningum², girnandiz hann at sea farsælliga sinum augum, fæð-

¹ [ok drepr *B*; drepaði *C*. ² [*mgl. B.* ³ vera *tilf. B.* ⁴ valld *B.* ⁵ [*saal. B, C*; Er nu sent *A*. ⁶ [hver grein, sem nu var sagt *B*. ⁷ sinni ferd *tilf. B.* ⁸ skola *B*; [*mgl. C.* ⁹ mugr mannz *B, C.* ¹⁰ virðuligri *B.* ¹¹ borin *B.* ¹² [lik einnar husfreyiu, er het Drusiana *C.* ¹³ [*mgl. B, C.*

andi fætaþeka menn ok huggandi fauðurlausa, eckiur ok þurfandi menn eptir hans haleitum boðorðum, þionandi honum sialfum optliga bæði með goðum kosti ok sonnum goðvilja. Hvat er skiotliga profaz i greindri líkfylgiu, þviat tveim megin fram hia börunum
 5 laupa fætaþekir menn ok aumingiar¹, konur ok karlar, gratandi ok hátt kallandi ok sva segiandi, siþan [þeim er kunnigt vorþit², at Johannes postoli er sva nalægr, at hann ma heyra kallit [i kominn borgina ok seandi líkfylgiuna: „See her, segia þeir, heyrþu, signaðr Johannes, hvat ver segium þer³. Her berum ver⁴ Drusi-
 10 anam vinkonu þina, er oss nærði alla meðr sinni goðmenzku sakir lyðni þinna boðorða, þionandi guði með reinleika ok litillæti, girnandiz dagliga þik at sea af utlegð heim komanda, þat talandi með sut ok andvarpi: [Makara at ek sæi⁵ minum augum postola guðs, fyrr en ek deyi⁶. Se hér nu þina sæmð, hinn sæli Johannes! Þu
 15 ert kominn i vara borg heim af utlegð með allra manna fagnaði, ok er nu Drusiana undir lok liðin, sva at hun ma eigi samgleðiaz þeim flokkum, er nu renna i moti þer“. Ok er blezaðr Johannes undirstendr fyrir þetta háreysti, hvat honum er geranda i þiliku efni, byðr hann, at börurnar⁷ gefi stað⁸. Siþan gengr hann
 20 nærrmeirr ok [biðr líkamann leysa⁹ ok af sveipa. Eptir þat gert talar hann sva meðr biatri raust ok skiærri, at allir mattu heyra: „Drottinn minn Jesus Kristus vegr þik, Drusiana, ris upp þu æ þina fætr, ok skunda heim til herbergia at buaz fyrir nöckut, þviat ek ætla hia þer at eta i dag“. Ok þegar i stað sem Johannes
 25 hefir sva talat, sprettr Drusiana upp af börunum, sem hun væri af svefni vökt, hiartaliga fagnandi postolanum meðr sinni¹⁰ lotningh, en skundaði siðan sem mest til herbergis eptir hans boði at bua fyrir hans þarkvamu. En er lyðrinn ser sva haleita iartegn, kallar hann [upp i loptit æ meðr sòmum orðum eigi minnr en .iii. stundir
 30 dags¹¹ sva segiandi: „Einn er drottinn, sa er Johannes boþar¹², sa er einn ok sannr drottinn varr Jesus Kristus“.

Capitulum.

60. Sva segir ægiætr maðr Clemens erkibyskup af Alexandria, er margt hefir skrifat fagrt ok merkiligat¹³ af baðum guðs post-

35 ¹ *saal. B*; kunningiar *A*; *mgl. C*. ² [þeir vita *B*. ³ [:Hcyrdu, hinn heilagi Johannes, segia þeir *B*. ⁴ dauda *tilf. B*. ⁵ [Ma vera at ek siae *C*. ⁶ *Fra* þat talandi með sut *hertil mgl. B*. ⁷ barirnar *B*. ⁸ ok se nidr settar *tilf. B*. ⁹ [bydr leysa líkamann *B*. ¹⁰ einni *B*; litillatri *C*. ¹¹ [med einni roddu *B*. ¹² predikar *B*. ¹³ merkiligt *C*.

olum Johanne ok Jacobo broður hans, at skiotliga sem hinn heilagi Johannes var heim kominn¹ i Effesum, er hann beðinn at visitera kristnina ok endrbæta meðr haleitum kenningum þat, sem skriðnat² hafði i hans fraveru, eðr fyrir þa grein at hann skipi, hversu³ reisaz⁴ skulu guðs mustèri, þau sem fullrikir⁵ menn ok 5 goðfusir vilja efla meðr sinum kosti, [eþa fyrir þa sauk at hann forsio veiti þeim kirkium, sem aðr voru reistar, at þær hafi sinn rett ok lögliga skipan⁶, ok einkannliga er Johannes beðinn, at hann reki brott þat villumyrkr, sem fyrr greindir uvinir hafa drepsottliga⁷ i blasit æseonu cristninnar. Hvat er hinn blezaði 10 Johannes gorir giarna fyrir ast ok elsku sins meistara ok goðfusa bæn byskupa ok annarra siðugra manna, eigi afsakandi mikinn alldr eðr langa mæðu sinnar utlegþar, utan helldr sva glaðr i guði, sem hann væri æ þritögs alldri. I þessarri ferð gorir⁸ Johannes sva mikla [nytsemð, upphelldi ok⁶ endrbæting kristnum dominum, 15 sem sa einn ma virða, er alla luti gefr val skilia. Hverr mun þat greina mega, hvilikan fagnat goþir menn auðlaðuz i tilkvamu sva mikils fauður, [eðr hvat hann eflði ok uppreisti guði til sæmþar með sinum hialpsamligum kenningum⁶. Nu sem hann er i visiteran aptr æ veg til Effesum, kemr hann til einnar borgar at nòckurum 20 miklum hátíðisdegi, sækir þa þagat mikill ok margr lyðr af ymisum stauðum [bæði sakir hatiparhalldzins ok at þiggia blezan hins agiæta Johannis⁶. Ok sem guðs þionosta er fagrliga fylld æ þann signaða dag, sier⁹ postoli drottins vars Jesu Kristi [þar kominn millum annarra⁶ einn ungan mann stórliga mikinn vexti ok vænan 25 at¹⁰ æliti. Ok iafnfram sem astvin drottins sier⁹ greindar natturugiafir unga mannz, skilr hann fyrir¹¹ gipt heilags anda, at hiartat var hart ok uvikianligt at sva bunu til þess at þacka guði sva mikla veitzlu ok velgernainga með goðum verkum, sem hann hafði þegit af sinum skapara umfram aðra menn. Þvi litr hinn 30 blezaði Johannes til byskupsins, er [fyrir litlu¹² hafði vigðr verit til þeirar cristni, ok segir sva: „Undir guðs vitni ok heilagrar kristni¹³, er þer styrit, felum ver yðr æ hendi þenna unga mann, at þer geymit hans lif til goðs siðferðis ok gialldit mer¹⁴ hann með andar ævexti, [æ þann tima sem¹⁵ ver komum her næst með guðs 35 vilia“. Byskupinn lyðir giarna orðum ok boði sva mikils herra,

1 fra utlegð tilf. B. 2 ok afblomgast tilf. C. 3 a hvern hatt B. 4 hreinsast C. 5 saal. B, C; skilrikir A. 6 [mgl. B. 7 saal. B, C; drep-samliga A. 8 hinn sælazti fadir tilf. B. 9 ser B. 10 likams tilf. B. 11 innri tilf. B. 12 [skómmu B. 13 kirkio B, C. 14 oss B. 15 [þa er B. 40

takandi þann unga mann heim æ sinn garð ok i sitt¹ herbergi með allri vandvirkni ok goðfysi. Dvelz hinn blezaði Johannes i þeim sama stað nokkura stund, en byz síðan meðr sinu föruneysi fram i veg til Effesum æminnandi byskupinn .ii.² sinnum ok optarr,
 5 aðr hann riðr af borginni, at hann geymi þann unga mann með styrkri staðfesti. Vendir þa virðuligr Johannes sinni ferð heim til erchistolsins³ ok sitr þar.

Capitulum.

61. Ellifu keisara höfum ver nefnt i þessarri saugu yfir
 10 Romveria valldi af fyrsta allt higat til, Augustum, Tiberium, Gaium, Claudium, Neronem, Galbam, Octonem, Vespasianum, Titum, Domicianum, Nervam. Sa goði haufðingi, er síðarst var taldr⁴, ríkti eigi meirr en eitt ær, ok þo varla fullt, en aðrir serhverir sva lengi sem fyrr var greint i bokinni. A þessum
 15 tímum andaðuz margir agiætir menn i kristninni bæði pindir ok sottedauðir. Fyrst postolarnir sialfir, pávarnir⁵ ok erchibyskupar, hveria langt er at greina serhveria. Sva ok blezaðr frændabalkr vars herra Jesu Kristi var nu naliga allr undir lok liðinn, þvíat Domicianus hafði til þess fullan vilia, sem fyrr var skrifat, at hann
 20 skyllði skammlifr verða, ok þo lifðu nokkurir með guðs vilia allt fram æ daga Traiani keisara, er næstr tok ríki eptir Nerva⁶. Einkannliga vilium ver nefna⁷ blezaðan herra Johannem postola ok Simonem Jorsala byskup son Cleophe, er fyrr var nefndr, næstr i valldi⁸ eptir Jacobum broður drottins i Jorsolum. Tok hann
 25 pinslarvættis koronu æ dögum Traiani keisara kvaldr ymisligum pin-ingum⁹ til dauða, sva karlmannliga þreytandi sem æ bezta alldri, en hafði .c. ára ok .xx. ser æ baki. Signaðr Johannes beið sva langan tíma ok marga daga þeirar hvíllar ok hins haleita fagnaþar, sem hann verðskylldaði ser dagliga með iðn ok æstundan goðra verka,
 30 at hans krúna yrði því fegri [ok fremri¹⁰, sem hann striddi lengr ok drengiligarr i hans¹¹ herbuðum her æ iarðríki, síðan aðrir guðs¹² postolar ok guðspiallamenn ero framgengnir til fagnaþar [at provaðri þolinmæði bæði veralldligr þvingana ok langs undan-drattar þeira malagiafa, sem hans voru fyrir dygd ok drengiliga¹³
 35 þionostu¹⁴. Sva langa framras yfir tímum Johannis vattar einn

1 sin B. 2 tveim B. 3 i Effesum tilf. B. 4 nefndr B. 5
 pafar B. 6 Nervam B. 7 þar til tilf. B. 8 saal. B, C; vellði
 A. 9 píslum B. 10 [firir almatkum gudi B. 11 guds C. 12
 mgl. C. 13 dagliga C. 14 [mgl. B.

ægiætr maðr Hireneus at nafni, sva skrifandi i sinni bok post-
 olans minning, sem her stendr¹ i skömmu mali: Eptir marga
 framliðna, segir hann, ægiæta menn ok mikils verða, sitr einn maðr
 austr i Asia sva sem erfingi allra þeira, þessi er sa sem drottinn
 Jesus elskaði, bæði postoli ok guðspiallamaðr, Johannes at nafni, 5
 styrandi með mikilli röksemð þeir² cristni, sem i þeim halfum
 efdiz fyrir hans predicanarembætti ok haleita goðfysi. Hans virð-
 uligum kenningum ok guðspialligum setningum megu allir [bysk-
 upar i Asia, prestar, klerkar, leikmenn³ vitni bera, þeir er sæ
 Johannem ok heyrðu sva langlifan, at hann styrði sinni⁴ cristni 10
 allt fram æ tima Traiani. Þessi orð setr Hireneus i annarri bok
 þess stora voluminis, er hann skrifar moti villumonnum, takandi
 vitnisburð sinu mali ok rettum framburði af þeim kenningum, er
 Johannes postoli tieði⁵ sinni cristni. I þriðiu bok þess sama
 verks tekr sva til orðz hinn sami meistari: Su cristni, segir 15
 hann, sem er i Effeso ok hennar heraðum, grundvallaðiz senniliga
 fyrir Paulum en smiðaðiz fyrir Johannem, er henni⁶ styrði ok
 vakrliga geymði allt æ tima Traiani. Sva segir Hireneus af
 rauksemdarvalldi ok [laungu lifi⁷, postoligri tign ok guð-
 spialligri virþing Johannis. Hvar fyrir oss er nauðsynligt at 20
 heyra þessu næst, hvat hinn gamli guðs riddari hefz at i sinni
 elli, ok hveria erfð hann leifir kristninni, aðr hann brott liðr
 með guðs boði, at því skiotara fáe hann tvifallda sæmð beggia
 nafna bæði kallaðr heðan af⁸, sem verðugt er,⁹ postoli guðs ok 10
 ewangelista. 25

Capitulum.

62. Sem fyrr var skrifat i bokinni, er [eigi lesit¹¹ af nockurum
 manni [i Asia¹², at sva hafi fram gengit i styrk ok krapti heilags
 anda sem þessi Johannes, þviat allt af tima drottinligrar piningar,
 upprisú ok uppstigningar allt fram æ¹³ siðarsta daga Domiciani 30
 keisara predicaði hann guðs orð æan ollu fulltingi ritninga eðr
 bokligr lista, eigi minnr en .lx.¹⁴ ára fram allt þar til, er hann
 var i utlegð rekinn. En nu sem hann er heim kominn, biðr fyrst
 erchibyskupinn i Effeso, þar næst naliga allir lýðbyskupar¹⁵ i Asia,

1 skrifat tilf. B. 2 þa B. 3 [menn i Asia, lærdir ok leikir B. 35
 4 sina B. 5 teði B. 6 hana B. 7 [langlifi C. 8 ifra
 B. 9 virduligr tilf. B. 10 sva tilf. B. 11 [saal. B, C; lesit
 var A. 12 [mgl. B. 13 i B, C. 14 sextigi B. 15 liod-
 byskupar B.

[ok eigi siðr ganga her meðr til¹ sendibref ok miukar bænir ymissa² kirkna ok byskupstola, at hinn blezaði Johannes geri sermonem moti þeiri villu, sem³ fyrr var greind, at Marcion ok hans komp-anar⁴ fram báru, i hverium hann auðsyni varn herra Jesum Kristum
 5 sameilifan sinum blezaða feðr i haleitum guðdomi; sva ok eigi siðr, at þessi hans framburðr samsettr⁵ i dyrð ok lofi sialfs guðdomsins verndi cristnina ok varðveiti styrka i sannleikinum, hver villa eðr vaði sem upp kann renna æ siðarstum tímum henni til striðs ok unaða. Her meðr tiaz hinum blezaða Johanni .iii. verk .iii.^{ia} guð-
 10 spiallamanna, þat er at skilia Mathei, Marci, Luce. Segia byskupar ok aðrir spakir menn, er frammi standa i þessarri bæn við sælan Johannem, at þeim syniz nógliga⁶ skrifvat i .iii.⁷ guðspiollum af manndomi vars herra ok af þeim lutum, sem⁸ hann gerði fyrir monnum⁹, en af hans eilifum guðdomi þickir þeim minna skrifvat
 15 en þörf vinni¹⁰. En þo at¹¹ bæn byskupa ok annarra manna væri miok nytsamlig, er hinn signaði Johannes helldr seinn en¹² fliotr til þessa verks, sakir þess at hann sier¹³ giorla¹⁴, hversu mikill er þeira bænarstaðr; fyrir þa aðra grein er hann eigi fliotr, at þat var lundlagit postolum guðs almattigs at vera biartir i
 20 ollum krauptum hugarins ok reinleika lifsins, ok því virðu þeir skreyttan malshatt storliga litils, at salin var meðr þeim fagrliga prydd i guðligum kroitum til miskunnar ok iartegnagerða, er þeim veittiz af varum herra. [Þvi treystuz þeir eigi i¹⁵ æggianar-orðum mannligrar speki, helldr skipaðu þeir hæstu raudd drott-
 25 inligrar predikanar i auðsyniligum kroitum heilags anda, veitandi ollum þeim sanna vitzku himnarikis meðr biortum geislum sinna orða¹⁶. Eigi voru þeir giarnir æ nysamþar bokagiorðir, fyrir þa grein sem fyrr var lesit, at predican þeira tæki engan styrk utan af sialfum¹⁷ guði. Þetta birtiz satt vera i sælum Paulo
 30 postola, at sva diupr klerkr sem hann var umfram afra menn, þa let hann eigi meira [verk eptir i ritningum liggia¹⁸ en litla bok sinna brefa, ok mun þo skilianligt verða, at sa væri¹⁹ froðr i sinu hiarta, sem kom i skola sialfrar paradisi ok heyrði þar leynda luti. Her eptir gerðu aðrir lærisveinar af skola drottins vars
 35 Jesu Kristi [, sva allir²⁰ .xii. postolar sem hinir lægri, gerandi²¹

1 [her med *B*; ok eigi siðr koma her til *C*. 2 ymissra *B*. 3 er *B*.

4 felagar *B*. 5 *saal. B*; sameylifr *A*. 6 gnogliga *B*. 7 þremr *B*. 8 er *B*.

9 mann *B*; manna augliti *C*. 10 vinnr *B*. 11 þessi *tilf. B* 12 nockot

tilf. B. 13 sva *tilf. A*. 14 giorst *B*. 15 *ngl. C*. 16 [*ngl. B*. 17 einum *B*.

18 [eptir sig liggia i ritningum *B*. 19 var *B*. 20 *saal. C*; at *A*.

21 [*ngl. B*.

skamt ok skýrt, hvat þeir skrifuðu fyrir æminning heilags anda, þó at aðrir væri enn öðrum fremri¹ i þeirri miskunnargjöf, sem guð skipaði.

Capitulum.

5

63. Þessi hin agiæta skynsemi dvelr Johannem nökut at iataz undir bæn byskupanna, en þó kemr þar meðr guðs vilia, at hann samþykkir virðandi enn framaz i þessum lut sem i ollum öðrum sanna elsku guðs ok manna, þvíat hann girniz hiartaliga sælan frið heilagrar cristni. En meðr því at i hans blezaða briosti er ¹⁰ mikill hugr samtempraðr saunnu litillæti, hefir hann sik allan til himneskra luta fulltings biðandi heilagan anda, svarandi þeim er frammi standa, at til þessa verks gengr hann öngvan veg, utan þeir vaki ok fasti allir saman, biðandi almattigan guð, at honum veitiz sa framburðr, sem varum herra Jesu Kristo se lofigr ok ¹⁵ hans heilagri cristni nytsamligr. [Ok er² allir iata þessu feginsamliga ok gera síþan meðr fremsta goðvilia, tekr hinn blezaði Johannes at rannsaka bækr .iii.^{ia} guðspiallamanna ælitandi orð ok efni, smasmugliga skoðandi serhveria luti, ok finnz honum sva til, at allra þeira verk standa saman i hæsta sannleik. Ið annarri halfu ser ²⁰ hann [ok iafnfram, at⁴ þeira framburðr er miok stuttr, einkannliga i þeim lutum, er drottinn varr Jesus Kristus gorði a fyrsta tima, sva⁵ sem hann tok at predica. Þviat .iii ewangelia⁶ Mathei, Marci, Luce, synaz þa eina luti [hallda ok⁷ fram bera i verkum vars herra, er gerðuz æ þij áre sem Johannes baptista var innkastaðr ok⁸ halshögginn, hvat er va⁹ birtiz fyrir þa grein, at allir ²⁵ þeir skrifa innsetning Johannis sva sem i upphafi þeira verka, er þeir fram bera af várum herra. Sem Mattheus vattar; þvíat skiotliga sem hann hefir sagt af faustu várs herra um xl.¹⁰ daga ok af freistni, er hann þoldi i eyðimork, setr hann þessa clausu: Jesus þat heyrandi, segir hann, at Johannes er gripinn, for brott ³⁰ af Judea ok kom i Galileam. Marcus segir ok þessu¹¹ likt sva til orðz takandi: Síþan Johannes er innkastaðr, kom Jesus i Galileam. [Þessu likt segir ok Lucas¹², þvíat fyrr en hann tok¹³ nökut at segia af verkum Jesu, talar hann sva: Herodes lagði þat við alla sina illa luti, er hann hafði aðr gert, at hann strengdi Jo- ³⁵

¹ saal. B, C; framarr A. ² [tilf. B. ³ ok af B. ⁴ [at allra B.
⁵ mgl. B. ⁶ gudspioll B. ⁷ [tilf. B, C. ⁸ eda B. ⁹ vel B.
¹⁰ fioratigi B. ¹¹ saal B, C; þessum A. ¹² [Lucas er ok þessum
likr B. ¹³ taki B.

hannem i myrkvastofu. Af þessum greinum sem nu hafa¹ lesnar
 verit, skilr hinn sæli Johannes, at þeir lutir ero fullkomliga þagðir,
 sem Jesus vann allan tíma millim freistninnar² ok fram til þess
 er Johannes var innkastaðr. Ok meðr því at hann sier Ma-
 5 theum ok Lucam nógliga skrifat hafa af holldligum hingatburd vars
 herra Jesu Kristi, þegir Johannes yfir þvísu efni, en byriar sitt
 guðspíall æ hans eilífum guðdómi, nogliga lærðr ok dryckiaðr með
 birting ok miskunnarvitian³ heilags anda sva fabæriliga⁴, at
 oll myrkr villumanna rekr hann brott meðr⁵ liosi sannleiksins, sva
 10 byriandi: In principio erat verbum. Þvi kallaz hinn blezaði Jo-
 hannes viðrkvæmiligarr theologus en nóckurr annarr, at almattigr
 guð varðveitti honum til handa hinn hæsta⁶ lut, þat er at tala
 smasmugligarr af sialfum guðdominum en nóckurr annarr aðr eðr
 síðan dauðligra manna. Aðrir guðspíallamenn skrifva varn herra
 15 fæddan æ tíma af sinni haleitu⁷ möður, en Johannes vattar i
 sinum framburði, at sami guðs son var þegar i upphafi sannr
 guð með eilífum guði. Ok hvat megum ver lengra her af tala,
 en þvílíkr er allr sermo Johannis millum upphafs ok enda, sem
 sigrar hvert mannligt hugskot, ok engu veralldligu hiarta ma⁸
 20 veitaz sva mikil vitzka nema meðr⁹ sætri giðf heilags anda, þvíat
 eigi er eitt at telia, helldr fleira en oss fafropum megi i hug
 koma, hver sæmð alla vega lytr ok þionar þessu guðspíalli, hversu
 þat er skilríkt¹⁰ ok greiniligt i ollum lutum, birtandi þat verolddinni,
 sem aðr vissi hon eigi, einkannliga þat, sem fyrr var sagt at .iii.
 25 guðspíallamenn höfðu yfir þagat. Skilvisliga skrifar einn Johannes
 bruðkaupit i Chana Galilee, birtandi at þat gorði Jesus i upphafi
 sinna iartegna at snua vatn¹¹ i vin. Þar með boðar hann aðra
 luti, er fyrr gerðuz en Johannes væri gripinn af Herodi, innan
 sva langs tíma sem fyrr var skrifat i sögunni. Ok sialfr Jo-
 30 hannes ewangelista birtir þat i auðrum stað, i hverium tímum
 vars herra hann setr ritningina, þa er hann segir¹² sva: Enn var
 eigi Johannes settr i myrkvastofu, segir hann. Fyrir þessa grein
 skal hverr maðr geyma ok kalla .iiii. guðspioll i öngu sundr hlioða,
 þo at Johannes boði þau verk drottins vars, er gerðuz þann tíma,
 35 sem aðrir guðspíallamenn letu um liða. Af þvílíku ollu saman er
 til minnis leiðanda senniliga, hvat örninn hefir at merkia, er Jo-
 hannes sa in Apocalipsi standa hia guðdomsins hæsaeti.

1 saal. B, C; hefir A. 2 saal. B; freistarinnar A. 3 vitranarmiskunn B.

4 frabæriliga B, C. 5 opinberu tilf. B. 6 æzta B. 7 haleitri B.

40 8 saal. C; matti B; mani A. 9 settri grein ok tilf. B. 10 saal. B, C;
 skirligt A. 11 vatni B, C. 12 talar B.

Capitulum.

64. Aurn hefir margar natturur¹ ok mikils verðar, merkia sumar gott, en sumar illt, sem hinn sæli Gregorius pavi fagrliga skyrir. En fyrir þa sauk at óngvar hans natturur heyra þessu efni, utan þær sem² gott hafa þyða, munum ver þær einar i 5 þessum stað til greinar fram setia. Aurn hefir þa natturu, at hann hefr [sinn flug³ með beindum vængium myklu hæra en nöckurr fugl annarr, sva at hann flygr alt upp um sky. Ok sem hann er kominn i sva mikla hæð loptzins, er hann sva skygn niðr undir sik, at hann ser fisk i vatni ok hera lágt liggianda æ 10 iorðunni⁴. Her með er hann sva snarsynn⁵ upp yfir sik móti geislum sólarinnar, at hann horfir rett hit [gegnzta ok hit⁶ beinazta moti henni ok blöskrar ekki. Þessa sina list elskar hann sva miok, at ecki sitt afkvæmi rækir hann, þat er eigi hefir þessa giöf. Hvat er hann profar með þeima hætti, at þegar sem ungar 15 kvenfuglsins ero nockut styrknaðir, [sva at þeir megí skefiur þola⁷, gripr hann þa upp i klær⁸ ser ok setr þa moti birti solarinnar, til raunar hvart þeir fáe sieð i moti henni, sva at þeir blauskri eigi. Nu þeir allir sem val⁹ profaz, skulo hafa gott uppfæði ok fulla elsku i alla staði, en hinir kastaz brott senn¹⁰ sem afkyniaðir 20 ok til enskis fagnaðar líkligir. Viðrkvæmiliga heyrir sælum Jóhanne arnar flugr hárr ok mikill allt yfir sky, þviat sa guðs astvin hof sitt hiarta upp yfir iorðina allt til himneskra luta með beindum vængium tvennrar elsku, þat er guðs ok manna, bæði skygn til neðri luta ok furðuliga snarr til himneskra luta; skygn 25 æ iorðina, þviat allar villur urðu hans augum liosar bæði nalægar ok ukomnar, sva at hann eyðir þær ok niðr brytr með merkiligum mannkostum¹¹ sins framburðar; snarr moti geislum solarinnar, þviat hann serr ok rannsakar eilifan guðdomsins almatt framarr ok haleitligarr en nöckut hugskot annat. Hvar fyrir Ezechiel spamaðr sa viðrkvæmiliga þegar i forna vitni þenna sama órn i andarsyn 30 hia velldisstoli almattigs guðs, þviat einn Johannes af .iiii. guðspiallamonnum flygr með drottni varum Jesu Kristo sva sem til himins, sakir þess at hann skrifar flest af hans haleitum guðdomi, fyrir hvern er vurðu allir lutir syniligir ok usyniligir æ himni ok iorðu. En aðrir ewangeliste ganga sva sem æ iorðu með varum 35

1 saal. B, C; iartegnir A. 2 er B. 3 [sig B. 4 saal. C; iorðu B; urðinni A. 5 skiarrsynn B. 6 [mgl. B. 7 [mgl. C. 8 klom B. 9 vel B. 10 sva B; mgl. C. 11 motkóstum B, mgl. C.

herra Jesu Kristo, þviat þeir skyrðu nógliga hans timalig verk ok
 veralldligan áttboga. See her, hvern ævðxt hefir privilegium Jo-
 hannis! See hvat aflar hans meydómr ok skiærleiki! See hvat
 hann drakk af briostfostum brunni hins blezaða Jesu¹. Sæl er
 5 su elli, er þvilika erfð leifði cristninni; blezut² er su sala, er sva
 hellt sterkliga i minni græðarans orð bæði mörg ok sundrlaus
 meirr en .lx 3 ára, at engi fólman fell æ, utan oll skyrri ok merk-
 iligri en⁴ nðkurr megi, sem vert er, til tala. Þvi stendr ewang-
 elium Johannis iafnan siþarst i hverri bok .iiii.⁵ guðspialla,
 10 at þat gerðiz siðarst i framrás timanna, sem fyrr er greint. En
 þo at þat standi sva, snarar þat hæra en nockut annat, þviat
 þess heimili er i himnum með sialfum guði. Þvi stendr Johannes
 val⁶ i arnar mynd hia hinum hæsta velldisstoli, at hans augasialldr
 briaði⁷ ekki moti biartazta guðdomi. Harðla val⁶ stendr ok þat, at
 15 blezaðr Johannes eignaz suðrætt i rettri merking, þar er solin
 skinn i hioli himinsins, þviat þessi guðs elskugi birtir skiærliga,
 at eilíf sol rettlætis rikir i valldi guðdomsins. Ewangelium Jo-
 hannis er einn brunnr af þeim .iiii., er upp spretta i paradiso
 ok dauggva⁸ allan skoginn með lystiligri framrás ok blomga
 20 iorðina til ymisligs ævaxtar. Senniliga dōggvar vatn Johannis
 sialfa paradisum, þat er at skilia æsionu heilagrar cristni, er fagr-
 liga blomgaz i hans kenningum með freosaumum elldi⁹ valdra
 manna guðs i himinriki. Hunang drypr af orðum Johannis, þa er
 hann synir sætliga kirkiunni, hversu guðdomrinn rikir, er gleðr
 25 englana með ilm ok unaðsemd sinnar dyrðar, [með sæmð ok lofi
 eilífs fagnaðar¹⁰. Munum ver her upp gefa at tala framarr af
 guðspialli Johannis, þviat þat ofbyðr hverium skilningi at fáz
 þar langt i, hvernær sæmdar ok virðingar þat er fyrir allar sínar
 halfur, ok einkannliga er oss ofroðum monnum umattuligt at tala
 30 þar langt¹¹, hversu Johanni varð skamt i millum sæmðanna at
 dōggva¹² iorðina með sætri skur sinna ritninga. Þvi munum
 ver aptr venda til sögu postolans, greinande þa luti fá af mörgum,
 er almattigr guð vann fyrir hans¹³ verðleika með sinum almætti.

1 i sidazta snædingi tilf. B. 2 saal B, C; blezat A. 3 sextigi B.
 4 saal. B, C; at A. 5 flogurra B. 6 vel B. 7 briaadi C. 8
 35 dōgga B. 9 vidi B. 10 [mgl. B. 11 um tilf. B; af C. 12 riga(!) B.
 13 lif ok tilf. B.

Capitulum.

65. Sem lesit er af höfutborg heimsins sialfri Róma, at hinn sæli Petrus styrði þar langan tíma heilagri kristni með pavadomi, ok var þó mikill luti borgarinnar verr en hundheiðinn, sem af því ma skyrar marka, hversu Nero romverskr keisari styfði kristnina 5 sinu höfði drepanði Petrum ok Paulum, sem [marga ymissra stetta¹ ut ifra². Lesit var ok, hversu hinn blezaði Jacobus styrði .xxx. ára sinum byskupdómi í Jorsolum, sva at Gyðingar voru þar innan borgar með sva³ miklum styrk ok valldi, sem raun bar æ, at þeir drapu þann haleita guðs postola. Sama grein heyrir til 10 Effeso austr í Asia, þar er hinn blezaði Johannes hefir smíðat fagra cristni af grundvelli Pauli, þó eigi sva framt, at hann hefði niðr brotit allan blotskap eðr villu þeirrar borgar, sem skilianligt ma verða [sva í þeim stað sem hinum .ii. er ver nefndum aðr⁴, at þar sem innan staðar ero margar þusundir manna [ymisligra 15 stetta⁵ ok ríkdoms, valldz ok vilia, mun eigi verða eyðt eðr niðr brotit allt æ litlum tíma, þat sem⁶ aðr stoð með sva miklum veralldar bloma ok sterkum atrunaði villumanna, ok þat væri agiætaz allra luta. Því goriz sva, at hinn sæli herra Johannes postoli æ þvílict at hræra í sinni elli. Hann litr innan borgar 20 ser til skapraunar glæsilig⁷ hof, ok þar í skurðgoð með skipaðum þionostum til diöfla fáganar, en orkar eigi niðr at briota sakir ofreflis, er alla vega stendr í mot honum⁸. Fyrst í því, sem liosaz er, at keisaradómrinn var optarr snuinn moti guðs boðorðum en meðr, þvíat eigi var Nero líkligr, Domicianus eðr nu Traianus, 25 at eyða blotum⁹ í Effeso, helldr efla, hvat er þeir mattu, til motgerða við guð ok þann sælan¹⁰ herra, sem þar hafði nu predicat langan tíma, en innan staðar¹¹ var þat uvikianligaz, at báðir valldzmenn borgarinnar voru miklir uvinir sannleiksins, iarlinn Effesiorum af halfu keisarans, en blotbyskupinn¹² af hendi allra 30 guðanna¹³, er Aristodimus¹⁴ heitir. Voro þeir iarl ok villubyskupinn til þess kærastir vinir at góraz þann tíma hinir grimmuztu guðs uvinir ok leggja kapp á, at kenning Johannis skal eigi framarr ganga um borgina. Rægði Aristodimus optliga Johannem fyrir iarlinum liugandi æ hann annat at öðru, sakir þess at hann villdi 35

¹ [saal. B; margar ymisligar stettir A. ² [marga adra guðs vini C. ³ tilf. B, C. ⁴ [mgl. B. ⁵ [ymisligrar stettar B. ⁶ er B. ⁷ saal. B, C; gleðilig A. ⁸ mgl. B. ⁹ blotskap B. C. ¹⁰ sæla B. ¹¹ tilf. B. ¹² í annan stað tilf. B. ¹³ godanna B. ¹⁴ Aristodemus, her og senere B.

postolann gera [sem mestan¹ uvin iarlsins, at því siðr heyrðiz hann æ nökuru þingi til predikanar² embættis, sva at þar fyrir hallaðiz metnaðr guðanna. En þat er miok dasamligt, hversu almattigr guð varðveitir³ sina kristni ok hennar formenn i þilikum stauðum, 5 er fiandr gengu umhverfis⁴ með gapanda munni at bita, hvat er þeir máttu. En heilög kristni stoð æ því fegri með valldi ok vilia drottins⁵ vars Jesu Kristi, sem hon þoldi meiri freistni með sannri staðfesti. Mikill partr þeirar⁶ borgar var biartr ok þeckiligr guði, en stoð undir klokskap ok umsatum illra⁷ manna, 10 hvat er profaz mun i fylgiandi⁸ lutum, [sva sem annat serhvert, þat er ver höfum her uppkastat⁹.

Af bræðrum tveim¹⁰.

66. I Effeso voro þann¹¹ tima tveir ungrir bræðr storliga rikir eptir dag feðr sins ok¹² med allzkonar¹³ godzsi veralldar 15 audæfa. Ok sem þeir hafa i setz erfdina, gera þeir ræð med einom veralldar spekingi Kraton at nafni, hvat þeir skulo gera af sva miklo godzsi, segia ser þat i hug at hafna heimi ok eiga einga hluti. Craton spekingr gefr þeim þat ræð, ef þeir vilia heime hafna, at þeir skolu vennda sinne erfd i dyrozsto gimsteina, 20 ok eptir þat giort skolo þeir koma fram a þat breidazsta torgh, er finnz i þeire borg, ok briota gimsteinana, sva at¹⁴ allr lydr siai upp æ. Ok med því at hinir ungu menn hyggia Cratonem heilan i radagiordum¹⁵, gera þeir, hvat er hann lagdi til, setiandi þa biortu steina [fram a motid¹⁶ briotandi i sundr i smatt fyrir allra 25 manna augum¹⁷. Þusti þar at margr lydr ok lofadi miok, hverso þessir ungu menn voro agiætir i sinni giord. Ok rett i þann tima sem Craton spekingr sitr a torgino¹⁸ ok hefir latid þessa heims hafnan sva geraz eptir sino radi, kemr þar at fram Johannes ewangelista postoli drottins vørs Jesu Kristi, spyriandi hvat þeir 30 menn¹⁹ hafi þar gera i sva miklum safnadi. Ok honum er þat²⁰ sakt, hvat tveir bræðr hafa þar giort a því sama torgi med ræði ok yfirsyn Cratonis philosophi²¹. Ok er vørs herra vin heyrir

1 [hinn mesta B. C. 2 tilf. B. C. 3 vardveitti B. 4 sva sem umbergis B. 5 Her beg. Fr. IV¹. 6 greindrar B, Fr. 7 saal. øvr.; allra 35 A. 8 fylgiandum Fr. 9 [mgl. B. 10 Overskr. B. 11 þenna B. 12 Her mgl. et Blad i A, hvilket er udfyldt efter Fr., saa langt dette naar, og siden efter B. 13 allzhattar B. 14 tilf. B. 15 radagerd B. 16 [tilf. B. 17 augliti B. 18 þinginu B. 19 tilf. B, C; mgl. Fr. 20 mgl. B, C. 21 spekingis B, C.

þessa saugu, líkar honum ei með öllu þvílík¹ heims hafnan, þvíat hann skilr þegar, at mikit greinir æ ráð Cratonis ok þat bodord, er hann nam fordum i skola Jesu Kristi. Þvi kallar hann Cratonem til sín ok talar sva: „Su heims hafnan sem her hefvir giort með þino ráði, er miok heimsk ok uvitrílg, þvíat hun lofaz af 5 monnum en er eingu hæf i guds domi, ok til þess at þu víð kenniz, hversu þín ráðagiord er uheil, þa heyr hvat ek segi þer. Lit a, hversu² hegómliq er su lækning, er grædir særít sva at i leyniz sottarkynít, ok þat sem dautt [er var² eigi brott snídit; sva er ok hver kenning augu hæf, su er eigi grædir laustuna með heilo 10 ok lærir síðuna til avaxstar sælnanna. Minn agiæti meistare lærði einn ungan mann, er fýstiz til eilífs fagnadar, at ef hann vílði algíorr vera, skíldi hann selia³ sína eign fasta ok lausa ok gefa fataækum verðít. Eptir sva giort munndi hann afla ser thesaur i himnom ok finna þat líf, sem eingan ennda hefir“. 15 Þessom ordom Jóhannis svarar Craton spekingr, þar sem hann sítr alla vega umkringðr mikílli fylgd sínnar lærísveina: „Avoxstr ok efni mannlígrar síngírni⁴ var settr ok brotinn i manna auglíti, segir hann; en nu allt eins, ef guð er meistari þínn, sem þu segir optlíga, ok víll hann þat gera lata, at fataækir menn taki þat goðz, 20 sem fullríkir menn firirlata, þa kunn at hafa betr en ek, ok enndrbæt gimsteinana aptr i sínn fýrra stett, gerandi þat honum til dyrdar, er ek snere⁵ út i ordlof mannlígrar frægðar“. Sem Craton hefvir sva talat, gírnið Jóhannes enn sem fýrr hialp ok heilsu lyðsíns i heíðr ok æro síns drottíns, því býðr hann, at honum se feingín 25 gimsteinabrotín, ok þau takandi helldr hann aull saman i sínni hendi lyptandi augu⁶ upp til himíns sva til guds bíðiandi: „Heyr þu, drottinn Jesu Kriste, er enndrbættir þenna heim firir krossíns tre, er adr var brotinn firir gírndartre! þer er ecki umattulígt, þu gaft blínndum manni syn, er natturan neittaði adr alla bírti augn- 30 anna; þer se lof sonnum guði trúlyndra manna, er aptr kalladir ferdagadan⁷ Lazarum daudan ok grafínn, gefandi honum langt líf yfir íord; þer se lof ok dyrd, er græðdir aull sottarkyn ok vanmattu með orði þíns almættíss. Vert þu nærri steinom þessom, er menn brutu til veralldar ordlofs uvítandi sannan avoxt rettrar 35 olmosu. Endrbæt, drottinn, steina þessa firir henndr eingla þínna, til þess at þeir komi til þíns ríkís sem trúanndi verða firir miskunn-

1 þessi B. 2 [var er B, C. 3 alla tilf. B. 4 síngírni B, C. 5 snera C. 6 augum B; augu sín C. 7 saal. Fr., B, C.

arverk þat, er geraz mun i verdi þessarra gimsteina. Hvar firir þer se lof ugetnum fedr firir eingetinn son þinn drottin værn Jesum Kristum ok heilagan annda, er lysir ok helgar alla kristni almenniliga⁴. Sem drottins elskari hefir sva talat ok hans blezsada fylgd hefir
 5 sakt amen, lykr hann upp sina hond ok synir gimsteinana Cratoni hinom spaka ok ollum lyd nær veranda sva heila ok aptrskipada, at einskis¹ kyns mark fannz a þeira formi, at nockorn tima hefdi þeir brotnir verit. Ok firir stormerki sva haleitrar iartegnar snyz Craton spekingr til hægri hanndar fallandi til fota sælum Johanne postola
 10 med þeim tveim ungum monnum, er fyrr voru greindir, ok med aullum sinom lærisveinum, truandi vel ok rettliga a drottin værn Jesum Kristum. Var Craton skiotliga skirðr med ollum sinom monnum², sva godfuss ok agiætr nu þegar i vandlæti astarinnar, at hann tok opinberliga aullum predica tru drottins værs Jesu Kristi, er
 15 hans ord villdo heyra. Sva ok þeir tveir brædr, sem attu sagda gimsteina, selldo þa firir mikla peninga, en gafu sidan allt fataekum maunnum med saunnum algiorleik eptir guds bodordi ok kenning hins blezsada Johannis. Firir þenna avox, er Craton spekingr var snuinn til guds, efdiz heilaug kristni storliga mikit i Effeso, þviat
 20 hann var af ollum kalladr³ sem hinn visasti madr, ok þvi viko margir a rettan veg eptir hans fortaulum, sva at þar firir fylgdi sælum Johanni margr lydr i gudzspialligum kenningum.

Nærri þessum tima voru adrir .ii. ungir menn miog agiætir i borg Effesiorum, Atthicus ok Eugenius at nafni, veralldz⁴ rikir
 25 at audæfum, er⁵ med eptirdæmi þeira tveggia, er fyrr voru greindir, selldo alla sina eign meire ok minni ok gafu verdit utlendum monnum⁶ med guds astriki, komo sidan til Johannem postola fullrikir i sannre tru ok agiætum sidum, sva at innan litils tima gera þeir allzskyns takn, grædandi siuka menn, frialsandi diofuloda
 30 en lysandi blinnda, verandi i fylgd ok fauruneyti [ens blezsada⁷ Johannis, sem hann ferra at predika guds erinnde⁸ i ymsa⁹ stadi, vitiandi kristnina, er honum var a hendi folgin af sialfum gudi; þviat sia hinn haleiti veidimadr for þangat iafnan, sem hann skildi sik mest afla, sakir þess at hafa hungradi oafatliga¹⁰ at leida
 35 sem flestar salir gudi til hannda. Þvi vard hans prydi mikil ok kruna vegsamligh [i himinrike¹¹.

1 einkis B. 2 kompanum B, C. 3 hafdr B; hafdr ok halldinn C. 4 saal. ogsaa B; veralldar C. 5 saal. B; en Fr.; hverier C. 6 pilgrimum B. 7 [hins sæla B. 8 ord B, C. 9 ymistliga B. 10 saal. B, C; vaveifliga Fr. 11 [mgl. B.

Capitulum.

67. Saugdum ver af framburdi Clementis Alexandrini, at enn blezsade Johannes evangelista visiteradi skiotliga kristni i Asia, sem hann kom heim af utlegd, ok i þeire saumo ferd fal hann a henndi¹ þann frida mann einum byskupi, sem fyrr var 5 greint i þessu mali. Hvat eigi er gleymanda, helldr greinanda, sem Johannes vitiar kristnina, hversu byskupinn hafi ræktad umbodit eda hvat hann hafi fram² bera, ok allt eins er þetta mal sva byrianda, at segia fyrst, hversu for midil unga mannz ok byskupsins, at því skilianligra verdi, hvat fram ferr, sidan Johannes vis- 10 iterar borgina ok krefr af byskupi avaxtarins.

Capitulum.

68. Nu er þar til at taka, sem byskup tekr þann unga mann i sina vernd ok vardveizlu med allri elsku talandi optliga vid hann heimolliga, ok lætr hann iafnan vera i sinu herbergi 15 rikt halldinn ok geymiliga eptir bodi Johannis postola. Ok þar kemr, sem byskup finnr, at hinum unga manni likar vel, at hann spyr eptir tru hans ok sidferdi, ok profaz sva³, at hann kann ecki i kristnum domi. Telr byskup þa firir honum⁴, þar til at hann samþyckir heilagri skirn ok iattar guds bodordum. Ok er 20 byskup hefir kent honum frædi sin med godu sidferdi, ok hann skipaz vel dag fra degi sem hlydinn ok audradr sva rikum meistara-domi, ler byskups⁵ tauminn nockot litt⁶ i fyrstu, at hann hafi frialsan gang ok meira sialfrædi⁷, þvíat hann treystir i miskunn skirnarinnar, at hon muni gert hafa unga manni godar kenningar 25 vel briostfastar, sva at eigi muni hann þeim [a bak⁸ verpa. En er ungi madr [kennir þat⁹, at honum er frialsari gangr¹⁰ en fyrr, temprar hann þat klokliga med einshvers radi, at eigi skal hann skioott kippa taumalagi a sinu sidferdi, helldr, sem stundir lida, [draga til nockot, at því sidr megi þann gruna, sem hann skal vardveita¹¹. 30 Ok i þvílikum radagerdum er hann æ því [gilldari, sem hans alldr ok þroski er meiri¹², þar til at hann legz i gialifi ok nattyckior med sinum iafnolltrum, er¹³ gerduz hans meistarar a

1 Her ender Fr.; nu lægges B til Grund. 2 at tilf. C. 3 til tilf. C.
 4 kristiliga tru tilf. C. 5 honum tilf. C. 6 til linanar tilf. C. 7 35
 en þar til hefir hann haft tilf. C. 8 [at baki ser C. 9 [finnr C. 10
 gefinn tilf. C. 11 [munar hann til nockut litt, at þeir sem hann geyma
 megi því sidr gruna hans vilia ok alvoru C. 12 [diarfari, sem hann er
 elldri C. 13 nu tilf. C.

götu svivirdligs lifnadar með leti hiartans¹⁴ ok elsku lastanna. Ok sva kemr, at með þeim fiandans eyrendrekum fæz hann i morgu sucki ok sidaz i stuldum um nætr með þiofum², þar til at sva illir lutir ok omannligir³ bida enn meira ofagnat, þviat sva
 5 sem hann er [hinn sterkazti madr vordinn reyndr at atgervi, firirlætr hann⁴ allan veg rettan ok hleypr ut i forað með fliotri rás, sva at skiotliga er hann drektr i diupi lastanna, þviat orvænting hefir gripit hann, ok meðr þvi at hann gefr sitt hiarta brott fra allri idran, rettsnuning ok yfirbot, hirdir hann eigi at starfa lagt i
 10 litlum lutum, helldr selr hann sig i opinbera glatan, eigi þolandi, at nockorr se honum frægari i hverium glæp ok ofagnadi, þar⁵ til er hann gorir þa sina lærisveina, sem aðr voru hans meistarar til illra luta. Nu er hann vorðinn þeira höfðingi ok vakr leiðtogi til manndrapa, ráns ok stulda, eflandi mikinn flock æ einum skogi, sva grimmr ok þyrstr i bloðit sem sialft skogdyrit. Nu er greint,
 15 hversu byskup er viðbuinn at giallda sælum Jóhanni retta skynsemð af þessum manni, ok þvi skulu ver þessu næst æ lita, hvar postoli drottins vars visiterar cristnina ok siðan fram fara til settra luta⁶.

Capitulum.

20 69. Þegar sem byskup þeirar borgar ok aðrir fremztu menn innan staþar spyria, at hinn blezaði Johannes visiterar i nalægð við borgina, fara þeir ut i moti honum meðr miklum⁷ fagnaði laðandi hann meðr andligri gleði, leiðandi með sǫng ok skipaðri
 25 processione inn i staðinn; þviat hvar sem hann kom, fögnuðu sva sauðir guðs, sem þeir sæi sinn meira fagnat en orðum megi skyra, sakir þess at hann var fullr i ast ok elsku til allra manna, sem skioott mun profaz i þvi sem eptir ferr. Nu sem⁸ Johannes postoli hefir dvalz⁹ um rið ok skipat orindum kirkiunnar, sem
 30 honum likar, talar hann sva til staþarbyskupsins, [sva sem þeir sitia baþir samt æ einn dag¹⁰: „Kominn er timi, segir hann, at þer, herra byskup, latit fram þat, er Jesus Kristus ok ek falum yðr æ hendi forðum við¹¹ vitni þeirar kristni, er þer styrit.“ Ok

1 hugarins C. 2 liotum þioflaunum C. 3 oskapligir C. 4

35 5 [fulluliga reyndr i algiorfi illzkunnar, ok þvilikt er at iafna, sem hann se vordinn hestr otaminn, svo odr ok ærr með gapanda munni, at hvergi ma i nand honum koma, hvar fyrir hann i burt varpar þvi beisli, sem sialfr gud lagði honum i skirninni, svo flyr hann ok fyrirlætr C. 5 Her beg. atter A. 6 iuntra C. 7 ollum B. 8 hinn sæli tilf. B. 9 dvaliz B. 10 [a einn dag, sem þeir sitia baðir samt B. 11 undir B, C.

er byskup heyrir at¹ uvöra þvilik orð af munni postolans, ottaz hann eigi litt, sakir þess at honum er giðrsamliga or minni fallit, þat er geymslu unga mannz til heyrir, hvar fyrir honum kemr þat i hug, at Johannes muni utheimta fe nöckut, þat er hann þickiz eigi tekit hafa. En þegar af annarri halfvu, sem hann 5 váttaði optliga síðan, rann su hugrenning þeiri i moti, at þat var umattuligt, at sva dyröligr maðr falleraðiz hvarki fyrir uminni ne fiaragirni, at hann mundi heimta þat vissvitandi, er hann atti eigi. Ok fyrir þa sauk at byskup fær eigi² fundit, hvar til vikia orð postolans, en þickiz vita ifalaust, at þau ero rettlætisfull æ einn- 10 hvern hatt, sitr hann hugar sins fullr litillatliga ok kann engu svara, þviat sem vitr maðr skilr hann glöggliga, hversu við volldugan hann atti orðum at skipta, ok hversu mikit la við, at hann afsakaðiz eigi rangliga. Astvindrottins vars talar hogligas³ til hans i annan tima: „Eigi krefium ver af yðr⁴ gull eðr brent silfr, 15 helldr þann unga mann ok sal broður yðvars.“ En er byskup heyrir upplokna saukina, andvarpar hann sarliga ok talar með tárur ok trega sva til spurðra luta: „Herra minn, hann er dauðr.“ Blezaðr Johannes svarar⁵ þa: „Nær andaðiz hann, eðr með hverium hætti let hann sitt lif?“ Byskup svarar: „Hann er sannliga dauðr 20 fra⁶ guði, þviat hann flyði heðan fullr með hverskyns glæpum, þar til er⁷ i síðarstu kaus hann ser hinn versta lut, sva at hann gerðiz spellvirki ok lagðiz ut i eitt fiall með miclum ualldarflocki sinna kompana, ok þar er hann enn i dag höfðingi allra þeira til hvers illz, er þa lystir at gera.“ En sva framt sem hit haleita hiarta⁸ 25 Johannis tekr framburð byskupsins, leggr⁹ hann af ser þat klæði, er hann sitr i, slæandi sitt höfut með mikilli sut, sem þar er landskapr til, sva talandi millum gratligra andvarpa fyrir sampining astarinnar: „Ek hugðiz þar skipa goðan geymara broðurins önd, er ek selldi yðr hann i hönd, en nu er sva vorðit, sem eigi ma standa sva 30 buit; þvi se hestr söðlaðr þegar i stað mer til reiðar, ok þar með [fengnir leiðtogar¹⁰ fram i fiallit“. Ok þegar æn dvöl sem hestr er buinn, stigr sa blezaði herra honum æ bak, riðandi¹¹ hart ok skyndiliga þar til er hann kemr¹² i fiallit. Ok iafnskiott¹³ er hann fanginn af þeim [sem vörðinn¹⁴ helldu fram æ veginn eptir boði haufðingians, 35

1 *saal. B, C; af A.* 2 *a tilf. B.* 3 *hogværliga B; með elskunnar hogværd C.* 4 *segir hann tilf. B.* 5 *segir B.* 6 *sinum B; mgl. C.*
 7 *at B.* 8 *hins miuka tilf. B.* 9 *bledr B.* 10 *[fenginn leiddogi B.*
 11 *síðan tilf. B.* 12 *fram tilf. B.* 13 *þegar i stað B.* 14 *[er vord B.*

er sitr i fiallinu. Lætr hinn sæli Johannes ser allvel líka, þott þeir hafi hendr æ honum, sva at hvarki gerir hann sik líkligan til at veriaz ne flyia, utan helldr hefir hann frammi vitru sina ok nærfæri, framr ok flíotr í ðrendum sinum ok ððrum lutum, fyrr
 5 en þeir hafi rænt hann hestinum, þviat hann skílr nu sakir elli, at honum hentar eigi¹ æ fæti at leika, ef skíotleikinn skal reyna. Ok sem hann sitr enn æ baki heill ok raustr með guðs vilia, talar hann hatt til spellvirkianna ok segir sva: „Hvat vilit þer mer?² Ekki æ ek ðrindi við yðr, utan [ek vil senda yðr mina sendiferð
 10 ok segia³ höfðingia yðrum, at ek hefir⁴ sótt hegat æ hans fund ok vil⁵ giarna sea hann“. Ok spellvirkiarnir ero sva lýðnir með þess boði, er ollum lutum styrir, at þeir renna ok segia sinum herra, at riðandi maðr er kominn í þann stað ok vill giarna finna hann. Sögðu spellvirkiar því sva ukunnliga fra manni [þeim sem⁶ kominn
 15 var, at þeir kendu eigi Jóhannem postola.

Leidretting spellvirkianna⁷.

70. Sem höfðingi rans ok menndrapa heyrir þat af framburði sinna sveina, at maðr er kominn, sæ er hann vill sea, riss hann upp skyndiliga ok herklæðiz til handa ok fóta. Var maðrinn bæði
 20 mikill vexti ok sæmiligr⁸ at æliti, rammr at affli ok hinn hermannligzti. Sva væpntr gengr hann fram veginn þar til at [um langt ser hann⁹ mann æ hesti ok kennir þegar í stað einkannligt yfirbragð astvínar drottins vars. Þvi slærr yfir hann hræðzlu mikilli, þott bæði væri hann storr ok sterkr, sva at í stað leggr hann æ flotta
 25 miklu harðara, en hann sæi fyrir ser skipaða fylking hermanna. En er gamli faþir blezaðr Jóhannes ser þat, slærr hann [hestinn snarliga fram æ veginn¹⁰, sem hann see ungr vorðinn í annat sinn, kallandi hætt, þegar sem hann kemr [nóckut nærri¹¹ þeim er flyr, ok segir sva til hans¹²: „Heyr þu son minn, hvi flyr þu
 30 [feðr þinn? hvi rennr þu¹³ herklæddr undan mer gömlum ok vápnlausum?“ Sem hinn sæli Jóhannes hefir sva kallat nóckurum sinnum, dregr saman með þeim, þviat hestrinn var val fimr ok flíotr, en maðrinn herklæddr ok storliga feitr, sva at honum dregr

1 *Her beg. Fr. IV².* 2 segir hann *tilf. B, Fr.* 3 [þat at þer farit minna sendiferð ok segit *B, Fr.* 4 hefi *Fr.* 5 ek vil *B*; vil ek *Fr.* 6 [þessum er *B. Fr.* 7 *Overskr. B.* 8 vænn *Fr.* 9 [*saal. øvr.*; hann langt ser *A.* 10 [skíotliga hestinn með sporum, riðandi hvatliga eptir þeim sem undan flyr, svo *C.* 11 [nóckorr nærri *Fr.*; nóckut nær *B.* 12 [svo nær, at flottamadrinn ma heyra *C.* 13 [fodur þinn ok rennr *B.*

skiott um¹ rasina, hvar fyrir örindreki drottins semr ser önnur orð enn haleitari ok meiri miskunn hafandi; [hann segir sva²: „Þu aumur maðr, ottaz eigi, þviat þu hefir enn lifs ván. See herna, segir hann, ek mun giallda skynsemi fyrir þik allzvalldanda guði, ok ef hann vill, skal ek feginn³ þola dauða fyrir þik, sva sem drottinn þolþi dauða fyrir vara sauk, ok mina sal mun ek utgefa fyrir þitt lif. Þvi gor sva val, son minn sæli, at þu nem staðar⁴ ok tru mer, at drottinn sendi mik hegat“. Viðr þessi orð hin sípurstu stendr spellvirkinn ok stirir i iorð sva sem gripinn af guði ok höndlaðr brott af grimleik i goða raðagorð, kastandi þvi næst sverðinu, er hann hellt æ, langt i brott æ völlinn, þar meðr serhveriar herfóru, sva at hann stendr vapnlauss. Ok sem vinr drottins vars kemr i nalegð, stigr hann af baki fliotliga ok gengr fram at honum, þar sem hann stendr litillatliga æ vellinum. En þegar sem sterki maðr ser þat, kastar hann i sannleik ollu drambi ok metnaði langt i brott fra ser, rennandi fram i mot postolanum, framfallinn⁵ æ iorðina fyrir hans fætr meðr sut ok hæreystum grati, með nogligum lækium táranna ok fremzta litillæti [sins likama, skirandi sik i brunni augnanna enn i annan tima⁶. Ok er hann hefir um stund sva frammi⁷ legit, skopar hinn sæli Johannes sma- smugliga⁷ oll hans orð ok giorðir, siæandi at sina hægri hönd felr hann með æhyggiu mikilli ok þorir eigi at syna þviliks mannz ögliti⁸. Hvat er hinn [kiærazti herra⁹ undirstendr, at manuzins samvitzka hræðizt geysiliga þau drap ok dreyra, sem su hægri hönd hefir utsteypt margan tima. Þvi setr hann sik af nyiu sva sem til vörðzlu við almattigan guð styrkiandi þat með haleitum svardaga, at sva skal hann fylgia hans mali fyrir græðarans ögliti⁸, at hann fæi likn ok fyrirgefningh allra sinna andmarka meiri ok miæni. Eptir sva talat fellr hinn sæli Johannes niðr æ völlinn iafnfram honum takandi með affi þa hægri hönd, er nu kallar hann reina fyrir grat ok iðran táranna; þessa kyssir hann ok kallar sæla vera, er auðlaðiz yfirbot sinna misverka, ok biðr sva guðs tilkvamu með [eilifra fagnaða ömbun ok gleði¹⁰.

Capitulum.

71. Þat veitir faðir allra miskunnsemða, drottinn varr Jesus Kristus, at hinn blezaði Johannes þiggr fagran ævoxt sinnar mæðu

¹ mgl. B, Fr. ² [tilf. B, Fr. ³ tilf. øvr. ⁴ saal. øvr.; stað A. ⁵ framfallandi B, C. ⁶ [mgl. B. ⁷ mgl. B. ⁸ augliti øvr. ⁹ [blezaði Johannes B. ¹⁰ [ömbun eilifra fagnada B, Fr.

ok mikils sveita, þviat þenna mann færir hann uppreist hafandi með ser heim til byskupsstolsins allan vegh¹, þaðan sem fyrr hafði hann brott laupiz. Ok sem þann veg er komit, lætr hinn sæli Johannes ser ecki annat skyldra¹ en ganga i skript² með honum
 5 bæði með voku ok fostum ok uafatligu bænahaldi natt með degi, fyllandi sitt fyrirheit at giallda hann heilan guði. Her með leggr hann honum ymisligar hugganir ilmandi malsenda³, þvilikt sem hann brott ræki með sinum yfirsauungum [ok bræddi⁴ með sinum hondum hægt þann iokul ok linliga, sem syllt hafði þat hiarta hit
 10 auma. Ok eigi gefr hann upp fyrr, en hann gelldr þenna mann aprt i faðm heilagrar cristni sva valendrbættan ok alstyrkan, sem almattigum guði var mest til lofs ok [eilifrar pryðis. Sva veitti vin drottins ukomnum tímum eptir sinn dag hæleit dæmi sannrar iðranar ok heilaga kenning nyrrar endrgetningar.

15 Væntir sa er þessa saugu diktaði i latínu guði til lofs ok solum Johanne, at hon muni⁶ eigi at eins kynning gera sannra luta, helldr mun⁷ hon leiða lesandi menn ok heyrandi til astar við guð ok sannrar elsku þess haleita herra Johannis postola, er sva sotti eptir syndugri sal henni at hialpa ok [af því foraði i
 20 brott leiða, sem hennar var fyrir mikinn samnat⁸ storra⁹ glepa. Senniliga er syndugum manni þvilikt faðir elskandi ok opt til minnis kallandi, [þviat vist er¹⁰, at Johannes¹¹ postoli elldiz eigi brott fra miskunninni eðr kappi drengskaparins við hvern þann, er honum gerir nockut elskubragð.

25 *Capitulum.*

72. Heyrðum ver, hversu Johannes hialpaði þeim unga manni, er villtz hafði brott fra guði. Þvi skulum ver segia¹² þessu næst, með hverri atferð hann frelsaði¹³ tva menn af þeim dauða, sem þeira beið fyrir svikliga hafnan haleitra guðs boðorða, at enn birtiz
 30 i fylgiandi lutum, hversu vin drottins hefir [nógligt valld¹⁴ ok vilia goðan. Fyrr var lesit, at .ii. rikir bræðr i Effeso sneruz til guðs með sva miklum algiorleik, at þeir gafu fataekum alla sina eign ok fylgðu sælum Johanni, sem hann for i syslu sina. Vil-
 ianliga fataekir¹⁵, sem aðr var lesit, voru þeir postola guðs harðla

35 1 skyldara B, Fr. 2 skriptir B, Fr. 3 malsemda B, Fr. 4 [þidandi C. 5 [dyrdar B. 6 mun Fr. 7 muni B. 8 [brott leida af foradi B. 9 saal. B, Fr; sinna A. 10 [saal. B, Fr.; því er vist A. 11 Jon B, Fr. 12 setia B, Fr. 13 frialsar B, Fr. 14 [valld i nog B, Fr. 15 en i króptum fullrikir tilf. B, Fr.

kiærir ok heimolligir, sakir þess at hann elskaði þa iafnan mest, sem almattigum guði þjónaðu bezt. Nu berr sva til, sem hinn sæli Johannes kemr til fyrr nefndrar borgar Pergamum, þann tíma sem hann visiterar, hafandi sagða bræðr i sinu foruneyti, ero innan borgar menn fullrikir ok storliga mektugir, i veralldligri¹ dyrð sva tilkomnir, at þeir voru² felausir ok forðum þjónustusveinar þeira sömu bræðra, sem nu ero fataekir fyrir guðs ast ok fylgia Johanne postola. Ok er þeir³ ganga pruðklæddir um staðinn, koma þeir þeim i augsyn, sem fyrr [hofðu verit⁴ þeira meistaramenn. Hvar fyrir slægr diðfull setr sina ör æ streng ok skytr i hiarta¹⁰ guðs riddarum angranarkolfi beiskrar ugleði, fyrir þat er þeir sea sina þræla skinandi með veralldar bloma val klædda en sialfa sik fataeka i einu klæði upp standa. Þessi fiandans ör slær þa sva hart, at þegar er i brottu gleði hugskotzins ok bliða andlitzins, hvat er skiotliga finnr hinn haleitis faðir Johannes, talandi sva¹⁵ til þeira meðr⁶ andvarpan ok hörmungar yfirbragði: „Ek serr⁷, at yckarr hugr ok yfirbragð er umvent brott af fyrri staðfesti, fyrir þat er þit iðriz goðs verks, þit fylgðut kenningum⁸ drottins vars Jesu Kristi ok fyrirletut alla luti. See, þetta mislikar yckr nu, ok þetta⁹ er sauk til yckarrar ugleði. En þetta ma skioott apr²⁰ bætaz, ef yckr þickir þat mestu varða at hafa gull ok gimsteina¹⁰. Nu farit i skog ok berit til min byrðar yckrar af [rettum vöndum¹¹“. Ok er þeir hafa sva gort, kallar hinn sæli Johannes æ guðs nafn yfir vönduna, ok æan dvol snuaz þeir upp i gull. [Eptir þat gort¹² talar Johannes til þeira: „Berit enn¹³ til min smasteina af siofar²⁵ ströndu“. Ok er þeir hafa sva gört, kallar [vars herra vin hunangligt¹⁴ nafn drottins sins ok snyr hriufa grasteina¹⁵ upp i fagra gimsteina. Síþan talar hann sva til þeira aumu bræðra: „Farit nu¹⁶ innan .vii daga til gullsmiða ok gimsteinameistara profandi fyrir þeira vitzku ok meistarliga kunnaztu, hvart þetta gull ok³⁰ gimsteinar er ufalsat“. Eptir hans boði foru bræðr um .vii daga, ok apr komandi tala þeir sva: „Herra¹⁷, vit kringðum allar buðir nalægra gullsmiða, ok sögðu þeir allir þetta gull því helldr ufalsat, at engin þeira sagðiz æ sinum dögum sieð hafa þvilikan¹⁸ malm

1 veralldar *B*, *Fr*. 2 hofðu verit *B*, *Fr*. 3 þessir *B*, *C*. 4 saal. 35
 övr; voru *A*. 5 blezsadi *Fr*. 6 Her ender *Fr*. IV². 7 se *B*. 8
 kenning *B*. 9 þessi *B*. 10 silfr ok dyrdliga steina *B*; silfr ok fagra
 gimsteina *C*. 11 [limvöndum *C*. 12 [Síðan *B*. 13 nu *B*. 14 [hann
B. 15 griotsteina *B*, *C*. 16 segir hann tilf. *B*. 17 segia þeir tilf.
B. 18 þesskyns *B*.

fyrir sva skiaeran vera mega sem þenna; fundu vit ok þa villduztu meistara, er gimsteina kunnu vel greina, ok sögðuz þeir alldri fyrir hafa sieð þvilika.“ Eptir [þenna vitnisburð, at gull ok gimsteinar er hvartveggia gott¹, talar hinn sæli Johannes til þeira: „Farit nu leið yckra ok leysit aptr þæriarðir, er þit selldut fyrir nafn drottins mins Jesus Cristz, þviat glatat hafit² nu þa ðmbun, er þit eignaðuz aðr i himinriki. Kaupit nu klæði fôgr, [at þit³ skinit um stund sem rosa⁴, en fallit siðan i fôlnan sem su rosa, er litlu aðr synir sik hafa sætan ilm ok agiætan roða. Þit pinduz miok i farsældarför yckarra þræla, en syttut⁵ yckr fataeka vorðna, blomgiz nu i augabragði ok berit væn klæði, at þit þornit siðarr. Verit nu rikir timaliga, at þit sieð fataekir eilifliga. I mikla úvitzku ero þit volltnir, þviat skipan almattigs guðs snuit þit yckr i ufagnat. Yckr væri æ litanda, hvart [guðs hendi⁶ ere eigi tilheyr- iligt, at gora þa rika, sem hann vill, ok hefia þa sômu⁷ til meistaramanna, sem aðr voru lágir sveinar sinna herra. Þvi vill drottinn sva vera láta, at staðfesti rettlatra meg i þreyta fyrir hans nafni, þa er þeir trua sik takandi⁸ eilif auðæfi fyrir þau [stundligu auðæfi⁹, er þeir höfnuðu fyrir¹⁰ hans astriki. Fyrir þessa sauk virða styrkir menn enskis vert, hvat fagrt syniz þessa heims, utan helldr forðaz þat allt sem elldinn sialfan, þviat þat leiðir uvaran til eilifs bruna.

Sem minn blezaði meistari sagði af einum manni rikum, er dagliga skartaði mikit klæddr guðvefiarpelli, hafandi matbunað skemtiligan ok vel pipraðan með dyrazta kosti, fyrir hvers durum¹¹ uti læ einn salugr maðr Lazarus at nafni, fullr með sarum ok krankdomi, girnandiz at seðia sitt hungur með þeim smápörum, er fellu af borði rika mannz, en engi gaf honum. „Siðan gerðiz sva, at [hinn riki maðr ok hinn fataeki Lazarus onduðuz baðir a einum degi, var þa¹² hinn fataeki Lazarus¹³ fluttr i faðm Abrahe, en riki maðr drektr i loga helvitis, hvaðan af hann upplyptir sin augu siandi Lazarum i sagðri¹⁴ hvilld Abrahe. Hvar fyrir hann kallar hárri rauddu sva talandi: Heyrþu faðir Abraham! miskunna mer ok send Lazarum, at hann vokvi¹⁵ fremsta lut fingrs sins i vatni ok kiæli¹⁶ tungu mina, þviat ek brennr¹⁷ i þessum loga. Her til svarar Abraham: Ver minnigr, son¹⁸, at þu tokt bliða

1 [þetta B. 2 haf þit B. 3 [ok B, C. 4 rose B; roser C. 5 saal. B, C; sytit A. 6 [gudi B. 7 tilf. B, C. 8 taka B; faa C. 9 [stundlig B. 10 i B. 11 durum B. 12 [tilf. B. 13 var tilf. A. 14 mgl B. 15 vokki B. 16 Her beg. atter A². 17 brenn B. 18 segir hann tilf. B.

luti þi lifi þínu, ok Lazarus laga luti¹, nu huggaz hann, en þu piniz. Sva er ok mikit forat² sett ok skipat milli vár, at hvarigir mega her til annarra fara. Ríki maðr talar þa enn: Ek æ .v. bræðr³ eptir i heiminum, ok bið ek þik, faðir Abraham, at þu sendir Lazarum at vara þa við, at þeir komi eigi i slika⁴ pinu. Abraham svaraði: Bræðr þínir hafa heyrts Moysen ok aðra spamenn, variz þeir þaðan af, ok se lyðnir því sem ritningar biða. Ríki maðr svarar⁶ þa enn: Herra, þeir munu eigi trúa nema⁷ nökkurr risi af dauða. Abraham svarar: Ef þeir trúa eigi Moysi ok spæmonnum, munu þeir eigi því helldr trúa, þott nökkurr risi af dauða. Þvilika¹⁰ luti framsetta styrkti drottinn varr ok meistari með opinberum iartegnum, þvíat þann tíma sem hann sagði þetta, svöruðu honum nökkurir: Hverr kom hígat or öðrum heimi, at ver seem skyldugir at trúa því, sem þu segir? En varr herra svaraði sva til: Berit hingat dauða menn! Ok er þat var gert, let hann⁸ vitni bera sinum¹⁵ orðum i⁹ fullan sannleik.

En til hvers segir ek þessa luti af minum herra, þar sem her standa hia þeir, sem ek reista af dauða i hans nafni. Þer sæð upp æ, at ek gerði þetta, her með sæð þer, at ek græddi¹⁰ kararmenn ok reinsaði¹¹ líkþræ. Ek gaf syn blindum ok frialsaði²⁰ diðfuloða. Þessi auðæfi kraptanna ma engi sa hafa, er gírniz stundligan rikdom heims þessa. Her með gengut þit sialfir inn til siukra manna ok græddut þa meðr ækalli hins blezaða nafns drottins vars Jesu Kristz, þit rakut brott diðfla oc lystut blinda. Nu er su miskunn öll fra yckr horfin, ok sem þit vorut miklir ok²⁵ sterkir, sva ero þit nu veykir ok veslugir. Yckr hrædduz diðflar sva miok um stund, at þeir flyðu fyrir yckr brott fra sinu herfangi, en nu er sva komit, at þit hræðiz diðflana. Elskari veralldligrá penninga er þræll auðefanna, ranglat elska ok ægirndarfull til penninga er af sialfum diðflinum, þvíat hann er höfðingi fyrir holld-³⁰ ligum afla ok drotnar þeim ollum, er heiminn elska. Sealfir heimsins elskarar mega auðæfin engi freals eiga, helldr eignaz auðæfin þa sva sem þræla. Sa er hattr hins ríka mannz at samna saman [mat ok dryck, at þörf vinni¹² þushundrat¹³ manna; hann hefir einn kvið, en ann ongum at niota; hann hefir ok einn líkama,³⁵ en hrokaðar¹⁴ storar kistur með ymissum klæðum bæði skornum ok oskornum, sva at þörf vinnr þushundrat manna; eigi veit hann,

¹ [tilf. B, C. ² forat B. ³ segir hann tilf. B. ⁴ þessa B. ⁵ mgl. øvr.

⁶ segir B. ⁷ utan B. ⁸ þa tilf. B. ⁹ ok B. ¹⁰ grædda A². ¹¹ reinsaða

A², B. ¹² [sva mikinn mat ok dryck at þörf vinnr B. ¹³ þusund C. ⁴⁰

¹⁴ saal. B; hroka skal A, A², C.

hver [su er ein gangveria, at hann megí niota, ok eigi er honum kunnigt, hverium til handa hann varðveitir¹. Heðan af segir hinn heilagi andi fyrir spæmanninn: Hegomliga ruglaz [þeir er rikdominn lesa ok vita eigi hverium þeir spara². Nöktir komum ver
 5 æ þessa iorð af moður kviði þurfandi klæðnaðar, átz ok dryckiar, nöktir munum ver ok aptr snaraz í iorðina, sem ver gengum þaðan. Ok sva sem þetta er sameiginligt ollu mannkyni, sva veitiz ok [ollum rikdomi³ heimsins⁴ meðr sama hætti⁵ birti solarinnar einn veg rikum ok fataækum, einn veg lios tunglsins ok
 10 annarra himintungla, einn veg loptzins skiærleiki ok regn yfir iorðina niðrfallandi⁶; her meðr er [hurð heilagrar kirkíu ok helgan skirnarbrunnzins sameigit ok fyrirgefning synda allra⁷. Í þessum lutum gripr engin persona meira lut en guð vill skipa, einn veg fataêkr sem fullrikr; því er, sem ek hefvir sagt, at sa er vesall⁸ miok,
 15 sem framarr ægirniz en hann þarf, með því at optliga ma hann þess eigi niota, sem hana væri nauðsyniaðr til at hafa, sakir þess at eigi fæðaz siðr riður ok krankdomar í þess mannz kviði, er fullrikr heitir, hvarki hlífir honum líkþræ ne blindleiki, ok allz-kyns sottir höndla hann sva sem fataêkan. Röpta⁹ þa fehirðzlur
 20 af háfum hroka, en hann sealfan hungrar ok ma hvarki bita ne supa [þann tíma¹⁰. Ok því siðr gera þa auðæfin honum gagn, at þat er honum mestr sottarauki, er til þeira veit, sakir þess at hann uggir vangeymslu æ godzinu, ok hvatvetna¹¹ muni skutlaz ok stolit í brott, en hann lasmærr¹² ok ma engis geyma¹³. Ok einn-
 25 hvern¹⁴ tíma [af þessum¹⁵, sem her greinaz, deya þeir skiotliga með váveifligum dauða: þa er þeir geyma sitt hus sem sterkligaz fyrir þiofum ok ransmonnum, at eigi skuli nöckut granda godzinu; vellta þeir sialfir ut af, er minnz varir sva [í ymisligum athöfnum ok febrögðum, fága nu keyptar iarþir ok eria¹⁶ með sva

30 1 [saal. A, A²; þau ero, sem hann skal niota mega, eða hverium hann varðveitir til handa B; þess skal niota eptir hans dag, og eigi er honum kunnigt, hverium til handa hann varðveitir sin auðæfi C. 2 [hverr madr, er rikdominn less, ok veit eigi hverium hann sparir B. 3 saal. A, A², B. 4 himinsins B. 5 [mgl. C. 6 niðrfallanda B, C. 7 saal. A, A²;
 35 helgan skirnarbrunnzins ollum sameiginlig í fyrirgefning allra synda C; sameigin burd heilagrar kirkíu ok helgan skirnarbrunnzins, fyrirgefning synda ok offr heilags alltaris, einkannlig fæda drottins líkama ok sætr dryckr hans blezada dreyra, miskunn græðarans, vitian drottins ok fyrirgefning synda B. 8 vesæll B. 9 Standa B. 10 [mgl. B, C. 11 hvetvetna A²; hvetvitna B. 12 lasmeyrr B; lasinn C. 13 gæta B. 14 saal. B; í
 40 hvern A, A². 15 [tíðf. B. 16 [þeir standa í ym. ath. ok febrögðum B.

miklu megni, at allt skal æ gangi vera með harki ok hlaupum, ópi ok unaðum, æ natt ok æ degli; þa er þeir reikna landzkylldir¹ með klokskap² ok udygð, leðr reisa breiðar buðir ok sterkar sinum fíám til varðveitzlu; þa er þeir reka kaupferðir, eða mykia völdin með fegiðfum, at fyrir þa smurning skuli þeir fa len nóckut, at þvi helldr megí þeir³ kuga þann hinn fataeka; [þa er þeir fullgera sina reidi æ hverium er þeir mega, en þola með öngu móti, ef nóckut gengr auðruvis en þeir vilia; þa er þeir⁴ samþyckia bliding holldzins ok saurga aðra, enda ero sialfir saurgaþir [leikandi þar með ymisligt truff ok hegoma; hniga þeir skiott nòktir af¹⁰ þessarri vesöld niðr i⁵ dauða, berandi með ser marga luti ok stora, ok ecki utan syndirnar, með hverium þeir taka maklig giolld eilifra kvala^{6a}.

Reistr Stacteus af dauða.

73. Þessi predicatio, sem nu hefir lesin verit um stund, ¹⁵ berr skiært vitni sælum Johanni, hversu fasthalldr hann hefir verit i astinni, ok hversu seint hann let rakna hendr af guðs offri. Hvar fyrir almattig hönd honum er samvinnandi, at hann megí fylla sinn vilia i huggan salnanna. Þvi skipar hinn hæsti guð, at iartegnir skulu til ganga þeim at hallda ok vel styra til goðra ²⁰ luta, sem sva ero harþir, at eigi verða með orðum linaðir, utan helldr bæði með stormerkium ok annars heims ognu. Rett i [þann tima sem predicatio Johannis stendr með þessum orðum, er siðarst voru skrifut i næsta capitulo⁷, gðriz líkfylgia i borginni Pergamo þann sama veg, sem hinn blezaði Johannes sitr nærri ²⁵ ok talar sin órendi. Þessi sem dauðr var borinn var einn eckiu son, Stacteus at nafni, þar innan borgar, maðr ungr at alldri. Hann hafði kvænz fyrir litlum tima, sva at eigi voru meirr liðnir þaðan i fra en .xxx.⁸ daga. Lifði moþir hans eptir ok su nyia husfru. Var [þar gratr mikill, kall ok veinan, þvi at moþir sytti ³⁰ eingetinn son sinn, en husfru nyian bonda. Her með hafa þeir mikla líkfylgiu, er oll skal grata⁹ þeim til hugganar ok biðia þeirar bænar, sem hinn sæli Johannes verðr varr við skiott, [hver er, þat er at ¹⁰ allir i senn skiota niðr likaminum en fleygia ser fram

¹ skylldir *A*²; konungs skylldir *B* ² prett *C*. ³ [aflandi valldanna ³⁵ at *B*. ⁴ [fullgerandi sina reidi a odrum en þolandi eingum. *B*. ⁵ [hnigandi sva bunir i skiotan *B*. ⁶ pislá *B*. ⁷ [þenna tima *B*. ⁸ þirtigir *B*. ⁹ [þvi gratr mikill, kall ok veinan af þeim badum. Her með hafa þær mikla líkfylgd gratandi *B*. ¹⁰ [þviat þessir *B*.

æ iorðina fyrir fætr postolanum biðandi meðr sarligum styn ok
 tregafullum tárum, at i nafni drottins sins reisi hann þenna unga
 mann til lifs sem forðum Drusianam [sina husfru¹. Sva mikill
 ok akafr var hörmungarþytr þessa folks, at hinn helgi Jo-
 5 hannes komz við miok [ok matti sik eigi fyrir tárum tempr¹
 framfallandi til bænar með grati. Ok [eptir langa stund riss
 hann upp af bæn ok stendr æ kniám rettandi baðar hendr til
 himins meðr hlioðri bæn, sva at engin heyrði nema guð einn.
 Ok¹ er hann hefir sva þrysvar gort² langa stund i hvert sinn, byðr
 10 hann afsveipa likit ok talar sva: „Heyr, ungi maðr Stactee, er
 fyrir ungar astir holldligrar girndar glataðir þitt lif! Heyr, ungi
 maðr, er eigi kendir skapara þinn ok [eigi vissir¹ græðara mann-
 kynsins ok sannan vin! Þvi fell þitt lif með skiotu kalli, at fyrir
 þina uvitzku kom þer i moti grimmr uvin. Bæði tár ok bænir
 15 hefir ek fram steyppt minum drotni, til þess at þu leysiz af þinu
 bandi ok risir af dauða, vattandi .ii. bræðrum Attico ok Eugenio,
 [hveriu þeir hafa tynt i eilifri dyrð³ ok i hveria pinu þeir hafa
 runnit.“ Þegar sem postoli drottins hefir sva talat, riss ungi
 maðr skyndiliga æ fætr brott af börunum gangandi fyrir sælan
 20 Johannem, ok hneigir honom með knefalli talandi hatt ok skyrt,
 þat sem honum var boðit, vendandi ræðu sinni til .ii. bræðra sva
 segiandi, sem her ma heyra: „Þat skulu þit vita, at ek sa varð-
 halldzengla yckra miok gratandi, en fiandans engla sa ek fagnandi
 af yckarri glatan. Ek sæ þat riki, er yckr var fyrirbuit, hallir
 25 [reistar ok fagrliga samðar⁴ með skinandum gimsteinum, fullar
 meðr fagnaði ok hverskyns gleði, [fullar meðr skemtanum ok
 eilifu liosi, fullar með liosi uendiligs fagnaþar ok ollum glað-
 ningum⁵, hvat er þit tyndut ok brott köstuðut, aflandi yckr myrka
 staði fulla [með drekum ok dýnianda loga, fulla með kvöl-
 30 um ok uvirðanligum pinslum, fulla með skemð ok harmi, fulla
 með þröng'ngum ok ótta hræðiligum⁶. Þilikir kaupmenn ero þit,
 höfnuðut blom i borgum yckrum, er [alldri mega⁷ þorna, þar með
 organa saung sætt hlicðanda, en tokut i moti þa dyflizu, er alldri
 hlemmir æ hlioði, utan [grætr ok sytir⁸ nátt með degi. Nu er
 35 yckr engin annarr utvegr en biðia postola guðs með ollu miuk-
 læti, at sva sem hann reisti mik til lifs af likams dauða, sva reisi
 hann yckr af andar dauða, þviat æn ifasemð skulu þit vita, at

¹ [mgl. B. ² með hliodri bæn tilf. B. ³ [hveria dyrð þeir hafa tynt B

⁴ [fagrliga reistar B. ⁵ [mgl. B. ⁶ [kvolum ok dýnianda loga, með

40 allzkyns pislum ok hræðiligum harmi ok ótta B. ⁷ [eigi megu B. ⁸

[saal. øvr.; gratr ok sytr A.

yckur nōfn ero nu af skafin lifsbok, ok þar koma þau eigi síðan, utan þit snuit til iðranar ok farit fram raðum Johannis postola i ollum lu'um, at hann kalli yckr aptr til guðs miskunnar.

Capitulum.

74. Ok er Stacteus hefir sva talat, kemr ótti mikill yfir fyrr 5 nefnda bræðr, sva at þeir falla til fota sælum Johanni með ollu litillæti, ok með þeim sa ungi maðr, er af dauða var reistr, ok allr sa lyðr er þar var samankominn, miukliga¹ biðandi, at hann miskunni þeira mali ok biði fyrir þeim til guðs. En hinn sæli faðir Johannes gefr þeim [andsvaur ollum saman, at þeir² skulu 10 gora iðran um .xxx. dagha synandi guði enn i annan tima sitt hiarta brottsnuit af heimligum metnaði ok fiarægirni, biðandi staðfastliga, at greindir gullteinar sneriz aptr i rettliga³ natturu, ok gimsteinar i þann stett, sem fyrr helldu þeir. Þessu boði lyða baðir bræðr, gerandi iðran um .xxx. daga, ok stendr enn rikdomr gullz 15 ok gimsteina með heilu, sva at eigi umvendiz fyrir þeira bæn i tre eðr stein. Koma þeir sva fyrir postola drottins, at þeim þickir mein at auðæfum, framfallnir með litillæti, ok segia sva: „Þu, hinn agiæti guðs vin, predicaðir iafnan likn ok lærðir miskunn, bioðandi at maðr skyllði manni fyrirlata við sik misgort; ok ef 20 guð vill þat, at maðr se manni miskunnsamr, mun hann miklu framarr likna ok þyrma manninum, meðr því at hann er sialfr⁴ guð. Iðrandi erum miðs at ockarri synd, ok þat, er við misgerðum með girndaraugum til heimsins, gratum við nu með társtocknum augum til himinsins. Nu biðium við yðr, hinn virðuligi herra ok hinn 25 agiæti postoli lifanda guðs, at sva sem þer predicaðut miskunn með orðum, sva synit þer hana nu með⁶ verkum takandi ockr aptr i sætt ok þionostu við guð ok yðr.“ Þessum bænarorðum svarar hinn sæli Johannes með fagnaðarsælu viðbragði ok bliðu andliti, talandi til þeira allra, er nærri⁷ standa, biðandi fyrir þeim er 30 frammi liggia; hann segir sva: „Drottinn várr Jesus Kristus talaði⁸ þessum orðum, [þa er grein gerðiz af syndugum monnum⁹: Eigi vil ek dauða syndugs mannz¹⁰, helldr vil ek framarr, at hann¹¹ lifi. Ok enn i annan tima, sem minn blezaði meistari lærði oss

1 miuklatliga B 2 [svör, at bræðr þessir B. 3 treliga B; sina C. 35
4 sannr B. 5 saal. A, A²; vid B. 6 i A², B. 7 hia B. 8
saal. C; talaðir A, A², B. 9 [mgl. B. 10 sagði hann tilf. B. 11
snuiz ok tilf. B.

af iðrandi¹ monnum, sagði hann sva: Ek segi yðr satt, at himin-
 rikis englum er [mikill fagnaðr yfir einum syndugum manni, er
 brott snaraz fra sinum syndum, ok yfir honum er þeim meiri
 gleði² en yfir .ix. monnum ok .ix. tigum, er eigi misgorðu. Fyrir
 5 þij vil ek nu kunnigt gera, synir minir, at drottinn tok iðran þess-
 arra bræðra.“ Eptir sva talat, snyr hann til Atticum ok Eugen-
 ium ok mælir sva: „Farit nu ok berit aptr i skog þa vöndu, sem
 þit þaðan bárut, ok i sama stað, þviat þeir ero nu aptr snunir i
 sina natturu; sva skulo þit ok bera þa steina til siofar, þviat
 10 þat er nu berg sem fyrr.“ En er opt nefndir bræðr, höfðu þessa
 luti fyllt eptir boði hins blezaða Johannis, þagu þeir aptr fylliliga
 þa miskunn, sem þeir höfðu aðr glatat, gorandi hverkyns iartegnir
 i valldi ok vilia sins³ drottins, er haleitliga sæmir sina vini bæði
 þessa heims ok i öþru lífi.

Capitulum.

75. Fyrir þvilikan ævöxt ok margan annan sigraði Johannes
 margan svira miukan gerandi til litillætis ok þionostu sins græð-
 ara, naliga laðandi til eilifrar samkundu alla provinciam Asie, er
 undir lytr erchistolinn i Effeso, utan þar reis æ harðaz við, sem
 10 metnaðrinn var mestr fyrir⁴. valldit hæst ok rikdomrinn sterkaztr,
 i höfutborg rikissins sialfri Effeso. Þviat sva sem hun var hæri
 raddar en aðrir staðir i landinu, sva bar hun af um allan metnat,
 þann ers heiðnum domi til heyrir. Allra mest⁶ var þar dyrkaðr
 sa fiandi, er þeir kolluðu Dyanam⁷, atti su gyðia storliga mikit
 25 hof innan borgar, hagliga gort með storum kosti, sem trautt ma³
 telia. Þvi var folkit hart ok uvikianligt [i marga staði⁹, at þeir
 höfðu mikinn trunat¹⁰ eptir sinu forellri æ sva fornum fiandans
 dáraskap. En þo veitir þat almattigr guð æ þessum timum, at
 hinn sæli faþir Johannes dregr marga brott af hirðsveitum Dyane,
 30 ok leiðir til goðs erfðis i vingarð himnakonungs, þar til at
 sialft blotskaparmegnit þolir eigi ok reisir mikit framleypi ok
 samblastr ufriðar moti honum, sva at þeir hafa¹¹ hann fanginn ok
 gangar¹² fram til musteris Dyane þrongvandi undir afarkosti¹³, at
 hann fornfæri skurðgoðinu, mykiandi þat¹⁴ fra mikilli reiði, er
 35 lengi samnaðiz fyrir motgerðir margar ok storar, er þeir segia

1 iðrandum B. 2 [meiri fagnadr ok gleði yfir einum manni, er iðran
 gerir ok brott snaraz fra sinum syndum B. 3 mgl. A², vars B. 4
 mgl. B. 5 blotum ok tilf. B. 6 fremst B. 7 Dianam B. 8
 er at A². 9 [mgl. B. 10 aatronað A², B. 11 gera B. 12 draga B.
 40 13 afarkostum B. 14 saal. B; hann A, A².

postolann i hafa fengiz allan tíma, síðan [af fyrsta er¹ hann kom i Asia. En þó at þeir flyti fast ok halldi fram luta gyðiuunnar, vill Johannes eigi fornfæra, utan talar til þeira allra saman með bliðri raudd ok staðfastri sva segiandi: „Ek byðr yðr þann kost, sagði hann, at þer komit allir saman með mer til kirkju⁵ drottins mins Jesu Kristi, ok kallit þar æ nafn Dyane fru yðvarrar, sva at kirkian falli² af sinum grundvelli, ok ef þer gerit sva, þa man³ ek yðr samþyckia. En ef þer órvæntit nu þegar, at þer megit þetta gera, þa man ek til profa at biðia drottin minn Jesum Kristum, at þetta hit skrautliga hof hrapi niðr [i iarðar dupt⁴ 10 með ollum sinum farmi. Ok ef yður goð steypaz⁵ af stóllunum fyrir nafni mins herra, man yðr rett synaz at fyrirlata þenna⁶ ætrunat en dyrka minn drottin, er sigrar ok niðr brytr allt þat fals er þer treystit.“ Viðr þessi kostaboð Johannis þagnar lyðrinn, ok þar kemr, at [nóckurir mællto i moti, en⁷ allr meginlyðrinn¹⁵ samþykkir þessu uppkasti. Skal Johannes fyrst profa, hversu honum takiz⁷ til, en siðan blotmenn, ef honum dugir eigi. Hinn blezaði Johannes gorir sik þa harðla⁸ bliðan biðandi folkit [miukum orðum⁹, at þat gangi ut¹⁰ af musterinu. Ok sem hann hefir þat fengit þó at tregliga, talar hann [með biartri rauddu, sva¹¹ 20 at allir mattu heyra: „Heyr þu drottinn Jesu Kriste, biðr ek þik, at musteri þetta falli¹² niðr með ollum sinum farmi, stóllum ok skurðgoðum, sva at þat gori óngum manni mein, til þess. drottinn minn, at allr þessi lyðr viti sannliga, at Dyana er diófull en eigi guð.“ Þegar i stað sem postolinn hafði [þetta mællt¹³, brestr²⁵ mustirit [ok niðr brytz¹⁴ með ollum sinum blotskap, fiukandi æ iorðina sem litill dupti, sva at hvergi sa stað þess er verit hafði. Fyrir þenna sigr Johannis snóruz æ sama degi .xii. þúsundir heiðingia til retrrar truar at fratoldum konum ok börnum, voru skiotliga skirðir ok algörliga guði æ hendi folgnir. Ma af þiliku³⁰ marka þat, er ver hófum sagt, hverr styrkr eðr mugr mannz var i Effeso, at þessar .xii. þúsundir heiðingia voru eigi sialft haufuð illzkunnar¹⁵ innan borgar, þviat enn stendr Aristodimus byskup eptir meðr ollu þvi valldi¹⁶ ok veralldar styrk, er hann helldr bæði af [ser gefnum lyð ok iarlinum¹⁷. Hvat er þessu næst byriar³⁵ greina til uendaligs¹⁸ sigrs sælum Johanni postola.

1 [mgl. B. 2 niðr tilf. B. 3 skal A², B. 4 [tilf. óvr. 5 steypaz A², B. 6 yðvarn B. 7 saal. óvr.; tekz A. 8 einkannliga B. 9 [tilf. óvr. 10 brott óvr. 11 [sva hatt B. 12 hrapi B. 13 [sva talat B. 14 [niðr B. 15 þar tilf. B. 16 saal. A², B; raði A. 17 iarlinum ok ser gefnum lyð B 40 18 saal. rettet fra vandaligs i A²; vandaligs A; mgl. B.

Capitulum.

76. Aristodimus byskup sem hann fregn þat mikla skarð, er Johannes hefir nu skemmztu höggit i lið guðanna, reiðizt hann geysiliga ok samnar mikinn her sem til bardaga, þviat nu er þar komit, at Johanni þessum vill hann eigi¹ lengr þola þann skaða, er hann vinnr æ hirðmonnum guðanna. Þij fylliz byskupinn með hinum versta anda vekandi stóra styriolld innan borgar, sva at lyðrinn byz til atgöngu við sælan Johannem. En kappi guðs lætr ser eigi mikit um finnaz, [hvat er lyðrinn bresta lætr eðr hvar hann² brakar sinum vapnum, þviat æ er hann með sama hætti uskelför i hiarta ok yfirbragði, sem enn profaz; þviat rett i þann punct sem Aristodimus byskup er reiðaztr framleypandi ufriðinn með eggian ok opi, renn³ hinn blezaði Johannes fram⁴ i moti honum vapnlauss i hendr sinna uvina, ok talar sva: „Seg mer, Aristodime, hvat ek skal þess gört fæ, er þer batni i skapi, þviat ek sierr⁶ at þu ert nu allreiðr.“ Aristodimus svarar með ulikri hófsemi, þviat hann var⁷ ruglaðr ok or lagi færðr: „Ef þu vill⁸, at ek trua guði þinum, þa dreck eitr, er ek mun fæ þer. Ok ef þu ert sva diarfr, at þu dreckir þat, en deyir eigi, birtiz fyrir vist, at þu hefir sannan guð.“ Postoli drottins svarar [sva til⁹: „Eigi mun mik saka, þo at þu gefir mer eitr at drecka, fyrir þa grein at ækall drottins mins Jesu Kristi er almattigt at deyða eitrit.“ Byskup svarar: „Fyrri syniz mer þat rað, at þu seair, hversu þeim bregðr við, er drecka eitrið ok deyia þegar i stað, at hiarta þitt meggi sia fávitzkueg ok ottaz þann dauðadrykk.“ Blezaðr Johannes svarar: „Hopa þu eigi helldr en ek; ver buinn at trua æ drottin minn Jesum Kristum ok at þeona honum drengiliga, ef þu serr mik heilan eptir eitdryckinn.“ En þo at Johannes se sva hugsterkr, sem nu var greint, vill Aristodimus profa, at hann vikni með þeiri atferð, sem [nu var uppkastat¹⁰, farandi til iarlsins vinar sins, biðandi ut af hans garði .ij. menn, [þa sem¹¹ aðr voru til dauða dæmðir fyrir sina glæpi. Þessa .ij. lætr byskup leiða þagat, sem Johannes er fyrir, ok mikill mugar mannz alla vega ut i fra. Er þeim skiotliga gefit eitr at drecka, þat er slóckvir

1 med ongu moti A², B. 2 [hversu lydrinn B. 3 rennr B. 4
a veginn tilf. B. 5 at B. 6 ser A²; se B. 7 allr tilf. B. 8
segir hann tilf. B. 9 [mgl. B. 10 [hann adr uppkastadi B. 11
[er B.

þeira lif [ok leiddir¹ i dauða² með sva skiotum atburð, sem þeir væri höggðir niðr. Ok sem þeir liggja dauðir æ vellinum, rennir Aristodimus æ bikarinn, er þeir hafa³ af druckit, frammi standandi með eitrit fyrir sælum Johanne sva segiandi: „Heyr mik⁴ Johannes! Nu ero .ii. kostir, gðr annathvart, legg af kenning þeiri er þu⁵ hefir lengi með farit til meingerðar ok motdrattar við guðin, eðr tak i stað með⁵ keru þessu, er ek ber þer, ok dreck af, at þu synir guð þinn almattigan vera i því, ef⁶ þu lifir eptir þenna dryck“. Sem byskupinn⁷ hefir sva talat, rettir Johannes baðar hendr moti kerinu sva bliðliga, sem honum væri borinn⁸ hinn bezti dryckr,¹⁰ gerandi krossmark yfir eitrinu seandi upp til himinsins, [lyptandi þvilika bæn til guðs, sem her fylgir⁹: „Heyr þu, herra minn, almattigr guð faðir drottins mins Jesu Kristi, hvers orði styrktir ero himnarnir ok allir lutir undirgefðir! Þer þionar aull skepna, ok hvert valld lægiz fyrir þer ok lytr miukliga með miclum otta,¹⁵ þitt nafn er sva mikit, at [i stað¹⁰ sem ver þinir þionostomenn þat ækallum, hviliz höggormrinn, flyr drekinn, en naðran þegir, froskrinn stirðnar, en haldrekinn sofðar, sigraz regulus, konungr allra eitrvikvenda, spalangius ma ðngum mein gera, ne nockur onnur [skriðkviqvendi, þau sem um iorðina skriða¹¹ full með²⁰ eitri, grimm ok graðug i sinu eðli, en heil ok hogvær i þinu nafni, [sem allar aðrar meinsamligar rætr mannligrar heilsu snuaz i bliða giætzku með þinu boði¹², bið ek þik, drottinn minn, at þu drepir allt olyfian þessa eitrs, slöckvandi þat dauðadrep sem þessi dryckr hefir með¹³ ser. Tak brott, drottinn minn, með þinum almætti²⁵ allt meinsamligt afl lagar þessa, ok gef ollum þeim er þu skapaðir sva skygn augu [i þinu augliti¹⁴, at þeir seai, ok eyru, at þeir heyri, ok hiarta, at þeir skili, hversu þu ert outhæðiligr i þinum almætti“. Sem hinn sælazti Johannes hefir sva beðiz fyrir, hlífir hann sinn¹⁵ munn ok allan likam með marki heilags kross, setr³⁰ siðan kerit á munn ser ok dreckr af i einu, ok eptir þat talar hann sva: „Biðr ek¹⁶ enn, drottinn minn, þeinar bænar, at fyrir hverra skyllð ek drack þetta eitr, snuiz til þin ok þeinar heilsu, er með þer er. Veit þu þeim lios þinnar miskunnar, ok lat þverra blindleiks þoku fyrir¹⁷ augum þeira“. Sva stendr hinn sæli³⁵

1 leidir *A*², *C*. 2 [*agl. B.* 3 hófdu *övr.* 4 tilf. *A*², *B.* 5 við *C.* 6 at *B.* 7 Aristodemus *B.* 8 byrladr *övr.* 9 [sva segiandi *B.* 10 [þegar *B.* 11 [skridandi kykvendi *B.* 12 [þvi *B.* 13 i *A*², *B.* 14 [*agl. B.* 15 *saal. övr.*; sinum *A.* 16 þik tilf. *B.* 17 fra *A*², *B.*

Johannes með bliðu andliti ok þeckri æseonu um .iii. stundir dags, siðan hann drack,¹ at Aristodimus byskup ok allr lyðrinn horfir upp æ hann, at þat vel fylliz i þeim² agiæta postola, sem lausnari varr Jesus Kristus fyrirhet ollum sinum .xii. órindrekum ok þeim
 5 er snuaz³ til retrar tru⁴ með þeira kenningum. Hann sagði sva: „Þeir sem æ mik trua, munu hafa þvilik mörk æ ser: diófla munu þeir æ brott reka i minu nafni talandi⁵ nyium tungum ok þreifa um hauggorma, ok þo at þeir drecki nœkut dauðligt, mun þeim eigi meina“. Hvat er ver seam val fyllt eptir guðs fyrirheiti,
 10 sem nu var skómmu lesit [af sælum Johanni postola⁶.

Capitulum.

77. Eptir utvolltnar⁷ .iii. stundir dags, sem Johannes stendr enn glaðr ok kátr ok skelfr eigi ne bliknar, kallar lyðrinn hátt⁸ með einni raust sva segiandi: „Sa er einn sannr guð, sem⁹ Johannes
 15 dyrkar“. En þo at margir tali þetta [orð sva hátt ok hveltt, at Aristodimus byskup ma vel heyra, vill hann¹⁰ eigi því helldr sva segia, því at enn truir hann eigi guði, helldr [ryfr hann sin orð ok leitar¹¹ nyfundinna utvega talandi sva til Johannem postola: „Efasemð er enn eptir með mer. En ef þu reisir¹² upp til lifs
 20 [i nafni drottins þins¹³ þessa .ij. menn, er [her liggia¹⁴ æ velli-num, mundi hugskot mitt vera¹⁵ fyrir utan grand“. En er lyðrinn heyrir orð Aristodimi enn til nœkurra þvinga¹⁶ við postolann, bôlvar honum hver tunga, sva geriz gnyr mikill ok vapnabrak, þviat þeir vilia fullkomi¹⁷ drepa byskupinn, ef eigi leggr hann
 25 af. [Sva tala þeir millum annarra luta¹⁸: „Ef þu dirfiz¹⁹ at unaða guðs postola heðan af i nœkurum malkrokum, skulu ver brenna þik kvikan æ bæli ok allt þitt hyski [ok herbergi, er þer heyrir²⁰“. Ok er hinn sæli Johannes skilr, at [allt er buit²¹ til ærasar ok ufriðar, sva at sverð ero skekin i allar ættir hia Aristodimo, kveðr
 30 hann ser hliðs ok fær þegar, þviat nu vilia honum giarna allir lyða utan einn höfðingi guðanna. Hann segir sva: „Lof ok dyrð [se þer²² oðauðligum guði, at þer erut til hans snunir vikiandi yðrum

1 sva tilf. B. 2 þessum B. 3 snóríz A²; sneríz B; snerust C. 4 truar B. 5 tala B. 6 [mgl. B. 7 lidnar B. 8 sem tilf. B. 9 er B. 10 [vill Aristodemus byskup B. 11 [saal. øvr.; leitar hann A. 12 reistir B. 13 [tilf. øvr. 14 [daudir liggia her B, C. 15 breint verda B. 16 [saal. ogsaa A²; nockurrar þynganar B; nockurrar þvinganar C. 17 mgl. B. 18 [ok tala sva B. 19 segia þeir tilf. B. 20 [medr herbergi er þer til heyrir A²; med þinu herbergi B. 21 [buit er B. 22 [med eilifri prydi se þar firir B.

hiörtum [eptir hans boðorðum¹, er yðr munu i þenna tíma ukunnig vera. En sakir þess at her goriz efni til, vil ek fyrst kenna yðr um alla luti, at þer sieð² þolinmoðir líkiandi þat eptir³ guði, þviat engan tíma megit þer sigra harðleik otrura⁴ manna, nema þer gerit sva; þvi skulum mer⁵ eigi hart fara, þoat Aristodimus standi 5 enn i fyrra storleika⁶, helldr skulu ver leysa þa bundna⁷ knuta, er hann hafa bundit [langa tíma ok vafit i villu bolvaðra⁸ skurðgoða, eigi skulu ver upp gefaz, þott oss kosti mikit, þar til er hann kennir [guðs nafn⁹. Ok fyrir mik segir ek yðr, synir minir, at æ þessu verki skal ek eigi mæðaz, sva at um læknisdoma¹⁰ 10 skal ek giarna skipta viðr hans sár, þar til er þau gróa. Ok sva sem lækni rinn floar frosinn lim millum sinna handa, sva skal ek gera við þenna mann, synandi honum nyia list, ef hin forna¹¹ dygði eigi“. Sem hinn sæli Johannes hefir sva talat, stendr hann upp ok kallar Aristodimum til sín. En eptir þat leysir hann 15 möttulinn i fangi ser, ok setr brott af ser yfirhöfnina fandi hana Aristodimo þegiandi. Ok er hann hefir með tekit, biðr hann litla stund, ef postolinn vill bioða, hvert hann skal möttulinn¹² bera. En síðan þat fæz eigi, talar hann sva: „Fyrir hveria sauk¹³ fecktu mer klæði þetta?“ Blezaðr Johannes svarar: „Til þess feck 20 ek þer, at þu verðir sigraðr ok flyir brott fra þinni otru“. Aristodimus svarar: „Ok æ¹⁴ hvern hatt ma þat vinnaz fyrir þitt klæði, at ek brott hverfi fra minni otru?“ Agiætr guðs vin svarar: „Far þu¹⁵ ok set¹⁶ möttulinn yfir þeira manna líkami, er dauða fengu af eitrinu, ok tala sva: Postoli drottins vars Jesu Kristi 25 sendi mik til yckar þess órendis, at i nafni þess guðs, er hann dyrkar, risit þit upp¹⁷, til þess at allir viti, at sinum herra Jesu Kristo þeonar bæði líf ok dauði“. Gorir Aristodimus þetta órendi, sem honum var fyrir sagt, af postolans hendi, gengr til ok breiðir klæðit[, talar til dauðra¹⁸, sem fyrr matti heyra. Hvar¹⁹ fylgir 30 mikil framkvæmð guðligrs valldz ok vilia, þviat²⁰ æn dvol risu þeir baþir til lífs fra²¹ dauða. Ok er Aristodimus serr þat, er hann fullkomliga unninn fyrir lækningarlyf²² Johannis, sva at nu fellr hann æ kne fyrir fætr²³ postolanum með fögrum orðum. En skundar

1 [til hans bodorda B. 2 seed A². 3 sialfum tilf. B. 4 otruada B. 35
5 saal. ogs. A²; ver B. 6 stirdleika B; storleika og metnadi C. 7 ridnu
A², B. 8 [i bolvadri villu B. 9 [sinn skapara B. 10 lækidoma B. 11
fyrri B. 12 mgl. B. 13 segir hann tilf. B. 14 saal. A², B; fyrir A. 15 segir
hann tilf. B. 16 legg B. 17 i stad tilf. B. 18 [a þa talandi þau ord B.
19 sva tilf. B. 20 at B. 21 af B. 22 lækuislyf B. 23 mgl. A², B. 40

siðan i brott sem mest af þeim fundi fram æ¹ garð iarlsins vinar
sins, kallandi meðr harri röddu þegar[i fyrsta sinn, er iarlinn
ma heyra:² „Ek veit, at þu mant, hversu ek hefir optsinnis
uppvakit þina reiði i moti Johanni, er her hefir predikat i borg-
5 inni, ok eigi siðr hefir ek gört honum marga udygd ok illa luti,
hvar fyrir ek ma ottaz, at hans reiði falli yfir mik, þviat hann
er guð en leyniz undir mannz æseonu, sem þu mátt a því marka,
at ek gaf honum eitr at drecka, ok er hann siðan eigi at eins
sealfr heill ok usakaðr, helldr lifa þeir ok iafnvel nu, sem aðr
10 voru dauðir af eitrinu, sva at minar hendr starfaðu at þeim,
aðr þeir risi³ upp, þviat ek lagði yfir þa möttul postolans, sem
hann bauð mer. Se, nu lifa þeir glaðir ok katir hafandi engin
dauðamörk æ ser. Hvat er slikt utan guðs verk.“ Jarlinn
svarar: „Hvat villtu nu⁴, at mið⁵ gerim?“ Aristodimus svarar:
15 „Skiot er raðagerð, við skulum renna sem harðaz fram til post-
olans ok falla til fota honum hlyðandi hverium lut, er hann byðr
okkr.“ Sva gera þeir miukir ok linir eigi minnr en aðr strangir
ok stripir, biðia liknar ok fa hana skiott, þviat goðr hirðir tekr
þa skiott⁶ meðr mikilli gleði offrandi hæsta guði, bioðandi þeim
20 .vij. daga fostu, aðr þeir tæki⁷ skirnar embætti. Ok eptir þat
liðit⁸ skirði hinn sæli Johannes þa baða meðr andligum fagnaði,
þviat hann sa giorla⁹, hversu mikit hann aflaði æ þeim degi,
sakis þess at allir þeira frændr, magar ok þionostumenn sneruz
til almattigs guðs at þeira dæmi, briotandi oll skurðgoð sundr i
25 smátt, lemiandi stalla, ok dreifandi heiðinn dom ut i dupt, sva
at hann hafði hvergi¹⁰ stað i allri Eßeso. Her með reisa þeir
agiætt musteri guði til lofs ok sælum Johanni, i hveriu hann endar
sina lifdaga, meðr þeim hætti sem nu skal greina.

C a p i t u l u m.

30 78. Þa er virktavin almattigs guðs hinn blezaði faþir Johannes
postoli ok ewangelista mundi hafa .ix. tigi ok .ix. ær stundligra
lifdaga mæddr i morgum sveita, sem lesit hefir verit um stund,
birtiz honum Jesus Kristus himnakonungr með miclum ilm ok
unaðsemð með skinanda föruneysi sinna lærisveina [ok oumræð-
35 iligri birti æ alla vega¹¹, talandi til hans [miukari raudð ok sætari

1 i B. 2 [sem fyrst ma iarlinn heyra, hvat hann segir: „Heyr mik iarl

B. 3 saal. A², B; risu A. 4 segir hann tilf. B. 5 mit A²; við B.

6 mgl. B. 7 þægi B. 8 mgl. B. 9 giorst B. 10 engan A², B.

11 [mgl. B.

en englunum se máttuligt i himinriki. Hann segir sva¹: „Kom til min, minn kærri, þviat nu er timi, at þu fagnir með þínum bræðrum i minu samlagi². Þessum orðum vars herra³ verðr Johannes fegnari, en fra megi segia, stendr upp i stað ok ætlar at sækia heimboþit. Drottinn³ Jesus Kristus talar þa i annan 5 tima: „Eptir .v. daga liðna⁴ mun koma drottinsdagur minnar upp-risu, æ hverium þu munt til min koma“. Ok eptir sva talat [tekz drottinn at syn i brott af augum⁵ Johannis upp i himnana. En er sa drottinsdagur kemr, sem fyrr var nefndr af græðaranum, drifr allr lyðr⁶ til hins sæla Johannem i þat musteri, sem fyrr 10 var greint at reistiz i hans nafni. Hvar sa guðs maðr gorir fagra þionostu æ þann dag, predikandi ollum lyð allt [af fyrsta hana-söng⁷ til .iii^{iu} stundar, sva segiandi eitt millum annarra luta, [sem her ma heyra⁸: „Heyrit, bræðr minir ok samþrælar, luttakarar ok samerfingiar i ríki guðs, [ok geymit at⁹ ok kenniz við, hversu 15 miok¹⁰ þer eigit at lofa Jesum Kristum, þackir gerandi hans eilifri milldi fyrir þær astgiafir, kenning ok iartegnir, er hann hefir yðr veitt fyrir mik. Nu standit ubrigðiliga i hans boðorðum sva eptir minn dag sem fyrir, þviat yðr er¹¹ kunnigt, at drottinn virðiz mik at kalla brott af þessum heimi“.

20

Capitulum.

79. Sem hinn agiæti Johannes hefir enda gort æ sinum ser-mone, byðr hann geraz ferhyrnda gróf annan veg hia alltarinu innan sancta sanctorum, ok lætr molldina alla brott bera ut af kirkiunni. Eptir þat gort stigr hann niðr i grofina hefiandi upp baðar hendr 25 til almatigs guðs sva segiandi: „Heyr þu drottinn Jesu¹², þackir gori ek þinni milldi, er¹³ þu virðiz mer heim at bioða til [þinnar skemtanar¹⁴, vitandi þat at ek girntiz þik at sea með ollu minu hiarta. [See, drottinn minn⁸! Nu kemr ek kallaðr til þinnar sam-kundu. Sæ ek þina æseonu, ok var¹⁵ ek þegar sva glaðr sem reistr 30 af dauða. Ilmr þinn vakti með mer eilifar girndir þinnar æsyndar. Þin rödd er [hunangs fliotandi¹⁶ full með sætleik, ok þitt malróf er frabæriligt orðum englanna. Optliga bað ek þik, drottinn minn, at ek skyllði til þin koma, en þu svaraðir mer sva til: Bið

1 [miukri röddu ok sætri sva segiandi B. 2 drottins øvr. 3 varr tilf. 35 B. 4 segir hann tilf. B. 5 [tokz drottinn brott af augliti B. 6 fioldi lyds B. 7 [fra morni B; fra fyrsta fuglasöng C. 8 [mgl. B. 9 [geymit at vel B. 10 ok margan hátt tilf. B. 11 se B. 12 Kriste tilf. B. 13 þviat B. 14 [þinna skemtana B. 15 vard B. 16 [mgl. B.

enn¹, at [sa lyðr² frealsiz fyrir þik sem truandi er minu nafni. Þackir geri ek þer eilífum guði, því at þu varðveittir [minn likam³ brott af allri fleckan ok lystir iafnan mina ónd, engan tíma mik fyrirlatandi, helldr geymandi ok huggan veitandi sva i utlegð
 5 sem heima. Lof se þer ok dyrð, þvíat þu skipaðir heilagt orð þins blezaða sannleiks i munni minum⁴ birtandi nælægum dögum ok ukomnum [blezut vitni þinna dygða fyrir minn framburð⁵, sva at ek skipaði þau verk, er ek sæ minum augum, ok þau orð, er ek heyrði minum eyrum fram farandi af þinum munni. Nu fel
 10 ek þer æ hendi, drottinn minn, alla þína sonu, er heilög cristni mæð ok móðir [gat þer fyrir vatn ok⁶ helgan anda. Nu tak mik til þin, sæti herra minn, at ek se með bræðrum minum, með hveria⁷ fylgð þu birtiz mer ok kallaðir⁸ mik. Luk upp þu, drottinn, lífs hurð fyrir mer, þvíat nu knyr ek. Giæt min, drottinn minn,
 15 at [ðofundar höfðingi⁹ renni eigi i moti mer, ok [eigi flyckiz drambsemisfótr mer i mot, ok¹⁰ eigi snerti mik nœkur su hönd, sem i utlegð er rekin fra þer, helldr tak þu mik eptir þínu fyrirheiti leiðandi mik til samkundu þinna krasa, hvar fagna með þer allir vinir þínir eyllifiga, þvíat þu ert Krístr son guðs lífanda, er hialp-
 20 aðir heiminum með boði þins blezaða föður, veitandi oss heilagan anda, at ver skyllidum¹¹ allir einn veg læra til þinna boðorða; fyrir þenna sama heilagan anda gorum ver [þackir lof ok dyrð eyllifum guði¹² um uendiligar veralldir verallda.“ Ok er allr lyðr hefir enda gort æ postolans bæn ok sagt amen, kemr líos sva mikit
 25 yfir hann, at engin mátti i moti sea, ok sva stoð¹³ halfa stund dags. En eptir þat er líosit leið af, sæaz eigi postoli drottins i þeim stað, en grófin var full með himnamiol, hvert er þar getz sem i freosamri iorðu allt til þessa dags.

C a p i t u l u m.

30 80. ¹⁴Margt umtal ok [margar iartegnir¹⁵ hafa ymsir menn til lagt um andlát Jóhannis, þvíat almattigr guð hefir honum þat veitt millum annarra luta, at hann reiknaz með þeim villduztum hans vinum, er verolldin veit eigi¹⁶, hvern enda tekit hafa eðr

1 sagdir þu tilf. B. 2 [saal. B; saal þin A, A²; þær salir C. 3 [mik B. 4 saal. B, C; þinum A, A². 5 [tilf. øvr. 6 [fæddi þer fyrir vatn ok endrgat fyrir B. 7 hverra C. 8 ladadir øvr. 9 [myrkra höfðingar B. 10 [mgl. B. 11 skilddim B. 12 [þer þackir, lof ok dyrð, eilífr gud B. 13 nær tilf. A², C; nærri B. 14 Her beg. Fr. III⁵. 15 [ætlanir B. 16 fyrir vist tilf. A², B; vist Fr.

hvar þeira likamir hvilaz framan til domsins. Af þessu efni talar¹ hinn mieli Augustinus i enda þeirar skyringar, er hann setr yfir ewangelium Johannis In principio erat verbum. Hann vattar þat satt vera, at margir segia² Johannem eigi andaz hafa, helldr at hann liggi sofandi i þeiri grof, sem hann let ser gera i Effeso, s taka þeir þat til sanninda³ sinu mali, at þat dupt sem⁴ grofina fyllir, hræriz upp ok niðr i einum stað, sva sem andardratr mannz leiki lauss⁵ undir. Aðrir segia i [sinni ritningu eigi lögtekinni⁶, at þann tima sem hinn sæli Johannes let gera grofina, var hann með ollu heill ok usiukr⁷, lagðiz hann niðr hógliga sva sem i sæng ok ¹⁰ andaðiz þegar. Nu þeir sem svefninum vilia fylgia ok fyrr voro framsettir, vilia þetta⁸ sva skilia, at eigi se postolinn dauðr, helldr hviliz hann i grofinni líkr önduðum manni, ok þat vátti sa blastr, er geriz af⁹ hræringinni. Hinn lygni Lucidarius segir, at Johannes hafi verit uppnuminn bæði með önd ok likama ¹⁵ ok andaz i lopti en lifnat þegar, fyllandi sanna upprisú myklu fyrir domsdag, hvat er meirr finnz skrifat i ofdirðarfullri akefð en nóckurum sannindum. Eigi er sælum Johanni þat nóckur læging, þott hann hafi fram gengit sama veg sem hvert holld annat. Haufut valdra manna drottinn varr þoldi likams dauða, ²⁰ sva hinn beztu maðr næst honum sialfum blezut hans mófir ok mærl eilíf fru sancta Maria, síðan höfðingiar postolanna Petrus ok Paulus ok aðrir ut ifra. I þviliku birtiz, at engin maðr skylldi sik ofdiarfan góra i sinum skilningi til heilagra manna, þviat þat kann verða, at haleitum guðs vinum se¹⁰ annat meira ²⁵ lof en framleypishugrenningar megi skilia. Hvar af Augustinus skrifar, at margir menn¹¹ segia Moysen eigi andaz hafa, [fyrir þa sok at hans likami finnz hvergi a iarðriki, en Augustinus setr a orskurð, at hann hefir fullkomit andaz¹², hvern stað sem guð hefir¹³ kiorit likama hans. Sva segir hann ok ser eigi verða miok ³⁰ skilianligt, hvi menn vilia þat fram draga, at Johannes liggi helldr sofandi her æ iarðriki, en lifi ok gleðiz i salinni með almattigum guði sem aðrir hans astvinir framan¹⁴ til domsins. Ok meirr syniz erkibyskupinum þat heyra, þeim er hvilldizt yfir briost Jesu ok fremzt var elskaðr af honum¹⁵, at eigi byrgiz hann sva lang- ³⁵

¹ langt tilf. A², B; langt erindi C. ² sælan tilf. B. ³ sannendis B.
⁴ er B. ⁵ mgl. øvr. ⁶ [sinum (sinni A²) ritningum eigi logteknun
A, B. ⁷ en sidan hon var buin tilf. B. ⁸ saal. øvr.; þeir A. ⁹ i A², B.
¹⁰ er B. ¹¹ tilf. øvr. ¹² [tilf. B. ¹³ sidan tilf. B. ¹⁴ fram B.
¹⁵ sialfum guði B.

an tima brott af himneskum fagnaði, meðr því at broðir hans i frumtigninni¹ hinn sæli Petrus gekk inn laungu með pinslarvættis krunu glaðr ok katr með eilifum borgarmonnum. Ok her eptir leggr Augustinus æ sentenciam, at likami Johannis hviliz andlauss i graufinni sem annarra dauðra manna likamir. En þat segir hann satt vera eptir framburði skilrikra manna, er komit hafa i Effesum ok sieð² grofina, at hræring su geriz [æ fyrir vist³, sem fyrr var greind, ok segiz hann ætla, at þat muni verða fyrir eins- hveria natturu iarðarinnar⁴, eðr fyrir þa sauk at þat mark skuli vitni bera, hversu dauði Johannis er dyrðligr i guðs augliti, með því at hann lyktaðiz eigi meðr pinslarvætti, ella segir hann þat verða með nöckurum leyndum guðs domi.

Styrking Bede presbiteris.

81. Þessum orskurði hins agiæta Augustini samþyckir virðuligr Beda prestr i Englandi. Hann segir sva i þeim stað, sem fyrr var nefndr i bokinni, er hann skyrir Sequere me: Sva finnum verð⁶ skrifat i ritningum feðranna, at þann tima sem hinn heilagi Johannes var mæddr langri elli, kendi hann nalgaz sinn framferðardag, ok því kallar hann saman sina lærisveina messu syngiandi ok æminning veitandi til goðra⁷ guðs boðorða, heilsandi þa alla miok kiærliga at skilnaði, siðan niðr stigandi i þa grof, sem honum var giðr hia alltari, settr hia feðrum sinum, eptir bæn algerva sva frials af særleik dauðans, sem hann var⁸ lutlauss af spilling likamans. En eigi er þat ætlanda, at Johannes hafi eigi dáit, meðr því at salmaskalldit segir sva: Quis est homo⁹ qui vivet¹⁰ et non videbit mortem. Mörg erfiði ok margar þrongingar illra manna þoldi hann i guðs nafni, en endaði lif sitt i sælum friði, skipandi aðr heilaga cristni sem bezt samdi, veitandi henni goða erfð [ok halld- kvæma¹¹ bæði með ritningum ok dyrðlighum dæmum ok ágiætum lærisveinum. Hans lærisveinn var virðuligr maðr Policarpus¹² pinslarváttr ok annarr Papias Hierapolensis, baðir styrandi heilagri cristni¹³ eptir dag Johannis.

35 1 frumtignum B. 2 seed A, séd B. 3 [saal. Fr.; a i vist A²; fyrir vist, B, C; af vist A. 4 mgl. B. 5 Overskr. Fr. 6 segir hann tilf. B. 7 mgl. B. 8 finnz B. 9 tilf. B, C. 10 vivit B. 11 [eptir sig B. 12 [Smirnensis byskup tilf. B. 13 i Asia tilf. B.

Capitulum.

82. Þriddia vátt yfir andlati Johannis leiðum ver Policratem erkibyskup i sialfri Effeso, er eptir sinni tru skrifar til Victorem pava i Roma, hverir agiætir menn hafa andaz i Asia; hann segir sva millum annarra luta: Mikil liosker sloknaðu² i halfum Asie, þau er drottinn man upp reisa æ siðarsta degi sinnar tilkvamu, þa er hann birtiz i sinni dyrð, ok laðað sina heilaga menn. Nefni ek fyrst Philippum einn af lærisveinum Kristz, er með friði hvilldiz i Hierapolim Asie, þar með .ij. dætr hans agiætar meyar ok spa-konur, ok önnur þeira er full var með helgum anda liggr i Effeso. 10 I saumu borg andaðiz sa Johannes, er upp sat i snæðingi yfir briost drottins, er var guðs kennimaðr, berandi byskupligt petallum, sannr pinslarváttr ok hinn bezti lærifaðir, skinandi með kroptum ok iartegnum allzkyns sva eptir andlat sem fyrir. Sva segir Policrates⁴ af sæmð ok virðing hins sæla Johannis. Þvi dyrkaz su 15 kirkia margfallldiga af þeim agiæta thesaur, sem hon⁵ hefir geyma, hvers enn man⁶ siðarr getit verða með guðs vilia. En nu sakir þess at ver höfum langan tima dvaliz austr i Asia, fysisir oss at sea þessu næst, hvat fram ferr vestr i miklu Hispania, þar sem hinn sæli Jacobus postoli Jons bropir æ heima, þviat Asia 20 stendr nu i goðan punct með sönnum friði, en vera kann, at riki Jacobi standi meirr með⁷ ufriði, ok þvi er nauðsynligt⁸ at skunda þangat varum framburði.

Capitulum.

83. Sögdum ver fyrr i bokinni, hversu drottinn veitti sælum²⁵ Jacobo sinum postola þat riki til valldz ok lutskiptis er Hyspania⁹ heitir vestr af Frannz, ok hversu hann kom þangat meðr guðs fulltingi, ok hversu hann var greptaðr virðuliga i þeim stað, er Liberum donum heitir, i vestanverðu ríkinu við hafit, ok hversu hans lærisveinar kristnaðu folkit ok helldu byskupdom yfir landinu, 30 þar til at sva sem fram liðu timar, eitraði fiandinn þær heiðnar þioþir, er Moabite heita ok Sarraceni, til þeirarguðs reiði at heria landit ok [eyða kristnum domi¹⁰, drepa saklausa erfð hins kross-festa en þrælka suma. Ok sva mikinn framgang fæ þessir guðs

1 postoligs herra *tilf. B.* 2 segir hann *tilf. B.* 3 *saal. A, A², Fr.; 35*
 4 *ladar C, leyta (!) alla B.* 4 *saal. B; Palicratus øvr.* 5 *saal. B, C;*
 hann *A, A², Fr.* 6 *Her mgl. 1 Bl. i C.* 7 undir *øvr.* 8 nauðsyn *B.* 9
 Hispania *B.* 10 [eyða kristinn dominn *A², Fr.; lemia kristinn dominn B.*

uvinir, at þeir hafa fangit allt ríkit, halldandi sterkuztu borgir með sva miklu afli, at þeir þíckiaz allt eiga, en kristni almattigs guðs er sva hormuligha hneist ok at velli lögð, at um siðir vissu menn eigi, at þar lægi [líkami hins sæla¹ Jacobi. Þvi siðr veittiz
 5 honum nœkur tign eðr þionosta, at hann hefir sik miok lágt ok leyniliga þann tíma millum graðugra guðs uvina, þar til er hulningin² tekz af ok líosit skinn i verolldina sva skíært, at hvergi verðr endir æ, en hversu þat geriz [með skipan guðs föður i himinríki er þessu næst byrianda i hans nafni.³

10 *Her hefz þattr Karoli magno (!).*

84. Þa er líðit var fra hígathurð vars herra Jesu Kristz [dccc. ára ok .ij.⁴ ár reis upp til⁵ ríkis ægiætr maðr ok mörgum nafnkunnigr⁶ Karlamagnus⁷ son Pippin [konungs i Franz⁸. Hann hellt fyrstr ríki ok keisaradom yfir Romverium, siðan er
 15 Constantinus hinn mikli hafði þat valld brott tekit af Roma ok niðr sett i Constantinopolim hófuðborg æ Girklandi⁹, er hann upp-reisti meðr guðs tilvisan af fornri borg er Bizancia heitir¹⁰. Var Constantinopolis¹¹ hófut ok öndvegi valldz ok veralldar, þar til er fyrr nefndr Carolus sæmði Romam, setiandi hana aptr i forna
 20 stett valldz ok ríkdoms aukandi¹² undir hana mörg stor lönd með herskilldi ok ægiætri hreysti, [þviat hann sialfr var hinn mesti afburðarmaðr bæði at afli ok harðfengi¹³, hafandi með ser marga sva goða riddara, sem eigi funduz aðrir þílikir¹⁴ i heiminum. [Meðr öðrum lutum hafði hann þa gíof, sem æðzt er
 25 allra, at¹⁵ hann elskaði val sinn drottin ok skapara geymandi hans boðorða, [stundandi fyrir hans rettindum optliga ok hans þeonostumonnum¹⁶. Þvi varð hann sigrsæll i orrostum, at hann niðraði dramblatum en hóf goða menn til ríkis eptir guðs boðorðum. Nu sem Karolus hinn mikli keisari hefir undir sik lagt morg ok
 30 stor konungaríki [meðr starfi ok stríði¹⁷, England, Frackaríki¹⁸, Þyðerskuna, Borgundiam, Lothoringiam, Ytalam ok önnur fleiri með utalligum borgum af valldi heiðingia¹⁹, setiandi þetta allt

1 [hinn blezadi líkami vírduligs B. 2 *saal. øvr.*; hulningrinn A. 3 [er þessu næst byrianda með skipan guðs föður i himinríki B. 4 [atta
 35 hundrat ára ok tvo B. 5 veralldar *tilf.* B. 6 kunnigr B. 7 hinn mikli *tilf.* B. 8 [Fracka konungs B. 9 *saal. A, A², Fr.*; Gricklandi B. 10 var kollut B. 11 halldin *tilf.* B. 12 okandi B. 13 [*mgl.* B. 14 betri B. 15 [*mgl.* B. 16 [stridandi optliga firir hans nafni B. 17 [*mgl.* B. 18 Frackland B. 19 Sarracenorum B.

undir romverskan keisaradom, hugði hann at gefa ser hvíld eptir [margan sveita ok langt¹ erfiði ok hætta eigi lengr ser ok sinum sveinum² i ufriði ok orrostu. Ok sem hann hefir þílikar hugsanir, veittiz³ honum einkannlig syn optliga um nætr, æ þann hátt at hann sier likams augum undarligan stiðrnúvegð æ himn- 5 inum, er upp hofz af sio Frisie ok veittiz milli þýðerska⁴ ríkis ok Galiciam, millum Ytalam ok Aquitaniam, ok siðan retta leið yfir Gascuniam ok Baldam, Nephariam⁵ ok Hyspaniam allt i Galiciam, þar sem var heilagr dómr blezaðs Jacobi postola, miok ukunnigr flestum monnum þar innan landz i þann tíma. Ok er 10 Karlamagnus⁶ sier greinda syn optliga um nætr, hugsar hann fyrir ser, hvat þetta [hefir at⁷ merkia. Ok sem hann studerar her i meðr mikilli hugsan, birtiz honum eina natt i lettum hófga ægiætligri herra með frabæriligri⁸ fegrð ok æsyn frammi standandi fyrir sænginni talandi til keisarans æ þessa lund: „Son minn, 15 hvat gorir þu?“ Keisarinn svarar: „Herra, hverr ertu?“ Herrann svarar: „Ek er Jacobus postoli, fostrson Jesu Kristi, son Zebedei, broðir Johannis ewangeliste. Mik kallaði guð fyrir sina ousmæðiliga mildi af sio Galilee, en Herodes konungr let halshöggva mik með sverði. Minn likami liggr nu i Galicia miok ukunnigr 20 flestum monnum, þar sem Sarraceni hafa nu miok haðuligt valld yfir, ok þíckir mer undarligt, er þu frialsar eigi land mitt af [valldi Sarracenorum⁹, þar sem þu hefir mörg stor lönd ok margar borgir lagt undir þitt ríki. Ok fyrir þi vil ek kunnigt gera, at sva sem guð gerði¹⁰ þik volldugara en nóckurn konung annan 25 veralldligan, sva kyss hann þik til þess af öllum konungum með fyrirsyndri leið at leysa land mitt af valldi Moabitarum, at þar fyrir þiggir þu af honum koronu eylifrar dyrðar¹¹. Þat merkir ok stiðrnúveg þann, er þu satt undir himni, at þu munt fara i Galiciam af þessum löndum með þinn¹² mikla her ok fyrirkoma þeiri 30 heiðingia¹³ þioð ok frealsa sva land mitt ok vitia minnar kapellu ok legstaþar. Eptir þik munu fara allir lyðir til min pilagrimskerð millum .ii.^{ia} seafa¹⁴ þiggiandi af guði lausn¹⁵ sinna synda, [lysandi guðs lofi ok undarligum lutum þeim sem hann gorir. Þessa ferð munu þeir fara af þinum dögum allt¹⁶ til enda veralldar. Far nu 35

1 [mikit *B.* 2 monnum *B.* 3 veitiz *B.* 4 *saal. øvr.*; þýðersku *A.* 6 Nafariam *B.* 6 konungr *tilf. B.* 7 [mun *B.* 8 *saal. A, A², Fr.*; frabæriligri *B.* 9 [þeira valldi *B.* 10 *saal. øvr.*; valdi *A.* 11 ousbunar *B.* 12 þinum *B.* 13 heidnu *B.* 14 siafa *Fr.*; síofa *B.* 15 aflausn *B.* 16 [allt fra þinum dögum *B.*

sem skiotaz matt þu, þviat ek skal vera þinn fulltingiari i ollum lutum, ok þitt starf skal ek ævaxta ok þiggia þer af guði þar fyrir koronu i himinriki, [ok til siðarstu daga¹ skal þitt nafn vera lofat². Meðr þvilikum hætti, sem nu var greint, birtiz
5 heilagr Jacobus postoli Karlamagnusi konungi .iii. sinnum.

Af hrapan Pamphilonie 3.

85. Nu sem Karlamagnus⁴ er styrktr fyrirheitum postolans, dregr hann saman mikinn her ok ferr til Hyspaniam at eyða heiðnum þioðum, sitiandi fyrst um þa borg er Pamphilonia heitir, ok feck
10 eigi unnit, sakir þess at hennar murar voru sterkir ok usigranligir. Ok sem hann hefir um setit .iii. manaði, biðr hann til guðs i himinriki sva mælandi: „Herra Jesus Kriste, gef mer i valld þessa borg til virðingar þins⁵ nafns, þviat sakir þinnar truar kem ek i þessi lönd⁶. Heyr þu, hinn sæli Jacobe postoli, ef þat
15 er satt, er⁷ þu birtir⁸ mer, lát mik vinna þessa borg“. Eptir gerva bæn bregðr hann við skiott, þviat æn dvol hrynia niðr allir borgarveggirnir til grundvallar með guðs giðf ok bæn hins blezaða Jacobi postola. Vann keisarin sva borgina gefandi lif ollum Sarracenis, þeim er skiraz villdo lata, en aðra let hann halshôggva.
20 Ok er Sarraceni spyria þessi undranartiðindi⁹, hversu hrunit hafa murar Pamphilonie, luta þeir Karlamagnusi konungi, hvar sem hann ferr, sendandi fram æ [veginni moti honum¹⁰ skatta ok skyllðir, gefandi i hans valld herut ok borgir. Sarraceni undraz miok keisarans folk sakir vænleiks ok ægiætaz bunaðar, [var þat
25 ok eigi fyrir sakleysi, þviat hann hafði¹¹ með ser hina fræguztu menn, [hinn fremzta Turpin erkibyskup af Reinsborg ok Rollant systurson keisarans. Af því toku sæmiliga Sarraceni ok friðsamliga við keisaranum ok hans her at uppgefnum sinum vapnum¹². For Karlamagnus sva fram retta leið allt i Galiciam til legstaðar
30 hins sæla Jacobi postola, er nu kallaz Compostella. Ok þegar sem hann kemr til hafsins, leggrr hann sinu spioti i siöinn þackandi guði ok hinum sæla Jacobo, at hann hafði leiðt sinn mikla her [i þa halfu heimsins² sva langt sem framaz matti hann.

1 Her beg. atter C. 2 [mgl. B. 3 Overskr. Fr. 4 Karolus B. 5 blezada tilf B. 6 at eyða otrurri þioð tilf. B. 7 at B. 8 birtiz övr. 9 tíðindi B. 10 [vegu fyrir hann övr. 11 [hafði hann ok B. 12 [er i voru ollu Fracklandi. Þvi toku Saraceni með allri sæmd við keisaranum ok ollum hans her B.

Capitulum.

86. Turpin erkibyskup skirði með raði Karlamagnus allt þat folk i Galicia, er af hafði gengit kristni þeiri, er sett hafði Jacobus postoli ok hans lærisveinar. En þa menn alla, er eigi villdo¹ kristni taka, let hann annathvart halshöggva eðr gefa i valld² [kristnum monnum³ til þrældoms ok ænauðar. Eptir þetta vann Karlamagnus konungr allt Hispaniam seofa i millum. I Galicia vann hann af borgum ok storþorpum .d.3 ok umfram⁴ allt landit Hyspaniam. Luta nu undir hann oll þau lönd ok ríki, er byggiaz vestr af Affrika til siofar. Mörg þessi lönd storborgir ok staði tok⁵ hann með friði, en sum með miclu striði [ok hinni mestu list⁶, sum með iartegnum ok [einum samans⁷ guðs almætti meðr arnþar-orði hins heilaga Jacobi, sem⁸ einkannliga þa borg er Lucrina heitir. Um hana sat hann i siðarstu .iiii. mánaði ok feck eigi unnit, aðr hann sækti⁹ guðs fullting ok hins sæla Jacobi. [En eptir¹⁰ þat gort⁷ fór æ einn hátt Lucrina ok aðr Pamphilonia, þviat⁸ hennar murar hrynia niðr i dupt, en hun er siðan ubygd allt til þessa dags, sakir þess at keisariinn bolvaði henni fyrir þat erfiði, er hon hafði gert hans styrk ok herliði. Ok þessi staðr feck þat bolvanarmark, at ein kelda spratt upp i miðiu hafandi svart vatn,²⁰ ok þar i synaz svartir fiskar. Enn voru þær fleiri borgir, er Karlamagnus keisari bannsetti, sva at engin maðr þorði þær at byggia siðan [eðr uppreisa til þessa dags⁹, er sva heita, Vennzosa, Caparra, Oda, Sona. Aull þau skurðgoð ok likneskiur Sarracenorum, er Karlamagnus keisari¹⁰ fekk i Hyspania, braut hann niðr, utan²⁵ eina likneskiu, er heitir Salamcadis. Sva segia Sarraceni, at sa Maumet, er þeir dyrka, gerði þessa likneskiu i nafni sinu ok læsti þar i diöflafylking meðr galldralist, ok þvi ma hana eigi briota, at ef nockurr kristinn maðr kemr at¹¹ henni, verðr hann siukr i stað, en ef nòckurr Sarracenus kemr siukr til hennar ok tignar³⁰ hana biðiandi ser miskunnar, hann ferr heill i brott. Ef nòckurr fugl setz æ likneskiuna, deyr hann æn dvol. Um hana er sva buit, at einn ferstrendr steinn stendr æ siofarstronu sva hátt¹² i lopt upp, sem fugl¹³ er veniuligt at hefia sik. Sa pilarr¹⁴ er giðrr með list Sarracenorum, ok þvi miori sem ofarr er, hvar yfir³⁵

¹ Her ender *Fr. III*⁵. ² [kristinna manna *B.* ³ fim hundrat *B.* ⁴ *agl. B.*
⁵ [*agl. B.* ⁶ *saal. alle.* ⁷ [*agl. B.* ⁸ at *B.* ⁹ [*agl. B.* ¹⁰
konungr *B.* ¹¹ nær *B.* ¹² harr *B.* ¹³ fugle *C*; fuglum *B.* ¹⁴
pilar *B.*

stendr su likneskia steyp¹ i mannz mynd [af hinu beztu latuni¹,
hun horfir i suðr ok hefir i hægri hendi klumbu mikla.

C a p i t u l u m.

87. Storliga [mikinn rikdom hins skiaerazta² gullz þiggr³
5 Karlamagnus konungr in Hyspanijs, er konungar ok aðrir höfðingiar
presentaðu⁴ hans vollduligri⁵ koronu. Ok meðr því at hann serr
musteri vinar sins Jacobi postola bæði litit ok fornfagat i Com-
postella, lætr hann þar gullit niðr koma, þvíat honum syniz⁶ ecki
betra mega af verða. Var ok su hans dygð millum annarra, at
10 [engan tima⁷ villdi hann fe þiggia þar fyrir, þott hann stæði i guð-
ligu striði, utan sva at þat legðiz allt til klaustra ok heilagra
kirkna. Sva gorir hann enn leggiandi storliga mikit fee til grafar
[hins sæla Jacobi⁸ ok lætr auka musteri⁹ með mikum hagleik ok
meistaradomi. Ok sem þat var gort, skipar hann þar at nyiu
15 byskupsstol, ok þar vigðiz til einn agiætr maðr af hans fylgð.
Undir þann sama byskupstol⁹ skipar erkibyskupinn¹⁰ canonicos¹¹
eptir reglu sancti Ysidori. Siðan pryðir hann musteri⁹ meðr allri
elsku serhverra luta innan kirkju, [meðr skruða dyrðligum, klockum
agiætum ok vænuztum bokum.¹² Ok i þessu starfi stendr hann
20 .iii. ár, ok vill eigi fyrr við skiliaz, en allt se fullgert [guði til
sæmdar ok hans sælum postola¹². En eptir sva gort snyz¹³ hann
heim i sitt riki Franciam með miklum auðæfum, [er af höfðu laupit
þeim kosti, sem musteri⁹ þurfti i Compostella. Ok eigi því siðr¹²
tærir keisarinn þetta goðz i guðligan¹⁴ heiðr ok hans blezaðu
25 mæðr fru sancte Marie ok hins sæla Jacobi. Hann reisir vegliga
kirkju til vegsemðar¹⁵ signaðri guðs moður fru sancte Marie i
þeim höfutstað rikissins, er Aquisgranum heitir. Þar effir hann
ok aðra kirkju til dyrþar Jacobo postola vin sinum. Meðr sama
godzi gorir hann aðra kirkju blezaðum Jacobo i þeiri borg, er
30 Tolosa¹⁶ heitir, [þriðia musteri smiðaði hann honum til virðingar
i þeiri borg, er Gascunia heitir¹⁷, fiorða musteri reisir hann honum
til sæmdar i sialfri Paris, ok [heðan utan¹⁸ i fra lætr Karlamagnus

1 [med latvn B. 2 skirazta A², C. 3 [mikit gull þiggr agætr herra
B. 4 presenteradu B. 5 volldugri A², B. 6 þotti B. 7 [alldri B.
35 8 [Jacobi postola B. 9 stol B. 10 keisarinn B. 11 canicos A². 12
[mgl. B. 13 snyr B. 14 guðs C. 15 sæmdar B. 16 saal. B;
Talasa A, A². 17 [aðra i Gasconia B. 18 [her ut B, C.

keisari efla utölulig klaustr ok abotadæmi með greindum¹ rikdomi langt ok víða um Franciam².

¹ saal. övr.; nogum A. ² I C har Sagaen fölgende Afslutning, der knytter sig umiddelbart til Enden af dette Capitel: um Franciam og suo aull ríki sinnar kongligrar tignar og svo keisarligs velldis, allt þvilijektt giorandi eilífum gudi til dyrdar, gudz kristne til aukningar, eflingar og avaxtar, aullu himnesku curia til vegsemdar og virdingar, allra hellst gudz apostola s. Jacobo til heidurs og virdingar. Ma af slijku merckia, hvad þvilijkur gudz vin og gofugr mann þann dyrdlegi keisari Karlamagnus verid hefur, ma og af því sannliga vita hvorsu dyrdligi keisari Karlamagnus verid hefur, ma og af því sannliga vita, hversu ríjkugliga guddomurinn honum viðhialp veitti i ollum þeim orostum, sem hann framdi vid heidingia, þeim myandi og fyrirkomandi gudligrar christne vegna, enn hana aukandi og eflandi allt til sijns endadægurs, svo sem líosliga lesa ma i hans líjfsaugu, epttir því og sem merckia ma aa hans kauppum ok .xii. íafningium, hverier aller med fysn ok gleði frammlaugdu sijna halsa, líj og líjkame under illsku, ofsa og aagang margfalldra heidingia. Ma þar fyrir sannliga trua og aurugt traust upaa hafa, ad þessi dyrligi mann med aullum sijnum kauppum og þienurum hafi audlæzt og hlotid eilíjfa gleði af sialfum gudi i himeríjke fyrir forþienan og medalgaungu Jesu gudz sonar med heilax anda samverckan.

Er hier nu upp maalad ok yfer farid lof og líjferni þessa tveggia brædra guds apostola og hans nainna ættmanna, sem ad voru systrungar ad skyllðseme vors lausnara, Johannis ewangelista og Jacob hans brodurs, hver ad kallæzt Jacob en meiri. Enn hver mun mega saman lesa, tia eda telia, med hvad morgum dasemdum þvilíjker gudz fagarar voru prydder og tignader, utan svo sem i stuttu maali ma ad líjkendum raada, ad guddomurinn elskadi þa framm yfer adra, svo sem i sialfum gudz ordum lesa ma, ad þessa tvo brædur med þeim heilaga Petro valdi guddomurinn þessa þria hellst hia ad vera, þa hann framdi þau enu kraupptugustu verck, þa hann uppvækti þess haufdingians dottur, þa hann formyndadi sig aa íallinu Thabor, þa hann bædz fyrir i alldinngardinum, hvar hann þreytti svo hardliga vid daudann, þa hann sveittizt blodi manndomsins vegna, þa líet hann þessa þria postola Petrum, Johannem og Jacobum hia sier vera. Enn saukum þess ad vier haufum saugu og frasaugn sierdeilis i þann mata upphafit til lærdoms, epttirdæmis og kunnskapar aullum christnum maunnum, þaa haufum vier hana sierdeilis til eignad þeim dyra gudz manni Johanne, allra hellst fyrir það ad svo er líosliga lesid i gudz ordi, ad þo ad guddomurinn hefði alla sijna lærisveina sier kíæra, þaa hafði hann so sierdeilis aast ok elsku aa þessum sijnum naafrænda Johanne Zebedeo(!) syni, svo sem opinberliga auglystizt þat síjdasta kvelld, sem hann sæt med sijnum lærisveinum, og guddomurinn hafði sialfr líosliga talad, ad einn af þeim tolf sijnum dagligum lærisveinum mundi sig forraada i syndugra hendur, það er sig til dauda selia. Hvad þeim aullum miog vid hnyekti, so hver leit til annars og spurdust ad sijn i milli, hver saa mundi vera, er þvilíjkt mundi giora. Enn saukum þess ad þessi Johannes laa i fadmi Jesu og hafði laa tid sitt

Capitulum.

88. Litlu síðarr en Karlamagnus keisari kemr heim i Franz, heriar hundheiðinn konungr æ hans ríki Hyspaniam, Agulandus at nafni,

5 haufut upp aa hans briost, af hverium sialfs gudlegum giæskubrunni ad hann upp ios og dryckiadz: med meiri og hærri vitzku, helldr enn nockud mannligt hiartta kann at grunda, þess helldur tunga utad tala; því benti Petur postoli honum, ad hann skyldi spyria Jesum ad, hver saa væri sem þvílíkt forræðara stycki mundi giora. Ean sem þessi gudz mann
10 Johannes hafði svo spurt Jesum sinn herra og meistara, þaa sagði guddomurinn: saa er það, ad hverium eg rietti þann vokvadann braudbita. Hvað hann tok braudit, drap i fatid og gaf Judasi. Maa af þvílíku og morgu fleira merkia, at guddomurinn hefr þessum Johanne miklu fleiri privilegia veitt og gefvid, helldr enn vier med vorri faafrodri skynsemi kunnum þ: d ad hugleida þess helldur ad kunngiora. Þo vilium vier
15 nockrar daasamlegar gaatur stuttliga uppreikna, fyrst þa ðiupa speki sem hann upp hefur i sínu gudzspialli af evigum guddomi Jesu Christi, þar hann tekr svo til ordz, at það eilífa ord hia fodurnum veranda aan upphafs hafi hier holldgan tekid og sannur madur ordit af iungfru Mariu. Þad annad ad guddomurinn gaf honum þaa stadfestu, ad hann bivaradi
20 sinn líkama ofleckadann, svo sem skjir meya skyldi vera. Þridia, ad guddomurinn hafði hann kíærastann epttir þeim inura mannum, audladizt því ad nefnast saa lærisveinn, sem Jesus sierdeilis elskadi. Fiorda, ad hann valdi hann til þess medal sinna sierligra ad vita sinn allra hæstan leyndarkrapt, svo sem aadur er hrært. Fimta var su hans frumtign, ad guddomurinn bijfaladi honum sína modur til verndar og vardveitslu fram yfer alla adra. Sietta, ad reiknast maa epttir klaaru gudz ordi, ad guddomurinn
25 hafði hann sier enn handhægasta epttir sinne sierligri elsku. Ed siounda, ad hann undirvijsadi honum sinn forræðara. Attunda hans frumtign, ad hann er bæði postoli og gudspiallari, svo og opinberadi guddomurinn honum marga leynda hluti i þeiri utlegd sem hann hafði i þeiri ey Pathmos. Niunda, ad honum veittizt leingra líjferni enn nockrum audrum gudz postolum. Tiunda, ad guddomurinn liet hans líf oraskad, inn til þess hann sialfur kalladi hann af þessu líjferni. Ellefta, ad guddomurinn sialr opinberadizt
30 honum i moti hans andlati, ad aa einum drottinsdeigi, sem hann var ad sínu andlaati kominn. þaa syndizt honum i anda sialfur guddomurinn koma ned sínum lærisveinum og sagði: Kom minn elskulegi, þvíat tíjme er nu, ad þu samglediezt med þínum sambræðrum i mínu eilífu heim-bodi. Tolftha, seigia svo nockrir, ad hans líkami hafi eigi fundist i þeiri grauf, sem hann lagdizt i, helldr hafi guddomurinn hann oskaddadann til
40 síjn tekid. Þrettanda, ad heilagur andi opinberadi einum gaufugum gudz manni, ad hans minnelsisdagr skyldi halldinn vera aa medal gudz christinna. Fiortanda og ed síjdasta privilegium, ad hann setti saman annann artikulum vorrar christiligrar truar. þar vier svo seigium, ad vier truum aa Jesum Christum gudz eingetinn son vorn herra, og sokum þvílíkra hluta
45 og margra annara iatum vier þvílíkan gudz mann medal annara gudz utvaldra i himeriki skjina saalarinnar vegna, hvað oss almattigr gud gefi i þvílíks og annara stjakra fotspor ad stjga til himnarijkis vistar, og lycktum vier nu i þvílíkann maata líjfsaugu þessara beggia bræðra Johans og Jacobs. Sie oss aullum gud med ad eilífu. Amen.

tilkominn af Affrika, vinnandi undir sik með hörðum herskilldi allt ríki, niðr briotandi alla cristni ok drepanði alla cristna menn eðr af landinu brott rekandi. Ok er Karlamagnus keisari spýrr þessi hörmungartiðindi, dregr hann her saman þegar i annat sinn ok ferr i Hýspaniam. Ok sem hann er staddr [i þeiri¹ borg, er 5 Baion heitir, geriz sa atburðr sem ver vilium skrifa, til þess at menn viti ifalaust, hver æbyrgð þat er, at taka undir sik þær lögligar skipanir, er maðr gorir fyrir sal sinni i banasott. Sem keisarinn dvelzt meðr sinum her við nefnda borg Baion, sykiz einn riddari með herinum, Romaticus at nafni, gerandi sitt testamentum, 10 gefandi goðan hest fyrir sæl sinni, æ þann hátt at einn frændi hans, sa er hann truði bezt, skal taka við² hestinum ok selia fyrir fulla penninga, en gefa fataekum monnum verðit. Eptir sagða³ skipan, sem riddarinn er skriptaðr ok huslaðr, andaz hann. En frændi hans selr hestinn fyrir .c.4 skillinga silfrs, ok gefr eigi¹⁵ verðit fataekum, sem honum var boðit, helldr eyddi hann því gozi æ fæm dögum i suck⁵, mat ok dryck. En er .xxx.⁶ daga voru liðnir, birtiz honum hinn framgengni⁷ riddari sva mælandi: „Þat skaltu vita, at guð hefir nu fyrirgefit mer allar syndir minar, sakir þess at ek bar⁸ goðan vilia til at gefa penningha mina fa- 20 tækum fyrir sal minni, hvat er ek fal þer æ hendi. En nu fyrir þat er⁹ þu tokt rangligha olmosu mina undir þik, hefir ek verit i hörðum piningum .xxx.¹⁰ daga, en æ morgin muntu koma æ¹¹ minn stað, en ek fer i paradisum“. Ok eptir sva talat hverfr honum¹² hinn framfarni. En er hann hefir sagt drauminn eptir 25 um morgininn, þickir ollum monnum fyrirburðrinn miok vaðaligr¹³. Ok því næst heyrðiz i loptit upp yfir honum, sem leones rautaði eðr ulfar þyti eðr graðungar gellði¹⁴. Ok i því var þessi maðr tekinn i lopt upp, sva at engin maðr sæ hann lifanda¹⁵ síðan. Fiora daga var hans [leita farit á hestum ok fotum¹⁶, ok fannz 30 hann eigi. En .xii. dögum síðarr fannz lik hans æ bergi einu brotit allt i sundr .iiii. dagleiðir fra þeim stað, er hann hvarf. Var þat auðsynt, at dióflar hófðu honum þar niðr kastat. En hvat munu ver segia mega af þi sterka striði, sem Karlamagnus framit¹⁷ hefir fyrir frelsi Jacobi moti Agulando konungi ok hans syni ok 35 mörgum oðrum illum monnum, sva [langan tima sem Turpin

1 [med sinn her i þeiri A²; med sinum her vid þa B. 2 med B. 3 saal. B, A²; sagdri A. 4 hundrat B. 5 mgl. B. 6 þrirtigir B. 7 framliðni B. 8 hafði B. 9 at B. 10 þriatigi B. 11 i B. 12 mgl. B. 13 undarligir B. 14 gelli B. 15 lifs B. 16 [leitad B. 17 fram B. 40

erkibyskup vattar i sinu letri¹, at hann barðiz við heiðnar þjóðir ut .xiii. ær, aðr Agulandus konungr fell, ok fullkomliga frialsaðiz [riki hans² in Hyspanijs.

Capitulum.

5 89. Þat vattar virðuligr herra Turpin erkibyskup, at Karlamagnus konungr felldi Agulandum i Hyspania. Geck þa rikit aptr i goðan stett [undir ægiætan keisara³. Skipaði þa Karlamagnus keisari allar þær sterkuztu borgir landzins meðr þeim höfðingium, er hann til tok af sealfs sins hirðsveinum⁴, er vernda skylldo ok
10 veria landit, [at eigi færi sem fyrr⁵, þorði ok engin maðr at unaða síðan þat riki með nöckurum ufriði. En eptir þann hinn fræga⁶ sigr sem⁷ Karlamagnus keisari vann a vansignaðum Agulando, let hann eptir dveliaz in⁸ Hyspania allan meginherinn, en sotti sialfr fram til hins sælazta Jacobum i Galiciam, hafandi
15 með ser allt villdarlið sitt, ræðgiafa sina ok stormenni. Ok er hann kemr i Compostellam, setr hann mikit þing [ok breiðt⁹ i borginni, bioðandi þangat¹⁰ aullum æztum monnum af hvarutveggia rikinu Galicia ok Hyspania. Þar skipar hann [ok lögtekr¹¹ með raði ok samþykt¹² hinna beztu manna, at hvartveggi halfa Galicia
20 ok Hyspania skal æfinliga luta undir kirkiu hins blezaða Jacobi in¹³ Compostella. Her með byðr hann, at Turpin erkibyskup ok aðrir .ix. lyðbyskupar¹⁴ með honum skulu vigia musterit sealfit ok sva altarit. Ok i þeiri sömu vigslu lysir keisarinn þeim privilegijis, er þar skulo æfinliga standa ok [hverr skal ubrigðiliga hallda
25 eptir annan¹⁵. Þat er hit fyrsta, at hann skipar byskupa i serhveria höfudstaði landzins, sem hann ser þörf til vera, þar með presta ok aðra lærða menn, bioðandi at [þessir allir formenn heilagrar kirkiu, sva konungar ok¹⁶ höfðingiar, hviliks valldz ok virðingar, [stettar eðr slektar¹⁷ hverr væri, skylldo allir luta ok
30 til þiona sætinu i Compostella. Þat er annat, at allr lyðr hvarstveggia rikissins skal þangat undir sva¹⁸ sem skattgilldr, æ þann hátt at hverr sa maðr, er nöckut goðz æ i fastri eign [meiri eða minni¹⁹, skal luka .iiii. penninga kirkiunni i Compostella æ hveriu áre, en vera fullkomit frialsir [ok uppgefnir¹⁹ af ollum skóttum

35 4 [mgl. B. 2 [rikit B 3 [mgl. B 4 hirðsveitum B. 5 [mgl. B.
6 frægazta A². 7 er B. 8 i B. 9 [mgl. B. 10 þar til B. 11
[tilf. A², B. 12 samþycki B. 13 i A², B. 14 liðbyskupar B 15
[obrigðiliga halldaz B. 16 [allir formenn kirknanna ok hverskyns B.
17 [mgl. B. 18 mgl A², B. 19 [mgl. B.

ok skyldum, utan [hann offri¹ til virþingar Jacobi. Þat þriðia, at valldit i Campostella skal heita postoligt sæti æfinliga ok hafa volldugan erkibyskup, at bæði gefi hann krunur konungum ok pallia erkibyskupum, ok i ollum lutum serhverium skal þetta vera hit .iiij.^{ia} sæti hæst² i ollum heiminum meðr guðs valldi ok post- 5 oligri rauksemð til aflausnar syndanna [ok allrar miskunnar salnanna³. En hver ero önnur tvau sæti þessu⁴ lik, utan fyrst höfuborg heimsins sealf Roma, ok síðan Effesus austr i Asia. Kemr her þat fram, sem [fyrir var sagt, er⁵ ver brott snerum af Effeso, hversu su kirkia dyrkaðiz margfalldiga af [sinum ágiæta thesaur³ 10 sælum Johanni postola, þviat rett i alla staði hefir hans musteri þilikan heiðr, sem aðr er greint⁶ af sæti Jacobi. Er nu ælitanda, hversu þat er fyllt, er ver gatum til i öndverðri bokinni, at bæn Marie móður postolanna Jacobi ok Johannis mundi framkvæmaz umsiðir, þo at varr lausnari Jesus Kristus leti þa i fyrstu nöckut seint 15 við. See, hversu veitt er af almattigum guði, at þessir .ij. bræðr sitia honum hit næsta til beggia handa; þviat hvat er rettara, en hann sialfr siti i hasæti i Roma, en þessir tveir hans kæruztu vinir tva vega ut i fra. Skilianligt ma þat verða, sem fyrir var lesit i bokinni, hversu Gyðingar raku sterkliga Johannem brott af sinu riki, ok þvi flyði 20 hann með sælum Petro higat um hafit i Romam, setiandi i þeim sama stað sitt öndvegi tilkominn⁷ aðr af Jorsalalandi. Verðr þa Johannes til hægri handar austr i Asia, en Jacobus til vinstri handar vestr i Galicia. Er guþ miok lofandi i þvilikri sinni skipan sem i hverri annarri, at þeir .iiij. af postolasveitinni skulo vera 25 mestrar virðingar i allri cristninni, sem hann sialfr virði mest ok truði bezt, [sem fyrir var lesit i saugunni⁸.

Capitulum.

90. Su hin ægiæta kirkiuvigsla sem⁹ Karlamagnus keisari let fremiaz i Compostella, gerðiz kalendas Julij með allra manna 30 gleði ok andligum fagnaði. Voru þa aull privilegia kirkiunnar styrkt ok staðfest til æfinligrar minningar meðr keisarans innsigli ok þeira valldzmannanna, sem hann sa mestrar rauksemðar vera. En vera kann at nöckurr undri, hvi þessi keisari tok sva styrkri hendi æ kirkiunnar valldi. En þar liggr skiott andsvar til, at 35 Karlamagnus var sva dyrdligr guðs riddari, bæði styrkr¹⁰ ok rettlatr,

1 [þessu offri *B.* 2 æzt *B.* 3 [mgl. *B.* 4 saal. *A*², *B.*; þessum *A.*

5 [ver sogdum næst, aðr en *B.* 6 tilf. *B.* 7 saal. *A*², *B.*; tilkomandi *A.*

8 [mgl. *B.* 9 er *B.* 10 sterkr *B.*

at herra pafanum i Róma þotti þat valldit bezt komit næst sialfum
 ser¹, er hann styrði eptir sinum vilia; sem postoligr herra Gregorius
 .vi^{us} vattar [skyrliga, segiandi þat², at kristnin stæði alldri betr
 ok fagrligarr, en þa er Karlamagnus keisari [styrði fagrliga ok³
 5 hafði sem⁴ valld yfir kirkiunni, hverir byskupar eðr aðrir formenn
 skylldo geraz, sakir þess at öngum gullpenningi varð i hans auga
 skotit, sva at eigi sæi hann æ⁵ hit retta, [sva⁶ at engin femuta
 matti hann svikia. Þetta sama valld hefir hann fram i Comp-
 ostella, er sva lögliga var⁷ til komit, at virðuligr herra Adrianus
 10 primus páfi meðr þvi nafni i Roma [hafði gefit honum⁸, hvat er
 styrkt ok stauðugt hverr eptir annan helldu. Er þat ok skyrt mark,
 hvilika syslu Karlamagnus keisari hafði optliga fram fyrir guðs
 rettindi, at sialfr herra pavinn var i orrostum með honum at drepa
 guðs uvini. Ok þa er þilikir lutir hugleiðaz allir⁹ saman, er eigi
 15 undranar vert, þott keisarinn se miok sterkr i sinum gerðum
 [hvart sem helldr til andligra luta eðr¹⁰ likamliga.

Capitulum.

91. Heyrðum ver, hversu Karlamagnus keisari [vann undir
 sik¹¹ fullting ok fyrirheit hins blezaða Jacobi postola með miklu
 20 starfi ok sönnu astriki, [með virðing ok vegsemðarhæð i alla
 staði¹², þvi skulu ver heyra þessu næst ömbun postolans, hveria
 hann leggr keisaranum eptir¹³ sagða velgörninga. Su miskunn er
 i fyrstu greinandi, sem veittiz Karlamagnusi keisara eptir kirkiu-
 vigsluna i Compostella, at i¹⁴ allan tima þaðan i fra [til hins
 25 siðarsta¹⁵ dags¹⁶ var hann meðr nöckuru kyni iafnan krankr æ
 sinn likam¹⁷, þar til [er drottinn hefir hans endadag skipat, ok¹⁸
 hann leggz i banasott i nefndum stað Aquisgranum, er stendr i
 þeim luta rikissins [i Franz¹⁹, er þeir kalla Lothoringia²⁰. [I
 þeim²¹ stendr su nyia Mariu kirkia, er keisarinn let gera, sem
 30 fyrr var sagt. Var þat musteri frabæriliga smiðat, kringlott i
 sinum vexti. Her sykiz hinn frægazti herra Karolus leiddr at
 dauða. Ok sem hann er nærri andlati, geriz sa lutr, sem nu
 skal segia.

1 saal. A², B; guði A. 2 [mgl. B. 3 [mgl. A², B. 4 mest tilf. B. 5 mgl. B.
 35 6 þvi A². 7 [Var þetta hans valld sva lögliga B. 8 [tilf. A², B. 9
 [firir þvilika luti alla B. 10 [bæði til andligra luta ok B. 11 [hefir
 undir sig unnit B. 12 [mgl. B. 13 firir B. 14 mgl. B. 15 Her
 mgl. 1 Blad i A². 16 [mgl. B. 17 likama B. 18 [mgl. B. 19 [Francie
 B. 20 Lotaringia B. 21 [Par B.

Capitulum.

92. Turpin erkibyskup varð langlifari en allir aðrir kappar Karlamagnus konungs, sem hann sialfr vattar i sinum lettrum. Hann var staddr æ framferðartima keisarans i þeiri borg rikissins, er Vienna heitir. Ok sem hann gorir sina bæn innan kirkiu einn 5 morgin snimma¹ frammi fyrir alltari, lesandi annan psalm i fimta-dags² nocturnu Deus in adiutorium meum intende, sigr æ hann haufgi, sva³ sem hann hefir byriat salminn, ok serr því næst i andar-syn⁴, hvar fram ferr mikill flokk helvitzkra anda, ok allra siðarst drattar [einn blamaðr sem stiornari ferðarinnar miok⁵ driug- 10 liga. At þessum vikr Turpin erkibyskup ok talar sva: „Hvert skulu þer fara?“ Blámaðrinn svarar: „Vær girnumz⁶ fram i Lothoringiam til Aquisgranum, þess órendis at taka sal Karlamagnus konungs ok hafa með oss til helvitis“. Erkibyskup svarar: „Ek særir⁷ yðr fyrir nafn hins hæsta guðs, at þer farit þessa leið 15 aptr ok segit mer fra órindislokum“. Blamaðr iátar því. Ok liðr alltil stund, sva at byskup hefir varla lesit⁸ salminn Deus in adiutorium meum, að ureinir andar koma aptr farandi [saman vegh⁹ miok daprir ok niðrleitir. Erkibyskupi þickir þat [val, er þeir ero helldr¹⁰ uglaðir, ok vikr þegar at [sama blámanni sem 20 fyrr, er siðarst geck¹¹, ok talar sva: „[Hversu ferr yðr at, segir hann, eða⁹ hver urðu órindislok¹²?“ Hann svarar: „Illa hefir oss at farit, þvíat ver höfum engan lut fengit; for þat þo auðru-vis en ver hugðum um hrið, [sikir þess¹³ at oss var i fyrstu boðinn nóckurr iafnaðr, at ver kompanar ok þeir aðrir, sem þangat 25 komu til motzins, skyldum vega skilvisliga, hvart meira væri gott eðr illt með Karlamagnusi konungi; þótti oss [eina stund¹⁴ nóckut i landsyn, þar til at þar skytz at fram einn höfutlauss maðr vestan af Galicia ok dragsaz með sva mikit griot ok treaharka¹⁵, at ek þickiz [þvilikan allðri seeð hafa¹⁶. Þetta allt rekr hann niðr 30 i skalina Karlamagnus, sva at þegar stendr æ iorðu. En þat mátti engan lut við³, er ver attum til motzins, ok því sām ver, at við aflsmun var at etia, ok oss gerði ecki i at fæaz. Fórum ver því skiott i brott, ok erum nu her komnir.“ Eptir þetta hverfr erchibyskupinn aptr til sialfs sins, þackandi almáttigum guði fyrir 35

1 snemma B. 2 saal B; fimtu d. A. 3 mgl. B. 4 andasyn B.
 5 [med driugliga sem stiornari ferdarinnar B. 6 ætlum B. 7 særi B.
 8 medan tilf. B. 9 [mgl. B. 10 [vel þot þeir se B. 11 [bla-
 mannum B. 12 yðr tilf. B. 13 [þvi B. 14 [um eina rid B. 15
 triaharka B. 16 [allðri slikt a minni æfi séét hafa B.

þat, er Karlamagnus keisari¹ var undan þeginn ollu diofla valldi ok samлагаðr² hans vinum i sialfu himnariki. Sagði Turpin erki-
byskup andlat Karlamagnus³ fyrir þessa vitran sinum borgar-
monnum⁴ sva greiniliga⁵, sem hann hefði þar⁶ nalægr verit. En hvat
5 er ætlanda, hverr þessi var, er fiandi kallaði höfutlausan⁷, utan
auðsynt at hinn sæli Jacobus þoldi halshögg af sverði Herodis, en
birtiz nu i fulltingi sins vinar Karoli með kirkna uppsmiði, [hvat
þat gefr val⁸ skilia, at sa sem kirkiuna effir ok uppreisir smiþar
sialfum ser himinriki.

Capitulum.

93. Frægazti herra Karlamagnus⁹ hvilldiz til guðs i goðri elli
kalendas Februarij. Voru við hans andlat ok líkfyldgiu allir dyruztu
menn veralldarinnar, [fyrsti byskup inn romverski virðuligr herra
pavi, ok með¹⁰ villduztu höfðingiar af sialfri Róma, her næst erkiby-
15 skupar ok lyðbyskupar, siðan abotar ok hverskyns valldzmenn með
utöluligum lyð[; en af ollum attum dreif til Aquisgranum, þegar er
spurðiz hinn hættari krankdómr keisarans¹¹. Þvi goriz i greindum
stað¹² sva sæmilig utferð [þess hins andaða¹³ mannz, sem fyrr er
uheyrt i allri¹⁴ Franz, sakir þess at þat blezaða holld, er sik hafði
20 engan tima sparat i guðligu striði, var sva mikillar virðingar i herra
páfans ógliti¹⁵ ok allra annarra [nær verandis¹⁶ höfðingia, at þeir
þora eigi likamann með molldu hylia [eðr nóckut dupt hit minnzta
æ bera, utan helldr pryða¹⁷ hann með ollu konungligu skruði
ok¹⁸ setia hann upp æ gulligan stol sva rettan, sem hann se
25 lifandi [maðr ok¹⁹ domari. Koronu með skirazta²⁰ gulli setia þeir
æ hans haufut, ok lata ganga af krununni .ij. gullfestar²¹ niðr
undir stolbruðurnar, at þær skyldo²² hallda höfðinu rettu [, at
eigi luti likaminn²³. Heilagan textum skrifaðan gullstófum .iiii.²⁴
guðspialla lata þeir opinn i hans hægri hönd, en vinstri hönd
30 leggja þeir til letrsins i þa mynd, sem hann puncteri lógbokina, er
hann sitr upp at dæma. Annan veg moti hans æseonu²⁵ láta

1 konungr B. 2 saal B; samlagðr A. 3 keisarans B. 4 i Vienna tilf. B.
5 skilríkliga B. 6 mgl. B. 7 mann tilf. B. 8 [hvadan vel gefr B.
9 keisari tilf. B. 10 [herra Leo pafi ok adrir B. 11 [af ollum ættum
35 B. 12 Aquisgranum tilf. B. 13 [þessa B. 14 ollum B. 15 augliti B.
16 [mgl. B. 17 [utan helldr pryði B. 18 saal. B; sva at A. 19 [mgl. B.
20 skærazta B. 21 a bakit tilf. B. 22 skoli B. 23 [mgl. B.
24 flogurra B. 25 asionu B

þeir standa hans¹ herskruða, gerandi síþan leiðit sva vaxit sem [þeim umbunaði heyrði til², miok hatt ok formerat [ofan sem einn bogi³, sva sterkliga lukt aullum megin⁴, at hvergi matti mannz hönd nærri koma. Var síðan [leiðit gullagt⁵ utan ok viðrskilit meðr allri virkt [sem framaz⁶ matti, sem einkannliga var makligt⁵ sva agiætum herra, [þviat virpuligr textus heilagra guðspialla vattar skyrt, hversu hann fylgði lögum guðs i sinu lifi, meðr þvi at herra pávinn dæmir honum framfórnum þa bok til heyra, er helgaz ma finnaz ok hæst i allri cristni⁷.

Frægd Karoli⁸.

10

94. Nu er Karlamagnus keisari⁹ undir lok liðinn, en hans handaverk lifa [langa daga¹⁰ vestr i Galicia, kirkian i Compostella fagnandi¹¹ miok i sinum privilegijs ok metorðum [a þeim tima¹². Hvar fyrir þat framkvæmiz nu, er Jacobus postoli sagði forðum, er hann vitradiz¹³ keisaranum, at pilgrimsferð mundi verða af¹⁵ allu¹⁴ Italia til legstaðar þess hins ægiæta guðs postola. Senniliga er sa timi nu kominn, er¹⁵ flokkar renna til Jacobum postola, þviat Karlamagnus [keisari rak i¹⁶ brott hulningina, sva at liosit, er fyrr leyndiz undir þoku villumanna, er nu biart ok skirt¹⁷ um alla kristnina til arnabrarorðz ok allra miskunnsemða, til synda²⁰ fyrirgefninga ok storra iartegna. Mikils hattar valgerninga veitir Jacobus postoli þeim, er hann heim sækia, með ymissum [háttum ægiætra iartegna, þott ver kunnim storliga fátt¹⁸ at greina bæði sakir [fiarska ok fafræði¹⁹, en þat litit sem ver höfum fundit, skal²⁰ giarna til lata.

25

Capitulum.

95. Þa er liðit var fra higatburð vars herra Jesu Cristi [m. c. xx. ok .iiii.²¹ ær, andaðiz ægiætr herra milldrar minningar Calistus²² pavi, annarr meðr þvi nafni. Hann var einkannligr vin hins blezaða Jacobi postola, sva at þegar æ ungum alldri for hann³⁰ viðs vegar at lesa saman af ymsum²³ stauðum þær iartegnir, er

1 virduligan B. 2 [þessum u. tilheyrir B. 3 [tilf. B. 4 megum B. 5 [saal. B; leiði hans A. 6 [er geraz B. 7 [sem hann var B. 8 Overskr. B. 9 konungr B. 10 [gladliga B. 11 fagnadi B. 12 [mgl. B. 13 birtiz B. 14 allri B. 15 at B. 16 [konungr tok B. 17 skært B. 35 18 [iartegnum, hvar ver kunnim storliga fatt af B. 19 saal A² (som her atter begynder i Ordet [fa]fræði), B; fatæktar ok fiarska A 20 skolo ver B. 21 [þusundrat hundrat tuttugu ok flogur B. 22 Kalixtus B. 23 ymissum A², B.

guð gerðir fyrir sinn kjaran vin. Ok þetta sama vattar Calistus² satt vera, sem hann fram³ setr fyrir⁴ iartegnabok, er hann aflaði af verkum Jacobi postola. Hann segir sva millum annarra luta: Þegar sem ek var æ ungum alldris, likaði hiarta minu storliga
⁵ val við⁶ Jacobum postola, sva at [þann tima⁷ sem ek var .xiii. vetra gamall ok ek hafði aðr i skola verit um rið, tok ek æ mik mikla mæðu ok lönga vegu bæði rannsakandi heiðnar halfur ok cristnar, [þess órendiss⁸ at ek mætti i eina bok saman lesa þær blezaðu dygðir Jacobi, sem aðr voru dreifðar her ok hvar. Ok
¹⁰ hvat er ek fann, skrifaða⁹ ek vandvirkliga. Ok síðan ek hafði hans iartegnir i minni ferð, gekk mer með undarligri hamingiu mitt rað. Ek var gripinn af ránsmonnum ok flettr ollu því sem femætt er¹⁰, utan iartegnabok Jacobi var æ eptirlátin. Ek fell optliga niðr i haska diupra [vatna nalægr dauða¹¹, ok vðknaði
¹⁵ engan tima því helldr bok¹² Jacobi. Ek var kastaðr i myrkvastofu ok afsviptr¹³ ollo minu goðsi, utan æ var bokin eptirlatin¹⁴ hia mer. Ek var i því husi er elldr kom i, ok inni brann hverr minn penningr, utan bokinni naða ek, sva at hun var [fullkomliga uskódd¹⁵. Ok sva sem ek hugleiddi með mer, hversu himneskum guði mundi
²⁰ at getaz minu starfi er¹⁶ rakz hvervetna eptir iartegnum Jacobi, en ek mætti þo iafnan meingerðum ok ymisligum þrongvingum, æ auðru harðara, [þa er¹⁷ annat var uti, virðiz drottinn at lysa mer fyrir augum, at ek [skyllði því rettara skilia¹⁸ þat er fram for. Nðckura natt sem ek var i svefni, þottumz¹⁹ ek kominn i eina
²⁵ konungshall²⁰ sva fagra ok friða, at ek sa enga [þvilika fyrr²¹. Þar i miðiu sat einn ungr maðr einkannliga vænn æ stoli ægætum sem valldzmaðr ok domari. Ek þottiz sitia æ golfinu fyrir²² fotum hans ok hafa glofa æ höndum mer. Mer þotti min æfi allgoð, þvíat su birti tyllði mik allan af²³ fagnaði, er geislaði af þeim unga manni.
³⁰ Ok eptir liðna litla stund talar hann sva til min: „Fæ mer glofana!“²⁴ En er ek hafði þat gort, stoð hann upp af stolinum ok geck i brott. En einn af hans þionostumonnum geck til min ok sagði sva: „Þessi sem þu sátt, er sonr hæsta konungs, ok sva sem hann tok með þinum glofum, sva þiggr hann giarna þa bok, sem²⁵ þu hefir lesit til

35

1 hafði unnit *B.* 2 Kalixtus *B.* 3 frammi *B.* 4 þeiri tilf. *B.* 5 segir hann tilf. *B.* 6 til *B.* 7 [þegar *B.* 8 [mgl. *B.* 9 skrifadi *B.* 10 var *B.* 11 [vatnfalla *B.* 12 bokin *B.* 13 afflettr *B.* 14 eptir *A*², *B.* 15 [osokut *B.* 16 ek tilf. *B.* 17 [þegar *B.* 18 [skildi því rettara *B.* 19 þottiz *B.* 20 konungsholl *B.* 21 [aðra þvilika *B.* 22 hia *B.* 23 með *B.* 24 sagði hann tilf. *B.* 25 er *B.*

40

dýrðar Jacobi, síðan hun er fylld ok algjör.“ Eptir sva talat til min vaknaða¹ ek. Ok i annann tima sa ek syn aðra, þa er ek hafði þat með hendi at dikta sermonem de translatione sæls Jacobi, at fram segðiz² honum til lofs æ þeim signaða degi, sem hann fluttiz til Galiciam af Jorsalalandi. Ok er ek studeraði sem mest, 5 [hvern veg³ ek skyllða þann sermonem vera láta, sæ ek i andar syn drottin minn Jesum Kristum ok með honum hinn sæla Jacobum, ok minn blezaði lausnari virðiz sva til min at tala: „Legg æ goðan hug, segir hann, ok algjör þat verk, sem þu hefir byriat til lofs ok dýrðar minum postola; skipa ok sva þann sermonem, er nu hefir 10 þu i giorð, at hann einarðliga boði, hvat þeir ranglætisfullir burgeisar eiga fyrir hendi, er bleckiliga sitia æ vegum mins postola, rænandi [ok ruplandi⁴ hans pilagrima. Eptir þessor⁵ orð leið synin brott af [minni augsyn⁶. Sva segir virðuligr maðr Calistus⁷ frammi fyrir iartegnabok hins signaða Jacobi, [boðanði⁸ síðan marga 15 luti ok mikils verða, hvar þilikt finnz skrifat millum annarra luta, sem her ma heyra 9.

Capitulum.

96. Nöckurn tima byriaðu sina ferð .xx. pilagrimar af halfum Hyspanie til heilags Jacobum, ok einn af þeim var prestr at 20 vigslu. Þessir allir verða fangnir af Sarracenis ok innkastaðir i diupa dyflizu, strengðir i¹⁰ sterkum fiðtrum [bæði æ hondum ok fótum¹¹ i þeiri borg, er þeir kalla Cesar Augustam. Ok er þeir voru sva sterkliga¹² leiknir, minniz prestrinn þeira formaðr, hvers pilagrimar þeir voru, ok því biðr hann alla saman, at þeir kalli 25 með staðföstu hiarta til hins blezaða¹³ postola, at hann skipi sva viðr [þeira vesaldir¹⁴, sem hann sier¹⁵ þeim bezt gegna, ok iafn-skiott æan allri dvol, kemr maðr inn i þann myrka¹⁶ stað með liosi miklu, talandi sva til þeira er fyrir sitia: „Þer kallaðut mik, se, nu er ek her“. En er pilagrimar sia postolann, verða þeir 30 miok fegnir¹⁷ [æ kostandi allt sitt megn¹⁸ upp at standa¹⁹ moti honum, ok falla til iarþar, þott þeim væri [þungt ok¹¹ eigi hægt i fiðtrunum, ok þaterfiði sem þeir höfðu¹⁹ fyrir postolans virðing, ömbunar hann storliga val, þvíat i stað ferr hann til ok smýrr

1 vaknadi B. 2 i heilagri kirkio tilf. B. 3 [hverneg B. 4 [mgl B. 35
5 þessi B. 6 [minum augum B. 7 Kalixtus B. 8 saal. A²; biððandi A.
9 [mgl. B. 10 mgl. B. 11 [mgl. B. 12 sarliga B. 13 Jacobum tilf. B.
14 [þa B. 15 ser A², B. 16 myrkva A², B. 17 gladir B.
18 megin A². 19 [leitandi vid at standa upp i B. 20 hafa A², B.

alla fiotrana með feiti sins heilagleiks, sva at þeir falla i sundr
 [niðr til iardar¹. Ero nu lausir pilagrimar ok hafa leiðtoga miok
 sterkan, þviat Jacobus gengr fyrir þeim ok hefir þegar uppi
 myrkvastofudyrrnar, leiðir þæ síðan fram i staðinn ok ut at
 5 einu borgarliði, ok sterkliga var læst með storum iarngrindum²,
 aðr Jacobus postoli hefir upp sina hægri hönd með krossmarki
 fram æ hliðit, ok i stað sprettr upp fyrir honum. Ganga sva
 liðugir ut af borginni, at þessi blezaðr leiðtogi ferr ey³ fyrir, þar
 til er þeir koma nalægir einum kastala, er kristnir menn höfðu
 10 valld yfir. Postolinn talar þa til þeira: „Her munu ver skilia⁴
 fyrst at sinni, en gangit nu diarfliga fram at kastalanum, kallit
 hatt [ok segit, at þer sieð⁵ minir pilagrimar, ok mun yðr skiott
 val fagnat“. Liðr þa guðs vin brott fra augum þeira, en þeir
 fara sinn veg lofandi guð ok virðuligan herra Jacobum postola, [er
 15 þeim hafði synt sva mikla miskunn greindra velgerna⁶.

C a p i t u l u m.

97. A daugum agiætz herra Theredemiri erkibyskups i Comp-
 ostella bar til i nœckuru byskupsdæmi eigi langt af Galicia, at
 einn maðr fell i sva herfiligan glæp, at hann skammaðiz lengi til
 20 skripta at bera. En er þat veitir⁷ miskunn heilags anda, at hann
 færrik til knosat at iata fyrir einum kennimanni, biðr prestrinn
 miukliga, at hann man⁸ letta byrði hans ok vanda i þessu mali,
 ok iata þenna lut fyrir byskupi, hvat er hann færrik aflat i siðarstu.
 Ok er byskup hefir heyrt sömu iatning, hryggiz hann miok af
 25 huggiæði sakir mikilleiks lastarins, ok leggr þat til með þessum
 manni, at hann skrifi glæpinn æ bokfelli ok sæki fram i Comp-
 ostella⁹ til hins heilaga Jacobum, leggiandi blaðit undir alltaris-
 blæiu leyniliga, sva at engi maðr viti þat, ok láta¹⁰ sva biða
 þess er guð vill skipa. Allar þessar greinir gorir þessi maðr,
 30 [sem byskup lagði rað til¹¹, skrifar glæpinn ok sækir heim i¹²
 staðinn æ sialfan hatidardag Jacobi postola leggiandi blaðit [yfir
 alltari¹³ undir blæiuna. Ok er erkibyskupinn stendr fyrir alltari
 i öndverðri messunni æ þann signaða dag, sier hann, hvar blaðit
 liggir, ok grunar þegar, at þat muni með nœckurum einkannligum
 35 hætti þagat komit. Þvi tekr hann þat upp ok serr lukt vera, snyz
 siðan til lyðsins, eptirleitandi hvart nœckurr maðr nærverandi hefði

¹ [mgl. B. ² iarnrekendum B. ³ saal. ogs A²; æ B. ⁴ segir hann tilf. B.

⁵ [segiandi at þer erot A², B. ⁶ [mgl. B. ⁷ [veittiz med B. ⁸ muni

B. ⁹ Compostellam B. ¹⁰ lati B. ¹¹ [at radi byskups B. ¹² mgl. B.

¹³ [leyniliga yfir háaltara B.

brefit¹ lagit æ alltarit. Ok sem þessi maðr heyrir erkibyskups orð, er glæpinn hefir gort, fellr hann fram með tárur ok sva með nogligri miskunn heilags anda, at nu skammfylliz² hann eigi at iata glæpinn fyrir ollum monnum. Ok eptir þat gort lykr byskup upp blaðit ok sierr ðngvan lut þar æ skrifaðan. Varð nu 5 fagnaðr mikill i husi guðs, þviat allir lofuðu drottin, er giarna tekr iðran syndugs mannz [ok veitir sinum vinum, hvat er þeir biðia ser til lofs ok dyrðar³.

Capitulum.

98. [I4 þann⁵ tima komu saman i nefndri⁶ Lothoringia .xxx. 10 kompana, þeir ætluðu allir at geraz pilagrimar Jacobi postola fram til Compostellam, setiandi millum sin felag sva styrkt, at engin skal við annan skilia, hvat sem yfir þa kann ganga bæði heim ok heiman, utan dauðinn [skili i millum⁷. Þessum skildaga⁸ iata allir, utan einn þeira þegir hia ok let⁹ ser fa't um finnaz sva 15 mikils hattar ummæli. Raða sið.n i veg ok ganga þar til, er þeir koma i þa borg, er Porta clausa heitir. Ok þa¹⁰ sykiz einn af kompanum, sva at eigi ma hann ganga. Er n¹¹ at taka til drengkapar ok dyggiligrar fyrirheita at bera¹¹ hinn siuka, ok sva flytia þeir hann .xv. daga, at þeir bera hann ymsir æ herðum 20 ser. Ero þeir þa komnir i þann stað, er heitir Portus cicereus, meirr en .xii. dagleiðir brott af Compostella. Geraz þeir þa allir giðrfarnir¹² at fæaz lengr i þeim¹³ þunga, þviat æ næstum .xv. dögum hafa þeir eigi meira gengit en .v. dagleiðir, ef þeir [gengi lausir¹⁴. Fyrir þvilikt¹⁵ linaz ummælin, ok [dignar hugskotit¹⁶, 25 sva at þeir renna nu [brott fra¹⁷ siuka pilagrimi, utan sa einn dvelz eptir [til allz dugnaðar¹⁸. er i engum [heitum hafði bundiz¹⁹ i fyrstu, en gorir nu þvi betr ok astsamligarr, flytiandi [nu þenna hinn siuka²⁰ mann æ herðum ser með [þungum sveita ok²¹ storu erfði, þar til er þeir komaz²² fram undir þat fiall, er heitir²³ 30 Mons Michaelis. Hinn siuki maðr treysti þa miok æ föruneýtit, biðiandi at þeir fari nu sem [kostgiæfiligaz þann veg, sem²⁴ liggr²⁵ yfir fiallit. En sa pilagrimr sem²⁶ bar hinn siuka, [þreyttiz sva

1 bref B. 2 skammaz B. 3 [mgl. B. 4 A A². 5 [Einnhvern B. 6 tilf. A², B. 7 [sialtr skili með þeim B. 8 skilmala B. 9 lætr B. 35 10 þar B. 11 þenna tilf. B. 12 giðrskeknir B. 13 þessum B. 14 [væri lidugir A², B. 15 þvi B. 16 [digna hugskotin B. 17 [allir brott fra hinum B. 18 [tilf A², B. 19 [fastmælum hafði bundit sik B. 20 [þann saluga B. 21 [mgl. B. 22 koma B. 23 kallaz B. 24 er A². 25 [kostgiæfigaz B. 26 er B.

miok af miklu erfði, sem guð einn ma vitni um heraz², en vill þó giarna² gora sva sem hinum siuka ma bezt lika, treystir enn a veginn upp æ fiallit ok gengr um daginn, allt þar til at siðla um kvelldit andaz pilagrimrinn æ baki honum. Göriz nu bardagi 5 mikill i hans hugskoti, fyrst³ sakir þess at hann er miok likblauðr ok hræðiz hinn dauða, en veit hvergi til⁴ bygða, her með [gengr at skiotliga náttmyrkr ollum megin⁵, sva at hann ma öngvan veg [i fæz at⁶ grafa hinn andaða. Eigi þickir honum ok gott at liggia uti æ nattarþeli bæði fyrir skogdyrum ok vándum 10 raufurum⁷. Þvi snyr hann [sinu hiarta ok hugskoti⁶ þagat til traustz, sem nogt er fyrir, biðandi⁸ sælan Jacobum at [þöckurn veg snuiz⁹ hans rað til betri lykta, en honum [þickir nu likindi æ vera¹⁰. Ok [meðr þessi bæn grætr hann tærum¹¹ hæstöfum litla stund, aðr fram snarar hia honum einn vænn¹² riddari æ 15 friðum hesti, þangat vikiandi sem hann sitr fyrir grátandi. [Riddari þessi verpr þegar orðum æ hann¹³ sva segiandi: „Hvi grætr þu?“ Pilagrimrinn svarar: „Herra minn, þat þickir¹⁴ mer þungt, er náttmyrkrít sækir¹⁵ at ollum megin, en her liggr dauðr maðr hia mer, ok fær ek ecki¹⁶ grafit hann“. Riddarinn svarar: „Þetta 20 þickir¹⁷ mer alllitill vandi, fæ mer upp hinn andaða, en þu stig upp at baki mer“. Ok sem þetta er gört, setr riddarinn [þann friða hest fram¹⁸ til rasar þann sama¹⁹ veg, sem liggr²⁰ til Galiciam, sækiandi .xii. dagleiðir æ þeiri natt, aðr²¹ sol riði²² um morgininn. Ok er²³ þeir koma²⁴ æ þat fiall, er pilagrimar 25 kalla Montem Gaudij, þat þyðiz fiall fagnaðarins, þviat [þeir sea þaðan²⁵ fyrst til staðarins, talar riddarinn til pilagrimis: „Nu att þu at sækia halfa milu fram til²⁶ Compostellam, ok er þat [skammr vegr²⁷, þvi skalltu af baki fara ok taka með²⁸ hinum andaða. Mun þat ok allvel duga haskalaust²⁹, at her biði likaminn, meðan 30 þu ferr fram i staðinn at segia korsbræðrum³⁰, at þeir veiti graptar þionostu pilagrimi postolans. Þat skalltu ok vita, at sva sem þu [hefir gort þina pilagrimisferð, muntu snua heimleiðis ok³¹ finna

1 [þreytiz sva miög, sem gud einn veit *B.* 2 lífsgiarna *B.* 3 *mgl. B.*
 4 manna *tilf. B.* 5 [ferr at nattmyrkr *B.* 6 [*mgl B* 7 rautórum *A²*; rauf-
 35 arum *B.* 8 með tarum *tilf. B.* 9 [*saal A², B*; nóckurr *A* 10 [megi nu
 likendi a þickia *B.* 11 [grætr nu *B.* 12 vænazti *B.* 13 [Þessi verpr þegar
 orðum fyrri a pilagriminu *B.* 14 þicki *A², B.* 15 setr *A², B.* 16
 eigi *B.* 17 þicki *A².* 18 [sinn fimma hest *B.* 19 *mgl B.* 20 veit *B.*
 21 en *tilf. A², B.* 22 *saal B*; næði *A, A².* 23 sem *A², B* 24 ero kommir
 40 *A², B.* 25 [þ. dan ser *B.* 26 i *A², B.* 27 [skamt *B.* 28 i moti *B.*
 29 *mgl. B.* 30 kirkiunnar *tilf. A², A.* 31 [snyr heimleiðis, muntu *B.*

þina kompana i þeim stað er Legio heitir, þu skalt segja þeim af halfu [postolans Jacobi¹, at pilagrimskerð su er þeir foro næst² er nytsemdarlaus i alla staði, [sakir þess at þeir rufu sina dygd³ við broður sinn⁴. Eptir sva gort⁴ hverfr riddarinn. En pilagrimr gorir [hveria luti⁵, sem honum [var boðit⁶, finnandi kompana i 5 greindum stað Legionē, boðandi þeim af postolans halfu orð sem fyrr voro lesin. Undruðuz þeir miok [þessi orð⁷, en iðruðuz miok sinnar giorðar, takandi skript af Legionense byskupi fyrir sin⁸ afbrot, lofandi sælan Jacobum, er þeira hafði vitiat með sendi-boði, at [þvi helldr mætti þeir forþaz andliga pinu i auðru lifi⁹. 10

Capitulum.

99. Af því ríki er Theothonia heitir fara .ii. feðgar pilagrimskerð til hins sæla Jacobum, komandi siðla¹⁰ um kvellð til herbergis i þa borg i¹¹ veginum, er Tholosa heitir. Ok einn ríkr maðr tekr þa i sitt hus ok gorir vel við þa meirr i klokskap ok yfirbragði 15 en saunnum goðvilia, þvíat hann gefr þeim um kvellðit vin at drecka, sva at þeir falla [sofnir niðr þegar¹², en voro aðr vegmoðir. Þessa¹³ neytir bondi sva, at hann rannsakar gyðla þeira ok finnr, at þeir hafa goða penningha. Gorir siðan rað til, at þetta goðz skal allt undir hann bera, ok þar finnr hann til þa list, at 20 hann tekr .ii. silfrbolla [af sialfs sins eign¹⁴ ok skytr niðr i hvarntveggia packann, lętr sva [liggia ok biða allt til¹⁵ morgins. Risa þa pilagrimar upp ok taka sitt goðz, biðia bonda heilan ok ganga ut af husinu fram æ veginn [miok skamma leið¹⁶, aðr bondi sækir eptir þeim með miklu hæreysti ok umfangi, segir at þeir hafi 25 uiafnir vorðit, hann hefir gefit þeim sinn kost, en þeir hafa¹⁷ stolit hans goðz [i.ij. bolla sylfrs¹⁸ um nattina. En meðr því at feðgar þessir [vissu sik grandalausa af¹⁹ þeima lut, taka þeir sva mikinn af, at sa þeira skal hanga, sem sannr verðr at stuldinum. Lata siðan uppi rannsokn ok ganga fra i brott. En [bondi er kunnigr 30 i leitinni²⁰ ok gripr sinn bolla or hvarum packanum, með kalli miklu ok orðum illum hafandi þa baða meðr afli aptr i staðinn,

1 [Jacobi postola A²; heilags Jacobi B. 2 skemstu B. 3 [sidan þeir rufu sina dygd ok helldu eigi allt B. 4 talat A², B. 5 [hvern lut A². 6 [voru bodnir B. 7 [sögu hans B. 8 sitt B. 9 [þeir mætti fordaz 35 andliga pinu B. 10 sid B. 11 a B. 12 [niðr sofnir A², B. 13 þessu A², B. 14 [sialts sins B. 15 [biða B. 16 [tilf. A²; miog skamt B; mgl. A. 17 hafi B. 18 [saal. ogs. A²; tva silfrbolla B. 19 [vita sig grandalausa yfir B. 20 [bondi er kunnig leitinn B.

dragandi fyrir domara rægiandi af liotum stulð silfrbollanna. Ok eptir hans framburði¹ fellr þat dóms atkvæði, sem valldzmaðrinn þickiz vægia ok miskunna eptir megni, at annarr þeira skal hanga, sœ sem þeir vilja sialfir til kiosa, en bondi skal taka allt þeira
 5 goðz. Ero þeir nu leiddir [til galgans ut af staðnum², þviat meðr þeim var sva mikil elska, at hvarr villdi giarna³ fyrir annan deyia. En þo kemr þar um siðir, at hinn yngri er upp festr. Gengr þa faðir hans fra i brott með hörmungarfullt⁴ hiarta, gerandi upp-
 10 tekinn veg fram i Compostellam til hins sæla Jacobum postola, en hverfr aptr siðan komandi til nefndrar borgar Tholosam eptir liðna meirr en .xxx. daga, gangandi meðr sut ok sárum andvörpum þar hia, sem hans son hangir enn æ krossinum⁵. Ok er hann grætr sva hátt, at heyrar matti, ef nœkur væri menn nalægir, kallar þessi, er uppi heck, reinni raudð sva mælandi: „Faðir minn
 15 sæti⁶, grat eigi! huggaz helldr ok lofa guð, þviat alldri var ek iafnsæll æ minni æfi sem þenna tima, er siðan hefir liðit, er við skildum, [safir þess⁷ at hinn sæli Jacobus lyptir⁸ mer upp ok fæðir mik himneskum sætleik“. En er faðir heyrir þilik orð sonar sins, nemr hann staðar ok sierr fullkomliga, at hann lifir með glæpri
 20 æseonu ok goðmannligri. Þvi verðr hann fegnari en fra megi segia, rennandi [með ollum skunda⁹ fram i borgina, segiandi domara staðarins, hvat hann hefir sieð ok heyrtr, vattandi þa undirstöðu þessa mals, at þeir voru hafðir fyrir raungu mali, sem Jacobus postoli hafði nu dæmt með sinni milldi. Ok i stað truir herrann
 25 orðum gamla mannz ok lætr gripa þann bonda hinn grimma, er sveik goða menn ok saklausa, hafandi hann¹⁰ með ser ut af borginni fram til galgans. Kom her saman margr lyðr, ok eigi til engis, þviat allir þeir auðlaz at sea miskunn guðs ok almátt fyrir bæn ok verðleika Jacobi, at sœ maðr stigr glaðr æ iorð, sem
 30 hangit hafði .xxx. daga, [ok þvi helldr glaðr, at hann angraðiz¹¹ af þi er hann var brott tekinn af sælunni. Þilik ero verk drottins fyrir ast ok elsku vina sinna, at saklauss lifi með fagnaði, en sakaðr bondi hangi haðuliga¹² með skömm ok eilifu brigzli, [at salmaskalldzins orð fylliz æ hans hófði, at sialfs hans fætr detti
 35 honum, ok sviklig snara strengi sinn upphefiara, hvat er allt geriz i guðs lofi ok haleitu rettlæti¹³.

1 flutningi A², B. 2 [ut af staðnum til galgans A², B. 3 mgl. B. 4 hörmungarfullu A², B. 5 galganum A², B. 6 sætazti, segir hann B. 7 [þvi B. 8 saal. A², B; lypti A. 9 [mgl. B. 10 tilf. A², B. 11 [helldr
 40 angradiz hann B. 12 hæðiliga B. 13 [mgl. B.

Capitulum.

100. A nöckurum tíma kemr sótt mikil í Franz, sva at nalgja fellr flokkum folkit niðr í dauða, hvat er ækafliga ottaz einn þar-
lendzkr maðr, at hann muni verða í því dauðaflóði. Ok því vill
hann brott leita af ríkinu ok goraz pílagrimr hins sæla Jacobi. 5
Sva staðfestir hann sína raðagerð, at hann tekr með sér husfrey,
sína ok .ij. syni sínaz, er þau attu, ok fær sér hest, at sveinarnir
flytiz æ, en þau ganga bæði. Gora nú veg sinn, þar til er þau
koma í borgina Pamphiloniam, ok þar dveliaz þau nokkura hrið
með einum garðzbonda miok ríku ok ranglatu. Ok fyrir þa 10
sauk hindraz³ Francus í Pamphilonia, at husfru⁴ hans sykiz ok andaz
[í þeiri sömu borg⁵, hvat honum þíckir mikill skaði. En þó fær
hann skíott annan, þvíat husbondi hans vill hafa fullt fyrir kost
sinn í síðarstu ok gorir hann sva af garði, at hann tekr af honum
hestinn ok allt goðzit, en lætr hann bera báða pilltana æ baki 15
sér fram í⁶ veginn. Sva gengr hann salugr⁷ með döpru skapi bæði
hafandi⁸ astmannzins skaða ok affletting allra sinna penninga, en
gorir sik þó raðinn í, at hvat sem um liðr, skal hann alldri því
helldr aptr venda, ok⁹ meðan hann ma ganga. Litinn tíma hefir
hann gengit¹⁰, aðr maðr kemr í mót honum ok hefir asna væn- 20
ligan meðferðar. Hann spýrr þegar fyrri, hvi Francus beri sva
þungt, eðr fyrir hveria sauð hann se sva ugladr. Francus segir,
hversu bondinn hefir við hann gort í Pamphilonia. Kvamumaðr
svarar þa: „Ek vil giarna lía þér asna minn, at þú flytir æ
[þeim asna¹¹, en berir eigi lengr¹² sialfr æ baki þér.“ Jatar Fran- 25
cus þessu feginsamliga ok setr upp pilltana æ a-nann víkiandi
fram æ veg. En sa er honum hafði [líð, for¹³ brott annan veg.
Tekz nú [ferðin allt hit greiðazta¹⁴, þar til er hann kemr í Comp-
stellam, ok vakir¹⁵ um nattina æ bænum til guðs ok hins heilaga
Jacobum. Ok sem hann [biðz fyrir fullkomliga vakandi¹⁶, stendr 30
hinn sæli Jacobus hia honum syniliga sva mælandi: „Hvat er,
France!¹⁷ hvart kennir þú mik?“ Francus svarar: „Hvi muna¹⁸
ek kenna þik, herra minn?“ Postolinn svarar: „Þat þíckir mér
undarligt, er þú kennir mik eigi, þar sem ek líði¹⁹ þér asna minn

1 husfreyio *B.* 2 *mgl. A², B.* 3 hindrar *A, B.* 4 husfreyia *B.* 35
5 [þar *B.* 6 aa *A², B.* 7 tilf. *A², B.* 8 firir *B.* 9 æ *B.* 10
farit *A², B.* 11 [honum sveinana *B.* 12 *mgl. A², B.* 13 [led (let *B.*
ferr *A², B.* 14 [Franko allt greiðliga *B.* 15 var *B.* 16 [er a
bæn sinni *B.* 17 segir hann tilf. *B.* 18 mun *B.* 19 ledi *A², B.*

við Pamphiloniam. Nu [segir ek þer¹, at sva sem þu hverfr aptr
[i veginn², ok þu kemr [fram i3 Pamphiloniam, mun sa bondi
braðdauðr vorðinn, er þik rænti, æ þann hatt at hans loptskemma
mun rapa niðr undir honum ok lemia sundr i smátt. Þat skalltu
5 ok vita, at þvilika fôr munu⁴ fara fleiri burgeisar, er til þess sitia
æ vegum minum at rupla ok ræna [mina pilagrima ok⁵ þa er
mer þiona, gripandi undir sik þat sama goðz, er þeir hafa ætlat
aðr til offrs drottni minum Jesu Kristo ok mer til aflausnar sinna
misverka⁶. Nu mun, at sva ferr, sem ek hefir⁷ sagt, nema þeir
10 [bæti sik⁸.“ Eptir sva talat liðr hann til guðs, en Francus fagnar
miok, takandi asnann nu sem fyrri til meðferðar, aptr vendandi
til Pamphiloniam, synandi þau tiðindi, at bondinn hefir fallit i
sömu dauðatapan⁹, sem Jacobus postoli [hefir fyrir sagt¹⁰. Sva
gorir Francus glaðan veg heim i Franz, at hann ferr með asna
15 Jacobi [dag fra degi¹¹. En þegar hann er heimkominn ok sveinarnir
ero teknir af asnanum, hverfr hann skiotliga ok sæaz alldri¹² siðan.

Capitulum.

101. Margir pilagrimar hins sælazta fauður Jacobi hófðu
20 komiz i kugg með goðum skipherra Frison¹³ at nafni. Ok sem¹⁴
þeir ero i miðiu hafi, komu¹⁵ at þeim vikingaskip Sarracenorum.
Þar fyrir er sa formaðr er Auctus heitir, bolvaðr með sinum kom-
panum, þviat hann hefir vapn a lopti með fullum ufriði. Vill
hann hafa goðz allt en leiða menn i þrældom æ iorð Moabita-
rum. En Frison¹⁶ byðr alla menn herklæðaz ok¹⁷ veria fe sitt
25 ok fiðr. Tekz þar [ok skiotliga harðr¹⁸ bardagi. Ferr Frison
miok akafr at veria¹⁹ pilagrima ok drepa guðs uvini, sva at þar
fyrir geymir hann eigi skynsempar ok leypr [æ kaf með ollum her-
klæðunum fyrir borð²⁰ takandi meðr sinu hiarta sæla æminningh²¹
30 hins blezaða Jacobi postola. Hvat honum verðr eigi tómt, þviat
agiætr guðs postoli birtiz honom þegar i bylgiu siofarins, þrifandi
til hans sva hart ok heilagliga, at i einum kipp er hann upp-
kominn æ skip sitt heill ok herfærr, sem þa er bezt var. Fylgir
hinn sæli Jacobus honum upp æ kugginn sva opinberliga, at allir
35 [menn sa hann æ²² hvarutveggia skipinu. Hann gengr fram æ

1 [segi ek þer firir B. 2 [a veg B. 3 [til B. 4 skioott tilf. B.

5 [mgl. A², B. 6 synda B. 7 þer tilf. B. 8 [bætiz B. 9 daudahrapan B.

10 [fyrir sagdi A², B. 11 [mgl. B. 12 eigi B. 13 Prison her og senere B.

14 er B. 15 leggr B. 16 skipari tilf. B. 17 at B. 18 [snarpr B.

19 vernda lif B. 20 [fyrir bord medr aullum herkl. a kaf A²; ut af

40 saxinu m. o. herkl. a kaf B. 21 minning B. 22 [mattu sia hann af B.

vigit ok talar hátt til Auctum sarracenum sva segiandi: „Tveir ero kostir, giör annattveggia¹, legg fra i stað þessu skipi kristinna manna, [er þu striðir upp æ með heiðingligum illvilia², ella mun ek gefa þeim i valld þinn hialm ok þar með sialfan þik.“ Sarra-cenus svarar: „Hvi talar þu sva, ægiætr herra? Fyrir hveria 5 sauk villtu hanna mer at afla fiár með herfangi, þviat kuggrinn er skiott minn³, ef stendr bardaginn. [Nu fyrir hveria sok⁴ hatar þu vara þioð i miðiu hafi? [Er þus siofar guð?“ Postolinn svarar: „Eighi er ek siovar guð helldr þionostumaðr guðs, er⁵ yfirbyðr sióinn.“ Ok æn dvol [sprettr upp⁷ sva mikit ofviðri milli skipanna, 10 at Sarraceni þurfu aull sin beztu⁸ frammi at hafva, ef þeir fæa hialpat lifvi sinu. Keyrir þa sva brott i haf tvifallda⁹, at siorrinn ognar þeim dauða¹⁰, en kuggr Frisonis liggr¹¹ eptir i bliðum kyrrleik ok tekr síþan þa höfn, sem [þeir mundu¹² kiosa, með heilu ok hölldnu, lofandi guð ok sælan Jacobum postola. 15

Capitulum.

102. Byskup einn goðr maðr ok rettviss af Jorsölum var staddr æ skipi með sinum kompanum. Ok er þeir sigldu¹³ mikinn æ einn dag, sitr herra byskup ofarligha¹⁴ æ skipinu miok utarliga aptr æ saxit, lesandi heilaga salma, sva at hann hefir fyrir ser 20 bokina. Ok i því slær ein allda sva sterkliga skipit, at byskup ok hans¹⁵ fleiri menn fæa eigi við buiz, ok steytir ut alla samt¹⁶ i sióinn meðr sva einkannligum hætti, at engin þeira ferr i kaf ok eigi skilr með þeim, utan báru¹⁷ leika undir þeim upp ok liðr. Er skipit fullskriða, sva at eigi [bar minnr fra en .xl.¹⁸ 25 faðma, aðr þeir [urðu varir við¹⁹, hvat þeir hafa latit. Byskup helldr æ salltara sinum, treystandi [meðr faugrum bænum²⁰ æ hinn sæla Jacobum postola. Ok i stað kemr sa sem²¹ kallaðr var, blezaðr Jacobus²² postoli, gangandi at þeim þurru fotum, þar sem þeir reika i bylgjunum, ok talar sva til þeira: „Ottiz 30 eigi, synir minir! Ek er Jacobus postoli, sa er þer kallaðut, hialpandi nauðstöddum, er æ mik heita, eigi siðr æ seo en æ landi.“ Eptir þessi orð er hann sva skiotraðr, at allt er i senn, at²³ þeir fyrirlata bylgjurnar, en ero settir upp [i skipit²⁴ i einu

1 [annathvart B. 2 [mgl. B. 3 unninn B. 4 [edr hvi B. 5 35
[Ertu B. 6 drottmar ok tilf. B. 7 [eptir þessi ord brestr upp B.
8 betri B. 9 tvefallda B. 10 daudann B. 11 er B. 12 [hann
mundi B. 13 sigla B. 14 miog ovarliga B. 15 enn B. 16 saman B.
17 barurnar B. 18 [berr minnr fra en flora tigi B. 19 [verda vissir i
skipinu B. 20 [mgl. B. 21 er B. 22 guds B. 23 er A²; 40
mgl. B. 24 [a skip B.

augabragði með sva mikilli list, sem bok herra byskups berr vitni
um, þvíat hun var hvergi vðknut. Liðr þa postolinn brott at syn,
en byskup stendr upp æ¹ skipinu [miok fagnandi², semiandi eitt
responsorium til sæmðar Jacobo, [biððandi at allir lofaði guð, þeir
5 sem innbyrðis voru.³

C a p i t u l u m.

103. Enn æ auðrum tíma foru margir menn æ skipi pila-
grimsferð til hins sæla Jacobum allt af Jorsolum. Ok er þeir
sigla heim aptr snarpan byr, sitr einn maðr⁴ sòmu leið ok aðr
10 byskupinn miok [uvarliga æ⁵ skipinu, sva at hann steytiz ut af
borðinu, kallandi hátt at hinn heilagi Jacobus [skyldi duga⁶ honum.
En er þat sier ok heyrir einn kompan hans, hvilika fór hann
ferr, gripr hann upp einn skiolld, er la⁷ hia honum i skipinu, ok
fleygir [til hans æ sioinn⁸ sva mælandi: „Hinn ágiætazti herra
15 Jacobus postoli hialpi þer ok fullting veiti, sva sem þu biðr.“
Eptir þetta snarar fram⁹ skipit langt [i brott¹⁰, þvíat veðr var sva
mikit, at öngu kom auðru við en sigla undan. Hafa sva skiparar rað-
byri .iij. daga ok .iij. nætr takandi siðan [bliðaztu höfn, er þeir mundo¹¹
kiosa. Ok [hvat er lengra um¹², en þa saumu höfn tekr kompan
20 þeira litlu siðarr, er utbyrðis hafði fallit, hefir hann skiolld
sinn meðferðar [ok lętr hit vænligzta¹³, heill ok hraustr i alla
staði. Sagði hann glaðliga¹⁴ af sinum ferðum, at þegar [i fyrstu¹⁵
sem hann hafði næð skilddinum ok komit honum undir briostit
framan, at [dvelia dauðann en¹⁶ hialpa lifinu, sæ hann standa hia
25 ser Jacobum postola. Hann geck þurru fotum [um seoinn¹⁵ ok
greip þegar i hárit, brynandi æfram, sva at .vi. dægr geck hann¹⁶
æ¹⁷ iafnmikit, sem skipit sigldi undan. Tok hann fyrir þa grein
sòmu höfn sem fyrr¹⁸ var skrifat, þo sva miklu siðarr, sem æ var
millum hans ok skipsins. [En er pilagrimar heyrðu hans framburð¹³,
30 lofaðu allir guð ok hinn sæla Jacobum postola.

C a p i t u l u m.

104. Bernardus het maðr pilagrimr hins sæla Jacobi
postola. Hann var gripinn æ veg i sialfri Italia ok innkastaðr

1 i A², B. 2 [med miklum fagnadi A²; mgl B. 3 [mgl. B. 4 aa
35 tilf. A², B. 5 [uforsioliga i A², B. 6 [hialpi B. 7 ligg A², B. 8 [aa
sioinn til hans A², B. 9 mgl. B. 10 [i fra B. 11 [þa hofn er þeir mundi
B. 12 [hvat leingra B. 13 [mgl. B. 14 mgl. B. 15 [yfir hafit B.
16 honum B. 17 saal. A², B; eigi A. 18 Her mgl. 1 Bl. i A².

i digra fiðtra ok diupa myrkvastofu. Su dyfliza, [sem hann sitr i¹, stendr i iorð undan einum turni hafum. Voru þar yfir uppi mörg herbergi ok allovænligt til undankvamu². En [allt at eins³ biðr Bernardus [nótt ok dagh⁴ hinn sæla Jacobum, at hann skuli honum fullting veita ok nöckura huggan sinna vandkvæða. 5 Ok þat veittiz honum, þviat hinn blezaði Jacobus kemr til hans i dyflizuna ok [segir sva til hans: „Statt upp⁵ ok far með mer allt i Galiciam.“ Ok eptir [sva talat⁶ snarar hann sundr fiotrana ok liðr brott síðan. Bernardus skilr, at hann er lauss ok liðugr fyrir miskunn postolans, en vill þo giarna hafa nöckut mark 10 þessarrar iartegnar, ef honum auðnar at koma fram i Galiciam. Þvi tekr hann halsiarnin, er hann hafði verit i settr, ok hefir [með ser, hvar vænaz er⁷ til utkvamu, ok verðr honum þat fyrir með fulltingi ok vilia hins blezaða Jacobi, at hann leitar æ upp i turninn hus af husi sva knaliga⁸, sem hann hefði þar 15 hvern dag farit, þar til er hann kemr naliga allt upp undir knappinn. Verðr þa hurð fyrir honum, ok henni lykr hann upp, ok serr, at storliga hátt er hann uppkominn, sva at eigi minnr er til iarðar en .xl.⁹ faðma [eptir hans ætlan¹⁰. Ok eigi þvi siðr [gengr sva mikit traust af miskunn Jacobi inn i hans hiarta¹¹, 20 at hann hefr¹² sik ut af hlemminum ok kemr standandi a iorð, sva at [eigi nöckut minnzta varð honum¹³ ofboðit. For hann [leið sina¹⁴ frials ok liðugr, hafandi meðr ser þriar iartegnir eðr fleiri vestr i Galiciam æ fund Jacobi synandi halsiárnin til [prov-anar sinum framburði¹⁵. 25

Capitulum.

105. Riddari rikr var i einshverium stað, Allobrin at nafni. Hann átti iarðir margar ok mikil auðæfi. A einni hans iorð¹⁶ sitr sa bondi er Rambert heitir, hann var forn pilagrimr hins heilaga Jacobi. Ok sva berr til einn tima, sem þeir reiknaz við³⁰ um fiarfar, at riddarinn verðr miok forr bæði sakir reiði ok rangrar agirni, sva at hann setr digrt hnefahaugg við eyra honum¹⁷ bondanum. En er hann færslaginn, talar hann sva:

1 [mgl. B. 2 nockorrrar brottkvamu B. 3 [þo B. 4 [mgl. B. 5 [talar sva: Statu upp segir hann B. 6 [þat B. 7 [brott með ser, leitar 35 síðan, hvar vænaz se B. 8 kunnliga B. 9 fiorir tigur B. 10 [mgl. B. 11 [gefz honum sva mikit traust B. 12 hefir B. 13 [honum varð ecki B. 14 [síðan B. 15 [vitnisburdar B. 16 iordu B. 17 mgl. B.

„Guð hialpi mer ok hinn sæli Jacobus postoli.“ Ok þegar iafn-
 skiott¹ er Allobrin sleginn² guðligri hefnd, sva at handlegggrinn
 stirðnar fyrir þat ranglætishaugg, er hann hafði gefit, [ok hann
 sialfr fell³ niðr æ iorðina sva sem⁴ kominn at dauða. Koma⁵
 þa til kennimenn at hialpa honum, ef hann mætti nœkut [mæla
 eða skynia⁶. Ok þat veitir guð fyrir sina milldi, at hann skytr
 upp öndinni ok fær skynit sva til orðz takandi: „Rambert,
 Rambert bondi! bið mer liknar fulltrua þinn sælan Jacobum
 postola, þviat hann er mer reiðr fyrir þat forz, er ek giorða⁷
 þer.“ Ok bondinn kann betr hafa fallandi þegar fram⁸ til bænar,
 hvat er Jacobus heyrir i stað, sva þiggiandi bæn hans til miskunnar
 sem seandi slaginn til harðrar hegningar. Feck riddarinn i stað
 heilsu sina ok stoð upp alheill, verandi iafnan síþan betri vin
 Rambert bonda, [sakir þess. at hann hafði sva mikit halld af
 Jacobo postola⁹.

Capitulum.

106. Annarr riddari varð fyrir mikilli guðs reiði, sakir þess
 at hann hafði lagiz i suck mörg dægr saman með vantempran
 átz ok dryckiu¹⁰. Ok síþan stendr hans kviðr sva harðr ok digr
 sem blasinn belgr, ok setnaði [með öngu moti¹¹. Fengu lækna
 enga bot [eðr letta⁹ unnit æ þessu mali, [hverium listum sem
 hellz var profat⁹, þar til at allir leggiaz fyrir. Riddarinn talar
 þa: „Leitit¹² um at fæ mer krus nœkura af pilagrimskerð hins
 heilaga Jacobi, þviat ek truir, at mer batni, ef ek dreckr þar af.“
 Sva er gort, at um er leitat¹³, ok finnz ein flaska, er pilagrimr
 Jacobi atti, hveria¹⁴ hann hafði fengit i Galicia. Ok þegar sem
 riddarinn dreckr af henni, setnar hans kviðr eptir natturuligum
 hætti, ok verðr [alheill æ skömmu bragði lofandi guð ok hinn sæla
 Jacobum postola i sinni milldi¹⁵.

Capitulum.

107. Kaupmaðr nockurr [var i einshverium stað, hann var
 skilviss ok oprettottr i sinum gerðum ok hafði penninga goða.
 Nu berr sva til æ nœkuru ære, sem kornskurðartið nalgaz, at
 hann¹⁶ vill gera kaupferð i annat riki. [Ok er hann byz, verðr

1 i stad B. 2 med tilf. B. 3 [Hann fellr B. 4 i omegn tilf. B.
 5 Renna B. 6 [skynia eða mæla B. 7 gerdi B. 8 mgl. B. 9
 [mgl. B. 10 dryckiar B. 11 [eckr B. 12 Leitiz B. 13 leitaz B.
 14 er B. 15 [skiott alheill lofandi gud ok sælan Jacobum B. 16 [vel
 flareigandi ok skilviss i sinum gerðum B.

hann viss, at i þann sama stað sem hann hefir dvaliz um rið, er kominn valldzmaðr af því ríki, sem nu ætlar hann til, hvat er hann truir ser giptuliga falla til goðs fóruneytis. Þvi leitar hann ok finnr i staðinum þann sama herra, biðandi sik i hans fylgd ok foruneyti fram æ þa iorð, sem hann vill (til) geraz. Jatar herrann því 5 giarna, ok ferðaz siðan baðir samt, þar til at fiandinn þreifar um hiarta ríka mannz, sva at hann ágirniz uheilliga alla kaupmannzins penninga. Ok meðr þij at hann skilr þat verk skiott ufrægiaz, ef kaupmaðr ferr liðugr, syniz honum nauðsynligt, at fiótrar ok myrkvastofa geymi hann eigi siðr¹, því lætr hann gripa þann 10 saklausa mann ok setia fiótraðan i diupa dyflizu, er niðr geck i iorð undan² einum turn, æ þæ mynd sem fyrr var lesit af Bernardo. Her meðr setr hann³ vakra varðhalldzmenn fyrir utan dyflizuna, at⁴ óngvan veg skyllis hann mega brott komaz. Ok eigi at siðr, þo at rað ok ríki⁶, afl ok illmenzka gangi at utan 7 15 ollum megin, biðr kaupmaðr ser hialpar nátt [með degi⁸, einkannligha treystir hann æ⁹ Jacobum postola næst almatkum guði; hvat er honum verðr eigi tómtr, þvíat hinn blezaði¹⁰ Jacobus kemr til hans i myrkvastofuna neytandi valldi miklu, [handsterkr miok eptir vana¹¹ at lemia fiótrana, ok biðr kaupmann með ser fara 20 rett i þann tima nætr, sem varðhalldzmenn hallda vörð alla vega. Þvi vill postolinn þar hia sneiða, eigi fyrir þat at hann ottiz varðhalldit, helldr fyrir [þa sauk¹² at enn verði æðra stormerkit. Hann gengr fyrir upp i turninn, þar til er þeir¹³ koma undir sealfan knappinn¹⁴. Verða þar i stað dyrr fyrir með boði Jacobi, en þa vill hann¹⁵, at þessi stæði eigi¹⁶ iafnhatt sem Bernardus, 25 helldr skipar hann æ þa leið, at turninn hneigir sik allt til iarðar, i þa mynd sem eik rótföst æ stofni beygði hæsta brum sinna lima niðr¹⁷ til iarðarinnar. Hvar fyrir sva goriz, at kaupmaðr ma stiga oðrum fæti niðr or knappinum, þvíat hans efzti lutr kysti æ¹⁸ iorðina, en stoð niðri ok reistiz upp siðan, sem kaupmaðr 30

1 [Hann kom ser i fylgd ok foruneyti með þeim valldzmanni, sem var af því sama ríki sem hann ætladi sina ferd til, ok fara sidan baðir samt, þar til at ríki madr agirniz með fiandans umstilli alla kaupmannzins penga. En þvíat hann skilr, at hann mun skiott ofrægiaz, ef kaupmaðr ferr liðugr B. 2 Her beg. *Fragm.* III⁶. 3 ríki madr B. 4 aa tilf. Fr., B. 35 5 skal B; skuli Fr. 6 saal. B, Fr.; ríkt A. 7 mgl. B. 8 [ok dag B. 9 sælan tilf. B; helga Fr. 10 herra tilf. B, Fr. 11 [mgl. B. 12 [þat B. 13 Her *begynder* atter A². 14 Her *ender* B. 15 eigi tilf. A², Fr. 16 mgl. A², Fr. 17 alt Fr. 18 mgl. A², Fr.

var brottu or honum. Þetta sea varðhalldzmenn, at bandinginn er utkominn, ok gefa eigi þij helldr guði lof, helldr leypr hverr fyrir annan fram ok ætla at gripa hann. En sva skilr með þeim i skömmu mali, at þeir verða blindir ok leita aptr við sva buit.
 5 En kaupmaðr helldr fram sinni ferð, lofandi sannan gud ok sælan Jacobum, er honum hafði miskunn veitt i ollum lutum.

C a p i t u l u m .

108. Tveir riddarar voru miok missattir i Italia², sva at þar kemr þeira hatri, at hvarr ferr ut af sinni borg til bardaga auðr-
 10 um i moti með fylktu liði. Ok sem þeir hafa bariz um rið furðu-
 liga strangt, ok sem³ skamt leið, brestr flott i annars fylkingu. Renna þa aðrir sem mest, en aðrir reka flottann sem akafligaz, millum hverra er undan laupa er einn riddari æ goðum hesti, seandi at hans uvinir sækia fast eptir honum. Ok því talar hann sva
 15 litandi upp i loptit: „Blezaðr Jacobe, frelsa þu mik ok minn hest af minna uvina valldi; ok ef þu gerir sva, gefr ek þer hestinn, þvíat hann er beztr gripr i minni eign.“ Eptir sva talat riðr hann .vi. milur, sva at hans uvinir sækia hann ok geta engu sári æ hann komit, sakir þess at Jacobus stendr milli þeira ok
 20 hefir skiolld æ lopti, sva at engin skot mega honum granda. Sva ferr hann liðugr af þeira valldi fram i Galiciam ok fram til hins sæla Jacobum, offrandi hestinn með miklum fagnaði, þakkande honum lifgiðf með sönnu litillæti.

M i r a c u l u m .

109. I halfu Galicie var einn bondi, er átti ubyria konu, sva at innan langs tima mattu þau eeki barn geta. Hvat er bondi angraðiz miok af, er utarfar skylldo taka hans godz, en borinn erfingi skal eigi fæz. Fyrir þessa sauk sækir hann fram til Jacob-
 30 um, biðiandi litillatliga hans ægiætu tign, at hann mætti son geta með sinni husfru. Ok þat veitti guð drottinn fyrir meðalgöngu Jacobi, at þegar sem bondi kemr heim af pilgrimsferðinni, lykz upp kviðr konunnar, sva at hun verðr hafandi meðr sveinbarn. Gengr hun meðr ok fæðir síðan fagran svein, ok var kallaðr Ja-
 35 cobus, þvíat hann var þeginn af guði fyrir bænir Jacobi. Ok sva sem hann er .xv. vetra, fara faðir hans ok moðir pilgrimsferð til Compostellam þess órendis at offra sveininn nafna sinum til æfin-

1 allir tilf. A², Fr.

2 Ytalia A².

3 er A², Fr.

ligrar þionostu. En þessarri ferð vendir Jacobus nðkut einkann-
 liga, þviat pilltrinn tekr sott ok andaz æ miðium veginum. Gðriz
 hans andlát æ einum skogi, hvar undir tekr storliga vel, siðan
 faðir hans ok moþir æpa bæði af æsiligum harmi eptir sitt einberni.
 Sva lata þau, at kveðr i mðrkinni, þar til er moþir sveinsins rennir 5
 bæn sinni til Jacobum postola með háreysti, æ þann hatt sem her
 ma heyra: „Satt segir ek þer, Jacobe, at ek skal lata grafa mik
 kvika niðr hia sveininum, nema þu reisir hann af dauða.“ Eptir
 þetta er grðfin giðr ok sveinninn settr at fram ok retr. Ok er
 minnz varir, kippiz hann við ok rifr af ser hvetvetna, þat er um 10
 hann var saumat, sprettr heill æ fætr boðandi greiniliga, hversu
 hinn sæli Jacobus bar hann i faðmi ser, bioðandi honum aptr at
 hverfa ok fara meðr feðr sinum ok moður, sem aðr var ætlat.
 Foru þau siðan lofandi guð almáttigan ok þann blezaða herra
 Jacobum postola, er yfir byðr Galiciam, en rikir i Compostella 15
 meðr mikilli dyrd ok guðs² lofi.

M i r a c u l u m.

110. Þrir riddarar gera sina pilgrimsferð [til hins blezaða
 Jacobum³ af þvi byskupsdæmi, er Laudunum heitir. I þeira ferð
 kemr ein salug kona biðandi litillatliga, at einnhverr þeira bæri 20
 hennar seck fyrir ast ok elsku Jacobi postola, þviat hun sagðiz
 giarna vilia með þeim fara, en kveðz eigi orka at bera sin þing
 sakir langs vegar ok solar hita. Þetta veitir henni einn af .iij.
 kompanum, berandi seckinn þar til at eptir standa .xij. dagleiðir
 til Compostellam. En i þeim stað kemr fataekr maðr i þeira fóru- 25
 neyti, tekr sami riddari honum fylgd veita ok fullting æ⁴ veginum,
 sem aðr gengr undir seckinum. Hefir hann nu sva mikit erfiði
 bæði af byrdinni ok solar hita, gðngu dagligri ok fylgd við hinn
 fataeka, at hann sykiz af. Ok þo stendr hann karlmannliga
 sakir goðra hugrenninga, þviat hann reiknar sina samvitzku 30
 miok synduga ok þurfandi reinsanar i mæðu fyrir hinn fataeka⁵.
 Sva gorir hann [sina leið allan veg⁶ i Compostellam, at hann
 stendr i goðum verkum til náunganna þolandi sinn krankdom val
 ok karlmannliga. En er hann kemr i musteri hins sæla Jacobi
 framfallinn til bænar, koma⁷ til hans aðrir pilgrimar hans komp- 35
 anar, segiandi at kennimaðr er til reiðu at heyra hans skriptamal

1 at Fr. 2 mgl. A², Fr. 3 [i Compostella Fr. 4 i Fr. 5
 mann tilf. Fr. 6 [sinn veg alla leið A², Fr. 7 ganga A², Fr.

ok gefa þeim síðan¹ corpus Cristi ollum saman, eptir því sem kirkian er vön at gera við alla pilgrima. Moti þessum orðum bregðr miok undarligha, þvíat riddarinn svarar öngu ok eigi bendir hann, hafandi þau mörk æ sinum likam, sem hann se allr i omegni ok
 5 leiddr at dauða, hvar fyrir hans kompanar verða miok óttafullir bæði fyrir hans andar lif ok likama, vakandi yfir honum .iii. daga ok biðandi hans andlatz, þar til er hann skytr upp öndunni² mæðiliga sva segiandi: „Þackir almattigum guði ok sælum Jacobo postola, er mik frealsaði.“ Sem her stendr, spyria hans felagar,
 10 hvat hann segði. Hann svarar: „Þegar i fyrstu sem þer talaðut með mik af minni saluhialp, heyrða ek hvat þer sögðut, ok villda ek³ giarna svarat hafa, en ek mátti⁴ eigi, sakir þess at dióflar flyktuz at mer [ok þrystu mer⁵ öllum megin sva hart, at ek matti hvarki tala ne benda. Þat var mer til hialpar, er samvitzkan læ
 15 i briostinu, sva at ek heyrði iafnan hvat þer sögðut. Ok i þessu var ek staddr allan tima sva lengi⁶ sem þer vitut, þar til er Jacobus postoli kom inn i kirkiuna riðr ok reiðuligr, hann hafði skiollð fyrir ser ok spiot i hægri hendi. Ek kendi skiott⁷, at skiollðr hans var sa seckr, er ek bar fyrir fatæku konu, en spiotit var
 20 stafr siuka mannz, er ek fylgði, sem ek her kom. Hann gengr hart ok snuðigt innar eptir kirkiunni, þar til sem ek var fanginn með uvina valldi, hafandi þegar stafinn æ lopti, beriandi þa fiandr er mik þrongðu, sva at sins vegar flyði hverr. Gaf hann mer síðan malit, at ek megi fá miskunn guðs. Nu kalli mer kennimann,
 25 þvíat ek vil skriptaz, mun ek ok eigi lengi dveliaz i þessum heimi, síðan ek hefir iatning gort fyrir guði.“ Þetta sama ferr fram, at hann skriptaz skynsamliga ok byz⁸ vandliga við sinum dauða. Ok sem hann er buinn sem bezt ma hann, liðr [su stund⁹ er hann kallaz eigi brott. Ok i því gengr spædomsandi inn i hans briost,
 30 hvar fyrir hann talar sva til eins riddara sins kompans, er með honum hafði farit af Galicia: „Vin minn, gef ek þer rað, þeona eigi lengr þeim sama herra, sem [þu hefir¹⁰ lotit um rið, sakir þess at eigi ero gopar hans gorðir, þær er innan litils tima munu i hans hófut stiga ok fa makligan dauða.“ Eptir sva talat andaz
 35 þessi pilgrimr. Ok sem hann er greptaðr eptir sið pilgrima, kompanar hans koma aptr i sitt land segiandi þeim herra, hvat pilgrimrinn hafði talat i Compostella, hvat hann tekr allt i glennzi

1 tilf. A², Fr.2 öndinni A². Fr.3 tilf. A³, Fr.

4 matta Fr

5 [tilf. A², Fr.6 langan, A², Fr.7 Her ender Fr. III⁶.8 bydz A².40 9 [stund su A².10 [nu hefir þu A².

kallandi þat draum ómerkiligan. En þo leið skamt, aðr en hann finnr, hvart þat er draumr eðr sannindi, þvíat litlu síðarr varð hann i stríði laginn i gegnum með spíoti. Fylltiz sva i honum, at pilagrimr Jacobi hafði rettan anda at segia fyrir ukomna luti.

Miraculum.

5

III. Einn borgarmaðr af þeim stað er Martinona heitir, ferr langan veg pilagrimsfærð¹ til hins blezaða Jacobum. Ok sem hann dvelz i Compostella, biðr hann optliga hins sama lutar Jacobum, at hann skuli eigi fanginn verða af sinum uvinum, sem hann ferr heimleiðis. Eptir þessa bæn² gerva, en enga aðra, snyr hann 10 aptr aa veg. Ok sem hann kemr æ skipi til Sikileyiar, leggja at þeim Sarraceni ok gripa fremztan þenna pilagrim. Ok fra þessu er hann .xij. sinnum selldr ok keyptr af heiðnum monnum ymizt æ torgi eðr i borgum. Hefir hann þat iafnan til hugganar, þa er hann er selldr, at þa er skipt um fiotrana við hann, takandi nyia 15 en leggiandi forna. Var su miskunn þo eigi mikil. Nam þat hverr at auðrum at gera sem verst við hann, sva at i .xij^{an}. salning hefir hann alla tvenna fiotrana. Þvi snyr sia hinn aumi maðr sinu hugarfari til almattigs guðs ok hins blezaða Jacobum biðandi þann guðs mann, at hann veiti honum hialp ok huggan æ nöckurn 20 hátt. Ok eptir langar pinur birtiz Jacobus honum i myrkvastofunni sva mælandi: „Eigi þarftu at undraz, þo at margir lutir ok motstaðligir hafi þik mæðt³ ok niðr brotit, sakir þess at þa er þu vart i minni kirkiu, baðt þu eigi fyrir sæl þinni, helldr beiddir þu stundligrar farsældar ok likamligrar heilsu. Þvi fellt þu makliga 25 i uhamingiu, at þu settir þat hæst i þinum bænum⁴, sem engis er vert hia þinni saluhialp. En nu meðr þvi at drottinn er miskunn-samr, sendi hann mik til þin, at ek veitti þer huggan.“ Ok eptir sva talat þreifar Jacobus um fiotrana ok rífr hvetvetna brott af honum, biðandi at hann fari veg sinn frials ok liðugr. Ok er pila- 30 grimrinn skilr, hversu þessi guðs iartegn er mikil, hugsar hann at hafa nöckurn vátta ok þrífr upp einn fioturstuf, hafandi utaf dyflizunni með ser. Sva undarligt er at segia af ferðum þessa mannz eigi nu síðr en aðr, at hann gengr opinberliga um borgir ok kastala Sarracenorum, sva at þeir sea upp æ; en ef nöckurr heiðingi rann 35 æs moti honum ok villdi gripa hann, varð skamt til atburða, þvíat i stað sem hann bregðr fiótrinum æ lopt ok skok at heiðingi(an)um,

1 tilf. A². 2 bæn A². 3 mæðt A². 4 bænum A². 5 i A².

flyði hann sva fast undan¹, sem elldr brennandi væri honum boðinn. A þeim sama veg, sem pilagrimrinn æ at fara til sins landz, ero morg ok skiæð kvikvendi, þviat bæði laupa at honum birnir ok leones, leopardi ok dracones, sem hann gengr uti um eyðimerkr, 5 ok vilia svelgia honum, en æn dvöl sem þau sæ fióturinn, er postolinn hafði með höndum haft, fara þau brott með hræðzlu mikilli. Ok þenna mann sa ek hallda æ fiotrinum, segir sa er skrifat hefir sauguna.

Miraculum.

10 112. Annarr pilagrimr Brunus at nafni for til hins sæla Jacobum. Hann var af þeim stað, er Vizeliacum heitir. En er hann vendir aptr æ veg, þrytr hans penninga, sva at eigi ma hann kaupa ser til nauðsynia eitt hit minnzta, en hann skammaz at biðia ser olmosu. Hvar fyrir hann angraz miok ok gengr i 15 rygggu skapi. Ok sem hann hefir fastat einn dag allt til nóns, en æ þa engis matar ván, setz hann niðr æ veginum undir tre eitt miukliga biðandi sælan Jacobum nökkurrar æsea. Ok litlu siðarr sigr yfir hann þungi, sva at hann sofnar. Syniz honum þa, sem hinn blezaði² Jacobus se þar kominn ok gefvi honum 20 goðan snæðing at eta. Vaknar hann siðan katr ok glaðr, þviat hann sierr³ skiotliga, hvar liggr hia haufði hans brauðleifr val bakaðr, hvern hann til sin tekr af guði sendan ok sælum Jacobo. Ok þat er greiniligt, at af þeim brauðleif snæðir⁴ hann .xv. dagha tvimællt, ok er hann æ hinn sami eptir um morgininn, sem 25 pilagrimr tekr i seckinn.

Capitulum.

113. Agiætr maðr herra iarlinn af stað heilagss Egidij for til Jacobum postola pilagrimskerð með ser hafandi broður sinn ok marga kompana. Ok er þeir koma fram i Compostellam, gengr 30 iarlinn til þess mannz, er kirkiuna varðveitti, biðandi at hann lofaði kompanum at vaka um nattina i kirkiunni. En meðr þij at þat er vani staðarins at lykia kirkiuna hvert kvelld eptir solarfall, vill kirkiugeymarinn eigi lofa⁶, at pilagrimar vaki þar um nattina moti vana, hvat iarlinum er miok móti skapi. Ok sem siðla var 35 vorðit, gengr hann til herbergis⁷ saman kallandi alla pilagrima nærr .m. manna, biðandi at hverr ok einn taki sitt offranarkerti

1 tilf. A². 2 sæli A². 3 ser A². 4 fæðiz A². 5 hins sæla A².
6 veita A². 7 Her ender A².

ok fari allir samt til kirkiu Jacobi, profandi at hann vili lofa þeim at vera um nattina i kirkiunni. Sva gera þeir, at hverr tendrar sitt kerti, gangandi allir samt at læstu musterinu sva talandi: „Heyr þu, hinn sæli Jacobe! Ef þer likar i nðckuru vár ferð, þa gef oss til mark ok luk upp fyrir oss musterinu.“ 5
Ok naliga fyrr en þeir hafi sva talat, kemr undir mikill hliomr, sva at flestir kiptuz við, þviat hurðirnar allar fiuka upp i senn, er fyrir voru rekendr ok læsar, hriotandi fram æ golfit her ok hvar. Er nu pilagrimum kostr at ganga inn ok vaka, sva val sem þeim likar, þviat bannar þeim engin maðr, síþan herra hussins 10 orlofar.

Capitulum.

114. Byskup einn austan af Grecia Stephanus at nafni sækir heim hinn sæla Jacobum postola með frábæru litillæti, sva at hann i Compostellam fram kemr sem einfalldr pilagrimr i fataek- 15 ligum buningi. Hann dvelz i staðnum um rið, hafandi litinn kofa æfastan kirkiunni, verandi þar æ bænum nátt með degi i guðs lofi. Sva herr til einn dag, sem hann sitr i kofanum, at pilagrimar margir ganga umbergis kirkiuna¹ biðjandi sva til Jacobum postola: „Heyr þu, sæll Jocobe, goðr riddari! frialsa þu oss af 20 syndum varum.“ En er byskup heyrir þvilika bæn, ut af kofanum seandi, þann tíma sem pilagrimar ero sva nalægir, at þeir mega hans orð heyra, talar hann sva: „Þer heimskir þorparar, kallit sælan Jacobum fiskimann en eigi riddara.“ A saumu nátt eptir², sem þetta hefir fram farit um daginn, birtiz blezaðr Jacobus 25 Stephano byskupi, hann var skryddr skinandi herforum berandi biðrt vapn, sva at liomaði brott af allt eitt ok solar geislum. Refði .ij. hefir hann i hendi, ok er maðrinn hinn þrifligzti, kallandi þrysvar æ sama hátt til byskupsins sva mælandi: „Stephane guðs þionn! þu ert sa er bauð at kalla mik fiskimann en eigi 30 riddara, þvi birtiz ek þer i þilikum bunaði, at þu gangir uduldr heðan i fra, at ek þiona minum guði sem goðr riddari. Ok til þess at þu truir enn styrkligarr, vil ek gera þer kunnigt, hvat refði þessi hafa at merkia, er ek helldr æ. Þvi ber ek þau, at ek ætla ferðaz til liðveitzlu viðr þann konung, er Fernardus heitir. 35 Hann hefir setit með kristnum her .vij. ær i samt um sterkuztu borg heiðinna manna, er Columbus heitir, hvar fyrir nauðsyn gengr til, at ek slái þau port, sem³ dramba i sinum stríðleika⁴.

1 Her beg. Fr. III^r. 2 mgl. Fr. 3 er Fr. 4 sterkleika Fr.

Meðr þessum vápnum skal ek mura Columbi niðr briota ok kristna menn inn leiða með fögnum sigri, at þeir fáe alla borgina. Munum við nu skilia, en þer, herra, lifit i guðs friði.“ Sagði byskup vitran þessa, ok skiotliga spurðuz þau típindi oll framkomin, sem
 5 postolinn hafði sagt i vitraninni, at usigranligir murar Columbi borgar röpuðu niðr undir storum höggum usyniligrar guðs handar.

Miraculum.

115. Tveir menn helldu strið millum sin, var annarr (iarl) af þeim stað er kallazt Fons Calvarie, en annarr riddari Vilhialmr
 10 at nafni. Þeira uvinattu urðu margar greinir, þar til er þeir beriaz sialfir. Verðr i þeira siðarstu orrostu fanginn riddarinn ok leiddr fyrir iarlinn, en hann byðr i stað, at hann se halshogginn. En er riddarinn hefir heyrt orskurðinn, rennir hann hug sinum til Jacobum postola Jons broður, sva biðandi sem her ma heyra:
 15 „Þu hinn blezaði Jacobe, er forðum þoldi halshaugg af sverði Herodis, frialsa þu mik af því sverði, er manndraparinn skekr yfir minu höfði.“ Eptir sva talat fellr hann æ bæði kne lyptandi sinar hendr til himins, hafandi traust i guðligri miskunn ok hins heilaga Jacobi. Lætr manndraparinn riða sverðit rett æ miðian
 20 halsinn meðr aullu afli þrysvar, hvert sinn eptir annat. Ok er riddarinn iafnglaðr sem aðr, þvíat sverðit kann eigi¹ bita, ok eigi hefir þat nökurn þunga i sialfri ækvámunni, sva at þat mætti [helldr saka². Ok sem þat er provat, at halsinn ma eigi vinnaz, kastar riddarinn sverðinu, en tekr kesiu eina ok leggr³
 25 framan i kvið riddaranum. En Jacobus sliofar þat eigi siðr, sva at ecki bitr æ, ok eigi kennir riddarinn, at við hann kiæmi. Ok er iarlinn⁴ ser, at hann⁵ bita eigi iarn, lætr hann kasta honum i þungt varðhalld, hvar hann sitr i fiótrum kallandi æ sælan Jacobum i sinum nauðsynium. Ok snimma dags [syniz honum⁶
 30 postolinn i því sterka varðhalldi sva mælandi: „Her er ek nu, þvíat þu kallaðir mik.“ En af tilkvamu postolans fylldiz husit allt með sva gófugligum ilm ok sætleik, at þeir allir, sem þar voru, hugðu sik standa i paradiso, þvíat hvartveggia var i nóg ilmrinn⁷ angandi ok geislar hvervetna⁸ skinandi. I þeiri sòmu birti, sem
 35 óngir fengu i moti sieð, [þeir sem vörðinn helldu⁹, gripr postolinn

1 ecki *Fr.* 2 [honum granda *Fr.* 3 .ij. höndum *tilf. Fr.* 4 *saal. Fr.*; riddarinn *A.* 5 þenna mann *Fr.* 6 [birtiz honum syniliga *Fr.* 7 ilmr *Fr.* 8 hvarvetna *Fr.* 9 [*mgl. Fr.*

[hann upp¹ leiðandi hann ut af husinu² allt at yzta porti kastalans. Ok þegar i stað lukaz upp grindrnar. Fara þeir sva baðir samt eina milu [brott af staðnum³, sva at engin maðr for eptir þeim, sakir þess at varðhalldzmenn voru ufærir af þeiri skinblindi, er Jacobus gaf þeim með sinni birti. Þvi ser postolinn, 5 at riddaranum er við engu hætt, ok gefr honum blezan at skilnaði. Kveyktiz sa riddari síðan til allrar elsku við Jacobum farandi með sönnu litillæti hans at vitia, boðandi þer iartegnir sem hann hafði þegit fyrir verðleika þess agiæta guðs vinar Jacobi postola.

Verdr madr braddaodr fyrir helgibrot vid Jacobum⁴.

10

116. Þessu næst skal boða þær iarteinir⁵ til lofs ok dýrðar Jacobo, er guðlig hefnd virðiz vinna æ þeim monnum, er hans hatiðisdag villdo svivirða ok eigi heilagan hallda. I Hispania var einn bondi við þann stað, er Rubellon heitir, hann for til at vinna þræls erfði. Þat var i þeim kastala, er fyrr var nefndr. En er 15 hann kemr i bað ok kennir hitann, fellr huðin niðr af hans baki allt af auxlun ofanverðum ok niðr til fotleggja. Læ þar huðin æ husveggjum, en sa veslugi maðr do þegar i stað af þessarri pinu fyrir þetta lögbrót ok guðs reiði, er hann hafði i fallit. Ottaðuz menn miok [þetta lögbrót⁶ ok letu ser annars viti at varnaði. 20

Miraculum.

117. I þeim kastala er Abimetum heitir, var sva veslug þioð, at hun villdi með öngu moti hallda festum Jacobi heilagt, ok vinna allan dag upp fra morni, hvat er guðlig hefnd ömbunar þeim fullu. Þviat æ næstu nátt kemr elldr i kastalann ok brennir 25 upp at kaulldum kolum. Vissi engin maðr, hvaðan sæ elldr kom til, því er auðsynt, at himneskr hiti hefir fundit þann auma lyð. I því byskupsdæmi, er Bocentum heitir, var einn maðr Bernardus at nafni, hann villdi eigi þyrma hátíðisdegi sæls Jacobi, gerandi þat með sva miklu forzi, at allir menn i því sama þorpi letu 30 aðrir heilagt, en hann ekr korni sinu allan dag hafandi yxn fyrir storum vagni. I því sama erfði hefir hann fyrir ser konur nöckurar, er honum voru nógu lyðnar. Ok sem hann hefir lengi i þessu starfat, kemr elldr af himni ok brennir yxnina, kornit ok vagninn niðr i dupt æ einu augabragði. Snertr hann⁷ ok þær 35 konur, er i voru verkinu, ok fengu þær lif, sakir þess at brunnr

1 [riddarann Fr. 2 herberginu Fr. 3 [mgl. Fr. 4 Overskr. Fr.

5 iartegnir Fr. 6 [þenna atburð Fr. 7 tilf. Fr.

var nælægr, ok var þeim skotit i niðr. Annarr maðr het Berduinus, hann hafði sömu iðn æ hátíðardegi Jacobi, ok urðu hans yxn steinblind aðr kvelld kvæmi. I því heraði er Mons Persolanum heitir var bakat brauð æ nefnda hatið. En er þat brauð var æ
 5 borð borit, sveittiz þat bloði, en síðan var stangat með knifsoddi, rann því bloð¹ sem lifanda manni. Ero þvílíkir lutir af guði vorðnir dasamligir miok fyrir várum augum.

De Calisto papa capitulum².

118. Sa blezaði herra Calistus pavi, er fyrr var nefndr ok
 10 þessa luti hefir saman lesit af dyrð ok lofi Jacobi, sem nu voru lesnir um rið, plantaði fyrstr þann lifnat, er Ordo Cisternensis³ heitir. Þat claustr liggr undir moðurhus þat er Bonavallis heitir. Yfir þessum nyia lifnaði var fyrstr Johannes kyniaðr af Lugdunum, er síðan varð byskup Valentinus. Hans upphaf var⁴
 15 þílikt sem broþir Goffridus vattar i þeirri glosa, sem⁵ hann setr yfir Apocalipsin Johannis, hann var af sama lifnaði, sva til orðz takandi þat er til heyrir nefndum Johanni⁶: Þa er fyrstu grundvelli var lifnaþar mundo vera niðr samdir, var i kirkiu einn klerkr Johannes at nafni heyrandi goða frægð af greindum lifnaði,
 20 hvar af hann hugsar þegiandi at samlagaz várum samnaði. En eptir litinn tima liðinn kastar um þessi hugrenning, ok kemr aunnur, at hann skal leysa þa fyrirætlan með pilagrimskerð hins blezaða Jacobi. Ok sem hann hefir þat gort með sannri goðfysi, kemr hann heim af laungum veg til frænda ok vina. En allir toku
 25 hans heimkvamu með miklum fagnaði. Ok fyrsta kvelld sitr hann skamma hrið ok skundar til naða, þvíat hann var miok vegmoðr. Ok þegar sem hann er sofnaðr, birtiz honum guð drottinn várr herra Jesus Kristus meðr .ij. postolum sinum Petro ok Jacobo. Johannes sierr, at Petr postoli, er stendr til annarrar handar
 30 guði, helldr æ einni bok, hvarfyrir lausnari varr talar sva til hans: „Petr, luk upp bokina ok les.“ Johannes klerkr sier, at su bok upplokin er skrifut gullstaufum ok hefir öngva luti i ser utan nöfn þeira manna, er himinrikis dyrþar skulo eyflifiga niota. Petrus byriar lestrinn eptir boði drottins ok less þar til, er stoð
 35 nafn Johannis. Ok sem þat er lesit, talar drottinn til postolans: „Skaf þat brott af, tak hann brott af bokinni, þvíat hann het at goraz minn maðr ok hvarf síðan brott af þessi fyrirætlan.“ Ok

1 dreyri Fr. 2 Overskr. Fr. 3 Cistertiensis Fr. 4 varð Fr. 5 er Fr. 6 Her ender Fr. III⁷.

sem her er komit, gengr Jacobus nærrmeirr sva segiandi meðr litillæti: „Herra, þessi er minn pilagrimr.“ Drottinn svarar: „Hvart er æðra, Jacobe, at vera samborgarmaðr minn eða pilagrimr þinn?“ Ok er Jacobus serr, at meira mun kosta en bæn eina saman, margfalldar hann miuklætít, sva segiandi með heit- 5 azta afli astarinnar til almattígs guðs: „Heyr þu, hinn milldazti drottinn minn! biðr ek, at þenna mann takir þu eigi af lífsbok, þvíat ek gengr í borgan fyrir hann, at hann skal sin heit fullgera eptir þeiri beztu fyrirætlan, sem þer líkaði.“ Várr drottinn svarar: „Nærr skal þat fram koma, er þu borgar?“ Postolinn svarar: 10 „Innan .xv. daga skal þat vel byriat.“ Sem her er komit, vaknar Johannes með æsilígum ótta, fleygiandi ser fram or sænginni æ bera iorðina gratandi geysiliga, sva segiandi millum annarra luta: „Blezaðr ser þu, Jacobe, er sva drengiliga fylgðir minu mali, vit ok fyrir vist, at þína borgan skal ek hallda ok þin heit skal ek 15 eigi riufa.“ Ok eptir mikinn grat sofnar hann í annat sinn, ok þegar birtiz honum sama syn. Drottinn várr byðr enn Petro at lesa nóckut, ok þessi orð heyrir Johannes: Murenulas aureas faciemus tibi vermiculatas argento. Þessi orð eiga heima í bok hins visazta Salomonis, er heitir cantica canticorum, ok skyrar til 20 góðfugligr (miskunnsemda) almáttígs guðs viðr þa menn alla, er rett-læti vinna ok hans boðorða vakrliga geyma. Fylldi Johannes æn dvöl sitt fyrirheit ok kom í klaustr, fyrr en .xv. dagar væri liðnir, ok var hann fyrstr abóti Bonevallensis en síðan byskup, sem aðr var sagt, dyrðligr maðr ok ægiætr, sva at bæði hans líf ok dauði birtiz 25 með verðleik ok iartegnum. Af þessi sögu er merkianda, hversu monnum er nauðsynligt at dyrka goðfusluga guðs astvini, at þeir biði fyrir þeim, er goðfusluga gera þeira minning æ iarðriki. Þat er annat greinanda her framkomit, sem til visar í fyrsta prologo, at aungum gorir þann afsaka, sem guð æsakar.

30

C a p i t u l u m.

119. Nærri sömu borg Lugduno var einn ungr maðr sutari at iðn. Faðir hans var andaðr, en móðir hans lífði, ok fæddi hann hana með sinum þrifnaði. Hann var ærliga vanr at sækia heim hinn signaða Jacobum, geymdi hann ok langan tíma þa dygd, at 35 hann hellt sik reinan af kvænna návist, þar til at meðr umsát fiandans fellr hann af þeiri staðfesti sva uhittiliga, at á næstu nátt, aðr hann byriar pilagrimsfærðina um morgininn til Jacobum postola, fleckar hann sik með einni konu í líkamligum losta. Ok eigi

Þvi siðr byriar hann sína ferð um morgininn hafandi með sér .ij. kompana, hann hefir ok asna, at hann beri þing þeira. Ok sem þeir koma fram í veg, finna þeir einn fataekan mann, er fyrir hafði lagiz af vesolld, en villdi giarna feginn í Galiciam. Þenna

5 pilagrim veslugan tekr ungi maðr í sína ferð fyrir skyllld hins sæla Jacobi flytiandi hann æ sinum asna. Sva fara þeir þar til, at eina nátt þrifr fiandi til sinna flærða, ok birtiz þeim unga manni í svefni bliðligr í aseonu ok viðrmæli sva segiandi: „Kennir þu mik?“ Pilagrimr svarar ok segiz eigi kenna hann. Uvinrinn

10 talar þa enn: „Ek er Jacobus postoli, hvern þu ert vanr heim at sækia æ hveriu ære. Nu skalltu vita, at ek fagnaði miok þínu mali um stund, þviat ek vænti, at þu mundir æ val til min gera sem aðr. En nu fyrir skömmu hefir æ boriz fyrir þer, sakir þess at þu vart með konu rett aðr þu fort heiman, ok siðan þorðir þu

15 at byria pilagrimsferð iðranarlauss ok uskriptaðr, sva sem guði ok mer mundi lika mega ferð þín. Eigi er sva, helldr skal hverr er fyrir mína skyllld utlendiz, iata fyrst syndir sínar ok iðraz en koma sva til mín.“ Eptir sva talat hverfr fiandi, en ungi maðr vaknar ottafullr af drauminum, hugsandi aptr at hverfa ok iata

20 syndina, en byria siðan pilagrimsferð í annan tíma. Ok eptir langa hugsan sofnar hann í annat sinn. Hvar fyrir honum birtiz sami fiandi með glaðligu yfirbragði, ok nu allt eins meðr otta-bragði sva segiandi: „Meðr þvi, ungi maðr, at þu byriaðir í fyrstu uskriptaðr mína ferð, fellr mer nu ecki, þott þu faiz í aptr

25 at hverfa; vil ek nu ok segia þer, at þín synd hefir sva ugiptuliga innkomit, at hun hefir óngva lækning aðra, en þu sniðir brott af þer getnaðarlimuna. Nu ef þu gorir sva, kallar ek syndina bætta. En ef þu vill vera sæll ok reiknaz millum pinslarvatta, þa haf frammi karlmennzku ok drep þik sealfan.“ Eptir sva sagt hverfr

30 fiandinn, en ungi maðr vaknar eigi við goðan draum, þviat hann er sva uvittr, at hann truði Jacobum postola þessa luti talat hafa. Þvi riss hann upp leyniliga millum sinna kompana æ þeiri sömu nátt ok þrifr einn talguknif, sniðandi af sér limuna, en siðan ristandi æ sér kviðinn, sva í stað hefir hann bana. Verða komp-

35 anar hans fyrst varir við, at hann er í fiðrbrotum, en bloð flytr alla vega. Risa upp ok bera lios til, seandi þa hörmung, at þeira felagi er grimliga sērðr ok drepinn. Þvi ottaz þeir miok, at mann-drapit muni þeim eignat, siðan óngvir menn hafa nalægir verit aðrir. Hvar fyrir þeir flyia brott fram æ veg Jacobi. Hinn

40 fataeki maðr var eptir hia hinum andaða. Ok meðr þvi at hann

salugr er eigi grunsamligr i þessu verki, gerir hann sik diarfan ok segir staðarmonnum, hvat tala er. Vikiaz menn skiotliga við ok þo harmanliga i þilikum atburð. Er þa likaminn sveipaðr ok til kirkiu borinn, settr i garðinum fyrir durum kirkiunnar, þviat eigi matti inni standa fyrir bloðrás. Var hann ok fyrir þa grein 5 þagat borinn ok millum kristinna manna til grafar buinn, at engin vissi hans liflat sva akafliga liotligt vorðit hafa, helldr voru þeir i grunsemð hafðir, sem aðr haufðu hans kompanar verit. En er minnzt varir, lifnar hann ok reisiz upp æ bōrunum, vnnz allir menn nērrverandi ottaz akafliga, sva at fyrir þeira hæreysti koma 10 til aðrir mycklu fleiri, heyrandi þenna mann mæla ok greiniliga segia allt af sinum ferðum ok tilgang serhverra luta, ok sva sagði hann millum annarra luta: „Þa er ek hafði drepit mik, toko diöflar sal mina farandi með langan veg. Ok sem mið komum i nælægð við Romam, veitir hinn sæli Jacobus akafa 15 eptirferð, spyriandi hvi uvinir drægi mik þann veg. En þeir voro sva harðir ok uvikianligir i sinni æstauðu mer til skaða, at postolinn byðr um siðir aullu malinu fram undir dóm eðr skipan signaðrar Marie guðs moður. Ok þat verða þeir fiandr at hallda þo at nauðgir. Komu ver þvi næst fram æ grænan voll biartan 20 ok glaðligan, hvar er blezut drotningh fru Mária sat upp með fylgð ok samtali margra heilagra manna. Blezaðr Jacobus gengr fram þegar fyrir fruina kīerandi fast æ diöflana, hversu þeir hófðu mik svikit með flærð ok falsi undir hans nafni. En uhreinir andar hallda moti, þar til er drotningin snubbar þa ok 25 byðr þa þegia, setiandi æ orskurð, at ek skyldi aptr hverfa ok endrlifna i likama. Hvar fyrir Jacobus postoli tok mik styrkri hendi, skipandi mik aptr higat án dvöl, sva at ek lifnaði.“ En er staðarmenn heyrðo þessa luti, undraz þeir geysi miok seandi skyrar iartegnir serhverra luta: Maðrinn lifir, sárin gróin sva 30 stormerkiliga, at slett var i stað greindra lima, utan ein bora til likams nauðsynia, en órr æ kviðinum, sva langt sem knifriinn hafði gengit. I þeim sama stað dvalðiz hann .iii. daga, þviat staþarmenn gerðu við hann astsamliga. Eptir þat vikr hann a veg lifgiafa sins, með sama hætti framfarandi sem fyrr með asna sinum ok þeim fataeka manni, þar til at kompanar hans koma 35 farandi i mot honum af Compostella, ok verða þeir okveða við, er þeir sea hann lifanda. Segir hann þeim alla sina saugu, ok kemr þaðan fram i Compostellam, greinandi korsbræðrum allt með sannindum, snuandi heimleiðis meðr guðs lofi, boðandi iafnan 40

þenna lut guðs moður til sæmðar ok sælum Jacobo hverium er heyra villdi. Var þessi saga mikils virð af hinum vitruztum monnum, þvíat hun hefir rettan skilning ok liosan vegh sinna greina, hversu fiandinn er flærða ríkr ok prettottr, eðr hversu
 5 heilagir menn (eru) haleitir ok blezaðir i sinni einarð.

Fines(!) miraculorum.

120. Nu hefir verit lesit um stund, hvat Jacobus postoli vann forðum undir sik með þeim fræga riddaraskap, er hann fram hafði i Judea, sem fyrr er skrifat. Liost er i fyrstu, at
 10 hann hefir sigrat þat ríki, er stendr fyrir ofan himnana, ok þar með hefir hann verðskylldat i sinum frama sva kiera vinattu þess haleita konungs, er þar þyðr yfir, at hann þiggr af velldinu, hvat er hann biðr æ iarðríki. Hefir hann undir sik lagt Galiciam ok alla Hyspaniam, þar meðr þionar honum aull vestrhalkan
 15 flokkum farandi, kriupandi ok biðiandi, iafnan boðandi maðr manni, at Jacobus postoli Johannis broþir er hinn milldazti maðr i æheimum, astuðigr sinum pilagrimum ok hinn haleitazti huggari i ollum sinum nauðsynium, sem vel birtiz goðum eyrum i fyrirfarandum æfintyrum. En hvat munu ver tala i enda mals til
 20 hins sætazta hans broþur Johannem ewangelistam, utan fyrst iata vara sekt, at marga luti, er af honum finnaz, bæði samt i guðspiollum ok actibus apostolorum, höfum ver eptir latit liggia sakir leti ok langmælis; hugsaðum ver ok i aðra grein, at solin þarf eigi vatta, þa(r) sem hun skinn sem biartaz yfir iorðina. Þviat ver
 25 skrifuðum, at Johannes merkir örn i suðri með hesta solarkrapti fyrir þann framburð, er hann fram setti af sialfri rettlætissolinni eylifum guði, hvat hans orð birta kristnina hvern dag um verolldina, sva at æ lifir hans minningh i astrikum hugskotum, þa er heyriz In principio erat verbum. Þat finnz skrifat i þessu mali,
 30 at agiætr herra Augustinus Ypponensis hefir skyrt ewangelium Johannis. En meðr hverium æfintyrum þat byriaðiz eptir goðra manna saugn, vilium ver setia i þessum stað til sæmðar Johanni við enda sögunnar.

Principium miraculorum Johannis.

35 121. Augustinus byskup er hinn .iiii. doctor heilagrar kirkiu, annarr Gregorius, Ambrosius, Jeronimus. Kallaz Augustinus hinn diupazti, Gregorius hinn nytsamligzti, Ambrosius hinn rauksamligzti, Jeronimus hinn nytsamligzti. Ok meðr því at ewangelium

Johannis gnæfir yfir ollum ritningum sem örn yfir öprum fuglum, kyss almattigr guð hinn diupazta kennifauður til sva hærrar þion-ostugörþar at rannsaka þau orð til rettrar skyringar, er saman standa i hæsta sannleik guðligrar virðingar. Ok sva sem Augu-
stinus var klerkr geysi goðr, skoðar hann smasmugliga serhvert 5
guðspiallzins orð grafandi sina samvitzku, hvart hann muni eigi nærr fa komiz guðdominum i nöckurum greinum, ef hann fæz i, en Jon karl hafði aðr fyrir gengit æ gamals alldri. Ok er þessi hugrenning staðfestiz i hans hiarta, studerar hann sva hart ok iðuliga, at optliga var hann sem blindr ok daufr til verallldligrar 10
skynsemða. Hvat er eigi er undranar vert i þvilikum haufutklerk, með því at einfalldir menn ero sva miok staðfastir i sinum hugrenningum, i skalldskap eðr öðrum greinum, vita laungum hvarki orð ne verk, hvat fram ferr hia þeim, ok eigi greina þeir, hvart þeir riða at þíðu vaði eðr goðum isi. Þvi helldr er þat skilianda með 15
Augustino, er hit hæsta efni hafði i sinu briosti, en atti at fara i margar fehirðslur froðrar vitzku i eptirleitan sinnar skilningar. Hvar fyrir sva geriz einn dagh, at hann raðlauss uti reikar einn herbergi fyrirlátandi ok enga fylgðarmenn með ser hafandi, ein-
vistir elskandi, sva sem klerkum er kært i þess hattar eíni, at 20
um síþir kemr hann æ siovar sand, ok nu reiknar hann hvat fyrir er, at eigi mun hæfa lengra at spazera fram langt, er hann skoþar sandinn. At hyggiandi hvar hann er kominn, sér hann, at nærri seonum sitr einn smasveinn, hann hefir silfrspón i hægri hendi ok eyss sionum æ sem tiðaz upp i þa 25
grof, er hann hefir gort i sandinum. Ok er íafnan þat horfit, er þangat kemr i, fyrr en hann getr annat i látit. Erchibyskup sier æ þessa iðn, hversu bernslig er, ok talar sva til sveinsins:
„Pilltr minn, segir hann, hvi fæz þu i þessu?“ En er sveinninn heyrir orð sva mikils herra, serr hann upp oc svarar roskinmann- 30
liga: „Ok hvi, herra, skal ek eigi i þessu fæz?“ „Þvi, segir erchibyskupinn, at þetta mattu alldri gera at fylla gröfina, sakir þess at sandzins þorsta matt þu alldrigi slöckva, þvíat hvat er þu gefr honum, tekr siorinn aptr undir sik, ok því er þetta umáttuligt.“ Pilltrinn svarar þa staðfastliga ok miok einarðliga: 35
„Ef þat er umáttuligt, er ek ætla mer, þa er þo mörgum lutum umattuligra, er þu ætlar þer þa dul, at þer muni veitaz su speki, at þin orð gangi nærr guðdomsins liosi, en aðr hefir sett ok samit Johannes son Zebedei, ok til þess valdiz ok vigðiz af al-
mattigum guði at tala makligarr af leyndum guðs stormerkium 40

en nöckurum öðrum veri veitt eðr lofat i allri heimsins kringlu.
 Þvi gef ek þer þat rað, ok haf þat, far til meðr litillæti ok lát
 þer þaurfvinna at skyra orð Johannis heilagri kristni til nytsemp-
 ar, en þer sialfum til þrifsemðar.“ Eptir sva talat hverfr sveinn-
 5 inn. En hinn sæli Augustinus fellr æ kne ok þackar guði þessa
 vitran, glaðliga berandi þa hirting ok atyrði sem honum var veitt,
 hvart sem þat gerðiz fyrir guðs engil, eðr kom hinn sæli Johannes
 at asaka erkibyskup leiðandi hans hiarta i rettaztan veg. Tok
 sa blezaði herra siðan at skyra ewangelium Johannis meðr guðs
 10 boði, hvert er nu berz um alla cristni ok kallaz^t tractatus Augu-
 stini, hverr er lifir i minning Johannis, sem ver fyrr sögðum.
 Lifir ok hans minningh i þeim frægazta sigri, er fyrr var
 skrifat i bokinni, at hann sva sterkr kappi guðs stoð undir kross-
 inum helga rett æ sialfum pinslartima vars herra Jesu Kristi.
 15 Þvi er hans form ok likneskia sett ok samin hia þvi helgazta
 marki til motz við sanctam Mariam, at þetta sigrlof skal eigi
 niðr falla ok eigi æfinliga niðr hniga. Hvar til heilug kristni
 hefir samit eina bæn O intemerata sameiginliga til þeira beggia,
 er undir krossinum standa, Mariam ok Johannem. Su bæn er
 20 þvilikrar miskunnar sem skrifat finnz i Mariu iartegnum, at hun
 frealsaði salina af diðfla hondum meðr atgöngu Johannis ok valldi
 signaðrar guðs moður. En hvern er þat fysisir framarr vita, þa
 sendum ver at rannsaka iartegnabokina, þviat ver skundum nu til
 enda, sakir þess at aullum er kunnigt, þo at ver þagnim, hversu
 25 til mikils fagnaðar þeir eiga sea, sem goðfusliga dyrðka guðs
 moður Mariam ok sælan Johannem ewangelistam. Hefir signut
 Maria til þess hundratfaulldu fleira, en taulu meg i koma, at
 hun se lofut ok dyrkut næst guði sialfum. Johannes hefir mart
 til vinsælda við goða menn, einkannliga þa sögu er fyrr lasum
 30 ver, hversu miskunnsamliga hann sotti eptir spellvirkianum i
 fiallinu. Hvar af val gefr skilia, at eigi man hann þann fyrirláta,
 sem honum þionar með goðvilia. Þvi dyrka hann margir ok hafa
 dyrðkat ágiætir menn ok mikils verðir, kiosandi hann ser til full-
 trua ok forstauðumannz af hirðsveitum himnakonungs næst blezaðri
 35 guðs moður, halldandi hans ærligt festum meðr allri veitzlu ok
 virðingh við rika sem fataka. Hvat er lesit finnz af ægiætum
 herra Eadvardo konungi i Englandi, hann sæmdi Johannem með
 ollu viti ok konungligu valldi, setiandi æ hans dagh hit hæsta
 hóf allrar goðmennzku, meðr sannri ast ok elsku sæmandi kirkiuna,
 40 gleðiandi klerkana, bliðandi rika en seðiandi fataka.

Capitulum.

122. Miok lofar heilug ritning þenna konung Eddvardum in Anglia, þviat guðs miskunn var með honum, sva at allr lyðr óttaðiz hann sva sem konung, en elskuðu hann i annarri grein sem miukan broður sakir þeirar astar ok bliðu, er hann veitti ser- 5 hverium. Alldri um alldr stygði hann fataðkan mann, ok engin for hugganarlaus er til hans kom, hvert er vel auðsyniz æ þvi, sem eptir ferr bæði til vitnisburðar um elsku Johannis ok goðfysi olmusugæðis. Sva berr til æ nðckuru ære .iij. dag iola, sem Eddvardus konungr berr krunu gangandi um kirkiu in processione 10 með byskupi fyrir hæmessu pryddr ollu konungligu skruði, kemr æ moti honum rett æ veginum einn vænn maðr ok val buinn æ þann hátt sem pilagrimr af Jorsolum kominn. Hann gengr kunnliga at konunginum sva segiandi: „Gef mer nðckut.“ Konungrinn svarar: „Minn kærast, þu serr, hversu ver stöndum ok höfum 15 eigi olmosu hia oss.“ Pilagrimrinn svarar: „Gefit mer nðckut fyrir þess heilags mannz skyld, er þer elskit, ef þer hafit nðckut til.“ En er konungrinn heyrir þessi orð, minniz hann Johannis vinar sins ok dregr fingrgullit af hendi ser ok gefr honum. Skilia þeir sva, at pilagrimr ferr glaðr i braut. Ok æ næstu nátt 20 birtiz heilagr Johannes einum enskum manni miok kynstorum, er .ix. ær hafði setit i fiðtrum hertekinn i þioð Sarracenorum, þessum byðr Johannes, at hann skal fara til Eaddvardum Engla konungs ok segia honum, at Johannes ewangelista birtiz honum undir æseonu pilagrimis æ hatiðardegi sialfs sins. Ok til vitnisburðar 25 skal enski maðr bera konungi þat gull er hann hafði gefit. Ok er Johannes hafði boðit með enska manni aull þau örendi sem honum likar, greiðir hann skiotliga veg fyrir honum, þviat allt er i senn i augabragði, at enski maðr hefir boðskapinn heyr- 30 t i utlegðinni, ok hann er heim kominn frials ok liðugr i sinar eignir æ Englandi, kendr af kompanum ok sinni husfru, frændum sinum ok hyski, at hann er sa hinn sami. Biðr hann næsta dag nærandi sik með vist ok vini, þviat hann var aðr mæddr af matleysi, en ferr annan dag til konungsins curiam, boðandi honum ok hans villdarmonnum serhveria luti, er honum voro boðnir af sælum 35 Johanni, gullit aptr skipandi herra konungsins hendi. Segir hann ok, hversu hinn sæli Johannes greip hann brott af þrældómi ok setti hann heim æ England æ einu augabragði. Hvert er heyr- andi menn óttaz miðk, kveiktir i liosi ok elsku þess guðs postola, sæmandi konungsins goðfysi, er þegar auðlaðiz sannan vitnisburð 40

af guði. Hvat er Eaddvardus konungr geymði sva millum annarra gripa i fehirðzlu litillætis, at hann er hinn ágætazti guðs vin birtr með iartegnum ok skrinlagðr i Englandi.

Capitulum.

5 123. Sva sem saga þessi byriaz, sva endaz hun i guðs nafni meðr því niðrlagi, at ver kriupum þer til fota, hinn blezaði Johannes ewangelista, biðandi miukliga, at sva sem þu frealsapir spellvirkiann af snðrum fiandans ok enska mann af veralldligu valldi Sarracenorum, sva leys þu oss af ollum haska andligum ok
10 likamligum ok leið oss brott af þrældomi heims þessa til lifandi manna iarþar, hvar er valdir gleðiaz með guði i dyrð eylifri, sem þu skrifaðir i þinni bok Apocalipsi. Hneigium ver ok varum aseonum fyrir þinum fótsporum, hinn sæti herra Jacobe, litil-latliga biðandi, at sva sem þu fylgdir mali Johannis, at hans
15 nafn stæði æ lifsbok ok leystir þinn pilagrim af diðfla valldi, sva flyt þu vart mal við almattigan guð, at eigi rapim ver or valdra manna tolu, helldr reiknumz ver millim þeira, er hann miskunnar, eyllifiga hlifðir af valldi uvina fyrir postoliga röksemd þinna bæna. Nu heyrir, þapir samt guðs astvinir blezaðir,
20 þar sem þit erot vænir steinar i uppsmiði heilagrar Iherusalem ok .ij. liosker i hall himnarikis ok .ii. gimsteinar i höfutgulli almattigs guðs eyllifrar dyrþar, at þeir allir oðliz yckart fullting ok asea, sem meðr goðfysi hafa heyrt eðr heyrandi ero þessa sögu, ok hverr er less ok skrifar eðr sinn kost leggr til hana at
25 skrifa, taki ömbun af yckr baðum, sva at þessa goðs ok allz annars, er þeir gera, nioti þeir i eilifum fagnaði meðr varum herra Jesu Kristo lifanda guðs syni, er með feðr ok helgum anda lifir ok rikir einn guð almattigr per omnia secula seculorum. Amen.

THOMAS SAGA POSTOLA.

I.

*Her hefz Thomas saga postola*¹.

1. Thomas postoli, er öðru nafni er kallaðr Didimus, hann kom til borgar þeirar, er Cesarea² heitir. Þá vitraðiz honum drottinn ok mællti [við hann³: „Gundoforus Indialandz konungr hefir sendan greifa sinn [til Syrlandz⁴ at leita ser husasmiðs⁵, en ek vil senda þik með honum.“ Thomas postoli svaraði: „Drottinn, sentu mik þangat sem þu villt [i annan stað⁶ en til Indialandz.“ Drottinn mællti við hann: „Far þu, þviat ek em með þer ok skal⁷ eigi fyrirlata þik. En er þu hefir førða mer Indialandz menn, þa muntu⁸ koma til min með dyrð.“ Thomas svaraði: „Þu ert drottinn, en ek em þræll þinn, verði vili þinn.“ En þa gekk [Indialandz greifi með sinum mönnum⁹ a torg, en hann het Abbanes. En drottinn syndiz honum ok mællti: „Hvat villtu¹⁵ kaupa, ungr maðr?“ Abbanes mællti: „Indialandz konungr sendi mik hingat at leita smiða ok¹⁰ kaupa þræla, þa er hagir se [a husasmiði¹¹, þviat hann vill ser höll gera lata.“ Drottinn mællti við hann: „Ek a þræl hagan¹², þann er ek sendi til borga, ok førir hann mer avöxt [syslu sinnar ok¹³ erfðis, en ek mun senda²⁰ hann með þer, en þu lat hann koma til Indialandz¹⁴.“ Abbanes varð feginn, er hann heyrði þetta, ok fell til fota honum. En drottinn kallaði Thomam ok selldi hann i hond Abbane. En er þeir stigu a skip, þa mællti Abbanes við Thomam: „Seg þu mer, ef þat er satt, at þu ert þræll þess, er selldi þik mer?“ Thomas²⁵ svaraði: „Af því mællta ek ekki við¹⁵, þa er hann selldi mik þer, at ek em þræll hans, ok geri ek eigi þat, er ek vil, helldr þat, er drottinn byðr. En ek em einn af otalligum þrælum hans, ok kunnum ver allir margar iþrottir, ok fòrum ver um borgir ok fòrum drottni varum allt, þat er ver oflum með erviði varu.“³⁰ Abbanes mællti: „Hvat kantu iþrotta?“ Thomas svaraði:

1 *Overskr. B.* 2 *Cesaria B.* 3 [*tilf. B.* 4 [*saal. B.*; Abbanes *A.*
5 husasmiðar *B.* 6 [annan veg helldr *B.* 7 mun ek *B.* 8 skalltu *B.*
9 [Indiakonungs greifi fra skipi ok kom *B.* 10 eða *tilf. B.* 11 [at
husasmið *B.* 12 truan mer *B.* 13 [*saal. B.*; allrar syslu sins *A.* 35
14 min með veg *B.* 15 i mot *B.*

„Smiða¹ ek hus, þau er alldri fyrnaz, ok veggj, þa er alldri falla, [ok glugga², þa er alldri þrytr lios i husum. Ek geri [hasmiði þau er bera af öðrum³, en smiði min hafa mikla fegrð utan, en meiri innan. Allt kann ek at gera, þat er smiða ma or steini
5 eða tre. Ef þu selr mer lærisveina, þa mun ek læra þa sva, at þeir se iafnhagir sem ek.“ Abbanes mællti: „Mikill er sa maðr ok konungum betri, er slika þræla hefir.“ Thomas svaraði: „Vel er þat mællt, þviat hann er einga⁴ sonr konungs, ok ræðr faðir hans enu øzta riki, þar er alldri megu ovinir sækia, ok þar ma
10 engi finnaz siukr ne valaðr.“ En er þetta viðrmæli þeira hafði nokkura stund verit, þa gaf þeim veðr i haf, ok sigldu þeir fullan byr siau daga, unz þeir komu til borgar þeirar, er Andropolis heitir.

En er þeir gengu af skipi, þa heyrðu þeir song ok hörpu-
15 slatts ok gleði mikla til borgarinnar. En þar var brullaup, ok gipti konungr sa [manni dottur sina, er þar reð fyrir⁶. En rennari for um borgina ok mællti, at allir skyllði koma til þess brullaups, auðgir ok fatækir⁷, tignir ok otignir, [innanlandz menn ok utlendir⁸, ef sva villdi gera, at konungi likaði. Þa foru þeir Thomas ok Abbanes til brullaupsins, en menn undruðuz þa, þviat
20 þeir voru utlendir ok ollum þar okunnir. Þa for ein mærbresk ok kom fyrir hvern mann ok song fagrt i pipu ok skemti. En er hon kom fyrir Thomam, þa sa hon a hann lengi ok undraðiz, hvi⁹ hann at eigi ne drakk, helldr sa hann avallt til himins. Þa skildi hon, at hann mundi ebreskr vera ok trua a himna guð, ok
25 tok hon at syngia a ebreska tungu: Einn er guð ebreskra manna, sa er skop himin ok iorð ok sio. En er postolinn heyrði þat, þa minti hann hana a þat, at hon hefði þat¹⁰ opt i munni. En sa maðr er drykk bar, avitaði postolann, at¹¹ hann at eigi ne drakk, ok drap hann hendi i andlit honum. Thomas mællti við hann:
30 „Betra er þer at taka [hefnd her i heimi en¹² i öðrum heimi, þar er eilifar kvalir eru, en þer mun i þessum heimi golldit vera þat, er þu laust¹³ mik saklausan, en hond þina munu hundar hingat bera þenna aptan.“ Þetta mællti postolinn [at ebresku mali¹⁴, sva at engi matti skilia nema hin ebreska mærbresk, er i

35 1 Geri B. 2 [saal. B; liosastiaka A. 3 [saal. B; þa smiði, er af beri ollum A. 4 saal. B; einka A. 5 harpslatt B. 6 [er þar var, dottur sina manni B. 7 oauðgir B. 8 [innlendzskir ok utlendzskir B. 9 er B. 10 þessi orð B. 11 er B. 12 [likn B. 13 slott B. 14 [aa ebresku B.

pipuna song. En [byrlarinn, er i andlit postolanum hafði drepit¹, gekk til brunnz at taka vatn, en hit oarga dyr drap hann [ok saug bloð hans², en hundar atu hræ hans, ok einn mikill hundr svartr bar hond hans hina høgri i munni ser eptir höllinni endi-langri, ok undruðuz menn, er þetta sa, ok þögnuðu. En mærin⁵ su hin ebreska kastaði pipu sinni ok mællti við lyðinn: „Sa maðr er propheta ok postoli guðs, þviat þa er [byrlarinn laust hendi i andlit honum, þa³ sagði hann honum a ebresku tungu þat, sem nu er framkomit.“

En er konungi voru þessir atburðir sagðir, þa let hann kalla¹⁰ postolann til sin ok bað, [at hann blezaði⁴ dottur sina ok brúðgumann. Þa lagði Thomas postoli hendr sínar yfir höfuð þeim [baðum saman⁵ ok mællti: „Guð Abraham, guð Ysaac, guð Jacob, blezaðu þessa hina ungu menn, ok sa þu lifs saði i hug þeira, at þau fylli þat i verkum, er þau nema til þurftar ser af¹⁵ drottnei varum Jesu Kristo, [fyrir þann⁵ gerum ver þakkir guði feðr með⁶ helgum anda um ódauðligar aldir allda.“ En er Thomas postoli hafði þetta mællt, þa gekk hann ut, ok hinn ungi brúðgumi [tok ok⁵ leiddi postolann ut. En þa vitraðiz alldinberandi palmr i hendi [hinum unga manni⁷, en hann [varð feginn ok hvarf aptr til rekkju sinnar, en hann⁸ selldi brúði⁹ sinni af²⁰ alldini því, ok bergðu bæði þau¹⁰. En er þau sofnuðu, þa syndiz þeim itarligr konungr i draumi ok stoð i milli þeira ok mællti: „Postoli minn blezaði ykk, at þit takit hlut eilifrar dyrðar.“ Þa vöknðu þau, ok sagði hvart öðru draum sinn. En þa kom Thomas postoli til þeira at loknum durum ok mællti: „Konungr²⁵ minn, er i draumi mællti við ykk, hann leiddi mik hingat at loknum durum, at þit notit blezanar minnar. Þit skulut hallda¹¹ hreinlifi, er drottning er allra mannkosta ok avöxtr eilifrar farsælu¹². Meydomr er systir engla, en sigr af löstum, hlifskiollr við ovinum ok öruggleikr eilifrar dyrðar, en af munuðlifi geraz³⁰ syndir ok saurgan; en af þessum syndaraðum¹³ alaz opt synir¹⁴ með miklum haska ok abyrgð, annattveggia¹⁵ at móðirin deyr, eða [sonrinn er blindr borinn¹⁶ eða lami eða með nökkurum

¹ [byrlinn, er drepit hafði hendi i andlit postolanum B. ² [mgl. B.
³ [byrlinn drap hann B. ⁴ [hann bleza B. ⁵ [mgl. B. ⁶ ok syni³⁵
ok B. ⁷ [brúðgumanum B. ⁸ [tilf. B. ⁹ saal. B; konu A. ¹⁰ þar
af tilf. B. ¹¹ hafa B. ¹² fullsælu B. ¹³ syndum B. ¹⁴ börn B.
¹⁵ annathvart B. ¹⁶ [barnit er blint borit, dauðt B.

ørkymslum likamans¹. Nu [siai^t þit, hve² mikill haski er 1
munuðlifinu. En ef þit vilit hallda blezan, er guð gaf ykkur fyrir
minar hendr, þa mun hann sva gera, at þit munit³ eigi deyja,
helldr fagna i eilifri fullsælu. En er [þau þektuz bæði⁴ vel þat
5 allt, er hann⁵ kendi þeim, þa synduz þeim tveir englar ok mælltu:
„Vit erum englar¹ sendir af guði [til ykkar at synaz ok bera
guði⁶ bönir ykkur, ef þit halldit⁷ kenning postolans. Vit
leiddum hann inn at loknum durum, en hann mun luka upp
himinrikis durum⁸ fyrir ykkur.“ Þa fellu bæði þau til fota post-
10 olanum ok mælltu: „Styrk þu okkr i allri tru, sva at okkr se
enskis vant, þess er vit þurfim at⁹ vita.“ Thomas svaraði: „Koma
mun ek hingat aðra nött ok kenna ykkur þat, er þit þurfit [at vita
aðr ek fara¹⁰ i braut.“ En hann kom, sem hann het, ok kendi
þeim rétta götu, þa er þau þurftu til eilifrar dyrðar, ok skirði
15 þau aðr hann for braut. En síðan sendi hann þeim lærisvein
sinn, ok vigði hann aðr¹¹ til prestz ok bauð honum at lata gera
kirkiu i borginni. En þar samnaðiz margr lyðr til guðs, ok er
þar vellði Thome apostoli [ok trua rett allt til þessa dags¹².

En þessi enn ungi maðr er nefndr Dionisius, hann var síðan vigðr
20 til byskups, en hann vigði brúði sina til nunnu. En hon het
Pelagia. Hon var af tveim hlutum pind fyrir guðs nafni, [þvi
at¹³ hon villði eigi blota, ok [af þvi¹⁴ at hon villði eigi með
manni ganga, ok var hon fyrir þær sakir höggvin. En sva er
ritit girzkum stofum a leiði hennar: Her hvilir brúðr Dionisius¹⁵
25 byskups, dottir Thome apostoli. En langt er at tina¹⁶ serhveriar
iartegnir þeira, ok mun ek helldr nu segia fra taknum postolans.

2. Thomas postoli kom til Indialandz ok til borgar þeirar,
er heitir Eleopolis¹⁷. Þa sagði Abbanes Gundoforo konungi lok
erenda sinna. Konungrinn mællti þa við Thomam postola: „Mattu
30 mer höll smiða?“ „Ma ek“, sagði postolinn. [Gundoforus mællti¹⁸:
„Hversu mattu gera höllina?“ Thomas postoli mællti¹⁹ grundvollinn
ok sagði konungi, hversu hann mundi gera hollina, eða hvar hann
mundi vera lata hvert hus þeira tolf, er hann lezt gera mundu.
Dyrr skulu horfa i austr, sagði hann i gegn upprennandi solu, en
35 virki skal gera um höllina. En er konungr hafði a litit, hversu
hann ætlaði at gera hollina, þa mællti hann: „Hagr maðr muntu

1 mgl. B. 2 saal. B; um siait, hversu A. 3 munut B. 4 [þeim
þoknaðiz B. 5 postolinn B. 6 [at þægja^m B. 7 vilit hallda B.^m 8
dyrr B. 9 hafa ok tilf. B. 10 [saal. B; aðr en ek fer A. 11 þann B.
40 12 [mgl. B. 13 [af þvi er B. 14 [fyrir þat B. 15 Dionisii B. 16
rita B. 17 Eliopolis B. 18 [Konungrinn spurði B. 19 saal. A og B.

vera, ok somir¹ þer at þiona konungum.“ Þá selldi konungr honum mikit fe ok for a braut or borginni.

En Thomas postoli for um borgir ok heroð ok boðaði orð guðs ok skirði þá, er tru toku, ok veitti mikit fe valuðum ok vigði kennimenn ok let gera kirkiur ok efldi kristinn dom, ok sneri [otalligum þjóðum² til rettrar truar a þeim tveim vetrum, er konungr var a braut or borginni. En er hann³ kom aptr ok fra, hvat postolinn hafði gert, þá let hann setia [þá baða i myrkvastofu Thomam ok ok Abbanem⁴. En [þvi dvaldiz dauði þeiras⁵, at broðir konungs la hættr, en hann het Gaad, ok var ætlat at fla skinn af þeim baðum kvikum ok brenna þá i elldi. Þá do Gad, ok varð hryggleikr mikill i hirð konungsins. Þá let hann bua um lik broður sins með purpura ok silkiklæðum, ok [sendi eptir smiðum, at þeir gerði⁶ kistu at likinu, sem þeir kynni vandligast, or marmarasteini. En þá er dvaldiz gróptr [hins dauða mannz, meðan kistan var gor⁷, reis Gad upp af dauða ok lifnaði snemma morgins hinn fiórða dag [fra andlati sinu⁸. En þeir er gratit höfðu dauða hans, urðu þá hliðir ok hræddir af undri þvi er orðit var. Þá mællti Gad við broður sinn: „Heyr⁹ þu mer, broðir! Sa maðr er þu ætlar at fla kvikan¹⁰ ok brenna, hann er vinr guðs, ok þiona honum allir englar. Ond min var leidd a himna, ok var mer synd höll su er Thomas hefir þer görva með þeiri skipan allri, sem hann het þer at gora, en þat smiði er allt gort¹¹ enum dyrligstum gimsteinum utan ok innan. En er ek leit a þessa fegrð, þá mælltu englar guðs við mik: Her er höll su er Thomas gerði broður þinum. En er ek æsta mer þess at hafa hit yzta sæti i þeiri holl, þá mælltu englar guðs við mik: Ef þu villt her vera, þá munum ver biðia drottin Jesum Krist son guðs lifanda, at hann lati þik lifna; en þu far ok kaup höllina, en broðir þinn taki fe sitt, er hann þikkiz glatat hafa.“ En er Gad hafði þetta mællt, þá for hann skyndiliga til myrkvastofunnar ok fell til fota postolanum ok bað ser liknar ok broður sinum, ok mællti: „Broðir minn er fallinn i mikla synd, þviat hann veit eigi, at þu ert postoli guðs.“ Þá leysti hann bönd af honum¹² ok bað hann taka við dyrligum klæðum, er hann hafði at föra honum. Thomas mællti: „Þu veizt enn eigi, at þeir girnaz enskis iarðligs, er himneskt velldi vilia hafa; mer vinnr þorf

1 samir B. 2 [saal. B; otali þjóðar A. 3 konungr B. 4 [Thomam ok þá Abbanes bada i myrkvastofu B. 5 [hann dvaldi dauða þeira þvi B. 6 [let gera eptir smiðum at gera B. 7 [þria daga B. 8 [mgl. B. 9 Hlyð B. 10 skinn af kvikum B. 11 or tilf. B. 12 postolanum B.

klæðnaðr, sa er nu hefi ek, ok mun sa eigi fyrnaz, meðan önd min er i likam.

En er Thomas postoli gekk ut or myrkvastofu, þa kom Gundoforus konungr a mot honum ok fell til fota honum ok bað ser
 5 liknar. Thomas svaraði: „Mikit hefir drottinn minn Jesus Kristr veitt yðr, er hann syndi yðr leynda hluti sina; borgir yðrar ok heroð eru nu full kristins doms; veri þer nu ok þa bunir at helgaz i skirnarbrunni guðs, at þer takit hlut eilifrar dyrðar.“
 Gad svaraði: „Ek sa höll þa er þu smiðaðir broður minum, en
 10 englar baðu þess ok gatu af guði, at ek a kost at kaupa hollina.“
 Thomas svaraði: „Broðir þinn skal þvi raða, sem hann vill.“
 Gundoforus mællti: „Þvi trui ek, at mitt eigin er þat, er mer var smiðat, en Thomas geri þer aðra holl, en vit eigum¹ þessa baðir, ef hann ma eigi gera aðra.“ Thomas mællti: „Þat skulu
 15 þer vita, at margar eru hallir smiðaðar a himni ok bunar af guði [fra upphafi heims², þær er kaupa skal með verði retrrar truar³. En ef þer vilit öðlaz af himneskum auðøfum, þa fari [auðøfi yður⁴ fyrir yðr, aðr en þer deyt, þviat þau megu eigi koma eptir yðr; lati þer auðøfi yður þiona [fatøkum monnum⁵,
 20 aumum monnum, utlendum ok frændlausum, siukum ok sarum, hungruðum ok þyrstum, ok ollum þurfugum⁶, ok verit oruggir, at þer munut þar finna hundraðföld [laun af guði yðarra auðøfa at eilifu⁷.“

En er þau tiðindi spurðuz a Indialandi, at sa maðr var
 25 kominn, er dauða menn reisti upp ok ræki⁸ diofla fra oðum monnum ok grøddi siuka, hvatki er þeim var at meini, þa hugðu þeir hann vera guð, ok foru menn um langan veg or heruðum [ok borgum⁹ með koronur or gulli giorvar ok gimsteinum ok með gullofin klæði, ok villdu skryða postolann ok blota hann ok søfa
 30 fyrir honum øksn¹⁰ ok hruta. En Thomas bað konunginn, at hann leti samna liði hinn næsta manuð, ok gera þat siðan, sem hann kendi þeim. En er manuðr var liðinn, þa mællti Thomas, at allr lyðr skylldi ganga ut a viðan völl, þviat þa var sva mart lið komit, at eigi matti i husum vera. En er lyðrinn var ut genginn,
 35 þa heimti postolinn siuka menn alla saman i einn stað, ok stoð hann a meðal þeira ok hellt hondum til himna ok mællti: „Heilagr, osyniligr, oskiptiligr guð, er sendir oss hit himneska

2 haufum B. 2 [fyrir heims upphaf B. 3 tru B. 4 [þau B. 5
 [tilf. B. 6 þurfendum B. 7 [auðæfi yður, er all dri verðr endir B.
 8 rak B. 9 [tilf. B. 10 yxn B.

lios drottinn varn Jesum Krist son þinn, en hann gaf oss postolum sinum þat velldi, at ver grøddim [allar sottir¹ ok gæt看im þat allt, er ver bæðim guð föður i nafni [hans sonar, i hans² nafni bið ek þik, guð, at þu grøðir alla þessa siuka menn með lækningu þins velldis, at lyðr³ viti, at þu ert einn guð osyniligr faðir ok einn 5 drottinn Jesus Kristr, fyrir þann eru gervir allir lutir syniligir ok osyniligir, ok einn heilagr andi lysandi [ok helgandi⁴ allra luta nu ok æ um alldir allða.“ Þa svöruðu kristnir menn ok sögðu amen. En þa kom lios mikit yfir ena siuku menn sva sem ellding, en þeir fellu allir til iarðar með postolanum ok hugðuz 10 drepnr mundu verða af elldingunni, ok lagu a iorðu halfa stund dags. Þa reis postolinn upp ok kallaði a þa alla ok mælti: „Risit upp þer, þviat drottinn Jesus Kristr kom sem ellding, ok mun hann grøða alla yðr.“ En þeir risu upp heilir allir ok lofuðu guð ok Thomam postola. 15

Þa ste postolinn upp a stein hafan, þar er hann matti sia allan lyðinn, ok allir sa hann, ok bað ser hlioðs ok mælti: „Heyri þer, allir lyðir! Drottinn minn Jesus Kristr sendi mik hingat til yðar, en ek em þræll hans, en hann grøddi lyð þenna. En ek em maðr sem þer ok sendr til yðar af guði at kenna yðr, at þer 20 hverfit fra skurðgoðum, þeim er andlaus eru, en göfgit⁵ skapara yðarn guð a himnum, þann er [öllum vill biarga⁶, þeim er a hann trua. Hlyði þer, kallar ok konur, [sveinar ok meyar⁷, ungir menn ok gamlir, frialsir ok anauðgir! Ef þer vilit koma i lif eilift, þa trui þer fyrst a einn guð föður almatkan, [osyniligen ok 25 oskiptiligen⁷, þann er byggir i himnesku liosi, ok engi er honum øðri⁸. Trui þer ok a eingetinn son hans drottinn varn Jesum Krist, fyrir þann eru görvir allir hlutir a himni [ok a iorðu⁹, syniligir ok osyniligir, ok a [hinn helga¹⁰ anda, huggara osyniligen, þann er helgar ok lysir andir truaðra. En þer munut verða i 30 þeira tölu, ef þer truit hreinu hiarta a guð ok rekit fra yðr hinn forna mann með verkum sinum, þat eru syndir, ok briotit öll diðfulig skurðgoð ok hatiðir þeira, ok fyrirlatit [myrkra höfðingia¹¹, at þer finnit eilift lios. Variz þer við alla guðlastan ok illzku, þeir er a guð trua. Þann hafi þer fyrstan avøxt, ef þer truit a 35 einn guð; sa er annarr, at¹² þer latit skiraz; sa er þriði, at þer variz við hordom; sa er hinn fiorði, at þer stoðvit alla ranga

1 [siuka menn B. 2 [födur ok sonar, i Jesus B. 3 allir lydir B. 4 [tilf. B. 5 gaufga B. 6 [bergr aullum B. 7 [mgl. B. 8 efre B. 9 [tilf. B. 10 [einn helgan B. 11 [myrkr B. 12 ef B.

agirni; sa er hinn fimti, at þer iðriz synda; sa er hinn setti, at þer siait við ofdrykku ok ofati; sa er hinn siaundi, at þer set geðfastir i goðum verkum; sa er hinn atti, at þer seð gestrisnir; sa er hinn niundi, at þer leitit at gora guðs vilia i ollu; sa enn 5 tiundi, at þer siait við at gera þat, er guði mislikar; sa er hinn ellifti, at þer hafit ast við vini yðra ok ovini fyrir guðs sakir; en tolfthi avöxtr er hvers dags athugi at varðveita þessa kosti alla, ok maðr beri því meiri ahyggiu fyrir at hallda himneskum auðöfum, sem maðr¹ hefir þau fleiri, þvíat² i þessum .xii. kostum helldz allt ¹⁰ rettlæti, þat er leiðir til himna hallar þa, er þessa luti varðveita. En giafar³ er þer færðut mer, gefi þer aumum mönnum, þvíat ek em eigi guð, helldr þræll hans⁴. En hverr yðarr veri buinn tru at taka ok skirn.“

En lyðrinn gerði, sem Thomas mællti, ok toku skirn enn ¹⁵ næsta drottinsdag .ix. þusundir karla, en eigi voru taldar konur ne born. En síðan for Thomas postoli til hins øfra⁵ Indialandz, sva sem guð vitraði honum. En margr maðr⁶ for at sia iartegnir hans ok heyra kenning hans, ok toku margir tru⁷ ok hurfu fra blotum, er þeir sa hann gefa syn blindum, en heyrn daufum, ok ²⁰ lif dauðum, ok reka diöfla fra oðum mönnum.

3. Migdeus⁸ het konungr, er reð fyrir þessu⁹ Indialandi, [en kona hans het Trepicia¹⁰; iarl hans het Caricius, en kona hans¹¹ het Mikdonia, en hvarr þeira atti systur annars. Kona het Sintica, er sex¹² vetr hafði blind verit, en hon¹³ var vinkona ²⁵ Mikdonie. En þeiri konu gaf Thomas postoli syn. Hon kom [heileyg ok skygn¹⁴ fyrir¹⁵ Mikdoniam ok sagði henni til heilsu sinnar. Mikdonia mællti: „Sa mun vera engill guðs eða postol, er þer gaf syn, sva at hann hafði enga lækning til þess.“ Sintica mællti: „Eigi gaf hann mer einni syn, þvíat mikill fioldi er þat ³⁰ karla ok kvenna, er hann hefir heilsu gefit i nafni Jesus Kristz.“ Mikdonia mællti: „Ma ek sia hann?“ Sintica svaraði: „A morgin er ætlat, at hann muni telia fyrir [mönnum eða lyðnum¹⁶. En ef þu villt sia hann, þa skiptu¹⁷ buningi þínum, at þu verðir eigi kend, ok far þu þa með oðrum konum.“ Þa [tok Mikdonia¹⁸ ³⁵ annan buning ok for með vinkonum sínum ok ambattum, ok kom þar er postoliinn [taldi tru¹⁹ fyrir mönnum, ok mællti: „Þetta

¹ hann B. ² mgl. B. ³ þessar tilf. B. ⁴ guds B. ⁵ efra B. ⁶ lydr B. ⁷ af honum tilf. B. ⁸ Migdeus B. ⁹ mgl. B. ¹⁰ [mgl. B. ¹¹ iarlansins B. ¹² .x. B. ¹³ su B. ¹⁴ [heil B. ¹⁵ fru sína tilf. B. ¹⁶ [folki B. ¹⁷ skipt þu B. ¹⁸ [for Mikdonia ok tok B. ¹⁹ [var ok taldi B.

lif er ver hofum, sagði¹ postolinn, er vesæligt² ok liggr undir
 [mörgum haskum³, ok liðr þa or höndum, er maðr hyggr bezt til
 at hallda, þvíat braðr dauði tekr þat i braut, ok flýr þat sva, at
 alldri ma síðan finnaz. Af því kom guðs sonr af himni ok sagði
 oss annat lif vera, þat er alldregi hefir dauða ne sott ne hrygg- 5
 leik, helldr er þar avallt fagnaðr ok lios ok gleði. En sonr guðs
 gerði sva, at menn megu endrgetaz til lifs, þeir er getnir eru til
 dauða, ok geraz synir guðs fyrir heilaga⁴ kenning postola, þeir
 er aðr eru synda þrælar. En eigi megu dauðligra manna synir
 verða oðauðligir, nema þeir verði⁵ endrgetnir fyrir vatn ok helgan 10
 anda. En til þess at menn tortryggi eigi kenning þessa, þa gaf
 sonr guðs oss þat velldi⁶, [sa er oss sendi til kenningar⁷, at ver
 gefim [i hans nafni⁸ heilsu siukum, en lif dauðum, at skynsamr
 maðr mætti [skilia eða⁹ ætla fyrir ser, at eigi mætti slikar
 iartegnir fylgia, ef kenningin væri eigi sönn. Ek kallaða yðr til 15
 þess fyrra dags, at þa grøddiz likamir yðrir, en i dag kalla ek
 yðr til þess, at andir yðrar grøðiz af kenningu¹⁰ guðs orða. Þviat
 sva sem læknað megu eigi grøða siukan mann, nema hann standiz
 atgerðir ok megi drekka þann drykk, er þeir gefa honum, sva
 megu ok kennimenn eigi grøða andir manna, nema menn heyri 20
 orð guðs ok trui [sönnu, ok halldi hreinlifi ok variz við allri¹¹
 agirni rangri ok ofati, ok misbioði engum, ok tømiz¹² opt til
 þess at heyra ok hallda boðorð guðs. Þat skal hafa til heilsu
 andanna, [ok til þess at þær megi hallda heilsu sinni⁷. Sva
 sem likamans sott gerir manni matleiða, sva [gerir ok andarinnar 25
 sott¹³ öndinni leiða sina fozlu¹⁴, þvíat sa ma eigi elska ond sina,
 er lifir at likams munuð; [sva sem spamaðrinn mælti: hatar sa
 önd sina, er syndir elska⁷, elldi ok brennusteini mun rigna yfir
 synduga menn. Heyrðu þer nu pislir syndugra manna. Ver
 vitum, at þat kann verða einnar stundar regn her a iorðu, er 30
 menn þikkiaz eigi uti mega vera [ne leiðar sinnar fara⁷; hyggit at
 þer þa, hversu þeir eru staddir, er yfir rignir bæði elldi ok
 brennusteini an enda, er þer megut eigi standaz þat regn, er
 her⁴ gefr groðr a iorðu. Trui þer því, at syndugir menn hafa
 sannar⁴ pislir, en rettlatir sannar dyrðir[; því kalla ek sannar, 35

1 kvad B. 2 vesaligt B. 3 [haska B. 4 mgl. B. 5 se B. 6 tilf. B.
 7 [mgl. B. 8 [tilf. B. 9 [sva B. 10 lækningu B. 11 [at saunnu
 ok halldi sik hreinliga ok siae við B. 12 temizt B. 13 [gera ok
 syndir B. 14 fæðu B.

at eilifar eru, þviat allt þat sem endir, þikkir sem eigi hafi verit, þa er liðit er¹.“

4. En er Thomas postoli hafði þetta mællt, þa tok allr lyðr, sa er þessi orð heyrði, tru ok skirn eptir siau² daga föstu. En
5 Mikdonia kom eigi síðan i sama sæng iarlinum. En er [Karicius iarl³ varð þess viss, at þat gerðiz af kenningum postolans, þa bað hann [Mikdeus konung þess⁴, at Thomas postoli væri tekinn ok settr i myrkvastofu. Var þat ok gert, sem hann bað. En Mikdonia for til myrkvastofunnar ok fell til fota postolanum ok
10 mællti: „Ek bið þik, postoli guðs, at þu gangir ut ok hliotir eigi þetta af mer, sva at eigi komi guðs reiði yfir mik.“ Thomas svaraði: „Far þu heim til huss þins, ok mun ek þar koma þessa nott at syna þer, at ek em viliandi pindr fyrir guðs nafni.“ Þa for Mikdonia heim ok lauk aptr klefa sinum ok mællti: „Guð
15 almattigr, sa er Thomas postoli boðar, lattus⁵ mik verða makliga hans kenninga!“ En at miðri nott kom Thomas þangat at loknum durum ok mællti: „Vertu styrk, Mikdonia, þviat sva sem þu munt koma til lifs fyrir mik, sva mun ek koma með dyrð pislar fyrir þik til drottins mins Jesu Kristz.“ Þa [oaðiz Mikidonia⁶
20 ok mællti: „Ek bið þik, postoli guðs, at þu lukir upp augum⁷ andar minnar, sva sem þu laukt upp augum⁷ blindra manna, at ek mega sia retta götu ok falla ek⁸ eigi i talgrafir diðfuls.“ Thomas svaraði: „Fyll þu siau daga föstu, en a hinum atta degi mun ek koma til þin ok skira þik ok þa menn alla, er af þinum orðum
25 trua a guð.“ [Nu hvarf Tomas postoli a braut⁹.

[Karicius iarl for¹⁰ til konungs ok mællti við hann: „Ek bið yðr¹¹, herra konungr, at [þer sendit¹² Trepiciam drottning til Mikdoniam, ok ma verða, at hon snui hug hennar fra orum þessum, þviat ek hefi beðit hana bæði reiðr ok [i hugum, ok
30 sva beggia vinir¹³ ok frændr, at hon skyldi samfarir hafa við mik enn, ok megum ver¹⁴ þat eigi geta af henni, ok vill hon eigi sia oss ok eigi [eta ne¹⁵ drekka með oss.“ Mikdeus konungr svaraði: „Bið þu systur þina, at hon fari, þviat hon mun eigi erendislaust fara, ef hon ferr.“ Trepicia [svaraði ok kvezt mundu
35 fara við bøn broður sins. Hon mællti við Mikdoniam, er hon tann

1 [þær er alldri skal eptir verða B. 2 sex B. 3 [iarllinn B. 4 [konunginn B. 5 late B. 6 [ottaðizt hun B. 7 augu B. 8 mgl. B. 9 [mgl. B. 10 [síðan for iarlinn B. 11 þik B. 12 [þu sendir B. 13 [ureiðr ok vinir okk(r)ir B. 14 við B. 15 [tilf B.

hana¹: „Ek bið þik, Mikdonia, systir ok vinkona hin kærsta, at þu latir af orum þessum ok hafnir eigi samforum við buanda þinn, ok ger eigi i gegn goðum varum ok² frændum, þvíat konungr er nu ogleðr ok hirð hans óll, ok røða allir um þik ok harma³ orar þinar.“ Mikdonia svaraði: „Ef þu vissir, Trepicia, þat er ek veit, 5 þa mundir þu þat eigi kalla orar, er Thomas postoli kennir; maðr syniz hann vera, en hann er guð, þvíat Sintica vinkona okkur hefir tekit sion af honum, er marga vetr hefir blind verit, ok hann gefr heyrn daufum, en heilsu siukum, ok lif dauðum, ok synir hann annat líf vera odauðligt, þar er eigi er sott ne sarleiki 10 ne ogleði. En þetta ma bratt reyna, þvíat Simforus riddari⁴ for a þessarri nott, er nu var, til myrkvastofunnar ok [reiddi Thomas postola a braut⁵, ok hefir hann nu reistan einga⁶ son hans af dauða, ok sitr hann nu i husum Simfori ok telr tru fyrir monnum ok gefr heilsu siukum, er þangat koma.“ Trepicia mællti: „Ef 15 sva er, sem þu segir, þa fòrum við nu þangat, ok mun ek trua honum, ef ek reyni þetta satt vera, þvíat heimskligt er at fysaz eigi til hins eilífa lífs, ok heimskligt⁷ at trua eigi sva miklum iartegnum.“ Þa foru þær báðar til husa Simfori ok fundu fyrir durum⁸ einn líkþran mann, er finna villdi postola guðs ok naði 20 eigi inn at ganga, þvíat daunn var illr af honum, ok vall⁹ vagr or andliti honum¹⁰, ok var engi flekkur heill a [líkama hans¹¹. En þær Migdonia [ok Trepicia¹² gengu inn ok mattu ekki mæla við postolann, þvíat hann lagði hendr sínar yfir siuka menn ok gaf þeim heilsu. En er Trepicia sa þessar iartegnir, þa mællti hon: 25 „Se bolvaðir af guði þeir, er eigi trua þessum heilsuverkum!“ Mikdonia mællti við Thomas postola: „Líkþrar maðr einn vill finna þik, drottinn, ok nair eigi [inn at ganga¹³.“ Postolinn mællti við Simforum: „Banna þu eigi þeim at taka heilsu, er trua [a guð¹⁴.“ Simforus mællti: „Sa maðr er eigi asiandi, er 30 [þær segia¹⁵ þer i fra, ok er allr líkami hans sem ein skan, ok velir hann vag ok móðkum.“ Postolinn mællti: „Þvi meira er vert um guðs iartegnir, sem hann grøðir torvellðra. Leiðit¹⁶ hingat hinn líkþra!“ En er postolinn sa hann, þa felldi hann tar ok fell a kne ok var lengi a bøn. Síðan bað hann leiða til sín hinn siuka 35

1 [for við bæn broður sins til fundar við Migdoniam ok mællti B. 2 ne B. 3 *mgl.* B. 4 riddarahofdingi B. 5 [leiddi Th. til hus sins B. 6 *saal.* B; einka A. 7 eun heimsligra B. 8 husdyrum B. 9 feil B. 10 hans B. 11 [andliti hans ne líkama B. 12 [*mgl.* B. 13 [inngaungu B. 14 [gudi B. 15 [þar segit B. 16 Leiði B.

ok lagði hendr sínar yfir hann ok mælti: „Þu guð, skapari allra hluta synilígra ok osynilígra, er oss gaft þat velldi fyrir son þinn, at ver gefim sion blindum ok heilsu líkþram ok líf dauðum, bið þu synilíga, at vitríz¹ engill þinn ok grøði þenna mann fyrir hendr
 5 minar², at hann verði heill ok dyrki þik skapara sinn ok grøðara, at allir menn viti, at þu ert einn guð ok engi guð er annarr.“ En er Thomas hafði þetta mælt, þá vitraðiz sveinn líoss með skinanda andliti ok leiddi í eina hyrning hussins hinn líkþra mann, ok fərði hann or fótum; síðan flo hann af honum líkþrana,
 10 sva sem maðr flær skinn af kalfi, ok leiddi³ hann heilan fyrir postolann. En Thomas skirði hann ok skryddi hann nyium klæðum ok hvítum. Þá dyrkaði allr lýðr guð ok mælti: „Sannlíga vitraðiz¹ engill guðs a varu landi.“ Þá fell Trepicia drottning til fota postolanum ok mælti: „Ek bið þik, postoli guðs lífanda,
 15 at ek mega taka hlut hins eilífa lífs.“ Thomas svaraði: „Upp er lokin⁴ höll⁵ ens himneska konungs, ok ganga inn þeir er af ollu hiarta trúa guði⁶, en þu matt⁷ ok maklíg vera guðs miskunnar, ef þu truir rett.“ Trepicia svaraði: „Ek trui þvi, at engi er annarr guð, en sa er þu boðar, af þvi bið ek,
 20 at þu latir mik taka hlut með þeim, sem til hans koma.“ Þá lagði postolinn hendr sínar yfir hofuð henni ok blezaði henni⁸ ok kendi henni tru retta ok mælti: „Nu heyrða ek rodd drottins mins Jesu Kristz, ok kallar hann mik. En þu tak nu skirn, þá er gefin er fyrir vatn ok helgan anda, þviat nu nalgaz su tíð, er
 25 ek skal or heimi fara.“ Þá skirði hann hana, en taldi þat fyrir lýðnum, at hann⁹ elskaði kristinn dom ok kennimenn sína, ok komi opt til kirkna at heyra guðs orð. En síðan for hverr heim til síns huss.

5. En er Trepicia kom heim, þá mælti konungr við hana:
 30 „Fyrir hvi dvaldiz þu sva lengi, at þu komt eigi heim fyrir aptan?“ Trepicia svaraði: „Ek hugða, at Mikdonia væri or orðin, en hon hefir fundit sanna speki, þá er mik leiddi til eilífs lífs, þviat ek sa postola guðs, þann er öllum gefr heilsamligt¹⁰ rað. En þu matt eigi vera konungr odauðlíg, þott þu raðir fyrir löndum¹¹;
 35 en ef þu villdir hlyða orðum postolans, þá mundir¹² þu alldri deyia.“ Þá ogladdiz konungr ok let kalla þangat Karícium íarl mag sinn, ok mælti: „Þá er ek villda bota um¹³ fyrir þinni

1 birtiz B. 2 sínar B. 3 sendi B. 4 lokit B. 5 himins ok
 40 ens eilífa lífs ok tilf. B. 6 aa guð B. 7 mant B. 8 hana B. 9 þeir B.
 10 heilsamlig B. 11 iordum B. 12 myndir B. 13 mgl. B.

konu, þá tynda ek minni konu, þviat Trepicia er nu verri mer en Mikdonia þer.“ En þá var þegar farit eptir postolanum, ok [var hann¹ leiddr þangat bundinn. Konungr mællti við hann: „Hverr er sa guð² þinn, er fíflir fra oss konur varar fyrir orð þin?“ Thomas postoli svaraði: „Þu ert konungr, ok villtu³ eiga 5 raðvanda þræla ok hreinlifar ambattir, en ef þu villt³ hreinlifra manna þionostu hafa ok ertu maðr, þá mattu sia, at guð mun vilja⁴ hreina þionostu þræla sinna ok ambatta. Eða hvat sakar þu mik um þat, er ek segi sva, at guði liki þat vel við sina þræla ok þyiar, er þer likar vel við þina mansmenn, þat er hreinlifi ok 10 raðvendi?“ Mikdeus konungr mællti: „Ek senda mina konu, at hon leiddi Mikdoniam fra foraði, en þu steyptir þeim baðum i forað.“ Postolinn mællti: „[Þat er forað, at firraz hreinlifi ok lifa at likams munuð; en sa er sik helldr fra rangri munuð⁵, hann ferr fra foraði til heilsu, ok fra myrkri til lioss.“ Mikdeus 15 konungr mællti: „Sva sem þu skildir þær fra samlagi hiuskapar með þessum orðum ok velum, ger þu sva [ok nu¹ af orðum þinum ok raðum, at þær hafi enn samfarir við oss [sem fyrr¹. Thomas sagði: „Villiz nu boðorð konungsins.“ Konungr mællti: „I hveriu villiz nu boðorð mitt?“ Postolinn svaraði: „Ek smiðaða stopul 20 hafan, en þu [byðr, at ek briota hann⁶ þegar; ek grof iðrð til hreins brunnz⁷, en þu mælir, at ek skula moka molldu i brunninn⁸ ok byrgia hann. Ek mun helldr segia þeim orð drottins mins, at sa er eigi guði makligr, er meirr elskar föður sinn eða moður eða likamliga frændr eða astmenn en guð. En þu, konungr, er stund- 25 ligr maðr, ok hefnir þu þess stundliga, er i gegn þer er gort; en guð er eilifr konungr, ok gelldr hann eilifa hefnd fyrir þat, er i gegn hans vilja er gort. En þu matt glata likamanum, en siðan mattu ekki gera at öndinni, en guð [er einn sannr konungr, hann⁹ ma senda i eilifan elld bæði önd ok likama.“ Þá mællti 30 Karicius við konung: „Ef þu dvelr drap þessa hins fiðlkunniga mannz, þá mun hann hafa oss sialfa i¹⁰ foraði.“

Þá reiddiz Mikdeus konungr, ok let gera iarnslar gloandi ok let þar leiða postolann yfir berföttan, at hann brynni. En þá spratt vatn upp or iðrðu ok koldi slarnar. En postolinn mællti 35

1 [tilf. B. 2 saal. B; konungr A. 3 vill B. 4 hafa tilf. B. 5 [saal. B; Eigi hauð ek þeim at forðaz hreinlifi ok lifa at likams munuð, helldr bauð ek þeim, at þær helldi sik fra likams munuð. Sa er hreinlifi helldr A. 6 [mælir, at ek skula hann niðr briota B. 7 vatnz B. 8 brunn þann B. 9 [hinn sanni konungr B. 10 aa B.

við konunginn: „Eigi gerði guð þetta fyrir minar sakir helldr fyrir þinar sakir, at þu mættir þa helldr trúa guði, þviat guð ma gefa mer þat vellði, at ek mega¹ eigi hræðaz [elld þinn². Karicius³ mællti enn við konunginn: „Lattu hann setia i ofn brenn-
 5 anda.“ En er þat var gert, þa mattu þeir eigi ofninn heitan gera, þviat guð slokti⁴ elld þeira. Þa mællti Karicius: „Lattu hann blota solar⁵ likneski, ok mun þa guð hans reiðaz honum, sa er nu leysir hann fra pislum.“ En er þeir leiddu hann inn i hofit, þa leit hann við konunginum ok mællti: „Segðu mer, konungr, hvart
 10 betri ert þu eða likneski þat, er eptir þer er gørt? Eigi efa ek⁶ þat, at þu ert øðri en likneskit. Fyrir hvi orøktut⁷ þer guð yðarn, en blotit likneski hans?“ En solar likneski var gert or⁸ gulli, ok sva kerra þess ok hestar, en glerhiminn var gerr yfir likneskinu⁹, ok syndiz sva sem sol rynni a himni. En er þeir baðu
 15 postolann luta likneskinu, þa mællti hann enn við konunginn: „Þat skalltu vita, konungr, at eigi mun sva fara, sem Karicius iarll mællti, at guð muni mer reiðaz, þo at ek luta guði þinum, helldr mun hann þa reiðaz guði þinum ok briota hann.“ Konungr svaraði: „Enn rammasti solarass mun briota guð þinn, þann er Gyðingar krossfestu.“ Thomas mællti: „Villtu reyna, hvart þat
 20 ma¹⁰ verða?“ Karicius mællti: „Nu leitar hann raða, at hann luti eigi ne bloti.“ Thomas svaraði: „Luta mun ek fyrst, en blota siðan, ef guð minn brytr hann eigi, þegar er ek lyt.“ Konungr mællti, at hann skyllði sva gera.

En tvau hundruð manna leku hliomandi¹¹ hringleik fyrir
 25 likneskinu, ok voru þar meyar með pipum ok hörpum ok reykelsi, ok var lið þat albuit¹² til blotz. Þa mællti Thomas postoli við skurðgoðit: „Þu diofull, er byggir i likneski þessu ok gefr svör villtum monnum ok heimskum, er likneskit sia, en þik megu þeir eigi sia, ek sori þik i nafni drottins Jesu Kristz, þess er Gyðingar
 30 krossfestu, at þu gangir ut ok standir, sva at ek mega sia þik, en þu gerir¹³ þat siðan, er ek byð þer.“ Þa gekk diofullinn ut or likneskinu ok stoð sva, at postolinn einn matti sia hann. Þa mællti postolinn við hann: „Ek gófga af ollu hiarta drottin minn Jesum Krist, en þegar er ek fell a kne ok mæli, at þu briotir
 35 eigi at eins skurðgoðit helldr ok hof þetta, þa mun ek biðia drottin minn Jesum Krist, at hann sendi engil sinn at binda þik

¹ man B. ² [saal. B; orð þin A. ³ Jarll B. ⁴ kældi B. ⁵ solar-
 guðs B. ⁶ um tilf. B. ⁷ orøki B. ⁸ af B. ⁹ þvi B. ¹⁰ megi B.

40 ¹¹ mgl. B. ¹² allt buit B. ¹³ ger B.

ok kasta þer niðr i undirdiupit, ef þu gerir eigi svo.“ Diofullinn svaraði: „Ek bið þik, postoli guðs, at þu sendir mik eigi i undirdiupit¹, ok lat mik helldr drepa þessa menn alla.“ Postolinn svaraði: „Ek byð þer i nafni drottins mins Jesu Kristz, at þu gerir engum manni mein, helldr briot þu likneskit, þegar er ek fell a kne“ En postolinn mællti at² ebresku mali við diofullinn, ok vissi engi, hvat hann mællti, eða við hvern hann mællti. [Þa leit postolinn til konungsins ok mællti: „Hygg þu at raði þínu, konungr³; þu segir guð þinn hinn rammasta, en guð minn krossfestan mann; ef guð þinn verðr styrkri⁴, ok brytr sa diofull hann eigi sundr, er leyniz i likneskinu, þegar er ek kalla a guð minn, þa mun ek luta honum ok blota siðan; en ef kappi⁵ þinn verðr brotinn, þa er rett, at þu fyrirlatir villu en truir sönnu.“ Konungr svaraði: „Þorir þu enn at mæla iðfnum orðum við mik? Glata mun ek þer lata, ef þu lytr eigi ok⁶ blotar.“ Postolinn mællti: „Nu lyt ek, ok eigi likneskinu; nu lyt ek, ok eigi malminum; nu lyt ek, ok eigi skurðgoðinu; helldr lyt ek drottni minum Jesu Kristo, i þess nafni byð ek þer, diofull, er i þessu likneski leyniz, at þu briotir þat ok gerir engum manni grand⁷, ok far [þar siðan, at⁸ engi maðr finni þik.“ En er hann hafði þetta mællt, þa losnaði skurðgoði i sundr sem vax við elld. Ok þa lagði blothofðinginn sverði at⁹ postolanum ok mællti: „Ek mun hefna [guðs mins¹⁰.“ Þa flyðu þeir konungr ok iarl ok hrædduz. En kristnir menn förðu likama¹¹ postolans til kirkiu með veg ok guðs lofi ok smurðu dyrligum smyrslum. En i þeim stað verða margar iartegnir, er hann var grafinn, þviat þar flyia dioflar fra oðum mönnum ok fa siukir menn heilsu.

En mörgum vetrum siðarr, þa er Alexandr Romaborgar höfðingi hafði heriat a Persialand¹² ok felldan konung þeira ok for [heim a leið¹³ með sigri, þa baðu Syrlandzmenn, at hann sendi eptir likam postolans ok leti þangat föra. Þa var likami postolans förðr af Indialandi til Syrlandz i borg þa er Edissa heitir, ok gert skrin at or silfri. I þeiri borg ma eigi vera villumaðr ne [blotmaðr ne Gyðingr¹⁴, ok eigi megu heiðnir menn þangat heria, þviat þeim hlifa verðleikar ok bönir Thomas¹⁵ post-

1 diupit B. 2 aa B. 3 [saal. B; Thomas mællti: Hygg þu at raði, konungr. Þa leit Thomas til konungs ok mællti A. 4 sterkari B. 5 kakki(!) B. 6 ne B. 7 mein B. 8 [siðan þangat, er B. 9 aa B. 10 [þín, guð minn! B. 11 l'k B. 12 Persidaland B. 13 [heimleidis B. 14 [gudnidingr B. 15 heilags Thomas B.

ola, þess er hondum sinum þreifaði um síðu drottins ok mællti
 sva: „Þu ert drottinn minn ok guð minn.“ Þeim¹ gerum ver
 allir þakkir ok biðium, at ver [megim oðlaz² synda aflausn ok
 koma til eilifra fagnaða með postola drottins Jesu Kristz, þess³ er
 5 lifir ok rikir einn⁴ guð um allar alldir allda. Amen.

*F r a g m e n t *.*

hans, en hann grøddi lyð þenna. En ek em maðr sem þer ok
 sendr til yðar af guði at kenna yðr, at þer hverfið fra skurðgoðum,
 10 þeim ær andlaus ero, en gðfgit skapara yðarn guð a himnum,
 þann ær ðllum vill biarga þeim ær a hann trua. Hlyði þer,
 kallar ok konur, svænar(!) ok mæyiar, ungir menn ok gamlir,
 frialsir menn ok anauðgir. Ef er vilit koma i lif ælilft, þa trui
 þer fyrst a æinn guð fðður almattkan osynilegan ok oskiptteligan,
 15 þann ær byggvir i himnesko liose, ok engi er honum øðri. Trui
 þer ok a eingetinn son hans drottinn varn Jesum Kristum, fyrir
 þann eru gðrfer allir hlutir a himne synilegir ok osyniligir, ok a
 hinn helga anda huggara osynilegan, þann ær helgar ok lysir
 andir truaðra. En þer munuð verða i þæira tðlo, ef þer truið
 20 hreino hiarta a guð ok rekit fra yðr hinn forna mann með verk-
 um sinum, þat ero synðer, ok briotið ðll diðfulig skurðgoð ok
 hatiðir þæira, ok fyrlatið myrkra höfðingia, at þer finnit ælilft
 lios. Variðz þer við alla guðlastan ok illzko, þær ær a guð trua.
 Þann hafi þer fyrstan avðxt, ef þer truið a æinn guð; sa ær
 25 annarr, at þer latit skiraz; sa ær þriðe, at þer variz við hordom;
 sa ær hinn fiorðe, at þer stoðfit alla ranga agirni; sa ær hinn
 .v. at þer iðriz synða; sa ær hinn .vi. at þer seeð⁵ við ofdrykkio
 ok ofate; sa ær hinn .vii. at þer seeð geðfaster i goðum verkum;
 sa ær hinn atte, at þer seeð gestristnir; sa ær hinn .ix. at þer
 30 læitið at gora guðs vilia i aullo; sa enn .x. at þer seeð við
 gera þat er guðe mislikar; sa ær hinn .xi. at þer hafið ast við
 vini yðra ok ovini fyr guðs sakir; en xii. avðxtr ær hvers dags
 athugi at varðvæita þessa kosti alla, ok maðr beri því mæiri
 ahbyggio fyrir at hallda himneskum auðøfum, sem maðr hefir þau

35 1 gudi tilf. B. 2 [auðlimzt B. 3 saal. B; þeim A. 4 tilf. B.

* Jvf ovenfor S. 718¹⁹—720⁷. 5 Over ee i Ordet seeð er af en se-
 nere Haand skrevet a, maaske for at rette til seeð.

flæiri; því at i þessum .xii. kostum helldz allt rettlæiti(!), þat ær læiðir til himna hallar þa er þessa lute varðvæita. En gíafar er þer förðut mer, gefi þer aumum mönnum, þvíat æk em æigi guð helldr þræll hans. En hverr yðarr veri buinn tru at taka ok skirn.“ En lyðrinn gerði sem Thomas mællte, ok toko skirnn 5 en næsta drottinsdag .ix. þusundir karla, en æigi voro talðar konur ne bornn. En síðan fór Thomas postoli til hins øfra Indialannz, sva sem guð vitraði honum. En margr maðr fór at sia iartegnr hans ok heyra kenning hans, ok toko margir tru ok hurfo fra blotum, er þer(!) sa hann gefa syn blindum en heyrnn daufum 10 ok lif dauðum, ok reka diöfla fra oðum mönnum. Migdeus het konungr, ær reð fyr þesso Indialandi, en kona hans het Trepicia; iarll hans het Caricius, en kona hans het Mikdonia. En hvarr þeira atte systor annars. Kona het Sintica, er sexx(!) vetr hafði blind verit, en hon var vinkona Mikdonie; en þæiri kono gaf Thomas 15 postole syn. Hon kom hæileyg ok skygn fyrir Mikdoniam, ok sagði henne til hælso sinnar. Mikdonia mællte: „Sa man vera engill guðs eða postole, er þer gaf syn, sva at hann hafði enga lækning til þess.“ Sinrica(!) mællte: „Eigi gaf hann mér æinni syn, því at mikill fioldi er þat karla ok kvænna, er hann hefir 20 hælso gefit i nafni Jesus Kristz.“ Mikdonia mællti: „Ma ek sia hann?“ Sintica sagði: „A morgin ær ætlat, at hann mune telia fyrir mönnum eða lyðnum, en ef þu villt sia hann, þa skiptu buningi þinöm, at þu verðer æigi kend, ok far þu þa með oðrum konum.“ Þa tok Mikdonia annann buning ok fór með vinkonum 25 sinum ok ambatum, ok kom þar, er postolinn talði tru fyrir mönnum ok mællte: „Þetta lif ær ver hofum, sagðe postolinn, er væsælikt ok liggr undir mörgum haskum, ok liðr þa or höndum, er maðr hyggr bæzt til at hallda, því at braðr dauði tekr þat i braut, ok flyr þat sva, at alldregi ma síðan finnaz. Af því kom 30 guðs sonr af himne ok sagði oss annat lif vera, þat ær alldregi hefir dauða ne sott ne hrygglaeik, helldr ær þar avallt fagnaðr ok lios ok gleði. En sonr guðs gerði sva at menn mego endr
.

1 En senere Haand har skrevet d over g, og saaledes forandret hæyleyg til 40 hæileygd.

II.

1.*

.
 eptir leið orðit, þa sa hann i hendi ser fagran palm með fullum
 5 avexti oc bloma. Þa rann hann fagnandi til brúðar sinnar, oc
 bergðu þau bæði af alldini þess tres. Enn er þau haufðu bergt af
 avexti þeim, þa sofnoðu þau bæði skiott eptir, oc bar einn draum
 firir þau bæði. Sva syndizt þeim sem konungr harðla mattugr
 skryddr dyrligu skruði stæði a millum þeira, hann faðmaði þau
 10 bæði bliðliga oc mællti: „Postuli minn blezaði yckr, at it gerðizt
 hluttakendr ens eilifa lifs.“ Enn er þau vaucnuðu oc tauluðu um
 draum sinn, þa kom þar Thomas postuli oc mællti: „Konungr
 minn, sa er mællti við yckr i syn yckr, sialfr leiddi hann mic
 hingat at lok(n)um durum, at blezun min verði at avexti fyrir
 15 yckr þeim, at it halldit hreinlifi, þviat þat er drotning allra crapta
 oc avauxtr allra crapta oc eilifrar sælu. Meydomr er engla systir
 eða broðir oc auðlun allra goðra hluta; meydómr er sigrvegning
 lostans oc efling truarinnar oc sigrmark i o(rrost)unum oc auruggleikr
 eilifs lifs, þviat af afbrugðningu likamans getzt saurgunin, enn
 20 af saurguninni sektin, enn af sekðinni hneykslin. Enn i þessum
 aullum verkum koma baurinn i heiminn með haska mæðrinnar,
 fyrir því at þa er fram skal fara sonr girndarinnar af fiorsia(!)
 mæðrinnar, þa sykizt aull su in ohrausta cona, harmar hon oc
 leggr a leiðindi, liðr at henni sva stundum, at hon andazt af
 25 harmi burðar sins. Enn elði, þat er fram ferr af qviði konunnar,
 kann verða annat tveggia fol eða fifl, skacr eða lami eða at nock-
 urum lið vanburða, stundum tunglærr eða diaufulærr. Nu siai
 þit, með hveriu abyrgðarraði saman tengizt karlmaðr oc cona.
 Nu ef it vilit varðveita blezon þa er drottinn gaf yckr firir mic,
 30 þa mun hann yckr alldregi lata deyia, helldr fagna af eilifri sælu.“
 Enn er þau heyrðu með ahyggjusaumo hiarta orð oc kenning
 postulans, þa vitraðiz þar hvarotveggia þeira varðhalldzengill
 hvars þeira, oc mællto þeir: „Við erum englar gefnir yckr af guði,
 at við synim yckr sialfa ockr fyrir blezan Thomas postula, at við
 35 færim guði bænir yckrar, þa er it varðveitið kenning postulans.
 Nu leiddum við hann inn hingat til yckar at locnum durum
 hussins, til þess at sva luki hann yckr upp dyrr eilifs lifs, sem

* *Jvf. ovenfor S. 714¹⁹—716².*

nu opnuðu við læstar hurðir.“ Þá fell brúðgumi oc brúðr hans til fota postulanum, oc mælltu þau: „Styrk þu okkr i aullum sannleik, at ecki se fra okkr af guðs viti.“ Thomas svaraði þeim: „Koma mun ek aðra nott til yckar oc læra yckr fulligarr, aðr ec fara i braut.“ Nu kom hann, sem hann hét, oc lærði bæði þau vandliga af taknum eilífs lífs. Enn á þat ofan skirði hann bæði þau. Enn síðan sigldu þeir Thomas oc Abbaness til Indíalandz. Enn morgum dagum síðarr sendi Thomas einn lærisvein sinn aptr til Andropilin oc gaf honum brúðgumanum þat vellði, at hann vigði kirkiu oc kennimenn i borginni. Þar er nu margr lyðr snuinn guði til handa, oc er þar kallaðr stoll Thomas postula oc almennilígr trúa allt til þessa dags. Enn sialfr Dionisius sveinn oc brúðgumi varð byskup. Hann vigði til nunnu Pelagiam brúði sína. Enn hon tok þrent(!) þeningarvætti til bana: eitt þat er hon hafnaði samlagi bonda síns, enn i því annat er hon hafnaði skurð- goða blotum. Firir þessum saukum tveimr var hon hauggvin. Enn yfir leiði hennar eru ritin þessi orð: I þessum stað hvilir brúðr Dionisius byskups dottir Thomas postula. Enn nu er langt at segia fra maugum iarteinum er þau gerðu, oc faurum ver firir því skyndilíga til endimargs(!) hlutanna.

Fra Thomasi.

20

Þá er þeir Thomas oc Abbanes komo i borg þá er heitir Eliopolim á Indíalandi, þá sagði Abbanes Gunduforu konungi deilid á Thomasi. Enn er konungr sa Thomas postula, þá mællti hann: „Hvart kantu mer haull smíða?“ Thomas svaraði: „Kann ek.“ Þá syndi konungr Tho. husastaðinn oc mællti: „Segðu mer, með hverri skipun þu mætt mer haull uppgera i þessum stað.“ Enn Th tekr upp reyrisprotu(!) oc markaði yfir grundvellinum oc mællti sva: „Her set ec dyrr á mot solar upprás.“ Þar merkti hann i hus aulam .ii. salutatorium .iii. consistorium .iiii. trichonium .v. zetas hiemales .v. zetas estivales oc triclinia .vii. epikastorium .viii. capitalia .ix. thermas .x. gimnasia .xi. coquinam .xii. columbos .xiii. yppodromum oc per girum arcus deambulatorios. Þessa husaskipun merkti hann alla saman at þeim síð oc lytzku, sem þar somði konungum at hafa. Enn er konungr sa þetta, þá mællti hann: „Sandlíga(!) ertu haufuðsmíðr oc somir þer konungum at þiona.“ Þá selr konungr orof þar i hendr Th. oc for síðan á brot or landi oc var á braut .ij. vetr. Síðan for

2.*

. Þá var Th.
 postula þat vitrað af guði, at hann færi til ins efra Indialandz.
 5 Enn við frægð þa er varð i þeiri atfaur hans oc tilquamo, þa
 skyndu allir lyðir a fund hans, oc er þeir sa takn oc iarteinir,
 þær er hann gerði, þa mattu þeir eigi hafna boðorði hans, þvíat
 hann gerði allzkonar iarteinir. I því floði græddi hann conu, þa
 er Sintica heitir, er blind hafði verit .vi. vetr, hon (var) vincona
 10 Migdonie drott(n)ingar(!) cona(!) Karicius iarls. Enn er Sintica kom
 til Migdoniam, þa sa hon hana heileygia oc sva snareygia, sem
 hon hefði alldregi blind verit. Þa kallaði Migdonia oc mællti:
 „Sia maðr er annat tveggia postuli guðs eða spamaðr guðs, er
 þer gaf syn, sva at hann hafði eigi ne ein læcnislyf við.“ Sintica
 15 mællti: „Með aullu græddi hann mik [eigi] eina, en ec kann eigi
 segia, hversu marga hann græddi karlla oc konur oc baurnn fra
 ymsum sarleik firir akall nafns Jesus Cristz.“ Migdonia mællti:
 „Hvat ætlar þu, hvart ek muna mega sia hann?“ Sintica svarar:
 „Þat var nu ætlat, at hann skyli a morgin tala firir lyðnum. Nu
 20 ef þu vill þar vera, þa skiptu klæðnaði þinum oc far a meðal
 annarra qvenna, oc fallt þer sitt, at eigi verðir þu kend.“ Enn
 því tauluðu þær þat, at hon var cona Karicius iarls, en hann var
 konungs magr, þess er Migdeus het. Enn er hon hafði skipt um
 buningi a meðal ambatta sinna oc vinqvenna, þa namu þær þar
 25 staðar, er heilagr Thomas postuli boðaði tru Cristz oc lærði þa
 mælandi með postuligum munni oc mællti sva: „Firir hvi kom
 guð hingat i heim a meðal manna, þar er þetta lif er vesalict, er
 vær erum i bornir, oc liggr undir anauðum oc sva fallvallt, at þa
 skriðnar þat a brot, er maðr hyggr bazt til at niota þess, þvíat
 30 vaveifligr dauði brytr þat undir, sva at þat finz alldregi siðan;
 eða firir hvi kom oss lios af himni, þat er guðs sonr var, oc
 sagði, at var annat lif, þar er alldregi kemr dauði oc alldregi
 harmr, alldri syting, alldri hryggleikr, helldr er þar avallt faugnuðr
 oc gleði oc allt yndi oc aull skemtun oc birti oc allzkyns unað;
 35 nema firir því kom hann, at menn þeir endrgætiz til lifs, er aðr
 eru til bana bornir, oc algiorðizt ier guðs senir firir kenningar
 postula hans; þvíat eigi megu senir dauðligra manna odaðligir
 verða, þeir er synðgir eru oc synðugra synir, nema þeir algeriz
 guðs senir firir vatnn oc helgan anda. Enn til þess at eigi væri

mistruuð sia kenning, þá gaf sa oss¹ matt oc veldi, er oss¹ sendi at kenna þetta, at i hans nafni lystim ver blinda, gæfim heyrn daufum, gaungu haulltum, rækim diofla fra oðum, hreinsaðim licðra, vektim dauða til lifs. Til þess gaf hann oss þenna matt, at þetta mællti skynsamr maðr i hug ser: Ef eigi væri saunn kenning þeira, þá mundi eigi sva matkar iarteinir þeira sem þessar; oc firir því heyri þer nu, senir minir, at i gær eða ina fyrri daga kallaða ec yðr ti(l þes)s, at likamir yðrir græddiz, enn i dag er til þess sett þetta mót, at andir yðrar græddiz af lækningu guðs orða, þá er þær taka heilsuorð; þvíat sva sem augu firir verða, er eigi taka læcnislyf, oc menn, þeir er eigi drecka heilsudrycki, græðaz eigi af læcnum, sva oc af postulum eða auðrum kennimaunnum megu eigi græðaz andir manna, nema þær taki guðs orð oc trui sannleic oc varðveiti hreinlifi af aullum athuga, skili sik fra ofati, ræki agirni, meini mannigi; tæmi sic avallt til þess at heyra guðs orð oc varðveita siðan. Þvilikum hlutum græðaz andir manna. Nu er nauðsyn, at græddar andir skili heillt rað oc girniz fæzlu guðs orða, þar er þær þolðu leiðindi aðr þær yrði heilar, þvíat sva sem sott likamlig lætr eigi manninn taka likamliga fæzlu, þvíat sa er fram hefir ast sina i ast holldz sins til munuðlifis, þá hefir hann ecki þat með ser, er hann megi þaðan af elska aundina. Þaðan af mæli sva gamall spamaðr, at sa er elskar aundina, sa berr likamann, enn sa er elskar illzkuna, sa hatar aundina; oc enn sagði hann þat i enum sama salmi, at snaurum(!) elldz mun rigna yfir synðga menn. Heyrit ier nu oc skilit: regn þetta it grimma merkir qvalar synðugra manna. Jofnum ver saman nu oc þá því regni oc þessu, er her i heimi kann verða i ogurligum hriðum; þessi regn eru sæt hia hinum, oc reynum ver þo opt þat, er maðr verðr staddr firir utan þekiu eða a viðum velli eða undir berum himni i því foraðsveðri, at i eli einnar stundar verðr maðr hriðdrepa eða lama eða mioc þrekaðr, eða hvat skulu þa gera vesalir menn, er yfir þa steypiz an aflatu skur elldz . . .

3.*

.³⁵
 Karicius mællti: „Lattu hann senda i hvera suðr.“ Enn er sva var giort, þá mattu eigi hverarnir heitir verða siðan. Enn a auðrum degi gengr Thomas þaðan alheill. Þa mællti Karicius við

konung: „Lattu hann nu blota solarguði, þa mun guð hans reiðaz
 honum, sa er nu hlífir honum.“ Enn er Thomas var til þess
 skylldaðr at færa solarguði fornir, þa brosti hann oc mællti:
 „Segðu mer, konungr, hvart er tignara þu eða goð þitt? Enn þo
 5 ifa ec eigi umb, at þu ert tignari helldr enn smið handa þinna,
 eða firir hvi lati þer guð yðvarn, enn gaufgit skepnuna?“ Solar
 liceski var or gulli giort oc kerra undir steyppt af gulli. Þa
 mællti Thomas við konung: „Þat ætlar þu, konungr, sem Karicius
 mællti, at guð min muni mer reiðazt. Enn þu skalt þat vita,
 10 þa er ec em skylldaðr til at blota solarguði, þa mun guð minn
 reiðaz þinum guða(!) oc briota hann allan i sundr.“ Konungr svar-
 aði: „Ecki er inum matkazta solarguði firir þvi, at snua undir
 guð þinn þann er Gyðingar crosfestu.“ Thomas svaraði: „Villtu
 þat reyna, hvart sva ma vera?“ Karicius mællti: „Dvala leitar
 15 hann ser i sliku, at hann bloti eigi.“ Thomas svaraði: „Ef guð
 minn brytr eigi niðr solargoð, þa mun ec gaufga hann.“ Konungr
 svaraði, oc iarll oc allir vinir þeira: „Latum ver sva vera.“ Síþan
 leiddu þeir hann inn i hofit með cc manna, sem siðr þeira var
 til. Meyiar sungu þar a fiðlu, enn sumar a haurpu, sumar baru
 20 reykelsi firir sol. Þa mællti Thomas við skurðgoðit: „Við þic
 mæli ec, inn illi diofull, þu ert(!) byggvir i þessu skurðgoði oc gefr
 svaur þeim maunnum, er tælldir eru oc heimskir oc þic sia eigi,
 ec særi þic i nafni drottins mins Jesus Cristz, þess er Gyðingar
 crosfestu, at ut farir þu oc standir firir mer, sva at ec sia þic,
 25 oc gerðu þat er ec byð þer.“ Síðan gengr sa diofull ut or skurð-
 goðinu, sva at Thomass einn sa hann, oc stendr firir honum. Þa
 mællti postulinn við hann: „Ec gaufga af aullu hiarta drottin
 min Jesum Cristum, oc þegar er ec set kne min til iarðar oc
 mælic, at þu briotir niðr skurðgoðit, eigi at eins þat helldr oc
 30 hofit allt, þa mun ec biðia þess drottin minn, at hann sendi engil
 sinn, þann er þic bindi, oc farir þu i eilíft diup.“ Diofulinn svar-
 aði: „Bið er þic, guðs postuli, at eigi drepir þu mic i diup, helldr
 lattu mic drepa af(!) þenna lyð.“ Postulinn svaraði: „Ec byð þer
 i nafni drottins vars Jesus Cristz, at eigi meiðizt her ne eit nema
 35 skurðgoðit.“ Þessi orð mællti hann a ebreska tungu. oc skildi
 engi, hvat hann mællti eða við hvern hann mællti. Þa snyzt
 Thomas postuli til konungs oc mællti: „Þu ætlar i hug þer inn
 mattkasta þenna guð, enn þu segir guð minn mann crosfestan oc
 veginn af Gyðingnm. Nu ef firir þa sauk verðr guð þinn styrkri
 40 oc verðr sa diofull eigi niðr brotinn af akalli nafns guðs mins, þa

mun ec eigi at eins luta honum helldr oc blota hann. Enn með því at þinum guði verði mygt, þa er þat iafnmæli, at þu firir-
 latir villuna oc halldir sannleikinn.“ Konungr svaraði: „Oc
 skalltu enn þora at mæla iofnum orðum við mic? Nu mun ec
 lata af kippa tær þinar, ef þu lytr eigi solarguði.“ Thomas svar- 5
 aði: „Se herna, ec gaufga eigi skurðgoðit; se herna, ec gaufga
 oc eigi malminn; se herna, ec gaufga eigi blotit. Enn ek gaufga
 drottin minn Jesum Cristum, i þess nafni byð ec þer, diofull, er
 byggvir i þessu likneski, at eigi særir þu ne einn mann, helldr
 briottu niðr malm scurðgoðsins.“ Þa brotnaði þat skurðgoð allt 10
 i sundr sem vax við elld. Þa emiuðu allir blotgoðar, enn sialfr
 blotbyskup hofsins bra sverði oc vegr postulann oc mællti þetta
 við: „Rec ec harma guðs mins.“ Konungrinn lagði a flotta oc
 sva Karicius. Siðan giorðizt styriolld akaflig, oc var þo meiri 15
 lyðr, sa er leitaði firir postulans sakar oc kallaði hatt, at sialfr
 byskupinn væri i elldi brendr kykr, sa er postula guðs vá. Enn
 heilagr domr Thomas postula var til kirkiu borinn með postuligri
 tign oc dyrligu lofi, oc var þar umbuit með dyrligum smyrslum,
 oc verða þar takn oc iarteinir i þeim stað, er hann var settr,
 þvíat þar græðaz allar sottir. Siðan baðu Syrlendingar Alexandrum 20
 innverskan keisara, þa er hann kom með sigri af Serclandi at
 yfirstignum Artaserceses konungi, þeir baðu þess, at hann sendi orð
 til Indialandz, oc væri heilagr domr Thomas færðr til Syrlandz, oc
 væri hann andaðr golldinn sinum borgarmaunnum. Enn nu var
 sva gert, at likami hans var færðr af Indialandi oc i borg þa er 25
 Edissa heitir, oc kvilir(!) hann i silfrscrini, þat et sama scrin
 hangir þar i kirkiu með silfrfestum. I þeiri borg ma engi villu-
 maðr lifa oc engi Gyðingr, engi blotmaðr, heiðnir menn megu oc
 eigi heria þangat, siðan er Abbagarus konungr þeirar innar saumu
 borgar þa rit þat af sialfum græðaranum drottni varum Jesu 30
 Cristo, er hann reit sinni hendi sialfs. Þetta rit skal

TVEGGIA POSTOLA SAGA PHILIPPUS OK JACOBS.

I.

Sagan fra Philippo postola.

I dag hölldum ver dyrliga hatið postolum Philippo ok Jacobo, i þa minning er þeir skilduz við þetta fallvallta lif ok sottu þa
 5 til himinrikis fagnaða, ok þagu þa eilifar ömbunir af almatkum guði fyrir sitt lif dyrligt ok sinn dauða fagran. Er sa dagr skylldr til einkum at hallda ollum guðs postolum, þvíat sa verðr postola-
 dagrinn optast næstr piningu vars drottins ok upprisu, ok verðr
 nu af því at hallda þeim af skylldu fagnaðartið, at þeir höfðu
 10 litlu minni mannraun af piningu vars drottins en af sialfra sinna piningu eða dauða. Eigi berr ok af því saman hatið þeira ok liflatzdag postolanna Philippi ok Jacobi, at þeir væri asamt, aðr þeir skildu við þetta lif. En af því eru skammar frasagnir a
 bokum gôrvar fra hvarum þeira, at Jacobus var eigi lengi til
 15 raunar, en kominn þar at heimsvist, sem reynt var, at mest væri i kaf haldit allri guðs kristni ok heilagra manna dyrð, en Phil-
 ippus var sva fiarlægr þeim mönnum, er heilagra manna sögur hafa samsettar, ok er því fra honum fatt sagt.

Sva segia helgar ritningar, at Philippus var ættaðr af borg
 20 þeiri, er Bethsaida heitir, þeiri hinni sömu sem Petrus ok Andreas voru. Ok annan dag eptir, er þeir Petrus ok Andreas höfðu hit fyrsta sinn kannaz við drottin, þa kallaði hann Phil-
 ippum til fylgðar með ser, ok fylgði hann honum síðan i sifellu. Ok af hans orðum kom ok til fylgðar með lærisveinum Natanael,
 25 er aðr var spekingr mikill ok drottinn mællti til lofligum orðum, hann kvað hann vera trulyndan ok flærðlausan. Philippus kallaz lioskers muðr, af því at hann var orðförr ok slettmall, ok sneri hann mörgum manni aleiðis ok mællti mörgum manni hughvarf
 af sinni gøzku ok orðföri, er aðr voru miok vanstilltir ok aftruaðir,
 30 ok lysti liknarbraut fyrir sinum undirmönnum bæði með kenningum ok dömum goðra verka¹, eptir því sem drottinn mællti sialfr: Lysi lios yðart fyrir monnum, at þeir siai verk yður goð ok dyrki
 föður yðarn, þann er a himnum er. Su er mikil virðing þessa mannz Philippi, ef hann hefir hann fyrstan kallaðan til föruneytis
 35 af engri ættlegð, ok var þat haleit virðing, at hann væri einn af öllum fyrstr kosinn til þessa dyrliga embættis at fylgia sialfum guðs syni ok honum at þiona i sifellu.

En eptir uppstigning drottins, þa er postolar hans dreifðuz til kenninga naliga um allan heim, þa for Philippus a þat land, er Scitia heitir, er af sumum monnum er kölluð Sviþioð hin mikla, ok er hon kölluð hingat nalægst þeira landa, er postolarnir hafa kenningar sialfir kent. En þegar er postoliun kom þar, þa var 5 hann tekinn af heiðnum monnum ok leiddr til Tys hofs, ok var hann nauðgaðr til at blota Tys likneski. Ok i því bili varð sa atburðr, at skreið undan umbuningi skurðgoðsins dreki mikill, ok drap þegar til dauðs son hofgoðans, er reykelsti bar fyrir skurðgoðit. Ok hann laust ok tva höfðingia, þa er upphafsmenn voru 10 at ofriði við postolann, ok þeira fylgdarmenn; margir fengu sott af blæstri drekans. En er þessi stortiðindi höfðu gorz, þa tok Philippus til orða ok mællti: „Ef þer vilit hlyða minum orðum, þa mun enn mikit um bótaz, þott mikit se at orðit. Dreki, sa er yðr hefir lengi meinsamr verit, mun flyia a braut i nafni guðs 15 mins.“ En allir báðu, at sva skyldi verða. Philippus postoli mællti: „Briotit niðr likneski þetta, er i Tys liki þikkir gort verit hafa, en reisit upp þar i staðinn kross drottins Jesus Kristz, er honum er sigrs ok piningar mark en hinn styrkasti stolpi varrar hialpar ok lausnar.“ En hinir siuku menn eggjuðu miok, 20 at þat skyldi fram fara sem skiotast, ef þeir væri þa nokkut nærr heilsu sinni en aðr. Ok var sva gert. Postolinn beiddi ser hlioðs, ok mællti siðan: „Ek byð þer, dreki, sa er her hefir lengi bygt i þessum stað til meins monnum, at þu farir a braut heðan i eyðimork, þar er engi er fòr manna ne fenaðar, ok verðir 25 engum manni at meini siðan.“ Þa sa allir, er við voru, at ut for einn hræðiligr dreki ok sotti i eyðimork, ok varð siðan alldri at meini. En eptir þat reisti postolinn upp þa þria menn, er dauðir voru, en gaf þeim heilsu, er siukir voru.

En eptir þat sneruz þeir allir til rettrar truar, er aðr höfðu 30 ofrið boðit postolanum, ok iðruðuz þa þess, er þeir höfðu honum i mot mællt eða gort, ok hugðu hann guð vera ok villdu hann a þa leið dyrka. En hann sagði þeim, at annarr var sannr guð, sa er skapaði himin ok iörð ok alla aðra skepnu, ok heimrinn hafði allr tapaz af synd hinna fyrstu manna, en guðs son let beraz 35 hingat i heim fra Mariu meyi, ok hann hafði pining tekit ok dauða, ok hann hafði upprisit af dauða ok stigit til himna, ok hann hafði sent þeim postolum sinum astgiof heilags anda, ok kunnu þeir siðan allar tungur at mæla, ok af þeiri gipt toku þeir iartegnir at gera allzhattar ok reisa menn af dauða. En þar em 40

ek einn af þeim sendr hingat til yðar at kenna yðr retta tru.“
 En allir þeir er við voru staddir, toku tru, ok voru þa skirðar
 margar þusundir manna. Philippus postoli for þa síðan um heroð
 ok borgir ok vigði byskupa, presta ok diakna, ok marga aðra
 5 klerka, ok let þar margar kirkiur reisa ok efla þar miok kristinn
 dom. Ok var hann þar .xx. ar kenningar at kenna, ok gerði
 allzkyns iartegnir, gaf syn blindum, en heyrn daufum, göngu
 hölltum, en hreinsun líkþram, ok reisti dauða menn til lífs.

En at liðnum þessum stundum vitraði guð postola sinum, at
 10 hann hyrfi aptr i Asiam ok Affrikaland i hofuðborg þa er Hiero-
 polis heitir. Þar geck yfir villa þeira manna, er Hebioniti voru
 kallaðir. Ok for postolinn þangat eptir guðs boði ok tilvisun, ok
 eyddi þeiri villu ok førði kristnina i lag, sem þa er bezt hafði
 verit. Þar voru i borginni dótr postolans tvær, helgar nunnur
 15 ok dyrligar, ok hafði hvartveggja þeira mikla meyasveit með ser,
 þær er guði þionuðu i sífellu. En er postolinn var sva gamall,
 at hann hafði siau vetr ens niunda tigar, þa kallaði hann til sín
 klerka ok kennimenn ok byskupa þar nálæggra borga, ok sagði
 þeim skammar mundu eptir lífstundir sínar, en bað þa gæta
 20 vandliga guðs boðorða ok sinna kenninga. Segia sva helgar bœkr, at
 þa kœmi þar heiðnir menn með ofriði miklum ok höndluðu postolann
 ok dœmdu hann þegar til líflatz, ok var hann síðan krossfestr, ok
 gryttu þeir hann síðan a krossinum, ok for hann með þeim
 piningsigri a þessum degi til almattigs guðs. En eptir þat toku
 25 kristnir menn líkama postolans ok grofu með allri slikri dyrð,
 sem þeir hófðu framast fong a. Ok þa er dótr hans onduðuz,
 þa voru þær hia honum grafnar, a sína hönd hvar, ok veitir guð
 þar margfolld gæði fyrir dyrð síns postola öllum þeim, er hann
 sœkia at arnadarórði með ast ok rettri tru til almattigs guðs;
 30 honum se dyrð ok valld um alldir allda Amen.

Saga Jacobs postola.

Nu er enn skyldugt, goðir brøðr, at segia nókkut fra þeim
 enum dyrliga guðs postola öðrum, er sa dagr er helgaðr með
 guði, Jacobo postola, er einn er af naverondum drottins. Hann
 53 var systrungr hans at iærðligri frændsemi, hans móðir var Maria,
 systir Mariu drottningar, sammøðra við hana, ok var hon Cleophas

dottir ok bróðurdottir Josephs fostra drottins. Alfeus var faðir hans, bróðr hans Jacobi voru þeir Simon ok Judas ok Joseph hinn rettlati. Jacobus þyðiz undirgrefill eða rotsetiari, ok hefir hann af því þat nafn, at i kenningum sinum grof hann syndir ok andmarka or briosti manna ok hiörtum, en rotsetti i staðinn ast ok elsku til almattigs guðs með öðrum mannkostum. 5

En aðrir lærisveinar ok guðs postolar foru af Gyðingalandi, til þess þjóðlandz hverr, sem guð hafði til visat, en þat kom a hluta Jacobi at styra þeiri kristni, er at Jorsolum var, ok þotti þat öllum torsott, fyrir því at þat var reynt, at þeir mundi fam þyrma Gyðingarnir, er þeir höfðu lagt hendr a postolana ok því framarr a drottin sialfan, en höfðu synt sik i öllum ofriði við postolana, meðan þeir voru allir saman. En sva var hann vinsæll ok hugþekkr alþýðunni, at hann var kallaðr enn rettlati Jacobus, ok var honum þat sannefni. Sva segia bœkr helgar, at Jacobus hafi olikr verit öðrum monnum at flestu, hann drakk alldri afengan drykk, hann at alldri slatr, ok alldri kom harknifr yfir höfuð honum, hann hafði alldri laug eða bað, hann hafði alldri ullklæði, ne af öðrum vefium ger, hann vafði sik allan i einum linduki. Hann var naliga allar stundir i guðs musteri nætr ok daga. Hann einn kom i Sancta sanctorum, þar er allir voru enir helgustu hlutir varðveittir. Hann la longum flatr til iarðar i guðs musteri, ok bað sva fyrir lyðnum litillatliga. En hann fell a kne bæði hart ok opt, ok gerði sva hörð knein ok kneskeliarnar sem a ulfallda, at horn þotti a vera, eða sva sem skeliar væri, ok var eptir slíku annat harðlifi hans. Margir voru aðrir villumenn i borginni en Gyðingar, ok komu þeir til postolans ok baðu hann skyra fyrir ser, hvat dura Jesus væri, er hann hafði sialfr haft i sinum kenningum. Sva segir Jon guðspiallamaðr, at drottinn hafi mællt við sina lærisveina: „Sönnu sannara segi ek yðr, at sa er eigi gengr inn um dyrr i sauðahus, helldr stigr hann annan annan veg upp, hann er þiofr ok illvirki; en sa er inn gengr um dyrr, er hirðir sauðanna.“ Ok nökkuru síðarr segir drottinn i hinu sama guðspiali: „Ek em dyrnar, segir hann, ok ef nökkurr gengr inn fyrir mik, hann mun heill verða, ok inn mun hann ganga, ok sva mun hann ut ganga ok goða haga finna.“ En Jacobus sagði þeim, at hann hafði sik sialfan sva kallat, ok dyrnar skulu iartegna þrenning almattigs guðs; þær eru einar, ok megu eigi dyrnar vera nema af þrim triam, tveim dyristófum ok umdyri; er sva þrenning guðs, at hon er með þrennum greinum, ok er 40

hann þó einn guð; en þreskólldrinn iartegnir tru vara, ok ma þa auðvelldliga i dyrnar ganga, ef þreskólldrinn helldr i sundr dyristöfunum; meguð ver ok þvi at eins i himinrikis dyrr inn ganga, ef ver höfum þrenningar tru retta.

- 5 En er Jacobus hafði þetta mællt, þa sneruz margir menn fra villu til rettrar truar af hans kenningum, ok nökkurir af yfirgyðingum. Ok er yfirgyðingar urðu þessa varir, þa foru þeir til fundar við Jacobum ok mælltu við hann: „Ver biðium þik, enn bezti maðr ok hinn rettlatasti, at þu kennir mönnum tru retta ok segir
- 10 fra Jesu, at menn viti þat it sanna, hvat titt er, af þvi at ver vilium þer allir hlyða ok þat hafa, sem þu byðr. Er her nu kominn mikill fioldi folks, bæði or nalægum borgum ok margir langt tilkomnir, en hatið mikil, ok hœfir, at þu ser þar kominn, er þu siair alla, ok allir megi sia þik ok heyra þat, er þu
- 15 mælir.“ Hofu þeir hann þa upp siðan a hialla þa hafa, er i musterinu voru. Ok tok hann þa til orða ok mællti við allan lyð, þann er við var: „Hlyðit mer ok hugleiðit þat, er ek mæli, Gyðinga lyðr fyrst at upphafi, ok allir þeir, er nu heyra mitt mal. Ek em nu kominn i hafan stað, ok skal ek nu bera vitni
- 20 af Jesu hinum nadverska, er yfirgyðingar krossfestu ok sogðu hann fiðlkunnigan mann vera, en eigi guðs son. En hann var sannr guðs son, ok var fyrr getinn af feðr, en himinn ok iorð voru. Sa hinn sami tok manndom a sik ok let beraz maðr hingat i heim a varum dögum af meyar kviði ok af Davids ættrifi a dögum
- 25 Herodis konungs, en var krossfestr undir domi Pilati iarls. Hann reis upp af dauða a þriðia degi, ok gaf oss til þess velldi ok matt lærisveinum sinum, at gefa syn blindum monnum ok grøða allar sottir ok reisa dauða menn til lifs. Ok til þess at hann syndi oss sanna ok efalausá upprisú sina, fyrir þvi at hann hafði
- 30 hin sömu orð upp fyrir oss eptir upprisú sina, sem hann hafði tiað fyrir upprisú sina ok pining, tok hann fozlu með oss ok syndi oss oll örr groin sara sinna, þeira er hann tok a krossinum. En er hann sagði oss, at hann mundi upp stiga til himna, ok er ver urðum við þat hryggir, þa bað hann oss eigi hrygga vera, skulu
- 35 þer helldr fagna, sagði hann, þviat ek fer til föður mins, ok mun ek senda yör innan skamms bragðz enn helga anda. Ok vitruðuz þar tveir englar ok sögðu oss, at hann ste upp til himna, ok hann mundi með þeim hætti koma til domsdags hingat i heim, sem þa skildiz hann við oss. En fam dögum siðarr, þa er ver
- 40 satum allir saman ok lærðum lyðinn, ok sögðum þat, sem satt var,

at Jesus er sannr guðs son af guði getinn, þa kom hinn helgi andi yfir oss alla saman sva sem lios af himni ok gerði hiðrtu var gloandi naliga af ast ok gipt heilags anda. Kunnum ver þa bæði at mæla ok at skilia a allar tungur.“

En er Jacobus hafði þetta mællt, þa gengu yfirgyðingar ok mælltu: „Ver þaðum þik, at þu skylldir eyða villu lyðsins um Jesum, en oss þykkir, sem þu hafir aukit miðk i ummælum þinum.“ Jacobus svaraði þeim: „Ek tok a braut villuna, en synda ek hit sannat.“ Ok er þeir sa þat yfirgyðingar, at allir fògnuðu kenningu postolans ok truðu a Jesum, þa hliopu þeir at honum ok hrundu honum ofan. Ok var van, at hann mundi allr lemiáz, en hann kom standandi niðr, ok sakaði ekki, ok stoð hann síðan upprettir ok kendi kenningu sína. Þa hliop at einn af yfirgyðingum i reiði mikilli ok øði ok greip upp þvattvífl eina mikla ok laust i höfuð postolanum, sva at þegar la heili a iorðu, ok for hann a þessum degi með piningarsigri til almattigs guðs. En allr lyðr villdi hondla þa yfirgyðinga, er þessa ohæfu gerðu, en þeir flyðu. En trufastir menn gröfu likama postolans með mikilli virðingu, ok veitir guð þar margar iartegnir, ok hvilir hann við sialfs guðs musteri; þeim enum sama guði se dyrð ok vegr um alldir allda. Amen.

II.

Her hefr upp sögu Philippi postola.

Heilagr Philippus postole guds drottins vðrs Jesus Cristz fðr eftir uppstigning hans til þess landz, er Scithia heitir, ok kendi þar kenningar ok retta tru .xx. vetr. Enn er hann var tekinn af heiðnum monnum ok leiddr til Tys hofs ok neyddr at blota, þa skreid dreki mikill undan syllustokki, þar sem Tys liknerski stöð yfir, ok drap hann son blotbyskups, þess er fyrir því bloti red, ok heradshofdingia .ii, þa er taka leto Philippum postola ok setia i bönd. Enn af blæstri drekans feingu allir sott, þeir (er) fyrir urðu. Þa mællti Philippus postole við lyðinn: „Hlydit þer radum minum, ok munu þer taka heilsu, enn þessir

heilsu ok lif, sem dauðir ero, enn dreki sió mun flyia i nafni drottins mins.“ Þá svaradi lydrinn: „Segðu hvat vær skulum giöra.“ „Dragit þer ut skurgoðit þetta ok briotid, enn setid þar i stadinn cross drottins mins Jesus Cristz.“ Þá kaulludu þeir

5 sem siukir voru: „Gef þu oss afl ok heilsu, ok munu vær brióta Ty þenna, sem vær höfum blotad.“ Þá mællti postolin: „Ek byð þer, dreki, i nafni drottins mins Jesus Cristz, at farir þu i brutt ör þessum stad, ok giör aungum manni mein, ok far i eydimörk, þar sem eingi er manna faur ne nytsemi.“ Þá flydi æ brutt inn

10 grim masti dreki, ok var hvergi siðan senn. En postolen reisti af dauda son blotbyskups ok .ii. hofdingia, þa er drekin hafdi drepit, ok gaf hann aullum heilsu, þeim er sött höfdu feingit af blæstri drekans. Þá idruduzt þeir, sem ofrid höfdu giort moti postolanum, ok hugdu hann gud vera ok gaufgudu hann. En postolin

15 sagdi þeim (fra drotni), hversu hann kom i þenna heim at biarga mannkyninu, ok hversu hann reis upp af dauða æ þridia degi ok ste sidan til himin(s)ins at æsianndum postolum sinum, ok hversu hann sendi þeim inn helga anda i elldligum tungum, sem hann het, ok gaf þeim mal allra tungna. „Enn ek em einn af þeim,

20 sagdi postolinn, ok sendi hann mik hingat at gera yör þess visa, at skurgöd þessi ero dioflar ok uvinir blötmanna sin(n)a.“ En er postolinn hafdi mællt þetta, þa toku margar þusundir manna tru ok skirn. Enn Philippus postole vigdi byskupa ok presta ok adra kennimenn ok let kirkiur giöra. Enn sidan fór hann til

25 Asialandz, sem gud vitradi honum, i borg þa er Hieropolis heitir. Hann eyddi þar villu þeira manna, er þat sögdu, at sonr mannz ok guds hefði eigi tekit sannan likam af meyi. Enn þar vöru .ii. detr Philippi enar helgustu meyar, þær sem margar meyar leiddu eptir ser til guds. Enn Philippus postole kalladi til sin

30 byskupa ok presta ok diakna ur mörgum¹ borgum .vii. dögum fyrir andlat sitt ok mællti vid þa: „Þessa .vii. daga veitti drottinn mer at vera i þessu² lifi. Vere þer minnigir kenningar drottins mins Jesus Cristz, ok standit upp hreinliga³, enn hann man fylla heit sitt ok efla kristni sina.“ Enn er postolin hafði

35 þetta mællt, þa fór hann⁴ til guds, er hann hafði [.vii. vetr ins niunda⁵ tigar. Enn er nöckurir vetr lidu þadan, þa aunduduzt dætr hans, ok voru grafnar hia honum, æ sina hönd honum hvar

1 *Her beg. Fr.* 2 *þvisa Fr.* 3 *drengiliga Fr.* 4 *saal. Fr.; post-*
 40 *olin A.* 5 [*saal Fr.; vetr ok sió ins .ix.unda A.*]

Enn þar getazt margir gödgerningar af gudi aullum maunnum, þeim er trua a gud föðr¹ ok son ok anda helgan.

De sancto Jacobo apostolo².

Jacobus postole hafdi förrad þeirar kristni, sem at Jörsölum var. Enn Gydingar gerdu ofrid moti honum, ok toko þeir hann 5 ok settu yfir ræfr muste³ris ok mælltu: „Vær bidium þik, inn rettlatasti madr, því at þu hefir þat ord³ af aullöm, at eigi megi annarr þinu iafningi finnazt at rettlæti, af því tel þu fyrir [folkinu ok allri⁴ alþydu, er her er komin til þin ok hatidardags þessa, eigi at eins ör enum næstum borgum, helldr oc⁵ ör fiarlæg- 10 um heröðum, at eigi villizt menn ok segi Jesum Nazarenum guds son vera.“ Þa kalladi Jacobus postole æ allan lyðinn med mikilli röddo ok mællti: „Heyrid þer allir synir Israel! Til þess em ek settr i hafan stad, at ek bera vitne um Jesum Nazarænum, þan er Gyðingar krossfestu ok sögdu fiolkunnigan vera, enn hann 15 er sannr sonr guds eingetinn af fedr fyrr enn [himinn væri ok iordin⁶. Hann tok manndom a sik æ vörum⁷ tímum ok let berazt fra meyi⁸ ör kyne Davids, hann var borinn æ dögum Herodis konungs ok pindr æ krossi undir Pontverskum Pilato iarle. Sia reis upp af dauda æ þridia degi ok gaf oss lærisveinum sinum 20 matt i sino nafni at lysa blinda, græda siuka, reka brutt diöfla ok lifga dauda menn. Hann let oss at fullri ok sannri raun um koma sik af dauda hafa risit, er hann minti oss æ þa hluti alla, sem hann hafdi oss kent fyrir pining sina, sva át hann med oss, ok syndi hann æ höndum sinum nagla spör, sagdi hann oc⁵, at 25 hann mundi upp stiga til fedr⁸ sins æ himna. Enn ver lærisveinar hans hrygdumzt af því, enn hann kvidiadi oss þat, ok sagdi: Fagnit þær, þvíat ek fer til föðr⁹ mins, enn ek man senda ydr helgan anda huggara¹⁰. Ok eptir .xl. daga fra upprisu sinni at oss æsiöndum¹¹ steig hann til himins, ok er vær sæm 30 [til himinsins¹³, þa synduzt oss tveir einglar sva mælandi: „Jesus

1 fauðor Fr. 2 Overskr. Fr., capitulum A. 3 vitne Fr. 4 [mgl. Fr. 5 tilf. Fr. 6 [himenn oc iorð væri Fr. 7 varom Fr. 8 föðor Fr. 9 fauðor Fr. 10 saal. Fr., hyggara A. 11 asiandom Fr. 12 [i himenenn Fr.

þessi, sem nu er uppnúminn yfir ydr, man sva koma, sem þer
sialt hann nu fara i himininn. En eigi eptir marga daga, þa er
væð satum i einu husi ok kenndum kenningar fólki, at Kristur
væri sannr gud ok af gudi getinn, þa kom bradum yfir heilagur
5 andi sva sem lios af himne ok ikynde [híaurto vár oc lauc
upp fyrir oss allra þjóða tungur, sva at sína tungu sialfra² mælltu
ver við hveria þjóð um stormerki Kristz drottins vars sonar guds
lifanda.“

Þa gengu upp til postolans yfirgydingar ok mælltu: „Þess
10 badum ver þik, at þu skyllðir taka fra lydnum villuna um Jesum,
enn þu iókt³ við.“ Jacobus postole svarar þeim: „Ek tok brutt
villu ok synda sannynði.“ Enn er þeir sa, hvar komit var, at
allir felldu goðan ok gladan hug til eyrendis postolans ok villdu
trua æ Jesum, þa hrundu þeir honum ofan þadan ok allt æ iörð.
15 Enn hann kom standandi níðr ok osakadr, ok predickadi þa enn
af nyiu. Þa tok einn yfirgydingr upp i æði sinni þvatvífl ok
færði i hófut postolanum, sva at þegar læ heilinn æ iördu. Ok
er allir lydir þustu at ok villdu handtaka Gydinga, þa er þessa
voru valldir, þa flydu þeir felms fullir. Enn allt folkit gerði með
20 veg ok virðing leizlu postolans ok iörðudu hann þar hia musterinu,
truandi æ son guds lifanda, þann er með fedr ok helgum anda
lifir ok rikir gud um allar alldir. Amen.

BARTHOLOMEUS SAGA POSTOLA.

I.

25 1. Messudag holldum ver i dag Bartholomeo postola i minn-
ing þeirrar piningar ok hinnar agæztu sigrfarar, er hann for a
þessum degi til himinrikis dyrðar með sarligum piningum. Eigi
hófum ver a bokum seð, hver hans iön hefir verit, aðr drottinn
kallaði hann til sins föruneýtis. Þat hafa nokkurir vitrir menn
30 sagt, at Bartholomeus postoli hafi ættstørstr verit allra postola,
hafi hann af því þat nafn haft, at hann hafi konungborinn verit.

1 [saal. Fr.; hiartu vár ok laukzt A. 2 saal. ogsaa Fr. 3 iókt Fr.

Konungar hetu hverr eptir annan Tholomeus a Egiptalandi langa æfi, en Bar¹ þyðiz sonr a vara tungu; því kalla sumir menn, at a þessum degi se þat guðspiall lesit i messu, er postolar þrættu um þat, hverr þeira mestr væri. En drottinn segir sva: hversugi er hverr þeira var ættaðr, eða hveria iðn sem þeir höfðu haft aðr, 5 at su fylgð, er þeir fylgðu drottni, ok þau boðorð, er hann bauð þeim, ok su virðing, er hann veitti þeim um aðra menn fram, þat gerði þa alla iafna, ok engi matti þeira virðing onnur slik vera, sem su dyrð er hann veitti þeim. Margir hlutir þykkia þeir synz hafa i hans hattum, at hann hafi mikilmenni verit þegar at þessa 10 heims virðingu, hann var styrkr maðr ok staðramr, fatpruðr ok fyrirleitinn, þrifsamr ok þrekmaðr mikill.

2. ²Indialönd eru þriu: eitt er þat er liggr hia Blalandi, annat liggr hia Serklandi, en hit þriðia er við heimsenda, ok er þat hit yzta Indialand kallat a bokum. Ok þa er postolar skiptuz 15 til landa, var a hit yzta Indialand sendr af guði heilagr Bartholomeus postoli. En er hann kom þangat, þa var þar blotað skurðgoð þat er het Astaroth. I skurðgoðinu var diöfull, sa er sagðiz grøða siuka menn, en þa eina grøddi hann, er hann meiddi; þvíat Indialandz menn kunnu eigi sannan guð, ok urðu þeir af 20 því tældir af osönnum guðum. En hinn lygni guð tælir sva þa, er eigi truðu eða kunnu sannan guð, at hann kastar a þa sottum ok meinum ok sköðum, ok gefr svör or skurðgoðum, at þeir bloti honum; en þa syniz heimskum monnum sem hann grøði, þa er hann lætr af at meiða. En hann bergr engum, [helldr grandar 25 hann³, ok syniz þa biarga, er hann lætr af at granda. En er Bartholomeus postoli var þangat kominn, þa matti Astaroth engi svör veita sinum monnum ok engum biarga, þeim er hann meiddi. En hofit var fullt siukra manna, þeira er um langan veg [voru þangat komnir⁴. En Astaroth matti [engi svör veita⁵ sinum 30 monnum, þott þeir blotaði ok hellti ut bloði sinu, sem þeir voru vanir. Þa foru þeir til annarrar borgar, þar er var annarr diofull blotaðr, en sa het Berith; ok blotuðu menn þar ok spurðu, fyrir hvi Astaroth goð þeira svaraði þeim eigi. En Berith svaraði þeim ok mællti: „Guð yðarr er sva herfenginn ok bundinn elld- 35 ligum⁶ rekendum, at hann þorir eigi at mæla ne blasa, siðan er Bartholomeus postoli kom þangat.“ Blotmenn mælltu: „Hverr er sa Bartholomeus?“ Berith svaraði: „Vinr er hann almattigs

¹ Bartholomeus *Cd.*² *Her begynder B.*³ [*mgl. B.*⁴ [höfðuþangat leiddir verit *B.*⁵ [aungu svara *B.*⁶ baundum ok *tilf. B.*

40

guðs, ok kom hann hingat til þess at eyða [öll blot þau¹ er a Indialandi eru.“ Blotmenn mælltu: „Seg þu oss [mark hans², at ver megin finna hann, þviat ver megum eigi kenna hann með morgum þusundum manna.“ Berith svaraði þeim: „Svartr er
 5 hann a hars lit, ok karr mikill i hari hans, rettnefiaðr er hann, ok eyrun hans eru huld hari hofuðs³, siðskeggiaðr er hann, ok hæra nokkur i skeggi⁴ hans; meðalmaðr er hann a vøxt, sva at hann ma hvarki þykkia har ne lagr; hvitan klæðnað hefir hann buinn purpura ok gimsteinum; sex vetr ok tuttugu hefir þat verit,
 10 at eigi saurguðuz klæði hans ne fyrnduz, ok slitna eigi klæði hans ne skuar⁵ hans; hundrað sinnum a nott ok hundrað sinnum a degi fellr hann a kne⁶ ok gófgar guð sinn; rodd hans er sem ogurligt mothorn; englar guðs fara með honum ok lata hann eigi mððaz ne hungra; avallt er hann með hinum sama [hug, bliðr er hann
 15 iafnan⁷ ok glaðr; allt veit hann ok ser fyrir, ok allra þioða tungur kann hann mæla ok skilia; ok þat sialft veit hann, er þer spyrit mik nu, en ek segi yðr fra honum, þviat englar guðs þiona honum ok segia honum alla luti. En ef þer leitit hans, þa munu þer því at eins finna hann, ef hann vill, en elligar eigi; en ef þer finnit
 20 hann, þa biði þer hann, at hann komi eigi hingat, at eigi geri guðs englar slikt at mer, sem þeir gerðu nu at vin minum Astaroth.“

3. Þagnaði diðfull, er hann hafði þetta mællt. En blotmenn hurfu aptr ok hugðu at buningi ok aliti hvers mannz utlendz, ok leituðu postolans .ii. daga ok fundu hann eigi. Siðan gerðiz þat,
 25 at einn diðfuloðr maðr kallaði ok mællti: „Guðs postoli Bartholomeus, brenna mik bønir þinar.“ Postolinn mællti: „Þegi þu, [ohreinn andi⁸, ok far fra honum.“ Þa varð sa heill, er marga vetr hafði oðr verit. Þa var konunginum [sögð heilsa⁹ hins siuka mannz; en konungrinn het Polimius, hann atti dottur, þa er oð
 30 var. Þa sendi hann menn eptir postolanum, ok mællti hann siðan við hann: „Dottir min er illa halldin, en ek bið, at sva sem þu grøddir Seustium, er marga vetr hefir oðr verit, grøð¹⁰ þu ok sva dottur mina.“ Postolinn reis upp ok for með honum. Ok er postolinn sa hana¹¹ bundna rekendum, þa [kallaði hann ok
 35 bað hana¹² leysa. En þionarnir svoruðu: „Hverr mun þora at retta hendr sinar til hennar, er hon bitr eða slitr allt, þat er

¹ [blotum aullum þeim B. ² [atferd hans ok yfirlit B. ³ hans B.

⁴ saal. B; hari A. ⁵ skor B. ⁶ knebed B. ⁷ [buningi ok einum hug, bliðr er avallt hann B. ⁸ [fiandi B. ⁹ [sagt um heilsu B. ¹⁰ grædir B.

46 ¹¹ meyna B. ¹² [bauð hann, at hana skyllði B.

[hon ma fa¹. Postolinn mælti við þa: „Bundinn hefi ek ovin þann, er hana kvaldi; en þer hræðiz [enn hana²; fari þer ok leysit hana ok gefit henni mat, ok leiðit hana til min snemma a morgin.“ En þeir gerðu, sem postolinn bauð, ok matti diofull síðan alldri kvelia hana.

5

4. Þa let Po'imiús konungr klyfia ulvallda ok hesta gulli ok silfri, gimsteinum ok dyrligum klæðum, ok leitaði hann postolans ok matti eigi finna hann; ok var þa aptr borit feit³ til hallar. En er nott þa leið ok lysti fyrir degi, þa syndiz postolinn konungi, er hann [la i kofa sinum inni⁴ at loknum durum, ok mælti við ¹⁰ hann: „Til hvers leitaðir þu min allan daginn með gull ok silfr ok gimsteina ok dyrlig klæði? Þessa gíafa þíkkiaz þeir þurfa, er iarðliga hluti elska, en ek girnumz enskis likamlígs ne iarðlígs. En þat vil ek, at þu vitir, at sonr guðs let beraz hingat i heim fra Mariu meyiú, ok gerðiz hann maðr i meýiar kviði. En er su ¹⁵ hin helga mæz hafði með ser guð, þann er skop himin ok iorð ok sio, ok allt þat er i milli er, þa tok hann manndom a guðdom sinn, ok hafði upphaf burðar með monnum sa, er alldri hefir upphaf haft at guðdomi, helldr er hann sialfr allz⁵ upphaf ok gefr upphaf allri skepnu syniligri ok osyniligri. En su mæz het því ²⁰ heiti fyrst guði, at varðveita meýdom sinn ospilltan ok giptaz eigi; en engi hafði [fyrir þetta heit guði fært, en su mæz fyrst kvenna het því guði at hallda meýdomi sinum⁶. Þetta nam hon eigi af dømum⁷ manna ne orðum, helldr gerði hon þetta i eptirliking engla lífs fyrir ast guðs. Fyrir því vitraðiz henni at loknum ²⁵ durum Gabriel engill skinandi sem sol. En er hon hræddiz, þa mælti engillinn við hana: Eigi skalltu hræðaz, Maria, þvíat þu munt son geta. Þa lagði hon niðr hræzlu ok mælti staðfastliga: Hversu ma þetta vera, þvíat ek [ætla eigi manni at giptaz⁸. Engillinn svaraði: Fyrir því mun koma yfir þik andi heilagz, ³⁰ ok sa heilagz burðr, er þu berr, mun kallaz sonr guðs. En sa sonr guðs, þa er hann var her maðr með monnum, þa let hann þann diðful freista sin, er ste yfir hinn fyrsta mann ok vann teygðan til þess at eta alldin af tre því, er guð bannaði honum. En nu sva sem fiandinn mælti við hinn fyrsta mann, at hann ³⁵ æti, ok at hann, ok var af því a braut rekinn or paradís ok gorr utlægr i heim þenna, ok kom allt mannkyn fra honum, sva hit

¹ [fyrir verðr ok hun ma na eða til taka *B.* ² [hana enn *B.* ³ konungsins tilf. *B.* ⁴ [hvildi i klefa sinum *B.* ⁵ mgl. *B.* ⁶ [þetta heit fyrri gudi fært *B.* ⁷ annarra tilf. *B.* ⁸ [hefi eigi karllmann kennt *B.*

sama mællti fiandinn við guðs son, at hann gerði brauð or grioti ok steinum ok æti ok leti sik eigi hungra. Drottinn svaraði honum: Eigi lifir maðr við brauð eitt, helldr við öll orð guðs. Sa diðfull er ste yfir þann, er at, sa andskoti tyndi sigri sinum fyrir þann, 5 er fastaði ok fyrirleit teygingar hans. Þviat þat var rett, at meyar sonr stigi yfir þann, er fyrr hafði stigit yfir meyar son.“ Þa svaraði Polimius konungr ok mællti: „Hversu sagðir þu moður guðs sonar mey vera, ef annarr var fyrr meyar sonr?“ Postolinn svaraði: „Þakkir geri ek guði því at þu hlyðir mer með athuga.

10 5. Hinn fyrsti maðr var skapaðr or iorðu, ok var af því iorðin moðir hans, en hon var mæ, þa er hon var enn eigi saurguð af syndum manna ok eigi upplokin til graptar dauðra manna. En þat var rett, er ek sagða þer, at meyar sonr stigi yfir þann, er fyrst ste yfir meyar son ok vann hann væltan af sinni slögð, 15 at hann æti af bönnuðu tre ok yrði síðan a braut rekinn or paradisu ok uti byrgðr. En sa meyar sonr let fiandann freista sin. Slögð fiandans var su, at hann villdi fyrirfara þessum meyar syni, en þorði eigi at freista hans, meðan hann sa eigi hungr a honum; þviat hann ætlaði þat vist fyrir ser, at Jesus væri guðs sonr, ef 20 hann hungraði eigi eptir .xl. daga. En sva sem hann er sannr [sonr guðs¹, sva er hann ok² maðr, en þeir einir menn megu kenna hann, er með hreinum hug ok goðum verkum elska hann. En er fiandinn sa, at drottin hungraði eptir .xl. daga, þa þottiz hann vist vita, at hann var eigi guð, ok mællti við hann: „Fyrir hvi 25 lætr þu þik hungra? mældu, at steinar þessir verði at brauði, ok et.“ En drottinn svaraði honum: „Heyr þu, andskoti, ef þu hefir af því velldi yfir mönnum, at faðir allz mannkyns Adam let at teygingum þinum ok hafnaði boðorðum guðs, þa mun ek varðveita log³ guðs ok stiga yfir þik fastandi, ok reka þik fra því velldi, 30 er þu eignaðiz fyrir synd þess er at.“ En er fiandinn fann sik yfirstiginn i þeiri freistni, þa syndi hann honum gull ok silfr ok alla heims dyrð, ok mællti við hann: „Þetta allt mun ek gefa þer, ef þu lytr mer.“ Drottinn svaraði honum: „Flyðu, fiandi, þviat sva er ritið: drottni þinum guði einum skalltu luta ok 35 honum einum þiona.“ Enn var hin þriðia freistni⁴ ofmetnaðar, su er andskotinn hof drottin upp a musteri hatt⁵, ok bað hann ofan stiga, ef hann væri guðs son. En sa er um sinn hafði stigit yfir meyar son, hann varð nu þrifalldliga⁶ yfirstiginn af meyar syni.

1 [gud B. 2 sannr tilf. B. 3 bodord B. 4 fiandans tilf. B. 5

40 mgl. B. 6 saal. B; því fastligar A.

[Ok sva sem þu ser, at konungr¹ stigr yfir ovin sinn² ok sendir riddara sina³ ok liðsmenn i alla staði, þa er ovinr hans⁴ hafði velldi yfir ok leggr sitt⁵ mark ok eigu a allt, sva gerði ok Jesus Kristr, þa er hann ste yfir fiandann, at hann sendi oss i oll lond, at ver rekim a braut alla þiona diöfuls, þa er byggia i hofum ok i 5 skurðgoðum, en ver leysim menn or anauð þeira ok fra velldi þess, er yfir var stiginn. En af því fyrirlitum ver gull ok silfr, sva sem Kristr fyrirleit, at ver vilium þar auðgir vera, er hann hefir velldi eilíft; þar verðr alldri sott ne ogleði, þar er eilífr fagnaðr ok sæla an enda ok eilíft yndi. En er ek gekk inn i hof 10 yðart, þa bundu englar [drottins mins⁶, þess er mik sendi, dioful þann, er yðr svaraði or skurðgoðinu. En ef þu lætr skiraz ok tekr tru, þa mun ek sva gera, at þu munt sia hann, ok muntu þa vita, [hversu mikils goðs þu hefir mist⁷. Ok þeir allir, er siukir liggia i þessu hofi, heyrðu⁸, með hverri slögð diofullinn 15 syniz gröða þa. Síðan er hann ste yfir hinn fyrsta mann, þa tok hann at hafa velldi yfir monnum, ok hefir hann yfir þeim monnum meira velldi, er fleira misgera, [en yfir þeim minna, er minna misgera ok færa⁹. Fiandinn sialfr gefr¹⁰ monnum sottir af velum sinum ok eggjar menn at trua a [sik ok a¹¹ skurðgoð, til 20 þess at hann hafi forrað anda þeira. En þa lætr hann af at meiða þa, er þeir kalla stokk eða stein guð sinn. Af¹² því ma sa diofull eigi svara blotmonnum sinum, er i þessu likneski var¹³, at hann er bundinn ok yfirstiginn af mer. En ef þu villt¹⁴ reyna, at þat er satt, er ek segi þer, þa mun ek biðða, at hann gangi 25 or likneski sinu ok svari yðr.“ Konungr svaraði: „A morgun¹⁵ snemma munu blotbyskupar bunið vera at blota, ok mun ek þar koma at sia undr þau¹⁶, er þu segir.

6. En er annarr morgunn kom ok blotmenn blotuðu, þa kallaði diofullinn ok mællti: „Latið af, vesalir menn, at blota mik, 30 at þer hafit eigi verra; bundinn em ek með eldligum rekendum af englum Jesus Kristz, þess er Gyðingar krossfestu ok hugðu hann [mann vera ok¹⁷ halldaz i dauða; en hann heriaði a Hel drottning vara ok batt sialfan Heliar höfðingia eldligum rekendum, ok reis hann upp a þriðia degi af dauða, ok gaf mark kross sins 35

1 [Enn sva sem konungr sa er B. 2 saal. B.; þinn A. 3 saal. B; þina A. 4 saal. B; þinn A. 5 saal. B; þitt A. 6 [guds B. 7 [hve mikils þu hefir mist adr B. 8 þa muntu heyra B. 9 [tilf. B. 10 gerir B. 11 [mgl. B. 12 Ok B. 13 er B. 14 vill B. 15 morgin B. 16 þetta B. 17 [mundu B.

postolum sinum ok sendi þa i allar ættir¹ heims; ok er her nu einn kominn af þeim², ok hefir sa bundit mik. En ek bið yðr þess, at [hann lati mik fara til annars herads fyrir yðra bøn³. Bartholomeus mælti: „Segðu, ohreinn andi, hverr er sa, er
 5 grandaði þessum monnum ollum, er her liggia siukir?“ Diofull svaraði: „Höfðingi varr sendir oss at granda monnum, fyrst likomum þeira, meðan ver hofum eigi velldi yfir ondunum; en þa er þeir blota oss til heilsu likama sinna, þa latum ver af at meiða þeira likami, þvíat þa hofum⁴ ver velldi yfir ondum þeira;
 10 ok þa synumz ver grøða, er ver latum af at meiða, ok erum gofgaðir sem guð, en ver erum dioflar ok þionar þess, er hinn krossfesti [meyiar sonr⁵ batt. En fra þeim degi er [postoli hans sa kom⁶ hingat, þa kveliumz ek bundinn eldligum rekendum, ok mæli ek nu[af því, at hann bauð⁷ mer at mæla; þvíat eigi mundi
 15 höfðingi varr sialfr [þora at⁸ mæla, þott hann væri her.“ Bartholomeus mælti: „Fyrir hvi grøðir þu eigi þessa menn, er til þin eru komnir?“ Diofullinn svaraði: „Þa er ver meiðum likami þeira, þa latum ver halldaz [mein þeira⁹, meðan ver megum eigi granda ðondunum.“ Postolinn mælti: „Hversu grandi þer ond-
 20 unum?“ Diofullinn svaraði: „Þa er menn trua, at ver sem guð, ok blota oss, þa hverfr guð fra þeim, en ver snum sottom [likamans til andanna¹⁰.“ Þa mælti Bartholomeus við lyðinn: „Nu [megi þer sia¹¹, hvern þer hugðut guð vera ok grøða yðr; heyri þer nu, hverr hinn sanni guð er, skapari yðarr, sa er byggir
 25 a himnum en eigi i steinum [eða stokkum⁵. En ef þer vilit, at ek biðia fyrir yðr, ok¹² þessir allir taki heilsu, er siukir eru, þa leggi þer niðr skurðgoð þetta ok briotið, en ek mun helga hofit i Kristz nafni ok skira yðr Kristz skirn i þessu musteri.“ Þa bar allr lyðr reip ok festar a skurðgoðit at raði konungs, ok
 30 villdu draga þat ut or hofinu, ok mattu þeir hvergi hrøra þat or stað. Þa mælti postolinn við þa: „Leysi þer nu bondin oll af skurðgoðinu.“ En er þeir höfðu [leyst af því bondin oll¹³, þa mælti postolinn við [diofullinn, er i skurðgoðinu var¹⁴: „Ef þu villt eigi, at ek senda þik i undirdiup¹⁵, þa gakk þu brott or
 35 likneski þessu ok briot þat allt¹⁶, ok far síðan i eyðimork, þangat

1 attir B. 2 þessum B. 3 [þer bidit hann, at hann lati mik fara til annars herads B. 4 tokum B. 5 [mgl. B. 6 [þu komt B. 7 [eigi af því, nema at þu bydr B. 8 [tilf. B. 9 [meiding B. 10 [þeira til likamanna ok andarinnar B. 11 [siaid þer B. 12 at B. 13 [sva gert B. 14 [ovininn B. 15 it nedsta tilf. B. 16 sialfr B.

er eigi fliuga¹ fuglar [ok eigi heyriz mal manna¹. Þá gekk Astaroth³ ut ok braut í sundr oll skurðgoð bæði meiri ok minni, er þar voru inni, ok tok hann af hofinu allan villufa⁴, þann er þar var skrifaðr⁵. Þá tok allr lyðr at kalla⁶ einni roddu: „Einn er almattigr guð, sa er Bartholomeus postoli⁷ boðar.“ Þá hellt 5 Bartholomeus postoli höndum til himins ok mællti: „Guð Abraham, guð Ysaac, guð Jacob, þu er sendir til lausnar varrar eingetinn son þinn drottin varn Jesum Krist, at hann leysti oss með sinu blóði, þa er ver vorum⁸ þrælar synda, ok gerði hann oss ser at sonum, þu ert [einn guð sannr⁹, einn faðir ogetinn, 10 [einn sonr eingetinn¹⁰, Jesus Kristr drottinn varr, einn heilagrandi¹¹, lysari ok huggari anda varra, [einn guð oskiptiligr¹⁰. Drottinn varr gaf oss þat vellði í nafni sinu, at ver grøðim siuka ok gefim sion blindum ok rekim¹² diofla fra oðum monnum ok hreinsim¹³ líkþra ok gefim líf dauðum, ok ver getim þat allt af 15 guði, er ver biðium í nafni Jesus Kristz; í hans nafni bið ek, at sia allr fioldi siukra manna verði heill, ok viti þat allir, at þu ert einn guð a himni ok a iørðu ok a sæ, er endrbøttir heilsu allra fyrir sialfan drottin varn Jesum Kristum, fyrir þann [er þer¹⁴ vegr ok dyrð um allar alldir.“ Allr lyðrinn svaraði ok kvað amen. 20

6. En þa vitraðiz engill guðs lioss sem sol, ok flaug hann í fiógur horn hofsins ok reist með fingri sinum krossmark a fiorum hornsteinum ok mællti: „Þetta mællti guð, sa er mik sendi, at sva sem hann hreinsaði yðr af sottum yðrum, sva [hreinsaði hann¹⁵ ok hof þetta af allri saurgan diofla, þviat postoli hans rak a 25 braut fianda þann fra monnum, er her bygði [hof þetta¹⁶; en drottinn bauð mer, at ek synda hann yðr. En eigi skulu þer hræðaz, er þer siait hann, helldr geri þer með fingrun yðrum slikt mark í enni yðr, sem ek gerða a steinunum¹⁷, ok munu flyia fra yðr allir illir lutir.“ Þá syndi hann þeim mikinn skugga hræðiligan 30 hrafni svartara; nef hans var hvast ok skegg hans var sitt, har hans tok allt a fœtr niðr; elldr brann or augum hans, en gneistar flugu or munni hans sem af gloanda iarni, en brennusteins logi rauk or nðsum hans; fiaðrar hans voru sva sem þyrnar¹⁸, en

1 fliugi B. 2 [ne mal manna megi heyra B. 3 fiande B. 4 villufaa 35 B. 5 aa skrifadr B. 6 mæla sem B. 7 gófgar ok tilf. B. 8 [adr tilf. B. 9 [saal. B; faðir ok guð, einn ok hinn sami ok oskilligr A. 10 [tilf. B. 11 lausnari tilf. A. 12 rækim B. 13 hreinsadim B. 14 [sem þer er B. 15 [hreinsi þer B. 16 [adr B. 17 steininum B. 18 þornar B.

hendr hans voru bundnar a bak aptr með elldligum böndum. Siðan mællti engill guðs við hann: „Þvi at þu hlyddir orðum postolans ok eyddir öllum skurðgoðum, þeim er i hofinu voru, þa mun ek leysa þik, sem postolinn het þer. En þu far i eyðimork,
 5 [þar er¹ menn megu eigi vera, ok ver þu þar til domsdags².“ Þa flo hinn svarti andi or hofinu ut ylandi grimmri roddu ok hvarf siðan. En engill guðs flo [upp til himna³, ok sa allir þat. Þa lagði konungr niðr koronu af höfði ser ok purpuraklæði sin ok gerðiz lærisveinn postolans, ok tok hann skirn, ok kona hans ok
 10 synir hans tveir, ok oll hirð hans, ok allir þeir er þar höfðu heilsu tekit, ok allir þeir er i hans velldi voru.

8. Þa söfnuðuz saman blotbyskupar allra hofa ok foru til fundar við broður hans, er reð fyrir halfu Indialandi, en hann het Astriges, ok mælltu þeir við hann: „Broðir þinn geriz lærisveinn
 15 fiolkunnigs mannz, þess er ser eignar hof var ok brytr [oll goð⁴ var.“ En þa er þeir höfðu þetta mællt gratandi, þa komu aðrir blotbyskupar ok sogðu hin somu dæmi með grati. Þa reiddiz Astriges konungr ok sendi siðan þusund⁵ manna með alvæpni með blotbyskupum, at þeir tæki postolann ok leiddi hann þangat bund-
 20 inn, ef þeir mætti [finna hann⁶. En er þeir höfðu þat gort, þa mællti Astriges konungr við hann⁷: „Ertu sa er villtan hefir broður minn?“ Postolinn mællti: „Eigi villta ek hann, helldr leidda ek hann fra villu.“ Konungrinn mællti: „Ertu sa er brytr goð var?“ Postolinn mællti: „Ek gaf velldi dioflum, [þeim er i
 25 skurðgoðunum voru⁸, at þeir bryti sialfir skurðgoð sin⁹, en menninir hyrfi fra villu þeira ok tryði einum¹⁰ guði, þeim er a himnum er.“ Konungr mællti: „Sva sem þu gerðir við broður minn, at hann fyrirleti goð sin ok tryði þinum guði, sva mun ek ok gera, at þu fyrirlatir guð þinn ok blotir þu¹¹ minum guði.“ Postolinn
 30 mællti: „Ek synda guð þann bundinn, er broðir þinn blotaði, ok ek gerða sva, at hann braut sialfr likneski sitt. Ef þu matt gera þat at minum guði, þa mattu gera sva, at ek blota guði þinum. En ef þu matt eigi þetta¹² gera at minum guði, en ek mega¹¹ briota öll goð þin, þa er rett, at þu truir minum guði.“ En er
 35 postolinn hafði þetta mællt, þa komu menn ok sogðu konunginum, at [Balldath guð hans¹³ var ofan fallinn ok brotinn i smatt¹⁴.

¹ [þangat sem B. ² domadags B. ³ [til himins B. ⁴ saal. B; niðr hof A. ⁵ þusundrat B. ⁶ [tilf. B. ⁷ postolann B. ⁸ [mgl. B. ⁹ þeir sem þar bygdu i þeim tilf. B. ¹⁰ sinum B. ¹¹ mgl. B. ¹² tilf. B.

40 ¹³ [Baldaca gud þeira hann B. ¹⁴ sundr B.

Þá reiddiz konungr ok reif klæði af ser, ok let postola guðs beria stongum ok [fla kvikan en¹ hoggva siðan. Þá komu menn or tolf borgum með Polimio konungi, ok toku lik postolans með guðs lofi ok allri dyrð, ok gerðu honum kirkiu mikla ok vegliga, ok grofu þar likam postolans. En er .xxx. daga liðu þaðan, þá varð Astriges konungr gripinn af ohreinum anda, ok kom hann til leiðis postolans, ok allir blotbyskupar urðu oðir af dioflum² ok iattu heilagleik postolans, ok siðan³ fellu þeir dauðir niðr [at leiði hans⁴. Þá varð otti mikill ok hræzla yfir heiðnum monnum, ok toku allir tru ok skirn af prestum þeim, er postolinn hafði vigðað⁵. 10 En at⁶ vitrun guðs ok allra manna raði, lærðra ok olærðra, þá var Polimius tekinn til byskups, ok tok hann siðan at gera margar iartegnir i guðs nafni. Tuttugu vetr var Polimius byskup, ok var hann algorr i [goðum verkum⁷, ok efldi Polimius miok kristinn dom ok alla goða siðu. Siðan for Polimius til guðs [i eilifa 15 dyrð¹, þess er lifir ok rikir um allar alldir allda. Amen.

9. *Bartholomeus kendi kenningar a hinu yzta Indialandi, er liggr viðr heims enda. Hann var, sem fyrr er sagt, fleginn kvikr fyrir guðs nafni ok sva akafliga pindr, en siðan var hófuð af honum hoggvit eptir boðorði konungs þess er Astriges het. 20 En heilagr domr Bartholomei postola er nu i Beniventh, en fyrr var hann i ey þeiri er Liparis heitir. En bratt eptir frafall Polimius byskups, varð þar yfirgangr mikill vandra manna ok otrufullra, ok logðu þeir óþægð a fegiafir ok virðingar, er menn gerðu til hins sæla Bartholomei postola, en virðu enskis þær 25 iartegnir, er hann gerði a siukum monnum. Ok er þeir komu litlu a leið at slæfa hugi manna til astar við postolann, þá toku þeir þá øði ok orað, at þeir gerðu ork af tre ok letu þar i koma helgan dom postolans, ok skutu siðan a sio ut ollu saman, ok oðrum fiorum helgum domum pindra manna. Helga doma þessa 30 rak um haf innan, ok for æ fyrir ork Bartholomei, unz hon kom við ey þá, er skamt er fra Sikiley, er Liparis heitir, ok var þar vitrat byskupi þeim helgum, er þar var ok Agathon het ok þar hafði atsetu. Ok vitiaði hann þessarra stormerkia, ok let hann siðan aðra helga doma, er komnir voru, flytia til annarra hófuðstaða, en let fiolda manna ganga i mot helgum domi postolans með kertum ok reykelssiskerum ok fogrum lofsongum, ok villdu

1 [mgl. B. 2 diofli B. 3 tilf. B. 4 [þar við leiddit B. 5 skirt ok vigt B. 6 af B. 7 [aullum hlutum B. * Dette sidste Capitel findes ikke i B.

flytia til kirkiu, ok mattu hvergi koma, ok sneriz þá fyrst fögnuðr i hryggleik, ok vissu menn þá eigi, hvat til skyldi taka. En guð er nær öllum þeim, er a hann kalla, ok gaf hann til gott rað, sem hann gerir avallt, er til hans er leitað með ast ok goðvilia.

5 Taka þeir þá tvær kvigur ungar, hreinar ok fagrar, ok beittu fyrir orkina, er i var heilagr domr Bartholomei postola, ok rann hon þá eptir laus til kirkiunnar; ok var þá um buit með allri dyrð, ok urðu þar margar storar iartegnir: iarðelldr stoðvaði gang, er menn höfðu aðr mein af, ok toku menn þar heilsu siukir, hvatki er at

10 meini var. Heilagr domr postolans var þar dyrkaðr um langa hrið, unz at því dro, er guð villdi hans helgan dom þangat flytia lata, er enn væri meiri hofuðstaðr, en þar sem aðr var hann. Þá er liðit var fra burð Kristz at aratolu .dccc. ok .viii. vetr hins fiórða tigar, þá komu Serkir ok heriuðu a eyrna Liparis ok

15 ræntu þar hvervetna, ok kóstuðu serhveriu beini postolans. En er þeir voru a braut farnir, þá vitraðiz Bartholomeus postoli munki einum grikskum, er þar var kirkiuvörðr, ok mællti við hann: „Ris upp þu ok safna saman beinum minum, er nu eru dreifð við.“ Munkrinn svaraði: „Hvi mun ek safna saman beinum

20 þinum eða gera þer sœmd, er þu villdir oss ekki fullting veita ne lyðs þins gæta, at eigi væri her hvervetna rænt ok ruplat?“ Postolinn mællti: „Mörg ar hefir þat verit, at guð hefir fyrir minar bønir vægt þessu folki meirr en at verðleik; en nu hefir þann vœxt tekit þeira illzka ok osomi, at nu er eigi fyrir þeim

25 biðlanda, ok vil ek nu segia mer af hendi þenna lyð. En þu ger, sem ek byð; kann vera, at þer viti vegs, ef þu gerir, sem ek mæli.“ Munkrinn svaraði: „Hversu ma ek finna bein þin, er ek veit eigi, hvar eru?“ Postolinn mællti: „Far þu ut i nott, þegar myrkt er, ok tak þu allt, þat er þu ser skina sem elldr;

30 þat eru bein min.“ Munkrinn gerði, sem postolinn bauð, reis upp um nottina ok fann beinin, með þeim hætti sem postolinn hafði fyrir sagt. Varð hann feginn, ok varðveitti síðan i gulligu keru, ok for a braut þaðan með helgum dom postolans, ok nokkurir menn með honum, ok hittu þeir skip, þat er af Lumbardi var, ok reðuz til skips með þeim, ok foru þeir allir saman.

35 En er þeir voru a leið komnir með helgan dom postolans, þá lögðu at þeim vikingar af Serkium, þeim er aðr ræntu i Liparis; su þioð het Saraceni, en ver kollum Serki. Ok er þeir komu sva miok i nand, at þeim þotti ser van engrar undan-

40 komu, er með helgan dominn foru, þá hetu þeir a postolann.

Ok gerði sva mikit myrkr, at vikingarnir sa þa hvergi, ok foru hinir frialsir, hvert sem þeir villdu, fyrir arnaðarorð hins sæla Bartholomei postola. Foru síðan ok urðu vel reiðfara, unz þeir komu i borg þa er Benivent heitir. Ok þegar er borgarmenn urðu varir við, at þar var kominn heilagr domr Bartholomei postola, þa 5 gengu þeir i moti með fagnaði ok lofsongum ok bioggu vandliga um i haalltari hofuðkirkju þeirar, er øzt var i borginni; ok er hann þar nu dyrkaðr, ok verða þar allzkyns iartegnir at hans helgum domi allt til þessa dags.

Fragment.

10

Messodag holldum ver i dag Bartholomeo postola i minning þeirar piningar ok hinnar agæzto sigrfarar, ær hann for af(!) þessom degi til himinrikis dyrðar með sarligum piningum. Eigi hófum ver a bokum seð, hver hans iðn hefir verit, aðr drottinn kallaði hann til sins færonæytis; þat hafa nokkurir vitrir menn 15 sagt, at Bartholomeus postole hafi ættstørstr verit allra postola, hafi hann af því þat nafn haft, at hann hafe konungborinn verit; konungar hæto hverr eptir annan Tholomeus a Egyptalande langa ævi, æn Bartholomeus þyðiz sonr a vara tungu. Þvi kalla sumir menn, at a þessum degi se þat guzspiall lesit i messo, ær post- 20 olar þrættu of þat, hverr þeirra mestr væri; æn drottinn segir sva: hversuge ær hverr þeira var ættaðr, æða hveria iðn sem þeir hófðu haft aðr, at su fylgð ær þeir fylgðu drottne, ok þau boðorð ær hann bauð þeim, ok su virðing ær hann væitte þeim of aðra menn framm, þat gerði þa alla iafna, ok ængi matte 25 þeira virðing önnor slik vera, sem su dyrð ær hann væitte þeim. Margir hlutir þykkia þeir synnz hafa i hans hattom, at hann hafe mikilmenni verit þegar at þessa hæims virðingo, hann var styrkr maðr ok staðramr, fatpruðr ok fyrirlæitinn, þrifsamr ok þrekmaðr mikill.

30

Indialönd æro þriu: æitt ær þat ær liggr hia Blalande, annat liggr hia Serkland, ænn hit þriþia ær við hæims ænda, ok ær þat hit yzta Indialand kallað a bokum. Ok þa ær postolar skiptoz til landa, var a hit yzsta Indialand sendr af guði hæilagr Barthol-

omeus postole. En ær hann kom þangat, þa var þar blotið skurðgoð þat ær het Astaroth. I skurðgoðino var diðfull, sa ær sagðiz grøða siuka menn, enn þa æina grøddi hann, ær hann mæiddi, þviat Indialannz menn kunnu æigi sannan guð ok vurðu
 5 þæir af þvi tölldir af osónum guðum. En hinn lygne guð tælir sva þa, ær æigi truðu æða kunnu sannan guð, at hann kastar a þa sottom ok mæinum ok skóðum, ok gefr svör or skurðgoðum, at þæir blote honum. En þa syniz hæimskum maunnum, sem hann grøðe þa, ær hann lætr af at mæiða. Æn hann bergr
 10 ængum, helldr grandar hann, ok syniz þa biarga, ær hann lætr af at granda. En ær Bartholomeus postole var þangat kominn, þa matte Astaroth ængi svör væita sinum maunnum ok ængum biarga, þæim er hann mæiddi. En hofit var fullt siukra manna, þæira ær of langan veg voru þangat komnir. Æn Astaroth matte
 15 ængi svör væita sinum maunnum

 *bæði mæiri ok minni, þau er þar voro inne, ok tok hann af hofino allan villofa, þann ær þar var skrifaðr. Þa toko aller lyðir at kalla æinne roddo: „Æinn er almattigr guð, sa ær Bartholomeus
 20 postole boðar.“ Þa hellt Bartholomeus höndum til himins ok mællte: „Guð Abraham, guð Ysaac, guð Jacob, þu er sendir til lausnar varrar æingetinn son þinn drottinn varn Jesum Krist, at hann læyste oss með sino bloði, þa ær ver vorum þrælar synða, ok gerði hann oss ser at sonum, þu ær ært faðir guð æ hinn
 25 same ok øskiligr(!), æinn faðir ogetinn, Jesus Kristus drottinn varr, æinn hæilagr ande, lausnare, lysari ok huggare anda varra. Drottinn varr gaf oss þat vælði i nafni sino, at ver grøðim ok gefvin(!) sion blindum ok rekim diðfla fra oðum maunnum, ok hræinsim likðra, gefim lif dauðum, ok ver getim þat allt af guði,
 30 ær ver biðium i nafne Jesus Kristz. I hans nafne bið ek, at sia allr fiðlði siukra manna verði hæill, ok vite þat allir, at þu ært æinn guð a himne ok a iørðu ok a sæ, ær endr bötter hæliso allra fyr sialfann drottinn varn Jesum Kristum, fyr þann ær þer vegr ok dyrð of allar alldir.“ Allr lyðrinn svaraðe ok kvað amen.
 35 En þa vitraðiz engill guðs lioss sem sol, ok flaug hann i fiðgur horn¹ ræist með fingre sinom krossmark a forum hornstæinum ok ær mik sendi, at sva sem hann hræinsaði yðr af sottom hræinsaði hann

* *Jof. ovenfor S. 750²—751³⁰.* 1 Dette og de følgende Huller er bevirket ved en Flenge i Pergamentet.

ok hof þetta af allri saurgan diöfla, þviat postole a
bröt fianda þann fra maunnum, ær her byggðe hof þetta. En drott-
inn bauð mer, at æk synda hann yðr. Enn æigi skoluð ær hræðaz,
er ær seð hann, helldr geri þær með fingrum yðrum slikt mark i enni
yðr, sem ek gerða a stæinunum, ok muno flögia¹ fra yðr allir 5
illir lutir.“ Þa syndi hann þæim mikinn skugga hræðiligan hrafni
svartara, næf hans var hvast ok skegg hans var sitt, har hans
tok allt a fœtr niðr; elldr brann or augum hans, en gnæistar flugo
or munni hans sem af gloanda iarne, en brænnostæins loge rauk
or nösnum hans; fiadrar hans voro sva sem þyrnar, en hendr hans 10
voro bundnar a bak aptr með elligum böndum. Siðan mælte
engill guðs við hann: „Þvi at þu hlyddir orðum postolans ok
eyddir öllum skurðgoðum, þæim er i hofino voro, þa mun ek
læysa þik, sem postolenn het þer, en þu far i æyðimork, þar ær
menn mega æigi vera, ok ver þu þar til domsdags.“ Þa flo hinn 15
svarte ande or hofino ut ylandi grimmri roddo ok hvarf siðan.
En engill guðs flo upp til himna, ok sa aller þat. Þa lagði
konungr niðr corono af höfði ser ok purpurakleði sin ok gerðizt
lærisvæinn postolans, ok tok hann skirnn, ok kona hans ok synir
hans tvæir, ok öll hirð hans, ok aller þæir ær þar höfðu hælso 20
tekit, ok aller þæir ær i hans velldi voro. Þa sòmnoðuz² blot-
byskupar saman allra hofa ok foro til fundar við brøður hans,
ær reð fyrir halfu Indialande, en hann het Astriges, ok mæltu
þeir við hann: „Brøðir þinn gøriz lærisvæinn fiðlkunniss(!) manz,
þess ær ser æignar hof var, ok brytr niðr öll hof var.“ En þa ær 25
þæir höfðu þetta mællt gratandi, þa komu aðrir blotbyskupar³ ok
sö . . o hin sömo dæme með grate. Þa ræiddiz Astriges
. ðan þusund manna með alvæpni nn
ok læiddi hann þangat bundinn ef En er þæir
höfðu þat gørt, þa mællte Astriges konungr við hann ær 30
villtan hefir brøður(!) minn?“ Postolinn mællte: „Eigi villta ek
hann, helldr læidda ek hann fra villo.“ Konungrinn mællte: „Ertu
sa ær brytr goð var?“ Postolinn mælte: „Ek gaf velldi diöflum,
þæim ær i skurðgoðunum voro, at þæir bryte sialfir skurðgoð sin,
en menniner hyrfe fra villo þæira ok tryðe æinum guði, þæim ær 35
a himnum ær.“ Konungr mællte: „Sva sem þu gerðir við brøður
minn, at hann fyrirlæti goð sin ok tryði þinum guði, sva man

¹ *Senere rettet til flygia.*² *Senere forandret til söfnnoðuz.*³ blot-

b'apar C'd.

æk ok göra, at þu fyrirlater guð þinn ok bloter þu minum guði.“
Postolinn mællte: „Ek synda guð þann bundinn, er broðer

Tillæg.

Passio Bartholomei apostoli.

5 Indialaund ero .iii. eitt þat er liggr hia Blalande, en annat liggr hia Serclande, en it þripia er víþ heims enda. En a þetta India-land var sendr af goþe sanctus Bartholomeus postole. En er hann com þangat, þa var hann þar øllom okuþr oc utlendr. A því lande var blotað scurþgoþ þat er hét Astaroþ. I því scurþgoþi
10 var diofull sá es sagþesc græþa siuca menn, en þa eina græde hann, er hann meide ipse, þvíat landzmenner cunno eigi sannan goþ, oc urþo þeir af því teldr af osønnom goþe. En inn lygne goþ teler sva þa, er eigi cunno enn sanna goþ, at hann castar a þá sóttom oc meinom oc scøþom, oc gefr svor ur scurþgoþom, at
15 þeir blote honom. En þa synesc heimscom monnom sem hann græþe þa, er hann letr af at meþa þa. En hann bergr øngom heldr grandar hann, oc synesc þa biarga, er hann letr af at meþa. En er Bartholomeus var þangat comenn, þa matte Astaroþ engi svor veita, oc engom biarga þeim es hann meide. En hofit
20 var fult siucra manna, þeira es of langan veg voro þangat leider. En Astaroþ matte eigi svara monnom sinom, þót þeir blotape oc holti út bloþe sino, sem þeir voro vaner. Þa foro þeir til annarrar borgar, þar er var annarr diofull blotenn, en sa het Beriþ, oc blotao þeir þar, oc spurþo firir hvi Astaroþ goþ þeira svarape
25 þeim eigi. En Beriþ svarape oc melte: „Goþ ypvarr er sva herfengenn oc bundenn eligom(!) rekendom, at hann þorer eigi at mela ne at blasa, siþan es Bartholomeus postole com hingat.“ Blotmenn melto: „Hverr er sa Bartholomeus?“ Beriþ svarapi: „Vinr es hann almatex goþs, oc com til þess þangat¹ at eyþa øll
30 blót, þau er a Indialande ero.“ Blotmenn melto: „Segþu oss marc hans, at ver megem kenna hann, þvíat ver megom eigi kenna hann með morgom þusundum manna.“ Beriþ svarapi: „Svartr er hann a hars lit, oc car i háre hans mikell, retnefiapr es hann,

¹ Først skrevet þingat, men Afskriveren har selv rettet dette til þangat ved
35 at sætte a over i.

oc eyro hans hulþ háre hofut(!) hans. Sipsceggiapr es hann, oc
 herra necqer i hare hans, meþalmaþr at véxti, svát hann má
 hvartki þykja hór ne lagr, hvítan cleþnot(!) hefir hann buinn
 purpura oc gimsteinom. Sex vetr oc .xx. hevir þat verit, er eigi
 saurgofosc cleþi hans ne fyrndosc, oc slitna eigi cleþi hans ne 5
 scquar hans. Hundrat sinnom a degi oc .c. sinnom a nótt fellr
 hann a knebet oc gøfgar goþ sinn. Røð hans er sem ogorlegt
 mothorn. Englar goþs fara meþ honom oc lata hann eigi møþasc
 ne hungra. Avalt er hann meþ enom sama hug, slict oc it sama
 hugbliþr avalt oc aldregi oglapr. Alt sér hann oc alt veit hann 10
 fyrer, oc kann allra tungor mela oc scilia. Oc þat sialft veit
 hann, er ér spyriþ mic nú en ec segi yðr fra honom, þviat englar
 goþs þiona honom oc segia honom alla hluti. En ef ér leitip
 hans, þa muno þér þviat eins finna hann, ef hann vill þat, en ella
 eigi. En ef ér finnit hann, þa biþit ér, at hann come eigi hingat, 15
 at eigi gere englar goþs slict at mér, sem þeir gerþo ad Astaroþ
 vin minom.“ Þa þagnaþe diofullenn, er hann hafþi þetta melt.
 En blótmenn hurvo aftr oc hugþo at alite oc buningi hvers manz
 utlendz, oc leitþo postolans .ii. daga oc fundo eigi. Sipan gerþesc
 þat, at .i. diofuloþr maþr callaþe oc melte: „Goþs postole, qvaþ 20
 hann, Bartholomeus, brenna mic þoner þinar.“ Postolenn svaraþe:
 „Þegi þu, ohreinn ande, oc far fra honom,“ melte postolenn. Þa
 varþ sa heill, er marga vetr hafþi oþr veret. Þa var konong(en)om
 søgþ heilsa ens oþa manz. En hann hét Polimius, en hann átte
 dottor þa er oþ var. Þa sende hann menn efter postolanom oc 25
 melte við hann: „Dotter min er illa halden, en ec biþ þic, at
 sva sem þu græder Seustium, er marga vetr hafþi oþr verit,
 græþu sva oc dotor mina.“ Postolenn reis up oc for meþ honom.
 En er postolenn sa hana bundna rekondom(!), þa baþ hann hana
 leysa. En þrelarnir svoroþo: „Hverr mon þora at leysa hana, 30
 es hon bitr eþa slitr alt þat er hon ma taca.“ Postolenn melte
 við þa: „Bundenn hefi ec nú ovin þann, er meþ henne var oc
 hana qvalþe, en ér hræþezc enn hana. Fariþ ér oc leysit hana oc
 gefit henne mat, oc leiþit hana til mín snema a morgon.“ En
 þeir gerþo sem postolenn bauþ, oc mate diovoll aldregi qvelia hana 35
 sipan. Þa lét Polimius konongr clyfia hesta oc ulvalda golle oc
 silfre oc gimsteinom oc dyrligom cleþom, oc leitaþe postolans oc
 matte eigi finna hann, oc var þa aftr borip heim til hallar féet.
 En er nótt þa lidde oc lyste firer degi, þa syndesc postolenn
 konongenom, er hann hvilde i clefa sinom at locnom durom, oc 40

melte við hann: „Til hvers leitaþer þu mín of allan dag með
 gulle oc með silfre oc gimsteinom, oc með dyrligom cleþom?
 Þeirra gíafa þykjasc þeir þurva, er iarlíga hluti elsca. En ec
 gírnoms sc enskis licamlex ne iarlplex.“ Þá hóf postolenn up tælo:
 5 „En þat vil ec, at þu viter, at sonr goþs lét berasc fra meýio oc
 gerþesc maþr i meýiar qvíþe. En er sú en helga mér hafþe með
 ser þann, er scop himen oc iorþ oc sé, oc alt þat er þar er a
 miþli, þa tócc hann manndom a godom sinn, oc hafþi uphaf burþar
 með monnom sa, er aldregi hefir uphaf at godome, heldr er hann
 10 ipse alt uphaf, oc gefr uphaf allre sceþno syniligre oc osyniligre. En
 sia mér hét goþe fyrst þvi heite at varþveita meýdom sinn ospiltan
 oc gíftasc eigi manne, en engi hafþe þetta heit goþe fót, en sia mér
 er fyrst qvænna het þvi goþe at halda meýdome sinom. Þetta
 nam hon eigi af dómom manna ne orþom, heldr gerþi þat i
 15 efterglíking engla lífs firer óst goþs. Af þvi vitraþesc henne at
 locnom durom Gabriel engell scinande sem sol. En er hon
 hrædesc, þa melte engill við hana: „Eige scaltu hræþasc, Maria,
 þviat þu munn(!) sun geta.“ Þá lagþe hon niþr hræzlo oc melte
 staþfastliga: „Hverso ma þat vera, þviat ec etlag eige manne at
 20 gíftasc.“ Engillenn svaraþe: „Fyr þvi mon coma ande heilagr
 ifer þic, oc sa heilagr ande(!) er þu berr mon callasc sonr goþs.
 En síá sonr goþs, þa er hann var her með monnom, þa leit(!) hann
 þann dioful freista sin, er ifer ste of enn fyrsta mann oc vann
 tøgþan til þess at eta af tre þvi, es goþ bannaþi honom. En sva
 25 sem fiandenn melte við enn fyrsta mann, at hann ete, oc át hann,
 oc var af þvi a braut rekinn yr paradiso oc ger utlagþr i heim
 þenna, oc com alt manncyn fra honom, sva it sama melte fiandenn
 við goþ(s) son, at hann gerþe brauþ or griote oc ete, oc léti sic
 eigi hungra. Dominus svaraþe honom: „Eige liver maþr við
 30 brauþ .i. heldr við æll orþ goþs. Sa diofull er ste iver þann er
 át, hann tynde sigri sinom firer þann er fastaþe oc firerleit téyg-
 ingar hans; þviat þat var rét, at meýiar sonr stigi iver þann,
 er fyrr hafþi stigit iver meýiar sonr(!).“ Þá svaraþe Polimius
 konongr: „Hverso sagþer þu moþor goþs sonar fyrsta meý
 35 vera, ef annarr var fyrr meýiar sonr?“ Postolenn svaraþe:
 „Þaker geri ec goþe, þviat þu hlyþer með athuga. En fyrsti
 maþr var scapaþr or iorþo, oc var af þvi iorþen meóþer(!)
 hans. En hon var mér, þa er hon var eige saurgot af synþom
 manna, oc eigi uploken til graftar dauþra manna. En þat var
 40 rét er ec sagþa, at meýiar sonr stigi ifer þann, es fyrr ste ifer

meyiar son oc vann veltan hann af slögþ sinni, at hann eti af
 þonnopu tre, oc urðu braut rekin or paradiso oc úte byrgþ.
 En sá meyiar sonr let fiandann freista sín. Slögþ fiandans var
 su, at hann vilde firerfara þessom meyiar syne, en hann þorði
 eigi at freista hans, meðan hann sá eigi hungur á honum, þvíat 5
 hann etlaði þat vist firer sér, at Jesus vere goðs sonr, es hann
 hungraði eigi efter .xl. daga. En sva sem hann es saðr sonr
 goðs, sva er(!) oc saðr maðr. En þeir einer mego kenna hann,
 es með breinom hug oc goðom vercom elsca hann. En er fiandenn
 sa hann hungra efter .xl. daga, þa þottesc hann vist vita, at hann 10
 var eige goð, oc melte við hann: „Firir hvi lettr þu þic hungra?
 Melðu at steinar þesser verði at brauði oc et.“ En dominus
 svaraði honum: „Heyrðu andscote! Ef þu hefir af því velde ifer
 monnom, at faðer allz manncyns Adamr lét at tægingom þinom
 oc hafnaðe boðorðom goðs, þa mon ec varðveita lög goðs oc stíga 15
 ifer þic fastande, oc reka þic fra því velde, es þu eignastisc firir
 synþ þess er át.“ En er fiandenn fann sic iferstiginn i þessi
 freistne, þa syndi hann honum goll oc silfr oc alla heims bygð,
 oc melte við hann: „Þetta alt mun ec gefa þér, ef þu lytr mér.“
 Dominus svaraði: „Fløðu, fiandi, þvíat sva er ritið, drótni goðe 20
 þinom einom scaltu luta oc honum einom þiona.“ Enn var in
 þriðja freistni ofmetnaðar, su er andscotenn hóf hann upp a
 mustere oc bað hann ofan stiga, ef hann väre goðs sonr. En sá
 er of sinn hafði stigit ifer meyiar son, hann varð nu þrefaldliga
 iferstiginn af meyiar soni. Oc sva sem konongr sá es stigr ifer ovin 25
 sinn oc sender rípera sina oc lípsmenn i alla staðe, þa er ovinr
 hans hafði veldi ifer, oc leggr sítt sigmarc oc sina eigo a alt,
 sva gerði oc Jesus Cristus, þa er hann ste ifer fiandann, at hann
 sende oss i øll herof, at ver rekem a braut alla þiona diofuls,
 þa er byggva i hofom oc i scurþgoðom, at ver leysem menn* 30

at þu .i. ert goð a himne oc a iorðu oc a sæ oc endr bœter heilso allra
 firer sialvan dominum nostrum Jesum Cristum, þann er þer er vegr oc
 dyrð of allar alder.“ Lyprenn alr svaraði oc qvað amen. Þa
 risu þeir up heiler, es siuker hófðu verit. En þa vitraðesc engill 35
 goðs lioss sem sol, oc fló hann i flogor horn hofsins oc reist
 með fingri sinom crossmarc a fíorom hornsteinom, oc melte:
 „Þetta melte goð, sa er mic sende, at sva sem hann hreinsaði yðr
 af sottom yðrom, sva hreinsaði hann oc hof þetta af allre saurgon

* Her mangler et Blad.

diofla, þviat postole hans rac a braut fianda þann fra monnom, er her bygði. En hann bauð mer, at ec synda hann yðr fyrr. En ér scolot eigi hrøþasc, es ér sét hann, heldr gerið ér crossmarc með fingre yðrom slict i enni yðr, sem ec gerða a steinom, oc muno
 5 fløia fra yðr aller iller hluter.“ Þa synde hann þeim mikinn sugga(!) oc hræpilegan hrafni¹ svartara; nef hans var hvast oc scegg hans sitt, hár hans tóc a fōtr niðr alt, eldr brann or aúgom hans en gneistar flugo ór munni honom sva sem af gloanda iarne, oc brennosteins loge rōc ór nōsom hans, fiaprar hans voro
 10 sva sem þornar, en hendr bunnar a bac aftr elligom rekendom. Oc melte engill goðs við hann: „Þvi at þu hlyder orðom postolans oc eyder øllom scurþgoðom þeim er i hofeno voro, þa mun ec leysa þic sem postolenn hét þer. En þu far i eyðimorc, þar er eigi mege menn vera, oc vestu þar til domsdags.“ Þa fló inn
 15 svartí ande or hofeno ut ylande oc øpande grimligri rōdo oc hvarf allr. En engill goðs flo til himens, oc so þat aller. Þa lagði konongr niðr corono af höfði ser oc purpuracleði sin oc gerðesc lerisveinn postolans, oc toc hann scirn oc kona hans, oc syner hans .ii., oc hirð hans øll, oc aller þeir es þar höfðo
 20 heilso tekit, oc þeir aller er i hans veldi voro. Þa sōmnoðosc saman blotbyscopar alra hofa oc foro til fundar við bróðor konongs, þann er réþ firer holfo Indialandi. En hann het Astriges, oc mēto þeir við hann: „Frater tuus geresc discipulus fiolcunnigs manz þess er sér eignar hof ór oc brytr goð ór.“ En þa es
 25 þeir höfðo þetta melt gratande, þa reidesc Astriges oc sende þusund manna með alvępne með blótbyscopom, at þeir tōki postolann oc leide þangat bundenn, ef þeir mętti finna hann. En þa er þeir höfðo þat gert, þa melte Astriges konongr: „Ertu sá er viltan hefir fratrem meum.“ Postolenn svaraþe: „Eigi viltu ec
 30 hann, heldr leida ec hann fra villo.“ Konongrenn melte: „Ertu sá er brytr goð ór?“ Postolenn svaraði: „Ec gaf velde diøflom þeim er i scurþgoðom voro, at þeir bryti sialver scurþgoð sin, oc mennener hyrfi fra villo þeira oc tryþe goþe þeim es a himnom er.“ Konongrenn svaraþe: „Sva sem þu gerðer við fratrem
 35 meum, at hann firerlęit scurþgoð sin oc truþe þinom goþe, sva mon ec oc gera, at þu firerlater goð þinn oc bloter minn goð.“

¹ Først skrevet hvarni; Skriveren har derpaa rettet det i eennFigur sammenslyngede rn til f, siden skrevet Forkortningstegnet for ra over v (dog uden at udslette denne Bogstav); det er tydeligt, at han har villet skrive hrafni.

Postolenn svarði: „Ec synda goð þann bundenn, es frater tuus blotaðe, oc gerða ec sva, at hann braut ipse licnesci sitt. En ef þu mátt þat gera at minom goðe, þa mun ec luta þinom goðe. En ef þu mátt eki gera at minom goðe, en ec mega briota öll goð þín, þa er oc rét at þu truer minom goðe.“ En er postolenn 5 hafði þetta melt, þa como menn oc sögðu, at Baldáþ var fallenn ofan, goð sa es Astriges trúði á, oc brotenn i smat. Þa reidesc konongrenn oc reif af sér cleði oc lét postolann beria, oc síðan flogo þeir scinn af honom kycom oc hioggio(!) hann síðan. Þa como menn ór .xii. borgom með Polimio kononge oc toco líc 10 postolans með goðs lofe oc allre dyrð oc grofo þar licam hans. En er .xxx. daga liðu þápan, þa varð Astriges konongr gripen af diofle, þa er hann com til leiðes postolans, oc aller blotbyseopar urðu öfer af dioflom oc ióttu heilagleic postolans oc fello niðr dauðer at leiðe hans. Þa var otte micill oc hræzla ifer öllum 15 monnom, oc toco aller tru oc scirn af prestom þeim es Bartholomeus postole hafði vigða. En at vitron goðs oc at allra manna ráðe lærðra oc olerðra var Polimius tekenn til byscops, oc tócc hann at gera iarteiner i goðs nafni. .xx. vetr var hann byscop oc var algerr i öllum goðom hlutom oc efde cristendom oc alla goða 20 síðu. En síðan fór hann til goðs þess er liver oc ríker of allar allder allda. Amen.

II.

*allir scylldu bera reip oc festar a scurðgoðit, oc mattu þeir hvergi 25 røera. Þa mællti postolinn, at þeir scylldu leysa bond af scurðgoðino, oc þeir gerðu sva. Hann mællti við dioful þann, er byggði i scurðguðino: „Ef þu vill eigi, at ec senda þie i hit næsta helvitis diup, þa gæck þu ut ór þessu licneski oc briot þat allt i sundr oc far síðan i þa eyðistaði, er eigi se manna vistir ne fugla flaug oc 30 eigi megi manz rodd heyra. Eptir þat gæck hann ut, sem postolinn bauð, oc braut niðr oll scurðguð, þau er i hovino varo, oc allt þat scraut oc scrivan, er firir þeirra sakir var gert. Þa colluðu allir einni roddu: „Einn er almattigr guð, sa er Bartholomeus

* Jvfr. ovenfor S. 749^o.

boðar.“ Bartholomeus hof þá up hendr sínar til guðs oc mællti: „Guð
 Abrahams, guð Ysaacs, guð Jacobs, er sendir til varrar lausnar einget-
 inn son þinn drottin varn Jesum Crist, at hann leysti oss alla sinu
 banabloði, er aðr varom þrelar synþarennar, oc gerþir oss þer
 5 at sonum, þu ert sannr guð oc avallt enn sami, staðfastr oc
 uskiptiligr, einn guð ugetinn, einn sonr eingetinn drottinn Jesus
 Cristr, einn andi heilagr, lysari oc leittugi(!) anda varra, sa enn
 sami drottinn varr, er i sinu nafni gaf oss velldi til þess at geva
 siukum monnum heilsu oc sion blindum, hreinsa licþra, hressa
 10 kararmenn, reca diofla fra ofum monnum, en reisa dauða menn
 til lifs, oc mællti við oss, at ver myndim allt þiggia, þat er ver
 bæþim i hans nafni. I hans nafni bið ec nu, at allr fiolþi þeirra
 manna, er her ero siukir, taki heilsu sinna sotta, at allir megi
 þat vita, at þu ert einn guð a himni oc a iorþu oc a sio, oc endr-
 15 byr alla heilsu firir sialvan drottin varn Jesum Crist, firir þann
 er þer vegr oc dyrþ meþ helgum anda um udaoðlegar veralldir.“
 Þeir sogþu amen, er við varo. Þa vitraþisc engill guðs biartr sem
 sol meþ vengiom oc flaug i flogur horn hofsins oc gerþi crossmarc
 meþ fingri sinum a ollum hornsteinum oc mællti: „Þetta mællti
 20 drottinn guð, er mic sendi, at sva sem drottinn hefir grædda yþr
 af allum siucleicum, sva man hann reinsa hof þetta af allum
 sauri. Oc þann enn sama, er i þessu scurðgoþi hevir bygt oc
 postolinn bauð i eyðistaþi at flyia fra manna vistum, scal ec nu
 yðr syna at boði drottins, at þer megit þa vita, hvern þer havið
 25 dyrcat. En eigi er vist, at þer megit standasc, nema þer gerit
 slict marc hverr i enni ser, sem ec gerþa a hornsteinum hofsins,
 oc munu allir illir lutir fra þeim hverva, er þat gera.“ Eptir þat
 geck ut or scurþgoþinu ogorlegr blamaþr biki svartari, harðlundlegr
 oc hvassnefiaðr, siðskeggiaðr oc svart skeggit oc illilict, harit svart
 30 oc sitt, sva at toc a tær honum, augun sem elldr væri i at sia, oc
 flugu gneistar or sem af vellanda iarni. Or munninum oc nausunum
 for ut sva sem brennusteins logi, oc honum varo vengir oc fíaðrar
 sva sem clungr oc þyrnar, hendr hans varo bundnar a bak aptr
 meþ iarnlegum bondum. Engillinn mællti þa: „Þvi at þu lyddir
 35 boðum postolans oc eyddir scurþgoðum i þessu husi, þa mun ec
 þic leysa, oc far þu þangat, er engar se manna vistir, oc verþu
 þar allt til domadags.“ Eptir þat leysti engillinn hann, oc flaug
 hann ut ylandi oc varþ alldrigi senn síþan. En engillinn flaug up
 til himins, sva at allir sa, þeir er við varo staddir. Conungrinn
 40 toc skirn, oc cona hans oc synir þeirra oc oll hirþ þeirra oc allir

þeir menn, er i hans ríki varo. Eptir þat lagði konunginn níðr
 coronu sína oc purpuraclæði oc fylgði postolanum. Blotbiscupar
 sofnuðusc saman oc foru a fund broður konungsins, er Astriges
 het, oc mællto við hann: „Broðir þinn gerðisc lærisveinn fiol-
 kunnigs manz, þess er ser eignar hof var, en brytr níðr guð var.“ 5
 Oc er þeir baro fram sín ærendi gratandi, þa como aðrir af aðr-
 um borgum oc sogðu slíca sögu gratandi. Astriges varð þa reiðr
 mioc oc sendi þusund riddara með vapnum, at þeir scylldu leiða
 þangat postolann bundinn. Oc þeir gerðu sva. Konungr mællti
 við hann: „Ert þu sa maðr, er snerir afleiðis broður minn?“ 10
 Postolinn mællti: „Eigi afleiðis, helldr aleiðis.“ Konungrinn
 mællti: „Ertu sa er briota lezt guð var?“ Guðs postoli svaraði:
 „Ec gaf velldi dioflum þeim er i scurðguðum bygðu, at þeir
 scylldu þau meifa oc briota, at þeir, er áfr truðu a þau, firirleti
 sína villu oc tryði a sanuan guð almatkan, þann er a himnum er.“ 15
 Konungrinn mællti: „Sva sem þu lezt broður minn firirlata guð
 sinn oc trua þinum guði, sva scal ec oc gera, at þu scallt lata
 guð þinn oc trua minum guði oc honum fornir fœra.“ Postolinn
 mællti: „Ec synda broður þinum guð sinn bundinn oc fiotraþan,
 er diofull var reyndar, oc bauð ec, at hann scyllði sialfr briota 20
 scurðguð þat er hann hafði i bygt. Nu ef þu matt gera slíct við
 guð minn, þa mon ec blota þinn guð. En ef þu matt ecki gera
 at guði minum, en ec matta læmia þinn guð, þa er þat maclíct,
 at þu truir minum guði.“ Oc er þeir attu slíct at rœða, þa var
 honum sagt, at Baldað guð hans var fallit af stalli sínum oc 25
 brotit allt i sundr. Konungrinn varð þa sva reiðr við þessa frett,
 at hann reif af ser purpuraclæðin, oc bauð hann at postolann
 scyllði beria stongum. Oc er sva var gert, þa villdi hann lata
 fla hann kvíckan. Oc er þat var gert, þa matti þat uðœmaverc
 eigi til lycta fœra firir sakir bloþrasar, þa var hann þar hoggvinn 30
 síþan. Eptir þat com Polimius konungr þar, oc með honum utal
 manna af þeim .xii. borgum, er undir honum höfðu verit, oc baro
 i brot helgan licam postolans. En a hinum þrettuganda degi eptir
 andlat Bartholomeus postola varð Astriges konungr diofuloðr, oc
 allir urðu ofir blotbiscuparnir, oc comu þeir allir saman til leiðis 35
 postolans oc fellu þar níðr dauðir allir. Eptir þat varð sva mikill
 otti yfir allum [utru]monnum, at allir toco tru oc skirn heiðnir
 menn af prestum þeim, er Bartholomeus postoli hafði vigða. En
 af guðs tilskipan oc allra manna villd varð Polimius konungr til
 biscups tekinn, oc at osem manna geck hann undir þenna vanda, 40

oc var hann biscop fíora vetr oc .xx. oc sneri morgum monnum til retrrar truar oc var enn mesti mætismaðr i sinum biscopdomi oc atti þa unaðsvíst at sökia, er hann var kallaðr af þessa heims lífi. Hann var biscop yfir þeim luta Indíalandz ens yzta er Attrabana
 5 heitir, oc varðveitti hann helgan dom Bartholomeus postola vel oc vírþiliga, meðan hann lífdi.

En bratt eptir fráfall Polímij konungs oc bísups, var þar yvirgangr mikill vandra manna oc utrúfullra, logðu þeir a uþecþ mícla a fegíavar oc vírþing, þa er menn gerðu til ens sæla
 10 Bartholomeus postola, en vírðo enskís íartegnir þær, er hann gerði i sífello i heilsugíofum víð síuka menn. Oc er þeir comu lítlu a leið at slæva hugi manna til atrunaðar oc astar víþ postolann, þa tocu þeir þa æði oc urað fírir síc at leggja, at þeir gerðu aurk af tre oc letu þar coma i helgan dom postolans oc scutu síþan a
 15 sæ ut allu saman oc aðrum fíorum helgum domum píndra manna. Helga doma þessa rac um haf innan, oc fór íafnan fírir aurk Bartholomeus, þar til er hon com víþ utey þa er Líparís heitir scamt frá Síkiley; þar var vítrat bísupi helgum er Agathon het, er þar hafði atsetu, com hann þa síþan at vítia þessa stormerkia. Let
 20 hann þa aðra helga doma, þa er comnir varo, fíytia til annarra hafuðstaða, en hann let fíolþa manna ganga i moti helgum domi postolans með kertum oc reykelší oc fogrum lofsongum, oc vílldu fíytia helgan dom postolans til kirkíu oc mattu hvergí coma, oc sneríz þa fagnaðr þeíra fírst i rygþ, oc víssu menn þa eígí, hvat
 25 til raþs scýlldi taca. En guþ er nær allum þeim, er a hann calla, oc gaf hann gott rað til, sem hann gerír avallt, ef til hans er leítat með ast oc goþvília. Tocu þeir tvær ungar kvígur, reínar oc fagarar, oc beittu fírir aurkína, er i var heilagr domr Bartholomeus postola, oc rann hon þa laus eptir þeim til kirkíu, oc var
 30 þa umbúit með allrí dýrþ oc scémð, sem menn háfðu framarst fong a. Oc urðu þa margar oc storar íartegnir: íarþelldr stopvaði gang sinn, er menn hófðu aðr meín af, oc tocu menn þar heílo, þeir er síukír varo, hvat sem þeim var at meíní. Heilagr domr Bartholomeus var þar dýrcaðr langa ríþ, til þess er guþ vílldi hans
 35 helgan dom þangat fíytia lata, er enn er meírí hafuðburþr at, en þar er aðr var hann. Þa er líþít var frá burþ Crístz at aratolu .viii. hundroþ vętra oc atta vetr ens fíorþa tígár, þa comu þar Sérkír oc heríofu i eyna Líparís oc ræntu þar hvívetna oc costuðo sérhveríu beíní postolans. En er þeir varo a brot farnír, þa
 40 vítraþísc Bartholomeus postolí munkí gírzkum, er þar var kirkíu-

vorþr, oc mællti við hann: „Ris up þu oc safna saman beinum minum, er nu ero vípa dreifþ.“ Munkrinn svaraði: „Hvi muna ec saman safna beinum þinum eða gera þer sœmð, er þu villdir oss ecki fulting veita oc eigi lýps þessa geta, at eigi væri her hvivetna rænt oc ruplat.“ Postolinn svaraði: „Morg ar hevir þat 5 verit, er guþ hefir firir minar bœnir vægt þessu folki framarr en at verþleic, en nu hevir þann voxþ tekít þeirra illzka oc uðaþir, at nu er eigi firir þeim biðanda, oc vil ec nu segia mer afhendan þenna lýð. En þu ger sem ec býþ, oc kann vera, at þer víti vel.“ Muncrinn mællti: „Hversu ma ec finna bein þin, er ec veit eigi, 10 hvar von er.“ Postolinn mællti: „Far þu i nott, þa er myret er, oc tac þat allt, er þu ser skina sva biart sem elld, þat ero bein min.“ Muncrinn gerþi sem postolinn bauð, reis up um nottina, oc fann beinin sva meþ hætti, sem hann hafþi fyrir sagt, oc varþ hann feginn oc varþveitti vandliga i einu dýrligu kerí. Oc síþan 15 for hann a brot meþ helgan dom postolans, oc einn maðr meþ honum, oc hittu þeir a skip þat, er Langbarþar varo a, oc reþusc þeir til foruneytis meþ þeim. Oc er þeir varo a leið comnir meþ helgan dom postolans, þa logþu at þeim vikingar af hinni somu þioð, sem aþr hóþu rænt i Lipari. Su þioð heitir Sarraceni, en 20 ver kollum Serki. Oc er þeir komu sva miok i nand, at þeim þotti ser naliga engi van undankvamu, er meþ helgum dominum foru, þa hetu þeir a postolann. Oc eptir þat gærþi myrcr sva mikít, at vikingarnir sa þa hvergi. Foro þeir þa síþan frialsliga, hvert er þeir villdu, firir arnaþarorð Bartholomeus postola. Þeir 25 urþu þa vel reiðfara oc komu i ageta borg þa er Benevent heitir. Oc þegar er borgarmenn urþu varir víþ, at þar var cominn heilagr domr ens helga Bartholomeus postola, þa gengu þeir i moti meþ frægþ oc fagnaði oc allri þeirri dýrþ, sem þeir hóþu framarst fong a, oc bioggu vandliga um helgan dom postolans hia altara hófuð- 30 kirkio þeirrar, er œzt var i borginni, oc er hinn sæli Bartholomeus þar dýrcaðr i sífellu, oc veþa þar allzscýns iarteignir at hans helgum domi allt til þessa dags. Nu er yfirfarin þessi saga, eptir þvi sem ver hófom framarst a bocum (fundit), oc mun hans dýrþ æ þvi meiri þýckia, sem gerr er vituþ, (oc) hans heilagleikr. Oc 35 þurfom ver hann einkanliga at at hyllasc oc sœkia at arnaþarorþi, at hann arni oss víþ almatkan guþ hialpar, oc miskunnar bæþi þessa heims oc annars.

MATHIAS SAGA POSTOLA.

I.

1. Mathias postoli guðs, er ver hölldum i dag hatið, kom snemma til fylgðar ok foruneytis með drotni varum, ok reðz þegar
 5 i þeira manna sveit, er litillatligast þionuðu guði ok hans postolum. Hann var einn af lærisveinum Kristz drottins, er taldir voru tveir hins atta tigar. En Mathias kallaz a ebreska tungu, en a latinu donatus, ok þýðir þat a vara tungu gøddr eða gefinn, ok kom þat hvervetna fram, at hann var gøddr hinu haleitasta
 10 tignarnafni, ok tok þar með gipt heilags anda ok þat hit agæta umboð almattigs guðs at boða hans erendi um allan heim sem aðrir postolar, hann var ok oss gefinn til höfðingia ok forstiora i stað Judas Skarioths, er drottin varn selldi við verði. En Lucas guðspiallamaðr segir fra þeim atburð, er Mathias kom til post-
 15 olatignar ok samlags með öðrum postolum guðs i bok þeiri, er heitir Actus Apostolorum, en þat þýðir, sem bokin heiti verk eða sýslur postolanna, ok hefr hann upp at segia fra þeim atburðum með þeim hætti: Eptir þat, segir hann, at drottinn hafði uppstigit til himna, voru guðs postolar i Jorsalaborg ok hans læri-
 20 sveinar, ok var þat allz tolfroott hundrað þeira manna, er þar voru i sífellu i guðs þionostu nætr ok daga.

En allt þat er stort var at raða, meðan postolarnir voru allir saman, þa var Petrus postoli forstiori at þeim hlutum öllum, af því at guð hafði hann settan þeira höfðingia ok fengit hon-
 25 um i hendr himinrikis lykla, ok atti sa upphafsmaðr at vera at þessum kosningi, er øztr var at mannvirðingu Petrus reis þa upp a milli þeira manna, er þar voru við staddir, ok mællti: „Brøðr, sagði hann, þat mun høfa at fylla ritning, þa er fyrir sagði heilagr andi fyrir munn Davids, þat sama sem nu er fram-
 30 komit um Judam, er gerðiz leiðtogi þeira manna, er höndluðu Jesum, en var aðr með oss; kom þat ok til þeira lykta, sem þer vitit, sagði postolinn, at þa er Judas fannz at sinum glöp, ok hann sa drottin til kvala leiddan, þa bar hann apr þat fe, er hann hafði tekit til dauða ok höfuðs drotni, ok eptir þat ørviln-
 35 aðiz hann ok hengði sik sialfr síðan, ok rifnaði kviðrinn ok hliopu or honum ut iðrin oll ok innyflin. En feit er Judas kastaði apr i hendr Gyðingum, þat loguðu þeir til þess at kaupa með teig

þann, er lagðiz til graptar utlendra manna ok er kallaðr bloðsteigr allt til þessa dags. Hafði ok sva David fyrir sagt i psalltara, at einn mundi eyðaz með öllu i sinni eign, ok mundi annarr taka hans byskupsdom. En mer lizt, segir postolinn, sem þat eitt muni hafa at velia þann mann til postola i staðinn Judas, er 5 með oss hefir verit allar stundir, siðan er Johannis skirn tokz upp, ok vattr se drottins upprisú með oss ok uppstigningar til himna, ok sa megi ok öll sönn vitni fram bera hervistar hans i þessum heimi, ok þenna hinn sama Jesum reisti guð af dauða a þriðia degi, ok syndi hann sik þa eigi ollum lyð, helldr oss, þa 10 er ver atum ok drukkum með honum, siðan er hann reis upp af dauða, at ver skyllidum efalausá vita mega hans upprisú.“

En þar til hafði kennimannskapur at hlutföllum farit, ok syndiz þeim postolunum, sem skyllidugt væri at fylla þat boðorð guðs et forna, ok voru siðan tveir menn til hlutfalla kosnir af postolunum, 15 annarr Joseph enn rettlati, er öðru nafni var kallaðr Barsabas, en annarr var i þessum kosningi Mathias. Siðan baðuz þeir fyrir postolarnir ok mælltu sva: „Þu drottinn, er kunnigt er hvers mannz hiarta, syndu oss nu, hvarn þu villt velia af þessum tveimr mönnum til samlags varrar þionunar ok postoladoms i stað 20 Judas, er oss varð fraskila ok nu er kominn i sitt rum.“ Siðan lögðu þeir fram hlutina, ok fell hlutr yfir Mathiam, ok fyllði hann siðan postolatolu ok allt þeira embætti. En þessi kosningr er allr iartegnafullr, ok byr þar mart i, er mönnum er til nytsemi siðan, er gæta kunnu. Er þat fyrst i því mali, at postolatalan 25 matti (eigi) sva standa, at væri ellifo, af því at tiu eru laga boðorð, ok er su tala avallt heilög siðan, en ellefu tala iartegnir afbrigð guðs boðorða, en bæði hefir synz i hinu forna logmali ok enu nyia, at su tala mundi æ siðan naliga øzt vera um allar alldir.

2. Þat fe er drottinn var selldr með, for til andvirðis þeirar 30 iarðar, er dauða menn skyllði grafa, ok var þat makligt, at því at hann hafði sellt lifit en tekit dauðann við, fyrirlatit lifandi manna iorð ok tekit við eilifan dauða; ok því keypti hann eigi sialfr þessa iorð at ser lifanda, en aðrir keyptu með þessu verðinu, at þeir attu forrað þessarrar iarðar, er lifandi voru, en Judas eign- 35 aðiz hina dauðligu, eptir því sem segir sialfr drottinn i guðspiallinu hins rika mannz ok hins uarmvitka, at þa er hann do, var hann grafinn i helviti. En er Judas tok þann dauða, at hann hengdi sik, ok virgill, sa er at barka honum rann, gerði ørent

hans et vesla lif, þa var þat sannligt, at sa barki væri til liflatz þrongdr með snörunni, er su rodd hafði eptir runnit, er selldi drottin. Var ok þat makligt, at sa dœi i loptinu a milli himins ok iarðar, er þann hafði svikit, er bæði er drottinn himins ok iarðar, engla ok manna, eptir þeim hætti sem fyrr do þeir drottinssvikarar Absalon ok Achitophel, er sviku David konung, ok þau iðr, er lengi höfðu þrutnat af þessum oraðum, hliopu ut i liflati þessa ens illa mannz Judas, eptir því sem Arrio for i sinum dauða. Var þat sem vert var, at við þa kœmi glik hefnd fram, er annarr villdi fara manndominum, en annarr villdi eyða guðdominum, ok at þeir mætti tomir synaz at iðrunum ok öllum innyflunum, er tomir voru at vitinu ok at allri gœzkunni. En þess er við getit i frasögninni, at teigr sa er þeir keyptu til graptar utlendra manna, ok siðan kallaz bloðsteigr allt til þessa dags, þat synir postolinn i frasögu umröðunnar (i) piningarsögunni sialfri, ok segir, þoat þeir hafi ebresku mællt hvarirtveggju, þeir er i Jorsalaborg bygðu ok þeir er i Galilea voru, at sva var malit olíkt, at hvara matti kenna fra öðrum mennina at malinu einu saman. En því tok Petr i psalltara til dœma um kosning Mathie, at þa ma virðaz, at guð hafi lengi fyrir set glötun Jude ok utvalning Mathie. Ma ok nökkut af því marka af þessum atkvæðum ens helga Davids, at eptir þat er hann segir, at annarr skyldi hans byskupsdom taka, ok er þat sa Mathias, en hann lagði a Judam eptir iafnmörg bolvanarorð at tolu, sem peningar þeir voru, er Judas hafði i verð tekit, þa er hann selldi drottin, er þat auðsynt, hve miok þat hefir a hrinit su bolvan ok sa hinn harði formali, er i þeim psalmi stendr, ok sætti þat því, at hann var þess verðr; en hann hlynti sva fyrir spamaðrinn, at skyldi a þeim einum hrina, er sakir gerði til, ok skulum ver því nu fastliga trua siðan, at þessi bôlvan, er stendr i þessum psalmi, er Deus laudem meam er upphafit, eða aðrir sva harðir psalmar eða formalar, er i ritningum helgum standa, muni a þeim hrina, er sakir gera til, en hia þeim liða stormælin, er saklausir verða fyrir. En þess er við getit, at kennimannskaprinn skyldi at hlutföllum fara i Moyses lögum, ok villdu postolarnir þau fylla i þessum kosningi, ok ætluðu þetta endimark vera skyldu at eiga undir hlutum þat, er sva stort við lægi. En þat fylgði þessu mali, at þeir letu þat fylgia, er nu skal alldri niðr falla, helldr skal þat upphaf vera allz vanda, sem þeir gerðu postolarnir, at biðia guð miskunnar ok forsia um þat allt, er miklu varðar. Var sa hinn

siðasti hlutr allra kosninga, er Mathias hlaut postolatölu. En þa tokz upp hinn nyi hattr kennimanna kosnings, er Stephanus var valdr til diakns ok sex aðrir at raði allra postola. En Petrus lagði a þa vixlur, ok var sva hans valld mikit, at þat nam oðlaz hverr af guði, sem hann kvað a, þa er hann lagði þeim 5 hendir yfir höfuð. Sa var byskup, er hann mælti sva fyrir, sa prestr, er hann kvað þat at, sa diakn, er hann villdi sva, ok með þeiri vigslu hverr, sem hann kvað a með heilags anda gipt.

3. En þat er ihuganda, goðir menn, hvat mest er i virt, er Mathias hlaut helldr postolatign en Joseph hinn rettlati. Engi hlutr 10 var honum at finna, at eigi væri hann storvel fallinn tign at taka, helldr voru tveir hlutir til fundnir: sa annarr, at Joseph hafði meira manna lof, en Mathias var einkaðr til þess, at hann var allra manna litillatastr. Nu þa ma sia, goðir menn, hvat miok hinn vandi mun sekiaz af orðlofinu, ef þat stoð fyrir tign 15 Josephs, ok var hann lofs fra öllum verðr. En sva sem Mathias var pryddr morgum öðrum mannkostum, þa er þo þat fra sagt, at litillætir hafi mest upphafit hann til ennar mestu tignar, ok sannaz þat þa, sem sialfr drottinn segir i guðspialli, at sa muni lægiaz, er sik hefr upp i metnað, en sa mun upphefiaz, er sik 20 litillætir.

4. Eptir þat er Mathias tok postolatign, ok þeir hófðu hann tekit i sitt samlag, þa kom hinn helgi andi yfir þa alla postolana, ok toku þeir allir iafna gipt ok iafnan styrk ok iafna gøzku ok atgervi af hans tilkomu a hvitasunnudegi; kendu 25 þeir þa ok allir kenningar eptir þat, ok þoldu þeir þa allir mikit harðretti af Gyðingum, þeir voru barðir ok i myrkvastofu settir, ok gerðu þeir þa allzkyns iartegnir. En sva voru þeir grimmir Gyðingar, at fra þeim verðr skemst frasagan postolum öllum, er þeir naðu hellzt hendir a at leggja Jacobus Johannis 30 broðir tok fyrr liflat a Gyðingalandi, en postolarnir aðrir fœri þaðan i brott; en annarr Jacobus, er þat tok a sik at bøn annarra postola forrað Jorsalakristni sialfrar, ok veittu þeir honum liflat Gyðingar. Mathias kendi þar helgar kenningar a Gyðingalandi, ok þar tok hann pining ok liflat fyrir guðs sakir, ok var 35 hann grafinn af siðlatum mönnum, ok var þar lengi siðan dyrkaðr af guðs vinum.

5. En er þau fagnaðartiðindi voru orðin at Jorsolum, at þar var i lög tekin almennilig kristni, ok undir valldi Constantini keisara ok Helenu móður hans la naliga oll heimsbygðin, var 40

þa Helena drottning i Jorsalaborg, ok var hæn þa sva mikils orðin
 styrandi, var þa ok fundinn kross drottins vars ok umbuit.
 Þa þottiz hon skylld til at minnaz sinna frænda goðra ok
 góðfugra, er hon atti fyrir norðan fiall, i sendingum virðiligum,
 5 ok þa er liðin voru fra burð Kristz þriu hundruð ok atta ar ens
 fimta tigar, þa sendi hon drottning Agricium patriarcham af
 Antiochia með helgum domum dyrðiligum norðr um Mundiafioll i
 Frakkland, nagla or krossi drottins ok helgan dom Mathias post-
 ola. En Sylvester pavi let fylgia sina kveðiu þessum helgum
 10 domum ok sannindi, at þeir mætti efalausliga við taka þeiri
 astgíof, er þeim var send. Ok er heilagr domr postolans kom i
 Treverisborg, þa taka þeir við feginsamliga ok með slikri sǫmd
 allir, sem þeir mattu framast. En fyrir sakir ovirðingar ok ofriðar
 heiðinna manna þorðu þeir eigi at hafa miok a vitorði manna
 15 helgan dom Mathias postola, ok settu hann niðr utan borgar hia
 þeim helgum mönnum, er þar voru aðr dyrkaðir, Eucherio ok
 Valerio ok Materno, ok var postolinn settr undir haalltari i munk-
 lifi því, sem þar var reist, ok var hann þar lengi dyrkaðr eptir
 með soma. Ok er þaðan liðu enn nokkurar stundir, þa gleymdiz
 20 su minning nokkut meirr en sǫmdi, ok vissu menn þa ogiorla um
 stundar sakir, hvat titt var um helgan dom postolans. En er guð
 villdi i annat sinn magnaz lata ok endrnyiaz tign ok soma sins
 postola oss til hialpar, þa var þat með þeim atburði, at þa er
 ofan var tekit fyrir fyrnsku sakir þat et gamla musteri, er þar
 25 hafði lengi staðit i því munklifi utan borgar, þa fannz þar heilagr
 domr Mathias postola með þeim sama umbuningi, sem hann hafði
 þar verit niðr settr undir alltarinu, ok þar með innsigli Sylvester
 pava til merkis, at þat var heilagr domr postolans. Þa var liðit
 fra burð Kristz, er sa umbuningr var upptekinn, þusund ok hundrað
 30 vetra ok atta ok .xx. vetr, ok a dögum Honorij pava, er annarr
 var með því nafni, ok a dögum Lothari keisara, ok var þa sa
 erkibyskup yfir Treverisborg, er Manherus het, ok var su upp-
 tekning a fyrsta degi Septembris manaðar.

6. Su er iartegn fyrst sögð eptir þessa upptekning Mathie,
 35 at maðr het Lambertus, hann var mylnuvorðr ok hafði bat at
 roa undir mylnurnar, hann atti son ungan at alldri, er Varnherus
 het. Sveinninn var kviklatr miok ok oforsíall, sem verðr opt
 ungmenni, en er Lambert atti opt erendi brott at fara til annarrar
 syslu, þa var sveinninn eptir a skipinu, ok for ovarliga ok steyptiz
 40 fyrir borð af batnum, ok druknaði hann. En er Lambert kom til

batzins ok fann eigi sveininn, þa hugði hann, sem var, at hann mundi tyndr vera, ok varð hann hrygggr við sonar dauðann. Reikaði síðan hingat ok þangat upp ok niðr með anni, ok for hann með kalli miklu ok grati. Ok um síðir snyr hann aheitum til Mathiam postola ok mællti sva: „Heyrðu, hinn helgi Mathias, 5 postoli drottins mins Jesu Kristz, ef þeir eru sannir hlutir, er oss eru sagðir fra þinni upptekningu, lattu þer soma at syna mer þina miskunn til guðs lofs, ok giallt mer einka son minn til lifs.“ Þa stoð þar fioldi manna ok beið þess, er at hendi villdi koma. En sa varð nær staddr þeira bön, er bæði er skapari lifs ok dauða, 10 sialfr drottinn, er sva er um ritit, at drottinn deyðir ok lifgar, leiðir til helvitis ok brott þaðan, er hann vill sva, sa hinn sami let ser soma at syna þeim monnum, er þar stoðu yfir liki sveinsins, er a land var kastat, ok baðu þeir honum lifs með tarum, hvat hann mundi gera vilia fyrir verðleik sins postola. En er þriar 15 tíðir dags voru liðnar, fra því sveinninn druknaði ok likit rak a land, ok er þeir voru þrabønir við guðs postola lifs sveininum, þa let guð sina miskunn yfir skina fyrir dyrð sins postola Mathias: lifnaði sveinninn ok var heill ok hraustr, ok var hann síðan ok allt hans lið i guðs þionostu ok hins helga Mathie postola guðs. 20

7. Maðr het Leothfridus, hann tok fotarmein mikit, ok gerðiz a fötinum hol stort, ok fell or bæði bloð ok vagr, ok lek meinit við fimtan vetr, ok var hann orðinn fatøkr ok naliga órvasi at alldri, ok hafði hann lengi haltrat við staf. Kona hans ok vinir hofðu fluttan hann bæði i Meginsoborg ok i Kolne ok 25 hofðu fe gefit til lækningar honum bæði kristnum monnum ok sva Gyðingum, ok mattu þeir honum eigi bot vinna. Þeir keyptu hvat sem þeir fengu af viðsmiori eða öðrum smyrslum, ok var hans mein þess verr, sem þar var optarr a borit. En a hinu sextanda ari meins hans þa lagðiz hann i rekkiu, ok matti ser 30 þa naliga ekki sialfr um vinna, ok var hann þa at þroti kominn með ollu. Þa heyrði hann sagt fra upptekningu hins sæla Matthie postola ok iartegnum þeira, er til heilsu ser hetu, ok þegar er hann hafði heitit, þa þottiz hann fa fro a sinu meini, ok þaðan i fra þöttiz honum dag fra degi, unz hann varð alheill maðr, ok for 35 síðan sialfr til þess staðar, er Mathias postoli hvilir, ok sagði mōnnum þessa iartegn.

8. Sveinn einn frumvaxta lek ser uti hia öðrum sveinum samöldrum sinum, en hann tok sva skiott mein mikit, at hann stirðnaði fyrst i hondunum, en eptir þat dro sinar hans allar 40

saman, sva at hælarnir lagu við þiohnappana ok eigi siðr iliarnar, en andlitit þrongðiz niðr milli knianna; armleggirnir voru sva blasnir ok þrutnir, at ogurligt var a at sia. Ok er frændr hans urðu varir sva mikilla ohøginda ok vabela, sem at honum voru
 5 komnir, þa urðu þeir hryggvir miok, ok toku sér gott rað ok hetu a hinn helga Mathiam postola ok fœrðu þangat sin heit, ok þa er þeir hófu fyllt heit sin oll, þa var sveinninn heill meina sinna.

9. Acelin het maðr, en Edilburg het kona hans, ok attu þau
 10 son ungan þrevetran at alldri. En Edilburg atti at fara yfir a, er la hia bœ þeim, er þau bygðu. En sveinninn rann eptir anni ok drap fœti ok rauk ut a ana ok druknaði. En er þau feðgin hans söknuðu sveinsins, þa leituðu þau hans, ok fundu rekit likit af anni a land, ok gretu þau akafliga, þviat þau hófu mikit unt
 15 sveininum. Ok liðu þaðan eigi langar stundir, þa sneru þau aheiti ollu þar til er var Mathias postoli, at hann miskunnaði þeim ok arnaði lífs syni þeira við almatkan guð. En er þau hófu heitit, þa kom lítr i andlit sveininum, ok þvi næst hrørðiz hann, en eptir þat lífnaði hann ok hóf upp augu sin. Ok foru þau síðan með son
 20 sinn lífanda ok sottu heim helgan dom Mathias postola, ok lofuðu guð ok dyrkuðu enn helga Mathiam postola fyrir líf sonar sins, er þeim var veitt fyrir hans arnaðarorð.

10. Heinrichr het maðr einn riddari, er kom i Kolni þeira
 25 ørinda at sækia þangat rikra manna traust. En er hann hafði þar verit um stundar sakir, þa varð hann missattr við einn rikan mann er Gucelinus het. Ok er þat var af nökkut sva, þa truði riddarinn honum vel, af þvi at hann hafði mart gert fyrir hann ok af honum haft. Þa sendi Gucelinus riddaranum orð, at hann skyldi koma i hus hans til nokkurrar raðagerðar, ok er hann
 30 kom þar, þa let Gucelin höndla hann Heinrichr riddara ok setia i fiótur ok síðan i myrkvastofu, ok var þar byrgðr atian dœgr, ok þoldi þar bæði hungur, kulda ok þorsta ok marga aðra þronging. Ok þa er hann tok at mœðaz i þessum mannraunum, þa het hann a hinn sæla Mathiam postola, at hann legði honum til hialpar
 35 nökkut, sva nauðuliga sem hann var staddr. Eptir þat rann a hann svefnhofgi, ok er hann vaknaði, þa fann hann, at fioturinn þrongði eigi oðrum fœtinum, ok tok hann til hendi sinni, ok var fotrinn lauss ok husit olæst, ok komz riddarinn a braut, ok batt upp fioturinn, ok for síðan a braut, unz hann kom i Treverisborg
 40 er postolinn hvilir, ok sagði þar þessa iartegn, ok var þar fióturr-

inn uppfestr til synis, at hann beri vitni, at iartegn se sonn ok merkilig.

11. Einn kolneskr maðr fekk mein mikit ok oaflatanligt, ok la hann i rekkiu fimm manuði ok gerðiz naliga banvænn. En kona hans sat yfir honum hrygg, ok annat hans hyski. Ok er þeim þotti miok at honum liða, þa hetu þau fyrir honum a Mathiam postola til heilsubotar honum. Ok a enni somu stundu, sem þau höfðu heitit, varð hann alheill ok reis upp þegar or þeiri rekkiu, sem hann hafði siukr i legit, ok gekk þa sialfr síðan berföttr allt fra Kolni til Treverisborgar ok þakkaði guði heilsu 10 sina, er hann hafði fengit, ok Mathie postola.

12. Kona het Gilla, en hon misti mals sins ok var lengi mallaus, ok var allz i leitat af læknum, þess er i hug matti koma, henni til heilsubotar, ok stoðaði ekki. En þa leitaði hon sialf raðs ok let gera tungu af silfri sem glikast sinni tungu, ok førði 15 síðan þessa forn til Mathias postola kirkiu i Treverisborg, ok førði a haalltari, ok tok síðan mal sitt ok for gloð heim.

13. Sigrlod het kona, er sva var krept, at hælarnir lagu við þionappana; ok er hon het a enn helga Mathiam postola, þa tok hon þegar heilsu sina, ok for síðan til sinna heimkynna ok 20 sva heil, sem þa er hon hafði bezt verit.

14. Nu er yfir farit, þo at með skömmu mali se, ok eigi sva skýrsamlega sem vera ætti, frasogn su, sem ver hofum a bokum einkannliga seð af Mathia postola. Ok þo at hon se eigi sva skýnsamliga samið eða i frøði førð, sem postolinn sialfr hefir 25 efni til sellt fyrir sakar sinnar dyrðar ok heilagleiks, þa velldr því meirr ukønska en illvili, þvíat vandrøtt er um dyrð heilagra manna, er hon umfram alla vara skilning. En þat eitt er þo vart, goðir menn, at dyrka þa alla, eptir því sem ver hofum framast fong a, i lofsongum ok bønahaldi. Ok sva skylldir sem ver erum til, þar 30 er aðrir eru helgir menn, þa erum ver þo miklu skylldari at virða postolana of alla menn aðra fram, þvíat þeir ero stoðir ok stolpar undir alla guðs kristni ok fastlegarr settir en allir aðrir. Eru þeir ok mest styrandi ok raðandi með guði ok hans moður Mariu; er ok sva mikit samvelldi postolanna, at ver eigum þa 35 alla at dyrka a hvers þeira hatið, því at þeir höfðu allir eitt hiarta ok eina ond. Morg er sia haleit virðing, er guð hefir sinum postolum veitt umfram þat sem ollum oðrum monnum, hann gaf þeim valld at leysa ok binda, ok þeir skulu með honum døma

a efsta dag um alla menn, ok þurfum ver því þeira ifalause vin-
attu hia guði feðr, þeim enum sama guði feðr með syni ok helgum
anda se vegr ok dyrð um alldir allda. Amen.

II.

Electio Mathie.

5 1. Sidan er dróttinn vörr Jesus Cristr ste upp til himna at
æsiðndum postolum sinum i fialli því er kallazt Mons Oliveti,
þa hurfu postolarnir aptr i Hierusalem. Voru þar æ bænum allir
saman med Marie modr Krizc(!) ok lærisveinum hans, enn þat var
10 hundrat manna tolfraett. Aa þeim dögum stod Petr postole upp
ok mælte vid brædr sina: „Þat byriar oss at fylla, brædr, er
heilagr ande mælte fyrir munn David um Judam, er leidtogi var
þeira sem toku Jesum. Enn hann var talidr med oss i postola-
lagi, til þess er hann tok verd ilzku sinnar ok hengdi sik ok
15 sprack i sundr i midiu¹. Enn sva er ritad i salmabok: Verdi
aud bygd hans, ok taki annarr byskupsdom hans. Enn af þessum
monnum, sem med oss eru, byriar at taka nockurn i stad hans
upprisuvött Kristzt(!), þann er sed hafi takn hans, þau er hann
gerdi, þa er hann var med oss, þar til er hann steig upp til
20 himins.“ Þa settu þeir tva til hlutfalz, annan Joseph, er kalladr
var enn rettlati, ok Mathiam, ok kolludu þeir æ gud ok mæltu:
„Þu drottinn, er veiz allra hiortu, syndu, hvarr þessa tveggia þu
vill at taki postoladom, þann er Judas villtitz fra ok for til sins
stadar.“ Þa gerdu þeir hluti, ok kom upp hlutr Mathie, ok var
25 hann sidan talidr med .xij. postolum enn .xij.^{ti} Enn er postolar
höfdu tekit helgan anda, þa fór Mathias um Gydingaland ok bod-
adi nafn Jesus Kristz ok gerdi margar iarteinir ok sneri morgum
lyð fra villu, medan hann lifde.

2. A enum atta vetri ens .vi.^{ta} tigar ens fiorda .c.² eptir
30 hingatkömu³ dróttins vars, þa er Helena drottning modir Con-
stantini konungs hafdi tekit tru, mintitz hun frenda sinna ok

¹ Her begynder Fr. ² hundraðs Fr. ³ hingatkvamo Fr.

fostriardar. Enn hun var ættuð ur borg þeire, er Treveris heiter æ Fraklandi, ok sendi þangat af Indialandi helgan dom Mathie postola at radi Silvestri pafa. Enn er ofridr heidinna manna efdist æ Fraklandi, þa falu krisnir menn helga doma sina ok grofu langt i iord utan borgar undir allteri¹ því i kirkiu, er giör var til dyrdar Mathie postola, ok var heilagr domr hans leyndr fyrir monnum marga vetr, þar til (er) gud vildi vitra fagnat fundningar hans. Enn þa fanzt heilagr domr hans folginn verit undir altari, ok gerdiz þa þegar iarteinir af postola guds. Enn þa var lidit .m. vetra ok .c. ok .vij. vetr ens þridia tigar fra burd Kristz, er Mathias fanz æ þeim degi, er upp höfzt manudr sa, er September heitir. 10

3. Lanbertus het madr, er for um dag til syslu sinnar, ok let son sinn æ skipi, med(an) hann vann verk sitt. Enn hann vann, ok svein(n)inn kunni ægi at varazt vid haska, ok fell hann utan bördz ok druknadi, ok rak lik hans langt ofan eptir æ. Enn Lanbertus fann eigi sveinin. Þa kunne hann illa bædi glæp sinum ok orægtt enda dauda sveinsins, ok för hann med æanne klaukvandi ok leitade liksins ok fann ægi. Þa kom honum i hug funding Mathie postola, ok het hann æ Mathiam postola af aullu hiarta ok mælti: „Heilagr Mathias postole Kristz, ef þat er satt, sem oss er sagt fra funningu þinni, syndu mer þat vesölum nu i dag fyrir miskunn þina til lofs gudi, ok gialltu mer son minn.“ Enn allir, þeir er spurdu harm hans, badu med tærum honum hugganar. Gud heyrdi bæn þeira ok syndi þeim krapt postolans. Sveinninn fanz rekinn daudr æ straundu, enn hafdi þriar stundir dags i vatni legit. Enn er gratande lydr bad fyrir honum, þa lifnadi hann af verdleikum heilags Mathie postola, ok var honum skirn gefin, ok þionadi gudi síþan at kirkiu postolans, meðan hann lifði. 20

4. ² Leofredus het einn böndi audigr, er .xv. vetr hafdi fotar- mein, ok vægdi kalfa hans allan milli knes ok aukla. Enn at radi kōnu sinnar ok vina var hann færdr læknum til Meginzuborgar bædi krisnum ok [heidnum ok³ Gydingum. Enn honum vesnade vid allt, þat sem þeir gerdu at fæti hans, ok tok hann⁴ þa at leiðazt likamliga⁵ lækning ok treysti gudi þeim, er ma bæria [ok meida³ ok greda. Aa enum .xvi.^{da} vetri lagdiz thann i kaur mæddr bædi af sott ok elli, ok matti hann hvergi ur reckiu risa ne komazt æ þeim misserum, nema adrir bæri hann. Þa spurdi 30

¹ Ender Fr. 1ste Spalte. ² Begynder Fr. 2den Spalte. ³ [mgl. Fr.

⁴ tilf. Fr. ⁵ saal. Fr.; likamlig A.

hann funning¹ Mathie postola, ok styrktizt hann þegar i tru, ok het at gaufga helgan dom postolans med fornum, ef hann gefi honum heilsu til þess at komazt þangat. En þegar er hann hafdi þetta mællt, þa styrktizt hann, ok batnadi honum dag fra degi.
 5 Ok gerdi hann gudi þackir ok Mathie postola, ok for til kirkiu hans, þegar hann matti ganga, ok færði þangat margar fornir gudi ok sagdi mörgum feginsögu fra endrbot heilsu sinnar.

5. Sveinn nockurr feck brada sott um dag, er hann var at leik med audru ungmenni, ok krepti hann allan saman, sva
 10 at hann matti æigi hefia höfuð af² kniam ne hæla fra þiom, ok hönd hans adra blæs upp allt fra auxl ofan. Allir undruduzt, er hann matti nockra stund lifa vit þetta mein. Fadir hans ok modir kunnu illa sott hans, þviat þau unnu honum mikit. Enn eptir .ij. manadi fregnudu þau iarteinir heilags Mathie postola, ok
 15 hetu þau þegar at færa sveininn med mörgum fornum til kirkiu hans. Enn er þau haufdu þetta mællt, þa sa gud milldi þeira, ok reis svein(n)inn upp þegar alheill, enn þau efndu heit sitt vid postolann.

6. Acelmus hét einn böndi, enn Adelburga het kóna hans,
 20 þau biuggu nær bru einni. Kona þessi atti skyllða faur yfir æna ok let heima eptir son sinn þrevetran. Ok er hon for yfir bruna, þa rann sveinnin eptir modr sinni, þar til er hann kom æa midia bruna, þa drap hann fæti ok fell ut i ána ok druknadi þegar. Enn mödir hans kom heim ok fann æigi son sinn, þa fór hun
 25 þegar at leita hans ok fann hann daudan æa straundu, ok gret hon sarliga dauda hans. Enn er hun gædi ræds, þa het hun æa Mathiam postola ok bad med tærum ser hugganar ok lifs syni sinum. Postolinn sæ harm hennar, ok hof sveinninn upp augu sin ok leit i gegn modr sinni, ok reis sidan heill upp. Enn fadir
 30 hans ok modir sveinsins foru sidan til kirkiu Mathie postola ok gerdu þackir gudi ok sogdu sidan munkum ok kennimonnum fagnat sinn.

7. Heinrikr het einn riddari, er kom til Kolnisborgar ok sotti hald eins rikismanz, þess er Guncelinus het³. Enn nockur
 35 þræta gerdizt um dag meðal þeira, ok urdu þeir missattir, enn þo ætladi Heinrikr⁴, at Guncelinus mundi þat einskis virða vit hann, þviat leingi hafdi vinatta þeira verit göð. Þa baud Guncelinus honum heim um dag, ok let sem hann ætti nockut skylt

¹ fundning Fr. ² Ender Fr. 2den Spalte. ³ Her begynder Fr. 3die

40 Spalte. ⁴ Heinrekr Fr.

eyrende vit hann. Enn er Heinrikr venti ser einkis¹ ótta, þa let Guncelinus setja hann i fiötur ok lucti hann i myrkvastofu. Enn er hann hafdi þar verit .ix. daga matlaus, sva at eingi madr vitiadi hans, þa het hann af aullu hiarta æ enn helga Mathiam postola ok bad hann leysa sik ur baundum. Þa sofnaði hann ok 5 dreymdi þat, at hann væri laus. Enn er hann vacknadi, þa voru sva rumir fiotrarnir a fotum hans, at² hann matti audve(l)liga þeim af ser koma, ok þa vard hann fegin ok gerdi gudi þackir ok komz bratt ur myrkvastofunni med guds krapti ok flutningi heilags Mathie postola, ok bar med ser fiotrana til kirkiu postolans, 10 ok læt þar eptir liggja til syniz.

8. Eustakius het einn³ Kolnisborgar madr, hann hafdi .v. manade siukr verit. Enn er hann het æ Mathiam postola, þa tok hann þegar heilsu sina ok vard feginn, ok sva kona ok aull hiu hans, ok gekk hann berfetr samdægris til kirkiu postolans, ok 15 gerdi þar gudi þackir⁴ fyrir heilsu sinni.

9. Kona nockur het Gilla, su er leingi hafdi mallaus verit. Enn hun let gera ur silfri tungu ok bar þat(!) til alltaris Mathie postola uppstigningardag drottins vars, ok tok hun þar þegar 20 mal sitt.

10. Mær nockr hafdi marga vetr siuk verit, ok voru kreptir fetr hennar. Enn er hun vackti at kirkiu Mathie postola, þa gekk hun alheil þadan. Margar eru adrar iarteinir, þær sem gerduz hvern dag fyrir verdleika ok bænir heilags Mattheie postola til lofs ok dyrdar drotni vörum Jesu Kristo, þeim er med 25 fedr ok helgum anda lifir ok rikir gud um allar alldir allda. Amen.

1 enskis *Fr.* 2 *saal. Fr.*; aat *A.* 3 *saal. Fr.*; ein *A.* 4 *Her ender Fr.*

TVEGGIA POSTOLA SAGA SIMONIS OK JUDE.

I.

Her byriaz saga Simonis ok Jude¹.

1. Þa er helgir postolar drottins vars Jesu Kristz Simon
 5 ok Judas komu a Persaland², þa kom a mot þeim iarl, sa er het
 Varardag. En Babilonis³ borgar konungr, sa er Serxes⁴ het,
 hafði sendan hann til orrostu i gegn Indiamönnum, er þa höfðu
 heriat a Persaland. En i för hans voru skurðgoð, ok [blotbyskupar
 ok visindamenn⁵, þeir er blotuðu diöflum i hverium nattstað, ok
 10 gafu monnum svör flærðar⁶ sinnar. En a þeim degi mattu þeir
 engi svör gefa⁷ mönnum, þvíat skurðgoðin voru dumb orðin. Þa
 foru þeir til annarrar borgar ok blotuðu þar diofla⁸. Þa
 tok diöfull at belia or skurðgoði einu ok mællti: „Goð þau er
 yðr fylgðu til orrostu, megu eigi svara yðr, þvíat postolar guðs eru
 15 þar, annarr heitir Simon, en annarr Judas. Þeir hafa sva mikinn
 krapt af guði sinum, at engi goð þora at mæla fyrir þeim.“ En
 er Varardag fra þetta, þa let hann leita postolanna ok spurði þa,
 er þeir funduz, hverir þeir væri, eða hvaðan [þeir væri⁹, eða
 hverra örenda þeir føri. Simon svaraði: „Ebreskir menn erum
 20 við at kyni ok þrælar Jesu Kristz, sendir hingat til hialpar
 yðarrar, at þer fyrirlatit villu skurðgoða ok kennit sannan guð,
 þann er a himnum er.“ Varardag iarl mællti: „Ek fer nu til
 orrostu i gegn Indiamönnum, er heriuðu a Persaland ok drogu
 lið mikit saman i gegn oss. Ok er nu eigi tom til at røða um
 25 þetta lengr, en þa vil ek hëyra orð yður¹⁰, er ek kem aptr með
 sigri.“ Judas postoli svaraði: „Nu er þer skylt at vita, með
 hvers fulltingi þu megir sigr hafa eða sættaz við ovini þina.“
 Varardag iarl mællti: „Þat heyri ek sagt, at goð var þori eigi
 at mæla fyrir yðr¹¹ ne svara oss¹²; segi þit ok þa oorðna hluti,
 30 [sva at ek mega vita⁹, hversu ganga mun orrosta su¹³.“ Simon
 mællti: „Til þess at þu megir skilia villu þeira, er þu ætlar þer
 oorðna hluti segia, þa munum ver¹⁴ gefa þeim velldi at svara
 þer.“ Varardag mællti: „Verði sva vel, at goð var svari oss.“

1 *Overskr. B.* 2 *Persidaland B.* 3 *Babilonar B.* 4 *Xersex B.* 5
 35 [blotmenn *B.* 6 *saal. B.*; frægðar *A.* 7 *veita B.* 8 *aðra tilf. B.*
 9 [mgl. *B.* 10 *yckur B.* 11 *yckr B.* 12 *monnum B.* 13 *þessi B.*
 14 *vit B.*

Þá svöruðu postolar: „Bið þu nöckura stund, ok munum við biðða diöflum þeim at mæla, at þu megir reyna lygi þeira, þa er þeir segia þat, er þeir vita eigi.“ Þá mælltu postolar við skurð-göðin: „I nafni drottins vars Jesu Kristz biððum ver¹ yðr, at þer svarit at veniu yðarri þeim er yðr spyria.“ Þá toku goð þeira at mæla ok sögðu mikla orrostu verða mundu ok mannfall i hvaru-tveggia² liði. Þá toku postolar guðs at brosa. Varardag mællti við þa: „Ek ottumz ok em hræddr, en þit hlæit.“ Postolarnir svöruðu: „Eigi skalltu hræðaz, þviat friðr kom hingat með okkr i þetta herað. [Send þu³ i dag sendimenn þina, en þeir munu 10 aptr koma a morgun at dagmalum, ok sendimenn Indiamanna með þeim, ok munu segia þer aptrgollðnar iarðir þær allar [ok auðæfi öll með þeim leigum, er þeir toku fra yðr, ok munu⁴ geraz skattgilldir undir Persalandz menn framarr en fyrr hafi verit, ok munu þeir hlyðnir vera velldi yðru, hvern maldaga sem þer vilit 15 þeim gera, ok mun verða með yðr hinn fastasti friðr.“ Þá hlogu blotmenn at þeim ok mælltu við iarlinn: „Herra iarl, tru þu eigi þessum lygimönnum, utlendum ok okunnum, er af því mæla þetta helldr en þegia, at eigi verði þeir halldnir sem niosnarmenn. En goð var, er alldri liuga, svöruðu þer, at þu værir varr um þik, 20 en þessir vilia gera þik ovaran, at þeir væli⁵ þik, ef þu ser eigi við þeim.“ Postolar svöruðu: „Hlyð⁶ þu ockr, iarl! Við utlendir menn ok okunnir mælum eigi, at þu skulir biða einn manuð, helldr einn dag. En [a morgin⁷ at dagmalum sögðum við koma mundu sendimenn þina ok sendimenn Indialandzmanna með þeim, ok 25 hafa settan frið meðal yðar.“ Þá toku blotbyskupar at reiðaz ok mælltu: „Hvat er bana vert, ef eigi er su guðlastan, er þat er sagt, at goð var liugi, er skina i gulli ok silfri ok gullofnum klæðum ok allri dyrð Babilonisborgar, ok gafu oss svör guðdoms sins. En þessir menn, er enga tign hafa, ok þakki at ser eigi 30 klæði, ok hryss hugr við, þott at eins siai þa eða heyri til þeira, en þu lætr þer soma, iarl, at sitia þeim guðlastan.“ Jarlinn svaraði: „Þat þikki⁸ mer mikils vert, at þessir menn utlendir ok valaðir þora at mæla með sva miklu trausti þat er andvitni berr goðum varum.“ Blotmenn mælltu: „Lattu þa varðveita, iarl, at 35 eigi flyi þeir.“ Jarlinn svaraði: „Eigi at eins mun ek lata þa varðveita, helldr ok yðr með þeim til morgins, at þa mega ek

¹ vit B. ² hvarratveggia B. ³ [Sentu B. ⁴ [er þeir toku fra yðr ok aull auðæfi aunnur með leigum, ok munu þeir B. ⁵ megi vëla B. ⁶ Heyr B. ⁷ [tilf. B. ⁸ þickir B.

reyna, hvarir sannara segia, ok skal þa dōma, hvarir dýðar se verðir eða pislá¹.

2. Annan dag eptir komu sendimenn iarlsins ok sōgðu allt sva farit hafa, sem postolarnir höfðu fyrir sagt. Þa reiddiz iarlinn blotmōnnunum, ok let kynda elld mikinn ok bað kasta i þann elld öllum blotbyskupum ok öllum þeim, er rōgðu postola guðs. En postolarnir fellu til fota iarlinum ok iosu molldu i höfuð ser ok mælltu: „Við biðium þik, iarl, at eigi se þeir deyddir fyrir okkrar sakir, þviat við erum til þess sendir at gefa lif dauðum
10 en deyða eigi lifendr.“ Varardag iarl svaraði: „Undrumz ek þat, at þit biðit fyrir þeim, er um þat eina satu ok gafu höfðingium fe til, at þit værit kvikir i elldi brendir.“ Postolarnir svōruðu: „Su er kenning lærifoður vars, at maðr skal goðu illt launa, en þat skulut er vita, at su er grein a meðal var ok annarra þioða,
15 at allir aðrir launa illu illt ok hata ovini sina, en ver elskum ovini vara, ok gerum vel við þa, er oss hata, ok biðium fyrir þeim, er oss misbioða.“ Jarl mællti: „Veiti þit mer þat þa, at þit takit við auðøfum þeira öllum, þviat þit erut utlendir ok valaðir.“ Postolar svōruðu: „Við erum eigi valaðir, þviat við höfum himnesk
20 auðøfi, en okkr er eigi lofat at eignaz iarðligt, þviat auðr okkarr er a himni allr, þar er eilíft lif en alldri dauði. En af því vilium við eigi eignaz gull ok silfr ok dyrlig klæði, eða hus eða iarðir eða manskenn, at þat allt er iarðligt ok ma eigi fylgia manni eptir dauðann. En ef þu villt², at auðøfi þin stoði þer til heilsu andar
25 þinnar, þa veittu þau aumum mōnnum ok fōðurlausum ok siukum, hōlltum ok blindum, ok leys þa or skulldum, er eigi hafa at giallda fyrir sik, ok veittu öllum þeim, er þessarra auðøfa þurfa, en við þurfum enskis þess, er iarðligt er.“ En er postolar höfðu þetta mællt, þa let iarlinn at því leita³, hversu mikil væri auðøfi
30 byskupanna. En honum var sagt, at einn þeira tok mōrk gullz a manaði at mala, en blotbyskupar voru .xx. ok hundrað, en umfram þessa tōlu var yfirbyskup þeira einn, en sa hafði [fíorar tek-
iur⁴ annarra. Þa var samnat saman gulli þeira ok silfri ok klæðum ok mani ok smala, ok var auðr sa sva mikill, at eigi matti telia.
35 En Varardag iarl sagði konungi þau tíðindi, er gerðuz, ok mællti: „Hlyð þu mer, konungr! Þessir eru guð, er leynaz i manna likium, þviat goð var hræðaz þa ok mattu eigi svara oss, aðr þessir lofuðu. En svōr þeira sialf urðu at lygi, ok var ekki satt i þeim. En er blotmenn varir rōgðu þa ok sōgðu uhæft s

40 1 kvala B. 2 vill B. 3 grafa B. 4 [fíogurra tekiu B. 5 ohæfu B.

vera at trua þeim, þa let ek varðveita hvaratveggju, at ek mætta reyna, hvarir satt sögðu, ok giallda hvarumtveggjum, sem þeir væri verðir. En er ek reynda¹ þat allt satt, er þessir sögðu, þa villda ek gera blotbyskupum þann dauða, sem þeir [þessum hugðu². En þessir báðu mik, at þeim skyldi eigi grand gera. En þa bað ⁵ ek, at [þessir eignaðiz³ fe blotmanna allt, en þeir fyrirritu þat allt ok [letuz eigi vilia eignaz iarðligt⁴.

3. En er iarlinn hafði þetta konungi sagt, þa fyllduz ófundar tveir fiolkunnigir menn Zaroos ok Arfaxath, er voru i hirð konungsins, ok mælltu: „Þessir menn eru illgiarnir ok vilia vela ¹⁰ þik ok eru ovinir goða þinna. En ef þu villt nu⁵ vita, at við segium satt, þa lattu þa eigi koma til tals við þik, fyrr en þeir blota goð þin, ok mattu þa trua þeim; en ef þeir blota eigi, þa lattu þa ekki við þik mæla.“ Konungr mællti: „Þreyti þit við þa, ef þit treystiz, ok se þeir a braut reknir, ef þit stigit yfir þa.“ ¹⁵ En þeir svöruðu: „Bloti [þeir, sem við⁶ blotum.“ Konungr mællti: „Þat skal mark vera sigrs ykkars, ef þit [fait komit þeim til⁷ blota.“ Zaroos ok Arfaxath mælltu: „Villtu sia matt okkarn ok reyna, at þeir munu eigi þora at mæla við okkr? Bioð þu hingat hinum malsniðllustum mōnnum, þeim sem alger- ²⁰ vastir eru bæði at viti ok mælsku, ok bioð þeim at eiga orðaskipti við okkr, ok ef þeir þora at mæla við okkr, þa mattu reyna, at við erum ovitrir, en ef spekingar þinir verða yfirstignir, þa muni þessir utlendir ekki mega við okkr.“ Þa let konungr senda eptir spekingum. En iarlinn eggjaði þa, at þeir leitaði allz við ²⁵ at stiga yfir hina fiolkunnigu menn i orðum sinum. En er þeir komu [i auglit konungs ok allrar þjóðar⁸, ok þegar hinir fiolkunnigu toku til mals, þa urðu spekingar allir omala, ok sva at þeir mattu eigi benda, at mal var fra þeim tekit. En er leið ein stund, þa mælltu hinir fiolkunnigu við konunginn: „Við erum guð, ok ³⁰ munum við nu lofa þeim at mæla, en þeir munu eigi mega ganga.“ En er þeir höfðu sva gort, þa mælltu þeir við konunginn: „Nu munum við gefa þeim gongu, en þeir munu opnum augum [eigi mega⁹ sia.“ En er sva varð, þa hræddiz konungr ok iarl. En vinir þeira mælltu, at þeir skyldu hlyða orðum hinna fiol- ³⁵ kunnigu manna, at eigi gerði þeir slikt at konunginum ok iarlinum.

1 heyrða B. 2 [höfðu þeim hugðan B. 3 [þess at þeir skyldu eignaz B. 4 [sögðuz ecki vilia þiggja þat sem iarðligt er B. 5 þat B. 6 [blót vár, sem vær B. 7 [komit þeim til at B. 8 [fyrir konung ok iarl i augliti alþýðu B. 9 [ecku B.

En er þetta leiðmot¹ hafði verit allt fra morni ok til miðdags, þa foru spekingar hryggir heim til husa sinna með mikilli mœði hugar.

4. Eptir þetta for iarlinn ok sagði postolunum alla hluti, þa
5 er gerz höfðu. En þeir mælltu sva: „Þat skalltu vita, iarl, at velar þeira [munu eigi ofraz mega, sva at við sém hia², þviat þeir forðaz³ navistu okkra. En þu bioð spekingum, at þeir komi hingat, aðr þeir fara til hirðar konungs; en ef þeir verða yfirstignir af gallDRAMÖNNUM, er⁴ þeir hafa aðr her komit, þa skalltu þat vita,
10 at við munum ok verða yfirstignir af þeim.“ Siðan heimti iarl alla spekinga i hus sin ok mællti við þa: „Ek harma með yðr meingerð þa, er yðr var gôr i gær. En þat skulu þer vita, at ek veit menn þa tva, at yðr munu sva efla, at þer munut sigr vega⁵ a hinum fiolkunnigum monnum.“ Þa fellu þeir allir til
15 fota iarlinum ok baðu hann [efna þat⁶, er hann het þeim. Siðan leiddi hann þa til postola guðs. En er spekingar sa þa opruða i klæðum, þa toku þeir at fyrirlita þa i hug ser⁷.

Þa mællti Simon postoli við þa: „Þat kann opt verða, at oitarligir hlutir eru luktir⁸ i gullbunu skrini, en i ofðgrum tre-
20 kistum er lukt⁹ gull ok gimsteinar. Þat verðr ok opt, at eitr ok olyfian er i fogrum drykkiarkerum, ok verða þau þa ræk¹⁰ af öllum, þviat þau bioða flærð; en oitarligir bollar eru fullir hins bezta vins, þess er mikla gleði fær bergiöndum, ok virðiz þa meira sötleikr vinsins, en sakaz verðr¹¹ við ofegrð bollans. Sa er
25 fagran grip vill eiga, røkir litt, þott ofagrt se um utan, ef sa er goðr gripr, er hann eignaz. Af því styggiz þer eigi við [herfiligan fatabuning okkarn, þviat¹² þeir hlutir leynaz fyrir innan, er þer megit af þeim finna eilifa dyrð ok lif. Ver erum allir bornir i heiminn fra einum [karli ok einni¹³ konu; en er þau voru
30 skopuð¹⁴ ok sett i lifs herað, þa teygði ofundarengill þau [til þess at briota guðs boðorð skapara sins, ok¹⁵ voru þau þa anauðguð af diofli, þviat þau hlyddu teygingum hans, ok voru ger utlæg hingat i heim or lifs heraði. En sva hefir guð veitta monnum miskunn
35 hann vill elska skapara sinn. En sa hinn versti engill gerði sva,

1 mot *B.* 1 [megi ecki offra ser, ef við erum i hia *B.* 3 hrædaz *B.*

4 *saal. B;* ef *A.* 5 vinna *B.* 6 [*saal B;* þess *B.* 7 sinum *B.*

8 hirdir *B.* 9 hirt *B.* 10 rekin *B.* 11 verdi *B.* 12 [auðgætligan

bunat klæðnaðar ockars, at *B.* 13 [karlmanni⁹ok *B.* 14 af guði *tilf. B.*

15 [*tilf. B.*

at maðrinn hvarf fra skapara sinum guði atmatkum ok truði a skurðgoð, ok kallaði þat guð sinn, er hann gerði sialfr. En er maðrinn hvarf fra guði grøðara sinum, þa varð hann i velldi ovinar sins, en ðfundarengill fœddi af því þessa villu með monnum, at hann mætti hafa velldi yfir þeim, at gera við þa, sem hann villdi. 5 En af þessarri sok gerði hann yör dumba eða blinda, meðan hann villdi, fyrir fiðlkunniga menn sina. En ef þer vilit reyna, at ek segi satt, þa heiti þer því at hverfa fra blotum ok trua a einn guð osyniligan, ok munu við þa gera krossmark i enni yöru, en þer megit okkr lygi kenna i öllum hlutum, ef þer vinnit þa eigi sigr 10 a hinum fiðlkunnigum monnum.“

Þa sa spekingar sanna skynsemi i orðum postolanna ok fellu til fota þeim ok mælltu: „Geri þer sva, at þeir megí eigi taka mal fra oss ne geri annan vansa líkðmum varum, en guðs reiði se yfir oss, ef ver truum siðan a skurðgoð.“ Þa hofu postolarnir 15 upp bön sina ok mælltu: „Þu guð, er niör brauzt velar tveggia fiðlkunnigra manna a Egiptalandi Jamnes ok Mambres, ok gaft þeim skemd ok sar a líkomum þeira, sva komi nu hefnd þin yfir þessa menn Zaroen² ok Arfaxath, en þessa þræla þina, er heita nu at hverfa fra blotum, ger þu þa styrka ok staðfasta i gegn 20 þeim, at allir viti, at þu erte einn almattigr guð um [alldir allda³.“ En þeir svöruðu ok sögðu amen, ok voru siðan merktir krossmarki Kristz.

En er spekingar gengu inn með iarli fyrir konung, þa villdu hinir fiðlkunnigu menn gera enn slikt, sem þeir gerðu hinn fyrra 25 dag, ok mattu þeir eigi. Þa tok einn þeira spekinganna til mals, en sa het Sepides⁴: „Hlyð þu mer, konungr, kasta þu ut ohreinindum þessum or ríki þínu, at eigi deyi⁵ allr landherr⁶ af þeim, þvíat þeir hafa með ser ovin allz mannkyns, ok tæla þeir þa menn, er ovinrinn hefir velldi yfir, ok eigi þiona einum guði, en 30 þeir trua a þau goð, er þeir verða sialfir at varðveita, en þau mega hvarki biarga ser ne öðrum. En af því kostgæfðu þessir villumenn, at postolarnir skylldu blota, at þa gremdi þeir sannan guð at ser, en þessir mætti þa fremia i gegn þeim fiðlkyngi sina fyrir illgiarnan engil, þann er með þeim var. En postolarnir gerðu 35 með fingri sinum mark guðs sins i enni oss ok sendu oss til þin, ok mælltu, at þeim þyrfti eigi at trua, ef ver hefðim eigi afl við gerningum þessarra manna eptir þetta guðs mark, en nu hlæium ver at

1 þit *B.* 2 Zaroēs *B.* 3 [allar alldir *B.* 4 Zebedeus *B.* 5 spilliz *B.*

6 landzherr *B.*

þeim i nafni almattigs guðs.“ Þá hlogu¹ at þeim allir spekingar ok mælltu: „Gerit [þer nu, ef þer² megit, þat er þer³ gerðut i gær.“ [Þá reidduz þeir Zaroos ok Arfaxat ok voktu upp or iorðu mikinn fiolda orma⁴. En þá mælltu menn við konunginn, at hann skyldi lata
5 kalla þangat postola guðs, ok voru menn þá sendir eptir þeim. En er þeir komu, þá söfnuðu þeir saman ormunum i mötla sina ok köstuðu þeim a hina fiólkunnigu menn ok mælltu: „I nafni drottins vars Jesu Kristz, [skulut it eigi deyia, helldr⁴ skulu þer³ vera kvaldir sarliga af ormunum.“ Þá toku ormarnir at slita holld þeira, en þeir
10 yldu sem vargar. Konungrinn mællti þá við postolana: „Lati þit þá deyia, þviat þeim er nu verra lif en hel.“ En þeir svör-
uðu: „Við erum sendir at kalla menn til lifs fra dauða, en deyða eigi þá, er lifa.“ Þá mælltu postolarnir við ormana: „I nafni Jesu Kristz fari þer aptr til yðarra staða, ok hafit i brott með
15 yðr eitr þat, er þer blesut a menn þessa.“ En sa var þeim mestr sarleikr, er ormarnirugu sugu eitr ok bloð or holldi þeira. En er ormarnir voru i brott farnir, þá mælltu postolar guðs við hina fiólkunnigu menn: „[Heyri þer þat, er yðrs er sagt ok heilog ritning segir⁶: sa er gerir gróf fyrir naungi sinum, þá fellr hann sialfr i
20 grofina⁷. Þer³ bioggut fyrir okkr dauðann, en við baðum drottin Jesum Krist, at hann leysti ykkir fra dauða. En þar er þit mundut kveliaz marga vetr af ormunum þessum, þá skulu þit hafa heilsu eptir þria daga, ok ma verða at þvi, at þit latit af villu ykkarri, þá er þit reynit guðs milldi yfir ykkir overðum. En til
25 þess latum við ykkir hafa sott a þessum þrim dögum, at þit gerit iðran fyrir villu ykkra.“ Þá voru hinir fiólkunnigu börnir heim til husa sinna, ok lagu þeir þria daga, sva at þeir mattu hvarki eta ne drekka, helldr stundu þeir avallt eða øptu. En er þeir voru at bana komnir, þá komu postolar guðs til þeira ok mælltu:
30 „Eigi þiggr guð nauðga þionostu⁸, af þvi risit nu upp heilir, ok verit nu sialfraðir at snuaz til [guðs fra illu⁹ ok fra myrkri til lioss.“ En þeir voru þrair a villu sina ok flyðu sva þessa guðs postola, sem þeir flyðu Matheum, ok blotuðu skurðgoð ok foru um oll heroð Persalandz ok rögðu postola guðs ok mælltu sva: „Koma
35 munu ovinir goða varra¹⁰; en ef þer vilit hafa hylli goðanna, þá neyði þer þá til blota, en banit þeim, ef þeir vilia eigi blota.“ Þeir blotuðu sialfir i öllum hofum, ok gerðu menn blinda, [daufa

1 eptu B. 2 [nu, ef þit B. 3 þit B. 4 [tilf. B. 5 [Heyrit þat, sem af yckr B. 6 mæliir B. 7 hana B. 8 þionostumenn B. 9 [guðs fra villu B. 9 saal. B; yðarra A.

ok dumba¹ eða lama af gölldrum sinum, en síðan letu þeir þa [sia ok heyra ok mæla ok² ganga.

5. En postolarnir dvölduz i Babilon ok gerðu margar iartegnrir ok storar, gafu sion³ blindum, en heyrn dauðum, ok raku diöfla fra oðum mönnum. Þeir höfðu ok lærisveina marga ok vigðu þa til presta ok diakna, ok letu þeir gera kirkiur margar. En einn diakn þeira varð fyrir lygi þeiri, at ein auðigs mannz dottir kendi honum barn, en hann het Eufrosinus. En frændr konunnar toku hann ok leiddu til draps ok kvaðu hann sekan vera. Þa komu postolarnir þangat ok mælltu: „Hvenær var barn þat alit?“ Frændr konunnar svöruðu: „Snemma morgins i dag.“ Guðs postolar mælltu: „Leiðit [hingat barnit ok diaknann, er þer rögðut⁴.“ En er þat var gert, þa mælltu postolarnir við barnit: „I nafni drottins vars Jesu Kristz, mæl þu ok seg, ef diakn sa gerði þessa synd.“ En barnit svaraði ok mællti skyrt: „Sa diakni⁵ er heilagr ok hreinn ok saurgaði alldri sinn likama.“ Þa baðu frændr konunnar, at þeir spyrði, hverr faðir væri barnsins. Postolar svöruðu: „Oss byriar at biarga saklausum, en oss er eigi lofat at segia til hins seka.“ Sa atburðr gerðiz enn, at [vinr konungs⁶, sa er het Nikanor, var skotinn ör i kne, þa er hann var i orrostu, en örinn stoð fost i knenu, sva at eigi matti þaðan⁷ koma. En Simon postoli kallaði a nafn drottins Jesu Kristz, ok tok a brott örina ok for hondum um sarit, ok varð hinn⁸ heill, sva at engi orr voru fundin a honum. Þat gerðiz enn, at dyr .ii. akafliga grimm, þau er tigris heita, urðu laus or bondum ok slitu allt ok rifu, þat er [fyrir þeim varð ok⁹ þau mattu taka. Þa flyði allr lyðr til postola guðs. En þeir hetu a Jesum Krist ok buðu dyrunum, at þau sefaðiz ok fylgði þeim heim til huss með ser. En þau hlyddu boðorði postolanna ok voru i husi þeira þria daga. Þa heimtu þeir saman allan lyðinn ok mælltu: „Heyri þer, synir manna, er gervir erut eptir likneskiu guðs, ok guð hefir gefit yðr minni ok manvit, hyggi þer at dyrum þessum, er vön eru at vera grimm, en þau sefuðuz þegar, er þau heyrðu nafn Jesu Kristz. En menninir eru sva villtir, at þeir hyggia þat guð vera, er or gulli eða silfri, eða or triam eða steinum at forraði manna er gert. En þer kunnit eigi skapara yðarn, er yðr gefr regn or skyjum, en brauð af iorð, ok vin ok viðsmior af viði, en

¹ [eda dauða B. ² [heyra eða mæla eða B. ³ syn B. ⁴ [er hingat diakninn, ok sva komi barnit B. ⁵ diakn B. ⁶ [einn konungr B. ⁷ brutt B. ⁸ hann þegar B. ⁹ [tilf. B.

sannr er guð drottinn Jesus Kristr sa, er i þess nafni eru dyr þessi hogvær orðin sem sauðir, ok skulu þau vera með yðr. En oss byriar at fara viðara um heroð ok borgir ok boða kenningar guðs.“ En þa gretu allir lyðir ok baðu postolana, at þeir færi
 5 eigi a braut. En þeir dvolduz þar ein misseri síðan ok þria manaði. En a þeirri stundu skirðuz meirr en .lx. þusunda karla, en [eigi voru talin¹ konur ok börn. En konungr ok iarl ok aðrir rikismenn höfðu fyrr við tru tekit; þvíat þa er menn sa siuka fa heilsu af orðum postola, en dauða risa upp til lifs i nafni
 10 drottins Jesu Kristz, þa truðu allir guði ok fyrirletu skurðgoð sin ok gerðu kirkiur. En postolarnir vigðu byskup i Babylon, þann er Abdias het, sa hafði komit af Gyðingalandi með þeim, ok hafði hann seð drottin varn Jesum Krist. Síðan foru postolar or Babilon, ok fylgðu þeim .cc. lærisveina þeira. En þeir foru um .xii.
 15 heroð Serklandz ok um borgir þeira. En Craton lærisveinn þeira ritaði a .x. bokum þat, er þeir gördðu þa .xiiii. vetr, er þeir voru i þeim heroðum. En af² þeim .x. bokum er her ritað upphaf [hinnar fyrstu ok endir hinnar síðurstu. En þat ma³ þörf vinna þeim, er vita vilia upphaf kenninga postola guðs, eða með hverium
 20 enda þeir foru or þessum heimi til eilifra fagnaða.

6. Zaroës ok Arfaxath villumenn foru um borgir ok letuz guð vera, en þeir flyðu avallt guðs postola, ok voru i hverri borg, unz þeir urðu varir við postolana. En hvar sem postolarnir komu, þa eyddu þeir öll villuverk þeira ok syndu kenning þeira
 25 vera af diöfli. I borg þeirri er Susis heitir voru .lxx. blotbyskupa, en serhverr þeira eignaðiz mork gullz af konungi, þa er þeir heldu solarhelgi, en þat var .iiii. sinnum a [tveim misserum⁴ at upphafi vars, sumars, haustz ok vetrar. Þessa blotbyskupa eggjuðu hinir fiðlkunnigu menn i gegn postolum guðs ok mælltu: „Koma munu
 30 til yðar tveir ebreskir menn allra goða ovinir. En er þeir segia annan guð vera, þa munu þer verða ræntir öllu fe ok a braut reknir ok enskis virðir. Mæli þer [ok þa⁵ við lyðinn, at þessir menn se þegar neyddir til blota, er þeir koma i borgina. En ef þeir blota, þa hafi þer frið við þa, en ef þeir vilia eigi blota, þa
 35 munu þeir göra yðr mein ok skaða [ok dauða⁶, ef þeir lifa.“

En er postolar guðs höfðu farit um öll heroð Serklandz, þa komu þeir til hinnar miklu borgar Susan⁷, ok gistu þar lærisvein

¹ [otalit B. ² saal. B; a A. ³ [ok endir ennar fystu ok síðurstu, þott mart se annat yfir hafit, ok ma þetta B. ⁴ [.xii. manudum B. ⁵ [mgl. B.

40 ⁶ [tilf. B. ⁷ Sasan B.

sinn, er þar atti hus, en hann het Simeon Sennes. En þegar er lysa tok, þa komu þar allir blotbyskupar með otaligum lyð ok mælltu við Simeonem: „Leið ut þu ovini goða varra, ok blota með þeim sialfr, eða¹ ella munum ver brenna þik inni ok hiu þin.“ Þa voru postolarnir höndlaðir ok leiddir til solarhofs². En er þeir gengu i hofit, þa kölluðu diöflar fyrir oða menn: „Hvat sœkit þit at oss, postolar guðs lifanda? Ver brennum i tilkvamu ykkarri.“ En solar likneski stoð i einu horni hofsins, þat var i austri, en likneskit var i kerru, ok hestar fyrir, en þat var allt or gulli gort. En i öðru horni hofsins var tungl af silfri, þat var ok i kerru, oc oxn³ fyrir or silfri. Þa þustu blotbyskupar at postolum guðs ok villdu neyða þa til blota, en þeir Zaroos ok Arfaxath eggiðu lyðinn a hendr þeim. Þa mællti Judas við Simonem: „Simon broðir, se ek drottin minn Jesum Kristum, ok kallar hann okkr nu.“ Simon svaraði: „Lengi hefi ek seð hann nu meðal engla.“ En er þeir mælltu þetta með ser at ebresku mali, þa vitraðiz þeim engill guðs ok mællti: „Verit nu⁴ styrkir ok staðfastir, ok kiosit annattveggia, at þit gangit ut or hofinu, ok mun hofit⁵ falla a ovini ykkra, eða þit munut her vera pindir ok koma með sigri til guðs.“ En þeir svöruðu: „Þess eigum við at biðia guð, at hann leiði okkr til sinnar dyrðar, en hann miskunni þessum öllum, ok verði þat, at nökkurir snuiz til guðs af þeira liði.“ Þessa vitran mattu postolarnir einir heyra ok sia.

Þa⁶ kölluðu blotmenn at þeim, at þeir skyldi luta likneskinu bæði solar ok tungls. Postolar guðs svöruðu: [Gefi þer⁷ hlioð, at ver megin mæla, sva at menn heyri.“ En er hlioð varð, mælltu postolarnir: „Heyri þer allir ok seð! Þat vitum ver allir, at sol ok tungl þiona boðorði skapara sins, ok eru þau a himni. En þat er þeim meingörð en eigi vegr, er þau eru byrgð i husum⁸ inni, þar er öll þioð veit, at þau eru a himni ok lysa allan heim. En þessi likneski eru full af [diöflum en eigi af solu ne af tungli, af því munum við bioða⁹ diöflum þeim er yðr svikia, at þeir gangi ut or likneskium þessum ok brioti þau.“ Þa mællti Simon við solar likneski, en Judas við tungl(s)¹⁰: „Þu hinn versti andi, er tælldir þenna lyð, gakk þu ut or likneski þessu¹¹ ok briot þat, ok sva kerru þess.“ En er þeir hófðu þetta mællt, þa sa allr lyðr tva hræðiliga blamenn hrafni svartari ganga ut or likneskiunum, ok yldu þeir grimmri röddu ok brutu skurðgoðin. Þa drifu blotmenn

¹ mgl. B. ² saal. B; hofs A. ³ yxn B. ⁴ þit B. ⁵ þat B. ⁶ Eptir þetta B. ⁷ [Gefit er B. ⁸ hofum B. ⁹ [mgl. B. ¹⁰ hitt B. ¹¹ þvisa B. ⁴⁰

at postolum guðs ok vagu þa, ok foru þeir fagnandi¹ til guðs. Þa var ok höggvinn með þeim Simeon Sennes lærisveinn þeira, þvíat hann villdi eigi blota. En a hinum sama degi, þa er aðr var skafheið, þa flugu elldingar, ok rifnaði hofit i þrim stöðum or
 5 ræfri ofan ok allt til hins neðsta syllustokks. En þeir Zaroes ok Arfaxath urðu drepnir elldingu ok do hinum versta dauða. En er þrir manaðir gengu² þaðan, þa sendi Serxes konungr eptir öllum blotbyskupum ok kennimönnum, ok braut þa til kristni, er hann matti, en hann let hina kvelia til bana, er eigi villdu³ tru taka.
 10 Konungrinn let ok fœra likami postolanna til borgar sinnar með miklum veg, ok let þar gora kirkiu til dyrðar⁴ þeim ok skrin or silfri at likomum þeira. [En su kirkia var .liii. vetr i giðrð, en er hon var algor, var hon vigð at iamlengðardegi pislar þeira⁵. I þeim stað megu geta at⁶ guði⁷ goðgerninga þeir, er þangat koma ok
 15 trua rett a einn guð föður ok a eingetinn son hans drottin varn Jesum Kristum ok a helgan anda, huggara anda varra, [nu ok ey ok of odauðligar⁸ alldir allda. Amen.

F r a g m e n t.

20 *vigðo byskup i Babilone þann er Abdias het, sa hafði komit af Gyðingalande með þæim, ok hafði hann seeð drottin varn Jesum Krist. Siðan foro postolar or Babilone, ok fylgðu þæim .cc. lærisvæina þeira. En þær foro of .xii. heroð Serklanndz ok of borgir þeira. En Craton lærisveinn þeira ræit a .x. bokum þat er þær
 25 gôrðo þa .xiii. vætr, er þær voro i þæim heroðum. En a þæim .x. bokum er her ritið uphaf hinnar fyrsto ok endir hinnar siðorstu. En þat ma þörf vinna þæim, er vita vilea upphaf kenninga postola guðs, eða hverium enda þær foro or þessom hæimi til æilifra fagnaða. Zaroes ok Arfaxath villomenn foro of borgir ok
 30 letoz guð vera, en þær flyðu avallt guðs postola, ok voro i hverri borg, unnz þær urðo varir við postolana. En hvar sem postolannir(!) komo, þa eyddo þær öll yilloverk þeira ok syndo kenning þeira vera af

1 með fagnaði B. 2 liðu B. 3 við tilf. B. 4 sæmdar B. 5 [mgl'

B. 6 af B. 7 marga tilf. B. 8 [honum se lof ok dyrð ok vegr i

35 þrenningu um B. * Jvf. ovenfor S. 787¹¹.

diöfle. I borg þæiri er Susis hæiter voro .lxx. blotbyskupa. En
 serhverr þæira æignaðiz mork gullz af konungi, þa er þæir heldo
 solarhelgi. En þat var .iiii. sinnum a tvæim misserum, at uphafi
 varss, sumars, haustz ok vætrar. Þessa blotbyskupa eggjoðu hinir
 fiðlkungo menn i gegn postolum guðs ok mællto: „Koma muno 5
 til yðar tveir ebreskir menn allra goða ovinir. En er þæir segia
 annan guð vera, þa muno þer verða rønter ðllo fe ok a braut
 rekner ok enskis virðir. Mæli þer ok þa við lyðinn, at þessir
 menn se þegar næyddir til blota, er þæir koma i borgina. En ef
 þæir blota, þa hafe þer frið við þa. En ef þæir vilia ægi 10
 blota, þa muno þæir göra yðr mæin ok skaða, ef þæir lifa.“
 En er postolar guðs hófðu farið of ðll heroð Serklannz, þa komo
 þæir til hinnar miklo borgar Susan, ok gisto þar læirisvæin(!) sinn,
 er þar atte hus, en hann het Simeon sennes. Enn þegar er lysa
 tok, þa komo þar allir blotbyskupar með otaligum lyð ok mællto 15
 við Simeonem: „Læið ut þu ovine goða varra ok blota með þæim
 sialfr, eða ella munum ver brenna þik inne ok hiu þin.“ Þa voro
 postolarnir höndlaðir ok læiddir til hofs. Enn er þæir gengo i
 hofit, þa kolloðu diöflar fyr oða menn: „Hvat sœkit ið at oss,
 postolar guðs lifanda? Ver brennum i tilkvámo ykkarre.“ En solar 20
 likneske stoð i æino horne hofsens, þat var i austri, en likneskit
 var i kerro, ok hestar fyrer. En þat var allt or gulle gort. En i
 ððro horne hofsins var tungl af silfre, þat var ok i kerro, ok oxn
 fyrer ur silfre. Þa þustu blotbyskupar at postolum guðs ok vildo
 næyða þa til blota. En þæir Zaroës ok Arfaxath eggjoðu lyðinn 25
 a hendr þæim. Þa mællte Judas við Simonem: „Simon broðir,
 se ek drottin minn Jesum Kristum, ok kallar hann okr nu.“ Simon
 svaraði: „Lengi hefi ek seð hann nu a meðal engla.“ En er þæir
 mællto þetta með ser at ebresko male, þa vitraðiz þæim engill
 guðs ok mællte: „Verit it styrkir ok staðfastir ok kiosit annat 30
 tveggia, at it gangit ut or hofino, ok mon hofit falla a ovine ykkra,
 eða it munuð her vera pindir ok koma með sigri til guðs.“ En
 þæir svaroðu: „Þess æigum við at biðia guð, at hann læiða(!)
 okr til sinnar dyrðar, en hann miskunne þessum ðllum, ok verðe
 þat, at nøkkurir snuiz til guðs af þæira liðe.“ Þessa vitron mattu 35
 postolarnir æinir hæyra ok sia. Þa kolloðu blotmenn at þæim,
 at þæir skylldu luta likneskino bæði solar ok tungls. Postolar
 guðs svoroðu: „Gefi þer hlioð, at ver megim mæla, sva at menn
 hæyre.“ En er hlioð varð, mællto postolarnir: „Hæyri þer allir ok
 seeð! Þat vitum ver allir, at sol ok tungl þionar(!) boðorði skapara 40

sins, ok ero þau a himne. En þat ær þæim mæingörð en æigi vegr, er þau ero byrgð i husum inne, þar er óll þioð væit, at þau ero a himne ok lysa alla(n) hæim. En þessi likneske ero full af diöflum, en æigi af solo ne af tungle, af því munum við bioða
5 diöflum þæim, er yðr svikia, at þæir gange ut or likneskium þessum ok briote þau.“ Þa mællte Simon við solar likneski, en Judas við tungl: „Þu hinn vesti anðe, er tælldir þenna lyð! gak þu ut or likneski þesso ok briot þat, ok sva kerro þess.“ En er þæir hófðu þetta mællt, þa sa allr lyðr tva hræðilega blamenn
10 hrafne svartare ganga ut or likneskionum, ok yllo þæir grimmre rodðo ok bruto skurðgoðin. Þa drifo blotmenn at postolum guðs ok vago þa, ok foro þæir fagnendr til guðs. Þa var ok höggvinn með þæim Simeon sennes lærisvæinn þæira, því at hann villde æigi blota. En a hinum sama degi, þa er aðr var skafhæið, þa
15 flugo elldingar, ok rifnaði hofit i þrim stöðum or røfri ofan ok allt til hins næðsta syllustoks. En þæir Zaroes ok Arfaxath urðo drepnr eldingo ok do hinum versta dauða. En ær þrir manaðir gengo þaðan, þa sendi Serxes konungr eptir öllum blotbyskupum ok kennimonnum ok braut þa til kristne, er hann matte, en hann
20 let hina kvælia til bana, er æigi villdo tru taka. Konungrenn let ok föra likama postolanna til borgar sinnar með miklum veg, ok let þar gora kirkio til dyrðar þæira ok skrin or silfre at likomum þæira. En er(!) su kirkia var .iiii. vetr i giörð, en er(!) hon var algor ok vigð at iamlængðar degi pislar þæira. I þæim stað mego
25 geta at guðe goðgerninga þæir, er þangat komo(!) ok trua rett a æinn guð föður ok a æingetinn son hans drottin varn Jesum Kristum ok a helgan anda, huggara anda varra, nu ok ey ok of odauðlegar alldir allda. Amen.

II.

Passio apostolorum Simonis et Jude.

1. Ver holldum i dag hatið hinum helgum postolom Simone
30 oc Juda, er þessi sigrfarardagr þeirra af þessum heimi til eilífs fagnaðar. Sva segir enn helgi Jeronimus prestr, at þeir havi verit systrungar drottins oc brøpr Jacobi, er um varit a dag með Philippo, oc havi Maria verit mopið þeirra, dottir Cleophe oc systir
35 Marie drotningar. En eigi hofum ver set a bocum ritað, með

hverium atburð þeir comu til fylgþar oc foruneytis með drotne varum, en með honum varo þeir allar stundir til hans piningar. En eptir upstigning drottins for Simon a Egiptaland ok kendi þar kenningar þa fyrst. En Judas, er Taddeus er callaðr, for i Mesopotamiam oc boðaði þar guðs nafn, unz guþ vitraði, a hvert 5 land hverr þeirra postolanna scylldi fara kenningar at kenna, oc com þeirra lutr up at fara til Serclandz guðs nafn at boða. Þar varo firir tveir fiolkungir menn Zaroos oc Arphaxat, er flyit hófu af Blalandi firir Matheo guðspiallamanne, oc gerðu þeir þar allz-cyns s[caða] oc framþu margskyns fiolkyngi. Sogðu þeir sva, at 10 þar myndu coma ovinir goða varra, oc mono þeir firirlita oll goð oc briota hofin oc brenna, þeir mono eyða ollum logum oc [siþum] þeim er þar hófu veret. En i þann tima er postolarnir comu til Serclandz, reð firir Babilonar rike konungr sa er Serkr het. Oc er þeir sottu at borginni postolarnir, þa for i moti þeim með 15 miklu liði iarl, sa er het Varardag, hann [atti] landvarner firir konunginn, er Indialandz menn gengu a hans riki. I for varo með iarlinum fiolþi blotmanna með scurðgoðum, þar varo fiolkungir menn oc gallDRAMENN. [En þat varð] a þeim degi, er postolarnir qvomo þar, at þeir fengu engi svor af scurþguþom, sem vanði var 20 til, oc ruðu þeir þo iafnvel stallana bloði sinu, oc var þa eigi nærr en aðr. Foro þeir þa til nalægrar borgar oc blotuðu þar oc frettu eptir, hvi guþ þeirra varo mallaus. Diofullinn toc at belia i scurþgoðinu oc mællti: „Guþ þau, er með yþr ero i for til orrostu, megu yþr engi svor veita, þviat þar ero postolar guþs, oc heitir 25 annarr Simon, en annarr Judas. Þeir hafa sva mikla crapta, at engi guð þora at mæla, ef þeir eru við staddir.“ Varardag let at leita postolonum oc spurði þa at ætt, þa hverir þeir væri, eða firir hvi þeir kæmi þar. Simon svaraði: „Ef þu spyrr at ætt varri, þa erom ver ebreskir at ætt; en ef þu spyrr at tegund 30 varri, þa erom við þrælar Jesus Cristz; en ef þu spyrr, firir hvi við erom her comnir, þa comum við at kenna yþr hialparstig til himinrikis fagnaðar oc at firirlata scurþgoða blot, oc at þer kannisc við guð, þann er i hinnum er.“ Varardag mællti: „Ec scal nu fara 35 riki com til þessar með hvers fultingi van er, at þu megir sigrinn fa eða elligar frið gera.“ Varardag mællti: „Þat heyri ec mællt, at engi guþ þori at mæla, sva at þer seþ við staddir. Nu segi þer oss fyrir 40

uorðna luti, sem þau ero van, hversu bardagi mun ganga.“ Simon postole mællti: „At þu vitir þat villu vera, er þau sægja, þa monum ver geva leyvi til, at guðin svaræ eptir sinum vanða, at þer megit þa reyna þeirra fals oc lygi.“ Jarlinn svaraði: „Sælir veri
 5 ver, ef þau mællti.“ Postolarnir mællto: „Bið þu litla rið, oc munum ver biðja dioflum þessum at mæla.“ Þa mællto postolarnir: „I nafni drottins vars Jesus Cristz biðum ver yðr at svara eptir venio.“ Þa tocu guðin at mæla, oc sogðu orrostu micla fyrir hondum vera oc mikit mannfall i hvarntveggja flokk. Þa
 10 tocu postolarnir at læia. En iarlinn mællti: „Ec em ottafullr, en þit læit.“ Postolarnir mællto: Lati af ræzla, því at friðr fylgir varri hingatcomu. Send þu menn þina til motz við Indiamenn, en a morgin muno þeir aptr coma at dagmalum, oc með þeim sendimenn Indiamanna með friðboðum oc scattgildum, framarr en
 15 fyrr havi verit, oc aptr giallda alla yðra eign.“ Þa tocu blotmenn at læia oc mællto: „Heyr þu, iarl, sogðu þeir, tru þu ecki þessum hegomamonnum lygnum oc lastauðgum, utlendum oc ukunnum, mæla þeir af því slica luti helldr en þegja, at þeir se eigi halldnir sem niosnarmenn. En þessi guð, er alldrigi liuga, baðu þic vera
 20 varan oc ahyggiosaman, en þeir biðja þic vera uvaran oc oruggan.“ Simun mællti: „Vist erom ver utlendir oc ukunnir oc umerkilegir, en eigi mælum við, at biðja scyli manuð, helldr seggiom(!) vit, at einn dag scal biða, oc a morgon scal ockor saga vituð vera.“ Þa tocu blotgoðarnir at æþasc allir oc mællto: „Guð var, er skina
 25 oll i gulli oc gimsteinum, prydd gullofnum clæpum oc i allri Babilonar dyrð, gavo þer svær af sinum guðdomi, oc scal þau nu lygi vena, en trua stafkorlum þessum, er eigi hava clæpi a ser, oc ero utlendir oc ar(!) engo mannum sinna, oc bera þeir andvitni guðunom.“ Varardag iarl mællti: „Þat syniz mer mikils vert,
 30 þar er þeir ero utlendir oc eigi fatpruðir, er þeir mela af sva miclu trausti oc staffesti þat, er andvitni er goðunom.“ Blotmenninir mællto: „Lat þu þa varðveita, iarl, at eigi flyi þeir.“ Jarlinn svaraði: „Eigi at eins man ec þa varðveita lata, helldr scal alla yðr varðveita til morgons, at þa taki þeir virþing, er
 35 þess þyckia verþir, en þeir taki viti, er til þess gera.“

2. En um morgoninn eptir ner dagmalum como aptr sendimenn Indiamanna með allum þeim boðum, er postolarnir höfðu sagt. Þa varð iarlinn reiðr acafliga, oc let þa kynda bal mikit oc bað þar a casta blotbiscopunum þeim allum, er postolana höfðu rægða.
 40 En postolarnir fellu til fota iarlinum oc mællto: „Við biðiom yðr,

herra, at eigi se þeirra glotun firir varar sacar, því at ver erom til þess settir at lifga dauða, en eigi til þess at deyða þa er aðr liva.“ Oc er þeir lagu firir fotum iarlinom oc iosu dusti yvir havuþ ser, þa mællti iarlinn: „Undrumc ec yþr, er þer biþit þeim friþar, en þe(i)r baro fe undir alla hofþingia, til þess at yþr scylldi kvikva i elldi brenna.“ Postolarnir mællto: „Þat er kenning vars meistara, at eigi at eins scal goþu gott launa, helldr scal oc goþu illt launa; scolum ver þa elsca, er oss hata, oc þeim vel gera, er oss ero meinsamir, oc biðia firir þeim, er oss gera ufriþ.“ Iarlinn mællti: „Ef þer vilið þeim lif geva, þa taki þer alla eign þeirra oc virþingar.“ 10 Var þa siþan eptir leitast um þeirra eign, oc var þat ugrynni fiar.

Let hann þa saman safna allri þeirra eign, oc for siþan með postolana a konungs fund oc mællti: „Hlyð þu, konungr, minu mali. Þessir, er menn synasc, ero guþ oc leynasc i manna licneskiom; guþin oll ero rædd við þa oc þorþu ecki at mæla, fyrr en þeir 15 leyfþu. En þa er þeir leyfþu þeim malit, þa lugu þau allt, en þessir sogþu allt, sem eptir geck. Blotmenn kolluþu þa utlenda oc ukunna oc storum uvirþilega, en liclega til niosnarmanna. En ec let þa varþveita hvaratveggia til raunar. Oc þa er allir lutir gengu eptir þeirra fyrirsogn, þa villda ec drepa blotmennina, en þessir 20 baþu þeim friþar. Nu hevi ec saman safnat auþ þeim, er þeir hava att, oc villda ec, at þessir tœki þat allt undir sic, en þeir segia sic ecki iarþlegt eignasc vilia, kalla þeir sina eign alla a himnum vera, segia þeir þar vera eilift lif, oc vilia firir því hvarki eiga gull ne silfr, eþa dyrleg clæþi, hus ne garþa, þorp eþa þiona, 25 calla þeir þat allt iarþlegt oc mega ecki fylgia manni, er hann lifr heþan or heimi. En ef menn vilia fiarins niota annars heims, þa [bi]þia þeir geva feit fatœkiom monnum, lomum eða holltum, blindum eþa daufum, eckiom oc utlendum oc fopurlausum.“

3. V[ið þe]ssa frasogn varo staddir hinir fiolkungo menn 30 Zaroos oc Arphaxath, er þa varo með konungi, oc tocu þeir sva til orþz: „Ver vitum deilld a þessum monnum, oc ero þeir illgiarnir oc uvinir goþanna, vilia þeir við var(!) einar veniær(!) samþyckiasc. Nu lattu, konungr, þessa menn eigi coma yþr i augsyn, nema þeir bloti.“ Varardag mællti: „Hafi þer malstefnur yþar i milli, oc set, 35 hvarir þar sigraz a aprom.“ Þeir mællto: „Bloti þeir sem ver, oc munum ver þa samþingt hava.“ Konungrinn mællti: „Hvat scolu þer nu nema þreyta yþar i milli?“ Hinir fiolkungo menn svoroþo: „Eigi vilium vit reyna ocrar iþrottir a sva herviligum monnum. Bioð þu hinum mestum þinum spekingum at reyna við ocr malspeþ, 40

oc ef þeir þora eigi við oss, eða mega þeir eigi, þá þurvo þeir eigi, er minna ero verðir, við okkr at þreyta.“ Þá varo spekingar þangat callaðir, þeir er mestir varo. Oc er þeir como i hollina, þá toc fra þeim malit. Oc er sva hafði gengit eina tíð dags, þá mællto hinir fiolkungu menn: „At þu vitir oss, konungr, af goða tolu vera, þá muno vit nu leyva þeim at mela, en nu scolu þeir eigi ganga mega.“ Oc þá varð sva. Oc er sva geck um stund, þá mællto þeir enn: „Nu scolo þeir ganga mega en sia ecki at opnum augum.“ Oc þá varð sva. Þá ottapisc hiarta konungsins
 10 oc iarl[sins], at þeir yrði fyrir slicum vabœlum oc var þá slitit þeirri stefnu, oc hafði hon verit allt til miðsdags fra morni. En spekingar foro heim til husa sinna með hrygg oc svivirðingo.

4. Jarlinn for a fund postolanna oc sagði þeim til svabuins. En þeir svoröþo: „Til þess at þu vitir, at okkr skelva ecki þeirra brogð, þá kalla þu hingat spekingana, oc munum við læggja hendr i havuð þeim, oc ef þeir gera þeim þá þvilict, þá þarpt þu ecki oss at trua.“ Jarlinn for þá a fund spekinganna oc mællti: „Harma ec þat miok, er yðr hendi sva mikil scomm i konungs holl. En ec hefi þá menn a minum varnaði, er yðr megu sva styrkia, at þessir menn munu ecki granda yðr ne til meins gera.“ Oc er
 20 þeir heyrðu þessi orð, þá fellu þeir til fota iarlenum oc baðu, at hann fyllði þat i verki, er hann het þeim i orði. Síðan leiddi hann þá fyrir postolana. Oc er þeir sa þá i hervilegum buninge, þá firirlitu þeir postolana i hug ser, oc syndisk(!) þeim þeir
 25 utigulegir.

Þá toc Simon til orða oc mællti sva: „Þat kann opt verða, sagði hann, at i trekistlum ero varðveittir hinir virðilegstu lutir, en i gullegum kistlum þat, er ængu er nytt. Enn er þat oc stundum, at eitru er byrlat gullkerum, en hitt er alsíða, at byrla
 30 hið bezta vinu or trekerum, oc meta þo flestir dryckinn, en hitt minna, hvar or er byrlat. Man oc uscaplect þykia, ef sa tecr þock oc laun, er giofina [þiggr], en sa eigi, er gefr. Eigi scolu þeir firirlita oss, þo at ver seem i felitlum clæpum, þat ma leynaz undir þessum buninge, er yðr taki undan svivirðingo en comi yðr
 35 til hialpar. Ver eigum allir einn föður oc eina móður, oc a engi varr at firirlita annan, allir varum ver til sælu scapaðir fyrir andverðu oc sættir i lífs herað. En hinn fyrsti maðr misgerði eptir teygingo ofundarengils, oc var hann þá brot rekinn or lífs heraði oc hingat i nauð þessar veralldar, en sa hinn sami fianda arr oc
 40 ofundarengill eflir þessa hina fiolkungu menn, er nu hava mioc

yðr a sporði staðit. Oc at þer reynit þetta með sannu vera, sem ver segiom, þa heitiz þer guði en neitið scurðguðum oc rongum atrunaði, en ver monum gera crossmarc i ennum yðr. En ef þeir gera yðr þa þvilic sercæc sem fyrr, þa er ecki oss at treystasc.“

Þa fellu spekingarnir til fota postolonum oc mællto: „Ef ver 5
freisumc undan valldi þessa hinna vandu manna, þa comi guðs reiði yvir oss, ef ver hofnum þa eigi allum blotum.“ Þa báðu postolarnir til guðs oc mællto: „Þu almattigr guð, er eyddir a Egiptalandi villu oc folkyngi þeirra Jafnes oc Mambres, oc gaft þa i skemd oc næisu, lat þu sva coma ond þina yfir þessa hina 10
fiolkungo menn Zaroes oc Arphaxat, en ger nu þessa menn styrkia oc staðfasta, er heita nu til þin at snuasc oc fra scurðgoða blotæ, at allir megí þat vita, at þu ert einn guð almattigr, er livir um allar alldir allda.“ Oc er cristnir menn sogðu amen, þa gerðu þeir crossmarc i enni serhvers þeirra. 15

Oc gengu þeir síðan eptir þat inn i konungs holl, oc iarlinn með þeim. En er hinir fiolkungu menn sa þa inn ganga, þa villdi(!) þeir eun gera sem fyrr, taca fra þeim syn eða heyrn eða gongu, oc mattu þa ecki at gera. Þa toc einn þeirra til orða spekinganna, sa het Zebedeus, oc mællti: „Hlyð mer, konungr, sagði hann, rec 20
þu a brot or þinni hirð þessa hina vandu menn, at eigi spilli þeir lengr firir þer eða þinum monnum; þeim fylgir ovundarengill svikari allz mannkyns, oc svikr sva mennina oc meiðir licama, til þess er þeir taca valld a andunum. En postolar guðs ero her, þeir er nu kenna tru retta til guðs oc hava allt valld i moti 25
þessum uðaðamonnum, hava þeir nu gert með fingri sinum crossmarc i ænnum varum, oc gombrum ver nu yvir þeim, er ver varum aðr yvirstignir af oc firirlagþir.“ Risu þeir þa up síðan allir spekingarnir oc gerðu scoll miela at þeim oc eggioðu þa a hendr ser, at þeir scylldu þa gera sem fyrr, ef þeir mætti. Þa reiddusc 30
þeir hinir fiolkungu menn, er þeir mattu ecki at þeim gera, oc vocðu up fiolþa hoggorma. Þa melto allir, þeir er [þar varo] staddir, at þangat scylldi kalla postola guðs, oc var sva gert. Oc er þeir como þar, þa sofnuðu þeir saman allum ormunom i motla sina, oc gengu síðan at hinum fiolkungum monnum oc costuðu a 35
þa ormunom, oc mællto: „I nafni drottins Jesu Cristz sculo þer eigi veita þeim bana, helldr scolu þer særa holld þeirra oc blasa eitri þa tocu ormarnir at slita lata þa deyia sem 40

. deypa þa, er aðr liva,
 helldr at lifga þa er aðr ero dauðir.“ Þeir lagðusc þa til böenar
 [postolarnir, oc eptir þat mællto þeir] við ormana: „Hverfit a brot
 i nafni Jesus Cristz til staða yðarra, oc havit með yðr eittr þat
 5 allt, er Ormarnir gerþo, sem þeim var boðit, drogu
 at ser eitrit, oc höfðu þeir af því síðan hurvu
 þeir a brot. Síðan mællto postolarnir við þa hina fiolkungo menn:
 „Lyðit þer, hinir umilldu menn. Þat er [sagt i heilagri ritningu,
 at sa er] byr grofna fyrir nangi sinum, man sialfr i hana falla;
 10 þer biogguð [ocr] dauðann, [en þer] myndut dauða liota, ef eigi
 skylldug deya
 liggia i þessum sarum þria daga,
 at þer megit iðran gera fyrir yðra villu.“ Varo þeir þa
 herbergia, oc lagu þeir sva þria daga, at þeir
 15 sofnuþo eigi oc [eigi a]tu þeir ne drucku, en þeir stun[du] avallt
 i sífellu. Eptir þat comu postolarnir til þeirra oc mællto: „Eigi
 vill guð þiggia nauþgar þionostur; [risit af] því up nu heilir, oc
 takit frelsi at snuasc fra illu oc til góps, fra myrcrí til lioss.“
 Þeir [stoðu up] heilir oc varo staðfastir i sinni illzcu. Þeir foro
 20 þa i brot sem myndi koma
 uvinir guða þeirra

MATHEUS SAGA POSTOLA

I.

1. Tveir fiolkungir menn voru a Blalandi, Zaroos ok Arfaxath,
 25 i borg þeiri, er het Naddaber; en þar reð konungr fyrir, er Eglippus
 het. Þessir fiolkungir menn villtu [alla þjóðr ok sogðuz guð vera.
 Konungrinn truði þeim ok allr borgarlyðr, ok urðu þeir agætir um
 allt Blaland, ok komu menn víða or heroðum at gófga þa. En
 þeir namu sion eða göngu fra monnum, ok kvöldu menn i sottum,
 30 meðan þeir villdu; þeir sendu höggorma til meins monnum ok

1 [allan lyð B.

grøddu sialfir¹ sottir með gölldrum, þeim² er þeir gerðu. En fyrir því at guði er røkt a mönnum, ok vill hann öllum hialpa, þa sendi hann Matheum postola sinn ok guðspiallamann i moti þessi villu. En er hann kom þangat³, þa braut hann niðr fiðlkyngi þeira, ok gaf hann þeim monnum sion, er hinir fiðlkungu 5 [gerðu blinda⁴, en þeim göngu, er þeir heptu. Höggorma svæfði hann, þa er þeir sendu til meins monnum, ok grøddi hann i guðs nafni mein þau oll, er af ormunum urðu.

Maðr het Candacis, sa er var gelldingr, hann varðveitti fe drottningar; þenna mann hafði Philippus postoli skirðan. En er 10 hann sa Matheum postola, þa fell hann til fota honum ok mællti: „Guð sa miskunnar augum a borg vara ok sendi þik hingat til var, at þu leystir oss [af höndum þessa .ii. fiðlkunnigra⁵ manna, er heimskir menn ætla guð vera.“ Þa leiddi hann postolann i hus sin, ok komu þar allir vinir Candacis at heyra orð guðs, ok 15 truðu allir a drottin varn Jesum Kristum, ok toku margir tru ok skirn, er þeir sa, at guðs postoli eyddi öllu illu, því er hinir fiðlkungu menn gerðu monnum. En þeir grönduðu þeim, er þeir mattu, unz⁶ hinir siuku baðu ser heilsu af þeim, ok synduz þeir þa grøða, er þeir letu af at kvelia. En Matheus grøddi eigi at 20 eins þa, er þeir kvöldu, helldr alla þa er til hans komu, [hvatki er⁷ þeim var at meini, en hann kendi þeim guðs nafn, ok undruðuz allir mælsku hans. En Candacis, er við honum hafði tekit, spurði hann ok mællti: „Segðu mer, hvi⁸ þat gegnir, er þu ebreskr maðr kant grikska⁹ tungu ok blalenzka, sva at þeir kunnu¹⁰ eigi 25 iafnvel, er þar eru fœddir.“ Matheus svaraði: „Allr heimr hafði fyrst eina tungu, [þar til¹¹ er su dirfð hofz, er menn fystuz at gera stopul, þann er til himins tœki. En þessa dirfð stoðvaði guð, sva at engi¹² matti nema, hvat annarr mællti. Þa gerðuz fleiri kyn tungna, ok eyddiz þat rað, er menn bundu¹³ saman, meðan 30 þeir hofðu eina tungu; því at eigi var af goðum vilia helldr af illri dirfð þat, er þeir villdu overðir fara til heilags staðar. En sonr guðs kom at syna þat, hversu þann stöpul skal smiða, er til himins ma uppstiga or, ok sendi hann oss lærisveinum sinum helgan anda af himnum, þa er ver satum i einum stað, ok kom hann 35 yfir hvern varn i elldligum tungum, ok lystumz ver af honum. Þa

1 sidan B. 2 þær B. 3 tilf. B. 4 [hofðu fra tekit B. 5 [fra villu enna fiðlkunnigu B. 6 þar til er B. 7 [hvat sem B. 8 hveriu B. 9 girzku B. 10 kunna B. 11 [til þess B. 12 þeira tilf. B. 13 bunduzt B.

hvarf fra oss oll hræzla, ok tokum ver at mæla a allar tungur um takn Kristz, ok hversu [guðs son¹ var borinn hingat i heim, sa er var ok er fyrir allar alldir. En hann var borinn fra meyi, uppføddr ok skirðr, pindr ok deyddr ok grafinn, ok reis upp af 5 dauða a þriðia degi, ok ste til himna, ok sitr til høgri handar guðs foður almattigs, ok mun þaðan koma at dōma allan heim með ogn elldz. En eigi er, sva sem þu ætlar, at ver lærisveinar hans kunnim þessar einar tungur, er þu nefndir nu, helldr kunnum ver allar tungur at mæla ok skilia, hvar sem ver komum; þvíat 10 nu er gorr stopull til himna eigi af steinum helldr af² krapti Kristz. Allir þeir er skiraz i nafni foður ok sonar ok anda heilags, þeim lykz upp stopull sa, er Kristr smiðaði, ok smiða þeir sialfir þann stopul, unz³ þeir stiga⁴ upp i himinriki.

2. En er postolinn hafði [þetta mællt⁵ með mikilli skynsemi, 15 þa sagði maðr, at hinir fiolkungu menn Zaroos ok Arfaxath foru þangat, ok flugu drekar með þeim. En drekarnir voru ogurligir ok blesu af nosum ser reyk ok brennusteins loga, ok fengu menn sott eða bana af þeim dauni⁶. Þa signdi Matheus postoli sik ok villdi ganga ut a moti þeim; en Candacis bannaði honum þat [ok 20 lauk aptr durum⁷ ok mællti: „Stattu við glugg, ef þu villt, ok mæl þaðan við þa.“ Matheus svaraði: „Luk upp þu durum, ok statt sialfr við glugginn ok sia dirfð þeira.“ Þa lauk postolinn upp durum ok gekk ut, þa er hinir fiolkungu menn voru komnir, ok flugu drekarnir [yfir þeim. En þegar er Matheus postoli kom 25 ut, þa fellu drekarnir⁸ niðr a iorð ok sofnuðu⁹. Matheus mællti við hina fiolkungu menn: „Hvar er nu vel yður? Veki þit nu ormana, ef þit megit. En ef ek bæða drottin minn Jesum Krist, þa mætta ek senda aptr til ykkar þat mein, er þit efldut a moti mer. En þa er saman kemr allr lyðr, sa er eigi þorir nu hingat 30 at ganga, þa mun ek vekia ormana ok bioða þeim heðan at fara til sinna staða hofsamliga.“ En þeir leituðu við með fiolkyngi sinni at vekia drekana, ok mattu þeir eigi upp hefia augu sin, ne vakna ne hrøraz. Þa mællti lyðrinn við Matheum: „Ver biðium þik, at þu leysir þenna borgarlyð fra dyrum þessum.“ Matheus svar- 35 aði: „Eigi skulu þer hræðaz, ek mun þeim a braut visa, sva at eigi skal mein at þeim verða.“ Þa leit hann til drekanna ok mællti: „I nafni drottins mins Jesus Kristz, þess er getinn er af anda helgum ok borinn fra meyi ok selldr Gyðingum af Juda

1 [gud B. 2 með B. 3 þar til er B. 4 þaðan tilf. B. 5 [slika

40 hluti sagða B. 6 hnyc B. 7 [tilf. B. 8 [mgl. B. 9 þeir þar tilf. B.

lærisveini sínum; en þeir krossfestu hann ok¹ grofu, en hann reis upp af dauða a þriðia degi, ok var með oss .xl.² daga ok minti oss a hin somu orð, sem hann hafði oss kent fyrir þísl sína; en síðan ste hann til himna, sva at ver sam, ok sitr³ til høgri handar [föður sins⁴, ok mun hann⁵ þaðan koma at dōma um kvika ok um dauða; 5 i hans nafni ok krapti sōri ek þik, andi, sa er fyrir öllum ornum ræðr, at þu vekir flugdreka þessa, ok latir þa fara hofsamliga til sins staðar, sva at þeir geri ekki grand monnum ne fuglum ne⁶ dyrum.“ Þa hófu drekarnir upp hófuð sín ok foru ut i borgarhlíð, ok urðu allðri senir síðan. En Matheus mællti við allan lýð: 10 „Heyri þer, bróðr⁷ ok synir, ok allir þeir, er leysa vilja andir sínar fra hinum forna dreka, þat er fra díofli! Fyrir heilsu yðra sendi guð mik hingat, at þer fyrirletið⁸ villu skurðgoða en truit skapara yðrum. Guð skapaði hinn fyrsta mann ok setti hann i paradis*. En af⁹ því var illum engli ofund, er hann sa guðs 15 líkneski vera i manninum, ok maðrinn matti vera i lífs heraði, þar er oll kvikendi þionuðu¹⁰ honum. Þa tok sa engill ofund af ser sialfum ok mællti fyrir hoggorminn við konu hins fyrsta mannz, at þau æti¹¹ epli bannaðs tres; en þa sveik konan karlmanninn. En er þau hófðu bæði misgert, þa voru þau a braut rekin or 20 [lífs heraði¹² hingat i dauða herað, en sialfr finnandi syndar varð fundinn i hoggorminum, ok var hann bolvaðr. En sonr guðs tok mannz líkam a sik, sa er með feðr ok helgum anda hafði skapat manninn, ok fyrirlet hann eigi guðdom sinn, þa er hann tok manndom, ok var hann borinn guð ok maðr fra meyi. En sia 25 mæR ok móðir varð kviðug af helgum anda, þa er hon heyrði orð or engils munni ok truði því. En trua hennar samtengðiz við anda helgan, því at hann elskaði þessa osaugaða mey, ok fann líkam hennar hreinan ok ond hennar hreina ok tru ospillta; ok gerðiz guð maðr i kviði hennar. Sem Salomon mællti ok sagði 30 fyrir, at guðs speki gerði ser hus. En sia maðr Jesus Krístr bœtti yfir misverk¹³ þess, er yfir varð stiginn af díofli ok braut rekinn or paradisu hingat i heim. En hinn fyrsti maðr var or iorðu gorr, ok var iorðin mæR, meðan hon var osauguð ok eigi spillt af syndum ne af uthellingu bloðs. Af því var þat rett, at sa var 35

1 deyddu ok tilf. B. 2 fíora tigi B. 3 hann tilf. B. 4 [guðs föðr B. 5 mgl. B. 6 eða B. 7 ok systr tilf. B. 8 firirlitid B. * B indskyder her en Skildring af Paradis, som den findes nedenfor i de andre Recensioner. 9 aa B. 10 þionadi B. 11 af tilf. B. 12 [paradis B. 13 misverka B.

fra meyiú borinn, er bœtti yfir verk meyiá sonar¹, ok hann stigi fastandi yfir þann, er sigr vann a þeim, er þat at, er [guð bannaði². Jesus Krístr ste yfir velar fiandans ok yfir dauðann deyiandi, ok lauk upp himnesku³ paradís i upprísu sinni fyrir onðum allra heilagra, þa er þeir⁴ fara or líkomum sínum, sva at allir megu nu þangat komaz an ífa, þeir er Krísti þíona.“

3. En er postolinn hafði þetta mællt við lyðinn, þa gekk hann inn i borgina. En þar var gratr mikill ok ogleði, þvíat sonr konungs var þa dauðr. En þeir Zaroos ok Arfaxath stoðu hia
10 [líki hans⁵ ok hugðuz mundu reisa hann af dauða. En er þeir mattu þat eigi gera, þa toldu þeir þat fyrir konungi, at hann væri uppnuminn ok orðinn at guði, ok gera skyllði honum hof ok líkneski ok blota hann. En Candacis gelldingr gekk fyrir drottningu ok mællti: „Seti þer i bond þessa fíolkunga menn, ok biðit,
15 at hingat komi Matheus postoli; en ef hann reisir hann upp af dauða, þa brenni þer gallDRAMENN i elldi kvíka, því at ver hlíotum allt illt af þeim i borg varri.“ Þa var Candacis sendr, ok hinir gðfgustu menn [af hirð konungs⁶ með honum, eptir postolanum. En er þeir leiddu hann með mikilli vegsemd fyrir konung, þa fell
20 Eufenora drottning til fota postolanum ok mællti: „Ek veit, at þu ert postoli sendr afguði ok þess lærisveinn, er dauðum gaf⁷ líf ok ollum síukum heilsu með orði sínu⁸. En nu kom þu at kalla a nafn hans yfir son minn dauðan, ok trúi ek, at hann mun þa lífna.“ Matheus svaraði: „Þu hefir enn eigi [heyrða kenning
25 drottins míns Jesus Krístz af munni mínum⁹, ok truir þu þegar, af því skalltu víta, at son þínn mun lífna.“ Þa hellt Matheus höndum til himins ok mællti: „Guð Abraham, guð Ysaac, guð Jacob, er sendir einka son þínn af himni til íarðar at biarga oss ok leysa af villu ok syna oss þík sannan guð. En nu minztu orða
30 drottins míns Jesus Krístz sonar þíns, er hann¹⁰ mællti: Satt segi ek yðr, hvatki er þer biðit foður i nafni mínu, þa mun hann gefa yðr. En at allar þíodír víti, at engi er guð nema þu, ok kenning munnz míns er sonn, þa rísi upp sveinn sa af dauða.“ Þa tok Matheus i hönd hínun dauða ok mællti: „I nafni Jesus Krístz
35 híns krossfesta, rís þu upp, Eufronon!“ Þa reis sveinninn upp þegar. [Þa oaðiz konungrinn, ok bað hann fœra honum¹¹ koronu

1 tilf. B.

2 [bannad var B.

3 mgl. B.

4 þær B.

5

[líkamanum B. 6 [mgl B. 7 gefr B. 8 einu B. 9 [kenning mína af drottni mínum Jesu Krísto B.

10 sva B.

11 [Énn konungrinn

40 ottadiz ok baud at fœra skyllði postolanum B.

ok purpura, ok sendi hann rennara um borgina ok um hin næstu Blalandz heroð, ok mællti: „Komi þer til borgar ok siait guð¹ i mannz liki.“ Þá kom [allr lyðr² með kertum ok reykelsi ok [með ollum vanda blota³. Þá mællti Matheus við lyðinn: „Eigi em ek guð, helldr þræll drottins mins Jesus Kristz sonar guðs⁵ lifanda, er mik sendi til yðar at kynna yðr sannan guð ok leiða yðr fra villu skurðgoða. En ef þer ætlit mik likan guði, hversu helldr skulu þer trua a þann guð, er ek em þræll hans⁴, ok reista ek i hans nafni konungs son af dauða. En þer allir, er retta skynsemi megit skilia, taki þer brott heðan gull ok silfr ok gersemar þessar¹⁰ allar, ok farit ok gerit musteri guði, ok komit þangat opt at heyra orð guðs.“

Þá komu til .lx. þusunda manna, ok gerðu kirkiu a .xxx.⁵ daga; en su kirkia var kölluð upprisa Mathei, þviat af upprisu hins dauða gerðiz⁶ kirkiugörð su. En Matheus postoli setti bysk-¹⁵ upsstol sinn at þessi kirkiu, ok reð þar fyrir .xxiii. vetr ok kristnaði margar borgir ok bói ok heroð, ok let kirkiur gera ok vigði byskupa ok presta ok kennimenn. Eglippus konungr tok skirn, ok kona hans Eufenora, ok son þeira, er af dauða var reistr, Eufronon, ok dottir þeira Ephigenia, en hon var mærla æfi. En²⁰ þeir Zaroos ok Arfaxath hinir fiðlkungu menn tveir flyðu af Blalandi, þegar er Matheus hafði konungs son reistan af dauða, ok foru til Serklandz ok Persialandz, ok gerðu þar slíkt eða verra, sem⁷ þeir hofðu gört a Blalandi, ok villtu þar margar þjóðir, unz⁸ guð sendi postola sina Simon ok Judam a mot villu þeira⁹. En²⁵ langt er at telia, hversu mörgum blindum monnum Matheus gaf sion, eða hversu marga hann grøddi siuka, eða reisti af dauða, eða hversu konungr varð kristinn ok lyðr hans allr. Þá mun ek liða yfir þat, ok segia, hversu Matheus kom til pislar¹⁰ fyrir guðs nafni.

4. Eglippus konungr beið goða elli ok for til guðs, en broður-³⁰ son hans tok velldi eptir hann, en sa het Hirtacus. En hann villdi ganga at eiga Ephigeniam dottur hins andaða konungs, er þá var Kristi helguð ok hafði þá nunnuvigslu tekit af postola guðs, ok reð þá fyrir meirr en .cc.¹¹ meylia. En Hirtacus vænti, at hann mundi þat geta at¹² postolanum, at hann sneri hugskoti¹³³⁵ meylarinnar eptir vilia hans, ok lezt gefa mundu honum helm-

¹ þann er leyniz tilf. B.

² [mikill landzherr B.

³ [audrum blota-

tilbunadi B. ⁴ tilf. B.

⁵ þrim tigum B.

⁶ hofz B.

⁷ enn B.

⁸ þar til er B. ⁹ þeiri B.

¹⁰ dyrdar fyrir pislarsigr B.

¹¹ tvenn cc.(!) B.

¹² af B.

¹³ hug B.

ing ríkis sins, ef hann gerði sva, at Ephigenia mæR villdi ganga með honum. Matheus svaraði honum: „Sva vandiz Eglippus konungr, meðan hann lifði, at hann kom hvern drottinsdag at heyra orð guðs. En þu bioð þat nu, at margr lyðr komi hinn
 5 næsta drottinsdag, ok sva Ephigenia með meyar sinar, ok muntu þa heyra, hversu marga goða hluti ek mun telia um helgan hiuskap; þvíat rett halldnir hiuskapir eru þægir guði.“ En því mali varð Hirtacus feginn ok bað [mart manna¹ koma þangat, ok sendi orð, at Ephigenia skyllði koma at heyra orð postolans, ok
 10 ætlaði hann þat, at þa mundi hugr hennar hverfa eptir þokka hans. En er lið mart var komit, þa hof Matheus upp tölu sina ok mællti:

„Heyri þer mal mitt, allir synir kristninnar, heyri þer ok skilit ok halldit i hiørtum yðrum. Guð varr helgaði hiuskapi ok lofaði
 15 likamliga ast veralldligum monnum, at maðr unni konu sinni, ok kona manni² sinum. En þat siam ver opt verða, at konur skiliaz við bøndr sina, eða menn leiðaz⁴ konur sinar; en þeir gera i gegn [þeirri ast, er guð veitti ok lofaði at hallda i likomum⁵. En hiuskapr framdr með guðhræzlu, þar er hiu⁶ fara saman at guðs
 20 lögum, sva at karlmaðrinn hefir eigi munuðlifi við aðra konu, ne kona við annan mann, þa hreinsa lög guðs hiuskapinn af synda sauri. [En su saurgan ok likams munuð ma hreinsaz fyrir olmosugøði ok miskunnarverk, ok er eigi sva þung synd, at eigi meg i hreinsaz fyrir iðranar tar. Hiuskapr hefir saurgan likams
 25 af munuðlifi, en eigi glöp. En sa er eigi helldr sik iafnt fra munuðlifi sem fra kiötati um langaföstu eða aðrar lögföstuditðir, þa hefir hann eigi at eins saurgan likams, helldr ok glöpin; ok þat er eigi synd, þott maðr matiz, helldr þat er hann mataz a föstuditðum. Sva er ok, ef nokkurr tekr fyrst likams fözlu, en siðan
 30 dirfir hann sik at taka corpus domini samdøgris, þa verðr hann hvarstveggia sekr af dirfð ok osiðsemi; ok verðr eigi af því sekr, at hann eti, helldr af því, at hann gerði i gegn guðs lögum ok rettum sið, ok át, aðr hann tøki corpus domini; þvíat verkin gera eigi manninn sekan, helldr oskynsemi ok ostilling verkanna. Mann-
 35 drap er illt, þar er saklauss maðr er veginn, ok vitum ver þo stundum manndrapit lofat vera ok rett, þa er ovinn friðarins er drepinn, eða þiofr eða vikingr. Eigi eru verk af eðli ill, helldr af

¹ [marga menn *B.* ² bonda *B.* ³ skilia *B.* ⁴ afrækiaz *B.* ⁵ [guds vilia ok ast, at guð veitti ok lofaði, at helldiz i likamanum *B.* ⁶ hion *B.*

ostilling; þvíat ef oskirðr maðr tekr corpus domini, þa snyr hann goðu til illz, ok tekr þaðan sekt, er hann mætti sik leysa fra eilifri kvol.¹ Sva eru ok hiuskapir goðir, þeir er helgaz af guði ok blezaz af kennimonnum ok halldaz at guðs logum.“

En er Matheus hafði þetta mællt, þa tok Hirtacus ok hirð 5 hans at lofa miok tōlu hans, ok hugði, at til þess væri su tala gor at snua hug Ephigenie til hiuskapar. En er su tala var lengi lofuð, sem vert var, þa bað Matheus ser hlioðs i annat sinn ok mællti: „Hyggit at, er brøðr ok konur ok synir, hvar til horfir mitt mal Þat manndrap talda ek eitt gott, er einn osiðamaðr er 10 drepinn, at eigi drepri hann marga saklausa, sva sem veginn² var Golias forðum, eða Aman³ eða Olofernes, eða sva sem vegnir voru uvinir yðvars rikis. Sva helgaz ok með goðum verkum þeir hiuskapir, er rettliga eru gorvir at guðs logum. En ef nokkurr þræll [vill eða⁴ gengr at eiga festarmey drottins sins, þa mundi 15 hann þess þykkia verðr fyrir gløp sinn ok dirfð, at hann væri kvikr brendr i elldi; ok verðr hann eigi af því sekr, at hann kvangaðiz, helldr af því at hann tok festarmey drottins sins eða konungs eða nokkurs ser betra mannz. Sva skalltu ok þat vita, konungr, at Ephigenia er festarmær konungs hins himneska ok hefir nunnu- 20 vigslu tekna⁵; eða hversu mattu ganga at eiga festarmey þer betra mannz?“ Af þessu mali reiddiz Hirtacus konungr, er aðr hafði i hveriu orði lofat tolu postolans, ok gekk a braut okveði. En postolinn stoð ohræddr ok let eigi niðr falla tōlu sina, ok mællti: „Hlyði þer mer enn allir, er elskit guð! Jarðligr konungr hefir 25 skammrar stundar [ok tíðar⁶ velldi, en himneskr konungr hefir eilift⁷ riki. Ok sva sem hann gefr eilift velldi ok fagnað þeim, er [hallda tru sinni⁸, sva gelldr hann ok eilifar kvalir þeim, er a braut fara⁹ fra tru hans ok heilagleik. Ef konungs reiði er ogurlig, hyggit at þer, hvar ogurligri er guðs reiði eða mannz. Mannz reiði endiz¹⁰ 30 a einu augabragði stundar¹¹ með elldi eða iarni, en guðs reiði kyndir eilifan loga misgerondum. Drottinn, kennandi hins sanna, vissi fyrir oorðna hluti ok mællti: Eigi skulu þer hræðaz þa, er likomum granda [at eins¹², þvíat þeir megu eigi öndina vega, helldr skulu þer þann hræðaz, er bæði hefir velldi at fyrirfara ond ok 35 likama i helvitis elldi; sva segi ek yðr, at þann skulu þer hræðaz.“ Þa fell Ephigenia mær til fota postolanum fyrir öllum lyð ok

1 [mgl. B. 2 drepinn B. 3 saal. B.; Amon A. 4 [mgl. B. 5 tekit B.

6 [mgl. B. 7 velldi ok tilf. B. 8 [saal. B; trua honum A. 9 hverfa B.

10 skíott tilf. B. 11 mgl. B. 12 [tilf. B.

mællti: „Ek bið þik, postoli guðs, at þu blezir mik ok meyar þessar allar, er fyrir þin orð eru guði helgaðar, at ver megim forðaz reiði höfðingia þessa, er margra raða leitaði i gegn mer i ognum ok feboðum, þa er faðir minn lifði ok móðir; en ef¹ hann
 5 þorði þa at freista var, er [þau lifðu², þa er þess nu miklu meiri van.“ En postolinn hafði traust undir³ guði ok hræddiz eigi reiði konungs, ok lagði hann þa hendr yfir höfuð meyiunum ok blezaði, ok mællti: Guð skapari likama ok anda, er engan fyrir-
 10 litr ok engan skilr [fra sinni⁴ miskunn, ungan ne gamlam, karl ne konu, gofgan ne ogofgan, helldr ertu iafnt⁵ allra skapari ok lausnari! Hlif þu þessum ambattum þinum með skilldi fulltings þins, þviat þu ert goðr hirðir ok valdir þær or flokki hiarðar þinnar ok helgaðir til dyrðar meydoms⁶ ok til hreinlifs andar. Efl þu þær til allz guðs verks ok dyrligra krapta, at þær stigi
 15 yfir holldligar girndir ok olofaða munuð, ok se þær staðfastar i elsku sonar þins Jesus Kristz. Veittu þeim, drottinn, andlig herklæði, ok hlif sva likomum þeira, at syndir meg i eigi velldi hafa i holldi þeira ne i hug. Lifi þær sva i miskunn þinni, at ekki meg i eignaz i þeim ovinr goðra [en illra styðjandi⁷. Slokk þu
 20 allan skaðsamligan hita likams i þeim með⁸ dogg himneskrar milldi, ok kveik i þeim hreinlifs lios. Veri með þeim hreinn meyd-
 25 domr, pryddr ok eflr rettri tru ok vissri van ok algörri ast. Veittu þann hreinlifs kragt i hug þeira, er yfirstigi diöful ok allar hans velar, sva at þær fyrirlati alla likamliga hluti, en þekkiz
 30 andliga, ok þyðiz föstur meirr en likamligar krasir, meirr bönir ok helgar bœkr en ofdrykkiu. Se þær föddar bönum ok fylldar kenningum, en lystar i vökum ok albunar at fylla öll goð verk. Hlif þu ambattum þinum með þessum dugnaðarvapnum, ok veit þeim at ganga osaurgaða götu meydoms til drottins vars Jesus Kristz,
 35 lausnara anda varra, með þeim er þær guði feðr vegr ok dyrð með anda helgum um odauðligar alldir allda.“ Þa svoruðu allir ok kvaðu amen. Síðan song Matheus messu ok framdi alla guðs⁹ þionostu. En¹⁰ þa for hverr heim til husa sinna. En Kristr dvaldi postola sinn eptir i kirkiu, ok tok hann þar pisl fyrir guðs nafni,
 40 er hann stoð fyrir alltari, þar er hann hafði helgat corpus domini. Þviat sendimaðr konungs kom ok lagði sverði a meðal herða honum, þa er hann hellt hondum til himna, ok for þa Kristz postoli ok piningarvattr til guðs.

1 er B. 2 [hann lifði ok þau bæði B. 3 af B. 4 [þu fra þinni B. 5
 40 iafn B. 6 mandoms B. 7 [mgl. B. 8 [miskunn ok tilf. B. 9 gudliga B.
 10 tilf. B.

5. En er lýðrinn fra þat, þa foru þeir með elldi til konungs hallar, ok villdu brenna hann inni. En prestar ok kennimenn runnu a moti þeim ok mælltu: „Hirðit eigi þer [hræðaz ok¹ gera i gegn boðorði guðs; þvíat Petrus postoli bra sverði ok hio eyra af einum þræli, þeim. er i liði var þeira, er höndluðu drottin; en hann villdi sin eigi hefna lata, helldr grøddi hann eyrat, er af var hoggvit, ok mællti: Veiz þu, at faðir minn mætti senda mer meirr en .xii. þusundir englaliðs, ef ek villda. Hölldum ver þa ok allir² pislartið postolans með fagnaði, ok biðum þess, er guð vill gera.“ En Ephigenia hin helgasta mæi veitti kennimönnum¹⁰ guðs fe þat, er hon atti i gulli ok silfri ok i gimsteinum, ok mællti: „Geri þer kirkiu postola guðs, ok gefit valoðum fe þat, er af því gengr. En ek verð enn at eiga þrautir við Hirtacum.“ Síðan sendi Hirtacus [konur rikismanna til Ephigeniam ok vænti, at þær³ myndi telia henni hughvarf. En er þat matti eigi verða,¹⁵ kallaði hann þangat⁴ galldramenn, at þeir mætti tæla hana með diöfla velum. En er þeir mattu eigi [lok a því gera⁵, þa let hann elld leggja i bõ hennar, þar er hon var inni ok þionaði guði nott ok dag. En er bõrinn tok at loga umhverfis hus hennar, þa vitraðiz henni engill guðs með Matheo postola, ok mællti: „Ver²⁰ þu styrk, Ephigenia, ok hræz eigi elld þenna, þvíat hann mun aptr hverfa.“ Þa gerði guð vind mikinn, ok lagði logann allan fra husum Ephigenie til husa konungs, ok brann holl hans, sva at engum eyri matti biarga, er þar var inni. En Hirtacus⁶ komz ut or elldi með einka son sinn; ok væri honum þo þat betra, at²⁵ hann hefði þar inni brunnit, þvíat sonr hans var gripinn af diöfli [hinum sterkasta⁷, ok rann hann þegar til leiðis Mathei ok ios upp þar fyrir alþýðu öllum glöpum föður sins. En eptir þat drap fiandinn Hirtacum hinni verstu líkþra or höfði ofan ok allt a fötr niðr. En er lækna ok fiðlkungir menn mattu hann eigi⁸ grøða, þa lagði hann³⁰ sialfr⁹ sverði a ser. En [allir hlogu at dauða hans, ok toku broður Ephigenie til konungs¹⁰, en hann het Veor, en hann hafði tru tekit af orðum systur sinnar, en skirn af Matheo postola. Halfþritugr var hann, er hann tok konungdom, en hann var konungr fíora vetr hins siaunda¹¹ tigar, ok hafði hann frið bæði við Serki ok [Rom-³⁵

1 [at B. 2 hatidardag ok tilf. B. 3 [rikismenn til moz vit Efigeniam ok vènti, at þeir B. 4 til sin B. 5 [lokka hana B. 6 konungr tilf. B. 7 [mgl. B. 8 lækna eda tilf. B. 9 síðan B. 10 [allr lýðr hlo at dauða hans, ok var til konungs tekin broðir Ephigenie B. 11 fíorda B.

aborgarmenn¹, en þa voru öll heroð Blalandz full kristni ok almenniligrar truar. En takn mörg geraz af verðleikum heilags Matheus postola, er fyrstr reit² at ebresku mali guðspiall drottins vars Jesus Kristz, með þeim er guði feðr vegr ok dyrð [með helgum
5 anda huggara nu ok æ³ um allar alldir allda. Amen.

F r a g m e n t .

Tvæir fiðlkunngir menn voro a Blalandi Zaroos ok Arfaxath i borg þeire er het Naddaber. En þar reð konungr fyrir, er Eglippus het. Þessir fiðlkunngir menn villtu alla þioð ok sögðuz
10 guð vera. Konungrinn truði þeim, ok allr borgarlyðr, ok urðo þeir agætir of allt Blaland, ok komo menn við a heroðum at gófga þa. En þeir namo sion eða gongo fra monnum ok kvöldo menn i sottum, meðan þeir villdo. Þeir sendo höggorma til mæins mōnnum, ok grøddo sialfir sottir með gölldrum, þeim er þeir
15 gørdø. En fyr því at guði er røkð a monnum, ok vill hann öllum hialpa, þa sendi hann Matheum postola ok guzspiallamann sinn i mote þessi villo. En er hann kom, þa braut hann niðr fiðlkyng e þeira, ok gaf hann þeim monnum siðn(!), er hinir fiðlkungo gørdø blinda, en þeim göngo, er þeir hepto. Höggorma
20 svæfði hann, þa er þeir sendo til mæins mōnnum, ok grøddi hann i guðs nafne mæin þau aull, er af ormunum urðo.

Maðr het Candacis, sa er var gelldingr, hann varðvæitte fe drottningar. Þenna mann hafðe Philippus postole skirðan. En er hann sa Matheum postola, þa fell hann til fota honum ok mællte:
25 „Guð sa miskunnar augum a borg ora⁴ ok sendi þik hingat til var, at þu læyster af höndum þessa .ii. fið(l)kunnegra manna, er hæimskir menn ætla guð vera.“ Þa læiddi hann postolann i hus sin, ok komo þar allir vinir Candacis at hæyra orð guðs, ok truðu allir a drottinn varn Jesum Kristum, ok toko margir tru ok skirnn,
30 er þeir sa, at guðs postole eydde öllu illo, því er hinir fiðlkungo menn gorðu maunnum. En þeir grønduðo þeim, er þeir mattu, unz hinir siuko baðo ser hælso af þeim, ok syndoz þeir þa

¹ [Romveria B. ² ritadi B. ³ [ok með helgum anda huggara einum gudi i þreningu B. ⁴ En senere Haand har rettet til vora.

gröða, er þeir leto af at kvelia. En Matheus grødde æigi at æins þa, er þeir kvolðu, helldr alla þa, er til hans komo, hvatke er þeim var at mæine. En hann kende þeim guðs nafn, ok undroðuz aller mælsko hans. En Candaces, er við honum hafði tekit, spurðe hann ok mællte: „Segðu mer, hvi þat gegnir, er þu ebreskr maðr 5 kant grikska tungo ok blalennzka, sva at þeir kunno æigi iafnvel, er þar ero fœddir?“ Matheus svaraði: „Allr hæimr hafði fyrst æina tungo, þar til er su dirfð hofz, er menn fystuz at gora stopul, þann er til himins tœki. En þessa dirfð stoðvaðe guð, sva at engi matte nema, hvat an(n)arr mælte. Þa gœrðuz flæire kyn 10 tungna, ok eyddiz þat rað, er menn bundo saman, meðan þeir hófðu æina tungo; því at æigi var af goðum vilea helldr af illri dirfð þat, er þeir villdo overðir fara til hæilags staðar. En* . . .

En er þau hófðu bæði misgört, þa voro þau a braut rekin or 15 lifs heraði hingat i dauða herað. En sialfr finnannde synðar varð fundinn i höggorminum, ok var hann bôlfaðr. En sonr guðs tok mannz likam a sik, sa er með feðr ok helgum anda hafði skapat mannenn, ok fyrlet hann æigi guddom sinn, þa er hann tok mann- dom, ok var hann borinn guð ok maðr fra mæyio. En sia mæ 20 ok moðer varð kviðug af helgum anda, þa er hon heyrðe orð or engils munne ok truði því. En trua hennar samtængdiz við anda helgan, því at hann elskaðe þessa osörgaða mey ok fann likam hennar hræinann ok aund hennar hræina ok tru ospillta, ok gerðiz guð maðr i kviðe hennar. Sem Salomon mællte ok sagðe fyrir, at 25 guðs speki gerði ser hus. En sia maðr Jesus Kristr bôtte yfir misverk þess, er yfir varð stiginn af diöfli ok braut rekin or paradiso hingat i hæim. En hinn fyrste maðr var or iorðu gorr, ok var iorðin mæ, meðan hon var osaurguð ok æigi spillt af synðum ne uthellingo bloðs. Af því var þat rett, at sa var fra 30 meyio borinn, er bôtte yfir verk mæiar(!), ok hann stige fastande yfir þann, er sigr vann a þeim, er þat át, er guð bannaði. Jesus Kristr ste yfir velar fiandans ok yfir dauðann deyiande ok lauk upp himnesko paradisis(!) i upprisu sinne fyr öndum allra hæilagra, þa er þeir fara or likömum sinum, sva at aller mego nu þangat 35 komaz an ifa, þeir er Kriste þiona.

3. En er postolenn hafði þetta mællt við lyðinn, þa gekk hann inn i borgina. En þar var gratr mikill ok ogleði, því at sonr konungs var þa dauðr. En þeir Zaroës ok Arphaxath stoðu

* Her mgl. et Blad; jvf. ovenfor S. 798³² - 800²⁰.

hía like hans ok hugðuz mundo ræisa hann af dauða. En er þæir mattu þat æigi gora, þa töldu þæir þat fyr konunge, at hann væri uppnuminn ok orðinn at guðe, ok gøra skylde honum hof ok likneske ok blota hann. En Candacis gilldingr(!) gekk fyr drott-
 5 ningo ok mællte: „Seti þer i bõnd þessa fið(!)kunga menn, ok biðit at hingat kome Matheus postole, en ef hann ræisir hann upp af dauða, þa brenni þer gallDRAMENN i elldi kvika, því at ver hliotum allt illt af þæim i borg varre.“ Þa var Candacis sendr ok hiner gøfgusto menn af hirð konungs með honum eptir
 10 postolanum. En er þæir læiddo hann með mikilli vegsemð fyr konung, þa fell Eufemora drottning til fota postolanum ok mællte: „Ek væit, at þu ert postole sendr af guði ok þess læirisvæinn(!), er dauðum gaf lif ok ðllum siukum hæilso með orði sino. En nu kom þu at kalla a nafn hans yfir son minn dauðan, ok true ek,
 15 at hann mòn þa lifna.“ Matheus svaraði: „Þu hefir æigi enn hæyrða kenning drottins mins Jesus Kristz af munni minum, ok truer þu þegar. Af því skalltu vita, at son þinn mun lifna.“ Þa hellt Matheus höndum til himins ok mællte: „Guð Abraham, guð Ysaac, guð Jacob, er sendir æinka son þinn af himne til iarðar at
 20 biarga oss ok læysa villo ok syna oss þik sannann guð. En nu minztu orða drottins mins Jesus Kristz sonar þins, er hann mællte: Satt segi ek yðr, hvatke er þer biðit fòður i nafne mino, þa man hann gefa yðr. En at allar þioðer vite, at engi er guð nema þu, ok kenning munnz mins er sönn, þa rise upp sveinn sia af dauða.“
 25 Þa tok Matheus i hönd enum dauða ok mællte: „I nafne Jesus Kristz hins krosfesta ris þu upp, Eufronon!“ Þa ræis svæinninn upp þegar. Þa oaðiz konungrinn, ok bað hann fœra honum korono ok purpura, ok sendi hann rennara of borgina ok of hin næsto Blalannz heroð ok mællte: „Komi þer til borgar ok seð guð i
 30 mannz liki.“ Þa kom allr lyðr með kertum ok ræykelsi ok með ðllum vanða blota. Þa mællte Matheus við lyðinn: „Eigi em ek guð, helldr þræll drottins mins Jesus Kristz sonar guðs lifanda, er mik sendi til yðar at kynna yðr sannan guð ok læiða yðr fra villo skurðgoða. En ef þer ætlit mik likann guði, hverso
 35 helldr: trua a þann guð, er ek em þræll, ok ræista ek i hans nafne konungs son af dauða. En er allir, er retta skynsemi megið skilia, take þer braut heðan gull ok silfr ok gørsemar þessar allar,

1 En Haand fra 17de Aarhundrede har over Linien skrevet skulu þier, hvílke Ord ere udeglemte af den gamle Afskriver.

ok farit ok gørit¹ musteri guði ok komit þangat opt at heyra orð guðs.“

Þá komu til .lx. þusunda manna ok gerðo kirkio a .xxx. daga, en su kirkia var kólloð upprisa Mathei, því at af upprisu hins dauða gerðiz kirkiogorð sia. En Matheus postole setti byskups- 5 stol sinn at þesse kirkio ok reð þar fyrir .iii. vætr ok .xx. ok krisnaði margar borgir ok bæi ok heroð, ok let kirkior göra ok vigðe byskupa ok presta ok kennimenn. Eglippus konungr tok skirnn ok kona hans Eufenora ok son þæira er af dauða var ræistr Eyfronon, ok dottir þæira Ephigenia, en hon var mærla æfi. 10 En þæir Zaroos ok Arphaxath hinir fiðlkungo menn .ii. flyðo af Blalandi, þegar er Matheus hafði konungs son reistan af dauða, ok foro til Serklannz ok Persialannz, ok gerðo þar slikt eða verra, sem þæir höfðu gørt a Blalande, ok villto þar margar þioðer, unnz guð sendi postola sina Simonem ok Judam a mot villo þæira. En 15 langt er at telia, hversu maugum blindum maunnum Matheus gaf sion, eða hversu marga hann grøddi siuka eða ræiste af dauða, eða hversu konungr varð kristinn ok lyðr hans allr. Þá mōn ek liða yfir þat ok segia, hversu Matheus kom til pislar fyr guðs nafne. 20

4. Eglippus konungr bæið goða elli ok for til guðs, en broðurson hans tok velldi eptir hann, en sa het Hirtacus. En hann villde ganga at æiga Ephigeniam dottur hins andaða konungs, er þa var Kriste helgoð ok hafði þa nunnovigslo tekit af postola guðs, ok reð þa fyrir mæirr en .cc. mæ(y)ia. En Hirtacus vætte, at hann mundi 25 þat geta at postolanum, at hann snere hugskote mæyiarennar eptir vilea hans, ok læzt gefa mundo honum helming rikis sins, ef hann gerðe sva, at Ephigenia mærl villde ganga með honum. Matheus svaraði honum: „Sva vandez² Eglippus konungr, meðan hann lifðe, at hann kom hvern drottinsdag at hœyra orð guðs. En þu 30 bioð þat nu, at margr lyðr kome hinn næsta drottinsdag, ok sva Ephigenia með mæyiar sinar, ok mōntu þa heyra, hversu marga goða lute ek mōn telia of helgan hiuskap, því at rett halldner hiuskaper ero þeger guði.“ En því male varð Hirtacus feginn ok bað mart manna koma þangat, ok sendi orð, at Ephigenia skylde 35 koma at hœyra orð postolans, ok ætlaði hann þat, at þa mōnde hugr hennar hverfa eptir þokka hans. En er lið mart var komit, þa hof Matheus upp tōlo sina ok mællte: „Heyre þer mal mitt,

¹ I Codex staar ðrit, samme Haand fra 17de Aarhundrede har føiet g til.

² Oprindeligt vandē, men en senere Haand har tilføiet z over Linien.

allir synir kristninnar! hæyre þer ok skilit ok halldit i hiðrt-
 um yðrum. Guð varr (helgaði)¹ hiuskapi ok lofaði likamlega
 ast veralldlegum monnum, at maðr unne kono sinne, ok kona
 manne sinum. En þat seam ver opt verða, at konur skiliaz við
 5 bændr sina, eða menn læiðaz konur sinar. En þæir gðra i gegn
 þæiri ast, er guð væitte ok lofaði at hallda ilikðmum. En hiuskapr
 framiðr með guðhræzlo, þar er hiu fara saman að guðs lðgum,
 sva at kalmaðrinn(!) hefir æigi munuðlifi við aðra kono, ne kona
 við annan mann, hræinsa lðg guðs hiuskapinn af synða saure. En
 10 sia saurgan ok likams munoð ma hræinsazk fyr ðlmosogððe ok
 miskunnarverk, ok er æigi sva þung synð, at æigi megi hræinsaz
 fyr yðranar(!) tar. Hiuskapr hefir saurgan likams af munoð-
 life en æigi gløp. En sa er æigi helldr sik iafnt fra munoð-
 life sem fra kiðtate of langafðsto eða aðrar lðgfðstutiðer, þa
 15 hefir hann æigi at æins sðrgan likams helldr ok gløpinn, ok
 þat er æigi synð, þot maðr matiz, helldr þat er hann mataz
 a fðstutiðum. Sva er ok ef nokkurr tekr fyst likams fðzlo,
 en siðan dirfir hann sik at taka corpus domini samdøgris, þa
 verðr hann hvarstveggia sekr af dirfð oc osiðsemi, ok verðr æigi
 20 af því sekr, at hann ete, helldr af því at hann gorði i gegn guðs
 lðgum ok rettum sið ok át, aðr hann tðke corpus domini; því at
 verkin gðra æigi mannenn sekian helldr oskynseme ok ostilling
 verkanna. Mandrap er illt, þar er saklaus maðr er veginn, ok
 vitum ver þo stundum mandrapit lofat vera ok rett, þar er ovinnr
 25 friðarens er drepinn eða þiofr eða vikingr. Eigi ero verk af eðli
 ill, helldr af ostilling; því at ef oskirðr maðr tekr corpus domini,
 þa snyr hann goðu til illz ok tekr þaðan sekð, er hann mætte sik
 leysa fra æilifre kvöl. Sva ero ok hiuskaper goðer, þæir er helgaz
 af guði ok blæzazk af kennimonnum ok halld*
 30
 þu ambattum þinum með þessum dugnaðarvapnum, ok væit þeim
 at ganga osaurgaða gauto mæydoms til drottins vars Jesus Kristz
 lausnara anda varra, með þeim er þer guði feðr vægr ok dyrð
 með anda helgum of oðau(ð)ligar allder allða. Þa svðroðo aller
 35 ok kvaðo amen. Siðan sðng Matheus messo ok framðe alla guðs
 þionosto. Þa for hverr hæim til husa sinna. En Kristr dvalðe
 postola sinn eptir i kirkio, ok tok hann þar pisl fyr guðs nafne,

¹ Ordet helgaði er glemt i Hlaandskriftet; en Hlaand fra 17de Aarhundrede har over Linien mellem varr og hiuskapi tilskrevet getinn i. * Her mgl. 1
 40 Blad; jvf. ovenfor S. 804^a—805^{2a}.

er hann stoð fyrir alltare, þar ær hann hafðe helgat corpus domini. Þviat sendimaðr konungs kom ok lagðe sverðe a meðal herða honum, þa er hann hellt haundum til himna, ok for þa Kristz postole ok piningarvattr til guðs.

5. En er liðrinn(!) fra þat, þa foro þeir með elldi til konungs hallar ok villdo brenna hann inni. En prestar ok kennimenn runnu a mot þeim ok mællto: „Hirðit æigi ær hrøðaz ok göra i giegn boðorði guðz, því at Petrus postole bra sverðe ok hio æyra af æinum þræle, þeim er i liðe var þeira, er höndluðo drottin. En hann villde sín æigi hefna lata, helldr grøde hann æyrat, er af var höggvið, ok mællte: „Væiz þu, at faðir minn mætte senda mer mæirr en .xii. þusundir englaliðs, ef ek villda. Hölldum ver þa ok allir pislartið postolans með fagnaðe, ok biðum þess ær guð vill göra. En Ephigenia hin helgasta mærvæitte kennimonnum guðs fe þat er hon atte i gulli ok silfre ok i gimsteinum, ok mællte: „Geri þer kirkio postola guðs, en gefit valoðum fe þat er af því gengr. En ek verð enn at æiga þrautir við Hirtacum.“ Siðan sendi Hirtacus konur rikismanna til Ephigeniam, ok vænti at þær mōndi tælia henne hughvarf. En er þat matte æigi verða, þa kallaði hann þangat galldramenn, at þeir mætti tæla hana með diöfla velum. En ær þeir mattu æigi lok a því gera, þa let hann elld leggja i bō hennar, þar ær hon var inne ok þionaði guðe nott ok dag. En er bōrinn tok at loga umbhverfis huss hennar, þa vitraðiz henne engill guðs með Matheo postola ok mællte: „Ver þu styrk, Ephigenia, ok hræz æigi ælld þenna, því at hann man aptr hverfa.“ Þa gōrðe guð vind mikinn, ok lagði logann allan fra husum Ephigenie til husa konungsens, ok brann höll hans, sva at engum æyri matte biarga, er þar var inne. En Hirtacus komz ut or elldi, ok með ænka son sinn, ok veri honum þo þat betra, at hann hefði þar inne brunnit, því at sonr hans var gripinn af diöfle enom sterkasta, ok rann hann þegar til leiðis Mathei ok ios upp þar fyr alðyðo öllum glöpum föður sins. En eptir þat drap fiandinn Hirtacum hinne versto likðra or höfði ofan ok allt a fötr niðr. En er læknar ok fiðlkunger menn mattu hann æigi grøða, þa lagðe hann sialfr sverðe a ser. En aller hlógo at döða hans ok toko broður Ephigenie til konungs. En hann het Veór, en hann hafði tru tekit af orðum systur sinnar, en skirn af Matheo postola. Halföritogr var hann, er hann tok konungdom, en hann var konungr .iiii. vætr hins siðnda tigar, ok hafði hann frið bæði við Serke ok Romaborgar menn. En þa voro öll heroð

Blalannz full kristne ok almennelegrar truar. En takn mörgr
 göráz af verðlæikum hæilags Matheus postola, er fyrstr ræit at
 ebresko male guzspiall drottins vars Jesus Kristz, með þæim ær
 guðe feðr vegr ok dyrð með helgum anda huggara nu ok ey um
 5 allar alldir allda. Amen.

II.

Passio sancti Mathei apostoli.

Tveir fiolcunger menn voro a Blalande Zaroos oc Arfaxáp i
 borg þeire es hét Nabdaber. En þar reþ konongr sa fyrer, es
 10 Eglippus het. En þesser ener fiolcungo menn viltu þar þioþ
 alla, oc søgþosc goþ vera. Konongrenn truþe þeim, oc allr borg-
 arlyþr, oc urþo þeir agæter of alt Blaland, oc como menn víþa ór
 hierþom(!) at gøfga þá. En þeir nómo sýn eþa gøngo fra mønn-
 om oc qvolþo menn i sóttom, meþan þeir vildo. Þeir sendo
 15 hoggorma til meins monnom, oc grædo sialfer sotter með gølld-
 rom þeim er þeir gerþo. En firer þvi es goþe er røþ a monnom,
 oc vill hann øllom hialpa, þa sendi hann Matheum goþspialla-
 mann þangat oc postola sinn i gegn villo þesse. En er hann com
 þangat, þa braut hann niþr fiolcynge þessa, oc gaf hann þeim
 20 mønnom syn, er ener fiolcungo hæfþo blindaða, en þeim gøngo,
 es þeir hefto. Hoggorma svæfþi hann, þa er þeir sendo til meins
 monnom, oc græde hann i goþs namni mein þau qll, er af hoggorm-
 onom urþo.

Maþr hét Candacis, sa var geldengr, hann varþveitte fe drotn-
 25 ingar. Þenna mann hafþi Philippus diacn scirþan. En er hann
 sá Matheum postola, þa fell hann til fota honom oc melte: „Goþ
 sa miscunnar augom a borg þessa oc sende þic til vár, at þu
 leyster oss af bøndom þessa .ii.^a fiolcung(o) manna, er heimsker
 menn etla goþ vera.“ Þa leide hann postolann inn i hus sín, oc
 30 como aller viner Candacis þangat at heyra orþ goþs, oc truþo
 aller a dominum Jesum Cristum, oc toco marger scirn, er þeir
 só, at goþs postole eyði øllo illo, þvi er ener fiolcungo menn
 gerþo monnom. En þeir grøndoþo þeim, es þeir mótto, unz ener
 siuco boþo sér heilso af þeim, oc syndosc þeir þa græþa, es þeir
 35 leto af at qvelia. En Matheus græde eigi at eins þa, er þeir

qvolþo, heldr þa alla, er til hans como, hvatki es þeim var at
 meine. En er(!) hann kendi þeim goþs namn, oc undroþosc aller
 męlsco hans. En Candacis, er viþ honom hafþi tekit, spurði hann
 oc melte: „Segðu mer, hvi þat gegner, er þu ebrescr maþr cant
 griska tungo oc blalenzka, svat þeir cunno eige iamvel męla, er 5
 þar ero foder?“ Matheus svarape: „Alr heimr hafþi fyrst eina
 tungo, unz su dirfþ hofsc at gera stopul, þann er til himens tōki.
 En þessa dirfþ stōþvape goþ sva, at engi matte nema, hvat annarr
 melte. Þa gerþosc fleire cyn tungnanna, oc eydesc þat raþ, es
 menn bundo saman, meþan þeir hofþo eina tungo, þviat eigi var 10
 af goþom vilia heldr af illre dirfþ þat, er þeir vildo overþer fara
 til heilax staþar. En goþ(s) sonr com at syna þat, hversō þann
 stōpul scal smiþa, er til himens ma^r upstiga ýr, oc sendi hann
 ȝss .xii. discipulis suis spiritum sanctum af himne, þa er ver
 sótum i einom staþ, oc com spiritus sanctus ifer hvern varn i 15
 eldligom tungom, oc lystome ver af honom. Þa hvarf fra ȝss øll
 hræzla, oc tocom ver at mela a allar tungor of iarteiner Cristi,
 oc hversō sonr goþs var natus hingat i heim, sa er var oc er
 firer allar alder. En hann var natus fra meyio oc up fōdr oc
 scirþr oc pindr, dauþr oc grafenn, oc reis up a .iii. dege oc ste 20
 til himna, oc sitr til hōgre handar goþs fōþor almattegs, oc mon
 þapan coma at dōma of allan heim meþ ogn ellz. En eigi es
 sicut þu ętlar, Candacis, at ver discipuli eius kunnem þessar einar
 tungur, er þu nemnder nu, heldr cunnom vér alra þioþa tungur
 mela oc scilia, h(v)arge sem vér comom, þviat nu er ger stōpull 25
 til himna, eigi or steinom, heldr af crafti Cristi. Aller þeir er
 scirasc in nomine patris et filij et spiritus sancti, þeim lýxc up
 stōpull sa es goþ smiþaþi, oc smiþa þeir ipsi þann stōpul, unz
 þeir stiga up til himinrikis.

2. En er postolenn hafþi þetta melt meþ micille scynseme, 30
 þa sagþe maþr, at hiner fiolcungo menn Zaroēs oc Arfaxaþ foro
 þangat, oc flugdrecar þeira. En flugdrecarner voro ogorliger oc
 bleso af nōsom sér reyc oc brennosteins loga, oc fengo menn sott
 eþa bana af þeim daune. Þa signde Matheus postole sic oc vilde
 ganga út a mot þeim. En Candacis bannapi honom oc lauc aftr 35
 durom oc melte: „Stattu viþ glugg, ef þu vill, oc męl þapan.“
 Matheus svarapi: „Luc up þu durom oc statt ipse viþ gluggenn,
 oc se dirfþ þeira.“ Þa lauc postolenn up durom oc gec ut, es

1 Skriveren har først skrevet sl^r (d. e. scal), men senere sat m foran og
 rettet sl^r til a.

hiner fiolkungo voro comner oc flugdrecar þeira. En þegar es flugdrecarner como firer kne postolanom, þa somnoþo þeir. Math-
 eus melte við ena fiolkungo: „Hvar er nu vel yþor? Veket it nu
 ormana, ef it meget. En ef ec beþa dominum nostrum Jesum
 5 Cristum, þa metta ec senda þa aftr til ykar, oc mōnda ec sva
 stōþva þat mein, er it efldoþ i gegn mér. En þa er saman cōmr
 alr lyþr, sa er nu þorir eigi hingat at ganga, þa mun ec vekia
 ormana oc bioþa þeim aftr at fara til sinna staþa hófsamliga.“
 En þeir leitoþo við með fiolkynge sinne at vekia drecana, oc motto
 10 þeir eigi up hefia augo sin ne vacna ne hræasc. Þa melte
 lyþrenn við Matheum: „Ver biþiom þic, at þu leyser borgarlyþ
 þenna fra dyrom þessom.“ Matheus svaraþe: „Eigi scolot ér
 hrēþasc, ec mon þeim a braut visa, svát eigi scal mein at þeim
 verþa. Þa leit hann til drecanna. I nomine domini mei Jesu
 15 Cristi, þess er getenn es de spiritu sancto oc natus fra meyio oc
 seldr Gyþingom af Juda lerisveini sinom; en þeir crossfestu hann
 oc grofo, en hann reis up a þriþia dege af dauða oc var með
 20 9ss .xl. daga, oc minnte 9ss a in somo orþ, sem hann hafði 9ss
 kent fyrer pisl sina; en síþan sté hann til himna, svát vér som,
 oc sitr hann til hōgre handar fōþor sins, oc mon hann þaþan
 coma at dōma of cyqva oc of dauða; i hans nafni oc crafti sōri
 ec þic ohr(e)inn andi, sa er firer 9llom ormom rōþr, at þu veker
 flugdreca þessa, oc later þa fara aftr hófsamliga til sins staþar,
 svat þeir gere eki grand monnom ne foglom ne dyrom.“ Þa hófo
 25 drecarner up augo sin oc hófut sin oc foro ut i borgarhlíp, oc
 urþo aldregi sener síþan. En Matheus melte við allan lyþ: „Hōriþ,
 brōþr oc synir, oc aller þeir, es leysa vilia ander sinar fra enom
 forna dreca, þat er diofle, fyrir heilso yþra sendi goþ mic hingat,
 at ér firerletet villo scurþgoþa en tryþet scapera yþrom. Goþ
 30 scapaþi inn fyrsta mann oc setti hann i paradisom(!).

Paradisus es staþr góþr ollom fiøllom øpre oc nalegr himne,
 oc hefir eki þat i sér, er gagnstaplect er villo manna. Þar
 hrēþasc eigi foglar fōr manna, þar vaxa eigi þornar ne illgrese, þar
 hrarnar(!) aldregi blomar, þar missir einnigra grasa, þar er eigi mein
 35 at elle ne øsco, þar ero avalt bliþ veþr i lofti oc goþr ilm(r) firer
 nōsom, þviat sicut reykelis ilmr teer a braut illan ilm fra nōsom,
 sva taca oc nasar þeira, es þar ero, ilm eilifrar dyrþar; þar
 eldesc maþr eigi ne møþisc ne sykvesc; þar reystir hliomr engla
 goþs sanctorum firer eyrom, oc dyrligar raddir; verþra þar hōgg-

ormr ne froscr ne padda, ne eki illycqvende þat er grande heilso manna; þar þiona monnom en oorgo dyr, oc hvatge es maþr meler við fogla eða dyr, þa ero þau iamhlyþin honom sem goþe; .iiii. ár falla þáþan, ein heitir Físon, önnor Gíon, þríþia Tigris, fíorþa Eufrates. Þessar ár ero fullar allzcyns físcá, oc þa er maþr 5 meler við vatnet, at þat sendi honom físcá, þa fellr óen up firer fœtr honom með alzcyns físká, svát hann ma taca sem hann vill, en þá efter lata, es þat vill hann. Sva it sama oc foglar, oc øll cycvende, þau er monnom mego vera til crasa, þa coma þegar er nemnder ero, oc þarf eigi þar at søfa þá til fœzlo, oc hefir þo 10 hverr gnóga fœzlo af þeim oc firerbunar craser af almatcom goþe, oc ero kycqvende þau øll heil oc oscød, þviat hveriom ero þar ǵrnar craser oc fullr fœgnøþr, er hann veit, at øll cyqvende þiona honom. En þer craser, er þar ero, verþa sva hveriom þokaþar, sem hugr hans beiþer. Þar geresc eigi saurr i qviþi manz af áte 15 ne af dryk; þar er eigi hunda gaup ne ulfa þytr, ne greníon enna oorgo dyra; þar ero aller hluter bliþer oc aller cyrrer oc hogværer; þar er aldregi himens fegrþ siukom(!) hulit; þar fliuga aldregi eldingar, þar verþa eigi reiþarþrumor, heldr er þar gleþi avalt on enda, oc hotiþ su er eigi hefir endemarc. En firer þvi er 20 eigi høggormr þar, at øfundar engill framþe illzco sína fyr høggormenn, oc var hann sva bolvaþr síþan, at hann ma eigi vera i blezøþom staþ.

En at þvi var illom engli øfund, es hann sá goþs licnesce vera i manninom, oc maþrenn matte vera i lífs heraðe, þar er 25 øll cyqvende þionoþo honom. Þa toc engill øfund af ser síolfom oc melte firir høggormenn við konona ens fyrsta manz, at þau ęte eple bannaþs trés. En síþan sveic kona carmann(!). En er þau høfþo beþi misgert, þa voro þau beþi a braut rekin yr lífs heraði hingat i dauþa herað. En síþan ipse finnande synþar 30 varþ fundenn i høggormenom, oc var hann bølvaþr. En sonr goþs toc manz licam a sic, sa er með feþr oc spiritu sancto hafþi scapaþ mannenn, oc firerlét hann eigi godom sinn, þa er hann tóc manndom, oc hann var borinn goþ oc maþr fra meýio. En sia męr oc moþer varþ qviþog af spiritu sancto, þa er hon heyrþi 35 orþ ór engils munni, oc truþi þvi. En trua hennar samtingþesc(!) við spiritu sancto, þviat hann elscape þessa osaugaða meý, oc fann hann licam hennar hreinan oc ǵnd hennar hræina oc tru ospilta, oc gerþesc goþ maþr i qviþi hennar. Sem Salomon melte oc sagþe fyrer, at goþs speki gerþi sér hus. En sia maþr Jesus 40

Cristus bœtti iver misgerþ þess, er iver varþ stigin af diofle oc braut rekenn ór paradiso hingat i heim. En inn fyrsti maþr var ór iorþo gœrr, oc var iorþen mœr, meþan hon var osaugoþ oc eigi spilt af synþom ne af uthellingo bloþs. Af því var þat rétt,
 5 at sa være fra meyo natus, es bœtte iver verc meyar sonar oc stige fastande iver þann, er sigr vá a þeim, er át þat er goþ bannaþi. Jesus Cristus ste iver vœlar fiandans oc deyiande iver dauþann, oc lauc up paradisum i uprisu sinne. Þangat leide hann hann fyrstan þiof, þann er hec a tre meþ honom, oc lauc hann up
 10 paradisom firer alra sanctorum oundom, þa er þeir fara or licœmom sinom, svat aller mego nu þangat comasc ón iva, þeir er þiona Cristo. En a enom e(f)sta dege þa er up loket himenriki, svát þeir mego þa þangat comasc efter upriso sina. En nú renni sa er vill fra dauþa til lifs oc hverfe aftr til paradisar, þaþan er
 15 licamligr pater noster var a braut sendr meþ øllo sino cyne i utlegþ þessa heims. Dominus lauc up (firer) øss dyrr paradisi, at ver hverfem aftr til fostriarþa varra, þar er avalt er søgnoþr oc aldregi cœmr dauþe.

3. En er postolenn hafpi þetta melt við lyþenn, þa gek hann
 20 inn i borgina. En þar var gratr micill oc ogloþe(!), þvíat sonr konongs var þar dauþr. En þeir Zaroës oc Arfaxaþ stoþo hia lice hans oc hugþosc mondo reisa hann af dauþa. En er þeir motto þat eigi, þa tœlþo þeir þat firer konongi, at hann være upnuminn oc orþenn at goþe, oc gera scylde honom hof oc licnesci
 25 oc blota hann. En Candacis geldengr gec firer drotningo oc melte: „Seteþ ér þessa ena fiolkungo menn i bœnd, oc biþet at hingat come Matheus postole, en ef hann reiser þenna mann af dauþa, þa brenni þér galdramenn þessa i elde cycqva, þvíat vér hliotom alt illt af þeim i borg varre.“ Þa var Candacis sendr oc
 30 hiner gœfgusto hirþmenn konongs meþ honom efter postolanom. En þeir leido hann firer kne konongi meþ micille vegsemp. Þa fell Eufenora drotning til fota postolanom oc melte: „Ec veit at þu, postole, ert sendr af goþe, oc ert þess discipulus, es dauþom gaf lif oc øllom siukom meþ orþi sino. En nu comþu oc call a
 35 namn hans iver son minn dauþan, oc trui ec, at hann mun þa lifna.“ Postolenn svaraþe henne: „Þu hevir enn eigi heyrþa kenning domini mei Jesu Cristi af munni minom, oc truer þu þegar. Af því scaltu vita, at þu sonr þinn¹ monn lifna.“ Þa

¹ sonr þinn er med Nedflytningstegn skrevet over þu, uden at dette er ud-slettet.

helt Matheus hndom til gofs oc melte: „Goð Abraham, goð Isaac, goð Jacob, es sende einga son þinn af himne til iarþar at biarga ðss oc leysa ðss fra villo oc syna oss þic sannan goð. En nu minztu orða gofs domini nostri Jesu Cristi sonar þins, es hann þat melte: „Satt segi ec yðr, hvatke er ér biðet sþor i 5 namni mino, þa mon hann gefa yðr. En at allar þioþer vite, at engi er goð nema þu oc kenning munnz mins es sønn, þa ríse up sveinn sia af dauða.“ Þa tóç Matheus i hnd enom dauða oc melte: „In nomine Jesu Cristi ens crossfesta ristu up, Eufronón!“ Þa reis svennenn(!) up þegar. Þa oþesc hiarta konngs oc bað 10 hann fœra honom postolanom corono oc purpura, oc sende hann rennera of borgena oc of in nēsto Blalandz herof oc melte þetta: „Comet ér til borgar oc sēt goð, þann er leynisc i mannz like.“ Þa com allr landherr þangat með kertom oc reykelse oc með øllom vanða blótom. Þa melte Matheus við lyþenn: „Eigi em 15 ec goð, heldr em ec þrell domini Jesu Cristi sonar gofs, es mic sendi til yðvar at cynna yðr sannan goð oc leiða yðr fra villo scurþgoða yðvarra. En ef ér etlit mic glikian goðe, þa mun ec segia yðr, hverso miclo heldr ér scolot trua a þann goð, es ec em þrell hans, oc reista ec i hans namni konngs son af dauða. 20 En ér aller, er retta scynseme megoð scilia, taket braut heþan gull þetta oc silfr oc gersemar, oc farit oc gerit mustere goðe, oc comet þangat oft at heyra dyðr gofs.

Þa como til .lx. þusunda liþsmanna oc gerþo kirkio a .xxx. døgom(!). En su kirkia var colloþ uprisa Mathei, þviat af uprisu 25 ens dauða gerþesc kirkiogeth sia. En Matheus postole setti byscopstol sinn at þeire kirkio, oc reþ þar fyrer .iii. vetr oc .xx. oc cristnaþi margar borger oc bœe oc lét gera margar kirkior oc vigþi byscopa oc presta oc kennimenn. Eglippus konngr toc scirn, oc cona hans Eufenora oc sonr þeira, er af dauða var reistr 30 Eufronon, oc dotter þeira Efigenia, en hon var mēð gofs alla efe. En þeir Zaroos oc Arfaxaþ fløþo af Blalande, þegar er Matheus hafþi konongssonenn reistan af dauða, oc foro til Serclandz oc Persidalandz oc gerþo þar slict eða verra, sem þeir høfþo gert a Blalande, oc viltu þar marga þioþ, unz goð sendi þangat post- 35 ola sina Simonem oc Judam a mot villo þeira. En langt er at telia, hverso morgum Matheus gaf syn blindom, eða hverso marga hann græde siuca, oc reiste af dauða til lifs, eða hverso cristenn konngr varþ eða lyðr hans, þa scal nu segia, hverso Matheus com til pislar firer gofs namni.

4. Eglippus konongr beið goða elle oc for til goðs, en broþ-
 orsonr hans tók veldi efter hann, en hann (het) Hirtacus. En
 hann vilde ganga at eiga Efigeniam dottor Eglippus konongs, er
 þa var Cristo helgot, oc hafði þa nunnovixlo teket af postola
 5 goðs, oc reð þa firer meir en .cc. meya. En Hirtacus vette, at
 hann munde þat geta at postolanom, at hann snere hugscote
 meyiarennar efter vilia hans, oc lezk gefa mundo honom helming
 rikis sins, ef hann gerðe svá, at mæren vilde ganga með honom.
 Postolenn svaraðe honom: „Sva vanðe(!) Eglippus konongr, meðan
 10 hann lifðe, at domini dag hvern com margr lyðr at heyra orð
 goðs. En þu bið þat, nu oc, at marger lyðr come at heyra
 orð goðs en nesta domini dag, oc sva Efigenia oc meyar hennar,
 oc mundo þa heyra, hversó marga hluti goða ec mon telia of
 rettan hiuscap, þviat retter hiuscaper ero þegiliger goðe.“ En
 15 þvi male varð Hirtacus feginn oc bað mart manna þangat coma,
 oc sende orð, at Efigenia cøme oc meyar hennar at heyra orð
 postolans, oc etlaðe hann þat, at þa mynde hugr hennar hverfa
 efter þoka hans. En er lið mart var comet, þa hóf Matheus
 up tðlo:

20 Heyrið ér mál mit, aller syner cristnennar! heyrið ér oc
 scilet, oc haldet i hiortom yðrom. Goð várr helgaðe hiuscape oc
 lofaðe licamliga ost veraldar monnom, at maðr ynni kono sinni oc
 kona manne sinom. En þat siom ver oft verða, at carlar sciliasc
 við konor sinar, en konor leiðasc buendr sina. En þeir gera i
 25 gegn þeiri ost er goð veitte oc lovaðe at heldesc i licðmom. En
 ef hiuscapr er frameðr með goðs hræzlo, þar er hiu fara saman
 at goðs lögum, svát carlmaðrenn hevir eigi munoplifse við aðra
 kono ne konan við annan mann, þa hreinsar goð(s) lög hiuscapen
 af synða saure. En sia sorgun oc licams monuð má hreinsasc
 30 firer olmoso goðe oc miscunnar verc. Oc er su eigi sva þung synð,
 at eigi megi hreinsasc firer utan iðronartór. Hiuscapr hevir
 saurgon licams af munoplifse en eigi gløp. En sá er eigi vill halda
 sic iamt fra munoplifse licams sem fra kiotáte of langaføsto eða
 aðrar lögføstotíðer, þa hevir hann eigi at eins licams saurgon,
 35 heldr bððe oc gløpenn, oc er eigi þat synð, þót maðr matesc,
 heldr þat er hann etr a fostotíðom. Sva oc ef nœqer dirfer sic
 at(!) at taca corpus domini þeira, er teket hefir aðr licams fœzlona
 samdøgres, þa verðr hann hvarstveggia sekr, af dirð oc osiðseme;
 oc verðr eigi af því sekr, at hann eðe, heldr af því at hann gerði
 40 i gegn goðs lögom oc rettom sið oc át, aðr hann tðki corpus

domini; þviat verken gera mann eigi sekian, heldr oscvnseme oc ostilleng verkanna. Manndrap er ilt, þar er saclaus maþr verþr veginn, oc vitom ver þo stundom lovaþ manndrapet vera oc rétt, þar er ovinn friþarens es drepinn eþa þiofr eþa vikingr. Þa siom 5 verþr, at ovinn þinn vill glata þer, en nœcqr feli þic firer honom oc segþesc eigi vita, hvar þu vœrer, þa vœre honom eigi lofat at eins at liuga, heldr oc at sveria, oc gœrer þar sia atburþr goþan avœxt af tvennom illom hlutom, þat er lyge oc liugeiþr, þviat goþ dœmer meirr at ahuga orom en at vercom. Sa er þat hrepisc at 10 liuga, oc selr hann firer þer sacar mann til dráps, þar er sem hann hrœþesc at glata eirpenninge, en firer þer sacar glatar hann byrþi gollz. En eige [ero verc¹ af øple ill heldr af ostilling; þviat ef oscirþr maþr tecr corpus domini, þa snyr hann goþo til illz, oc tecr þaþan af secþ eilifrar qvalar, es hann mœtte sic leysa fra 15 eilifre qvol. Sva ero oc hiuscaper goþer, þeir es helgasc af goþe oc blezasc af kennimonnom oc haldasc at goþs lœgom.“

En þa es postolenn hafþe þetta melt, þa tœc Hirtacus konongr oc hirþ hans at lova postolann miœc oc tœlo hans, oc hugþe at til þess vœre sia tala ger, at snua hugscote Efigenie meyar til 20 hiuscapar. En er sia tala var lengi lovoþ, þa baþ postolen sér hliœps i annat sinn oc melte: „Hyggit at er, fratres oc syner oc konor, hvar til mal mitt horfer; þat eitt manndrap talþa ec gótt, es .i. osiþamaþr es drepenn, at eigi drepe hann marga saclaus, sva sem veginn var Golias forþom eþa Amon eþa Oiofernir, eþa 25 sva sem vegner voro ovinn yþvars rikis. Sva helgasc oc meþ goþom vercom þeir einir hiuscaper, es retliga ero gœrver at goþs lœgom. En ef neqr þrœll ginge at eiga festarmey domini sui, þa myndi hann þess þykia verþr firer glœp sinn oc dirfþ, at hann vœre cyr brenndr i elde, oc verþr hann eigi of qvongona(!) secr, 30 heldr af þvi at hann tœc festarmey domini sui eþa konongs eþa necqers ser betra mannz. Sva scaldu oc þat vita, konongr, qvat postolen, at Efigenia es festa(r)mœr conongs ins himnesca oc hevyr nunnovixlo tecna; hversu mattu eiga ganga festarmey þer betra mannz?“ En af þesso mali reidesc Hirtacus konongr, er aþr 35 hafþi i hverio orþe lofat tœlo postolans, oc gec a braut oqveþi. En postolen stoþ ohredr oc let eigi niþr falla tœlo sina oc melte enn: „Hlyþit er mér enn, aller er elsciþ goþ. Jarþligr konongr hefir scamrar tiþar velde, en himnescr konongr hefir eilift rike, oc

¹ [er veit *Cd.*

sva sem hann gefr eilivan fœgnoþ þeim er halda tru sinne, sva geldr hann oc eilivar qvalar þeim, er braut fara frá tru hans oc heilagleic. Ef konongs reiþe es ogorlig, hyggit at ér, hvor ogorligre er goþs reiþe eþa mannz. Mannz reiþi endesc á eino augabragði
 5 stundar meþ elde eþa iarne, en goþs reiþe cynder eil(i)fan loga misgerðndom. Dominus goþ, kennande ens sanna, visse firer oorpna hluti oc melte: „Ér scolof eigi hrēþasc þá, es licomom granda einom saman, en þeir mego eigi øndena vega, heldr scolof ér þann hrēþasc, es beþi hefir velde at firerfara bœþi ønd oc
 10 licama i helvites elde. Sva segi ec yþr, at þann scolot ér hrēþasc.“ Þa fell Efigenia mēr til fóta postolanom firer øllom lyþ oc melte: „Ec biþ þic, postole goþs, at þu blezer mic oc meyiar þessar allar, es firir þin orþ ero goþe helgaþar, at ver megem forþasc ógner hœþpingia þessa, es margra rapa leitaþe i gegn mer
 15 i ógnom oc i feboþom, þa er faþer minn lifþe oc broþer. En ef hann þorþe at freista vár, þa er þeir lifþo, þa er þess nu myclo meire von.“ En postolen hafþi traust af goþe oc hrēdesc eigi reiþe konongs, oc lagði hendr ifer hœfuþ meyionom oc blezaþe oc melte: „Goþ scapare licama oc anda, es engi firerlítr oc enge
 20 scilr fra sinni miscunn, ungan ne gamlan, carl ne cono, gøfgan ne ogøfgan, heldr ertu iamt allra scapare oc lausnare! Hlifþo þessom ambottom þinom meþ scilde fultings þins, þviat þu, goþr hirþer, valþer þér yr floke hirþar þinnar oc helgaþer til meydoms oc dyrþar oc hreinlifes andar. Efdu þer til allra goþra verca oc
 25 dyrlogra crafta, at þer stíge ifer holdligar girnþer oc olovaþa munof, oc sé þer staþfastar i elscø sonar þins Jesu Cristi. Veittu þeim andlig hercleþi oc sva hlif licomom þeira, at synþer meg i eigi (velde) hafa i holde þeira ne i hug þeira. Life þer sva i þinne miscunn, at eki meg i eignasc ovinr i þeim. Slœþu allan scapligan
 30 hita licams i þeim meþ doggo himnescrar milde, oc qvecþu i þeim lios hreinlifes. Vere meþ þeim hreinn meydómr prydr oc efldr meþ retre tru oc vísse vón oc algørre óst. Veitu þann hreinlifes craft i hug þeira, es ifer stige of diofol oc allar vølar hans, svát þer firerlíti licamliga hluti, en þekisc andliga hluti, oc þyþesc
 35 fœstor meir en licamligar craser, meir bønner oc helgar bœcr en ofdrykio. Sé þer fœdar bønnum oc fyldar af kenningom oc lystar vøco oc albunar at fylla øll goþ verc. Hlifþo ambottom þinom meþ þessom dugnaþar vopnom, oc veit þeim at ganga osaurgaþa gæto meydoms til domini nostri Jesu Cristi lausnera anda varra,
 40 meþ þeim er þér goþe feþr er(!) vegr oc dyrþ meþ anda helgom of

odaufiligar(!) alder alda.“ Þá svorðu aller oc qvoðu amen. Síðan söng Matheus messo oc framþi alla goðs þionusto. En þá fór hverr heim til husa sinna. En Cristus dvalþe postola sinn eftir i kirkio, oc tók hann þar pisl firer goðs namni, er hann stoð firer altare, þar er hann hafþe vigt corpus domini. Þá com sendimaþr 5 konongs oc lagþe sverþe a miþel herþa honom, þá er hann helt hõndom til himna, oc for þá postole Cristi oc piningarvattr til goðs.

5. En er lýþrenn fra þat, þá foro þeir meþ elde til hallar konongs oc villdo brenna hann inne. En prestar oc kennimenn runno a mot þeim oc melto: „Hirþet eigi ér at gera i geng(!) 10 goðs boþorþi, þviat Petr postole bra sverþe oc hiv(!) eyra af einom þrele, þeim es i líþi var þeira er hondluðu dominum, en hann vilde eigi hemna lata sin, heldr grøde hann eyraþ, es af var hõggvet, oc melte: Veiztu at faþer minn ma senda mer .xii. þusunder englalíþs, ef ec vilda. Høldom vér oc þá aller pislartíþ 15 postolans meþ fagnaþe, en biþom þess es goð vill gert hafa.“ En Ephigenia en helgasta mēr veitte kennimonnom goðs fe þat er hon atte i gulle oc silfre oc i gimsteinom, oc melte: „Gøriþ ér kirkio postola goðs, en gefit valoþom fé þat es af þvi gengr. En ec verþ enn at eiga þrauter við Hirtacum.“ Síðan sende Hirtacus 20 conor rikismanna til Ephí(g)eniam oc vøtte, at þer mōnde telia henne hughvarf. En er þat matte eigi verþa, þá callaði hann þangat galdramenn, at þeir mētte tēla hana meþ galdravēlom oc diofla. En er eigi motto loc a þvi verþa, þá lét hann leggja eld i bō hennar, þar er hon var inne oc þionaþi goþe dag oc nott. 25 En er bōrenn tók at loga umbhverfes, þá vitraþesc henne engill goðs meþ Matheo postola oc melte: „Vestu styrc Ephigenia, oc hrezc eigi eld þenna, þviat hann mon aftr hverfa til þess er gera lét.“ Þá gerþi goð vind micinn, oc lagþi logann fra husom hennar oc til hallar konongs, oc brann høll hans øll, svat øngom eyre 30 matte biarga, þeim er þar var inni. En Hirtacus comsc ut ór eldinom meþ einga son sinn, oc vøre honom þo þat betra, at hann hefþi þar inne brunnit, þviat sonr hans varþ gripenn af diofle enom sterxta, oc rann hann til leíþes Mathei oc ios up þar firer alþýþo øllom gløpom fōþor sins. En þá drap fiandenn 35 Hirtacum enne verstu líþro ór høfþi ofan oc alt a fōtr niþr. En er læcnar oc fiolcunger menn mótto hann eigi græþa, þá lagþi hann ipse sverþe a sér. En aller lýþer hlógo at dauþa hans oc toco broþor Ephigenie til konongs, en hann hét Veór. En hann hafþe tru teket af orþom systor sinnar, en scirn af postola goðs. 40

Hann var halfþritogr at aldri, þa er hann toc konongdom, en hann var konongr .iiii. vetr ens siðnda tegar, oc hafþe hann friþ beþi við Serki oc Rumaborgar menn. En þa voro øll herof Blalandz full cristne oc almenniligrar cristne oc tru. En morg
 5 tócn getasc af verþleicom oc bñnom sancti Mathei apostoli, er fyrstr reit at oro mali goþspiøll domini nostri Jesu Cristi, með þeim er goþe feþr vegr oc dýrþ með helgom anda huggar(a) nu oc ei of allar alder alda.

Fragment.

10
 *en hæyrða kenneng drottens vars Jesus Crists or munni minum Oc truir þu þegar. Af því scaltu vita. At sonr þin man lifna. Ða hof hann up hendr sinar. Postolen oc mælte þa sva. Deus Abraham. Deus Ysaacc. Deus Jacob. En(!) sende æinga sun sin af himnum. oc till jarðar oc at hann læysti oss fra villu. oc syndi oss
 15 sec sannan guð. Mints tu nu orða þinna. Alzvaldande guð. Ðæirra er þu mælt. Sat sægi ec yðr hvatke er þer biðið faður mín. I nafne minu. Ða man hann gefua yðr. Ðic bið ec at sia svæin risi up. Af dauða till þess at allar þjóðer viti þat at ængi se guð
 20 nema þu æin. Ða toc Matheus ihond hinum dauða. Oc mælte sva. I nafne drottens vars Jesu Crists hins crosfæsta. Ris upp þu. Eufronon. Ða ræis hann upp þegar. En konongr. fæl till jarðar þegar. er hann sa sun sin hæilan uprisa or dauða. Oc bað færa. Postolanom. corona sit(!) eða purpura skickiu. En siðan þa sende
 25 hann menn við a um borger. oc um hærað. at boða þangat komo. Allum mannum. eða at sia guðz jartæinir oc guð sialfuan. En þa com margr lyðr or allum borgom við a vega. Ða mælte Matheus við lyðen. Ec em æigi guð cvað hann. hældr em ec þræls(!) drottens sunar guðz þess er mec sende till yðar. Till þess at þer
 30 mætteð vita sannan guðz vilia. oc hværfua fra illu. En ef þer ætleð mec guði glickian. Hværsu miclu hældr sculu þer trua. A þan guð. Er ec em hans þræll. Oc ec ræista up í hans nafne

* *Jvf. ovenfor S 801²⁴—803²⁶.*

þenna konongs sun af dauða. En þer aller er skilia megoð
retta scynsemi. Ða takeð abraut fra augliti minu gull þetta oc
silfr yðat. eða gereð mynstere guði með því fe. Oc komeð oft
þangat till. At hœyra orð guðs. Ða samnaðosc till sextigir þus-
unda manna. oc gerðo kirkiu a þrim togom daga. En su kirkia 5
vas kallað uprisa Mathei. Ðvi at kirkiu smiðen gerðesc af up risu
hins dauða. En Matheus. sat at þæirri kirkiu .iii. vetr oc .xx. oc
cristnaðe margar þioðer. oc let margar kirkiur gera. oc vigði
marga biscupa oc presta. Konongr toc skirn. Eglippus oc cona
hans Eufenora. oc sonr hans. Eufronon oc dotter hans. Ephigenia. 10
En hon vas mæ'r alla æue. Enn þæir Zaroés oc Arfaxat flyðu abraut
af blalande. Oc till Persalanz. oc gerðo þar slict eða værra. Oc
skiftu viðða Simonem oc Judam. oc fengo þar bana. En lanct es
um þat at tællia hværso margum blindum Matheus gaf sion. Eða
hæilsu margfallega. En ec man liða yfuir þat. oc sæhgia hværso 15
hann vass pindr fyrir guðz sacar. Eglippus konongr bæið goð
ællii(!). oc for till guðz æftir dauða sinn. En Yrtacus vas konongr
æftir hann. broðor sunr hans. En hann villdi ganga at æiga Ephig-
eniam. hins dauða konongs dottor. Es þa hafðe Nunnu vigslu
tækit af postola guðz oc ræið(!) fyrir tvæim hundradom mæyia. 20
En Irtacus vætte þess. at hann myndi geta at postolanom. at
hann snere hugscote Ephigenio. Æftir vilia sinum. Oc quasc hanum
gefua myndu hælfnig rikis sins. Ef hon genge með hanum. En
postolen svaraðe þa. Sa vas vanðe hins fyrra konongs at hann
com hværndag hælgan at hœyra orð guðz. Nu bioð þu hingat 25
margum mannum. Occ sva Ephigenie með mæyium sinum. Auc
man tu hœyra þa marga goða luti. Es ec man tællia um rættan
huscaph. Ðvi mále varð Hirtacus fæhgin. Oc bauð þangat liði
miclu. Occ sva Ephigenie með mæyium sinum. En þa er þar vas
komen fiolðe mikill manna. Ða mælte postolen. Hæyri þærr mall 30
mit aller synir Crists. oc skilið þat es ér hœyrið. oc varððvæitið i
hiartum yðrum. Guð vár bletsaðe huscape. Oc lofuaðe mannum
lichamlega ást. At maðr unni kono sinni. Oc kona manne sinum.
En þat siom vér oft at kona skilsc við buanda sin. Eða menn
læiðasc conor sinar. oc gera i gægn boðorðom guðz. Oc því es guð 35
lofuaðe lichammenom. En ef huscaph es fræmdr með guðs ræðslo.
Ðar es þau fara saman at guðz lahgum oc saurgasc hvarke af
syndum fiol ræðes. Ða ræinsa guðsz log huscappen af synda
saúri. En su saúrgan oc lichams munuðg(!) ma ræinsasc af al-
musu gærðum oc miscunnar værcum Fyr utan iðranar tár. Huscaph 40

hæfuir saurgan lichams af munugðar lifui. En æigi gløep. En sa
 er æigi hældr secc fra munuðgðar(!) lifui i aðra staðe. Ða hæfuir
 sa æigi at æins saurgan lichams. Hældr auc gløepenn Eða við
 kiot atte um langa fastu
 5

III.

Hér hefr upp saugu Mathei.

Tveir fiolkunnigir menn voro a Blalandi, annarr het Zaroos
 enn annarr Arfaxath, þeir voro i borg þeiri er Nabdaber heitir.
 10 Enn þar reð firir konungr sa er Eglippus het. Þessir inir fiol-
 kungu saugðuz guð vera oc villtu alla þioð a Blalandi. Konungrinn
 truði þeim oc allt landz[folk], oc urðu þeir agætir of allt Blaland,
 oc komo menn víða or heroðum at gaufga þa. Enn þeir namo syn
 eða gaungu fra maunnum oc qvolðu menn i sottum, þeir sendu
 15 hauggorma til meins maunnum, oc þotti þa sem þeir græddi, er
 þeir letu af at meiða. Enn firir því at guði er rækð a maunnum
 oc vill hann aullum hialpa, þa sendi hann postula sin Matheum
 guðspiallamann a mot villu þessi. Enn er hann kom, þa braut
 hann niðr villu þessa oc fiolkyngi þeira, oc gaf hann þeim maunnum
 20 syn, er inir fiolkunnigu blinduðu, enn þeim gaungu, er þeir toko
 fra. Hauggorma svæfði hann, þa er þeir sendu til meins maunnum,
 oc græddi mennina i guðs nafni. Maðr het Candacis, hann var
 gelldr, hann varðveitti fe drottningar. Þann mann hafði Philippus
 postuli skirðan. Enn er hann sa Matheum postula, þa fell hann
 25 til fota honum oc mællti: „Guð sa miskunnar augum a borg
 þessa oc sendi þic til vár, at þu leystir oss af illzku þessa tveggja
 enna fiolkunnigu, er heimskir menn ætla guð vera.“ Þa leiddi
 hann postulann inn i hus sin, oc qvomo vinir Candacis þangat at
 heyra orð guðs, oc truðu margir a drottin Jesum Crist oc toko
 30 skirnn, er þeir sa, at guðs postuli Matheus eyddi aullu illu, er
 inir fiolkunnigu menn gerðu maunnum til meins. Enn þeir graund-
 uðu þeim, er þeir mattu, unz enir siuku báðu ser heilsu af þeim,

oc synduz þa græða, er þeir letu af at qvelia. Enn Matheus postuli græddi eigi at eins þa er þeir meiddu, helldr alla þa er til hans kvomo, hvatki er þeim var at meini. Enn hann kendi þeim orð guðs. Allir menn undruðuzt mælsku hans. Þa spurði Candacis postulann oc mællti sva: „Segðu mer, hvi þat gegnir, 5 er þu ebreskr maðr kant at mæla a grixca tungu oc blalenzka oc egipzka, sva at þeir kunnu eigi sva at mæla, er þar eru fæddir?“ Postulinn svaraði: „Allr heimr hafði fyrst eina tungu. En su dirfð hofzt með maunnunum, at þeir fystuz at gera sva havan staupul, at tæki til himins. Enn guð stauðvaði þessa dirfð, sva 10 at engi matti nema hvat annarr mællti. Þa gerðizt(!) fleiri tungurnar, oc eyddiz þat rað, er þeir baru saman, meðan þeir haufðu eina tungu, þviat eigi toko þeir þat upp af goðum vilia helldr af illri dirfð, þar er þeir villdu fara til skapara sins overðir. Enn guðs sonr kom at syna, hversu þann staupul skal smiða, er til 15 himins ma upp stiga af, oc sendi hann oss .xii. postulum sinum helgan anda af himni, þa ef ver satum i einu husi, oc kom yfir oss i elldligum tungum, oc birtumzt ver allir af honum. Enn þa hvarf fra oss hræz(la) oll, oc toko ver allir at mæla a allar tungur of stormerki Cristz, hversu eingetinn guðs son var borinn 20 i heiminn, sa er ier(!) oc var firir allar alldir. Enn hann var borinn fra meyio oc skirðr, oc freistaði diofull hans, oc var hann pindr oc dauðr oc grafinn oc reis upp a enum þriðia degi oc ste til himna oc sitr til hægri handar guði feðr, oc mun hann koma at dæma of allan heim firir ogn elldz. Enn eigi kunnum ver læri- 25 sveinar Cristz þessar einar tungur fiorar, sem þu nefndir, helldr kunnum ver allra þioða tungur allir at mæla oc skilia, hvargi er ver komum, þviat nu er giorr staupull oc eigi or steinum helldr af crauptum guðs, þviat aullum, þeim er skiraz i nafni fauður oc sonar oc heilags anda, lykzt upp sa staupull, er Cistr smiðaði, 30 oc þeir smiða þann staupul sialfir, unz þeir stiga til himinrikiss.“

Enn er postuli guðs hafði þetta mællt með mikilli skynsemi, þa kom maðr oc sagði, at þeir Zaroos oc Arfaxath foro, oc flugu drekar hræðiligir firir þeim, þeir er blesu reyk oc brennusteins loga or nausum ser oc munni. Enn af þeim reyk fengu menn 35 sott eða bana. Þa signdi postulinn sic oc villdi ut ganga auruggr a mot þeim. Enn Candacis lauk aptr durum oc mællti: „Stattu við glugg, ef þu vill, oc mæl þaðan við þa.“ Postulinn svaraði: „Luk þu upp durum, enn þu statt við glugg, ef þu vill, oc sia dirfð þeira.“ Þa geck Matheus postuli ut, er enir fiolkunnigi(!) 40

menn voro komnir, oc flugu drekar með þeim. Enn þegar er drekarnir komo firir fætr postulanum, þa sofnuðu þeir. Postulinn mællti við ina fiolkungu: Veki þit nu drekana, ef it megit. Enn ef ek bæða drottin minn, þa mætta ek senda aptr til yckar þat
 5 mein, er þit ætluðut mer. Enn er saman kemr allr lyðr, sa er nu þorir eigi hingat at ganga, þa mun ek vekia drekana, sagði postulinn, oc bioða þeim aptr at fara til sins staðar með hogværi.“ Þa letituðu(!) inir fiolkunnugu(!) við at vegkia(!) drekana, oc mattu eigi. Þa mællti lyðrinn við Matheum postula: „Vær biðium þic,
 10 drottinn, at þu leysir lyð þenna fra dyrum þessum.“ Postulinn svaraði: „Eigi skaulu(!) þer hræðazt, ec mun þeim a braut visa, sva at eigi mun mein at þeim verða.“ Þa mællti hann við drekana: „I nafni drottins Jesus Cristz, þess er getinn er af anda helgum oc borinn fra Mariu meyiú oc selldr af lærisveini sinum
 15 oc krosfestr af Gyðingum, siðan var hann grafinn oc reis upp a enum þriðia degi, oc minti oss a þat, er hann kendi oss firir pisl sina. Siðan ste hann upp til himna, sva at ver sám a, oc sitr nu til hægri handar fauður sinum, oc mun hann þaðan koma at dæma of lifendr oc of dauða. I hans nafni oc krapti særi ek
 20 þic, ohreinn andi, er ræðr aullum ormum, at þu vekir flugdreka þessa oc latir þa fara hogsamliga aptr til sinna staða, oc gori ecki grand maunnum ne dyrum ne foglum.“ Þa hofu drekarnir(!) upp haufuð sin oc foro ut i borgarhlið oc voro alldregi senir siðan. Þa mællti postulinn við allan lyð: „Heyri þer, bræðr, þeir
 25 er leysa vilia andir sinar fra inum forna dreka. Guð sendi mic til heilsu, at iér firirlatið villu skurðgoða oc truið a skapara yðvarn. Þa er guð skop inn fyrsta mann, þa sendi hann inn fyrsta mann i paradis oc kono hans, er skaupuð var or rífi hans.

Paradis er goðr staðr aullum fiollum efri, nalægr himni, oc
 30 er þar ecki þat, er gagnstaðliet se heilsu manna; þar hræðazt eigi foglar farar manna, þar renna eigi upp þyrnar ne illgresi, þar hraurna¹ alldri fargrir(!) blomar, þar missir ongra goðra grasa, þar er eigi mein at elli ne æsku, þar eru avallt blið veðr² oc goð, oc gera dyrligan ilm firir nausum; þviat sva sem it dyr-
 35 ligsta reykelsi rekr a braut [allt odaunan³, sva taka nasar þeira⁴ a ilm eilifrar dyrðar, þann [ilm er þa lætr eigi meðaz ne sykiaz ne elldaz. Þar reysta lofsaungvar⁵ engla fyrir eyrum oc dyrligar

¹ fólna *B.* ² saal. *B.*; verðr *A.* ³ [illan daun *B.* ⁴ er þar eru *tilf. B.* ⁵ [er
 40 madr eldizt eigi ne meðizt eda sykizt. Þar reystir hliomr heilagra guds *B.*

raddir [heilagra manna, þar eru eigi hauggormar ne froskar¹ ne padda, oc ecki meinkycqvendi, þar þiona maunnum enu² óaurgu dyr, oc [hvatki er³ maðr mælir við fogla eða við dyr, þa [hlyða þau honum sem guði⁴. Fiorar ar falla þaðan. Ein heitir Fison, aunnur [Gion, þriðia Tigris⁵, fiorða Eufrates. Þessar ar eru fullar 5 fiska. [Þa er maðr mælir við vatnit, at þat sendi honum fisk, þa fellr ain firir fætr honum með allzkyns fiskum, sva at hann ma þann taka er hann vill, enn þann eptir lata, er hann vill þat, i vatninu. S(l)ict et sama foglar oc aull kyqvendi, þau er til krasa megu vera, koma þegar er nefnd eru, oc þarf eigi at sæfa þau til 10 fæzslu, oc hefir þo hverr gnoga fæzslu af þeim oc firirbunar crasir af guði, oc eru þo kycqvendi aull heil oc oskaudd, þviat hverium ero þat crasir oc faugnuðr, er hann veit, at aull kycqvendi þiona honum⁶. Enn þær crasir er þar eru, verða sva hverium þockaðar sem hugr hans⁷ beiðir. [Þar geriz eigi saurr i qviði manz, þar 15 er eigi hunda gauð ne ulfa þytr ne greniun innu(!) oaurgu dyra⁶, þar eru allir hlutir bliðir oc allir hogværir, allir kyrrir, þar er alldregi himins fegrðr(!) skyium hulit, þar fliuga alldri elldingar, þar verða alldri reiðarþrymur⁸, helldr er þar gleði án enda oc hatið su er ecki hefir endimark. Enn af því er eigi hauggormr 20 þar, at aufundar engill framdi ena fyrstu illzku firir hauggorminn, oc var hann sva baulvaðr siðan, at hann matti eigi vera i blezoðum stað.

Enn at því var inum(!) englum aufund, at þeir sa manninn hafa guðs liceski, oc maðrinn matti vera i lifs heraði, þar er 25 aull kycqvendi þiona honum. Þessa aufund tok engillinn af ser sialfum oc mællti or hauggormi við conu Adams, at þau æti epli bannaðs tress. Enn siðan tældi conan karlmanninn. Enn er þau hofðu bæði misgert, þa voru þau bæði a braut rekin or lifs heraði oc send hingat i dauða herat. Enn sialfr glæps hvetiandi 30 varð fundinn i hauggormi oc tok eilifa baulvan. Siðan let sonr guðs ser soma at taka manz likama a sic, sa er með feðr oc helgum anda skapaði manninn, oc firirlet hann þo eigi guðdom sinn, þa er hann tok manndominn, oc var hann borinn guð oc maðr fra meyi. Enn su mætr oc moðir varð qviðug af helgum 35 anda, þa er hon heyrði (orð) or engils munni oc truði þeim. Enn trua hennar samtengdiz helgum anda, þviat heilagr andi elskaði osaur-

1 [, hauggormr hefir þar eigi vist, ne froskr *B.* 2 en *B.* 3 [hvat sem *B.* 4 [þiona þau ok veita hlyðni honum *B.* 5 [Tigris, þriðia Gangis *B.* [6 *mgl. B.* 7 manz *B.* 8 reidarþrymur *B.*

gaða mey, oc fann hann likama hennar hreinan oc aund osaurgaða oc tru ospilta, oc giorðiz maðr i qviði hennar, sem Salomon sagði, at guðs speki giorði sér hus. Enn sia maðr Jesus Cristr bætti yfir misverk þess, er yfir varð stiginn af diofli oc braut rekinn or
 5 paradiso hingat i heim. Enn firir því at inn fyrsti maðr var skapaðr or hreinni iorðu, þa byriaði þat, at sa væri fra meyo borinn, er bætti yfir verk Adams, oc hann stigi fastandi yfir þann, er sigr vann a þeim, er at þat, er guð bannaði. Enn Jesus Cristr ste yfir vælar fiandans oc yfir dauðan deyiandi, at hann lyki upp
 10 dyrr paradisar i upprisú sinni. Enn þangat leiddi hann fyrstan þiof, þann er heck a crossi með honum, oc lauk hann upp paradisu firir aundum allra heilagra, þa er þær fara or (li)kamanum, sva at allir megu nu þangat komast eptir upprisú sina. Enn nu renni sa er vill fra dauðanum oc til lifsins, oc hverfi aptr til
 15 paradisar, þangat er þaðan var likamligr faðir varr a braut rekinn oc sendr með aullu kyni sinu i utlegð þessa heims. Drottinn lauk upp dyrr paradisar, at ver hverfim aptr til fostriarðar varrar, þar er avallt se faugnuðr oc kemr alldri dauði.

Enn er postulinn hafði þetta mællt við lyðinn, þa geck hann
 20 inn i borgina. Enn þar var þa(o)gleði mikil oc gratr, þvíat konungs son var þa andaðr. Enn hia liki hans stoðu þeir Zaroos oc Arfaxath oc hugðuz mundu mega reisa hann upp af dauða. Enn er þeir mattu þat eigi, þa saugðu þeir þat konungi, at hann væri uppnuminn oc orðinn at guði, oc gera skyllði honum hof oc blota
 25 hann. Enn Candaciss gelldingr geck firir drotningu oc mællti: „Seti þer i baund þessa ena fiolkungu menn oc biðit Matheum postula, at hann komi hingat, enn ef hann reisir enn dauða til lifs, þa brenni þer ena fiolkungu kyqva i elldi, þvíat þeir vallda aullu illu, því er geriz i borg varri.“ Þa var Candacis sendr (með)
 30 enu gaufguzstum hirðmaunnum eptir postulanum, oc var hann leiddr firir konung með veg miklum. Þa fell Eufenora drotning til fota postulanum oc mællti: „Ec veit at þu ert postuli sendr af guði, oc ertu þess lærisveinn, er dauðum gaf lif oc aullum siukum heilsu með orði sinu einu. Enn nu kallaðu yfir son minn dauðan a nafn lærifauður þins, oc trui ek, at hann mun lifna.“ Postulinn
 35 svaraði: „Þu hefir enn eigi heyrða kenning drottins Jesus Cristz or minum munni oc truir þu þegar. Af því vittu þat, at sonr þinn mun lifna.“ Þa hof hann upp hendr sinar oc mællti: „Guð Abrahams, guð Ysaacs oc guð Jacobs, þu er sendir son þinn ein-
 40 getinn af himni til iarðar, at hann leysti oss fra villu oc syndi

oss sic sannan guð vera, minnztu nu orða drottins vars Jesus Cristz sonar þins, er hann mællti sva: Satt segi ec yðr, hvatki er ier bið(it) fauður minn i nafni minu, þa mun hann veita. Þic bið ek, at sia svein(n) risi upp af dauða, til þess at allar þioðir viti þat, at engi er guð nema þu.“ Þa tok Matheus i haund inum dauða 5 oc mællti sva: „Ris upp þu Eufronon.“ Þa reis hann upp þegar lifs oc heill. Enn hiarta konungs oazz(!) oc bað færa postulanum koronu oc purpura oc sendi hann rennara of borgina oc of heruð Blalannz oc mællti sva: „Komi þer hingat oc siat guð, er leyniz i manz liceski.“ Þa kom mikill fioldi lyðs með kertum brenn- 10 aundum oc með reykelsti oc aullu kyni blota. Þa mællti postulinn við lyðinn: „Ec em eigi guð, helldr þræll drottins mins Jesus Cristz sonar guðs, þess er mic sendi til yðvar, at ier mættit vita sannan guð oc hverfa fra blotum oc villu skurðgoða. En ef ier ætlit mik guð vera, hversu miklu helldr skaulut ier trua a þann 15 guð, er ec em hans þræll, oc ec reista i hans nafni upp þenna konungs son af dauða. Enn ier allir er skilia meguð retta skynsemi, takit a braut fra augliti minu gull þetta oc silfr oc gerit musteri til dyrðar guði oc komit oppt þangat at heyra orð guðs.“ Þa saumnuðuz til sex tigur þusunda manna oc geyrðu kirkiu a 20 þrimtigum daga. Enn su kirkia var kaulluð upprisa Matheus, þviat kirkiusmiðin gerðiz af upprisu ins dauða. Enn Matheus sat at þeiri kirkiu .iii. vetr oc .xx. oc cristnaði margar þioðir oc let margar kirkjur gera oc vigði byskupa oc presta. Eglippuss konungr tok skirn oc kona hans Eufenora oc son þeira Euf- 25 ronon, er af dauða var reistr, oc dottir þeira Ephigenia. Enn hon var mærl alla æfi. Enn þeir Zaroes oc Arfaxath flæðu a braut af Blalandi a þeiri stundu er Matheus reisti konungssoninn af dauða. Þeir foro til Persiðalandz oc gerðu þar sliet eða verra enn a Blalandi, unz guð sendi þangat postula sina Simon oc 30 Judas i gegn villu þeira. Enn langt er at segia serhveriar iarteinir þeira, eða hversu morgum Matheus postuli gaf syn, eða hversu marga hann leysti fra dioflum, eða reisti af dauða, eða hversu konungr lifði eða cona hans, eða senir eða lyðr hans, oc verðr af því liða yfir þat, oc segia hversu at bar, er pindr var Matheus 35 guðspi(a)llamaðr. Enn Eglippus konungr beið goða elli oc kona hans Eufroa(!).

Fra Hirtacus konungi.

2. Þat er at segia, at konungdom tok eptir Eglippum Hirtacus broðurson hans. Hann villdi ganga at eiga Ephigeniam dottur Eglippus konungs bræðrungu sina. Enn hon hafði tekit
 5 nunnuvigslu af Matheo postula, oc reð hon firir tveim hundruðum meya. Enn Hirtacus vætti þess, at postulinn mundi snua hugskoti hennar, eptir því sem hann villdi konungrinn, oc qvaðz gefa mundu helming rikis sin(s), ef hann gerði sva, at Ephigenia mærvilldi ganga með honum. Postulinn svaraði: „Sa var vandi
 10 Eglippus konungs, at hann kom hvern dag at heyra orð guðs. Nu bioð þu, at margr lyðr komi hingat a morgin, oc sva Ephigenia mærv með meyjum sinum, oc muntu þa heyra, hve marga goða hluti ek mun telia of rettan hiuskap, þvíat heilagr hiuskapr er guði þægr.“ Þvi mali varð Hirtacus konungr feginn oc bað
 15 mart lið þangat koma oc sva Ephigeniam með lið sitt. Enn er margr lyðr var þangat kominn, þa lauk postulinn upp munn sinn oc mællti við allan lyð: „Heyri þer mal mitt, allir senir Cristz, oc skilit þat er ier heyrit, oc varðveitit i hiortum yðrum. Guð varr blezaði hiuskap oc lofaði maunnum likamliga ast, at maðr
 20 ynni conu sinni, enn cona manni sinum. Enn þat siam ver oppt verða, at cona skilsz við bonda sinn eða bondi le(i)ðiz cono sina, oc gera þau þa i gegn þeiri ast, er guð veitti oc lofaði likamanum. Enn ef hiuskapr er framiðr af guðs hræzlu, þar er hiu tvau fara saman, at guðs laug hreinsa hiuskapinn af sauri synðanna. Enn
 25 sia sau(r)gun oc munuð likams ma hreinazt firir aulmosu gæði oc miskunnar verk, ok er eigi sva þung synð, at eigi megi hreinazt með iðrunartarum; hiuskapr hefir saurgun likama af munuðlifi, enn eigi af glæpnum. Enn sa er eigi helldr sic fra munuðlifi sem við kiotati of langafaustu eða aðrar laugfaustur, þa hefir sa eigi
 30 at eins saurgun likamans, helldr oc glæpinn með, oc er eigi þat glæpr, at hann matiz, helldr hitt, er hann mataðiz a faustutiðinni. Sva er oc ef nockurr tekr fyrst likams fætzlu, enn siðan gengr at taka corpus Cristi samdægris osiukr, þa verðr hann hvarstveggia sekr dirfðar oc osiðsemi, oc verðr hann eigi af því sekr, er hann
 35 at, helldr firir því er hann gerði i gegn guðs laugum oc mataðiz, aðr hann tæki corpus Cristi; þvíat eigi gera verkin ein saman manninn sekian, helldr oskynsemi oc ostilling vercsins. Mann-dráp sialf siam ver stundum lofat, þar er veginn er osiðamaðr eða þiofr eða vikingr eða illvirki, oc er þo eigi mandrapit gott, ef saklauss
 40 maðr væri veginn. Þat siam ver oc verða, at lygin sialf kann

verða goð af atburð, þott hon se ill i sinu eðli. Ef ovinr þinn vill granda þer, enn maðr forðaði þer, oc segiz eigi vita, hvar þu ert, þa væri honum lofat eigi at eins at dylia helldr oc at sveria, oc eru þat tvennir illir hlutir lygi oc liugeiðr, oc gerðu þo goðan avauxt með þessum atburð, þviat guð dæmir at hugskoti varo 5 meirr enn at verkum. Sa er hræðiz at liuga oc selr firir þær sakar mann til dauða, þa er sem hann hræðizt at giallda eirpenn-ing oc glati firir þær sakar byrði gullz. Eigi eru flest verkin at eðlinu ill helldr af ostillingu verksins; þvi(at) ef oskirðr maðr tekr corpus Cristi, þa snyr hann goðu til illz oc tekr af þvi sekt 10 eilifrar qvalar, er hann mætti sic leysa fra eilifri qvaul með, ef hann væri skirðr. Sva eru oc hiuscapir goðir, þeir er helgaz af guði firir blezun kennimanna oc halldaz i guðs laugum, ef þeir eru eigi með ostilling framðir.“ Enn er postulinn hafði þetta mællt, þa tok Hirtacus konungr oc hirðmenn hans at lofa þessa 15 töl, oc hugði hann til þess giort vera þetta mal at snua hug Ephigeniam(!) meyar. Enn þa er lengi var lofuð sia tala, þa bað postulinn ser hlioðs i annat sinn oc mællti: „Hlyði þer enn, bræðr, oc hyggit at, hvar til horfir mal mitt. Þat vig tel ec gott, er osiðamaðr er veginn, oc er til þess einn veginn, at eigi vegi 20 hann marga saclaus, sva sem veginn var Golias risi eða Amon eða Olofernus eða þeir er ovinir voru yðvars rikiss. Sva helgast oc hiuskapr með goðum verkum, ef hann er rettliga framiðr at guðs laugum. Enn ef þræll nocqurr gengi at eiga i dag festarcono drottins sins, þa væri hann þess verðr firir dirfd sina oc 25 glæp, at hann væri kvikr i elldi brendr, oc sek(i)zt hann eigi firir þat, er hann qvangaðiz, helldr firir þat, er hann tok festarconu drottins eða konungs sins, eða nockurs ser betra manz. Sva skalltu oc vita, Hirtacus konungr, at Ephigenia er festarmær himnakonungs oc hefir nunnuvigslu, hversu mattu ganga at 30 e(i)ga festarconu þer betra konungs.“ Þa reiddiz Hirtacus konungr, er aðr hafði lofat i hveriu orði taulu postulans, oc geck a braut oqveði. Enn Matheus stoð glaðr oc ohræddr oc mællti: „Hlyði þer mer, allir vinir guðs! Jarðligr konungr hefir skamrar tíðar riki, enn himneskr konungr eilift velldi, sva sem hann gefr 35 þeim eilifan faugnuð, er hallda tru sinni, sva gefr hann oc þeim eilifar qvalar, er eigi hallda hans tru oc villaz fra honum oc hans heilagleik. Ef konungs reiði er ogurlog, hyggit ier at, hvar ogurlogri er guðs reiði eða manzins, þviat reiði mannzins endiz a einu augabragði með elldi eða iarni, enn guðs reiði kyndir eilifan 40

loga i helviti misgerundum. Enn drottinn vissi gervallt firir aðr
yrði, oc mælti við oss: Eigi skulu þér hræðaz þa er bana likam-
anum, þvíat þeir megu eigi fleira granda, helldr skulu þer þann
hræðaz, er hefir velldi at senda aundina i helviti, síðan hann
5 hefir banat likaununum.“ Þa fell Ephigenia mærl til fota post-
ulanum oc mælti: „Ec bið þið, guðs postuli, at þu blezsir mic
oc allar meylar þessar, er firir þin orð eru guði helgaðar, oc ver
megim forðaz höfðingia ognir, er margir(!) er margra raða leita(ði) i
gegnum mer i ognum sinum oc feboðum, þa er faðir minn lifði oc
10 moðir. Enn ef hann þorði at freista vár, þa er þau lifðu, þa er
nu þess myclu meiri ván.“ Þa lagði Matheus postuli hendr sínar
yfir haufuð guðs meylom oc blezaði þær oc mælti sva með guðs
trausti: „Guð skapaði likamann oc andann, sa er eigi firirlitr
ne skilr fra þinni(!) miskunn ungan ne gamlan, karll ne cono, gaufgan
15 ne ogaufgan, helldr ertu iafnt allra skapari oc launsnari(!); hlifðu
þessum ambattum þinum með skilldi fulltings þins, er þu, goðr
hirðir, valdir or flokki þinnar hiðar oc helgaðir til dyrðar meydoms
oc hreinlifiss. Effðu þær til goðra verka oc dyrligra krapta, at
þær stigi yfir holldligar girndir oc allar olofaðar munuðir oc þær
20 eignizt staðfasta elsku drottins vars Jesus Cristz. Veittu þeim,
drottinn, andlig herklæði oc hlif sva likaununum þeira, at eigi hafi
syndir velldi i hug þeira ne i holldi, oc lifi þær sva i þinni
miskunn, at ecki megi ser eigna ovinnr goðra hluta i þessum kerum,
er guði eru helguð. Slauktu allan skaðasamligan hita i þeira
25 hiortum með dauggu himneskrar milldi, oc kve(i)ktu hreinlifiss lios
i þeim. Se i þeim hræzla saurgunar oc hreinn meydómr pryddr
rettri tru oc effdr vissi van oc algiorri ast, at sa kraptr veitiz i
hugskot þeira, er stigi yfir dioful oc allar vælar hans, sva at þær
firirliti stundliga hluti, enn þeckizt eilifa dyrð, oc þyðizt meirr
30 faustur enn likamligar krasir, meirr helgar bækr oc bænir enn
ofdryckiur; se þær fylldar bænum oc fæddar af kenningum oc
lystar i vaukum oc bunar at fremia aull goð verk. Hlifðu ambatt-
um þinum með þessum dugnaðarvapnum oc veitt þeim at ganga
osurgaða gautu meydoms til drottins vars, oc veittu lausn anda
35 varra með þeim, er odaudligr er of allar alldir “ Enn allir svaruðu
oc qvoðo amen. Þa saung Matheus postuli messu oc framði guðs
þionostu. Enn eptir messu for hverr maðr heim til sinna heim-
kynna. Enn Cristr dvalði eptir postula sinn i kirkiu, oc tok hann
pisl firir guðs sakar, er hann stoð oc hafði lokit messu firir altari.
40 Þviat sendimaðr konungs kom oc lagði saxi a meðal herða honum,

þa er hann hellt haundum til himins, oc for Matheus guðspialla-
 skald oc piningarvattr með þessum sigri til almattigs guðs.
 Enn er þetta fragu allir lyðir, þa foro þeir með elldi til borgar
 konungs; þa runnu a mot þeim prestar oc lærisveinar Matheus oc
 mællto sva: „Hirðit eigi þer at gora i gegn guð(s) boðorði, þviat 5
 Petrus postuli bra

IV.

Passio Mathee postola.

Matheus postoli oc guðspiallamaðr, er ver holldum nu
 messudag, hann com til fylgþar með drotni varum, eptir því sem 10
 i guðspiollum er sagt, at drottinn kallaði hann til foruneytis með
 ser fra þeirri iþn, er hann var aðr hvarki agetr at vinsælþ ne at
 rettlæti. Hann var aðr kallaþr tollamaðr, oc var hann i því allu
 metr oc strangr oc nocqvot berr i rangendum, at því er menn
 virðo. Drottinn þa veizlu eptir þat at Math[eus], er [aðr] var Levi 15
 kallaðr, oc sato at því borþi margir uraðvandir menn, er aðr
 hofðu verit [þiofar eþa iafningiar þeira], oc veittu Gyþingar atolu
 drotni varum, er hann at oc drack með bersynðugum monnum.
 En drottinn svaraði því sem [segir i guðspialli], er þeir tolþu
 at hans hattum, at meiri þorf var læcingar siukom monnum en 20
 heilum, oc var hann eigi til þess cominn, at calla rettlata menn,
 helldr til þess at calla synðga menn til iðronar oc leiþrettu. En
 eptir upstigning drottins var Matheus fyrst a Gyþingalandi oc
 gerþi þar sitt guðspiall a þa tungu, er ebresca er colluþ oc avallt
 hevur verit, siþan er hinir fyrstu menn varo scapaþir. Siþan for 25
 hann i Macedoniam oc i borg þa, er Mirmidonia heitir, oc vildi
 þeim lyþ aleiþis snua, en þo beið þat þess at, er Andreas postoli
 cristnaði þa borg. Eptir þat for Matheus til Blalandz, sem guþ
 visaði til. Eglippus het konungr, er þar reþ fyrir, en Eufenora
 drotning, sonr þeirra het Eufronon, dottir þeirra het [Ephigenia. 30
 Maðr het Candacis], hann varðveitti fe drotningar. þenna mann
 hafði Philippus postoli skirðan. En er hann sa Matheum postola,
 þa fell hann til fota postolanom oc mællti: „Guð sa miscunnar
 augum a þessa borg oc sendi þec til var, at þu leysir oss af
 hondum þessa tveggia manna fiolkunnigra, er heimskir menn ætla 35
 guþ vera.“ Þa leiddi hann postolann inn i hus sin. Comu þa
 yinir Candacis þangat at heyra orþ guþs, oc truþu allir a drottin

Jesum Crist oc tocu skirn, er þeir sa, at guþs postoli eyddi allu illu, því er þeir Zaroos oc Arphaxath hofðu gert. Matheus græddi eigi at eins þa, er þeir qvolþu, helldr alla þa er til hans qvomo, hvat sem þeim var at meini, oc kendi þeim guþs nafn, oc allir
 5 undroþusc þa melscu hans. En Candacis, sa er við hanum hafði tekit, spurði hann sva: „Seg þu mer, hverio gegnir þat, er þu ebrescr maðr kannt griksca tungu oc blalennsca sva, at þeir cunnu eigi iafnvel mæla, er her ero foeddir?“ Matheus svarapi: „Allr heimr hafði fyrst eina tungu, til þess er su dirfþ hofsc, er menn fystusc
 10 at gera stopul þann, er tœki til himins. En þessa dirfþ stöþvaði guþ sva, at engi matti skilia, hvat annarr mællti, oc gerþusc þa fleiri kyn tungna, oc eyddisc þat rað, er menn bundu saman, meðan þeir hofðu eina tungu, þvíat eigi var af goþum vilia, helldr af illri dirfþ, er þeir vildu uverþir fara til heilags stapar. En
 15 sonr guþs com at syna, hversu þann stopul scal smíða, er til himins scal up stiga or, oc sendi hann oss .xii. lærisveinum sinum helgan anda af himni, þa er ver satum i einum stað, oc com hann yvir hvern varn i elldligum tungum, oc lystumc ver af honum. Þa hvarf fra oss oll ræzla, oc tocum ver þa at mæla a
 20 allar tungur um iarteguir Cristz, oc hversu guðs sonr var borinn hingat i heim, sa er var oc er firir allar veralldir. En er hann var borinn fra meyio oc upfoeddr, scirþr oc pindr, dauþr oc gravinn, oc reis up a þriðia degi, oc síþan steig hann til himna, oc sitr til hœgri handar guþs foþur almattigs, oc man hann
 25 þaþan coma at dœma um allan heim með ogn elldz. En eigi er sva sem þu ætlar, at ver lærisveinar hans kunnum þessar einar tungur, er þu nefndir til, helldr cunnum ver allra þioða tungur mæla oc skilia, hvar sem ver comum, þvíat nu er gerr stopull eigi or steinom, helldr af crapti guðs. Allir þeir er skirasc i
 30 nafni foþur oc sonar oc heilags anda, þeim lyesc up stopull sa, er Cristr smíðaði, oc smíða þeir þann stopul sialfr, til þess er þeir stiga up til himinrikis.“

Oc er postolinn hafði þetta mælt, þa sagði maðr einn, at hinir fiolkunnigu menn Zaroos oc Arphaxath foru þangat, oc flugu
 35 drekar með þeim sva ogorlegir, at þeir bleso af nosum ser reykc oc brennusteins loga, oc fengu menn sottir eða bana af þeim dauni. Þa signdi Matheus postoli sic oc villdi ut ganga a moti þeim, en Candacis bannaði honum oc lauc aprt durum oc mællti: „Stattu við glygg(!), ef þu vill, oc mæl þaþan við þa.“ Matheus
 40 svaraði: „Luc þu upp durum, oc statt síþan sialfr við glugginn

oc se dirfþ þeirra.“ Postolenn lauc þa upp durum oc gec ut, er hinir fiolkunnigu menn varu comnir, oc drecarnir með þeim. Oc þegar er drecarnir comu firir fœtr postolanom, þa sofnaþu þeir. Matheus mællti við hina fiolkunnigu menn: „Hvar er vel yður? Veki þit ormana, ef þit megit nu. En ef ec bæða drottin minn 5 Jesum Crist, þa mætta ec senda aptr þat mein til yckar, er þit eflut mer i moti. En er saman [kemr] allr lyþr, sa er nu þorir eigi hingat at ganga, þa man ec vekia ormana oc bioða þeim aptr at fara til sinna staða [hofsamliga. En þeir] leituðu þa við með fiolkyngi at vekia drecana, oc mattu þeir eigi upp hefia augu sin 10 ne vakna [ne rœrasc. Þa mællti lyþrinn] við Matheum: „Ver biðiom þec, at þu frælsir borgarlyðinn fra dyrum þessum.“ Matheus svaraði: „Eigi scolu þer hræðasc, ec mon þeim a braut visa, sva at ecki scal mein at verþa.“ Þa leit hann til drecanna oc mællti: „I nafni drottins Jesu Kristz, þess er getinn er af 15 anda helgum oc borinn fra Mario meyio oc selldr Gyþingum af Juda lærisveini sinum; en þeir crossfestu hann oc grovo, en hann reis upp af dauða a þriþia degi oc [var með oss .xl. daga, oc minti oss a hin somu] orþ, er hann hafði oss kennt fyrir pisl sina, en síþan steig hann til himna, [sva at ver sam, oc sitr til 20 hægri handar foður sins, oc] mun þaþan coma at døma um kvicqva oc dauða; [i hans nafni oc crapti særi oc þec, andi, sa er firir] ollum ormum ræðr, at þu vekir flugdreka þessa oc latir þa [fara hofsamliga til sins staðar, sva at þeir geri ecki grand monnum ne fuglum ne dyrum].“ Þa hofu drecarnir upp hofuð sin 25 oc [foru ut i borgarlið oc urðu alldrigi senir síþan. En Matheus mællti við allan lyð: „Heyri þer, bræðr oc synir], oc allir þeir er leysa vilia andir sinar fra hinum forna dreca, þat er dioflinum. Firir heilsu yþra sendi guð mic hingat, at þer firirletip scurðgofa villo en truið scapara yðrum. Guð scapaði enn fyrsta mann oc 30 setti hann i paradisum. Paradis er goðr staðr, ollum fiollum æþri oc nalægr himni, oc hevir ecki þat i ser, er gagnstaðlict er heilso manna. Þar ræðasc eigi foglar for manna, þar vaxa eigi þyrnar ne illgresi, þar missir alldrigi goðra crasa, þar er eigi mein at æscu, þar er avallt blið veþr oc goþr ilmr firir nosum; þviat 35 sva sem reykelsis ilmr recr a braut illan daun, sva taca nasar þeirra, er þar ero, ilm eilifrar dyrþar, þann er maþr elldisc eigi, oc eigi mœþisc maþr ne sykisc. Þar reystisc liomr engla guþs firir eyrum oc fagrar raddir. Hoggormr hevir þar eigi vist ne froscr, padda ne ecki illkyckvendi, þat er grandi heilsu manna; 40

þar þiona monnum en uorgu (dyr), oc hvat sem maðr mælir við fugla
 eða dyr, þa eru þau iafnlyðin honum iafnlyðin(!) sem guði. Fíorar
 ar falla þápan, heitir ein Físon, annur Gíon, þriðia Tigris, fíorþa
 Eufrates. Þessar ar ero fullar físcá allzkyns, oc þa er maðr mælir
 5 við vatnit, at þat sendi honum físcá, þa fellr up áin fírir fœtr
 honum með allzkyns fískum, sva at hann ma taca, þa er hann
 vill, en þa eptir lata, er hann vill þat. Sva hit sama oc fuglar
 oc oll kyckvending, þau er monnum megu vera til crasa, þa coma
 þegar, er nefnd ero, oc þarf eigi at sœva þar til fœzlu monnum,
 10 oc hava þo allir gnoga fœzlu oc fírirbunar crasir af almatkum
 guði, oc ero þo kyckvending oll heil oc uscodd, því at hveriom ero
 þat crasir oc fullr fagnaðr, er hann veit, at oll kyckvendi þiona
 honum. Oc þær crasir, er þar ero, verþa sva hveriom þockaþar,
 sem hugr hans beiðir. Þar gerisc eigi saurr i kviði manz af ati
 15 eða dryck, þar er eigi hunda gauð ne ulva þytr, eigi grenian
 enna uorgu dyra, þar ero allir lutir blíðir, kyrrir oc hógverir.
 Alldrigi er þar himins fegrd scýiom hulið, þar fliuga elldingar
 alldrigi, alldrigi reifarþrumur, helldr er þar gleði an enda, oc
 hatið su er eigi hevir endimarc. En því er eigi hoggormr þar,
 20 at ovundar engill framþi illzeu sína fírir hoggorminn, oc var hann
 sva bolvaþr síþan, at hann ma alldrigi vera i blezsoþum stað.
 En at því var englinom ovund, er hann sa guþs lícneski i mann-
 inum, oc maðrinn matti vera i lífs heraði, þar er oll kyckvendi
 þionuþo honom. Þa toc engillinn ovond af siolvom ser oc mællti
 25 fírir hoggorminn við cono ens fyrsta manz, at hon æti æpli
 bannaðs tres, en síþan sveik conan karlmanninn. Oc er þau
 hófþu bæði misgert, þa varo þau a brot rekin or lífs heraði oc i
 dauða herað, þessa verolld. En sialfr finnandæ synðarennar varþ
 fundinn i hoggorminum, oc var hann þa bolvaðr. En síþan toc
 30 sonr guþs manz lícam a síc, sa er með feþr oc helgum anda
 hafþi scapat manninn, oc fírirlet hann eigi guðdom sinn, þa er
 hann tok manndom, oc var hann borinn bæði guþ oc maþr fra
 meyio. En sia mæz oc móþir varþ qvíþug af helgum anda, þa
 er hon heyrþi orþ engilsins, þvíat hann elscaði þessa usaurgaða
 35 mey, oc samtengþisc þa hennar trua helgum anda, oc fann
 heilagz andi reinan hennar lícam, oc sva ond, oc uspillta tru,
 oc gerþisc guþ þa maþr i hennar qvíði. Sem Salomon sagði
 fírir, at guþs speki gerþi ser hus. En sia maðr Jesus Crístr
 bætti yvir misverca þess, er yvir varþ stiginn af díofli oc braut
 40 rekinn or paradiso oc hingat i heim. En inn fyrsti maðr var

or iorþu gerr, oc var iorþin þa mæR, meðan hon var usorguþ oc eigi spillt af synðum eþa af uthellingu bloþs. Af því var þat rett, at sa veri fra meyo borinn, er bætti yvir verc meyar sonar, oc hann stigi fastandi yfir þann, er sigr vá a þeim, er át þat, er guþ bannaði. Jesus Cristr ste yvir velar fiandans oc yvir dauðann 5 deyiandi oc lauk up paradiso i upriso sinni. Þangat leiddi hann fyrstan þiof, þann er heck a crossi með honum, oc lauc hann up paradiso firir ondum allra heilagra manna, þa er þer fara or licomum sinum, sva at allir megu nu þangat comasc án iva þeir er Cristi þiona. En a hinum öfsta degi þa er up lokit himin- 10 riki, sva at þeir megu þangat comasc eptir upriso sina. En nu renni sa er vill til lifs fra dauða oc hvervi aptr til paradisar, þapan er licamlegr faþir varr var a braut rekinn með allu sinu kyni i utlegþ þessa heims. Drottinn lauc oss up dyrr paradisar, at ver hvervim aptr til fostriarþar varrar, þar er avalt fognuþ 15 oc alldrigi kemr dauði.“

Oc er postolinn hafði þetta mællt við lyþinn, þa geck hann inn i borgina. Oc var þar gratr mikill oc uglepi, þvíat sonr konungsins var þa dauþr. En þeir Zaroos oc Arphaxath stopu hia liki hans oc hugþusc mundu reisa hann af dauða. En er 20 þeir mattu þat eigi, þa tolþu þeir þat firir konunginum, at sonr hans veri upnuminn oc orþinn at guþi, oc hann scylldi gera lata licneski eptir honum oc blota hann. En Candacis geck þa firir drotningu oc mællti: „Setiþ þer nu i bond þessa ena folkunnigu menn, en biðiþ at hingat comi Matheus postoli; en æf hann reisir 25 þenna af dauða, þa brenni þer galldramenn þessa i elldi, því at ver liotum allt illt af þeim i borg varri.“ Þa var Candacis sendr oc hinir gofgusto hirðmenn konungs með honum eptir postolanum, oc læiddu þeir hann firir konunginn með mikilli sœmþ. Þa fell Eufenora drotning til fota postolanum oc mællti: „Ec 30 veit, at þu ert postole sendr af guþi oc þess lærisveinn, er dauþum gaf lif oc allum siukum heilso með orði sinu. Nu com þu oc calla a nafn hans yvir son minn dauðan, oc trui ec, at hann man lifna.“ Postolinn svaraði: „Þu hevir enn eigi heyrþa kenn- ing drottins mins Jesus Cristz af minum munni, oc truir þu þegar; 35 [af því] scallt þu vita, at sonr þinn man lifna.“ Eptir þat hellt Matheus hondum til himins oc mællti: „Deus Abraham, deus Ysaac, deus Jacob, er sendir son þinn af himni til iarþar at biarga oss oc leysa fra villo oc syna oss þic sannan guþ. En nu minz þu orða drottins vars Jesus Cristz sonar þins, er hanr 40

mællti: Satt segi ec yþr, hvat sem þer biþit fofur i nafni minu, þa man hann geva yþr. En til þess at allar þioþir viti, at engi*

.
firir arnun sins postola, sa er fyrr gaf viðsmior af þurru keru oc

5 vatn or biargi fram flitandi til dryckiar þyrstum lyð.“ Oc er þeir

sa til kersins, þa flaut þar yvir vin, oc drucku þeir allir at ærnu.

Athanasius hof þa up augo sin til himins oc mællti: „Þu enn sæli guþs þionn Mathee, nu se ec, at þu hevir mæirr vitrazk firir sakir Salernitarum manna helldr en ockrar sakir mœðgina.“

10 Biscup gerþi þackir, oc allir þeir aðrir, almatkum guði oc hinum sæla Matheo postola. Oc er nott com, þa foru menn at sova.

En Athanasius villdi na a brot helgum domi postolans, oc for inn i kirkio um glugg einn, oc fyrr en hann com a golf niðr, þa song i orkinni, sva at allir vocnuþu við. Sa þeir þa Athanasium

15 oc tocu hann oc fœrþu Joni biscupi. Hann hirti hann bliþlega oc miðlaþi við hann nocqvot af helgum domi postolans. En um morgoninn toc biscup helgan dom Matheus postola oc bar sialfr, til þess er þeir comu at a þeirri, er a leiþinni var. Þa toc við prestr, sa er Petrus het, oc slo iva i scap honum, hvart hann

20 bæri þann helgan dom, sem latit var, eþa eigi. Malla het ain, oc er prestrinn oð a æna, þa rac undan honum fœtrna, oc rac hann eptir anni. Þeir naðu bratt helgum dominum, en sva fremmi prestinum, ær hann var nalega at bana cominn. Jatti hann þa firir biscupi iva þann, er verit hafþi i hans scapi. Foru

25 þeir þa siþan með helgan dominn i Petrs kirkio, en þar var firir diacn sa er Rogatus het, hann truþi engu um iartegnir, þær er sagþar varo fra Matheo, oc eigi bazk hann ferlegra orþa um. En um nottina eptir þa vitraþisc honum maðr virþilegr synum, hann bar firir hann rossaslatr, oc bað hann up risa oc eta. Diacninn

30 svaraði: „Hvi man ec eta uatan, drottinn?“ Sa mællti: „Eigi verþr briost þitt reinna af þeirri hugrenningu oc munzhofn, er þu hefir aðr, helldr æn af því, þo at þu etir þetta.“ Hann þottisc þa mæla: „Þo at hingat til havi sva verit, þa man mic þat alldrigi siþan henda.“ Hann vacnaþi siþan ræzlu fullr oc sagþi

35 biscupi draum sinn, oc þar með iva oc utru, þann er hann hafþi haft. Biscup let þa bera helgan dom postolans i Mario kirkio, þar sem hans stoll var, oc let bua um vandlega.

Gisulphus het hofþingi vitr oc mattugr i hofuþborg þeirri, er Salernitana heitir. Oc er hann spurþi, at heilagr domr Mathei

var sva nær þangat cominn, þá sendi hann eptir abota þeim, er Jon het, oc með honum gofga menn, at þeir hefði heim helgan dominn. Byscup varþ ryggur við þeirra comu, en treystisc þó eigi ofro en selia fram helgan dominn þeim, er vitia varo comnir. Foró þeir þá síðan heim með helgan dominn. Oc fyrr en þeir 5 kœmi til borgarennar, þá geck Bernardus biscup þeirrar borgar i moti þeim, oc fíolþi kennimanna með honum, með kertum oc reykelsi oc fogrum lofsongum. Var þar borinn heilagr domrinn i Mario kirkio oc buit um vandlega, oc verþa þar i sífellu margar iartegnir oc fagar, þær er enn sæli Matheus gerir allt til þessa dags. 10

Maðr het Andreas, hann atti dottur sva síuca, at nalega var hon at bana comin. Hann mœddisc mioc a vokum oc yvirsetu meyiarennar, oc sofnaði hann, oc bar þat firir hann, at hann þottisc ganga með sævarströndu oc bera meyna i faðmi ser. Þá þotti honum ureinn andi gripa meyna or faðmi ser oc laupa a 15 síoinn ut. En hann þottisc vera i horþum hug, sem van var. Þá vitraþisc honum biartr maþr scolauss oc hafði mottul yvir ser. Sa spurði, hvi hann veri sva ryggur. Hann sagði hvat til bar. Sa mællti: „Grát þu eigi, Andrea, bratt mun dottir þin coma heil til þin.“ Hann þottisc feginn verþa oc mællti: „Þó at ec 20 mega ecki til þin at verþleic gera, þá villda ec þó vita nafn þitt oc kyn.“ Hann svaraði: „Ec em Matheus postoli oc guþspíallamaðr, oc þarf ec ecki þinna giava.“ Postolinn toc meyna fra uhreinum anda oc selldi heila i hendr föður sinum, oc síðan leið hann fra augum hans. Andreas vacnaði oc fann dottur sína heila, 25 oc syndi hann biscupi oc allum þeim, er við varo, oc sagði þeim greinilega þenna atburð. Oc var þessi iartegn hina næstu nött eptir, er heilagr domr Mathei hafði þangat comit.

Þar var enn cona, su er atti síuca dottur, oc var sva qvalið af íþraveru, at hon var nær at bana comin. Móþir hennar for 30 til heilags doms Mathei með mœþingu mikilli sins hugar oc bað firir henni með tarum, oc gaf enn sæli Matheus hænni hælsu, oc geck hon sinum fotum a brot, en hon var borin þangat.

Systir Gisulfi höfþingia het Róþíllda, gafug cona oc auþig, hon atti þion, þann er hon virði mikils, er Stephanus het. Hann 35 þyrsti mioc um nött, oc bað hann cono sína fara at fa ser dryck. Oc er hon let eigi allsciott til at fa honum dryckinn, þá varþ hann reiðr miok oc mællti [he]rmiliga: „[Gefi] mer dryckinn diofullinn!“ Konan reis þá up oc feck honum dryckinn, oc liop þar i diofullinn, sa er hann hafði til qvaddan, oc svalg hann þá 40

allt saman, oc varð þegar diofuloþr, oc var þegar i bond færðr, er matti. Síðan var sagt drotningo, oc for hon at finna hann oc bað firir honum, leitaði hon eptir, ef nocqvorr maþr kynni raþ til leggja. Athanasius muncr var þar, oc lezc hann hava tonn
 5 Matheus postola. Biscup toc þa tonnina at raði Roðilldar oc lagði i vigt vatn oc gerði cross yfir, gavo hanum nauðgum at drecka. Diofullinn villdi undan leita, oc matti eigi þa leið fara, sem vatnit var fyrir, oc for hann aptr oc þar ut með fylu mikilli. En hann var alheill eptir. Oc gerðu allir gupi þackir, er við
 10 varo, oc naði Athanasius eigi síðan tonninni. Þessir atburðir urðu i Benevent.

Eptir þat for hofþingi sa i Salernesborg, er Landulfus het, oc beiddi, at þeir myndi nocqvot vilia miðla við þa af helgum domi ens sæla Mathei guðspiallamanz til sœmþar þeim oc styrþar. Þeir
 15 miðluðu við hann handlegg postolans, oc foro brot með fagnaði oc heim til sinnar borgar. Beneventar[menn] spurðu, aðr en þeir cœmi aptr, hve ærendi þeirra var orþit, oc for biscup ut af borginni oc nalega allr borgarlyþr, oc sungu lærþir menn lof gupi oc hinum sæla Matheo postola. Sa maðr var þar i borginni, er
 20 Landulfus het, en sa hofþingi nafni hans, er fyrr var getið, hafði latit setia þenna mann i bond. En er hann heyrði þys þenna oc hareysti, þa spurði hann, hvi sætti. Maðr svaraði: „Firir scommo kom heilagr domr Matheus postola i Salernisborg, en nu er her cominn handlegr hans, oc ganga honum i moti með glaumi oc
 25 fagnaði.“ Hann mællti þa bandinginn: „Ef þu ert Matheus guðspiallamaðr, oc se þessar miniar af þer, er her ero comnar, þa lat þu losna bond þessi, er ec þickiome saclaus i sitia.“ Þa spruttu þegar bondin af honum. Oc var honum sagt hofþingianum, oc bað hann þa leiða hann or myrkvastofonni, oc toc hann þa i
 30 sett oc fullan frið við sic, oc urðu allir fegnir þessum atburð.

Margar verða þar iartegnir i hvarritveggio borginni allt til þessa dags, oc hvarvetna þar er hann er rettliga dyrkaðr; megum ver oc hans arnaparorþz niota i sifellu bæði þessa heims oc annars. Amen.

JONS SAGA BAPTISTA.

I.

Lifssaga hins sæla Johannis baptiste.

Þessi hatid er helgod med allmatkum gudi enum gofga hans 5
 dyrlingi Joani baptista, oc hon er med annare setni(n)gu en flestar
 adrar hatidir, af því at þessi dagr er halldin i mining hingadburðar
 hans, en sa er engi madr annar, er burðardagr er halldin, nema
 sialfum guds syni oc hans modor Marie ero þeir dagar hallnir,
 en engum monnum odrum af guds halfo. Er þat i þessu en merct 10
 sem i maurgu annars, at gud hefir þau miclo meira virðt bædi en
 alla adra sina astvini. Her er oc fatt a bocum sagt fra æfi þessa
 ens dyrliga guds astvinar hia því sem þeirra, er lagir ero hia
 honom at verdleic, en þat ber til, at han var leyninn at craupt-
 um sinum oc meinlætsemi lifi fyr maunnunum en ber i guds 15
 augliti, oc gerdi gud af því bert, at han virði Johannem um adra
 men fra(m), at þat matti eigi vitat verða ellegar iamgiorla, nema
 skaparin sialfr bæri vitni um. Nu ma eigi sidan ifa, er han qvedr
 sva at, at engi væri honum ædri feddr. Þa eina hofum ver sogu
 fra lifi Johannis, er i gudspiollum er sogd, oc er þat haleit virðing 20
 þessum enum dyrliga guds astvin, at hans ferr afvallt iamfram i
 frasogn æfi sialfs guds sonar.

Þat er uphaf þess mals, at madr het Zacharias, han var
 guds vinr oc godr kenimadr a dogum Herodis konungs, han
 (var) ættadr af bæ þeim a Gydingalandi, er Abia heitir. Han var 25
 qvangadr vel oc atti kono þa (er) Elisabed het, þau voru bædi retlat
 i guds augliti oc voro stadfost i hans bodordum oc letu ser skap-
 titt allt, er gott var. Þau oru vel saman oc lengi, oc var þeim
 eigi erfingia audit, þvíat Elisabed var obyria en fyra hlut æfi
 sinnar. En er at því kom (at han) atti fornir at færa, at því sem 30
 hlutr rac þa til, af því at þa skylde kennimananzskapr at hlutfau-
 lum fara i þan tima, þa for Zacharias ut riykelse(!) at bera a
 þeirri tid sem þat var bodit. Oc þa er han var inn gengin i guds
 mustari, en lydrin var inn(i) oc beid þar medan, þa vitradiz honom
 engil guds oc stod a hægra veg altaris, oc vard han ottafullr af 35
 því at han var ovanr engla syn. En engillinn fann þat brat oc
 melti: „Eigi skalltu ottaz, því at heyrd er bæn þin, kona þin
 mon son fæða, þann er id munud eiga, oc skal han Johannes

heita, oc mon þer verða mikill fognodr oc gledi i hans tilqvomu, oc margra manna fagnadr mun þat vera. Þessi madr Johannes mon michill verða i guds auglite, oc mun han eigi drecka vin eda afengen dryck, mun han fyllasc helgum anda i modor qvidi, 5 oc mun han snua mörgum monnum til guds af sonum Gydinga lyds, han mun fara fyrir drotni i anda oc krapti Helie, at hann vinni¹ fedra hiortu til sonanna oc otrua menn² til vizcu oc bua drotni algorvan lyd. Zacharia þótti uliclec(!) saga engilsins oc trudi tregliga at sva mundi verða, oc vitradiz honom þa i anat sinn 10 Gab(r)iel engill oc mælti við hann: „Eg em engill guds, er stende i sífellu fyrir gudi, oc em ec nu sendr við þic at mæla oc segia þer með merkium, þat er þu hefir her til mistruat. Oc fyr þat sama er þu mistrudir min ord, skaltu mallaus vera, unz þat kemr fram, sem ek hefi þer fyrir sagt“ En eptir þat leid engillinn fra 15 honom at syn, en spamadrenn var eptir i mustarinu mallaus, unz adrir men qvomo hans at vitia, oc foro þeir sidan heim með han, oc markadi han þa allt at bendingum, þar til er Joan var fædr, oc var mioc einvistum.

A þessi tíð urðu þau stortíðende, at þa kom Gabriel engell 20 at boda Marie guds son oc sagði þa henni, hvat tit var um rad Elisabed fræ(n)kono hennar. Oc af þeirra fundi reis Maria up oc for i fiallbygd at hitta Helisabed oc forvitnaz þat, er til hennar var viked af þes(sum) stormælum, er engillinn hafði vitrað. Enn Maria qvaddi Ellisabed. Þa kom þat fram, sem engillenn hafði sagt 25 Zacharia, at sveinnenn fylldiz þa helgom anda, er hon bar fyrir briosti, oc hne(i)gdi Joan síc i modor qvidi drotni varum oc hans modor Marie, er þa hafði qvadda Elisabed. Oc er þau vissu oll saman þessi tíðendi, þa dvaldiz Maria þar, unz Elisabed vard letari. En er su tíð kom, er þess var von, þa fæddi hon son 30 sinn. Oc er þat spurdu frændr hennar oc nagrannar, at gud micladi miskunn sína með henne, þa qvomo þeir hana at finna oc gerdo henne fagnad þa vicu alla.

En a enum (atta) degi qvomo þeir menn, er sveinin skyldu um suida oc nafn gefa, oc villdu kalla han nafni fodur síns, en 35 þeir lætu undarlliga yfir því oc saugdu engan mann með því nafni vera i þeirra æt, oc foro þa til fyndar(!) við Zachariam oc bado, at han skyldi nackot benda, hvat sveinnenn skyldi heita. Zacharias beiddi ritfæra oc reit sva: Johannes er nafn hans.

Þeim þotti ollum undarlic(t), er vid voro, er þetta kom upp nafn sveinsins. Oc eptir þetta laucesc upp mudr Zacharie oc toc han mal sitt oc blezadi gud. Þa kom otti mikill yfir alla er vid voro, oc foro þessi tidendi brat um alla fiallbygdina oc voro morgum manne mioc hiartnæm, oc ræddo¹ sin a milli, hvelicr þessi sveinn 5 mundi verda, þottose sia þat gerla, at gud hellt þegar mioc henndi yfir honom. En Zacharias fadir hans fylldisc hellgum anda oc melti med spaleic þan cantica, er bendictus er upphafid, oc er þar su fyrirsogn i, sem sidan gecc eptir um sveinsins rad, at han mundi bædi spamadr vera oc lagdr til mikils þrifnadar oc 10 gæfo Gydinga lyd, oc þa mundi sa fæddr vera, er guds gautur mundi fyrir skolo bua, oc han mundi leid skolo lysa þeim, er adr svima i myrcrum, oc mun han greida gautur varar a fridar stigu. Eptir þessi fagnadar tidendi for hver til sins heimilis, oc þa er eigi gettid i bocum mioc þadan i fra samvistu þeirra frændqvenna 15 Marie oc Elisabed.

Sva segia bæcr, at frændsemi hafi farid(!) verit med drotni varum oc Joani, at Anna modir Marie atti systur þa er Esmeria het, oc var hon modir Elisabed, oc voro þær badar, sem i gudspiollum er sagt, komnar fra dættum Áárón oc oro af kyni Levi, 20 oc sva oc Zach(a)rias. Var han af því kennimadr at sinu leyti, at i þeirri ætt skyldi of allt kennima(n)zskapr vera i Moysse logum, oc toc af því þann hatt a sic i sumu lagi Johannes, þegar er han hafdi til þess alldr. En Maria var bædi af konungligri ætt komin oc kennimanligri, af því at hon var bædi af Judas ætt 25 oc Levi, en su leifdi sit kyn hvar eptir sic ætin.

Þegar Joan hafdi alldr til þess, þa for hann i eydimorc, oc var þar e(i)nvistum þess a mille, er menn sótto a hans fynd, sumir lærisveinar hans at geraz, en sumir kenningum hans at lyda, sumir foro til fretta at ganga, en sumir fyrir forvitnis sacar, 30 sumir foro skirn at taca. Þar var oc eigi smatt eitt at forvitnaz, at því sem i gudspiollum segir, af því at sva segir þar, at han hefði þau klædi er af ulfallda hari voro gör, en af al hafdi hann belti um lendar ser; han hafdi til matar ser þau kyqvendi er locuste heita, oc þar med skogar hunang oc drac vatn² vid; leng- 35 stum var han i nand vid Jordan oc skirdi menn i þeim stad er Beitania heitir, oc for þa frett vida um Joan, sem van var at.

En er Gydingar spurdu til Joans, þa sendu þeir kennimenn til fundar vid Joan at fretta han sialfan, hvern han væri. Oc

¹ raddo Cd. ² vatit Cd.

frettu þeir han, ef han væri Cristr, en han neitadi því. Þa spurdu þeir, ef han være Helias. En han sagdiz eigi Helias vera. Þa spurdu þeir, ef han væri spamadr. En han lez eigi spamadr vera. Þeir frettu, hvat han villdi fra ser segia, at þeir
 5 kynne segia [þeim er¹ þa hófdo senda. Han svaradi þa: „En ec em rodd kallanda i eydimorc, en er greidit drotins gautur oc gerid reitta(!) hans stigu.“ Þeir spurdu, hvat skirn han flytti, ef han var eigi Cristr oc eigi Helias oc eigi spamadr. Han melti: „Ec skiri i vatni oc kennig ydr synda at idrasc, oc bodac ydr þat,
 10 at nu nálgaz himna riki. En sa er ydar a mille, er mer(er) ædre, oc er kenniz eigi vid, han mun skira i helgum (anda), oc er sa ocar munr eda meire, at ec em eigi verdr hans skoklædi at leysa.“

Menn drifu þa floccum i eydimorkena til hvarstvegia skirn at taca af honum oc kenningar hans at heyra oc rad at sækia. Oc
 15 er þeir komo han at hitta oc skirnar at beida, er oeirumenn voro oc ofmetnadar fullir, þa melti han vid þa: „Er erod nodru ætt, oc er torsótt ydr at syna, hversu flyia skal comanndi² reidi. En sa er ydr til at gera sëm(i)liga idrun ydarra annmarka, oc dirfiz eigi at, medan er erod sva bunir, a kalla Abraham
 20 fodor ydarn, af því at sva erod er attlæra(!) at sva bunu, at gudi er eigi torveldra at gera af grioti sonu Abrahe helldr en at gera ydr at mann(um).“ Þeir spurdu hann þa, hvat þeir skyldi rad taca. En han melti: „Sa er tva kyrtla á, gefi han annan fatækium monn-om, oc skipte sva et sama um fæzlur.“ Þa qvomo til hans ber-
 25 syngir menn oc spurdu, hvat þeir skylldu til rads taka. Han svaradi: „Þat mun at ydr heimt sem leid(!) er, oc eigi framgar, enda monod eigi þat verda undan at draga, sem þer hafid fong a.“ Eptir þat qvomo ridarar (til hans oc spurdu, hvat þeir skylldu til rads taka. Han svaradi: „Verit þer ridarar) fridsamir oc
 30 ómeinsamir oc unid vid ydar(t) lan en girniz eigi annarra.“ En af slicum kenningum oc odru hans athæfi hugdu margir, at han væri Cristr, oc sonnodo þat honom a hendr. En han neitadi því þverliga oc sagdi þeim þa grein, sem var þeirra a mille oc hann hafdi þeim fyrr sagt.

35 En þa er Johannes hafdi einn vetr kenningar kendt i eydimorcenne, þa kom sialfr guds sonr til hans, at han leiti(!) skirasc af honom. Joan toc vid honum stadfastliga oc litillatliga oc tiadi þat sem honom syndisc, at han þottisc skirn þyrfa(!) at taca af guds syni, en han þottisc vanfærr til han at skira. En er han

sa, at þat var guds vili, þa skirdi han drottin varn, oc nadi þa þvi af sem engi annarra, at han sa helgan anda coma yfir guds son oc han heyrði rodd guds faður, at han iatadi ser þan son er þa var skirðr. Oc þa sagði hann þat berum ordum þeim maunnum, er vid voro, oc retti hond sina til guds sonar oc melti sva: „Se her lamb guds, er teor syndir heimsins; her er nu sa, er ec hefi fra sagt, er eptir mer kom en er mer fyrri oc ædri.“ Han bar þvi framar vitni um hervist drotins en allir adrir spammenn, at han syndi þannmed sinni hendi, er allir adrir spamenn hofdu sagt fyrir, at han myndi i heim koma, oc han sagði oc sva, at i hans tilqvomo var fyllt þat logmal, er fyrir Moysen var bodit, en (fyrir) Jesum Crist¹ var gefen i stadinn miskunn oc sanleier.

Nu verðr þess vid at geta, at þa er menn foro floccum at heyra ord guds sonar, hvat han melti of Johannem, en hann sagði sva, sem nu er opt sidan sungid i hans lofs(a)ungum, at eigi reis ædri madr up Joani baptista fæddr fra karli oc konu, sa einn var ædri i himna riki, er yngri var her i heimi, oc mun morgum sa nu lægri synaz. Sa vitnisburð² ma engum audrum allir synaz, er sa bar, er gerst vissi, hvat um var at mæla. oc mælti um han sva virduligum ordum sem um engann annan þvilicum, oc ma sia, at þat ma nu retligast synaz ollum at samþyckiaz vid sialfan guds son oc dyrka þann mest, er han kallar æztan.

Joan kendi þa enn kenningar i morkenne þau missere en næstu eptir oc mioc sva til annara paska, oc gec a berhog at banna allar þær uhæfur, er honom voro mioc i nand; at heimvistum, oc ol han eptir engum monnum udadir. Johannes fastadi oc langafostu fyrr en drotin varr fíora tugu daga oc fíora tugu natta oc greinde þa til meirr til meinlæta en adrar. Verðr af þvi sva at qvedit, at Johannes bioge guds gautur oc gerði hans stigu retta. En i sliku bio han guds gautur, at han fastadi fyrri, kendi han oc fyrre kenningar, skirdi han oc fyrri en drottinn varr; þa bio han einkanliga guds gautu, er hann skirdi i vatninu, en þa gerddi hann hana fyr oss, er han skirdi skaparann sialfan oc sa himnana opna fyr þeim, er þa skirn tæki sidan. En þa gerði hann retta hans stigu, er han kendi maunnum synda at idrase oc til yfirbota at ganga.

I þann tima voro fíogur riki yfir Gydingalandi, sem i gudspiollum er sagt; reid(!) einum fiordung lands Pilatus, odrum Lisania,

¹ Cristr Cd. ² vittusburð Cd. ³ nænd Cd.

þridia Herodes; einum(!) fiorda Philippus brodir hans; þeir voro
 synir Herodes ens illa, er samtida var hingadburd drotins, oc
 atto þeir einn fodor oc eina modur. Filippus qvangadiz oc fecc
 dottor Arethe konung(s) af Syrlande, er het Herodiadis, væn kona
 5 oc æstilig(!). En er riki Herodis gecc fram meirr en Filippus, þa
 þottisc Herodiadis vargefín, oc foro þa ord um, at hon mundi
 ganga med Herode, ef han (h)efdi þrec til at fa hennar. For þa
 Herodes a fund Arede konungs oc fastnadi ser þa Herodiam oc
 toc hana af brædr sinum naudgum oc fecc hennar sidan oc unni
 10 ofrast. En um þessa uhæfo vandadi Johannes oc avitade Herodem,
 er han hafdi tiltekit eiginkonu sins brodur. Þau kunnu bædi
 illa hans umvondun oc ottoduz mioc, (at) menn mundu gaum gefa
 at hans rædu, sva fiolmennir sem menn gerdu(z) a fund hans,
 oc ugdu at þau mundu rekin af ríkinu fyr sinar udadir. Herodis
 15 gerdi menn til at taka Johannem, oc var han bunndinn oc i
 myrqvastofu settr nær paskatid, oc sat þar alla tolf manudr.

En er han heyrdi sogd Cristz verk, þa er han sat i bondum,
 þa sendi hann tva sina lærisveina at spyria Crist sialfan, hvart
 hann mundi dauda taca sialfr til hialpar maunnum oc til helvitis
 20 (fara, eda mundi annarr) eptir honum koma, sva sem han hafdi
 hingad i heim eptir honom komid. Drotinn mælti sva vid þa:
 „Farid oc segid Joani, sem er sad oc heyrdot, blindir sia, haltir
 ganga, licþrair hreinsaz, en daufir taca h(e)yrn, daudir lifna, en
 fatakir audgaz, oc er sa sæll er vid mig verdr samhuga.“ Eptir
 25 þat mælti drotin vid floccana þa er vid voro þesa rædu: „Til
 hvers forud er ut i eydimork? Villdu(d) er sia reyr vidi skekinn?
 Eigi er Joan sva, því at hann hnigr eigi fyr blidu ne stridu.
 Eda forod er at sia blaudklæddan mann? I konunga husum bygia
 þeir en eigi a eydimorkum. Eda villdud er spamann sia? Ec
 30 segi ydr sat, meir en spamadr er Joann, þvíat um hann er þat
 ritad: Ec mun senda engil min þann er bua skal gautu þina
 fyrir þer.“ En er lærisveinar Johannis komu aptr oc sogdu þessi
 ord drotins. þa þottisc han vita glegt sitt liflat miok nalægt, oc
 hann mundi skolo koma fyre honom til helvitis.

35 Herodias gol opt at um liflat Johannis, at fram skyllði koma,
 en Herodes treystiz traust fyrir vinsældar sacar hans, oc forst af
 því fyrir um stundar sacar. En nær paskum gerdi Herodes veislu
 mikla vinum sinum oc hofdingium sins rikis, oc skyllði þa hallda
 hatid i minning burdar konungsins. Þar var morgo vid slegid til
 40 beinabotar, oc at ecki væri af dregid, þa var mærin a golfi dotir

Herodes oc lec til gamans maunnum, oc dadu þat allir, oc fyrir þa beinabot er hon þotti gera, þa mælti konungren, at hon skyldi kiosa ser laun fyrir sina skemtun, þott hon villdi halft ríki hans. Mærin spurdi modur sina, hvers hon skyldi beida. En hon svaradi: „Bid hann gefa hofud Joans baptista.“ For hon sidan 5 a fund konungsins oc mælti: „Ecki læt ec mer annat lika, en þu latir mer a diskí færa hofod Joans baptista.“ Konungrinn gerdi a ser hrygdarsvip at yfirbragdi fyrir bodsmaunnum, en þo sendi hann mann til at hogva hofud af Joani baptista, oc let sidan færa henni a diskí, en hun fecc modur sinni. Hon let hofudit fela i 10 turn einum havum, þviat þau hugdu hann mundu upp risa af dauda, ef hofodit nædi til bolsins, en þotti þa enngi von annars, en þau mundi skild verda þverliga. En lerisveinar Joans toco likama hans oc færdu i Samaria oc grofo hann þar med mikilli hrygd. Oc er drotinn spurdi liflat Joans, þa þotti honom sva 15 mikils¹ um vert, at han gecc i eydimore eptir um stundar saca(r). En er stundir lidu þadan, þa qvomo Serkir oc ræntu þar ollo oc toco mioc sva oll bein Joans oc brendo i elldi oc kostodu sidan ut a acra, en þau fundusc sidan at aqvedinni stundu, oc ero nu þar dyrcud af einum(!) æzta manni(!), en nu er mestr 20 hofodstadr i heiminum i Latrane þar sem heimili þafans er.

De miraculo capitis Johannis baptiste.

En hofod Joans fanz at guds tilvisun af tveim muncum a degi Mathie postola, oc urdu þeir fegnir mioc, oc er þeir villdu heim fara til sins claustrs, þa slosc madr i ferd med þeim, oc toc 25 i brot hofodit at þeim sofondum oc færði i borg þa er Edissa het, er stortigna hefir audit ordit, oc var þat þar dyrkad i akia(!) um stundar sakar. Þa leid enn nacqverra manna lif oc gleymdiz þa su minning, er þar hafdi gior verit fyrr sacar hofods ens sæla Joans baptista. Oc vitradisc hann þa sialfr einum sidlatum 30 manne oc sagdi honom til greiniliga, hvar hans hofud var folgid oc þa mundi fin(n)az, ef leitad væri. En þa sagdi hann byscupi þessa vitron, en hann baud fostu sinum clerum oc lyd, oc gengu til þess stadar, sem til var visad, oc fundu hofudit i fauto einni, oc urdu fegnir oc gerdu gudi þacir oc baro sidan i kirkiu med 35 lofsaungom, oc drupu þa or bloddropar, sva sem nyhogvid væri af, oc var þvi ridit a haund clerics eins, oc mati hann hana adr naliga ecki hræra oc vard þegar heil. En annar fecc bot i

¹ miskils *Cd.*

processione, oc var þa sva mikill fagnadr þeirra manna, er voro
 vid þessi tidendi, at sa dagr er nu um allan heim halldinn agetliga
 at tidum i minning hans liflatz, er þo var a paskatid, en þat hefir
 nu synz guds cristni merkiligast at hallda þa minning a þeim
 5 degi er hofudid fanzc med storum iartegnum oc

II.

Bref Grims prestz.

Virðuligum herra Runolfi abota i Veri sendir Grímr prestur
 10 qveðio guds ok sina sanna vinattu. Þers truir ek yðr minniga
 vera, at þer baðut mik saman lesa or likama heilagra gudspialla
 lif hins sæla Johannis baptiste ok setia þar yfir tilheyriligar
 glosur lesnar af undirdiupi omeliarum hins mikla Gregorij, Augu-
 stini, Ambrosij ok Jeronimi ok annarra kennifedra. Nu því at
 15 hvarki mællti fyrir mer gnott klerklígra lista edr natturugiðf
 hiartalígra vitzmuna ne loflígr vitnisburðr fyrirfaranda lífs, ok
 adrir voro stormargir miklu betr til þessa starfs fallnir, sá ek
 óngva sök til þers, er þer bundut þat mer á hendi, adra enn þa,
 at þer unnut mer þers odrum framarr, sem þer sáð mik ódrum
 20 framarr þurfanda, enn þat er aflausn andmarka, ef almattigum
 gudi ok hans haleita fyrirrennara Johanni þætti nockut þess vert
 fyrir þenna samanburð. Hefir ek nu gert, at brottkastadu(m)
 ollum kinnroda, um þenna lut ydvarn bodskap, þo at ek vissá á
 minu verki mundu finnast morg ok stor góðdarlyti. Truir ek, at
 25 nockurum monnum syniz i mörgum stöðum mörg orð yfir sett,
 þar sem fá standa fyrir. Góða ek því sva, at þat var ydvert
 atkvæði, at ek birta ord hans med glosum. I annan stad truda
 ek, ef obóckfrodur menn heyrdi hans hin fögru blom ok hinar
 myrku figurur, at þeim mundu þær a þa leid onytsamar, sem
 30 gimsteinar ero svinum, ok at betra væri at lysa hans spásogur
 ok skynsemdir mörgum manni til trubotar, helldr enn at sinna
 heimskra manna þocka, þeira sem allt þickir þat langt, er fra
 Cristz köppum er sagt, ok skemtaz framarr med skróksögur. I

þridia stad syndiz mer sa orskurdr her til heyra, at miklum soma miklir lutir. Af því lét ek frammi allt þat, er mer þotti af þessa dyra mannz lofi her til heyriligt, ok þat sem ek truda vitrum monnum mundu sögubót i þickia. Vil ek nu bidiandi vera, at þer takit þenna samanlestr til skodanar ok umbotar, æigi fyrir 5 annat enn þat er þer budut mer þetta at gera, ok mer syndiz, sem þer seed sakir astar ok godvilia ok visdoms a mannligar boklistir ok gudligar röksemdir til þessa starfs öruggir, ok uti muni vera byrgd öll skynsamlig aleitni oss samlendra manna af því aullu, sem þer vilit med ydrum skynsemdum veria. Sva vil 10 ek ok einkannliga bidia, at þer æstit þers almattigan gud födur, at æigi taka ek fyrir þetta verk pinu sakir ofdirfdar helldr aflausn andmarka fyrir yfirsetu ok eptirlæti med ydr. Ok þott æigi vinniz til þess gipta, at ek verda i valdra manna tölu vars herra, mega ek þo fyrir arnadarord sæls Johannis med domi ber- 15 syndugra manna fordaz bruna helvitis fyrir makliga ok vidrkvemiliga idranar ávöxtu ok bida sællar vanar i hinni sidarri sealfs drottins tilkvámu. Quod ipse p.¹

Prologus.

Þat byriar oss at skilia oc i minning at hallda, at varr 20 drottinn oc lausnari, sa er allan heiminn vissi tapaðan fyrir synð hinna fyrstu manna, let ser soma sakir sinnar omælldrar² miskunnsemdar at tendra i heimi þessum marga liosa lampa til þess at leiða allt mannkyn, þat er tapaz hafði fyrir flærð hins forna fianda, til ens sanna lioss, oc voru [fyrstir af þeim³ helgir hofuð- 25 feðr oc spamenn. A meðal þeira skein hinn sæli Johannes sva sem solin, er biartari skinn [æ himnum⁴ enn onnur himintungl, þvíat hann var pryddr með hærum guðs giofum her a iarðriki. Þessi hinn fyrsti þionn oc framflytiari vatzskirnar oc fyrirrennari drottins vars var sæddr, þa er liðnir voru fra upphafi [veralldar 30 þessar⁵ fim þusundrat oc .c. oc niutigir ara oc niu⁶ oc þrir manaðir⁷, i þann tima er Octovianus Augustus reð ollum heimi, sa er næstr var einvallds⁸ höfþingi yfir Romveria riki eptir Julium Cesarem, þann er fyrst⁹ tok undir sig allz heims velldi af Romverium, síþan riki¹⁰ hvarf undan girskum¹¹ monnum. 35

¹ Dette Brev findes kun i B, og mangler sandsynligvis i A paa Grund af et forrest i Bogen udrevet Blad. ² umælldrar B. ³ [saal. B; af þessum fystir A. ⁴ [tilf. B. ⁵ [heims B. ⁶ .viii. B. ⁷ manadr B. ⁸ einvalldz B. ⁹ fyrstr B. ¹⁰ rikit B. ¹¹ girzkum B.

Her byriar upp lífssögu ok pinslarsögu hins helgasta Jóhannis baptiste sonar Zacharie¹.

1. Af kynferð þessa hins storburðuga oc gófga guðs vinar Jóhannis segir sva virðuligr prestur Beda yfir orð Luce guðspialla-
 5 mannz, at eigi at eins voru þau faðir [oc móðir Jóhannis² sialf fyrir sig³ agæt, helldr oc þar með af agætu kyni komin, oc sialfr upphefiari allra goðra hluta let fyrir því sva til bera, at eigi mætti predican oc fyrirsögn guðligrar tilkvamu, su er hinn sæli Jóhannes bar framm, synaz usannlig⁴, ef eyrindrekin væri brað-
 10 luga⁵ upprunninn af kynsmonnum litillar roksemðar, helldr gerði frægð fyrirfarandi frænda goða vænting sannrar roksemðar honum oc hans frambornum orðum, þar sem hann var eigi at eins af retvisi⁶ helldr þar með af konungligri oc kennimannligri kynslöð kominn, sva sem Lucas segir.

15

Fra Herode⁷.

2. I þann tíma er Herodes konungr reð Judea, var sa kenni-
 maðr er Zakarias⁸ er nefndr af leyti Abia, enn husfreyia hans var af Aarons ætt, su er Elisabeth het. Þessi Herodes var ættaðr af Idumea at faðurkyni enn af⁹ Arabia at móðurkyni. Faðir hans het Anti-
 20 pater¹⁰, en Cipris móðir, naskyld konungi af Arabia. Fyrr nefndr Herodes var fyrst af Antonio, þeim er ríki skipti við Augustum, skipaðr yfir Galileam, en síðan¹¹ yfir Judeam, oc [enn síðan¹², at sigr-
 uðum Antonio oc Kleopatra drottning Egipti, þotti Augusto litið ríki Herodis, oc fyrir¹³ sakir margra dygða hans oc velgerninga
 25 til sín tok hann mikinn hlut af ríki því, er fyrr nefnd Kleopatra hafði raðit, oc [skipaði Herodi¹⁴. Oc var i þessu marki þat ríki er Trakonitida heitir oc [annað Ituriam¹⁵, oc allar borgir oc bygðir, þær er með sio liggia til þeirrar borgar, er Pígrumstratonis¹⁶ heitir, enn síðan var uppsmiðuð af sama Herode til sæmþar
 30 Augusto oc kollut Cesarea. Herodes gerði oc i þeirri borg er Askalonita¹⁷ heitir konungligt¹⁸ hus, oc því var hann Askalonita kallaðr. Hann atti .viii. eða .ix. konur, oc [atti við þeim¹⁹ marga sonu, enn þo mun ek fa nefna. Frumgetinn son hans [het Antipater²⁰,

1 Overskr. B; kynferð Jóhannis A. 2 [hans ok móðir B. 3 sik B.

35

4 usannligri B. 5 bradkomliga B. 6 rettvissi B. 7 Af Herode ascalonita B. 8 Zacharias B. 9 saal. B; ab A. 10 Antipas B. 11 sidarr B. 12 [um sidir B. 13 saal. B; því A. 14 [saal. B; skipat H. A. 15 [annat Iturea B. 16 Pígrumstratonis B. 17 saal. B; Ascalonita A. 18 konunglig B. 19 [af .vii. þersum tok hann B. 20 [var Antipas B.

40

moðir hans het Dosides, hon var utigin at ætterni; þar næst voru þeir Alexander oc Aristobolos, moðir þeira het Mariagenes¹ frændkona Hirkani; þar næst² var Arkilaus, Matica het moðir hans af Samaria. Þenna Herodem segia sumir³ sun Mariagene⁴. Þessum næst voru þeir Herodes antipas, er síþan var kallaðr⁵ tetrarka⁶,⁵ oc Philippus, moðir þeira var Kleopatra af Hierusalem. Þessi Herodes Askalonita let drepa hina saklausu sveina oc vall moðkum til bana, hann reð ríki oc konungsnafni .xxx. ára oc átta ár.

Vitran Gabriel engils.

10

3. Zakarias þessi var, sem fyrr segir, leytismaðr Abia, þess er einn var af fiorum oc .xx. þeim kennimonnum, er David skipaði, þa er hann villdi auka guðs gófgan, valdi þessa .xvi. af ætt Eleazar Aarons sonar enn .viii. af Ithamar, ok skipaði serhverium þeira vik(u) at lutfalli eptir annan. Þessi hiu fyrr nefnd voru¹⁵ rettlat fyrir guði. Beda segir, at því kallar Lucas þau rettlat fyrir guði, at eigi eru þeir allir rettlatir fyrir guði, þeim sem hiortun ser, þeir er eptir augnasyn einni saman dæma synaz rettlatir, oc af falsaradomi bera a ser yfirbragð rettlætis en hafa eigi satt rettlæti. En þessi hiu er falslaust þionuðu guði oc voru²⁰ rettlat eptir vitnisburð guðspiallzinz fram i ollum boðorðum guðs oc rettleiðingum an allri kveinan, þat greinir Beda sva: Sa gengr eptir guðs boðorðum, er þeim hlyðir, en sa helldr rettleiðing guðs, er aðra dæmir með rettlæti. Oc a einu hausti, þa er hlutr Zakarie kom upp, gekk hann i mustari drottins eptir kennimanna sið oc²⁵ bunaði, oc berr reykelisi i Sancta sanctorum, þat er i þann hlut mustarisins, sem tialldit, þat sem um þvert husit var fest, greindi fra hinum ytra hlut herbergis. Þar var varðveitt lögmalsorkin, su er i voru tvau steinspiold, þau er a voru skrifuð .x. laga boðorð, þau er guð gaf Moysi, oc gullig fata, su er himnaniol var i, oc³⁰ vond(r) Aarons, sa er blomgaz hafði. Þessa hatið segir Beda verit hafa a einhveriu ari a hinum siaunda manaði fra paskum, er byskupinn skyldi i þetta herbergi ganga at biðia fyrir folksins hialp. Oc nefnir Commestor þessa diem propitiationis, en þat þyðizt liknardagr, en ver köllum ymbrudag, oc bað hann þa³⁵ tilkvamu hialpar hans, oc því sa hann guðs engil, þann er honum birti, með hverri framferð þat mundi verða sem hann bað, standa til hægri handar altaris, þess er reykelisi var yfir sett. En

¹ Mariannes B ² næstr B. ³ saal. B; menn A. ⁴ Marianne B. ⁵ mgl. B. ⁶ Her ender 1ste Blad i B.

er Zakarias sa þessa syn, varþ hann miok ottafullr, sva at hann þorði eigi nafns at spyria engilinn. Enn hann mællti til hans: „Eigi skalltu ottaz, Zakarie, þviat heyrð er bæn þin, oc Elisabeth eiginkona þin man þer son fæða, oc mantu nefna hann Johannem.

5 Af þessu mantu fagna oc gleðiast, oc margir munu fagna a hans burðartið. Hann mun mikill vera fyrir guði oc drekka eigi vin ne afenginn drykk, oc þegar fra moður kviði man hann vera fullr af helgum anda, oc marga af sonum Israels man hann snua til guðs sialfra þeira, oc hann mun fyrir honum fara i krapti oc anda

10 Helie, oc marga þa, sem aðr eru otrufullir, man hann leiða til sannrar vizku rettlatra manna oc snua hiortum feðra til sona, oc hann mun bua algert folk guði til handa. Vit þessi orð engilsins slo ęfa i skap kennimanninum sakir mikileika fyrirheitinna oc elli sinnar oc huspreyiu sinnar, oc beiddiz af englinum marks til styrkingar

15 truar sinnar, þess er hann gerði visan af þessum hlutum, oc þvi mællti hann til hans: „Af¹ hveriu marki skal ek þetta vita, þvi ek em gamall. oc huspreyia min ellri en hon megi born² geta, oc hefir hon þo aðr ekki barn alit.“ Engillinn svaraði þa: „Ek em Gabriel engill, sa er iafnan stendr fyrir guði, enn nu em ek til

20 þin sendr at tala við þig oc at bioða³ þer þessa hluti. Nu fyrir þvi at þu truðir eigi orðum minum, þeim er framm munu koma a sinum tima, mantu mallauss verða⁴ til þess dags, er þessi min spa man verða framgeng.“ Beda segir i þeim⁵ stað, at manni er leyft at beiðast takna eða roksemða af þeim hlutum, er maðr

25 segir honum, enn þat sem guðs engill segir, er manni eigi rett at [spyria eða⁶ gruna ne takna at beiðast til styrkingar sogunni⁷, oc fyrir verðleik sinnar otrygðar⁸ gallt hann þagnar viti, þat er honum var til marks⁹ gefit um þa hluti, sem hann mistrygði talandi en truði þegiandi. Þat er oc hugsanda, hvi engillinn

30 sagði, at margir mundu fagna a burðartið sveinsins. En þa kom þat fram, þegar er nagrannar¹⁰ fognuðu stundliga þvi, er Zakarie var son fæddr, en nu kemr þat fram iafnan, er heilög kristni gleðz með andligri¹¹ gleði a hatið halldinni i minning hans signaða burðar. Sva er a þat litanda, hvi hann skyllði Johannes heita,

35 þat þyðiz guðs miskunn. En þat leysir Beda a þa leið, at af þvi fekk hann þetta nafn eptir guðligri tilskipan, at hann auðlaðist einkannligri miskunn oc forpris en aðrir helgir menn i¹² þvi, er

1 *Her beg. C.* 2 barn *C.* 3 boda *C.* 4 vera *C.* 5 þessum *C.* 6

[*mgl. C.* 7 saugninni *C.* 8 tortrygðar *C.* 9 *saal. C.*; margs *A.* 10

40 *saal. C.*; naungar *A.* 11 *saal. C.*; anligri *A.* 12 *tilf. C.*

hann var skipaðr fyrirrennari sealfs guðs sonar i sinni predican, skirn oc sigrvegarasamligum¹ dauða, oc því er hann bar fagnadartíðindi til helvitis, þau er engi bar aðr enn hann. En þat er engillinn sagði hann mikinn mundu verða, skal eigi sva skilia, at sæll Johannes mundi mikill vera at líkams vexti, helldr skal
 [þar til² skilia, at hann mundi mikill verða at mannkostum oc
 at goðum verkum; þvíat eigi gerir vallarsyn manninn³ mikinn fyrir guði, þeim sem bæði ser oc skyniar andir oc lí[kami]⁴, helldr er sa⁵ fyrir honum mikill, sem hann elskar umfram alla hluti oc honum fylgir i því at fylla ok frambæra mikileik hans boðorða með
 fullum vilia oc verki, orðum oc eptirdæmi. En þat er engillinn sagði Johannem þegar mundu fra moður kviði eða i moður maga fyllaz af helgum anda, sannaz i því, at hann var þegar i⁶ moður kviði sva framarliga helgaðr af guði, sem summa theologia greinir, at hann matti eigi fremia dauðliga synð, oc hann hafði myklu
 minni fysi enn aðrir menn at gera líkamligar synðir, oc því gerði hann færi oc smæri enn flestir menn aðrir. Heðan af hefir sa vandi verit i kristninni sums staðar at hallda getnaðartíð þeira guðs moður, at þau voru bæði helgut i moður kviði. Enn sumir kennifeðr segia, at fyrir þa skyld eigi⁷ eigi þann dag at hallda,
 at þau voru bæði með eptirlífis synð getin. En þar er af þeim, er þann dag vilia hallda, því a moti kastað, at þetta hald se skipat i þa minning, er þau voru i moður kviði helgut, en eigi fyrir getnað þann sem með⁸ synð var. Hinir svara þa, at eigi er vist, nær þau fengi þa helgan⁹, oc því eigi með ongu moti einn
 dag fyrir þat at hallda. Sumum meistorum synist, at hverr eigi sealfræði¹⁰ at vera þess⁵, hvart hann helldr þetta dagshalld eða eigi, þar sem hvarirtveggju hafa nær fullar skynsemðir fyrir ser. En þar er engillinn sagði, at hann mundi snua hiortum feðra til suna, kom þa fram, er hann sneri morgum af Juðum, [þeim er¹¹
 aðr voru bæði at alldri oc froðleik feðr oc meistarar Moyses laga, sva at þápan fra voru þeir Kristz lærisveinar oc hans sannir synir
 i¹⁵ miskunn inna nyia guðspialla¹² boðorða, oc margir rangtruaðir urðu fyrir hann rettruaðir. En þat er hann sagði Johannem mundu fyrir fara sealfum guði i anda ok krapti Helie¹³, skal sva
 skilia, at Johannes kom a þa leið fyrir ena fyrri guðs hingatkvomo,

1 *saal. C*; sigrvegsamligum *A*. 2 [þat til þess *C*. 3 *saal. C*; manni *A*. 4 líkam *C*. 5 *tilf. C*. 6 fra *C*. 7 aa *C*. 8 af *C*. 9 *saal. C*; hellan *A*. 10 sialfradr *C*. 11 [*saal. C*; þeir sem *A*. 12 gudspiallz *C*. 13 Elie *C*.

sem Helias man koma fyrir ena siðarri, oc sva sem Johannes var fyrirrennari lausnarans, sva mun Helias vera domandans¹, oc þeir voru at morgu likir, sem siðarr mun sagt verða. Þess ma oc spyria, hvi engillinn sagðiz iafnan standa fyrir guðs augliti en
 5 vera nu sendr til Zakariam; þvíat þat ma eigi skilia eptir likamligri staðasetning², at engill sa, sem eigi var³ i ollum stöðum senn, megi bæði standa a himni fyrir guðs augliti oc vera þo hingat sendr a iarðriki. En þessi spurning verðr auðvelliga leyst, ef ver hugsum, at guð er i ollum hlutum oc þo með ongu moti
 10 inni luktr, oc hann er um alla hluti framm oc hvergi uti luktr. Renna því englarnir um umællt viðerni hans guðdomligrar navistu, hvart sem þeir renna til himins eða iarðar. Oc þo at þeir se eigi i öllum stöðum⁴, þa er hann þo þeim nalægr i ollum stöðum, oc því megu þeir hvergi fara fra hans augliti. Enn eptir þat er
 15 engillinn hafði þetta talat, sem nu var³ greint, hvarf hann fra spamanninum at syn, en hann gekk mallauss af mustarinu⁵ til folksins, þess er a bænum hafði verit alla stund, meðan hann færði fornina, oc undraði, hvi hann atti þar sva langa dvol, oc af því at hann matti ekki tala við þa, þottuz þeir vita, at hann mundi
 20 syn seð hafa i mustarinu.

Um getnat Johannis⁶.

4. Ok er liðnir voru þeir dagar, er hann hlaut i mustarinu at þiona, for hann til heimkynna sinna, oc atti þa lag⁷ við eigin konu sina, oc varð hon hafandi at barni, oc leyndi hon því .v.
 25 manaði oc talaði sva fyrir⁸ sealfri ser: Þannig⁹ gerði guð við mig a þeim dogum, at¹⁰ hann villdi brott taka þat brigsli, sem ek hefi aðr borit milli manna. Beda segir, at þessi grein um⁴ heimfor Zakarie er því skrifut, at þaþan af megi skilia, at þann tima sem kennimenn þionuðu i mustarinu, voru þeir skildir eigi at eins fra
 30 faðmlagi huspreygna¹¹ sinna, helldr oc iafnvel af allri inngongu sinna herbergia. Var þeim¹² nauðsynligt hionalag oc barngetnaðr, er kennimanzskapr hvarf sem¹³ erfð i ætt þeira¹⁴, en þeim kennimönnum, er nu standa iafnan at skylldu fyrir helgum alltorum a vorum timum, hæfir [iafnan hreinlifi at hallda¹⁵.

35 1 domarans C. 2 saal. C; staðnasetning A. 3 er C. 4 tilf. C. 5 musterinu C, og saaledes senere. 6 Er Johannes baptista var feddr C. 7 samlag C. 8 med C. 9 þann veg C. 10 er C. 11 husfreygna C. 12 þat þa C. 13 med C. 14 Levi C. 15 [saal. C; oc iafnan at hreinlifi halldi A.

Fra því er Gabriel bodadi Mariu¹.

5. I þann tíma var smíðr sa í Judea, er Joseph het, oc ser hafði festa með guðligri tilskipan mey, þa er Maria het, oc biotz í þann tíma við brullaupi sínu. Þessi mæR var frændkona² Elisabeth oc atti þann föður, sem Joachim het. Sva segir Speculum Historiale, at Johannes var getinn octavo kalendas octobris a íafndægri um haust, þa er nætr taka at vaxa en dagar at minkaz. En þessi³ mæR Maria gat son sinn a hinum setta manaði fra því a octavo kalendas⁴ aprilis a varligu íafndægri, þa er dagar taka at vaxa en nætr at minkaz, sem nu mun sagt verða. A þessum tíma þa er hin sæla mæR Maria var ein saman a bæn sinni í luktu herbergi, kom Gabriel engill oc birtiz henne oc heilsaði hana oc sagði henne, at hon mundi fæða Jesum son hins hæsta guðs. Hon leitaði þa eptir, með hverri tilskipan þetta mundi verða, þar sem hon hafði því heitið í hiarta sínu at kenna eigi karllmanz, at skilia at eins likamz losta. Engillinn sagði henni þa, at þenna getnað mundi eigi leiða af karllmanz sambuð, helldr af verki heilags anda. Hann sagði henni, at Elisabeth frændkona hennar mundi son fæða. En þa frændsemi greina bækr, at Esmeria móðir Elisabeth væri systir Aunnu móður Marie. En þó hófu fyrrum blandaz konunga ættir oc kennimanna, þa er Aaron fekk eiginkonu af ætt Jude Elisabeth systur Naason, oc Joram konungr gipti dottur sína Elisabeth Joade byskupi. Oc þa er Maria hafði heyrt oc skilt engils orð um getnað þeira beggia sins sonar oc sinnar frændkonu, mællti hon: „Se her ambatt drottins, verði mer eptir orði þínu.“ Ok þa þegar var Krístr getinn með henni at uskoddum hennar meýdomi, fullkominn maðr í aund oc likama, oc var getinn, sem fyrr segir, .viii. kal. aprilis, oc at liðnum .xxx. oc .iii. arum væri hann pindr oc deyddr a þeim sama degi. Yfir þessa vitran alla saman segir Bernardus langa skýring, af þeiri rita ek fa orð, sakir leti at forðaz langmæli, þau er hann glosar yfir þessi orð Ecce ancilla domini, fiat mihi secundum verbum tuum. Se her ambatt drottins. I þessum orðum er litillæti synt, at miskunnar sæti var fyrirbuit. Hvert er þetta hit haleita litillæti, er eigi lettir fyrir vegsenninni oc eigi kann dramba í dyrðinni? Móðir guðs var hon valit oc nefnir sig þó ambatt. Oc fyrirfarandi þessa gíof þekkiliga fyrirheitiz íok hon með viðtengðum verðleika sinnar sætuztu bænar: Verði mer, sagði

¹ Overskr. C; Fra Marthe (!) A. ² fyr nefndrar tilf. C. ³ fyr nefnd tilf. C.

⁴ Her mgl. 2 Blade í C.

hon¹, eptir þínu orði; sem (hon) segði með þessum hætti: Verði mer þat orð, sem i upphafi var guð, hold af holdi minu eptir þínu orði; verði mer þetta orð eigi til þess framsagt at liða um, helldr getiz með mer at vera holldi skryd enn eigi lopti; verði
 5 mer þetta orð eigi at eins heyriligt með eyrum, helldr oc syniligt með augum, oc þreifanligt með hondum, oc bæriligt a herðum; verði mer þetta orð skrifat i hiarta minu, eigi sem i iokli se ritað i solar skini, helldr sem með obrugðuligum(!) penna ritað a lifs bok; verði þat eigi sem með mallausum fingrum fatað a dauðra kvik-
 10 venda skinum, helldr lifliga fast sett með mannligri mynd i minum skirum iðrum, eigi fyrir dauðligan penna helldr fyrir enn helga anda.

Fra Mariu ok Elisabed.

15 6. Eptir þessa hluti, sem nu voru sagðir, reis Maria upp oc for af Nazareth i borg Juda. Juda² er (i) þessum stað borgar nafn en eigi ættar. En Jerusalem er i Beniamins ætt, um hana la vegr sancte Marie, þa er hon for i þann kastala eða borg, sem heimkynni Zakarie voru, oc var sa staðr .iiii. milur af Jerusalem,
 20 sem Johannes var fæddr. Her um segir Ambrosius super Lucam: Maria for til fiallbygða eigi sem mistryggvandi engiliga forspa, eigi sem ovis af sendiboðunum, eigi efandi um dæmit, helldr sva sem gloð af fysinni, siðlat i þionustunni, fliot af felagleikinum; eða hvar var hennar vegr, þar sem hon var full af guði, nema at
 25 fara til hinna hæri hluta oc þo með skunda³, þvíat heilagr andi kann eigi sema (við)talman. Nemi þer her af heilagri konu, hvilika gaumgæfð þer skulut þeim konum veita, er með bornum ganga. Maria, su er aðr hirði sig i hinum instum leynum husanna, let sig eigi talma fra þessi ferð kinnroðann meydomsins, oc eigi fra
 30 þionustunni snarpleik fiallanna, oc eigi fra kostgæfinni langleik ferðarinnar, oc mærin með skunda steig til fiallbygðanna minnig embættisins enn ominnig meingerðarinnar, ostyrk i tegund en styrk at goðviljafor, at fyrirlatnum sinum heimkynnum. Nemi þer, meyar, at renna eigi opt um annarra manna herbergi, eða eiga
 35 langar dvalir a strætum, eða blandaz miog við alöyðu með margfolldu tali. Maria var seinlat inni en skiotlat uti. Hon var með frændkonu sinni .iii. manaði, oc því at hon kom til þionustu, eigi fyrir því at hana lysti at vera i annarra herbergium, helldr fyrir þa skyld, at hon villdi eigi optliga opinberliga litin vera.

40 1 af orði tilf. Cd. 2 Judea Cd. 3 skynda Cd.

Nemit nu, meylar, kinnroða at Mariu, nemit oc litilætið. Frændkona kom til frændkonu, en yngri til hinnar ellri, eigi at eins kom hon, helldr heilsaði hon fyrri. Se hver sem ein mærl þvi litillatari, sem hon er helgari, oc kunni at vegsama ser ellri menn. Se með henni meistaradomr litillætis, þar sem algerleikr er skirlifis, se oc sðk milddinnar oc regla læringarinnar; hugsi hon þat, at hin hæri kom til hinnar lægri, Maria til Elisabeth, Kristr til Johannem. Þegar birtiz hvat arnaðiz i tilkvamu Kristz oc Marie. Iafnskiott sem Maria gekk i herbergit oc heilsaði Elisabeth, gladiz barnit i i kviði hennar, oc þaþan af varð hon full af helgum anda. Seam her grein serhverra hluta. Elisabeth heyrði röddina, en Johannes kendi fyrri miskunnina, hon heyrði eptir skipan natturunnar, en hann fagnaði eptir skipan stormerkisins, hon kendi tilkvamu Marie, enn hann tilkvamu drottins, kona konu oc sun sunar. Þær vinna stormerkit fyrir innan byrgit i moðurligum iðrum, en þær tala miskunnina fyrir utan oc spa taknsamliga með tviföldum spaleikxanda sinum oc sinna suna. Gladdiz barnit, gladdiz moðirin, eigi var moðirin fyrrum full af helgum anda en suninn, helldr þa er suninn fekk hans gipt, fekk oc moðirin. Þa er Johannes fagnaði, fagnaði Elisabeth. En eigi segium ver Mariam þa hit fyrsta fyllda heilags anda, þess er aðr var með henni, helldr segium ver anda hennar fagnat hafa þvi, at ousbræðiligr guð vann ousbræðiligan sinn matt með sinni mæðr, varð [hon fyllð² hins helga anda fyrir getnað sins sunar, en Elisabeth eptir getinn sinn sun. Oc til vitnisburðar, hvat með henni var, kallaði hon til varrar fru: „Blezuð ertu a meðal kvenna, oc blezaðr er avoxtr kviðar þins; oc hvaðan af kom su gipt at mer, at moðir drottins mins kæmi til min? þvi at iafnskiott sem rodd þinnar heilsanar hlioðaði fyrir minum eyrum, fagnaði barnit i kviði minum, oc sæl ertu, er þu truðir, þat er at skilia, engiligum orðum, þviat þeir hlutir munu algerliga fram koma um þig, sem af guði voru til þin talaðir.“ Her yfir segir hinn sam(i) Ambrosius byskup: Af þessum orðum Elisabeth, er hon sagði barnit fagna i kviði hennar, birtiz at þa þegar hof Johannes þa þionustu, sem hann var tilskipaðr, at bua veg fyrir varum herra, er hann heilsaði honum með hiartaligum fagnaði, meðan eigi vanz tungan til talsins, oc kom(u) fram forspáár Gabriels, at þessi sveinn Johannes mundi i moður kviði vera fullr helgum anda. En eigi er fyrir þa skylld sagt, at moðir hans kallaði með mikilli röddu, at hlioð hennar heyrðiz víða eða hagliga um loptzinz

¹ helgum Cd. ² [oc ufyld Cd.

viðerni eða landz, helldr var þessi røð mikil at goðfysi oc kendi miklar guðs gíafar, þa er hon sagði sva Blezuð ertu a meðal kvenna, þviat Maria var eigi at eins blezuð meðal kvenna, helldr var hon meðal blezaðra kvenna einkannliga tignut með meiri blezan
5 helldr en allar aðrar konur. Ok þa er hon sagði blezaðan avoxt kviðar Marie, þann sem eigi er sva blezaðr sem aðrir blezaðir menn, helldr sva sem postolinn segir, er hann blezaðr yfir alla hluti fram um allar veralldir, oc fyrir hann veitaz allar aðrar blezanir. Oc þessi orð guðspíallzinz koma saman oc orð psalmsins,
10 þau er David segir undir skilning sealfs guðs foður talandi til sín: Af avexti kviðar þins man ek setia, at skilia höfðingia, yfir sæti þitt, þat er yfir Gyðingafolk. Þvi toluðu þau bæði engillinn oc Elisabeth hin somu blezauarorð til Marie, at i þvi syndiz hon vera virð oc vegsomuð bæði af monnum oc englum oc forprisut
15 ollum kvenmonnum. En i þvi er hon sagði sva Hvaðan af kom mer su tign, at móðir drottins mins kæmi til min, synir hon sig eigi uvitandi þess, at þvilik dayndi mattu eigi með auðrum kosti veitaz helldr en þeim, sem nu er auðsynt, at þeim var þa samvinnandi hinn helgi guðs andi, oc þat varð eigi fyrir hennar verðleik, helldr fyrir guðs gíof, at móðir spamanzinz heilsaði móður
20 drottins sins til aukningar verðleiks sunar sins. Oc sva er þat, er sa hinn sami andi, sem gaf spaleikinn, gaf oc litillætið, sem hon segði með þessum hætti: Fyrir hvert mitt rettlæti eða af hverium minum verðleik varð þetta tilfelli, er guð veitti mer þa
25 gíof, at til min kæmi móðir drottins mins? kenni ek takn þetta, veit ek oc stormerkit. Móðir drottins ertu fyrir guði oc af guðs orði oc full af guði, þviat íafnskiott sem rødd þinnar heilsanar kom til minnar heyrnar, fagnaði barnit i kviði minum. Ambrosius segir enn þetta: A þvi augabragði sem roddin kom til eyrna likamans,
30 kom andligr kraptr til hiartans, oc eigi at eins tendrandi móðurina, helldr oc þar með hennar eldi með ast guðs sonar, þess er þa var til þeira kominn, oc með birting hins helga anda, þess sem hennar hiarta fylldi, skildi hon, hvat fagnaðr barnsins bendi, þat er, at þa var þar komin móðir þess, sem sun hennar skyllði
35 fyrirrennari geraz. Ok (su) er fyrrum skammaðist þunga móðurnafnsins, meðan hon vissi eigi stormerkit siðlætisins, blezaði nu eldinu Marie ok móður eldisins; oc su er aðr leyndi þvi, er hon hafði mann getið, hrosaði nu, at hon hafði spamann getið, oc þau stormerki, sem hon hafði aðr leyniliga með ser, predicaði hon nu
40 fyrir öllum opinberliga aheyronðum sva mælandi: Sæl ertu þinnar

tru, þvíat i þer munu fullgeraz þeir hlutir, sem til þín voru af guði sagðir. Var þat oc viðkvæmiligt, at Maria oc Elisabeth tæki spaleiksanda fyrir fæðing sinna suna, at sva sem syndin hofs af konunni, sva birtiz upphaf hialparinnar af konunni. Af þessi sælu konu Elisabeth segir hinn mikli Gregorius super Ezechielem 5 sva mælandi: Heilagr spaleiksandi tekr með misiofnu moti hug spamanna, stundum sea þeir umliðna hluti oc samtíða hluti i anda sinum, enn eigi okomna hluti, stundum sia þeir bæði umliðna hluti oc ukomna, en eigi samtíða hluti, stundum sia spamenn bæði senn umliðna hluti oc naverandi hluti oc ukomna, sem Elisabeth sa 10 Mariu til sín koma oc vissi, at hon bar fyrir briosti guðs orð með holldi hulit, kendi oc Mariu vera moður drottins sins oc sagði: Hvaþan af veittiz mer þat, at moðir drottins mins kæmi til min? Hon mællti oc: Sæl ertu truar þinnar, þvíat allir þeir hlutir munu algerliga fram koma, sem til þín voru sagðir af guði. 15 I þessu er hon mællti þessi orð, birtir hon, at hinn helgi andi hafði henni birta þa hluti, sem til Mariu höfðu talaðir verit af getnaði guðs sonar; hon sagði oc, at hann sa fyrir, hversu þeir hlutir, sem okomnir voru Marie fyrirsagðir, mundu fram koma a síðurum tímum, sa hon oc þa alla senn umliðna hluti oc samtíða 20 oc ukomna, er hon vattaði Mariu hafa truat umliðnum orðum engilsins, oc kendi hana vera nefnandi moður, berandi fyrir sinu briosti lausnara allz mannkyns¹, oc sagði framkvæmð ukominna engilsins fyrirheita. Var því líkligt, at hon mundi sig birta með ollu spadoms kyni, þar sem hon bar fyrir briosti hinn mikla oc framarr 25 enn spamann.

Fæðing Jóhannis.

7. Eptir þat er Maria hafði heyrt þessi orð Elisabeth, sem nu var sagt, matti hon eigi lengr þegia yfir sva haleitum guðs 30 gíofum, sem hon hafði þegit, oc þa hluti, sem hon huldi aðr með þaugin sakir meyligs kinnroða, lauk hon nu upp a viðkvæmiligum tíma sva mælandi: „Miklar aund min drottin oc andi minn gladdiz i guði hialpara minum.“ Síðan leiddi hon með trausti hins helga anda þenna guðligan lofsaung til enda, er heilug kristni syngr 35 hvern dag i aptansong, oc er hann fullega glosaðr i sialfrar hennar sögu. En ek set her fa orð, þau er heilagr Bernardus hefir skrifat til birtingar þessum cantica, litandi a hennar haleitu hugsan, sem hon hefði sva a þessa leið talat: Meðr sva mikilli oc með sva

oheyrðri gíof hefir guð mig tignat, at með ongum kosti ma þat mannlig tunga greina, oc varla ma þat rannsaka með hinni diup-
 5 uztu hugsan hiartans, oc af því geri ek guði þakkir ofrandi honum
 öll öfl mins hugar i þessum haleitum gíofum, oc ek færi honum
 með fagnaði, litandi a hans hit haleita lof, alt mitt líf oc alla mina
 skilning oc alla mina greining, þvíat minn andi gleðz með þeiri
 gleði, er ek fagna eilífum guðdomi Jesu hialpara, at skilia, allra
 leystra manna [fra eilífum dauða².

Er Maria var með frendkonu sinni.³

8. Sva vatta heilug guðspioll, at var fru heilug Maria var
 með sinni frændkonu .iii. manaði. Oc var eigi fyrir því þar⁴, at
 henni þætti annars heimkynni skemtiligri enn sin, helldr fyrir
 þa skyld, at hon villdi eigi at sinni opinberliga verða uti litin, oc
 15 fyrir því at sok þionustunnar hvatti hana til þessarrar ferðar.
 Villdi hon oc þionustuna fylla, þvíat þann tíma sem Elisabeth fæddi
 son sinn at liðnum .ix. manudum fra hans getnaði, veitti hon sinni
 frændkonu astsamliga þionustu, sva sem lesit er i bok þeiri er Liber
 Justorum heitir, at hon⁶ hóf Johannem af iorðu nyfæddan. Se
 20 her haleita dyrð þessa haleita sveins, at drotning himins oc iarðar,
 su er þa bar fyrir briosti konung konunga oc drottin drotna, oc
 su er englarnir oc öll skepna þionar með rettri reglu, fyrir því er
 hon fæddi þann, er alla hluti skapar, veitti honum nyfæddum
 elskuliga þionustu, sakir þess er heilagur andi, sa er hennar briost
 25 kaus ser til herbergis, vissi þenna hinn dyra mann mundu verða
 fyrirrennara hennar sæta sonar oc ukominn þion ukominnar skirnar,
 þeirar er sialfr upphafiari allra goðra⁷ hluta let ser soma at taka
 af hans signudum hondum. Sannliga⁸ var hann þa sælaztr allra
 [ufæddra smásveina⁹, er hann kendi eigi sialfan sig oc kendi þo
 30 drottinliga tilkvamu, oc þann heimsins hialpara, er hann matti
 eigi með tungunni birta, birti hann með spadomligum fagnaði; oc
 sem hvert barn kemr með hryggviligum grati i þessa veröld, kom
 fyrstum¹⁰ til hans andligr fagnaðr umfram natturulögin; þvíat
 þat somði, at sa, er fra ubyria mæðr var fæddr dasamliga, birti
 35 með sinum⁷ dasamligum getnaði dasamligan getnað meyarinnar,
 þann er meyiunni gaf dygd frioleiksins enn raskaði með aungu
 moti¹¹ insigli meydumsins. Þat er oc miog undranda oc harðla

¹ Her beg. atter C. ² [mgl. C. ³ Overskr. C; A har her ikke nyt
 Capitel. ⁴ saal. C; þat A. ⁵ annarra C. ⁶ vor fru C. ⁷ mgl. C. ⁸ Sel-
 40 iliga C. ⁹ saal. C; ufædda sinna sveina A. ¹⁰ fyrri C. ¹¹ tilf. C.

dasamligt, er Zakarias faðir Johannis tyndi malinu, er hann truði eigi englinum, þar til er fyrirheitið kom fram, oc fyrirrennari hins nyia manz leysti nyfæddr bond foðurligrar tungu oc lauk upp þann munninn, sem engillinn byrgði. Enn þa er grannar oc frændr Elisabeth heyrðu, at hon hafði son fæddan, er guð miklaði miskunn 5 sina með henni, þa samfögnuðu þeir henni, oc kom þa [hit fyrsta¹ fram spasaga Gabriels, su at margir mundu fagna a burð-artið þessa sveins. Ok enn atta dag þaþan komu menn, eptir því sem lögmal Moysi bauð², oc veittu honum skurðarskirn. Þa villdu þeir kalla hann Zakariam eptir feðr sinum, enn móðir hans 10 bannaði þat oc sagði sveininn Johannem heita skyldu. Þeir svoruðu henne þa, at engi væri með þessu nafni³ af hennar frændum, oc fyrir því at Elisabeth let eigi eptir þeim, beiddu þeir Zakariam giora⁴ orskurð um þeira þrætu. Hann bendi þa, at honum skyllði fa þat sem pugillaris er nefnt af guðspiallamanninum⁵. En Petrus 15 Commestor segir helst, at þat se sva litið vaxspiald eða bleikiuspiald, at lykia ma⁶ hnefa, þvíat pugillus er hnefi at varu mali. Eptir þat ritaði hann þat sama sem móðirin hafði aðr talat, sva at allir þeir sem⁷ þetta sa undruðu. Þess ma einnhverr spyria, hvi Elisabeth var vitandi, hvert nafn engillinn sagði at sveinninn skyllði 20 hafa, þar sem hon heyrði eigi [hans sögu⁸, enn Zakarias mallauss matti eigi þenna hlut sagt hafa. En þat er auðvitat, at hon vissi þat af leyndri heilags anda birting. Enn er Zakarias heyrði⁹ nafn sonar sins, losnaði tunga hans oc lauks¹⁰ upp munnr hans, oc talaði hann blezandi almatkan¹¹ guð veitara allra goðra hluta. Her 25 af segir einn meistari: Hvat er iafndyrðarfullt sem þetta siðlæti, hvat er þessarri tru tiguligra? Fyrir hennar skyld verðr obyria kona frio, mærin foðir sun, hinn mallausi talar, sveininn¹² luktan i leynum moðurligra iðra gleðia ukomnir fagnaðir¹³, oc eigi var þat undarligt, þo at i þeim punkt, er fyrir var buin af guði al- 30 mennilig andar heilsa, fengi eigi dauðlig nattura varðveitt forna skipan sinna laga. Þat er oc vitanda, at eigi efaði Zakarias þaðan af, at Johannes væri [honum af guði¹⁴ fyrirheitinn oc gefinn, þa er hann kendi sig af hans sok hafa tekit oc tapað eiginligu mali. Enn þa er þessi tíðindi spurðust oc [viða frægðust¹⁵ um 35 allar fiallbygðir Judee, slo miklum otta a folkit, sva at hverr oc

1 [mgl. C. 2 stodu til C. 3 kalladr tilf. C. 4 gefa C. 5 saal. C, guðspiallamonnum A. 6 med tilf. C. 7 er a C. 8 [sögn hans C. 9 hafði skrifat C. 10 laukz C. 11 almattigan C. 12 suninn C. 13 saal. C; fagnaðar A. 14 [af gudi sendr ok honum C. 15 [vidfrægduz C.

einn talaði i sinu hiarta: Hvat hyggur þu, at skilia aund min, hvílikr þessi sveinn man verða. [Sem hann segði: yfir vit mitt er¹ at skilia, hversu mikill þessi sveinn [mun verða i guðs augliti.² Oc senniliga, sogðu þeir, var nu haund³ hans, þat er kraptr hans, með honum, þat er sva at skilia, fyrirrennandi takn veita⁴ veg oc visa leið fyrirrennara sannleiksins, oc umliðnar spár eru forsagnir fremri dyrða þessa haleita manz.

Dictaðr Benedictus.

9. Eptir þessa hluti varð Zakarias faðir hans fullr af spa-
 10 leiksanda oc hof sinn lofsong, þann sem hann dictaði af þeim hlutum, sem þa birti honum hinn helgi andi, Benedictus dominus usque in finem. Se her mikinn örleik⁵ guðligrar milldi, þat malit er fyrir tortrygð var tekit fra efanda manni, veittiz nu oc aptr gallz⁶ með viðrlogu⁷ spaleiksanda rettruadum manni. Elis-
 15 abeth spaði fatt, enn Zakarias mart, enn þo var hvartveggia fullt af helgum anda, oc varðveittu þau i þessu þat guðligt boðorð, at kona skal framarr astunda⁸ at nema helldr enn kenna guðlig stormerki. [Fyrir því sagði Zakarias fram þessi orð⁹ Blezaðr er drottinn guð [Israels, þvíat¹⁰ þa er hann bað guðliga milldi leysa
 20 folkit fyrir¹¹ tilkvamu græðarans, var honum veitt at eiga þann son, er vera skyldi fyrirrennari græðarans, oc litlu siðarr vitiaði guð faðir¹² þenna heim fyrir sinn einka¹³ sun, [þann sem¹⁴ syndiz i mannligu holldi oc þa gerði heila, sem aðr voru dofnaðir i longum siuknaði, oc þa rettlata, sem aðr voru honum miog fiar-
 25 lægir vorðnir af sin sialfra fullkomnu ranglæti. Þvi sagði hann, at guð gerði lausn folks sins, at su lausnin [var þa¹⁵ dictuð i drottinligri fyrirhyggiu, er skiott kom fram, oc þat var þa gert i guðligu raði¹², þo at eigi væri til lykta leitt, at guð faðir mundi með blezuðu sins sæta sonar bloði¹⁶ leysa heim þann, sem aðr var
 30 selldr fyrir¹⁷ synd hinna fyrstu manna oc hertekinn, þvíat hann gerði, þat er at skilia¹⁸ let fram koma lausn við folk þat, er hann gerði sitt meðr sialfs sins vitian. Þar næst fylgir þetta vers: Oc hann reisti upp heilsuhorn, þat er at skilia þat er hann gaf oss, i husi Davids sveins sins. Heilsuhorn kallar hann stoðugan

35 1 [saal. C; i guðs augliti, oc senniliga er yfir mitt vit A. 2 [saal. C; eigi fyrir guði A 3 saal. C; aund A 4 saal. C; vatta A. 5 saal. C; orðleik A. 6 saal. C; golldit A. 7 vidlagdri gíof C. 8 stunda C. 9 [tilf. C. 10 [Israels at C; 11 med C. 12 tilf. C. 13 eigin C. 14 [saal. C; þeim A. 15 [væri C. 16 banabloði C. 17 undir C. 18 Her mgl.
 40 2 Blade i C.

oc styrkan hagleik heilsugiafar þeirar, er guð gaf folkinu, oc er þetta horn sialfr guðs son. Verðr oc með þessi figuru synt, hvi Salomon oc aðrir konungar Juda voru með því viðsmiorvi smurðir i sinni vigslu, sem i horni varðveitis af kennimonnum, þann tima sem þeir toku valld oc stíorn yfir folkinu at guðs vilia. Þvi sagði 5 Zakarias hornit uppreist i Davíðs husi, at Cristr var a Judea fæddr. Þri(ði)a vers psalmsins segir sva: A þa leið sem guð talaði fyrir munn spamanna þeira, sem eru liðnir, at skilia af þessi verold. Hvað ma sannara segia enn þetta, þviat oll ritning hins forna logmals allt til varra tima sagði spar¹ af Kristi, oc allir helgir 10 feðr bera bæði með verkum sinum oc orðum vitni guðligri tilskipan. Hit fiorða vers talar sva: Heilsu² af uvinum varum oc af hendi allra þeira sem oss hotuðu. Þetta vers er fylling ens fyrra vers, oc skal sva skilia: drottinn reisti upp heilsuhorn i husi Davíðs sveins sins, þat er at hann gaf oss Krist sinn, þann er at sonnu 15 er var heilsa, oc fyrir hans milldi megum ver fa odreyrugan sigr, þo at (ver) striðim likamliga við uvini vara, oc hallda likams heilsu oc andar, ef ver snörumz alhuglega undan hendi, þat er undan affi eða valldi allra vandra manna, þeira sem oss hata likamliga, eða enn sannligarr nndan ollu valldi vandra ohreinna anda, þeira sem 20 oss veita umsat nætr oc daga. Þessar heilsu eigum ver at vænta með guðligu fulltingi, at fa ongván skaða af því i andligri orrustu her i þessu lífi, en allir leystir menn frá eilífum dauða munu fa i andligu lífi. Hit fimta vers þat er sva segir: Til gerandi miskunnar með feðrum varum oc at minnaz hins helga logmals, leiðir³ 25 enn skilning af hinu fyrra versi, at drottinn reisti upp þetta horn Crist sinn til þess, at ver þegim miskunn af honum a þa leið, at sva sem hann leiddi feðr vara a fyrirheitz iorð, sva leiði hann oss oc til fyrirheitinna himinrikis fagnaða, oc minniz þannig sins heilaga lögmals at lata þat nu fram koma andliga, sem þat merkir i 30 laugunum, var þa heitið at fylla likamliga. Hit setta vers mæliir sva: Særi⁴ þat er hann sor Abraham feðr varum at gefa sialfan sig oss til lausnar, þat skal sva skilia, at Zakarias birti með þessum orðum, at guð faðir let nu fram koma þat heit sem Genesis vattar, at(i) kyni Abrahe skylldu allar þioðir blezan taka, er hann 35 gaf oss sinn sun Jesum fæddan or hans kyni, þann er sinn likama veitti oss til piningar at heimta undan diofuligu veldi allan heim; en hann gefr hversdagliga ollum rettkristnum monnum fyrir sanna iðrun oc tru. Hit .vii. vers segir, at ver þionim guði an öllum

1 spat *Cd.* 2 heilsu *Cd.* 3 leiðit *Cd.* 4 Sæti *Cd.*

otta leystir undan ollu valldi ovinarins. Hit .viii. vers vattar,
 hvilik þessi þionusta skal vera, at með heilagleik oc rettlæti fyrir
 guði skulum ver honum þiona alla daga vars lifs, oc profan rett-
 lætis þessa skal eigi vera undir mannligri skyn heldr undir vitni
 5 sialfs hans, oc þessi þionusta skal eigi vera augabragðlig eða
 stundlig heldr alla daga vara, þat er utan enda. I enu niunda
 versi vendir hann tungunni til sunar sins, at þar sem hann hefir
 aðr talat af guðs getnaði, vattandi þa velgerninga sem allri truandi
 þioð voru veittir, syniz hann eigi óþakklatr fyrir hann um þær
 10 astgiafir, sem hann kendi fra sialfum ser veittar i því, er honum
 var sun fæddr iartegnasamliga oc i moti natturu: Ok þu sveinn,
 sagði hann, mant kallaðr vera spamaðr hins hæsta guðs, oc þu
 mant fara fyrir augliti hans at bua hans gøtur. Þat ma nokkurum
 synaz undarligt, er spamaðrinn talar við sveininn atta daga gamlan
 15 sva skiliandi hans ræðu, en þeim ma því svara, at þat er truanligt,
 at Johannes fæddr mætti skilia foðurligt mal, þar sem hann kendi
 i moður kviði heilsan moður, ella talaði Zakarias þessi orð birt-
 andi þeim sem hia voru, hvilikar giafir sveinninn mundi af guð-
 ligri gipt þiggia, eptir því sem engillinn hafði fyrir sagt. Hit
 20 .x. vers segir sva sem leiðandi sinn skilning af hinu fyrra, at hann
 skyllði gefa folki hans vizku sann(r)ar heilsu til fyrirgefningar synða
 þeira. Þat er i þessu fyrst hugsanda, at fyrir þa sok nefnir spa-
 maðrinn optliga hialp eða heilsu i sinum cantica, at hann vill
 lofa nafn Jesu, er hialpari eða græðari þyðist, oc sem vandvirkligaz
 25 skyra þat sem fyrst segir hann heilsuhorn upprunnit, þar næst
 skulum ver (beiða) heilsu andligra sára eða likamligra, þeira sem
 ovinir varir veita oss i andligri eða likamligri orrustu, oc vega sigr a
 þeim. Enn nu segir hann, at þessi guðs fyrirrennari Johannes
 skal með því moti bua gotur at kenna folki hans þa vizku, at þeir
 30 viti skyn a sinni saluhialp oc heilsu, þeiri sem Cristr er; oc (at) eigi
 at eins litz nokkurum, sem hann beiddi at likams heilsu, þa er
 stundlig er at eins, því let hann fylgia, at þessi heilsa mundi
 þeim veita aflausn eiginligra synða, oc þetta allt mundi þeim
 veitaz, eptir því sem hit ellipta vers vattar um miskunnar iðr
 35 guðs vars. Miskunnar iðr guðs eru astsemðir hans, þær er hann
 veitir oss fyrirgefning synða, eigi eptir varum fyrirfarandi verð-
 leikum heldr fyrir eina saman sina elsku, þa er hann hefir a oss,
 sva sem postolinn vattar: Guð sendi sun sinn eingetinn i liking
 synðugs holldz, eigi fyrir annat en þa hinu miklu astsemð er hann
 40 elskaði oss, i þenna heim, at veita oss aflausn synða varra. Endir

Þessi vers a at leysaz með hinu .xii. versí, oc segir sva, at¹ af hæð rann upp (oc) vitiaði oss, til þess at lysa fyrir þeim, er sitia i myrkrum oc dauðaskugga, oc at greiða fætr vara a friðar stig. Þessi orð Zakarie segia, at guðs orð, þat² er guðs sun, sa er af hæð, þat er af himnum, rann upp at birta alla verolldina með andligri birti, a þa leið sem solin rennr upp at birta heiminn með likamligu skini, vitiaði til þess hiortu þeira, er i myrkrum satu, þat er i þykri þoku svartra synða, oc þrongdir voru i hiart-aligum blindleik oc i synða skugga, þat er i þeim hugarvillum, er þa drogu a dauðligar synþir, at upp lykiz fyrir þeim himinrikis braut, oc þeir sæi hit sanna lios sialfan guðs son, oc af hans (liosi) birtaz fyrst hiortun oc þar næst greiðast þeira stigar með goðum verkum a gotu hins sanna friðar, þviat gongur verka varra eigum ver með ollu moti³ at samþykkia um miskunn vars birtara, þar til er ver gongum i vist ens sanna friðar. Af því at þessi salmr Benedictus er guðspialligr, hefir heilug kristni þann siðvanda upp tekit at standa, meðan hann er sunginn, sva sem um Magnificat cantica varrar fru, eptir því sem virðuligr prestr Beda segir.

Capituli.

20

10. I þann tíma sem hinn sæli Johannes tok at vaxa, for heilög Maria heim, oc var þa fundin af virðuligum Joseph, at hon var fríu orðin af helgum anda. Fæddi hon sinn sæta son at .vi. manudum liðnum fra hennar heimkvamo .viii. kal. Januarij. Oc a þrettanda degi hins fyrsta eða annars árs komu .iii. austrvegs- konungar oc færðu honum fornir. Ok at liðnum reinsanardogum hans virðuligu móður færði hon hann til guðs mustaris með fornum. Þa birtu þau Simeon oc Anna sina spadoma fyrir þeim hlutum, sem siðan gerðust i hans lífi. Fyrir þetta allt saman vildi Herodes konungr tapa honum, oc ætlaði hann vera kominn af kyni Hyrkani eða Aristoboli, þeira konunga sem hann hafði fyrir ríki ráðit, oc at hann mundi taka ríki af ser eða sonum sinum, let hann drepa hina saklausu sveina. En Joseph fostri drottins flutti i Egiptum at engiligu boði Jesum oc móður hans, voru þau þar, meðan þessi fyrr nefndr Herodes ríkdí. Oc því at hann hafði marga sonum rænta, þa fell su ugipta til hans, at sialfr hann let drepa sonu sina oc do sialfr af uheyrðum harmkvælum, vall móðkum oc veitti ser averka með knifi; varð herfilig framfór ens versta glæpamanz a fiorða ari eptir barnadrapit. Eptir drap Herodis tok Archilaus,

1 ek tilf. Cd.

2 þo Cd.

3 matti Cd.

sa er kiliarka var kallaðr enn eigi konungr, halft ríki feðr síns Judeam oc Jdumeam, enn annan helming sneið Augustus í tva luti, tok Herodes bróðir Archilai annan lutinn: fyrir handan Jordan oc Galileam, þvíat þat var fiorðungr foðurlígs valds, 5 er hann styrði, var hann þápan af tetrarka kallaðr, enn þat sem eptir var tok Philippus bróðir hans, Ituriam oc þat herat sem Trakon heitir, oc þat hit þriðia er Aurantias heitir. A dogum þeira Arkilai flutti Joseph Jesum oc móður hans í Nazareth Galilee, vox hann þar upp. Arkilaus þessi ríkti .ix. ár, þvíat fyrr nefndr Augustus þolði honum eigi lengr sinn grimleik oc sendi hann í 10 Viennam borg í Gallia utlagan oc sviptan allri sæmð. Í hans stað kom Komponius, oc þann tíma sem hann kom aptr í Roma, var Markus Rufus settr höfðingi í hans stað. A hans dogum andaðiz Augustus í Kampania heraði í borg þeiri er Acella heitir, oc hafði hann .xv. ár styrt ríki, þa er varr herra var fæddr, enn reð Rom- 15 verium .i. oc .vii. ár, oc .xiii. af þessum með Antonio. Hann hrosaði því við dauða sinn: leirborg var Roma, þa er ek fekk hana, enn nú er hon marmaraborg. Í hans stað kom Tiberius Nero sun Julie huspreyiu hans. Þessi sendi Valerium Gaium í Judeam, oc kallaði hann aptr í Romam eptir .xv. ár, en sendi Pontium Pilatum 20 í Judea, er hellt Archilaum bundinn í fyrr nefndum stað. Þessi Tiberius ríkti .xxiii. oc sva Herodes tetrarcha.

Fra uppruna Johannis.

11. Eigi hofum ver, segir Beda, mikla frasnagn af uppruna 25 hins sæla Johannis, enn þessi fa orð er guðspíallamenninir segia, at sveinninn vox at líkams vexsti oc styrktiz í anda, þat er í andlífum krapti, til þess at fremia hafa hluti oc þola meinlæti fyrir guðs astsemð. Af því for hann í eyðimork oc var þar til þeira daga, sem til voru skipaðir af upphefiara allra goðra hluta oc 30 rettruandi manna, at hann hof sitt predicanarembætti, oc segir Beda, at fyrir því valdi hann ser snarpleik eyðimerkr, at hann mætti fyrir þat dæmi, er hann tamði sitt horund fra ollum lystíngum þessa heims lífs þegar a barns alldri, frialslígar kalla fra þessarrar veralldar astsemð þa menn, sem hans kenning sattu til 35 sannrar iðrunar, með sinum fogrum fortolum. Af þessum lutum segir Innocencius tertius: Sva haleitr var Johannes, at hann fyrirlet foðurlígt hus með ollum auðæfum, en girntis eyðimerkr með fullkomnum fatakleik, oc var þar3 alt til þess er guð villði,

40 1 Herodes tilf. Cd. 2 af Cd. 3 þat Cd.

at hans predican birtiz firir Israels folki. Eigi vildi hann neyta kennimannz tign eptir feðr sinum oc taka logligar inntekiur, þat er ofr oc frumfornir, sva oc tiundir folksins, fyrirlet hann alla hluti, at hann tæki eitt at moti, þat er almatkan guð; oc sa gerir hverr at hans dæmi, er sva nemr Crist at bera i sinum likama, at hann fyrirlætr auð en elskar aureign, ferr fra krasum til föstu oc tekr harklæði við silkiklæðum, þogn moti skemtan oc skrok-sogu, vokur moti svefni, starf moti sysluleysi, eymð við sælu, striðu við bliðu, anauð við frelsi, motstaðliga luti við farsælu, skirleik oc bindendi moti lostasemi oc allri ofgeytlan.

Predican Johannis.

12. Þessi fyrr nefndr Lucas evangelista greinir, at sæll Johannes bar guðs orð fram i Judea nær þritugr at alldri, sva segiandi, at þa kom guðs orð yfir Johannem sun Zakarie i eyðimork. Þat er sva at skilia, at i þann tima bauð guð honum at fara i ubygðir at predica fyrir folki iðran oc aflat annmarka oc at taka vatzskirn, oc var þat a .xii. ari rikis Tiberij cesaris, at því sem bækr visa til; voru oc þa þeir flestir landzstiornarmenn, sem fyrr greinir, Pontius Pilatus i Judea, Herodes tetrarcha i Galilea, Philippus broðir hans (i) Ituria; Lucas leggrr til hinn fíorða Lisaniam, þann sem Commestor segir son Tholomei eins gofugs manz, enn sumir kennarar segia verit hafa son ens mikla Herodes, enn guðspiallit vattar nafn hans, oc at hann haf(ð)i einn fíorðung rikis oc var tetrarka Abiline heraðs oc þess fleira, sem þar la til. Hofðu Romveriar þenna tima smaad oc parterað ríki ebreskra manna, sva sem nu er greint, at allir mætti sia, at miog sva var þa kominn þess rikis endir. Eptir því sem sialfr guðs son sagði þeim með þessum orðum: Hvert ríki i sialft ser skipt man eyðast. Enn i annan stað syndi guðspiallamaðrinn, at i þann tima var Romveria ríki stöðugt, þar sem þar vattar, at því styrði einn höfðingi, enn fyrrum styrðu því margir. Hinn mikli Gregorius segir þat berum orðum, fyrir hveria sok guðlig milldi skipaði sva til um skipti ríkianna, at enir ebresku letu sakir syndagialldz [þa tru¹, sem feðr þeira hofðu lengi af guði halldit, enn heiðinn domr, sa er gofgaði marga guði, var þa samankallaðr i retta tru oc til gofgunar eins guðs. Hinn sami Lucas greinir oc, at² i þann tima voru kennimenn Juda Annas oc Caiphas³. Oc er fyrir þa sok int, hverir konungar voru oc höfðingiar [fyrir heiðnum monnum⁴, oc

¹ [þar til Cd. ² Her beg. atter C. ³ saal. C; Cleophas A. ⁴ [yfir heidninni C.

sva hverir kennimenn voru i Judea, at Johannes kom þangat at predica, sem marga kallaði til sannrar¹ truar oc aflausnar eiginna synða af hvarritveggiu þioð oc bæði var konungr oc byskup.

5

Um skirn Johannis oc predican.²

13. Enn þessi hinn haleiti guds vin hof sina kenning með þessum orðum: Giori þer, sagði hann, iðran, at skilia fyrir annmarka yðra, þviat nu nalgaz himinriki³. Commestor segir, at þetta talaði hann til huggunar⁴ þeim, sem honum truðu oc lyddu kenning hans, vattandi at fyrir aflat synða oc sanna iðran mundu þeir nalgaz⁵ aflausn annmarka. Oc hann for um alt þat herat, sem⁶ liggr við ana Jordan, oc skirði folkit iðranarskirn i vatni. Hinn sami Commestor segir, at fyrir því var af guðspiallamanninum 15 skirn Johannis kölluð⁷ iðranarskirn, at hann eggjaði menn til at iðraz afgerða sinna, oc skirði⁸ þa eina, sem hann sa at iðrandi voru, oc sagði fyrir, at su skirn mundi skiott birtaz oc fram koma, er syndir mundi fyrirgefa oc af þva, oc hann skirði lyðinn i vatni með sinni skirn til þess at venia hann at taka, þegar sem 20 fyrst yrði færi á, Cristz skirn. Enn þat er⁹ sagt er, at sæll Johannes vattaði, at himinriki mundi nalgaz, er sva skilianda⁸, at hit forna lögmal oc spamanna bækr hetu monnum friði oc farsælu oc auðrum iarðligum gæðum, þeir¹⁰ sem þat helldi, er¹¹ þeim var boðit. Enn þessi guds vin het fyrir¹² himinriki oc eilifri ombun 25 þeim, sem hans kenningum fylgði, oc sagði þat nalægt vera, þat er at skilia, mundu veitaz eptir Cristz pining oc upprisu aullum rettruandum¹³ mönnum.

30

Af heilræði Johannis¹⁴.

14. Næst þessum orðum sagði sæll Johannes til folksins: Rodd kallar i eyðimork: greiði þer¹⁵ gautu guðs, sva sem Ysayas spamaðr kendi, oc gerit stigu¹⁶ hans retta. Hverr dalr man fyllaz, en fioll oc halsar munu lægiaz, rangir hlutir munu rettaz, en 35 snarpir¹⁷ slettaz, oc alt hold man sia hialprað guðs. Þess ma

1 rettrar C. 2 Af kenning Johannis C. 3 saal. C; riki himnaiki(!) A.

4 hugganar C. 5 nalgiaz C. 6 er C. 7 saal. C; kallaðr A. 8 tilf. C.

9 sem C. 10 þeim C. 11 sem i C. 12 fystr C. 13 truudum C.

14 Overskr. af C. 15 ok fyrirbuit tilf. C. 16 stiga C. 17 lutir

40 munu tilf. C.

nokkurr spyrja, hvi¹ sæll Johannes talaði þessi orð fyrir folkinu, eða hvern skilning þau hafa. Enn kennifeðr helgir segja þa glosu yfir þau, at sialfr hann se þessi rödd fyrir laungu spað i bok Ysaie, er kallar² i Judea þeiri, sem eyðimork er i þessum stað kölluð, af þeiri sok er hon³ var þa sakir synðagialldz af guði fyrirlatin⁵ oc at þrotum komin, nema hon³ þektiz i því hans⁴ gagnsamliga kenning [at bua veg vars herra⁵ til sins eiginligs⁶ hiarta oc gera hans stigu retta, þat er at verpa af ser ranglæti enn taka retta tru oc gera goð verk. Þvi sagði hann dali mundu fyllaz enn fioll oc hola⁷ lægiaz, fyrir því at heiðit folk, sem þa var lágt oc afleitt¹⁰ i guðs augliti, var þa fyrir satt litillæti oc retta tru hefianda til þeirar tignar at fyllaz af viðrtekning guðligrar miskunnar oc vera skipuð⁸ i forna sæmð Israels⁹ folks, enn Judea, su er forðum stoð i hæð mannkosta, var nu fyrir ofdramb⁹ oc otru af guði fyrirlogð, þvíat hann mygir metnaðarfullum enn veitir miskunn litillatun.¹⁵ Þvi sagði hann ranga luti mundu rettaz en snarpa slettaz, at fyrir hans kenning urðu þau hiortun illra¹⁰ manna, sem aðr voru ranglat oc snöruð með margfalldri illzku, síþan greidd til rettlætisreglu, oc snarpar oc omiukar hyggiur af sök rangrar reiði, þeir¹¹ sem predic-anarfæri gafu ekki rum til sin at koma, urðu snunir til hogværi oc veittu sannre kenning slettan veg til sinna hiartna fyrir guðliga²⁰ miskunnsemi. Sa oc þa skams brags allt holld, þat er Judar oc heiðingiar, karll oc kona, ungr oc gamall, hialprað Kristz, eptir því sem Johannes hafði tiað, þa er varr drottinn syndi sik i manz likama birtandi sinn guðdom með margfolldum iartegnum i lifinu, enn eptir dauða krossins með dyrð ufalsaðrar upprisu. Enn þo at²⁵ eigi mætti i þessarri verolld hverr maðr guðs son sia, [munu allir goðir menn ok illir¹² sia hann i enda þessarrar veralldar; goðir menn til uætlanligrar¹³ aukningar eilifra dyrða oc fagnaða, enn illir menn til [eilifrar fyrðæmingar oc skemðar¹⁴ oc botlausrar bolvanar, þa er þeir fyrirdæmaz til endalauss ufagnaðar¹⁵. Enn su er sok³⁰ til þess, hvi guðlig milldi let ser soma slikar aminningar at veita Juðum, sem iafnan stendr hans uprotnanlig astsemð, er a⁴ aullum timum lætr¹⁶ ser soma at kalla oss¹⁷ synðga menn til [sannrar

¹ fyrir hveria sök C. ² saal. C; kallat A. ³ saal. C; honum A. ⁴ tilf. C. ⁵ [tilf. C. ⁶ eigins C. ⁷ halsa C. ⁸ saal. C; skrifut A. ⁹ 35 Israels C. ¹⁰ allra C. ¹¹ þær C. ¹² [saal. C; ma nu bæði goðr oc illr A. ¹³ saal. C; væntanligar A. ¹⁴ [eilifra aurskemda C. ¹⁵ ofarnadar C. ¹⁶ let C. ¹⁷ saal. C; a A.

iðranar annmarka¹, oc at ver megim enga afsakan finna um þa luti, sem ver gerum i moti hans vilia at² efsta domi.

*Af predican Johannis*³.

5 15. Marcus guðspiallamaðr vattar oc þessi tíðindi, sem nu eru greind, at sæll Johannes predicaði i eyðimork Judee fyrir því folki, sem sotti hans fund, oc skirði iðrandi menn undir van ukominnar synðalausnar i á þeiri, er Jordan heitir, oc kendi þeim⁴, at [þeir iataði⁵ afgerðer sinar. Þess ma spyria, segir enn heilagi
10 prestr Beda, hvi sva er at kveðit, at sæll Johannes gæfi iðranarskirn undir von synðalausnar, þar sem auðsynt er, at i einni saman Kristz skirn gefz⁶ sönn synðalausn. Sva ma oc spyria, hvart skirn Johannis var nokkut gagnsamlig þeim⁷ sem hana toku. Enn þar liggir sa orskurðr til, at hon ma með ongum kosti profast oavaxtsamlig
15 takandum⁷, oc sæll⁸ Johannes skirði til þess folkit iðranarskirn⁹ i vatni at fylla embætti sinnar fyrirrasar, oc predicaði ukomna synðalausn, þa sem fram kom i Cristz skirn, oc gaf sina skirn undir vænting fyrirheitinnar aflausnar oc til truarmarks oc iðranar, oc til þess at enir skirðu geymdi¹⁰ sin i því at bindaz annmarka¹ oc
20 at gera aflausn¹¹ a Crist at trua, iafnskiott¹² sem hann birtiz, oc at skynda til hans skirnar, þeirar sem synðir mundi af þva fyrir hans einkanliga miskunn.

*Um klæðnat Johannis*¹³.

16. Þessi sami Marcus segir, at menn foru at taka [fyrir greinda skirn Johannis¹⁴ af allre Judea, sva oc þeir menn sem af
25 Jerusalem komu, oc virðir fyrir nefndr Beda þat sva, at hinir visuztu menn komu fyrstir at heyra [kenning þess goða manz oc¹⁵ guðs vinar oc at taka skirn hans. Guðspiallamaðr hinn sami segir oc¹⁶, at sæll Johannes hafði klæði vofin¹⁷ af hari þeira kvikvenda, sem kameli heita oc ver kollum ulfallda, oc segir enn sami
30 Beda, at i sinum bunaði birti hann, at iðrandi monnum heyrir¹⁸ harklæði at bera at hans eptirdæmi, oc allt sitt lif lifði hann auðrum til eptirlikingar, þeim sem þurfu¹⁹ at fa yfirbot annmarka

1 [saal. C; lausnar annmarka iðranar A. 2 a C. 3 Overskr. C. 4 saal. C; honum A. 5 [iata C. 6 tilf. C. 7 saal. C; taknondum A. 8
35 fyrir nefndr C. 9 mgl. C. 10 saal. C; geymdu A. 11 saal. C; olmusur A. 12 mgl. C. 13 Fra klæðabuningi Johannis C. 14 [skirn af selum Johanne C. 15 [kenningar þessa goða C. 16 sva C. 17 vofit C. 18 saal. C; hvert A. 19 saal. C; þurftu A.

eða ser vilia¹ afla i himinriki eilíft verkaup². Þessi Marcus segir oc, at Johannes gyrði sig með al³ um lendar, oc segir Beda, at i því er hann bar um sig bellti af dauðs⁴ kvikvendis skinni, kennir hann oss at þrongva lendar, þær er⁴ i ser bera lostasemi, meðrs skirlífi oc bindendi oc deyða sva með oss allar rangar girndir. Sia 5 sami ewangelista greinir oc um fæzlu Johannis, at hann at skogarhunang oc þat sem locuste heitir, oc innir Beda i glosa super Marcum, at þetta eru smair foglar, þeir sem snart oc skamt beina flug sinn fra iorðu enn fluga skíott niðr til hennar. Þa kalla Noðmenn engisprett, oc merkia þeir fugligt oc `ustöðuligt hugarfar 10 Juda, þvíat þeir voru stundum trufastir, þa er þeir reyndu a ser bardaga guðligrar mildi eða sa hans takn, þau er hann veitti þeim leysandi þa undan margfolldum nauðum, ufriðe eða þrælkan oc herleiðingum, þann tíma er þeir voru pindir sakir sins synðagialldz oc hirtir til goðra luta, sva sem beinandi skiotan flug til himins með 15 mannkosta vængium. Enn þa er þeir voru ottalausir um sialfa sig, gleymðu þeir guði oc goðum verkum oc blotuðu skurðgoð, þau sem þeir smiðuðu eptir liking iarðligra kvikvenda, sva sem fallandi af hæð himnesk(r)a verka oc guðleg(r)ar gófgunar i saurugt lif oc i svivirðlegar heimsins girndir. Skogarhunang þat sem eigi er vax 20 fraskilit ne sictat með mannligri list, en helldr þo með ser nattu-uruligan sætleik, merkir heiðit folk, þat sem eigi var fágat með list guðleg(r)ar kenningar enn skildi⁶ greiniliga likamliga spekt sva sem þann sætleik, er sialf natturan dictaði af guðs giofum. Þviat sæll Johannes kallaði marga menn af þessum hvarumtveggia 25 lyð i eining þess likama, sem sialfr hann var i, en sa sami likami er heilög kristni samansöfnuð undir vars herra nafni fyrir hans ofalsaða tru. Ma hann ok taknsamliga kallaz sva sem vist þess fyrr nefn(d)s guðs vinar, því at Johannes þyðist guðs miskunn, eru þessir lyðir því hans vist, er hann leiddi með sinum fögrum 30 fortolum oc hvossum greinum sinnar kenningar sva sem mylianli með þeim tönnum, er bita uvini siðlætis, oc leiðandi i kvið cristninnar oc til miskunnar iðra almattigs guðs. Sumir visir menn segia, at Johannes hafi grasa neytt, þeira sem þeir nefna locustas, þau grös kalla menn buxhorn; oc ef sva er, þa er auðsynt, at af 35 sinum dæmum kendi hann eremitis oc anachoritis oc sva öðrum elskorum eyðimerkr við gros at lifa. Eru oll hans orð spakleg⁷, sa er synir oc kennir cristnum monnum retliga at lifa. Ma i hans

1 vili C. 2 verdkaup C. 3 aal C. 4 tilf. C. 5 Her mgl. 6 Blade
i C. 6 skilit Cd. 7 spegleg Cd.

saugu naliga kalla sva morg orðin sem stormerkin. Petrus Commestor greinir eigi framarr, en hann segir¹, at Johannes neytti nokkuru kyni locustarum, því sem leyfiligt er til fæzlufangs². Hinn mikli Augustinus segir fra³ þessum lut in sermone de .xl^{ma}: Johannes drottinligr fyrirrennari lifði við locustas oc teigarhunang enn eigi við kvikvenda kiot eða [við sætleika fuglahollds⁴. Matti hann oc auðvelliga lata veiða ser fiska til matbunaðar, þar sem hann var [nærr annis Jordan. En því at hann var til þess skipaðr af guði at kenna folkinu aflat annmarka oc iðranar eptirdæmi, atti hann
 10 með föstum [oc stríðum⁶ við sialfs sins likama auðrum bindendi⁷ at kenna framarr með eptirdæmi enn með orðum. Nu því at hinir visuztu⁸ meistara⁹ deilaz at þessu, leifum því þetta mal ugreint þeira disputan, en dæmum eigi visliga¹⁰ um uvisa luti.

*Fra tru oc siðum Saduceorum oc Phariseorum*¹¹.

15 17. I þenna tima komu margir af Phariseis oc¹² Saduceis til Johannem at taka skirn af honum. Pharisei eru þeir menn, segir Petr Commestor, sem sig skipta fra sameiginligri¹³ tru oc lifnaði annarra manna¹⁴; hófðu þeir snarpligan¹⁵ klæðabunat oc oskrautligan, enn neyttu storum sparliga matar oc dryckiar. Þær skipanir,
 20 sem þeir somðu ser¹⁶, helldu þeir sva ríkt, at fyrir þeim færðu þeir or morkum eða fyrirletu skipanir Moysi. Rituð blóð, þau er a voru skrifut .x. laga boðorð, þau sem guð gaf Moysi, bunndu þeir i enni ser oc [við enn¹⁷ vinstra armlegg; þvíat guð hafði sva kent i lögmalí af decalogo: Þetta skalt þu festa fyrir augu þer
 25 oc bera i þinni hendi. Breyttu þessir menn því sva¹⁸, sem nu var sagt, at [þeir skildu¹⁹ sem guðs orð ætti líkamliga at hallda enn eigi andliga at skilia. Enn nu skilia cristnir menn, at [þa hafi þeir²⁰ decalogum fyrir augum²¹, er þeir rita hann a blaði retrrar minningar, halldandi þau .x. laga boðorð, sem hann kennir, fyrir
 30 sinum hugskotzaugum, oc þa hafi þeir hann i hendi, er þeir hallda hann i verki. Þessi blóð, sem Pharisei bundu a sig, hetu philacteria, þat er at varu mali logmals varðveizla, þvíat thorath er logmal a ebresku enn philaxe varðveizla. Þessir menn hófðu meiri

1 Her beg. atter B. 2 fædzlugagna B. 3 ok af B. 4 [sætleik fuglaholldz B. 5 [nærri B. 6 [mgl. B. 7 bindandi B. 8 visu B. 9 synaz oss tilf. B. 10 hvatvisliga B. 11 Johannes skirdi Phariseos B. 12 af tilf. B. 13 eiginligri B. 14 Juda B. 15 snarpan B. 16 mgl. B. 17 [med hinn B. 18 til tilf. B. 19 [tilf. B. 20 [saal. B; þeir hafi þeim A. 21 oc fyrir (i B) hendi tilf. A, B.

trefr a klæðum sinum enn aðrir menn; við þær bundu þeir þyrna, at þeir stangaði þa iafnan, er þeir gengu, þottuz þeir verða við þat minnigir guðs boðorða. Alla luti ætluðu þeir guði, enn truðu miog i manz valldi at geyma oc at vangeyma rettlætis; þo truðu þeir getnaðartima mikit til [hialpa mega¹ oc ræring himintungla. 5 [Feðrum sinum² oc formonnum mælltu þeir alldri i moti, biðandi ukomins guðs doms. Allar andir sogðu þeir ubrugðnar³ vera fra upphafi, einar saman illra manna andir sogðu þeir hverfa i aðra likami oc vera i þeim allt til doms oc upprisú oc byrgiaz i eilífum [kvólum oc⁴ myrkrum. Voru þeir fyrir þetta, er þeir skiptu sig 10 fra sameiginligum⁵ síðum annars folks oc rettri tru, pharisei, þat eru sundrskiptar⁶, kallaðir, þviat phares þyðiz skipti. Voru oc með þessum monnum i sveit þeir menn, sem ukomna luti vissu fyrir annattveggia [afastronomia eða oðrum visdomi eða⁷ fornieskiu. Saducei neita, at getnaðartimi raði ne eitt⁸ ne himintungla gangr⁹, 15 en segia guð vera alitara allra luta; i manz sialfræði segia þeir vera at gera gott oc illt; [dyrð oc pinu andanna trua þeir ongva vera oc neita almenni(li)gri upprisú dauðra manna¹⁰. Andir trua þeir deyia með likomum; ongva¹¹ trua þeir engla vera, enn hallda at eins .v. bækr Moysi. Þeir eru miog striðir oc harðir i domum 20 sinum, oc af þessu [falsligu rettlæti¹², sem þeir draga [a sialfa sig at usyniú¹³, kalla þeir þa¹⁴ Saduceos, þat er rettlata. Sva eru oc með þeim framsynir¹⁵ menn, sem með Phariseis var aðr getið.

Fra því er Johannes talar við Phariseos ¹⁶. 25

18. Enn [eptir þat¹⁷ er sæll Johannes sa þessa menn [til koma¹⁸ at taka skirn, mællti hann til þeira: „Hverr kendi yðr at flyia undan ukominni reiði, þar sem þer megut retliga kallaz afkvæmi þeira orma sem¹⁹ vipere heita.“ Fra þessum segir einn philosophus: Concipiens morte parit equa vipera sorte. Þat er 30 sva at skilia, at ormr, sa er vipera heitir, getr yrmlinga með dauða karllormsins, oc hon tapaz með þvilikum [lut at skilia²⁰ i skilnaði við yrmlingana. En glosa super²¹ grecismum segir, með hverium hætti þat verðr, at kvenormrinn drepr karllorminn i sambuðinni: þa er hann rettir hofuðit²² i munn henni oc friovar 35

1 [hialpar B. 2 [saal. B; feðr sonum A. 3 saal. B; ubrugnar A. 4 [mgl. B. 5 sameignum B. 6 sundrskiptarar B. 7 [astronomiam edr annan visdom ok B. 8 einu B. 9 saal. B; gangi A. 10 [mgl. B. 11 enga B. 12 [hinu falsliga rettlæti aullu saman B. 13 [osyniú aa sik B. 14 sik B. 15 frammvisir B. 16 Oversk. B. 17 [þa B. 18 [koma til sin B. 40 19 er B. 20 [hætti B. 21 yfir B. 22 hofud sitt B.

hana, veit hon, at hon skal deyia af þeiri¹ sambuð, af því bitr hon af honum hofuðit. Enn þa er yrmlingarnir geraz vaxnir með henni, rifa þeir hana til dauða oc biða eigi þess, er þeir [eru fæddir² með fullu. Þessi orð sæls Johannis glosar [hinn fyrr nenfdi³ 5 Beda oc segir, at allt se eitt oc þott hann hafi sva talat: Engi man⁴ yðr kenna at flyia undan ukominni reiði ogurligs domanda, þeiri sem at efsta⁵ domi man koma yfir vanda menn, ok⁶ þa ma enn synði með ongum kosti forðaz, nema þer, sem erut eitrs • fullir synir þeira feðra, sem eina leið oc þer voru fullir af eitri 10 vandrar villu, sem þer erut, oc iafnan striddu, sem þer striddut⁷, a goða menn, [oc sva drapu⁸ sem þer drepit yðra naunga með illri kenning, spyit⁹ upp fyrst því olyfiani, sem þer hafit innan briostz, þat [er at¹⁰ þer lettið af hinni fornu illzku oc komit sva til skirnar. Enn ef yðr tregar þat, sem þer hafit¹¹ illa gert, oc 15 skipit til at¹² gera eigi sva illa lengr, man ek yðr kenna retta kenning. Oc er þeir hofðu heyrt þessa [orðaslattu hans¹³, þo at horð væri, mællti hann enn við þa: „Giori þer makliga avoxtu iðranar,“ sem hann segði: Hegni þer meðr viðrkvæmiligri hegning annmarka yðra, oc latið eigi uframarr birtaz með yðr heðan af 20 avoxt goðra verka, helldr enn aðr syndiz með yðr framkvæmð illra verka, þvíat sa skal framarr bæta, er framarr braut. Oc enn kendi enn sæli Johannes þeim aðra kenning: „Geymi þer at kalla eigi Abraham foður yðvarn, þvíat guðs hond ma reisa upp af steinum þessum¹⁴ sonu Abrahe.“ Commestor segir, at hann man 25 synt þeim hafa þa .xii. steina, sem .xii. [höfðingiar Israels¹⁵ ættar baru af þurum¹⁶ Jordanar veg a þurt land, at sa griotvarði væri verandum¹⁷ monnum oc viðkomandum til sanz vitnisburðar um þa iartegn, er þeir gengu þurru fótum yfir fyrr nefnda a¹⁸. Einn af þessum steinum segiz sæll Jeroninus seð¹⁹ hafa sva þungan, sem 30 þa mattu tveir menn letta, oc eigi fyrir því at [steinarnir hefði²⁰ vaxit, helldr fyrir því²¹ at mannfolkit hafði²² þorrit. Oc ef sa skilningr er halldandi, þa er sem Johannes hafi mællt: Þvi banna ek yðr at kalla Abraham foður yðvarn, at²³ guði er eigi meira fyrir at reisa til lifs þa menn, sem hann leti²⁴ verða af steinum

35 1 þeira B. 2 [fædaz B. 3 [tilf. B. 4 mun B. 5 [hinum efzta B.
6 tilf. B. 7 stridit B. 8 [þar B. 9 saal. B; spyia A. 10 [tilf. B.
11 her til tilf. B. 12 gera betr ok tilf. B. 13 [orðaslattu B. 14 saal. B;
þessa A. 15 [foringiar Israels folks B. 16 saal. ogsaa B. 17 verande B.
18 aa B. 19 set B. 20 [saal. B; steinar hafi A. 21 þat B.
40 22 hefði B. 23 saal. B; þvíat A. 24 lætr B.

þessum, sem her liggja, enn at giora yðr retlata, sem aðr eruð steinum líkir fyrir harðleik hugar oc fullkomna otrú. Fyrr nefndr Beda segir, at þessi orð sæls Johannis hafa enn annað¹ at segja, sva sem hann hefði þannig² sagt til þeira: þvi at þer vilit eigi [fyrir þat³ við kannaz, at þer seð synða fullir, er þer eigut⁴ kynsloð 5 yðra at rekia⁵ til Abraham, banna ek yðr heðan af at metaz [eptir þvi³ oc at treysta a þessa holdlega kynstærð, er af honum leiðir, fyrir þat er þer gerit yðr orkynia⁶ fra hans retlæti oc hans agætri tru. [Oc bið ek yðr⁷ fyrir þa ormliga vizku, sem yðr er natur- 10 lega gefin til þess at vita [fyrir ukomna⁸ luti, skili þer, at guðs 10 hond er mattug at gera heiðna menn, þa sem⁹ steins hiortu hafa, oc, fyrir¹⁰ þat er þeir kalla¹¹ steina guð sin, megu við steina iafnaz¹², at sonnum sonum Abrahe fyrir tru oc retlæti oc at lata nu¹³ fram koma yfir¹⁴ þeim þat fyrirheit, at i hans kyni mundu allar þioðir blezan taka. Sumum meistorum syniz sæll Johannes hafa figuru 15 talat til þeira oc nefndan guð foður undir¹⁵ skilningi Abrahe haufuðfeðr, oc hafa með fyrr greindum orðum þessum monnum bannat at hefia upp [til guðs lofs eða bænarorða¹⁶ sinn munn saurga- aðan með ferligri predican falsligrar¹⁷ villu, þeirar sem auðsen er i morgum lutum¹⁸ fyrr greindum i frasogn [truaðra þeira¹⁹, enn 20 leyfa²⁰ þeim at eins hiartaliga bæn²¹, sem nu gera pafar við opin- bera villumenn, þa sem þeir skripta at þegja, sva sem gert var við Petrum Abaleardum²², eða sva sem helgir menn [gerðu við²³ einstaka menn, þa sem aðr eru agætir at motstoðu við almatkan guð, sva sem var Advenir konungr, sa er Josaphat [konungs son²³ 25 setti þagnar skript, oc sem Pafnutius²⁴ gerði við Thaidam. Er þessi skript sumum sett [at akveðnum²⁵ tima, en sumum allt til dauða, þviat oll²⁶ orð Johannis eru uleysiligt lögmal almattigs guðs, þau er i hans predican standa, ef þau eru rett skilit.

Enn þvi at hinn oyfirstigligi oc hinn gófski guðs kappi sa 30 þessa fyrr nefnda menn nokkut sveigða en eigi fullkomliga undir satt [litillæti lagða²⁷, syndi hann þeim aðra figuru sva mælandi: „Nu er bolðx sett við²⁸ tria rætr, oc hvert tre, þat sem²⁹ eigi

1 annat B. 2 þann veg B. 3 [tilf. B. 4 eigit B. 5 reka B. 6 aur- kynia B. 7 [Bidr ek B. 8 [hversu fyrir komna B 9 er B. 10 saal. B; 35 þvi A. 11 stocka ok tilf. B. 12 A tilf. her en eigi. 13 tilf. B. 14 saal. B; fyrir A. 15 saal. B; undan A. 16 [mgl. B. 17 saal. B; ferligrar A. 18 stóðum B. 19 [truar þeirar B. 20 leyfdi B. 21 þeonostu þa leid B. 22 saal. B; abadardum A 23 [gera með B. 24 Pafuntius B 25 [a akvedinn B. 26 mgl. B. 27 [saal. B; rettlæti lægða A. 28 40 saal. B; til A. 29 er B.

gerir goðan avoxt, man vera upphauggvit oc i eld kastat. Þat
 [skal sva¹ skilia: því at allt mannkyn er sem margr viðr vaxinn
 af einum rotum, man lausnari allz heimsins, sa sem skíott man
 birtaz milli manna oc ek merki fyrir bolðxi, af því at hann hefir
 5 með ser iarn guðdomsins, þat er i gegnum gengr oc sigrar alla
 luti, oc skapt manndomsins, þat er með likamligum höndum ma
 taka oc hallda, þo at hann þoli nu með miukri biðlund² var ill
 verk, at hinum efsta domi eigi at eins þær kvislir, sem aungvan
 avoxt [bera, þat er heiðingia, þa sem eigi hafa með ser avoxt goðra
 10 verka, i eilifan bruna kasta, oc falsara slíka, sem þer erut, eða
 rett kallaða villumenn, þa (er) ongván avoxt³ bera, nema þann sem
 til bruna er makligr, þo at skammsynum monnnm syniz hann
 nokkut⁴ nytr, oc alla þa menn, sem i þessum heimi vilia eigis
 betra sitt rað með avaxtsamligr⁶ iðran, helldr man allr illr
 15 viðr oc oavaxtsamr með aullum illum rotum, þat er allts illt af-
 kvæmi með illum feðrum, i elld kastað, at þar af megí engi ill
 risla upp renna [um alldr³, þat er at skilia dæmt⁷ til endalauss
 bruna, at af því megí eigi ill kynsloð upp renna⁸ um aldr her i
 heimi. Enn af því at þessir menn, sem sæll Johannes atti tal
 20 við, voru margvisir, var makligt, at hann hneykti þeira vizku⁹,
 er þeir hugðu aðr at oyfirstiglig væri, oc bryti niðr ofdramb þeira
 oc [dul með¹⁰ myrkum figurum, þeim sem þeir mætti undirstanda,
 at¹¹ skilia, at þeir voru eigi at eins sannsakaðir oc verðir harðrar
 pinu¹², helldr oc fullkomliga með hans usigranligri vizku unnir oc
 25 yfirkomnir fyrir sannar skynsemðir. Nu því at þeir urðu miog
 ottafullir við þau¹³ orð, toku þeir með litillæti sælan Johannem
 raðs at biðia, at þeir mætti við gera oc liota eigi¹⁴ þann bruna,
 sem þeir skildu sig makliga, sva mælandi: „Hvat skulum ver gera,“
 sem þeir mællti, því at þu hinn goði guðs vin hefir nu synt, hvat
 30 ver eigum at forðaz, seg nu með þvílikri miskunnsemi¹⁵, hvat ver
 skulum til þess vinna, at ver megim af guði liknina¹⁶ auðlaz. Hann
 svaraði þessu [at moti¹⁰: „Sa yðvarr sem .ii. kyrtla hefir¹⁷, gefi
 [hann annan¹⁸ þeim sem aungvan¹⁹ hefir, oc sa sem vistir hefir,
 geri²⁰ slíkt hit sama.“ Sem hann segði: því byð ek yðr at gefa
 35 annan kyrtíl, [ef .ii. eru til²¹, oc vistum at skipta eptir sama hætti,

1 [er sva at *B.* 2 *saal. B*; bliðlynd *A.* 3 [*mgl. B.* 4 *nockuru B.* 5
tilf. B. 6 *avaxtsamre B.* 7 *saal. B*; domr *A.* 8 *vaxa B.* 9 *otru B.*
 10 [*tilf. B.* 11 *ok B.* 12 *refsingar B.* 13 *þessi B.* 14 þat upphógg
 ok *tilf. B.* 15 *skynsemi B.* 16 *saal. B*; likama *A.* 17 *aa B.* 18 [*saal.*
 40 *B*; ann *A.* 19 *engan B.* 20 *gefi B.* 21 [af tveim *B.*

at eigi at eins eigum ver hina ytri luti vara, þa sem oss eru minnr nauðsynligir, helldr oc þa luti, sem oss eru harðla nauðsynligir, fram at leggja i nauðsyn við vara naunga. Her yfir segir hinn mikli Gregorius: Guðligt lögmal byðr oss naunginn at elska sem sialfa oss, oc af því er auðsynt, at sa elskar hann ser minnr, 5 er eigi skiptir milli sin oc hans [sinum lut, ef þurft beiðir¹. En því bauð Johannes einn kyrtil af tveimr at gefa, at einum fær eigi oðruvis skipt, [enn þa er hvargi nöktr², sa er gefr oc hinn er við tekr. Oc af þessu ma marka, hvat miskunnarverkin mega, er þau eru boðin i makliga iðranar avoxtu, oc sialfr guðs son 10 mæli: Gefi þer olmosu, at skilia, rettskriptaðir oc af rettfengnu, oc eru yðr þa allir lutir rettir³. Af þessu efni ma nokkurr sva tala, segir heilagr Jeronimus i þeiri bok, er hann ritar til Evidiam: Hversu ma maðr gefa annan kyrtil i frostum hinnar koldu Scithie eða i sniofum alpinar fialla, þar sem varlla ma veria likamann⁴ 15 við kulda með .ii. eða .iii. kyrtlum eða með skinnklæðum. Enn þar liggr su⁵ orlausn til, at sa klæðnaðr, sem þorf vinnr likamanum⁶, er einn kyrtill rett skilðr, oc vinnaz ma þeim mannum⁷, sem natturan hefir naukðan skapað, oc su vist, sem þann tima er nauðsynlig, sem þa stendr yfir, þar til er önnur [ma faz⁸, eptir 20 nattu er eins dags vist. Oc ef þu, segir Gregorius, hefir meira, veitt⁹ þat þurfundum. Sumir meistarar segia¹⁰, at Pharisei oc Saducei voru villtir af fornri villu¹¹ ebreskra manna, oc fyrir þa sok hafi enn sæli Johannes setta þeim þessa skript, oc af þessu hans dæmi hefir heilug kristni þat logtekit, at uppnæmir eru¹² penn- 25 ingar [þeir allir¹³, er opinberir villumenn [hafa at¹⁴ varðveita, oc ef þeir eru¹⁵ klerkar, falla þeira fiarlutir undir kirkiu, en ef þeir voru¹⁶ leikmenn, undir konungligt valld. Enn þetta boð sæls¹⁷ Johannis se eigi [alðyðu skullda¹⁸, helldr rað eða bænarstaðr, a þa leið sem varr herra mællti: Ef þu vill algerr vera, far oc sel alla 30 eign þina oc gef fataækum monnum, oc fylg mer. Var oc þetta rað vars herra enn eigi hverium sem einum skylt at hallda, nema hin hæsta nauðsyn [kalli, at¹⁹ þa eru allir lutir sameiginligir.

1 [i hans nauðsyn sinum nauðsynligum lutum *B.* 2 [er þa er hvarrtveggi 35
nökvidr *B.* 3 reinir *B.* 4 likama sinn *B.* 5 *mgl. B.* 6 *saal. B;*
likomunum *A.* 7 *saal. B;* monnum *A.* 8 [fæz *B.* 9 veit *B.* 10
lita a þat *B.* 11 tru *B.* 12 se *B.* 13 [*saal. B;* allir þeim *A.* 14
[tilf. *B.* 15 varu *B.* 16 eru *B.* 17 tilf. *B.* 18 [alþydu skyllda *B.*
19 [gangi til, *B.*

*Fra riddarum ok domandum*¹.

19. A einum tíma komu fyrir sælan Jóhannem at heyra kenn-
ing hans publicani. [Þessu nafni² eru stundum kallaðir þeir menn
er með soknir fara, sva ok þeir menn sem heimta skatta, tolla
5 eða alögur af folkinu, eða þeir sem nyiar alögur eða pyndingar
leggja a menn; sva ok þeir sem fremia nokkurn þann kaupskap
eða rangan fiarafla, sem trautt eða með ongum kosti ma synð-
alaust fremia; oc eru þessa lastar harðla margar kynkvislir, [ran
oc ribballdaskapr, viking oc allr onauðsynligr herskapr, okr oc
10 allzkonar vælakaup, vagir oc mælingar rangar oc falslig giold,
oll lygi oc opinberir lestir³. Þat er greinanda um tolla eða alogur,
hvarþ þær eru nyiar eða fornar oc svarðar oc skynsamligar, þviat
þær er nauðsyn at giallda, oc liggr við borð þina þeim, er eigi
gelldr eptir logum guðs oc manna, einkanliga ef konungr eða hofð-
15 ingi helldr sina eiða við þa. En nyiar alögur ma konungr eða
hofðingi fyrir nauðsyn at eins a leggja oc einkanliga⁴ með roksemð
[heilagrar kirkius oc fyrir retta sok, ef menn [þurfa fostrland⁶ sitt
at veria fyrir ransmonnum eða⁷ vikingum a landi eða sio eða fyrir
vorn rettrar truar moti heiðingium oc villumonnum eða annarri
20 þvilikri sok, ma þa⁸ konungr þat frealsliga gera eptir stilling eða
atvikum. Enn þa er lond eru reinsut oc goðr er friðr, a ekki
nyia tolla at auka⁹, enn i vorn fostriarðar sinnar oc einkannliga
borgar sinnar, biar¹⁰ eða kastala, þorps eða heraðs, er maðr eigi
skylldr at eins penninga sina³ til at leggja, helldr oc starf sitt oc
25 vokur til varðhallds oc at giora varnir, oc þar með likama sinn,
ef þórf er a, at hann megi hallda ser heilum oc sinni eign. Enn
ef aðrir gera þessar alögur, er þeim fyrir dæmi [orð Jóhannis
hafandi¹¹. Af þessum segir Ysaays: Vei verði þeim, er lög setia
moti rettindum oc rita ranglæti til þess at þraungva monnum i
30 domum oc at gera ofrefli litlum monnum oc lagum i folki minu,
segir drottinn, oc at ekkiur verði¹² herfang þeira oc¹³ þeir gripi
fyrir smasveinum. Eða hvar munu þer gera, eða hvert munu þer
flyia til fulltings a minum vitianardegi oc a degi uvægs¹⁴ hita, eða
hvar¹⁵ munu þer skilia við yðra dyrð, at eigi bogni þer undir
35 bandi oc fallit með drepnum monnum? Yfir ollum þessum lutum¹⁶

1 Fra predican sæls Jóhannis baptista B. 2 [saal. B; þessir menn A. 3
[mgl. B. 4 fyrir nauðsyn tilf. A. 5 [kirkiunnar B. 6 [eiga land B.
7 ok B. 8 tilf. B. 9 tak(a) B. 10 mgl. B. 11 [orða sæls Jóhannis
hafnanda(!) B. 12 væri B. 13 edr at B. 14 ofvægs B. 15 saal. B; hvar A.

snyz eigi min reiði af yðr, oc enn¹ er min hond upprett², at skilia, til refsingar. Eigu allir þeir, er i moti fyrr greindri reglu taka fe fyrir monnum, aptr at luka þeim er attu eða þeira erfingium, ef þeir finnaz, eða³ ella eptir kirkiunnar domi⁴ fataækum monnum, oc standa i dauðligri synð, til þess er þeir [giallda aptr⁵; 5 þvi at þat er afskapligt, at varnarmaðr⁶ verði vikingr oc tænaðarmaðr at tapanarmanni. Þvi at sa heitir rex, þat er stiornari, er rett gerir, enn engi annarr, oc þott nokkurr hyggi betra at svipta sinkan oc auðgan, en gefa fataækum guðs⁷, segir hinn sæli Augustinus, at sia hugsan er af slægð annskotans tendruð, oc maðr¹⁰ eykr glæpinn, þott hann gefi allt þat er hann tok, helldr enn minkar. Jeronimus segir, at su borg⁸ er guði at sva liotum glæp, sem sa er slikt gerir sæfi sun⁹ i augliti fauðurins, oc er fyrir þvi rett tekin röksemð Ysaie at glosa Johannis orð, þar sem hann kallaz eptir þvi guðs gôtur greiða, sem Ysaias sagði fyrir, oc ma¹⁵ i þessum orðum sia, hveria pinu hann eignaði¹⁰ þeim, [sem vond¹¹ lög skipaði, þat er ofn¹² oc elldz bruna¹³, lat sòmða, bond oc bana, usigr i orrustum. Enn þar sem þessi pina gnæfir yfir þeim, er almuginn þrongva, hvat man þa, ef þeir höfðingar¹⁴, sem leikmanna vald hafa, leggja tolla eða alögur eða skatta uskyllda a²⁰ klerka eða [kennimenn ok a¹⁵ kirkiur, dragandi undir sig þeira logsogn, eða taka þat, sem kirkiur eða klerkar eiga, or kirkna vernd? Þessir falla i hit meira bann, oc sva þeir sem visvitandi¹⁶ taka við sva fengnum penningum eða veita til þessa rað, fullting eða leyfi¹⁷ opinberliga eða leyniliga. Eru oc þessi log öll eða²⁵ skipanir¹⁸ onyt oc mega ekki eptir natturulögunum¹⁹, þviat ekki logmal hefir neitt afl moti guði, oc enn minni hefir ekki valld moti enum meira. Verr oc þessa menn engi [hefd ne²⁰ landzsiðr. Eigu þeir eða þeira arfar þetta allt með [fullu aptr at giallda oc rettri stöðu²¹ at bæta oc skafa þessar²² skipanir af sinum bokum³⁰ oc fullkomliga at onyta oc or logum taka, aðr þeir fai lausn af þeim, sem valld hefir til at leysa þess kyns²³ mal. Hefir oc sialfr guð slíka luti harðliga refsat, þar sem mannlig hond [spardi²⁴ þeim hegning slíks lögbrotz, sem ritningarnar vatta. Þessa alla

1 tilf. B. 2 uppreist B. 3 enn B. 4 saal. B; dæmi A. 5 [bæta B. 6 varnad- 35
armadr B. 7 edr gudi B. 8 sorg B. 9 soninn B. 10 ognadi B. 11 vand B.
12 ofriðr B. 13 bruni B. 14 menn B. 15 [tilf. B. 16 vitz vitandi B.
17 lof B. 18 aullum tilf. B. 19 sealfum tilf. B. 20 [saal. B; hefd
eða A. 21 [fullum aptrgiolldum ok rettarstöðum B. 22 þess hattar B.
23 hattar B. 24 saal. B; syndi A.

saman oc serhvern [i sinni gradu¹ hepti [enn sæli Johannes ne einum² rangt at gera, oc mællti: „Krefi þer ekki framarr enn yðr er skipat,“ sem hann segði: Geymit gersamliga þess, at eigi komiz þer at annarra eign með röngu eða³ girniz at fa hana uretliga, at
 5 þer megit oc vilit því næst miðla naungum yðrum yðra eign ret-
 liga⁴. Oc enn segir hers af þessu efni: harðla mikit afl fylgir orðum þessa agæta manz, þar sem hann leiðir bersynðga menn oc þa sem voru með [öllu onytsamir⁶ a heilsu rað, fyrirbioðandi at neinn þeira tæki eða heimti nokkut um rett fram. [Er með þessi
 10 grein niðrbrotinn margs manz oskynsams oskynsamli gr okki, sa er domarann hyggir allt eða mikinn þora þess, er i sakeyri er tekit, uretliga afla. Sumir hyggja oc, at alt þat, sem heilog kirkia tekr, se fatækra manna eign, oc domendr eða soknarmenn, þeir er þar hafa starfat fyrir, eigi þar ekki af at taka, þo at þeir hafi þar
 15 ongva aðra rentu til. En þat er auðsynt, at natturulögin ætla hverium mala fyrir sitt starf, oc því er agætt miskunnarverk at gefa ölmusum sakeyri oc sækia a sinum kosti helldr enn lögskylda.⁷

Fra því er riddarar komu til Jons.

20 20. Riddarar oc þeir menn, sem [konungliga stiorn⁸ höfðu, komu oc til Johannem ok spurðu: Hvat skulum ver gera? Hann fyrirbauð þeim crimen concutionis⁹. Þat ma sva þyða helst, at hann fyrirbauð þeim nokkurn at hrista eða skaka [með ogn¹⁰ til penningalatz. Ok er þessi figura tekin af þeiri liking, er maðr
 25 hefir ker i hendi fullt nokkurs hræriligs lutar, sva sem korns eða [silfrs eða⁷ einshvers lagar, oc síþan ristir hann kerit¹¹ eða skekr, sva at þat, sem aðr var i því, slagnar niðr. Kennir [hinn fyrr nefndi Johannes¹⁰ soknaranum sva at þyrma [undirmonnum sinum¹², þeim er hann hefir i sinu valldi [sva sem¹³ i sinni hendi,
 30 sva sem þeim, er kerit berr, dugir þyrmiliga með því¹⁴ at fara, þvíat domarinn¹⁵ ma at likendum sakir valldz eða vitzmuna a þessa lund leika at viti eða pen(nin)gum sinna undirmanna. Verðr þetta lyti þa framit, er¹⁶ domarinn geriz ofsoknarmaðr oc ræðir¹⁷ ser minni menn með kuga¹⁸ eða einhverri¹⁹ væl til [þess at þeir

35 1 [mgl. B. 2 [hann neinum B. 3 ne B. 4 rettvísliga B. 5 hann F.
 6 [fullu onytsamligir B. 7 [mgl. B. 8 [konunglig störf B. 9 concus-
 sionis B. 10 [tilf. B. 11 mgl. B. 12 [undirmanniaum B. 13 [ok B.
 14 þat B. 15 domandinn B. 16 ef B. 17 rærir B. 18 saal. A. ög B.
 19 einnihverri B.

leggi penninga fram við hann¹, þar sem eigi eru logligar sakir til, oc þröngvir þa atlogliga, sem hann ætti² vernd at veita oc fullkomit fullting til allra rettra mala eptir skylldu sialfra laganna at boði sins höfðingia, verðr þa vikingr af varnarmanni, en vargr af geymslumanni. Ok er³ kunuari verða kynkvislir þessa lytis þeim er þat⁴ vilia forðaz, þar sem varlla ma illt varaz, nema vitað se, verðr þat framit, ef nokkurr, sa er i malafylgiu starfar, snarar með kuga eða einhverri væl penninga af monnum fyrir rett fram, oc ef domandi vill eigi malum luka, nema honum se nokkut gefit til⁶, þar sem hann er aðr skylldr at gera [goða grein⁷ a hveriu lögprofudu mali fyrir þa rentu, sem [hann er i logunum skipaðr til hvers mals⁸; sva oc ef umvandanarmaðr lettir af rettri⁹ umvondun fyrir log fram eða fyrir heit fram laga, eða soknari lætr af rettri asokn annarlígs mals, sva oc ef soknari tekr fe til at sækia einnhvern eða [lata sækia⁹. Þessir enir síðurstu eigu aptr at 15 giallda¹⁰, eigi þeim sem gaf, helldr þeim sem mein stoð af gíofinni, utan sa sem gaf hafi [fyrir goðu¹¹ gefit, þa a hann aptr at luka gialldit. En hvat¹² sem domarinn dæmir illa¹³ vitandi oc með væl, fyrir ræzlu sakir við einnhvern eða fyrir vinattu eða hatr eða fegirnd, þa a¹⁴ þat allt, sem hinn missir sins, aptr at luka þeim, sem hann hallar [domi á¹⁵, oc þar með [skynsamligan rett¹⁶ fyrir allt mein oc fyrir skaða þann, sem hinum leiðir¹⁷ af hans misdæming, nema þessi sami domandi fai þann, sem hann hefir fylgt i malinu, a þat leiddan at luka þetta allt aptr. Eigu þessir rettir at tempraz eptir atvikum, oc sva refsingin eptir malavoxtum. 25 Enn ef domr¹⁸ tekr fe til at dæma, er greinanda, hvart hann tok til þess at dæma rangt, eða tok hann til þess at dæma rett, eða tok hann at einst til þess at dæma. I enum fyrsta atburð af þessum, er hann tok til þess at dæma rangt, a hann, sem fyrr segir, at luka þeim aptr, sem¹⁹ misdæmdr var, enn i enum síðarrum tveim a hann aptr at luka, því at hann tok liotlega oc framdi fyrr nefnt lyti concucionis²⁰, þat er sæll Johannes bannaði, at neinn tæki i nokkuru²¹ mali framarr enn þeim²² mala eða rentu, sem login

1 [peninga um rett fram B. 2 aa B. 3 at B. 4 þær B. 5 sva ok B. 6 tilf. B. 7 [godan enda B. 8 [honum er i l. til hvers mals skipað B. 9 [at létta af ásokn B. 10 luka B. 11 [tilf. B. 12 hvart B. 13 vilandi ok tilf. B. 14 hann tilf. B. 15 [a dominum B. 16 [saal. B; skynsaml. veitt A. 17 leiddi B. 18 domari B. 19 er B. 20 concussionis B. 21 neinu B. 22 þann B. 35

segia honum, þar sem hann var [fyrir hana¹ skylldr at dæma fyrir utan allt annat kaup. Hit sama [syniz ok², ef hann tekr til þess at dæma eigi, eða til þess at dæma eigi illa, [þar sem hann er aðr skylldr at³ dæma vel. Þviat Augustinus hinn mikli segir, 5 at domanda se eigi lofat at selia rettan dom, oc a hann i þeim⁴ forum atburðum hinum siðurum þeim⁴ aptr at luka, sem gaf, ef hann vildi fyrir goðu gefa til þess at fa sin rettindi eða leysa sig undan rekstri, kostnaði oc onaðum; en ef hann⁵ gaf til þess, at hann vildi með undirhyggju snua hug domandans undir asionu hins 10 retta til rangrar fylgiu með ser, oc veit þat domandi⁶, þa a þetta at gefa fataekum monnum eða þeim, sem hann villdi at mein fengi af gíofinni, eptir því sem kirkiudomandinn vill. Enn ef nokkurr⁵ domandi vill [með engu moti⁷ dæma eitt mal eða fleiri, oc verðr nokkurr þar fyrir [at missa⁸ sinna rettinda, þa a domarinn at 15 svara [allri hans⁹ missu oc ollu því meini, sem [honum leiðir¹⁰ þar af, oc bæta þat allt aptr af [sinum peningum¹¹, sem hinn skaðar af¹² hans vanræki eptir rettum domi. Þetta sama lyti concutionis¹³ er oc, ef domr¹⁴ snyr sinum retti i gíafir oc afrækis¹⁵, at hinn mishaldni fai sin rettindi, oc skal fara sva sem nu var sagt af næstu grein.

20

Predican Johannis¹⁶.

21. Þessu næst mælti sæll Johannes enn við ena somu konungs menn¹⁷ oc sagði sva: „Eigi skulu þer [ne einum¹⁸ calumpniam gera“. Calumpniam kalla lögin aburð usanz lytis¹⁹ vilianlegan fyrir ófund, ef domandi eða einnhverr annarr gírniz peninga ein- 25 hvers manz með agirni, eða²⁰ gírniz hann með heipt þeiri, sem hann hefir a honum, limar hans eða lif, segiandi at hann hafi tekit með gripdeild, stulð eða rani, eða fengit annars kostar rangliga hest eða uxa eða annan smala eða nokkura peninga eða gripi eða akra eða eignir, eitt eða fleira af þessum²¹, oc lætr þat sanna með 30 falsvitnum eða rangfengnum soknargögnum. Stundum berr hann a hann kvenna legorð, averka eða banorð manna leynd eða berlig, eða orð þau, er sekð stendr á, oc rēgia þess kyns menn sina ovini lognu rogi við hofðingia; stundum lata þeir þyfi bera ða

1 [fyrir B. 2 [tilf. B. 3 [þat er hann (er) skylldr at dæma ok B. 4 þessum B. 5 tilf. B. 6 domarinn B. 7 [eigi B. 8 [mgl. B. 9 [saal. B; allra þeira A. 10 [hinum leiddi B. 11 [sinu B. 12 fyrir B. 13 concussionis B. 14 domandi B. 15 afrækiz B. 16 Ikke nyt Capitel i B. 17 pionostumenn B. 18 [ok neinum B. 19 saal. B; lytiz A. 20 ella L. 21 saal. B; þessu A.

binda a menn eða a þeiravarnað, er þeir¹ vilja fyrirkoma; stund-
 um vinna þeir eða lata vinna nokkur illvirki oc nefnaz þeira
 nofnum, sem þeir vilja fyrir [lygi hafa²; stundum snua þeir goðum
 verkum til illz, sem Pharisei sogðu varn herra eigi með guðs
 krapti takn gera, helldr með diofuls krapti; stundum rista þeir 5
 með runum eða rita a bloðum login lyti með sundrlausum orðum
 eða samfostum, versum eða kantilium³, figurum eða bendingum,
 oc kasta i opinberum stöðum, til þess at þeira uvin⁴ fai af skomm
 eða skaða, ofagnað⁶ eða alldrtila. Þessir allir falla i dauðliga
 synð oc eigu at standa undir þungum pinum fearlatz eða bardaga, 10
 brigsla eða utlegða, meizla eða bana eða limations⁷ eptir mikilleik
 tilgerða; þviat vikings⁸ ma varaz, enn eigi⁹ illan domanda, þvi [at
 hann¹⁰ er hverium ransmanni verri. En þeir, er menn ufrægja með
 fyrr greindum uppslattum, eru þvi verri en þiofar, þeir sem fenu
 stela, at þessir stela frægðinni oc sva, ef þeir mega, sialfu lifnu; 15
 þeir eru skylldir, ef þeir vilja bæta [yfir misverka sinn¹¹, at¹² kannaz
 við villu sina oc biðia ser liknar þa menn, sem þeir gerðu mein
 undir sinni personu. Enn ef þeim er lifshaski at tala við sinn
 sokudolg, geri hann þat [fyrir milli setta personu¹³. Hann er
 skylldr at færa af honum ufrægðina, slikt sem¹⁴ hann vinz til. Eru 20
 oc allir þeir, er slikt gera, skyldir til at bæta eptir lagadomi þeim,
 sem¹⁴ þeir ufrægðu, oc eru allir þeir, sem þessi bref finna, skylldir
 at brenna þau oc lata ongvann mann sia. Enn ef þeir lata þau
 uppi aufundsamliga, þa falla þeir i sekt með hinum, er fyrir ond-
 verðu reistu lygina. Virðuligr prestr Beda segir¹⁵, at sæll Johannes 25
 minti með rettri stilling¹⁶ riddara a þat [i þessum orðum¹⁷, at
 eigi tæki þeir fyrir¹⁸ alygi penninga [eða með hernaði af þeim¹⁹,
 er þeir voru skylldir at veita vernd við ollum hernaði oc fullting til
 allra rettra mala²⁰. Oc enn segir Beda prestr: Ongan alldr oc ekki
 embætti eða²¹ þionustu eggjaði sæll Johannes eigi til miskunnar, 30
 alla saman bað hann til þess, at hverr veitti þat hverigum, sem
 hann kendi þann þurftugan, þviat miskunn er fylling²² allra mann-
 kosta. At hirtum lytum domanda²³ vendi sæll Johannes sinni

1 *saal. B*; þeim *A*. 2 [liuga *B*. 3 cantilenum *B*. 4 uvinir *B*. 5
 þvi *tilf. B*. 6 *tilf. B*. 7 liftions *B*. 8 vikinginn *B*. 9 varla *B*. 35
 10 [*tilf. B*. 11 [sinn miska *B*. 12 *saal. B*; oc *A*. 13 [*saal. B*; fyrri
 milli settra persona vist er *A*. 14 er *B*. 15 i þessum ordum *tilf. B*.
 16 *saal. B*; skilning *A*. 17 [*mgl. B*. 18 *saal. B*; með *A*. 19 [*saal. B*; af
 monnum með hernaði *A*. 20 luta *B*. 21 ne *B*. 22 *saal. B*; fullting *A*.
 23 domandanna *B*.

signuðu tungu til huggunar þeim oc mællti: Hallda skulu þer malagiofum yðrum; sem hann segði: hvarvetna þar sem þer innit af hendi með lögum þat starf, sem hofðingiar skipa yðr at gera rett manna a milli, þa skulut þer oc megut þer með rettu taka þann
 5 mala, sem hofðingiar skipa yðr fyrir [yðra þionustu eða starf. Beda segir her yfir: Rettliga² ma domari eða ridari taka sinn mala, þann sem lögin segia honum, at eigi þurfi hann, þa er kostinn vantar, með rani at taka, at skilia þat expens, sem hann eða hans sveinar þurfa til mala eða klæða eða farargreiða, meðan þeir acta
 10 almennings nauðsyniar. Hafa því helgir pafar oc aðrir heimsins formenn rentu skipað til hvers starfs, at postolinn Paulus segir: Engi er skylldr auðrum at þiona a sinum kosti, er því sannligt, at logbrotsmaðrinn leggi af sinum kosti fyrir þann, er honum þrongvir til þess at hallda lögin oc ryðr til rettinda hinum retlata, þeim
 15 sem helldr login, oc hvergi er skuldbundinn undir lögin.

Johannes neitaði sig Krist.

22. I þann tima sem fyrr nefndr Johannes talaði þvilika luti, sem nu voru greindir, fanz folkinu sva mikít um, at a tveim tungum lek, hvart hann mundi eigi Cristr vera, oc segia bækr þa
 20 sok til þess, at ebreskir menn vissi af orðum spamanna oc einkanliga Davids, at þa var kominn sa timi, er Cristr mundi beraz lata i þ heim. Var þo undrandi sa blindleikr, er þeir mistrygðu þat yfir Jesu rettindum at taknum oc stormerkium⁴ syndum með vitnisburð Johannis, sem þeir truðu sealfkrafa⁵ yfir sælum Johannes³,
 25 sem ekki takn giorði eptir víðri guðspiallzens i lífi sinu. En su var sok til þeirar tortrygðar, at því sem virðuligr prestr Beda segir, at þeir hugðu Crist mundu fæðaz fra konu enn eigi fra meyiú at moti Ysaia, er þeim sagði, at mæz mundi son fæða oc geta, oc nafn hans mundi kallaz Emmanuel, þat er guð með oss.
 30 At moti þessi⁶ villu mællti sæll Johannes oc sagði sva: „Eigi em ek Cristr, ek skiri yðr i vatni til synða iðranar, en sa er mer sterkri, sem eptir mig man koma, oc ek man eigi verðr at bera skoklæði hans, hann man yðr skira i helgum anda oc elldi. Hann hefir sitt ventilabrum i hendi, oc hann man reinsa sinn lafa oc
 35 samna hveitikorni i hlauðu sina oc brenna agnir i oslökkviligum elldi. Sem hann segði: Ek væti likami i vatni oc kenne synða iðran, oc tek upp þann vanda oc hatt, at menn taki vatzskirn,

1 [hveria grein ok þionustu ydra ok starf. Hinn sami B. 2 Her mgl. 2 Blade i B. 3 þ' tilf. Cd. 4 oc tilf. Cd. 5 sealfa krapta Cd. 6 þessu Cd.

oc man þessi min skirn halldaz þar til, er sa kemr, sem gefr helgan anda; þviat (sa) man skiott koma, sem mer er styrkari. Oc ef yðr syniz sa styrk(r), er til þess skirir at kenna oc iata synðir, þa er sa styrkari, er til þess skirir at fyrirgefa synðir. Ok ef sa er styrkr, er i ser hefir hinn helga anda, þa er sa styrkari, er gefr þann sama anda; oc ef sa syniz styrkr, sem fyrst kemr at predica himnariki, þa er sa styrkari, er gefr þat sama riki. Ek em litill, hann er mikill, þviat ek skal at eins vera hans fyrirrennari at predican oc at skirn, oc ek em eigi verðr at bera með minni predican stormerki hans holldgunar, þat er hann tók a sig dauðlegan likama, þann sem skoklæðit merkir um allan heiminn, þviat þat er embætti postola hans. Hann man yðr af synðum reinsa i vatzskirn fyrir hinn helga anda oc (með) elldi sinnar eiginligrar astar i þessi verolld, enn i ukominni verold með reinsanarelldi. Hann hefir oc fulla grein rettrar roksemðar doms i sinni hendi, þa sem guð faðir gaf honum i hond, oc hann man reinsa þessa verold, er lavi hans kallaz, a þa leið sem lavamaðr kastar með einu keri, þvi sem ventilabrum heitir, utindu korni með sauri oc saðum oc ógnum, sva at i annan stað flygr ógnin með ollum ureinindum oc merglausum haumsum, þeim sem hann kastar i oslokkiligan elld, þat er ranglatum monnum, þeim er fyrir opinbera glæpi verða sniðnir af kristninni her i heimi, en i auðrum heimi dæmaz til eilífs bruna, en i annan stað flygr allt ufalsat korn, þat sem hann fær i kornskala, þat er retlat folk, þat sem hann laðar til himinrikis hallar oc skipar i fyrirbunar fullsælu vistir. Marga luti aðra talaði enn sæli Johannes fyrir folkinu.

Johannes bar vittni drottni Jesu.

23. Johannes guðspiallamaðr segir oc i sinu guðspialli, at nafne hans sæll Johannes baptista bar drottni Jesu vitni, þa er hann vissi eða heyrði, at hann mundi koma til hans i þann stað, sem hann veitti monnum skirn i anni Jordan, oc hefir hann at guðspialligu vitne stundum veitt þetta embætti nær kastalanum i Bethania, stundum hefir hann þat framit i Ennon, þat eru morgvotn. Hann hof sva sitt mal at skilia: „Jesus er sa sem ek hefi fyrrum fra sagt, at sa mundi i heiminn koma mer siðarri; sem mer er fremri, þviat hann var mer fyrri.“ Sem hann segði: Nu man sa koma, er mer siðar var i heiminn fæddr, oc mer siðar man predica i heiminum, oc mer er fremri sva miklu, sem solin i oslokeylgan *Cd.*

er biartari¹ en morginstiarnan, þó at hon syniz siðarri, oc okkat vald skilr sva mikít, sem skilr laupanda svein, þann sem fyrirboðar kvamu domandans, oc sealfan domarann, þann er siðarr kemr, oc sva mikít sem skilr konuñg oc þræl. Oc hann var mer fyrri, þvíat
5 orð var i upphafi, oc orð var með guði, oc guð var orð. Næst þessum orðum sagði sæll Johannes enn af Jesu sva mælandi: „Allir hofum ver af hans fullting tekit miskunn fyrir miskunn“, þat er at segia, ver spamenn oc hófuðfeðr, postolar oc allir þeir sem fyrir holdgan verða sendir, hófum allir af hans fullting tekit, þvíat
10 hann er brotin, en ver erum kerin, oc ver erum menn, enn hann er guð, oc veitti hann oss þa miskunn i þessum heimi, at ver fengim fyrir hans gíof retta tru oc gíptu til þess at standa i hans astsemð ok auðrum goðum verkum allt til enda þessa hins stundliga lífs, enn eptir þetta líf fyrir þau verkin oc þa miskunnina, sem
15 ver þagum i líksamlígu lífi at aungum varum fyrirfarendum verðleikum, þa miskunn at lífa at eilífu með Kristi. Oc enn talaði sæll Johannes þessi orð: „Lögmál var gefit fyrir Moisen, enn sannleikr oc miskunn fyrir Jesum Cristum. Þat er sva at skília, Moyses syndi folkinu þat lögmál, sem því het, at þeir myndu
20 hreinsatz af synðum fyrir adreifing þess lambs bloðs, er þeim var boðit at sæfa oc fornfæra, oc matti þetta lögmál sannliga kallaz skuggi eða figura ukominna luta, enn su miskunn oc sa sannleikr man veitaz fyrir Jesum Cristum, at sia figura man at sonnu verða, þa er hann þvíær folkit af synðum með sinu eiginlígu bloði. Því
25 næst sagði fyrr nefndr Johannes fram þenna orðskvið: „Engi sa guð um alldr, en hans eingetinn son, sa sem er i föðurlígu faðmi man segia.“ Þat hefir þann skilning: Engi maðr sa sem lifir i dauðlegum líkama, þeim sem saman er settr af holdi oc bloði oc eigi ma stundliga sol sia, þa sem skinn her i heimi i eina
30 stund, sva at eigi daukvi ustyrrleik mannlígrar synar, ma nu líta oumræðilígt líos guðdomlígs vallds, þat sem hvergi ma inni lykia, oc eingetinn guðs son, sa sem sitr i leyndri varðveizlu föður sem i hans faðmi, oc en er eigi almennilíga birt(r), hann man segia oc greina með sonnum raunarstofum at hinum efsta domi þessa
35 figuru, þa er vandir menn munu guð sia ser til uætlanlígrar² orskemðar dæmandi þa til eilífs ufarnaðar. En þeir sem honum hafa her i heimi með reinu hiarta þíonat, manu leiddir vera at sia heilaga guðs þrenning til oætlanlígs hroka allra goðra luta, þeira sem veitiz i samlagi allrar himneskrar hirðar.

Fra sendimonnum.

24. Enn¹ sami Johannes ewangelista segir, at þann tima sem nafni hans enn sæli Johannes hafði² nu greinda luti af Kristi spað eða fram sagt, sendu Judar af Jerusalem þa menn til Johannem, sem i kennimanna stett voru, oc þa menn, sem af kyni 5 Levi Jacobs sonar voru, at spyria hann, hvern hann væri, oc refs spurningin af alðyðu rom, þeim sem þat talaði, at hann væri Cristr. Enn hann iataði enn neitaði eigi oc sagði: „Eigi em ek Cristr.“ Af þessum orðum segir Gregorius enn mikli, at miok er lofanda litillæti Johannis, þar sem hann var sva mikill hugarkosta maðr, 10 at folkit villdi trua hann Crist vera, villdi hann at standa stauðuliga i því sem hann var, at eigi væri hann með mannligri skamsyni hafiðr upp yfir þat sem hann var, oc at hann yrði fyrir iatning sannleiksins limr Kristz, þar sem hann dro eigi með falsi a sig nafn Kristz At heyrðum þessum annsvorum Johannis, spurðu 15 sendimenn, ef hann væri Helias, at skilia endrborinn eptir ætlan villumanna, þeira sem andir segia aptr hverfa i ymsa likami, eða ella spurðu þeir þessa fyrir þa sok, at þeir vissu þa kominn vera tima drottinligs burðar, enn þeir voru ovisir af því, hvart Elias mundi koma fyrir ena fyrri Cristz tilkvamu eða ena síðarri, oc af 20 því spurðu þeir, hvart Johannes væri Elias. En hann neitti þessu fullkomliga, þar sem hann sa, at spurningin reis af vandri villu. Þeir spurðu þa, ef hann væri spamaðr. Sæll Johannes neitaði því sem hinu fyrra. Þess ma spyria, hvi hann neitaði sig spamann vera, þar sem hann sagði³ marga luti ukomna fyrir. En sok til 25 þessa greinir Petrus Commestor, at þessir menn spurðu undir spamanz nafni, hvart hann væri Elias³, at skilia endrborinn, fyrir því at figura skirnar hafði i þessum spamonnum fyrirfarit, Elia oc Heliseo; matti sæll Johannes því frialsliga⁴ neita, er með undirhyggju var spurt eða með alðyðligis villu. Aðrir kennifeðr segia 30 oc, at hann matti því neita sig spamann vera, at honum var þat embætti a hendi folgit at syna sialfan lausnarann með sinum⁶ fingri oc renna fyrir honum með predican, skirn oc [sigri vegsamligs⁷ dauða, oc at boða hans tilkvamu i helviti. Er þat auðsynt, at þetta allt var framarr enn spadomr. Sendimenn helldu 35 [a somu⁸ eyrindi oc mælltu: „Hveriu skulum ver annsvara þeim höfðingium⁹, er oss sendu, fra því, hvat þu segir¹⁰ af sealfum þer?

¹ Einn *Cd.* ² *Her beg. atter C.* ³ Heliseus *C.* ⁴ friasliga *A og C.*

⁵ alhugligri *C.* ⁶ *tilf. C.* ⁷ [sigrvegarasamligum *C.* ⁸ [enn a sinu *C.*

⁹ monnum *C.* ¹⁰ sagdir *C.*

Hann svaraði: „Ek em rödd kallanda i eyðimork, greiði þer guðs götur, sva sem Ysaías spamaðr kendi.“ Sem hann segði: Ek fer i Judea, þeiri er nu ma við eyðimork iafnaz sakir [þess er hon er nu fyrir sitt syndagialld¹ af guði fyrirlitin, utan hon bæti sig nu
 5 með sannri iðran fyrir guðs syni, þeim sem at rettu kallaz hans orð, sva sem röddin [su sem fyrrum kemr² til eyrnanna, en orðit megí skilíaz³, oc bið ek, at þer buit honum veg til yðvars hiarta með rettri iðran annmarka, sva at þer megít með lítilæti skynsamliga heyra hans kenning, þa er hann kemr til yðar, þviat
 10 hann er orð guðs oc sealfr sannleikrinn. I þessum stað segir [fyrir nefndr⁴ Johannes guðspíallamaðr, at sendimenn Juda voru af Phariseis, þat er at skilía, hóðu þeirs⁵ tru oc síðu þa, sem [greindir eru⁶, oc komu eigi til þess at fretta hann⁷ at gerðum sinum eða malsendum, at þeir girntiz at nema eða eptirlikia hans meðferðir,
 15 helldr til þess at hugsa aufundsamlega, ef þeir mætti i nokkuru hann lasta, oc þvi helldu þeir afram spurnenne⁸, at þeir mætti þat nokkut finna, sem þa fýsti, segiandi a þa leið: „Hvi fremr þu skirnarembætti, ef þu ert eigi Crístr, eigi Elías, oc eigi spamaðr?“ En sæll Johannes svaraði með hogværi, þott hann væri með undir-
 20 hyggíu spurðr, oc skípti ekki skapi, helldr kendi hann þeim kenníngar sva mælandi: „Ek skíri i vatni, en sa stendr a millum yðvar, sem þer kunnut eigi skynia⁹.“ Sem hann segði: þvi frem ek skirnarembætti, at ek renna fyrir þeim, er i millum yðvar stendr með minni skírn oc i anda man skíra, oc þo at þer kennit hann
 25 at líkams¹⁰ syn, þa er hann yðr þo ukunnigr at valldi. Oc enn sagði sæll Johannes: „Sa kom síðarr en ek, sem fyrr¹¹ var enn ek, oc eigi em ek makligr at leysa skoklæðaþveng hans.“ Þat er sva at skilía: i¹² þvi sigrar sa mig, sem mer síðarr er i ver-
 30 ollína fæddr, at hann þrongva eigi tímar síns getnaðar, oc þo at hann se a tíma af moðurinni [fæddr oc¹³ getinn, þa er hann fyrir alla tíma oc fyrir utan tíma af guði feðr getinn, enn ek em fyrir þvi eigi verðr at fletta hans fætr, at ek vil fyrir ongan mun draga a mig þat brúðguma nafn, sem mer heyrir með ongu moti. Ma þessi en síðustu orð sæls Jóhannis betr skilía, ef sagt er, hvi hann
 35 tok sva til mals. Sa síðr var með enum fyrrum monnum, ef sa maðr, sem einhveria¹⁴ konu atti með lögum at fa, hafnaði hennar

1 [saal. C; síns syndagealldz B. 2 [kemr fyrri C. 3 skilía C. 4 [tilf. C. 5 þeíra C. 6 [fyrir eru greindir C. 7 guds mann C. 8 spurninginni C. 9 skyn a C. 10 líkamlígrí C. 11 fyrri C. 12 saal. C; oc A. 13 [mgl. C. 14 einahveria C.

eiginorði, at sa hans frændi, sem skylldastr¹ var okvæendr skyllði leysa skopvengi² af fæti hans³, er konunni hafnaði, oc⁴ eiga þa konu síðan, sem hans frændi villði eigi fa. Atti varr herra þessa figuru her a mille manna, þviat hann er sannr⁵ brúðgumi sinnar Kristni. Enn þo at menn hygði her i heimi Jóhannem Crist vera, 5 neitaði hann því fullkomliga; fyrir því kallaz⁶ hann eigi maðr til at leysa af honum skoklæðe, þat er at eigna ser með falsi brúðguma nafn fyrir uvisan alðýðu rom.

Jesus kom til skirnnar.

10

25. Fyrr nefndr Jóhannes evangelista segir, at þessi tíðindi urðu i Bethania við ana Jordan, þar sem hans nafni skirði mannfólk. Annan dag eptir þessa atburði sa Jóhannes baptista Jesum koma til sín af Galilea heraði at [taka skirn⁷ af honum. Oc þa mælti hann til hans: „Se her lamb guðs, þat er syndir tekr af heiminum.“ 15 Þat [skal sva⁸ skilia: Nu er sa her kominn, sem sva er einfalldr oc meinlauss mille vandra⁹ manna sem lamb mille varga, oc sva er lutlauss af aullum syndaflekkum, þo at hann hafi hollð af hollde aðr, sem fornarlamb a annmarkalaust at vera, þat sem Moyses bauð i lögmalí guði at sæfa; oc a þa leið sem bloði þess sama 20 lambs var dreift yfir fólk til [annmarka lausnar⁹, man sea með sinu bloði¹⁰ þva syndir af heiminum. Oc enn sagði sæll Jóhannes at skilia lærisveinum sinum eða þeim monnum, sem¹¹ þa voru nær: „Nu er sa kominn, er ek sagða yðr at skilia fyrrum fra, at maðr mundi síðarr koma enn ek, sa sem¹¹ fyrrum var enn ek, þviat 25 hann var mer fremri, oc ek kunna hann eigi, en þo kom ek fyrir þa sok at veita monnum vatzskirn¹², at hans nafn birtiz fyrir Íraels¹³ folki.“ Þat er líosara at segia: Þessi maðr sami er sa, sem þer heyrðut mig fyrrum fra segia, at mer síðar mundi i veroldina koma¹⁴, oc þo er mer fremri at konungligrí tign oc valldi 30 oc at þeiri frumtign, sem hann hefir fram um¹⁵ englana, oc hann var mer fremri¹⁶ at eilífleik guðligrs vallds¹⁷, þar sem hann er aliafn guði feðr. Enn hafa þau orð Jóhannis, er hann sagðiz til þess fremia vatzskirn, at hans nafn at skilia Jesu birtiz fyrir folki, annan skilning, sem hann segði: Eigi kom ek fyrir þa sok i vatni at 35 skira, at ek mætta gefa synda¹⁸ aflausn, helldr at birta [með minni¹⁹

1 síðarstr C. 2 skoklæði C. 3 þess C. 4 at C. 5 at saunnu C.

6 kalladiz C. 7 [lata skiraz C. 8 [er at C. 9 [aflausnar annmarka C.

10 banablodi C. 11 er C. 12 vatnskirn C. 13 Ísraels C. 14 fæðaz C.

15 saal. C; við A. 16 fyrri C. 17 velldis C. 18 tilf. C. 19 [saal. C;

mina A.

predican oc minni skirn ollu Jraels folki þann, sem skirir i helgum anda oc þvær syndir af heiminum. Lettir¹ nu af þeiri skirn, er til iðranar er gefin, þviat nu man skiott birtaz su skirn, er til aflausnar synða er gefin. Oc enn² lettir af at vilia skirn

5 taka af yðrum samþræli, [þviat nu³ er nær allra manna herra oc höfðingi, sa sem skirir leiðandi þvegna⁴ menn til eilífs lífs, biðit af honum skirn at taka, fylgit þeim oc trúið þeim, sem ek skirn-arpionn yðvarr girniz at taka skirn af. Mer er hann siðar at manndomi, enn fyrr at höfðingiadomi oc fyrr at eilífum guðdomi.

10 Þvi sagðiz sæll Johannes eigi kenna hann, at engi kann sun at fullu nema faðir. Sumir meistara segia, at sæll Johannes sagðiz fyrir þvi eigi kenna Jesum, at hann vissi eigi, at varr herra mundi ser einum ætla vald skirnarennar, oc undir einum guði væri einleikr hennar. Sva segir Speculum Historiale, at guðs son, sem

15 aungvan hafði synðaflekk, þann sem skirnin þurfti at þva, villdi fyrir fleiri skynsemðir en eina skirn taka. Var su en fyrsta, at hann veitti vegsemð Joani oc skirn hans; annur er su, at hann villdi fylla retlæti lögmalsins, at eigi byði hann auðrum þat, sem hann villdi eigi sialfr með verki fylla oc fremia, fyrir þessa sok

20 villdi hann skirn taka oc vera ofraðr til mustaris oc hallda hit forna paskahald; hin þriðia, at hann syndi af ser litilætis dæmi i þvi at lata ser soma af sinum þionustumonnum skirn at taka; su var hin fjórða, at með sinum heilaga likama þeim, sem þa syndiz(!) votnin þva, veitti hann þa helgan oc þat afl votnunum, at þau

25 mætti a þa leið reinsan veita aundunum, sem þau megu aðr veita þvatt likomunum, ef yfir þau er kallat hans haleita nafn; hit fimta, at fyrir syniliga dufu syndi hann usyniliga tilkvamu heilags anda yfir hverium, er Kristz skirn er skirðr; hinn setti, at engi væri sva haleitr eða helgaðr, stollz eða storr, at hann dæmdi ser

30 eigi skirnina nytsamliga oc þarfsæliga; hit .vii., at hann syndi þat, at allir þeir, sem endrgetnir⁶ verða fyrir vatn oc helgan anda, geraz i skirninni guðs synir oc samerfingiar Kristz.

Capitulum.

26. Annarr guðspiallamaðr segir, at drottinn Jesus kom af

35 Galilea til Johannem at taka skirn af honum. Enn Johannes bannaði þat oc mællti: „Ek ætta af þer skirn at taka.“ Heyrum nu, hvi sæll Johannes afneitaði honum skirn at veita. Bar su

¹ saal. C; lætr A. ² saal. C; eigi A. ³ [saal. C; þvi A. ⁴ mgl. C.
⁵ Her mgl. 1 Bl. i C. ⁶ eingetnir Cd.

sok til þess, at hann sa þann kominn til þess af ser skirn at taka, sem engan hafði syndaflekkinn, þann sem skirnin mætti þva, oc syndirnar mætti af ollum rettruundum monnum þva; matti hann þat eigi at eins af ser helldr af ollu mannkýninu¹ segja, at af honum ætti skirn taka, þar sem hann kom til þess i verolldina, 5 at enir syndugu menn fengi aflausn sinna annmarka. I þessum stað rennr oc inn vond spurning, hvi sæll Johannes, reinsaðr aðr af enni gomlu synd þegar i moður kviði eða i skurðarskirn, mællti sva: Ek ætta af þer skirn at taka. En til þess liggja þau svor, at þo at Johannes væri aðr storliga reinn, vissi hann þo sig mundu 10 framarr i pisl Kristz reinsaz með ollum rettruandum monnum. Ella hefir hann a sig tekit skilning almennings, því at hverr maðr, sa sem i þessu lífi er, þarf² af guði reinsan at þiggja. At moti þessum orðum Johannis annsvaraði Jesus: „Ger sem ek bið, þvíat með þessum hætti samir okkr at fylla allt rettlæti.“ Commestor 15 segir, at þat er skylt rettlæti at leggja sig undir hlyðni við ser meiri menn fyrir guðs sakir, enn þat er nægianda litillæti at lyða sinum iafnmaka, en framarr er enn nægianda litillæti at hlyða ser minna manni. Fylldi varr herra því þetta dæmi, at alldri um alldr syndiz nokkurum manni vanvirða at taka umvandan eða 20 sacramenta kirkiunnar af ser minna manni. Sæll Johannes let þa eptir honum, þegar hann vissi, at með því moti mundu þeir fylla allt rettlæti. Þessi síðustu orð Jesu glosar Beda sva sem hann segði: Lat eptir mer at skira mig i vatni, sem ek vil, at þu megir eptir þat skiraz af mer i helgum anda. I þessum stað rennr vetr- 25 atals grein meistorum kirkiunnar fyrir orðs þat er hann segir, at Jesus var uphefiandi eða tiltakandi sva sem þritugr at aratali. Hyggja menn af því, at hann væri þa hit þritogunda ar upphefiandi, þat er sva at skilia, at hann hafði sva mikit haft af hinu þritogunda ari, þat sem var fra ioladegi til ens þrettanda dags, oc 30 telia þeir sem því fylgia, at varr herra hafi haft .xxx. ara oc .ii. oc halft ar, þvíat a sama degi, sem hann tok skirn at liðnum eptirfarendum .xii. manuðum, sneri hann vatni i vin, oc a hinum næstum paskum fra því var sæll Johannes innkastaðr, oc a oðrum paskum annars árs hins fiorða tigar var hann höggvinn, enn at 35 hinum þriðium paskum yfir .xxx. var Cristr pindr; hefir hann þa haft .xxx. ara oc .ii. ar oc sva mikit af hinu þriðia, sem hans hingatburðardagr var fram til paska, oc eru þeir dagar settir fyrir halfu ári i þeim stað. En Johannes Crisostomus segir, at eptir

¹ mannkyninu *Cd.*² eigi *tilf. Cd.*³ orðluti *Cd.*

fullkomliga liðna .xxx. ara kom Jesus til Jordanar at taka skirn af Johanne baptista, oc þat umfram sem var fra fæðingardeggi hans til ens þrettanda dags, oc hefr þessa sina predican af því orði sem Jesus mælti: Með þessum hætti somir okkr at fylla alt retlæti, 5 at þar sem hann hafði aðr um .xxx. ara fyllt retlæti lögmalsins, kom hann skirn at taka oc at kenna guðspiallit sva sem setiandi roka a¹ allar skylldir þess sama lögmals hins forna, oc hafði hann af þessarri grein .xxx. fulla oc .iii. ar heil, oc af hinu fiorða sva langt sem er fra fyrsta ioladegi til paska. Oc þo at sæll Johannes 10 væri agætr maðr oc heilagr, ottaðiz hann þo drottin at skira sva sem minnigr mannligs breys(k)leiks oc agætz litilætis, samðykti hann þo guðligum vilia, þegar hann vissi, at með því moti skyllði fyllaz allt retlæti, er með ser helldr i foruneyti sanna lyðni, oc eptir þetta veitti hann skirn varum herra.

Fra skirn Kristz.

15 27. Hinn sæli Lucas segir i sinu guðspialli, at þa er naliga var allr lyðr skirðr at skilia skirn Johannis, oc Jesus var skirðr oc bað fyrir þeim, at skilia sem þaðan af voru skirandi i hans nafni, at þeir tæki hinn helga anda i anne, þa lukuz upp himnar, 20 þat er sva rett at skilia, at uætlanligr liomi skein um hann, sva sem loptligr himinn oc sa himinn, sem i sinu takmarki hefir sialf himintunglin, voru upp loknir², oc birti ens elldliga himins veittiz með [hinu biartazta³ skini a sealfri iorðunni. Oc þa steig niðr at skilia til iarðar af himinriki sendr hinn helgi andi i dufu 25 liki, oc sat yfir hofði Jesu. Kannaðiz oc þa sæll Johannes baptista við þat, sem aðr kallaðiz hann eigi vitað hafa, at einn saman Jesus mundi þapan af skira, þat er, at hann villdi⁴ ser einum spara valld skirnarinnar⁵ oc þa þionustu, sem saman helldr einleikr⁶ kristnennar, þat er at veita aflausn synða fyrir enn helga anda, 30 þo at aðrir hafi hendr at skirninni, oc at eigi væri sva margar skirnirnar sem skirifeðrnir, sem aðr er greint. Kom þat þa fram, sem fyrrum hafði guðs andi vitrat Johanne, þa er hann var i eyðimork, sa sem honum bauð at veita monnum skirnarembætti, at sa⁷ mundi einn milli margra skirandi [manna til hans⁸ koma, 35 at skilia Johannes mundi sia niðrstiga yfir þann helgan⁹ anda

¹ oc Cd. ² saal. C, som atter beg. med dette Ord; lokin A. ³ [saal. C; sinu biartara A. ⁴ mundi C. ⁵ saal. C; kristnennar A. ⁶ einleik C. ⁷ saal. C; hann A. ⁸ [saal. C; til A. ⁹ hinn heilaga C.

oc yfir honum vera, oc sa einn mundi skira i enum helga anda. [Hinn fyrr nefndi¹ Commestor segir, at þessi dufa, sem syndiz yfir Jesu, var eigi af kyni² annarra dufna, en var þó sönn dufa. En Speculum Historiale segir, at þessi dufa var sönn, oc sanur var hennar likamr formæðr a þeiri stundu til þess at synaz; ⁵ eigi sva þó at hinn helgi andi hafi oviðrskilianliga tekit [a sig³ þenna dufu likama, sva sem guðs sun mannliga natturu ok likama, helldr til einnar saman birtingar, því at enn usyniligi matti eigi auðruvisi⁴ synaz. Oc er sva retskilit⁵ af þessi dufu sem af þeim oðrum figurum, sem guð syniz i, at þær hverfa aptr at luktaðu ¹⁰ sinu embætti i fyrirfaranda efni, þat sem þær eru afteknar. Lucas ewangelista segir, at þa heyrðiz rödd föður af himne sva mælandi: Þessi er minn sun elskaðr, i þeim þoknadiz mer. Annarr gudspiallamadr segir: Þessi er minn son elskadr, i þeim ⁶ þoknuðumz ek mer. Fyrr nefndr Commestor segir, at eptir heyrða rödd hvarf ¹⁵ hit himneska lios, þat er þangat til skein⁷ yfir Jesu. Johannes ewangelista segir, at sæll Johannes baptista talaði a þessa land: Oc ek sa hinn helga anda koma⁸ yfir Jesum. Oc er eigi efanda, segir Beda, at hann hafi storliga mikit við gengiz, þa er hann sa oc skirði guðs son i mannligri mynd. Sa hann oc enn helga anda ²⁰ i dufu liki, heyrði hann oc föðurliga rödd, ma því [synaz sannligt⁹, at þó at hann væri aðr agætr at spadomi oc heilagleik, at hann hafi uætlanligan hroka oc aukning [allra ser¹⁰ veittra goðra luta fengit, þa er honum varð auðit þeirar hofuðgiptu at vera vattr oc vitnismaðr ennar haleituztu vitranar eilifrar guðs¹¹ þrenningar. ²⁵ Oc því er eigi vort¹² at meta, hvilikt eða hversu mikit hann hefir þa at birtum eigi at eins likams augum helldr oc þar með hugskotz augum fengit numit af birting himneskrar speki, til þess at skilia yfir ollum lutum gnæfanda valld guðligs haleiks¹³; oc truligt at hann þættiz aðr litla skyn [hafa a guði kunnat¹⁴ i samvirðingu ³⁰ þeirar haleituztu vizku, sem hann hafði nu, þegar ¹⁵ hann sa himininn upplokinn, til þess at ver vitim [hverium manni i Kristz skirn gefinni upplokit himinriki. Hann sa enn heilaga anda koma yfir Jesum i dufu liki, til þess at ver vitim¹⁶ enn helga anda veitaz hverium skirðum¹⁷ i Kristz skirn. Hann heyrði oc föðurliga rödd, þa ³⁵

1 [tilf. C. 2 fræi C. 3 [mgl. C. 4 auðruviss C. 5 saal C; retligt A.

6 [tilf. C. 7 var C. 8 komanda C. 9 [saunnu likt þickia C. 10 [saal. C; ser allra A. 11 mgl. C. 12 saal. C; vert A. 13 saal. C; hagleiks A.

14 [saal. C; a hafa guði kanað A. 15 fengit C. 16 [tilf. C. 17 tilf. C.

er guð vattaði sinn elskaðan son skirðan, oc at sa þoknaðiz honum vel, at ver vitim hvern sem einn i Kristz skirn skirðan undir iatningu postoligrar truar geraz guðs son oc veitaz¹ aflausn allra synða, fyrir þat er faðir sagðiz i þeim² ser vel þoknaz, oc at ver
5 vitim þat atkvæði aptr tekit, er guð sagðiz þess iðraz, er hann hafði manninn skapat, þa er hann vattaði sinn elskapan sun skirþan. Hinn sami Lucas segir, at Jesus fullr af helgum anda gekk af Jordan, oc skal þat eigi sva skilia, at þa hit fyrsta væri hann fullr heilags anda, þess er iafnan var með honum, helldr fyrir þat
10 at þa tok hann at syna hans gipt eptir sina skirn, er hann gekk fyrst i eyðimork at hans leiðzlu oc fastaði .xl. daga oc natta. Síþan for hann aptr til Jordanar i þann stað, sem Johannes baptista var fyrir oc .ii. af hans lærisveinum, þvíat Johannes hafði lærisveina i þennaz³ tima, sem þessi tíðindi gerðuz, oc var annarr
15 af þeim Andreas broðir Simonis Petri. Enn þa er sæll Johannes sa Jesum til sin koma, mælti hann [sem fyrrum⁴: Se her lamb guðs, þat er syndir tekr af heiminum. Commestor segir, at enn ma sa skilningr finnaz i þessum orðum Johannis, at hann hafi fyrir þa sok kallat Jesum lamb guðs, at lambit veitir [af sers þria
20 luti, ull til klæða, miolk til drykkjar, hold til vistar. Sva veitir oc varr drottinn sinum monnum i himinriki odauðleiks stolu, þa er retlatir menn skina sem sol i ríki föður þeira; hann veitir oc miolk einfalldrar kenningar⁶ þeim sem næringar þurfu i hans almenniligri⁷ tru; hann veitir oc af heilugu alltari vist sins eiginligs
25 likama folkinu til synðalausnar. Oc er þessi orð sæls Johannis heyrðu .ii. af viðstoddum hans lærisveinum, sneru þeir a veg með Jesu metandi sva þessi orð sins sannorða meistara, sem hann kendi þeim viðr sig at skilia enn honum at fylgia, oc voru þeir með Jesu þann dag. Enn [skams brags⁸ giorðuz þessir somu bræðr
30 Petrus oc Andreas hans lærisveinar uviðrskilianligir oc forunautar, sem greinir i helgum guðspiollum. A auðru ári þa er kom iafn-lengþardagr drottinligrar skirnar, sat varr herra at brullaupi oc giorði vin or vatni. Eptir þat hof hann predicanarembætti opinberliga með iartegnagiorð.

35 1 veitta C. 2 þessum C. 3 þann C. 4 [enn sem fyrr C. 5 [tilf. C.
6 miskunnar C. 7 saal. C; anligri A. 8 [skambragz C.

Kristz skirn hofs¹.

28. Nokkuru síðarr kom Jesus i Judeam með lærisveinum sinum oc veitti monnum skirn, þo at eigi skirði hann folkit, helldr lærisveinar hans. En hinn sæli Johannes veitti þa skirnarembætti i Ennon. Þar eru morg votn hia kastalanum Salim, þar sem 5 forðum rikði Melchisedech konungr oc byskup. Þessi staðr er skamt fra Jordan. Oc af því at margir sottu hann þa enn til þess at taka skirn af honum, bauð hann þeim fra ser at fara til Jesum. Oc toku þa lærisveinar Johannis² at þræta við Juda um þat, hvart betri væri skirn Johannis eða Jesu. Augustinus hinn 10 mikli segir greiniliga efni þessarrar þrætu, at sæll Johannes hafði skirðan margan lyð, er Cistr tok at skira folkit, oc rann þat fra Johanne til Cristz enn eigi fra Cristi til Johannem. Judar þeir sem deiluna helldu, sögðu Crist vera meira enn Johannem, þar sem fra skirn Johannis var runnit til Kristz oc hans skirnar. 15 Enn lærisveinar þessa sama Johannis samðyktu þat eigi oc vorðu skirn sins meistara oc lögðu urskurð³ þessa mals undir hann, oc mælltu sva: „Meistari, sögðu þeir, ver gerum þer þat kunnigt, at sa hinn sami maðr, sem þu bart vitni⁴ við Jordan, veitir nu morgu folki skirn, oc allir koma nu til hans, þeir sem skirn vilja 20 taka. En hvat dæmir þu um þetta mal? Enn at visu syniz oss, sem eigi dugi, at þer rekit fra yðr oc til hans þa menn, sem til yðvar vilja koma at taka skirn nu sem fyrr.“ Yfir þessi orð segir fyrr nefndr Augustinus: Hugleiði astsemð yður yðr⁵ til nytsemðar oc eptirdæmis oc agætz litillætis, hvat⁶ sæll Johannes villdi i þessi 25 þrætu, þa er menn villtuz um sialfan hann [oc matti hann ser leitað hafa⁷ nokkurs metnaðar, því at hann mætti⁸ sva talað hafa: Satt segi þer, min skirn-er betri enn Cristz skirn, oc er þat til marks, at min skirn er æðri, at ek hefi skirðan sialfan Krist. Seam nu, hversu langt þessi guðs maðr matte sig fram færa, ef 30 hann villdi; oc þo at hann sei, hversu hann matti sig upp hefia, vissi hann, at betra var við þann, sem hann atti at skipta, sialfan sig [at lægia; kunni hann⁹ at vægia þeim i iatningu, sem hann for fyrir með skirn oc kenningu; vissi hann von sina vera i Kristi, oc fyrir því svaraði hann: „Ekki ma maðr neitt a sig taka, nema þat 35 sem honum er af himni gefit; þer sialfir berit mer vitni, at ek hefi sagt: eigi em ek Kristr.“ Sem hann segði: Hvi blekkir þer

1 Er skirn Jesu hofz C. 2 hans C. 3 orskurd C. 4 saal. C; i vatn A.

5 tilf. C. 6 hvart C. 7 [ser leita C. 8 matti C. 9 [saal. C;

a legia kunpi A.

sialfa yðr, þar sem þer vitið, hvilíkt vitni ek hefi honum borit, eða hyggi þer, at ek muna nu segia hann annan, en ek sagða hann fyrr, oc vili þer gera mig hegomamann, sva at ek tala nu¹ moti sönnu, þar sem ek hefi aðr af himneskri gíof þegit at
5 vera nokkut, þviat maðr ma ekki a sig taka, nema þat er honum er af himni gefit. Sialfir beri þer mer vitni, at ek sagða: eigi em ek Krístr. Oc þo at þer segit: vitum ver, at eigi ertu Krístr, enn eigi vitum ver, nema þu ser honum meiri, þviat þu skirðir hann. Sendr em ek, fyrirrennari em ek, domandi er hann. Oc
10 enn talaði [sæll Jóhannes²: „Sa sem brúði a, er brúðgumi, en vin brúðguma stendr oc heyrir hann oc gleðz af³ fagnaði fyrir rodd brúðguma. I þessum lut er minn fagnaðr fylldr oc framkominn.“ Sem hann segði: Krístr er brúðgumi, en brúðr hans er heilog kristni, hana skipar hann i gæzlu sinna vina her a iorðu, enn
15 hann er a himni. Ek em vin brúðguma, oc ek stend, þvi at ek fell eigi i þat urað at draga brúðguma nafn a mig oc kallaz Krístr, sa sem ek em með ongu moti. Enn þat er hans rödd, [sva er oc þat⁴ hans vili sem kenning, at ek veita vandlæti um fyrr greinda hans brúði, at engi fífi hana eða elski eða kenni ser utan sialfr
20 hann. Ek heyri rödd hans, þviat ek held kenning hans i þvi at geraz eigi drottins sviki eða horkarll rækiligr ollu folki oc mannkyni. Hans er brúðrin en eigi min. Ek heyri, en hann segir; ek em lysandi, en hann er liosit; ek em eyra, enn hann er orðit. Ek skil, at ek ma aungvan fagnað taka af minni vizku, helldr er
25 minn fagnaðr at gleðiaz af þeiri vizku, sem guð gaf mer; i þvi er minn fagnaðr fylldr oc framkominn, at ek hefi oc helld enn tynis eigi þvi lani oc þeiri miskunn, sem hann⁶ gaf mer. Enn þo kenni ek mer ekki framarr enn ek hefi; ek girnumz eigi at hafa háfa raust, helldr at hann hafi háfa raust, þviat ek girnumz hans sæmð
30 enn eigi mina. Oc þvi kenni ek mer ekki framarr enn ek hefi, at eigi tyna ek þvi, sem ek hefi. Þessu næst talaði enn sæll Jóhannes baptista: „Mer byriar at þverra, enn honum byriar at vaxa.“ Sem hann segði: Fyrir þa sok at þer trúið mig framarr en ek em, byriar mer at þverra, at skilia fyrir augum yðrum. Enn
35 fyrir þvi at þer truit hann lægra en hann er, oc ætlið hann mann vera, þar sem hann er sannr⁷ guð, [samir þat⁸ oc byriar, at hann vaxi fyrir yðrum augum, eigi a þa leið sem iarðligir menn vaxa at líkams⁹ vexti, helldr heyrir¹⁰ yðr, at hans trua vaxi með yðr a þa leið, sem

1 at tilf. C. 2 [hann C. 3 með C. 4 [ok þat er sva C. 5 ek tilf. C.

40 6 gud C. 7 mgl. C. 8 [tilf. C. 9 líkamligum C. 10 fyrir C.

syn þroaz með þeim blindum manni, sem¹ eigi ser þat lios, sem honum er hiaveranda, fyrr² en kænn læknir berr aut³ oc lækn-ingarlyf a augu hans, sva at þaðan af vex hans skyguleikr dag fra degi, til þess er hann fær fullkomliga⁴ syn til þeira luta, sem hann hefir þaurf til. Oc ek kann yðr segia, at þessi Jesus er bæði 5
lysandi [mannligra hiartna oc sialft liosit⁵. Enn gefr sæll Augustinus aðra glosam in sermone af sælum Johanne yfir þessi orð Mer byriar at þverra enn honum at vaxa, sem hann mællti: þat byriar mer, at mitt hófuð se af bol höggvit, til þess at mandomrinn lægiz, enn honum byriar, at hann se hafðr a tre krossins til lausnar 10
ollu mankyni, at guðdomrinn se upphafiðr. Þessu næst talaði enn sæll Johannis: „Sa sem ofan kemr, er yfir ollum, en sa sem af iorðu er, hann er af iorðu oc talar af iorðu. Sa sem af himni kemr, hann er yfir ollum oc [vattar þat sem hann (sa oc) heyrði⁶, oc tekr þo engi maðr hans vitni. Enn sa sem þetta hans vitni hefir 15
tekit, merkði at guð er sannsogull.“ Sem hann segði: Sa sem ofan kemr Jesus Cristr er yfir alla fram, enn sa er af iorðu er, at skilia⁷ skapaðr sem ek, hann er af iorðu, þat er at skilia iarðlegr maðr at natturu, oc hvat sem hann talar, þa talar hann af iorðu, þat er af þeim likama, sem af iorðu er skapaðr. Oc ef hann talar nokkut 20
guðligt, þa er þess, er veitir oc lysir, en eigi þess, er liosit er gefit, oc sva mikit skilr okkr, at ek em iorð oc ek tala af iorðu, en hann [er guð⁸ af himni, at skilia af sinu eiginligu sæti, oc hann er yfir alla fram at natturu guðdomligs mattar, oc hann er konungr konunga oc drottinn drotna; oc sva sem maðr talar sena 25
luti af iarðligum natturum oc talar her i heimi, a þa leið talar hann sena luti af himni, oc þa luti, sem hann heyrði af feðr, þviat hann a ser föður, talar hann her i heimi; oc heyrir hann þo eigi a [þa lund⁹ fauður, sem maðr heyrir mann, helldr berr hann fram föðurligt orð, sem hann er sialfr, a þa leið sem maðr berr 30
fram með ritanlegum figurum þat orð með sinum eiginligum munni, sem aðr hefir hann getið þat er¹⁰ fyrirhugsat i hiarta, oc a þa leið sem maðr getr sitt orð a tima, sva gat guð sitt orð fyrir utan alla tima. Nu þvi at þetta orð hans [er son guðs¹¹, talar hann fyrir oss eigi sitt orð, helldr föðurligt orð, oc predicar oss sealfan 35
sig, þa er hann predicar fauðurligt orð oc vattar fauðurligt vitni.

1 er C. 2 saal. C; fyrðum A. 3 saal. ogs. C. 4 fullkomna C. 5 [saal. C; oc sealfir liosit mannligra hiartna A. 6 [saal. C; vattr A. 7 tilf. C. 8 [kom C. 9 [þann batt sinn C. 10 saal. C; eða A. 11 [tilf. C.

Oc þo at hans orð¹ oc vitni se sannligt, tekr þat engi at skilia af þeim lyð, sem til vinstri handar guði man skipaðr² at enum efsta domi oc til fyrirdæmingar er³ fæddr. Enn sa lyðr, at skilia, sem hans vitni tekr, þat er hlyddir⁴ oc helldr hans kenning, hefir
 5 merkt, þat er at skilia ritað i sinu hiarta með fullum raunarstofum oc til raunar truar oc iartegna þeira, sem i Kristz nafni gerðu nalega allir kristnir menn i upphafi kristnennar, at guð er sannsogull, þat er at su ein [er sônn kenning oc trua, sem hann kennir⁵. Oc enn sagði sæll Johannes fram þessi orð: „Sa talar guðs orð,
 10 sem guð sendi, oc eigi gefr guð sinn anda til mælingar.“ Af þessum orðum Johannis syniz grein ganga millum hans oc þess Paulum⁶, er skolann hellt⁷ i himinriki(!), oc sva sagði til sin oc annarra lærisveina Jesu Cristz: Hverium sem einum varum er guðs andagipt gefin eptir mæling⁸ hans vingiafa. Enn sæll Jo-
 15 hannes segir: eigi gefr guð sinn anda eptir mæling. Þessa grein tekr i brott sæll Augustinus, þyðandi orð Johannis sem hann hafi [þetta talat⁹ til greinar millum sin oc guðs sonar, a þessa leið: Sa Jesus sem i þenna heim er af guði sendr, talar sva margfalliga¹⁰ hans orð, at hann gefr honum sinn hinn helga anda utan alla
 20 mæling, þo at ek oc aðrir menn hafim þenna sama anda með mæling oc settum endimorkum hans vingiafa. Ok enn sagði sæll Johannes: „Faðir elskar son¹¹ oc gefr honum alla luti i hendr. Sem hann segði: Guð faðir elskar eigi a þa leið sun sinn Jesum, sem bondi elskar þræl sinn eða tilæskingarsun, helldr sem eigin-
 25 legan sun, gefandi honum [alla hluti i¹² valld, at skilia himin oc iorð oc þa alla skepnu, sem i þeim er, at sva mikill sem faðir er, se oc hans sun eigi minkaðr, helldr honum aliafn i eilifum guðdomi. Oc enn talar sæll Johannes: „Sa sem a son truir, hefir eilift lif.“ Sem hann segði: Sva haleita ombun tekr sa maðr fyrir
 30 sina tru, er a guðs son truir, at hann hefir at verkalaunum vist eilift lif. Enn mikli Gregorius segir, at þetta er satt, oc því at eins, ef maðr helldr þessa somu tru¹³ i hiarta oc iatar hana með munni, en vattar hana með goðum¹⁴ verkum. Þessu næst gerði sæll Johannes enda a sinu mali oc sagði sva: „Hverr sa sem syni
 35 er eigi trur, man eigi lif sia, helldr er yfir honum guðs reiði“. Þessi orð sæls Johannis, segir fyrr nefndr Augustinus, syndu Judum,

1 vattord C. 2 vera tilf. C. 3 tilf. C. 4 saal. C; lyðr A. 5

[kenning er sônn ok su ein trua saunn, sem hann kendi C. 6 Pauli C.

7 hafði C. 8 þessa tilf. C. 9 [tilf. C. 10 framarliga C. 11 sinn

40 tilf. C. 12 [saal. C; allra luta A. 13 saal. C; tro A. 14 mgl. C.

þat er ebreskum monnum, sína villu oc ollum öðrum þeim monnum, sem suninn syniz sem þræll, en faðirinn sem guð, oc kendi hann i þeim orðum ollum monnum at gofga einn veg fauður oc son, þviat Judar mæla: Hvat a ek at gera með syni, en föður vegsama ek sem guð. Enn þessi orð Johannis hafa þann skilning, sem hann 5 [talaði svar til þeira: Lygr þu, ef þu segiz vegsama fauður, en þu guðlastar sun oc giorir svivirþing sealfum feðr, i því er þu hafnar² at trua a son, oc því er su guðs reiði yfir þer³, sem iafnan gnæfar⁴ yfir ollum rangtruudum⁵ monnum, oc Adam oc Eva ofluðu ser oc sinu afkvæmi, með því er þau atu bannat epli i paradiso. 10 Oc at fengnum þessum svorum foru sendimenn heim oc sogðu sin eyrindislok.

Jesus for i Galileam⁶.

29. Eptir þessi tíðindi, sem nu voru sogð, var Jesu kunnigt gert, at Pharisei [toku visir at verða⁷, at hann hafði fleiri læri- 15 sveina, en fyrr nefndr Johannes hafði með ser halldit, oc skirði fleiri menn, en Johannes hafði skirða, þo at eigi skirði Jesus helldr lærisveinar hans; fyrirlet hann Judeam oc for i Galileam. Augustinus segir, at eigi hefði hann farit af Judea, þo at [Pharisei afvirði þessa hans tiltekið⁸, ef hann vissi þeim til batnaðar⁹ mundu 20 komit hafa sína þarvist, helldr gaf hann i þessi ferð sinum monnum þat dæmi at flyia¹⁰ sína ovini, þa er þeira kenning vinnr i sumum¹¹ stöðum meira til snuðar, helldr en þar sem þeir eru aðr, þviat hann mundi kyrr [verit hafa¹² i Judea, ef hann hefði vitað Phariseos a sig truandi en eigi stríðandi. 25

Fra Herode tetrarcha.

30. I þenna tima rikði i Galilea Herodes sun ens mikla Herodis, sa er tetrarcha var kallaðr, þviat hann hellt at eins undir ser fiorðung fauðurligs rikis, sem fyrrum er sagt. Hann var um marga luti eptirlikari foðurligrar illzku, hann vann ofan 30 a þessa alla luti þat uhæfuverk, at hann rænti fyrr nefndan Philippum broður sinn eiginkonu sinni, þeirri sem guðspiallit nefnir Herodiaden [ok geck at eiga, enn let eina sína konu. Þessa

1 [tali a þessa lund C. 2 saal. C; iafnar A. 3 saal. C; þeim sett A.

4 gnæfir C. 5 saal. C; rettruandum A. 6 Fra ferd Jesu af Judea 35

ok i Galileam C. 7 [voru visir þess C. 8 [Phariseis yrdi kunnig

hans tilteki C. 9 betranar C. 10 saal. C; flygia A. 11 audrum C.

12 [hafa setit C.

atburdi greinir hinn sēli Jeronimus vottandi, at su frasaugn, sem Historia Vetus er köllut, segir Philippum son mikla Herodis hafa fengit til eiginkono Herodiaden¹ dottur Arethe konungs af Damasko. Þessi saga greinir oc, at nokkut sundrþykki hafi uppkomit millum
5 þeira² maga, sva at fyrir þat hafi Aretha konungr ræntan mag sinn dottur sinni, þann er storliga miog sytti sina missu, oc i moti hans vilia hafi hann gefit³ hana Herode broður hans, þviat þeir bræðr⁴ voru oc uvinir sin i milli. En Josephus segir Herodiaden verit hafa dottur Aristoboli þess sonar ens gamla Herodes, er hann
10 sialfr let drepa sakir þeira svika, sem hann villdi eitras með feðr sinn. Hann segir oc Herodiaden verit hafa systur Herodis Agrippa, oc hana hafi⁶ Herodes fauðurfaðir hans⁷ gefit til huspreyiu Herodi syni sinum, þviat hann fæddi þessi born Herodem Agrippam oc Herodiaden upp með mikilli vegsemð, þott hann leti drepa foður
15 þeira. Fyrr nefndr Josephus segir þenna Herodem hafa verit sun ens mikla Herodis oc broður Herodis tetrarcha, oc hafi [hann þenna⁸ son attan við dottur Simonis kennimanz. Enn sami Josephus segir, at Philippus þessi hafi dauðr verit, sem fyrr var nefndr, aðr Gaius tæki at ríkiá, oc at sia Herodes man⁹ her Philippus
20 kallaðr. Hann greinir oc, at Herodes tetrarcha atti¹⁰ dottur Arethe konungs af Damasko, þa sem eigi er nefnd. Ok eitt sinn er Herodes¹¹ for i Romam, tok hann nætrgisting at þessa broður sins oc talaði leyniliga við huspreyiu hans, at i sinni aptrferð mundi hann segia skilt¹² við sina konu en fa hennar. En þo at þessi
25 svik væri leyniliga dictuð, komu þau allt¹³ at liku til eyrna sialfs hans eiginkonu; þvi¹⁴ villdi hon eigi hans heima biða oc for þegar af skyndingu heim til fauður sins. Oc þa er Herodes tetrarcha for heimleiðis, efndi hann sitt it uretliga fyrirheit, sva at hann tok fyrr nefnda konu af nafna sinum oc flutti heim oc gerði brullaup til.
30 Varð hann fyrir þetta fullkominn uvin¹⁵ Herodis broður sins oc Arethe, sva at mikit stríð varð¹⁶ i millum þeira fra þessu upp¹⁷ um stundar sakir.

Umvandan Johannis¹⁸.

31. En þa er sēll Johannes baptista heyrði¹⁹ þessa ohæfu
35 fram fara, sakaði²⁰ hann Herodem oc sagði, at honum var oleyft eptir þeim lögum, sem hann hafði inn²¹ gengit, at hafa at likams

¹ [tilf. C. ² þessarra C. ³ gipt C. ⁴ bræðrnir C. ⁵ saal. C; erta A.
⁶ hafði C. ⁷ hennar C. ⁸ [saal. C; þann tíma A. ⁹ muni C.
¹⁰ etti C. ¹¹ tetrarka tilf. C. ¹² skiltit C. ¹³ mgl. C. ¹⁴ þa C.
40 ¹⁵ ovinr C. ¹⁶ var C. ¹⁷ mgl. C. ¹⁸ Fra því er Johannes vandad
um framferð Herode C. ¹⁹ vissi C. ²⁰ asakadi C. ²¹ i C.

lostá eiginkonu broður síns lifanda. Her af segir enn sæli Jeronimus: Því at hinn sæli¹ Johannes hafði til þess komit í þenna heim at renna fyrir sínum herra í krapti og anda Elíe, hirti hann á þá leið Herodem og Herodiaden, sem forðum hirti Elías Achab og Jezabel, og vildi helldr þola konungsins reiði en gleyma guðs 5 boðorðum fyrir uleyft eptirmæli við sialfan hann. Því sendi hinn fyrr nefndi Herodes fyrir aeggian horkonu sinnar mikit folk og tok hondum Johannem og villdi drepa hann, at því er heilagt guðspíall vattar, enn sakir otta þess margs lyðs, sem íafnan kom at heyra kenning hans², dvaldi hann [uhæfu þá³, því at [þat folk⁴ 10 hellt hann fyrir spamann. Oc því at hann var eggjaðr til [þeira oraðas og í hiartanu fanginn fyrir astríki⁶ við Herodiaden, hafnaði hann rettlæti og vanvirði guðs boðorð setiandi hans haleita vin sælan Johannem í myrkvastofu. Um þessi tíðindi talar enn mikli Augustinus í einum sermone sva mælandi: Í dag neykíaz mann- 15 ligir⁷ lutir og skíalfa hiortun, dökna synin, [deyfaz eyrun⁸, slíovaz skilningin, þá er oss er sagðr kraptr Johannis enn grimleíkr Herodes⁹, eða hvat er þá stoðugt í mannligum vitzmunum, er mikíleíkr mannlastanna tapar mikíleíkr mannkostanna. Herodes tok Johannem og setti hann [í bond¹⁰ í myrkvastofu. Johannes er skoli mann- 20 kostanna og meistaradómr mannligs lífs, forn heilagleíks, spegill skírlífis, lofan¹¹ lastveri, eptírdæmi reínlífis, gata iðranar, líkn lasta, læring síðferða. Johannes er meiri enn maðr, alíafn englum, fylling hins forna lögmals, helgan guðspíallz, rodd postola, þaun spamanna, lampi heímsins, fyrírennari domandans, oddamaðr 25 Krístz og manna, vattr drottins og híastandandi meðalgongumaðr alírar guðs þrenningar. Enn Herodes saurgáði mustari enn rænti lærdóminn, neykði hann víglupallinn en daraði konungsríkít, spíllti hann þat sem var síðlætis¹², þat sem var lögmals¹³, þat sem var guðspíallsins¹⁴, þat sem var síðferðanna, og alla retta reglu raskaði 30 hann og neykði. Herodes var morðari sinna samborgarmanna, ladrunn¹⁵ tígínná manna, [audnarmadr eíginna felaga, hervíkingr heimamanna¹⁶, tapanarmaðr almennings, banamaðr eíginna suna, manndrapari utlendra manna, frændrapari eíginlígra sialfs síns níðía; drukna gerði hann íorðína af mannligum¹⁷ deyra, en 35

1 heilagi *C.* 2 sæls Johannis *C.* 3 [ohæfuna *C.* 4 [hann *C.* 5 [þessa
orads *C.* 6 *saal. C.*; allt ríki *A.* 7 *saal. C.*; manlegs *A.* 8 [deyfiz
beyrnin *C.* 9 Herodis *C.* 10 [bundinn *C.* 11 *saal. C.*; lofanlig *A.*
12 síðlætissins *C.* 13 laugmalsins *C.* 14 godlífissins *C.* 15 *saal.*
rettet; ladremingr *A.*, ládrisningr *C.* 16 [tilf. *C.* 17 iardligum *C.* 40

var¹ þo sialfr þystr² til dreyra. Fyrir þat³ svalg hann enn millda oc enn dyra dreyra Johannis i sinum grimleiksdrykk. Sa enn sami Johannes, er synðabondin var vanr at leysa, var nu bundinn með synðugs manz bondum, oc bundin liknin⁴ fyrirlet eigi stað
 5 liknarinnar. Heyrðu Herodes, þu fremr hóran, en Johannes ferr i myrkvastofu, oc sitr nu hinn seki i stað domandans⁵, oc i stað hegningarmanz enna meinsomu sitr nu asoknarmaðr meinleysis. Heyrðu Herodes, bið ek, segðu, hvar er nu sett⁶ asiona gerandi luta, hvar er nu skamfyllin, hvar er nu rett ætlan retz provan-
 10 armanz, hvar er nu guð, hvar er nu maðr, hvar er nu leyfi, hvar er⁷ nu login, hvar [er nu⁸ sealf rettindi nattu⁹runnar? Allir þessir lutir eru svivirðir at þer dæmanda oc raðanda oc lifanda. Heyrðu Herodes, þig bitr sokin, þig asaka bondin, þig rægir myrkvastofan, þig asakar pinan opinberliga a logð. Johannes er kunnr heim-
 15 inum, frægr af mannkostunum, agætr at heilagleik; þa er hann kallar⁹ til sin atfrettarmenn usæmðarinnar, gerir hann þina horan¹⁰ morgum kunniga; slikt gerir hann til þess, at þig hepti opinber neyking, þar sem ekki vinnr at leynd¹¹ aminning. Johannes, segir Augustinus, gaf Herode aminning enn hneykði hann¹² eigi með
 20 opinberu amæli, oc sva sem skirlifis¹³ elskari villdi hann hirta þann, sem hann villdi eigi at fyrirfæriz. En Herodes blindr at hugskotz-augunum hitnaði af logbrondum lostasemi, villdi helldr tapaz enn hallda eigi uleyfiliga eiginkonu broður sins, oc þoknaðiz fyrir þat herteknum vinum lastanna oc uvinum meinleysis, þeim sem iafnan
 25 eru vanir at hafa frelsit, þviat iafnan er mannkostrinn gagustaðligr lastafullum, oc þeim¹⁴, sem helguðum¹⁵ lutum raska, er heilagleikrinn hatsamligr, enn uskirum er feandskapr¹⁶ fullr skirleikrinn oc pina, en lostasomum er motsnuin hofsamlig næring¹⁷ matar oc drykkjar, oc grimmum monnum synist horð miskunn, enn umilddum
 30 syniz oþolanlig milldi¹⁸. Þetta mællti Johannes við Herodem: „Eigi er þer lofat at hafa at likams losta broðurkonu þina.“ Siam her, fyrir hvat Johannes fekk upokka, oc fyrir hvat Herodes varð reiðr. Sa fekk oþokka, sem illa menn hirtir, oc opt verðr sa hataðr, sem þa asakar, er lastafullir eru. Johannes talaði þat, sem
 35 var laganna, oc þat sem var retlætissins, oc þat sem var heilsunnar,

1 Her beg. D. 2 siþyrstr C, D. 3 þvi C, D. 4 likami C. 5 domarans C, D.

6 rett C. 7 eru C. 8 [eru C, D. 9 spandi C. 10 saal. C, D;

þoran A. 11 bryndi C. 12 mgl. C. 13 saal. C, D; eptirlifis A. 14 saal. C;

þa A, D. 15 heilógum C, D. 16 fiandskapar C, D. 17 neyting C, D.

40 18 milldin C, D.

at skyru¹ talaði hann þat, sem eigi var hatrs fyrir vert helldr astar. Siam her, hvert verkaup² hinn milldi fekk af enum umillda fyrir sinn goðvilia. Herodes villdi drepa hann, enn ottadiz margmenni, þvíat litið er fyrir at leiða þann a gotuleysi³ fra sannleikinum, er i soknunum⁴ ottaz eigi guð helldr menn, oc tilfellt dvelr 5 framkvæmð syndarinnar enn tekre eigi i brott viliann. Af því verða þeir opt, sem fyrir tilfellt eru heptir fra mannlytum, agiarnaris til lytisins oc girnaz þat því hætligar⁶ i huginum, til þess er þeir fullgera þat illt, sem hugrinn hefir; enn einn saman guðs otti leiðir meinsama menn fra [lytum oc⁷ lostum oc hirtir mannlyti, rekr i 10 brott uhæfur, varðveitir meinleysi oc veitir eilift sialfræði til goðra luta. Nu þo at Johannes væri i myrkvastofu, komu margir menn til hans at heyra hans haleitu kenning, þvíat hann letti⁸ eigi af, sva framarliga sem fong voru a, at hallda uppteknum hætti um sina predican. 15

Predican Kristz⁹.

32. Ok þa er drottinn varr heyrði þessi tíðindi, for hann i brott af Judea, þaðan sem aðr var hann, oc for i Galileam oc bygði i Kapharnaum nær herodum Zabulon oc Neptalim, oc hof predican sina með [þeim hætti oc¹⁰ því upphafi, sem fyrrum hafði 20 sæll Johannes, þvíat þeir likiaz at morgu, sem goðir þikkiaz, oc sagði sva: „Giorið iðran fyrir annmarka yðra, þvíat nu nalgaz himnariki¹¹.“ Ætla menn þessa hans ferð verit hafa alla eina oc hina, sem fyrr greinir, er hann flyði undan Phariseis.

Fra sendimonnum.

25

33. I þenna tima sendi sæll Johannes i bondum haför til Jesum .ii. sina lærisveina oc spurði hann: „Hvart ertu sa sem koma man, eða biðum ver annan?“ Sem hann segði, því at nu mun¹² skamt þess at biða, er ek man niðr stiga til mins folks, þat er at skilia, at ek man enda mitt lif, vil ek vita, hvart þu 30 ert Kristr, eða man hann siðarr koma. Enn ef þu ert Kristr, þa forvitnar mig, hvart ek skal a þa leið segia fyrir þina tilkvamu þeim, sem i helviti eru, sem aðr sagða ek þeim, er a iarðriki eru.

1 visu C; sonnu D. 2 verkkaup C; verdkaup D. 3 gautu C. 4 saukunum C. 5 saal. C, D; agiarn A. 6 heitligar D. 7 [tilf. C. 8 let C 35
9 Fra ferd vars herra af Judea C. 10 [tilf. C. 11 himinriki C, D.
12 er C, D.

I þessum stað [leita Manichei¹ a sælan Johannem oc segia hann efað hafa, hvart hann væri Kristr, oc vera fyrirdæmdan af sok þessarrar otruar. Enn þat er² lesit, þott hann hafi spurt, at hann hafi eigi³ efat. Spurði Jesus skattheimtumenn, hvers likn-
 5 eski a penninginum væri, eigi uvitandi, helldr til þess at hann mætti sin ansvar makliga tempra eptir þeira orðum. Sva spurði hann oc eigi fyrir uvizku, hvar Lazarus væri grafinn, helldr fyrir sakir sinna lærisveina oc þess folks er hia stoð, at sem flestir kæmi til oc sæi, er⁴ enn ferdagaði reis upp af dauða. Johannes
 10 efaði eigi, hvart hann væri Kristr, þar sem hann hafði fyrrum sagt Se her lamb guðs, enn fyrir sakir sinna lærisveina, þeira sem orð hans efuðu, let hann þa þessa spyria, at þeir yrði fyrir hann, at skilia Jesum, af þessu oruggir. Þat er oc auðsynt, at ætlan Manicheorum er lygi, oc at Johannes er⁵ eigi fyrirdæmdr, þvíat
 15 þat er vitað, at eigi er oll efan fyrirdæmilig, matti oc þat vera⁶, at því er Gregorius super Ezechielem syniz segia vilia, at Johannes hafi um þat efat, hvart Kristr mundi fyrir sialfan sig oc i sinni personu niðr stiga til helvitis oc draga þaðan sina vini, eða mundi hann annan til þess senda.

Enn Jesus tok or hiarta þeira [allan efa⁷, oc sagði þeim skyr mork sinnar tilkvamu nu framkomin sva mælandi: „Blindir menn sia, en halltir ganga, likprair hreinsaz, daufir fa heyrn, dauðir lifna, en fatækir viðfrægiaz, oc er sa sæll, sem eigi ratar⁸ i nokk-
 25 ursa utru, þa er hann ser þa luti, er um mig geraz.“ Oc eru þessi orð tekin or spasögu Ysaye, þar er sva ritað: Drottinn man koma oc hialpa oss, þa munu lukaz upp augu blindra manna, oc eyru daufra munu fa heyrn, þa [munu halltir⁹ hlaupa sem hiortr, oc losna man tunga enna mallausu manna, oc annat þat sem fylgir oc greint er i bok Ysaye. Þessi orð drottins, sem nu [er ritað¹⁰,
 30 glosar hinn mikli Gregorius, sva sem hann mællti: Dasamlig takn gerða¹¹ ek, þau er mig vatta Krist vera; en þo let ek mer soma at þola afleita¹² luti, oc því er monnum viðsianda, at eigi fyririliti þeir mig af sok mins dauða, þess er ek þoli til lausnar ollu mann-
 kyni, ef þeir veita mer vegsemð af mikileik minna eiginligra takna.
 35 Annarr guðspiallamaðr segir, at a þeiri stundu, sem lærisveinar Jo-
 hannis [foru fyrir varn¹³ herra, græddi hann marga siuka menn,

1 [saal. C. D; leitaði manichi A. 2 eigi tilf. C, D. 3 mgl. C. 4

at C, D. 5 se C. 6 saal. C, D; vita A. 7 [þessa efan C, D.

8 rasar C. 9 [mun hinn hallti, C D. 10 [eru ritud C, D. 11 geri C, D.

40 12 flesta C. 13 [voru fyrir varum C, D.

oc syndi þeim eigi at eins með orðum helldr oc með verkum framkomin mork guðligrar¹ tilkvomu, þau sem Ysayas sagði fyrir.

Lærisveinar sæls Johannis foru skiott aptr til meistara sins flytiandi honum annsvor vars herra, þau er hann gerði² visan þeira luta, sem hann villdi forvitnaz lata. Oc þa er þeir voru i brottu⁵ farnir, tok Jesus at tala fyrir þeim flokkum, sem fyrrum höfðu heyrða kenning Johannis oc nu voru komnir at heyra hans agætan meistaradom oc kenning, oc hof a þessa lund [lof Johannis³ sva mælandi: „Til hvers foru þer i eyðimork, eða foru þer at sia reyrvond vindi skekinn, eða villdut þer sia blautklæddan mann?“¹⁰ Þeir bera blaut klæði, sem i [husum þessa heims konunga eru⁴. Gregorius segir, at með þessum figurum greindi varr herra Johannem fra⁵ falsörum oc eptirlífismonnum, þeim sem alla [vega lata⁶ sla i ymisum⁷ tilfellum, oc hniga sem reyrvendir i hvossu veðri⁸, fyrir stormi motmælis [ok blidum blę eptirmælis⁹, oc fra þeim er með¹⁵ sinum blautum bunaði bera vitni um þat, at þeir stunda framar a riki oc metnað i þessum fallvallta heimi, sem ver byggium, enn annars heims dyrð, sem sa Johannes, er eigi gerði¹⁰ bliðan eptirmæli ne reiðan¹¹ motmæli, oc likam huldi með ulfallda hari, oc iðrandi monnum gaf dæmi með sialfs sins lofigum lifnaði. Þa tok fyrr²⁰ nefndr Jesus at auka sitt tal til ens sama folks oc segia: „Hvat foru þer at sia i eyðimork, eða villdu þer sia spamann? ek kann yðr¹² segia oc framarr enn spamann. Þessi er sa, sem þetta er til talað: Ek sendi engil minn fyrir þitt andlit, sa man bua þina gotu fyrir þer.“²⁵

I þessum orðum ma sia yfirkomna villu Manicheorum, at eigi er Johannes fyrirdæmdr, þar sem sialfum sannleiknum þotti honum of lágt at vera nefndum með ubreyttu spamanz nafni. Oc af því kallaði hann sælan Johannem framarr enn spamann, at hann hafði syndan [sialfan¹³ hann með sinum fingri¹³, oc þar með kallaði hann³⁰ sælan Johannem engil. Af þessu segir Gregorius hatt nafn at heita engill, þvíat angelus er girzka en nuntius a latínu, enn a vara tungu engill eða sendiboði. Enn þo er lif Johannis eigi lægra¹⁴ en nafnit. Johannes Crisostomus segir yfir þau orð, er drottinn kallaði hann engil: Þat ætla ek eigi dirfð at mæla, at sæll Jo-³⁵ honnes er dyrligri [maior homine, þar angelis¹⁵. Maðr var hann,

[¹ saal. C, D; gudspialligrar A. ² [saal. A, D; gerdu C. ³ [saal. C, D; of Johannem A. ⁴ [konunga husum eru þessa heims C. ⁵ saal. C, D; fyrir A. ⁶ [mgf. C. ⁷ misiofnum C, D. ⁸ edr tilf. C. ⁹ [tilf. C. ¹⁰ gerdu C, D. ¹¹ saal. C, D; ræddan A. ¹² at tilf. C, D. ¹³ [saal. C, D; hann með⁴⁰ sinni figuru A. ¹⁴ lengra C. ¹⁵ [enn madr C, D.

en fyrir verðleika¹ sakir oc hugarkrapta er hann engill kallaðr. I þessum stað leiða inn villumenn þa villu, at Johannes hafi verit himneskr engill holdgaðr, oc er su villa fyrirdæmd með ollu moti. Þat er oc vitanda, at enn voru þeir villumenn, er fyrir þat hafa
 5 grunað þat vitni, sem sæll Johannes bar Kristi, at hann fylgði honum eigi, oc hann mundi til hans farit hafa, ef hann hefði goðr verit. En því ma þar til svara, at meira var vert vitni þat, er hann bar at fraveranda Kristi, helldr en hann hafði með honum farit. Sva sem Matheus evangelista segir fra þeim manni dioful-
 10 oðum, er Jesus gerði heilan, oc sa bað at fylgia honum, enn varr herra let þat eigi eptir honum oc bauð honum at fara oc predica in Neptalim² þat takn, sem guðlig milldi veitti honum, oc vann þa meira su kenning, sem hann flutti fram at fraveranda Kristi, helldr enn þa mundi, ef hann hefði iafnfram Jesu predicat. Ma oc
 15 þat auðvelliga skilia, at Johannes var eigi af þessi sok fyrirdæmdr, þo at villumenn segi þat, þar sem siðan kallaði hann Johannem engil.

Oc eptir þat haleita lof lagði hann til hans mikinn auka hinna fyrri sæmdarmala oc sagði: „Ek segi yðr satt, at engi þeira
 20 manna, sem³ fra konum eru fæddir, er meiri en Johannes baptista.“ Þat glosar a þa leið enn sami Augustinus oc segir sva: Hæri er hann hverium sem einum, gnæfar⁴ hann yfir giorvillum⁵, fyrir gengr hann spamannasveitinni, yfir gengr hann hofuðfeðrna, oc hverr sa er fra konu er fæddr er lægri Johanne. Af þessum orðum
 25 ma nokkut sva mæla, ef sæll Johannes er hæstr af kvenna sonum, þa er hann hialparanum hæri. Þessa grein skal sva onyta, at Johannes er konu son, enn Kristr er meyar son⁶; Johannes er fæddr af brugðligum konu kviði oc með karllmans friovi⁷, en Cristr er blom osaugaðs kviðar, getinn af helgum anda an öllu
 30 karllmáns frioi. Commestor segir þenna orskurð gefinn fyrir umliðinn tima, oc i þessu drottinligu atkveði er ugreint, hvart nokkurr heilagr maðr man siðarr verða iafn eða æðri Johanni i verolldunni.

Ok enn iok Jesus sitt mal sva segiandi: „Sa sem minni er i himinriki, er honum meiri.“ [Sem hann segði: Sa sem minni
 35 er at alldri enn hann samiafn⁸ heilagra her i heimi, er honum meiri⁹. Skal þessi orð sva skilia, ef einfaldliga er alitið af varum herra. En sæll Jeronimus segir, at sa sem minstr er i himinriki af tali heilagra, er meiri enn hinn helgasti maðr her a iarðriki,

¹ verdleiks C, D. ² Pentapoli C. ³ er C. ⁴ gnæfir D. ⁵ ollum C, D.

40 ⁶ tilf. C, D. ⁷ frioe C; fræi D. ⁸ i samansamnan C. ⁹ [mgl. D.

sa sem eigi er reynd endalyktin. Oc enn sagði hann¹: „Allt lög-
mal oc allar spamanna bækr sogðu ukomna luti fyrir allt til Jo-
hannem, oc ef þer vilit vita, þa er hann Elias, sa sem koma mun.
En sa heyri² þessi orð, sem eyru hefir at heyra. Oc fra dogum
Johannis allt her til þolir himinriki ofrefli, oc ofreflismenn gripa 5
þat.“ I þessum vars drottins orðum finnaz stormorg lof heilags
Johannis, þau sem hann biðr eigi at eins þa heyra, sem likamliga
heyrn hafa, helldr oc þar með [andligan skilning³.

Þvi ma spyria, hvar himinriki þolir ofrefli. En því ma [sva 10
til⁴ svara, at stundum kallaz su himnesk hirð, sem rikir með Kristi
i himinriki, en stundum su kristni, sem honum þionar her i heimi,
stundum sönn oc hiartlig⁵ trua, stundum heilug ritning, sem dæmi
finnaz til, þau er allar þessar sögur⁶ sanna eptir rettum⁷ skilning.
Syniz ritningin þola nauðgun⁸ eða ofrefli, þar sem logmal Moysi
byðr at hegna með likams dauða manndrap oc marga aðra luti, 15
sva sem guðlastan, horan oc aðra þa luti, sem Decalogus greinir,
en Johannes kallar þa lifendr i likama til synða iðranar, þo at
þeir væri dauðir i önd, oc het þeim aflausn synða fyrir yfirbot
verka⁹, sva sem engi aðr, oc skildi þann, sem deyðandi¹⁰ var sagðr
i likama, dauðan i öndinni¹¹ enn endrlifnanda¹² fyrir iðran oc yfir- 20
bot snuandi letrligum skilningi i andligan. Truan syniz oc fra
dogum sæls Johannis ofreflis kenna, þar sem þa var boðit því at
trua, at mærin fæddi son oc i moti ollum natturulögunum, oc um
likama vars herra oc um marga luti aðra, þa sem eigi ma mannlig
tilraun sanna oc guð vildi verða lata a þa leið sem eru¹³, at þat 25
mætti¹⁴ snuaz til verðleiks aukningar þeim sem tryði¹⁵; sem post-
olinn segir: Su trua hefir ongan verðleik, er mannlig tilraun ma
prova með sinum visleik. Guðs kristni, su sem honum þionar her
i heimi, toc oc fra dogum Johannis ofrefli at þola, þar sem at
hans dæmum toku menn fyrst at elska vilianliga eymð oc fataekt 30
eyðimerkr oc utlegðir, vas oc vokur, bænahalld oc bindendi, föstur
oc kulða¹⁶, vil oc erfiði, harðlifi oc hárlæði, [þögn oc allzkonar
athalld, ast oc ölmusugæði, friðsemð oc falyndi¹⁷, með þaganligu¹⁸
reinlifi, oc vonduz a þetta ofan at þola vilianligt pislurvætti.
Enn þo at þessum orðum kasti nokkurr a moti oc segi, at margir 35

¹ sva tilf. C. ² saal. C; heyrði A, D. ³ [andliga heyrn D. ⁴ [mgl. C, D.
⁵ hiartalig C; hiartanlig D. ⁶ sagnir C, D. ⁷ letrligum C. ⁸ naud-
ung C, D. ⁹ misverka C. ¹⁰ saal. C, D; deyiandi A. ¹¹ saal. C, D;
synðyni(!) A. ¹² endrlifna A. ¹³ er D. ¹⁴ matti C. ¹⁵ saal. C, D;
truði A. ¹⁶ ok klæðleysi tilf. C. ¹⁷ [mgl. C. ¹⁸ saal. A, D; fagrugu C. 40

undir fornu lögmalí hafi slíka luti gerfa, þá er þeim þessu svar-
anda: Þó at Jacob beðiz¹ fyrir oc Daniel oc Elias fastaði, en
Judas Machabeus gefiz² salugiafir, er þat vitanda, at fair voru þá
slikir, oc fromdu þó sialdan slíka luti, en fra dogum ens sæla
5 Jóhannis toku storlīga margir slíka luti at giora, oc storlīga opt,
sva at þaðan fra oc allt her til stunduðu menn fyrir [atstöðu oc³
iðinleik [goðra verka⁴ með miklum flokkum oc morgum fylkingum
at þrongvaz til kristinligrar⁵ truar oc at bera hans kross, honum
fylgiandi bæði andlīga oc líkamlīga um hit þrongva hlið til haleitra
10 himinríkis fagnaða. Meðr slíkum hætti ma oc segia, at himinríkis
dyrð þoli ofrefli, þá er bersynðugir menn, ribballdar oc ransmenn,
þeir sem fyrst leiddi hinn sæli Jóhannes til iðranar með sinum
fogrum fortolum, oc aðr veittu monnum ofrefli, [toku ser síðan
umakligt⁶ sæti með hinu sama ofrefli⁷, at ongum fyrirfarendum⁸
15 verðleikum helldr fyrir eina saman milldi oc miskunnsemi Kristz.
Þetta sannar enn mikli Augustinus talandi af þeim ladruni⁹, sem
hía guðs syni var krossfestr a þessa leið: Siam her loflegan ladruni¹⁰
oc dasamlígan, eptirlíkíanda at skília i sinum oruggleik; fyrrum
striddi hann með sverði, enn tok nu himinríki at herfangi, fyrrum
20 gandi¹¹ hann a ran, en nu hitnaði hann af sannri tru, oc þann
sem Petrus neitaði sem mann, vegsamaði þessi sami ladruni¹² cross-
festan¹³, at skília sem guð.

Þat er oc greinanda, hvi Jesús sagði, at lögmal oc spamanna
bækr hefði¹⁴ ukomna luti fyrir sagt allt til Jóhannem, enn þat er
25 sva takanda, at fyrir því letu¹⁵ fra dogum Jóhannis af miog sva
spárnar, þær sem i lögmalí oc spamanna bokum hófðu þar til endz,
at [þa var at¹⁶ miklum þora þat allt framkomit, sem þær bendu¹⁷
fyrir, oc fyrr nefndr sæll Jóhannes syndi¹⁸ þann með sinum fingri,
sem kominn var at fylla allar spar, oc voru þær eigi [þaðan af¹⁹
30 nauðsynlegar, er lausnin var framkomin. Enn þó at því se i moti
kastað, at síðan spaði²⁰ Agabus spamaðr [oc fíorar dætr Philippi²¹,
þa er því svaranda, at þessar spar voru lítils verðar hía enum

1 *saal. C, D; beidiz A.* 2 *giæfi D.* 3 *[ok stodu i C.* 4 *[guds bod-*
orda *C.* 5 *kristiligrar C, D.* 6 *omakligir C.* 7 *[mgl. D.* 8 *fyrir-*
35 *farandi C, D.* 9 *saal. rettet; ladryingi A, ladrudningi C, landræningi D.*
10 *rettet; ladryning A, ladrudning C, laadreyning D.* 11 *girntiz C, gaadi D.*
12 *rettet; ladreyngir A, ladrudningi C, ladreyningr D.* 13 *krossfestr C, D.*
14 *saal. C, D; hófðu A.* 15 *letti C.* 16 *[tilf. C.* 17 *kendu D.* 18
saal. *C, D; bendi A.* 19 *[síðan íafn C; 20 saal. C, D; sagði A.* 21
40 *[mgl. D.*

fyrirum¹ spasogum, þeim sem endir gerðiz a fyrir sælan Johannem, þar sem aðr spaði mikill þori manna.

Þat er skoðanda, hvi sæll Johannes er aðr² af sialfum sannleiknum Elias sagðr³, enn hann neitaði sig Eliam vera, þa er Pharisei spurðu hann, hverr hann væri, eða hversu ma Johannes 5 kallaz spamaðr sannleiksins, ef hann er þo gagnstaðligr orðum sialfs sannleiksins. En sæll Gregorius leysir þat sva, at hinn heilagi⁴ Johannes var Elias i anda, eptir því engillinn sagði, at hann mundi fyrir fara drotni i krapti oc i anda Elie; var þat oc viðrkvæmiligt, at drottinn Jesús segði [lærisveina sina andligan 10 skilning af Johanne hafas, þar sem þeir hófðu [af honum greiningarvit þegar⁶ til þess at skilia andliga luti, oc því kallaði hann Johannem Eliam, at hann var a þa leið skipaðr til þess at vera fyrirrennari lausnarans i hinni fyrri hans tilkvomu, sem Elias man vera fyrirrennari domandans⁷ i hinni siðarri hans hingat- 15 kvomu. Baðir voru þeir skirlifir oc baðir [neyttu þeir sparlliga fætzlu⁸, baðir voru þeir i eyðimork, baðir voru þeir ofagrlliga bunir, baðir þoldu þeir reiði konungs oc drotningar, annarr Achab oc Jezabel, enn annarr Herodes⁹ oc Herodiaden. Helias stemdi Jordan¹⁰, meðan hann gekk yfir hana, en Johannes skirði drottin 20 i þeiri somu á. Elias var numinn af iorðu, til þess at eigi yrði hann fanginn af sinum uvinum, en sæll Johannes var fyrir orð sialfs sannleiksins koronaðr með pislarvættis koronu, til þess at hann vægi deyandi sigr a ollum sinum uvinum. Enn sæll Johannes sagði flokkum, at hann væri eigi Elias oc neitaði því [af 25 skilningum¹¹, sem Jesús sagði fram af andanum, atti hann með rettu letrlegan¹² skilning obokfroðri alðyðu at segia, sva sem Jesús matti rettliga sinum lærisveinum andligan skilning segia. Var því hvargi oðrum gagnstaðligr Jesús oc Johannes. Þvi sagði drottinn, at sa skyllði heyra þessi lof Johannis, sem eyru hefði, at til þessa 30 vanz eigi likamlig¹³ heyrn at nogu, su sem allir hófðu, þeir sem hia stoðu, helldr [andligr skilningr, sa¹⁴ sem postolarnir hófðu oc þeira eptirkomendr.

Oc þa er [varr herra¹⁵ lauk sinu mali, lofaði oll alðyða með Kristz lærisveinum guðlig dayndi¹⁶, þau sem veitt voru sælum Jo- 35

1 fornum C, D. 2 mgl. C, D. 3 kalladr C. 4 Her mgl. 1 Blad i C.

5 [lærisveinum sinum andligan skilning af Joh. D. 6 [þegit greiningarvit D.

7 domarans D. 8 [voru þeir sparneytnir D. 9 Herodis D. 10 iord-

ina (!) D. 11 [i skilninginum D. 12 lettligan D. 13 likams D. 14

[andlig, su D. 15 [Jesús D. 16 daaindi D.

hanne. Sva oc bersynðugir menn, þeir sem fyrrum¹ voru skirðir með skirn Johannis, lofuðu guðligt rettlæti oc truðu kenningum hans. Enn Pharisei oc logspekingar höfnuðu guðs raði oc villdu eigi taka skirn af honum, oc þa tok hann at tala til þeira sva
 5 mælandi: „Hveriu skal ek lika telia menn þessarrar ętta, nema þeim sveinum, sem a torgi sitia oc tala til sinna iafnalldra: sungum² ver, oc sungu þer eigi, syttum ver, oc syttu þer eigi. Johannes baptista kom til yðvar oc snæddi eigi brauð oc drakk eigi vin, oc kaulluðut þer, at diofull væri með honum; mans sun kom til
 10 yðvar, sa sem at oc drakk, oc kolluðu þer hann etara oc ofdrykkiu-mann oc vin bersynðugra manna, oc kendiz spekin retlat af[sonum sinum³.

Sæll Jeronimus segir, at þessi orð hafi þann skilning, sem Jesus hafi sva mællt: Sveinar minir, þat er lærisveinar oc kenn-
 15 arar minna boðorða, þeir sem⁴ sitia a torgi eða akri predicanar ok kenna, hversu kaupa skal himinriki með andvirkis goðra verka sinum iafnolldrum, þat er yðr ebreskum monnum þeim sem erut⁶ samtíða, oc því at þer villdut eigi heyra, því toluðut þer eigi at eins, helldr kolluðut þer með fullum kverkum: [Sungum ver⁷ fyrir
 20 yðr, þat er sva at skilia, ver kendum yðr at lifa með skemtán oc hoglifi oc bindendi annmarka oc með ast mannkosta, oc villdut þer eigi eptir því likia, oc þessu næst syttum⁸ ver fyrir yðr, þat er [ver syndum yðr sutfullan⁹ lifnað iðrandi manna oc þeira, sem með meinlætum vilia ser afla eilífs verkaups¹⁰, oc höfnuðu þer því iafn-
 25 vel sem enu fyrra dæmi, oc er þat eigi undarligt, þo at þer fyrir-litið tvenna heilsugotu, þar sem þer höfnuðut bæði fostunni oc saðningunni. Enn ef yðr likaði fastan oc harðlifit, fyrir hvi mislikaði yðr Johannes, sva at þer kolluðut hann diofuloðan. Ok ef yðr likar hofsamlig saðning, fyrir hvi mislikaði yðr manz¹¹ son,
 30 sva at þer kolluðut hann etara oc ofdrykkiumann oc vin bersynðugra manna? Nu þo at þer villdut hvariga þessa kenning þekkiaz, kendiz spekin, þat er guðlig tilskipan oc kenning oc ek, þvíat ek em [guðs kraptr¹² oc speki rettlæt, þat er at skilia, hafa rettliga gert af sinum sonum postolum minum, þeim er faðir vitraði þa
 35 luti, sem hann fal fyrir þeim, er ser sialfum synduz spakir oc

1 fyrr D. 2 saal. D; syngium A. 3 [saal. D: sinum vinum A. 4 at tilf. D. 5 andvirdi D. 6 eru D. 7 [saal. D; syngium A. 8 rettet; lystum A, D. 9 [syndum ydrum hæfer at fylgia D. 10 lífs D.
 40 11 mansins D. 12 [gud D.

vitrir, sem þer eruð. Sumstaðar er sva ritað, at spekin syndiz retlat af verkum sinum, þviat hon leitar eigi þess vitnis, er með monnum er borit, helldr með goðu verki. Eptir þat letti Jesus af at tala lengr at sinni við Juda af fyrr nefndum Johanne.

Fra Herode.

5

34. Þa er þessi enn tiguligi¹ cedrus paradisi hinn sæli Johannes uleysiliga² plantaðr oc groðrsettr með enum sterkuztum rotum hinnar haleituztu truar, sva at hann bognaði hvergi fyrir striðum stormi diofulgra umsata oc mannlígra motgerða ne fyrir bliðum blæ eptirmæla, stoð i guðs vingarði við hialpsamlígar upp-¹⁰ sprettur hinna eilífu vatna með biortu³ blomi blezaðra dæma⁴ oc með algervum avexti agætra mannkosta oc hinna virðuligstu verka, skyniaði hinn illi oc hinn eitrsfulli dreki, sa sem uvinr er allz mannkyns oc ekki veit ser verra oc vælottara ne illgiarnara, utelianlīga skaða verða a sinu niðinglīga ríkis fyrir⁶ marghattaða¹⁵ framkvæmð oc fyrir dyrlíga predican Johannis baptista⁷; tendraði hann hiortu sinna briostfastlígra⁸ vana Herodes tetrarche oc hans horkonu, þeirar sem fyrr er nefnd, með enum heituztum logbrondum liotlegrar lostasemi oc þar með [hinnar vestu ófundar⁹, illvilía oc grimðar, til þess at fylla þat et illa overkan með hondunum at²⁰ ræna lífi sælan Johannem, sem aðr gerðu þau i huginum, oc sa, sem [fra upphafi¹⁰ eggiaði þau til illvirkissins, gaf nu færi framkvæmdinni. Nu¹¹ þvi at þetta verk syndiz liott fyrir monnum, settu þessir fyrr nefndir illivismenn þær gilldrur til þessa efnis¹², at þau fengi þat unnið með listulígu svikum, sva at skamsynum²⁵ monnum syndiz [þessi goði maðr helldr af lífi raðinn fyrir verkin eða ríkissins nauðsyn en fyrir eina saman illgirnd, þviat vandr maðr finnr íafnan klokskap til þess, at ofroðum monnum syniz¹³ i þeim verkum fylgt laugunum, sem fullkomlīga eru fyrir guði at moti logunum. Ok þvi at nu var at þeiri stundu komit, er enn³⁰ eilífi faðir villdi leiða enn agæta Johannem or bondum ens dauðlīga líkama til hvíldar, gaf hann fyrr nefndum Herodi valld yfir hans líkamlígu lífi, at fyrir pislarvættis sigr mætti hans verðleíkr [uætlanlígr verða¹⁴ i andlígu lífi.

¹ ogurlígi D. ² oleynilíga D. ³ blíðu D. ⁴ fagnaða D. ⁵ saal. D; 35
tru A. ⁶ yfir D. ⁷ baptiste D. ⁸ briostsamlígra D. ⁹ [saal. D;
hinna verstu ófund oc A. ¹⁰ [saal. D; i huginum A. ¹¹ mgl. D. ¹²
oefnis D. ¹³ [mgl. D. ¹⁴ [uætlanlīga vaxa D.

Hinn visi Josephus sagnameistari Juda greinir i sinni bok, at su hafi¹ verit dauðasok þessa guðs vinar hins sæla Johannis, at hann predicaði folki iðran annmarka² oc at elska raðvendi oc retlæti oc aðra mannkosti. Oc því at hann veitti monnum skirn, samnaðiz til hans mikit folk. En því at Herodes hellt i þenna tima strið við Aretam konung oc Herodem konung³ broður sinn, ottaðiz hann, at sa lyðr, sem af Johanne heyrði aeggian, þa er hann kendi goðlifnað⁴ oc raðvendi oc gaf þar til af guðlegu lögmali fauðurlegar⁵ roksemðir, mundi eigi vilia með honum beriaz oc veria uðaðir hans oc orskemðir, villdi hann fyrr⁶ enn [nauðsyn liðsdrattar⁷ dytti⁸ a, ræna Johannem lifi oc gefa honum þenna liðsundandratt oc landrað at sok helldr enn eina saman rettyrði oc heila kenning, þa sem guðs maðr lagði alldri niðr þa .xii. manuðr⁹, er hann sat inni. Ok segir Eusebius byskup Cesariensis, at Herodes¹⁰ vissi, at naliga var allr lyðr skirðr skirn Johannis, oc var buinn at gera allt, þat er hann bauð, oc kom enn optliga til hans. Villdi hann því drepa Johannem, at hann ætti¹⁰ eigi lif sitt [eða limar¹¹ undir hans tungurotum, því at [hann truði¹¹ folkit eigi mundu heyia þessa orrustu, nema Johannes segði, at þat væri leyfiligt. Þo var sva mikil undirhyggia Herodis, at hann let, sem hann legði trunað a kenning Johannis oc heyrði hann giarna, oc gerði marga luti at hans skapi, sem guðspiallit seger.

*Pisl Johannis baptista*¹³.

35. A næstum paskum eptir þat sem Johannes var i myrkva-stofu settr, helldr Herodes tetrarcha burðartið sina með myklu fiolmenni, oc bauð hann til sin ollu stormenni oc höfðingium Galilee. Sva segir sell Jeronimus, at tveir hofðingiar hafi halldit burðartið sina, Pharao Egiptalandz konungr oc þessi Herodes. Nu því at eitt var hatiðarhalld beggia þeira¹⁴ oc ein umilldi hvarstveggia þeira¹⁴, flekkuðu þeir¹⁴ baðir sitt hatiðarhalld með manndrapi. Vann þo Pharao því minna illfelli, sem hann var fiarlægri enu sanna siðlæti oc heiðinn maðr drepanði sinn steikara fyrir sannar sakir; enn Herodes, sa sem i log hafði gengit með ebreskum monnum, þo at hann helldi illa, fell eigi i obreytta manndraps sok, helldr

¹ hafði D. ² synda D. ³ mgl. D. ⁴ saal. D; guð lofaðan A. ⁵ fagrligar D.

⁶ saal. D; fyrrum A. ⁷ [liðsdrattr D. ⁸ Med dette Ord beg. atter C.

⁹ manadi C; manudi D. ¹⁰ saal. C, D; atti A. ¹¹ [tilf. C, D.

¹² [saal. C, D; þeir truðu A. ¹³ Her segir fra drapi Johannis baptiste C.

¹⁴ mgl. C, D.

let hann þann af lífi taka, sem lífit var ollum dugandi monnum
oc saunn gleði, enn dauðinn ofharmr oc ogleði.

Enn i þann tíma dags, sem menn snæddu oc drukku, gekk
inn dottir [Herodiadis oc stiupdottir Herodis¹ oc læk með mikilli
list. Sumir meistarar segja hana a hondum hafa gengit með margs- 5
kyns kukli, sva at ekki hafi niðr fallit klæði um hana, sem [sligt
ma þikkia eigi olikligt², þar sem finz i helgum bokum, at kveld-
riður eða hamleypur³ þykkiaz með Diana gyðiu oc Herodiade a
litilli stundu fara yfir stor höf riðandi hvolum eða selum, fuglum
eða dyrum, eða yfir stor lond, oc þott þær þikkiz i likama fara, 10
þa vatta bækur þat lygi vera. Syniz líkligt, at þær meðgur hafi
þesskyns konur verit, er sialfr ovin allz mannkyns synir þær⁴ sva
sem foringia [þeira illvirkias. Sumir segja, at hon hafi kveðit
með listuligum⁶ nota⁷ mansaungscantica oc þeytt þar eptir með
mikilli kunnastu margboraðar pipur. Vit þenna hennar leik varð 15
Herodes undarlliga glaðr, sva at hann gaði sin varlla, at því er
alþýðu syndiz, oc hann sor at gefa henni fyrir þessa sina skemtan,
hvat er hon villdi, oc sva þo at hon beiddiz at eiga⁸ halft ríki
hans. Mærin for þegar oc fretti móður sina, hvers hon skyldi
beiðast, oc eigi sem uvítandi vælar. Enn hon svaraði: „Eigi 20
skalltu annars beiðaz en höfuðs Johannis baptiste.“

Her af þessu efni talar hinn mikli Augustinus i sinum sermone:
Se her ena fornu illzku konunnar, þa er Adam tok¹⁰ or paradisar
fognuðum. Hon gerði himneska menn iarðliga oc drekði allt man-
kyn i helviti oc tok lífit fra ollum heiminum fyrir epli ens uleyfða 25
tres. Þetta grand leiþir mennina til eilífs alldrtila. Hana flyði
Elias spamaðr, sa er með sinni tungu luktí ok lauk upp himininn¹¹,
oc hann for fyrir henni hriaðr oc rekinn, oc þann manninn, sem
hon finnr reinan, gerir hon saurgan. Hon leiddi oc i girndarbruna
oc þrongving David psalmistam, oc drap nu Johannem baptistam. 30
Hon fyrirlegggr bernsku oc tapar æsku, lokkar fulltiða alldr, en svíkr oc
snarar oc unaðar örvasa¹² oc aldaða elli. Mærin tiltempruð¹³
af sinni mæðr talaði við Herodem: „Gef mer nu a diskí höfuð
Johannis baptiste.“ Hinn sæli Jeronimus segir, at því beiddiz Her-
odiadis¹⁴ höfuð spamanzins, at vera kann, at hon hafi eigi kunnað 35

1 [Herodes ok Herodiadis C, D. 2 [líkligt ma þikkia C, D. 3 hamblaupur
C; hamhleypur D. 4 saal. C, D; þeim A. 5 [þessarra illferða C, D.
6 listugum C. 7 notum D. 8 eignaz C, D. 9 Engis C; einskis D.
10 red C; rak D. 11 himnenum D. 12 alldr tilf. C. 13 temprud C. 14
Herodias C, D.

allan klokskap Herodis oc yfirdrepskap, oc hafi ætlat, at hann mundi við sik rakna oc lyða raðum Johannis, ef eigi væri hann afraðinn, ella mundi hann gera þa bræðrna satta, oc mundi fyrir þetta annathvart losna hit uskira samlag þeira Herodis. Fyrir
 5 þvi villdi hon sem skiotaz lata fram koma ohappit. Enn talar Augustinus af meyiunni með þessu atkvæði: Mærin hitnaði af lostasemi oc blauðaðiz¹ i huginum um² þat saurga samband, sem milli moður hennar var oc Herode tetrarcha, þar fyrir slokði hon lampa heimsins.

10 Enn þa er Herodes heyrði bæn hennar, bra hann a sig ugleði fyrir boðsmonnum. Enn segir hinn sami Jeronimus, at með sialfum ser yrði hann geysi glaðr, þa er hann sa, at fram mundi koma fyrirætlut væl, oc segir sva: Yfirdylmari³ eiginligns hugar oc meist- ari [slægrar vigvælar⁴ bra rygð i anndliti en gleði i briosti, en
 15 sakir sins særis oc boðsmanna bauð; hann giora hennar vilia. Enn eigi afsaka ek hann sva, at hann hæfi oviliandi⁵ framit manndrap til þess at hallda sērit⁷, þar⁸ sem hann sor eigi fyrir atburð, helldr til þess at hann byggir⁹ [nyia vėl¹⁰ ukomnu svikræði, oc hann mundi þenna eið fyrir ekki haldit hafa, ef hon hefði beidz hófuð
 20 einshvers hans elskaðra vandamanna. En þat er auðsynt, at hann atti þat at vinna a spamanninum, sem hann villdi eigi vinna a sinum naungum.

Her rennr inn su spurning, hvart maðr skal eða eigi hallda, ef hann sverr at gera eitthvert bannað verk, annaðhvart vilianliga eða
 25 kugaðr til eða hvatvislega. En Leo pafi leysir or, at eigi skal eiðr illzkuband vera, þat er at skilia, at iafnan þa er ver sverium þat at gera, sem aundinni snyst til haska, skulum ver riufa eiðinn, en taka skriptir fyrir oskynsamlig¹¹ særi. Þvi at sva segir Liber Regum [hinn fyrsti¹², at David konungr sor i bræði¹³ at lata drepa Nabal
 30 i Karmelo, þann mann sem aðr hafði við hann sakir gert, enn fyrir sakir¹⁴ Abigail huspreyiu þessa manz, rauf hann þetta sēri oc gaf Nabal grið oc mællti: „Se blezaðr drottinn guð Israels¹⁵, sa er i dag sendi þig mer at moti, oc blezað se þitt mal oc þu sialf, þvi at þu bannaðir mer i dag at steypa ut manligum dreyra oc hefna min með minni hendi.“ Oc er Nabal varð vis tiltekia¹⁶ oc
 35

¹ blandadiz C, D. ² vid C, D. ³ yfirdyliari D. ⁴ [slegligna vigvæla C, D. ⁵ bad, C, D. ⁶ saal. C, D; viliandi A. ⁷ særin D; mgl. C. ⁸ saal. C, D; þat A. ⁹ bioggi C. ¹⁰ [nyiar vėlur C, D. ¹¹ oskynsamligt C, D. ¹² [saal. C; hin fyrsta D; hinn fyrsta A. ¹³ reidi D. ¹⁴ benir C. ¹⁵ Israel C. ¹⁶ tiltekta C, D.

orða Davids, fell a hann sva mikit hugar¹ angr, at hann var dauðr, aðr .x. dagar [voru liðnir². Oc lofaði David þa enn af nýiu guð, [þann er³ hefndi hans meingerða, þeira sem hann hafði eigi hefnt. Oc eptir þat tok hann ser til [eiginnar huspreyiu⁴ fyrr nefnda Abigail⁵ ena beztu konu. Sva vattar guðspiallit, at Herodes⁶ gerði sig hryggvan⁶ i yfirbragði við bæn meyarinnar, enn sakir sins særis oc sinna boðsmanna sendi hann til þess sinn þionustu- mann at hoggva af bol hofuð spamanzins. Sva segir hinn sami Jeronimus: Umilldina huldi Herodes með yfirbragði milldinnar, oc uhæfuna afsakaði hann með særinu, oc kallaðiz eigi vilia meyna¹⁰ hryggva sakir boðsmanna, at þeir hrygdiz eigi sakir hennar hryðar, oc villdi alla gera luttakara glæpsins, þa sem hann hafði samlaga boðsins⁷. Eptir þat for þessi rækiligi þionn hins udygga hoðingia oc hio af bol hofuð sæls Johannis i sialfri myrkvastofunni. Var þat þegar fram borit a disk i holl Herodis oc gefit meyiunni, enn¹⁵ hon gaf þat mæðr sinni.

Af þessu efni segir Augustinus: Heyrt hafi þer, bræðr, hversu mikill grimleikr fæddiz af munugðinni oc umildleikr af lostaseminni; þat hofuð Johannis var nu a disk i borit i samkunduna, sem með roksamligri aminning hafði aðr bannat hordoms uhæfuna⁸, oc af²⁰ þessi ohæfunni bar hollin a ser figuru þess villidyragarðs, sem menn [etia dyrum⁹ til skemtanar eða lata þau sundr rifa einhveria ser fengna brað, oc heitir sia staðr arena, enn þessi en umillda skemtan spectaculum. Borðit berr a ser figuru braðaholu, menn- inir geraz villidyr¹⁰, oc þeir sem aðr skemtudu ser við drykkinn,²⁵ skemtudu ser nu við dauða spamanzins. Drykkir blandaðiz við reiðina, vistin likðiz hræm¹¹, vinið varð at bloði, dauðadagrinn af burðartiðinni, en upprasin at örlagi¹², mannfagnaðrinn at mann- drapi, organin sneriz i dauðasut, skemt看in var glæpsamlegar her- vikinga gerðir. Inn gekk dyrið, en eigi mærin, oc hirði framarr³⁰ haufuðit at fa helldr enn leikinn at fremia; fram rann villidyrð, enn eigi konan, oc dreifði faxi um sviræ helldr enn meyligu hári um meyligan hals með marghattuðum hvekkingum; limirnir toku at vaxa af aukningum olmleiksins, oc varð hon mikil [at grimleik¹³ enn eigi at likama; freniaði¹⁴ þat með munni en gnisti tönnum,³⁵

1 volad ok tilf. C. 2 [væri liðnir C; lídu D. 3 [saal. C, D; þat er hann A. 4 [eiginkonu C, D. 5 Bygail A. 6 (o)gladan C. 7 bordsins C. 8 atferdina D. 9 [eti audrum C. 10 spillidyr C, D. 11 hræum C, D. 12 aurlaga(!) C. 13 [saal. C, D; oc grimlig A. 14 saal. A, C; emadi D.

til þess er þat fekk braðina; beitti¹ þat vapninu, en tok eigi a
 ser [vapnit; tilbeðin af mæðrinni hellt hon fram rautan bænar-
 innar, til þess er hon fekk² tafnit; af beit hon hofuðit, enn let
 eptir styfðan bolinn. Siam her nytt dyr³ oc fagætt dyr, þat er
 5 af slitr hofuðit en leifir allan bukinn. Enn eigi⁴ skal ætla, at ver
 vilim⁵ til slikra luta kalla, helldr fra kalla, oc vilium ver þo kalla
 vattandi fagnaði hatiðar varrar oc vattandi roksemðir til hatiðar
 varrar. Se með því moti fagnaðir varra manna, at hatiðleg gleði
 se halldin með hofsamligriskemtan; se Krístr opinberliga með oss
 10 oc meðal krasa varra, sva at ver halldim varar samkundur⁶ með
 roksemð sialfs upphefiarans; se sialf natturan vegsomut, su er oss
 leiðir i þetta lif, fagnaðr fæzlutoku varrar snerti fatæka menn
 Krístz; se hyski vart glatt með grandalausum fagnaði oc goðri
 lering⁷; se engi ofdrykkia ne urein lostasemi[; se i brottu blóðsut-
 15 helling, kukl ok klækiligir leikar, mansöngr allr, sa er kveikir
 lostasemi⁸ oc munuðlifi; skynlaus offylli oc skipbrot hugar se af-
 sniðit með enum synðafulla snæðingi Herodis, at nu verandi gleði
 se oss til æverandi gleði. Ok til þess hofum ver snuit malshætti
 varum til Herodem, at sa hverr, er heyrir, megi at nogu skilia,
 20 hvílik er dyrð þessa pislaryattz hins sæla Jóhannis, oc hvílik er
 eymð oc vesöld ens grimma hervíkings Herodis, því at Jóhannes
 var fæddr at skilia guði af sinum dauða, en Herodes do a sinni
 burðartið.

Hinn sami Jeronimus segir, at sva er lesit i Historia Romana,
 25 at sa hertugi sem⁹ Flamíneus het veitti einni portkonu, þeiri sem
 i þeiri veizlu var inni sem hann hellt, at lata drepa einn mann i
 sialfri veizlunni dauða verðan, fyrir þa sok at hon letz alldri¹⁰ set
 hafa a neins mans¹¹ bana. Oc þa er Romveriar vissu þetta hans
 tiltæki, raku þeir hann or sinni tign, fyrir þat er hann hafði snæð-
 30 inginn blóði blandit oc [veitt mannum þoat meinsomum¹² bana
 auðrum til skemtunar, til þess at saman blandaðiz saurlifi oc
 manndrap. Enn þo var langt fra þessu sekð Herodis oc Herodiadis
 oc meyarinnar, þeirar sem lek oc fyrir leikinn beiddiz hófuð spa-
 mansins, oc vildi i valldi hafa þa tunguna, sem fyrirbauð it bann-
 35 aða brullaup.

1 hetti C. 2 [mgl. D. 3 tafn D. 4 engi C, D. 5 mann tilf. C,
 dæmi D. 6 samkundir C; hatidir D. 7 lækning C. 8 [tilf. C, D.
 9 er D. 10 alldrigi C. 11 manz C. 12 [saal. C, D; veitti þo
 mannum meinlausum A.

Fyrr nefndr Josephus segir, at þessi tíðindi gerðuz in Arabia i þeim kastala er Macheronta heitir, en þar hafði sæll Johannes aðr i bondum setið¹. Enn þeir lærisveinar, sem inn heilagi Jeronimus segir oc verit hafa Kristz lærisveina, gripu sins dyra meistara likama hofuðlausan oc grofu i þeiri borg, sem þa het Samaria, 5 en síðan var hon niðr brotin oc i annat sinn uppsmiðut oc kollut Sebaste. Enn hofuð Johannis var i iorð grafit at Jorsolum nær herbergium þessa Herodis i fõtu einni, þvíat hann truði þenna helgan² mann mundu af dauða risa, ef þetta hofuð neði til bolsins. Sumar þekr segia, at Herodias³ hafi grafit þat i turn Stratonis. 10

Fra villu Herodis⁴.

36. Litlu síðar heyrði þessi sami Herodes frægð, þa er for af Jesu, oc mællti [til sveina sinna⁵: „Þessi er Johannes baptista, sa sem ek let halshöggva, risinn af dauða, oc því geraz takn fyrir 15 hann. [Oc her eptir girniz⁶ hann at sia Jesum. Sea ma hverr maðr, er þetta heyrir, hversu mikit mark Judar gafu til, hve⁷ mikils verðleiks sæll Johannes var fyrir þeira augum, þar sem þeir truðu þann mann, sem ekki takn gerði i sinu lifi, mega af dauða risa; enn i annan stað, hversu mikilliga þeir fyllduz ofundar 20 moti varum herra, er þeir villdu helldr trua hann stolinn af grof fyrir hendr sinna lærisveina enn af dauða risinn, þar sem hann var reyndr at taknum oc stormerkium, oc i hans dauða skulfu allar hofuðskepnurnar, oc hans upprisu oc uppstigning til himna vattuðu konur oc karllmenn, postolar hans oc helgir⁸ englar. 25 Þessu næst komu þeir, sem grafit höfðu Johannem, til Jesum oc sogðu honum tíðindin. Enn hann fekk ser eitt litið skip oc for a því i eyddan stað, oc kom til hans mart folk, oc þa saddi hann .v. þusundir⁹ manna með .v. byggleifum oc .ii. fiskum nær paskum. Hinn sæli Jeronimus segir sakir þessarrar brotferðar 30 [Jesu Kristz¹⁰ hefning dauða sæls Johannis, at þeir væri afsviptir raudð oc tungu spadomsins, er spamanz höfuðit höfðu af höggvit, ella hefði¹¹ drottinn þyrmt ovinum sinum, at eigi soðlaði þeir glæp a ohapp oc tengði manndrap við manndrap; ella hefir¹² hann viliat dvelia dauða sinn til annarra paska, þar sem hann 35 bar a ser liking þess paskalambs, er þa var sæft oc riðit bloði a

1 verit hafdr C, D. 2 heilaga C, D. 3 Herodes C, D. 3 Af Jesu capitulum C. 5 [við sveina sina C, D. 6 [eptir þat girntiz C, D. 7 hversu C, D. 8 himneskir C, D. 9 þusundrat C. 10 [mgl. C, D. 11 hafi C, D. 12 hafi C.

ofdyri oc dyristafi¹ rettruaðra manna. Sva vattar oc heilagt guðspiall, at eptir myndskipting² drottins gengu at honum nokkurir af Phariseis oc sogðu: „Heyrðu, Jesus, vertu³ i brottu heðan, at skilia af Galilea, þviat Herodes vill drepa þig.“ Enn hann svar-
 5 aði: „Segit ref⁴ þeim, at nu rek ek ut diofla⁵ i dag, en a morgun veiti ek heilsugiafir, enn a þriðia degi mun ek upp neytaz eða fullgera; þviat eigi tekr, at skilia, ritningin, at spamaðr, at skilia⁶, ek sialfr þola⁷ dauða fyrir utan Jerusalem.“ Sem hann segði⁸: Aðrir munu mig pina, enn eigi Herodes, þo at hann
 10 villdi giora þeira glæp sinn glæp. Ek legg lif mitt, enn a fyrsta degi dauða mins man ek svipta dioful i helviti sinu herfangi; annan dag man ek leiða leyst folk i hvild oc syna þvi upplokit hlið paradisi eða skipa i ena iarðlegu paradisum, þa sem i ut- hafinu er skipuð til austrættar, sva sem aptr gefandi mannum þa
 15 heilsu, sem hann hafði tapað; a þriðia degi man ek fullgera mina upprisu eða gefa minn likama minum monnum at neyta.

Fra sneypu Herodis.

37. Þat segir sæll Jeronimus, at þessum sama Herode, er
 20 vera villdi banamaðr sealfs drottins, sem nu heyrðut þer, oc siðarr samðykti pisl hans oc klæddi spottsamliga¹⁰, kom skiot hefnd [yfir hann¹¹, fyrir þat er hann sparði eigi sig til enna mestu¹² ohappa, þviat litlu eptir dauða Johannis selldu Judar¹³ hann eptir mikit manntion, þat sem hann fekk af liði Arethe konungs sins
 25 mags, sialfan hann¹⁴ með mikilli sneypu vesaliga bundinn honum¹⁵ i hendr, en þo sakir Romveria, þeira sem hann helt riki af, var hann aptr settr i sitt vald oc helt þvi, meðan Tiberius keisari lifði¹⁶, enn at honum liðnum hof Gaius cesar til rikis in Judea Agrippam son Aristoboli en bróður Herodiadis. Þessi rægði nafna
 30 sinn Herodem tetrarcham [oc bar a hann¹⁷, at hann ætlaði at striða¹⁸ með Tyrkiakonungi móti Romverium. Fyrir þat voru þau bæði flutt i eilifa¹⁹ utlegð Herodes oc Herodiadis oc dottir hennar i Lugdunum borg fyrir norðan fiall i Gallia, oc voru þau þar til dauðadags.

35

1 at tilf. C, D. 2 saal. D; myndskiptis C, myndskipining A. 3 verdu C.
 4 saal. D; þer A, er C. 5 saal. C, D; dioful A. 6 saal. C, D; skula A. 7 þoleg C. 8 Her indfal/ler en Lacune i D. 9 Er Herodes villdi fyrir-
 fara Jesu C. 10 spottligu klædi C. 11 [mgl. C. 12 hestu C. 13 þiodir C.
 14 saal. C; sig A. 15 saal. C; þeim A. 16 saal. C; hellt riki A. 17
 40 [saal. C; þvi A. 18 saal. C; riða A. 19 saal. C; eina A.

Líkami Jóhannis var brendr¹.

38. Sva segir magister in historijs, at líkami hins sæla Jóhannis baptiste var, sem fyrr greinir, grafinn í Samaria borg, þeiri er nu heitir Sebaste, í Palestina heraði, oc la hann þar allt til þess, er Julianus niðingr ríðði í Roma. A hans dogum syndi 5 heiðinn domrinn alla grimð eptir sinum illvilja, sva sem at slitnu ollu því aptrhallzbeizli, sem aðr hepti þeira enn rangliga motgang fra því at stríða guðs kristni. Nu þvíat guðlig milldi giorði iafnan morg oc mikil takn við grof þessa ins agæta guðs vinar til styrkingar guðligri oc postoligri tru, fylltuz² þeir sva mikillar reiði³, at 10 þeir brutu leiði sæls Jóhannis oc kaustuðu beinum hans uti um akra. En því at þeir ottuðuz, at kristnir menn mundu þau saman lesa oc eptir verðleikum haleitliga vegsama, þa toku þeir [at soðla glæp⁴ a hit fyrra uhapp, at þeir söfnuðu [saman beinunum í einn stað oc fengu til menns at brenna þau oc at blanda þessarri osku, 15 sem af [þessum beinum⁶ varð, við iarðar dupti⁷ oc kasta annat sinn í vind um víða völlu. Nu þo⁸ at guðlig milldi þoldi, at þessi uhæfa færi fram, sendi hann þo með sinni fagrligri forsio⁹ í þann sama stað, sem [nu var¹⁰ nefndr, tva munka fra Jorsolum af munklífi Philippi, þess er þa var byskup í Jerusalem, oc hófu þeir 20 þangat sott til þess at flytia þar fram til guðs sínar fyrirheitnar bænr. Ok þa er þeir sa þessa ohæfu fram fara með kvikvendligum hugum, þo at mannkindin legði¹¹ hendrnar til, syndiz þeim betri skiotr dauði enn at flekka sal sína af þessarri fyrr sagðri glæpsku. Þvi logðu þeir sig í þa hættu, sva at þeir sloguz í leitina með 25 þeim heiðingiunum, er til brunans toku [beinunum at safna¹², oc með heilagri slægð oc siðlatum stuld toku þeir leyniliga [ok at¹³ uvitundum guðs uvinum, at því sem truiz með krapti sæls Jóhannis, í sína varðveizlu mikinn lut af þeim helga manz beinum, eptir því sem þeir komuz framast við. A meðal þessarra beina var sa¹⁴ 30 alheill fingr hins heilaga Jóhannis baptiste, sem hann retti, þa er hann syndi varn herra sinum lērisveinum. Þenna lut af líkama guðs manz hófu þeir heim til Jorsala oc færðu hinum fyrr nefnda feðr sinum Philippo. Enn hann sendi bein þessar flekklausu Cristz fornar fyrir Julianum diakn Athanasio byskupe in¹⁵ Alexandrio¹⁶. 35

1 Fra því er brend var bein Jóhannis C. 2 fylltuz C. 3 ófundar C. 4 [þann glæp at saudla C. 5 [maunnum til at safna þeim saumum beinum í einn stað ok C. 6 [þeim C. 7 duft C. 8 því C. 9 forsia C. 10 [saal. C; nil er A. 11 leidi (!) C. 12 [beinin at lesa C. 13 [saal. C; a A. 14 tilf. C. 15 í C. 16 saal. ogs. C.

Þessi Athanasius let [með færa manna vitand¹ varðveita þenna helgan dom, þar sem hann let hoggva einn steinvegg oc skiotliga aptr byrgia, sparandi ukomnum spadomi þau at finna, at eigi neði heiðnir menn þeim at misfara [nu sem fyrrum² i Sebaste. Voru
 5 þau þar folgin til dauða hins umilda Juliani, oc sva meðan Jovinianus rikði oc Valens villukeisari, oc Gracianus oc Valentinianus hvartveggi, Maximus oc Eugenius. Ok þa er hinn mikli Theodosius tok heiðnum domi at niðra³ oc skurðgoð at briota, eigi at eins a Italialandi oc fyrir norðan haf, helldr oc um Egiptum oc
 10 um allt Asialand, sva sem hann komz við, let Theophilus, sa sem þa var byskup i Alexandria, hreinsa hof Serapis af ollum skurðgoða sauri oc færa þangat helgan dom hins sæla Johannis baptiste. Eptir þat vigði hann þat sama hof til lofs oc dyrðar drotni varum Jesu Kristo oc þessum hans agæta fyrirrennara Jo-
 15 hanni, var hann þar dyrkaðr langar stundir, sem menn kunnu framast oc makligt var.

Um [förslu hofuð(s)⁴ Johannis.

39. Sva segia helgar bækr, at haufuð þessa hins agæta
 20 manz guðs vinar oc fyrirrennara Johannis var at Jorsolum grafit, sem fyrr vattar i þessarri frasogn. En nær xl.5 vetra eptir pisl Kristz, þa er hann villdi hegna Juðum fyrir þat, er þeir hofnuðu hans heilagri tru oc helltu ut hans signaða bloði oc hans hinna kærustu vina, brutu Romveriar niðr Jorsalaborg oc drapu i henne
 25 utaligan⁶ fiolða þeira, [sem þa lifðu⁷ ebreskra manna, en selldu þat, sem eptir lifði, i þrældom naliga um allan heim undir þessum keisorum Vespasiano oc Tito. Ok eptir langa tima komu kristnir menn þangat, oc vonduz at flytia þar fram bænir sinar guði til dyrðar en ser til synda aflausnar⁸, oc a þeim dogum komu þangat
 30 tveir munkar af austrhalfru heimsins þessa⁹ sama eyrindis¹⁰ at biðiaz tyrir oc sea helga staði. Þessum munkum vitraðist sæll Johannes oc mællti við þa: „Farit þit, sagði hann, i þann stað, sem forðum var [herbergi Herodis tetrarche¹¹, oc leitið þar hofuðs mins, oc síþan þit hafit þat fundit, veitið því vegsamligan gropt,
 35 sem skylldugt er.“ [Eptir þat birti hann þeim þenna stad ok hvarf fra þeim at syn. Þeir foru ok fundu stadinn ok grofu þar iord,

1 [saal. C; fara an manna vitand at A. 2 [tilf. C. 3 myia C. 4 [saal. A i Margen, i Texten fystu boð; ferðslu hofut C. 5 fiorumtigum C. 6 otaululigan C. 7 [manna sem þa lifdu af kyni C. 8 lausnar C. 9 saal. C; oc til A. 10 saal. C; eyryndiz A. 11 [saal. C; hertugi Herodes tetrarcha A.

hittu hófudit ok urdu storum fegnir¹. Eptir þat sneru þeir a sinn veg með mikilli gleði oc baru með ser þat hit helga hófuð i fotu einni. Enn a þessum veg slotz i for með þeim einn ukunnigr² maðr; þeir letu hann bera þat, sem þeir hófu til þunga. En einn dag þa er þeir logðuz til svefns, hliop þessi maðr fra þeim með hófuðit³ 5 oc bar þessa dyrliga³ fehirðzlu i þa borg sem Emissa het, oc stoð i því heraði, er Fenitia⁴ heitir fyrir utan haf. Þessi maðr varðveitti nu nefndan helgan dom leyniliga i sialfs sins husi oc vegsamaði hvern dag með fullri alvori, enn við sinn dauða sagði hann ongum til utan sinum erfingia. Þessi veitti ok með likums hætti⁵ 10 makliga vegsemð sælum Johanni. [Eptir þat tok at gleymazt at hann lidinn minning þess heilaga hófuds af hans eptirkomandum. Sa motburðr vard i þessi borg, at þeir menn, sem þar bygdu, hófu fyrir sakir ymisligrar ohamingiu tynt því riki, sem þangat hafði at fornu legit⁶, enn meðan hófuð sæls Johannis var þar¹⁵ skynsamliga varðveitt oc vegsamat, veittiz borgarmonnum fyrir verðleika þessa agæta guðs vinar margskyns æra oc auðigleikr. Þat fylgði oc, at síðan hans minning var gleymt, endrlifnaði hin fyrri uhamingia, sva at margstaðar var þar auðn, sem aðr voru byggð herbergi, oc þessi staðr, sem hófuð Johannis var grafit, lagðiz²⁰ i eyði.

Eptir nokkura tima byggði þetta herbergi einn siðlutr⁷ aboti, sa sem Marcellus het. Honum birtiz i svefni syn, at hann þottiz eina á sia, oc þar sa hann sælan Johannem skira mart folk, þat sem til hans rann, i þessi somu á, oc þa, sem skirðir voru, sa²⁵ hann i skinanda klæði þaðan ganga i hit biartasta borgarhlið, oc toku biartir menn við þeim oc leiddu þa i unaðsamliga staði. Hann þottiz þa at ganga oc vilia skirn taka af guðs manni, [en hann sa⁸ hann með gloðu [hiarta oc⁹ andliti til sin [talanda oc vattanda¹⁰, hversu hans hófuð hafði i þessa¹¹ borg Emissam komit oc þar³⁰ lengi uvirðuliga grafit verit, oc sva hvar þat var folgit. Eptir þat vaknaði hann oc for þegar til byskups, þess er i borginni var oc styrði guðs kristni oc Julianus¹² het, oc sagði honum sina vitran. Enn hann lagði fostu a allan borgarlyðinn, oc for síðan með klerksveit oc morgu folki i þann stað, sem abotanum var birt, oc eptir³⁵ lyktaða bæn leituðu þeir til oc fundu hófuðit¹³ i enni somu fōtu

1 [tilf. C. 2 okunnr C. 3 dyrligu C. 4 Phenicia C. 5 slikum C. 6 [tilf. C. 7 prestr ok tilf. C. 8 [ok sa C. 9 [mgl. C. 10 [saal. C; talandi oc vattandi A. 11 saal. C; þeira A. 12 Jullioranus C. 13 saal. C; hann A.

oc gerðu guði almatkum¹ þakkir fyrir þenna fund. Eptir þat baru þeir þat til kirkiu með guðs lofi. Þa hofu þeir² höfuðit af fotunni, oc flutu þa af því bloðdropar, sva sem þat væri nyhoggvit af bol. Einn klerkr, sa sem hia stoð, hof upp sinn arm-
5 legg með ofund i moti þessu heilaga höfði oc mællti: „Hversu ma ek³ vita, at þetta se hofuð Johannis baptiste?“ Oc iafnskiott sem hann hafði þetta mællt, varð hans armleggr⁴ sva stirðr, at hann matti honum eigi breyta or því sem hann hafði hann upp hafit. Viti þat slo miklum otta a folkit, oc lofuðu allir drottin
10 Jesum Cristum. Ok er processia var gengin, fell þessi hinn tortryggi⁶ klerkr til iarðar fyrir þessu virðuliga höfði oc iataði með tarum sina sekt. Ok at lyktaðri bæn hans bættiz hondin með fullkominni heilsu, oc lofuðu allir, þeir sem hia stoðu, guðlegan matt oc hans kæran astvin selan Johannem. Var þa enn
15 hofuð Johannis i iorð grafit með hinni mestu vegsemð. Tok þa til þat hatiðarhalld [at hallda(z)⁷ quarto kal. Septembris, hatið ens sêla Johannis, i þessi sômu borg Emissa af hinum sama Marcello presti [i þa minning, er þetta sama höfuð var or iorðu tekit oc vegsamliga grafit⁸ i hinni hæstu hofuðkirkiu þessar somu borgar.
20 Sumir meistarar segia þenna dag halldinn vera i þa minning, er hans virðuligu bein voru brend oc samanlesin, oc kalla þetta annat pislarvetti Johannis, er hans heilagr domr var [brendr oc⁸ dreifðr oc með dusti blandinn.

Ok er fram liðu stundir, gleymdiz enn minning sêls Johannis
25 baptiste, sva at þeim monnum, sem þa bygðu þessa saumu borg, var ukunnigt, hvar grafit var hans hit helga hofuð, oc for sva fram þar til, er hinn sami Johannes baptista syndi sitt hofuð þeim munkum, er af Macedonia borg hoðu þangat farit at flytia þar fram sinar bænir. Ok er Macedonius⁹, sa sem þar var forstiori i
30 höll Valentis villukeisara, þess er rikði eptir Jovinianum keisara, gerði þessa vitran kunniga fyrr nefudum Valente, bauð hann, at þat helga höfuð væri flutt til Miklagarðs. Enn [þeir menn, sem hann skipaði til þessarrar sendiferðar, foru¹⁰ i Emissam borg, oc lögðu it sama hofuð Johannis i vagn, þann er hestar voru fyrir beittir, oc helldu heimleidis. Enn þa er þeir komu i þann stað
35 er Kallcedonia heitir, gatu eykirnir, þott þeir væri barðir með morgum slögum, hvergi hrærðan vagninn. Þeir gerðu þetta kynzl

¹ margfalldar C. ² upp tilf. C. ³ þat tilf. C. ⁴ armr C. ⁵ Vid C. ⁶ otryggi C. ⁷ [tilf. C. ⁸ [mgl. C. ⁹ Mardonius C. ¹⁰ [saal. C;

40 þeim monnum sem hann skipaði þessa sendiferð, foru þeir A.

keisaranum i kunnigleika¹. Syndiz honum oc ollum, þeim sem² til heyrðu, þessi motburðr uætlanligt skyssi vera, at sva styrkir eykir gæti eigi hrærðan sva litinn³ lut, sem höfuðit var. [Fyrir því⁴ toku þeir þat raðs, at grafa þann helgan dom i iorð i [þorpi þvis er Casilai heitir; var hann þar varðveittr af einni tiginni fru 5 oc heilagri mey, þar til er Theodosius hinn mikli keisari kom i þenna fyrr nefndan stað oc beiddiz at fullgera sin heit oc at flytia þat haleita höfuð til Miklagarðs. Enn mærin ottaðiz, at hinn sæli Johannes mundi eigi þola sva sem a dogum Valentis at vera þangat fluttr. Enn því at keisarinn bað hana þessa lutar optliga með tarum, 10 veitti hon honum um siðir sina bæn. Hann tok þa hirðzlu, sem i var folgit höfuðit sæls Johannis baptiste, oc lagði i sitt purpuraklæði berandi i sinum faðmi til þeirar ennar agætuztu kirkiu, sem hann hafði smiða latið⁶ i hinni siaundu milu fra Miklagarði. Var þat þar i iorð grafit með hinni mestu sæmð. 15

Ferr hofuð Johannis i Alexandriam.

40. Sva segir Speculum Historiale, at a einum tima vitraðiz sæll Johannes baptista einum heremita oc mællti við hann: „Taktu höfuð mitt i⁷ þeiri holu, sem þat er grafit, oc fær þat i Alexandriam Joranno byskupi, þangat sem bein min eru aðr varðveitt“. 20 Ok sva gerði hann. Eptir nokkur ar birtiz engilig syn munki nokkurum, þeim er til Jorsala hafði farit fyrir sakir bænahallds oc Felicius het, oc mællti við hann: „Farðu i Alexandriam, þar mantu finna i nokkurri kirkiu haufuð sæls Johannis með þrim smasveinum af Innocentibus, þar sem þat er grafit. Tak þat oc 25 oc flyt i halfur Galliarum oc i herat þat sem Aquitania heitir.“ Þessi munkr gerði, sem honum var boðit, oc lukði þessa fehirðzlu, sem honum var a hendi folgin, i einum vandlaupi. Þvi næst kallaði hann til sin lagsmenn sina. Þeir gengu þa til strandar oc stigu a skip, oc iafnskiott sem þeir hofðu fra landi latið, hof fyrr 30 nefndr Felicius hendr til himins oc augu biðandi drottin Jesum, at hann sendi honum engil sinn, þann er þeim segði leið til fyrirætlaðs staðar at varðveita fehirðzlu þessarra heilagra doma, sem hann flutti. Oc þa er hann baðs⁸ fyrir, dro upp mikit sky yfir skipit, oc af þessu skyi flaug ein dufa hvit sem snior oc settiz a 35 skutstafn skipi⁹ þeira. [Þar stoð hon¹⁰ urærilig sva daga sem

¹ kunnleika C. ² er C. ³ lettan C. ⁴ [tilf. C. ⁵ [þeim bæ C. ⁶ Her beg. 1ste Blad E. ⁷ or C. ⁸ badz C. ⁹ skips C. ¹⁰ [saal. C; þviat hon stoð A.

nætr, þar til er þeir toku Aquitaniam við siðu uthafsins¹ oc laugðu i höfn, þa er Agolinensis heitir. Þaðan gengu þeir a land sva sem tvær milur fra sionum, oc fundu þar valfall mikit sva sem .xx. þusundir manna. Eptir því sem menn hugðu, hafði þar fallit
 5 i orrustu konungr þeirar þjóðar, sem Vandali eru kallaðir, með sva morgu liði, sem nu var talt. Þessi lyðr hafði siglt af sinu landi, því sem þa hellt hann, með miklum afla oc skipastoli, oc hafði veðrstormr keyrðan allan herinn i fyrr nefnda höfn Agolinensem. Landzmenn sogðu þa þegar Pippino konungi Aquitanie, at Vandali voru þar
 10 komnir at stríða a ríki hans. Hann samnaði ollum þeim her er² hann gat, reð þegar til orrustu við Vandalos oc felldi sva gersamliga allan þeira her með sinu valldi oc liði, at engi komz umeiddr undan af sva miklum fiolða, enn af hans liði fellu at eins .xx. menn, þeir sem hann elskaði um aðra fram. Ok þa er hann hafði
 15 glaðr snuit fra orrustu þessi sakir þess agæta sigrs, er honum hafði gefinn verit, hafði hann ser latið hvilu bua i einu tialldiz af morgum landtiolldum⁴, þeim sem hann let upp reisa. Enn þa er svefn hafði fallit a hann [af mæði sokum⁵, kom yfir hann guðleg ródd, su er sva sagði: „Fyrir hvi þröngvir þu þig með svefni af leti sokum⁶?
 20 oc þat skaltu vita, at höfuð ens mikla spamanz, oc framarr enn spamanz, oc lampa heimsins, er nu hingat flutt utan yfir haf með þrimr smasveinum af liði Innocentium, oc fyrir hans nafn hefir guð veitt þer agætan sigr. Nu fara [eptir þessi somu götu sem⁷ þu hefir farit .iii. menn i utlenzkum klæðabunaði, oc heitir sa
 25 Felicius er formaðr þeira er. Ris upp þu nu oc leita þeira oc far i mot þeim, oc at fundnum tak þu við þeim með litileti, oc leita at þeir fari með friði oc samþykki sinu með þer, oc mantu þa sia stormerki guðs.“ Enn þegar konungrinn⁸ vaknaði, for hann oc allr herrinn, sa sem þa var i herbuðum, sva sem einn maðr at
 30 heyrðri kvamu þessarra manna moti þeim, berandi með ser dauða likami þeira .xx. manna, sem i orrustunni höfðu fallit. Oc at fundnum þessum utlendum monnum toku þeir vandlaup, þann sem hit helga höfuð var i hirt⁹, oc baru yfir serhveriar borur¹⁰, þær sem likin voru a borin, oc með dasamligum hætti var þa fyrir¹¹
 35 hinn dauða þeim¹² hinum dauðum lifit aptr golldit ollum¹³.“ Enn gerðuz þar önnur fleiri stortakn oc dasamligir lutir fyrir hinn

1 saal. C; hafsins A. 2 Her beg. atter B. 3 landtialldi B; mgl. C. 4 mgl. B. 5 [sakir mæði B; af mæði E. 6 mgl. E. 7 [þa somu gotu ok øvr. 8 Her end. 1ste Blad E. 9 mgl. øvr. 10 baurur C; bórur B.

40 11 þenna tilf. øvr. 12 þessum øvr. 13 mgl. øvr.

sæla Johannem. Konungrinn Pippinus let þá kirkiu gera til dyrðar þessum sama Johanni, oc let þar varðveita nu greinda helga doma, hann lagði þar til af sinu mikit herað oc eignir, oc veitti alla nauðsynliga luti þeim munkum, er þar þionuðu guði.

Fra því er talit eru lof Johannis.

5

41. Nu hofum ver yfirfarit þat, sem i guðspiollum stendr af lifi hins sæla Johannis oc hans enum dyrlega dauða, sva oc um frasnogn, hversu hans bein hafa flutt verit oc hit haleita hofuð, þo at [ver vitim¹ eigi, hversu færslur hans gegna olldrum. Þvi vil 10 ek nu telia sextan lof hans, þau sem Summa Virtutum segir, þo at þau standi aðr ser hver i hans saugu; oc þat fyrst skipað, at þat var af spamonnum longu aðr spaað, sem i hans lifi² gerðiz, sem Ysaías sagðe: Rodd kallar i eyðimork; oc þarf eigi til þessa mals vitna at leita, þar sem at sogn Mathei vattaði sealfir Jo- 15 hannes þetta af ser sagt vera. Sva spaaði oc Malachias þat, sem sialfr Jesus at vitni Mathei vattar af Johanne vera sagt: Ek sendi engil minn, þann sem þina gotu man þer fyrir bua. Sva spaði oc David i salltara þat lof, sem varr herra sagði at vitni Johannis guðspiallamanz af enum sæla Johanne baptista sagt vera: Ek bio 20 lampa eða skriðlios Kristi minum. Enn drottinn sagði, at Johannes baptista var skriðlios eða brennandi lampi oc lysandi, oc at Juðar villdu um stundar sakir fagna i hans liosi. Annat er þat lof Johannis, at getnaðr hans oc fæðing i þenna heim var fyrir engil birt, oc eigi fyrir hvern sem einn engil, helldr fyrir þann sem 25 Kristz getnað sagði fyrir, sva sem Lukas sagði: Ek em Gabriel, sa er stendr fyrir guði. Hit þriðia er þat, at hann var taknsamliga fæddr af heilögum frændum, sva sem Lucas segir, at bæði þau Zakarias oc Elisabeth voru retlat fyrir guði, oc Elisabeth var obyria, oc bæði þau höfðu aðr ekki barn att³. Hit fiórða er þat, 3 at sæll Johannes var fyrrum helgaðr⁴ enn hann var fæddr, sem engillinn sagði at, vitnisburð Luce, þess er sva segir: Hann man af helgum anda fyllaz i moður kviði. Hit fimta, at hann var spamaðr oc⁵ hof þat embætti þegar i moður kviði berandi guði vitni með spadomligum fagnaði, sem Lucas segir, at Elisabeth 35 sagði til guðs moður: Þegar er rödd þinnar heilsanar hliðaði fyrir minum eyrum, fagnaði barnit i kviði minum. Sva falslaust var þetta vitni, at hann var eigi at eins spamaðr helldr framarr

1 [menn viti övr 2 saal. övr.; lofi A. 3 alit övr. 4 heilagr övr. 5 Her beg. atter D.

en spamaðr, oc syndi Jesum með eiginligum fingri at vitni Mathei, þa er hann sagði: Se her lamb guðs. Hit setta, at hann var engill bæði at nafni oc kröptum, þo at hann væri eigi sva at natturu, sem Matheus segir: Ek sendi engil minn, eptir því sem
 5 fyrr greinir. Hit siaunda var þat, at hann var makligr [at skira guð, sem Matheus segir. Hit atta, at hann var makligr¹ at heyra fódurliga rödd at vitni hins sama Mathei, þa er sva melli: Þessi er minn son elskaðr. Hit niunda, at hann verðr at vitni guðspialls-
 10 ins² at sia hinn helga anda koma yfir Jesum i dufu liki, eptir því sem fyrrum var honum af guði feðr sagt, at sia³ mundi skira i helgum anda, sem hann sei i skirninni heilagan anda yfir koma. Hit tiunda, at hann hafði .iii. aureolas⁴, þat [er þria luti, þas sem hundraðfalldr avoxtr heyrir hverium⁶ til,⁷ skirlifi oc predican oc pislarvætti. Hit ellipta, at hans heilagleikr var kunnr⁸ bæði Juðum
 15 oc heiðingium oc kristnum monnum. Hit tolpta, at hann var enn⁹ algervasti hirtingarmaðr sins eiginligs likama, sem Lucas segir, at hann drakk eigi afenginn drykk, oc Matheus segir, at vist hans var locuste oc skogarhunang, oc hann huldi likama sinn með ulfallda hári oc var i eyðimork til birtingardaga sinna. Hit þrett-
 20 anda, at hann var hinn fyrsti predicari himinrikis, þviat þeir er fyrrum kendu monnum kenningar, hetu monnum iardligum hlutum, oc sva het oc sialft logmalit, en þaðan af var predicat himinriki, sem Matheus vattar, at Johannes sagði: Iðriz þer annmarka, þviat nalgaz nu himnariki¹⁰. Hit fiortanda, at hann var uvin lastanna
 25 oc enn snarpasti vandlætismaðr um alla usiðu, oc þetta vandlæti var hans dauðasok. Hit fimtanda, at hann var hinn mesti hafn-
 anarmaðr heimsins. Hit sextanda, at burðartið hans er tignuð næst burðartið Kristz oc varrar fru.

Speculum Ecclesie gefr honum .x. nofn, oc kallar hann rödd,
 30 þviat hann for fyrir holdguðu guðs orði; hann er kallari domandans, þviat hann bað folkit bua guði¹¹ veg með goðum verkum. Hann er oc skirari hialpara vars, þviat hann skirði i Jordan helgara allra vatnanna; fyrirrennari domarans, þviat hann rann fyrir hon-
 um með predican her i heimi, oc eptir pislarsigr með fagnaðar-
 35 tiðindi til helvitis; framarr enn spamaðr, þviat hann syndi Krist

1 [tilf. øvr. 2 gudspiallz C. 3 sa øvr. 4 saal. B; aureola C; aureoles A, D. 5 [saal. B, C; eru þrir lutir þeir A, D. 6 mgl. øvr.
 7 þat er tilf. B, C. 8 kunnigr B, C. 9 hinn øvr. 10 himin-
 40 riki øvr. 11 fyrir tilf. A.

með fingri; engill, því at hann het monnum engiligu samlagi¹; brennandi lampi oc lysandi, þvíat hann for fyrir hinu eilifa liosi; vinr brudguma, þvíat hann er af Kristi eilifum brudguma sinnar kristni laðaðr til ens eilifa brullaups. Hann kallaz oc Paranimphus, þat er sa er brudina byr, þa er hana skal leiða [fyrir brudguma², a 5 þa leið sem hann [truir honum³ munu framast þoknaz Er hann fyrir því sva nefndr, at hann bio samansamnan⁴ rettruaðra manna, þa er at rettu er Kristz bruðr talit⁵ með [andligu skrauti⁶ goðra verka [ok með gimsteinum krapta⁷. Hann er⁸ Helias i anda, því at sva sem Helias man snua Juðum til sannrar iðranar i hinni 10 siðarri Kristz tilkvomu⁹, sva sneri Johannes þeim morgum til guðs i hinni fyrri hans hingatkvomu.

Enn hversu megu ver at makligleikum lofa sēlan Johannem, þar sem hinn heilagi¹⁰ Jeronimus hinn hæsti kennari talar sva af einni sottþindri ekkiu, er Paula het, oc fyrir ekkiudom atti sext- 15 ugfallðan avoxt: „Þo at allir limir mins likama [skiptiz i tungur¹¹, ok allir liðir hliðaði¹² með mannligri rödd, mætta ek eigi segia þat, sem makligt væri kröptum Paule ekkiu“, hversu megum¹³ ver þa tala af kroitum Johannis, þess er skinn með þrennum aureolis, skirlifis oc predicanar oc pislarvættis, þeim er hverr berr 20 hundraðfalldan avoxt, þar sem ver erum ufroðir oc iðrottalausir oc at rettu mallausir hia þvílikum philosopho¹⁴, sem var sēll Jeronimus, utan komaz sva at orði: Allir lutir eru meiri oc agætari, hæri oc dyrðarfullari at segia af¹⁵ enum helga Johanne, en þat meg i mannlig tunga tina¹⁶; því at hans goðir lutir hinir smæstu 25 eru margra heilagra manna hinir stærstu oc hinir hæstu. Hin fegrstu blom [hans blezaðrar¹⁷ tungu eru full af skynsemi oc himneskum röksemðum, oc ma kalla i hans sogu sva morg orðin sem stormerkin, þau er sem hinn feitasti¹⁸ seimr eru, því sætari sem þau eru smæra mulit¹⁹. Hafa þau sva margfalldan skilning, ef froðir menn 30 lita a þau, at æ oc æ finnz i þeim hulit annat agæti, þa er annat er upp grafit, oc því bið ek alla skynsama menn, at mer varkynni, þo at ek hafa meirr enn einfalliga talat um suma luti; er²⁰ þar su sok til, at ek truða, ef hans enar myrku figurur eða agætar²¹

1 sambandi C. 2 [i brudhviluna D. 3 [ætlar henni D. 4 saal. övr.; 35 samansafnat A. 5 talin D. 6 [saal. övr.; andligum krapti A. 7 [tilf. övr. 8 ok tilf. B, C. 9 saal. övr.; hingatkvomu A. 10 sæli B, D. 11 [yrði at tungum B, C. 12 saal. övr.; liðandi A. 13 Her beg. 2det Blad E. 14 spekingi D. 15 fra övr. 16 greina övr. 17 [saal. övr.; á hans A. 18 feskasti E. 19 saal. A, C, E; muld D, malit B. 20 bar övr. 21 hinar agætu övr. 40

spasögur væri glosulausar oc neykðar¹ fram bornar, mundi eigi synaz vitrum monnum, sem fyrir ofroðri² alðyðu væri brotið brauð vizkunnar, helldr at agætum gimsteinum væri kastað fyrir uskynsaum svin. Trui ek ok [þessa lengð³ munu þeim oskapfellda⁴, sem
 5 giarnari vilia heyra verallegar vikinga sôgur enn agæt verk valdra [vigmanna oc kappas hins krossfesta Kristz, en hinum ollum skapfellda⁶, sem með ser kenna nokkurn [part vandlætis⁷ rettrar truar oc astar mannkosta, þeira⁸ er hverr ma finna i lifssogu sæls Johannis; þviat þott ver rannsakim greinir þeira .vii. mannkosta, er
 10 naliga felaz allir undir, oc florir heita kardinales, enn þrir theologice, þa finz hinn sæli Johannes i aullum [gradum allra þeira⁹ hinn agætasti. Hversu ma trua¹⁰, at hann væri eigi hinn vitrazti, þar sem hans orð eru uleysiligt¹¹ lögmál almattigs guðs oc full af hans hinni haleitustu vizku? Þat er oc uheyriligt at trua hann
 15 eigi hinn fremsta i stillingunni, þar sem hann gerði eigi reiðan motmæli ne bliðan eptirmæli. Þat er oc usannligt at ætla, at hann hafi eigi þegit giof hins algiorfasta¹² styrkleiks, þar sem
 20 hann valdi ser¹³ hinn þrongvasta veg vars drottins boðorða, hinn meinlatsamligsta¹⁴ lifnat, oc þolði a þat ofan hatr vandra manna oc hernað, oc hneigðiz¹⁵ þo hvergi fra uppteknum styrkleik i nokkurri mannraun. Auðsynt er oc þat, at hann var retlatr, þar sem sialfr guðs son mællti við hann, þa er hann tok skirn af honum: Með þessum hætti, at skilia sem við höfum fram, somir okkr at fylla alt retlæti. Þat ma oc engis kostar vera, at eigi væri hann
 25 hinn hæsti i sannri tru, þar sem hann var til þess i heiminn sendr at syna þa eina vera sanna tru at trua a Jesum Krist. Þat er oc liosi biartara, at hann var hinn agætazti at vaninni¹⁶, þar sem hann kendi ribbolldum oc ransmonnum oc auðrum storglæpamonnum, [þeim sem dræpir¹⁷ voru i logmali, at þeir [tryði sik auðlaz mundu¹⁸
 30 himinriki fyrir iðran annmarka oc yfirbot¹⁹ goðra verka. Þat er oc umakligt²⁰ at trua hann eigi hinn haleitazta i ast bæði við guð oc menn, þar sem hann syndi hverium [hinn hæsta²¹ goðvilia

1 nökkvidar øvr. 2 saal. øvr.; ufræði A. 3 [saal. øvr.; þessar lengðir A. 4 saal. øvr.; oskapfelldar A. 5 [saal. øvr.; vigamanna A. 6 saal. B, D, E; skapfelldra A, C. 7 [saal. A, D; vandlætis part øvr. 8 þa øvr. 9 [saal. A, D; þeim ok ollum þeira gradum øvr. 10 truaz øvr. 11 saal. øvr.; uleynilig A. 12 algiorligsta øvr. 13 gangandi tilf. øvr. 14 meinlætsamligsta øvr. 15 hneycktiz C. 16 saal. øvr.; nafni A. 17 [saal. øvr.; þeir sem drepnir A. 18 [saal. øvr.; mundu sig trua óðlaz A. 19 Her ender E. 20 umattuligt B, D. 21 [saal. øvr.; hinum A.

i heilsamligri¹ kenning, þeim er a hans fund sattu, enn fyrirlet alla heimliga hluti, til þess at hann tæki eitt at moli, þat er almatkan guð, oc var hans eptirlikiari um alla luti, sva sem manni var matuligt², utan iartegnakraft her i heimi. Er nu truanligt, at því storvirkuligarr³ leysi hann salur kristinna manna af hreinsanar-
 elldi i auðrum heimi, þar sem hann framdi sin goð verk naliga
 allan sinn alldr at eins at⁴ guðs vitni her i heimi oc gerði her
 engi takn, at allr hans verðleikr tæki því meira aukning til andligra
 takna i eilifu⁵ lifi, sem taknin veittuz eigi likamliga fyrir hann i
 þessu hinu augabragðligu lifi. 10

Truiz oc, at hann muni⁶ þa eina luti misgert hafa, sem varlla er i sialfræði manzins, þar sem hann var sva helgaðr i moður kviði, at hann matti eigi fremia dauðliga synð. Enn Gregorius hinn mikli segir þetta af fyrr nefndum Johanne: Hversu matti hann i vistaneytzlunni misgera, þar sem hann snæddi at
 eins locustas oc skogarhunang, eða hversu matti hann misgera i
 klæðabunaði⁷, þar sem hann huldi likamann með ulfallda hári?
 [Eða hversu⁸ matti hann synðgaz i samlifnaði alðyðu, er hann
 gekk alldri naliga af eyðimork, eða hversu matti hann misgera i
 fiolmælg, þar sem hann var fiarri monnum, eða hversu matti hann
 misgera i þogn, er hann avitaði snarpliga þa menn, er til hans
 komu [sva segiandi⁹: „Hverr kendi yðr at flyia undan ukominni
 reiði, þar sem þer erut eitorma undireldi?“ Enn hvat bendir
 þat, segir hinn sami Gregorius, er þessi haleiti guðs¹⁰ maðr Jo-
 hannes er lofaðr með guðligri rödd oc do þo druknum monnum
 til skemtanar oc fyrir danzlaun, nema þat at almattigr guð þolir,
 at hans hinir hæstu vinir, þeir er hann valdi fyrir verallder, fai
 akaflega fyrirlitning i þessi veröldu oc se þröngðir i hinum lögst-
 um hlutum, til þess at þeir hefiz upp um [alla fram manz¹¹
 ætlan i hinum hæstum hlutum, oc til þess at þeir, sem eigi vilia
 her¹² iðraz annmarka sinna¹² i þessi verold, eða ofvilnaz sva fram-
 arlliga, at þeir ætla, at guð muni óngvan vilia fyrirdæma sakir
 sinnar omeldrar¹³ milldi, dragi dæmi af þessu, hvart guð mun
 þyrma sinum uvinum, þar sem hann þyrmir eigi vinum sinum, at
 þeir viti af þvílikum dæmum, hversu ogurliga þeir munu pinaz¹⁴, 35

¹ heilagri B, C. ² mattuligt D. ³ storvirkligarr övr. ⁴ i B, C; mgl. D. ⁵ saal. övr.; andligu A. ⁶ naliga tilf. B, C. ⁷ klæðabuningi B, C. ⁸ [saal. övr.; Eigi A. ⁹ [ok sagði övr. ¹⁰ mgl. övr. ¹¹ [fram allra manna B, C. ¹² tilf. B, C. ¹³ omældrar övr. ¹⁴ saal. övr.; fyrir-dæmaz A.

er hann hata, þar sem þeir pinaz mikiliga, er hann elska, eða með hvilikri fyrðæming þeir munu at dominum lostnir¹ vera, er hann rekr fra ser með bolvanarorðum, ef þeira lif verðr þrongt, er hann berr hit hæsta viti með agætum lofsorðum. Þvi er nauð-
 5 syn, at engi klappi sialfum ser, at ekki stoðar, þo at hörundin² eða heimrinn oc fiandinn geri þat lett, er guð gerir þungt. Ok ef ver höfum her til illa lifat, litum nu a pisl hins agæta Johannis [oss³ til iðranar⁴, oc a lif hans oss⁵ til eptirdæmis algiorrar yfirbotar, þviat þa ma hann allt þat, er hann vill, þiggia af guði oss til
 10 handa, ef ver fylgium hans dæmum⁶.

Komum nu fyrir auglit Jesu Kristz með algiorri synða iatning oc biðium sælan Johannem, at hann arni oss þeirar miskunnar af hinum eilifa konungi, at sva sem hann skirði mannfolkit i Jordan undir van ukominnar synðalausnar, skirims⁷ ver nu oc þvaimz af
 15 ollum varum annmorkum i iðranar tarum, oc þolim heðan af rösklega alla aumleika þessar ennar veslu veralldar oc sialfa dauðans kvol, ef guð vill þess⁸ krafit hafa fyrir hans eptirdæmi, at sva sem hinn sami Johannes baptista óðlaðiz, þa er hann skirði Jesum, at bera vitni um birting allrar guðs þrenningar, leiði hann oss at
 20 liðnum varum lifsdögum⁹ reinsaða af öllum synða sauri at sia þa ena somu guðlega þrenning. Þat lati ser soma oss at veita almattigr guð, sa er með feðr oc helgum anda lifir oc rikir um endalausar alldir verallda¹⁰. Amen.

1 *saal. øvr.*; leystir *A.* 2 *horundit D.* 3 *saal. D*; ok *A.* 4 [til eptir
 25 iðranar *B, C.* 5 *mgl. B, C.* 6 *Her indskyder B og C, hvad A og D har ovenfor S. 918¹⁶⁻²⁵: Sea ma — helgir englar.* 7 skirimz *øvr.* 8
saal. øvr.; oss *A.* 9 lifdogum *B, C.* 10 allda *B, C.*

ANMÆRKNINGER

VED DE TIL JONS SAGA IV HENHØRENDE VISER.

De ovenfor Side 509—512 trykte Viser meddeles her i normaliseret Orthographi med nogle Textforbedringer, der for største Delen skyldes Professor Sophus Bugge, hvis Velvillie Udgiveren ogsaa skylder de fleste af de til Visernes Forklaring meddelte Oplysninger.

Af Forfatteren til de 3 første her citerede Viser, Nikolaus Abbed til Thveraa Kloster, død 1160, anføres ogsaa en Vise i Snorra Edda II, 186.

Unni allra manna
alskýrr ok mey dýrri
heilagr Krístr hins hæsta
hreinfífis þér einum.

Valði heims ok hölða
hauksnjallr konungr allrar
sér til sýslu stjóra
sárvæginna þik frægan.

Ordfølgen: Alskýrr heilagr Krístr unni allra manna einum þér ok mey dýrri hins hæsta hreinfífis. Heims ok hölða hauksnjallr sárvæginna konungr valði þik frægan sér til stjóra allrar sýslu.

1 sárvæginna, lemfældig i at tilfæie Saar, her vel = eirsamr, mild, skaansom.

Þeim unni Guð geymi	Jón heyrðir þú orða
guðdóms er vel sómir	eilífs föður deili
hreinum himna sýnar	holtr við oss ok allan
hirðarvist með Kristi.	almátt lítaz knáttir.

1 *Bugges Rettelse for sia, da Verset fordrer Tostavelsesform; dog kunde man maaske her læse séa, den ældre Form = oldt. sehan.*

Ordfølgen: Guð unni hreinum guðdóms geymi¹, þeim er hirðarvist með Kristi sómir vel, himna sýnar. Jón, holtr við oss, þú heyrðir orðadeili² ok knáttir líta almátt eilífs föður.

1 *Guddommens rene Vogter d. e. Johannes.* 2 *omstændelige, nøiagtige Ord.*

Sjálfir unni þér sinna	Hátt gengr vegr sá'r veittir
snjallr postoli allra	vagnbryggju þér tyggi,
sal-deilandi sólar	Jón ert þú hreinstr und háva
siklingr framast miklu.	hjarlborg skapaðr karla.

Ordfølgen: Sjálfir snjallr sólar saldeilandi¹ siklingr unni þér miklu framast allra sinna postola. Vegr², sá'r vagnbryggju tyggi³ veittir þér, gengr hátt und háva hjarlborg⁴; Jon! þú ert skapaðr hreinstr karla.

1 *som giver (Menneskene) Del i Solens Sal (d. e. Himmelen).* 2 *Ære, Hæder.*
3 *Vagnbryggju (Karlsvognens Brygges d. e. Himmelens) tyggi (Konge d. e. Gud).* 4 *hjarlborg, Borgen, Befæstningen over Jorden d. e. Himmelen.*

De følgende 3 Viser ere af Kanniken Gamle, Forfatteren til Digtet Harmsól, udgivet af Sv. Egilsson som Program fra Bessastada Skole 1844.

Tignar frá ek þik upphaf eignask,	sólar ranns at siklingr unni
eigi mistir blezan Kristi	seima brjót ¹ í þessum heimi
ráðeflandi, risnu prúðan,	mærðar köenn ok móður sinni
rekka liðs, af flærðar hnekki:	mætra lífs en aðrir gæti.

1 *Bugges Rettelse for brjotr.*

Ordfølgen: Ek frá þik, risnu prúðan, eignask upphaf tignar af flærðar hnekki¹; (eigi mistir blezan Kristi, rekka liðs ráð-eflandi!): at² mærðar köenn sólar ranns siklingr unni seima brjót³ ok móður sinni mætra lífs, en aðrir gæti í þessum heimi.

1 *Falskheds Undertrykker d. e. Christus.* 2 *at maa forbindes med den foregaaende Halvstrophe: „i det nemlig.“* 3 *seima brjót (Dativ) d. e. Johannes.*

Brigð kómu þess brátt er hugði
bölflyldr konungr verða skyldu,
harðla fljótt þviat huggan veitti
hreggskríns jöfurr frænda sínum.

1 *Bugges Rettelse for hreinir.*

Alla náði eirar stillis
ítr postoli dýrð at líta,
humra nausts þá'r höfðu flestir
hreina 1 þollar fréttir einar.

Ordfølgen: Brigð kómu brátt þess, er bölflydr 1 konungr hugði verða skyldu, þviat hreggskríns 2 jöfurr veitti harðla fljótt frænda sínum huggan. Itr postoli náði at líta eirar stillis 3 alla dýrð, þá er flestir humra nausts hreina 4 þollar höfðu fréttir einar 5.

1 *En Forandring indtraadte snart af det, som (d. e. det gik ganske anderledes end) den onde Konge (Domitianus) havde tænkt.* 2 *hreggskrin, Uveirets Gjemmested d. e. Himmelen, dens Konge d. e. Gud.* 3 *Fredens Konge d. e. Gud.* 4 *humra nausts hreina (Humrenes Nøsts d. e. Havets Reners d. e. Skibenes þollar Trær d. e. Menneskene).* 5 *Apostelen Johannes opnaaede selv at se al den Guds Herlighed, som andre Mennesker kun kjende af Omtale.*

Systrungr hefr 1 nú alt þaz æstir
ýta hilmis giptu flýti
sólar vangs með sjálfum deili
synðalauss í fullu ynði.

Dróttinn valði drengja sætti
dyggra líf en menn of hyggi,
alla hlaut af engla stilli
Jón postoli dýrð ok kosti.

1 *Rettet af Bugge for hefir, da Verset fordrer Enstavelsesord.* 2 þaz (d. e. þat es = þat er) *Bugges Rettelse for þat.*

Ordfølgen: Yta hilmis systrungr hefr nú alt þaz (nl. hann) æstir giptu flýtir, synðalauss í fullu ynði með sjálfum sólar vangs deili. Dróttinn valði drengja sætti dyggra líf en menn of hyggi; Jón postoli hlaut alla dýrð ok kosti af engla stilli.

1 *giptu flýtir Salighedens Befordrer d. e. Gud.*

Hörðu lát mik hverju firðan,
hreinlífr faðir! dróttar meini,
(síðan mætti vár of eyðask
andar sár), þvi'r ljónum grandar.

Flotna, vilda'k fra þér aldri,
ferð 1 geymandi! skiliðr verða;
uggr er mér, hvárt þá 2 má'k þiggja
þessa gipt, er heimar skiptask.

1 *Rettet for frið paa Grund af Rimet verða.* 2 *Bugges Rettelse for þat.*

Ordfølgen: Hreinlífr faðir! lát mik firðan hverju dróttar meini, þvi'r ljónum grandar; síðan mætti 1 vár andar sár of eyðask. Flotna ferð 2 geymandi! ek vilda aldri verða skiliðr frá þér. Uggr er mér, hvárt ek má þiggja þessa gipt, þá er heimar skiptask 3.

1 *Ønskende: Gid vore Aandssaar (vor Syndeskyld) maatte hæves.* 2 *Flotna ferð Mændenes Skare d. e. Menneskene, deres Bevarer, Frelser d. e. Christus.* 3 *naar Verdenerne ombyttes, naar jeg ombytter denne Verden med hin.*

*De følgende Stropher af Kolbein Tumason, død 1208, ere trykte
Biskupa Sögur I. 570, 571.*

Angrfellir! vartu öllum
einn postolum hreinni
heilags Kristis í hæstu,
happskeytr, föruneysi.

Unni engum manni
jahnheitt friðar veitir
þýðr sem þér ok móður,
þat er minniligt, sinni.

Ordfølgen: Happskeytr angrfellir! vartu í Kristis hæstu föruneysi einn hreinni öllum postolum. Þýðr friðar veitir unni engum manni jafnheitt sem þér ok móður sinni; þat er minniligt.

1 *Heldig som Skytte i at fælde Sorgen d. e. Apostelen Johannes.*

Miðr gekk(t) þú einn en aðrir
öðlings frá þíningu,
svikbannandi! sunnu,
snjallr, postolar allir;

þvíat drengr í styr ströngum
stótt þú hjá kvöl dróttins
blíð ok bragnings móðir
byrstrandar grátandi.

Ordfølgen: Þú gekkt, snjallr svikbannandi! einn miðr en allir aðrir postolar frá sunnu öðlings þíningu; þvíat þú — ok byrstrandar bragnings-
blíð móðir grátandi — stótt hjá kvöl dróttins drengz í styr ströngum.

1 byrströnd, *Vindens Strand, Hjemstavn d. e. Himmelen, dens bragningr (Konge) d. e. Gud.* 2 *som en Helt i den haarde Kamp (jef. ovenfor S. 511²⁹ guðs riddarinn stóð í stríði várs græðara undir krossinum).*

Sjálfir kallaði sællar
sólknarrar þik harri
son Mária, særar
sundhyrs! í kvöl bundinn.

Ráð fal ræsir lýða
risnu kendr á hendi,
diks, áðr dauðann tœki,
dagrennir! þér hennar.

1 *Gudbrandr Vigfussons Rettelse for sólknarri.*

Ordfølgen: Sjálfir sólknarrar harri, bundinn í kvöl, kallaði þik son sællar Mária, sundhyrs særar! Risnu kendr lýða ræsir fal hennar ráð á hendi þér, diks dagrennir! áðr tœki dauðann.

1 *knarri, m. Biform til knörr, se Sn. Edd. II. 136; sólknarri Solskibet d. e. Himmelen, dens Herre d. e. Christus.* 2 *sundhyrr (eg. Havilden) Guld-
det, dets Saarere, d. e. Mænd! Tiltale til dem, som høre Skalden kvæde
Digtet.* 3 *diks dagr, Guld det, dets rennandi, som udgiver det d. e. Mand,
her Johannes.*

Kœnn, léztu þú hag hreinnar
höfðingi! dróttningar,
hafs meðan hyrþöll lifði,
huggatz blíðliga síðan.

Þér var hon, sem hárar
hildingr skipa vildi
(ykr lofar) éla þekju
(öll þjóð) í stað móður.

1 *rettet for leit.* 2 *rettet for hugat.*

Orðfolgen: Kænn höfðingi! þú lézt huggat¹ síðan blíðliga hag hreinnar dróttningar, meðan hafs hyrþöll² lifði. Hon var þér í móður stað, sem hárar éla þekju hildingr³ vildi skipa; öll þjóð lofar ykr.

¹ lézt huggat = huggaðir. ² hafs hyrþöll (*Havildens d. e. Guldets Fyrretræ*)
Kvinden d. e. Jomfru Maria. ³ det høie Uveirtags (*d. e. Himmelens*)
Konge d. e. Christus.

Frami gengr hátt, sá er himna	Hár er á hvern veg meiri
herteitir þér veitir,	hyrbjóðr en kyn þjóðar
snardeilandi sólar	alda garðs með orðum
sunds! á margar lundir.	yðra dýrð geti skýrða.

Orðfolgen: Frami sá er himna herteitir¹ veitir þér, sunds sólar snardeilandi²! gengr hátt á margar lundir. Hár alda garðs hyrbjóðr³! [meiri er á hvern veg en þjóðar kyn geti skýrða yðra dýrð⁴.

¹ himna her-teitir *som glæder Himlens Hærskarer d. e. Gud.* ² sunds sólar (*Havets Sols d. e. Guldets*) snardeilandi (*raske Uddeler*) *d. e. Johannes.* ³ alda garðs (*Bølgerækkens*) hyrbjóðr (*Ildbyder*) *den gavmilde Mand d. e. Johannes.* ⁴ [maa forstaaes saaledes: meiri er yður dýrð en þjóðar kyn (*Menneskeslægten*) geti hana skýrða.

TRYKFEIL.

47 ²⁶	varalldar	<i>læs</i>	veralldar	643 ³⁴	5 [fulluliga	<i>læs</i>	[fulluliga
72 ²⁴	undir sir	-	undir ser	645 ¹⁷	menndrapa	-	manndrapa
190 ²⁴	fríðarboði	-	fríðarboð	669 ³⁴	2 Karolus	-	4 Karolus
234 ¹³	viescart(?)	-	viescart(!)	768 ²⁹	su tala	<i>burde maaske være .xii.</i>	tala
270 ¹⁸	allzvallandi	-	allzvalldandi	847 ²⁶	vidi	<i>læs</i>	vi(n)di
271 ³⁷	15 verolldu	-	12 verolldu	864 ²⁰	nndan	-	undan
415 ³⁸	Nathaniel	-	Nathanael	879 ²⁸	Ysaays	-	Ysayas
480 ³²	andalykt	-	endalykt	889 ³⁷	synðagealldz	<i>B</i>	synðagealldz <i>A</i>
533 ²⁸	ufuldendt	-	ufuldendt i	902 ³⁵	deyra	-	dreyra
643 ¹	hiartans ¹⁴	-	hiartans ¹	906 ³⁶	hones	-	hannes

52
Evang. hist.
462

23366

Postola sögur.

PONTIFICAL INSTITUTE
OF MEDIAEVAL STUDIES
59 QUEEN'S PARK
TORONTO 5, CANADA

23366

